





Ex Bibliotheca  
majori Coll. Rom.  
Societ. Jesu



---

---

# FASCICULUS RERUM

Expetendarum & Fugiendarum.



---

---

# Imprimatur.

Maii 5.  
1687.

*Joannes Battely, Reverend. in Christo  
Patri ac Domino Domino Wilhelmo  
Archiepiscopo Cantuariensi à Sacris  
Domesticis.*

---

---

# F A S C I C U L U S R E R U M

Expetendarum & Fugiendarum,

Prout ab

ORTHUINO GRATIO Presbytero *Daventrïensi*,

Editus est COLONIÆ, A.D. M D X X V.

In Concilii tunc indicendi Usū & Admonitionem ;

Ab innumeris mendis repurgatus juxta Editiones singulares & potiores plerorumque Tractatuum qui in eo continentur :

U N A C U M

A P P E N D I C E five T O M O I I.  
Scriptorum Veterum

( Quorum pars magna nunc primum ē MSS. Codicibus in lucem prodit )

Qui ECCLESIAE ROMANÆ Errores & Abusus detegunt & damnant,  
necessitatemq; REFORMATIONIS urgent.

*Quorum omnium Ratio in Præfatione ad Lectorem redditur.*

Cum I N D I C E rerum præcipuarum amplissimo ; in omnium quidem gratiam concinnato ; sed folis D. Inquisitoribus hæreticæ pravitatis dedicato.

Operâ & studio EDWARDI BROWN, Parochi *Sundrigia*  
*Bibliothecæ* in agro Cantiano. *Secr. Coll. Rom.*

Psal cxxiv. 2, 3, 6, 7. *Nisi quod Jehovah sit nobiscum, quum insurgerent adversum nos homines, tunc civos deglitterent nos, quum iraceretur furor eorum in nos — benedictus Jehovah qui non dedit nos prædam dentibus eorum — laqueus contritus est, & nos evasimus.*

S. Mat. xxiii. 15. *Va vobis Scribæ & Pharisei, hypocritæ, quoniam circumcitis mare & aridam ut faciatis unum profectum : & cum fuerit factus, facietis eum filium gehennæ duplo magis quàm vos sitis.*

*Loc.* L O N D I N I; *Septu*  
Impensis RICHARDI CHISWELL ad insignē *Rosæ Coronatæ* in  
Cœmeterio S. Pauli, MDCXC.



Reverendissimo in *Christo* Patri, & Honoratissimo Domino,

W I L H E L M O

Providentiâ Divinâ Archiepiscopo *Cantuariensi*, totius  
*Angliæ* Primati & Metropolitano, Domino  
& Patrono meo obervandissimo ;

Necnon Reverendo admodum in *Christo* Patri

H E N R I C O,

Illustrissimo Sedis *L O N D I N E N S I S* Episcopo.

*Illustriss. DD. Dominis meis honorandis.*

*Reverendissime atque Eminentissime D. Primas,  
Reverende admodum Pater & Domine Illustrissime*

**I**N lucem emissurus varia *Magnorum Virorum* opuscula, quæ vel jamdudum ab Ecclesiâ *Romanâ* damnata sunt, vel illico sunt damnanda, non satis eis præsidii & tutelæ esse existimavi, quod à tantis & tam præstantibus viris & Ecclesiæ *Romanæ* filiis conscripta fuerint, & tam eximia pietatis & probitatis *Christiana* testimonia & argumenta in se contineant ( quod tamen censores, siquid eorum quæ in eis damnant haberent, pudefaceret ) quin Vestro ea patrocínio munita, Vestrisque nominibus clarissimis inscripta palam prodire jubeam ; quippe qui norim certissimè, ea sanctioris & melioris Ecclesiæ Præsulibus eruditissimis & optimis fore gratissima, maximiq; facienda, quæ ab Ecclesiâ istâ corrupâ & degenerare rejiciuntur & prohibentur. Quare autem Vobis ante alios, Reverendissimi atque Illustrissimi Domini, ea statui dedicanda, neminem latere potest nisi qui cum *septem dormientibus* ( quos celebrat Ecclesia *Romana* ex præclarâ istâ somniorum historiâ, quam contexuit Archiepiscopus \* *Genuensis* ) diu & altum dormivit, nec quid in *Angliâ* gestum est superiore anno rescivit ; & id per me licet, usque nesciat, donec proximo seculo expergefactus totum ab histo-

\* In *antiqua  
Legenda*,  
fol. 112.  
edit. *Basil.*  
149.

ricis discat. At qui non nesciunt quo pacto Vos, Illustrissimi Domini, ob constantiam Vestram erga patrias Regni & Ecclesiæ leges laudatissimam tractati estis, persentiscunt faciliè quàm æquè hæc Dominationibus Vestris nuncupantur, quæ parem cum bonis libris censuram & sortem subierunt; pejorem longè subituræ si res ex eorum sententiâ cessisset qui tantam Vobis molestiam crearunt. Paternitati & Dominationi Vestræ, Reverendissime Primas, secundum Deum Opt. Max. omnia mea debeo; è cuius ipsius bibliothecâ nobilissimâ, aliqua hic publici juris fiunt, quæ vix alibi occurrunt: improbus ergo & ingratus forem, si quæ privata & publica beneficia ex Vestrâ hausi munificentiam, tacerem; & utinam aliquid mihi liceret agere tanto patrono dignum! Et Tu, Domine Illustrissime, nihil non officii & obsequii à me mereris, qui de Republicâ & Ecclesiâ Anglicanâ, sicut & de republicâ literariâ tam egregiè meritus es; præterquam quòd multis nominibus Vestram beneficentiam expertus fuerim annis aliquot retroactis. Ea igitur sub auspiciis Vestris prodeant, quæ in rem Vestram non parum conferent. Præclarissimorum aliquot virorum, Vestri sanctissimi ordinis sicut & patriæ, exhibentur hic monumenta, quæ authorum tyrannidi papali in faciem resistentium magnanimitatem & probitatem in omne ævum prædicabunt: ii sunt *Robertus Grossetest* Episcopus *Lincolniensis* (in eadem Provinciæ *Suffolciensis* parte natus, qua Vestra Dominatio, Reverendissime Primas, primum halitum hausit; cujusque tractatulum *De Patientia* mihi obviam factum opportunè cum *Septemviri* Ecclesiæ Anglicanæ *Confessores* ad angustias redacti essent, de industriâ in Vestri gratiam excipisti; quod in MS<sup>o</sup> codice etiam, unde omnia illa sumpsi, annotatum est) cujus sermo coram Papa *Innocentio quarto*, corruptissimum tunc temporis Ecclesiæ statum arguit; à *Johanne Huf* in lib. de Ecclesiâ, cap. 18. mirè laudatus: & *Richardus Radulphi filius*, vulgo dictus *Armachanus* (Academix *Oxonienfis* suo tempore Cancellarius uterque) qui coram *Innocentio sexto* detrimenta à Monachatu Ecclesiæ facta fortiter exprobravit. Et multa quidem sunt hujusmodi tum in Fasciculo ab *Orthuno Gratio* congeſto, tum in ampliori Appendice quæ eum comitatur, quæ fastum & libidinem Pontificiam non minus retundunt & comprimunt, quàm patriæ libertatis & juris vindices quosque, & assertores decuit. Et profectò res erat quasi prodigium stultitiæ demiranda, monachorum & Jesuitarum examina ausa fuisse huc, contemptis legibus, turmatim convolare, cum faciliè potuerint prævidere, gentem tam potentem & nobilem, tamque à religione Pontificiâ averſam, istiusmodi balatrones diu non esse laturam. Si me non forent in Angliâ longè sapientiores, profectò vellem ut semel in centum vel in ducentis annis huc accedant Papæ nuncius, & quatuor vicarioli (scilicet) Apostolici

## Epistola Nuncupatoria.

*Apostolici & Jesuitulus à Consiliis*; certissimo causæ, quam aucupantur, exitio futuri. At veniunt, inquit, ad convertendam *Angliam*: imò veniunt ad convertenda omnia in Papæ & ipsorum commodum; in suis maneant cellulis; nos nullâ eorum operâ indigemus, meliori per Dei gratiam religione instructi & imbuti, quàm nobis per bullas Pontificias & nœnias nescio quas derivari possit. At pristina sua jura, dicunt, recuperatum veniunt: sed quicquid unquam juris hic in *Anglia* habuit Pontifex *Romanus* (ut multum quidem, præter ea quæ ultrò usurpavit & surripuit, habuisse fateor, per incautorum & indoctorum seculorum inscitiam cum superstitione crassâ conjunctam) id illi nulla aliâ ratione competiit, nisi ex patris legibus indultum & concessum; eademque potestas quæ hoc illi donavit, idque temerè & insipienter, æquiori longè ratione idem illi abstulit. De auferendi potestate lis est: non posse hoc fieri contendunt *Romanistæ*; quasi omnibus *Angliæ* Regibus standum esset *Johannis* Regis stultitiæ & temeritati: at iisdem hoc argumentis probant nostri fieri posse, quibus probant licere hominibus post diutinas ineptias & deliramenta resipiscere; post detectos errores & fraudes, sibi cavere & patefactam amplecti veritatem; post denique innumera gravamina & expilationes & injurias ab alienâ potestate, cui iniquè obeditum est, inflictas & extortas, sese ab eis omnibus vindicare, libertatem sibi naturalem asserendo: injustè enim datum, vel raptum & detentum, justissimè ab hærede vero requiritur à non bona fidei possessore. Nec auderem equidem ego hæc in fronte operis (qualecunque id demum est) mei tam fidenter Paternitatibus Vestris Reverendissimis & Dominationibus Illustrissimis scribere, nisi ætas hæc id dictum efflagitarit, totumque quod aio possem inconcussis argumentis demonstrare. Magna pars operis, quod præ manibus habetis, Viri præstantissimi, multarum Nationum querelas antiquas de Pontificum *Romanorum* injuriis, vitiis & abusibus clarissimè exhibet: eas ego hic congeffi & auxi, ut afflictæ nuper Ecclesiæ, quam animitus amo, inservirem, totique mundo testatum darem non posse *Romanistas* erga nos esse mitiores, qui eorum cultum & religionem averfamur, quàm fuerunt olim erga majores nostros, qui nihil sanctum nisi quod *Roma* probatum est, miserrimè crediderunt: quorum benevolentiam prodigam reverentiamque erga *Romanam* sedem, admirandam, dum tantis laudibus efferunt, easque in opprobrium nostri deprædicant, quasi à sanctissimarum ætatum moribus degenerantium; næ illi id agunt, suo more, ut fucus & dolus inscio populo fiant, & ad id præconiis fictis gens *Anglica* pelliciat, cui omnia alia eorum argumenta militant; scilicet ut nos iterum in captivitatem stultissimam ducant & in paradysum satuorum; immemores interea, vel (quod potius credo) maximè ignari, Reges &

## Epistola Nuncupatoria.

Principes nostros, avorum & proavorum memoriâ, non adeo elatos esse nimio in Pontificem Romanum amore, quin in ejus Curiam (quæ Pontificem regit) fuerint infensissimi: immo à multis retrò seculis præviderunt, Gravamina ista, quibus gens nostra per Curie Romane ministros miserrimè oppressa est & debilitata, ex sese aliquando Reformationem paritura esse cui nunquam Pontifex vellet annuere. In majorem hujusce rei evidentiam & probationem, liceat mihi pace Vestrà, Viri magni, testimonium proferre illius Guilielmi qui Conquestor audit; qui licet in rebus Bellicis quàm Ecclesiasticis versatior fuerit, non potuit tamen ad Cleri & Populi sui voces querulas obsurdescere, quin eis victus & fatigatus, ipsa Papæ Romano (mirum ni execrabili isti Hildebrando) hæc rescriptit

\* Extat

hæc charta  
in Opere  
(merito  
appellato)  
eximio de  
verâ differe-  
rentia Re-  
giæ potes-  
tatis & Ec-  
clesiasticæ;  
excuso Lan-  
dini in ædi-  
bus Berthe-  
leri, typo-  
graphi Re-  
gii, A. D.  
1534. f. 53.  
& reculo  
inter Scrip-  
ta egregia  
Monarchiæ  
Goldasti.

\* Nobis gregi Dominico (cui disponente Domino præsidemus) desiderantibus (ut tenemur) consulere, necessitatibus atque periculis obviare, necnon honores & libertates Ecclesiæ nobilis Anglicanæ, ac jura nostra hereditaria, quæ progenitorum nostrorum dignè recolenda prioritas magnificè defensavit, nostris tueri temporibus & augere, quedam quæ præ ceteris occupant mentem nostram, in puritate spiritûs sanctituti Vestræ patefacimus. Ipsa quidem Ecclesia mater nostra, quæ inter alias Ecclesias orbis terræ, in censu temporalitatis exuberans & divini cultûs officiis, ministrorum devotorum obsequiis, pietatis & hospitalitatis operibus ac nobilitatis prærogativâ semper floruit & honoris, dum sua patebat opulentia filii propriis in ejus ministerium, non per ambitionem sed à Deo vocatis; jam per impositiones importabiles & provisiones excessivas sedis Apostolicæ factas indistinctè tam exteris quàm Anglicis plerumque nobis suspectis & exosis (precibus nostris oblatis pro dilectis nobis peritis & providis penitus obauditis) sic atteritur, deprimitur & turbatur proventibus complurium dignitatum & beneficiorum suorum pinguium collatis personis alienigenis qui non resident in eisdem, suorum vultus pecorum non agnoscunt, linguam non intelligunt, sed velut mercenarii solummodo temporalia lucra quærunt, & (ut de turpibus aliis taceamus) per quæ scandala pullulant, & nervus vilescit Ecclesiasticæ disciplinæ; sic animarum cura negligitur, diminuitur Christi cultus, &c. Cumque hæc & alia ejusmodi Papæ monstrarat, & pericula exinde nascentia cleroque & populo damnosa exposuerat, tandem dicit-----Adimatur onus deprensus filiorum humeros; ne cogat eos necessitas ea tandem dejicere quæ diutius non possunt absque detrimento nimio supportari. Ante sexcentos annos hæc quidem acta sunt; cum Christianæ religionis puritas jacebat tenebris obvoluta; & clericorum degenerum fraude cum ceremoniis & superstitionum innovationumque sæce commutata: quid autem dixisset Rex, illique qui ei ab epistolis fuerunt, si animam & spiritum Evangelii calluissent, cultusque divini rationem ab umbris & fumo liberatam penitus cognovissent? Posteros coegit illa ipsa necessitas, quam Rex per transfennam vidit, ea tandem dejicere



## Epistola Nuncupatoria.

deicere quæ diutius non potuerunt absque detrimento nimio supportari: Miror ego Regis providentiam, quæ è longinquo prospexit à Pontificibus postpositam & neglectam Reformationem. Post undecimum illud seculum, eadem ubiq; occinuntur gravamina: quo enim sitientius sibi arrogarunt Papæ, Hildebrandi exemplo teterrimo, in rebus temporalibus dominium, & quò insolentius Imperatorum Regumque sceptris disponendis inhiant, eò magis suam ipsorum ἀλλοτριότητα, quavis ἀλλοτρίοτεσι κοπή deteriorem, Principibus invisam reddiderunt. Cum Robertus Grossetest è Lugduno redux, de obedientia Pontifici præstandâ, privatim cum Henrico tertio Rege sermonem miscuisset, idque jussu Pontificio, \* Domine Episcopo, \* In Epist. respondit Rex, quæ pertinent ad Coronam & Regalitem nostram, intendimus, sicut & debemus, conservare illas. Cum verò tempore proximi successoris sui, Edwardi primi Regis, arbitraria Papæ potestas sese in animum Regis insinuasset, & nescio quibus artibus se in negotiis quibusdam ad prærogativam Scotiæ spectantibus, judicem ferè constituerat, Parliamentum Papæ invadenti Regis & Regni jura rescripit acriter; & inter alia, hæc dicit: \* Regnum Scotiæ progenitoribus prædicti Domini nostri Regibus Angliæ atque sibi feudale extitit ab antiquo: nec etiam Reges Scotorum & regnum alii quàm Regibus Angliæ subsuerunt, vel subijci consueverunt: neque Reges Angliæ super juribus suis in regno prædicto, aut aliis suis temporalibus, coram aliquo Iudice Ecclesiastico vel seculari, ex libera præeminentia status suæ Regiæ dignitatis & consuetudinis cunctis temporibus irrefragabiliter observata, responderunt aut respondere debeant. Unde habito tractatu & deliberatione diligenti super contentis in vestris literis memoratis, communis, concors & unanims omnium nostram & singulorum consensus hic est ac erit inconcusse, Deo propitio, in futurum, quod præfatus Dominus noster Rex super juribus Regni sui Scotiæ aut aliis suis temporalibus, nullatenus judicialiter respondeat coram Vobis, nec iudicium subeat quoquo modo, aut jura sua prædicta in dubium quodvis deducat, nec ad præsentiam vestram procuratores aut nuncios mittat; præcipue cum præmissa cederent manifestè in exhereditationem juris Coronæ Regni Angliæ & Regiæ dignitatis, ac subversionem status ejusdem Regni notoriam; necnon in præjudicium libertatum, consuetudinum & legum \* paternarum, ad quarum \* Forte Patrimonium, &c. conservacionem atque defensionem, ex debito præstiti juramenti astringimur, triarum. & quæ manutenebimus tota posse, totisque viribus, cum Dei auxilio, defendemus; nec etiam permittemus, sicut nec possumus nec debemus, præmissa tam insolita, indebita, præjudicialia & alia inaudita prælibatum Dominum nostrum Regem, etiamsi vellet, facere seu quomodolibet attentare. Acta sunt hæc Lincolnæ A. D. 1301. & clarior quidem eorum sensus est quàm ut expositione egeant. Nec æquo audacius, vel à subditorum bonorum officio alienum, responsum illud videbitur, cum vel ipse Rex Henricus primus, Princeps eruditissimus, Guilielmi Con-

## Epistola Nuncupatoria.

questoris filius, non absimile responsum Paschali Papæ, Hildebrandinum quid postulanti dedit; cui obedientiam à suis antecessoribus præ-

\* Citatur hoc Regis responsum à sanctissimo juxta ac doctissimo Archiepiscopo Armachano, 7. Vsseria, in libro suo *De Christianarum Ecclesiarum successionibus & statu*, pag. 95. edition. Londin. 1687. ubi proxima ejus verba lucem afferunt Processui contra Cardinalem Winton. qui habetur pag. 618. Appendicis ad Fasciculum.

stitam, si eâ contentus foret, lubens offert---\* *Eo videlicet tenore, inquit, ut dignitates, usus & consuetudines, quas pater meus, tempore antecessorum vestrorum, in Regno Angliæ habuit, ego tempore vestro, in eodem Regno meo integre obtineam: notumque habeat sanctitas*

*vestra, quod me vivente (Deo auxiliante) dignitates & usus Regni Angliæ non minuentur: & si ego (quod absit) in tanta me dejectione ponerem, Optimates mei, imo totius Angliæ populus id nullo modo pateretur. Habita igitur, charissime Pater, utiliori deliberatione, ita se erga nos moderetur benignitas vestra; ne (quod invitus faciam) à vestra me cogatis recedere obedientia. Cum ista autem à 500 & 400 ferè annis gesta sunt, etiam cum religio Papalis hic viguerit, & Rex ille & hoc ipsum Parliamentum Papam Ecclesiæ universalis pastorem existimaverint, quid (malum!) fascini hodiernos papistas detinet, quod tam indefessè conentur ut Angliæ iterum, quæ nullum cum Roma commercium exoptat colere, potestati Pontificiæ viliter subderetur? Cruce se signasset Cardinalis Bellarminus, si hæc Regis & Procerum fidelium & magnanimatorum rescripta vidisset: quorum sententia mille Alexandris Alesibus, Robertis Holcotis, Francis Maironis, Johannis Baconis, Thomis Waldensibus, Reginaldis Polis, & decem millibus Sanderis (quos ille \* nominatim enumerat Scriptores Britannicos hac in re, ut illi visi sunt, argumenti sui patronos & fautores) præponderabit. Millies foelicior est Ecclesia Anglicana sub Vestro & Vestri similium regimine, Reverendissimi Patres & Domini Amplissimi, quàm unquam fuerit vel esse possit sub Papali: illam nobis foelicitatem auferre & abripere diu & multum sategit Roma: tentarunt papistæ per exterorum Principum opem; tentarunt per execrabiles tumultus & rebelliones inter nos concitatas; tentarunt denique per nostros ipsorum Reges clanculum & insidiosè ad eorum partes pellectos, & à patria Religione (proh dolor!) alienatos, Ecclesiam Anglicanam subruere & evertere: sed, Deo gratias, incassum omnia: quid proximè tentabunt? Viderint ipsi; at nostrâ intererit, cum præsidio Divino, cavere. Si seriò vellent Roma in gratiam nobiscum redire, de remittendis refundendisque istis auri & argenti millionibus, quos ex bullis & palliis & annatis & denariis cæterisque gentium divitiis emungendarum artibus hinc corrasit, cogitet & statuatur necessum est: sed ab eâ Sancti Edwardi*  
Regis

\* In tract. de potestate summi Pontificis in rebus temporalibus adversus Guil. Barclaium, p. 25. edit. Colon. 1611.

## Epistola Nuncupatoria.

Regis Angliæ liberalitas laudabitur forsan, in exemplum verò vix trahetur; qui (uti narratur à \* Stephano Barone, Henrici octavi Regis Confessore) cum Consiliariorum importunitate victus taxam à populo exigere permisisset non necessariam, ductusque esset ad videndum thesaurum, stans à longe vir sanctus vidit diabolum similem simiæ sedentem super thesaurum; quapropter præcepit eam reddi his à quibus exacta fuerat; insistentibus autem eis ut potius in pios usus exponeretur; absit, inquit, ut ego exponam bona aliena subditorum meorum & laboratorum pauperum in elemosina: nonne videtis diabolum sedentem super cumulum pecuniæ & gaudentem quod nos captivavit laqueo suo? &c. Si mille ejusmodi Simiæ ærario Vaticano insiderent, ad Pontificis conspectum aufugerent & evanescerent omnes, vel alia aliqua via excogitaretur, quo minus quod illic semel inclusum est, ad nos unquam redeat: donec autem Pontifices Romani summam immensam à Vestris reliquisque Angliæ sedibus Episcopalibus expilatam (cujus quidem calculus non semel in hoc libro subducitur) reddant, improvidissime profectò secum aget Anglia, si eorum unquam posthac creditrix extiterit. Eam igitur, qui mirificè hætenus servavit, ab eorum fraudibus sospitet, Deus omnipotens, ejusque Ecclesiam præstantissimam tueatur; Ecclesiis quaquaversum Reformatas augeat & confirmet, Vestrasque Dominationes Ecclesiæ suæ bono & Christiani orbis paci & saluti; quantum in Vobis est, promovendis incolumes conservet, ut eorditus exoptat qui Vestras utriusque benedictiones supplex petit,

Paternitatum Vestrarum Reverendissimarum

Filius morigerus &

Sundrigiæ nonis Octobr.  
M DC LXXX IX.

servus humillimus

E. BROWN.

PRÆFATIO



# P R Æ F A T I O

## A D

# L E C T O R E M.

**C**um Pontifex Romanus ejusque clerus neque velint neque possint suam ipsorum doctrinam insanam, corruptissimamque ritus & mores in integrum reformare (multis enim legibus & decretis crassissimos errores sanxerunt) nec in aliis Reformationem ferre, nihil planè reliquum est filiis veritatis & pacis Christianæ (quales Ecclesiarum ritè Reformatarum cultores sese prestare sunt parati) nisi ut aquo animo istorum contumelias & convitia patiantur, & ab eorum insidiis sibi apprimè caveant: id est, cum Religioni statum, quem qualibet natio Christiana sibi pro fure suo naturali ascivit, juxta normam unicam fidei & morum, Verbum Dei, stabilendum, sartum tellum conservent, quantumvis frendeant Papa & Jesuita. Res est non modò admodum servilis sed & impia, Ecclesias & Nationes liberas legibus astringi quæ nullum in eis locum habent nec habere possunt. Pax quidem & unitas Ecclesia magna res est & sancta, sed nulla nisi depravatissima scœula eam in Vaticano fundarunt: & cum Roma ejusque satellites omnem nobis pacis sanctæ spem & rationem, ademerint & præripuerint, verum Dei cultum adulterando & inepta Paparum placita pro doctrinis imperiosè obtrudendo, res ipsa satis indicat, non per Protestantē stare, sed per tyrannidem Romanam, quo minus omnes Christiani unus grex fiant & in unum ovile coeant. Quod præstiterunt hac in re Ecclesie Reformatæ, errores & deliramenta Romanæ Ecclesie abjiciendo, id summo studio optabant & mirabantur multi magni & præstantes viri, qui ante Reformationem vixerunt & faciem quidem illi prætulērunt; id quod apertissimè testabuntur veterum Christianorum scripta, quæ ad hanc rem in unum usum, Lector, collegi, & nunc demum post biennem & amplius typographorum moram tibi exhibeo: de quo opere hac monendus es, ut de ejus ratione & instituto sicut & de Authoribus & Scriptis tibi conflet.

Cum turba aliquot \* exercitiis istius Sacerdotum (de quo Gregorius magnus Epist. lib. 4. Epistola 38.) Jacobi Regis gratiâ & potentiâ freta, Ecclesie Anglicanæ jura & doctrinam hostiliter pro more suo aggressæ sunt & violarunt, totumque jus patrum subvertere molita sunt stultissime, urbesque & oppida papalibus doctrinis obsederunt (quas tamen vel imperitissimum vulgus nanseat & refutare melius novit quàm ipsi probare) cum impudentissimi Missionarii pulpita usurpare & scholasticè erigere & libros excudere & ubique dominari in Angliâ caperunt, quasi res Ecclesie & Regiminis Anglicani in desperato esset, & omnibus protensus ad Missam evadendum esset, quoniam Jesuitæ (scilicet) in Angliâ videbantur omnia sub nutu Principis agere, & ad eorum imperia nos pauperes & impotentes Angli omnia nostra, famam, leges, Ecclesiam & Conscientias submittere deberemus sine querelâ & murmure; cum ceteri quoque monachorum Anglicorum ordines huc ex cellis suis transfugerent, præda avidissimi, convolarunt, monasteria sua & redditus aucupantes pristinos, & omne papistarum genus id sedulo pro ingenio suo curabat, ut Angliâ iterum papa manciparetur, & Protestantium nomen & religio salum mutare cogerentur & aliò migrent, ut amplior Missæ ceterisque triticis Pontificiorum concederetur locus; cum hæc, inquam, agebantur, & omnia nobis turbida & minaciâ videbantur, unicum quod clero Ecclesie Anglicanæ restitit refugium fuit, ut nemo in tutandâ Ecclesie nostræ doctrinâ, quam hostes hujusmodi furiose insellabantur, sua provincia desisset. Populus Anglicus docetur melius Deo dante, & Scripturas plus callet, quàm ut facile fallatur, præsertim in controversiis papisticis, in quibus magna earum pars ex diametro opponitur expressis Scripturæ verbis, vel primis principiis rectæ rationis; & nemo est ferè qui nescias quantum blasphemie & deliramenti blaterant isti qui dicunt Ecclesiam melius regi posse per humanas inventiones, quàm per legem divinam evangelicam (quod olim culpavit in quibusdâ sciolis Johannes Gerson in sermone coram ipso Papâ apud Tarasconam, in die Circumcisionis, confid. primâ) Res est Angliæ felicissima nosse quid interest inter Verbum Dei & Paparum Oracula; & quàm infinitis gradibus prestat Deo quàm Papa fidere. Dum autem Papistæ in oppugnandâ, & Theologi eximii nostrates (Londinenses, Academici, Rurales) in defendenda Ecclesie Anglicanæ doctrinâ navabant operam, in animum mibi subiit, symboli aliquand

\* Ita habet vera lectio: quidam autem tritum literarum homo in Romanæ edit. mutavit exercitum in exitum: de quo vide Tuo. James, in lib. de corruptione patrum, part. 2. pag. 77. primæ editionis; vel eundem in specimen corruptionis Pontificiarum, edit. Lond. 1526. vel denique in iudiciis Gregorianis exculi. Genui.

in commune Ecclesia nostra omniumque Ecclesiarum commodum & iuvamen me esse collatum, si scripta aliquot vetusta in rem nostram facientia, & multiplices Ecclesie Romanæ corruptiones & squalores prodentia simul & libere taxantia, quæ non uno in loco perquisieram, publici juris facerem. Hinc Fasciculum rerum expetendarum & fugiendarum, ab O. thuiuo Gratio, presbytero Daventriensi ante sequestratum editum, recedendum curavi; eò libentius, quod magni nominis Scriptores illum librum plurimi fecisse & sepiusculæ cisse, & voluisse tam paucæ ejus extitisse exemplaria, subinde repperim; idque proculdubio cleri Romani culpâ, quem industriam esse in suppressendis, depravandis, mutilandis, prohibendis bonis libris omnes norunt, & ipsi gloriantur: At homines probi multum eorum Indicibus expurgatoriis (quantumvis inhonestis & malis) devincti sunt; cum exinde norint quibus authoribus invidet Roma, & quales libri imprimis sunt legendi, quia prohibentur. Orthuius Gratius jamdudum damnatur in istis Indicibus hanc ipsam ob causam; & forte nomen aliquando nomen inter alios prohibitos auctores recensentur: id si egerint, profecto habeo cordi inter tot tam eximios viros nominari, quorum aliquibus maluerim esse amanuensis, quam Ecclesie Romanæ Cardinalis. Apud me nihil omnino dedecoris est ab Ecclesia Romanâ notari; imò nec minimum eorum censuram pertimesco, cum Innocentio undecimo ante 7 annos astiti in Bulla cœnæ omnes Protestantes hæreticos execranti; astiti & derisi ceremoniam impotentem & satnam; & nupte qui Catholicam Ecclesiam (quam credo) & hæreticos (quos detestor) & alia id genus nomina longe alio sensu accipiendi esse didici quam hodierna Ecclesia Romana accipi ea velis.

Communi bono inservire, majorem mihi addidit stimulum, quam cuiusvisque vel quorumcumque censura poterit incutere timorem: Eo animo tibi, Lector, gratificari conatus sum in hisce opusculis excudendis, quæ non minimo mihi labore consisterunt; & ea præsertim quæ in Appendice tibi exhibentur, magna parte ex antiquis codicibus manuscriptis, nunquam antehac impressis, tibi tradita, non sine valetudinis meæ diminutione. Si autem hac seò quæretis data in lucem, post papismum ex sese profugivum, & celerius hinc aufugientem quam adventarum, typographis id acceptum refert. Si isti enim temporis ablatissent librum, non tamdiu absisset, quin in ipso controversia ardere aliquâ tibi non contemnenda subministraverit. Proinde noli esse securus in posterum contra insulsum papisticos: olim tibi fortasse poterint esse usui, quæ hic suppeditantur, licet impræsentiarum minus videantur opportuna & necessaria; & nunquam sunt superflua quæ semper prosunt: non sic, crede mihi, desissent emissarii Romani: astutissimi sunt populum, morum & temporum observatores, & nullum non movebunt lapidem ut id aliquando assequantur, de quo hac vice deciderunt: invigila tuis rebus; invigilabunt enim Romanistæ suis; & nihil per totum terrarum orbem callidius est Curiam Romanâ. Unde, quæso, nuperam opportunitatem te & tua in propriis castris invadendi nacti sunt, nisi ex credulâ tuâ desidia, eorum hypocrisi & fucata urbanitati (quæ semper in feritatem mutatur, cum superior evadit) nimis confusa? At eò fortius, audacius & astutius spem repetent suam, quo ignominiosius eâ luctusque frustrati fuerint, si vel tantillum unquam iterum adepti fuerint sua commoda promovendi ansam. Quod si tibi blandiaris ab eorum misericordiâ & lenitate, memento pervicaces hæreticos, qualis tu futurus es nisi in papismi monstra præveris, flammâ esse absumendos; at si tuam & illorum religionem simul stare credas, vel semper eos sub ferulâ detineas oportet, vel tuo damno discas quod experti sunt Protestantes in Gallia, Bohemia, Sabaudia, &c. & tandem coactus fateberis lucem cum tenebris non posse convenire: & quò minus speranda est eorum gratia & benevolentia, eò actius insidendum est tuâ ipsius religionis curæ & studio.

Ex omnibus Ecclesiis quæ ab eis recesserunt, de convertendâ Ecclesiâ nostrâ maximopere laborant, i. e. de destrundâ; invidiâ adversus illam feruntur malevolentissimâ; cumque hoc aperte apud nos non audeant; præ legum severitate iustâ, propalare, clanculum id agunt sub personis filijs de libertate Conscientiæ contententium inter partium studiosos sese occultantes, & vel Tremulos sese potius fingentes ex profunda malitiâ, quam ut in causâ Catholicâ otiosi videantur.

Omnem eorum operam hæcenus delusit Dei Omnipotentis dextra; isque qui solus potest, irritas semper & inanes reddat eorum machinationes.

Scopum quem mihi me proposui in hisce, quæ lecturus es, opusculis, sicut & occasione operis ingenue tibi & libere explicui, Lector benevole, quod autem ultra te monitum velim in eorum lectione, max habebis; ubi titulum prioris editionis integrum (cujus quidem partem rescicare ab hac editione necessum fuit) tibi demonstravero: is autem talis erat,

\* Fasciculus rerum Expetendarum & Fugiendarum; in quo

Primum continetur Concilium Basileense: non illud quod in magno Conciliorum volumine vulgò circumfertur, sed quod Æneas Sylvius, qui postea Pius secundus est appellatus, & eidem Concilio præfens interfuit, fideliter & eleganter conscripsit.

Infunc

Infunt præterea

Huic operi nobilissimo summorum aliquot virorum Epistolæ, libelli, tractatus & opuscula, numero (ni fallar) 66. in quibus & admiranda quædam & obſtupenda invenies: Quæ ſi futurum Concilium celebrari contigerit, ſummopere, tanquam cognitu neceſſaria, ab optimis quibuſque expoſtulabuntur.

Lege indicem ſubſequentem.

ISAIÆ 5°.

Væ qui dicitis malum bonum, & bonum malum: ponentes tenebras lucem, & lucem tenebras: ponentes amarum in dulce, & dulce in amarum. Væ qui ſapientes eſtis in oculis veſtris, & coram vobismetiſſis prudentes. Qui juſtificatis impium pro muneribus, & juſtitiam juſti avertitis ab eo, &c.

Anno M. D. XXXV.

**I**nditum eſt autem nomen [Fſciculi rerum expetendarum & fugiendarum] forſaſſe, ut imitaretur Or. Gratiuſ tituluſ quo donavit Georgiuſ Valla Piacentinuſ librũ quendam ſuum, quem inſcripſit \* De expetendis & fugiendis rebus opus, quod prodiit Venet. 1501. Vel forſaſſe animo ejus obſervatur deſignio Prudentiæ, qua eam deſignarunt Ethici veteres. cum Prudentiam dixerunt eſſe rerum expetendarum & fugiendarum Scientiam; quod obſervavi in codice quodam MS. in 4° Trin. Coll. Cantabr. in cujuſ initio habetur index originum ſive Etymologiũ alphabeticuſ, ex Auguſtino, Iſidoro, &c. concinnatuſ. Utinamq; ſe res habuit, nihil, quod video, in libri lemmate culpandum eſt; quæ autem in hoc Fſciculo expetenda ſunt & qua fugienda, prudens reliquit uniuſcujuſq; judicio; niſi quod in quibuſdam palam innuit quid utriuſq; faciendum. Sed quareſ, Lector, unde Orthuiniuſ Gratiuſ collegit hunc Fſciculũ? Incidit ille nimirũ in librũ quendam in folio, longe antea impreſſũ, ſed à quo, vel ubi, vel quo anno, vel quo auctore non conſtat (forſe circa primordia Reformationis, quando non fuiſſet auctori vel typographo integrũ, ſe prodere) qui nihil aliud tituluſ præ ſe fert, niſi [Commentarii Æn. Sylvi de geſtiſ Concilii Baſileenſiſ, &c.] illi verò præterea inſunt Vita Hildebrandi. Vita Henrici quarti. Profeſſio fidei fratrum Waldenſium. Articuli Joh. Wicleſi cum impugnatione Woodfordi; aliaque Propoſitiones ejũdem ex illiuſ libris excerptæ, damnatæque tam Londini, Oxoniæque, quàm in Concil. Conſtantienſi, &c. Fragmentum item Æn. Sylvi Aretinuſ contra Hypocritas. De vocatione Bohemorum ad Synod. Baſil. Petitiones eorũdem. Examen Johanniſ de Weſalia. Condemnatio Wicleſi, Huſſi & Hieronymi Prag. Hæc, inquam, repererat ſimul excuſa Gratiuſ (quorum duo vidi Exemplaria; unũ in Bibliotheca Lambethana; & in bibliotheca amici mei ducti & reverendi Johanniſ Patricii, Hoſpitii Suttonienſiſ Capellani, alterum) iſq; qui editioni iſti antiquæ præerat, in præſatione proſtituit incidit ſe in librũ quendam MS. (mirum ni Baſileæ) qui quaſi ſarrago erat multorum tractatuum, quos in publicũ dedit: hunc hominem ſuſpicaver fuiſſe amicũ quendam Reformationis, ex notis marginalibuſ quas ſue editioni aſſixit, quaſq; reſecuit Orthuiniuſ Gratiuſ, quia (ſcilicet) illi videbantur hæreſim ſapere. Satiũ autem fuiſſet Gratio notas illaſ (hæreſim ſapienteſ) intactaſ reliquiſſe; ego enim (niſi valde fallar) notaſ addidi qua pluſ aliquorum palati ſapient hæreſim, i. e. Liberiuſ aſſerunt veritatem. Huic ſarragini tractatuum (ut auctor appellat multa alia addidit Orthuiniuſ Gratiuſ, ut cuiuſ ſiquet priorem editionem Anonymi auctoriſ cum ejus poſteriore conſerenti, & omnia ſimul in Fſciculũ (inſignem quidem rerũ congeriem, licet nullo ordine diſpoſitam) colligavit: Quod ſi noſtra Appendix magna adeo librũ auxerit, ut non ampliũ videatur Fſciculũ, enim, Lector, appella, ſi viſ, Fatem; non qualis olim inſerviebat comburendiſ hæreticiſ, ſed qualis præſerebatur Magiſtratuſ Romanis, & peccantibuſ pœnam indicabat (ſi liceat in iſtâ voce ludere) mirum enim niſi nonnulli ſe vapulare querantur multum hac tertiâ editione, cum priorũ editionũ iſtũ adeo non ferre valebant, ut ea penè è conſpectu hominũ ſuſtulerint.

Ex titulo Orthuini Gratiuſ liquido conſtat editionem ejus fuiſſe preparatam in uſum omnium qui deſiderabant Conciliũ generale, ad ſopiendoſ religioniſ controverſiaſ qua tum maxime ſervebant inter Proteſtanteſ & Papiſtaſ. Pontificeſ Romani nunquam quieſcebant, donec ex Imperatorũ manuſ extorſerint Concilia indicendi poteſtatem; cumq; eam ſemel, declinante Imperio, uſurparint, quàm agrè & reſultanter adducti ſunt ut ea convocent? Norunt quippe optime & multis experimentiſ, quantum Conciliis cohibetur & refranatur poteſtaſ Papiſ, & quàm obnoxii ſunt facinoroſi, quantumvis alti, ſynodorum ſententiis & cenſuriſ. Inſiſtiſ Imperator Caroluſ V. idq; ſervidiſſimè, Clementi Septimo (novem annis ante Fſciculi editionem)

\* Biblioth.  
Thuan part. 2.  
p. 380.

ut indiceret Concilium generale, ut vides pag. 687. Appendicis nostra: & tamen anno secundo Pontificatus Pauli tertii, qui incidit in *M. D. XXXV.* (quo hic liber in lucem prodit) quem languide nobis narrat Orthuius Gratus spem Concilii generalis? Si, inquit, futurum Concilium celebrari contingerit. Profecto istud [futurum] ad nostram usq; ætatem, & diutius pertigisset, si Papæ nullo modo potuissent totius orbis Christiani querelas effugere: & (ut verum fatear) consultius fuisset Ecclesia Christianæ, ut nunquam fuisset inditum, nisi melius & honestius id fuisset Tridentino. Laudandus autem est interea Gratus qui salem librum, utilissimis Scriptis referunt, ausu est tam ancipiti tempore edendum curare; è quo quamplurima hauriri possint, quæ ad Concilium istud rectius & Christianius formandum contulissent multum, si serio fuissent cogitata & perpensa. Ecquid enim commodius & utilius regulanda synodo potuisset proponi & omnibus legendum dari, quam accurata ipsa descriptio Concilii Basileensis quam Æneas Sylvius (Pontifex & ipse Romanus postea) exhibuit? Post illud Concilium expirasse mihi videtur potestas Conciliaris; quæ nisi aliquando reviviscat, & quicquid in Tridentino peccatum fuerit, emendet, sibi; resumat justam Pontificis corrigendi auctoritatem, Papa cum suo suprematu iudicii (qualem ei finxerunt Jesuitæ) Religionem Christianam, jam plus satis inter eos pollutam, reddet adhuc pollutior: Sed Christus non deerit suis.

Sed (ut jam ad particularia descendamus) dicunt Papistæ Æneam Sylvium retractasse hanc historiam Concilii Basileensis, quæ toties probat Concilium esse supra Papam: Siccine verò? Quando, quæso, retractavit? Retractavit cum Pontifex Romanus Pii secundi nomen sibi assumpsit: gratias ago pro nihilo. Noluist ille Papa esse ambidexter, vel uno ore calidum & frigidum spirare. Si nunquam fuisset Papa, non retractasset: Papa cum fuerit, opus erat ut vel renuncicaret papatu si steteret historia Concilii quam scripsit, vel papatum proderet, cum Concilio subiciendo. De Sylvio (inquit Gaspar \* Cardillus) illud certo affirmare possum, cum juvenis atque Æneas esset, ita sensisse (viz. auctoritatem Concilii majorem esse papali) sed ubi adolevit jam atque Pius evasit, non modo hac in re sed in multis quod aliis sententiam mutavit suam, retractationumque bullam edidit, quam ad Rectorem & Scholam Coloniensem misit & invulgari iussit toto orbe terrarum. Cum clerici inferiores depradicant auctoritatem Papæ supra Concilium, nemini debet mirum videri (inquit † Johannes Major) cum Papa det dignitates & beneficia Ecclesiastica, Concilium verò nihil det. Cum Papæ verò idem agunt, minus mirum videri debet; cum sedes sua prerogativam, jure an injuria, tueri velint. Magistratus indicat virum; & qualis quisq; re ipsa est, apparet maxime cum summâ verum positur. Gentianus. Hervetus vir fuit doctissimus; & quamvis non nobis cause nostræ multum faverit; nequit tamen sententiam suam dissimulare de hac retractatione Pii secundi. Mirum est (inquit, pag. 660. Appendicis meæ) quod qui Concilium Basileense tantis laudibus extulit, Æneas Sylvius, mox creatus Pontifex & Pius appellatus, id improbavit.

Ejus Bulla retractationum extat in initio operum Æneæ excusorum Basil. 1571. necnon in libro Gaspari Cardilli paulo supra citato: lectu est dignissima tum ob multas res inibi ad Concilium Basileense spectantes, tum ob frivolas rationes quibus se nititur excusare: Cardinalis tamen Bellarminus eis adeo capus est, ut certissimis testimoniis didicit clarissimus Doct. \* Edmundus Richerius, auctorem enim & suasorem fuisse ut tota Synodus Basileensis cum omnibus actibus Synodalibus (qui legendi sunt apud Petrum Crabb) ex editione Romanâ Conciliorum nunquam spurâ abradereetur: Vides quò tendunt Jesuitæ, Lector, & quid ab illis expectandum est: Vin' autem tu videre Pii secundi rationes summatis recitatas & nervosissimè refutatas à Papistâ probo. Consule librum quartum historie Conciliorum generalium ejusdem Edm. Richerii pag. 52. editionis quæ dicitur Coloniz, in 4<sup>o</sup> & hominem bonum & piæ, durissimæq; à Papæ partialibus \* passim nullam aliam ob rationem nisi quod probè defenderat jus Regem & Ecclesiæ contra adulatoris Pontificum, ambabus ulnis amplectere: & cum deveniret ad mentionem Thomæ de Corfellis in historia Concilii Sylvianâ, divertere, obsecro, ad Propositionem istam Solennem ab eodem Thomâ factam Biturigibus, præsentè Rege in Concilio Ecclesiæ Gallicanæ, quæ tibi exhibetur pag. 164. libri tertii historia Conciliorum general. ab Edmundo Richerio; se diverticuli non penitebit.

Hæc tibi, Lector, annotasse de Concilio Basileensi quod lecturus es, in rem tuam credidi: De necessitate verò istius Concilii plura admonendus es, quæ nusquam fortasse invenire poteris nisi in hac Præfatione, & manuscripto Codice ex quo ea desumpsit; quæ hæc occasione mecum fuerunt communicata. Reverendissimus in Christo pater & patronus meus optimus, Dominus Archiepiscopus Cantuariensis meminerat probè se alicubi vidisse scripta aliqua vetusta de Concilio Basileensi, & in chartulâ quadam capita manuscripti (ut semper fuit diligentissimus antiqui-

\* In disputationibus adversus Protestationem 34. hæreticorum Augustinæ Confess. Disp. primâ.  
† Cap. 18. Continuati-  
onum in E-  
vangel. L. Mat.

\* Lib. 3. historie Conciliorum general. sub finem.

\* Vide Claudii Bartholomæi Morisoti Epistolam ad Cæterum ad finem libelli E Ricorii de Ecclesiastica & politica potestate, ad calcem Vindictarum doct. inæ majorum Scholæ Parisiensis, edit. (ut dicitur) Colon. in 4<sup>o</sup> 1683. pag. 102.



tiquitatum scrutator) ubi hac delitescabant, annotasse: Sed nec hac ad manum, nec illa memoria statim occurrebant; tandem reperiit notulas suas & recogitavit volumen illud manuscriptum fuisse penes virum clarissimum Eliam Ashmole: Mutatus igitur ab illo librum, me accersivis iussisque ut siquid in illo codice invenirem publicè notitiæ dignum, exciperem protinus, & prælo cum ceteris opusculis mandarem. Parvi pro officio & debito meo, & quæ mihi videbantur proposito meo congrua & tuo, *Lector*, commendo inservientia, excerpti statim: ea verò sunt

1. *Commissio* Henrici sexti Angliæ & Franciæ Regis, data Ambasiatoribus suis ad Concilium Basileense suo nomine ituris.
2. Eiusdem *Instructio* eiusdem credita.
3. *Propositio* eiusdem Regis nomine facta coram Papa Martino 5. per Abbatem Ursi campi super acceleratione Concilii.
4. *Collatio* eiusdem Abbatis habita ad Collegium Cardinalium.
5. *Propositio* M. Willielmi Sulbury, Abbatis Belli loci, ad eundem Papam, eiusdem Regis nomine, pro acceleratione futuri Concilii: in qua exscribendâ me adjuvit vir doctus & amicis meus M. Hen. Wharton, qui D. Archiepiscopo est à sacris.

Hæc tibi, *Lector*, non omnino displiceant, si iis dignus sis; cum ex eorum quolibet Ecclesiæ statum tunc temporis perspicuum habeas, sicut & Aula Anglicæ versus curiam Romanam assinationem; præter id quod utique observabis de rebus politicis & ceremoniis Regum & Principum nomine exactis: Hæc autem erant dedicata Waltero de la Pool, militi, à quodam monacho exscriptorè.

### *Commissio Ambasiatorum Basileam transmissorum.*

**R**EX, Omnibus ad quos, &c. Salutem. Cum juxta decreta Constantiensis Concilii præfens Concilium Basileense actualiter celebretur sub sanctissimo patre, domino Eugenio papa quarto; Nos eidem Concilio nedum ex parte eiusdem Concilii per suos oratores nobis ex hac causa specialiter destinatos; verum etiam Apostolicis & Imperialibus ac aliorum quamplurium sanctæ Matris Ecclesiæ Patrum & Principum secularium literis creberrimè invitati ad Dei laudem, sanctæ matris Ecclesiæ prosperitatem, optatum & honorem, & præsertim ob Fidei Catholicæ exaltationem interesse cupientes, variis & diversis causis rationalibus præpediti, quo minus personaliter eidem interesse poterimus, ut vellemus, venerabiles in Christo patres Robertum London, Johannem Rossen, & Bernardum Aqueen, Episcopos; ac charissimum consanguineum nostrum Edmundum Comitem Moritonii, dilectos nobis in Christo Nicolaum Abbatem Glasston, Willielmum Abbatem Ecclesiæ beatæ Mariæ Eborac, & Willielmum Priorem Norwicen, & magistrum Thomam Browne, utriusque juris doctorem, Særum Decanum; necnon dilectos & fideles nostros Henricum Brounsete, & Johannem Colvyle, Milites, nostros Ambasiatores, oratores veros & indubitatos procuratores, actores, factores & nuncios speciales constituimus, facimus & deputamus per præfentes; dantes & damus eis & ipsorum majori parti potestatem & mandatum tam generale quàm speciale nomine nostro & pro nobis in eodem Concilio interessendi, tractandi, communicandi & concludendi tam de his quæ Reformationem Ecclesiæ universalis in capite & in membris, quàm his quæ fidei orthodoxæ fulcimentum, Regumque ac Principum pacificationem concernere poterunt, necnon de & super pace perpetuâ guerrarumve abstinentiâ inter Nos & Karolum adversarium nostrum de Franciâ etiam tractandi, communicandi, appunctuandi, consentiendi insuper, & si opus fuerit, dissen- tiendi his quæ juxta deliberationem dicti Concilii inibi statui & ordinari contingeret; promittentes & promittimus bonâ fide nos ratum, gratum & firmum perpetuò habituros totum & quicquid per dictos Ambasiatores, oratores & procuratores nostros, aut majorem partem eorundem actum, factum seu gestum fuerit in præmissis & in singulis præmissorum: & hoc idem cum de & super his certiorati fuerimus, quantam ad Nos & Christi- anum Principem attinet, executioni debitè curabimus demandare. In cujus, &c. Dat. sub magni sigilli nostri testimonio in palatio nostro Westmonast.

*Instructio*

*Instructio data per Dominum nostrum Regem de advisamento  
Concilii sui venerabilibus in Christo patribus ac fide-  
libus suis Roberto London. &c. in ambasiatâ dicti  
Domini nostri Regis ad Conciliū generale Basileense  
transituris.*

I. *In primis*, dicti Ambasiatores omni temeritate & præsumptione, ambitione, invidia, ira, & contentione remotis, cum omni patientia & benignitate modeste, pacifice & tranquille communicabunt, tractabunt & prosequuntur negotia sibi commissa, non quaerendo quæ sua sunt per adulationes fortè vel complacentias quibuscunque personis impendendas, sed omni personarum & negotiorum acceptione depositâ, cordibus ad Deum sursum erectis laborabunt pro universali & publico bono Ecclesiæ & Regis ac Regnorum suorum: nec quisquam eorum alicui alteri pro complacentiâ, affectu vel alia quacunque occasione revelabit ea quæ in hac instructione continentur, nec ea quæ consiliando conferentur, communicabuntur seu concludentur inter eos, nec tractet ad partem cum aliis extraneis negotia ambasiatæ suæ, nisi hoc faciat de communi eorum consensu.

II. *Item*. Iidem ambasiatores omnibus viis, modis & mediis quibus poterunt, præsertim in primordiis adventus sui *Basiliam*, prudenter & cautè laborabunt pro sciendo statum & dispositionem dicti Concilii, & præsertim Domini Imperatoris, & aliarum personarum sublimium ac Ambasiatorum Principum in dicto Concilio existentium, & ad quæ seu qualia tendunt, & quomodo conveniunt vel differunt in opinionibus, & quorum & quales assistentias & favores Regia celsitudo de verisimili est habitura in dicto Concilio: & idcirco non debent immediate, postquam Basileam venerint, esse nimis præcipites, vel festini in petendo diem pro audientiâ publica sibi dandâ, sed prætextu laborum & vexationis in itinere, differre petitionem huiusmodi, & diem audientiæ quantum honestè poterunt; nec debent post audientiam huiusmodi publicam sibi datam, statim ingerere se vel offerre ad interessendum actibus Concilii: sed cautius, secretius & diligentius, quo poterunt, investigabunt & inquirent, An sit intentionis Præsidentis & Concilii admittere eos sine exactione iuramenti novelli illic instituti, vel non: & an sit possibile inducere Concilium ad hoc quòd procedatur per Nationes vel non; & in eventum quo certiorentur quid sit de intentione Præsidentis & Concilii exigere ab eis iuramentum supradictum nec aliter eos admittere, adibunt Imperatorem & alios de quibus sibi videbitur expedire; & specialiter Præsidentem, resumendo continentiam & effectum literarum Regiarum alias super hoc Concilio transmissarum, instando tam per rationes in eisdem literis descriptas, quàm per alias quas excogitabunt, pro libertate solita venientium ad Concilium, & præsertim pro *libertate Regum*, & pro vitandâ *insoliti* huiusmodi & hæcenus hoc casu *invisa exactione iuramenti*, tollendo per rationem cum honestate & modestâ responsiones in ea parte datas à Præsidente per suas literas Regiæ celsitudini transmissas & respondendo motivis ad oppositum ab eo factis; & in eventum quo finaliter nequiverint admitti absque eo saltem quòd iuramento firmaverint illud unum articulum, De fideliter consulendo, &c. omnibusq; aliis articulis durioribus in dicto iuramento contentis, ad quod moderamen tenderè videntur literæ supradictæ domini Præsidentis; tunc si conliserit eis tam Imperatorem quàm alios Principes illic existentes, & absentium Principum ambasiatores articulum illum iuramento firmasse, debent finaliter, si non oblitet alia causa rationalis, se in ea parte eis conformare.

III. *Item*. Si post diligencias ab eisdem ambasiatoribus investigando singulariter & ad partem, dispositionem personarum existentium in Concilio quoad modum procedendi per nationes, pro quo modis & viis, quibus poterunt, laborabunt, non videbitur eis quòd Concilium ad hoc quoquo modo possit induci, conformabunt eo casu se aliis in modo procedendi.

IV. *Item*. Adem ambasiatores exhibebunt & impendent Domino Imperatori omni-modâ honores, reverentias & obsequia; ad quem in singulariter concernentibus Regem recurrent pro consiliis, auxiliis & favoribus, si & quando videbitur eis expedire, & quantum cum Deo & ratione poterunt, ad hoc semper tendent & laborabunt, ut in materiis

materiis in Concilio tractandis sit inter ipsum dominum Imperatorem & eos conformitas opinionum: Et si aliquando (quod absit) videbitur eis ratione ad hoc urgente, non esse sequendam opinionem suam, laborabunt honestiori, modestiori & discretiori modo sciverint ad removendum eum ab huiusmodi opinione suâ, quod si non poterunt cum minori displicentiâ Majestatis suæ qua fieri poterit, facient quod secundum Deum & rationem iustis & utilis videbitur eis in hoc faciendum.

V. *Item*, Si postquam intraverint Concilium interessendo simul cum aliis tractatui negotiorum & materialium, invenerint magnam vel maiorem partem Concilii dispositam & inclinatam ad procedendum contra Dominum summum Pontificem ad maximum & extremum rigorem; ipsi tamen semper, quantum cum Deo & iustitia possunt, ad hoc tendent & laborabunt, ut maneant & conserventur in Ecclesiâ pax, unitas & tranquillitas, & removeantur ab ea schismata, turbationes & scandala: hoc tamen servato moderamine quod ubi ex causis iustis \* legitimis juri Divin. Et Ecclesiæ Cant. & approbatis Concilium procederet contra Dominum nostrum Papam, ipsi Ambasiatores eo casu facient quod secundum intelligentiam & discretiones eis à Deo datas videbitur eis faciendum: & si ipsi in itinere versus *Basileam* constitutis occurreret certitudo de processu huiusmodi contra Dominum Papam, ex causis talibus de quibus præfertur (quod Deus avertat) facto, ipsi nihilominus continuabunt iter suam *Basileam*, ad procedendum illic unâ cum aliis ad actus ubi tales quales necessitas & utilitas universalis Ecclesiæ exigat & requirit: Si verò (quod nolit Deus) ipsi in itinere existentibus innotesceret de processu huiusmodi facto contra dominum Papam, & electione consequenter alterius in summum Pontificem, ipsi ambasiatores nec ultra progredientur nec revertentur donec certioraverint Regiam celsitudinem de rebus sic gestis, & receperint responsa Regia de eo quod ultra sunt acturi.

VI. *Item*, Si in Concilio fiant instantiæ pro cassatione, annullatione seu declaratione nullitatis aliquorum *Statutorum* seu ordinationum Regni, & præsertim illorum quæ concernunt *provisiones Apostolicas*, aut Prioratus seu possessiones *alienigenarum*. & laboretur pro restitutione possessionum huiusmodi fienda Ecclesiis quibus antè prenebant, Respondetur, quòd nec à nunciis nec in literis, quos & quas tam crebrò complacuit ipsi Concilio transmittere Regiæ celsitudini, unquam factum est verbum, mentio vel motio Regi de materia huiusmodi *Statuti*, & quòd pro tanto nullam super hoc habent instructionem vel mandatum: poterunt tamen cum protestatione, non ambasiatores, nec vice Regia, sed velut ipsi vice propria in materia concernente possessiones olim *alienigenarum*, dicere, quòd secundum antiquissimas Regni *Leges*, quæcumque possessiones, prædia vel redditus ipsius Regni vel in eo conferuntur Ecclesiæ vel pio loco sub modo vel conditione, vel ad certum & determinatum usum, si neglexerint *Collatarii* observare, implere vel exequi usum, causam, conditionem seu modum *primaria donationis*, poterunt ipsi *Collatores* vel eorum hæredes, propter defectum, neglectum seu culpam collatariorum non observantium, non implentium vel non exequentium causam vel usum determinatum, conditionem seu modum donationis huiusmodi, sed cessantium, repetere seu condicere possessiones, prædia vel redditus sic donata: Et quòd ut iidem ambasiatores hætenus didicerunt dum & postquam exortæ fuerunt & duratur guerræ inter *Angliæ* & *Francia* regna, non implentibus ipsis Ecclesiis & monasteriis *alienigenis* Causas & usus, propter, & ad, quos huiusmodi possessiones, prædia & redditus in *Angliâ* eis fuerunt collata, sed cessantibus contra formam collationis, subsequenter demum præmissa conquestione debita auctoritate Regis & trium Regni *Statutum*, concurrente consensu omnium quorum intererat, revocabantur huiusmodi possessiones de manibus Ecclesiarum *alienigenarum* ad quas antea spectabant, & applicabantur juri & dominio Regis.

Et quòd posthac nihilominus inclyta recordationis Rex *Henricus quintus*, pater Domini nostri Regis moderni, licet occasione præmissorum dicta possessiones, redditus & prædia tibi retinere potuisset, amplioris tamen devotionis ardore succensus volens & intendens huiusmodi redditus, possessiones & prædia non in abusus, sicut antè tenebantur, sed in sacros & pios usus disponere, sicut postea disposuit ex abundantia & pro majori securitate & cautela impetravit & obtinuit à felicis recordationis *Martino Papa quinto* sibi concedi, quòd ipse omnia prædicta possessiones, redditus & prædia disponere posset & convertere in dotationem monasteriorum & Ecclesiarum, & alios pios usus secundum devotionem tibi divinitus inspirandam, sicut fecit; & quòd de terris in regno *Francia* & Ducatu *Normannia* constitutis congruam recompensationem facere posset Ecclesiis & monasteriis ad quæ prædicta redditus & possessiones & prædia de regno *Angliæ* antea spectabant, iudicibus datis qui Ecclesias & monaste-

ria *alienigenarum* ad hujusmodi recompensam recipiendam compellerent & coarctarent, sicut in literis dicti foel. recordationis *Martini* palam est intueri : Cujus concessionis & indulti prætextu prædictus inclytæ recordationis Rex *H.* quintus dictorum monasteriorum & Ecclesiarum *alienigenarum*, prælatis coram prædictis iudicibus ad hoc legitimè citatis & vocatis, recompensam congruam, juxta vim, formam & effectum dictarum literarum Apostolicarum obtulit & fecit offerri ; sic quòd per ipsum non stetit quo minus recompensationem congruam habuissent : Nec fortasse stabit per Dominum nostrum Regem modernum quo minus recompensam hujusmodi habeant, si debito modo & cum humilitate instare voluerint pro hujusmodi recompensatione habenda.

VII. *Item*, Si à dictis Ambasiatoribus petatur ut per medium Concilii ineatur tractatus pacis, ut abstinentiæ guerrarum inter Regem & adversarium suum ; Ambasiatores ipsi respondebunt, quòd quantas diligentias, sollicitudines & labores hæcenus impenderit & impendi mandaverit & consenserit serenitas Regia circa pacem & media convenientia & rationabilia ad eandem inter ipsum & adversarium suum habendam, novit Deus & novit Reverendissimus pater, dominus Cardinalis *Sancti Crucis*, qui inter ipsum & adversarium suum per spatium quasi duorum annorum pro pace tolers extitit mediator : In qua re cujus voluntatis & dispositionis extiterit Dominus noster Rex, memorato Cardinali satis constat, qui tanto tempore laborans partem adversam ad aliquem pacis seu treugarum modum rationabilem inducere non potuit, nec ad abstinentiam guerrarum si non quatuor mensium duntaxat ; infra quos sibi colligere potuisset mellem & vina frustra labores armatæ per Regem illò tunc in *Francia* transmissæ, sic quòd, ut idem Dom. Cardinalis satis novit, non stetit per Regem quo minus tractatus pacis inter ipsum & adversarium suum gratum habuisset introitum, & demùm dohante Domino, votivum effectum.

Et licet ex hujusmodi de qua præfertur, elongatione adversarii satis præsumi posset, & verisimilis conjectura recipi quòd non \* immanet sibi dispositio vel inclinatio ad pacis hujus tractatum, sed quòd incassum dari putaretur instructio Regiis Ambasiatoribus ad pacem cum dicto adversario pertractandam ; nihilominus pro reverentiâ Dei & sacri Concilii, ipsi Ambasiatores pro parte Regis, vestigiorum paternorum imitatoris, exhibebunt se paratos ad audiendas pacis hujusmodi tractandæ vias quas sacrum Concilium dignabitur aperire, & intendendæ taliter quòd nihil temeritatis in eâ parte Regiæ celsitudini aut debebit vel poterit rationabiliter ascribi : in cujus materiæ deductione poterunt dicti Ambasiatores ad hoc tanquam \* via congrua condescendere quòd advidentur per Concilium persona seu personæ indifferenti, neutri videlicet parti, rationabiliter suspecta seu suspectæ, per cujus vel quarum medium, in loco aliquo neutri partium subjecto, nec ab eisdem nimis remoto, veluti in civitate *Cameracenfi*, *Hannonia* vel *Brabantia*, à quo faciliter nriti poterit ad utramq; partium, & ad quem majores Principes & alii qui consanguinitate vel affinitate contingunt partes principales, commodè accedere poterunt & venire, pro quo melius & tutius exequendo, posset ut videbitur per Imperatorem, vel aliquos de Concilio indifferentes suaderi & ad hoc laborari quòd capiatur aliqua treuga, ad annos aliquot duratura, sub qua & pendente eâ intendi poterit & vacari tractatus desideratæ pacis antedictæ : in cujus treugæ tractatu sequantur iidem Ambasiatores *Instructiones* alias in ea parte *Roffensi* Episcopo statas.

VIII. *Item*, Vult & mandat Regia celsitudo dictis Ambasiatoribus suis quòd in omnibus & singulis materiis, tam videlicet illis quæ concernunt statum Regis regnorum, terrarum & dominiorum suorum, præsertim in materiâ pacis antedictæ, & aliis concernentibus statum Ecclesiæ *Gallicanæ* & regni *Francia*, communicent cum ambasiatoribus suis de & pro regno suo *Francia* transmittendis, & cum Ambasiatoribus charissimorum avunculorum suorum Ducum *Burgundia* & *Britannia* ; ad hoc videlicet, quòd in singulis procedant unanimi & concordî assensu & voluntate.

IX. *Item*, Vult & mandat Dominus noster Rex eisdem Ambasiatoribus suis, quòd ad hoc nitantur & laborent, quòd prælati & clerus sibi obediens in Ducatu suo *Aquitania*, similibus prærogativis & reformationibus, eidem Domino nostro Regi & juribus suis non præjudicialibus, gaudeant & potiantur, quibus ex dispositione & ordinatione dicti Concilii gaudebunt alii prælati & Ecclesiasticæ personæ nationis *Gallicanæ*.

X. *Item*, Cum inclytæ recordationis nuper Dominus noster *Henricus* Rex, pater Domini nostri Regis moderni, omni favoris prærogativâ prosequens personas Ecclesiasticas, præsertim in officiis & beneficiis Ecclesiasticis *Ducatus sui Normanniæ* intitu-

latas

latis, & aliorum locorum conquestus sui *Franc.* in locis insignibus & consuetis earundem partium, diversis diebus & temporibus inter se longâ interpolatione distantibus publicè proclamari mandaverit & fecerit, quòd omnes & singulæ personæ Ecclesiasticæ in hujusmodi officiis & beneficiis partium illarum intitulatæ, ad eadem liberè, si vellent, accederent & venirent, securitate plena eisdem repromissa; dummodo personæ hujusmodi, vel saltem illæ ex eis qui sibi haberentur suspectæ, præstarent juramentum, quòd nihil attemptarent seu facerent, nec fieri vel attemptari consentirent contra personam suam, subditos suos vel jura sua, aut in præjudicium ejus aut eorum, nec favorem hostibus vel inimicis suis; & subsequenter dum sic invitati non venissent iidem, Dominus Rex pater Regis moderni ne grex Dominicus remaneret pastorum officio destitutus, nec Ecclesiæ vel alia pia loca ad tales spectantia manerent inofficiata, requisiverit loci *Ordinarios* quòd secundum *Decreta juris Normanni* vocarent sic absentes ad residendum in dictis locis & beneficiis sibi commissis & officiant in eisdem; ad quarum non venientium privationem *Ordinarii* postea processerunt; in quorum loca aliqui *jure Regaliæ*, aliqui *ordinario jure* fuerunt postea subrogati, jamq; nitantur iidem sic privati rebelles regii per processus tales quales dictos etiam *jure regaliæ* subrogatos amovere, & ad dicta officia & beneficia quondam sua redire in præjudicium *Regaliæ* antedictæ (quæ in *Curia Ecclesiasticâ* nullo modo est in questione vertenda) in periculum non modicum Regiæ Celsitudinis & patriæ suæ prædictæ, mandat Regia Celsitudo dictis Ambasiatoribus suis quòd cum omni diligentia se opponant conatibus dictorum prosequentium, & procurent quòd tali modo provideatur in eâ parte, quòd de cætero non sic molestantur possessores officiorum & beneficiorum prædictorum.

XI. *Item*, Dicti Ambasiatores servabunt in dicto Concilio locum Regis pro Regno suo *Angliæ* debitum, & pro loco sibi pro Regno suo *Francia* debito, quem occupari vult per Ambasiatores regni sui *Francia*, eis diligenter assistent & toto posse cooperabuntur ut locum ipsum habeant in sedendo. Quòd si pro ipsius loci occupatione discordiam oriri contingat, ambasiatoribus partis adversæ locum ipsum forsitan vendicantibus, Ambasiatores Regii potius condescendant alicui medio indifferenti & aequali per *Concilium* advisando, quàm permittent ex hujusmodi contentione grave scandalum & turbationem in *Concilio* generari, continuari.

XII. *Item*, Cum in Concilio *Constantiensi*, cui præsens *Concilium* nititur tanquam basi, & subsequenter in *Papiensi* Concilio ad *Senas* prorogato fuerit non sine ratione servatum inconcussè, quòd in nullâ materia seu negotio specialiter concernente nationem aliquam, quicquam concluderetur sine consensu nationis quam sic contingeret, præfati Ambasiatores, si & quatenus viderint opus esse, laborabunt ad hoc, quòd idem observetur in hoc *Basileensi* Concilio, ad quod quamlibet aliarum nationum in favorem sui ipsius facilè creditur inducendam. In cujus rei testimonium dictus Dominus noster Rex sigilla sua *magnum & privatum* fecit his apponi. Dat. in palatio dicti Domini nostri Regis apud *Westmonasterium* ultimo die *Maii*, anno regni sui duodecimo.

Ibidem, die & anno prædictis, lecta & concordata fuit præsens *Copia Instructionis* per Dominos subsequenter specificatos,

<i>H. Ducem Glocestriæ.</i>	
<i>H. Cantuarien.</i> & <i>J. Eborac.</i>	Archiepiscopos.
<i>Ph. Elien.</i>	} Episcopos.
<i>Joh. Bathon.</i>	
<i>W. Linc.</i>	} Comites:
<i>R. Warewic.</i>	
<i>Northumberland</i>	
<i>Suffol.</i>	
<i>Hungerford.</i>	} Barones.
<i>Tiptot.</i>	

Subeorum signaturis manualibus consignata.

*Propositio*

*Propositio super acceleratione generalis Concilii pro Reformatione.*

**B**eatissime pater, cunctorumque fidelium piissime pastor & rector, postquam in oculis vestrae Sanctitatis nos hic astantes, humiles Ambasiatores Serenissimi, &c. Filii vestri devotissimi, tantam invenire gratiam meruimus, ut hac hora & hoc sacro celeberrimoque præsentè auditorio ea proferre debemus in medium quæ Rex ipse *Christianissimus* Sanctitati vestrae nobis iussit & mandavit exponere; præmissis inde gratiarum actionibus devotissimis, quas ex omni nobis à Deo possibilitate concessâ eidem S. V. referimus, rem ipsam nobis injunctam prout ab alto mihi concessum extiterit, sub correctione tamen & benignissima supportatione V. S. celeriter, quantum *Instructio* nostrarum materia patietur, absolvere conabor: ut autem sermo meus efficacior sit, eoque vivacius aut suadeat aut ædificet aut delectet, quo fundamento convenientiori innitetur, verbum illud præmittam Regium P. Scriptum XXXII. quod fidelis Rex *David*, ut populum sibi commissum ab his quas dudum patiebatur, tribulationibus & angustis eriperet, ad Deum confidenter legitur direxisse, *Fiat misericordia tua, Domine, super nos, quemadmodum speravimus in te.*

Beatissime pater, piissimeque fidelium pastor & rector, sæpe & multum, sicut vestra novit beatitudo, luxit & elanguit terra, & novissime diebus istis, maxime autem in Sacris, *Pisano, Romano, Constantiensi* atque maximè *Senensi*, generalibus Conciliis; vox audita est ploratus & ululatus multus: *Rachel*, i. amabilis & Deo placens, beata mater Ecclesia, plorans filios in diversis mundi partibus heu! lamentabiliter destructos, noluit consolari, sed amicta veste lugubri, & quasi vidua facta domina gentium, post filios quos enutrivit & exaltavit, donec jocunda suæ pulchritudinis receperit primordia, in plateis continuè clamat, nolite me vocare *Naim*, i. pulchram, sed vocate me *Maram*, i. amarā, quia amaritudine replevit me Deus. Ideo autem fortasse plus gravius solito his diebus amaritudine se repletam lamentatur Ecclesia, quia à diebus Sacri *Pisani* Concilii, in quo de fienda reformatione certa credebatur esse data promissio, frequenter levavit oculos in montes unde veniret auxilium sibi: In montes, inquam, i. in prælatos & viros Ecclesiasticos, qui propter altitudinem & eminentiam Sanctæ vitæ sanæque doctrinæ, quibus pollere debent præ cæteris, ab Ecclesiæ doctoribus ritè *Admont* nuncupati sunt: Sed vah! quoniam destruxerunt Templum Dei & in tribus diebus non ædificant! Etenim auxilium istud, quod est universalis Ecclesiæ Dei reformatio, quodque per annos ultra 40, durante diro Schismate, ipsa mater Ecclesia cogeatur expectare. Rursus à Concilio *Pisano*, ad *Romanum*, à *Romano* ad *Constantiense*, à *Constantiensi* ad *Senense*; tandem verò à *Senensi* ad *Basileense* remissum est: quo fit ut ipsa mater auxilium istud sic longè factum esse ab ea conspiciens, ac per hoc de ipso penè desperans, ad Reges & Principes terræ cum Sancto Job in amaritudine animæ suæ clamare compellitur; *Ecce non est auxilium mihi in me, & necessarii mei quasi alieni recesserunt à me.* Porro quis eos homines putabit esse Catholicos aut zelantes pro domo Dei, quorum aures tinnire non faciunt, corda non emolliunt ad compassionem & fletum in omnem terram & in fines orbis terrarum his diebus exeuntes clamores populorum, lamenti cleri, gemitus Sacerdotum, pontificum lachrymar, luctuosâ nobilium carmina, implacabilis Principum moeror, anxia Regum suspiria? Quorum omnium una vox, unaque dicitur esse sententia communis, *Omnia quæ sunt in hoc seculo nequam, mala pariter & scandala, quæ profectò superceleri festinantissimaque reformatione multum egent, errores videlicet & hæreses, corrupti mores, ira, rixa, guerra, sectæ, divisiones, simonia, concubinatus, fornicationes ceteraque deformitates & omnia quibus tota Christianitas paulominus ad fundamentum exinanitur, eo prius provenisse, magisque semper ac magis de die in diem invalescere, quia de vitiorum & hæresum extirpatione, de conversione morum, de dissidentium inter se Christianorum pace & concordia per sanctam & desideratam cunctis gentibus Ecclesia Dei reformationem Ecclesiastici viri sufficienter hæcenus non curaverunt.*

His

His ergo, beatissime pater, assiduis validissimisque populi *Christi* clamoribus quibus ferè comparati, minores invenirentur clamores filiorum *Israel* ab *Aegyptiis* quondam oppressorum (ad quos tamen visitandos & in melius reformandos, clementissimus Deus (ut habetur *Exod.* 2.) misericorditer descendere dignatus est) ad has insuper matris Ecclesie piissimas gemitivasque voces, quæ profectò corda *Christiana* non obdurant sed referant, non seducunt sed compungunt, excitatus, & ad sanctæ compassionis affectum salubriter perductus Serenissimus, &c. Vestræ sanctitatis filius devotissimus, more progenitorum suorum clarissimorum *Francia* & *Anglia* Regum, qui ad subveniendum Ecclesie Dei necessitatibus nulli Regum aut Principum terræ fuerunt unquam secundi, per id quod in ipso est, his tantis Ecclesie malis efficaciter occurrere, seq; murum opponere pro domo Dei summis affectibus disposuit & festinat; sciens utique, sicut loquitur Apostolus, *1 Cor.* 9. quòd bonum est homini magis mori quàm ut gloriam suam evacuet. Cum enim desolatis afflictisque populis proprium sit Regum clementer subvenire, dicente poetâ,

\* *Crede mihi, res est succurrere lapsis.*

\* *Deest Regia,*

Quo pacto suam non evacuat gloriam Rex qui Ecclesie Sanctæ Dei dolores, ut parturientis patienti vel ad horam succurrere distulerit? Sanè rerum omnium opifex Deus, qui solo suo bonitatis intuitu cuncta produxit in esse, res creatas amoris cuiusdam vinculo sic conjunxit & univit, sicq; de se invicem voluit esse sollicitas, ut unaquæq; res non propter seipsam, sed ut alteri serviat & ministret, esse creata videatur; & quanto res aliqua nobilior est atq; perfectior, tanto de sibi subiectis & inferioribus creatis curam atq; sollicitudinem gerat ampliore, quemadmodum, *Luc.* 22. scriptum est, *Qui major est in vobis fiat sicut junior, & qui præest, sicut ministrator.* Et hæc omnia videre perfacile est considerantibus regulares continuosq; motus & influxus planetarum cæterorumq; corporum coelestium, quibus hæc inferiora corpora in suis operationibus dirigunt & adjuvant: Considerantibus insuper actus hierarchicos, qui sunt purgare, perficere & illuminare, quos angeli superiores respectu inferiorum, inferiores respectu hominum regulariter exercendo, ipsis ministrare & quodammodo servire nescunt; quemadmodum divinus *Dionysius* in lib. *De Coelesti Hierarchia* plenius diffusiusq; commemorat: Et hoc amoris vinculum æquo pensans libramine disertissimus atq; eloquentissimus *Cicero* in primo *De Officiis* eleganter fuisse dictum de *Platone* recitat, quod non nobis solum nati sumus, sed ortus nostri partem patria vendicat, partem amici; & ut placet *Stoicis*, inquit, *Quæ in terris gignuntur, omnia ad usum hominum creata sunt; homines autem hominum causa geniti fuerunt ut ipsi inter se alius alteri prodesse possint.* Cum igitur, beatissime pater, serenissimus, &c. V. S. filius devotissimus tantum sit & \* ejusdem nobilissimum membrum, ut inter omnes Reges & Principes orbis *Christianissimo* nomine mereatur insigniri, quomodo cæteris sibi subiectis & inferioribus Ecclesie Dei membris per omne quod in ipso est, Sanctam eis celeremque reformationem procurando non tenebitur subvenire? Imò quanto constat ipsum esse nobiliorem atq; sublimiorem præ cæteris, tanto sibi incumbit necessitas providendi ut diebus suis in Ecclesia Dei nil monstruosum vel scandalosum seu deformatum vel maneat vel appareat: quod utiq; pro viribus adimplere in præcordiis quoq; suis super omnia videre desiderans, V. S. clementiam, beatissime pater, sine qua profectò collapsi deformatq; muri Hierusalem reedificari non possunt, ut suis digneque favere votis, suaq; sancta perficere velit desideria, miseris quoq; celeriter subveniat, quibus per defectum Reformationis, per universum orbem populus *Christianus* paulo minus ad mortem opprimitur: Per hæc verba Regia clementer saragit inclinare, *Fiat misericordia tua, Domine, super nos, &c.* Est enim misericordia, secundum *Augustinum*, alienæ miseriæ compassio, qua utiq; si possumus, subvenire compellimur; & hæc virtus eo ipso grata est & placens Altissimo, ut etiam quibusdam sacrificiis ipsam præferens, dicere voluit per Prophetam, *Misericordiam volo & non sacrificium*: Imo pater misericordiarum & Deus totius consolationis misereri semper & parcere ut proprium sibi vult attribui; per hoc parenter innuendo, nihil esse quod æquè sicut misericordia hominem Deo propinquum & similem reddat & efficiat: Hinc *Tullius* loquitur egregius (quemadmodum in 9<sup>o</sup> de civitate Dei beatus *Augustinus* pulchrè pertractat) cum in oratione populari de laudibus *Cæsaris* loquitur, *Misericordiam similiter cunctis anteponeas virtutibus, Nulla, inquit, de virutibus neque desiderabilior neque gratior misericordia est.* Licet ergo, beatissime pater, multæ sint hominum modernorum deformitates & miseriis multas habeant iniquitates & peccata (& si dixerint peccatum non habemus, veritas in ipsis non est) quia tamen hanc præclarissimam misericordiae virtutem in Vobis esse summam opera vestra piissima quotidie loquuntur,

tur, si his tantis hominum deformitatibus & miseriis Rex noster Christianissimus misericordias vestras applicari meruerit, quis de suscitatione jacentium egenorum in pulvere; quis de morbidorum oviumq; Christi Vestro Apostolatu sacratissimo commissarum perfectissima citissimaq; curatione cunctabitur? Vincant igitur misericordiae vestrae misericordias nostras, beatissime pater, ut & misericordias domini nostri, beatissimi pape Martini, mundus in æternum decantet. *Fiat*, inquit Rex, *miseri-*  
*fericordia tua, Domine, super nos, quemadmodum speravimus in te.* Sed inter misericordias vestras quæ tantæ sunt, & eas supra mundum multiplicari necesse est, quænam esse putabitur illa misericordia, beatissime pater, quam fieri supra nos Rex noster *Christi-*  
*nissimus* tam instantè efflagitat, nisi festina sacri generalis Concilii celebratio, & in eodem fienda *Universalis Ecclesie Dei tam in Capite quam in membris conveniens salubrisq;*  
*reformatio?* Cum enim, quasi tempora venerint novissima in quibus filius perditionis non audiantur nisi praelia & seditiones, altaria Dei lamentabiliter destruantur, Ecclesiæ ministri in servitutem Pharaonicam miserabiliorem sint reducti, loca sancta ruant, Ecclesiastica sacramenta ceteraq; ministeria regni Dei perperam conculcentur, insurgant sectæ novæ, prævaleant hæretici, superstitiones vigeant, abominandi formidandique schismatis idolum multi reædificare moliantur, vocatione quoq; qua vocati sunt, jam amplius ambulare dignè nolentes *Christiani* suis nefandis sceleribus, violentiis, injustitiis, exactionibus indebitis, timoniis publicis, fornicationibus notoriis, cæterisq; pessimis abominationibus, ad quas videndas *Ezechieli* fodere parietem opus non est, *Christi-*  
*nitatis* nomen etiam apud infideles foetere faciant contempibilemque reddant; quid Rex, quid clerus, quid populus, quid sacerdos, quid denique juvenes aut senes ex omnibus misericordiis vestris, beatissime pater, aliud habent implorare, nisi festinam Sacri Concilii generalis celebrationem, in quo tantæ deformitates celeriter reformentur, per hocque, sicut loquitur Apostolus, *Omne os obstruatur, & fiat omnis mandus sub-*  
*ditus Deo?* Post hanc quippe misericordiam spirat & suspirat Rex noster *Christi-*  
*nissimus*, & eam cum ipso summe desiderant omnium regnorum suorum ac dominio-  
 rum suorum fideles & subditi, simul in unum dives & pauper; & in spe quod hanc in Concilio *Senensi* novissime lapsus mundus deberet misericordiam foeliciter recipere, quam sacrum *Constantien-* Concilium circa Vestrae Sanctitatis sublimationem occupatum, perficere non valens, ad tunc proximè secuturum generale Concilium remiserat, suos ad dictum *Senense* Concilium Rex noster *Christianissimus* solennes Ambassiatores destinavit, plures utiq; sicut & cæteri Principes orbis, mittere paratus, si *Altitudo*  
*divinarum Scientia & sapientie Dei, cujus incomprehensibilia sunt judicia, Vestram Sancti-*  
*tatem* ab impediendis quæ tunc supervenerunt sibi misericorditer præservans, ipsam, ad dictum *Senense* Concilium, quod suis celebrabatur pro foribus, permisisset descendere, bona profecto facturam quæ vix hominum quisquam æstimare sufficeret; corruptos videlicet mores ab Ecclesiâ Dei expellendo, hæreticos confutando, *Græcos* cum *Latinis* uniendo, *Convertendosq; corda patrum in filios & in incredulos ad prudentiam*  
*justorum:* ad quæ bona vix utique redditus creditur esse possibilis, nisi, quemadmodum postulat Rex, celeriter *Fiat misericordia tua, Domine, &c.* Hanc verò misericordiam propterea Rex *Christianissimus* etiam serventius prosequitur & optat, quoniam ad ponendam conservandamq; pacem in populo *Christiano*, sancti patres olim ipsam eoque necessariam atq; fructuosam esse docuerunt, ut vix in Ecclesiâ Dei vel hæreses vel schisma aliufve qualiscunq; morbus *Christianitatem* inficiens fuisse legatur exortus; ad cujus perfectam curationem sacrum generale Concilium velut antidotum ad hoc summe necessarium maximeq; conveniens sapienter non adhibuerunt. Quid enim *Arium*, quid *Sabellium*, quid *Manicheum* ceterosq; devicit hæreticos aut etiam Schismaticos, & de *papatu* contententes, vel in *papatu* regimine notoriè delinquentes, quid præter sacrum Concilium generale ad temitas rationis vel reduxit vel poruisset reducere? Siquidem & in primitivâ Ecclesiâ, cum inter fideles questio fuisset exorta super sanguine suffocato cæterisq; caeremoniis Legis, beati Apostoli, quostamen Spiritus sanctus replebat, nullius ipsorum, sed neq; *Petri* judicium sententiæ Concilii generalis præferentes, ut omnis de medio *Christianorum* tolleretur divisionis occasio, mox sacrum generale Concilium celebrare voluerunt; cujus Concilii sententiam (ut habetur *Act. 15.*) beatus *Jacobus* pronuncians, *Visum est*, inquit, *Spiritu Sancto & nobis:* per hoc utique luculenter insinuando, quàm amplexanda, quàm fovenda, quàmque veneranda fuit à Regibus & Principibus univerloq; populo *Christiano* generalium celebratio Conciliorum: quibus ritè celebratis Spiritus Sanctus sic assistit ut in ipsis eandem homines cum Spiritu sancto mereantur proferre sententiam; nec jam ibi sunt  
 homines



homines quī loquuntur, sed Spiritus sanctus qui loquitur in ipsis. Et ex causa fortassis potest contingere quod licet plenitudo potestatis Ecclesiastica in summo Pontifice planè resideat; nullaq; sit viatrix creatura, quam \* vicarius *Jesus Christi* sufficienter reformare deducereq; non valeat de virtute in virtutem, &c. Propterea in his quæ generalem populi *Christiani* in fide & moribus deformati concernunt *reformationem*, ad generale Concilium recurritur, quoniam cum Spiritum sanctum Concilii generalibus ritè celebratis regulariter & infallibiliter assistere nemo fidelis ambigat, hoc ipsum Spiritu sancto per Salvatorem promittente, cum dixit, *Ego vobiscum sum usq; ad consummationem seculi*: &, *Ubi duo vel tres in nomine meo fuerint congregati, in medio eorum sum*: Ipsorum providè Conciliorum generalium definitiones, declarationes, condemnationes cæterasq; quascunq; ordinationes vel sententias tanquam regulas prorsus infallibiles, & non quasi ab hominibus, sed à Spiritu Sancto inspiratas & traditas Reges & Principes cunctiq; fideles recipiunt, eisq; longè libentius obsequuntur, quàm si similes aut fortè clariores ab homine peccabili, quanquam summo fungente sacerdotio, traderentur eis. Quia etiam in statutis per Concilia generalia editis Reges & Principes cunctiq; fideles *Christiani* præsentēs virtualiter existunt & in eis consentiunt (nimirum cum legem quam homo tulerit, ipse pati debeat) ad obediendum statutis Conciliorum generalium Reges & Principes cæteri; fideles facilius inclinantur, nec eorum cuiusquam ulla potest obrepere excusationis occasio, quominus fideliter & inviolabiliter ea teneantur adimplere. Et huic fundamento Catholico dudum forsitan innitentes viri sancti tantam Concilii generalibus reverentiam impendisse leguntur, ut etiam magnus ille *Augustinus* dicere non erubuerit, *Evangelio non credendum nisi me Ecclesia compelleret auctoritas*: Quo motivo fortassis etiam moti pariter & inducti nedum Græci sed pariter Hussitæ à suis erroribus & viis pessimis converti fortè recusant, donec sacrum generale Concilium celebretur, in quo Spiritus sanctus doceat eos omnem veritatem, & non quasi per homines, sed per Spiritum sanctum convicti, recognoscensq; quàm turpiter deficiunt scrutantes scrutinio respicere compellantur, in laudemq; Concilii generalis perpetuò clamare non desinant, *Suscipimus, Deus, misericordiam tuam in medio Templi tui*. Quando ergo, beatissime pater, sacrum generale Concilium tantæ sit auctoritatis & efficacæ, in tantamq; venerit apud omnes *Christicolæ* venerationem, ut sine ipso vix credatur esse possibile illos qui sunt in fœdibus errorum corruptorumq; morum non fordescere semper, per ipsum autem & in ipso sit fideles omnes consertim & efficaciter posse recipere pacem cum Deo, inter se reconciliationem, vitiisq; & hæresum extirpationem fructiferam, desiderandam *Græcorum* cum *Latinis* unionem, nonne Rex noster *Christianissimus*, qui præcipuus inter omnes cœtaneos suos Sacræ fidei sanctæq; matris Ecclesiæ pugil & defensor est constitutus, cuiq; (sicut loquitur Scriptura) *gladius in vindictam malorum, laudem vero bonorum, à Deo traditus esse dinoscitur*, ut has tantas divinæ dulcedinis benedictionis languidus *Christi* grex suscipiat, ut *inguentum istud pretiosum quod est in capite nedum in barbam Aaron, sed etiam in oram vestimenti ejus celeriter descendat, festinam hujus sacri Concilii generalis celebrationem incessanter atq; viriliter procurare prosequiq; compellit*, imò planè compellitur, & ad hoc ipsum habere manifestum interesse? Ipsumq; ad hoc ligatum esse prorsus & astrictum etiam per *motiva* quæ sequuntur, si ad plenum ea deducere fastidium non afferret, plenè demonstrabile est: quorum *motivorum primum* fundatur in fidelitate qua Rex ipse *Christianissimus* Ecclesiam Dei astringitur defendere; illis videlicet qui per errores & hæreses aliisve modis ipsam impugnant & lacerant, viriliter resistendo.

*Secundum motivum* fundatur in honore seu reverentiâ, quem suis debet progenitori-bus exhibere, per magnificum videlicet opus *Reformationis Ecclesiæ*, quod ipsi progenitores (prout toti mundo constat) cum indefessis laboribus & expensis edificare cœperunt, ad perfectam consummationem deducendo.

*Tertium* fundatur in fideli custodiâ quam populis sibi commissis & subiectis tenetur ministrare; ipsos videlicet à schismaticis & hæreticis cæterisque lupis rapacibus sollicitè defendendo.

*Quartum* fundatur in charitate seu benevolentia quam *Græcis ac Barbaris, Sapientibus & Insipientibus*, quibus debitor est, debet compendere; ipsas videlicet ad pacem & concordiam, piissimumq; sanctæ matris gremium diligenter reducendo.\*

*Quintum* fundatur in famæ propriæ custodiâ, quam obligatur pro viribus illæsam conservare; ipsam videlicet ab omni suspicionis sinistra notâ sapienter præservando. Et ut ex omnibus saltem ultima vel in parte declaratio dicta nostra verificet, cum Rex noster *Christianissimus* à prosecutione celebrationis Concilii generalis, & in ipso

hændæ

\* Actum esse de Christianis, si non habuissent meliorem reformatorem Papam.

fidei reformationis desistendo, illam possit damnabilem omniumque punitioe dignam incurere notam fautoris deformationis Ecclesiae, quia, secundum *Gregorium*; *Error cui non resistitur, approbatur*: Et, *Consentire est*, inquit *Bernardus*, *tacere, cum possis arguere*. Nonne ut suam famam gloriosam, illamque Galliam inclytam, qua, dicente *Hieronymo*, monitis semper caruit, ab hac execrabili fautoris deformationis Ecclesiae notâ, illasam prorsus servet & immunem, ad prosequendam hanc festinam Concilii generalis celebrationem omni iure, divino & humano, ligatus esse censetur & astrictus? Et vehementer quidem astrictus est, & si sic non faciat, vix à delicto maximo mundabitur; quoniam non solum qui faciunt mala, sed qui facientius consentiunt, ab Apostolo digni morte iudicantur: Nec consequentia vel apparentia quicquam habet, si singuli Reges aut etiam congregati cum Deo *Abraham* principes populorum hanc Concilii generalis celebrationem fortè non quærerent, quòd propterea Rex noster non desistere debeat ab inceptis; quoniam nullum forsitan in tota *Christianitate* regnum invenitur quod in vacantiarum solutione, in beneficiorum Ecclesiasticorum adeptione, in causarum beneficium deductione tam enormiter & notoriè sicut Christianissimum obedientissimumque *Francia* regnum deformatur lædaturque. Sed esto, his morbis particularibus absque generali Concilio medela sufficiens valeat adhiberi. Si tamen (quod absit) adhuc omnes declinent, & deformando defectus notorios, quos circa fidem & mores patitur Ecclesia, nemo curaret, nonne propterea contra divinæ legis præceptum à Rege nostro turba est ad faciendum malum sequenda? Imò cordatus atque magnanimus ille *Mattathias* & virorum illustrium catalogo iustus inscribitur qui zelo divinæ legis succensus, 1 *Maccab. 2.* solus invenitur fidelis liberiusque protulisse, *Ei omnes gentes regi Antiocho obediunt ut discedas unusquisque a servitute legis patrum suorum, ego & filii mei obediemus legi patrum nostrorum: propitius sit nobis Deus*: Si enim in Ecclesiae Dei necessitatibus Christianissimus *Francia* & *Anglia* Rex taceat atque dissimulet, in quem amodo suæ salutis anchoram figere poterit Ecclesia? Si statuta (haud dubium prorsus inviolabilia) sacri *Constantiensis* Concilii super Ecclesiae Dei reformatione, *Græcorum* cum *Latinis* unione salubriter edita Rex noster, tanquam primogenitus sanctæ matris Ecclesiae Rex, efficaciter observari primus & ante omnes fideliter non procuraret, quis ex omnibus Christi fidelibus in hoc opere tam arduo iustæ dissimulationis caulas ad exemplar, ac per hoc, ad ignominiam Regis nostri, prætereundum non poterit? Sed & Rege ipso dissimulante & usque ad terminum in *Senensi* præfixum, Concilii generalis celebrationem expectante, postquam statutis Concilii *Constantiensis* super Ecclesiae Dei reformatione salubriter editis, satisfactum esse non videt, magis autem ipsam Dei Ecclesiam continuè videt exponi periculis hæreticorum, periculis simoniacorum, periculis undique nunc insurgentium sectarum & hæresum, & quod lamentabilius est periculis, pseud-Christianorum per suos detestabiles corruptosque mores ipsam Ecclesiam enormiter notoriè scandalizantium; nunquid sanguinem & animas omnium Christianorum (præsertim sibi subditorum qui pendente tali expectatione prædictorum serpentium veneno pestifero læthaliter toxicabuntur) de manu sua, quemadmodum in *Ezechiele* scriptum est, exactissime requirit *Omnipotens*? Sanè adversus Reges ceterosque pastores & rectores populi Dei, qui pascunt semetipsos, gregem autem Dei commissum eis pascere non curant, horribiles formidandæque maledictiones per *Ezechielem* ceterosque prophetas imprecantur promulganturque. Admirari providè nemo potest aut debet si Rex noster sic ligatus & astrictus hanc misericordiam festinam, videlicet sacri generalis Concilii celebrationem ferventissime profequatur & optet. Et profectò, beatissime pater, ni fallitur ipse Rex, ni fallantur cum ipso viri doctissimi multumque per V. Sanctit. devotissimi, hæc misericordia nullum V. S. offerre potest Deo sacrificium acceptabilis; nullam populo Christiano vobis commissio gratiam conferre potestis ampliorem: sed & nulla laus durabilior, nullumque magis perenne decus vestris operibus virtuosus potest retribui, quam si diebus vestris Sanctam hanc Ecclesiam Dei reformationem, Concilio *Constantiensis* solenniter promissam, concorditerque per omnes nationes in Concilio ad Christum tunc quinquennium celebrando necessario fieri debere conclusam, adimplere merueritis in populo Dei. Si enim, ut ait Scriptura, homo alteri dare gloriam suam non debeat, quis vestram fideliter diligens sanctitatem, hanc Sanctam Ecclesiam Dei reformationem, ex qua totius gloriæ vestræ summa dependet, quali alteri reservandam ultra, vel ad momentum differendam esse consuleret? Præsertim consideratâ hac Solomonis sententia durissima, *Ecclef. 9.* quemlibet ex cultoribus vineæ Domini *Sabaoth* ad jugiter laborandum terribiliter incitantis, *Quodcumque*, inquit, *potest manus tua facere, instanter operare; quia nec opus nec ratio, nec scientia nec sapientia erunt apud inferos, quò in properas.*

An cui homini, ut de sanctâ reformatione gloriam reportet, ad septennium vivere spondit Altissimus? Sed & hominibus quotidie morientibus, & sub deformationis naufragio pereuntibus & perditis, quid proderit ad septennium, quantumlibet salubris, facta reformatio? Cur enim tantum fuit Ecclesiæ Dei unio desiderata? Aut etiam duobus gemellis in utero sacro *Rebecca* dudum collidentibus foeliciter expulsi, quid necesse fuit in *Constantia* concipere, quidve ibi nasci profuit, nisi ut festinanter redimi reformariq; proficeret? Itaq; tanta fuit à longævis temporibus in Christianitate morum deformitas, ut sacrum *Constantiense* Concilium ad Ecclesiæ Dei reformationem æque sicut ad sedationem nefandi schismatis celeriter congregatum necessarium extiterit. Quoniam autem extunc hominum malitia eousq; crevit continueq; crescit, & valde timendum sit ne in proximo Deum poeniteat hominem fuisse, quid superest, beatissime pater, si populus Christianus sacratissimo regimini vestro commissus paulisper adhuc reformatione caruerit, nisi quod ipso paulatim in vitiis & erroribus inévulsi biliter radicato, ad profundumq; peccatorum deveniente, tandem aliquando *Moyss* tarditas arguatur, & sicut *Exod. 32.* scriptum est, ipse populus adversus *Aaron* congregatus terribiliter vociferet, *Surgens fac nobis Deus qui nos præcedat; Moyss vero huic viro qui nos eduxit de terra Aegypti, ignoramus quid acciderit.* Annon, beatissime pater, securus ad radicem arboris status Ecclesiastici, ut omnino succidar & amputet, jam esse posita dinoscitur, ipsaq; arbor licet grandis & ad coelum usque pertingens, nedum in *Bohemiâ*, sed etiam in omni ferè Christianorum gentè juxta parabolam, *Luc. 14.* script. tanquam *ficulnea prorsus inutilis frustraq; terram occupans, ad succidendum ejiciendumq; foras publicè damnatur, nisi celeriter hunc tamdiu expectatum pariterq; generalia Concilia promissum, sanctæ reformationis fructum salutiferum languescenti populo Dei efficaciter attulerit? Lignum habet spem, ait *Job, & si præcisum fuerit, rursus vivit & rami ejus pullulant:* Sed heu! præcisam (quod absit) subtractamve semel ab Ecclesiâ, eò quod seipso & alios non reformant, temporalium viriditatem, quis eam ultra pusillus aut magnus vel germinare vel fructificare conspiceret? O igitur foelix fortunata progenies inclyta de *Columna*, cui certè similem in gloria *Roma* non habuit, si ex te natus beatissimus papa *Martinus*, sicut inveteratum schisma, quo nullum durius Ecclesiam attriverat, foeliciter terminando, ex omnibus Christi ovibus longè latèq; dispersis unum ovile facere & earum fieri meruerit unus pastor; ita per sanctam atq; desideratam cunctis gentibus, *Ecclesiâ Dei reformationem, qua sunt in calis & in terra*, sicut loquitur Apostolus pacificus, omnia scandala tollere de regno Dei, *Hierusalem* quoq; matrem nostram rursus reponere, mereatur laudem primam in terra, quod utiq; si fiat & hæc misericordia tua, Domine, super nos, quemadmodum speravimus in te, celeriter impleatur, profectò neq; schismatici de *Pannicola* neq; *fratricelli* longævis temporibus se papam habere mentientes, sed neq; *Hussiti* aliive forsitan latentes, & his peiores hæretici, adversus Ecclesiam Dei prævalebunt; quæ per sanctam reformationem in fide & charitate firmiter radicata crescet amodo in templum sanctum in Domino, & erit semper habitaculum Dei. Hanc igitur misericordiam vestram, beatissime pater, festinam videlicet sacri Concilii celebrationem, & in ipso fiendam *Universali Ecclesiâ Dei ram in capite quàm in membris reformationem*, propter præactas ac alias multiplices rationabilesq; causas, opportuno tempore, si res id exposulaverit, propensius declarandas, Serenissimus ac Christianissimus, &c. Vestræ sanctitatis filius, per omnia devotissimus, supra nos, i. supra omnem populum Christianum, eum autem maxime qui suæ Regali custodiæ commissus est, summis affectibus fieri desiderans, per nos hic affantes suæ Regiæ celsitudinis Ambasiatores & nuncios ad beatos *V. S.* pedes provolutus, in spiritu humilitatis & in omni qua potest devotione & reverentiâ, per viscera misericordiæ *Jesu Christi*, qui vobis cæterisq; successoribus suis exemplum ut ita faciat relinquens, non solum per legatos & nuncios, sed etiam impropria laboreq; durissimos in proprio corpore subeundo, cunctaq; temporalia bona propter hoc postponendo, Ecclesiam suam sanctam, sponsam vestram, reformare dignatus est, benignissimæ sanctitatis vestræ supplicat, ipsamq; suppliciter rogat & hortatur, ab eadem quoq; nihilominus instanter petit & requirit, quatenus sacrum generale Concilium, quod à fine Concilii *Senensis* novissime celebrati venit ad septennium, in civitate *Basileâ* celebrandum, hinc ad annum vel citius, si *V. sanctitatis* citius id fieri videretur expedire, prædicti septennii terminum breviando, in dictâ civitate *Basileâ* misericorditer celebrare dignemini: tunc quoq; ad dictam Civitatem *Basileensem* personaliter & in propria descendentes, vocatis sufficienter & tempore debito, vobiscumq; personaliter in dictâ civitate *Basileensi* congregatis omnibus & singulis reverendissimis in Christo patribus & dominis, dominis sanctæ *Romane* Ecclesiæ Cardinalibus cæterisq; prælatis*

prælati & personis qui de jure vel consuetudine Concilii tenentur interesse generalibus, in eodem *Basileensi* Concilio universalem Ecclesiam Dei tam in capite quam in membris sufficienter & efficaciter reformare similiter dignemini, plebis vestræ *Christiane* piis desideriis atq; precibus devotissimis per hoc satisfacientes citius. Deformitates nimias & ob defectum Reformationis continuas lamentationes Rex noster Christianissimus ultra sustinere non valens, malensque si fieri possit, ut in hoc exaudiri mereatur suos reformari subditos cum gladio spirituali, & per viros spirituales, quàm quòd propter hoc oporteat gladium in vaginâ repositum extrahi, ad vestræ sanctitatis clementiam, quæ supremum & fidele Christianorum refugium est, in qua totius humanæ salutis spes reponitur, cum his verbis clementibus & regis festinanter atque sapienter elegit occurrere, *Fiat super nos, &c.* Eja igitur, beatissime pater, hujus tanti tamq; *Christianissimi* in hac humili suâ petitione, propter Dei gloriam, vestri nominis exaltationem, populi quoq; *Christiani* ab omnibus quas patitur deformitatibus liberationem, nihil atq; quaritantis, vestra benignitas, pie supplicamus, orationes exaudiat, nec nos deserat in tempore malo : miserere domine plebi tuæ quæ te per annos ultra 40. patienter expectavit ; à Deo siquidem prædestinatum & electum, ut sedato diro schismate \* perfectam reformationem, esses brachium nostrum in mane & \* salus in tempore tribulationis. Aperiant viscera misericordiæ vestræ, beatissime pater, preces parvulorum, ad pedes Sanctitatis vestræ sanctæ Reformationis panem erogari sibi flagitantium : & ne fortè (quod absit) nobis etiâ videntibus & lugentibus, veniant *gentes* in hæresitatem tuam, polluant templum sanctum tuum, ponant *Hiernsalem* in pomorum custodiam, ne rursus nos apprehendant illa grandia scandala, gravia pericula pariter & mala quæ Regi nostro *Christianissimo* versimiliter & valdè breviter in Ecclesiam Dei videntur esse ventura, si quo minus totiens petium totienq; promissum factum generale Concilium in quo Ecclesiæ Dei Reformatio sufficienter & plene fiat, celesiter celebretur. Sed & ad salvandum populum vestrum & benedicendum hæreditati vestræ, vestram, beatissime pater, rursus devotissimè supplicamus, moveant pietatem.

*Modum petendi dulcis & conveniens* quo ipse Rex. sanctitatem vestram alloquitur ; *Fiat, inquit, Res ipsa desiderabilis multum*, quia Deo placens, quæ à vobis exigitur, misericordia.

*Anxietas vehementer argens*, qua tota Christianitas opprimitur. *Nos.*

*Potestis, ad omnia sufficiens* vobis à Deo collata, cui totus mundus innititur ; *ideo speravimus in te. In te, inquit : Speravimus*, ait Rex ; Beatissime pater, quia te credimus & veraciter confitemur esse verum Salvatoris nostri vicarium, qui sperantes in se semper consolatur & salvat, & confugientes ad ipsum, vacuas nunquam remisit nec amovit manum suam à genere suo ; qui tantam in hominum reformatione capit complacentiam, ut populi Dei salutem & reformationem procurans, quod diu cum hominibus fuerit conversatus, docere, orare, prædicare, discurrendosq; per regiones & castella, poenas amarissimas subire nunquam cessavit ; etiâ patenter asseverans se non esse missum nisi ad reformandum & salvandum oves, quæ perierant domus *Israel* : tandem quoq; venturus ut reformet *Corpus humilitatis nostræ* figuratum *corporei clauitatis suæ*, reformatosque absque ulla corporis & animæ deformitate in illa coelesti *Hiernsalem*, quæ non habet maculam neque rugam, cum ipso regnare nos faciat in secula seculorum. Amen.

Hæc autem omnia, beatissime pater, quæ à meipso non sum loquutus, sed de mandato & ordinatione sæpediti Christianissimi Principis, Domini nostri *Francia & Angliæ* Regis per me dicta sunt & prolata, omnimodæ correctioni atque benignissimæ supportationi Vestræ Sanctitatis humiliter submitto ; supplicans dominis Collegis & *combassatoribus* meis, ut si plus minusve protulerim quàm *Instructiones* meæ continent, quatenus imperfectum meum festinanter corrigere & benigniter emendare velint.

Et quia, beatissime pater, sæpeditus *Christianissimus*, &c. ad singula quæ prosperum & foelicem Sanctæ matris Ecclesiæ statum, vestræ quoque Sancti. saluum concernunt & honorem, animum affectione sincerissimâ plenum .... gerit & habet, & pro reducendo sanctam Ecclesiam ad statum honoris & honestatis, laboribus & expensis omnino parcere non volens, constanter disposuerit & intendat, mox motivo super his accepto, à V. Sanctitate responso, in agendis suis taliter disponente, quòd, sibi dextra Dei propitiante semper in Sacro generali Concilio quod sua Serenitas hinc ad annum vel citius si vobis videbitur expedire, in civitate *Basileensi* petit celebrari, per suos solennes oratores & nuncios comparere non omittit ; facietque ut subditi sui, quemadmodum ad hoc tenentur, sufficienter vadant & mittant. Vestræ proinde Sanctitatis

\* Bone Deus,  
quantum ex-  
cussit ista  
causa!

citati beatissimæ rursus humiliter supplicat, quatenus per nos hic astantes, suæ Regiæ celsitudinis Ambasiatores, eadem sanctitas vestra sibi celeriter super dicti celebratione Concilii & in ipso fienda Ecclesiæ Dei reformatione, suam dignetur remandare sanctissimam intentionem; pro qua verisimiliter & nos, prædicti Domini nostri Regis vice ac nomine, humiliter & devotè supplicamus.

*Explicit Propositio super acceleratione generalis Concilii pro reformatione Ecclesiæ, &c. pro parte Christianissimi Principis, Franciæ & Angliæ Regis, coram beatissimo papâ Martino quinto, per Abbatem Urlicampi facta A. D. M. CCCC. XXV. die 27. mensis Novembris.*

¶ Deinde folio 84. ejusdem MS. b. sequitur

### *Collatio ejusdem Abbatis habita ad Collegium Cardinalem.*

**R**everendissimi in Christo patres & Domini, Sermo궑es & credentiam vestram expressurus quas Serenissimus atque Christianissimus Princeps Dominus Henricus Dei gratiâ, &c. per nos hic astantes, &c. nuncios & vestras Reverendissimas paternitates destinat & dirigit verbum illud scriptum ad *Ephes.* 3. arbitratus sum esse præmittendum; per quod olim beatus Apostolus ad Ecclesiæ Dei multiplicationem & exaltationem fideliter laborans ipsos *Ephesus* in auxilium sibi convenienter advocavit, *Peto ne deficiatis in tribulationibus meis pro vobis, quæ est gloria vestra.* Itaque Reverendissimi patres, ineffabilis Dei providentia, per quam in fines sibi debitos, & convenientes, creaturæ singulæ sapienter diriguatur, in corpore Christi mystico, quod est Ecclesiæ, membra diversa diversis actibus & officiis insignita constituit, ipsaque de se invicem sic voluit esse sollicita, ut indigentia cujuscunque membri per opus alterius membri sublevetur, nullumq; reperitur in Ecclesiâ Dei membrum indigens, cui per aliorum superabundantiam non valeat subveniri. Unde sicut anima una vegetat atq; vivificat unum corpus hominis cuilibet membro vim & inclinationem alteri membro subveniendi tribuens, atq; communicans; ita Spiritus Sanctus omnia membra corporis, quod est Ecclesiæ, continens & vegetans quodlibet Ecclesiæ Dei membrum incitat & pulsat ut alteri membro serviat & ministret; inutilia videlicet ab ipso repellendo & proficua sibi conferendo; quemadmodum *Galatas* sibi fecisse testatur Apostolus ad *Gal.* 4. cum dicit, *Testimonium enim perhibeo vobis, quia si fieri posset, oculos vestros ernissem & dedissem mihi.* Et sicut in corporali oculo non solum videt pro se, sed pro toto corpore singulisq; membris videt, actumque videndi qui est in eo, formaliter toti corpori cuilibetq; membro utiliter communicat; ita in corpore mystico, quod est Ecclesiæ, quodlibet membrum omne donum quod à Patre luminum formaliter accepit, toti corpori singulisq; membris Ecclesiæ illa lege divinâ communicare compellitur, qua cuilibet fideli præceptum est, *ut sollicitus sit servare unitatem spiritus in vinculo pacis:* Et hæc omnia pulchrè profundèq; deducens Apostolus ad *Ephes.* 4. & *1. Cor.* 12. postquam officia diversa distinxit, quæ diversis Ecclesiæ membris donavit Omnipotens, Nominando quasdam Apostolos, alios autem pastores & doctores, ad consummationem sanctorum in opus ministris, in edificationem corporis Christi, tandem concludens qualem inter se Ecclesiæ Dei membra, *Si gloriatur unum membrum, congaudeant omnia membra.* Quia igitur, Reverendissimi patres & domini, Deus Omnipotens, cujus providentia in rerum dispositione non fallitur, vos in Ecclesiæ suæ columnas firmissimas, membraque eousque nobilissima dignatus est erigere, ut nedum in partem sollicitudinis, sed etiam in sponsæ Christi paranympchos atq; peculiare custodes assumptos esse; propterea quod & vocamini cardines orbis, mundi lumina, jubar Ecclesiæ, spes fidelium, sal terræ, sapientiæ thesauri, perfectionis apices, supereminentes omnium virtutum apothecæ; nimirum quodlibet Ecclesiæ Dei membrum pro succursu, pro remedio, pro juvamine, sufficientique suffragio in suis tribulationibus mox obtinendo, ad hunc vestrum sacrum celeberrimumque cœtum festinanter confidenterq; recurrens, vestræ pietatis viscera his Apostolicis satagit aperire clamoribus, *Peto ne deficiatis in tribulationibus meis*



*meis pro vobis, quæ est gloria vestra:* Et cum illius esse veri successores arbitremini qui nequaquam mentiebatur cum dicebat, instantia mea, *Quotidiana sollicitudo omnium Ecclesiarum*, tanto confidentius ad vos recurritur, quanto plenius agitur de materia quæ necessitates & salutem omnium Ecclesiarum; imò totius sanctæ matris Ecclesiæ concernit & aperit. Et hanc utique Catholicam & Apostolicam sequi desiderans & volens regulam atque doctrinam Serenissimus, &c. cum tribulationibus & angustiis internaque cordis amaritudine, propterea non ad mensuram sic repletus, quia continè videt & audit statum miserabilem, ad quem ob defectum Reformationis Ecclesiæ, tota *Christianitas* nedom in *Bohemiâ* sed etiam in omni ferè Christianorum gente lamenrabiliter est reducta, ut vos tanquam Ecclesiæ Dei membra verissima sibi suisque populis & subditis efficaciter compatiimini; sanctam videlicet atque desideratam cunctis gentibus Ecclesiæ Dei Reformationem ipsis celeriter procurando, per hæc Apostolica verba Vestras Reverendissimas Paternitates salubriter elegit & optat misericorditer excitari, *Peto ne deficiatis, &c.* Nec grandi recolendoque jugiter vacat mysterio quod dicitur [*pro vobis, quæ est gloria vestra*] quia si per Sanctam reformationem vestra mater Ecclesia ad statum honoris & honestatis, prout omnino necesse est, celeriter deducatur, id maxime pro vobis esse, in vestram quoque longè magis quàm in hominum quorumcumque gloriam patenter cedere Rex ipse Christianissimus non diffidit; quemadmodum vestrum honorem, vestram bonam famam, vestras operationes virtuosas secundum ipsum nil amplius labefaciat & deprimit, nilque statum Ecclesiasticum, in quo præstatis emeriti, periculis desolationis irreparabilisque jacturæ tantum videtur exponere, sicut Ecclesiæ Dei deformatio, si paulisper adhuc continetur & invaleseat. Si enim, ut ait Scriptura, cui plus [datur] plus ab eo exigitur, cum in Ecclesia Dei tantas tamque singulares obtineatis prærogativas, ut in signum quod totius Ecclesiæ regiminis five bona five mala dispositio ex vobis maxime dependet, summo Pontifici semper assistatis, summum Pontificem eligatis, Christianos omnes præter admodum paucos, in sedibus & honoribus præcedatis, quid superest, si paulisper adhuc talentum vobis commissum numulariis supererogare protelantes, Christianissimo Regi nostro ad hoc sanctissimum opus Reformationis Ecclesiæ collaborare defeceritis, nisi quòd summus Paterfamilias talentum ab eo commissum regulariter cum usurâ repetens & exigens, si talentum circa regimen Universalis Ecclesiæ vobis commissum, multiplicatum ad usuram non invenerit, magis autem invenerit pauperes Christi oviculas sub virgâ vestrâ periisse; quid, inquam, superest nisi quòd furore suo corripens & arguens, talentum vobis istud commissum quod in sudario tenueritis repositum, etiam & illud quod non habetis, crudeliter à vobis repositat & auferat eique tradat qui circa sanctam reformationem viriliter laborando, vel duo vel quinque talenta super lucro meruerit. Et hæc grandia scandala aliæque plurima pericula pariter & mala, quæ nedom Regi nostro, sed etiam ferè toti mundo versimiliter & valde breviter in Ecclesiam Dei videntur esse ventura, nisi generale Concilium, in quo ipsius Ecclesiæ Reformatio tam in capite quàm in membris sufficienter & plenè fiat, celeriter celebretur. Mente Compassivâ Rex noster, &c. Considerans prædecessorum suorum clarissimorum *Francia & Angliæ* Regum, qui Ecclesiæ Dei necessitatibus nunquam defuerunt, vestigia salubriter imitando, his tantis Ecclesiæ malis efficaciter occurrere, seque & omnia quæ possidet & habet exponere pro domo Dei, quæ est gloria vestra, summis affectibus disposuit & festinat. Et jam sicut nuper vidistis & audistis, ob hanc causam ad sanctissimum dominum nostrum, summum Pontificem sua Regia Majestas specialiter nos transmisit, ejusdem sanctissimi domini nostri Sanctitatem per \* vos humiliter exhortans & requirens quantocytus sacrum generale Concilium quod à fine Concilii *Senensis* novissimè celebrati venit ad septennium in civitate *Basileensi* celebrandum, hinc ad annum vel citius, si quæ sanctitati id citius fieri videretur expedire, prædicti septennii terminum brevitando, in dicta civitate *Basileensi* personaliter celebrare, in eodemque *Basileensi* Concilio Universalem Ecclesiam Dei tam in capite quàm in membris, sufficienter & efficaciter reformare dignetur & velit. Et Reverendissimi patres & domini, iste conscriptus, iste venerandus & per omnia Deo amabilis tantorum patrum cœtus vester omnia præter in eo qui semper confortat, *Christo*. Sed & nulli dubium est si habueritis fidem ut granum sinapis, & sicut scriptum, *Matth. 17. Si dixeritis huic monti, i. deformationi Ecclesiæ, transi hinc, quin confestim evanescat & transeat. & nihil vobis erit impossibile.* Ad vestras proinde Reverendiss. paternitates, ut per medium ipsam hanc benedictam Reformationem, quæ (haud dubium) est gloria vestra, mundus, prout semper optavit & clamavit, festinanter suscipiet, Rex ipse Christianissimus nos hic assistantes suæ Regiæ celsitudinis oratores & nuncios festinanter confidenterque transmisit; eisdem paterni-

paternitates Reverendissimas affectu sincero & exhortans ac instantè requirens, quatenus per id quod in Vobis est, & quemadmodum ad hoc obligamini, diligentiam & operam velicis efficacem adhibere, quòd hinc ad annum vel citius, si id fieri citius Sanctitati Domini nostri videretur expedire, in dicta civitate *Basileensi* Concilium generale, in quo *Ecclesie Dei Reformatio tam in capite quàm in membris* efficaciter & plene fiat, celebretur: Tunc etiam propter hoc specialiter ad dictam civitatem *Basileensem* cum sanctissimo domino nostro omnes & singuli personaliter descendentes; sed ad hæc foeliciter modique prædictis peragenda, Sanctitatem domini nostri Summi Pontificis viis omnibus vobis possibilibus ac accommodis & honestis inducere dignemini, gloriam perennem laudesque prorsus indelebiles, gratiam quoque permaximam apud hunc tantum tamque *Christianissimum* Regem, qui pro vobis & ad gloriam vestram in hac re tam fideliter atque sollicitè laborat, inde reportaturi; ab Omnipotenti quoque Deo laborum vestrorum illos fructus gloriosos tandem recepturi; quorum foelix adoptio, ut ait *Augustinus*, est omnium fidelium vera merces; Deum videlicet semper videre facilliter, iploque perenniter beatificè perfrui in secula seculorum.

*Explicit Collatio ejus cujus supra habita ad Collegium Cardinalium.*

### *Propositio M. Willielmi Sulbury Abbatis Belli-loci ad Papam Martinum 5. pro acceleratione futuri Concilii.*

**B**eatissime pater, consideranti in tenebris deformationis deterrimæ, quibus diu involuta jacuit sancta mater Ecclesia, advertentique quomodo Sanctitas Vestra lucerna est ardens & luteus, posita supra Candelabrum Apostolicæ præminentiæ, ut luceat omnibus qui in domo sunt, *Jo. 5.* & tandem cupienti ex animo ut ipsa sacrosancta mater Ecclesia, vitorum tenebris effugatis, in lucem respiceret gratiæ & pristinæ honestatis, occurrunt verba supplicatoria, dicta per prophetam, *Emitte lucem tuam & veritatem tuam, Ps. 42.* Lux enim, juxta *Dionysium*, tres habet actus hierarchicos: Nam purgat, perficit & illuminat: Purgat foetida, illuminat media disposita, & perficit diaphana sive clara! Pariformiter Sanctitati vestræ convenit, beatissime pater, purgare vitiosos per morum reformationem, & virtuosos perficere, ut in lumine vestro videntes lumen, de virtute gradiantur in virtutem ad videndum Deum deorum, in Sion. Ad hunc, beatissime pater, triplicem lucis actum, *Emitte nunc lucem tuam & veritatem tuam*: Trifario namque tenebrarum incommodo jamdudum subjacuit Ecclesia sacrosancta; tenebris videlicet *Schismatica dissensionis, tenebris hæretica dogmatizationis & tenebris perversa conversationis*. Verum primas tenebras foeliciter tulit e medio sacrosancta Synodus *Constantiensis*, quando per electionem unanimam triplicis obedientiæ vestram dedit sanctitatem Deus in lumine gentium, *Isa. 49.* ut pro cantico tripudii decantare possit Ecclesia, Tenebræ jam transierunt schismatis & desolationis, & verum lumen jam lucet in unitate Pastoris: Nam Pontifex factus in æternum, Altissimi Patris Filius pacificus, Rex & Præsul triumphantis Ecclesiæ, militantisque salus indeficiens hierarchiæ, licet ex oculata sui profunditate judicii variis ad tempus schismatum flagellis, maxillas militantis Ecclesiæ ubertate fletuum, permiserat irrorari: veluti tamen pia mater diu deflentem filium ad ubera maternalis revocans solatii, tempore filium placat, dum in electione concordii, schismatis viæ divisionem terminavit, ad pacis visum Ecclesiam provocavit, post irriguos, quos effudit, rivulos lachrymarum. Sic populus *Christianus* qui ambulabat in tenebris Schismatis, lucem magnam vidit unitatis: sic habitantibus in regione umbræ mortis feræ dissensionis, lux unitatis orta est eis, *Isai. 9.* Secundas tenebras, hæreticæ sc. dogmatizationis, quamvis partim fugaverat eadem sancta Synodus, dum contra hæreticos, *Joannem viz. Hussi & Hieronymum de Pragâ*, quos meritò absumpsit ignis, egrediebantur quasi lux judicii ejus, *Osee 6.* propter tamen reformationis debetæ diutinam dilationem, in diversis mundi partibus errorum succrescunt nubeculae, dum iste prædicat quod oratio peccatorum non plus valet quàm mugitus boum; ille, quod decima sint pura elemosina; iste, quod decima personales de lege Divinâ non debentur ex precepto; ille, quod licet *Christianis* hujusmodi decimas suas conferre cuicunque pro sua libritu voluntatis. Sic tenebræ opprimunt terram Ecclesiæ, & caligo falsæ doctrinæ populos, *Isai. 60.* Sic à fide deviantes ambulant in tenebris; & nedum movere, imò subvertere

subruere moliantur omnia fundamenta terræ, Ecclesiæ sc. Sacrosanctæ. Tales itaque errorum turbines caliginosi per ministros principis tenebrarum hodie in populo, nisi celeriter occurratur remedio, nubem facient magnam, ac tenebrosam, & obtenebrata erit lux fidei à caligine ejus. *Isai. 9.* Emitte igitur, pater beatissime, sagittas tuas, & dissipabis eos in Spiritu, ut in luce Sagittarum tuarum & in splendore fulgurantis hastæ tuæ penitus extirpentur. *Abacuc. 3.* Nec unius tertiæ tenebræ, perversæ sc. conversationis, obscurant hodie faciem Ecclesiæ, quæ radiis Reformationis debite hucusque remanent effugandæ. *Apexi,* inquit propheta, *Cælos, & non erat lux in eis,* quia dum in clericis & prælatis, qui Cæli nomine designantur, lux deficit exemplaris Sanctitatis, quid remanet in terrenis potestatibus nisi vacuitas boni operis? *Triplici* namq; tenebrâ tota confunditur Ecclesiæ; *Fastu superbia & elationis;* malo *simoniace ambitionis,* & *luxu fornicariæ conversationis.* Ob elationis fastum pessimum timendum est, quod *putrescere faciet Dominus superbiam Hierusalem multam,* *Jerem. 13.* Propter Simoniacæ ambitionis malum de Ecclesiâ conqueritur propheta; *Deum, venerunt gentes in hereditatem tuam, polluerunt sanctum Templum tuum.* Et propter fornicariæ conversationis luxum, fortem, validum & omne robur, consiliarium & sapientem [auferet Dominus] & quod *Feminiati dominantur in eâ.* *Isai. 3.* Propter hoc enim peccata nostra exitium; & populus tuus, Domine, fuit in opprobrium cunctis gentibus; quum harum tenebrarum caligine facies Christi sponsæ, quam olim sine ruga vel macula sibi desponsaverat, adeo denigratur, quod ab ejus reverentiâ & amore seculi Principes & potentes meritò retrahuntur. Sperabant enim Principes Christiani, quod redintegrata Ecclesiâ per Capituli unionem, sequeretur perfecta Reformatio & Capituli & membrorum, juxta quod promissum fuerat, imò decretum in Concilio Constantensi. Unde non tam pro unionem quàm Ecclesiæ Reformatione gravibus sumptibus & expensis suos solennes Ambasatores ad idem Concilium direxerunt. Sed dum nec in sapedito Concilio Constantensi nec in sequenti Papæ inceperit, & secus terminato citra reformationem hujusmodi quicquid exsistit demandatum de & super reformatione fienda in posterum, pene coguntur in desperationis abyssum: quamobrem & conquerendo lamentabiliter, dicunt cum prophetâ, *Expectamus lucem, & Ecce tenebra; splendorem, & in tenebris ambulamus.* *Isai. 7.* Et eo magis spes eorum dilata affligit animum, quod Reformationem neglectam per quinquennium, jam audiunt ulterius prorogatum in septennium. Revera, pater beatissime, nisi salubri & celeri occurratur remedio, timendum quod in brevi Reformationem, quam negligit Ecclesiâ, in ejus defectu perficiet \* secularis potentia, & morum correctionem, quam dissimulat Ecclesiâ facere per se, & voluntariè, à brachio seculari patiatur inviti.

\* Næ hic erat homo prudens & honestus: plus vidit quam torus Papas.

Ista considerans, beatissime Pater, vestræ sanctitatis devotissimus filius, serenissimus Princeps, &c. qui ab innata sibi progenitorum suorum hoc traxit nobilitate, ut apostolatus vestri culmen sanctissimum summo semper coleret cum honore, & sanctam Romanam Ecclesiam summa cum devotione veneraretur ut matrem, ex advisamento & deliberatione sui Consilii præmaturâ hunc magnificum militem & me utique tali legatione immeritum. suæ serenitatis Ambasatores vestræ sanctitatis conspectui præsentari, ad eandem sanctitatem V. exhortandam, & quatenus opus esset humiliter requirendam, sicuti pro parte ipsius serenissimi Principis & metuendissimi domini nostri: ac de ejus mandato eandem sanctitatem vestram hortamur in Domino, humiliter requirentes, quatenus ad evitandum universalis Ecclesiæ commune dispendium, & ad obstruenda ora loquentium iniqua, dignetur eadem sanctitas V. servando locum pro proximè futuro celebrando Concilio præfixum, abbreviare terminum ad annum vel infra ab hujusmodi nostrâ exhortatione & requisitione sanctitati vestræ, ut præmittitur, factis, & ad illud unâ cum Collegio venerabilium dominorum, Cardinalium Romanæ Ecclesiæ, qui circa Sanctitatem vestram ambulant ut filii lucis, etiam in personis descendere, & effectualiter Reformationi Ecclesiæ Dei intendere dignetur vestra Apostolica celsitudo; ut sic sancta mater Ecclesiæ malis & angustiis quibus obsita noscitur, reddatur Deo magis placabilis & accepta. Et quanquam hæc nostra legatio aliquibus forsân videatur minus grata; consideratâ tamen piâ intentione ex qua procedit, meritò debet acceptari: procedit enim ex devotione, ex affectione, ex bono zelo quem ex deliberatione Consilii sui præmaturâ habet idem metuendissimus Dominus noster ad sanctitatem vestram & Romanam Ecclesiam. Estne sanctum, estne iuri Divino & humano consonum, quod Ecclesiæ reformetur? Estne convenientius, & auctoritati Sanctæ Romanæ Ecclesiæ magis accommodum quod sanctitas vestra, quæ caput dinoscitur omnium Ecclesiarum & Sanctæ Romanæ Ecclesiæ, quæ est omnium Ecclesiarum Domina & magistra, cum aliis prælatis in Concilio generali congregandis, hujusmodi faciat Reformationem, quàm quod in ejus defectu, eam utiurpe potestas



potestas secularis? Quæ causa, si placet, subversionis Ecclesiæ in partibus *Bohemie* (quæ modò recessit ab obedientiâ; & ut asseritur, pro sui magnâ parte paganizata) nonne Reformationis dilatio pro tempore opportuno? Revera, beatissime pater, confimilis Ecclesiæ subversio in aliis mundi partibus à verisimili formidatur, si non salubri & celeri occurratur remedio. Et quibus imputabitur, si ab allophyllis Arca Dei capiatur, si à laicis Ecclesiæ Dei concutetur? si igitur vilescant sacramenta, si *Malchus* in *Christum*, si *Phasur* in *Jeremiam*, si *Balthasar* in vasa Dei, manus extendat sacrilegas; nonne propter Reformationis defendendam dilationem sanctitatis vestræ sanctæ Romanæ Ecclesiæ? Igitur, beatissime pater, si his nostris *exhortationi* & *requisitioni* pro parte ipsius Christianissimi Principis & serenissimi Domini nostri sanctitati vestræ sic humiliter factis, dignetur eadem sanctitas pium & benevolum accommodare assensum; de quo petimus in scriptis certiorari. Idem beatitudinis vestræ filii serenissimus Princeps, metuendissimus dominus noster, ad eisdem locum & terminum, suos solennes mittere curabit Ambasiatores; qui bene cum aliis *Christianorum* Regum & Principum Ambasiatoribus in Reformationem Ecclesiæ, vestræ sinceriter cooperabuntur sanctitati, ad Ecclesiæ universalis communem utilitatem vestri nominis gloriam, ac ipsius laudem & honorem, qui juxta Apostoli testimonium, lux est per essentiam, & *lucem inhabitat inaccessibilem*; cui sit honor & imperium per infinita secula seculorum.

*Explicit Propositio Magistri Willielmi Sulbury, Abbatis Belli-loci, proposita Romæ beatissimo patri nostro Martino V. super acceleratione futuri generalis Concilii, A. D. M. CCCC. XXV. 27. die Novembris.*

*His lectis, nullus dubito, Lector, tibi abunde satisfactum esse de necessitate Reformationis Ecclesiæ ante 264 annos, & de magno desiderio Regis nostri per oratores suos Gallicos significato, ut quàm citissimè ea fieret per Concilium Basileense. Non solum status Ecclesiæ Anglicanæ sed & Gallicanæ ex hisce scriptis innotescit: de utriusque enim vitiiis apertissimè per Legatos Rex noster queritur & remedium à Pontifice, Regio morè, postulat. Accipe quæ tibi nunc damus bilari fronte; acient tibi, spero, appetitum videndi quid porro actum fuerit in hoc, quod tantum desideratum est, Concilio, & optandi simul ut quod ab isto tempore neglectum fuit, aut imperfectius præstitum, tandem aliquando omnium Christianorum bono absolutissimè fiat.*

*Præquam autem te accingas ad Concilii Basileensis historiam legendam, liceat mihi cum pace tuâ te etiam alia aliqua monere de cæteris Fasciculi & Appendicis partibus, quæ tuâ refert scire, nisi jamjam ea sciveris.*

*De binis literis Juliani Cardinalis, quæ proximè sequuntur Sylvii scripta, omnino tibi consulendus est Edmundus Richerius, pag. 54. libri tertii Hist. Concilior. general. Editionis memoratæ: ubi postquam eas verbatim descripserat, sicut hic extant, super eis solidè & doctè commentatur, eaque prodiit quæ neminem latere debent.*

*Deinde Appellatio ista (quæ eas sequitur) Parisiensis apud eundem Richerium extat, lib. 4. part. 2. ejusdem Historia pag. 44. multò (ut ait ille) correctior quàm hic: (quod serò novi) apud quem extant etiam alia hujusmodi instrumenta Ecclesiæ Gallicanæ libertatem astruentia, & Academiæ Parisiensis præpætorum laudandam testantia.*

*Orationes istæ duæ quæ hanc sequuntur, extant etiam in tomo secundo Scriptorum Germanicorum à Marquardo Frehero editorum Francof. 1600. pag. 391. &c.*

*Eas autem debuisset præcedere, Responso Principum Germaniæ data Reverendissimis dominis, legatis Leonis X. Papæ & cæteris oratoribus in Augusta Vindelicorum, A. D. 1518. per eruditissimum virum dominum Richardum Bartholinum Perusinum, capellanum Cardinalis Gurcenfis; cujus multa sunt opuscula in illa collectione Scriptorum Germ. quæ edidit Freherus; sed de hoc responso ne grū quidem; neque in Sleidano vel minima ejus mentio, nec in quolibet quidem alio istius temporis historico, quod hæcenus videre potui: & cum tota res non multum occupabit spatii, & scitu non minus digna est quàm rara, hic capessat locum; ne nunquam posthac antiqua hæc & lacera scheda [impressa] conspiciatur.*

*Responso*



*Responsio quam in Romani Imperii Comitibus, Augustæ Vindelicorum habitis, Principes Germaniæ dederunt Reverendissimo domino Thomæ de Vio Cajetano,\* ordinis Prædicatorum, Cardinali. TT. S. Sixti, Legato apostolico, & cæteris Oratoribus, decimas à sacerdotibus, à laicis vigesimas ac quinquagesimas pro bello contra Turcas suscipiendo, petentibus aut exigendis suadentibus, Anno M. D. XVIII. Ex libello domini Richardi Bartholini Perusini.*

**I**ngressus est *Augustam* Cardinalis *S. Sixti, Persica*, ut Legatum decebat, pompâ : quippe qui vel Romam reverti, vel Casare ac cæteris principibus obviam euntibus, ingredi *Augustam* volebat.

Ut Pontificii tandem audirentur in senatu Principum, conventus habitus est. Legati deinde illuc profecti sunt, excepti in altera porta curiæ à *Marquardo von Stain* Præposito *Bambergensis*, viro gravi & cordato, qui Cæsaris locum tenebat, à Cardinali *Magunino* ac cæteris principibus. Et primo literæ & diplomata apostolica recitata, quibus Pont. Max. Principibus *Germanis* significabat ; quo in periculo Resp. *Christiana* posita erat, & propterea opus esse tantorum Principum auxilio. Hortabatur præterea ipsos, ut cum sint potentissimi, & magna de eorum potentia spes ab omnibus concepta sit, velint suam ipsorum gloriam, ac utilitatem Reip. *Christiana* respicere. Multaque cum in hanc sententiam recitata fuissent, Cardinalis *S. Sixti* orationem habuit ad Principes satis cultam, & rei accommodatam : qua quidem, captatâ prius ab eis benevolentia, cum se \* bonos nuncios fore diceret, causam exposuit, quamobrem venerit : scilicet, quod periculum immineret nomini *Christiano*. Probavit autem à victoriis, nuper à sævissima *Turcarum* gente habitis. Argumenta etiam sumpsit à discordiis nostris, hortatulusque est, ut expeditionem contra fidei hostes sumerent, cum multo potior inferentis, quam propulsantis bellum, ratio sit. Quod quidem & velle debere, & posse, probavit ab honesto, ab utilitate, à religione : item à potentia, à fortitudine, à disciplinâ militari. Addiditque non sine infamia eos posse huic rei dedecere, cum tota *Christianitas* ex præsentî pendeat conventu. Item usus est & paradigmatis Imperatorum *Henrici* & *Othonis*, qui *Christianum* nomen sæpissime oppressum, liberarunt : & quo *Germania* *Turcis* quam *Italia* propinquior est, eo majorem dandam operam esse, & acius invigilandum, ut non solum sibi, sed etiam communi commodo & utilitati consulerent. In fine, ad concordiam, Pontificis Max. nomine, bonis & efficacibus verbis hortatus est.

Principes cum paululum consultavissent, responderunt se voluntatem sanctissimi domini nostri, & per diploma jam lectum, & per orationem Reverendiss. Legati concinnam & ornatum intellexisse : quodque super hujusmodi negotio secretius & maturius consilium essent habituri. Tamen quod Reverendiss. Legati Pontifici Max. illud de Principibus *Germaniæ* polliceri possent, quod sanctitati suæ ad defensionem, & incrementum *Christiani* nominis videretur. Nam quantum ad hanc provinciam attineret, nunquam essent defuturi. Brevique sese responsum de omnibus daturos.

Nonnullis ergo elapsis diebus, cum Principes quid Legatis respondendum esset (tandem enim consulando distulerunt) conclusissent. Orator ex collegio sacerdotum *Leodiensium* curiam ingressus est, oraturus mox, nisi Principes præ rerum magnarum tardio, quo affecti erant, veruissent. In schedula tamen, quæ dicturus erat, uti describeret, jasserunt. Is cum in sinu haberet, porrexit : quæ quidem nihil aliud continebat, nisi maledicta & convicia in *Romanensem curiam*. Numerabat fraudes omnes, vitia, scelera, scyphantias, deceptiones, imposturas, in quibus *CURIALES* nostri temporis versantur. Omnia corrupta esse, nihil boni, nihil pii amplius cognosci, nihil justî, nihil sancti foveri. Et pleraque alia hujusmodi nulla alia de causa recitabantur, nisi quod jura omnium beneficiorum essent abolita. Illud tantum de omnibus & ubique agi, quod scyphantæ illi ac impostores Romæ volunt : tantumque abesse, ut aliquid certi in sacerdotiis habere possis propter regressus, accessus, reservationes : & , ut perinde valeat, expectativas, revocationes, & mille id genus, ut pedales quoque ac tibiales reservationes paulo post sint proditurae. Et quod gravissimè ferendum est, ignari ac infimæ conditionis homines, non virtute ullâ, non literis præditi, in stabulis tantum ac popinis victitare soliti, ingenio

male

Literæ Pontificis.

Oratio Cardinalis S. Sixti.

\* Vid initium Ora. Iouis Legator.

Principes.

Leodiensium sacerdotum Orator.

CURTESANI.

Pedales ac tibiales reservationes.

malò pravoque, ad magnas plerunque efferuntur dignitates: quod quidem cum ubique hoc patrari, sed porriſſimum in *Leodienſes* conſuetum ſit, rogare Principes, obſecrareque, *Leodienſes*. ut *effrenata Curialium libidò* aliquando coërceatur: quando hæc ignorante Pontifice Max. omnium optimo & ſanctiſſimo committuntur, non verè ſi de his omnibus, ac omnium *Leonis X. laus*. ferè collegiorum querela à principibus *Germaniæ* certior fiat, quin peſſimi quique, qui *Romanam* curiam labefactant, pœnas daturi ſint.

Cum hæc & pleraque alia in hanc ſententiam lecta fuiſſent, dilata ad pomeridianam conſultationem fuerunt.

Interim Pont. Max. diplomata recitata ſunt. Nam cum plerique nunc avaritiâ, nunc *Excusæ ſe Pontifex*. ambitione eum accuſarent, diluit in iis objecta, ſuadetque principibus, tantum abeſſe, ut pro ambitione quicquam ipſe aggredi mediretur, ut etiam omnem deſenſæ *Chriſtianitatis* gloriam in eos, modò eam tueri velint, reſecturus ſit. Quod autem avaritiæ dampnaretur, falſò eo vitio accuſari, cum ipſe id tamen ſe velle, quod principibus *Germanis*, ad bellum *Turcis* inferendum, proficuum magis videretur, ſemper aſſeruiſſet.

Quæ cum Principes intellexiſſent, iniquo (ut accepi) tulerunt animo: dampnatis etiam ſummopere iis, qui huiusmodi diſcordiarum nutrimenta diſſeminarent, cum publica potius negotia, quam quid unus vel alter ſeorſim à bonorum opinionem ſenſerint, reſpicere deberent.

Sed illud longè diſſimillimum *Germanorum* Principum dignitati viſum eſt, cum etiam *Principes Germaniæ nolunt impelli*. ſcriptum eſſet, ſi trahi aut rationibus aut perſuaſionibus in ſententiam non poſſent, impellerentur quoque.

## R E S P O N S I O.

Principes igitur cum reſponſum, quod *Germanicâ Latinæque* linguâ ſcribi juſſerant, Legatis tandem reddiduri eſſent, Cæſaris prius trutinæ ac cenſuræ, quàm in vulgum prodiret, ſubjici voluerunt. Cæterum quantum conſecturâ aſſequi poſſum, ut non receptum, ita ne reſectum quidem, in poſterum diem ita reddidum eſt.

Legati Oratoresque & Pontificis & regis *Gallia*: Cæſariani verò Episcopus *Tergeſtinus*, & Præpoſitus in *Waltkirchen*, cum ſimul conveniſſent, diſcepraſſentque de futuro Principum reſponſo, ad Cæſarem proſecti ſunt. Convenerunt & Oratores *Polonia*. Cæſare igitur ac reliquis ſeſſitantibus, Episcopus *Tergeſtinus* in hanc ſententiam verba fecit.

SACRATISSIME CÆSAR, Cum ſereniſſimi Principes diu multumque ſuper iis, quæ à Reverendiſſimis Legatis ac cæteris Oratoribus propoſita fuerant, cogitaviſſent, animadvertenter rem arduum eſſe, atque perdifficilem, in qua de expeditione contra *Turcas* ſuſcipienda ageretur. Et idcirco molem rei ac magnitudinem complectentes animo, conducibilium fore, ſi negotium maturius tractaretur, rati in præſentiarum reſponſum dare liquide ſe haud poſſe: ſed cum primum in provincias rediſſent, populos quemque ſuos conſulturum eſſe, & quid inde hauſerint, in proximo conventu, quem ante diſceſſum nominabunt, relatuſos.

Hæc *Tergeſtinus* breviter & ornate, ac fortalſe prudentius quàm vel noſtra, vel temporum culpa mereretur, factum. Non enim omnia quæ in ſchedis ſcripta fuerant, vulgoque jaſtabantur, retulit: cæterum non erit ab re, ſi etiam in hoc albo breviter & concisè deſcripero.

## RESPONSIO IN SCRIPTIS.

Principibus cum multa in conſultationem occurrerent, quæ ob rei difficultatem, à celeritate procul eſſe videbantur, tria tamen obſtare, quæ haud dubie impediendi, vel omnino retardandi expeditionem, vim eſſent habitura. ¶ Primum erat, quoniam *A difficultate*. vires hoſtium validiſſimæ ſunt; ut non minus quàm quinquaginta armatorum millia è *Germanis* eſſent ad bellum datura nomina: & propterea de annuo ſtipendio, ac de incredibili comæatuum copia ratio habenda, cum per loca *Thracia Myſiaque*, ubi nulla frumentationis, prædæve occaſio datur, ituræ copiæ ſint: *Germanos* liquidem ſuis viribus, non alienis, conſiſſuros. Cum multa in hanc ſententiam, quæ rei difficultatem ac magnitudinem arguerent, ſatis graviter & copioſè deſcripta fuiſſent; ſecundo loco illud *A querelis ſacerdotum*. quoque, quod in ore omnium erat, cæterum ſatis ornate & prudenter tangebatur, nos tamen vulgi opinionem ſequemur, Obſtare ſcilicet maxima, Quòd omnia ſacerdotum collegia

collegia ad decimam perfolvendam haud facile induci posse, suspicabantur: cum nullus in *Germania* locus sit, qui propter ea quæ indies *perperam* committuntur, querelis vacet: quandoquidem omnia sacerdotia ita passim & sine discrimine conferuntur, ut neque compæctata (ut dicitur) *Germanica* nationis, neque *jura gentilitia* intacta remanserint, Cæteras nationes, *Gallos, Pannonos, Sarmatas, Dacos, Britannos*, inviolatis vivere jurbus. Pontificis Max. cum iis fœdera jamdiu inita, servari: solos *Germanos* in præda esse vel externarum gentium: tantumque abesse, ut principum, municipiorum, liberarum civitatum, ac collegiorum sacerdotia, à *dolis Curialibus* immunia sint, ut omnia eorum jura suspendantur, debilitentur, frangantur, irritentur, ac ne Episcopatibus quidem parcat: unde illæ *patronorum ac rabularum* conflatae *Roma* divitiæ. Nam priusquam certi quicquam habeatur, vel pro tantulo beneficio, per tam longam officiorum seriem, quæ ad extorquendas pecunias tantum excogitata sunt, tibi circumundum est, ut propter dispendium maximum, jacturamque incredibilem, tempis supellectilem, ac panificia omnia licitari necesse sit. Sed utinam & illud quoque prodesset: nam ubilibet *Romæ* nova & inexcogitata jura reperiuntur: & cum omnia desunt, silentia non desunt, rupto violatogue omni jure arque aequitate mortalium. Et propterea omnibus jam sacerdotiis, vel altercationibus, vel gravibus pensionibus, sine quibus quippiam in prædantiarum non consequimur, exhaustis, nec non & clam & in propatulo, mentibus erga Pontifices male affectis. Conjuncta tertio loco profanorum etiam querela erat, quæ mirum in modum invidiam exaggerabat: ii nullatenus se *Vigefimas, Quinquagesimas*ve daturos affirmare. Et si Principes cogent, pessimè factum vociferari, qui toties populis suis ob hanc causam expilatis, se toties pueriliter decipi sinnerent: Numerare quoties datæ pecuniæ sunt tum demum in pecunias diripiendas, non in *Turcas*, bellum gestum esse. Repetere & *Annatarum* originem, quas à principio institutas esse asserabant, ut contra *Turcas, Saracenos*que exponerentur. Interrogare identidem, tantus pecuniarum acervus quorūm periiit, & in quem usum Ecclesiasticæ prædæ tandem conversæ fuerint. Quamobrem ne illud quoque de *Decimis* ac *Vigefimis* fiat, ut pro consuetudine scilicet, ac potius lege in posterum haberetur, quod semel imperaret necessitas: se, quo minus ejusmodi onera imponerentur, pro virili prohibitueros. His ergo de causis *Germani* Principes cum provinciam maxime arduam, atque animorum acerbiter viderent, differre consultius arbitrati sunt, ut interim persuasionibus populi emollirentur, & ad magnitudinem rei, & inchoandam & perficiendam maturè omnia compararentur.

*Pergamus jam ad reliqua: sequuntur autem in Fasciculo Vita & gesta Hildebrandi, &c. quæ ut plene intelligas, legenda tibi est Hildebrandi ipsius (diaboli incarnati) epistola ad Herimannum Metensem episcopum de excommunicatione Henrici quarti Imperatoris, qua requirenda est, pag. 244. Apologiaeum pro Henrico 4. editarum à Melchione Goldasto Hano-viæ 1611. una cum ejusdem Goldasti Replicatione pro Cæsareâ Majestate adversus Gretserum Jesuitam: vel in primo tomo Scriptorum Germanicorum Marq. Freheri, pag. 126. in Brunonis historiâ de bello Saxonico: cui excommunicationi responset Waltramus Naumbergensis Episcopus, pag. 53. Apologiarum Goldasti: paginâ verò 155. primi tomi Scriptor. Germ. Freheri. De auctore verò Vitæ & gestorum Hildebrandi vide primò quæ essutis Cardinalis Bellarminus lib. 4. de Romano Pontifice, cap. 13. postea verò ut insignem ejus ignorantiam (hac in re præsertim) derideas, adi dissertationem de auctoribus & eorum Scriptis, à Goldasto conscriptam, & Principum Apologiis prefixam, ubi in ejus fronte occurrit tibi plenissima satisfactio de Bennone, vero auctore Vitæ Hildebrandi, & monitio item de partitione hujus opusculi in duos libros; quod (ut ait Goldastus) minime animadversum est vel ab hoc Gratio nostro, vel Flaccio, vel Reineccio, vel Wolfio. Cum pace verò tanti viri dicam, opusculum hoc esse in Gratio bipartitum, etiam si [liber secundus] non præfigatur [venerandis] sicut esse debuit.*

*Ad Vitam porro quod spectat & Epistolas Henrici 4. Cæsaris, extant etiam illæ inter Ursticii Scriptores German. pag. 380. edit. Francof. 1585. & Vita sola in libro Goldasti jam citato, & alibi. Vita scripta est ab Oberto Episcopo Leodiensi (de quo videsis Goldastum in Dissertatione memoratâ) circiter A. D. M. C. VI.*

*Ab Henrico quarto (optimo Imperatore & ab Hildebrando nequissimè tractato) eamus ad Carolum quartum, cujus Bulla aurea proximè sequitur. Hujus autem Imperatoris Vita, à seipso descripta, una cum oratione funebri in ejusdem mortem, ab Archiepiscopo Pragensi habitâ, exhibetur tibi, pag. 86. Scriptorum rerum Bohemicarum à Frehero editorum Hanov. 1602. Oratio sola reperitur inter Miscellanea historica Bohemiæ: à quodam Bohussio Balbino, Jesuitâ insolentissimo, nuper conscripta. Eiusdem Caroli Constitutiones ad regnum Bohemiæ formandam*

formandum, edita sunt à Paulo Geschinio, Hanov. 1617. Extant aliquot ejusdem Epistola in isto supra citato Balbino; in cujus Miscel. decad. 1. lib. 4. pag. 65. part. 2. mentio fit commentatorum in Evangelia Manuscriptorum ab hoc ipso Imperatore compositorum: quod autem narrat Jesuita ille Bohemicus, pag. 67. de corpore ejus reperto incorrupto & vivido, intelligendum est quasi dictum more Jesuitico. Aurea hac Bulla firmamentum est Imperii & uniuscujusque Principis robur; quam nulla bulla plumbea à Româ profecta unquam valebunt rescindere: depravatissima autem erat hac bulla in Gratio; eam ego correxi secundum authenticum exemplar Elest. Palatini Spiræ edit. M. DC. XI. in indiculo Erratorum.

Et jam devenimus ad Constantini (scilicet) Donationem celeberrimam, i. e. Johannis Diaconi somnium & deliramentum, quod egregie confinxit in gratiam Hadriani 2. & jussu Johannis 8. Pont. quod annotavit in margine Goldastus, pag. 167. Replicationis suæ pro Imperio contra Gretserum. Petrus Josephus Cantelius, Jesuita doctus, in historia suâ Metropolitanarum urbium, part. 2. dissert. 2. cap. 2. causam huc illuc movet (Donationis mendacio apertissimo victus) nec scit enim auctori fabulam istam affigat; rem verò esse confictam libentissime fateatur, cum potiori parte hominum sua religionis, quos puduit tandem eam defendere: & tamen quàm sollemniter ponitur in Gratiani Decreto, & quoties allegata fuit contra jura Regum, pro prerogativa Paparum? lepidum huc mendacium elegantissime & solidissime convellitur à Laurentio Valla, quem cum magno fructu nec minore delectatione hic leges, cum præfatione liberâ Ulrici Hutteni ad Leonem X. quorum utriusque sententiam cumulatissimis testimoniis confirmat Gratius.

Quæ deinde sequuntur de Waldensibus, extant etiam in Freheri collectione Scriptorum Bohemicorum, indicantque quàm integrè sentiebant populi illi iniquissimè oppressi. Multi porro ex articulis Johanni Wiclefo impatiis, ut probavit Thomas Jameſius in Apologia sua pro Wiclefo, cui notiora fuerunt illius boni viri dogmata ex ejus scriptis genuinis, hodieque extantibus, quàm mille parasiticis & impotentibus Wodfordis. Casimirus Oudin in supplemento de Scriptoribus à Bellarmino omiſſis, Wodfordi opera enumerat, eumque elogio viri pietate & doctrinâ celebris dignatur: legerat proculdubio hanc ipsam disputationem adversus Wicleſum: si verò abinde laudes istas homini accumulasset, profectò prodigum est laudum, & nullas sibi ipsi reliquit. Quod posui de Wodfordo in margine disputationis arida, plura de tantillo scriptore loqui prohibet: De eo autem & articulis hisce Wicleſi & Hussi, vide lib. 1. commentar. Joh. Foxii, edit. Basil. 1559.

Multi ex articulis Johannis Wicleſi qui damnati sunt in Concilio Constantiensi, injustissimè damnati sunt: nihil enim quod ab eodem definitum est, eorum aliquibus verius est: maxima tunc temporis homini pio conflata est invidia à monachis insulſis, qui ne decimam quidem partem illius literaturæ & probitatis unquam habuerunt: inter illos articulos aliqui quidem sunt quos nemo Christianorum iuveni audebit: illorum verò malitiam absterſis bene à memoriâ viri meritissimè & ab Academia Oxoniensi vel tunc temporis celebratâ, Tho. Jameſius, ut modò dixi, in Apologiâ linguâ nostrâ conscripta ad liberandam à calumniis tanti viri famam.

Quod scripsit Sylvius de Wicleſi doctrinâ & de Johanne Hufi & Hieronymo Pragenſi non multum curandum est: retractavis is non retractanda, & probavis sua non probanda: nec nobis laborandum est de Concilio Constantiensi sententiâ in Wicleſum mortuum, & Hufum Pragensemque vivos lata; infanda autem est sevitia & inhumana, in cadavera ferocire, & humines vivicomburio damnare ob assertam veritatem; præterquam quod res est stultissima in homines sic seſſire, qui post mortem plus adserunt incommodi causæ Romanæ, quàm unquam potuerunt vivi: nemo enim est ferè qui non in bonam opinionem trahatur eorum, qui crudelissimè tractantur, cum constanti animo martyrium ob religionem patiuntur; exceptis iis qui omnem exuunt misericordiam, quò fortiores videantur Catholici. Sed cum ipse Æneas Sylvius Poggii Florentini epistolam inter suas servavisset, de supplicio Hieronymi Pragenſis, plus ejus causâ consuluit, quàm hominem stomachando læſi: rursus semper sibi cacat malum.

Leonardi Aretini libellus adversus hypocritas, monachos quidem pungi & deridendos propinat; sed eos pro meritis castigat, & auctorem meliori sæculo dignum demonstrat, etiamsi Poggii libertatem in describendis Hieronymi constantia non probat epist. 7. lib. 4.

De vocatione Bohemorum ad Concil. Basileense historiola sine authoris nomine ponitur: eam hinc in Scriptores suos Bohemicos traduxit Freherus, conjicteque ab Æn. Sylvio profectam esse, licet nusquam reperitur in operibus suis impressis. Freher. Bohemicar. rerum Scriptores, pag. 158. Videtur verò diarium alicujus in comitatu Oratorum Concil. Basil. ad Pragm. curatis.

Friderici Imperatoris Epistola ad Carolum Francorum Regem extat etiam in historiâ Conciliorum Richerii; quàm ut plenè capias, adeunda tibi est pag. 159. lib. 3. ejusdem Historiæ.

*Ita autem Gravamina reperies etiam tum alibi, tum maxime in tomo secundo Germanicarum rerum Scriptorum Preberi pag. 373. ubi cum Jacobi Wimpfelingii literis ad Maximilianum Imperatorem A. D. M D X. et ejusdem gravaminibus aliis, hic in Fasciculo Gratii de industriis ut suspicor) omissis. Ex omnino tibi videnda sunt, lector, à paginæ 379. (editionis Francoj. 1660.) ad 391. i. e. ad usque Orationes istas duas quas habes hic in Fasciculo pag. 72. De centum autem gravaminibus crasse errat Bellarminus de Franl. Imper. lib. 1. cap. 2. sect. 13. vide Cochleum, fol. 108. de Vita Lutheri.*

\* 1922. 2200-  
21 0000. 11  
Cat. Fishes. 1922.  
1922. 1. 1. 1.  
prima 2. In-  
cem et puri-  
tatis 7. 1. 1.  
Anchepifopi  
vlt. 1. 1. 1.

*Achucpiforpi*  
ed. t. *T. J. J. J.*

Catera Fasciuli membra tuapte marte, Lector, facile intelliges, vel lucem tibi dabunt annotationes meae in margine apposuae: sic itaque percipere plerique hujus Libri tractatus, de quibus, quod potui, admonui: Quantiſſimum verò id est, ipse novi & bene conscius sum: in tunc, Lector, utilitatem velui aliquid agere, & quod finimus praestitum — in magnis voluisse fat est.

Quae autem in hac operis parte adhuc amplius te moneam, sunt istae.

Digitized by Google

Scriptio, utrius demum sit, optima est, & ea pluris facienda quò vetustior est.

Evanneras penè è conspectu Antilogia Papæ, ex eorum astutiis qui violentas bonis libris injiciunt manus: Sed eam ego revocavi omnibus conspiciendam, ab exemplari quodam ex bibliotheca illustratissima D. Johannis Moor. Collegæ mei olim Clarentis, qui paratissimus est sua in commune bonum conferre. Laudatissime fecerunt Flacius Illyricus & Wolfgangus Willenburghius, qui junctis operis librorum curarunt olim Basilæ excidendum: multa enim habet quæ frustra alibi nasisset, nisi Goldastus ejus aliquot tractatus recuderat inter Collectanea sua, vel Freherus inter sua, vel deniq; ego hic omnia simul inter mea. Id agunt Romanitæ ut omnia hujusmodi Scripta sempiterna oblivioni tradantur, quia suorum facinora palum produnt: Sed ea propter (sine eorum veniâ) resinenda sunt, ut mundus nunquam nesciat quàm superbe magnæ- ses seculares antiquius tractaverint Papæ Romani; quàm impia defenderint; quantum omnibus Reformationis conatibus resistunt; & quàm ad veritatem obscuraverint: Quæ omnia videbis in hac Antilogia evidentissime demonstrata. Historia controversiæ (ut ab initio ejus libri ordiar) inter Theologos Parisienses & fratres minores petenda imprimis est è Scriptoribus Gallicis, qui tunc temporis sternerunt: at quædam ejus specimina habenda sunt in Actis & Monumentis Johannis Foxii nostratis, tom. 1°. De Evangelio isto æterno (libro diabólico) legendi sunt Reverendissimi D. Usserius, pag. 138. (edit. Lond. 1687.) De Christianarum Ecclesiarum Successione & statu, & qui ab incomparabili illo Antiquitatum Christianarum investigatore ibi citantur; Balæus in Appendicibus ad Acta Pontificum, mox ab initio; multiq; alii præter optimum illum virum (cui à libris non meretur Schellstratus esse, qui nuper contra eum scripsit) D. Edwardum Stillingfleet; non autem prætereunda sunt quæ Henricus Stephanus de hoc libro gehennali (Evangelio æterno) & Guil. de S. Amore nostro prodidit, in cap. 39. mundi sui miraculorum; qui ingeniose dicit substantiam istius libri manere, etiamsi ipse liber jamdiu extinctus: & in quantum magna pars doctrinæ & praxis Ecclesiæ Romanæ non reguletur juxta doctrinam Christi & Apostolorum, sed eis sit maxime contraria, & Legendis, Decretalibus & nescio quibus nugis & inventionibus humanis crassissimis obruta sit & directa.

Aureum Speculum Papæ, quod pars est insignis hujus Antilogiæ, scriptum est à Paulo quodam conterraneo nostro: Estat in Monarchia Goldasti, qui aliud habet de auctore in Dissertatione de auctoribus. Vide etiam de hoc homine Hen. Wharton (virum supra suam ætatem doctum) in Appendice ad Doctoris Cave Historiam literariam Scriptorum Ecclesiasticorum, pag. 78.

Gregorii Heymbergenfis Appellationes extant etiam tom. 2. Script. Germ. Freheri, pag. 118. & deinceps, cum aliis rebus eò spectantibus, quas per otium legas. Appellatio secunda extat in Paralipomenis Abbati Urspergenfis annexis, pag. 107. edit. Argentor. 1538. utraq; alibi; mirum est Pium secundum adeo fuisse exasperatum in Heymburgensem, quam tantum laudarat (pag. 436. operum Hen. Sylvii edit. 1571.) sed facundia & admiranda juris peritia nihil æstimantur, cum Papæ fastus leditur. Profecto fuisset illi Papæ consultus, tantum jurisperitum & oratorem nunquam provocasset; cum ex ista controversiâ nata sit Confutatio primatus Papæ quæ argumentis validis tiam concutit Pontificiam. De magnâ parte hujus Antilogiæ vide quæ dicit Goldastus in primo tomo Monarchiæ, in Dissertatione de auctoribus, in Occamo.

De Scriptis Jacobi istius de Paradiso, Hermannii Ryd de Reen & Volquini Abbatis, nihil dicendum habeo nisi quod de primo auctore querendum est sub nomine Jacobi de Gruytrode (ut videre licet col. 1905. Catalogi testium Veritatis) & crasse Flacium ut duorum posteriorum Scripta Antilogiæ infererentur, sicut ipse testatur Columnus 1840. & 1843. ejusdem Catalogi testium, & horum omnium Scripta veram pietatem sapere, eoque veriorum, quæ per turpitudines Cleri istius ætatis, ejus exempla variis conspiciantur: ab ævo etenim in ævum fluxerant vitia in clericorum mores; & valedicebatur cassatis Virginit; & interierat, cum semel per decreta Pontificum non licuit sacerdotibus conjugium intrare nec fieri Eunuchos; quod evidentissime probat Hulderici Epistola, quæ clauditur Antilogia; & probat praxis istius Ecclesiæ, donec mundus tam plenus erit monachis & monialibus, sacerdotibus lascivis & confessoribus puellis & feminis, quæ non quotidie legant Lavacrum istud conscientie omnibus presbyteris ac devotis religiosis valde perutile, quod impressum est Parisiis A. D. 1526 sed jam quasi stultus & inutilis liber (cum centum ejusmodi aliis) solatium in latinam descendit, vel monasteriorum coquinis inservit, magno pristinae virginitatis detrimento.

Quinam fuerit Rotomagensis ille, qui Antilogiam proximè excipit, nondum assequor: Comperi autem ex MS illius Cantabrigiensi conspectu, non fuisse nostrum, p. illum Rotomagensem: is enim fuit Cardinalis Ecclesiæ Rom. à quo nemo expellat tractatum pro Conjugio Sacerdotali; cum illius dignitatis & sortis hominibus nisi egregie repugnet carnî, quin quam desunt opportunitates pessima sese ex illius status necessitate eximendi: Qualis autem D.



*hic Cardinalis, existerit, liquido constat ex ejus sermone quodam coram Rege Galliarum habito contra Petrum de Cugneris asserentem jus Regum contra usurpationes Papales, hic extante; tempus tibi indicabis Petrus de Cugneris in Goldasti Monarchia. Plures tibi possent indicari Rotomagenses, ex Matth. Paris, Scriptoris post Bedam, & maxime ex historicis Gallicis: non multum refert quis ex illis fuerit: Vir fuit pius & probus, quia sese opposuit innovationi Romanæ.*

Tria illa opuscula, quæ sequuntur Epistolam Crabbianâ, habes hic juxta eorundem editionem in Conciliorum collectione Crabbianâ. Epistola autem illa præclara, quæ dicitur Leodiensis Cleri, scripta est à Sigeberto Abbate Gemblacensi (ut vides in memoratâ Dissertatione de Auctoribus Goldasti, Apologiis Principum præfixâ, pag. 33. inter quas etiam extat) Vixit hic Sigebertus ante DLX. annos & quod excurrit; & in Chronico suo scriptum reliquit (edito Parisiis in officinâ Henr. Stephani, 1513. & Francof. 1566. inter 4. Scriptores rerum Germ.) famam fuisse Johannem papam Anglicum fuisse foeminam (dictum mirum! hominem non fuisse hominem; de quo vide pag. 236. & 237. Appendicis nostræ) & uni soli familiari tantum cognitam, qui eam complexus est, & gravis facta peperit, papa existens: quare eam inter Pontifices non numerant quidam (quod fecit Labbæus igitur contra, nihil est) ideo nomini numerum non facit. De opusculo illo tripartito aliqua habet Johannes Foxius nostras in Actis & Monum. pag. 225. editionis ult. London. tom. 1.

Cum legeris Epistolas Adriani quarti & Imperatoris, lege etiam par illud Epistolarum simile, quæ inter Bonifacium VIII. & Philippum pulchrum Franciarum Regem inaccesserunt, in initio lib. 2. Vindictiarum doctrinæ Scholæ Paris. Richerii: vel in Catalogo testium Veritatis, Col. 1687. vel nubilbet; extant enim in quamplurimis locis, sicut hæc ipsa Adriani & Imp. Si autem velis aliquid amplius de hoc Adriano rescire, & de statu Ecclesiæ tunc temporis, diligenter lege quæ scriptæ Johannes Sarisburiensis in lib. De nugis Curialium, lib. 6. cap. 24. in calce Appendicis extantia.

De Gravaminibus Ecclesiæ Gallicanæ præfatus sum in suo loco: sicut & de Opusculis Roberti Grossetesti Episcopi Lincolnienfis: de quo sparsim plura habentur apud virum doctissimum Antonium Wood in Historia sua Antiquitatum Academiarum Oxoniensis; apud quem extant (lib. 1. pag. 105.) literæ Edwardi Regis, &c. ad Clementem V. Pont. ut Robertum hunc inter Divos referret: Sed ad id nulla ratione Pontifex adduc voluit; & nisi Scriptores istius temporis, Episcopi sanctitate moti, id suo Marte fecissent (quod tantundem valet) quod denegavit Papa, Robertus Grossetest ad hunc usque diem mansisset plane Robertus: prohibeat Deus ut nemo Sanctus sit, nisi annuente Pontifice: tunc enim rarissimi forent cælitè: sed incolæ istius regionis beatificæ minime metiendi sunt ex Calendario Romano; ne forte pro sanctis & divinis invocatis inveniamus (quod & Augustinus dixit) aliquos inferno damnatos. Risisset autem Robertus eorum superstitionem, si rem nosset, qui tam vehementer querebant illius Canonizationem; eam insuper culpasset gravissime, si eo id sine quaerirint, ut ad illum preces dirigerent: Sed nullum tunc temporis superstitioni frenum; & quod obnixè petiit Edwardus Rex, obnixè etiam petebant Decanus & Capitulum Ecclesiæ Paulinæ London. ante 382 annos; quod tibi constabit ex hoc instrumento eorundem, mecum communicato ab Henr. Wharton, qui id repererat fortæ fortuna inter neglectas & laceras chartas, & ab interitu vindicavit: sale autem est,

Sanctissimo in Christo Patri & domino nostro, domino divini Providentiæ Clementi sacrosanctæ Romanæ ac universalis Ecclesiæ summo Pontifici, suum subiectum & minimum Ecclesiæ London. capitulum salutationem verbali humilitate tacita non mentali, devota pedum oscula beatorum.

**S**cribitur in Job, quod filii ejus satiebant convivium per domos; in distinctis verò domibus tunc sit quasi gaudium conviviale, dum virtutes singulæ alios quasi propriæ recreant atque pascunt: hoc Augustini testante eloquio, ubi dicit, Gaudium est alienæ virtutis velut fons gaudii in propria domo nascens. Sanè à vestra Lincoln. Ecclesiâ quidam recolendæ memoriæ, Robertus Grossetest nomine vir memorabilis & præclarus, tanquam lucerna non sub modio posita, sed super candelabrum, prodiit, atque lampas; cuius



cujus oleum ad illuminandum, imminente Altissimo, nunquam deest. quem primitus filium, & post patrem ipsius Ecclesiæ patrona edidit Virgo mater; qui in hujus mundi ergastulo à vitæ suæ primævo, certamine acri & seculo carnis domuit incentiva, & quanto super cunctos ejus temporis eminebat Philosophos, & in Dei scientia & doctrinâ anteibat Theologos (quod testantibus suorum scriptorum, famosissimorum opusculis, modernos non latet Scholasticos, adeo ejus aucto ex gratiâ divina ingenio quod unicus dixisse potuit cum Psalmistâ, *Super omnes docentes me intellexi*) tanto humilior, simplicior & sanctior, ut innocens atque mundus in vitæ deguit puritate: Cujus sanctitatis opinio longè lateque percrebrescebat & fama; qui funditus terrena despiciens, toto nilu mentis ad sola aspirabat coelestia & flagrabat; quem demum, pastorali ut dignum fastigio, Creator omnium Deus ad prælatus officium in dictâ Ecclesiâ censuit evocandum; eumque quasi alterum *Joseph* constituit Dominum domus suæ; ubi in spectaculum positus & exemplum, verbo ædificationis insistent, quod verbis docebat, operibus exhibebat. Cujus nondum ipsi oblitus famuli Auctor ille, nedum post mortem veraciter, sed in vitâ est in eo virtutes & miracula operatus innumera; quasi sub quâdam vicissitudinis sui meriti repensiva; quæ signa, miracula & virtutes apud nos per usum sunt vetera, & per augmentum quotidie recentia atq; nova. Quorum signorum intuitu & virtutum in gaudio cum *Lincoln*, nostra communice Ecclesiâ *S. Pauli*, & paulò minus lætatur cum eâ, eam si pignus illud tam honorabile esset sacrarium domus nostræ: cum in ipsius virtutum eminentia & signorum frequentia, dictæque Ecclesiæ ob id laude & gloriâ, non solùm nostra sed tota Ecclesiâ fulgeat *Anglicana*. De quo dici potest, quod scribitur ad *Timotheum*; quod manifestatum est in carne, justificatum est in spiritu. Qualis autem erat in carne, & est modò in spiritu: Quia sanctus per virtutes & miracula limpidè est ostensus. Decet igitur hunc tam venerandum patrem in Ecclesiâ militante *Sanctorum* aggregari collegio; ac in eorum venerationem & laudibus numerari; cum in Ecclesiâ triumphante, ut in coelesti solio, inter *Sanctos* indubitanter sedeat & locetur, tanquam eis non absimilis in merito, sive dispar. Quapropter vestram paternitatem sanctissimam flexis genibus exoramus; quatenus vestra (memor ejus, quod scribitur ad *Hebræos*, *Benevolentia & communionis nolite oblivisci*) dignetur clementia præfatum virum, ejus attentis meritis, signis & miraculis, quæ ex Deo procedere probabuntur dilucidè, *Sanctorum* ascribere catalogo confessorum; *Christum* in hoc munere tam placabili imitantes, eum in humanis laudibus extollendo in terris, quem divina providentia cum cæteris *Sanctis*, qui æqualis sunt meriti, jam sublimari voluit in excelsis; ut sic ratio, quæ mover delegantem, i. e. omnium conditorem, moveat delegatum, utpote vos hîc vicarium *Jesu Christi*. In regimine universalis Ecclesiæ Domini & prosperè vos dirigat Altissimus & conservet.

Datum in nostro capitulo antedicto, nonis Julii, Anno Domini. Millesimo trecentesimo septimo.

Ad Defensorium porro quod spectat *Guillelmi Ockham*, nihil amplius de eo habeo admonendum, nisi quòd nondum aliud ejus exemplar videre licuit: istius autem Defensorii occasio orta est ex inimicitia quæ adversus eum arsit *Johannes XXII.* defendentem jura *Ludovici Imperatoris*; cujus Imperatoris processus adversus Papam quarendus est apud *Naucerum*, generatione 45. volum. 2. pag. 1001. edition. *Colon.* 1579. Papæ verò processus adversus illum habetur pag. 67. Scriptorum rerum *Bohemiarum Freheri*, in *Chronicâ Aulæ Regiæ*: quorum nihil nescire debent harum rerum studiosi. De primo isto errore *Johannis Papæ*, qui notatur pag. 454. hujus Appendicis, videnda omnino est Determinatio facultatis *Theologicæ Parisiensis*, tomò primo *Academiæ Parisiensis illustratæ à Launoio inserta*, pag. 61.

De *Johanne de Rupefiscâ*, Liber mirabilis (*impressus circa 1520. & in Indice expurgatorio prohibitus*) hac habet ex *Fortalitis fidei* (fol. 108.) *Johannes de Rupefiscâ*, de ordine minorum, multa prædixit mox futuræ de duobus Antichristis, & desolatione terrarum, & generali conculcatione cleri, & reductione totius orbis ad fidem Christi; pluraque alia, quæ dixit sibi revelata à Domino *Jesu*; & diu vinculis tenus, grandia scripsit de futuris.

Quæstio illa *Petri de Alliaco* [Utrum *Petri* Ecclesiâ lege reguletur?] exhibetur etiam in lib. 3. *Vindictiarum Scholæ Par. Richerii*; sicut & quæstio de *Resumpta*, cui rectè intelligenda admonitunculam quandam præfixit *Richerius*: quæ ut. proposito suo serviunt, sic suo non minus serviunt [Recommendatio *Sacræ Scripturæ*]. & [Principium in cursum *Bibliæ*] in *Richerio* non extantia, nec apud ullum alium (quantum novi) nisi hic & in veteri

teri editione, quam mutuatus sum è Bibliothecâ publicâ Academia nostra Illustrissima.

Omnium autem maxime miror Determinationem istam Universitatis Parisiensis fuisse Richerio incognitam, aut saltem præteritam, à Launoio quoque minimè animadvertam: Sed Galli fortasse pariter habent de rebus Anglicis quæ nobis volupe esset videre. De negotio autem hujus Cessionis quam utrique Papæ suaserat Academia Parisiensis celeberrima, aliqua quidem habet Richerius, pag. 8. lib. 2. Hist. Conciliorum; necnon & occasionem Arrestorum (uti appellantur) Regiorum, contra intolerabiles Cuiæ Romanæ exactiones: Quorum primum Fasciculo Gratii debuisset esse insertum, æque ac secundum (Fasciculi pag. 389.) sicut utrumque extat in loco citato Richerii, & exinde intelligenda sunt. Hinculat hic illic hæc Determinatio, sed sensus per se ubique constat.

Epistola illa Alexandri Papæ ad Theobaldum Archiep. Cantuar. & Epistola Patriarcharum, &c. hic præter institutum meum, & bibliopola propositionem, ponuntur: Sed non erant tibi supervacaneæ: cum istam operis partem curavi corrigendam, incidi fortæ fortuna in utrasque scriptas ante 500. annos, ut mihi ex scriptis à videtur; cumque in eis aliud minimè contemnendum (sicut in præfatione illis præfixâ monui) deprehenderim, nolui committere quin tui sicut mei usus essent. Ex Epistola illâ Patriarcharum videbis quam notariè mentitus est vanus iste Scriptitator, Thomas Bozius Eugubinus, ut (lib. 24. De signis Ecclesiæ Dei, pag. 1449. edition. Colon. 1593. asseris hunc Victorem fuisse declaratum Papam à quinq; solummodo Cardinalibus, Rolandum verò (i. e. Alexandrum 3) à viginti tribus. Vultis vos Catholici de hac re certiores fieri? Huc accedite; ego vos fateri cogam verum esse quod scribo, ex conspectu Manuscripti, longè ante proavorum vestrorum memoriam exarati, & ab homine quidem vestræ religionis, & factionis Alexandri, ut hinc apparet, quod Patriarchas hosce appeller Schismaticos: liber hic Manuscriptus omni jure pertinet ad Bibliothecam celeberrimam D. Johannis Cortoni, viri nobilissimi; sed inde mutuatus est cum Johannes Williams, Archiepiscopus Eboracensis & Eccanus Westmonasteriensis, nec unquam restituendum curavit; quin quasi propriam Bibliotheca Westmonasteriensis, ibidem asseruatur.

De Nicolao de Clamengis non opus est ut monearis plura quam primo intuitu reperies in Launoio, Richerio & (qui ejus opera edidit, sed corruptissime) Lydio. Poggii dialogus contra hypocritum idem, opinor, est cum manuscripto MCLX bibliothecæ Regiæ Parisiensis, sicut nobis numeratur à Labbæo in ejus Nova bibliotheca libr. MSS. pag. 327. extat etiam MS. in Bibliotheca Norfolciana. Sic verò auctor qualiscumque fuerit, vel improbus vel impudens; at multis Pontificibus Romanis fuit à secretis: Pontificesne ergo illi sibi ad Secreta adsciscunt tales? In hoc dialogo condendo egit certè probissime: nemini parum monachi quæ eos ad vivum audet pingere; ne Laurentio quidem Vallæ, homini illasa fama; cui (quoniam invectus est in stultam Donationem, & ex barbarâ ejus præfati eam prodidit esse fictitiam) vel mortuo hoc epigramma inustum est,

\* Nunc postquam manes defunctus Valla petivit,  
Non audeat Pluto verba Latina loqui:  
Juppiter hunc coeli dignatus honore fuisset;  
Censorem linguæ sed timet esse suæ.

Sed crabronum non sunt metnendi morsus, cui certum est vellâ virutis & veritatis viam inire.

Matthæus ille de Cracovia gratis etiam & præter bibliopola pactum tibi exhibetur: cum mihi diu quæritum, in manus tradidit vir doctissimus Johannes Battely; & cum ego tibi: operam meam libentissimè colloco in commodum tuum; quod si quæreretur bibliopola me egressum esse limites & sumptus typographicos augere, satius est ut ille queratur, quam ut tu bono libro priveris, præter id quod alia ratione possem, si vellem, memet defendere: idem quoque dici potest de bullis istis papalibus: sed homo est ingenuus, & nonnihil mihi libertatis concedet, modo in rem tuam sit, & ne liber exeat imperfectus. Profectò cum negotium istud cruciatum apud me pendo, & ei, quod scripsit Bohuslaus Balbinus in Miscellaneis Bohemicis adjungo, vix me continere possum quin improbissimam partialitatem isti Jesuita in eo objiciam; multum enim est in recitandis cladibus, excidiis monasteriorum, cæde sacerdotum, &c. à Taboritis & Orphanis perpetratis; sed de provocacione horrendâ, quæ pars Bohemorum Papistica eos irritavit & infestavit, illos ubique iniquitando & omnibus modis truculentis divexando, ne grū quidem hujus rei est: tacetur hic à Jesuitâ quod A. D. 1420. plures tribus millibus fratrum Bohemorum (qui mille vicibus præstante fratribus Polonis) in puteos Cutnenses, ubi sunt argenti fodinae, vivi præcipitati sunt: quod captus Calixtinorum sacerdos, quinque florentis, uno laicus vendebatur, quorum ora jussu

\* Titulum de  
Scriptoribus  
Ecclesiast. in  
Valla.

justi Justus Episcopi Wratilaviensis & Baronis Sesbizofii, pulvere nitrato impleta incendebantur, ut nobis narrat Johannes Lasicius in Theologia Mulcovitica, pag. 93. *edit. Spir. 1582.* cuius generis scelerum in populos Christianos exercitum plorabunt, quotquot cor & viscera habent. De Matthaeo de Cracovia, cuius in initio hujus paragraphi mentio, hoc solum meretur, extare illius tractatum alium de eo, [utrum expediat & deceat sacerdotes continuare missas, vel laicos frequenter communicare?] Memmingae editum A. D. 1491. (vide Indicem Manuscriptorum bibliothecae Augustanae Antonii Reiseri pag. 193.) qui quidem liber Matthaei idem videtur esse ac ille à Tho. Jamefio in Ecloga Oxonio-Cantabrigienli recensitus (in Archiepiscopi Collegii Cui Cantabr. pag. 28. part. 2. Eclogae) sub nomine & titulo conflictus rationis & conscientiae de fumendo vel abstinendo à corpore Jesu Christi.

Post non indiligentem investigationem, nondum inveni aliud exemplar Epistolae istius Precopii & Conradi, celeberrimorum Bohemiae Capitaneorum: eos signate incurrunt Sylvius & quotquot Pontificii res istius temporis narrant in Bohemia gestasse sed illud unicum, unde eam accipimus, satis est; & hostium terrorem livor (quibus vel illorum umbra, si in vivis essent, terrorem incuteret) nihil officit Ducum strenuorum fama; eorum autem Epistolae illam adjungas à Bohemis scriptam ad Christi fideles 1431. apud Freherum, p. 253.

Consilium trium Episcoporum Bononiae congregatorum ob insignem ejus stultitiam & nugacitatem, aliquibus Protestantibus, eisque doctis & integerrimis viris, visum est res ludica & à Vergerio confecta in opprobrium trium Episcoporum; i. e. vix indnei possum ut aliqui essent tam exordes et effrontes, ut talia suadeant Pontifici, tam ridicula & ab omni ratione aliena: sed hoc est nostratizem ingenuitatem, quae non assuevit istiusmodi triciis & offuciis. Res est proculdubio seria, qualem eam emisit Crastavius, cuius ipsius liber et notae penes me sunt; et vero papistarum, quod novi, unquam susceperunt de Consilio; quin omnes admiſſe rem actum gestam; cui etiam fidem facit praefatio Vergerii in primum ejus operum totum.

Gentiani Herveti oratio impressa est (ut alicubi jam notavi) Parisius, tum aliàs, tum 1671. cui per orationem adjungitur ejusdem Herveti Epistolam prolixam Alphonsi Salmeroni datam (in fine partis secundae libri quarti Historiae Conciliorum Richerii) quae multa tibi Arcana Tridentini Concilii & necessitatem Ecclesiae reformandae, necnon Curia Romanae abusus & fastidies clarissime detegit, ut ait Richerius in ejus calce; qui ibidem etiam innuit quàm affinis est ista Epistola huic Orationi.

Lindani epistola exceditur ex scholis Crastavii, quas typographo preparavi: fortasse praefatio est concordiae discordis, seu Querintoniae ad Imperii Principes, &c. quae prodit Colon. 1583. vel alienius ejusmodi tractatus, quorum numerum satis magnum emittit homo puerus putius Papista, sed vitiosum cleri infectator acerrimus.

In sequentes tractatus praefatur ipse, è quo desumpti sunt, Conringius, vel Jamefius, & de eisdem ii optimè tibi reddunt rationem. Wicelii, quantumvis acerrimi Lutheranae Scholae hostis, opuscula lecta & relecta dignissima reperies: Ille & Barnesius in hac Appendice, & Cardinalis Alliacensis & Erasmus in Fasciculo (stomachentur quicunque volent) moderatorum partes agunt inter dissentientes; & quid utrinque concedendum, sobrie & prudenter discipiant: unde amplius sibi nomen & illa integritatis famam magis sibi conciliant, quàm infallibilitatis stultae defensores unquam adipiscuntur apud viros rerum theologicarum gnaros, si causam istam vapidam & putridam ad finem usque mundi sustinebunt. Aliquid autem vidit Erasmus, quod non advertit Cardinalis; aliquid item viderunt Wicelius & Barnesius quod eorum neuter viderat emendandum; & ut indices clarescit Evangelica doctrina lux, aliqua vident hodierni Protestantes quae à nullo quaternionis illius doctissimi & perspicacissimi socio sunt animadversa.

Epistola illa memorabiles Caroli V. & Clementis VII. dicebantur in Crastavii Fasciculo (unde eas & aliqua alia hauri) si bene memini, è libro Epistolarum Turcicarum excerptae: quaecunque verò habes ex Fasciculo isto Crastaviano, benignitatis Reverendi viri, Doct. Guil. Asheton, qui Manuscripti domini sunt, accepta referenda sunt.

Bonae praefatio in Stephani Gardineri librum de verà obedientia Oxonio mihi missa est à viro doctissimo Georgio Hicks Ecclesiae Vigorniensis Decano, qui illam meis precibus duntaxat in omnibus Academiae bibliothecis quaesiverat, in Baliolensi verò solum invenit: ipse autem Gardineri liber exceditur juxta veterem editionem Londinensem. cui deest ista praefatio (callidae enim eam editioni illi subtraxerat hypocrita crassus, quasi rei pudesctus) quam nobis suppeditavit perbunianter vir de ecclesia nostra & omnigena literaturà bonè praeclare meritis Thomas Tennisonus S. T. P. & S. Martini in Campis Vicarius.

Samploni libellus de obedientia Regi praestandà, contra iidem obtentus papales, nobis est mutuo datus à D. Decano Vigornienſi & illius Ecclesiae Canonico erudito Guil. Hopkins. Qualem postea palinam recinerunt Gardinerus, Bonerus & hic Samplonus, neminem fugit in rebus Anglicanis versatum: ut integer sit hypocritarum insulorum quaternio, iique in triumphali Inconstantia quadriga jocunditer simul vehantur, eis adde Pium secundum cum bulla retractationum

retractationum curiose à tergo quadriga depictâ, & Virgilii verbis aliquantum mutatis, Non sum pius Æneas.

De Johanne illo Barnesio, Catholico-Romani pacifici auctore, præfatus est aliqua vir doctissimus qui opusculum illud Oxoniæ edidit: qui autem vellet hominem penitus rescire, quarat librum quandam excusum Lugduni A. D. 1627. cui titulus [Splendor veritatis moralis collatus cum tenebris mendacii & nubilo æquivocationis ac mentalis restrictionis, &c.] ab Emoneo quodam monacho min. & ejusdem Ord. Commissario, scriptum, contra hunc virum bonum & pacificum; ubi ab irvido & stultissimo monacho corraduntur omnia que sanam & doctrinam hominis sibi videbantur denigrare, hac solum causâ quod Lessii doctrinam de minuendo mendacii peccato sub pigmento & suco æquivocationis licite egregie vellicaverit & confederit. Astimandi sunt semper boni viri ex calumniis detractorum, & patronorum mendacii: quos isti homunciones irvido dente arrodunt, ii cerio certius sunt probi homines: si mihi æquissimus de hoc homine calculus ducendus esset, eum non aliunde sumerem quàm ex istâ descriptione & charactere quem malevolentissimus (nescio quis) monachus vel Jesuita Anglicus Emoneo suggererat & transmisserat, quemque hic Commissarius pragmaticus publicè juri fecit, ut Invidiæ literet, in isto Splendore (scilicet) Veritatis, in Aditu ad Disputationem pag. 10. Inde mihi liquidissimo constat hominem fuisse sincerum & probum, & nullâ aliâ ratione crabrones cucullatos irritasse nisi quod nollet esse tanti nebulo quam fuerant isti. Richerius Sorbonensis (qui paria cum hoc viro passus est, & ob eandem rationem; cuius hic Barnesius fuit charissimus) eum non fuisset tam tenere amplexus nisi eximius ejus dotes adamasset: & in pitrinum ii profecto ablegandi sunt omnes Pontifici doctores, tanquam aliena fama prætones & fures, qui hoc scriptum Romano-Catholici Pacifici ab emotæ mentis homine profectum blaterant: Sed quis non demens apud stultos & nebulones? Christus ipse, Salvator noster, Deus in secula benedictus, & ejus Apostolus S. Paulus eodem stigmate inusti sunt.

De duobus insequentibus non opus est pluribus quàm in suis cuius locis dicta sunt; nisi quod Modum istum solennem Sylvestri Prieratis, ferè deperditum, & inter istius opera ob eximium ejus stultitiam non recentium, habes tibi è bibliothecâ college mei Johannis Moore S. T. P. qui noluit solus ridere antiquam Inquisitionum fatuitatem. Excerpta illa è Bernardo, &c. pars sunt Speculi Pontificii ab Ed. Bulkleio, fabrefacti, editique circa seculi præsentis initium Londini: librum publica utilitatis dicavi Thø. Linfordus S. Edmundi Regis Lond. parochi.

Officium Ordali descripsi è codice antiquo MS. penes dignissimum Decanum & capitulum Ecclesiæ Roffensis, qui appellatur Textus Roffensis: Magni æstimatur, idque meritisimo, hic codex membranæus, ob monumenta quedam antiquitatis qua vix alibi reperirentur, nisi Decanus Vigorniensis leges quasdam Saxonicas, in Lambardi Apparatu non extantes, inde intrasset transcribendas jurisque publici faciendas; vel amicus meus doctissimus Thø. Gale S. T. P. easdem aliunde quasitas, ex illius diligentia laudatissima cum quamplurimis aliis è spectantibus collegisset. Textum hunc diu cognovi, in ea urbe natus, eiq; in adibus D. Johannis Lorkini, Ecclesiæ Roffensis Canonici (cujus memoria ob eximiam erga me munificentiam & bonitatem, plurimum debeo) jam olim familiaris factus sum. Varia continet hic MS. velut leges antiquas, pacta, chartularia, bullas, privilegia, donaria, &c. præter huncce Exorcismum: Eorum partem magnam collegerat Ernulphus hujus sedis antiquissima Episcopus, qui mortuus est, teste \* Matt. Paris A. D. 1124. D. Henr. Spelmannus, clarissimus Vir, rubro suo penicillo notavit in hoc codice, inter alia, donaria quedam Presbyterorum talis & talis Parochiæ & uxorum eorum, Ecclesiæ S. Andrea Roffensi consecrata, ut eorum Filii in monachorum ejus Ecclesiæ catum cooptarentur: tunc temporis igitur licitè sacerdotibus esse maritos, sicut multis ante seculis, donec clerus dissolutæ vitæ quàm vinculis conjugibus addidit, focarias uxorum vice in deliciis habebat, & morum probitas ab Ecclesiasticis valere jussu, Inxui & sceleris cedere coacta est: Nec sacerdotes conjugati audiebant Concubinarii (sicut postea, cum vitium virtutis locum occupabat & nomen) donec sacerdotes meretricii ætatis sequioris dicere rem sibi præstantiorem fornicari quàm uxorem ducere, ausi sunt impudentissime: tantum interest inter sacerdotem Pontificium obsecrum, & presbyterum Christianum castum. Quod autem notavi ego in Codice illo Roffensi, est quod tuâ etiam observatione dignissimum duces. In folio nimirum 107. Matthæus Parker, Reverendissimus & literatissimus Archiepiscopus Cantuariensis scribi jussit hæc verba manu Guilielmi Lambardi, antiquarii nostri Cantiani A. D. 1573. [Quando Willielmus Rex gloriosus morabatur in Normannia, Lanfrancus erat Princeps & custos Angliæ, subjectis sibi omnibus Principibus, & juvantibus in his quæ ad defensionem vel pacem pertinebant Regni, secundum Leges patriæ, lectionis assiduus & ante Episcopatum & in Episcopatu quantum poterat; & quia Scripturæ scriptorum vitio erant nimium corruptæ, omnes tam Veteris quàm Novi Testa-

Testamenti libros, necnon etiam Scripta sanctorum Patrum, secundum orthodoxam fidem studuit corrigere, &c. *Hæc proculdubio habuit Reverendissimus Primas, & antiquarius idem eruditissimus, è probò aliquo & authentico testimonio. Quid autem audimus, Lector? Biblia sacra & Patrum scripta correctæ à Lanfranco? Deus bone! quam antiqua est hæc Inquisitionis! Quis unquam somniasset Expurgatorios Indices sexcentis annis fuisse vetustiores? Omnes Veteris & Novi Testamenti libri, & pristinum patrum Scripta ad Lanfranci limam revocantur, quia Scriptorum vitio corrumpebantur scilicet. At quinam erant illi Scriptores, sacrarum literarum & patrum vitiores? Quid agunt Correctores? Delendumne est litera c ex michi (quod tamen agrè tulisset \* Leon. Aretinus) vel p ex sompnus vel solempnus, vel aliquid hujusmodi, quod Scriptores incauti vel indoliti (qui plerumque fuerunt Ecclesiastici) pinxerant perperam? Apagè! aquilæ non capiunt muscas: Lanfranci opera non in rectè formandis literis vel syllabis locatur, sed in mutando sententiarum sensu, & scriptis illis celestibus & piis ad Romanæ fidei amussim exigendis. Habemus hic in Anglia catalogos aliquos librorum vetustissimos, qui auctorum nomina in hujus & illius Ecclesiæ Cathedralis bibliothecis extantium commonstrant: Quorum aliquos vidi; imò in hoc ipso Textu Rossensi fuerat olim talis elenchus, licet nunc dierum vix quatuor ejus supersint folia, excisis cæteris à nescio quo nec quamobrem.*

Ex illis catalogis constat fuisse Angliam à multis seculis librorum divitem, eorum maxime qui res Ecclesiasticas & historicas tractarunt: Maxima autem Patrum pars, quorum scripta hodie innotescunt, olim quoque cognita est vel propriâ, qua scripta sunt lingua, vel mutata: si hæc omnia volumina Lanfranci fidem orthodoxam sapere didicerunt, profectò habuerunt summos bellos patres; ad Scripturas sacras quod attinet, supra illius facultates fuit illas adeo corruptum, quin linguarum Originalium (quas ille non magis calluit quam Papa Romanus) ipsis, à viris doctis frans jamdum detecta est; sicus & patrum antiquorum Scripta non adeo depravata sunt, quin collatis invicem variarum gentium exemplaribus, quæ Lanfranci censuræ effugerunt, facile quid genuinum quidve adulterinum discerni queat. Bene autem habet quod Archiepiscopus hunc pium, Matt. Parkerum, monitorem habuimus quid à quodam prædecessore suo in mittendis S. Scripturæ & Patrum locis tentatum olim fuerit. Fides ista orthodoxa (scilicet) secundum quam Lanfrancus hæc studuit corrigere, fides erat Romana; hoc concedent omnes nostri adversarii; sed ea fides Romana, in rebus maximi momenti fuit corruptissima; & annon bella correctio est Scriptorum, ubi doctrina sana emendatur in insanam? Hoc est in pejus proficere (ut Vulgaris editio non invenisset \* Apostolum explicat) & quod erat antea bonum, in malum convertere. Hic ipse Lanfrancus fuit qui transubstantiationem, sacerdotum coelibatam aliasque doctrinas Romanas huc ex Italia, patriâ suâ, secum attulit: quem signis rectè metiri velis, Hildebrandi fuisse tum contemporaneum & amicum meminere oportet. Ejus autem correctio Bibliorum & Patrum clare indicat, subsuisse aliquam rationem magnam, quare prioribus eorum exemplaribus non fuerit contentus; & aliqua Ecclesiæ dogmata fuisse suis temporibus mutata; quod sole meridiano clarius est in causâ transubstantiationis; quam Ecclesiæ nostra Saxonica penitus nescivit; imò & tam nova & peregrina fuit doctrina, ut Gregorius Septimus nesciit planè utrum Berengarius an Ecclesiæ Romana super ea re rectius sentiret, ut habeatur in ejus vitâ à Benno Cardinali conscriptâ. Serò jam querimus Ecclesiam miserè fuisse corruptam; sed profectò in rem nostram cedit, nosse fuisse corruptam. O quam grata mihi res esset, & tibi, Lector, si Bibliorum vel Patrum exemplaria videre liceret, quæ Lanfranci manus correctrices evaserunt, cum ejus castigatis libris conferenda! Correcta proculdubio reperiremus plurima eo modo, quo Romanistæ hodierni libros corrumpunt. i. e. adulterata, vel abrafa: pulcherrimam emendandi libros rationem! Sed quid fiet de aliquam multis Ecclesiæ Romanæ doctrinis, nisi talia subornentur testimonia, & falsarii, priscorum patrum personis indutiis, ea pro præscriptis venditent, à quibus si viderent veri autores abhorrent? Sed hæc obiter, occasione arrepta ex eis qua in hoc MS. reperi annotata.

De origine vocis Ordalii, de quo agimus, consulenda sunt glossaria; illud præsertim quod Abrahamus Wheelocus, Professor aliquando Arabicus Academia nostra Aulæque Clarensis Socinus, Apudropus Guil. Lambardi, Cantabrigiæ 1644. edita, adiecit. Extat hoc Officium in D. Henr. Spelmani glossario, ex eodem MS. Rossensi excerptum; & in Capitularibus Regum Francorum, à Steph. Baluzio editis. Parif. 1677. tomo secundo, pag. 647. ubi appellatur Exorcismus ex ordine Dunstani; illius nimirum Dunstani sancti qui fortissime dæmonem naso prebendebat forcipe; & (ut verum dicam) vix quilibet aliis quam qui cum dæmone congressi non veritus est, tot & tantus conjurationes auderet condere, quales hic in Ordalio adhibentur. Sed respondent ista ritibus illorum temporum genericis & superstitionis, qua religionem Christianam mirificis ineptiis contaminarunt.

De Ordalio (s. judicii & examinis istiusmodi ceremonias penitus velles perspicere) multi



tibi consulendi sunt auctores qui aliquid de eo literis tradiderunt : viz. Seldenus in *Jano Angelorum*, ejusq; nota in *Edmerum ad calcem S. Anselmi* editi Parisiis 1675. pag. 129. *Lindembrogius in Glossario ad Codicem legum antiquarum*, in voce [Judicium aque] *Antiquitates Britannicæ*, edit. Francof. pag. 104. ubi magna pars hujusce Officii recitatur ; sicut & ejusdem superstitionis peragenda modus, paginis ejusdem libri 97. & 100. *Primus tomus Analectorum veterum Mabillonii*, pag. 47. &c. *Theodori Pœnitentiale* edit. Parisiis 1679. pag. 665. *Tomus secundus Antiquitatum Alamannicarum Goldasti*, part. 2. pag. 139. edit. Francof. 1661. *Nauclerus* (pag. 1118. editionis Colon. 1579.) aliquid habet de hujusmodi experimento ignis in causa boni illius viri, *Hieronymi Savonarolæ* ; & non ita pridem *Sacerdos quidam papisticus*, in capitis periculum adductus ob conjurationem in *Carolus Secundum Angliæ Regem*, testande innocentia sua causâ fidenter sese obtulit hujusmodi *Judicio*. Siquis unquam posthac sacerdos Pontificius, *Lege majestatis reus* perageretur & ad hoc *Examen* provocabit, en missam ignitam & aqueam illi purgando vel dampnando paratam ! quæ sacerdoti isti accusato non tam obvia fuerat : sed quis hanc missam in Angliâ legeris ista occasione, videris ille qui ad tale *Judicium* provocaturus est ; ne forte missator in par periculum cum missato incidat : satis est enim mihi & tibi, *Lector*, caeremonias hæcæ obsoletas & nescio quid, præter horrendam Divini nominis profanationem, olentes, nescis, & in crassissima superstitionis vituperium palam proferre. Siqui verò sint qui in hac religionis & literarum bonarum luce & fulgore, hujusmodi exorcismis virtutem aliquam inesse existiment, eisque ob antiquitatem aliquid deferant, ne eis hac ultima *Appendicis* meæ pars magno possit esse juramini : sed, si â me suaderi velint, ex caerarum ejus partium lectione, nisi ipsi culpâ sint, sapientiores evasuri sunt. Si tu autem, bone *Lector*, vis videre quantum olim invaluit hæc consuetudo adjuratoria, unde originem sumpsit, & quo pacto paulatim in desertudinem & contemptum ne dicam horrorem, abiit, & evanuit â judicandorum facinorum legibus, vide *Friderici Heinii Rostochiensis Dissertationem de probatione quæ fieri olim solebat per ignem & aquam*, cum ferventem tum frigidam, *Tubingæ excusam A. D. 1620.* & *Christophori Befoldi nunc dissertationum philologicarum annexam* ; in qua uno intuitu, omnia ferè quæ hac de re scitu digna sunt, ingeniosè exhibentur.

Sic tandem percurri etiam *Tractatus in Appendice ad Fasciculum*, &c. editos ; sum, ni fallor, eniq; reddidi, & quæ vix ac ne vix quidem alibi reperies impressa, in hoc volumine candidè, probe ac fidelitèr, & amicè omnibus proposita habes. Siquid autem sit novorum in hac editione, amplius quam in mendorum indiculo significavi, tuo id candori & dexteritati corrigendum relinquitur.

Non habemus in Angliâ *Stephanos aut Aldos, Crispinos aut Plantinos* : Qui cum typographis nostris rem habent, laboris patientes esse oportet, & ad operatorum præli accersitas, velint nolint, aliquando connivere, nisi labore improbo toti esse velint in falsis punctis & literulis eradican-dis. Cavi certè ne millena errata, quæ in *Gratii* editione, & vocales simplices, in hac nostrâ committerentur ; quod si adverbia tibi occurrant sine virgulis, &c. scaturiebant, in hac nostrâ committerentur ; quod si adverbia tibi occurrant sine virgulis, &c. scaturiebant, pro *diphthongis*, & *literæ m & n* per lineolam superimpositam æquo sapienti exprimantur, levità sunt hæc nec eis præveniendâ qui nesciunt aliud nisi exemplar ob oculos positum sequi. Quod potui, feci per totum opus : Et prodesse volui & delectare : Siquid meis studiis adjunxeris in veritate & virtute *Christianâ* colendâ, quod amice exopto, Deo gratias agas.

Non is sum qui quod meâ operâ & lucubratione præstitum est, magnum quid vel egregium existimem : tenuitatis etenim meâ magis conscius sum quàm ut mihi arrogem plura quàm hominem imperitum, at boni publici amantem, deceat. Toti mundo fateor, habere me *Ecclesiâ Romanam* hodiernam, ne *καλὰ δὲ* quidem *Ecclesiâ* pristina ; utpote quæ non carne solum & spiritu, sed & ossibus aliquot principalibus, quæ in *Ecclesiæ* corpore integro requiruntur, vacua est & manca ; cadaver *Ecclesiæ* potius quàm *Ecclesiâ* dicenda ; donec Ille qui mortuos resuscitat, novam ei vitam & omnia membra reddiderit, omnesq; putredines & corruptiones, qui solus potest, sanaverit. Ex his ipsi virorum clarissimorum *Scriptis* didici quàm multa desunt ipsius *Ecclesiæ* doctrinæ & disciplinæ resarciendæ ; deesse autem plura & majora, ex viris in hujusmodi rebus versatioribus, qui controversias penitus excutunt, longe liquidius patebit. Eorum me *judicio & admonitioni* libentissimus subijcio ; maximas viris doctis, bonis & ingenuis gratias relaturus qui scubi in hoc opere lapsus fuerim, me consilio suo & adjumento erigant. De isto autem homuncionum malefactorum genere, qui toti sunt in alienis operibus allatrandis & arroandendis, ipsi cum sint tenebriones otiosissimi & inertes, hoc solum dicam, Qui huc accedam, alini, vix hinc dediscens rudere, nec facile evadens equi.

Ut nihil autem, ad majorem fructum ex horum opusculorum lectione capiendum, desideretur, Indicem quoque rerum præcipuarum adjeci, non sine aliquanto labore & molestia, nec sine conceptâ tui commodi fiduciâ; alius Ecclesiæ hominibus, Inquisitoribus, nuncupatum; quibus, si paucula quadam inibi eis fortè minus placentiâ reperiunt, hanc lubens offero conditionem, ut librum totum revísant ( hoc enim cum superiorum licentia & indulto possunt ) & indicem alium, si velint, suapte ingenio & modo, ex illo colligant contra Ecclesias Reformatas; sed eis spondeo, & hoc probe meminerint, fore illis longè satius hoc ipso Indice contentos esse, qui ne decimam quidem eorum partem exhibet, ad qua frontes illi magistrales corrugabunt & mirè oggannient. Magnam librum, magnum fortasse malum ( ut solent alii nonnunquam, non nimis sapienter ) appellabunt; & editorem, hæreticum & nescio quid; & suos de Fasciculo quodam exitiali & Appendice dampnabili cavendis vociferatissime monebunt: ehem! agant quicquid velint in aliis regionibus, & pro libitu busonibus magis intumescent; at, ita nos Deus amet, in Angliâ ne unquam cucullati judiculi, eorumve curia Rhadamanthina effera te dominantur, cavebimus omnes; & nisi valde fallor, hic ipse liber, ad cuius conspectum præ rabie se non poterint continere, eorum unguet, ne in bonos auctores saviant, ad vivum pracidit. Qui Indices librorum contexunt, res in eis contentas expiscari videntur, haud aliter quàm qui rete seu tragulam per fluvium ducunt: videbunt inquisitores quale eis piscium ferculum offero in hoc flumine captatorum; quos, ut munus magis gratum adsit, sale condiendos curavi, ne putrescerent: vinum autem, cum huiusmodi piscibus potandum, cum vix satis eis digerendis in Angliâ nascatur, & illo domi abundant, eismet ipsi curandum relinquo. Tu autem, probe Lector, quicumque es qui non fueris ex ista sacerdotum Phaetontæorum turba, huius Indicis usum fructum habes, licet illis ejus jus proprium donaverim: jus dixi? rectius id quàm essem opinatus: Index enim libri nihil aliud est quàm merum jus, cui cibi quidem simul colli succus aliquis insit; sed cibus ipse liber est, è quo exprimitur: tu igitur solido libri cibo vescere, & Inquisitores Indicis jus sorbeant; & multum illis profit.

Finito opere molesto & difficili jocantur omnes & hilarescunt, de laboribus superatis triumphantes: idem mihi, Lector bone, permitte, & si qua tibi vox vel phrasia ludicra corrente calamo exciderit, qua lingua nostra quàm purè Latina propior videbitur, facilis præterito & ignosce, nisi eis soles qui sibi nonnunquam in usu verborum & dictorum ad amussim Tullianam minime exigendorum, genialiter indulgent. Vale.

Sandrigiæ, Sept. 9. S. P.  
MDC LXXXIX.





# ORTHUINUS GRATIUS

Daventr. Johanni Helmanno legum Imperialium Licentiatu, & bonarum artium Professori dignissimo, inclytæ Civitatis Colonien. patritio ac civi integerrimo  
S. P. D.

**C**UPIENTI mihi aliquid ad te scribere, & tuæ dignitatis memoriam posteris celebriorem magisq; memorabilem reddere, tum propter nativam majorum tuorum tibi ab ephēbia innatam probitatem, tum propter singularem tuum erga me & bonos omnes amorem, tu primus omnium occurristi, cui hunc rerum expendarum ac fugiendarum Fasciculum dedicarem: Nec immerito: Agitur enim hic de gestis & actis Concilii Basileensis: Cui avus tuus Johannes Helman, vir præstantissimus & quem novi optimus, præfens interfuit, ab inclytæ civitatis nostræ Colonien. Consulibus ac Senatoribus, è numero penè civium omnium, ad tam insignem provinciam munusque præclarum ac nobile obeundum, delectus. Doctus profectò & mira pietate conspicuus, à monetis, secretis ac scriniis (ut sic dicam) censor & scriba, quum laudatissimus, tum integerrimus. Taceo largam ipsius in pauperes pietatem, taceo præclara ejusdem erga rempublicam patrocinia. Quæ si omnia vel enarrare hic vel describere contendero, me sit dies defecturus. Hoc solum addam, ita justum tamq; in omnibus sibi commissis integrum fuisse, ut in principum atque aliorum sacri Rom. Imperii statuum confesso, sese ac cives suos & quæri potuerit & conservare. Ex cujus etiam filia, honestissima apud nos matrona natus est Petrus Quentell, vir egregius & nostræ civitatis senator præclarus. Postremò autem, quum idem ille, tuus avus sex & nonaginta annos foeliciter ac perbeatè complevisset, superos, quos ad tempus reliquerat, dicto citius revisit.

Ad patrem nunc venio tuum Johannem etiam Helman vocitatum, qui quanta fuerit virtute præditus, quanta rerum experientia decoratus, cogitare medius fidius poterunt pauci, dicere nemo. Majorum enim suorum vestigiis inhaerens, non paucos præclari nominis viros albis præcessit equis, tibi que ac posteris tuis (unico potissimum Johanni filio tuo, nobilissimæ indolis adolescenti) omnigeno virtutum ac charismatum genere, velut ardeas Astrapas lampas, divinitus præluxit. Cujus animum (modò verum nobis fateri liceat) è cœlo credas ignem fuisse desumptum.

Cæterum, quid de matre tua dicam, muliere itidem pudicissima? Quæ ex antiqua & insigni Cusinorum, Romanæ olim stirpis origine ac nobili stemmate prognata (quod duo leones aurei satis abundè testantur) castissimam expressit Penelope, & singulari suæ modestiæ, nemini non & perspectæ hic & cognitæ, præclarum & illustre, diversarum, hem quid dixi diversarum? imò potius omnium virtutum specimen adjecit. Utinam Deus Opt. Max. hōc mihi loco Platonis copiam, Isocratis jucunditatem & Demosthenis vim contulisset, ut majorum tuorum virtutes aliqua ex parte, & id quidem hoc tenui meo orationis filo explicare potuissē. Quod licet mihi, tanquam apud Deum immerito, minime contigerit (sufficit enim mihi Gratio Dei gratia) propterea tamen hac in re meam (quam nostri) voluntatem facies maximi, tuique etiam Orthuini, suo (ut dici solet) & loco & tempore, amicos inter (quos supra quam cuiquam credibile est, habes innumeros) sedulo recordabere. Sic enim fiet, ut honesta posthac scribendi occasione data, in parentum tuorum ac totius prosapiæ laudibus enumerandis & locupletior sim magisque (quod velim) disertus.

Verum his omnibus nunc omissis, ad te venio, Helmanne, virum profectò non bonum minus quam eruditum. Quem in retrusioribus secretioribusq; reip. negotiis expeditum, omnes conitemur. Novi præterea magnitudinem animi tui, novi constantiam, novi singularem tuam, etiamnum & contestatam in bonos omnes fidem ac humanitatem. Eloquar ergo an fiteam? Quin animum erga te meum aperio: Testor profectò Deum & conscientiam (nulli enim fucum facere didici, nihilque est à me alienum magis, quam assentatoris fungi officio) omnium majorum tuorum virtutes, sive justitiam, sive pietatem, sive munificentiam sive humanitatem intueri voluerimus, in te solum ac unico refugere. Adde huc, quòd

tu instar Ulyssis, aut rectius Platonis, patria tua nobili ac patre desertis, externas nationes, tum propter jurisprudentiam Patavii ac Bononiæ consequendam, tum propter varios hominum mores discoscendos, longè lateque pervagatus, Romanam urbem, Venetos quoque & Italiam ipsam perlustrasti. Non mirum igitur, si te omnes apud nos & colant & venerentur. Hinc non indecenter in tuam laudem hoc heroicum citaverim,

Clarior in cunctis divus splendebat Iason;  
Juno etenim lætos illi aspirarat honores.

Postremò, ne vel te virum præstantissimum, vel lectorem studiosum diutius morer, de tuo nomine proprio hoc dictum velim, omnes tui stemmatis progenitores idem nomen habuisse, ut sicuti Johannes Apostolus Christo charissimus fuit, ita quoque & tu, ac posterum tui omnes eidem & grati semper sint & accepti. Hoc igitur in tui nominis laudem Hexastichon ipse tecum frequenter decantabis:

Dicor Johannes Helman cognomine patris,  
Sic avus & proavus dictus & est tritavus.  
Dumque senes longo fracti consumimur ævo,  
Et genus & nomen durat in orbe vetus.  
Munere ita superum patrii mihi nominis hæres  
Obtigit & vivo qui periturus eram.

At quid de nomine tantum tuo? Animi potius tui constantiam incredibilemque tuam erga nos omnes humanitatem metiamur. Scio quanti te Consules nostri ac senatores, viri mercurales & prudentissimi & optimi, semper faciant: Itemque non me fugit, quali te honore cives nostri omnes simul prosequantur. Nec de nostratibus duntaxat hoc velim intelligi, quum exteri, qui suas Coloniz possessiones habent, pari te honore ac laudibus colant. Verum hac de re satis, & ad ea quæ in hoc libro continentur, & in priori præfatione, dicta summam fuisse, nunc tandem properemus.

Commentarii  
Æneæ Sylvii  
de Concilio  
Basileensi.  
\*[Commenta-  
rios excu-  
sum & divul-  
garum] sic  
voluit O. G. is  
igitur de ver-  
borum con-  
gruentia tibi,  
Lector, re-  
spondet.

Commentarios Æneæ Sylvii in Basileensi Synodo, quos ille privatus adhuc agens mirâ fide & diligentia conscripsit, jamdudum publicè ab aliis excusum \* & longè lateque divulgatum nacti, in publicum iterum emisimus. Nam hinc non solum rari in Bibliothecis extant, verum ab ipso etiam autore suppressi videntur, posteaquam ad pontificium fastigium emerit. Fortè quòd acta Basileensis Synodi, quæ pro reformatione ecclesiæ convenerat, paulò candidius ac simplicius explicant. Nec mirum est, si hoc opus fuit neglectum, quando Synodus ipsa reprobata fuit, quòd in ea visum sit patribus mundum melius habiturum si potestas Romani Pontificis aliquatenus astringatur, videlicet ut cum omnibus ipse præsit, subsit tamen ecclesiæ. Hoc sanè constat, Pium damnassee quod Æneas probaverat, ut non tam verum sit, juxta Proverbum, cum vita diartam mutari, quam animus ipse mutatur & judicium. Describere autem Basileensem Synodum exactè potuit, quòd tum Clericus esset cæremoniarum (ut vocant) & singulis conventibus interesset. Venerat is Basileam, fortunam quæsiturus, cum esset supra modum tenuis. Dexteritas primum commendavit hominem Cardinalibus, deinde in aulam Friderici Cæsaris ascitus, mirabilem fortunæ benignitatem sensit. Sed hæc vulgo nota sunt. Ex his commentariis discas quid sit Basileæ actum, & quemadmodum soleant celebrari Concilia? Cujus operis raritatem vel ex hoc collige, quòd aiunt illud apud Basileam non extare. Nam primum liber tantum illic habetur, miserè tamen & mendosissimè scriptus, cum tantus numerus librorum illic sit, quibus acta ejus Synodi continentur. Porro codex Commentariorum Æneæ, veluti farraginem quædam erat variorum tractatum, quos visum est omnes imprimere, partim quòd historias continerent, vel hætenus incognitas, vel secus proditas quam res habet: partim quòd veterum quorundam Paradoxa inerant, quæ hodie circumferuntur ut nova, cum tamen jam olim inventa sint, & in sacris Conciliis damnata. Primum obrinebat locum Vita Hildebrandi, qui Gregorius septimus dictus est; quam cum legeremus, in mentem veniebat decreti illius, quod apud Brixiam Noricam in celebri episcoporum & aliorum procerum Synodo emissum est, ut Abbas Urspergensis in Chronicis suis prodidit, & est hujusmodi.

\* Quia (inquiunt) illuc constat non à Deo electum, sed à seipso in fraude ac pecunia objectum, qui ecclesiasticum subvertit ordinem, qui Christiani Imperii perturbavit regnum, qui Regi Catholico ac pacifico, corporis & animæ intentat mortem, qui perjurum defendit regem, qui inter concordēs seminavit discordiam, inter pacificos lites, inter fratres scandala, inter conjuges divorcia, & quicquid quietè inter piè viventes stare videbatur,

Chronica Ab-  
bas Ursper-  
gensis.

batur, concussit. Nos auctore Deo congregati in unum, legatis ac literis freti decem & novem episcoporum die sancto Pentecostes Moguntiae congregatorum, contra eundem Hildebrandum procacissimum, sacrilegia ac incendia prædicantem, perjuria & homicidia defendentem, Catholicam & Apostolicam fidem de corpore & sanguine Domini in quæstione ponentem, hæretici Berengarii antiquum discipulum, divinationum ac fomniorum cultorem, manifestum necromanticum, Pythonico spiritu laborantem & idcirco à vera fide exorbitantem, judicamus canonicè deponendum & expellendum, & nisi ab ipsa fede his auditis descenderit, in perpetuum condemnandum. Facta sunt autem hæc septimo Calendas Julii, feria quinta, Indictione tertia. Hactenus Urspergensis.

Videat hic  
Plana quid  
scripserit.

Ut verè &  
rectè possint  
lectores de  
hoc pseudo-  
papâ impio  
judicare, &

antidoto muniantur contra Bellarmini & Gretseri, illum ad Sydera usque evehentium, venenunt, consulendi est omnino [ Replicatio pro S. Cæsarea & Regia Francorum Majestate, illustrissimisque Imperii Ordinibus, adversus Gretserum Jesuitam ] à Melch. Goldasto Haiminsfeldio conscripta: necnon [ Reverendissimorum & Illustrissimorum quorundam S. Rom. Imperii Principum Apologia pro D. Henrico iv. Imperatore, adversus Gregorivii papæ, cognomento Hildebrandi, & aliorum patriæ hostium, impias ac malignas criminationes ] ab eodem præstantissimo viro M. Goldasto collectæ; editæ in 4<sup>o</sup>. Hanoviz, A. D. 1611.

Hanc sententiam in Hildebrandum non esse vanam, aut sine causa decretam, statim intelligit quisquis vitam ejus legerit. Gestis Hildebrandi conjuncta erat Vita Henrici Cæsaris, qui multa passus est ab illo. Huic coharebat professio fratrum Waldensium ad Regem Hungariæ, quæ non multum alicubi dissentit ab iis quæ nunc vulgo traduntur à quibusdam ut ab illis accepisse videri possint. Atque hinc melius cognosci possunt quales sint, quam ex Catalogo hæreticorum, quem venerabilis pater F. Bernardus de Lutzenburgo, ordinis Prædicatorum, edidit. Post adnexi erant articuli quidam Johannis Wiclefii impugnati sedulo à Wilhelmo Wodfordo. Mox aliæ propositiones ejusdem ex illius libris excerptæ damnataq; non solum Oxoniæ Londiniquæ, verum etiam in Constantiensis Concilio. Item rationes propter quas damnari meruerunt, ut illa tanquam nobis pestifera fugiamus. Erant & hi libelli postremo loco, quomodo Wiclefica doctrina venerit in Bohemiam ex Anglia. Fragmentum Æneæ Sylvii, Leonardi Aretini libellus adversus hypocritas. De vocatione Bohemorum ad sanctam synodum Basileensem, Petitiones eorundem, Examen Johannis de Wesalia Theologi, & Condemnatio Johannis Wiclefii, Johannis Hus & Hieronymi Pragensis per Concilium lata Constantien. Quæ omnia & multa etiam alia, prædictis libris, opusculis atque tractatibus, sive intermissa, sive ad calcem adjecta, lectuque jucundissima \* & necessaria cognitu, simul in hoc volumine impressa, cum judicio lege ac vale. Nec illud silentio præterierim, hunc librum ab omnibus sine ulla planè offensione legi posse, modò nostras præfatiunculas sive epistolas hic passim varias, ac dignitati tuæ dedicatas diligenter ac pie perlustraverint, eamque potissimum, quæ in ultimis hujus libri foliis reperies. Iterum feliciter vale, mi charissime Helmanne, omnium studioforum decus ac columen.

F. Bernardus  
de Lutzenbur-  
go author ca-  
talogi hæreti-  
corum.

\* Aliquet autem  
sentient In-  
quisitores Ec-  
clesiæ Roma-  
næ, qui Fasci-  
culum hunc in  
Indice expur-  
gatorio peni-  
tus prohibent.

Coloniæ ex adibus nostris, Anno à Christo nato, millesimo quingentesimo tricesimo-  
quinto pridie Nonas Martias.

ELEN.



# ELENCHUS TRACTATUUM QUI in hoc Fasciculo continentur.

**C**ommentariorum Aeneae Sylvii Piccolominei Senensis, de actis & gestis in Concilio Basileae celebrato, libri duo, in quibus sacrosanctam illam Synodum sic describit, sic quicquid illic actum, bona fide refert, ut qui legerit, interesse & insulatos illos heroes disputantes, colloquentes, concionantesque coram videre se possit. Nec solum jucunda est historia, verumetiam utilis. Vixque aliud Concilium extat, pari fide & diligentia scriptum. Pag. 1

2. Eiusdem Aeneae Sylvii ad Johannem de Segovia Theologum Epistola; in qua enarratur quam celebri pompa, apparatu, ac gloria Felix ipse Sabaudiae Dux & cremita, spreto Eugenio IV. in summum sit pontificem electus ac confirmatus. P. 52

3. Juliani Cardinalis sancti Angeli, viri praestantiss. & ad Germaniam legati, Epistola duae in quibus mira libertate scriptis ad Eugenium pontificem Ro. male conantem dissolvere Concilium Basileense, quum antea per Martinum V. in Concilio Constantiensi indictum esset. P. 54. & 63

4. Universitatis Parisiensis ad futurum Concilium contra Leonem X. Appellatio, in qua omnes ferme Ecclesiae Rom. abusus referuntur, & Concilium Basileense sacrum fuisse probatur, & in Spiritu sancto legitime congregatum. P. 68

5. Orationes duae, quarum altera à Legato Leonis X. pro colligendis decimis, altera à Germano quopiam, illas denegandis, coram divo Maximiliano Imperatore in conventu Principum habita. P. 72

6. Vita & gesta Hildebrandi. Qui Romanus pontifex factus Gregorius VII. est dictus. In qua quidem historia, admiranda ac supra caput humanum obstupenda quaedam reperies. P. 78

7. Appendix de eodem Hildebrando, desumpta ex libris historiarum Reverendi in Christo patris Ottonis, Frisingensis Episcopi P. 87

8. De Silvestro ejus hominis II. (cujus Benno Cardinalis mentionem facit) insignie factum, per Johannem Stieham Peneum in suo pontificum Ro. catalogo commemoratur. P. 88

9. De Bonifacio VIII. ex Commentariis Petri Crinitii de honesta disciplina doctissime scribentis, insignie etiam facinus refertur. Ibid.

10. Vita Henrici IV. Caesaris Augusti, ducis Bavarie VII. in qua admiranda quaedam lecturae digna ac rara admodum reperies. P. 89

11. Epistola IX. ejusdem Henrici IV. ad pontificem Rom. ac alios principes, in quibus non contemnenda (mihi crede) similiter offendes. P. 100

12. Leges ac constitutiones Imperiales, à multis saepenumero desideratae, sub AURORA BULLA Caroli IV. Rom. Imperatoris P. 108

13. Constantini Magni Donationis (ut ferunt) privilegium, Bartholomaeo Picerno ad Julianum II. Pont. Rom. interprete P. 124

14. Ulricchi Hatteni, in declamationem Laurentii Valle, contra praeactam Constantini Donationem, ad Leonem X. diserta admodum & non indolita Praefatio. P. 128

15. Laurentii Vallenensis, viri undecunque doctissimi, de falso credita & consilia (ut multorum est opinio) Constantini Donatione, Declamatio. P. 132

16. Nicolai de Cusa Cardinalis; Antonini Archiepiscopi Florentini; Raphaelis Volaterrani; Hieronymi Cathalani, juris utriusque Doctoris, Cnbularii Alexandri VI. de eadem Donatione annotationes. P. 157, & 159

17. O. G. in Lau. Vallam conclusio epistolariis, post quam, autore eodem, multiplices tam Canonistarum quam Legisperitorum pro utraque parte in hoc campo decertantium, allegationes collocantur. P. 160

18. Item ex Pomponio Laeto, Socrate Grato; Theodorico, Sozomene, Baptista Egnatio, Sexto Aurelio Vittore, per eundem Orth. G. receptae de eadem materia additiones sunt adjecta P. 162

19. Professio fidei fratrum Waldensium Regi Vladislao ad Hungariam missa, quam ipsi falso satisfactoriam appellant. P. 164

20. Responsio excusatoria fratrum Waldensium, contra binas literas R. P. Augustini, sacrae Theol. doctoris ad eundem Regem datas. P. 172

21. Guilhelmi Wodfordi contra Johannem Wiclefsum, sacrae fidei pestem & heresiarcham, doctissima ac plane catholica decertationes, quibus miserum hunc hominem ita consutat, prosterminat, eviscerat

# Index Tractatum qui in Fasciculo continentur.

- cessant ac in omnibus vincit, ut ex illis ipsis  
*concordiæ nostræ temporis hereticos multos effe-*  
*ceris.* p. 191
22. Articuli Johannis Wiclefii damnati per  
*Concilium Constantiense, in quibus illum huma-*  
*nam bestiam fuisse cognosces.* p. 266
23. Rationes ac reprobationes articulorum  
*Wiclefii & sectatoris ejus Johannis Husi, in Con-*  
*cilio Constantiensi damnatorum.* p. 280
24. Doctrina Johannis Wiclefii quonam modo  
*in Bohemiam pervenerit, & de Johanne Husi ac*  
*Hieronymo Pragensi, ex Aenea Sylvio.* p. 296
25. Sententia damnationis doctrine Johannis  
*Wiclefii & articulorum XLV. lata per sacrosan-*  
*ctam synodum Constantiensem.* p. 299
26. Sententia definitiva per prædictum Conci-  
*lium contra Johannem Husi: In qua etiam per eun-*  
*dem fit mentio appellationis ad Christum.* p. 301
27. Tenor sententiæ definitivæ contra Hier-  
*onymum Pragensem, quem velut palmitem putri-*  
*dum & aridum, non ferentem fructum, Ecclesia*  
*condemnavit.* p. 302
28. Poggii Florentini, de Hieronymi Pra-  
*gensis obitu & supplicio vera descriptio, in qua ob-*  
*strependa quadam videbis ac leges.* p. 304
29. Leonardi Aretini Oratoris clarissimi ad-  
*versus hypocritas libellus, cui Orth. G. epistolam*  
*\* Telle scipio præcicit non inventusiam \** p. 307
30. Quomodo Bohemi vocati sint ad Basile-  
*ensem Synodum Occumenicam, & quid illic egerint,*  
*cum oratione Juliani Cardinalis ad illorum Lega-*  
*tos.* p. 311
31. Petitiones Bohemorum, propositæ in Basile-  
*ensi Concilio, cum approbatis ac receptis ab Ec-*  
*clesia responsionibus.* p. 319
32. De Eugenii IV. practica, ut Concilium  
*Basileense Rex Francorum dissolveret, ex Nicolao*  
*a Clamengii archidiacono.* p. 322
33. Friderici Romanorum Regis semper Au-  
*gusti, ad Carolum Franciæ Regem Epistola, in qua*  
*is ac ceteri Ecclesiæ proceres admonentur ut Mo-*  
*gentiam veniant, ibidemque de rebus dubiis con-*  
*sultent.* p. 323
34. Synodus Aribonis archiepiscopi Mogun-  
*tini, in qua de jeuniis ac aliis ceremoniis sit decisio,*  
*habita anno Domini, MXXIII.* p. 324
35. Paradoxa D. Johannis Wesalien. concio-
- natoris Wormaciensis per Inquisitores ordinis Praedicatorii Ateguntia condemnata. p. 325
36. Examen sex dierum contra eundem, per  
*eosdem Inquisitores. Cui Dieter Ilsenberger*  
*archiepiscopus Ateguninus interfuit.* p. 326
37. Gravamina X. Germanicæ nationis  
*sacri imperii Rom. cum remediis & prænominibus*  
*bus, ac multis aliis ad Cæsaream majestatem*  
*presentatis.* p. 334, 335, 336
38. Epistola 7a. Regii ad divum Maximilianum,  
*in qua non paucas de Reformatione Ecclesiæ*  
*tractantur, & abusus.* p. 337
39. Livi Maximiliani querela contra ad-  
*sus atque gravamina Romanistarum, cum sua*  
*calcem appendice.* p. 338
40. Epistola Adriani Papa VI. ad illustri-  
*mos Germaniæ Principes, qua eos ad concordiam*  
*observandam hortatur.* p. 339
41. Instructio ejusdem ad D. Franciscum  
*Cheregatum, in qua continentur omnia quæ cum*  
*Rom. Imperii Principibus proponenda videbantur.* p. 340
42. Responso illustrissimorum ac Reverendissimorum  
*Principum, necnon & aliorum sacri Romani imperii*  
*Ordinum, pontificio Legato redempta, in qua contra abusus admiranda quadam*  
*venies.* p. 341
43. Replicatio pontificii Oratoris ad Germaniæ  
*Principes, in qua de Annatis, de Concilio gener-*  
*ali de concionatoribus, de clericis uxoratis & re-*  
*aliis, multa ac varia tractantur, quibus Principes*  
*ipsi respondere recusarunt.* p. 342
44. Tabula centum Gravaminum, in quibus  
*summatim deprehendens quomodo Germania & reliquæ*  
*etiam nationes illis vexentur & excoventur.* p. 343
45. Enumeratio centum gravaminum Germanicæ  
*nationis, quæ adversus sedem Romanam pontificii*  
*Oratori pontificio, in comitiis Germanorum Principum*  
*Norenbergæ sunt exhibita, summo mitte pontifici.* p. 344
46. Apostoli per nationem Gallicanam domini  
*Cardinalibus dati contra Annatas, & quod*  
*cantibus ac minuta servitia nullo jure sint debita*  
*quodque censura propter Annatas non solutas*  
*menda non sit, &c.* p. 345
47. Disputatio Nicolai de Clamengii archidiaconi,  
*habita per scriptum, super materia concilii*  
*generalis ad Scholasticum Parisiensem, p. 346*  
*48.*

# Index Traſactuum qui in Faſciculo continentur.

48. Collatio ejuſdem Clamenti ſuper eadem materia largior ac uberior, in qua declaratur, an generale Concilium in aliquo errare poſſit, ubi etiam de bubone obſtupenda quidam reſeruntur, per Orthuini Gratiū declarata, p. 396 & deinceps.

49. De emendatione Eccleſia libellus per re-  
vrendiſſimum dominum Petrum de Alliaco Cardi-  
nalem Cameratenſem, patribus olim oblatuſ in  
Concilio Conſtan. In quo ſex ponuntur conſiderati-  
ones, quas quum diligenter periegeris, admiranda  
in illis reperies p. 406

50. De reformatione Eccleſia, circa totum  
corpus univerſalis Eccleſia, p. 407

51. De reformatione capituli, ſtatuſ videli-  
cet paſſalis & Romane curia ac Cardinalium, ex  
eodem p. 409

52. De reformatione prelatorum, ex eodem.  
p. 411

53. De Reformatione religionum ac religio-  
ſorum, per eundem p. 412

54. De Reformatione caterorum Eccleſiaſti-  
corum, per eundem p. 413

55. De Reformatione Laicorum & Principum,  
per eundem p. 415

56. Singulis decenniis generale Concilium eſſe  
celebrandum, requirere in epiſtola Orthuini Gratiū  
p. 416

57. Johannis Franciſci Pici Mirandula do-  
mini, &c. ad Leonem decimum Pontificem maxi-  
mum, de reformandis moribus, Oratio p. 417

58. Dua peſtes, quibus Concilia generalia,  
quo minus ſiant ac celebrentur, perperam impedi-  
untur, in Epiſtola Orthuini Gratiū p. 422

59. Conſtitutiones ad removendos abuſus &

Ordinationes ad vitam cleri reformandam per re-  
verendiſſimum in Chriſto patrem dominum Lauren-  
tium Campegium Cardinalem, & ad Germaniam,  
&c. de latere legatum, nuper Ratiſpona edita. ib.

60. Oratio Antonii Cornelli Lynnhani ele-  
gantiſſima, Colonia coram frequenti Clero habita.  
Qua offendit cujuſmodi Eccleſia Principes, Pontifices,  
primarii ſacerdotes & paſtores eſſe debeant. p. 429

61. Deſiderii Eraſmi Rotrodami,\* ſummi  
Oratoris virique doctiſſimi, liber de ſarcienda Ec-  
cleſia concordia, deſue ſedandis opinionum diſſidiis,  
cum aliis nonnullis lectu dignis. p. 437

62. Precatio ad Dominum Jeſum pro pace  
communi & Eccleſia. p. 466

63. De tyrannide Principis Turcarum, &  
quanta Ottomannus ac ſucceſſores ejus in perniciem  
omnium noſtrum patravertit, in epiſtola Orth. ini  
Gratii. p. 468

64. Epiſtola Johannis Fabri Doctoris, nunc  
Vienneniſis epiſcopi, ad præſulem Tridentinum, ac  
Sereniſſimi Regis noſtri Romanorum Ferdinandi  
protocancellarium, de bello Turcis inferendo. ib.

65. Oratio de origine, potentia ac tyrannide  
Turcarum, ad Sereniſſimum ac Potentiſſimum Hen-  
ricum octavum Anglia Regem, Londini, à R. epiſ-  
copo Vienneniſi publice habita. In qua ſupra om-  
nem modum obſtupenda quedam invenies, ita etiam  
ut nunquam te illam legiſſe pœniteat.\* p. 470

\* i. e. Si hiſto-  
ricos melio et  
ſimul achi-  
beas.

66. Epiſtola Orthuini Gratiū Davenr. ad  
lectorem ac bonos omnes, per modum perorationis, in  
qua non paucorum qua hoc libro continentur,\* ratio  
aſſignatur, ut circa cujuſcunque offenſionem, ab om-  
nibus legi poſſint, &c. p. 478

\* Tal'e qualis

Omnia ſerme hoc cum ſuis præſatationculis, ſæpe  
epiſtolaribus, numero (ut opinor) 29. perora-  
tionibus, ab eodem ſunt edita.

## INDEX ERRATORUM in FASCICULO.

Pag.	lin.	Errata.	Correctio.	Pag.	lin.	Errata.	Correctio.
4	ult.	disputationi	dispositioni	12	versu, ut	versu, ut	versa requirent ut
5	16	relapsum	[relapsum]	17	Mariscalatus	Mariscalatus	Mariscalatus
12		prolapsum	[prolapsum]	24	que tamen Regem	que tamen Regem	que tamen per Regem
2	12	post [precipiamur]	collatur punctum	43	signanter expresse	signanter expresse	signanter expresse
12	43	non obstant	comma	48	Imprii, cum	Imprii, cum	Imprii cui
13	21	in potestibus ad	non-obstantia	2	obviare.	obviare.	obviare,
14	11	tabularum	& in pertinentibus ad	12	males, &	males, &	dele &
15	29	judici m	ca	26	regnicularum	regnicularum	regnicularum
30	30	variari	rabularum	34	preminencie vel dig-	preminencie vel dig-	dele dignitatis
43	43	rei	judicium	39	ac presenti	ac presenti	hac presenti
17	6	Synodus	variari	45	teneatur, & quod	teneatur, & quod	teneatur. Quod si
5	5	majestas	rei	42	expresse	expresse	expresse
19	56	festivit	Synodis	116	poterunt, temp-	poterunt, temp-	poterunt temp-
57	57	predicaverat	Sentiret	43	sive prateritis,	sive prateritis,	sive prateritis
20	5	Mediolanensis	pradicaverat	43	non iustitia	non iustitia	non fuerit iustitia
47	47	queriebatur	Mediolanensis	116	to ipso, eandem	to ipso, eandem	eo ipso. Eandem
24	52	id enim	queriebatur	23	& idem tempus	& idem tempus	& ad idem tempus
25	60	proposui	idem enim	47	celebratur	celebratur	celebratur.
26	33	in hanc modum: at	proposuit		expresse cautum sit	expresse cautum sit	expresse cautum sit
30	30	judicare,	in hunc modum [At				ta exampl. Spir.
31	10	nec persever-	judicare]	117	2 -pata, ea propter	2 -pata, ea propter	-pata. Ea propter
32	24	pro se	ne persever-	11	talis	talis	ullo
32	24	disputatio	pro se	14	fraudentur	fraudentur	fraudentur
14	14	Lubiciensis	deputatio	21	citra hujusmodi	citra hujusmodi	citra hujusmodi
37	37	Decretum	Lubiciensem	27	legibus	legibus	ligis
41	13	postem	decretum	30	ordinandum personam	ordinandum personam	ordinandum. Personam
43	40	Erasturienfis	postem	35	eo ipso medietatem	eo ipso medietatem	eo ipso; medietatem
47	24	nec illi	Fructuariensis	38	Psalmus,	Psalmus,	Psalmus
48	47	pariti	nec ulli	44	residerent	residerent	residerent
53	38	in curia	pariti	53	subeant in	subeant in	subeant muneris in
55	50	deliberaret	incuria	118	conversari	conversari	conversari
59	32	at circum	deliberaret.	119	quid ius	quid ius	quod ius
55	55	se dicant	ac circum	14	aliqua iura &	aliqua iura &	alia quoque iura ad
60	tit.	pag. Commentarium	seducunt	19	debere, una cum	debere, una cum	debere unitum
		Æne & Sylvi	Juliani Cardinalis.	15	indivisiibiliter, & con-	indivisiibiliter, & con-	indivisiibiliter & c
62	29	quodammodo	quod amodo		junctum	junctum	junctum
68	45	prædicia	prædicia	20	jura	jura	juris
71	59	rituo	Arturo Alouff	21	electus	electus	Electus
74	7	servandum	Servandum	27	processum	processum	processum
83	8	alii	alius	28	attentare	attentare	attentari
15	Transit	Transit	Transit	45	servaturum	servaturum	servaturus
24	13	ut sacril-	Transit ab R. Gerbertus	120	corroboratur iusti-	corroboratur iusti-	corroboratur iustitia
91	40	actio sitam	ad R. post papa reget	53	-jelli & fideles	-jelli & fideles	-jelli fideles
92	52	anguida	R.]	121	et regalia	et regalia	sive regalia
108	13	ob obedientiam dimi-	vi sacril-	121	et regalia	et regalia	vel regalia
		ssiles.	actio sitam	32	cancelarius	cancelarius	cancelarius
43	43	suit	languida	46	has fuit	has fuit	hoc fuerit
109	5	professionum	ab obedientia divi-	42	placitos	placitos	beneficentes
109	8	prescriptionum	ssiles	122	mappam	mappam	cupam
43	43	præmissorum aut	fuerit	32	declaramus	declaramus	declaramus
18	Archimarsallum	præmissorum autem	possessionum	37	Quantumcumque	Quantumcumque	Quantumcumque
110	40	-beant, constituit	prescriptionum	37	Romanorum	Romanorum	Romanis
45	ordinari	ordinare	præmissorum autem	58	sexaginta sex	sexaginta sex	deest sex in Spirenfi
111	58	electum presertim	Archimarsallum				aliis scrib. sres
112	10	obtinuerunt, possederunt	-beant constituit	123	notarii Principis	notarii Principis	notarii, Principi
			ordinare	12	vocem	vocem	vicem
16	quantum	electum fuerit	ordinare	21	relevandis	relevandis	relevandis
19	eligitum	electum fuerit	electum fuerit	31	habuerant	habuerant	habuerint
21	Moguntinen. Episc.	obtinuerunt & possede-	obtinuerunt & possede-	141	30	30	30
		runt.	runt.	192	45	45	45
27	presidentia dextra	quantum	quantum				
32	animarum	eligitum	eligitum				
36	concilia	Moguntinen. Archiep-	Moguntinen. Archiep-				
211	42	actibus imperialibus	porum				
42	Conciliis	præsidio dextra	præsidio dextra				
49	extunc	animorum	animorum				
55	consilio quam in curia	consilio	consilio				
	primum & post cum	actibus imperialibus,	actibus imperialibus,				
	continuo	Consiliis	Consiliis				
113	3	terminis	extunc				
			dele quam in curia				
			primum, & post cum				
			continuo				
			termino				



# ÆNEÆ SYLVII

## PICCOLOMINEI SENENSIS IN COMMENTARIOS SUOS DE GESTIS BASILIENSIS CONCILII, PRÆFATIO.

**N**ESCIO quæ mea calamitas est, quibusve urgeor fatis, ne me historiarum furari sciam, tempusque meum utilius consumere. Statui sapius ab iis me poetarum & oratorum lenociniis sequestrare, & aliquod sequi exercitium, unde aliquid tandem figerem, quo esset mihi tuta senectus à tegete & baculo: ne sicut aves, feraeque indies viverem. Nec deerant studia, quibus si forte versari voluisssem, & opes cogere, & amicos parare potuisssem. Idque non mea solum sponte mihi suadebam, sed accedebant etiam necessarii, quorum illæ assiduæ voces erant. Quid agis tandem Ænea? te ne quam diu vivis poetica possidebit? illuc ætatis non erubescis nihil habere agri, nihil pecuniarum? an nescis, quia vigesimo grandem, trigesimo cautum, quadragesimoque divitem anno esse oportet? qui has metas præterierit, frustra conari. Monebant igitur, ut venientis, & jam propediem instantis quadragesimi anni cogitatum haberem, priusquam aliquid tenere curarem, quam id ætatis ingrederer. Dedi sapius manus, facturumque me quod suavis erat spondi: abjeci oratorios codices, abjeci historias, omneque huiusmodi literas, ut meæ salutis inimicas pepuli. At sicut aviculæ quædam ignem candelæ nequeunt dimittere, in eoque priusquam fugiant, aduruntur: sic ego ad meum malum, & ubi mihi pereundum est, redeo: nec aliud mihi (ut video) hoc studium, quam mors adimet. Sed postquam sic fata trahunt, nec quod vellem id possum, conjungenda est cum potestate voluntas. Objicitur paupertas, sed est tam pauperi quam diviti ulque ad mortem vivendum. Ac misera in senibus paupertas, miserior quippe illiteratis. Sanum habere corpus, & mentem integram, non minus pauperi datur quam diviti. Hæc si teneam, nil ultra exopto. Frui paratis, & valido mihi maximus atque optimus Deus donec, & precor integræ cum mente, nec turpem senectam degere, nec cithara carentem. Et quoniam sic animo sedet, ad commentarios nostros revertamur, ac Basiliensis gesta Concilii ex ordine, institutoque referamus.

*Pulchra similitudo.*

*Nobilis sententia.*

## COMMENTARIORUM ÆNEÆ SYLVII PICCOLOMINEI DE GESTIS BASILIENSIS CONCILII, LIBER PRIMUS.

**A**PUD Hetruscos plerisque in locis, quoniam flumina sic tenuia sunt, ut frumentariam molam nequeant rapere, ingenteis ducunt foveas, quibus fluviorum cursum morantur, biduanasque aut triduanas colligunt aquas: quæ postea impetuosius exeuntes, & molam trahunt, & frumenti omnem quantitatem facile terunt: haud secus mihi videntur patres huiusmodi facere, qui tanquam nihil habeant adversus Eugenium faciendum, diutius silent, materiam tacite colligentes, exin una in die, uno quoque impetu rem perficiunt. Sed quorsum hæc forsitan queritur. Nempe, ne quis me arguat negligentia, qui plus solito, plusque debito siluerim: nec enim scribere potui, cum nihil fieret. Nunc vero cum res actæ sint, & relatu, & cognitione dignissimæ, accusationem (si qua paratur) scriptis præveniam, nec patiar me argui negligentia, quamvis potero nimis forsitan audaciæ reprehendi, qui rem arduam & grandem, silo inopi & arido sim complexus. In qua re nec mihi postulabo ignosci, qui sponte erro, & venustatem scio reprehensionis à M. quondam Catone profectæ in Aulæ Albinum, qui cum Lucio Lucullo consul fuit. Is Albinus res Romanas oratione Græca scriptavit: in ejus historia primo scriptum erat, ad hanc sententiam: Neminem succensere sibi convenire, si quid in illis libris parum compositæ, aut minus eleganter scriptum foret. Nam sum (inquit) homo Romanus, natus in Latio, & eloquium Græcum à nobis alienissimum est:

A

ideoque

ideoque veniam gratiamque malæ existimationis, si quid esset erratum, postulavit. Eaque cum legisset M. Cato: Næ tu (inquit) Aule nimium nugator es, cur maluisti culpam deprecari, quam culpa carere? Nam petere veniam solemus, aut cum imprudentes erravimus, aut cum noxam imperio compellendis admisimus. Te (inquit) oro, quis perpulit ut id committeres, quod priusquam faceres, peteres, ut ignosceretur? Quod ne mihi quodque possit accidere sine petitione veniæ, rem aggrediar.

**F**Requens atque insignis Franconia oppidum Norimberga est, & tam superis quam inferis Teuthonibus commune, ibique paucis effluxis mensibus, Oratores Alberti Romanorum regis, & aliorum Alemaniarum principum conveniunt: tum propter alias communis patriæ causas, tum maxime, ut eam quæ inter Concilium & papam vigeat, discordiam sopirent. Illuc et oratores sacri Concilii accesserunt: & iussu papæ, vir magna hominum opinione sanctissimus Cardinalis crucifer cum plerisque collegis pervenit. Utque illic perici res nequivit, conventus ipse Francfordiam ad Calendas Martias tunc proximas translatus est, quod eo in loco Electores Imperii facilius conventuri iudicabantur. Interim Oratores Cæsarei, Electorumque Basileam petierunt, & contracta cum Oratoribus aliorum principum, qui Basileæ debebant, intelligentia, ac vocato praesantissimo viro Cardinali sancti Petri, qui per id temporis exitum rerum Constantiæ morabatur, maxime hortati sunt patres Concilii, ut pacem amplecterentur, quam ipsi offerrent. Erat petitio principum, sive (ut verius dicam) Oratorium, ut sacro Concilio videbatur, ardua, utque ipsi putabant, facilis: petebant namque, ut patres in alium se locum reciperent, Conciliumque transferrent. Quod unum semper Eugenius visus est quævisse, ut sic, vel patres Concilii disparet, vel libertatem eis adimeret. Visum tamen est sanctæ Synodo, nec negandum esse quod principes poscerent, nec quod Eugenius cuperet permittere: ideoque sic caute mutatio loci promissa est, ut omnibus obvium periculum videretur. Nequaquam tamen Oratoribus principum accepta responsio fuit, qui sic transferri Concilium postulabant, ut magis dissolutio quam translatio diceretur, vel crederetur: ob quam causam inter deputatos Concilii & ipsos Oratores, pluribus diebus disceptatum est, plurimumque de concordia practicum. Interque ipsas rerum difficultates Patavienfis & Augustenfis episcopi Oratores Cæsarei, & admodum nobiles ad ipsum regem abierunt, & cum iis collega Johannes Eich iuriconsultus plurimæ lectionis, abscessit: prius tamen multum rogati, multumque stimulati baronem magnanimum & apprime insignem, Conradum Winspergem ex mandato regio protectorem sacro Concilio, & omnium patrum defensorem dederunt. Qua ex re ut alienatam ab Eugenio adversarii, sic patres sacri Concilii optimam erga se fore mentem Cæsaris cognoverunt: quia nec protectorem misisset, nisi legitimum Concilium reputasset: nec rursus Concilium esse in Basileam putavisset, si Eugenio fidem habuisset. Post illorum ergo recessum, reliqui Oratores Alberti Augusti, qui Basileæ remanserant, episcopus Lubicensis, vir recti consilii, ac Georgius tam literata quam armata insignis militia, cum aliis principum nuntiis novam concordia cedulam concluderunt, juvante admodum & inter sæpiusculas diffensiones arbitrate Cardinali sancti Petri, coram quo omnia peragebant: quam cedulam & sacrum Concilium ut insufficientem & sicuti postmodum relatum est, Eugenius ut erroneam respuit. Nec diu post responsio synodalis conclusa est, ipsisque Oratoribus in generali concione reddita, cum jam propediem instaret conventus Francfordiæ celebrandus, qui tamen propter pestem ibi grassantem, ad urbem metropolim, Moguntiam, haud amplius unius diei via distantem, translatus fuerat. Visum est igitur Oratoribus principum eo pergere, si forsitan pacis illic medium aliquod invenirent, quo papam Concilio reunirent. Ex Oratoribus Cæsaris, Lubicensis, & Georgius miles: ex Gallicis, archiepiscopus Turonensis, & Trecentis episcopus, ac collega alii, præter Lugdunensem archiepiscopum: ex Castellanis tantum Conensis episcopus: (nondum enim delitiæ Hispaniarum Burgenfis ex legatione ad Cæsarem erat reversus) ex Aragonensibus nemo. Postea tamen relatum est, episcopum Albigaunensem, & Franciscum Barbavariam, qui ex Mediolanensibus ibi fuerunt, regis quoque Aragonum habuisse mandatum. Cardinalis autem sancti Petri paucis ante diebus, sive quod pestem timuit, jam paulatim crescentem, sive quod desperata pace, in Basileam remanere non audebat, in Nidou, quod est Switzerorum oppidum, se receperat. Ut tamen ire Oratores Moguntiam accepit, in spem iterum pacis erectus, ex eo flumine, quod Solodorum in duas dividit partes, in Rhenum venit, eoque Moguntiam vectus est. Fuit conventus ipse admodum celebris. Præsentem namq; Moguntinensis, Colonienfis, Treverensis archiepiscopi, sacriq; Romani imperii Electores, ac Coelectorum omnium nuntii adfuerunt: ultimi vero omnium Patavienfis & Augustenfis episcopi, Abbas Scotorum Viennensem, & Johannes de Eich doctor comparuere, qui cum Lubicensi & Georgio Cæsareum locum tenebant: præcipuus

tamen

tamen illo in conventu fautor sacri Concilii habitus est Coloniensis archiepiscopus, qui summo studio, summoque nisu rem bene dirigere conatus, se non minus virtute animi, quam genere atque opibus præstantem ostendit, eumque Moguntinus est imitatus. Rabanus vero Treverensis aliquanto rigidiorum se præbuit. Censuit & sancta synodus, suos quoque ad ipsum conventum Oratores fore mittendos. Missique sunt patriarcha Aquileiensis cum autoritate legati de latere, episcopi Vicensis & Argensis: Theologi, Johannes Segovius, & Thomas de Corfellis: Jurisperiti, Johannes de Bachenstein auditor camera, & Hugo Metensis archidiaconus, qui postea processum adversus Eugenium habitum publice retulit: usque adjuncti sunt Johannes prior Trajectensis, & Nicolaus Aucupis Nortmannus, qui etiam usque in hunc diem non redierunt. Data quoque his est, præter spem adversariorum, facultas omnimoda, ut quicquid hi agerent, promitterentque pro bono universalis ecclesiæ, & honore sacri Concilii, id ratum, firmumque haberetur: qui & recepti Moguntie honorifice, & legatione sua libere uti permissi sunt. Nemo illic erat qui Eugenii nuntium se vocitaret. Tarentinus, in quem paulo ante lata erat sententia, cum collegis suis in remotis agebat, nec venire Moguntiam audebat, sive quia congressi cum legatis consiliariis verebatur, sive quia mandatum illuc eundi nondum susceperat. Confluxerant tamen illic plurimi fautores Eugenii, tam ex Concilio, quam ex Florentia, locisque aliis. Fuerunt in sancta synodo quamplures alii viri incorporati, juratique, quorum semper animus à rebus quæ Basileæ gerebantur visus est alienus: quique licet laboraturos pro honore & statu sacri Concilii iurejurando se astrinxissent, hi nihilominus in omni negotio Eugenio magis quam sacro Concilio favebant, quorum postea sectam Wilhelmus Constantiensis jurisconsultus Griseam appellavit. Ex his quamplures Moguntiam perrexerunt, Eugenium hi qui in parte quirent defensori. Hercules tamen omnium Eugenianorum Nicolaus Cusanus existimatus est, homo & præclarum literarum eruditissimus, & multarum rerum usu perdoctus: cuiusque dolendum fuit tam nobile ingenium ad illa schismatis studia divertisse, ut legatione ad Græcos vigore falsi decreti, fungeretur: hic omne studium suum, omnemque conatum in defensione Eugenii collocaverat, atque (ut est versuti & callidi consilii) nunc una nunc alia impedimenta texebat. Post varios tamen, multiplicesque tractatus, visum est Electoribus Imperii, aliisque Germanorum principum Oratoribus, decreto sacri Basiliensis Concilii in sua natione recipere, atque observari mandare. Super decreto vero suspensionis deliberationem suspendentes: ne illo suscepto, desperata pax cum Eugenio videretur. Interim tamen duo missi ab Oratoribus papæ Moguntiam pervenerunt, junctique hominibus suæ factionis, turbare omnia satagebant: illud quoque sperare ausi, ut suscepta semel decreta, refutarentur. Quod ubi non successit, ad ultimum desperationis refugium declinantes, inaudito papa non esse talia peragenda, protestati sunt. Sed frustra omnes eorum conatus fuisse. Receptis namque decretis, Oratores Conciliares ex licentia conventus, Basileam reverterunt, solusque ibi sine mandato, Vicensis episcopus ad paucos dies rogatu Oratorum principum, mansit. Receperunt quoque Moguntinus, Coloniensis, & Treverensis archiepiscopi, dimissis ibi Consiliariis, qui cum aliis principum Oratoribus de pace transigerent.

**D**UM hæc Moguntie fiunt, inter Theologos, qui Basileæ remanserant, haud parva hæsitatio suborta est, dicine posset hæreticus Eugenius, qui tam rebelliter ecclesiæ mandata contemneret, eamque ob causam congregati ad invicem, diutius inter se disputarunt: aliis negativam, aliis affirmativam sententiam defendentibus, scientes hanc fuisse veterem & Socraticam rationem contra alterius opinionem differendi. Nam ita facillime quid verisimillimum esset, inveniri posse Socrates arbitratur.

**I**nter disputandum autem triplex emerfit opinio: alii namque hæreticum Eugenium affirmabant, alii non solum hæreticum, verum etiam relapsum: tertii vero nec relapsum eum, nec hæreticum fateri volebant. Erat inter ipsos Theologos, & autoritate & scientia copia præcipuus Ebrunensis episcopus, serenissimi & potentissimi regis Castellæ Orator: erat & Abbas quidam Scorus: qui tanquam acerrimi pugiles, & in theatro pugnantes, adversarios quoslibet prosternebant: quorum argumentationibus aut acquiescebant alii, aut cedebant, eorumque studio gravior tandem sententia vicit, ut hæreticus atque relapsus Eugenius diceretur. Ostendit inter ipsos Theologos conclusiunculis approbatis, quas veritates appellabant, earum copiam in orbem divulgantes: quæ res circa medium mensis Aprilis initium suscepit: industria quidem ac solertia Nicolai cuiusdam Burgundionis ex ordine prædicatorum, viri acuti & longe majoris animi quam corporis, qui nec deputationem, nec congregationem aures unquam personare omisit, donec res capta & consummata est. Ne illud asserere dubitarem, rem hanc intactam remansisse, nisi istius homuncionis diligentia patres excitasset, quem hi quis videat, nunquam tanti existimet. Sed non sunt homines ex aspectu dijudicandi. Reversis vero Oratoribus ex Moguntia, habitaque certitudine de receptione

Theodoricus de Morfa archiepiscopus Coloniensis acerrimus defensor concilii. Rabanus archiepiscopus Trev. Oratores concilii ad conventum principum.

Eugenii fautores perjuri.

Nicolaus de Cusa Eugenii defensor.

Electores imperiales & principes Germani decreta concilii observari mandant.

Eugenianorum conatus frustratus.

Disputatio, an Eugenius hæreticus censeri deberet.

Triplex theologorum opinio de Eugenio. Ebrunensis episcopus.

Nicolaus Burgundio prædicator.



Eugeniana  
hæresis.

Ludovici  
cardinalis, &  
Archiepi-  
scopus Arela-  
rentis, qui  
post mor-  
tem miraculi  
claruit, ipso  
Æneæ testis.

Eugenius mo-  
nitus, errores  
revocavit.

Panormitanus  
Archiepisco-  
pus.  
Burgensis  
episcopus.

Articuli fidei  
tritarum di-  
viduntur.

ceptione decretorum, visum patribus est, conclusunculas magistrorum diligentius, maturiusque discutere, vocatque sunt ex jussu deputationum, magistri omnes ac doctores humani & divini juris, in Capitulum majoris ecclesie, cum prælati, Eugenianam hæresim publice discussuri. Quæ res Mediolanensi antistiti magnæ molestiæ fuit: timenti ne disputatio hæc privationem Eugenii secum traheret, quam ipse (ut dicebat) timore schismatis semper impediatur. Ea propter vocare alios, excitare torpentes, currere animatos omnique studio niti, ut res ipsa turbaretur: & quamvis ex Oratoribus ducalibus unicus ipse Basileæ superesset, egregie tamen vices aliorum implebat. Ex animo namque laboranti, nihil videtur esse difficile: itaque nec plus quicquam tres simul egissent, quam solus ipse peregit: absentes namque suarum partium, ut potuit, literis, præsentibus autem verbis in defensionem Eugenii animavit. Ventum est tamen ad locum Capituli, frequens quoque habita congregatio est: venerant enim omnes, aut dicendi, aut audiendi studio illecti. Sexque omnino diebus, & ante prandium, & ante coenam protracta res disputando est. Medius erat inter omnes, primoque loco ut iudex fidei, totiusque disputationis moderator & arbiter Ludovici Cardinalis, & archiepiscopus Arelantensis, prælati, cum multis viribus insignis, tum præcipue fortis & constans. Nicolaus vero Amici, qui & ipse procurator fidei est, & inter Theologos Parisienses apprime clarus; quod quisque sentiret, interrogabat. Suffragia quoque scriba publicus, Johannes Dienliffi, annotabat, plurimamque illic egregie disputata, & prudenter examinata fuere, de quibus si facere verba voluerim, vereor ne me aliqui vitio mentis tantum opus ingressum judicent: quia res est à mea professione, meoque studio remotissima; famulabor tamen mihi ipsi: nec me intra pomeria sacrorum eloquiorum ingressum, introspexisse in ædem Deæ, à qua mares absterrentur, existimabo. Atque ut de re ipsa dicere incipiam, Conclusiones Theologorum, tanquam disputationis fundamenta, ipso in exordio ponam: nec ego iisdem utar verbis, quibus illi, sententiam retulisse sat erit. Conclusiones hujusmodi fuerunt.

- I. ¶ Veritas est catholicæ fidei, sacrum generale Concilium supra papam & alium quemvis potestatem habere.
- II. ¶ Generale Concilium legitime congregatum, sine ipsius consensu, nec dissolvere, nec transferre, nec prorogare ad tempus ex autoritate sua potest Romanus pontifex, idque veritatis ejusdem est.
- III. ¶ Qui pertinaciter his veritatibus se opponit, hæreticus est censendus.
- IV. ¶ His veritatibus Eugenius papa IV. oppugnavit, cum primo ex plenitudine potestatis apostolicæ Basiliense Concilium dissolvere, five transferre attentavit.
- V. ¶ Errores his veritatibus repugnantes, monitus tandem per sacrum Concilium Eugenius revocavit.
- VI. ¶ Dissolutio, five translatio per Eugenium secundo attentata, prædictis est obvia veritatibus, inexcusabilemque circa fidem errorem continet.
- VII. ¶ Eugenius iterato dissolvere seu transferre Concilium tentans, in revocatos errores prolabitur.
- VIII. ¶ Communitus per synodum Eugenius, ut dissolutionem five translationem secundo attentatam revocaret, post declaratam contumaciam in rebellionem persistens, Ferraricæque Conciliabulum erigens, seipsum pertinacem declarat.

Hujusmodi (sicuti arbitror) fuere Conclusiones, quibus in Capitulo coram patribus iterum atque iterum lectis, rogati sunt omnes virum sententiam dicere, pedibusque ferè omnes in Conclusiones ibant. Panormitanus tamen Archiepiscopus, vir inter omnes scientia eminens, plurima in adversum disputavit. Plurima etiam prælatorum decus Burgensis episcopus, ac elemosynarius regis Aragonum, non minus eloquentia quam doctrina præclarus, non tamen prioribus hi se Conclusionibus opponebant: sed illis tantum quibus Eugenius tangebatur. Arguteque, ut est subtilissimus, adversus posteriores Conclusiones Panormitanus disseruit, ostendereque summo studio nitebatur, Eugenium non esse relapsum, magnaque illi cum tribus viris, Argensi episcopo, Johanni Segovio, ac Francisco de Fuxe Theologis, concertatio fuit. Articulus fidei trifariam dividebat: stricte, ut in symbolo: large, ut in declarationibus per ecclesiam factis: largissime autem, ut in his quæ ex prædictis resultant: Eugeniumque nullo istorum modorum violasse fidem, in prima dissolutione quam fecit, quia nec in symbolo, nec in ecclesiæ determinationibus haberetur, papam non posse Concilia dissolvere: nec id sibi videri ex determinationibus antea factis resultare, sed potius ex decretis Constantiensis Concilii: hunc calum tanquam omisum, disputationi papæ reservari, cum in Capitulo Frequens, locus futuri Concilii per papam

papam, approbante Concilio, eligatur, & de hoc nihil omnino sit dictum. Quod si fortitan in prima dissolutione peccasset Eugenius, excusatum tamen haberi debere, qui de Concilio Cardinalium egisset Romanam ecclesiam representantium, cujus tantam esse auctoritatem dixit, ut ejus judicium toti orbi praeponderet, idque glossam singularem astruere: nec inveniri unquam sacrum Concilium adversus Eugenium tanquam haereticum processisse, idque signum esse, quia non putarit eum à fide devium: nec apud se momentum habere, quod diceretur de adhesionem, erroribusque revocatis. Legisse se totum adhesionis textum, papamque non revocasse dissolutionem, ut fidei contrariam, sed ut scandala parturientem. Ultimam quoque dissolutionem nihil habere hujusmodi, quoniam similiter ex concilio Cardinalium dissolvisset, & propter unionem Graecorum fiendam, ac ne cogatur in criminali causa per procuratorem respondere, cum personaliter mala valetudine impeditus venire non posset. Sicque cum ex prima dissolutione non fuisset in errorem fidei lapsus, persuaderi sibi non posse, Eugenium nunc dici relapsum, qui nec prima, nec secunda dissolutione fidem violavit.

**F**uit oratio Panormitani apud omnes magis laudata quam probata. Id tamen habuit efficaciam, ut postea verbum relapsum ex Conclusionibus tolleretur, ejusque loco poneretur prolapsum. Nec Panormitanus ipse omnino ab haeresi Eugenium audebat excusare, plusque in prima quam in secunda dissolutione vim faciebat, non tamen sine responsione recessit. Assurgens namque Johannes Segovius Theologiae peritissimus, reverenter, submissequē (ut tanto praelato conveniebat) respondit: Fateri se inquit, quod de articulis fidei trifariam divisit, Panormitanus dixisset, idque ad suam causam facere, quia si ea pro articulis fidei tenenda essent, quae ex determinationibus ecclesiae resultarent, manifestum foret, Conclusiones, de quibus agitur, ex determinationibus ecclesiae, hoc est Constantiensis Concilii redundare: quia sibi Concilio generali papa subjecit, quis est qui papam habere imperium in Concilio (quod est suum superius) dicat? stareque Eugenium debuisse, quia Concilium, quod supra se est, eo invito dissolvere non poterat, quem articulum sine dubio violavit. Et si omnino dici quis velit, in prima dissolutione hunc articulum non esse lesum, quia nondum facta esset declaratio, sciat ille qui sic opinatur Romanam pontificem, non solum explicita fidei, sed implicita quoque scire oportere, qui vicarius Christi & caput omnium existens, docere atque instruere cunctos habet. At si omnino hoc effugiat, ex illo capite vincitur, quia diutius in dissolutione sua post declarationem Concilii persistit, nec determinationi ecclesiae acquievit, ideoque si dissolvendo fortitan non erravit in fide, utique in permanendo erravit, idque bellissime ex dicto Clementis saepe per Panormitanum allegati concluditur dicentis, Quia qui rebelliter vivit, & bona agere negligit, potius diaboli quam Christi membrum esse ostenditur, & magis infidelis quam fidelis esse monstratur: siquidem non obediens ecclesiae Eugenius, infidelis dici haud absurde potest. Nec verum id fore, quod papa in fide non fuisset impetitus: Etenim in responsione tam illa, quae incipit, Cogitanti, quam alia, quae, Sperant, Oratoribus papae deditis aperte verba reperiri, hic articulus fidem concernit, malumque mori, quam per ignaviam cedere: quo dicto satis admonuisse synodum patere, quia papa contra fidem veniret: ideoque cum postea adhaerendo revocasset Eugenius dissolutionem, errorem quoque fidei in ea contemptum revocasse videtur, scandala quoque, de quibus mentio fieret, propter errorem fidei esse suborta: quod aliqui subesse Concilio papam dicerent, negarent aliqui, ipsamque doctrinam diversitatem scandala secum trahere. Expresse quoque in adhesionem papae revocari assertiones, nomine papae factas contra Concilii auctoritatem. Et licet in hujusmodi revocationibus non esset servatus stilus & ordo judiciorum: sufficere tamen in rebus talibus quod actum esset, cum Concilio contra papam ageret, quo in casu sola esset veritas observanda: nec esse Concilium juri positivo subiectum: ut servare terminos, & judiciale sequi strepitum debeat. Glossam autem illam singularem, quae Romanam ecclesiam orbi praeponderet, se omnino contemnere: beneque singularem esse, quae tam fatua diceret, indignumque fore, ut illam quispiam sequeretur; mirari se de Panormitano, & aliis nostrorum temporum doctoribus, qui dum se glossarum extollere putant auctoritatem, ipsam depriment, cum singularitatem adiciunt: singularis enim est glossa quae sola est. Sed quis non plura faciat glossam in omnibus locis idem sentientem, semperque constanter loquentem, quam uno tantum in loco aliquid asserentem, quod sine dubio possit per errorem videri assertum? Quantum vero ad veritatem, habere se Hieronymum doctorem gravissimum glossae illi contrarium, qui orbem etiam, quoad auctoritatem, urbe ipsa, id est Roma, majorem esse non ambigit. Nec ista finire Segovius sine interpellatione potuit. Saepè namque Panormitanus verba ipsius interruptit: & nunc unum, nunc aliud dictum confutari satagebat. Surrexit Argensis etiam episcopus, vir non solum eloquens, sed etiam animi plenus, acriterque Panormita-

Panormitanus  
Eugenium  
omnino excu-  
sare non au-  
det. Johan. Segovius Panormita-  
no respon-  
det.

Habes hunc  
textum c. ff.  
39 dist.

Pulchra, de  
glossa singu-  
lari.

Hieronym. ad  
Eusebium.

Panormitanus  
papam eccle-  
siæ dominum  
constituit.  
Vide quæso  
adulatoris im-  
pudentiam.  
Nota, papa &  
sui dominum  
affectant con-  
tra scripturas,  
Christiani &  
ecclesia per  
scripturas,  
contrarium  
semper doc-  
cunt.

Lugdunensis  
archiepisco-  
pus, Orator  
regi Franciæ.

Burgensis epis-  
copus & ejus  
laus.

Concilium su-  
pra papam.

Veritatis vis.  
Quæ non mi-  
nus in Æneæ  
postea con-  
spicua sunt,  
jam existente  
sanctissimo.

Abbas Scotia,  
Thomas de  
Corfelliis.

Disputationis  
materia.

ni dicta & argumenta disturbavit: plus tamen inter eos processum est, quam disputandi modus exigeret, neque enim à probis abstinerunt. Veniam tamen Argensis postea petiit, licet forsitan minus errasset, ut sit, quia semper inferiores oportet succumbere. Dixerat forte Argensis, Romanum pontificem ministrum ecclesiæ fore: idque ferre Panormitanus non poterat, tantumque ea die seipsum & scientiam suam, quæ utique maxima est, deseruit, ut papam ecclesiæ dominum asseverare non vereretur. Cai Segovius: Vide quid ais Panormitane (inquit), honoratior titulus Romani pontificis ille est, quo servum fervorem te dei appellat. Id enim ex eo est sumptum, quod Christus discipulis ait, cum quærerent, quis eorum esset major futurus. Scis enim respondisse illum, Quia principes gentium dominan- tur eorum, vos autem non sic, & reliqua, ubi dominatum omnino prohibuit: & Petrus, qui & ipse vicarius Christi primus fuit, Pascite (inquit) qui in vobis est, gregem dei provi- dentes, non coacte, sed spontaneè: & paulo post, neque ut dominantes in clero. Quod si fi- lius dei Christus, non ministrari, sed ministrare venit, quo pacto ejus vicarius dominabitur, aut dici dominus (sicut vis Panormitane) poterit? cum non sit discipulus supra magistrum, neque servus supra dominum suum: neque vocemini magistri (inquit dominus), quia ma- gister vester unus est, Christus: & qui major est vestrum, erit minister vester.

**H**AC responsione, inquietato paululum Panormitano, recessum est. Sequenti die ge- neralis congregatio fuit, & post prandium ad Capitulum omnes redierunt. Rogatu- que sententiam Lugdunensis Archiepiscopus, Orator regius, vir inter omnes, & pro- bitate vitæ, & scientiæ copia eminentissimus, postquam hæreticum esse Eugenium pluribus rationibus comprobavit, amarè conquestus est, illorum ignaviam plurimum destitatus, qui talem hominem Romano pontificio præficerent, omnesque altissimi animos com- movit, ut secum calamitates universalis ecclesiæ deplorarent. At Burgensis episcopus, Orator Hispanus, & inter prælatos apprimè doctus, Conclusiones bisariam divisit, alia- que generales, aliaque personales appellans. Egregieque circa tres primas loquutus est: nullatenus se de ipsis dubitare asseverans, nisi quod illa sibi adjectio dubia videretur, quæ fidei faceret mentionem. Plurimumque illic immorari voluit, ut sacrum Concilium supra papam esse ostenderet. Idque postquam jure divino, humanoque probavit, physica etiam ratione asseruit: adductoque in testem summum omnium philosophorum Aristotele, dice- bat in omni regno bene instituto, illud in primis desiderari, ut plus regnum posset, quam rex: si contra reperiretur, id non regnum, sed tyrannidem dici debere. Sic etiam sibi de ecclesia videri, quod tam plus suo principe, id est papa, posse oporteret, quem sermonem sic ornate, sic suaviter disputavit, sic doctè atque verifice, ut omnes ab ejus ore avide de- penderent, jam non (ut in aliis sit) orationis finem, sed longam continuationem desidera- tes, ipsamque unicuique esse scientiæ speculum prædicarent. Ut vero alias ingressus est Conclusiones, opponereque hic se voluit, visus est aliquantisper à seipso discedere, Burgen- semque esse delineare. Nec enim ille in verbis lepor, nec illa in oratione gravitas, aut in- vultu hilaritas apparebat: ac si se ipse potuisset cernere, admirationem sui forsitan habuis- set. Quis enim vim quandam ac potestatem veritatis tunc non viderit, quæ homini pro se loquenti, sententias & verba suggerit? adversus se autem prædicanti, etiam ipsam quæ innata erat, surripuit eloquentiam. Illud tamen Panormitanus ac Burgensis modestiæ ostenderunt, quia etsi veritates fidei esse non faterentur, in eo tamen non suæ sententiæ acquiescendum dicebant, qui sacris literis non essent imbuti, sed Theologorum. Eleemo- synarius vero Aragonum regis, ut est consilio callidus, nequaquam directè ad Conclusiones disputabat, sed furtim quadam argumenta collegerat, quibus nunc hic, nunc illic præsta- ret impedimentum. Adversus quos & Abbas Scotia, vir subtilis ingenii, plurima disputa- vit, & Thomas de Corfelliis inter sacrarum literarum doctores insignis, quo nemo plura ex decretis sacri Concilii dictavit, vir juxta doctrinam mirabilis & amabilis, sed modesta quadam verecundia semper intuens terram, & velut latenti similis, pro Conclusionibus late & clare disseruit.

**N**Imis (ut video) rem protraherem, si quid singuli dixerint explicare pergam, nam- que forsitan lectoribus tediosus, hoc modo procedens: utilis (sicuti mihi vide- tur) argumenta exponam, quibus ratæ Conclusiones fuerunt. Nec ego de quinque pos- terioribus sermonem habeo, quæ solum videntur in facto consistere, dum Euge- nii personam respiciunt: solum tres primas mea disputatio complectetur. Subjiciam igitur aliqua probationi accommodata, non quæ ipse cogitarim, aut meo studio ex ob- scurissimis scripturarum tenebris elucabraverim, sed quæ ego in disputatione patrum audita memoriæ commendavi. Quantum ergo illinc haurire mea parvitas quivit, ejus auctoritatis est prima Conclusio, ut ea probata, reliquæ veniant. In prima igitur vis ma- jor, eaque primitus dissertanda est, duoque circa ipsam investigatu; examinataque digna se ostendunt.

offerunt. Alterum: Nunquid generale Concilium auctoritatem habeat supra Romanum pontificem? Alterum: An id credere fides catholica jubeat? Quæ duo si deduxerim, nihil est quod postmodum dubitare possimus. Quod autem Papa Concilio generali subesse debeat, egregie ratio per Burgensem episcopum deducta superius probat. Est enim Papa in ecclesia tanquam in regno rex; regem autem plus posse quam totum regnum, absurdum est: ergo nec papa plus posse debet, quam ecclesia. Sed sicut nonnunquam reges male administrantes, & tyrannidem exercentes, à toto regno excluduntur, efficiunturque. Sic etiam per ecclesiam, hoc est, per generalia Concilia Romanos pontifices posse deponi, non est ambigendum. Neque hic ego illos audio, qui tam latam regibus attribuunt potestatem, ut eos teneri legibus nullatenus velint. Genus est enim adulatorum, qui aliter gariunt quam ipsi sentiant. Etenim licet dicatur, in sinu principis *dominus* semper fore, id ego intelligo, cum ratio suadet à verbis legis esse recedendum. Rex enim ille dicitur, qui est speculator ac procurator publici commodi, cui est cordi utilitas subditorum, qui quæcumque agit, refert ad eorum quibus præest, commoditatem: quod si secus fecerit, non rex sed tyrannus dicendus est, cujus est proprium vacare proprio emolumento. Hoc enim differt rex à tyranno, quod alter eorum quos regit, commodis invigilat: alter suis intentus est. Quod ut manifestius fiat, subiicienda causa est quæ reges ab initio introduxit. Et quidem, ut Cicero in Officiis ait: Certum est, fuisse aliquod tempus, quo sine regibus vivebatur: At postquam jure Gentium possessiones cœperunt dividi, non alia de causa reges sunt instituti, nisi justitiæ fruendæ. Nam cum premeretur initio multitudo ab his qui majores opes habebant, ad unum aliquem virum confugebant, virtute præstantem, qui prohiberet injuria tenuiores, æquitatem constituendo, summos cum infimis pari retinebant jure. Cumque adhuc regnantibus regibus debiliores nonnunquam opprimerentur, leges constitui placuit, quæ ad judicandum non odio, aut gratia ducerentur, sed tales inopi, quales potenti præstarent aures. Quo fit, ut leges non solum populum, sed regem quoque obligare sciamus. At si regem contemnere leges, rapere bona subditorum, violare virgines, stuprare matronas, omniæque suæ libidini, & temeritati committere videamus, nunquid congregatis regni proceribus, illo summo alius sublimabitur, qui & bene gubernare juret, & legibus obtemperare? Nempe, ut ratio suadet, sic etiam usus edocet. Idemque fieri in ecclesia, hoc est, in Concilio, quod in regno, consentaneum esse videtur. Sicque satis apparet quod diximus, papam subesse Concilio. Illud tamen negari non debet: quia major est papa quolibet alio Christiano. Et sicuti regi quilibet Baro de regno subijcitur, sic Romano pontifici singuli ecclesiæ prælati parere tenentur. Sed his præteritis, cum Burgenfi episcopo viro non minus docto quam eloquenti, ad divina eloquia transeamus.

**F**undamento autem rei quam petimus, verba sunt redemptoris nostri Jesu Christi, cum in pluribus locis, tum ibi cum Petrum alloquitur, dicens: Tu es Petrus, & super hanc petram ædificabo ecclesiam meam, & portæ inferi non prævalebunt adversus eam. A quibus verbis, ideo placuit exordiri, quod aliqui verba hæc ad extollendam Romani pontificis auctoritatem solent adducere, sed (ut statim patebit) alius est verborum Christi sensus, quam aliqui opinentur. Ait ergo: Et portæ inferi non prævalebunt adversus eam. Magna quippe promissio, magna etiam verba domini. Etenim quid dici grandius potuit, quam portas inferi adversus ecclesiam prævalere non posse? Portæ utique inferi (ut inquit Hieronymus) peccata significant. At si peccata expugnare ecclesiam nequeunt, certe nec maligni spiritus, qui nullam penitus in humanum genus, nisi per peccata vim habent, aliquid adversus ecclesiam possunt. Eamque ob causam, cum apud Job dicitur: Nulla potestas super terram est, quæ potestati maligni spiritus comparetur, restat potestatem ecclesiæ omnibus potestatibus esse majorem. Possumus etiam ex hoc dicto aliter quoque argumentari: quia si portæ inferi, id est, peccata, adversus ecclesiam nihil queant, ecclesia ipsa impeccabilis esse monstratur: quod quidem de summo pontifice, qui homo & mortalis est, nemo dixerit, cum scriptum sit: quia septies in die cadit justus. At si ecclesia immaculata est, quia nec peccato potest deturpari, quis est qui peccatorem hominem impeccabilis ecclesiæ præferat? Nec illis præstemus aures; quæ verba illa Christi Jesu dicens: Oravi pro te Petre, ut non deficiat fides tua, nolunt ad ecclesiam referri, quoniam sicut Augustinus in expositione psalms inquit, quædam dicuntur, quæ si propriè ad Apostolum Petrum pertinere videantur, non tamen habent illustrem intellectum, nisi cum referantur ad ecclesiam, cujus ipse cognoscitur in figura gestasse personam. Unde alibi in questionibus novi & veteris testamenti, de his quoque verbis: Rogavi pro te Petre, quid ambigitur? Nunquid pro Petro rogabat, pro Jacobo & Johanne non rogabat, ut de cæteris taceam? Manifestum est, in Petro omnes contineri: quia & alio loco apud Johannem dicit: Ego pro his rogo, quos mihi dedisti: & volo, ut ubi ego sum, & isti sint mecum.

Conclusio.  
Papa subest  
Concilio.

Hoc adulatorum  
genus regnat  
nostro  
tempore in  
ecclesia dei.

Regum intro-  
ductio.

Legum insti-  
tutio.

Papa subest  
Concilio de-  
bet.

Locus ille, tu es  
Petrus, &c.  
interpretatur.

Portæ inferi,  
peccata.

Contra id, Pa-  
pam non posse  
errare.

Interpretatio  
illius, Oravi  
pro te Petre.

Quo



Sylvestrum II.  
notat.  
Ecclesia im-  
peccabilis.  
Peccator: papa.

Quo fit, ut ecclesiam frequentissime per Petrum intelligamus. Idque hoc fieri in loco non ambigimus, aliter vero stare veritatis verba non possent, cum paulo post Petri fides ad tempus, Christum negando, defecerit. At fides ecclesiae, cuius personam Petrus gestabat, semper intermerata permanfit. De Romanis vero pontificibus liceret exempla admodum multa referre, si tempus sineret: quoniam aut haeretici, aut aliis imbuti vitiis, sunt reperi- ti. Nec nos fugit Marcellinum iussu Caesareo idolis thurificasse: alium vero quod ma- ius & horribilius est, diabolica fraude Romanum pontificatum ascendisse. Nobis tamen illud Pauli ad Hebræos sufficit testimonium, qui omnem pontificem infirmitate, id est, pravitate peccandi circumdatum esse dicit. Ecclesiam autem impeccabilem permanere, etiam alia ipsius Christi testimonia comprobant. Apud Matthæum ait: Ego vobiscum sum usque ad seculi finem non permanserunt) sed etiam successoribus dicta fuerunt, nec tunc voluit Christus significare se deum per omnia seculum, quomodo etiam in peccatoribus de- prehenditur, sed speciale quoddam donum gratiae ostendere per assistentiam suam, qua sanctam ecclesiam in Apostolis, eorumque successoribus consistentem servaret immacula- tam. Alibi quoque: Ego rogabo (inquit) & alium paracletum dabit vobis, ut maneat vobiscum in aeternum, spiritum veritatis, quem mundus non potest capere, quia non vi- det eum, nec scit eum: vos autem eum cognoscetis, quia apud vos manebit. Quæ ver- ba cum discipulis Jesu dicta sint, ad successores quoque, & sic ecclesiae dicta intelligen- tur, ac si in aeternum spiritus veritatis in ecclesia est, nemo negare debet ecclesiam perma- nere incorruptam. Ex ea quoque autoritate, qua dicitur sponsus ecclesiae Christus, quis non videt incontaminandam fore ecclesiam? Sponsus parque & sponsa (ut Apostolus in- quit) duo sunt in carne una: carnem autem suam, ut idem subiicit, nemo odio habet. Eoque fit, ut Christus ecclesiam odire non possit, quoniam sponsa est, eademque caro cum ipso, ac se odire non potest: ergo non peccat ecclesia. Nam si peccaret, odio ha- beretur. Peccatores namque, ut alibi dicitur, Deus odio habet. Quæ autoritates, ut invicem connecti queant, fateri cum Apostolo debemus, ecclesiam dei non habere mac- culam neque rugam. Qui etiam ad Timotheum scribens, ecclesiam ipsam columnam, & firmamentum veritatis fore asseverat. Unde in Canticis sponsus: Tota pulchra es amica mea, & macula non est in te.

Egregia obje-  
ctionis solutio.

**E**Xterre aliquos verba hæc possent, dum fore impeccabilem ecclesiam astruo. Nam cum in ecclesia contineantur omnes qui Christiano censentur nomine, quique in com- muni credentia articulorum fidei, & sacramentorum participatione conveniunt, veror ne qui me omnes homines impeccabiles dixisse opinentur, quæ sententia tantum à mea abest, ut ejus oppositum verum putem. Existimo enim, quia nullus sit in ecclesia impeccabilis, mortali carne vestitus. Nec ista inter se pugnant: habet enim hæc ecclesia, ut licet sin- gula membra peccare possint, totum tamen corpus non possit. Semper enim in ecclesia viri sunt aliqui boni, qui licet humanæ fragilitati subditi sint, virtutis tamen perfectæ per- fectio funguntur munere, domesticque carnalibus desiderijs hostiam se deo placentem exhi- bent. Nec vulgari nonnullorum opinioni consentio, qui tempore dominicæ passionis solam virginem aiunt in fide perstitisse. Unde audent aliqui dicere, sic extenuari fidem posse, ut ad unam solam aniculam revertatur. Quorum sententiam, ne dicam insaniam, aperte mihi vide- tur Paulus explodere, cum ad Romanos ait: An nescitis in Helia, quid dicit scriptura, quem admodum interpellat deum adversus Israel: Domine, Prophetas tuos occiderunt, altaria tua suffoderunt, & ego relictus sum solus, & quaerunt animam meam. Sed quid dicit illi re- sponsum divinum? Reliqui mihi septem millia virorum, qui non curvaverunt genua sua ante Bahal. Etenim quid aliud ibi responsum divinum indicat quam salvam esse illorum opi- nionem, qui ad tam paucos redigi ecclesiam arbitrantur? Oportet utique nos credere ver- bis Christi, quæ omnia illis repugnant, qui solam virginem perseverasse in fide prædicant. Ait namque ad patrem Iesus: Pater sancte, serva eos in nomine tuo quos dedisti mihi, ut sint unum, sicut & nos. Cum essem cum eis, ego servabam eos in nomine tuo. Quos dedisti mi- hi, custodi vi, & nemo ex eis perit, nisi filius perditionis. Et: Non rogo, ut tollas eos de mun- do, sed ut serves eos à malo. Ecce quia orat Christus, ne Apostoli cadant: Orans autem Christus, absque dubio auditur. Alibi enim dicit: Scio quia me audis. Sed quo pacto audi- tur, si omnes pro quibus orat, ut isti fabulæ dictitant, in passionis tempore deviarunt? Ex- emplum. Quo pacto Iesus matrem suam charissimam, in cruce pendens, Johanni commien- dasset, si is aut jam erat, aut statim futurus erat alienus à fide? Centurio præterea nunquid è vestigio clamat? Vere filius dei erat iste. Judæi quoque illo in tempore, qui ab Hierosolymis longe aberant, & dici fideles poterant, & in sua fide salvari, cum (sicut Apostolus ait) ad Evangelium homines obligentur, postquam eis innouit. Relinquamus igitur istos, & quod est vero similis, teneamus fuisse, esseque semper in ecclesia non parvum bonorum homi-

Error qui so-  
lam Mariam  
constantem  
adherisse Chri-  
sto in morte  
aiunt.



hominum numerum judicemus: ab illisque, ut à parte digniori sanctam & immaculatam denominemus ecclesiam, quæ tam malos quàm bonos complectitur. Ecclesia namque sanguine missa in mari comparatur, ex omni genere piscium congreganti. Et rursus: Homini regi qui fecit nuptias filio suo, & misit servos suos vocare invitatos ad nuptias. Et subduntur: Et congregaverunt bonos & malos, quotquot invenerunt. Erronea enim est illorum opinio, qui solos bonos contineri intra ecclesiam dicunt: quæ si vera esset, omnia confunderet, nec ubi ecclesia foret, scire possemus. Cum autem (sicut scriptura dicit) nemo sciat, utrum sit dignus odio vel amore, approbatio veriorque illorum sententia est, qui omnes fideles intra ecclesiam recipiunt, quorum licet pars magna voluptatibus & avaritiæ ferviat, aliqui tamen semper sunt à peccatis mundi mortalibus, quæ pars ut dignior denominationem dedit ecclesiæ, ut sancta diceretur: quod tam frequens factum est, ut in symbolo, decenter decantare præcipiamur. Unam sanctam Catholicam & Apostolicam ecclesiam, quem articulum octavum, synodus Constantinopolitanam aliis adiecit ferunt. Quare si sancta est ecclesia, impeccabilis quoque est, ut ad institutum redeam. Sanctum enim (ut Macrobio, Trebatium referenti placet) interdum idem est quod factum, idemque quod religiosum, interdum vero idem est quod incorruptum. Unde & illud: Sancta ad vos anima, atque istius infamia culpa. Descendam. Non enim sacro aut religioso ejus anima tenebatur, quam sanctam, hoc est, incorruptam voluit ostendere. Eoque modo sanctam prædicamus ecclesiam, quam Petrus apostolus immaculatam dicebat, sicut in famosa Clementis epistola legimus. Ad hoc etiam tendit, quod dicitur apud Paulum, caput ecclesiæ fore Christum. Nam si ecclesia peccaret tota, nequaquam suo capiti conveniret Christus, qui nulla unquam ex parte corruptus existit. Hoc idem apud Matthæum significare voluit Christus, cum domum illam collaudat, quæ fuerat supra firmam petram ædificata cui nec venti potuerunt officere, nec pluvie. In domo dei (inquit Apostolus) quæ est ecclesia, ædificata supra firmam petram, quæ (sicut idem Apostolus prædicat) erat Christus. Ecclesiam ergo supra Christum fundatam, quis est tam demens, aut tam sui oblitus, ut peccato subditi esse velit? quique non potius cum Propheta exclamet? Domine dilexi decorem domus tuæ. Hinc illa Johannis aurea sententia, cui etiam aureum os fuisse prædicant, qui ait: Non cessat impugnari ecclesia, non cessat insidias pati, sed in nomine Christi semper superat, semper vincit: & quamvis alii insidentur, quamvis repercutiant eam fluctus, fundamentum tamen quod supra petram est, non quassatur. Hilarius quoque: Proprium esse soler ecclesiæ (inquit) ut tunc vincat, cum læditur: tunc intelligat, cum arguitur: tunc secura sit, cum desecritur: tunc obtineat, cum superata videtur.

**M**ultis (ut mihi videtur) rationibus ac testibus probatum est, ecclesiam non errare, quod de Romanis pontificibus non asseritur, quæ ratio haud inepte summum pontificem ecclesiæ subijcit. Conveniens enim est, ut perfectioribus minus perfecti subdantur. Sunt tamen & alia testimonia, aliæque rationes, de quibus etiam hoc in loco aggrediar dicere. Si autoritas quaeritur (inquit Hieronymus) libenter enim in ejus sententiis tantquam in agro fertili versor, orbis major est urbe. Quid tum obsecro Hieronyme, magnus est Papa, quia Romanæ præest ecclesiæ? magna ejus est authoritas, major tamen est universalis ecclesia, quæ non urbem unam duntaxat, sed totum complectitur orbem. Exhinc si mater omnium fidelium est ecclesia, Romanum etiam pontificem in filium habet. Aliàs vero (sicut beatissimus prædicat Augustinus) nunquam habebit deum patrem, qui ecclesiam noluerit recognoscere in matrem. Quod Anacletus intelligens, universalem ecclesiam (ut Canonistæ sciunt) matrem suam appellat. Et Calixtus, sicut filius, ait, venit facere voluntatem patris, sic & nos implere voluntatem matris nostræ, quæ est ecclesia. Unde apparet tanto superiorem esse ecclesiam Romano Pontifice, quanto est matre inferior filius. Supra etiam diximus, ecclesiam Christi Jesu sponsam fore. Papam vero vicarium esse scimus. At nemo sic vicarium suum instituit, ut ejus sponsam illi subijciat. Quinimo plus arbitrii in rebus arduis habere creditur sponsa, quam vicarius, cum illa unum cum sponso corpus existat, vicarius non idem cum domino. Nec Pauli ad Romanos verba præteribo: Omnis (inquit ille) anima potestatis sublimioribus subdita sit, nec excipit animam Papæ. Quare cum nullus alius mortalium supra Papam sit, necessarium videtur, ut illum ecclesiæ subijciamus. Nec ideo se putet exemptum, quod ei dictum à Christo fuerit. Quodcumque ligaveris, & reliqua. In eo namque (ut post dicemus) personam ferebat ecclesiæ: cui etiam dictum reperimus: Quaecumque ligaveritis super terram, ligata erunt & in cælis. Ulterius, si omnis potestas à Christo concessa, ut ad Corinthios scribit Apostolus: Data est in ædificationem ecclesiæ, & non in destructionem. Cur non ecclesia summum pontificem clavibus abutentem, & omnia destruentem, corripere possit? Adde & aliud argumentum: Homo in hac vita minor est angelis. Legimus namque apud Matthæum de Johanne Baptista: quia qui minor est in regno cælorum, major est illo. Aliibi tamen dixerat veritas: Quod inter natos mulierum

Ecclesia complectitur tam bonos, quàm malos.

March. 22.

Lib. 2. Saur. cap. 4.

Probat autoritatibus, Papam subesse Concilio.

Quodcumque ligaveris, &c.

Pontificem abutentem clavibus, Ecclesia depone-re possit.

Papa non audiens ecclesiam Ethnicus sit & publicanus. Bone deus ve- reor, ne multos ecclesia papas habuerit Ethnicos. Constantiense Concilium hæreticos iussit esse, qui primum auferrent Romanæ ecclesiæ.

Hi sunt Canonistæ, & magna pars scholasticorum theologorum & fratres mendicantes. Vide, an sine causa hodie clamant viri boni, non reuerentes blasphemiam ex ore bestiarum prolatam.

Ridiculè ad Romanam ecclesiam Petro dicta contingunt posthabitis sanctorum patrum interpretationibus.

Generali Concilio competere omnia quæ ecclesiæ.

lierum non surrexit maior Johanne Baptista. Sed perge ulterius : Angelis credere hominibus ( exemplo Zachariæ ) coguntur, ne, sicut ille, cæcitatibus incurrant vitium, non credentes. Quid plus, Romanus Pontifex homo est, ergo angelis minor, & angelis præstare non fidem. At angeli ab ecclesiâ discunt, ejusque doctrinâ reverenter acquiescunt, ut apud Ephesios inquit Apostolus: ergo & summus pontifex idem tenetur efficere, & qui minor est angelis, minor est ecclesiâ, quæ illis est major : cujus nempe tanta est auctoritas, recte, per Augustinum soli aequiparetur : quoniam sicut cætera lumina, sol unus evincit omnes auctoritates ecclesiæ superat. Unde ejusdem Augustini legitur dictum : Evangelio non crederem, nisi me auctoritas ecclesiæ commoveret, quæ nunquam de Romano Pontifice dicta reperiuntur, quæ vicem gerat ecclesiæ, ejusque administrator existat, neque quàm putandus est aut domino major, aut equalis. Maximè tamen Romanum Pontificem subjectum esse ecclesiæ, verba ipsius Christi salvatoris, & domini nostri ostendunt, cum, sicut post dicemus, Petrum futurum Papam, ad ecclesiâ remittit, inquit : Tu es ecclesiâ, ad cujus auctoritatem etiam illa pertinent verba : Qui vos audit me audit : & in apostolis, sed eorum quoque successores, & totæ ecclesiæ dicta : Quo fit, ut ecclesiâ Romanus Pontifex non audiat, Christum quoque non audiat, & tantquam Ethnicus & publicanus haberi debeat : quia ( ut etiam asserit Augustinus ) cum excommunicatur ecclesiâ, in cælo ligatur excommunicatus, & cum solvit, solvitur : quo dicto, tam Pontificem quàm alii continentur, ex eo tamen illorum maxime vesania consutatur, qui dari per synodum generalem, remissionem plenariam inficiantur : cum Synodus ( ut postea ostendimus ) universalem ecclesiâ repræsentet : illos tamen hæreticorum loco habendos censuimus quum si hæreticus est, qui Romanæ ecclesiæ primatum aufert, ut Constantiensis Concilium decreta demonstrant, quanto magis hæreticus erit, qui ecclesiæ detrahât auctoritatem, in cælo Romana & omnes aliæ continentur ?

**O** Pinjo ( sicut iam liquet ) omnium mortuorum est, si opinio vocari debet, quæ in eis confirmatur auctoribus, quia Romanus Pontifex universali ecclesiæ subjectus existit, neque hoc viventes negare audent. Illud autem apud aliquos revocatur in dubium, antiquoque de generali Concilio credi oporteat. Sunt enim aliqui, sive avidi gloriæ, sive quod adulando præmia expectant, qui peregrinas quasdam, & omnino novas prædicare doctrinas coeperunt, ipsumque summum pontificem ex jurisdictione sacri Concilii demere re verentur. Excavavit namque illos ambitio, à qua non solum hoc modernum, sed omnia quæ in hunc diem schismata suborta reperiuntur. Namque ut olim pestiferam illam bestiam quæ per Arium primo quasi de infernis extulerat caput, cupiditas episcopatus induxit : hodiernam hæresim illi præcipue nutriunt, quos jam mendicare suppedit, quorum alii clamant subditorum facta judicari à Papa, Romanum vero Pontificem solius dei reservari arbitrio. Alius dicit, quia primam sedem nemo judicabit, quod neque ab Augusto, neque ab omni clero, neque à regibus, neque à populo valeat judicari. Alius asserit, ejectionem summum pontificem sibi dominum reservasse. Alius vero asserere non veretur, Romanum pontificem, quàmvis animas catervatim secum ad inferos trahat, nullius reprehensionis fore subiectum. Nec considerant miseri, quia quæ prædicant tantopere verba, aut ipsorum summum pontificem sunt, suas fimbrias extendentium, aut illorum qui eis adulbantur. Et quod hujusmodi dicta solutionem habent, recurrunt statim ad evangelium, & verba Christi nunc prout spiritus sancti sensus exposcit, sed suo ingenio interpretantur. Plurimumque illi extollunt, quia Petro sit dictum : Tu vocaberis Cephas, per quod eum caput ecclesiæ faciunt : Tibi dabo claves regni cælorum. Et : Quodcumque ligaveris super terram. Et : Regna pro te Petre, ut non deficiat fides tua. Et : Pasce oves meas. Et : Duc in altum rete. Et : Noli timere, jam ex hoc eris homines capiens, quodque soli Petro tantquam Apostolorum princeps Christus mandaverit pro se & ipso statem dare, & quia Petrus traxit ad terram rete piscium magnis, & quod solus Petrus à Christi defensione gladium evaginavit. Quæ omnia hi homines miro modo sublimant, expositionibus sanctorum doctorum omnino posthabitis, quas si ( ut par esset ) considerarent, manifeste cognoscerent : quia ex autoritatibus supradictis Romanus pontifex non conjunctim, sed separatim omnibus præest. Et his modo præteritis, quia responsio per infra scripta patebit : quid nos à doctissimis viris de hac questione audiverimus, hora exposcit, ut in medium afferamus. Illudque in principio notum, quia Romanum Papam omnes qui aliquo numero sunt. Concilio subijciuntur. Ad cujus rei probationem omnia fere repetunt, quæ superius de ecclesiâ recitavimus. Competere namque generali Concilio omnia putant, quæ ecclesiæ. Primoque huc trahunt illud evangelicum : Dic ecclesiæ, quo in loco scilicet convenit, quia Petro futuro pontifici Christus loquebatur, instruens eum, quid esset facturus circa fratris correctionem. Ait igitur peccaverit in te frater tuus, vade, & corripe eum inter te & ipsum solum : si te audierit, lucus es fratrem tuum : si autem te non audierit, adhioc tecum unum vel duos, ut in ore d

rum testium, vel trium stet omne verbum: quod si non audierit, dic ecclesiae: Quid igitur hic per ecclesiam intelligemus an fideliū multitudinem, ubique gentium dissipatam? Jugum meum (inquit dominus) suave est, & onus meum leve: at quomodo leve, si praecepit Christus, quod factū est impossibile? Quo enim pacto potuisset Petrus ecclesiam alloqui dispersam, singulosque Christicolae ostiatim per civitates & oppida vestigare? Alius est profecto verborum hujusmodi sensus: aliterque interpretationem fieri oportet, quae ut rite à nobis fiat, duplicis personae, quam Petrus gestavit, meminisse nos convenit, summi Pontificis, & hominis privati. Dum in Petro privatum hominem recognoscimus, haud inepta illorum est expositio, qui per ecclesiam praelatum ecclesiae recipiunt. Docuit enim nos Christus, ut ad episcopos nostros recurramus, vel ad ipsum Romanum Pontificem, cum fratres adversus nos haberemus peccantes. At cum in Petro Romanum Papam suscipimus, ridenda magis quam probanda expositio est hujusmodi. Nec enim ad Papam, id est, ad seipsum, vel ad praelatum alium, hoc est, ad suum inferiorem remittendus est Papa. Fit namque hujusmodi remissio, ut qui Papam non veretur, alium vereatur. Verum cum in ecclesia nemo sit eminentior Papa, exploratum est, quia qui Romanum Papam non veretur, alium non verebitur. Ut igitur verus & sanus maneat intellectus, vim verbis facere non oportet, planus est, & per se lucidus horum sensus verborum, nec suppletionem, nec alterationem hic textus indiget evangelicus. Videndum nobis est, quid hoc verbum ecclesia significet, quod bis tantum in ore Christi fuisse, reperimus, hic scilicet, & cum Petro dixit: Tu es Petrus, & super hanc Petram aedificabo ecclesiam meam. Ecclesia ergo convocationem significat multitudinis. Dic ecclesiae, id est, dic multitudini fidelium congregatae: qui cum non soleant, nisi in generali Concilio convenire, bellissima interpretatio erit. Dic ecclesiae, id est, dic Concilio generali: libenterque hoc in passu audire vellem, si qui sint, qui proprie magis exponi haec verba in praelato existiment, quam in Concilio, cum singularem hominem pro multitudine ponant, quod si admitti in sacra scriptura debeat, nihil posthac firmum reperiemus. Carterum si de nostro sensu, quicquam miretur, scrutari eum veteres volo codices: inveniet enim, quia nec nova nec peregrina, nec mea est interpretatio, sed sanctorum patrum, veterumque doctorum, qui primi ecclesiam illuminarunt: ut testimonio est Gregorius Papa, non minus sanctimonia vitae, quam literarum pericia memorabilis: cujus ad Constantinopolitanum episcopum haec in registro verba leguntur: Et nos quidem (inquit in quibus talis, tantaque per ausum nepharium culpa committitur, servamus quod veritas praecipit, dicens: Si peccaverit in te frater tuus, & reliqua. Post subdit: Si in mea correptione despicior, restat, ut ecclesiam debeam adhibere, quae verba satis manifeste ecclesiam pro generali Concilio suscipiunt. Nec enim diffusam undique ecclesiam, sed in unum collectam, id est, generale Concilium, adhibiturum se Gregorius promittebat. Quod enim ubique diffusum est, adhiberi non possit, nisi congregetur. Nicolaus etiam Papa regem Lotharium de concubinaru redarguens. Quod si id non egeris (inquit) praecave, ne hoc sanctae ecclesiae dicamus: quo dicto, non te iterum per orbem omnesque virum certionaturum Nicolaus dicebat, sed convocaturum ecclesiam, id est, generale Concilium, ibique Lotharii crimen publicaturum, ut qui Romani iussa Pontificis contempnisset, generalis Concilii reverentiam perimereceret. Possem in hanc sententiam infinitos penè citare testes, qui omnes idem saperent, sed unum pro omnibus, ac prae omnibus sufficere debet Constantiensis Concilii testimonium. Eo namque in loco, ubi adversus Petrum de Luna fertur sententia, de eo his verbis habetur mentio: eaque in generali Concilio locum habere dicuntur. Quibus ex verbis plus illud habemus, quia non solum Papa in correptione fratris ad Concilium remittitur, ubi per se non potest, sed etiam ubi de ipsius Papae correptione agitur, ad Concilium est recurrendum. Unde apparet verissimam esse interpretationem nostram, quae nobis ecclesiam in generali Concilio exponit. Hinc est quod in Actibus Apostolorum congregationes quae tunc fiebant, appellabantur ecclesiae. In Concilio quoque Nicæno, & in aliis, cum aliquis excommunicaretur, semper fere subiungitur: Hunc excommunicat catholica & apostolica ecclesia. Atque ex hoc introductus est ille Conciliorum titulus, quo sacrum generale Concilium, universalem ecclesiam repraesentare dicimus. Unde & leges Concilii (ut Canonistae volunt) & bene volunt, leges ecclesiae nuncupantur. Nec enim alibi ecclesia, quam in generali Concilio leges promulgat, nisi & leges ecclesiae appellemus, Romanorum pontificum constitutiones: quod minus proprium est, quam in Concilio: ubi, licet non omnes ecclesiasticae personae conveniant: plurimae tamen interesse solent: & in illis quae veniunt, tota residet potestas ecclesiae. Unde in Actibus Apostolorum legimus: Quia placuit Apostolis & senioribus cum omni ecclesia. Etenim licet illic non essent cuncti fideles, quod eorum pars magna tunc Antiochia moram trahebat, tota tamen ecclesia dicitur, quia tota potestas in Concilio residebat ecclesiae. Parique ratione adita per Nicænum Concilium, tanquam per catholicam ecclesiam ordinata suscipimus, licet

Interpretatio  
illius, Dic ec-  
clesiae.

Ecclesia quid.

Concilium  
Constantiense  
Papam concilio  
subject.

Actus Aposto-  
lorum Concilium  
Nicænum, Con-  
ciliorum titulus  
Roma. Ponda.  
Constitutiones  
minus proprie,  
leges ecclesiae ap-  
pellantur.

Adita per  
concilium Ni-  
canum, per  
catholicam  
ecclesiam or-  
dinas susci-  
piamus.  
Per ecclesiam  
concilium in-  
telligitur.

Simon obedi-  
ens Necessaria  
in Romano  
Pontifice obedi-  
entia.

Unius hominis  
libidinem sus-  
tinere conan-  
tes fautores  
Rom. Pont. &  
privatum bonum  
communi  
antevertunt.  
Zacharias  
Chalcedonen-  
sis episcopus.

O vocem in-  
dignam carni-  
fice, ne dicam  
episcopo Ro-  
mano.

In omnibus  
apostolicis li-  
teris contra  
sanctos conciliorum Canones  
dispensatur, de quo  
videtur qui  
talia statuunt.

Hilarius Papa  
sua decreta  
per Synodum  
voluit appro-  
bati.

licet non omnes episcopi Niceæ fuerint. Nec ego minoris autoritatis Constantiensis Concilium existimaverim, quam Nicænum: licet illic major episcoporum numerus convenisset, quo tempore impletum erat illud propheticum: Quia in omnem terram exivit sonus eorum, & in fines orbis terræ verba eorum. Hodie vero si minores habentur synodi, minor quoque & arctior Christiana religio facta est, non tamen propterea minor est autoritas. Sed ne longius evagauerim: illud nobis sat est, quod per ecclesiam Concilium intelligimus generale. Ut ergo ad institutum redeamus, redemptorem nostrum Petro dicentem, audiamus: Si peccaverit in te frater tuus, usque ibi, dic Ecclesiæ: Conciliumque per ecclesiam sumamus. Quis hic major erit, is ne, qui remittitur ad Concilium, an Concilio ipsum ad quod Petrus remittitur? Remittit veritas summum pontificem ad generale Concilium. Cur hoc? nempe, ut non dedignentur Romani Papæ aliquam in terris potestatem supra se recognoscere, quam & in rebus prægrandibus consulant, & illius determinationibus acquiescant. Unde & Petrus alio nomine Simon est appellatus, quod (ut Rabano placet) in homiliis Hebraica lingua interpretatur, obediens, ut intelligerent omnes, etiam in Romano pontifice necessariam esse obedientiam.

**S**ufficere nobis Constantiensis Concilium posset, cujus non minor autoritas fuit, quam illorum quatuor, quæ doctor illustris Gregorius, ut quatuor Evangelia venerari se dicit. Sed libet in hac re paululum immorari, nullumque omnino locum adversariorum temeritati relinquere, qui dum unius hominis libidinem sustinere conantur, dumque privatum bonum communi antevertunt, incredibile est, quantas errorum nebulas excutunt. Adversus quos, cum multi alii, tum præcipue Zacharias Chalcedonenfis episcopus, vir & re & nomine excellens, armatus venit. Qui cum in Chalcedonenfi sancta & magna Synodo, Romani pontificis sententia sibi objiceretur, Nicolai Papæ & aliorum patriarcharum principem esse, Canonem replicavit. At Zosimus Papa sic de statutis generalium Conciliorum ait: Contra statutum patrum condere aliquid, vel mutare, nec hujus quidem sedis potest autoritatis: nec de statutis patrum, aut in urbibus, aut in eremis disgregatorum loquitur. Illa enim Papam non ligant, sed de his quæ in generalibus Conciliis per patres æduntur. Quod (ut clarius liqueat) Leonis Papæ omnium Romanorum pontificum eloquentissimi subijcienda sunt verba, qui ædicionem Nicæni Concilii, nulla unquam ex parte solubilem fore ad Anatholium scribit, quasi seipsum, & sic summum patriarcham excludens. Damasi vero clarior in hanc sententiam est autoritas ad Aurelium archiepiscopum scribentis, sicut in libro Conciliorum narrat Isidorus, cujus dignissima de autoritate Synodali hæc verba leguntur: Quoniam blasphemare spiritum sanctum non incongrue videntur, qui contra eosdem sanctos Canones, non necessitate compulsi, sed libenter (ut præfixum est) aliquid, aut proterve agunt, aut aliquid præsumunt, aut facere volentibus sponte consentiunt. Cujus blasphemiae, an Gabriel, qui se dicitur Eugenium, sit hodie particeps, illi dijudicent, qui eum audiunt asserentem, tantum a se abesse, ut generalibus Conciliis debeat obedire, ut se tunc maxime dicat mereri. cum Concilii decreta contemnit. Sed addit Damasus. Idcirco non a sanctorum Canonum, qui sunt spiritu dei, & totius mundi reverentia consecrati, fideliter a nobis est scienda, & diligenter tractanda, ne quo modo sanctorum patrum statuta absque inevitabili necessitate, quod absit, transgrediamur. Hodie tamen passim in omnibus literis apostolicis, non obstantia reperiuntur, quas nulla induxit alia necessitas, quam penuria cumulantur, sed de his ipsi viderint, qui talia struunt. Nos iterum ad Damasum redeamus. In epistolis namque Ambrosii Mediolanensis episcopi mentio invenitur ejusdem epistolæ, quam ipse Damasus scripsisse fertur iudicibus à Capuana Synodo deputatis, ubi ostendit sui officii non esse, in causis manum apponere, in quibus Synodi prævenisset, quo dicto illos manifeste redarguit, qui summum pontificem Concilii principem dicunt, quod si verum esset, potuisset utique Damasus causam Bonosii episcopi ad se recipere terminandam, quamvis per Concilium prius ceptam. Sed quoniam Synodus major est Papa, prohibitum se Damasus novit. Unde Hilarius Papa, sciens Synodum supra se fore, ut Canonitas non fugit, decreta sua per Concilium voluit approbari. Neque in hac sententia doctorum omnium doctor Augustinus desideratur, qui sic in epistola, quam ad Glorium, & Eleusium, ac Felicem grammaticum scribit, casum enarrat. Accusabatur Cecilianus episcopus per Donatum, & alios quosdam. Melchides Papa cum quibusdam episcopis Cecilianum absolvit, & in episcopatu confirmavit. Illi hac sententia irritati, scissionem in Aphricæ partibus induxerunt. Increpat illos Augustinus, qui aliud haberent remedium adversus Papæ sententiam, schisma potius eligissent. In eo que per hunc modum invehitur. Ecce putemus illos episcopos, qui Romæ judicaverunt, non bonos iudices fuisse: restabat adhuc plenarium ecclesiæ universalis iudicium, ubi etiam cum ipsis iudicibus causa posset agitari, ut si male iudicasse convicti essent, eorum sententia solveretur.

Unde



Unde apparet, non solum papæ solius, sed papæ etiam cum adjunctis episcopis sententiam per Concilium posse rescindi: plenarium enim universalis ecclesiæ iudicium nusquam alibi, quam in Concilio reperitur. Nec aliquem moveat: quod Augustinus de solis episcopis mentionem facere videatur. Nam si textus epistolæ perlegatur, Romanus pontifex cum episcopis iudicasse invenietur. Ex Conciliis etiam Africæ prohibiti sunt Romani pontifices, ne appellationes illorum audirent, qui à synodo appellarent: quæ omnia superiori- tatem Conciliorum ostendunt. Idque in actibus apostolorum liquidius demonstratur, ubi Petrus per congregationem apostolorum reprehenditur, quod ad Cornelium gentilem introisset, tanquam non liceret eum magni aliquid facere sine scitu Concilii: & tamen tam sibi quam aliis dictum fuerat: *Ite & baptizate, & reliqua.* Plus tamen illud videtur ur- gere, quod ad Galatas scribit gentium doctor Paulus, ubi se ideo restituit Petro in faciem dicit, quod ad veritatem Evangelii non ambularet. Cujus verba, si recte intelliguntur, nil aliud per veritatem Evangelii suscipiunt, quam canonem Concilii inter apostolos editum, quoniam sic discipuli in unum congregati determinassent: unde ostendit Paulus, quia oportebat Petrum generali Concilio obedire. Cæterum ne ulterius hæc disputatio nos teneat, subiicienda est Constantiensis Concilii determinatio, quod volens ambiguitatem huiusmodi referre, certamque vivendi legem elargiri, solenni decreto declaravit: omnes homines cu- iuscunque status aut conditionis, etiam si papatus existerent, statutis, & ordinationibus sacro- rum generalium Conciliorum obedire teneri. Et quamvis ibi quædam restrictio sit, dum dicitur, in his quæ pertinent ad fidem, extirpationem schismatis, & reformationem ecclesiæ in capite & in membris. Notanda est tamen ampliativa clausula, quæ subiungitur, & in pertinentibus ad ea: quæ adjectio adeo prægnans est, ut omnia quæ cogitari possunt, in ventre claudat, nec immerito. Cum enim ait apostolis dominus: *Euntes, docete omnes gentes:* non dixit, in tribus tantum, sed, docentes eos servare omnia quæcunque mandavi vobis: & alibi, non istud, aut illud, sed, quæcunque ligaveritis inquit: quæ omnia pro au- thoritate ecclesiæ, generaliumque Conciliorum deducuntur: ad quam extollendam, illa eti- am veniunt: Qui vos audit, me audit. Et, Vobis datum est nosse mysterium dei. Et, Ubi duo vel tres congregati fuerint in nomine meo. Et, Quæcunque petieritis. Et, Pater sancte serva illos quos dedisti mihi. Et, Ego vobiscum sum usque ad consumma- tionem sæculi. Et ex Paulo: Dei adiutores sumus. Et, Qui nos fecit idoneos ministris novi testamenti. Et, Ipse dedit quosdā quidem apostolos, quosdā autem prophetas, & reliqua. In quibus omnibus locis, & Christus, & Apostolus de autoritate plurimum loquuti sunt: quæ omnia ad universalis ecclesiæ præminentiā afferuntur. Sed cum ipsa nihil sparsim statuere aut ordinare queat, necessario dicendum est, supremā illam ecclesiæ potestatem in generalibus Conciliis, dum tamen illa conveniunt, residere. Ideoque observatum est in primitiva eccle- sia, ut ardua negotia non nisi in generalibus Conciliis, sive congregationibus expedirentur. Idem quoque postea factum reperimus. Cum enim divisæ forent ecclesiæ, & aliter atque alia- ter de fide Christi sentirent, generalia Concilia habita sunt, & in Nicæno, Arriana: in Con- stantinopolitano, Macedoniana: in Ephesino, Nestoriana: in Chalcedonensi vero Eutychia- ni hæreses condemnatæ reperiuntur: quod ad rem tantam iudicium Romani pontificis non existimabant sufficere, longeque vim habere majorem Concilii quam Romani pontificis non- tiam arbitrabantur, quod istum ut hominem posse: illud autem, in quo tot simul homines, spiritu sancto directore convenirent, errare non posse dijudicarent. Pulcherrimæque ad propositum Marciani Cæsaris verba narrantur in hunc modum: Vere impius atque sacrile- gus est, qui post tot sacerdotum sententiam, opinionem suā aliquid retractandum relinquit. Ex- tremæ quippe demerita est, in meridie & perspicuo die commentitum lumen querere: quicquid enim post veritatem repertum aliquid ulterius discutit, mendacium querit.

Constat jam omnibus arbitror, Romanum pontificem subesse Concilio. Subdubitare tamen aliqui solent, an etiam deponi per Concilium possit, quia etsi probatum est, papam subesse Concilio, non tamen lateri volunt idcirco posse deponi: de qua re non erit extra propositum pauca dissertare. In primisque de nostris rabulis aliqua dicere, qui pro defensione Romani pontificis adhuc instant, unoque victi prælio, aliud instaurant, ut qui pertinacia magis quam ignorantia contendunt: hi hoc etiam loco repeti volunt, quæ superius de Romani pontificis, seu patriarchæ retulimus eminentia: utque sunt nonnulli magis verbosi quam eloquentes, plurimum in eo commorantur, quod Petro veritas dicit, Tibi dabo claves regni cælorum. Et, Quodcumque ligaveris super terram, erit ligatum & in cælis: quasi per illa verba princeps fieret aliorum. Iterumque illud amplificat, dum di- citur: *Pasce oves meas,* quod aliis minime dictum inveniunt. Et quia dicitur, Petrum fuisse vericem, & os collegii apostolorum, ideoque recte dictum censent, quia nemo iudicabit primam sedem, omnesque cum Bonifacio sentiunt: qui ait, Nulla ex causa posse iudicari, nisi deprehendatur à fide devius, etiam si catervatim innumerabiles populos secum in tartarum

Petrus per congregationem apostolorum reprehenditur.

Petrus obedi- re generali concilio co-actus. Constantiensis Concilii insti- tutio.

Loca citantur varia ex Evan- gelio & Apo- stolo.

Ardua nego- tia non nisi in generalibus Conciliis olim tractabamur, nec solus pontifex Romanus sufficit ad convincendos, judicandosque hæreticos.

An Pontifex deponi possit per Concilium, Rabulæ, qui pro Pont. Romani pri- matu prægan- t, licet sæpius victi, prælium tamen semper instaurant.

Revertitur e- gregie Bonifa- cius, c. si pa- g. 4. dist.

O gravitas  
digna Theo-  
logo.

Egregia solu-  
tio illius, Papa  
caput eccle-  
siae.

Papa non est  
caput eccle-  
siae, nisi mi-  
nisterialiter.  
Papa eccl'siae  
membrum.

Epistola Cle-  
mentis.

Delirans, qui  
propter so-  
lam hæresim  
deponi Pa-  
pam posse  
asserunt.

ducat perpetuo cruciandos, quasi non posset aliis aperire coelum, si alius illud sibi claudere quiret: nec rursus alios pascere, si ipse indigeret pasto. Nos autem his in rebus nihil momenti ponimus, nihil omnino difficultatis meminimus: namque quod in sermone natalis Petri & Pauli Augustinus in hunc modum ait: Dominus Jesus discipulos suos ante passionem suam (sicut nostis) elegit, quos fratres appellavit, inter hos pene ubique Petrus solus totius ecclesiae gestabat personam, & propterea audire meruit, Tibi dabo claves regni coelorum. Has enim claves, non ille ut homo unus, sed unitas accepit ecclesiae. Et alibi de agone Christiano: Huic enim (inquit) ecclesiae claves regni coelorum datae sunt, cum Petro datae sunt. Et cum ei dicitur, ad omnes dicitur: Amas me, pascere oves meas. Et Ambrosius in principio Pastoralis: Quas oves, & quem gregem, ait, non solus tunc suscepit beatus apostolus Petrus, sed & nobiscum eas suscepit, & nos cum illo eas suscepimus omnes. Quibus ex dictis tabulorum nostrorum fundamenta concutiuntur, ac penitus evertuntur. Quoniam si personam ecclesiae Petrus ferebat, non Petro, sed ecclesiae potius vim illorum verborum debemus ascribere. Quae autem Bonifacius asserit, quo pacto subsistere queant, non video: atque, ut mox dicemus, longe à veritate videntur, nisi aliter atque sonant, intelligantur. Magnum tamen alicui fortasse potest videri, quod dicitur, Romanum pontificem caput esse militantis ecclesiae. Namque, ut in corpore humano, nunquam suadent medici, propter aliquam agritudinem caput abscondi, quamvis & ulcerosum sit, & quovis morbo infectum. Sic in hoc mystico ecclesiae corpore semper videtur caput esse custodiendum, & quamvis criminofum sit, nihilominus tolerandum. Sed converte hoc argumentum, si posset humano corpori, uno submoto capite, aliud inveniri, sicut in Ecclesiastico cernimus: nunquid sapissime ob varias agritudines capita mutarentur? Præterea si sic volumus agere, ut sic se caput ecclesiasticum ad suum habeat corpus, sicut humanum ad suum: necessarium erit, ut extincto capite corpus etiam extingatur, sicut in humanis corporibus cernimus: sicque in absurdum venies, quod mortuo Papa, mortuam etiam ecclesiam confiteberis: quod quantum à veritate absit, non nos latet. Quicquid tamen dicant aliqui, ego cum illis non sentio, qui Romanum pontificem caput ecclesiae dicunt, nisi forsitan ministeriale, legimus enim: Quia Christus est ecclesiae caput, non Papa: & illud est verumque caput, immutabile, perpetuum & æternum. Romanus autem pontifex nihil plus est, quam veri capitis locum tenens: ecclesia vero ipse Christi corpus, cuius etiam ipse Papa est membrum, vicarius autem Jesu Christi, non in destructionem, sed in ædificationem corporis ejusdem Christi, quod est ecclesia. Quo fit, ut si damnosus & destructor reperiatur, deponi & abjici queat, non enim id agit propter quod est institutus. Et oportet nos (sicut Leo inquit) evangelici meminisse mandati, ut si nos oculus, aut pes, aut dextera scandalizaverit manus, & compage corporis auferatur, quoniam & alibi inquit dominus: Quia omnis arbor quae non facit fructum, excidetur, & in ignem mittetur: Et iterum dicitur nobis: Auferte malum de vobis ipsis. Justum est enim, & valde justum, ut in Epistola Clementis ad Jacobum fratrem domini scribitur, separari eum, qui salvari vult, ab eo qui non vult. Sed ut clarius, apertiusque rem aperiamus, referendum est, quod apud Johannem dominus dicit: Ego sum vitis vera, & pater meus agricola est, inquit dominus, & vos estis palmites: omnem palmitem in me non ferentem fructum, tollet. Verba sunt ad apostolos dicta, inter quos etiam Petrus erat, quem etiam auferri vult, non afferentem fructum. Hieronymus quoque supra illis Matthaei verbis, Sal infatuatum ad nihilum prodest, nisi ut projiciatur foras, & conculetur à porcis, sic, in persona Petri & Pauli inquit: Non est facile stare in loco Petri & Pauli, & tenere cathedram jam cum Christo regnantem. Infatuatum sal, id est, stultus praelatus, insipidus in prædicando, & fatuus in delinquendo, ad nihilum prodest, nisi ut mittatur foras, id est deponatur: & conculetur à porcis, id est, à daemonibus, qui dominantur malo praelato, tanquam pecori suo. En clarum est Hieronymi testimonium, projiciatur foras, id est deponatur, exponit, & loquitur de praelato, qui Petri locum tenet, & sic de Romano pontifice, quem in prædicando insipidum, & fatuum in delinquendo, ex gradu suae dignitatis deponendum affirmat. Nec (ut aliqui delirant) propter solam hæresim. Apud Ildorum autem Ispalen. in libro Conciliorum epistola quaedam Clementis, successoris Petri, ad Jacobum fratrem domini, reperitur inserta, ubi Clemens beati Petri ad se verba referens, sic ait: Si enim mundialibus curis fueris occupatus, & te ipsum decipies, & eos qui te audiunt: non enim poteris quae ad salutem pertinent, plenius singulis quibusque distinguere, & ex eo fiet, ut & tu tanquam qui non docueris, quae ad salutem hominum pertinent, deponaris, & discipuli per ignorantiam pereant. Alibi tamen pro deponaris invenitur puniari, quae duo verba, si bene intelligantur, non multum inter se differunt: depositio namque punitionis loco fit. Nec hic obijciat quispiam hanc epistolam non esse putandam Clementis, cum scripta dicatur ad Jacobum, qui (sicut Scholastica tradit historia) prius obijt quam Petrus occideretur: potuit namque Clemens vivum Jacobum existimare, cum scripsit, qui magno terrarum & maris spatio inter se distabant. Nec facile Christianorum nuntii Romam veniebant.

veniebant. Præterea hujus epistolæ in pluribus decretorum locis, tanquam veræ sit mentio, ideoque non erit ab re etiam ipsius epistolæ alia verba referre, ait enim: Quia qui re-  
belliter vivit, & discere atque bona agere recusat, magis diaboli, quàm Christi membrum  
esse ostenditur, & potius infidelis, quàm fidelis esse monstratur. Super quibus verbis glos-  
sa, quæ singularis per Panormitanum dicitur, & plurimum approbatur, ait: Quod si noto-  
rium sit quodcunque Romani pontificis crimen, ex quo scandalizatur ecclesia, quod potest  
de illo papa accusari, si fit incorrigibilis. Si accusari, ergo & puniri, ac exigente defecto de-  
poni, aliàs frustra accusaretur.

**N**ullus jam superest æmulis nostris defensionis locus, quin papa deponi queat. Quod  
licet deductum sit, non tamen adhuc liquet, an per Concilium, quam provinciam  
nunc ingredimur, illudque nobis initio fatebuntur adversantes: quoniam ab ecclesia po-  
test Romanus pontifex deponi. Quia cum sit papa vicarius ecclesiæ, nemo dubitat, quin  
dominus vicarios suos possit ad nutum suum destituere: nec dubium est, verius dici pa-  
pam, ecclesiæ vicarium, quàm Christum. At si ecclesia potest Romanum patriarcham de-  
stituere, ergo & Concilium potest. Namque (ut supra ostensum est) universalis ecclesia  
nihil statuit, nihil ordinat, nihil decernit, nisi cum est in generalibus Conciliis congregata:  
tuncque (licet non adsint omnes) sat est, quia vocati sunt omnes, quos ratio exigit interef-  
se. Sed hic quoque, ut fit, ex dubio dubium oritur. Nam cum ecclesia tam laicos quàm  
clericos complectatur, cur soli clerici Concilia gerant, querendum videtur: nec enim vi-  
demus laicos interesse, aut vocem habere in Conciliis. Possesse aliquis arbitrari, quia  
quod dicitur, ecclesiam non errare, id ad utrumque statum, atque utrumque sexum referri:  
ut errantibus clericis, laici maneant, rursusque viris errantibus, sœmellarum aliquæ in fide  
ac veritate persistant: sed est erroneum sic opinari. Debemus namque duplicem conside-  
rare ecclesiam: alteram, quæ laicos cum clericis in se habet: alteram, quæ solos clericos,  
& ad secundam pertinet docere, purgare, illuminare, dirigere, corrigere, pascere & perfi-  
cere primam, quia supremum in terris tribunal apud clericos, non apud laicos existit: quod  
tam ex veteri testamento quàm ex novo comprobatur. In Deuteronomio namque sic scri-  
bitur: Si difficile & ambiguum apud te iudicium esse prospexeris, inter sanguinem & san-  
guinem, causam & causam, lepram & non lepram, & iudicium intra portas urbis tuæ vi-  
deris verba variare: surge, & ascende in locum quem elegerit dominus deus tuus: venie-  
que ad sacerdotes Levitici generis, & ad iudicem qui fuerit illo tempore, quærens ab eis,  
qui iudicabit tibi iudicii veritatem, & facies quodcunque dixerint, qui præsum loco quem  
elegerit dominus, & docuerint te juxta legem ejus, sequerisque sententiam eorum, nec de-  
clinabis ad dextram vel ad sinistram: qui autem superbierit, nolens obedire sacerdotis  
imperio, qui eo tempore ministrat coram domino deo tuo, & decreto iudicis, morte moria-  
tur homo ille, & auferes malum de medio Israël, cunctisque populus audiens timebit, ut  
nullus deinceps intumescat superbia. Ecce ergo, quia in veteri testamento supremum  
tribunal apud sacerdotes fuisse monstratur, quod etiam apud Mattheum testatur dominus,  
dum ait sacerdotibus Judæorum, quod ipsi essent duces aliorum, & ad eos spectaret, sedere  
in cathedra Moysi, & docere populum, quodque in eis esset clavis scientiæ. Ex quibus verbis  
ostenditur, supremum & maximum tribunal Judæorum in synagoga fuisse, quæ res satis nos  
admonet, idem quoque in novo testamento debere servari, cum vetus fuerit typus novi:  
& quæ non inveniuntur mutata, stare non prohibentur. Sunt tamen & hujusmodi res in  
evangelica lege, evidentissima testimonia, idque præcipue ex gestis Christi potest compre-  
hendi, qui omnia verba potestatem significantia, ad apostolos, discipulosque direxit, quos  
fuisse omnes presbyteros constat, ut est illud: Venite post me, & faciam vos piscatores ho-  
minum. Ubi piscatoribus sacerdotes, & laici piscibus æquiparantur. Discipulos quoque  
operarios in messiem suam, id est, in ecclesiam constituit, & dedit illis auctoritatem docen-  
di & instruendi. Unde apud Lucam mittens eos, dicit: Qui vos audit, me audit: & qui  
vos spernit, me spernit. Apud Mattheum vero inquit: Euntes, docete omnes gentes.  
Et alibi ad populum: Omnia quæcunque dixerint vobis, servate & facite: de scribis lo-  
quens. Taceo illud quod est omnibus majus: Quæcunque ligaveritis, & reliqua. Namque id  
quoque, solis sacerdotibus dictum reperitur. Voluit enim Christus ostendere: quia sicut in  
veteri testamento sacerdotum fuit suprema potestas, sic etiam in novo servari deberet:  
ideoque non inepte Apostolus Paulus magistrum se gentium vocitat. Nec existimè aliquis  
id tunc illis tantum fuisse dictum, qui perfecti erant, & quorum lux omnibus lucebat. Nam-  
que & successoribus dicebatur, quicquid apostolis & discipulis dicebatur, quod authorita-  
tem sonaret: sicut Ambrosius super verbo: Pisce oves meas: & Augustinus de verbo: Tibi  
dabo claves, quos supra retulimus. Clarius tamen ad Ephesios Paulus: Et ipse dedit (inquit)  
quosdam quidem apostolos, quosdam autem prophetas, alios vero Evangelistas, alios  
autem pastores & doctores ad consummationem sanctorum in opus ministerii, in edifica-  
tionem

C. 6. 39. dlt.

An papa pos-  
sit per Concl-  
lium deponi.Papa verius  
dicitur vica-  
rius ecclesiæ,  
quàm Christi.Duplex ec-  
clesia.  
Cur soli cle-  
rici Concilia  
gerant.

Ephes. 4.

tionem corporis Christi, donec occurramus in unitate fidei omnes, & agnitionis filii in virum perfectum, in mensuram ætatis plenitudinis Christi, ut jam non simus sicut pavi fluctuantes, & circumferamur omni vento doctrinae, in nequitia hominum, in astu ad circumventionem erroris. Quibus in verbis ostendit Paulus, Jesum Christum supernam petentem, ecclesiae suae voluisse consulere, ne in viam erroris declinaret, per nequitiam minum sequenda: constituisseque directorem quoddam, ad quod foret in dubiis casibus currendum, idque ex sacerdotibus ordinasse apostolis, prophetis, evangelistis, pastoribus doctoribus: nec eos solum qui tunc erant, sed eorum etiam successores, quando dicitur. Donec occurramus ei, id est in fine seculi. Unde apud Matthæum dicitur: Ego vobiscum sum usque ad consummationem seculi. Et Augustinus super Matthæum, dum subiungit: Tibi dabo claves, &c. Dicit, per illa verba datam esse iudiciariam potestatem, non solum Petro, sed toti ecclesiae in episcopis & presbyteris. Sciendum est enim (ut Clementis epistola mens asserit in epistola supradicta) episcopos vicem apostolorum gerere, & reliquorum discipulorum vicem tenere presbyteros: sic enim prædicasse Petrum, qui à domino dixerat, ait: Unde apparet ecclesiae potestatem omnimodam in sacerdotibus consistere, rumque determinationi, & mandatis ex jussu domini omnes homines teneri parere, quia eo sit dictum: Omnia quaecunque dixerint vobis, facite. Quibus ex verbis, illud non consequens videtur, ut sicut universalis ecclesia, quæ omnes complectitur, nequit errare, sic etiam errore omni careat, quæ solos continet clericos, quoniam si illa teneretur huic auctoritate atque obedire, sequeretur, ut hac errante illa erraret, quod tamen nequaquam admittimus. Dicimus ergo universali ecclesiae, quæ omnes Christi fideles amplectitur, potestatem omnimodam fore concessam, Romanumque pontificem illi subiectum, posse ipsam non bene regentem deponi, abjici, excommunicari. Rursus adjicimus, quia quæcumque illa universalis ecclesia potest, hæc etiam clericorum potest, & in hac potestatis supremum exercitium inveniri. Et cum illa ab hac dirigatur, illuminetur, pascatur, nephas est dicere hanc fore errori subiectam. Tunc enim non bene providisset ecclesiae sponsa: Jesus Christus, nec utiam directorem instituisset, quod est omnino absurdum: veritasque manet, quia clericorum ecclesia, errori nequaquam subijcitur. Ipsi autem clerici soli habent in Conciliis judicare: quoniam in eis est (ut supra diximus) clavis scientiæ, & ad eos solum datur docere populum, & sedere in cathedra Moysi. Iterum quoque sciendum est, quoniam sacerdotes per orbem dispersi, non statuunt Canones, nec judicant, nisi quilibet plebs suam: tuncque Papa omnibus major est, & ipse est sacerdos, qui ministrat coram domino in eoque plenitudo potestatis existit. Ubi vero in spiritu sancto congregantur episcopi sacerdotes, Concilium celebrantes: licet non omnes assint, quia tamen legitime vocata facta est, jam non in Papa, sed in Concilio plenitudo potestatis consistit, statimque ut incipit Concilium esse, incipit Papa superiorem habere. Nec scio quando ex plenitudo potestatis possit (stante Concilio) quicquam statuere, cum jam cesset in eo ipsa plenitudo. Sed (ut in proposito maneamus) illud omnino concludimus, quia quod ecclesie universae permixtum est, id quoque ecclesie clericorum permittitur. Et quod permittitur ecclesie clericorum, id etiam generale Concilium habet commissum sibi. Quo fit, ut si universalis ecclesia, prout nemo potest negare, Romanum pontificem deponere potest, generale quoque Concilium potest.

Matthæus.  
Augustinus.

Clementis  
epistola.

Concilium  
deponit  
pontificem.

Soli clerici in  
Conciliis ju-  
dicant.

Convocato  
Concilio, Pa-  
pa incipit su-  
periores ha-  
bere, & cessat  
in eo plenitu-  
do potestatis.

Synodus Cen-  
stantinopoli-  
tana.

Johannes  
xxiii per Con-  
cilium depo-  
situs, non pro-  
pter hæresim,  
sed vitam  
scandalosam.

Possimus hanc sententiam evidentioribus firmare testimoniis. Glossa est quam suis scriptis mirifice Panormitanus extollit, cujus sententia est: generale Concilium iudicem Papæ, in omnibus casibus, in quibus ille potest judicare, sed est Canon synodus Constantinopolitana, octava illius magnæ & memorabilis: & quam Gregorius in quatuor venerari se more quatuor Evangeliorum, dicit: in hæc verba: Porro, si synodus universalis fuerit congregata, & facta fuerit de sancta Romanorum ecclesia quæ ambiguitas, & controversia, oportet venerabiliter, & cum convenienti reverentia de posita questione sciscitari, & solutionem accipere: non tamen audacter sententiam ferre contra senioris Romæ summos pontifices. Ecce ut sacrum illud Concilium Constantinopolitanum, & ab omnibus approbatum, seniores Romæ pontifices iudicio synodali supponit, nec aliquid moveat, quia non exprimitur depositio, dicitur enim quæ ambiguitas. Si enim de quavis ambiguitate cognoscit synodus, ergo videbitur utrum Papa deponendus, quia id etiam potest in ambiguitate venire. At ne longius exemplum petamus, Johannes XXIII. quem & major Christianæ religionis pars, & ipsa Constantinensis synodus pro Romano pontifice venerata est, per Concilium a pontificio eiecit fuit. Nec huiusmodi in eo condemnata est ulla, sed quoniam scandalizabat ecclesias aliis criminibus, facta synodus eum Papam abdicandum censuit: perpetuis exinde temporibus exemplo proficiens, ut cessaret illorum opinio, qui tantum hæresim facere locum depositioni arbitrantur. Unum tamen hic non est omittendum, quod quidam, & boni (ut mihi videntur,



docti, ut reputantur) disputando solent tueri. Adserunt enim generalia Concilia nullius esse penitus efficacia; nulliusque omnino momenti, nisi Romanus pontifex illa indixerit, ejusque auctoritas perseveraverit in eisdem. Unde Paschasius Scitiensem episcopum, & sanctissimi Leonis papæ nuntium, in magna synodo Chalcedonenſi increpasse aiunt Dioscorum, quod ausus esset facere sine auctoritate sedis apostolicæ Concilium in Epheso, quod nunquam rite factum est, neque fieri licuit. In omnibus namque synodus apocryphari apostolici, decretas sententias, primo propter summam auctoritatem ejusdem sanctæ sedis confirmabant & subscribebant: quia aliter nullum habebant robur, ut credit Isidorus. Adducunt & aliud ejusdem synodi Chalcedonenſis testimonium: ubi cum facta esset mentio Ephesini Concilii, omnes episcopi clamaverunt, illud Concilium dicere non debemus: quoniam nec apostolica auctoritate coactum est, neque rite peractum. Ex quibus auctoritatibus mirum in modum se putant armatos, qui fieri sine consensu papæ Concilia negant. Quorum sententia, si (ut ipsi volunt) inviolata persistat, ruinam secum ecclesiæ trahit. Quid enim remedium erit, si criminosus papa perturbet ecclesiam, si animas perdat, si pervertat exemplo malo populos, si denique contraria fidei prædicet, hæreticisq; dogmatibus imbuat subditos? Nul- lumne hic parabimus obstaculum? sinemus ne cum ipso cuncta ruere? Quis est, qui existimet Romanum pontificem ad sui emendationem Concilium congregare? nempe, ut peccant homines, sic etiam impune peccare volunt. At ego dum veteres lego historias, dum actus perspicio apostolorum, hunc equidem usum non invenio, ut soli papæ Concilia congregave- rint. Primumq; omnium Conciliorum, ubi Matthias substitutus est Judæ, non iussu Petri, sed iussu Christi congregatum invenio: qui apostolis præcepit, ne ab Hierosolymis discede- rent, sed promissionem patris expectarent. Secundum, de electione diaconorum, non solus Petrus, sed & duodecim apostoli congregarunt, quia scriptum est: Convocantes duodecim multitudinem. Tertium, de sublatione circuncisionis, & aliorum legalium communis inspi- ratio congregavit: scribitur enim: Conveniunt apostoli & seniores. Quartum vero, ubi quadam legalia permissa sunt, videtur per Jacobum fratrem domini coadunatum, & sic discurrendo per omnia, nihil in primitiva ecclesia reperiretur, per quod auctoritas hæc con- gregandi Concilia solis Romanis pontificibus pateat. Nec post, tempore magni Constantini, & aliorum Augustorum ad congreganda Concilia, quæ situs est magnopere Romani assensus papæ, ideoque Chalcedonenſis synodus sic de se ait: Sancta & magna universalis synodus, quæ secundum gratiam dei, & sanctiones piissimorum, Christianissimorumq; Imperatorum, Valentiniani & Martiani Augustorum congregata est apud Chalcedoneam metropolim Bi- thyniæ provincie: nec de Romano pontifice efficit synodus mentionem, quamvis ejus illic consensus fuerit. In hac re tamen distinguendum putarem, nec absolute negarem papæ consensum necessariū, nec absolute requirerem: imò nunquam eo volente refutarem: di- cerem tamen quia ad congreganda Concilia requirendus sit papæ consensus, nec summa il- lius sedis auctoritas, & dignitas videatur contemni. Si tamen ille resistat, congregarique Concilium omnino nolit, & major pars prælatorum judicet necessariū esse Concilium, etiam si papa nolit, Concilium congregari posse putabo. Eoque modo intelligi verba Con- cilii Chalcedonen. Dioscurus enim Concilium in Epheso congregans, apostolicam sedem contempserat, quod nullatenus licuit. Præterea si aliqui prælati (invito papa) vellent Concilium facere, existimo habendum respectum ad summam sedis apostolicæ dignitatem, ut non sit ei paucorum prælatorum judicium antepotendum. Ubi vero communiter inspi- ratio est prælatorum, unius hominis judicium cedit oportet, etiam si Petri successor existat. Nec illud video semper observatum, ut sine auctoritate papæ Concilium non sit habitum. Nec enim Pisianum Concilium papæ alicujus auctoritate aut consensu congregatum fuit, cum & Gregorius illud abominaretur, & Benedictus execraretur. Idem quoq; de Constan- tienſi Concilio dici potest, quod auctoritate Johannis convenit, qui quantum ad Hispanos, papa non fuit. Et si Pisianum Concilium verum non fuit Concilium, Johannes papa verus non fuit: unde etiam consensus ejus ad congregandum Constantienſe Concilium nihil ope- ratum fuisset. Sed dicunt aliqui, quia Cardinales fuerunt Pisius, qui pars sunt apostolicæ sedis, etiam auctoritatem fuisse apostolicam: quod quàm verum sit, facile potest percipi: quia plures est solus papa, quàm omnes Cardinales. Ille est enim vicarius Christi, illeque Petri successor, non Cardinales, in illoque plenitudo residet potestatis, & ad eum ligare & solvere pertinet: utcunque est, mihi non consonat, idcirco negari Concilium, si papa, quo- tiescunque papa dissentit, nisi ejus præsertim sit auctoritas. Cur enim in generali Concilio alia exigitur potestas, in quo est præstans divina majestas. Illud autem plus quàm fatuum est dicere, ut postquam semel consensus papæ fuerit, si revocetur, cessare Concilium: quo- niam non est amplius arbitrii papæ revocare consensum. Necessariumque habet Concilio parere, cujus ipse pars, majori parti cedere habet. Et si se à consensu majoris partis segre- gat, ab unitate ecclesiæ recedens, schismaticum sese facit.

An sine aucto-  
ritate pontifi-  
cis Rom. Con-  
cilia possint  
congregari.

Isidorus.

Errant qui so-  
lum papam  
putant Con-  
cilium consti-  
tuere debere.  
Vide quare  
nolint Conci-  
lia pontifices.  
Primum Con-  
cilium aposto-  
lorum.

Secundum.

Tertium.

Quartum.

Invito papa,  
si major pars  
prælatorum  
consentiat,  
indici Conci-  
lium potest.

Pisianum Con-  
cilium, invito  
papa congre-  
gatum.

Insolubile ar-  
gumentum  
contra Euge-  
nium.  
Papa quomodo  
schismaticus.

An papa pos-  
set rem inferre  
invito Con-  
cilio.  
Quod prohi-  
dolor experi-  
entia jam se-  
pe docti su-  
mus.

Nota.

**L**ongius forsitan (quàm res exposceret) videor esse digressus, multaque præter inten-  
tionem contuississe: sit tamen sapius, ut verbum ex verbo fluat. At si recte pen-  
sitemus, nihil est ab re dictum: omnia namque eo tendunt, ut Romanum pontificem ge-  
nerali Concilio subijciant, quod prima conclusio Theologorum habuit. Quæ quoniam ex  
superioribus dictis satis explicata videtur, jam tempus est, ut ad secundam vela tendamus:  
quam primis adhuc spirantibus ventis, facile abfolvemus. Namque si verum est, ut est,  
Papam subesse Concilio, quo pacto poterit ipse Papa invitum Concilium dissolvere, mu-  
tare aut transferre? Quoque vultu dicemus, quia jus habeat in suum superiorem, qui est in-  
ferior? Quomodo corrigere Papam sancta synodus poterit: si solvi synodus vel invita per  
Papam potest? sit Papa libidini serviens, sit auri & pecuniæ cupidus, sit bellorum ac tumult-  
uum avidus, sit hostis ecclesiæ & Christiano infestissimus nomini, quo pacto illum redar-  
guere Concilium poterit, si illi facultas pateat dissolvendi? nempe, ut agi de sua correptione  
in Concilio Romanus pontifex audiet, mox ad dissolutionis remedium properabit.  
Quoniam sicut pulchre Macrobius inquit: Cui plus licet quàm par est, plus vult quàm li-  
cet: at si dissolvendo vel transferendo potest se Romanus pontifex à correptione Conci-  
lii eximere, jam sequitur, ut supra eum Concilium non sit, aut igitur negandum est quod  
supra probavimus, Papam subesse Concilio, aut dissolvere invitum Concilium negandum  
est Papæ. Namque ut vera est prima conclusio, sic utique falsæ sunt quæ illam impedi-  
re possunt omnes conclusiones. Maneat igitur & secunda conclusio Theologorum: quæ  
licet aliqui in certis admitant casibus, in certis excludant. Ego illam ubiq; recipio, nec un-  
quam, aut ullo pacto dissolutionem Concilii Papæ concedo, nisi etiam concedat Conci-  
lium: habeat Papa quascunque causas, quascunque rationes, omnia cassâ, omnia vana sunt  
nolente Concilio. Namque si causæ dissolvendæ sunt, non Papa de illis, sed Concilium  
judicabit ejusque, non Papæ judicio stabit. Namque si admittimus ex certis causis, invi-  
tum Concilium posse Papam dissolvere, id est Papam judicem Concilii facere, quod esset  
primæ conclusioni omnino contrarium.

**E**x duobus quæ supra proposui declarandis, alterum jam est absolutum, alterum è ve-  
stigio trutinabimus: probatum namque est, & Concilium supra Romanos esse pon-  
tifices, & ab eis invitum non posse dissolvi. Videndum est modo, an ita credere ex fide  
sit, quæ res tertiam intuetur conclusionem. Fuerunt autem plurimi, qui licet conclusiones  
has duas faterentur veras: dubitare tamen se dicerent, an id esset fidei catholicæ veritas.  
Est igitur nobis secunda pars confirmanda, videndumque est, an ex fide sit, Papam sub-  
esse Concilio, quo probato, ex fide etiam esse patebit: quia Papa non potest invitum Con-  
cilium dissolvere, quæ consequentiam nemo ex disputantibus refutavit. Quærendum ergo  
in primis est, quid ipsa fides sit, ut sic facilius, quid ad eam pertineat cognoscamus. Atq; ut  
Tullianam prætereamus definitionem, qui ait, fidem esse dictorum, conventorumque con-  
stantiam & veritatem, atque ideo fidem appellari, quod fiat quod dictum est: nihil enim de  
vero deo sensit. Fides (ut Theologi definiunt) est firma ad hæc rebus creditis ex authorita-  
te dicentis. Si igitur credimus (ut supra est dictum) Romanum Papam subesse Concilio,  
certe aliqua nos autoritas ad id credendum impellit, siquæ fides illius est, qui hoc credit, sed  
non quærimus utrum ex fide tantum, sed utrum ex fide catholica sit. Rursus ergo quæren-  
dum est, quid sit fides catholica. Estque catholica Græcum verbum, quod latine universale  
significat. Catholica igitur fides, id est universalis fides: nec ideo dicitur universalis, quod  
universi eam habeant, sed quod universi habere eam tenentur. Nec enim incarnatum deum  
omnes credunt, credere tamen omnibus est debitum. Nec ideo definit fides nostra esse ca-  
tholica, licet quamplurimi adversentur eidem. Quid enim (inquit Apostolus ad Romanos)  
si quidam illorum non crediderunt? nunquid incredulitas ipsorum, fidem dei evacuavit? ab-  
sit. Est autem deus verax, omnis homo mendax. Credere igitur Papam subesse Concilio  
non minus erit fidei catholica, quamvis aliqui aliter sentiant. Id enim credere omnes astrin-  
gimur, siquidem ex codice Evangelico sumitur. Namque non solum quæ in symbolo sunt  
annotata nos ligant, sed omnia quoque quæ sacris continentur scripturis, & maxime in  
evangelio, & Paulo, ex quibus nec unum apicem negare nobis permittitur. At ea quæ dici-  
mus de superioritate Concilii generalis, ex dictis Christi Jesu nostri redemptoris atque  
ex magistri gentium epistolis colliguntur. Ergo ad credendum omnes astringunt. Quod  
autem ista ex evangelio recipiantur, testimonio, est Constantiense Concilium, quod au-  
thoritatem suam super illis verbis: Dic ecclesiæ, &: ubi duo vel tres, &: quæcunq; ligave-  
ritis, & hujusmodi, fundatam vult. Cæterum si hæc ab Evangelio descendit veritas, utique  
catholica fidei veritas est, omnesque sub pœna damnationis æternæ obligatos facit. Plus  
etiam (si licet) dico: Omnia equidem quæ generale Concilium definit, sub simili pœna  
tenemur credere, idq; pulcherrime videtur Augustinus astruere. Ait enim, quod Evangelio  
non crederet, nisi autoritas ecclesiæ se commoveret. Ecclesiæ namque pro Concilio nomi-  
navit:

Fides quid.

Fides catho-  
lica quid sit.

Roman. 3.

Augustinus.

navit : nec enim ecclesia ubique diffusa, sed in Concilio congregata de receptione Evangeliorum statuit. Eoque fit, ut quemadmodum strinxit nos Concilium ad credulitatem illorum, sic & alia nobis credenda offerre possit. Unde Martinus quartus, dum adhuc Constantiæ degeret, sacro approbante Concilio, literas sub plumbea bulla emisit, quæ articulos enumerat, super quibus interrogari deberent, qui in suspensionem hæresis incidissent, inter quos etiam illum ponit, an credat sacrum generale Concilium potestatem habere immediate à deo, ejusque ordinationes ab omnibus Christi fidelibus esse recipiendas, quod si negaret, hæreticus haberetur. Quare cum Sancta & magna Constantiensis synodus veritatem illam prædicaverit, de superioritate Concilii generalis : quid obstat quo minus hanc esse veritatem catholicæ fidei fateamur ? Ecclesia quippe catholica, Constantiæ congregata, illam fidem recepit, id est sic credidit ex autoritate dicentis, scilicet Christi & aliorum sanctorum. Ad hoc etiam perpulchre faciunt verba synodi Chalcedonensis in hunc modum : Non licet illum, qui condemnatus est ab omni synodo episcopum nominare, definitio omnibus placet, hæc fides patrum est, qui præter ista sapit, hæreticus est. Et iterum regula est, ut ab electa synodo non liceat appellare : hæc est fides patrum, qui præter ista sapit, hæreticus est. En amplissimum mæxæ & sanctissimæ synodi testimonium, hæreticum dicit, qui aliter sapit quam Concilium sapiat. At hæreticus nemo est, nisi qui catholicam fidem respuit, ergo catholica fides fuit, credere, quod ab electa synodo non liceat appellare. Verum quo pacto id fidei erat catholica ? nempe, quia sancta synodus Evangelica, & sacra scripta pervolvens, eandem conclusionem ex verbis Christi, aliorumque sanctorum patrum recepit. At sicut illud Chalcedonensis synodus, ex sacra scriptura resumpsit : sic hoc quod disputamus Constantiense Concilium excerptis. Et sicut illud catholicæ fidei est, sic etiam istud, & præter utrumque sentiens hæreticus est. Delirare illi præterea mihi videntur, qui has veritates falsi, veritates fidei non fatentur. Namque si veritates sunt, unde obsecro veritates sunt, nempe non ex grammatico, minusque ex logico aut astronomico, à physico quoque aliena hæc sunt. Nec alius mihi quam theologus veritatem fatebitur istam, cui necessitate sacra scriptura imponit : qui nec Christo incredulus, nec apostolo rebellis erit. Est igitur ex fide catholica hæc veritas, eamque omnes amplecti debent, cui quis resistit pertinaciter, hæreticus, ut tertia conclusio asserit, censendus est. Nec durum alicui videatur hæreticum dici, qui generalis Concilii potestati derogat : quæ tam multis testimoniis, autoritatibusque firmatur, cum etiam hæreticus habeatur, qui Romanæ ecclesiæ primatum aufert : qui unus est ex Græcorum damnatis erroribus. Refert etiam noster Panormitanus Hieronymum dicentem quia qui aliter scripturam intelligit, quam spiritus sancti sensus efflagitat, licet ab ecclesia non recesserit, tamen hæreticus appellari potest. Ex quo sequitur, ut qui ex verbis Christi, cum ait Petro : Dic ecclesiæ, non intelligit per ecclesiam generale Concilium, aliter intelligit quam spiritus sancti sensus exposcit, sicque possit hæreticus notari. Quod autem sensus spiritus sancti alius sit, quam ille paret, Constantiensis declarat synodus, quæ per spiritum sanctum directæ, verba illa, Dic ecclesiæ, de Concilio generali est interpretata. Hisce igitur, & aliis majoribus rationibus admodum multis, visæ Theologis sunt tres supradictæ conclusiones veræ, & per ipsas etiam reliquas approbarunt, studio maxime, ac diligentia fratris Nicolai Gallici, ex ordine Prædicatorum, viri & ingenio, & sollicitudine admodum præstantis : cui nimirum hujusce rei expeditionem attribuo, quem si quis (ut supra diximus) videat, nequaquam tanti efficiat. Sed pretiosiora nonnunquam sunt parvi corporis vascula, ut lapilli, gemmæque testantur, & illo de quo apud Statium : Major in exiguo regnabat corpore virtus.

Concilium  
Constantiense.

Chalcedonensis  
synodi verba,  
quibus  
hæreticus,  
quisquis aliter  
sapit quam  
concilium.

Noratur Pa.  
normitanus  
stringitur que  
pu clare ex  
proprio sup-  
posito.

Dic ecclesiæ,  
id est Concilio  
generali. Nico-  
laus Gallicus.

Aeneas profe-  
quitur histori-  
am Concilii.

Georgius Vi-  
centis epis-  
copus. Amodeus  
Lugdunensis  
episcopus.  
\* alias deputa-  
tionem.

Satisfactum jam arbitror (quantum ingenioli mei suppetunt vires) his quæ promissimus, nec aliquem modo existimo de tribus primis conclusionibus addubitare. Nunc ad historiam repedandum est, quæve post conclusiones Theologorum intercesserint, referre est animus. Sunt enim plurima digna relatu, & quæ posteris forsitan aliquando proderunt. Ut igitur res est à Theologis comprobata, examen deputationum successit, quarum tres sine magno negotio cum Theologis consenserunt. Quarta vero cum de communibus nomen est, admissis tribus primis conclusionibus, de reliquis titubare videbatur : obexque ibi maximus erat Georgius Vicentis episcopus, cui noviter ex Moguntia redeunti, qui nec in disputatione capitulari fuerat, persuaderi non poterat, absque nova vocatione Eugenium declarari posse hæreticum, favebatque sibi plurimum Amodeus Lugdunensis Archiepiscopus, non quod ita sentiret. Palam namque in disputatione capitulari Eugenium hæreticum, atque relapsum prædicaverat, sed quia timebat \* depositionem Papæ nimum festinare. Erantque illa in deputatione complures, qui non modo nunc, sed semper Eugenii partibus fauerant, hæc deputatio, ne secundum veterem Concilii consuetudinem, à tribus deputationibus concluderetur, omnem deliberationem suspendit.

Plus

Plus enim suspendendo, quàm denegando præstabat impedimenti, remque sic ad longum trahebat. Ea de causa missi sunt aliarum deputationum nuntii, quorum hortatu deputatio de communibus suspensionem super tribus conclusionibus revocavit. Iamque aderat, (ut veteribus placuit) Veneri sacratissimus dies, in quo solet ex consuetudine generalis congregatio haberi, fierique conclusio negotiorum extrema. Interim tamen Mediolanensis & Panormitanus archipontifices, quique cum eis vel regis Arragonum vel ducis Mediolani coaratores erant, magnopere ad impediendum se armabant: omnesque suæ partis homines hortabantur, ut præsentis, fortique animo resisterent, aliosque qui pestem in municipiis fugerant missi nunciis ac literis, revocabant. Vocatus est cardinalis Terraconensis, qui tunc Solodori moram trahebat. Vocatus est Lodovicus protonotarius de Roma, qui balnea petierat non tantum valetudinis causa, quantum ne contra mentem suam tueri Eugenium cogeretur, vocati sunt alii complures episcopi Arragonum, qui omnes pridie quàm fieret congregatio, remearant, præter Cardinalem, qui post congregationem rediit. Ut igitur ad generalem deventum est concionem, è vestigio principum Oratores affuerunt, & quasi facta conspiratione in unam sententiam consonarunt, conclusionem pro viribus impedituri. Primus igitur Burgenfis episcopus, inter omnes consilio & facundia præstans, differri conclusionem, expectarique alios principum Oratores, ex Moguntia propediem redituros suadebat. Post eum Panormitanus archipræsul, vir summo ingenio & scientiæ copia præditus, primusque inter sui regis Oratores huiusmodi fere orationem exorsus est.

Mediolanensis,  
Panormitanus.

Cardinalis  
Terraconensis  
Lodovicus protonotarius.

Burgenfis episcopus.

Panormitani  
oratio.

Postulantibus  
quatuor sunt  
consideranda.

Tria Synodo-  
rum genera.

**P**Ræceptum se (inquit) à prophetis habere sine intermissione clamandi, qui aiunt: Clama, ne cesses, quasi tuba exalta vocem tuam. Quod si unquam in re quapiam fui clamandum: hæc præcipue quæ in manibus esset, clamore indigeret, & vociferatione, cum ageretur de statu universalis ecclesiæ, aut præservando, aut penitus prosternendo: se vero in ea re tantum clamasse, ut minime dubitaret, impletum à se illud Davidicum fore, quo ait: Laboravi clamans, raucae factæ sunt fauces meæ. Velle tamen & nunc, & quoties opus ingrueret, sine ulla requie clamitare, & maxime modo in negotio perdifficili, & omnium maximo, in quo petebat sacrum Concilium sibi & aliis principum Oratoribus benignas præbere aures: Addens in omni re, quæ ab aliquo postulatur, quatuor esse consideranda, quæ nunc quoque rogabat patres, ut animadverterent, quis peteret, quid peteretur, cur peteretur, & qui demum effectus ex petito denegato, vel concessio proveniret. Ad primum dicebat, clarissimos reges, & potentissimos principes cum suis prælatis esse potentes: Regem Castellæ, regem Arragonum, ducem Mediolani, eorundemque principum episcopos, meritaque tam regum prælatorum, quàm ducis Mediolani, erga ecclesiam numerabat. Nec continere se potuit, cum de prælatis mentio incidit, quin aliquantisper calesceret, diceretque apud se fore maiorem prælatorum partem. Namque si episcopi & abbates tunc computarentur, nemini dubium esse, quin major pars differri præsentem rem veller. Cumque totius potestas Concilii in episcopis resideret, haud ferendum esse, ut eis ipse quod majori parti inferiorum placeret, id concluderetur. Apostolis namque & eorum successoribus qui episcopi sunt, datas fuisse à domino claves dicebat, triaque Synodorum genera inveniri, Episcopalem, Provincialem, & Generalem, nullamque sine episcopis fieri Synodum, indignumque sibi videri morem hunc præsentis Concilii, ubi non qua quisque dignitate polleret, sed quàm multas haberet secum voces, pensitaretur, Episcopos tamen juxta famolam Clementis epistolam columnas esse, & claves coeli, inferiores vero cum eis non decisivam, sed consultivam tantum habere vocem, futurumque hac vice scandalum, si sine episcopis res fieri terminum sumeret. In quo non solum episcopi, sed etiam seculi principes admitti deberent. Et cum ipsi nomine principum suorum cuperent ad examen præsentis rei admitti, vel leque maturius singula cognoscere, haud dignam esse rem quærebat, se contemni. Post multaque in hanc sententiam dicta, ad secundam suæ orationis partem transiit, quid esset quod peteretur exponens. Non aurum aut argentum, non lapides pretiosos, non provincias aut regna, non rem denique factum difficilem, otium tantum sacri Concilii exposci, ut quiescerent patres in processu Papæ, inque conclusionem rerum, quæ agerentur: neque id diu, sed usque ad reditum Oratorum ex Moguntia, quos brevi venturos certo sciret, rem parvam & sine magno rogatu concedendam: tum quia nihil periculi secum ferretur: tum quod ipsi Oratoribus principum Moguntia existensium injuriosum esset non expectari, cum non suas ob commoditates, sed Reipublicæ tantum causa, & pro bono pacis abessent. Nec oblitum se fore, quod ipsis abeuntibus nomine omnium supplicassent, ne quid in eorum absentia, in rebus, Eugenium concernentibus, innovaretur. Moxque tertiam orationis partem subiiciens, quamobrem dilatio peteretur, absolvit, quia non propter privatam alicujus utilitatem, sed propter commune bonum, non ad perturbandam, sed ad rem melius examinandam, ut omnia cum pace & tranquillitate transirent, utque tanto esset res firmitior & stabilior, quanto plurimum foret consensu proba



probatio. Sicque ad ultimum venit rogatus, ut utramque partem sequituros effectus mente conciperent, siue concederent, siue negarent, quod posceretur. Etenim si negabitis (inquit) petitiunculam principum, omnes indignabuntur, omnes hanc repulsam molestissime ferent, dicent, in re parva à vestro cœtu se fore spretos: non obediet vobis, non recipient vestra mandata, frustra leges efficietis, nisi principes exequantur, in vanumque omnes editiones vestras transibunt, tolerandumque hoc putarem, nisi etiam maiora timerem. Quid enim si illi Eugenio se conjungant, qui non solum vestra beneficia, sed vitam quoque vobis eripere cupit? Heu quas strages, quales occisiones oculi mentis intuentur meæ? Utinam vana sit opinio mea. At si facilem petitionibus principum assensum præstabis, obligatos se vobis illi existimabunt, præcepta vestra recipient: quicquid ab eis petieritis, obtinebitur: aduersarium vestrum relinquent, illum vituperabunt, illum abominabuntur: vos extollent, vos magnificient, vobis se totos dabunt, sequeturque optimus ille, quem queritis, fructus reformationis, & tranquillitatis ecclesiæ. Sicque omnibus ex capitibus rogabat superfederi. Tandem vero, nisi exaudirentur principum Oratores, habere se (inquit) scriptam protestationem, quam legi coram iuberet.

**F**initis Panormitani verbis, Ludovicus Romanus protonotarius, totius humani juris gnarus affurrexit, cuius tanta memoria fuit, ut nulli veterum cedere putaretur, siue Simonidem, siue Theodectem, siue illum, qui à Pyrrho missus ad senatum venit, Cyneam, siue Cameadem Seriphium, Metrodorum, Hortensium, siue qui horum ultimus fuit, Lucium Senecam, de diuinitate memoria commendemus. Erat etiam memor omnium, quæ ipse unquam aut legisset, aut audisset, nec oblitus erat eorum aliquid, quæ ipse vidisset. Nec ut cæteri iurisperiti principia legum in disputando allegabat, sed quasi codicem legeret, sic textum memoriter referebat. Vir non Roma tantum, sed cœlo dignus. Et cui nemo mortalium comparandus videretur: non admirationi, sed stupori futurus omnibus populis, si (ut æquum videbatur) ætatis tempora duplicasset. Sed invidit fortuna Italiæ, nec tantum scientiarum lumen crescere passa est. Immisit pestiferum morbum, virumque vix trigessimum egressum ætatis annum abstulit. Nec plus horis sex & triginta, finit ægrotare, visusque non transitus ille hominis, sed furtum. Quis enim virum adeo juvenem, adeo robustum, tam brevi morula expirare putasset? Sed fuit mors damnosior morte cuiusvis regis, quippe quod regi hæres succedat in regno, viro autem adeo docto nullus superest in literis hæres. Sed dum Cardinali vir bene meritis manet, apud Carthusium tumulatur. Is ergo laudatis Panormitani dictis, venisse se prædixit ex balneis dicebat, rem sibi novam videri, quæ tunc in medium deduceretur. Cupere in ea audire se alios, & audiri ab aliis, sui que principis nomine, interesse discussioni eos, qui Moguntia fuissent expectandos esse, & ad rei examen admittendos, qui & prælati essent magni pretii, & potentissimorum principum Oratores: nec abhorre se quod Panormitanus dixisset, de vocibus inferiorum, nec à veritate sibi alienum videri, solos episcopos decisivam vocem habere in Conciliis. Et licet aliqui suum Achillem in hac disputatione arbitrarentur: quod Actuum quintodecimo scribitur, se tamen nihil exinde moveri, nec momentum in eo facere quamvis dicatur, Visum est spiritui sancto, & nobis, ubi & apostoli, & seniores, fuerunt: per quod videtur alios cum apostolis habuisse vocem decidentem. Dicebat enim non esse argumentum ex gestis apostolorum sumendum, quorum exempla miranda essent, magis quam imitanda, nec ibi patere quod apostoli vocassent seniores ex debito, solumque narrari eos interfuisse, ex quo nihil inferretur: videri autem sibi inferiores in Basiliensi Concilio tantum ex gratia fore ad decidendum admissos cum episcopis: quia potuissent episcopi auctoritatem suam aliis communicare: in his tamen quæ gratiæ forent uno contradicente, nihil fieri posse. Adducebatque virum maxime auctoritatis Caneum, episcopum in testem, qui nullam incorporationem inferioris populi æquo animo sustinisset, ideoque nec alios inferiores, nec seipsum qui nondum esset prælatus, vocem habere decidentem in Concilio. Quare cum esset res magna, quæ tractaretur, & prælati tunc contradicerent, rogabat Concilium, ut Oratores principum ex Moguntia expectando, faceret de necessitate virtutem. Fuit ejus oratio eo molestior, quo plures erant suis contracti verbis, maximeque in eo sibi est adclamatum, quod dixerat apostolos non esse imitandos: id enim quasi blasphemiam omnes impugnaverunt. Mirari tamen hic aliquis possit, quod vir tantus, & tanta scientia fretus, non plura dixerit, nec adduxerit meliora: sed est ignoscendum memoriæ hominis, qui nec libens, nec lætus in hac re loquebatur, quique nihil magis cuperet, quam quod peteret, non impetrare. Cathamenensis exinde, ac Bosianus episcopi, qui & ipsi regii Oratores erant, paucis habitis verbis in sententiam Panormitani declinarunt. Vicem autem magni & potentissimi ducis Mediolani solus tunc archiepiscopus Mediolanensis gerebat, vir literis, & consilio promptus. Albiganensis enim episcopus & Franciscus Bavaria nondum ex Moguntia repedaverant. Is ergo ut est Hieronymianus, & illius facundissimus

Ludovici Romani protonotarii laus.

Deploretur immaturam Ludovici mortem.

Cavillatio Romanensis.

Nec immerito. Ludovicus nec multa, nec valde bona adduxit, nimium cum ex malo corio nemo bonos confluere queat calceos.



diffimi doctoris imitator) adductis magistris sui plerisque autoritatibus, superfederi magnopere suadebat, omnem præcipationem inimicam consilio, omnemque festinantiam detestatur, maximeque vultu & gestibus rem præsentem abominari se ostendebat: tandemque nisi exaudiretur, & suo, & provincialium suorum nomine protestari in adversum se dixit, Mox secuti sunt Dertusensis & Gerundensis episcopi, ac Segobricensis electus abbas montis Arragonum, & nonnulli alij ejusdem dignitatis homines, Panormitani sententiam comprobaverunt. Parmensis vero episcopus ad Mediolan. accessit. Eleemosynarius quoque, qui postea Basiliensem fugiens pestem, Zofingen confagit, ibique in oppido Zuitzerorum intra Lucernam & Basileam obiit, vir in omni hominum numero recipiendus, & Martinus Devera doctus & constans, ambo regis Arragonum Oratores, Collegæ sui Panormitani dictis se confirmarunt. Tunc alii Arragonenses & Cathelani ferè omnes, quisque pro se loqui volentes (facta præfatiuncula) regis se sui votis annuere dicebant. Videbaturque res astutia præordinata, ut vel sic tempus redimerent, conclusionemque differrent.

Attende.

Ludovicus cardinalis Arelaten-  
sis.

**U**BI autem complures sunt auditi, & Cathalanorum longus ordo finivit, Ludovicus Cardinalis Arelatenfis, vir omnium constantissimus, & ad gubernationem generalium Conciliorum natus, Oratorum omnium qui loquuti fuerant, verba resumplit. Versusque primitus ad Castellanos, plurima de ipsorum erga sacrum Concilium devotione disseruit, similiterque de Cathalanis ac Lombardis. Post rem ingressus, negotium (inquit) istud reverendissimi patres, novum non est, nec hodie, aut pridie inchoatum. Jam plures hebdomadæ sunt, quibus Conclusiones hujusmodi inter magistros disputatæ, & Moguntiam aliasque in orbis partes destinatæ sunt. Post in Capitulo hujus ecclesiæ iterum sex continuis diebus viritum, & maturè discussæ, ex hinc non sine magno intervallo in sacris deputationibus approbatæ. Et sicut veritas non quaerit angulos, omnia palam & publicè gesta sunt. Nec potest aliquis ignorantiam prætere: nec prælati aut principes contempti sunt, omnes qui aderant Basileæ, vocavimus, omnes ut interessent, sumus hortati. Et quoniam de magno illo, & potentissimo rege Castellæ mentio facta est, Quis est qui nesciat regis ipsius Oratores interfuisse, Burgensem & Ebrunensem episcopos, viros, tum prudentissimos, tum scientiæ atque eloquentiæ copia præstantissimos? Tu quoque Panormitanæ, qui regis Arragonum serenissimi vicem geris, bis in Capitulo affuisti, bis egregie atque acerrime disputasti, bis quod sentires in hac re aperuisti. Quid est, quod amplius expectari desideras? Ex territorio ducis Mediolani, archiepiscopus Mediolanensis affuit, qui licet Orator non sit, qualis tamen quantusque prælatus habeatur, non ignoratis. Cumque ita dixisset, commotus aliquantisper archiepiscopus, haud melius (inquit) præfidentis locum tu tenes Arelatenfis, quam ego Oratoris ducalis. Pluribusque laceffere eum verbis pergebat. At Cardinalis; ut est patientissimus injuriarum, nullaque proorsu contentione provocabilis, Hoc est (ait) quod mox volebam. Namque si Orator est archiepiscopus, nulla omnino superest suo duci querela, qui Oratorem suum in rerum discussione habuit. Taceo de reliquis principibus: quoniam nec ipsi conqueruntur. Rex tamen Christianissimus Francorum Lugdunen. inter disputantes virum maximum & gravissimum habuit. Cæteri vero principes, cur hac in re debeant expectari, non video: qui Concilium ad ea quæ sunt fidei congregatum venientes, nequaquam absurdum putant, dubia fidei in Concilio declarari, ad quæ si voluissent adesse, jamdudum venissent. Quamquam nec illud est omnino verum, quod Panormitanus dicit, seculares principes admitti debere ad rem fidei, si ad decidendum intelligit. Et licet Martianus Imperator dicat: Nos autem ad fidem confirmandam volumus interesse Synodo: quæ verba totiens Panormitanus in medium adducit. Subjungendum tamen est, quod ille subjungit, ut verborum perfectus habeatur intellectus. Ait enim: Nos ad fidem confirmandam, non ad potentiam exercendam volumus Synodo interesse, ut eo vel maxime dicto metum adimeret, iis qui ejus præsentiam violaturam Concilium arbitrabantur. Quod si nostri hodie principes facerent, jam utique res esset quam quaerimus expedita. At moderni aliqui principes, cum nequeant per se minari qui absunt, per Oratores inferunt metum: sed viderit de his deus. Res autem præfens cur tanta discussione indigeat (ut aliqui volunt) non intelligo. Etenim si rite memini, sæpe hoc idem quod Conclusiones sonant, Panormitanus hoc in loco asseruit, sepe etiam Ludovicus. Si quis eorum contradicere pergat, eveniet ei, quod Didymo, quo nemo (ut Quintilianus ait) plura scripsit. Qui cum historiæ cuidam, tanquam vanæ repugnaret, oblatu est liber ejus, qui eam continebat, sic & hi duo viri, quamvis doctissimi atque acutissimi sint, suis tamen scriptis poterunt confutari. Sunt præterea epistolæ Synodales, & decreta hujus Concilii, hujusmodi referre conclusionibus. Quid igitur est, quod queat difficultari? quid est quod impugnari possit? An nunc ponemus in dubium, quod est toties prædicatum, asseveratum, decretum? Verum aiunt Oratores abesse

Notat Panormi-  
tanum &  
Ludovicum.

abesse principum, qui episcopi sunt, & quorum præsentia auctoritatem majorem redderet. Sed absunt, non solum qui Moguntiam perrexerunt, imò & alii penè infiniti, per orbem ubique dispersi, quos si expectare omnes oporteat, nihil unquam poterit expediri. Vocati sunt omnes ad Concilium, venire potuerunt si volebant, qui assunt, iis est commissa potestas, hique tractare negotia debent. At si dicitur, hos reipublicæ causâ abfuisse, nempe nos eos non misimus, potiusque invito quàm volente Concilio, illuc iverunt: quod si etiam à Concilio missi fuissent, non tamen ita ligatæ manus essent nostræ, quin reformare possemus ecclesiam, aliter vero nihil unquam in Concilio fieri posset. Cum enim semper sint per Concilium missi aliqui, semper essent expectandi aliqui, ideoque aut nihil agere deberet, aut nullos extra destinare prælatos. Quod autem prælati, & præsertim episcopi continentantur, id est à vero remotissimum. Namq; ut cernitis, ii primi sedent, primi loquuntur, primi ad omnia vocitantur. Et si scite, veraciterq; loquantur, facile inferiorum omnium ad se trahant sententiam. Nec forsan absolum fuerit dicere, nullam unquam fuisse Synodum quæ magis quàm ista potestatem episcoporum ampliaverit. Etenim quid hodie erant episcopi, nisi umbræ quædam? Quid plus eis restabat, quam baculus & mitra? Nunquid pastores sine ovibus dici poterant, cum nihil in subditos statuere possent? nempe cū esset in ecclesia primitiva episcoporum summa potestas: hodie ad id venerant, ut solo habitu & redditibus superarent presbyteros. At nos eos in statu reposuimus pristino, nos beneficiorū collationem ad eos reduximus, nos eis confirmationem electionum restituimus, nos causas subditorum eisdem reddidimus audiendas, nos eos qui jam non erant episcopi, fecimus episcopos. Quid est quod episcopi ab hac se synodo contemni asserant? Quidve unquam molestum eis, aut injuriosum fecimus? At dicit Panormitanus, quia cum sint plurimi episcopi secum, pauci vero contra, non est à multitudine inferiorum habenda conclusio. Meminerit tamen ipse Panormitanus, quoniam non est novus hic procedendi modus, ordinem procedendi ipsum, sibi Concilium ab initio dedit, nec unquam postea immutavit. Tibique hoc aliis Panormitanæ placuit, cum multitudo te sequeretur: nunc quia non sequitur, displicet. Sed non sunt decreta Conciliorum, ut voluntates hominum mutabilia. Scias præterea, quia illi ipsi episcopi, qui verbo tecum sentiunt, mente non sentiunt, nec illud in angulis dicunt quod publice dicunt. Timent quod eis domi dixisti, displicere se regi, nisi tuam sequerentur sententiam. Timent vim principis, spoliariq; temporalibus dimittant. Neq; (ut in Conciliis fas est) liberam habent vocem: Quanquam & ipsi si veri essent episcopi, si veri animarum pastores fuissent, animam ponere pro suis ovibus, non dubitarent, nec largiri ecclesiæ matri suæ suum sanguinem vererentur. Sed est hodie, proh dolor! larus in terris prælatus, qui temporalia spiritualibus non præponat, quorum amore detenti, principibus magis quàm deo placere student, & deum quidem in angulis, principes vero in publico confitentur, de quibus in Evangelio dominus: Omnis ergo (inquit) qui confitebitur me coram hominibus, confitebor & ego eum coram patre meo, qui in coelis est: & e converso non confitebitur illum coram patre suo dominus, qui veritus est coram hominibus dominum confiteri. Nec etiam id verum est, quod ait Panormitanus, plures episcopos secum fore. Sunt enim plures hic procuratores episcoporum, quos ipse non dinumerat, quia secum non sapiunt. Neque in Concilio (ut ipse ait) dignitas patrum, sed ratio spectanda est: nec aliquid est, quod in singulis rebus spectari magis quàm veritatem conveniat. Nec ego cuiusvis episcopi mendacium, quamvis ditissimi, veritati præponam pauperis presbyteri. Nec designari episcopus debet, si aliquando ignarus & rudis, sequacem non habeat multitudinem. Et si vox inopis sacerdotis, docti tamen & acuti, suæ præponitur: habitat namque sapiens in fido pallio, quàm in pictis vestibus, sapientia. Nec vos rogo episcopi tantopere inferiores contemnite. Primus enim, qui pro Christo obiit, quique viam aliis ad martyrium aperuit, non episcopus, sed tantum levita fuit. Quod vero Ludovicus & ipse Panormitanus astrunt de vocibus episcoporum, id nescio unde habeant, neque id usquam solum invenio: ipsi sibi repererunt, me ut commoneant obscuro. Atque (ut veterum Conciliorum referamus exempla) in omnibus illis interfuisse minores cum episcopis invenimus. Et licet Ludovicus Apostolorum exempla nobis interdiderit, ego illorum potissime in Actibus sisto. Quid enim est quod magis sequi non deceat, quàm ecclesiæ primitivæ doctrinam atque consuetudinem? Dicitur ergo in Actibus apostolorum quinto decimo: Visum est spiritui sancto & nobis, quod verbum nobis, ad eos quippe refertur, qui fuerant antea nominati, apostolos & seniores. Nobis ergo apostolis scilicet & senioribus. Neque hoc verbum (visum est) consultationem illic, sed decisionem significat. Unde apparet alios quàm episcopos habuisse vocem decidentem. Alibi quoque in eisdem Actibus, cum essent Apostoli magnum aliquid tractaturi, nequaquam ausi sunt per se definire, sed vocaverunt duodecim multitudinem. Dicit autem Ludovicus non patere illic, quod Apostoli ex necessitate vocassent alios. At ego ad eum dico, unde tu scis,

Notate, d episcopi, pro vobis certabat Basilienſe Concilium, & noluiſtis intelligere, adhuc in tempore ſapientie. Aperite oculos, episcopos.

Pulchra res eſt Concilii, ſi episcopos metu ceſſent veritatem. Hic erat vere Cardinalis, ex cuius ore veritas loquitur, qui minas principum non timuit, nec terrenæ dignitatis gloriam quaſitit.

O pietas, d vox chriſti- ana!

Stephanus protomartyr.

Anſolvi episcopos vocandi ſunt ad Concilium. Nobis Viſum eſt.

Athanasius  
presbyter, non  
episcopus, ar-  
chiepiscopus  
vicit.

Synodus Chal-  
cedonenfis.

Paulus episc.  
Antiochenus.

Malchion  
presbyter,  
Oratoria arte  
confudit Pau-  
lum haereti-  
cum.

Augustinus,  
Aristoteles  
Theologorum.  
Tibi dabo cla-  
ves regni coe-  
lorum.  
Hieronymus.

presbyteri  
idem qui e-  
piscopi.

Hieronymus.

Paulus.

quia non ex necessitate vocantur: sed cum utrumque incertum sit, nihil prohibet imitari Apo-  
stolos, quia cum omnia ad nostram doctrinam scripta sint, apparet voluisse Apostolos no-  
bis exemplum dare, ut in rebus arduis inferiores admitteremus, ideoque in Conciliis postea  
celebratis, reperimus interfuisse presbyteros. Atque in Concilio Nicæno, quod est omnium  
famosissimum, Athanasius tunc tantummodo presbyter fuit, ipseque ferè solus argumenta-  
tiones disturbavit Arrianas, fuerunt & alii presbyteri. Et cum scribitur de trecentis & duo-  
deviginti episcopis, non tamen negatur de inferioribus, quos ideo puto omisos, quod es-  
sent penè innumerabiles, fitq; (ut scitis) denominatio plerumq; à magis dignis. In Synodo  
vero Chalcedonenfi, quæ & ipsa ex quatuor prioribus censetur, sexcenti sacerdotes fuisse di-  
euntur, quæ appellatio tam presbyteris est, quàm episcopis communis. In aliis vero Con-  
ciliis saepe omisso nomine episcoporum, sacerdotumque, sola fit mentio patrum, qui idem  
significant quod in Actibus Apostolorum seniores. Habemus etiam ecclesiasticæ testimoni-  
um historiæ Romæ adversus Novatianos, qui se superbo nomine Catharos appellabant, Con-  
cilium fuisse congregatum sexaginta episcoporum, & totidem sacerdotum, & aliorum dia-  
conorum. Cumque Paulus Antiochenus episcopus, qui fuit Galieno imperante, Christum  
communis naturæ hominem prædicaret, Concilium adversus eum in Antiochia convenit:  
Ad quod venerunt episcopi ex Cæsaria Cappadociæ, ex Ponto, ex Asia, ex Hierosolymis,  
& multi alii episcopi & presbyteri ac diaconi. Et dicitur propter hoc pluries celebratum es-  
se Concilium, ultimumque in eodem loco Aureliano imperante, ubi Paulus damnatus est  
ab omnibus, quæ sub cælo sunt ecclesiis Christi, nec ullus magis elusit atque confudit Pau-  
lum, quàm Malchion presbyter Antiochenus, qui oratoriam artem in Antiochia docuerat:  
Sed quid ego in hac re diutius immoror? Concilii Toletani quinti, hæc sunt verba: Post in-  
gressum omnium episcoporum atque confessum, vocentur deinde presbyteri, quos causa pro-  
baverit introire, nullus de inter eos ingerat diaconorum, post hos ingrediantur diaconi pro-  
babiles, quos ordo poposcerit interesse, & corona facta de sedibus episcoporum, presbyte-  
ri à tergo eorum resident, quos tamen sessuros secum metropolitanum elegerit, qui utriusque  
& cum eo iudicare vel definire aliquid possunt. Nec aliquis Concilium illud provinciale  
tantum asseveret fuisse. Ipsum enim Concilium de se loquens: Quoniam (inquit) gene-  
rale Concilium agimus: fueruntque ibi episcopi sexaginta ex Hispaniis, Galliisq;. Sed  
movent forsitan Panormitanum & Ludovicum Chalcedonenfis Concilii verba, ubi episco-  
pi de Constantinopolitana quadam congregatione, quæ Flavianum, & quosdam alios de-  
posuerat, dicunt: nam milites magis eos deposuerunt quàm nos, quia quicquid egimus,  
terrore compulsi fecimus, ipsi primi subscripserunt clerici: quare clamant Synodus episco-  
porum est, non clericorum. Quæ verba, si sane intelligantur, inferiores nequaquam  
excludunt. Duo namque ibi queruntur, episcopi: Alterum quod in Constantinopoli  
non erat libertas: alterum quod primi subscripserant clerici, quorum utrumque mali ex-  
empli fuit. Quare nimirum, si illud negatur fuisse Concilium, at dicitur Synodus episco-  
porum, non clericorum: nempe hoc non excludit omnes inferiores, sed eos tantum,  
qui solius primæ tonsuræ sunt clerici, quos etiam nos excludimus, servantes quod Tole-  
tanum præcepit Concilium, duodecim viros ad examen incorporandorum statuentes.  
Præterea non dicitur ibi, quod illa sint verba Concilii, sed episcoporum, quod illic ali-  
qui, ut hic Panormitanus & Ludovicus loquebantur. Sed ne per devia longius pere-  
grinemur, habemus ad tutelam inferiorum, apertissima testimonia. Maximus ille qui-  
dem, & omnium Theologorum Aristoteles, Augustinus episcopus, super literam Mat-  
thæi evangelistæ, dum ait Christum dixisse Petro: Tibi dabo claves regni coelorum. Ni-  
mirum (ait) per illa verba, judicariam potestatem datam esse, non solum Petro, sed aliis  
etiam Apostolis, & toti ecclesiæ in episcopis, & presbyteris. Si ergo judicariam potestatem  
habent presbyteri in ecclesiâ, quid eos prohibet in Conciliis vocem habere terminativam?  
Augustino autem etiam consonat elegantissimus doctor, Hieronymus, cujus super episto-  
la Pauli ad Titum, hæc sunt verba: Antequam diaboli instinctu studia in religione fierent,  
& diceretur in populis: Ego sum Pauli, & ego Apollo, ego autem Cepha, communi  
presbyterorum Concilio ecclesiæ gubernabantur: id enim presbyter, qui & episcopus.  
Unde episcopi cognoscere debent se magis consuetudine, quàm dispensatione dominicæ  
veritatis, presbyteris esse majores, & in commune debere ecclesiam regere. Alibi autem  
idem Hieronymus in ea, quæ est ad Damasum de gradibus ecclesiasticis epistola, in episco-  
pi dominum, in presbyteri Apostolos repræsentari dicit. Atque ubi rationem Hiero-  
nymus nullam afferret, videte quid homini tribuam, ipsa autoritate me frangeret. Sed  
hoc etiam ex Paulo colligimus, ad Titum, qui tantum inter episcopos & presbyteros con-  
ventioniam facit, ut ipsos presbyteros appellet episcopos. Ex quibus lucide constat non  
esse presbyteros à conventu episcoporum, ac determinatione rerum arcendos. Et si (pro-  
ut Hieronymo placet) episcopi sunt sola consuetudine prælati presbyteris, utique fieri pos-  
test,



test, ut consuetudinem contraria tollat consuetudo. At si presbyteri debent ecclesiam dei cum episcopis in communi regere, satis notum est, quod ad eos quoque decidere res spectat ecclesiae dubias. Unde est Apostoli Pauli clarissimum testimonium: Namque (ut ipse ad Ephesios inquit) Christus instituit apostolos, prophetas, pastores, & doctores ad opus ministerii, in adificationem ecclesiae, usquequo sibi occurramus: hac ratione, ut non sit fluctuatio in diversitate doctrinae: quis dubitat aliis quoque cum apostolis ecclesiae gubernationem esse concessam? Taceant (obsecro) hi nostri satrapae, nec plus sapere velint quam oporteat sapere. Constantiensis Concilii recens memoria extat, ubi & plurimi ex nobis fuerunt, & ego etiam, qui nondum Cardinalis nec episcopus, sed tantum doctor eram, interfui: vidique sine difficultate inferiores cum episcopis ad decisionem rerum admitti arduum. Nec pudere nos debet maximam illam, & sanctissimam synodum imitari, quae & Pisanum Concilium, & illud amplissimum Lateranense sequuta fuit, in quibus iudicasse cum episcopis presbyteros, non est ambiguum. Praeterea si Abbates (ut in omnibus Conciliis observatum videmus) vocem habent decisivam, qui tamen non fuerunt à Christo instituti, cur non presbyteri, quorum ordinem Christus per discipulos instituit? Ex hinc, si soli episcopi vocem habeant, id demum fiet, quod nationi placebit Italicae, quae sola nationes alias in numero episcoporum aut superat, aut aequat. Utunque est, opus dei hac vice fuisse autumo, ut inferiores ad decidendum reciperentur. Revelavit enim ea nunc dominus parvulis, quae sapientibus abscondit. En! horum inferiorum zelum, constantiam, rectitudinem, magnanimitatem videtis. Ubi nunc Concilium, si soli episcopi, solumque Cardinales vocem habuissent? ubi nunc Conciliorum auctoritas? ubi fides catholica? ubi decreta? ubi reformatio? nempe omnia libidini Eugenii, ac temeritati iam diu commissi fuissent, victorque nefandissimi propositi sui ille fuisset, nisi quos modo spernit, inferiores sibi restitissent. Hi sunt, qui privationem ab Eugenio factam contempserunt: hi sunt, qui minas, qui spolia, qui persecutiones ipsius flecti fecerunt: hi sunt, qui capti, qui incarcerationi, qui fustibus caeli pro veritate Concilii non timuerunt: hi sunt qui (licet dati praedae per Eugenium forent) remanere tamen in sacro Concilio voluerunt: hi sunt, qui famem, qui bellum, qui pestem saevissimam non formidarunt. Quid tandem est, quod hi homines pro iustitia sacri Concilii non aequo animo tulerunt? Audire potuistis mentis inter tribulationes inferiores istos, alta voce dicentes, Etsi omnes devastatori ecclesiae obediunt Eugenio, & discedunt unusquisque à veritate fidei, & sanctorum patrum institutionibus, & consentiunt mandatis Eugenii, nos quidem, & fratres nostri constantes erimus, & pro veritate fidei, & sanctorum patrum traditionibus mori non dubitamus, quod & vere fecerunt. Nec enim aut minis terri, aut spoliis mutari fuit: nec eos metus, nec spes ulla à sancto proposito divertit. Quod utrum Cardinales effecerint (ut meo de ordine loquar) vos cernite. Episcopi autem, quos solos Panormitanus habere vult vocem, videris quam pauci nobiscum sunt: & illi ipsi, qui praesentes adsunt, haudquaquam virtute valent irumpere iniquitatem, extimefacto terrenam faciem potentis, & ponunt scandalum in agilitate sua. Audistis hodie vota praetorum, audistis quod omnes voluntati regis dixerunt se acquiescere, nullus dei. At ipsi inferiores, ipsi sunt, qui iustitiam, qui veritatem, qui denique ipsum deum praeculis habuerunt, habendaque his gratia est, quod tales se dei ecclesiae praestiterunt. Sed quid ego inferiorum defendo causam? ipsos quoque episcopos volunt nonnulli à nostro consortio excludere, qui sine possessione ecclesiae sunt, quos vocitant titulares, nescientes miseri, quia dum istos repellunt, ipsum quoque Petrum & alios apostolos damnant, quos diu sine magna plebe fuisse constat. Nec unquam aut tota Roma Petro, aut tota Hierosolyma Jacobo paruit: quo tempore non plebes, sed plebulae in Christo credebant. Etenim, per immortalem deum, quid est quod ab his episcopis requiramus? Non habent populum, at hoc sine culpa ipsorum est. Non habent redditus, sed non pecunia facit episcopum: & beati sunt (ut inquit dominus) pauperes spiritu. Nec divites prima ecclesia vidit episcopos: nec suis expulso sedibus Dionysium Mediolanensem, Eusebium Vercellensem, aut Hilarium Pictaviensem, vetera Concilia respuissent, quamvis & pauperes, & exules, & sine plebe manerent. At si verum fateri volumus, aptiores pauperes, quam abundantes, iudicio sunt faciendo, quod horum divitiarum timorem, illorum paupertas libertatem afferunt. Nec illi pauperes tyrannidem timent, ut nostri divites, qui umbris, delitiis, otio ac desidie dediti, negare potius Christum volunt, quam assuetis carere voluptatibus: quosque non populus, sed redditus facit episcopos: quique amantes divitias, omnes pauperes existimant infelices. Sed nihil melius intervenire sapienti potest (ut Cicero ait) quam fortuna exigua. Unde & veritas in Evangelio dicit: Quia facilis est camelum per foramen acus transire, quam divitem intrare regnum coelorum. Sed (ut ad Panormitanum verba maturius explicanda descendam) omittere statui duo illa, quae in prima orationis fronte propositi: Qui petant, & cur petant. Fateatur namque maximos esse, potentes, & de ecclesia (ut ipse asseruit) optime meritos: nec dubitamus sincera eos intentione ad pe-

Ephes. 4.

Abbatem à Christo non sunt instituti. Italia in numero episcoporum ceteras vincit nationes.

Presbyteri, & viri boni propter veritatem patientur à Romano pontifice contumeliam & mortem.

Quod si ei martyri dignum coronam! Episcopi timent potestatem terrenam, non deum.

Episcopi nescitis ecclesiae quales.

Episcopi, vergentis iam ad finem ecclesiae quales.

Attende.

Attende.

ad petendum moveri. Utrum autem parum sit, quod petitur, & an effectus (quos ipse d. resutare debeant, inquirendum est. Superfluo (inquit) petitur, dilatio ad paucos poscitur, res levis, res modica, res concessu admissioque facilis. Attendant hic tamen Panormitanus, aliquantisper dilationem in re fidei postulat. Jam declaratae sunt veritates, jam cussae, jam ordinatae, paululum si superfedeatur, longissima fiet mora: saepe enim momentum transiit, anni est transiit. Multa nobis hic exempla suppetunt, Hannibal apud Carthaginem victus, si vestigio urbem petisset, omnium iudicio cepisset Romam: quia tantum crastinum distulit, restituito Romanis vigore, exclusus est, & audire meruit: Vincere Hannibal, uti victoria nescis. Galli quoque Senones, Roma capta, Capitolium obfiderunt, tenacius aurum exposcunt, moramque in paciscendo trahunt, à Camillo invasi, turpe expelluntur. Sed quid ego vetera evolvo, cum nostra nobis exempla sufficiant? Scitis ipsi quoties hæc vobis dilationes nocuerint, quotiesque paucorum mora dierum, longissimum exit spatium, qui jam octavum annum in dilationibus agit, semper dilationes ex dilationibus vidistis emergere. Illud tamen considerare cupio Panormitanum, quia conclusione die turbata, vix scio an unquam amplius haberi queat, multa possunt oriri impedimenta multa nasci obstacula. Nec ipse Panormitanus dicit (hac mora obventa) velle se cum ceteris huiusmodi conclusionibus adherere, mandatumque ad id habere se negat. Et quod magis ponderandum, Oratores ex Moguntia reverendos, talia posse afferre dicit, propter quæ conclusiones huiusmodi omittantur, quasi aliquid esse possit veritate præstantius, propter quod à veritate discedamus. Quæ res manifestissime ostendit, quia non moram examinandas melius, sed ad impugnandas validius conclusiones exposcunt. Nec circa factus, quos ipse commemorat, re negata sive concessa emerfuros, cum Panormitano conuenio. Nec video cur principes hanc dilationem tantopere quærant. Nulla super hæc petitione sunt literæ principum. Nemo est, qui noviter ab his veniat, nec ipsorum interest, ut res fidei terminetur. Illa autem perniciofa conclusio est, quam Panormitanus retinet, & ab illis religiosissimis principibus minime expectanda, dum ait: Si ipsi complacere eos nobiscum futuros, sin minus, ad Eugenium defecturos, nobisque omnino rebelluros: mirum verbum, mira conclusio & prorsus indigna, quæ a tanto viro dici debuit. Constantiensis decreta Concilii sunt, Omnes homines cuiusque status aut conditionis existant, statutis & ordinationibus generalium alligari Conciliorum. Ad id Panormitanus verba non sonant: non enim Concilio principes, sed principibus vult obedire Concilium. Heu tempora, heu mores, heu reverendissimi patres, quò jam miseriarum sumus redacti? Quo pacto unquam obtinebimus papam, Christi vicarium, & alium in re Christum, Christianorum subesse Concilio, si Concilium ipsum mundanis debet obedire principibus? At ne obsecro talia de principibus illis sperate, ne credite illos matrem suam suppeditaturos ecclesiam. Non putate eos tantopere à veritate alienari, ut stitiam suppressi velint. Conclusiones, de quibus agitur, verissimæ sunt, probatissimæ sunt, sanctissimæ sunt, si eas respiciant principes: non nobis, sed sacra scriptura, & Christo se opponent, quod nec vos credere, nec Panormitanum dicere decebat. Durissimæ enim (ut pace tua dicam Panormitane) verba sudisti, nec aliud visus es querere, quam patribus istis timorem incutere. Nisi enim principibus pareamus, pericula & discrimina modum magna commemoras. Vos autem reverendissimi patres, eos nequaquam terrebis, qui occidunt corpus, animam autem non possunt occidere. Nec veritatem requetis, etiam si oporteat vestrum sanguinem ecclesiae elargiri. Nec enim remissiores repidiores pro matre nostra ecclesia, & fide catholica esse nos decet, quam martyres dei sanctissimos, qui ecclesiam in suo sanguine fundarunt. Etenim cur nobis mori pro Christo sit grave, qui tam diram, tamque acerbam pro nobis sustulit mortem? qui cum immortalis, atque impassibilis deus, mortalem induit hominem: & (ut nos redimeret) crucis subire tormentum non formidavit. Ponite ante oculos vestros ipsum apostolorum principem Petrum, ponite Paulum, Andream, Jacobum, Bartholomæum: & ne de foliis loquar episcopis, quid Stephanus, quid Laurentius, quid Sebastianus, quid Fabianus? Alii cruci fixi, alii truncati capite, alii lapidibus obruti, alii exusti carbonibus, alii aliis tormentis durissimis cruciatibus excarnificati, pro Christo obierunt. Hos, obsecro, imitemur: ne volumus episcopi esse & in honore succedere, martyrium formidemus. Heu nostrum foeminatum animum, heu pusillanimum populum: illi olim mortem contemnendo, gentem mundum, & idolorum cultorem Christianum fecerunt. Nos ignavia nostra, & nimis vitæ cupiditate, Christianam religionem ex orbe toto ad angulum redeimus: & timeo hoc quod restat modicum pusillanimitate amittamus, si principibus (ut Panormitano procer) defensionem & regimem ecclesiae committamus. Sed estote vos viri fortes, ac roborem in hoc tribulationum tempore, nec mortem pro ecclesia repudiare, quam pro Roma civitate, pro Thebis Meneotheus, pro Athenis Codrus, libenti & cupido animo tulit. Ex

Oculus annus  
Concilii East-  
liensis.

Egrege ó pa-  
ter, subterfu-  
gia quære-  
bantur.

Constantien-  
sis Concilii  
decreta.

Si hæc tam in-  
digna & intro-  
derabilia vi-  
debantur,  
quid tandem  
erit quando  
Ro. pontifex  
ex honore  
deum faciat?

Attende.

Sed qui ta-  
lia docent,  
vel hæretici,  
vel schismatici  
dicuntur.  
Sed beati illi  
hæretici,  
quoniam ipso-  
rum est reg-  
num calo-  
rum.

Exclamatio  
hominis  
Christiani.

Exhortatio.

tare enim nos non solum martyres possunt, sed ipsi etiam gentiles, ut mortis timorem abiciamus. Quid Theramenes ille Atheniensis, quā lato animo, quamq; ridenti vultu venenum bibit? Quid Socrates sanctissimus ille philosophorum, nunquid aut gemens, aut plorans forbillavit aconitum? Sperabant illi, quod nobis est quidem exploratissimum: non quippe moriendo mori, sed vitam præsentem cum meliori commutare. Erubescere profecto ipsi debemus, tot exemplis commoiti, tot literis imbuti, tam pretioso Christi sanguine redempti, tantopere mortem fugere. Non duos aut tres tantum homines, sed legiones (scribit Cato) sæpe alacres in eum locum profectas, unde redituras se minime arbitrarentur, parique animo Lacedæmonii in Thermopylis occiderunt, de quibus Simonides,

Dic hospes Spartanos, te hic vidisse jacentes,

Dum sanctis patriæ legibus obsequimur.

Nec credite Lacedæmonios non ex proposito ad mortem ivisse, quibus dux Leonida: Pergit (ait) animo forti Lacedæmonii, hodie fortasse apud inferos coenabimus. At ego (optimi patres) non ad inferos, ut ille, sed ad ipsos coelites, & infinita paradisi gaudia vos invito, si mortem pro veritate sustinere potestis: vosq; his principum minis, si minæ sunt ullæ, obijcere: vos ad illam æternam gloriam accerso, ubi nihil unquam deest, nihil à suo statu tollitur, aut declinat: ubi omnia bona atq; perpetua exuberant: ubi nemo eget, nemo invidet, nemo furatur, nemo rapit, nemo proscibit, nemo jugulat, nemo moritur: ubi omnes felices, omnes unanimes, omnes immortales, omnes sunt semper æquales: ubi quod unius est, omnium est, & quod omnium, singulorum. Quæ si præsentis animo considerabimus, nimirum Panormitano respondebimus omnes, quod Cyrenensis Theodorus respondisse traditur, Lyfimacho regi crucem minitanti, qui Isthis quæso (inquit) ista horribilia minitare, purpuratis tuis: Theodori quidem nihil interest, humi ne, an sublime putrefcat. Sic & nos principibus, si qui minentur: nec enim suos timebimus cruciatus. Quid ad nos vita longior? nemo parum diu vixit, qui virtutis perfectæ perfectio functus est munere. Et si claræ mortes pro patria oppetite, non solum gloriose rhetoribus, sed etiam beatæ videri solent: quid de his dicemus, qui pro patria omnium patriarum ecclesia sustinentur? Nimirum est, quod æmuli nostri, reverendissimi patres, sibi de vobis suadent: vos enim timidos, ignavos, desides, ac vecordes arbitrantur, vobisque ideo principes objectant, quod vos famem, sitim, exilium mortemque pro ecclesia non judicant sublaturus. Sed non erit vobis (ut existimo) durum pro vita æterna facere, quod pro divitiis transitoriis faciunt nautæ, qui se ventis & mari committunt, incredibileque procellas perferunt. Pernoctant venatores in nive, in montibus, in sylvis, & uri se frigoribus patiuntur, nec aliud eis est præmium, quam vilis fera. Quid vobis (obsecro) faciendum, quibus laborum merces est paradysus? Pudet me nostræ ignaviæ cum lego scæminas, & ipsas quidem juvenculas coelum martyrio rapere, nos autem solo mortis nomine exterreri. Undecim millia virginum, qui nostram alluit urbem, ad martyrium Rhænus exivit. In India (ut inquit Cicero) cum est vir aliquis mortuus, mulieres quæ ejus fuerunt, in certamen, judiciumque veniunt, quam plurimum ille dilexerit (plures enim singulis solent esse nuptæ) quæ est victrix, læta, prosequentibus suis, una cum viro in rogam imponitur. Illa victa, moesta discedit, ut quæ mori quam vivere præoptasset. Quem animum nos hodie pro Christo fumentes, Panormitano haud secus respondebimus, quam Philippo Lacedæmonii, qui cum per literas minitaretur, omnia se prohibitorium, quæ ipsi molirentur, quæsierrunt, num esset etiam mori prohibitorus. Namque ut estis viri præstantes, sic virtute vestra utemini, quæ semper libera est, & semper invicta. Cognoscitis enim, quia data est à domino potestas vobis, & virtus ab altissimo, qui interrogabit opera vestra, & cogitationes sciscitabitur: cui (ut rationem reddatis bonam) curabitis, judicantes recte, & custodientes legem justitiæ, & in omnibus non secundum hominum, sed secundum dei voluntatem ambulabitis. Cumque Oratores ubique Eugeniani novam doctrinam prædicent, Romanum pontificem supra universalem ecclesiam extollentes, ne ignorantium animæ capiantur, Conciones tres primas publicare non omitterit, Apostolum Paulum imitati, qui Petro ad veritatem Evangelii non ambulanti, neque ad horam cessit. Cæteras vero quæ ipsum solum respiciunt Eugenium, ne Panormitanus, neve alii principum Oratores plus debito clament, in præsentiarum differetis.

**H**IC cum Arelatensis fecisset loquendi finem, omnes in eum affixis vultibus, admirationem stupore probebant, deinde laudare, hic memoriam, ille doctrinam, hunc esse unum, qui dignissime præsidet, qui & consutare objecta noster, & (ut præfidentem decet) impenetrabilem se convitiis exhiberet. At Cathelani, quoniam negari sibi dilationem viderant, ne concordata duodecim virorum legerentur, strepitu, ac vociferatione obstant: magno conatu studentes, ut læturam concordatorum profectio, quam Panormitanus effecerat, præcederet. Nec res sine violentia fuit, cum nec mandata præfidentis reciperentur, nec ordo in rebus agendis solitus custodiretur. Erat

C 2

namque

Theodori  
Cyrenensis  
dictum memo-  
ria sem-  
piterna dig-  
num.

Lacedæmoni-  
orum respon-  
sum ad Phil-  
ippum.

Oratores Eu-  
genii novam  
doctrinam  
prædicarunt.

Turbatio  
Concilii non  
parva.

Ludovicus  
patriarcha  
Aquilien.  
Dux de Deck  
in Suevia.  
Præconium  
de Germanis.

Comes de  
Tierstein.

Esilensium  
laus.

Bo-e deus,  
pontifici  
cedunt om-  
nes, ille cedit  
nemini. O  
beati pæfich,  
quoniam ipfi  
deum vide-  
bunt.  
Amodeus  
Lugdunensis  
archiepisco-  
pus.  
Septimus  
Concilii  
aous.

Vide quomo-  
do conversi  
nunc sint re-  
torum, all-  
quando adhe-  
serunt veri-  
tati, & erant  
Theologi,  
nunc adhe-  
rent menda-  
cio & effeci-  
sunt adula-  
tores.

namque ubiq; clamor, ubiq; strepitus, ubiq; jurgia effundebantur. Nunc Panormitano, nunc Ludovico sermo erat. Nulli tamen sine festinantia loqui licuit. Episcopi cum episcopis, inferiores cum inferioribus verbales habebant rixas, omniaque contentionibus & probris insonabant. Quæ cum vidisset Ludovicus patriarcha Aquileiensis, vir non minus animi constantia, quam generis (qui dux est) nobilitate præstantissimus: ex eo zelo, quem ad ecclesiam gerit universalem, versus ad Panormitanum & Ludovicum protonotarium, Ne credite (inquit) rem sic abire, Germanorum nescitis mores, nempe si sic proceditur, nequaquam fas erit integris hanc provinciam exire capitibus. Quo verbo, veluti cœlesti fulmine tacti, Panormitanus, Ludovicus ac Mediolanensis, uno impetu assurgentes, Libertas (inquiunt) nobis eripitur? En quid est quod frangenda nobis capita patriarcha minatur? Versique ad Johannem Comitem de Tierstein, qui tunc locum protectoris tenebat, sciscitanti ab eo sunt, an protegere Concilium vellet, omnesque in libertate tutari. Aderant etiam cives ex senatu urbano, provaturi, ne quid scandali oriretur. Servaverunt enim semper hunc morem cives, ut in omni negotio adesse curarent, quod paritum dissensionibus abitrarentur, illud præcipue adcauentes, ne qui tumultus fierent, neve aliæ quam verbales rixæ. Miraque adeo sapientia sunt, ut nemo usque hodie querelam adversus eos habuerit, violatæ per eos fidei. Servarunt enim, dum fuere præsidentes Eugenio, quod publica fides continuit: & rursus Concilio nulla in parte defuerunt. Quare si usquam sunt cives quippiam de universali ecclesia bene meriti, ea profecto laus Basiliensium fuerit. Hi ergo cum Johanne Comite præsentibus in conventu patrum, signum servandæ libertatis dederunt. Comes autem, tamen si erat rerum novitate permotus: nec enim arbitrarî poterat, tam multas esse inter prudentis homines contentiones, per interpretem tamen respondit: Bono ut animo essent omnes: quoniam Imperialem saluum conductum ad unguem servari faceret. Nec patriarcham, nec alium quenquam, aut violare libertatem, aut auferre securitatem promissam a Cæsare, ausurum. Rogare tamen se (inquit) patriarcham, ut verba revocaret sua, utque nihil deinceps tale admitteret. At illustis ille pater, omnique negotio sui generis præfagium ostendens, nihil turbatus, nihil irritatus, Johanni de Bachenstein auditori Cameræ, viro & gravi & facundo, & cujus opera in multis legationibus Concilium sæpe esse usum, utiliter intentionem suam explicandam commisit. Is mentem patriarchæ illam fuisse asseruit, non ut alicui comminaretur, aut Conciliarem perturbaret libertatem, sed ut commoneret patres ad constantiam, utq; recordarentur promissæ toti mundo reformationis, neve unum hodie, aliud cras dicerent: quoniam si sic agerent, periculum esset, ne laici reformationem sperantes, in cœlum delusi surgerent. Ideoque monere, ut periculum patres præcaverent, nec fide Concilium re infecta desererent, petereq; ipsum veniam, si dicendo, vel in Concilium, vel in Panormitanum, vel in alium quempiam deliquisset. Quo facto, verum esse ostendit, quod vulgo dicitur: Nobilitatis forem humilitatem, quæ duo illo in homine pulcherrime apparuerunt. Nequaquam tamen patriarchalis humilitas clamores extinxit, fed quoties legendi concordati fiebat mentio, toties major strepitus ac vociferatio impredientium extollebatur. Eamque ob causam, venerandæ autoritatis Amodeus Lugdunensis Archiepiscopus, Galliarumque primas, zelo fidei tactus, quam tunc impediri, suppressimque cernebat, Habeo (inquit) reverendissimi patres, non parvam loquendi occasionem: Septem namque, aut eo plus annis, apud vos sum, nec unquam rem, sicuti nunc, miraculo similem vidi. Nunc autem stupenda cerno miraculorum signa: parum ne est claudos ambulare, mutos loqui, & pauperes evangelizare? Unde (obsecro) tam repens mutatio? Unde tam cito, qui domi jacebant, surrexerunt? Quis auditum surdis, quis mutis sermonem præbuit? Quis evangelizare pauperes docuit? Video hic novam turbam, pluribusque invisam mensibus Novos apicio prælatos, qui usq; in hanc diem tacuerunt, nunc loquaces sunt facti: nunquid hoc est miraculo simile? utinam tamen ad veritatem defendendam, non ad justitiam impugnandam venissent. Illud autem majus omni miraculo videtur: quoniam viros omnium doctissimos, Conclusiones nostras impugnare video, quæ certæ & verissimæ sunt, & ab illis, qui eas nunc reproband, aliàs approbatæ. Nec vos fugit, Ludovicum protonotarium has veritates Lovanii ac Colonia prædicasse, easque illinc universalis studii autoritate firmatas reportasse. Quare si ipse nunc mutatus est, veritas tamen non est mutata. Ideoque vos rogo obtestorque, ne aures his præbeatis, qui quamvis doctissimi sunt: eam tamen, quæ omnes virtutes decorat, constantiam non habent. Quo finiente, illico Ludovicus assurgens: Verum est (ait) illas me apportasse veritates: vos tamen eas fidei veritates nuncupatis, quæ adjectio mihi subdubia est. Cumque hoc dixisset, quærebat Arelatenfis, ut concordatum virorum duodecim legeretur, pluresque sibi in auribus sibilabant, ne sententia flecteretur.

Panor:



**P**anormitanus vero, ut cœptum est legi concordatum, assurgentibus secum collegis & aliis Arragonensibus, altissime clamans, (quoniam plane & morate loquens, exaudiebatur nemo.) Vos (ait) patres nostras contemnitis preces, reges & principes contemnitis, prælatos contemnitis, ac cavete, ne dum omnes despiciatis, ab omnibus despiciamini: vultis concludere, sed vestrum non est concludere. Nos prælatorum major pars sumus, nos Conciliū facimus, ad nos concludere spectat. Egoq; nomine prælatorum supersedendum esse concludo. Quo verbo tantus exortus est clamor, quantus solet in præliis tubarum clangor, & equorum fremitus audiri, cum signis collatis, duo invicem concurrunt exercitus. Alii quod Panormitanus effecisset, execrantur, alii probant, faciuntq; diversa studia, diversas contentiones. Tumq; Nicolaus Amici ex Parisiensi schola Theologus, cui id ex officio videbatur incumbere, Appello à tua ista conclusione (inquit) Panormitane, ad præsens, sedens, que pro tribunali Concilium, nec aliquid cœsendum esse, quod fecisti, affirmo, probareq; si expedit, præstō sum. Videbatur jam pars obstantium, meliori esse loco. Ipsi enim jam concluderant. Pro parte vero alia, nec conclusum erat, nec concludi posse inter tam multos clamores sperabatur. Inter tot tamen strepitus, turbulentasq; vociferationes non desuit spectato & optimo viro Johanni Segovio ex gymnasio Salamantino, Theologo, audientia: quoniam & illum Conciliares avidi audebant, quasi ex suis unum, & alii virtutem hominis, summamque bonitatem etiam inviti venerabantur. Tanta est enim virtuti innata auctoritas, ut etiam in hoste colatur. Verumque illud Virgilianum in eo fuit:

Tum pietate gravem, ac meritis si forte virum, quem  
Conspxere, silent, arrectisq; auribus astant.

Omnes namque, ut assurrexit Johannes, silentium tenuerunt. Ille autem postquam desiderari sua verba cognovit, sic exorsus est.

**C**ogit me (inquit) viri patres, zelus domus dei, ut loquar: vellemque hodie aut cæcus fuisset, ne ista quæ sunt cernerem, aut sordus, ne quæ dicuntur, audirem. Quis enim vel tam faxeus, vel tam ferreus esse potest, ut à lachrymis temperet, cum sic auctoritas ecclesiæ laceratur, cum sic nobis & huic sacro Concilio libertas eripitur, cumq; nullus jam videatur locus veritati relictus? O bone Jesu, cur sic tuam dereliquisti sponam? Aspice jam tandem populum tuum, juva nos, si iusta petimus: venimus huc necessitati ecclesiæ consulari. Nil nobis exposcimus, studium nostrum est, ut veritas elucescat. Veritates in sacris deputationibus approbatas, nunc concludere sperabamus. Adfunt principum Oratores, differti conclusionem exposcunt: nos autem memores eorum, quæ ad Valentinianum Imperatorem scribit Ambrosius, in hunc modum: At certe si vel divinarum feriem scripturarum, vel vetera tempora retractemus, quis est qui abnuat in causa fidei, in causa inquam fidei solere episcopos de Imperatoribus Christianis, non Imperatores de episcopis judicare, ex urgentissimis causis petitionem non admittimus. Eos tamen (ut libuit) longissime sermocinantes benigne & patienter audivimus. Nunc si nostrum velit aliquis loqui, interruptur, impeditur, perturbatur: quæ ista honestas, quæ modestia, quæ gravitas? licet ne sic in Concilio facere? Ubi nunc Toletani Decretum Concilii? ubi nostra Decreta, nedum tumultus, sed confabulationes minimas prohibitia? Dicunt, quia contemnimus eos, & ipsi sunt, qui non solum contemnunt Concilium, sed colaphizant. Minimus verbum contra eos loquutus est patriarcha, idque non mala intentione, Et statim de libertate fracta queruntur, se autem, cum vim Concilio faciunt, cum loqui præsidem prohibent, cum legi ordinationes impediunt, non judicant libertati contra ire, aiunt se esse Concilium, & tamen Concilio supplicant. Hæc ego nequaquam intelligo. Si sunt Concilium, cur supplicant sibi? aut si non sunt Concilium, cur ipsum Concilium loqui non patiuntur? cur responsum ejus, à quo petitur, non expectant? Nimia est hæc violentia. At certe nimia est patientia nostra, qui tales excessus in facie sustinemus ecclesiæ: nos utique non ipsi. Nos sumus quibus est ablata libertas. Sed aiunt, quia non debent inferiores aliquid judicare, & quia non licet nobis cum minori episcoporum parte aliquid agere, quamvis Concilii major pars simus. Quod si verum esset, plurima ex vestris Decretis ruèrent: illud præsertim, quod de provincialibus & episcopalibus synodis promulgastis. Quod cum non placeret prælatis, Cardinalis sancti Angeli, tunc præfident, vix quinque associatus episcopis, cum majori parte inferiorum conclusit, licet episcopi admodum multi obfisterent, quod tamen decretum & vos reputatis validum, & una cum aliis Eugenius in adhesionem recepit, sic & in omnibus fere Decretis contigit, quæ pompam aut ambitionem episcoporum refrænant. Habetis præterea in adventu Alexandri abbatis Virgiliacensis, qui primus omnium huc venit, incepisse Concilium, quamvis nullus adhuc comparuisset episcopus: idque fateatur in adhesionem Eugenius. Id ergo quod isti aiunt, nil aliud est, quam funditus hoc Concilium evertere: sed est satis huic parti ab Arelateni responsum. Illud tamen ab episcopis cupio impetratum, ut si fateri nos velint, eos apostolis succedere, & claves regni cœlorum

Panormitanus loquitur, & quod se dignum est, facit.

Nicolaus Amici Parisiensis Theologus.

Johannes Segovius Theologus Salamantinus, & ejus laus.

Oratio Segovienfis.

Amb ad Imperatorem Valentinianum.

Excusat Patriarcham.

Obstat argumenta adversariorum ab auctoritate confessione adversariorum.

Episcopos urget, auctoritate Pauli.

Exponit lo-  
cum Apostoli,  
ad Ephes. 4.

Norat Panor-  
mitanum, qui  
sine duodecim  
virorum exa-  
mine conclu-  
sit.

Eugeniani hæ-  
retes ubique  
prædicant.  
De Benedicto  
historia.

Attende.

Vide constan-  
tiam Theo-  
logi.

Burgensis e-  
piscopus pro  
concordia.

coelorum habere, fateantur etiam ipsi, quod per Apostolum dicitur Christum superna repe-  
tentem, alios apostolos, alios prophetas, alios Evangelistas, & alios pastores, atque doctores  
instituisse ad opus ministerii, in ædificationem ecclesiæ. Namque sicut episcopi apostolis  
succedunt, ita & nos Theologi succedimus doctoribus, & presbyteri pastoribus, atque alii  
alii, voluitque salvator noster per istos in communi ecclesiam gubernari. Unde apparet vanum  
esse, quod isti prædicant, de inferiorum exclusione. Illud vero me magis angit, illudque mihi  
molestissimum est, quod singularis ingenii, & admirandæ doctrinæ Panormitanus, sine ullo  
deputationum discussu conclusit, sine duodecim virorum examine, sine scrutinio, sine ullo  
ritu conclusit. Quod nisi oculi mei essent iudices, nunquam alteri referenti de tanto viro ex-  
istimasset. Nec adhuc scio an mihi satis credam, ita est mihi res visa horribilis. Nec enim  
video, conclusio sua qua subsistat autoritate, nisi forsitan sui regis, quem ait sic velle: vos  
tamen patres cavere, ne talem consuetudinem introducat: quia periculosior esset, quam  
pernitiosior illud Decretum, quod vos soletis parvum appellare. Illud enim Legati apostoli-  
ci & alii complices in deputationibus proposuerunt, votorumque certum numerum habue-  
runt, scientes qui secum, & qui contra se forent. Hoc autem in confusione fit, quod si tran-  
seat impunitum, majora admodum scandala suscitabit quam illud, fietque ut in omni nego-  
tio, pauculi discrepantes prælati, unum habeant, qui pro eis concludat. Scitis præterea,  
quia solius præsentis est concludere, solumque uno in casu ad alios successive conclusio  
devolvitur: quando qui præsent juxta voluntatem quatuor aut trium deputationum, & con-  
cordata virorum duodecim, nolunt concludere: quod an modo contingat, vos cernitis, &  
ipse etiam qui conclusit, optime nescit, Panormitanus: qui licet differendam veritatem  
multis (ut sibi videtur) rationibus astruat: ego vos rogo, patres amplissimi, ut Aposto-  
lum imitemini, qui (sicut Arelatenfis pulchre reulid) neque ad unam horam Petro cessit, veri-  
tatem Evangelii deferenti, succurrendum est subito in facto fidei, nec ulla res majus dis-  
crimen ex negligentia, quam fides patitur. Hæreses namque nisi in ipso ortu extirpentur,  
haud facile tandem adultæ tolluntur. Quare (obsecro) succurrere festinanter, ferte cito  
auxilium, date vela, impellite remos. Quid hic aut prælatos expectemus aut principes?  
Quærenda non est alia potestas, ubi præsens est divina majestas. Prædicant ubique terrarum  
hæreses Eugeniani, nec illis aliquis dicit ut superfedeant. Vobis autem, qui veritatem  
publicare intenditis, mille susurrant, ut sileatis, magnum est hoc vestra bonitatis indicium.  
Benedictum olim sanctissimum monachorum patrem, aiunt monasterium quoddam sancto-  
rum virorum visitantem, infinitas dæmonum vidisse catervas, qui cum sanctis patribus con-  
flictores, bona que illi parabant opera, perturbare conabantur: mox nudinas in permultis  
mercibus, multisque contractibus frequentes: adeuntem unicum duntaxat dæmonem, eum-  
que tristem & otiosum in specula quadam constitutum aspexisse, miratumque Benedictum,  
quod locum sanctum, & orationi deditum dæmonibus plenum, locum autem prophatum  
& perjuriis, aliisque delictis occupatum, ab uno tantum dæmone custoditum invenisset, ad-  
jurasse dæmonem, ut sibi causam proderet, illumque respondisse: Locum sanctum expug-  
natione dæmonum indigere: qui autem sua sponte peccarent, his non esse opus fraude dia-  
bolica. Quod mihi videtur Eugenianis contingere: vos autem in conflictu estis, tantum ro-  
go, ut ad victoriam festinetis, nec curetis has principum minas, hasque hominum adver-  
santium contumelias. Quia beati estis (inquit dominus) cum maledixerint vobis homines,  
& persequuti vos fuerint, & dixerint omne malum adversum vos, mentientes, propter me:  
gaudete & exultate, quoniam merces vestra copiosa est in coelis. En quid nobis (oro) tan-  
topere obiciuntur principes, an non potens est dominus deus noster eripere nos de cami-  
no ignis ardentis, & de manu principum liberare? Ne obsecro patres, ne obsecro fratres,  
minorem habeat in Christo Jesu fiduciam quam Sedrach, Misach, & Abednago, qui senem  
Nabuchodonosor regem minime timerunt. Sciantque ipsi principes, quia dominator ex-  
cellens in regnum hominum, & cuiusque voluerit, dabit illud. Est desuper deus cuncta  
prospiciens. Est, est, inquam, in medio nostrum, quid trepidatis? Estote viriles, & præ-  
bere vos murum pro ecclesia dei. Ne finire (obsecro) fidem sub vestris manibus dèperi-  
re. Adest deus omnipotens, adest qui vos protegat, nolite timere, qui corpus tantummo-  
do quarunt occidere, facite iudicium & iustitiam, ac confidite, quia non tradet vos domi-  
nus in manus calumniantium. Iterum dico vobis: estote viriles, ecclesiamque matrem vestram  
defendite. Tibi autem præsidens dico, quia oportet te magis deo, quam principibus  
complacere. Quare si hinc sine conclusione abeas, rationem te huius rei in districto dei ju-  
dicio redditurum scito, nec plura loquutus, resedit.

**I**n terea complures gravissimi viri Panormitanum exhortabantur, ut sua conclusione  
discederet. Instabatque magnopere Burgensis episcopus, ut si posset, inter dis-  
cordes patres concordiam fereret, & qua ipse sibi perpetuo frui, elargiri pacem  
aliis satagebat. Sed neque patribus Conciliaribus sine conclusione discedere, neque Pa-  
normitano

normitano mutare sententiam cordi erat. Nec minus cessurum sibi Concilium Panormitanum opinabatur, quàm si ipse Concilii locum teneret, Concilium vero suum. Quam inter contentionem paululum nactus audientia Lugdunen. conclusionem Panormitani nullius esse momenti, nec revocatione indigere, quod foret omnino nulla, dixit: utilem tamen sibi videri dilationem, si forsitan uti Burgenfis dixerat, agi de concordia patrum posset. Fuitque ipsius oratio haud grata collegis Panormitani, qui ut audierunt vilipendi suam conclusionem, illico assumentes, asseverabant illam valere, seq; Concilium facere: fiebatq; continuo major strepitus, nec audiri lectio ulla poterat. Maximusq; illa die omnium bonorum viro- rum timor fuit, ne plus impediendes possent, quàm ipsum Concilium. Refq; magno in periculo videbatur, nec perseverantes adversarii usque ad noctem verba protelarent, quod unum moliri videbatur, ut ea saltem die vincerent. Juvit tamen deus ecclesiam suam, nec plus Eugenium in Concilio, quàm ipsum Concilium posse voluit. Erant turbata omnia, nec (ut solebant) suis subfelliis prælati infidebant, sed ut quemque trahebat affectio, illi Arelatensem, isti Panormitanum adibant, & quasi principem quique suum, aut exercitus Imperatorem, adhortabantur. Jamque in vespertinum dies ferebatur. Cum assurgentes ex locis suis Lausanensis episcopus, vir inter omnes oculatus, & prudens, Nicolausq; Grossetanus, plus Concilio, quàm sibi prospiciens, Arelatensem petierunt, territantes ipsum, si sine conclusione assurgeret. Nuncq; Franciscus de Fuxe, nunc Andreas Hispanus, professione minores, & gradu Theologi, auribus Arelatensis imminabant, in tantumq; illum premebant, ut nec animum resumere paterentur. Laurentius quoque Rocella infestus Arelatensi. Quid dormis nunc præsidens? ait, ubi animus tuus? ubi versutia tua? quid times? quid somnias? Ille autem (ut agnovit rem in periculo esse) nec rectam conclusioni viam patere, utendum astu censuit, utque tumultum aliquid timeret componeret, Habeo (inquit) sanctissimi patres novus ex Francia literas, quæ mihi auditu stupenda enarrant, incredibiles illic novitates sunt, eas si aures mihi præstatis benignas, mox vobis exponam. Quare & silentium subitum impetravit, & artificio miro attentos animos audientium reddidit. Utque liberum sibi dicendi campum patere vidit, sine fabula, sine ulla historia fuit, literarum libri missarum seriem referavit: exinde (prout Oratoria exigit insinuat) pedetentim ad causam rediens, Eugenianos nuntios impleisse Galliam dixit, qui novam doctrinam prædicantes, auctoritatem Romani pontificis supra generalia Concilia magnificerent, quibus (nisi cito occurreretur) fore ut pluribus fidem facerent: idcirco oportuisse sacrum Concilium, de remedio cogitare, necessarioque jam veritates de quibus ageretur examinatas, ut per eas Eugenianorum temeritas retunderetur, quæ licet essent numero bis quatuor, non tamen fuisset intentio patrum omnes concludere, sed tantum priores tres, prout se (inquit) in nomine patris, & filii & spiritus sancti concludere. Atque his dictis lætus alacerque confurgens, ab omnibus suis partis hominibus, summe probatus & laudatus recessit. Et alii quidem eum, alii vestimentorum fimbrias deosculabantur, secutique ipsum complurimi, prudentiam ejus magnopere commendabant, qui licet origine esset Gallicus, Italos tamen hac die summa homines astutia superasset. Communis tamen omnium opinio fuit, hoc spiritus sancti magis, quàm ipsius Arelatensis opus fuisse. Ceteri vero alterius factionis homines, qui mente alienati, inclinatisque capitibus domum quisque suam perrexerunt: nec infirmal recedentes, nec se invicem salutantes, ut eos victos cujuslibet vultus ostenderet, plus quoque in vulgus de Panormitano relatum est, illum scilicet, postquam domum venit, in cubiculum se recepisse secumque de rege suo questum, quod eum adversus veritatem pugnare compelleret, & suam famam, suamque animam ire perditum, mediaque inter lachrymas obdormivisset, nec usque ad vespertas præ mœsticia sumpsisse cibum, ut qui nec ignorans, nec volens veritatem oppugnasset.

**E**adem die reversus est Cardinalis Terraconensis, vir & animo, & consilio quàm corpore major: scientiam vero literarum admodum tritus, qui eo tempore quo Armeniaci adven- runt ad duas dietas se sequestraverat. Cumque is generali congregationi interesse non potuisset, subito ad eum Cathelani, Lombardique perrexerunt, diversa cum eo consilia trutinantes. Aliis namque deferendum Concilium videbatur, aliis persistendum, omniq; nisu resistendum, ne quid ulterius adversus Eugenium fieret. Ea; inter eos sententia mansit. Die autem sabbati, quæ fuit Aprilis quinta & vigesima, Lugdunensis archiepiscopus, & Burgenfis episcopus, accersitis in capitulo majoris ecclesiæ prælati, multa de pace exorditi sunt, fiendalsq; illo die deputaciones, Burgenfis episcopus suadebat, quibus Lugdunensis facultatem componendi committeret. Quibus responsum est, ut ipsi judicarent, duri- ter, ut alii æstimarunt, suaviter. Juste tamen dixerunt, namque patres Concilii, nullam esse ante, concordiam posse, quàm adversarii errati sui veniam pererant, siquæ finem fecerunt. Se- quenti dominica idem Burgenfis cum aliis ex Lombardis, & Cathelanis Germanicam adiit nationem, exinde senatum urbanum, & utrobique de prohibendo schismate sermonem fecit.

Natio manas.

Lugdunensis  
contra Panor-  
mitanum.  
Turbatio Con-  
cilii.Boni viri time-  
bant & timeant  
ne Christus  
prævalcat  
mundus.Lausanensis  
episcopus as-  
surgens.  
Nicolaus  
Grossetanus.  
Franciscus de  
Fuxe.  
Andreas Hi-  
spanus  
Laurentius  
Rocella.  
Nota ingeni-  
um Arelaten-  
sis & piffi-  
mam fraudem  
optimi patris.Conclusio  
Concilii.Attende de  
Panormitano:Cardinalis  
Terraconen-  
sis.Lugdunensis  
Archiepiscopus.  
Burgenfis  
Episcopus.  
Justum Con-  
cilii respon-  
sum.  
Eugeniani  
adventum sena-  
tum & Ger-  
manos.

Natio (ut postea intellexi) retulit se ad ea quæ deputationes deliberarent. Senatus urbanus, ut sunt homines præmaturo, & qui nihil sine consilio faciunt diligenti, rem illam de se minime pertinere, dixerunt, sed ad Concilium cuius patres prudentissimi forent, nec ignorare, quid in rem esset fidei Christianæ, si quid instaret periculi, id esse Concilio non consulti suo monstrandum: credere se, majores Concilii ubi essent præmoniti, nihil mali admisso: ad senatum vero urbanum nihil aliud pertinere, quam tutari patres, & fidem civitatibus publicam custodire. Eoque responso Burgenf. dimiserunt. Interea patres Concilii, formam Decreti superioribus conclusionibus conscripserant, eamque in sacris deputationibus approbaverant. Sola communium disputatio limandum magis decretum censuit. Jamque principum Oratores ex Moguntino conventu redierant omnes, habitisque inter se consiliis, impedire Decretum statuerant. Nona igitur Maii die, quæ & ipsa, ut Judæi servarunt sabbati, ut gentiles Saturni, ut nos Virginis fuit, ad generalem concionem adventum est, quæ admodum frequens fuit, utraque parte ad conflictum se exhibente. Ipsi autem principum oratores vocati per Lubicensis episcopum, & Conradum de Wynspurg protectorem, in choro ecclesiæ destinebantur, ibique de pace (si qua posset haberi) agitabatur, pluresque ibi morati sunt, quam aliquis ferret opinio, quæ res præter spem omnibene gerendæ rei occasione attulit. Erat tantummodo illa die forma Decreti concludenda: ideoque ut vidit Arelatenf. concionem esse plenissimam, viros duodecim concordasse, maximamque omnium cum silentio expectationem fore, haud expectandam esse turbationem censuit. Legio: c. vestigio, concordata publica iussit: inter quæ illud etiam erat, ut posset ipse Arelatenf. quando sibi videretur, sessionem indicare. Quibus lectis, rogatus à promotoribus, ex more conclusit, Oratoribus principum adhuc in choro persistentibus. Qui ut rem gestam intellexerunt, turbati admodum, colloquia dimiserunt, Lubicensi omnia imputantes, qui eos ex industria tenuisset in choro, verbaque protelasset. Ingressique concionem totum templum querimonius impleverunt. Primus tamen omnium, & suo & protectoris nomine, Lubicensis de conclusionis conquestus est, eamque ut Concilium revocaret minus libenter, quam efficaciter postulavit. Id si concederet, tractandum se pacem, & protectorem inter Concilium & Oratores principum pollicitus. Turonensis autem archiepiscopus, videri sibi dicebat usque ad sessionem liberam esse dicendi omnibus facultatem adversus eam, quæ promulgari deberet legem, cum tunc Canones consecrarentur, tuncque reciperent animam, cum insultati episcopi post lecturam Decreti in sessione placere sibi respondissent: secus vero inane esse interrogationem, quæ à promotoribus in sessione fieret, ea de causa, cum non dum essent conclusiones in sessione approbata, impune se circa eas pauca locuturum: rem esse grandem, arduamque, nec tam brevi spatio comprehensibilem, se solum nunc earum habuisse notitiam: quia tamen archiepiscopus esset, oportere eum rem bene nosse, ut domum rediens, & informare regem, & instruere subditos quiret: velleg, & atque collegas ante confluxum sciendum, & audire alios, & audiri ab aliis: nec videri sibi ante relationem gestorum, quæ Oratores principum Moguntie egissent, sessionem hanc faciendam: quæ forsitan talia forent, ut parum possent intentionem mutare. Concensis vero episcopus Orator regis Castellæ, qui & ipse nuper ex Moguntia revererat, vir plura intelligens, quam explicare sciat, graviter questus est contemni prælatos. Nec fuisse rem magnam (ait) si expectati fuissent, qui Moguntiam non voluptatis, sed necessitatis causa, & cum gravibus periculis & sumptibus petissent, postque quasi subridens, Ah demens (inquit) ego, qui expectati prælatos ex Moguntia volo, cum nec etiam ex choro hujus ecclesiæ expectati sint. Facite ergo (ut libet) si quid hinc scandalum, si quid mali evenierit neque nos Oratores Castellæ, inculpandi sumus, neque serenissimo regi nostro quisquam iure impetaverit. Mediolanensis quoque archiepiscopus, quod ejus rei periculosissimum exitum iudicabat, in autore Arelatenf. acerbissime convitiatus est. Ipsum esse, qui copiosum, pædagogorumque gregem nutrieret, remque cum eis fidei concluderet, alium eum Castellanum vocitans, ad quem desperati & perdit omnes confugerent. Illorumque ipsum esse principem, & cum illis ecclesiam regere: nec in re omnium maximam magnis prælatis & magnorum principum Oratoribus auscultare. Albigaunensis quoque vir nobilissimus, & ex Cæsarium sanguine descendens, quamvis nunquam animum à Concilio alienasset, ne tamen ab aliis Oratorum principibus videretur discrepare, haud ablimilem querimoniam habuit de neglectu prælatorum. Exhinc ad Panormitanum oratio defluxit, qui ut vim dicendi majorem habuit, sic etiam concitatore ostendit animum.

**I**N exordio fuit orationis Panormitanus, non ut Oratores præcipuum benevolentiam, sed odium captare ab auditoribus visus est. Dicebat enim, salvatorem nostrum signa in Evangelio quatuor ostendisse, quibus bonus cognosceremus à reprobis: Quoniam qui est ex deo (inquit) verba dei audit, propterea vos non auditis, quia ex deo non estis. Rursus quoque: Qui male agit, odit lucem. Alii etiam: A fratribus eorum cognoscetis eos: Et

Utrorunque  
responsu.

Forma Decreti  
conscribitur & appro-  
batur.

Arelatenf.  
concilium.

Concilio ad  
instantiam pro-  
ceditur.

Orationis in-  
gredimur  
sententiam.

Turonensis  
episcopus.

Concensis  
episcopus.

Vide quid pa-  
riatur veritas:  
d. magnam in  
episcopo con-  
tentionem:  
nam si cam-  
torum & me-  
reticum gre-  
gem alit,  
indatur, do-  
ctus vero bo-  
nosque educa-  
ri, sed ri a-  
scribitur.

Castellan-  
in  
pares Conci-  
lii à Panormi-  
tano.



Et non potest arbor bona, malos fructus facere, quæ omnia in patres Concilii retorquebat qui verba dei, id est, verba pacis, quæ ipsi Oratores proferrent, non audirent, quique lucem fugissent. Oratoribus abstantibus, & clanculum concludentes, quodque in sua deputatione diem festum non celebrassent, sed feriata die conclusissent, & quod in precedenti conclusione non ratione, sed deceptione vicissent. De fructibus dicebat, ut ipsi patres meditarentur, quoniam si fructus eorum non essent boni, ipsi etiam boni non essent, se autem videre in foribus Concilium aliud, ubi timeret non huiusmodi conclusiones revocarentur, tanquam malæ fructus arboris. Ideoque non esse sic repente in rebus maximis procedendum, velleque se adhuc plenius ante sessionem audiri, tam suo, qui archiepiscopus esset, quam sui principis nomine, qui non tantum unus, sed plurium regnorum rex haberetur, se quoque antehac & verbis, & scriptis, ac etiam factis auctoritatem sacri Concilii magnificasse, vererique ne per tales modos auctoritas ipsa conculcicaretur. Ignoscique sibi tandem petiit, si patres Concilii offenderet, quoniam eum sic eloqui dolor mororque cogeret.

**V**oluisse abbas Vergiliacensem, ad eam responsum dare, quæ Panormitanus de sua deputatione tetigerat. Arelateni autem, prius dicere omnes, placuit, qui ex adverso erant. Inter quos ultimo loco legistur Homerus fuit Ludovicus protonotarius, qui licet invitum loqueretur, ubi tamen occiperat, retinere verba nesciebat, & cupiens doctus videri, bonum se fore obliviscatur. Is ergo, debere Concilium advertere, dicebat, ne invitis prælati materiam fidei agitare, ne scandalum sequeretur, quod rem invalidam aliqui dicerent: namque licet Christus duodecim Apostolos, & septuaginta discipulos elegisset, in editione tamen symboli foli Apostoli interfuissent, quasi exemplum darent rem fidei ad solos Apostolos, & sic ad solos episcopos pertinere, nec esse in materia fidei cum festinantia procedendum, quæ limpidißima esse debet: cum exigat Petrus probationem fidei pretiosiores esse auro, quod per ignem probatur: quod si spretis episcopis huic rei daretur terminus, qui columnæ & claves cœli dicuntur, non posset bene probata fides videri, nec bene examinata. Passulque tandem, inferiores cum episcopis definire posse, minorem episcoporum partem cum majori inferiorum parte aliquid posse terminare, negavit. Exinde transiens ad ipsam fidei materiam, dixit, veritates illas, de quibus erat quæstio, articulos fidei fore, si veritates essent fidei: cunque articulos fidei quisque teneretur credere, has quoque omnes teneri credere, ait, ideoque velle se instrui, & maturius edoceri in re, quam esset pro fide crediturus, nec decere id sibi denegare Concilium, quod promptissimum esse deberet, juxta normam Apostoli, cuique poscenti de ea, quæ in eo est, fide reddere rationem.

**P**ostquam vero dicendi finem omnes fecerunt, Arelatenfis seipsum colligens, orationem multifariam habuit, nunc illis, nunc illis respondens. Imperialiumque primo nuntiorum desideria laudavit, qui pacem & concordiam tractare se obtulissent: revocari autem quod esset conclusum, nec necessitatem urgere, nec honestatem pati. Oratorum vero Franciæ petitionem iustissimam esse respondit, quod informari de re fidei poscerent, eorumque, precibus Concilium annuiturum, missurumque, ex magistris aliquos, qui eos domi edocerent. Rem vero jam esse conclusam, nec amplius revocari posse in dubium: sessionem vero non ad roborandum, sed ad honestandū tantummodo actum fieri: quod autem Concilium tantopere quereretur, id sibi non esse admirationi: Non enim sciret Concilium rerum processum, qui absens fuisset, quem melius instructum, minime dicturum talia arbitraretur, quoniam vir iustus nihil postulare in iustum: protestationem autem ipsius nihil mali habere, quod nec regi suo, nec sibi imputari vellet, sed quid ex conclusionibus factis proveniret scandalum: non tamen id esse formidandum, ut ex bonis operibus mala suboriantur. Mediolanensi vero, quod eum nimis turbatum videbat, nimiumque commotum, nihil respondit, ne forte ex gravibus verbis graviora suscitarentur. Panormitanus vero ad ultimum reservabat. Ludovicus vero protonotario instructionem petenti, per verba ad Turonensem dicta voluit satisfactum, id tamen intactum non prætermisit, quod de Apostolis & symbolo dixerat Ludovicus. Etenim quamvis foli Apostoli in symboli editione nominentur: Id tamen non constare, ait, an foli in edendo fuerint, herique id sæpe, ut foli principes adnotentur rerum auctores gestarum, quamvis alios coadjutores habuerint. Idque in præliis patere, quæ licet omnium militum gerantur manibus, paucis tamen ascribi solent, ut hac nostræ ætatis Imperatori omnium præstantissimo Nicolao Picenino, quæ continuus tot victoriarum cursus illustrat, cuncta, quæ suus exercitus vel feliciter agit, vel prudenter, ascribunt. Tametsi alii sæpe & Concilii inventores, & propositi executores fuerint, scireque Ludovicum debere, articulos fidei non solum esse qui symbolo continentur, sed omnes quoque generalium Conciliorum factas circa fidem declarationes. Nec ignorare ipsum, aliquos esse ipsius symboli, quo nunc in ecclesiis utimur articulos, non ab apostolis, sed postmodum in generalibus Conciliis additos portionemque illam de processione spiritus sancti mentionem

Conciliis  
Plus quam  
iurista qui  
damna festo  
die, fidei cau-  
sam agi.  
Vide ne de his  
in Evangelio  
dictum, ubi  
iumentum in fo-  
veam prolapsi  
mentio est.  
Ambitio quid  
non facit?

Abbas Virgili-  
acensis.  
Ludovicus  
protonotarius  
cum doctus  
videri vellet,  
bonum se fore  
obliviscatur.  
Symbolum  
fidei maxime  
concesserunt  
Synodi.

Arelatenfis  
oratio.  
Ad Imperia-  
les nuntios.  
Ad oratores  
regis Franciæ.

Ad Concen-  
sensem episco-  
pum.

Ad Ludovi-  
cum protono-  
tarium.

Nicolaus Pice-  
nius Italus.

Quam adiecit  
Lugdunense  
Concilium  
Propria spi-  
ritus confedi-  
tor Panormi-  
tanus.

tionem habentem, Lugdunense Concillium adiecit, in quo iudicasse cum episcopis inferiores, non esset ambiguum: Cumque rem ipsam in proxima congregatione dilucidasset, laud amplius circa eam fore inmorandum. Sicque ad Panormitanum descendens, verba eius repetiit: Qui ex deo est, verba dei audit. Idque bene sumptum ex Evangelio, in Concilium autem non bene flexum, dixit: se namque firmiter credere, quod veteres exultarunt spiritum sanctum in medio esse Conciliorum, ideoque verba Contilli, verba esse spiritus sancti, quæ si aliqui respuerent, ex deo se utique fore negarent. Nec Concilium lucem odire, quod palam omnia & in publico faceret, & cuius congregationes omnibus essent apertæ, nec ut aliquæ adversariorum conventiculæ, istos admitterent, illos excluderent. Rem quæ nunc in manibus esset, duobus jam mensibus incepsam agitari, primo in schola Theologorum latè diffusèque disputatas esse conclusiones, post, Moguntiam & in alias orbis partes transmissas: Exinde vocatos in Capitulo maioris ecclesiæ patres, viginti circiter & centum numero fuisse, illic inter alios etiam ipsum, qui nunc conquereretur, Panormitanum, fuoque more acutè, disertè, disputasse, nec ulli dicendi locum defuisse. Rursus quoque in deputationibus, dixisse omnes liberrime quæ voluissent. In ea vero deputatione ubi Panormitanus esset, tri-duo rem fuisse discussam. Post duodecim viros concordasse, mox generalem congregationem conclusisse: nullam rem unquam aut maturius, aut diligentius fuisse expeditam, nec aliquid aut dolo, aut clam factum. Quod autem die festo deputatio sedisset, id nihil mali habere, nec novum esse, cum & sæpe dominicis diebus, & aliis in festivitatibus sessum esset, ubi res indigeret celeritate, & maxime, quia res fidei non habet serias, se vero in superiori congregatione, neque dolo, aut fraudulenter, ut Panormitanus dixisset, sed publice requirentibus promotoribus, & via (ut aiunt) regia: Nec esse ulli iustam de se querimoniam, qui assumptus ad præsidendam iurasset, se semper concludurum, ubi aut quatuor, aut tres deputationes concurrerent. Cumque in pluribus causis Papam tangentibus conclusisset, non videre se nunc, cur in re fidei non concluderet, quia & Cardinalis esset & ideo rubrum galarum gestaret, quoniam etiam sanguinem ad tutelam fidei deberet effundere, nec se nunc aliquid adversus Papam fecisse, qui dimissis quinque conclusionibus Eugenium tangentibus, solas tres generales conclusisset: quod nisi fecisset, habituros patres in eum iustissimam querimoniam, qui ejus fidem sequuti, eum præsidem legissent, à quo nunc in re fidei, & in re maxime necessaria defererentur. Versusque ad multitudinem, bono animo esse patres rogavit, quia nunquam eos dimitteret, etiamsi oporteret mori eum, dedidisse se suam Concilio fidem, illamque velle observare, nec eum ex suo proposito, aut minas, aut preces cuiuspiam posse dejicere: paratum se ad omnia fore quæ sacrum sibi Concilium præciperet, nec unquam mandatis se deputationum, aliquo pacto defuturum. Quod autem Panormitanus Concilii auctoritatem magnificasset, gratias sibi habendas ait: scire tamen eum debere, auctoritatem sacri Concilii tantam esse, ut & nullius laudibus crescere, & nullius vituperatione minui possit, atque his peroratis, formam decreti legi iussit. Panormitanus vero, & qui eum sequebantur, cæterique protestationem quandam prius legi contendebant: diuque hinc atque illinc vociferatum est. Obtinuit tamen demum Arelatenfis, dictaque forma. Decreti, usque ad verbum Decernimus, assurgens Panormitanus, nihil passus est ulterius audiri. Indecorumque esse clamabat episcopus Cathavienfis, solum Arelatensem cum paucis & titularibus episcopis rem concludere. Clamabant & omnes, qui Panormitano favebant. Cardinalis quoque Terraconensis, qui usque ad eam horam siluerat, graviter suos castigabat, qui veluti dormientes & somnolenti protestationem non lege-ent, familiaribusque illico uni ex suis, ut protestationem perlegeret, mandavit. At sicut antea lecturam concordatorum adversarii perturbabant, sic nunc patres Concilii adversariorum protestationi locum non dimittebant. Quod ubi Albiganensis perpendit, scripturam sibi lecturæ afferri præcepit. Jamque sonare vox cœperat, cum subito Arelatenfis admonitu patriarchæ affluerit, cum multitudine patrum recessurus. Quæ res apprime Cardinalis Terraconensis, Panormitanoque placebat, sperantibus se cum suis in ecclesia remansuros. Revocare conclusionem Arelaten. & aliam facere, jamque suos ut remaneret, adhortabantur. Erat in concione, suoque loco Georgius protonotarius de Bardaxina, paulo inferius sedens, quam suus avunculus Cardinalis Terraconensis, ætate admodum juvenis, prudentia vero senex, & humanitate perobilis, qui ut vidit Arelatensem surgere, ipse quoque recedendum sibi statuerat, vocantique se avunculo, & ut maneret præcipienti. Abiit à me (inquit pater) in vestro in conventiculo maneam, aut aliquid agam, quod iurejurando à me præstito sit adversum. Quo dicto, & præstantem virtutem, generositatemque suam paterfecit, & nostros eorum quæ facturi fuerant, remanentes admonuit. Vox ejus vox spiritus sancti fuit: vox plus quam credi posset necessaria: nisi enim vox ejus sic sonasset abiissent forsitan conciliares, alii in ecclesia remanentes, contrariam habuissent conclusionem eamque validam asseverassent, quod ultimam conclusionem dicerent inspicendam, nec unquam ut ali-

Verre Cardinalis non purpuratæ Babylonis, sed immaculatæ spoliæ Christi Jesu. At multitudinem Concilii.

Quasi in re fidei non posset univulque pronuntiare, habens pro se Canoniam scripturam.

Georgius protonotarius, & egregius ejus animus juvenis adiuç.

ut aliquibus, in majori: ut mihi videtur, in simili discrimine Concilium fuit. At plerique viri admoniti voce protonotarii, antiquorum Conciliorum, & similium calum remiſcentes abſcedentem jam multitudinem, partim nutibus, partim vocibus revocarunt: ipſique ut ſederent Arelaten. & patriarchæ inclamarunt, ne vacuum advenſariis, & quietam dimitterent eccleſiam: unde & ſubito multitudo reſedit, & fores obſeratæ fuerunt. Interea Mattheus Albigaunenſis episcopus proteſtationem nulli alteri, quàm ſibi legebat. Nec enim præ ſtrepitu poterat audiri. Quo finiente, tam Longobardi, quàm Cathelani proteſtationi adhaerunt. Cardinalis quoque Terraconenſis adherere ſe illi diſſenſioni, dicens, admirationem ſui reddidit, & ſubridentibus aliquibus, Quid irridetis me (ait) inſani? Oratores mei regis à vobis diſſentiant? Quid mirum eſt, ſi me (inquam) ipſorum conſentire diſſentioni? Atque cum hiſce ſermonibus & ipſe, & omnes fere Arragonenſes, Longobardique, & Caſtellani diſceſſerunt. Cateri omnes reſtiterunt. Et licet hora eſſet admodum tarda: jam enim duæ poſt meridiem effluxerant horæ: videns Arelatenſis quietum eſſe conventum, privatarum (ut moris eſt) perſonarum legi negotia juſſit: quibus finitis, publica quoque iterari præcepit. Iterumque & legi conſuſiones, & formam Decreti voluit. Remanſerant in congregatione Oratores Imperii cum Oratoribus Franciæ, invicemque de rebus geſtis conſabulabantur, nec quid legeretur magnopere advertebant. Audivit tamen verbum de conſuſionibus Turonenſis, verſusque ad Lubicen. En (inquit) res iterum fidei agitur, abeamus hinc obſecro, ne ſcandalum ſumus aliis, neve à cateris Oratoribus diſſentire dicamur. Cui Lubicenſis, Mane (inquit) pater, mane hic. Nunquid veriſſimæ huiusmodi conſuſiones ſunt? quid tu hic timeas pro veritate fuiſſe? Nec iſta à multis audita ſunt: ſubmiſſa namque inter ſe ſe voce ſermones ferebant. Audivi tamen ego, qui ad pedes eorum ſedens, quæ ipſi dicerent verba cupide obſervabam. Arelatenſis autem lectis omnibus, quæ neceſſaria reputavit, petentibus promotoribus conſuſit, & factò ſine, concionem dimiſit.

**B**I S igitur (ſicut monſtratum eſt) magnis in difficultatibus conſuſit Arelatenſis; quoniam nec materia, nec forma potuit ſine concertatione concludi. Fuitque utraque miraculoſa conſuſio, & præter ſpem omnium, vel Arelatenſis induſtria, vel ſpiritus ſancti munere habita. Ideoque relatum eſt poſtea Panormitanum, cum ex eccleſia abiit, verſum ad ſuos, Italica, noſtraque lingua dixiſſe, & duæ, volens ſignificare quoniam aur bis pars ſua ſuccubiſſet, aut bis fuiſſet decepta. Id namque non ſine indignatione pronuntiavit. Poſt hæc deliberatum eſt inter Longobardos & Arragonenſes aliquantisper à deputationibus abſtinere: quod nec diu, nec omnes ſervarunt, pluribus tamen diebus tranquillores habitæ ſunt deputationes: nec uſque ad quintam & decimam Maii lucem, relatum dignum eſt quicquid actum: quaſitæque interim concordia inter patres, nuſquam potuit reperiri. Ut ergo illuxit Veneris dies, quæ fuit Idibus Maii, vocatus in concionem Nicolaus Amici promotor fidei, quæ acta eſſent ſuperioribus diebus ſuccincte repetit: utque indicare ſeſſionem Arelatenſis poſſet, explicavit. Quare cum eſſet periculi plena in rebus fidei dilatio, in craſtinum ſeſſionem indici poſtulavit: Requens & Cardinalem ipſum ob dignitatem ſuam, qui cardo eccleſiæ diceretur, & reliquos episcopos, quoniam ſic in ſanctificatione promitterent, ne nunc in tanto negotio deſerent eccleſiæ, neve fidem opprimi paterentur: Alios vero minores ſub juramento præſtito requiſivit. Iterum ergo ob hæc verba concertatum eſt. Arelatenſis namque, ut requiſitus fuerat, ſeſſionem indixit, utque omnes aſſeſſent cum ornamentis, eſt exhortatus. Lubicenſis autem aſſurgens, ſuo & proteſtoris nomine proteſtatus eſt, ſe ſeſſioni ſiendæ minime aſſentiri, ſiqua in parte intelligentiæ, per Oratores principum Moguntia habitæ derogaret. Ejusque proteſtationi acceſſit Georgius miles coambafiator ejus. Proteſtor vero Cæſareus, ut ſe nominari per Lubicenſem agnovit, minatus aliquantisper quid eſſet, ac per interpretem certior factus. Nequaquam ſe (inquit Lubicenſis) proteſtationi accedere, nec ſe actorum Moguntinorum aliquid noſſe: ſe miſſum per Imperatorem ad ſacrum Concilium, habere ſua mandata quorum recte recordaretur, illique obediturum ſe eſſe. Poſt quem Concenſis, proteſtationis ſolita tenorem repetit, atque exinde ad Panormitanum ſermo deſcendit. Cuius antequam verba reſero, Nemo ut admiretur cupio, quod toties cadat in meum Panormitanus calamus. Neceſſarium enim habeo rem, ut geſtum eſt, ſi narrare. Et evenit in huiusmodi rebus haud ſecus, quàm in bellicis actibus. Ut enim ibi qui viribus corporis aliis præſtant, & qui plura faciunt, pluries nominantur, veluti in bello Troico Achilles & Hector: ſic in huiusmodi ſpiritualibus præliis, qui plurimum eloquentia, ac ſcientia pollent, plus aliis agunt, pluſque ut nominentur, oportet. Erat namque alterius partis princeps Panormitanus, alterius Arelatenſis: ſed illum non quippe voluntas, ſed ſola neceſſitas principem fecerat, eumque obedire principi ſuo oportebat. Ubi tamen veritas eſt, non ignorabat, nec libenter ei reſiſtebat, ſapiuſque illum ego in ſua bibliotheca de ſuo principe vidi conqueſtum, qui aliorum monita ſequeretur. Is ergo (ut locum dicendi habuit) mirari ſe ſupra modum

Albigaunenſis  
legit proteſta-  
tionem.

Leguntur  
Concilii ne-  
goria, & pub-  
licantur.

Finis præ-  
ſentis hæc col-  
ligebat.

Ita non lau-  
das, præſta d  
Hæc hoc  
Concilium,  
cum ipſe fa-  
ctus fuiſſet  
promotor.  
Vide, vide,  
ſed ſcis modo  
quid egeris  
Chriſto judi-  
ce.  
Petitur indici  
ſeſſio in  
craſtinum.

Lubicenſis.

Conradus à  
Winſberg  
Baro.

Concenſis.

Panormitanus.

Achilles Eu-  
gleanorum.  
Arelatenſis  
Concilii He-  
ctor.

cum, ait: quia procurator fidei prælatos ad sessionem requireret, quod esset à suo officio alienum, nec debere illum præfidentis vicem usurpare. Iterumque de contemptu prælatorum conqueſtus addidit, rem præsentem, statum apostolicæ sedis tangere, eamque ob causam debere priusquam sessio fieret, sedem ipsam audiri. Nec curandum esse, quod id Constantinense Concilium videretur decrevisse, quod modo ageretur, quia Constantiæ non fuisset auditus Johannes, nec alius pro ipsa sede locutus: quo verbo omnia illius magnæ & sanctæ Constantinensis Synodi Decreta revocare in dubium, & parvascere videbatur. Ideoque tumultus pergrandis, & clamor omnium factus est, una voce dicentium: Sanctam esse Constantinensem Synodum, ejusque fore intemerandam autoritatem. Ille tamen adhuc instans magno elatoque animo, rem ipsam sine Oratoribus principum perfici nequaquam posse asseruit, oportereque in re fidei principes audiri. Rursusque Oratores ipsos consentire non posse, quod in Moguntia dieta nihil se recepturos promississent, ex his quæ durante pacis tractatu, per eos incepto, vel Papa contra Concilium, vel Concilium contra Papam fecisset: nec se dubitare quin tres primæ conclusiones hæreticum Eugenium declararent, quoniam notorium foret primis duabus Eugenium pertinaciter contraire. Eapropter cum nondum esset sessio celebrata, & liceret ante sessionem cuique volenti dicere, rogare se iterum atque iterum dixit, ne sessio adhuc fieret. Cui Arelatenſis nil dubii fore respondit, quin ex officio suo promotor fidei ad rem fidei prælatos accerferet, & maxime, quia sic deputatio fidei & ipsum totum Concilium sibi mandasset. Ad materiam prælatorum ait, quia episcoporum abſque ullo dubio maxima esset autoritas. In Conciliis tamen introductum esse, non nomine episcoporum, sed Concilii fieri conclusionem, Universalem ecclesiam certas sibi leges in hoc Concilio dixisse, quæ usque hec temporis inviolatæ manerent: nec gravem episcopis inferiorum præsentiam esse debere, cum & sub palliolo fordido sapientia, & sub pretiosis vestibus sæpe dementia delitesceret. Debere quoque illius Donitii episcopos meminisse, qui (ut Hieronymus refert) Cur te habeam inquit? ut principem, si me non habes ut fenatorem? Oportet namque ut episcopi presbyteros habeant, ut presbyteros, si sibi ab eis, ut episcopis honorem cupiunt exhiberi, nec expectari principes ad huiusmodi rei decisionem debere, quia non hic principum, sed Christi nomine congregata esset ecclesia, quæ potestatem à deo non à principibus recepiſſet, ad quam tutandam non minus inferiores quam ipsos episcopos cerneret animatos, Cum illos non solum bona temporalia, sed vitam quoque ad defensionem ecclesiæ daturus cognosceret. Episcopos vero aliquos nequid temporalitatis amitterent, libertatem ecclesiæ principibus vendituros, eosque iudices & domuius supra Concilium erecturos. De gestis vero Moguntia nihilum se curare, quia (ut aiunt) sine hospite computassent. Illud autem quomodo stare posset se minime intelligere, quod neque Concilio, neque Papæ obediuros se statuissent, quoniam aut illi parendum esset, aut isti, tertium nullum esse tribunal, cui foret obediendum in his quæ vel idem vel animarum salutem respicerent. Nec passuram tandem ecclesiam, ut iudicio principum res suæ, resque fidei terminentur. Nec enim spiritum sanctum principibus, sed ipsos principes illi subesse, seque pro hac conclusionem, nec fortunarum amissionem, nec martyrii poenam formidaturum. Quod autem Panormitanus tam acerrimum Eugenii defensionem se exhiberet, id sibi stupori esse, quoniam nemo illius errata magis, quam Panormitanus aliàs publicasset, cujus maxime opera & suasu, & decretum monitorium adversus Eugenium fuisset, & suspensio admissa. Unde ista mutatio nunc esset se penitus ignorare, cum nec vitam Eugenius mutasset, nec stare in tanto schismate ecclesia posset. Rogare tamen Panormitanum, ut bene adverteret, an ex conscientia loqueretur. Conclusiones enim quæ modo decretari deberent, fore admodum generales, nullamque summi pontificis mentionem habere, in eisque veritatem fidei contineri: si contra eas sentiret Eugenius, Papam corrigi æquius esse, quam veritatem omitte. Sicque facto sine admoniti omnes sunt, die crastino ad sessionem venire. Rogavit quoque protector sacrum Concilium, ne qui familiares afferre arma in sessionem permitterentur, quia paratus esset saluum conductum Imperatoris servare, & cum senatu civitatis quoscunque rixantes ab injuriis prohibere.

**U**T fabbari dies illuxit, quæ fuit Maii sexta & decima, omnes ad horam venerunt, quibus sessio cordi erat. Ludovicus quoque Lautanenſis episcopus magni consilii, magnique familiæ pater, missam incepit. Oratores autem principum ad ut tentaturi aliquid, in chorum ecclesiæ venerant, mittentesque Lubicentem ac Concentem episcopos, virumque non contemnendam peritiam decanum Turonensem, interfuturos se sessioni offerebant, si quatuor adhuc mensibus Eugenii depositio cesseretur. Qui cum gratum responsum ab Arelatenſi, & quibuscumque aliis primoribus habuissent, reversi ad suos, mutatum esse propositum invenerunt. Jam enim solam primam conclusionem decretari volebant: sique iterum Arelatenſem interpellarunt. Quibus responsum est, vim maximam in

Oratores Pa-  
pa quoscumque  
ad sessionem  
facere magis  
faciunt, quic-  
quid vero  
contra locuti  
deprimunt,  
sive lacrum,  
sive propheta-  
rum.  
Ad Panormi-  
tanum Arela-  
tenſis.  
Conclusio  
Concilii, non  
episcoporum  
sed Concilii  
fit nominis.

Hieronymus  
ad Nepotianum  
de vita  
clericali.

Vide quàm  
argute quàm  
sanctè & pie  
adversarium  
conficit.  
Sybatten  
die treten on  
den wirt  
gemacht.

Panormitanus  
Eugenii errata  
publicavit.  
Eone deus  
concilium  
vix emenda-  
tionem Euge-  
nio quærebat,  
at ille incorri-  
git illis.

Lautanenſis  
episcopus.  
Ex tota Italia  
vix duo in-  
venti sunt  
prælati ad bo-  
num ecclesiæ  
utiver.

in duabus reliquis esse conclusionibus, easque præcipue velle Concilium decernere. Si nolent Oratores adesse, scirent concordiam a se fore interruptam, qui nolissent quod obtulerant observare. Quo responso, & illi discesserunt, & sessio celebrari cepit: nullus tamen Arragonensem prælatorem interfuit, nullusque omnino ex tota Hispania. Ex Italia soli, Grosifitanus episcopus, & Abbas de Dona, qui pro eorum constantia, & firmissima ad bonum universalis ecclesie voluntate mutari proposito non poterunt. Doctores autem, & ceteri inferiores magno in numero Arragonenses fuerunt. Et omnes fere, qui aderant ex Italia, Hispanique (nec enim inferiores, sicuti prælati, principes timuerunt) maximeque tunc Arragonensium & Cathelanorum virtus in inferioribus emicuit, qui sese minime necessitati ecclesie denegarunt. Ex duabus aliis nationibus mitrati fuerunt solum viginti. Alii vero domi latebant, fidem in corde, sed non in ore habentes. Cogitabat Arelatensis, quod erat futurum, plurimisque sanctorum reliquias tota urbe perquiri iussit, ac per sacerdotum manus in sessione portatas, absentium episcoporum locum tenere: quæ res maxime devotionem adauxit, in tantum, ut vocato postmodum de more spiritu sancto, nemo lachrymas continuerit. Erat namque per totam ecclesiam tenerimus ac suavis fletus bonorum virorum, qui lachrymantem divinum auxilium implorabant, quique matri ecclesie, ut opem ferret, magnum deum deprecabantur. Inter alios quoque magnificus ille baro Imperialis protector, uberrimas ecclesie lachrymas præstabat, & inter flendum haud modicam tali actu consolationem recipiebat. Erat autem concio ipsa frequentissima: etsi enim episcopi haud multi erant, plena tamen omnia fuerunt subfellia, procuratoribus episcoporum, archidiaconis, præpositis, prioribus, presbyteris, ac divini & humani juris doctoribus, quos aut quadringentos, aut certe plures esse dijudicavi: quos inter nullum unquam probrum, nulla rixa, nulla unquam contentio fuit: sed alter alterum in professione fidei hortabatur, unanimique omnium esse consensus ad defendendam ecclesiam ostendebatur. Decretum vero Massyliensis episcopus apprime nobilis legit, cui cum Albigaunensi episcopo tanta familiaritas ac fraternitas fuit, ut gemini dicerentur. Nam & domi, forisque semper simul cernebantur. Quæ res eo mirabilior videbatur, quo ipsi in factis ecclesie discordantiores ostendebantur, cum & Albigaunensis adversus decretum protestationem legisset, & Massyliensis decretum, atque una ex domo lector utriusque exisset: sed erat (ut quidam putant) in uno veritas, in altero simulatio. Brevis lectio Decreti fuit, nam & ipsum breve erat: fuit tamen ejus lectura attente audita, nec ullum verbum incaffum cecidit: Factoque fine, Te deum laudamus ex una parte cantatum est, ex altera responsum Te dominum confitemur. Sicque alternatim summa cum læticia, & omni alacritate finitus est hymnus, & sessio dissoluta, quæ fuit in numero aliarum tertia & trigesima, quæ si (ut diximus) & quieta fuit, & ultra omnes pacifica, nihil mirandum est. Ea namque in die celebrata est, quæ ipsius pacis & quietis matri Mariæ virginis est dedicata. Nec enim sua in die, aut seditiosum aliquid, aut turbulentum fieri beata virgo in suo præsertim templo admisisset. Vidimus namque alias, cum Decretum electionis locum publicari deberet, quia futura erat prægrandis discordia, Virginem ipsam bis impedivisse, quo minus in suo die publicaretur, fuitque res illa Marti dimissa. At nunc quia pacifica res fuit, non solum in sabbato sessionem fieri permisit, sed miraculose etiam voluit, ut generalis concio pro re ipsa concludenda in sabbato haberetur.

**E**a quæ sequuta est Veneris die secunda & vigesima Maii, Oratores principum, præter omnium spem, generali congregationi, & actibus conciliaribus, se miscuerunt, eo vel saltem sacro præteritæ sessioni præstantes assensum, in qua celebranda si patres errassent nequaquam fas erat Oratores principum cum eisdem patribus Concilium celebrare: sed existimati sunt, remorsu conscientie tacti, jam abhorrere quod egerant, quod de Oratoribus Cæsareis ac Gallicis nequaquam fuit obscurum. Lubecensis namque episcopus id sibi absentiae causa præstitisse dixit, quoniam iussu Cæsareo ad pacem fuisset destinatus, ex qua re non decuisset eum alicui negotio interesse, unde ille perturbaretur, cum quo pax esse præstacienda: se tamē sessionē præhabita plurimum commendare, decretumque in eadem promulgatum optimum se ac sanctissimum credere, veritates quoque in eo contentas apud se semper indubitate fuisse, eisque & nunc, & usque ad mortem velle adherere. Turoensis autem archiepiscopus plurimum literarum, & ornatæ prælatibus eloquentia, pro se ac suis collegis loquens, Audisse se (inquit) inter aliquos sibi esse detractum, quod in sessione illa sanctissima regē suum non honorassent, quem maxime tueri fidem, ac exaltare deceret, qui ideo esset præ cæteris regibus nomen sortitus Christianissimum, habere se tamen non illegitimam excusationem, quando eos qui essent ad pacem missi, nihil omnino agere conveniret, quo suam impedirent legationem. Duo quoque iniustitie fore genera, quibus aut fienda non fierent, aut fierent non fienda. Primumque non semper obligare, quod oporteret temporis, loci, personarumque rationem habere, ultimum vero semper tenere. Neque in eo se incidisse, qui nihil turpitudinis admisisset. Circa primum tamen posse aliquibus videri se errasse, quod in veneranda sessione

Sal's intenti,  
ex Hispania  
nullus.

Jam vide  
quid de istis  
deinceps boni  
sperandum  
sit.

Laus Hispa-  
norum infe-  
rioris ordinis.  
Arelatensis  
ingenium.

Quis hic in-  
terfuit spiri-  
tus judica tu,  
christiane.

Conradus  
Winfpergen-  
sis Baro.

Quadringenti  
circa divini  
& humani  
juris doctores  
interfuerunt,  
inter quos  
nullum un-  
quam pro-  
brum, aut con-  
tentio inter  
ecclesias.  
Massyliensis  
episcopus leg-  
git decretum.  
Albigaunensis  
contra ac-  
cretum.

Sessio 33.

Oratores as-  
sentunt ultra-  
que sessioni.  
Oratores  
principum,  
maxime Cæ-  
sarei & Galli-  
ci, conscientia  
stimulante,  
Concilii gesta  
approbaverunt.

Duo injus-  
titiæ genera.



Exemplum  
Pauli apostoli  
norandum.

Oratores  
principum,  
Eugenium  
inimicum ve-  
ritatis dicunt.  
Arelantensis  
laudat Ora-  
tores.

Concilium  
ideò fuit con-  
gregatum, ut  
Ro. Pont.  
ambitio tolle-  
retur ne pro  
sua voluntate  
omnia se pos-  
se putarent,  
deinde ut eo-  
rum animus à  
cura tempo-  
ralium ad spi-  
ritualia revo-  
cetur, quo-  
rum apud eos  
jam nulla cu-  
ra est.

non affuissent, sed esse quoque hic quod responderent, quia si sessionem talem adissent, inutiles postmodum tractatui pacis cum Eugenio se reddidissent: ideoque licet desiderassent tam sancto negotio interesse, secutos se tamen fuisse exinde exemplum Pauli, qui licet cuperet dissolvi, & esse cum Christo, adhuc tamen, ut magis profecisset ecclesiæ, differebat: sicque se nunc fecisse, quoniam non idcirco absuissent, quia de conclusionibus dubitarent, quas veras, sanctasque reputarent, & quibus usque ad martyrium adhaerent: sed ne tractatui pacis pro qua venissent, redderentur inepti, se tamen quod suis non fecissent in personis domesticorum implevisse, quos omnes honorare sessionem iussissent. Voluissim tunc prelati alicujus magni esse loco: nec enim non castigati transissent, qui se post digitum latere arbitrabantur. Etenim per deum excelsum, quid est quod pacis tractatui officiat declaratio veritatis? Aut si officit, cur pari loco non habeatur, qui declarat, & qui declaranti consentit? En quid amplius testibus indigemus? Ecce quod ipsi principum Oratores, inimicum veritatis Eugenium esse dicunt. Sed transeo ista: fat enim, postea Eugenius, cognoscere se Turonensem inimicum sibi, ad ipsum regem Franciæ scripsit, solum restat, ut pariter Lubecen. expediat.

**A** Relatensis vero, postquam finem Turonensis fecit, gratias egit deo, qui sic suam tueretur ecclesiam, quique post nubilum serenitatem quoque præberet. Laudatisque Imperatoris erga ecclesiam, & ipsius regis Franciæ beneficiis, ipsos etiam Lubecensem & Turonensem magnifice commendavit, qui & in Concilio sæpe, & proximis diebus in Moguntia auctoritatem defendissent: præcipue tamen præsentem actum, laudibus extulit, qui & publice veritatem confessi fuissent, & ab ecclesiæ fide se minime sequestrassent. Ingressusque rei gestæ narrationem, fuisse se Pisæ ac Constantiæ, inquit, nec unquam sessionem vidisse, aut quietiorem, aut devotiorem, tum propter lachrymas omnium, qui in tantæ rei prosecutione plorabant: tum propter sanctorum reliquias, quæ in manibus sacerdotum adjectæ, & devotionem & auctoritatem rei majorem addebant. Necessariumque illud fuisse decretum, asseruit, ad reprimendam Romanorum pontificum ambitionem, qui se supra universalem ecclesiâ extollentes, omnia pro libidine sua se posse, arbitrabantur, ne posthac ecclesiam unus homo, nunc Bononiam, nunc Florentiam: rursus Bononiam, mox Ferrariam, & deinde iterum Florentiam (ut Eugenius attentavit) traduceret: utque deinceps Romani pontifices paululum animum à temporalium solitudine rerum retraherent, qui, ut ipse vidisset: nequaquam de spiritualibus cogitarent: ideoque quo esset sanctior, quoque necessarius illa sessio, eo laudabiliorem & omnibus patribus gratiorem ipsorum Oratorum adhesionem fuisse, propterea, quod actum esset, nec minus propter absentiam, nec plus propter adhesionem valuisse. Atque iis dictis & ipse assurrexit, & congregatio dissoluta est. Nunc depositionem, quo pacto transierit, qui secuturus est liber, exponet.

¶ COMMENTARIORUM ÆNEÆ SILVII SENENSIS DE  
gestis Concilii Basiliensis, libri primi, contra Eugenium & Eugenianos,

F I N I S.

ÆNEÆ

## ÆNEÆ SYLVII

PICCOLOMINEI SENENSIS DE GESTIS  
CONCILII BASILIENSIS COMMEN-  
TARIORUM LIBER SECUNDUS.

**A**prehendit dominus arma & scutum, & exurrexit in adiutorium ecclesiæ. Eaque sic adjuva, gaudens exultat in deo suo, qui eam vestimentis salutis induit: & quasi sponsam decoratam corona & ornatam monilibus, iustitiæ indumentis circumdedit eam. Traditum est superioribus Commentariis, quo statu nostra demum ætate ecclesiæ fuerit, quam Eugenius paulo ante papa, ut ventus arundinem, exagitavit. Verum est tamen, quod ore aureo Johannes prædixit: Quia non cessat ecclesiæ impugnari, non cessat insidias pati, sed in nomine Christi semper superat, semper vincit. Et quamvis alii insidentur quamvis reperiuntur eam fluctus, fundamentum tamen, quod supra petram est, non quasiatur. Quocirca mentita est iniquitas Gabrieli, & perdidit eum dominus in malitia sua: quo, synodali sententia, ex apostolica fede præcipit, factus est dominus in refugium ecclesiæ, gregique suo pastorem largitus est, qui derelicta (ut spes optima est) visitabit, dispersa quaeret, confractum sanabit, carnesque pinguium non comedet, & id quod stat, sapienter enutriet. Quam rem ut omnes Christicolæ plane intelligant, enarrandus est mihi in eo, qui sequitur, libro, electionis ordo, quo aunc Amodeus Sabaudia dux sapientissimus, in Romanum pontificem sit assumptus. Deposito igitur (sicut jam monstravimus) ex Romano pontificio Gabriele Condulmario, vocatisque ipsius die prioribus patrum in Capitulari loco majoris ecclesiæ, an expediret illico novum creari pontificem, an in tempus differri consuleretur. Quibus festinanda electio pontificis videbatur. Plenum periculis, dictæ congregationi huiusmodi, sine capite gubernari morbum esse in tota urbe pestiferum, qui non solum peruritiam & juvenentem, sed viros etiam fortes ætate & aridos senes, quibus innoxia pestis, esse solet, depopularetur. Eamque lumen primo ex adventis ad pauperes urbis, & inde ad divites, denique etiam ad ipsos Concilii patres advolasse: prædicare, augere timorem, & omnia (sicuti sit) plus vero exollere. Decretum nequaquam ob stare, quo cautum esset (sexaginta diebus post vacationem supersederi. Id namque intelligi, cum extra locum Concilii sedes vacaret: nec expectandum esse, ut principes per Gabrielem suasi obstitissent: quibus scribenda unico nuntio foret, & Gabrielis depositio, & alterius assumptio. Alii vero quibus supersedendum esse videbatur, nec carere Concilio capite, quod Christus erat, asseverabant: nec rectore desiderare, quod per presidentes & alios officiales gubernaretur. Petitis autem in tali re mentionem non esse habendam: quoniam nec timenda mors esset viris fortibus, nec pro fide Christi pugnantibus injici metus tormenti possit: Eum tamen, qui modo in urbe grassaretur morbum, jam facta iudicio, sperandum esse committere, qui propter neglectam iustitiam creditus fuerat invalescere. Principibus vero in re tam ardua, invitis potius quam neglectis utendum esse, nec verendum fore, quin eo casu sortes fortuna sit adiutura. Re igitur inter omnes diligenter trutinata, licet quot homines, tot sententiæ forent, & suis cuique mos esset: constare tamen inter omnes videbatur, utilius esse statim eligere, differre honestius. Eam ob causam Johannes Segovius, summa scientia vir, diversis hinc atque hinc, patres, inquit, rationibus trahor, ut tamen maturius rem ex animo colligo, ea mihi demum sententia stat, ut electionem festinanam humani dilationem vero bimensem divini consilii putem. Mihi enim non videtur, sic factum legibus rescindi posse, Decretique nostri non solum verba, sed mentem quoque servandam censeo. Quapropter si mihi creditis, honestatem potius periculosam sequemini, quam utilitatem securam, licet revera fecerim utilitas ab honestate non queat. Vicisti igitur inter patres dilationem sententia, duobusque mensibus expectandum esse decreverunt. Intem missi ad principes nuntii, depositionem Romani pontificis in synodo factam, ubique gentium publicarunt. Corruptus tamen interea coeli tractus, & lætifer annus nequaquam purgabatur, sed crescente indies tabida lue, linquebant plurimi dulces animas, aut agra trahabant corpora. Quare orta est subita trepidatio patribus, nec quid agerent, satis consultum habebant, neque tutum se transferre putabant, neque manere, qui tamen permanendum duxerunt. Alios quoque, tulerunt, ut qui famem & hostiles insidias superaverant in terra, pestis periequirione non videretur deficere: quia tamē non omnes teneri poterant, caute provifum est, ne per cuiusquam recessum dissolvi Concilium videretur: utque solidius res firmarentur, lecti sunt ad huiusmo-

Eugenius ecclesiā, ut ventus arundinem, exagitavit.

Eugenius depōnitur à sede apostolica.

Deliberatur, an pontificis electio sit differenda, an festinanda.

Sexaginta dies super sedendum post festum apostolicæ vacationis.

Johannes Segovius.



Patres de stabili-  
mento.  
Ingens pestis  
Baetica.

hujusmodi curā nonnulli patres, quos de stabilimento appellavere, quorum postea in longū tē-  
pus potestas duravit. Cumq; jam steriles exureret Syrius agros, omnesq; arerent herbae, latius  
undiq; grassata est pestis, & lervescens diem morbus, incredibile est quantas animas orco de-  
miserit: horribile visu erat, horati funera per vicos exportari, temperq; aut dominicum cor-  
pus, aut unctionis extremæ sacramentum, in viarū compitis esse: & ubiq; plāctum, ubiq;e  
gemitum exatōiri: nulla expertus luctus in tota urbe domus patebat, nullibi aut risus cerni,  
aut jocus poterat: illic matronæ viros, illic viri uxores cesebant. Ibat per urbem omnem  
uterq; sexus: & illi natos, illi parentes: alii fratres, alii amicos desiderabant. Ut tamē pavid-  
or quisq; fuisset, sic alter alterū sermone vitabat. Et alii quidem domi manebant: alii vero per  
urbem euntes, narium & oris spiracula, captatis adversus pestē odoribus, claudabant. Cadebat  
sine numero urbana plebecula: utq; in primo autumnī frigore sylvarum folia copcidunt, sic  
juventutis corpora expirabant. Tantq; morbi vis fuit, ut aliquem nunc in platea lætum &  
validum cernens, post horā decimā humatum fore audires. Jamq; tot erant inorientium fu-  
nera, ut sepulchræ loca defuerint. Quapropter exaratis omnibus cœmeteriis, foveas in pa-  
rochiis per amplas fecerunt, ubi pluribus cœctis cadaveribus, terrā superinduxerunt. Quam ob  
causā ita exterriti patres erant, ut nullus jam in eorum facie sanguis rubesceret. Permaxime  
tamen inopina, & subita mors Ludovici protonotarii cunctos exterruit, quem (sicuti supra re-  
tulimus) virum robustū, ætate florentem, & utriusq; juris scientiā eminentissimū, paucissimis  
horis invidiosus oppellit morbus. Cecidit & paulo post Ludovicus Patriarcha Aquileiensis,  
vir grandævus, & in adversitatibus enutritus, nec quem optaveret diem electionis Pope po-  
tuit cernere. In eo tamen partem cōsolationis recepit: quoniā prius depositū Gabrielem vi-  
dit, quā moreretur. Latiusq; (ut ante prædixi) tale nuntiū in orbē portavit aliū: hic septem  
diebus ægrotavit: & (ut quidā volunt) incuria magis sua, quā vi morbi defunctus est. Tuncq;  
ejus obitus omnibus patribus amarissimus. Jamq; duas Cōcilii columnas prostratas esse di-  
cebat, protonotariū & patriarchā: quoniā jure alter, facto alter veritatem synodi ostendissent.  
Delatus est hic seretio super cervices hominū patriarchali habitu vestitus, faciem offendentem si-  
milē dormienti, usq; ad Carthiliā, quem omnis patrū lacrymans secuta est turba: ibiq; ante  
altare sepultus jacet. Per idē tēporis diem clausit in terra Suisetorum vir summa doctrina,  
Eleemolynarius regis Aragonum: in Argentina paulo post Eboracensis episcopus: in Spira,  
abbas Vergiliacensis: & inter Budā ac Viennā Aultriæ Johannes Lubecensis episcopus. Sed  
ii ultimi etiā illud cōmemorandum in morte gesserunt: Namq; ubi adesse migrationis horā  
fensere, cōspuriab; se de viris gravibus acerbis, corā iplo Christi corpore, quem statim  
sumpturi, & ante cujus tribunal intra paucas horas cōparituri erāt, vos omnes qui adesset, di-  
xerunt, orate deū, ut illos cōvertat, qui Gabrielem pro summo pontifice recognoscunt: quia  
in eo statu salvari nō possunt, sed in fide Basilienis Cōcilii mortuos professi, absq; ulla ex-  
culatione, dormientibus similes, ad cōmum migraverunt. In Bohemia quoq; legatus sacri Cō-  
cilii, Cōstāntiensis episcopus, virtutis exemplar decessit. Eratq; & intra Cōciliū & extra ubiq;  
timor & tremor. Fuerat in Cōcilio per plures annos Abbas de Dona, Cumanae diocesis, vir  
mundo pauper, deo autē dives: quē nec preces ullæ, neq; minæ ullæ unquā à recto proposito  
flexerunt: mendicareq; potius in veritate patrum voluit, quā in mendacio mulcrum  
abundare. Quapropter diis dominis, qui sibi victum præbebant in peste permansit, quā etiā  
ipse tactus, ni gravat ad patres, unamq; tantum vaccam testatus, suo monasterio legavit. Ex  
camera Arelaten. percussus Henricus capellanus, triduo expiravit. Ex officio scriptorum  
bullarum octo defuncti sunt: inter quos etiā vir summa bonitate Arnoldus Kempenich, tunc  
rescribendaris decessit. Ex scriptoribus sacre poenitentiarie, aut totidem, aut plures ceci-  
derunt. Omnib; ordo patrū commotus fuit. Ex doctoribus magnus defecit numerus. Qui  
vero agritudinem indecibant, admodum pauci liberabantur: unus tamen inter alios Aeneas  
Sylvius Senensis, morbo percussus, divina adjutus evaluit gratia. Hic enim sepulco amico suo  
Juliano Romano, quem tenerē adamavit, sequenti nocte ultus pensavit, triduoq; mortū vi-  
cinus jacuit, desperantibusq; domesticis suis inunctus est, totaq; urbe ab amicis pro mortuo  
deploratus: ut tamen divina pietati collibuit, spaciū vitæ longioris recepit. Sed heu rerum  
humanarum instabilis ordo, heu fallax promissio mundi, Aeneas, qui suo in corpore mori non  
potuit, in alieno est mortuus. Parvo namq; post tempore ex Tridento rediens Johān Pihanus  
ex Rothomagi civitate oriundum, venenosa febre & incuria medicorum extinctum reperit:  
quod nuntio ita turbatus fuit, & ita mente alienatus, ut animæ suæ dimidium sibi subtrahere  
esse ostendit: neq; deinceps ille sibi ad res cōpiliare ardor, aut ad literarum studia vigor  
malesit, vixq; animulū quā nunc spirat, retinuisse se diceret. Fuit autem Johannes honestis pa-  
rentibus natus, literis ingenius eruditus, experientia rerum perdoctus, ingenio vigil, & animo  
vastus: apud Cardinalem Arelatensem literas primus obsequabat. In re Cœciliani, sic diligens,  
& expertus erat, ut eum inter primos locent, quorum obitus sacro Cōcilio onerosi fuerint.  
Cum Aeneas vero nō tantum socius, sed alter Aeneas erat. Ferenda tamen sunt omnibus illa for-  
tuna:

Morsur Lu-  
dovicū pro-  
notariū.  
Morsur Lu-  
dovici us Pa-  
triarcha A-  
quileiensis.

Morsur ali-  
quot Cōcilii  
patres.

Morlentium  
exhortatio.  
Hic vides in-  
signem opti-  
mi facti cō-  
scientiam.  
Philibertus  
Cōstāntien-  
sis episcopus  
morsur. Ab-  
bas de Dona,  
verus hica-  
bas fortior te  
Æaca.

Au hor libri  
liberatur  
& morbo.

Johannes Pi-  
nanus mori-  
tur.

tuna: nec quisquam impune præterit, quin aut suum, aut alterius indoluerit casum. Illis autē diebus quibus fervidior erat pestis, quibusq; dieti plus quā centum apparebant funera, magne apud Arelatenſē habitæ preces sunt, ut vicinum aliquod in rus secederet: eratq; omnium domesticorum, aut familiarium ejus vox eadē: Quid agis spectare pater? fuge hunc saltem lunæ defectum, salva tuum caput, quo salvo, salvamur omnes, quo etiā pereunt, omnes perimus: quod si te pestis opprimat, ad quem confugiemus? quis nos reget, quis ductor hujus fidelis exercitus erit? Jam tuam cameram irreplet virus, jam secretarios tuos, jamq; cubicularius tuus mortem obiit. Considera discrimen, & salva teipsum, & nos. Sed neq; illum preces, neq; domesticorum funera flectere potuerunt, volentem potius cum vitæ periculo salvare Concilium, quā cum periculo Concilii salvare vitam. Sciebat enim, quoniam se recedente, pauci remanissent, facileq; committi fraus in ejus absentia potuisset. Quocirca sicut in re bellica milites omnia discrimina subeunt, cum medios inter hostes imperatorem conspiciunt, sic patres Concilii postem erubuerunt fugere, cum præſidentē in eodem periculo secum permanere viderunt. Quæ res opinionem illorum evertit, qui patres in Basilea cōmorantes, non fidei veritatem, sed propria querere commoda garriebant: nullum est in terra commodum, quod permutare cum vita mortales soleant: Illā namq; qui mundo serviunt, omnibus rebus anteponunt: & illi quidem (ut est in Cicerone) nihil habentes in vita jucundius, vita, ducere vitā cum virtute nō possunt. Hi autem nostri murum inexpugnabilem pro dono dei se exhibentes, superatis omnibus, quas Gabriel struxit, insidiis: superatis etiā difficultatibus, quas sterilis annus produxit: ad extremum quoq; vivendi cupiditate posthabitis, periculum superavere, veritatēq; sacri Concilii usq; in hoc tempus incommutabilibus animis defendere non dubitarunt. Transactis autem post depositionem Gabrielis, diebus decreti, visum est patribus ad electionem pontificis intendendum, habitūq; inter primates de modo procedendi sermonibus, avissum est, & tandem in deputationibus & in plenaria cōgregatione cōclusum, duos & triginta patres, ex corpore Concilii assumi debere, omnes in diaconatu ordine constitutos, qui suscepti jurejurando per sanctā synodum ordinato, unā cum Cardinali Arelatenſi intrantes cōclave, Romanum papā eligere. Deputationi tamen, cui de communibus nomen est, soli quatuor & viginti ad celebrandā electionem, recipiendi cum Cardinali videbantur, eosq; in sacerdotio requirebat. Obtinuit tamen (ut semper fit) quod tribus placuit: quia propter decretum super ea re factum est. Interea domus cōclavis sine intermissione parabatur. Quæ perfecta ad nominationem XXXII. qui cum Cardinali Papā elegerent, circa ipsum Octobris principium ventum est: fuitq; res primo ingressu apissime difficilis: & aliis quidem uno, aliis alio modo nominare electores placebat. Aperuit tamen deniq; Guilielmus archidiaconus Metensis, vir & naturali sensu, & acquilito memorabilis, cuiusq; supra in relatione processus papæ meminimus viam unam, quæ primo per deputationem fidei approbata, & per alios rejecta, ab omnibus tandem maturius pensantibus, recepta est. Aiebat enim gravissimus ille doctor, tres esse in Concilio patres, quibus res ista committi posset, quorumq; fidem totum Concilium crederet sequuturum: Tres autem viros hos fore dicebat, Thomam abbatem de Dunduno, ordinis Cisterciensis, diocesis Candidæ casæ, vulgo de Græcia nuncupatum: Johannem de Segovia, archidiaconum de villa Visfosa in ecclesia Onetensi, ac Thomam de Corcellis canonicum Ambianensem, in sacra theologia magistros. Quibus sobrie laudatis, quoniā vice virtutis essent, hos primū tres fore ex electoribus Romani pontificis, statuebat: iis quoq; committi electionem reliquorum novem & viginti, quos clam omnibus inter se nominarent, nec ante diem publicarent, quæ introitum conclavis immediate foret processura. Quare in deputatione fidei approbata missi ad alios deputationes, fuit Franciscus de Fuxe, Theologus, ac Aneas Senensis, qui rem aliis suaderet, sed suspicantibus aliis fraudem esse, frustra omnis fualio fuit. Quoniam tamen nulla per alios expeditur aut securior via demonstrabatur, stetit deputatio fidei semper in sententia: Interjectisq; nonnullis diebus, iterum Franciscum atq; Aneam prædictos ad deputationes alias destinavit: eo addito, ut si placeret deputationibus aliis virū alium sibi tres patres coassumerent. Hoc autem ideo factū est, ne maxima omnium Germanica natio nullum se inter tres viros habuisse cōqueri posset. Abbatem namq; illum de Scotia videri potius Gallicum, quā Germanū nonnulli submurmurabāt, fuisseq; in hoc tam grandi negotio nō insulare, sed mediterraneum hominem, qui alios nosset, assumentum, quæ adjectio animos fere omnium placavit. Ac post multas reidiffusiones, in hac sententia cōsonatum est. Nominati & electi sunt tres viri prædicti pro tribus & assumentum secum unum, duos, aut tres alios, prout eis videretur: qui assumpti & electi similem & eandem secum potestatem haberent, facultate, mandato, vice, & autoritate sacri Concilii nominandi, & eligendi restantes electores ipsius futuri summi pontificis, & etiam alios officiales pro conclavi necessarios: ita quod nullus per eos eligendus, aut nominandus, electus, & nominatus conferretur, nisi à majori parte ipsorum eligentium nominatus, electusque

Cor: stantia summa, adamantinaque incruento Arelatenſis.

Constantia etiam aliorum patrum. Insidia Eugeni.

Proceditur ad electionem novi pontificis.

Numerus electigentium papæ. Guilielmus archidiaconus Metensis.

Franciscus de Fuxe.

Dele& trium viri. Datur facultas eligendi electores.

Triumviro-  
rum laus.

Purgat se  
Arelatenfis.

Christannus  
propositus  
Eumenifis.  
Nominatur  
à Triumviris  
electores.

Vide quomo-  
do affectus  
Arelatenfis.

ctusq; foret. Injunctumq; eis est, ut reciperent & nominarent ipsos restantes electores, ex toto corpore Concilii habendo respectu ad nationes, & deputationes in Concilio existentes, quantum fieri posset. Receptumq; à praefatis tribus juramentum est, quo stricti sunt, viros idoneos & timorem dei habentes nominare, electosq; per ipsos usq; ad publicationem eorumdem in generali congregatione aut iussione, iussu Concilii faciendam, nemini revelare: sed ipsam electionem, si per eos celebranda sub eorū sigillis in loco securo, & sub fida custodia, usq; ad ipsam diem publicationis tenere. Quae res tertio Idus Octobris in generali congregatione peracta est, mirumq; omnibus visum est hac miraculo simile, rem tantam, tam necessariam, tamq; optatam tribus duntaxat viris potuisse committi: fecit tamen omnia virtus, omnemq; fraudis suspicionem probata triumvirorum bonitas procul extrusit. Re autem hac conclusa, videbatur Cardinalis Arelatenfis praeter opinionem omnium expeditionem differre. Et alii quidem (ut est multitudo ad detrahendum prona) eam mordebant, alii contra ipsius intentionem properari electionem studebant. Quam rem (ut ille intellexit) praeter consuetudinem suam, quem nunquam hactenus maledicta curare perpenderit, huiusmodi rerum querimoniam deputationibus fecit: tantumq; dicendo effectit, ut se penitus expurgato, eos qui sibi detraxerant, in odium ac contempnum adduxerit, fidemq; erga Concilium suum probatorem reddiderit. Dumq; ista geruntur, iam fama in orbem ierat, cessasse apud Basilienses pestem, electionemq; Papae accelerari. Quapropter ad spectaculum tantae rei ex diversis regionibus complurimi advolarunt, inter quos etiam pleriq; insignes praefati profecti sunt. Cumq; iam plenius solito Concilium esset, & omnes fere rediissent, quos pestis fugaverat, volentes tres viri commissionem per Concilium factam exequi, coassumto sibi Christanno de Gregregino, praeposito ecclesiae sancti Petri, in Brumia Olomucen, diocesis, ex umbilico nationis Germanicae oriundo, in Theologia magistro, & recti iudicii, & constantis animi viro, quinto Calendas Novembris, in domo fratrum Minorum convenientes, nominationem sibi commissam peregerunt, eamque juxta mandatum Concilii obsequatam custodiverunt. Prius tamen quam id ageretur, viros expertos ex singulis nationibus in colloquiis habuerunt, quorum relatu, & mores hominum persenserunt, & qualis quisque in sua patria haberetur, subtili indagine didicerunt. Completes quoque ad eos suoque ingenio decurrebant, quibus vel laudare amicum, vel reprobare inimicum studio fuit, quos illi veritatis cupidi, & ne in tanta re fallerentur, anxii, libenter imitabantur: nullumque eos in sacro Concilio perpetratum laqueum malum, & multa etiam foris acta fenserunt. Quo fit ut nullum magis hodie de moribus hominum, quam triumvirale iudicium expectetur: hi ergo quarto Calendas Novembris ex iussu Concilii relaturi quid egerant, in congregationem venerunt, quo loci iam omnes (ut aiunt) incorporatorum coetus confluerant, nec illa die ex his qui poterant quisquam desuit. Et quoniam nulli unquam tres viri se aperuerant, quanto secretior res erat, tanto desideratior omnibus videbatur. Confabulari autem omnes invicem, multa de tribus viris dicere, multa etiam de nominatione varicinari, & alii istum, & alii illum electorem futurum contendere: & ut affectio, & veri similitudo trahebat, quemque sic ratiocinari. Quia tamen nihil certi habebant, mira omnibus erat audiendi cupiditas. Et alii quidem festivas induerunt vestes, alii servitores novos conduxerant, alii etiam domum amicis commendaverant, qui se futuros in numero electorum arbitrabantur: fit enim nescio quo modo, ut se quisque supra virtutem aestimet suam, quorum ambitio magis postea irridetur, quam impleatur. Cardinalis autem Arelatenfis in tanta re anxius, & pluribus occupatus negotiis, aliquanto tardius venit, quam tempus exegit, expectationemque sui non sine admiratione omnibus praebuit: qui tamen ut ad subsellia reledit, mora sua primitus excusata, hodie, inquit, magna res agitur, in nominatione qua statim aperitur, status ecclesiae pendet: si tres viri, quibus rem commissistis, bene egerint, fateor quippe tardiuscule me venisse: si autem male, nimis cito assum. Quae verba & trementi voce, & ore pallido, atq; ex abundantia cordis pronuntiavit: qui sic locutus, aspectu tristis, animo turbatus, & oculis minax cunctis terrori erat: tantumq; mentis moerorem ostendit, ut plurimi conlachrymati sint, qui ejus in fronte statum suum confecerunt. Verebatur namq; optimus ille pater, ne tres viri, spreto majoribus praefatis, plures ex inferioribus acciperent: quae res eo erat suspiciosa, quoniam nunquam scire aliquid de mente triumvirorum potuerat: qui ut corrugatam tunc Cardinalis frontem inspexerunt, quasi post coruscantem aërem ad sustinendam procellam se paraverunt. Timor tamen omnibus fuit, ne illo iterum die scinderetur ecclesia, periculosiorq; illo tumultus formidabatur, quem loci alias electio peperit. Jam enim ut quisq; mente conceperat, sic aut laudationi, aut viruperationi triumvirorum, se accingebant. Quibus cognitum, visum est tribus viris, ante aperturam tabularum, pauperem sermocinari, & animos audientium prius placare, quam laederentur, nominationique suae tunc causas aperire, cum audiri possent: scientes tria post valnum insitum nemo benignus est auditor. Locutus paucis prius est abbas Scotus triumvir, & post eum Johannes Segovius. Ut igitur nulli se spreto credere, qui forent omni praefatiuncula istiusmo-



di præmiserunt: cogitatum se maximum habuisse, quos viros intra conclave recipere, quosq; extra dimittere, opusq; sibi visum fuisse non minus extra, quam intus viros habere sentatos, qui & conclave tuerentur, & fieri novitates in synodo prohiberent: idq; ex Platonis summi philosophi præceptis se didicisse, qui rectores civitatum sic curare totum reipublicæ corpus jubet, ne dum partem aliquā tueantur, reliquas deferat: quæ res eos etiā commoverit, electores quoq; sic per provincias nominare, ne honoratæ aliæ, neglectæ aliæ viderentur: In electis vero magnā curā habuisse, ne vel episcopum sine plebe, vel abbatem sine monasterio sumerent: In omnibus autem per se nominatis, aut bonitatē singularem, aut nobilitatem cum bonitate, aut summā scientiā cum bonitate, & nobilitate se invenisse: & in episcopis quidem cum Cardinali, qui episcopus esset, numerum esse apostolis æquatum: Abbates septem, Theologos quinq; inter luminatos, ac doctores novem: omnes autem in presbyteratus ordine constitutos. Alios quoq; officiales à se nominatos, & dignitatibus esse, & virtutibus insignitos. Vicecamerarium quidē unum: custodes cōclavis octo: ceremoniarum clericos duos: promotores duos: procuratorem fiscalem unum: Soldanum unum: quam circa nominationem habuisse se, & ad deputaciones, ut injunctum sibi fuerat, oculum. Quibus dictis aliquantisper multitudinem placaverunt, factq; miro inter omnes silentio, apertæ sunt nominationis tabulæ, quas Johannes Segovius legit, fuitq; omisus in illis nationum ordo: onerosum enim triumviris putatum est nationem nationi præferre. Ideoq; ut quisq; prior, aut prælatura, aut dignitate fuit, sic prius est nominatus. Ego autem nequaquam timebo nationum servare ordinem, qui Constantiæ fuit servatus, nec mihi invidiā timeo, quia nec præpositis gratiā, nec postpositis injuriā faciam, ordinem namq; istum, neq; nobilitas, neq; majoritas, sed tempus peperit: quia ut queq; natio verbum dei prius suscepit, sic prior habetur, nec aut laudi est mihi, aut vituperio, dummodo Christianus sim, majorum meorum, vel matutina, vel vespertina conversio: nec plus habet in Evangelio, qui mane ad vineā venit, quā qui vespere. Nationem tamen Italicā etiā sedes beati Petri, & Romanum imperium facit priorem: servabimus ergo ordinem nationum, facilioremq; legentibus præstābimus intellectum. Illud tamen prius sciendum est Cardinalem Arelantensem, non nominationis triumviris gratiā, sed jure proprio ad electionem venisse. Ideoque primum eum extra nationum ordinem pono, eundemque locum ceteri Cardinales habuissent, si qui aut reintegrati ecclesiæ, aut Eugenianæ labe minime commaculati in tempore advenissent. Primus itaq; omnium electorum, Cardinalis fuit

Præfatiuncula triumvirorum, Platonis sententia.

Numerus electorum, & qualis, ex quoq; ordine.

Arelantensis, vir & constantia infuperabilis, & prudentia incomparabilis, cujus virtuti haud ascribere titubaverim, quæcumq; in Concilio gesta sunt, quia nec sine illo prælati perseverassent, nec alicujus principis umbra protexisset. Sed pergo ad nominationem. Ex Italica natione recepti sunt episcopi, Gulielmus Vercellensis, vir & in Concilio notus, & in patria dilectus, & origine quondam Gallicus, dignitate vero Italicus, & in quo prædecessoris odor sui Eusebii adhuc spirat: Georgius Augustensis ex clarissima Salutarum familia genus ducens, ac non solum sanguine, sed animi quoq; generositate, & virtutibus nobilis: Johannes Eporgiensis, & literis, & probitate clarus, ac senilem prudentiam in ætate adhuc juvenili ostendens. Ludovicus Taurinensis, claris ortus parentibus, & scientia juris eminens, & moribus ubique honestis excultus. Abbates Aleranensis sancti Benigni Eructuariensis, vir tam moribus, quā ætate gravissimus, cui ex nobilissima domo de Carreccio origo est, quæ tantæ olim sublimitatis fuit, ut imperatores quoque habere meruerit. Ex huic quidem germanus est Mattheus Albiganensis episcopus, cujus in omni re prudentiam per plures annos sacrum Concilium demiratum est. Et horum sane, qui alterum videt, utrumque videt: sic est uterque, & habitu corporis, & vivendi consuetudine assimilis. Jacobus de Secusia, & annis & prudentia antiquus. Doctores, frater Johannes de monte Comito, præceptor domus sancti Antonii de Roverio, cujus in toto ordine sancti Antonii magna existimatio est, quique post magnum abbatem secundus habetur, & hic in Italia beneficium habet, in Gallia parentes. Frater Bartholomæus de Proavis, præceptor domus de Clavacro ejusdem ordinis, vir bonitate non minus, quā doctrina amabilis: cumq; iis viris ad eligendum Romanum pontificē Italicorum natio est admittā. Ex natione Gallica, quæ & ipsa secunda est, cujusq; in ecclesiā dei per maxima extant beneficia, nominati sunt ex archiepiscopicali dignitate, Johannes Tarantienensis, vir vita præstans, & omnis inimicus ambitionis, quiq; in virtus ad tantam dignitatem vocatus fuit. Ex pontificali Franciscus Sebenis antiquus Romanæ curiæ officialis, vir ut parvi eloqui, sic magnæ intelligentiæ, & cujus judiciū in omni re ardua sit præponendum. Bernardus Aquensis, jurisconsultus admodum oculus, subtilisq; quia tamen ob notissima corporis impedimenta, infestiq; sibi podagra, hic se excusavit, Ludovicus Massyliensis in ejus locum suffectus est, vir animo vastus, & ab omni simulatione alienus: quem talem puta, qualem audis, nusquā fallax, nusquā deceptor: & hic sententiā in Gabrielem latam publice legit, cum ille ex Romano dejectus pontificio fuit. Ex Abbatiali Raimundus Conchenensis, scientiam juris pontifici apprimè callens, multaq; in rebus conciliaribus experientia

Electores.

Itali.

Galli.

Germani.

Johannes  
Wyler decanus  
Basilien-  
sis.

Hispani.

Vis & carce-  
res, antequam  
Pontificum  
adversus ve-  
ritatis asserto-  
res arma.Pro fide &  
veritate boni  
spoliari be-  
neficiis à pa-  
pe.Clerici Cere-  
moniarum.  
Promotores.

perientia tritus: quia pro sancta synodo compluribus legationibus functus est. Ex gradu theologico Nicolaus Tibout Normannus, vir quondam negotiosus, nunc autem nimium senescens otiosæ virtutis: Johannes de valle Brito, & patriam virtutem & ingenium ostendens: Thomas vero Corcellis triumvir fuit. Ex jurisconsultis Guilielmus Hugonis archidiaconus Metensis, vir nec prudentia ulli prædictorum nec scientia inferior. Hi omnes cum Cardinali Arelateni ex tota Gallia ad electionem Romani Papæ vocati sunt. Ex natione Germanica, quæ omnium est amplissima, recepti sunt ex episcopali præminencia, Fredericus Basilienfis, nobilitate generis, & humanitate in omnes eximius. Ex Abbatiis, Conradus de Luzella Cisterciensis ordinis, vir, ut monachum decet, & à pompa seculi, & ab omni superbia remotus, ac Thomas de Scotia triumvir. Ex doctorali, Detzelus archidiaconus Cracoviensis, Polonus genere, conversatione vero suavis & doctus. Johannes Wyler, decanus Basilienfis, vir mansuetus, & sciens plura quam prædictus. Henricus de Judæis in splendida urbe Colonienfi natus, humanitate ac doctrina patriam redolens. Jacobus de Saltzburga, canonici Ratipondenfis, vir neque precibus, neque minis commutabilis. Christianus autem (ut supra diximus) jam in consortio triumvirorum erat assumptus. Ex natione Hispanica, quæ & ipsa vastissimos habet ac pernobiles campos, quatuor Christianis regibus, & uno infideli regnata, hi sunt ad electionem magni paltoris accessit. Pontifices octo, Dertulensis, consilii utilis, & animi stabilis, totaque conversatione perlepidus, hic in ea sessione quæ lata est in Gabriele depositionis sententia præfedit: nec post, quamvis plurimam pestem fugerent, de recessu habuit mentionem: fidus semper & Arelatenis comes, & ecclesiæ filius, Georgius Vicensis summa doctrina, & gravitate, quo nemo pluribus, nemoq; gravioribus apud principes Concilii causa legationibus usus est, quas cum magnis vitæ periculis, magnificè peregit sumptibus, qui etiam illud singulare fecit: Is enim ut vidit principes Gabriels causam tueri, & Oratoribus suis præfinita loqui, præcipere Eugenianis, legatione regis sui, quam tunc apud Synodum gerebat, se abdicavit, ne cum aliis principum nuntiis dicere adversus conscientiam cogeretur. Quod si alii fecissent episcopi, nequaquam auctoritatem ecclesiæ principes, cum sua neutralitate parvi pendissent: sed omnium malorum quæ in ecclesiâ irruerunt, partem maximam ipsimet induxerunt sacerdotes. Ludovicus Vilenfis, vir & amicus amico, & conversatione perplacidus, hic Orator Johannis Portugaliæ regis præstantissimi in Concilio fuit, quo vita sancto etiam in Concilio mansit. Tribusque ipsius in Concilii honorificentissimis legationibus functus est. Ivit ad Græciam cum viro prudentissimo Ludovico Laufnenfi, quem & viarum, & periculi, & honoris habuit comitem. Ivit Coloniam & ad ducem Burgundiæ potentissimum collega Ludovici protonotarii: & ambo quidem in reditu per quandam ex Comitibus Palatinis Rheni capti sunt, & jussu Gabriels in custodiam mancipati. Qua in re virum se prisæ virtutis Vilenfis ostendit. Namq; cum libertas sibi abundi dimisso collega fieret, nunquam se inquit carceres egressurum, nisi cum socio. Ivit & in eas Galliar partes, quibus Britannia hodie nomen est, ductusq; illius excellentissimi animus ad Concilium flexit. Abbates recepti sunt Petrus sancti Cucuphatis, vir solers & monasteriorum gubernationi aptissimus, ac Antonius Arularis, & aspectu, & alloquio gratus. Doctores, Bernardus Buscho, Canonicus Harden. judicii non minus recti, quam firmi. Et Raimundus Albioli, Canonicus Tirafonen. sensum habens, & mores ætati convenientissimos: Johannes quoque Segovius triumvir ex hac natione electioni interfuit. Hi quoque ex quatuor nationibus nominati ad eligendum Papam fuerunt. Anglici vero jdcirco recepti non sunt, quia non aderant, nec alii assumi poterant quam præsentis: officiales autem circa conclave necessarij vocati sunt. Ludovicus episcopus Laufnen. vicecamerarius, vir summi exercitii, summæq; vigilantie, & ad officium sibi commissum non solum aptus, sed necessarius: cujus in negotiis singulis diligentia, in sacro Concilio, & in omnibus rebus bonitas in tota Christianitate perspecta est. Cultodes conclavis Porcenallus Bellien. episcopus, non minus re bonus quam aspectu; Nicolaus Grossetanus genere nobilis & fidelitate insignis, quem & pro servitio ecclesiæ, & pro defensione fidei spoliari beneficiis non piguit, veritatem cum pauperate, quam mendacium cum divitiis eligentem. Johannes sancti Michaelis de Clausa Thaurinen. diocesis, præstanti ingenio, Et Franciscus Abundantæ, tam scientia, quam virtute, quam temporalibus bonis abundans. Monasteriorum abbates, Franciscus de Fuxe, Theologus, professione minor, eloquentia magnus. Guilielmus de Constantia, Canonicus Spiren. antiquus pontificij Juris interpres, Johannes de Turicella, decanus Segobricen. Jurisconsultus, ac Theodoricus Nagel Canonicus Rigen. probitate cognitus. Clerici, gratia Ceremoniarum, Æneæ de Piccolominibus Senen. Canonicus Tridentinus, ac Michael Brunout, Canonicus Beluacensis, in eo exercitio longo tempore tritus. Promotores, qui antea in Concilio per plures annos negotia promoverant, viri docti, & constantes, Hugo Gerardi, & Johannes Slitzenrode, procurator fiscalis, qui antea fuerat vir exercitatus, Robertus Magnai, Soldanus vero Petrus de Atro, qui etiâ ab initio nascentis Conci-

Concilii eo in officio laudabiliter se habuerat. Hi fuerunt viri conscripti ex nominatione triumvirali, quæ per Johannem Segovium lecta (ut antea diximus) exhilaratus est Cardinalis animus, qui usq; ad illam horam trepidus, stupidusq; permanerat, nec persuaderi sibi poterat nominationem istiusmodi fieri. Ut autem vidit episcopos, & abbates in magno numero assumptos, & nationes quæ in Concilio erant, æquis portionibus honoratos, & animi simul vigorem, & frontis recepti colorem. Factusq; lætus sereno vultu concionem quoq; exhilaravit, quæ illo moestitiam ostendente, non tristis esse non poterat. Habuit ergo Cardinalis de nominatione facta magnifica verba, triumq; patrum virtutem magnopere commendavit; qui & in Concilio se semper bene habuissent, & nunc optime: posteaq; concionem dimisit: Equæ die occupati omnes fuerunt, ad præparandos in conclavi necessarios convictus. Serò autem singuli electores ad Cardinalis domum vocati, de cameris dividendis, intra conclave sermonem intra se habuerunt. Et quoniâ camerarum magna differentia erat, videbatur prælati divisionem secundum dignitates hendam: atq; ut quisq; dignior & antiquior esset, sic prior locum sibi assumeret. Nec ferendum esse dicebant, ut Cardinalis, & archiepiscopus cum doctoribus veniret ad sortem: quo casu ridiculum esset, si Cardinale infra, & doctorem supra locari contingeret. Cumq; prælati essent numero plures, omneq; uno ore loquerentur, desperata res videbatur de fortibus cogitare: utq; tamen res iret, visum doctoribus est, etiâ pro se verba facere. Dicebant igitur præfatas consuetudines non debere rescindi: in omni conclavi observatum, ut cameræ per sortem dividerentur, neque id inter Cardinales tantum, sed etiâ inter Cardinales & alios fuisse: Constantia Cardinales admodum multos, non tamen respuisse cum episcopis & doctoribus sortem subire. Prælatos autem nimium sibi ipsis favere: qui cum essent numero plures, sententiâ magis vocibus, quam rationibus obtinerent: si sine sorte fiat electio camerarum, timendam esse collisionem, inter electores quodq; timendum schisma, ne stantes infra, & rigentes frigore, locatis supra videantur. Quibus rationibus Cardinalis evictus, in sententiam doctorum consensit: ac post cum vir bonus episcopus Dertulensis prophetatus est. Si quis enim est (ait) cui nocitura fors sit, ego

Recipit animo Arelatensis.

De cameris dividendis.

ille sum, quem ultimum fors efficit: ne tamen aut præfatas consuetudines evertamus, aut invicti doctoribus sumus, utilius puto rem fortibus transigi, ejusq; in sententiam conclusum est. Eademq; ipsa hora missi sunt ad conclave, ex omni statu electorum, cum Cardinali Arelatensi, qui sortes super cameras ex consilio vicecamerarii jacerent. Scripta igitur sunt electorum nomina singulorum per schedulas: quæ omnes clausæ ac permixtæ, in quodam birreto reconditæ sunt: atque exinde ad primam, dignioremq; cameram ventum est, ubi tunc Cardinalis Arelatensis mantum jaciens in birretum, schedulam quæ sibi forte obvenit recipiens, legit: eamque vicecamerarius in fronte ipsius cameræ confixit: sicque successively per ordinem factum est, ut intraturi sequenti die electores conclave, eam sibi cellam noscerent assignatâ, ubi suo nomini obviarent: fuitq; primus omnium decanus Basiliensis, ultimus verò (ut vaticinatus existerat) Dertulensis episcopus. Miraq; in re hac distributio sortis fuit, at potius divina dispensatio, quæ consilia hominum reprobandis, doctorem primum, episcopum autem postremum fecit, cum ita viderent ante prælati cellulas sibi digniores ascribere: id tamen in utroque bonitatis est visum, ut neque decanus ex primo loco superbia, neque ex ultimo Dertulensis episcopus condoluerit: sed illum indigne se credere, istum digne locatum humilitas faciebat. Sequenti autem die, quæ fuit v. enis. III. Calendas Novembres, habita est generalis congregatio, conclusæque sunt proximarum deputationum deliberationes. Sessioque mox secuta est, divina autem officia Cardinalis Arelatensis celebravit, quo nemo ceremonias novit melius. Sermonem autem ad electores post Evangelium decantatum, Marcus insignis memoriz Theologus habuit, qui enumeratis depositi Gabrielis criminibus, iudicare electoribus necebat, ut virum assumerent, qui contraria imitaretur prioribus, quique omnia evitans Gabrielis vitia, ut ille calumniis odiosus fuit, sic se iste alluendus iustitia prælaretur acceptum: & ut ille rapax, sic iste continens esse studeret. Erat templum ubique populo plenum: stabant inter columnas superiores nobiles urbis matrones, respectumque in concionem habentes, ordinem rerum non sine devotione considerabant. Aderat Johannes de Tierstein Comes, qui loco imperialis protectoris, cathedram adimplebat. Aderat consularis urbanus, & alii complures nobiles, rem insolitam conspecturi: servabaturque inter omnes silentium: extra ecclesiam quoque eives in armis erant, si quod scandalum pararetur, prohiberi.

Vaticinatur Dertulensis.

Johannes Wiler.

Sermo ad electores. Crimina Eugenii narrantur.

Johannes de Tierstein Comes Basiliensis senatus.

Communi-cant electores.

Tantumque ad spectaculum ejus rei confluxerat populus, ut neque in templo, neque in plateis recipi posset, magnaque undique intra ecclesiam haberetur pressura. Ut igitur Cardinalis Arelatensis intra missarum solennia communicasset, vocati sunt ad altare communicaturi, etiam secundum ordinem, electores. Tumq; archiepiscopus Tarantasicus, & decem alii episcopi communicarunt: post autem septem abbates, exinde quinque Theologi, ac demum jurisconsulti novem, qui accedentes altare genibus flexis, & lachrymis ubertim fuis, sacratissimæ suscepunt eucharistiz sacramentum.

Eratque



Vide Conci-  
lii ep. gium  
tractum.  
nemque pi-  
etatem eximi-  
am.

Juramentum  
electorum.

Hæc spic-  
qui, et ec-  
clesiæ bonum  
hic quæsum,  
oppugnatum  
alibi.

Processio ad  
conclavem.

Descriptio  
conclavis.

Eratq; venerandum spectaculum, tot eximios antistes, totq; præclaros patres, nudam ante dominicum sacramentū ostentantes canitiem cernere, & alios quidem orantes, alios vero illachrymantibus conspicere. Devotionem autem maxime Cardinalis adaugebat, qui pontificatibus indutus vestibus nudato & calvo capite, dominicum corpus quibusq; ministrabat, confessionemq; in re tali solitā singulis repetebat, ac secutus piissima salvatoris domini nostri Jesu Christi vestigia, quemlibet deosculabatur: hortatus plurimum, ut quā quisq; posset, pura anima susceperet dominum. Quam rem sic ordinate, sic solenniter, sic devote peregit, ut ex videntibus nemo tenuerit lachrymas, nisi qui pectus habuit aut saxum, aut ferreum. Post hæc tinnica missa, & congregatione generali peracta, prælati omnes infulas, & vestimenta sessioni accommodata susceperunt. Invocata altis vocibus per omnes patres spiritus sancti gratia, peractisq; litanis, & orationibus. ac omni solennitate sessionis impleta, Ludovicus episcopus Lausauensis arbonem ascendit, triaq; illicq; per ordinem legit. Primo, responsum in synodo laudæ, ad famosum Gabriels libellum, cui principium est Moyses. Secundo limitationem quandā circa decretum, de electionibus dudum in synodo editum. Tercio verò nominationem triumviralem, quā ex certa scientia sacrum Concilium approbavit. Quibus lectis, interrogati patres, utrum placeret? Responsum est ab omnibus, placet. Exhinc requisivit Lausauensis jurisjurandi formam ab electoribus præstandam, publice legi, Electoresq; juxta Concilii ordinationem jurare. Primus igitur Cardinalis Arelatenfis, aperto Decretorum libro, formā juramenti cunctis audientibus legit, moxq; requisitus, ut ita juraret, Ego (inquit) reverendissimi patres corā domino meo Jesu Christo, cujus modo sacratissimum corpus indignus peccator manducavi, cuiq; in tremendo & magno finali judicio de omnibus per me factis, rationem sum redditurus promitto, juro, & voveo, quoniam in hoc electionis negotio, ad quod nunc volente Concilio mittimur, nil aliud quæram, quā populi Christiani salutem, & universalis ecclesiæ bonum. Idq; mihi curæ erit studere, ne autoritas generalium Conciliorum vilipendatur, ne fides catholica expugnetur, neve patres in Concilio persistentes opprimi possint: hoc quæram, hoc sollicitabo, ad hoc viribus totis incumbam, nihil in hac re, aut mei, aut meorum amicorum causa faciam, sed solum deum, & ecclesiæ suæ utilitatem respiciam: hoc animo, hac mente, hoc deniq; corde conciliare fuscipio juramentū. Fuitq; ejus sermo, & vivax, & terrificus, omniumq; altantium commovit animos. Post eum autem electores alii suo ordine juraverunt. Quæ res electioni post facta maximam præbuit auctoritatem. Quis enim nō illum summo pontificio dignum putet, qui tot sacerdotum episcoporumq; judicio sit cōprobat? præsertim cum illi, antea fuscipio corpore jururadum præstiterint, nullum se electuros, nisi quē sciverint tantæ idæum dignitati. In eadem etiā sessione, & vicecamerarius, & custodes cōclavis, & clerici ceremoniarum, & promotores jurejurando promiserunt officium suum sine fraude exercere. Quibus peractis oibus, hora jam post meridiem tertia, adhuc populo jejunate cantatum est undiq; Te deum laudamus, & organis respondentibus alternati, usq; ad finem completus est hymnus. Quo facto, egressi sunt pueri in stolis albis admodum multi, longum processionis ordinem facientes, quos secuta pars cleri urbanis est. Et post veneranda incorporatorum multitudo cum doctoribus, & universitatum Oratoribus, qui longis honestisq; vestibus orantes incedebant. Exinde sacerdotes urbani, excolendas sanctorum reliquias in ulnis gestantes proficiscebantur. Mox vero Ludovicus Lausauensis, crucem argenteā ante se habens, sequentibus quattor clericis incedebat. Post vero Cardinalis Arelatenfis adhuc & mitra, & auratis refulgens vestibus, devoto & desideratī populo cōmunicans. Exinde insulati episcopi & abbates ad processionem ornati, numerabili populo sublequenti procedebant, sicq; aliis orantibus, aliis suspirantibus, usq; ad ostium conclavis est processū, armatis hinc atq; inde propter custodiā conclavis existentibus. Ut vero ad cōclavem ventū esset, receptis electoribus dimissi sunt ceteri. Intromissi sunt etiā dōinorum servitores concessi. Non tamen ostium conclavis statim est clausum, sed usq; ad nonā ante medium noctis horam familiaribus patuit, res deferentibus opportunas, permixtisq; utque id temporis sunt amici ad amicos accedere. Cardinalis autem sic processionaliter ingressus sequentibus electoribus, in sacello quod celebrandis missis paratum erat, ante altare, & ante ipsum Christi vexillum genibus flexis & nudo capite orationibus deo porrectis, & domui & habitatoribus benedixit: sicque positis pluvialibus & mitris, illuc se quisque recepit, ubi nomen suum recognovit. Cum vero jam noctis venissent tenebræ ingressus est protector cum quibusdam civibus, & ut quisque locatus esset, visurus, & voluptatem magnam ex tanto ordine suscipiens: post eum vero intravit Lausauensis vicecamerarius, & ipsi secuti sunt custodes conclavis: aliqui ex iis singulas cameras diligenter rimati, & personarum & rerum examen habuerunt, excussuri extra cōclavem, si quid contra leges reperissent, nihilq; præter ordinem invenientes abierunt. Et hora (ut dictum est) nona, tam intra, quam extra obsecrata est janua, & undiq; admoti pessuli cum catenis tenacibus. ¶ Sed quoniam de conclavi sermo est, necessarium existimo ipsius formam conscribere. Domus erat in medio urbis, apud cathedram

cathedralis ecclesiæ loco edito & patenti, quam nobiles quondam in usum struxerant chorearum, & supra, & infra perlatis habentem aulas: & superiorem sanè, quoniā igne poterat calefieri hyeme, inferiori ætati deputaverant. Hic igitur conclave haberi posse esse vilius, ut esset domus orationis, ubi fuerat lasciviæ campus: & succederent mores, ubi vitia triumpharent. Constructæ ergo illic sunt, & supra, & infra mansuiculae opportunæ: quarum numerus æquus est electoribus, una superadjuncta, quæ ceremoniarum clericis deserviret. Fuit autem structura earum admodum facilis, nec enim aut saxo, aut robore ligneo parietes instruxerunt medios, sed positus in columnarum morem ex abiete sudibus cortinas simplices, visusque penetrabiles pro parietibus texerunt. Camerarum forma plerumque quadrata fuit, perbrevis tamen, & angusti vix lecti unusque mensæ capax: luce autem omnes fere carebant, exceptis admodum paucis, quæ spiracula quædam in angulis conclavis habuerunt. In mediis vero cellulis perpetua mansio obscuritas, nec sine candela aut legere, aut esse potuit quisque. Noxque una iis fuit dierum septem: ac camerae inferiores plus etiā incommodi habuerunt, quia in solo posita frigidissimo loca piscibus magis quam humanis apta corporibus præbuerunt. Quocirca omnes qui eas inhabitaverunt, rheumaticum morbum ex humore nimio contraxerunt, & tanquam alter alterum irideret, tussientes invicem respondebant, nec illi frigori ullum erat remedium: vestes enim & villosæ pelles magis gravabantur, quam calefacerent. Ignem vero habere loci angustia, nec periculum, nec fumus permittebat. Murus conclavis & grossus undique, & altus fuit. Omnesque fenestrae clausæ fuerunt, parvis admodum foraminibus ad commune lumen dimissis. Exterius vero etiā cancelli circa conclave fuerunt: nec appropinquare muros aliquis poterat, nisi armati custodes, qui die, noctumque intra ipsos cancellos excubabant. In media vero pariete ipsius conclavis in modum fenestræ ostiolum fuit, & hoc quidem duabus exterius clavis, una interioris claudebatur. Et illorum quidem altera vicecamerarius, altera protector custodivit. Itam vero Cardinalis Arelatensis habuit: nec illi unquam tradidit, nisi ceremoniarum clerico Æneæ, cum ad admitteudi cibaria, aut emittendi cœnarum reliquias fuerat tempus: bis namque ante prandium, & totiens post prandium referabatur ostiolum. Et bis quidem recipiebantur fercula, bis autem remittebantur fragmenta. Quibus in rebus hic modus observabatur. Erant (ut antea diximus) in conclavi familiares, qui dominis suis electoribus fervebant, doctoribus singuli, prælati bini: extra vero ut quisque potuit, sic habuit servitores. Et illi quidem, qui extra remanserunt, cibaria comparabant, quæ horis indictis in lignea capsâ depicta, quam cornutâ appellat, usque ad conclavis ostium deferrebantur: & ne suspicio veneni esset, degustare tam pocula, quam cibaria cœbantur. Exinde per custodes conclavis examen fiebat, ne vel litera, vel aliud quidvis præter eorum scitum intromitterentur. Quare omnia in manu vicecamerarii præsentabantur. Et ille extendens ad ostiolum manus præsentabat Æneæ ceremoniarum clerico, cui soli cum focio licebat adhærere fenestræ. Itaque, nec qui extra erant, mandare aliquid in conclave poterant, nisi per vicecamerarium: nec qui intra, dicere aliquid foris, nisi per clericum. Et oportebat omnia alta voce & latine dicere, ut qui protectoris erat interpres, intelligeret quæ mandarentur. Cum vero emittendi reliquias cœnarum hora adveniret, vocabantur per clericum ceremoniarum familiares cum cornutis, qui venientes ad cancellos interiores, ipsi clerico omnia assignabant, & ipse extra fenestrâ vicecamerario contradebat: mittebantur etiam extra paropside, & alia mensarum ornamenta, quæ lavacro indigebant. Et ea etiam perquirebantur, nequid ab intra emitteretur literarum: fueruntque aliquæ deprehensæ, quæ stultitiâ magis familiarium quam rem proderent. Nonnulli etiam in ipsis vasorum fundis sculptentes literas commovere amicos tentaverunt: sed inventis omnibus, nec grave aliquid, nec quod ab electoribus proveniret compertum est. Ut vero perquisita singula erant, quæ extra mittebantur, quicquid cœnarum superaret, pauperibus Christi dabatur. Quæ ex re plus quam decenti vitam trahebant. Quocirca cum omnibus longissima videretur conclavis mora, solis huiusmodi pauperibus est visa brevissima. Illud etiam custodes conclavis libenter observabant, ne ad electorum eam diversæ species cibariorum deferrentur. Et oportebat quidem, aut carnibus tantum, aut piscibus vesci: aut si neque hoc, neque illud placebat, ovæ & cæleo. Rursusque qui carnibus utebatur, una specie contentari debebat: nec qui bovem habuit, uti etiam ovis potuit. Id quoque in piscibus fuit: nec enim cum murena est intromissa, offerri quoque anguilla potuit. Si quis autem in lege commisit, partem alterâ in ostio perdidit. Idque cum prima die familiares incaute commississent, & dominis suis quasi nuptias celebrantibus dubiâ afferrent cornâ, omnes in ostio spoliati sunt, nec plus una specie intromissum fuit. Quos inter Cracoviensis etiam archidiaconus diminutionem tulit. Cui cum oves & arietinæ carnes afferrentur, subtraxerit aviculæ sunt, orante in porta famulo, ut quod plus esset, id domino dimitteretur: sperabat namque ex ariete partem, ex ovibus autem partem non sperabat: dominus tamen aviculas præcipasset. Ideoque cum spoliū sensit ubique conquectus esset, publiceque testatus, nunquam se diem, postquam sacerdos fuit, tulisse pejorem. Ac cum rogaretur, ne admirationem haberet, quoniam id idem obeigisset

Cardina-

Domus ad  
musicam, vulgo  
Zuder  
gucken.

Septem die-  
bus in con-  
clavi manes-  
sunt electo-  
res.

De admitten-  
dis cibariis.

Summa dili-  
gentia circa  
conclave.

Æneæ Sylvi-  
us auctor  
hujus operis  
ceremoniarum  
clericus  
erat.

De quâ sitate  
& numero ci-  
bariorum.

Derzelai Cra-  
coviensis Ar-  
chidiaconi  
querela.



Mos vetus vi-  
dus electo-  
rum Pour.

Cardinali, Proh ! (inquit) Cardinalem mihi æquiparas, hominem Gallicum, parcum, eventrem, aut (ut verius loquar) non hominem? Ego apud eum meo infortunio sum locatus: omnia quæ facit perlusit mihi cortina indicat, nec adhuc aut bibere eum, aut comedere vidi: & quod mihi molestius est, infomnes noctes infomnesque dies ducit (quanquam nulla est apud nos dies) aut legit semper, aut negotiatur: nulla ei minor quam ventris est cura, mihi nihil eum eo commune est. Ego Polonus sum, ille Gallicus: mihi ardet, illi friget stomachus: illi sanitas, mihi mors jejuniū est. Ego ni multum comedam, & multum dormiam, cito deficiam. Illi è contrario omnia sunt. Jejuniū Gallici, & Poloni comedant. Quo dicto, cunctos in risum vertit. Et quoniam de hoc faceret, & hilari homine fecimus mentionem, id quoque non præteribo. Ea namque infelicitas ejus fuit, ut famulus ejus, qui extra mansit, semper ad ostium veniret ultimus cum cibariis. Ex qua re ortum in ostio proverbium fuerat, ultimum esse qui prior esuriret. Fuit autem hæc lex de cibariis antiquitus aliter influita. Primis enim tribus diebus nulla erat cibarium apud veteres limitatio. Quarta die ad unam speciem redigebantur. Nona vero sublati aliis, solum panis & aqua electoribus tradebatur. Clemens autem uti clementia cupiens, rigorem legis in modum, qui nunc servatur, moderatus est. Id quoque inter electores servatum extitit, Patentibus namque pransitum & coenatum, ut sic oculis omnium testibus factis luxuriæ modus fieret. Et cibaria quippe inter se missitare non licebat, vinum licebat. Rigidusque, hujusmodi legum non exhor observator, sed custos etiam fuit. Johannes Segovius, qui non aliter violare alienas leges exhorruit, quam suas proprias apud Romanos Arius Rellio, de quo illud memoriale fertur, eum foris quoad vixit, postea non coenasse, ne testis fieret contemptæ legis, quam ipse bono publico pertulisset. Sed (ut eò redeam, quò sum digressus) electores postquam obferatum ostium fuit, ac postquam aliquantisper in suis conveniant mansuiculis, egressi ad visitandum, se invicem sunt, atque ut quisque in sua camera esset, prospiciebant. Quibus in locis non aliter se vicissim recipiebant, ac si ex longa peregrinatione redissent. Eaque visitatione ad magnam noctis partem producta, tandem ad quietem est itum: horaque post medium noctis tertia ad matutinas singuli experrecti sunt: orantesque usque ad quintam, exinde missarum officio se tradiderunt, & alii quidem in suis cellulis, alii vero in communibus altaribus celebrabant. Episcopi namque altaria plerumque portatilia apud se traduxerant. Clerici vero ceremoniarum diversis in locis ipsum concilave tria altaria crexerant, ut possent complurimi celebrare. Ut vero dies illuxit, universi ad communem missam venerunt: qua completa, & decantato hymno quo spiritus sanctus evocatur habitis in Concilio patribus, de modis in conclavi observandis consultatum in medio est. Iſque communi concilio receptus est ordo: statutum est singulis noctibus, quatuor supra, & quatuor infra ex servitoribus assumi vigiles, qui noctes inter se parientes, curam haberent, ne vel ignis, vel alia quævis res nocimento esse posset. Cui rei nemo vigilantius incubuit, quam Rubinus Antiquus, Cardinalis de Cyprio nobilissimè familiaris. Cujus excubatione nequaquam dubitaverim pleraque evitata fuisse discrimina. Exinde cautum erat, ut post mediam noctis horam inter quartam & quintam evigilatio per omnes fieret: tuncque usque ad septimam, ut cuique animo esset, aut oraret, aut celebraret, postea vero ad communem missam omnes accederent: Qua peracta, & spiritus almi efflagitato patrocinio, consilium iniretur: utque in eo scrutinium fieret: & eo finito, prandium haberetur. Ac deinde, ut quævis voluptas traheret, sic vel legeret, vel quiesceret, usque ad horam post meridiem tertiam: quo tempore iterum intrantes Concilium, illorum merita in examen ducerent, qui præcedenti scrutinio nominati fuissent: mature inter se consulerent, quo nunc ecclesiæ modo ferri auxilium posset: Dimisso vero Concilio, hora circiter postmeridiem septima coenaretur, ac post horis tribus ad quietem se cuncti redigerent. Eoque modo tam diem quam noctem pariti fuit. Omittam illam sanctissimam vitam beatam, & omni stricta religione mundiorum: ubinam gentium talis patrum est chorus, ubi tantum scientiæ lumen, ubi prudentia, ubi bonitas est, quæ horum patrum æquari virtutibus queat? O integerrimam fraternitatem. O verum orbis terræ lenatum: quam pulchra, quam suavis, quam devota res fuit, hic celebrantes episcopos, illic orantes abbates, alibi vero doctores divinas legentes historias, audire: & unum ad lumen candelæ scribentem cernere, alium vero grande aliquid meditantem intueri? Quid est quod aliqui in Hispaniis locum quendam tantopere laudant nomine Guadalupæ? Carthusiani Gallici in Delphinatu sive Sabaudia commendant. Potuit ne unquam religio hac excellentior inveniri? ac ego existimo illis in locis iriguos magis fontes & splendidas cellas, aliæque ædificia esse admirationi, quam homines. In nostro vero conventu cetera contemnenda, viri duntaxat admirandi fuerunt. Quorum modestiam nemo potuit satis contemplari, nullæ illic rixæ, nullæ contentiones: omnia in amicitia, omnia in dilectione fiebant. Illic cum exeuntem cellam, aut Chriftianum, aut alium quempiam ex antiquioribus vidisses, non alium certe videre putaffes, quam vel

De modo in  
conclavi ob-  
servando.

Et quare hoc  
non postea  
Impie Pic?

Guadalupæ  
Carthusiæ.

magnum

magnum Antonium, vel Paulum simplicem: & illum sane Hilarioni, illum Paphnutio, illū vero Amori aequiparasset. Plus etiam hoc in loco quam in Antoniana solitudine reperisset, siquidem Hieronymo etiam & Augustino obviafles, quorum literæ in conclavi fuerunt, in eremo non fuerunt. Custodiebatur inter dominos magna charitas, inter famulos bona dilectio, inter utroq; optimum silentium. Et isti in dominos obediētes, illi in servitores benigni erant: nulla superbia, nullus livor, nulla simulatas vigeat, suus cuiq; status placebat: nihil secretum, nihil occultum fuit, omnia scire vicinum oportuit quæ fecit vicinus. Sed neq; mihi tacendi familiares videntur, quorum numerus fuit duo & quinquaginta. Itaque omnes animæ quæ ingressæ sunt conclave, tres de nonaginta dinumeratæ sunt, fueruntque inter servitores complures & docti & ornati viri. Erant cum Cardinali Arelatenfī, Stephanus Plonerii, & Petrus de Tridia, doctores, & archidiaconi: cum archiepiscopo Tarantaliensī, Antonius Ploceti jurisconsultus, qui auditor etiam Rotæ aliquando fuit. Cum Basiliensī episcopo officialis suus, vir non minus doctus quam facetus. Fuerant & alii complures & docti & egregii viri. Quapropter facile potest quis dominorum excellentiam recognoscere, ubi virtutes familiarium non ignorat. Sed jam tempus admonet, ut scrutiniorum seriem referamus & modum. Eo ergo in loco ubi & Cardinalis & Vicenſis episcopi cella fuit, atq; alia novem, hinc atq; hinc sedilia posuerunt. In summo loco ara erat sacra, & ante ipsam pulvinar Cardinali stratum. Ad cuius dextram sedebat archiepiscopus Tarantaliensī, & ad sinistram Dertusensis antistes, & successive hinc & inde gradatim reliqui electores assidebant. Ante ipsam vero Cardinalem scabellum, & supra scabellum ex argento pelvis stabat. Huc audita missa, & decantato spiritus sancti hymno, singuli electores venerunt, & eorum quilibet schedulam suam jecit in pelvim. Easq; postmodum singulatum Cardinalis recepit, & legit: atque ut ipse legerat, quatuor alii ex electoribus lectionem ipsius scribebant. Scripſio autem schedularum huiusmodi erat: Ego Georgius Vicenſis episcopus, eligo in Romanum pontificem illum, vel illum: poteratq; unum vel duos uno in scrutinio nominare. Et inscribebat se quilibet electorum nomine proprio, ut sic in electione schedularum seipsum quilibet recognosceret, possetq; contradicere, si aliter quam ipse diceret scripsisset, quæ res excluderet omnem dolum. Ut autem omnes schedulæ lectæ erant, & nominationes eorum conscripæ, fiebat per scrutationes numeri ad numerū collatio. Et nisi in unum aliquem duas schedularum partes reperiebant concurrere, easdem igne cremabant. Igitur primo scrutinio confecto, compertum est, plurimos esse in papam nominatos, nullum tamen habere voces sufficientes: septemq; & decem eo ipso die ex diversis nationibus ad pontificatum fuisse vocatos constat: unus tamen omnes superavit, vir præstantissimus, Amedeus, dux Sabaudia; decanus militum sancti Mauritiū de Riparia Gebennensis diocesis, quem jam coelibem ac religioso viventem, sexdecim electores primo scrutinio dignum, qui gubernaret ecclesiam, censuerunt. Exinde hora post meridiem tertiā, habita est in Concilio electorum de nominatis diligens inquisitio: atq; ut quilibet opinatus est, aut extulit nominatos, aut depreffit. Ea tamen habita est Amedei relatio, ut in sequenti scrutinio, quod celebratum est quarto Nonas Novembris, ipse Amedeus unam deviginti, ac deinde in tertio unam & viginti, & rursus in quarto unam & viginti voces habuerit: quia tamen nullus adhuc duas habere partes compertus erat in omni scrutinio, exultæ sunt schedulæ. Cumq; ad electionem summi pontificis una duntaxat vox desideraretur, multiplicari orationes, & augeri devotiones placuit, ut dignaretur deus in unum concorditer vota dirigere, qui pastorem curam super dominicum gregem suscipere digne. Et quia proximior aliis Amedeus Romano pontificio videbatur, habiti sunt in communi sermones multi de vita & moribus ejus. Et alii. Non esse homini laico cito imponendas manus dicebant, quod videretur omnibus monstri simile, principem sæculi ad Romanum pontificium accersiri: quæ res nimium ecclesiasticis derogaret viris, quasi nullum haberent tantæ dignitati idoneum. Alii hominem, qui fuerit conjugatus, cuique proles esset, ineptum sacerdotio existimabant. Alii, Romanum episcopum legiductorem esse oportere, asseverabant, multisq; literis præpollentem. Quæ verba ut audierunt, alii mox allurgentes longe aliter dixerunt: Et Amedeum quidem, etsi doctor non foret, peritum tamen & doctum esse: qui cum aliis in juventute sua literarum studiis infundasset, non titulos sed scientiam quævisisset: eumq; & divinum officium optime nosse, & horas canonicas observare, septielq; diem domino dicere laudes. Quod si de vita, inquit alius, huius principis edoceri vultis, jam me (obsecro) audite, qui eum & intus & in cute novi: nempe hic homo ab ineunte ætate, ac lacteis (ut aiunt) annis magis religiose vixit quam seculariter, parentibus quidem obediens, & pædagogis obsequiosus: semper autem dei timore imbutus, nec unquam, aut vanitati, aut lasciviz operam dedit, nec unquam prae de domo Sabaudia; natus, tantam præ se indolem aut spem tulit. Quibus ex rebus, qui eum intuebantur, magnum sibi aliquid portendebant. Nec sefellit opinio; siquidem vir, postquam adolevit, animum semper ad alta levans, apud inclyatæ memoriæ Sigismundum

Numerus scrutatorum, & conclave ingressorum.

Scrutiniorum modus.

Vorum eligentium.

Amedeus Sabaudia; dux.

Amedeus.

Erubescat in adæ Pægus in sua contra Amedeum invectiva.

Cæsarem forensi certamine Gebennensem evicit comitatum, moxq; deinde familiam suam honoribus cumulans, duciales suscepit insulas. Ac si scire cupitis ejus regimen, & quale, & quantum fuit, illud primum cognoscite, virum hunc post obitum patris jam annis circiter quadraginta regnasse. Cujus tempore regina virtutum semper justitia floruit. Audiens enim per seipsum subditos, nunquam vel inopes opprimi, vel circumveniri imbecilles permisit. Ipse puerillis tutor, ipse viduis advocatus, ipse pauperibus protector fiebat: nusquam in territorio suo, aut rapinis locus, aut lacerationis paruit: divites & pauperes aequali jure apud se habebat, nec terraculis onerosum, nec advenis importunum se exhibens: nullaque in patria gravis exactio pecuniarum fuit, satis se divitem existimans, si patricolas abundare cognosceret, sciens, quia boni pastoris esset non deglubere oves suas, sed tondere. In eo tamen praeipue solers exhibuit studium, ut & pace subditi ejus fruerentur, & nulli sibi finicium causam succedendi haberent. Quibus artibus non solum paternum dominium tranquille gubernavit, sed alia quoq; sponte ad eum venientia superadjecit: Nulli unquam intulit bellum, illato vero resistens, semper de pace magis quam de vindicta cogitavit, & hostes singulos beneficio potius vincere quam gladio studuit. Uxorem unicam duxit, eamq; virginem nobilem, & formae, & pudicitiae admirabilis: familiam omnem suam non solum manus, sed oculos etiam abstinentes habere voluit: fuit in ejus domo summa honestas, summa observantia morum, & in seculari palatio claustralis observabatur religio. Ac ubi tibi confors vitam commigravit in aliam, ubi ducatum ejus firmatum, & ad posteriores sine controversia venturum perpexit animum, qui semper religiosus & deo dicatus fuerat, patefecit, & qualem in corde gestaret voluntatem, demonstravit. Contempto namq; saeculi fastu, omnis pompa mundialis despecta, vocatis secum charissimis amicis, in eremum concessit: ubi constructo mirae devotionis & artis monasterio, in servitium dei se relegavit, & tollens crucem suam, sequutus est Christum. Quo loci per plures annos conversatus, singularis sanctimoniae dedit odorem: vestes quidem non alias induens, nisi quae possent frigus arcere, epulasq; non alias sumens, nisi quibus pelli fames valet: vigilantisq; ad plurimam noctem, nullam unquam divini officii horam neglexit. Cumq; ibi pulcherrimum deo & beato Mauritio sacellum construxisset, & honorificum sacerdotum collegium ordinasset, diebus illic singulis tres missas, duas quidem legi, unam autem decantari audivit: tantusq; illo in monasterio servatus est rigor disciplinae, tanta honestas, tanta religio, ut nusquam sub coelo putem, aut sanctiorem, aut devotiorem inveniri locum. Quocirca non noviter (ut quidam ante sentire sunt visi) hic princeps ad ecclesiam venit, qui natus Christianus ex progenitoribus jam mille annis & ultra Christianus, nunc deo in monasterio servit. ¶ Id autem quod de uxore dicitur, nihili pendo, cum non solum qui uxorem habuit, sed uxorem adhuc habens queat assumi. Cur enim dilapstant doctores, an uxoratus electus in papam uxori solvere debuit teneatur, nisi quoniam etiam conjugatus recipi possit? fueruntq; (ut scitis) etiam in matrimonio pontifices, nec Petrus apostolorum princeps uxore caruit. Quid ista modo objicimus? fortasse non esset pejus, sacerdotes quam plures uxori: quoniam multi salvarentur in sacerdotio conjugato, qui sterili in presbyteratu damnantur. Sed de hoc alias. Illud autem mihi risu magis, quam responso dignum videtur, quod de filiis est objectum. Etenim cur filii, praesertim natu grandes, pontifici patri sint impedimento? Nunquid ait scriptura, Vae soli, quoniam si ceciderit, non habet sublevantem se? hoc imputari principi modo non poterit. Sunt enim illi filii duo, & forma, & ingenio admodum praestantes, quorum alter princeps Pedemontensium, alter comes est Gebennensium. Hi patriam Sabaudia, absente patre, gubernabunt, indigentq; sibi auxilia subministrabunt. Jam enim regere ac praesse populis didicerunt. En quid mali hoc est, habere Romanum antistitem potentes filios, qui patrem contra tyrannos juvare queant? Proh! reverendissimi patres, sane quo magis hujus perversi temporis procellam intueor, quo magis angustias animo evolvo, quibus ecclesia in hac nostra tempestate percutitur, eo magis non utile tantum, sed necessarium esse arbitror, hunc ipsum eligi principem: existimaboque misericordiam domini super nos factam, si eum videro hujus cymbae suscepisse gubernaculum. Considerate (oro) paulisper: quibus in terminis sumus, quibus angustias premur, quibus periculis agitur, quae principum est huic sacro Concilio obediens? Alii nec Concilium hic esse fateatur, nec mandata nostra suscipiant: alii verbo hic esse Concilium dicunt, facto apud Florentiam fore ostendunt. Quamvis enim verbis & literis ecclesiam hic esse non negent, promotiones tamen apud Gabrielem depositum procurant. Hic est status ecclesiae, his procellis navis illiditur: surrexerunt filii impii adversus matrem, qui nec suscepti lactis, nec materni laboris memores, eam spernunt, eam lacerant, eam colaphizant. Quid hic sciendum est? nudumne hominem eligemus, qui nostris principibus magis derivui, quam venerationi habeatur? non sunt hodie saecula quae virtutem respiciant. Probatis (ut est apud Satyricum) laudatur & alget: pauper loquutus est, & dicunt, quis est hic? Bona est equidem virtus, sed multum interest ad nostrum propositum, an in potente sit an

An uxorem pontificatui obstat.

Legem epistolam quintam sancti Ignatii martyris & videbis omnes apostolos habuisse uxores. Legem etiam Esp. M. in Fallis, & invenies sanctum Hilarium episcopum Pictavienem habuisse uxorem legitimam.

Jurenalis.

an in paupere: vobis eligendus est gubernator, qui non solum consiliis, sed etiam viribus navim regat: validus ventus est, nisi & consilium bonum sit, & brachia fortia, frangeretur malus & periclitabuntur omnes. Exinde recens ante oculos est, quia virtutem impotentem nihil pendunt principes. Nunquid maxima virtus hic ostensa est, qui nullum timentes aut vicia, aut bonorum periculum pro veritate Christi tam diu pugnavit? Debeuerant principes terram deosculari, ubi gressus vestri fuissent: quia tamen potentes praelati, ac famosi Cardinales à nobis defecerunt, videtis quid principes fecerint. Aspicit tamen ex alto maximus atque optimus deus talia, hisque (ut puto) resistit insolentis. Sapius ego illorum opinioni assensus fueram, qui expedire dicebant, temporale dominium ab ecclesia secerni. Opinabar namque & sacerdotes domini ad divina mysteria reddi expeditiores, & principes seculi erga clerum fieri obediuntiores. Nunc autem didici, quoniam ridiculosa est sine potentia virtus, nec aliud est Romanus pontifex sine patrimonio ecclesiae, quam regum & principum servus. Quod praevidens divina pietas Romanam ecclesiam dotari per Constantinum & locupletari voluit, ut qui spreto spirituali gladio, adversus fidem & bonos mores tumultuarentur, potenti brachio possent compesci. At cum hodie terrae ecclesiae, partim per Gabrielem, partim per alios occupentur tyrannos, providendum nobis est, ut virum talem eligamus, qui & recuperare patrimonium queat ecclesiae: & in quo Christi vicarius non contemnatur: cuiusque potentia clypeo eorum contumacia conteratur, qui rationem contemnant & veritatem. Ad quas res nemo (ut mihi videtur) aptior est Amedeo duce Sabaudiae, qui alterum in Italia, alterum vero in Gallia pedem habet: cui omnes fere Christianorum principes, aut sanguine attrinent, aut amicitia favent: cuiusque quanta sit virtus, jam supra retulimus. Quid igitur hunc hæreamus eligere? nemo est, quem magis dari sibi adversum, Gabriel quam istum timeat. Pereat igitur eo gladio quo putavit. Nemo est qui magis pacare ecclesiam, quam iste possit. Quæritis in pontifice devotionem? nemo est eo devotior. Quæritis prudentiam? jam intelligitis ex antea dicta vita quis sit. Quæritis justitiam? populus ejus est testimonio: sive potentiam, sive virtutem efflagitis, hic omnia sunt: quid moramini? Agite (obsecro) bonis omnibus hunc eligite: hic fidem augebit, hic mores reformabit, hic auctoritatem ecclesiae conservabit, hic adversarios reprimet, hic pacem Christiano populo condonabit. Non audistis eos qui de futuris prædicant, has fluctuationes ecclesiae prænuntiantes, annum qui jam instat quadragesimum, his terminum tribulationis assignare? Nunquid jamdudum audistis, papam his temporibus eligi debere, qui consolaturus Sion, omnia ponat in pace? Et quis erit (obsecro) ille, qui talia queat implere, nisi istum assumamus? Credite mihi, scripturas impleri oportet & trahet (ut spero) animos vestros, etiamsi nolimus, deus: tamen vos quod rectum & sanctum est volentes potius agite. Hæc cum ille dixisset, maxima electorum pars sibi favendo arrisit, eamque habuerunt verba ejus efficaciam, ut sequenti scrutinio perfecta res sit. Nonis enim Novembris dum clerus civitatis circa conclave cum reliquiis sanctorum staret, & processio prælatorum spiritus sancti gratiam invocaret, horam circiter ante meridiem decimam, aperto scrutinio, & facta collatione (ut moris est) numeri ad numerum, compertum est, Amedeum ducem Sabaudiae religiosissimum principem, juxta Decretum Concilii, in papam fore electum, sexque & viginti voces in eum concurrere. Quapropter subito inter omnes cuncta lætitia est, omnesque rem gestam amplissimis verbis collaudarunt. Quocirca vocatis notariis, & intromissis testibus, confectum est de ipsa electione chirographum. Quare sic peracta, remissis testibus, horam circiter post meridiem primam, ad eas fenestras, quæ in plateam versæ erant, factus est impetus, omnesque valvæ securibus infractæ, atque illinc miranti populo novitatem, crux argentea est ostensa. Erat jam tota civitas in platea, omnisque multitudo in fenestram tendebat oculos, electum sibi nominari desiderans. Tunc Cardinalis Arelatensis facto signo crucis, in nomine patris, & filii, & spiritus sancti, electi pontificis nomen publicavit, & oratione præmissa, populo benedixit. Postque hora jam tertia, praelati cum pluvialibus & mitris, ac clerus urbis cum reliquiis ad cancellos conclavis venientes, electores similiter exornatos ad majorem ecclesiam reduxerunt: ubi gratiarum actionibus magnis deo exhibitis, iterum populo, qui erat innumerabilis, publicata per Cardinalem electio est: ac deinde cum maxima omnium jucunditate hymnis lætitiæ, & organis & humanis vocibus est decantatus, & congregatio dissoluta. Quocirca laudent omnes populi deum, quia pastorem habemus, qualem ipse dedit amandum bonis & malis timentum.

Ex hoc esse debet, & hic etiam est titulus, qui si servus servorum, servus etiam erit dominum.

Hic oratori decles plus in hac re credendum est, quam Poggio Florentino Eugeniano levissimum in invective sua contra Felicem scurrili.

Amedeo eligitur in pontificem.

Commentariorum Æneæ Sylvii Senensis de gestis Concilii  
Basiliensis libri secundi Finis.



## VENERABILI ET DOCTISSIMO VIRO

Magistro Johanni de Segovia, Theologo excellenti, sanctissimi domini nostri Felicis ad dietam Bituricensem Oratori,

Æneas Sylvius Senensis, domino suo Johanni de Segovia, sacrae Theologiæ magistro, salutem dicit.

Coronatio  
Felicis.

Ludovicus  
Sabaudia  
dux.  
Philip. comes  
Gebennensis.  
Ludo. Mir-  
chio Saluta-  
rium.

4000. equo-  
rum Marchio  
de Roetelen.  
Conradus de  
Winsperg.  
Comes de  
Tierflein  
50000. ho-  
minum.

Descriptio  
Felicis.

Eruhescat  
hinc infelix  
Pogius in sua  
invektiva.

Duo filii parri  
principi cele-  
branti iun-  
sunt.

**C**oronationem summi pontificis vario rumore notam esse tibi tuusq; collegis ar-  
ror. Quia tamen varia apud vos conficta esse opinior, quæ inter se non cohæ-  
reant, dignum ipse putavi meis literis satisfacere veritati, vobisq; ibidem fiden-  
tibus harum rerum narrationem efficere veridicam, remq; (ut gesta est) ad un-  
guem referre: atq; (ut brevior sim) jam incipio. Romanorum pontifices coronari in ge-  
neralibus Conciliis raro auditum est, tu tamen & Alexandrum Pifis, & Martinum Con-  
stantiæ coronatum audisti, sed præcedet hujus coronatio tanto illis, quanto & Felix illos  
nobilitate anteit. Ita enim iudicium eorum est, qui & illas, & hæc contemplati sunt. Re-  
feram igitur ego de hac, sed paucis: non enim ut historicus scribo, sed ut servus domini, res  
gestas epistolari genere doceo. Transeo electionem de hoc principe autoritate hujus synodi  
factam, quam alio loco non paucis verbis scripsi: prætereo legationem sibi missam, & con-  
sensum per eum præstitum, de quibus tu plane instructus es. Pergo ad coronationem, quæ  
nono Calendas Augusti celebrata est in civitate hac Basilienfi. Ipse autem dominus noster  
triginta ante diebus, octavo Calendas Julii, ingressus erat: cujus introitus suum habere tra-  
ctatum meretur, sed non omnia uno in tempore scribi possunt. Locus est ante cathedralem  
ecclesiam late patens, ubi spectacula populo fiunt: illic sublimis tumulus constructus est, &  
super illum altare, excelsio in angulo: desuper pretiosi panni, ne vel pluvia, vel sol noceret.  
Prospectus exinde in omnem plateam fuit: huc clerus, & universa nobilitas, ipseq; coronandus  
pontifex descendit. Exilimati sunt hominum circiter duo millia tribunal descendisse. Ve-  
nerat præcedenti die Ludovicus Sabaudia dux, ipsius Romani pontificis generatus: vir co-  
mis aspectu, & affatu placidus, consilio & animo iusto: statura illi mediocris, & oculi præ-  
albi. Cum ipso autem summo pontifice alter generatus profectus erat Philippus comes Ge-  
bennensis, summa virtute, & honesto corpore, honestisq; moribus adolescens: sociisque illi  
Ludovicus Marchio Salutarum fuit, quo in homine nescias formam vel eloquentiam magis  
admirare. Magna præterea tam ducem ipsum, quam etiam summum pontificem: è tota Sabau-  
dia sequuta nobilitas erat, sui principis visura coronationem: contendentq; ita (ut fit) singu-  
li spectabiliores venire. Itaq; fuit magnus virorum, magnusq; eorum apparatus: quo-  
rum numerus ad quatuor millia dijudicatus est. Ex Alemania, Marchio de Roetelen juvenili  
ætate decorus, flavos vento crines fatigans. Conradus de Winsperg, Romani Imperii hære-  
ditarius camerarius, annis & sensu senex. Comes de Tierstein, cui nemo forma comparan-  
dus juveni viroq; fuit, nec adhuc senem senex æqualem habet; Oratores Argentinens. Ber-  
nen. Friburgens. Solodorense, omnis circumvicina nobilitas conflavit. Tantaq; forensis  
populi multitudo concurrat, ut nulla capi platea posset: ac si joci licet, quicquid vini erat,  
sit bibitum. Capita hominum ad quinquaginta millia credita sunt. Civitas vero mille robu-  
stos juvenes in armis habuit, ne quid tumultus, ne quid rixarum fieret prohibuituros: aciem  
non minus timendam, quam admirandam, horum alii tribunal, alii palatium observare.  
Tecta omnia domorum, fenestralque, & arbores viri foeminaq; obfederant. Platea vero  
sic populo plena fuit, ut nec sinapis grano dedisset locum. Quibus omnibus expectantibus,  
advenit in ipso diei ortu Felix electus, veneranda canitie, decorus aspectu, & facie tota pru-  
dentiam præ se ferens singularem. Statura hominis (ut filiorum) communis, forma egregia,  
quantum senio datur, pilus albus, cutisq; sermo paucus & moratus. Ante ipsum prælati  
insulati, & clerus urbanus cum reliquiis introierant. Locatus ille in præmitteni sede est:  
cæterisq; confidentibus, & facto ubiq; silentio, ceremoniæ inchoate sunt, quarum sic peritum  
se Felix ostendit, ut nihil monitoris eguerit. Putassetq; nemo patrem illum secularibus ne-  
gotiis quadraginta, aut eo plus annis versatum, tantum unquam otii potuisse habere, ut ri-  
tum ecclesiæ sic imbiberit. Castigabat itaque ipse per se aliorum errata, nec aliquid vel mi-  
nimum extra ordinem fieri ferebat. Celebravitq; missam suam, & cantando, & legendo,  
plurimum dici posset solenniter, nihil omitrens, nihil pervertens. Mira res omnibus, & specta-  
culo digna videbatur, patrem illic grandævum celebrare, illic prolem insignem celebranti  
servire. Quasi enim novellæ olivarum, circum altare duo nati officio se attenteq; quantum  
laicis permittitur) ministrabant, meritoq; dici hunc Felicem omnes aiebant, qui post exat-  
ctam

etiam laudabiliter in seculo vitam, post administratum feliciter ducatum, generosamque sobolem educatam, ad regimen universalis ecclesie accersitus a deo esset. Vidisses plurimos præ læticia lachrymantes, benedictisque dominum, qui ad tantum spectaculum vivere eos permisisset, qui rem suis oculis intuerentur, antea nec visam, nec auditam ulli. Fuit tamen inter hæc (ut sæpe accidit) res una, quæ risum movit: Moris est, ut inter ipsa solennia prædicationis pontifici, sicut quas primus diaconorum Cardinalium inchoat, Scriuariique & iudices subsequuntur: hic autem loco iudicum advocati responderunt. Cantantque Ludovico Cardinali sanctæ Sufannæ, viro maximo, & ceremoniarum apprime gnaro (qui presbyter pro diacono fuit) responsuri advocati, & scriuarii cantum adeo dissonum emisissent, ut non solum risum, sed & lachrymas ab oculis omnium excusserint. Nec major de ulla re octo post diebus, quam de illorum cantu sermo sit habitus. Quod etiam aliqui sibi dedecori existimaverunt, ego quoniam inter illos fui, nihil mihi ignominie putavi, inficitiam cantus: quam rem nemo unquam non levis perfecte aggressus est. Ideoque & sequenti die, cum apud Prædicatores idem officium exigetur, cantitate meum carmen non erubui. Ut igitur finita missa est, summusque ipse pontifex consecratus, sacer Tiaras triplici corona insignis, compluribus gemmis prælucidus, allatus est. Spectantesque universa multitudine, & animam comprimente, Ludovicus Cardinalis (cui id officii quod Hostiensis episcopo debetur synodus commiserat) quasi fructum suorum laborum jam colligens, coronam ipsam excellentis pretii, quam plurimi ad triginta millia aureorum censuerunt, felici capiti Felicis imposuit: Moxque per universos acclamatum est, ut vita papæ esset: postmodumque plenarie indigentia, quas nunquam antea populus ille habuerat, concessæ sunt. Completisque coronationis solenniis, ex tribunali in processionem est itum: omnesque in equis per ordinem progressi sunt, qui huiusmodi est habitus. Primi omnium laici, & vulgaris turba famulantium. Secundo nobilium distinctæ familie. Tercio nobiles ipsi & milites. Quarto loco barones, comites, & marchiones. Quinto, dux ipse consilii suorum comitatus, aureis vestibus in terram demissis. Inter hos, ut potuit, expompare nixus est quilibet. Hic qui ostro & auro recti, hic saga militum gemmis & argento onusta: hic tubæ, tibicinesque, & mimorum cohors præludens: variæ vestes, varia ornamenta, ut nulli sat vidisse sit visum. Post hos urbanus clerus in pedes reliquias sanctorum vectans, & puerorum cantantium candidus ordo. His succedebat umbraculum rubei croceique coloris, & apud illud scutiferi, quos honoris vocant, locati erant, rubeos gestantes pileos. Juxta hos fuissent præfecti navales, si qui adfuissent, sed loco illorum eremitæ Ripallie, quos milites sancti Mauritii vocitant, suffecti sunt, viri graves, & ævo præmaturi, qui Felicis papæ, & sæculi & religionis fuerant comites, & qualis habitus illius antea fuisset, in suis habitibus præmonstrabant, plurimumque reverentia videbantur mereri. Illinc Prioribus quibusdam pluvialia sine mitra gerentibus locus fuit. Mox succedere scriuarii, & advocati, pluvialia ex transverso gestantes, habitum cantui quem habuerant valde conformē. Idem gestamen debitū erat his, qui sequebantur, iudicibus, quod minime observatum est in curia promotorum: habuerunt autem cappas & pileos, tanquam prælati: Hos sequuti sunt abbates, & inde episcopi ornati pluvialibus, insulaticque, equis insidentes phaleratis. Hoc in ordine præterivimus duodecim equos qui ante umbraculum candore nivali, quales Rhæsus ad Trojam duxit, rubeo tamen tegmine vestiti collo tenus, procedebant. Secundum episcopos, salvatoris nostri domini Jesu inter magna luminaria corpus deferabatur. Cujus conducendi cura Johanni episcopo Argensi Theologo non minus utilis quam laudatæ doctrinæ, tanquam sacristæ commissa erat. Sequenti in ordine duo Cardinales, duoque episcopi, Dertuseni. Vicensique, qui diaconorum Cardinalium tenebant locum. Ultimo in loco summus ipse pastor aureo rectus papilione, triplicem gestans coronam, populosque benedicens, unus omnium oculis desideratus, incessu maturo procedebat. Marchione de Rœtelen & Conrado de Winsperg equum ejus duçantibus. Post eum thesaurarius, clericique cameræ, & qui pecunias in populum jaciebant, ornato decenti veniebant: Simul quoque principum, qui aderant Oratores, magnæque & confusa populi multitudo: Siæque per plurimos civitatis recessus est itum, donec Judæi illum expectantes, nova & fallaci spe ducti, legem Mosaicam obtulerunt, quam ipse laudans, ritum damnavit eorum. Exinde vero in coenobium Prædicatorum ventum est, ubi fratres cum Priore obviam procedentes, papamque ante altare statuentes, claves coenobii sibi dederunt. Moxque finito lætitiæ cantico, hora jam post meridiem tertia, magis ad quietem quam ad prandium, quamvis adhuc jejunos foret, dimissus est Felix. Altera die illuc ad missam omnes convenere, qua finita, consummatique nonnullis, quæ restaverant, ceremoniis, prælati omnibus qui interfuere, duo argentei nummi, & unus aureus traditus est: atque exinde tota multitudo ad convivium convocata, ubi nec lex Orchia, nec Fannia, nec Licinia locum habuit, nullaque alia sumptuaria, quibus vel pretium eduliorum vel obsoniorum copia præferibitur. Coenatum est, ut libuit, laute, sumptuosèque, pransitum quoque. Dubium est enim, prandium an coena fuerit: horis

Saavis scri-  
nariorum  
cantus.

Pretium insu-  
per pontificis.

Ordo pompæ  
pontificis,  
quem proces-  
sionem vocant.

M. Johannes  
de Raguso.

Judæi obviam  
runt ponti-  
fici legem.

Cena ponti-  
ficia.

ciriter quatuor, homines plus mille coenati feruntur. Pincernæ summo pontifici pulcherrima præs, duo filii fuerunt, Architrictinus Marchio Salutiarum. Ad horam tertiam post meridiem cessatum est. In hora vero quinta, eodem ordine quo itum erat, reditum est: ductusque papa ad Virginis templum, quod est Basileæ præcipuum, in palatium per ponticum ad quietem rediit.

Hæc de coronatione domini nostri sanctissimi Felicis quinti, volui ut scires: Tu nunc ista quibus vis communica, daque operam, ut patrem hunc quem tanti facio, quam primum repetas, feliciaque de vestro conventu nobis reportes. Vale, ex Basilea. Idibus Augusti. Anno domini, millefimo quadringentesimo quadragesimo.

### ¶ ARGUMENTUM SEQUENTIUM duarum Epistolarum.

JAM indixerat Basiliense Concilium Martinus pontifex, & huic præsidendum dederat Julianum Cardinalem sancti Angeli, quum statim vita functus est. Eugenius post illum electus, eam rem primum non improbat: verum quum attentius perpenderet, quam nihil lucri soleat esse pontifici Romano ex Conciliis, memor etiam quid antea Johanni XXIV. Constantiæ accidisset, nihil non molitus est, ut Basiliense Concilium disturbaret: Et quia Julianus Cardinalis sancti Angeli vehementer pro eo Concilio congregando laboraverat, præsertim Bohemorum Romanæ ecclesiæ reconciliandorum gratia, ideo rem minime gratam Eugenio fecit: & accusatus est intempestivæ diligentia. Itaque his duabus epistolis ipse se excusat pontifici, simul hunc admonens quam impie agat, qui Concilium (quo maxime sit opus propter varias causas) jam indictum & congregatum, dissolvere conatur. Et scribit liberrime, nihil veritus pontificem admonere sui officii. Multis autem viis nixus est Eugenius Concilium dissipare. Et tradit Platina, propterea Delphum & Armeniaci comitem ab eo Basiliensibus immisos, eos qui postea Alsatiæ miserè vexarunt, & vexati sunt. O virum apostolicum!

## EXEMPLUM LITERARUM QUAS

Julianus Cardinalis sancti Angeli, Legatus in Germania, mira libertate scripsit ad Eugenium Pont. Romanum, conantem dissolvere Concilium Basiliense.

Beatissime pater, post devota pedum oscula beatorum,

Multa me cogunt libere & intrepide loqui ad sanctitatem vestram: periculum videlicet eversionis fidei, ac status ecclesiastici, & subtractionis obedientiæ à sede apostolica in iis partibus, denigratio quoque famæ ejusdem sanctitatis. Cogit & me charitas qua V. S. afficior, & eam mihi affici scio: propterea magna cum fiducia loquar, juxta beatum Ambrosium ad Theodosium Imperatorem: Nemo (inquit) majori fiducia utitur, quam qui ex affectu diligit. Nec parcam (si opus sit) verbis asperis, quia (ut inquit beatus Bernhardus) vera amicitia nonnunquam oburgationem habet, adulationem vero nunquam. Ita enim opus est, ut intellecto discrimine, cautius rebus agendis postea consulatur: quod si fecus facerem, sacrilegii & infidelitatis apud deum & homines reus viderer. Prius tamen quam ad ambasiatam reverendi patris domini Parentini accederem, obsecro patienter ferat V. S. commemorari sibi quædam præteriti temporis, si forte oblita sit, ne nimis voluntarie huc forte venisse credar. Puto, tota Romana curia novit, quam molesta mihi fuerit legatio ista Concilii nemo eo tempore me visitavit cum quo maxime non quereretur, sed præsertim cum S. V. tunc in minoribus & cum reverendissimo domino meo Bononiensi: qui mihi paterna charitate uterque cõpatiebamini, hanc provinciam mihi esse decretâ. Ad legationem Bohemiæ, quantum voluntarie ibam, tantum ad istâ invitum, propter multa quæ tunc verebar posse accidere, quæ jam experiri incipio. Licet veritus non fuisset, si à S. V. hoc onus mihi injunctum fuisset. Veni Nurebergâ, nuntiatus est decessisse Fel. Rec. dominum Martinum. Et quia nondum venerat bulla facultatis presidentiæ, putabam me hoc gravi jugo exoneratum. Sed deus non est passus propter peccata mea, carere me perturbationibus. Supervenit dominus Cuntz, & eam mihi præsentavit, cujus copia ad multorum manus

Episcopus  
Parentinus.



manus etiam extra curiam ante pervenerat. Cum illam vidi, supra modum tristatus sum, & licet à nonnullis importune requireretur, ut venirem huc: volui nihilominus in tanto negotio prius scire S. vestrae intentionem, praesertim cum noviter creata esset. Bis aut ter, & per nuntios proprios intimavi S. V. multis precibus supplicans, ut transferretur calix iste, & quia multo utiliorem me reputabam ad expeditionem Bohemiae, quam ad Concilium, obsecrabam instantissime, ut alius deputaretur ad praesidendum hic: & recolo me scripsisse ita vehementer super hoc, ut aliquando timerim offendere S. V. quasi id onus recula-rem post vestram promotionem, quod alio pontifice assumpseram. Postquam peragravi Alemanniam praedicando crucem contra Bohemos, revertens Nurenbergam, inveni dominum Leonardum de Piscia, cum instructione, ut venirem ad Concilium, si poterat fieri sine detrimento expeditionis Bohemiae. Idem nuntiabant literae domini episcopi Cervien-  
Leonardus de Piscia. Episcopus Cervicensis.  
 sis, ex parte sanctitatis vestrae. Licet etiam & tunc instanter requireretur à multis venire ad Concilium, reputans me utilem facere, si in Bohemiam cum exercitu introirem, praesertim cum paucos ad Basileam venisse audirem, decrevi accingere me ad exercitum. Et ne quisquam posset obloqui de S. vestra, quod Concilium Basiliense decretum per praecedentia Concilia, & praecessorem vestrum vellet negligere, considerans etiam hanc esse voluntatem S. ejusdem, quod Concilium non omitteretur, deputavi hic loco mei dominum Johannem Pilombar auditorem, & magistrum Johannem de Ragusio, asserens omni-  
Magister Jo- hannes de Ragusio, episcopus Argensis.  
 bus, quod expedio negotio Bohemiae personaliter accederem Basileam, juxta mandatum S. V. Hoc nuntiavi statim S. V. quae postea per literas Cervien-  
De faga prin- cipum quo- rundam.  
 sis approbavit & laudavit. Successerunt postea res in Bohemia, sicut deo placuit. Et cum ex fuga exercitus, omnes populi Alemanniae supra modum essent exterriti, & consternati, videns nul- lum aliud superesse remedium, animabam & confortabam omnes, ut manerent constantes in fide, & nihil trepidarent: quoniam ego propter hoc accedebam ad Concilium, ubi convenire debebat universalis ecclesia, in quo omnino aliquid sufficiens remedium ad resisten- dum haereticis, & ipsos extirpandos reperiretur. Ita etiam dixi in Nurenberga, in praesentia domini Imperatoris, & plurimorum Baronum, & nobilium Alemanniae. Sic etiam exhortatus sum ambasiatores Pilzerenensium, & Egreusium fidelium de Bohemia, dando eis spem subsidii, ratione Concilii. Et certe tantus erat metus omnium populorum, quod necessarium erat ita agere. Propterea nemo miretur, si feci diligentiam, ut omnes ad Concilium venirent, vel mitterent. Ita enim opus erat, ut tot tantisque periculis posset aliquo modo obviari, per inventionem celerem alicujus subsidii. Et quidem fama ista Concilii multos retinuit, & retinet finitimos Bohemiae, ne cum illis concordarent. Ibidem me interpellarunt nobiles, & militares Alemanniae, qui in illo exercitu fuerant, ascribentes culpam fugae solis principibus, offerentes iterum cum multo majori exercitu regredi proxima aetate in Bohemiam, ubi vel mori, vel vincere intendebant: & neminem principum volebant adesse secum: Sed ipsi soli eligerent capitaneum, quem rerum experientia magis idoneum judicarent. Postulabant autem ab ecclesia subsidium solum communium expensarum, quod non puto excederet 30000. ducatorum. Quibus respondi exhortando eos in hoc sancto proposito, & quod volebam super hoc scribere S. vestrae, à qua omnino sperabam hoc subsidium impendendum, & nihilominus venire ad Concilium, ut five per medium S. V. fidei Concilii hujusmodi subsidium non deficeret. Cum talia audivi, levavi manus ad coelum gratias agens deo, qui in tantis periculis non deserebat ecclesiam. Ista enim fama & spes, militarium corda hominum jam pene mortua, revivificare faciebat, & anima-  
Abbas Perus- sinus.  
 bat ad resistendum haereticis. Scripsi S. V. statim per dominum abbatem Perusinum, scripsi deinde plurimas & plurimas literas. Putabam audita tam grandi oblatione militarium, & in confederatione Christianitatis, quod sedes Apostolica debuisset vendere cruces & calices, & statim subvenire. Et jam sunt ferè quinque menses, necdum responsum habui: sed mittitur mihi facultas, quod dissolvam Concilium, in quo unica spes in iis partibus defensionis fidei & ecclesiae consistit. Itaque ex praedicta causa incitatus sum huc venire, ut si forsitan ex curia non provideretur (de quo jam satis timeo) saltem hic inveniretur subven-  
Colociensis archiepiscopus Dux Eut- gundiae.  
 tio. Incitavit etiam me huc venire dominus archiepiscopus Colociensis, qui in egressu de Bohemia persuasit, nihil posse fieri utilius, quam requirere ad hanc expeditionem dominum ducem Burgundiae, quem sciebat ad hoc esse bene affectum. Dicebat ipse dominus Archiepiscopus propter hoc imponendum esse universale subsidium: quod optime exigi videbatur, si in Concilio praesentibus & consentientibus universis imponi contingeret. Et veri-  
Decimus.  
 similiter sperari poterat, si hac magna multitudo praelatorum confluxisset, attentis pericu- lis, quae modo sunt, nemo contradixisset, non solum in decima, sed in majori subsidio quod sine difficultate postea fuisset exactum, quod non fuit sic in eo, quod imposuit domi-  
 nus Martinus, quia excepta Italia, aliae nationes nihil volebant solvere. Incitavit etiam me huc venire litera missa Nurenbergam à quodam Barone Bohemiae, post recessum exercitus, qui

Clerus Ale-  
manie.

Attende.

Accusatur  
Cardinalis  
sancti Angeli,  
nimis dili-  
gentia pro  
congregando  
Concilio Basi-  
licensi.Causa pro-  
pter quos non  
erat dissol-  
vendum Ba-  
siliense Con-  
cilium, quan-  
quam aliter  
videbatur  
Iugenio,  
Prima.

qui dicebat, armis illud regnum debellari non posse, sed agendum concordia, & tractatu. Cui responsum est meo consilio, quod cum jam in Basilea celebrandum esset Concilium universalis ecclesie, Bohemi curarent huc mittere aliquos, cum pleno mandato, quia nusquam melius, quam hic hujusmodi tractatus fieri posset: pro quo haberent saluum conductum, & quicquid esset necessarium. Incitavit etiam me huc venire deformitas & dissolutio cleri Alemanie, ex qua laici supra modum irritantur adversus statum ecclesiasticum. Propter quod valde timendum est, nisi se emendent, ne laici more Hussitarum in totum clerum irruant, ut publice dicunt. Et quidem hujusmodi deformatio magnam audaciam præbet Bohemis, multumque colorat errores eorum, qui præcipue invehunt contra turpitudinem cleri. Qua de re, etiam si hic non fuisset generale Concilium institutum, necessarium fuisset facere unum Provinciale, ratione legationis per Germaniam pro clero reformando: quia revera timendum est, nisi iste clerus se corrigat, quod etiam extincta hæresi Bohemia, fuscitaretur alia. Attenta igitur voluntate S. V. & prædictis causis, quis non intelligat me, quodammodo coactum huc accessisse? Sed & supervenerunt literæ S. V. datæ secundo Calendis Junii, in quibus sanctitas vestra mihi expresse mandat, quod huc veniam, utens iis verbis: Volumus, tibi que mandamus, ut expedito negotio Bohemia, cujus finis expectatur, in brevi gressus tuos dirigas Basileam pro Concilio celebrando, ibique juxta tibi injuncta, & ordinata in Concilio Constantiensi opportune provideas. Sed forte dicit aliquis, nimiam diligentiam fecisti in Concilio. Mira res si pro diligentia accusor: Cum summi Pontifices dicere soleant, diligentiam tuam in domino commendamus. Multo autem mirabilius, si illa diligentia arguitur, quæ pro extirpanda tam perniciosâ hæresi exercetur. Nec volui maledictum illud incurrere, de quo in sacra scriptura dicitur: Maledictus, qui facit opus dei negligenter. Nec igitur mihi constabat S. vestram velle me dissimulare in tam sancto opere, vel negligenter agere: sed æstimare debebam contrarium, cum ipsam semper noverim in iis, quæ spectant ad honorem dei, & fidei defensionem semper fuisse ardentissimam: quanquam etsi mihi mandaret, ut dissimularem, aut fingerem, libere responderem, ut hoc onus alteri injungeretur: quoniam mecum decrevi, nunquam officium dissimulantis exercere. Mandat igitur mihi S. V. ut opportune provideam secundum injuncta mihi: nihil aliud scio mihi injunctum in bulla domini Martini, nisi ut diligentia agam. Hoc igitur periculum & necessitas fidei & ecclesie requirebat, & requirit. Arbitrabar enim hujusmodi diligentiam, non solum rei tam sanctæ fore accommoda, sed & sanctitati vestræ magnum honorem & gloriam afferre, cum tanquam nuncios & ministros, & nomine sanctitatis vestræ omnia gesserim. Si quid ergo diligenter feci, cum pro Christo, & sanctitate vestra id egerim, delector, imò poenitet me diligentius non fecisse. Damnet igitur quicunque vult, non est mihi curæ: satis mihi est, quod nec deus, nec S. V. me damnabit. Nec quisquam dicat, quod hujusmodi diligentia mihi in isto Concilio de novo orta sit: nam testis est universus orbis, quantum (ut decet) fere amens laboraverim, & quam ardentem pro extinguenda hac hæresi: Interrogetur reverendissimus dominus meus Placentinus, quo fervore secum per triennium hoc opus persequutus fuerim. Quid deinde Romæ fecerim, constat toti curiæ, & S. V. aliis scripsi. Hoc non pro laude recensui, sed ut nemo cogitet, vel de novo vel ob aliam causam supervenisse mihi hunc fervorem. Sed & si cuiquam hæreticorum diligentia displiceret, curia Romana deberet illam maxime commendare, cum Hussitæ nihil aliud sagant, nisi penitus delere & extinguere nomen & potestatem curiæ Romanæ, & sedis Apoliticæ. Nunc venio ad ambasiatam domini Parentini, de prorogando tempore Concilii, & transferendo locum. Utinam tunc ego adfuisssem in curia, utinam ibi nota essent pericula, quæ hic sunt, forte, & sine forte, non venisset cum tali ambasiata, cujus fama jam magnum generat scandalum ac perturbationem. Quid ergo fiet, si effectum consequeretur? Quanto fuisset consilium intimare mihi prius ista, qui sum hic in factio, ut postea S. V. avisata de omnibus maturius deliberaret? Quomodo enim si factum, & facti circumstantiæ ignorentur, recte potest consuli? Quanta hic scandala sequantur, & quam prope sit eversionis fidei auscultet patienter S. V. Primo, vocati sunt Bohemi ad istud Concilium: literis vocationis alias missi S. V. Hoc factum quilibet probat, tanquam salubre & necessarium, ut postquam armis totiens frustra certatum est, alia via teneretur. Jam literæ iyerunt Pragmam, & Pragenfes respondent Egrensisbus, prout continetur in litera interclusa. Speratur quod veniant. Si Concilium dissolvitur, quid dicent hæretici? Nonne insultabant in nostros, & sient protroveiros? Nonne ecclesia fitebatur se esse victam, cum non aula fuerit expectare illos, quos vocaverat? O quanta hic erit confusio Christianæ religionis! Approbabimus per hanc fugam errores eorum, & condemnabimus veritatem, & iustitiam nostram. Nonne videbatur hic digitus dei? Ecce exercitus armatorum totiens fugit à facie eorum & nunc similiter ecclesia universalis fugit. Ecce nec armis, nec literis vinci possunt.

Videbitur



Videbitur miraculum dei evidenter, demonstrans illos vera sentire, & nos falsa. O infelice populum Christianum! ô fidem Catholicam, ab omnibus destitutam! te milites, te sacerdotes deserunt & vituperant, jam nemo audet pro te stare! Nonne hoc sacrilegium imputabitur ei, qui hujus Concilii dissolvendi causa esset? Omnes latrabunt, & blasphemabunt curiam Romanam, quæ tantam fidei confusionem procuravit. Secundo: Nonne omnes fideles, qui sciunt prædictos hæreticos esse ad Concilium vocatos, remanebunt stupefacti, & putantes, quod propter hujusmodi fugam nostra doctrina falsa sit, cum ipsi non audeamus defendere, sequentur hæresim Bohemorum? præsertim, cum illi jam pluries & nunc proximis diebus diffuderint per totam Alemaniam libellos famosos, continentes circiter triginta articulos contra fidem, præsertim contra statum ecclesiasticum, cum multis autoritatis sacre scripturæ, & sanctorum doctorum, in quibus expresse asserunt, Quod nostri sacerdotes, non habentes quid illis respondeant, nunquam voluerint illis dare audientiam. Quid ergo nunc dicent Catholici, si post collatam audientiam fugimus? Et advertat S. V. quod major pars illorum articulorum est contra sedem Apostolicam, & in detractum curiæ Romanæ. Item nunciatum est omnibus universitatibus, quod mittant fœlioriore doctores & magistros quos habent huc, pro ista causa. Tercio: Cum sit ubique publicatum hoc Concilium, principaliter esse congregatum pro hæresi Bohemica extirpanda: quanta postea confusio, & ignominia erit ecclesiæ, si re infecta recedat? Quantum igitur periculum evidenter subversionis immineat, quis non consideret? Væ miseris clericis, ubicunque reperti fuerint! Quarto: Quid dicet universus orbis, cum hoc sentiet? Nonne judicabit clerum esse incorrigibilem, & velle semper in suis deformitatibus fordescere? Celebrata tot sunt diebus nostris Concilia, ex quibus nulla sequuta est reformatio. Expectabant Gentes ut ex hoc sequeretur aliquis fructus. Sed si sic dissolvatur, dicetur quod nos irridemus deum, & homines. Et cum jam nulla spes supererit de nostra correctione, irruent merito laici in nos more Hussitarum: & certe fama publica de hoc est. Animi hominum prægnantes sunt, jam incipiunt evomere venenum, quo nos perimant: putabant se sacrificium præstare deo, qui clericos aut trucidabant, aut spoliabant: quoniam reputabant jam in profundum malorum venisse, fient odiosi deo & mundo: & cum modica nunc ad eos sit devotio, tunc omnis peribit. Erat istud concilium quoddam retinaculum secularium: sed cum viderint spem omnem deficere, laxabunt habenas publice profecundo nos. Ah quis honor erit Romanæ curiæ, quæ Concilium congregatum pro reformatione turbavit? Certe totum odium, tota culpa, & ignominia transferetur in illam, tanquam causam, auctricemque tot malorum. Ah beatissime pater! absit à sanctitate vestra, ut unquam dici possit, fuisse tantorum malorum causam: requirere de manibus vestris sanguis pereuntium: de omnibus minutatim oportet in illo districto dei judicio reddere rationem. Quid tunc dicetis? quam rationem allegare poteritis? Si ei qui scandalizat unum de pusillis ecclesiæ, tam terribile judicium minatur deus, quid fiet, si contingat universalem scandalizari ecclesiam? Certe ut nihil taceam, tam omnes vehementer scandalizati sunt pro hac duntaxat fama, quod mirabile est. Quid igitur fiet, si, quod absit, consummabitur? Dicunt jam, nos sperabamus quod hic redempturus esset Israel. Pro deo abstineat sanctitas vestra à tanto scandalo, etiamsi sciret se occidendam, ratione hujus Concilii, non permitrat se tam indelebili ignominia notari, & tanta scandala sequi. Si in juventute, & in omni ætate: si ante dignitatem Cardinalatus & post, semper ostenditis signa integritatis, & sanctitatis: si semper fuistis nutritor bonorum morum, & persecutor malorum: quanto magis nunc facere debetis, cum vices dei geratis in terris? Si modo hoc fiat, si postea vixeritis ut beatus Petrus, nunquam credemini. Putabunt homines omnia fuisse fieri. Jam igitur de nullo homine nec spes, nec fides habebitur, si tali macula modo S. V. permittat se inquinari. Quinto: Publicatum est hoc Concilium congregari pro pace inter reges, & principes Christianos: quia bulla Martini (cujus copia ubique diffusa est) inter alias causas, etiam propter pacem Christianitatis mandat congregari hoc Concilium. Jam invitati sunt reges & principes, præsertim Franciæ & Angliæ, tam diu inter se bellantes. Facta sunt etiam ad hoc nonnulla preparatoria, de quibus aliàs Scripsi S. V. qualiter requisivimus dominum archiepiscopum Coloniensem, ut vellet ire in Franciam, ad juvandum reverendissimum dominum Sanctæ Crucis: scriptum etiam est præfatio domino Sanctæ Crucis, qui nunciavit, quod si eligatur aliquis locus ad quem conveniant ambasciatores utriusque partis, utile valde esset, quod aliqua solennis ambasciata illuc mitteretur ex parte Concilii. Nec quisquam dicat, quid opus est, quod Concilium se in hoc intromittat, cum dominus Sanctæ Crucis ad hoc missus fuerit? quia judicio omnium hoc credidit expedire, & ipse dominus S. C. ut supra dictum est, laudat: deinde quicquid sit, sit nomine S. V. Et omnis laus, & meritum erit vestrum. Deinde, nonne dominus Martinus prius misit dominum S. C. & postea dedit istam facultatem ad procurandam

Secunda.

Articuli  
Hussitarum.Hæresis Hus-  
sitarum qua-  
lis.  
Tercia.

Quarta.

Concilia mul-  
ta frustra  
celebrata.

Quinta.

Cardinalis  
S. aucta Crucis.

pacem

**Sexta.** pacem inter reges Christianos? quicquid sit, prodesse potest, nocere non potest. Sexto, scriptum est regi Poloniae, duci Lituaniae, & Prutenis, rogando ut interim suspendant guerras, offerendo mittere ambasiatam ad tractandam pacem. Et super hoc etiam scriptum est praelatis Poloniae: Nonne reputabunt se delusos? Quot mala ex illa guerra sequi possent, si perseveret, alias scripsi S. V. Timendum est enim, ne alter Tartaros, alter Bohemos in subsidium invocet, in perniciem Christianitatis. Septimo, his diebus civitas metropolitana Magdeburgensis expulit archiepiscopum & clerum, & jam illi cives incedunt more Bohemorum cum curribus, & dicitur quod miserunt pro uno capitaneo Hussitarum. Et quod valde timendum est, habet civitas ista ligam cum multis civitatibus, & communitatibus illarum partium. Item civitas Pataviensis, quae est de dominio domini episcopi, expulit episcopum, & erexit machinas contra quoddam castrum episcopi. Utraque istarum civitatum est finitima Bohemis, & si conjungant se cum illis (prout valde timendum est) multarum civitatum habebunt sequelam. Scriptum est utrique, rogando, ut superdeant a guerra. Et si qua controversia inter ipsos sit, offert se Concilium velle illam terminare: & taliter providere, quod ipsi cives remanebunt optime contenti. Missus est etiam quidam ambasiator, versus Magdeburgam, ad tractandum hoc negotium pacis, scribendo dominis & communitatibus circumvicinis, ut etiam se interponant. Idem fiet versus Pataviam, postquam redierit nuncius illuc missus. Item quia magna discordia est inter civitatem Bambergensem, & episcopum, & capitulum, quae est supra modum periculosa, propter vicinitatem haereticorum: Concilium dat operam, ad interponendum se pro concordia, & vocant utramque partem, quae jam venit. Si ergo dissolvatur Concilium, discordia istae non tollentur, sed augebuntur, & trahent post se multas alias civitates & oppida.

**Septima** Magdeburgensis.

**Pataviensis** ad Danubium.

**Bambergensis.**

**Octava.** Burgundiae dux.

**Nona.**

Octavo, ex consilio domini archiepiscopi Colonienfis requisitus est dominus dux Burgundiae, & sibi scriptum, si veller acceptare expeditionem illam contra Bohemos: quoniam ipse videtur ad hoc valde idoneus, & inclinatus, & modicum est, quod fecit treugas cum domino rege Carolo ad biennium, & in tenore treugarum expresse rat quod ad illas motus fuerat, ut posset intendere ad extirpationem Bohemorum, prout a me fuerat requisitus, jam ipse mihi rescripsit, quod vult mittere huc ambasiatores ad practicandum hoc negotium. Si Concilium dissolvatur, ecce primo perdemus hoc tam utile medium: deinde irritabitur ille princeps contra ecclesiam, a qua dicit bis se fuisse delusum. Ecce quomodo omnia mirabiliter se disponunt ad everisionem status ecclesiastici. Ideo merito facienda fuit & est summa & exacta diligentia, ut omnes praelati huc confluerent, ut unanimi consensu per universam ecclesiam imponeretur aliquod notabile subsidium pro hac re, etiam ultra decimam si opus esset, quod si fuisset impositum in Concilio, sine difficultate fuisset exactum, quod non lic fuit tempore domini Martini. Copiam literarum ducis Burgundiae mitto hic interclusam. Nono: Militares & nobiles de Alemania obtulerunt se ducere potentissimum exercitum proxima aestate in Bohemiam dummodo daretur eis subsidium communium expensarum, ut supra dictum. Et quia jam sunt quatuor menses quod hoc annunciavi S. V. primo per abbatem Perusinum, deinde per plurimas literas, nec adhuc habui responsum. Et illi miserunt mihi intimare per magistrum Prutenorum Alemaniæ, quod nisi in octava Martini darem eis firmam spem istius subsidii dimitterent hunc tractatum expeditionis. De consilio Concilii scripsi eis, & misi ambasiatorem promittendo tale subsidium. Iterum pridie scripsi, & sollicitavi eos per duos ambasiatores ad prosecutionem tam sancti operis, promittendo iterum dictum subsidium. Forsitan non habebitur de curia: ideo feci & facio diligentiam pro congregatione praelatorum ut si ex curia non habeatur, habeatur hic. Quod si dissolvatur Concilium, cujus nomine illi requisiti sunt, & etiam promissio facta, quid dicent illi? Nonne dimittent hoc, quod inceperant? quod erit maximum damnum. Et audacia nimia dabitur haereticis. Et nostris diffidentiae absque omni spe incutietur timor, & cogentur concordare cum haereticis: quoniam ista spes multum prodest, etiam si nihil sequatur, quia retineret homines, ne adhererent haereticis. Sed quod forsitan deterius erit, nonne tota militia & nobilitas Alemaniae videns se delusam, & deceptam per ecclesiam, irritabitur contra clerum? & quia fecerunt preparatoria, &c. spoliabunt & persequentur clerum ubicunque. Qualiter etiam aperto ore blasphemabunt clericos? dicentes: Nos volebamus ponere corpora nostra, & etiam substantiam nostram pro defensione eorum: at ipsi quorum res agitur, noluerunt modicissimam pecuniam contribuere. Vere, vere, hoc est ponere gladium in manibus eorum, & dare eis expressam licentiam, quod irrumpant super clericos vehementius, quam haeretici. Ecce non sufficiebat nobis Bohemos inimicos habere, nisi gratis faciamus nobis inimicam tantam multitudinem nobilium secularium. Quando ista narrabuntur per orbem, nonne alii commendabunt quicquid fecerint illi militares adversus nos? Nonne & alii finaliter contra nos accendentur & provocabuntur? Ecce in quantis periculis sumus, quae (ut verum dicamus) nos in nosipsum concitamus.

Sed

Sed ego ero ubique infamis, cujus literas manu mea scriptas super promissione huiusmodi subsidii illi militares habent. Certe ut his periculis occurram: & ne sim causa eversio-  
nis status ecclesiastici, ac ut hanc totam effugiam, laborabo pro viribus (si poterō) ut præ-  
lati hic existentes, ad hoc subsidium contribuant: ex quo de consilio eorum ista tentavi. Et  
si non poterō hoc efficere, decrevi potius mori, quam ignominiose vivere. Ibo forsitan  
Nurembergam, & ponam me in manibus illorum nobilium, ut faciant de persona mea quic-  
quid volunt, etiam si velint me vendere hæreticis. Saltem omnibus constabit de innocen-  
tia mea. Ecce meritum quod exspecto ex diligentia & fervore pro defensione fidei Ca-  
tholicæ. Certus sum, cum S. V. talia audiet, aliter determinabit, aliter etiam providebit:  
quia finaliter totum onus, & omnis nota redundabit in sedem Apostolicam & S. V. Quan-  
tum successit mihi contra spem? putabam quod S. V. mitteret mihi subsidium petrum,  
& nuntiaret, ut prædicem dissolutionem Concilii. Et si dicat S. V. habuimus guerram: ego  
respondebo, quod etiam si guerræ adhuc durarent, etiam si essetis certi perdere Romam, &  
totum patrimonium ecclesiæ, potius subueniendum est fidei & animabus, pro quibus do-  
minus noster Iesus Christus mortuus est, quam arcibus & moenibus civitatum. Chazior est  
Christo una anima, quam non solum patrimonium temporale ecclesiæ, sed etiam coelum  
& terra. Utique, cum nec coelum & terra facta sint ad similitudinem & imaginem suam,  
nec pro illis mortuus sit, principale officium vestrum (beatissime pater) est salvare animas,  
imitando vestigia Christi, qui dixit, Non sum missus, nisi ad salvandas oves, quæ perierant  
de domo Israel. Non dico esse negligendam temporalitatem, sed dico multo plus esse  
æstimandam animarum salutem. Sed forsitan dicit aliquis, quis tibi imposuit obligare te  
illis militaribus aut requirere ducem Burgundie? Respondeo, quod evidens periculum sub-  
versionis fidei: quoniam nisi data esset spes illis, omnino retraxissent se. Cum eram le-  
gatus ad extirpandam hanc hæresim, videtur mihi mandatum, ut etiam faciam per quæ illa  
possit extirpari. Item quia sum nuncius ejus, qui est vicarius illius, qui posuit animam suam  
pro ovibus suis, merito sperare debebam & debeo, quod ponet modicam pecuniam. Item  
accessit ad hoc consensus istorum patrum de Concilio. Et forsitan S. V. non potest nunc sub-  
venire, permittat quod cum istis de Concilio procurem modum subveniendi: aliquin video  
fidem & statum ecclesiasticum rueri irremediabiliter. Decimo: Cum post recessum de Bo-  
hemia multi domini, & oppida vicina Bohemiæ inierint treugas cum hæreticis: ne alii hoc  
facerent, isti de Concilio miserunt duos notabiles viros per Austriam, Bavariam, Francon-  
iam, & Misiniam, at circumcirca Bohemiam, exhortando populos & dominos, ut maneant  
firmi in fide, & quod propter hoc Concilium congregatum est, dando eis spem, quod omni-  
no Concilium adhibebit aliquod remedium ad extirpandam hanc hæresim. Et nonnulli  
jam cogitabant inire treugas cum hæreticis, qui audita fama Concilii, sperantes hinc ali-  
quid contra illam hæresim concludi, destiterunt. Si modo dissolvatur Concilium, nonne  
populi Germaniæ videntes se non solum destitutos ab ecclesiâ, sed deceptos, concorda-  
bunt cum hæreticis & fient nobis inimiciores, quam illi? Heu, heu! quanta ista erit confu-  
sio? finis pro certo est. Jam (ut video) securis ad radicem posita est: Inclinata est arbor  
ut cadat, nec potest diutius persistere. Ex-certe cum per se stare possit, nos ipsam ad terram  
præcipitamus. Saltem qui non vult præbere fidei subsidia, non præbet impedimenta. Ecce  
quot mala, quot scandala ex tali dissolutione sequuntur. Ex posito, quod nihil eorum bono-  
rum, quæ prædicta sunt, ex hoc Concilio sequeretur, si perseverant, tamen si dissolvatur,  
omnes dicent, Si non fuisset dissolutum, tot & tanta bona processissent & totū hoc sanctitati  
vestræ imputabatur, nec unquam poterit hanc maculam abstergere. Permittat ergo cursum  
suum facere, ex quo per alia præcedentia Concilia, & per prædecessorem vestrum inchoa-  
tum est, & per S. V. literas approbatum. Et quanquam dicatur, talis prorogatio & loci  
translatio sit ad bonum finem, ut ibi præsentē sanctitate vestra majora bona sequi possint,  
nemo hoc credit, quia dicunt, fuimus delusi in Concilio Senæ. iterum in isto. Missus  
est legatus, misse sunt bullæ, & nihilominus quaritur loci motatio, & prorogatio tempo-  
ris. Quid poterit sperari tunc? Item, beatissime pater, per huiusmodi prorogationem non  
tolluntur scandala, quæ narrata sunt. Essent interrogandi hæretici, si volunt expectare usque  
ad annum cum dimidio, ut non disseminent virus suum. Essent & interrogandi qui  
scandalizantur de deformitate cleri, an interim velint superfedere. Ecce quotidie pullulat  
ista hæresis: illi quotidie se ducunt Catholicos, aut vi opprimunt: non perdunt minimum  
temporis momentum. Quotidie nova scandala ex deformitate clericorum insurgunt, & nihilo-  
minus provisiones ex remedio procrastinantur? Fiat quod fieri potest nunc: Reliquum  
servetur ad annum cum dimidio. Ego timeo quod usque ad annum cum dimidio, nisi aliter  
provideatur, magna pars cleri Alemanniæ erit desolata. Si per Germaniam diffunderetur hæc  
vox, quod Concilium esset dissolutum, pro certo clerus omnis daretur in prædam. Cur S.  
V. se mutavit? Scripsit mihi, ut venirem huc, & juxta injecta mihi, & ordinata in Concilio  
Constant-

Attendant  
hæc Ponti-  
ficis.

Officium Ro-  
mani ponti-  
ficis.

Decima & ul-  
tima causa.

Varicinium  
Juliani Cardi-  
nalis.

De scandalis  
clericorum.

Merus Roma-  
ni Pontificis.

Esset contra  
fidem.

Varictatum.

Constantiensis, opportunè providerem. Ita facere curavi, si S. V. habebat hunc animum tam cito dissolvendi, melius fuisset non incipere. Quid timet S. V.? quoniam tam mundè, tam iuste vixit, quod potius alii deberent illam timere, quam ipsa alios. Certe magna administratio omnes cepit talia audiendo. Et (ut nihil eorum, quæ dicuntur taceam) aliqui timent, quod forsitan gravis & longa infirmitas non permittat S. V. ita mature conludere, sicut expedit. D. Martinus stetit in Papatu quatuordecim annis & nihilominus mandavit heri Concilium. Et ut recole dixisse S. V. bis diverso tempore postulara à me quid vellet me facere, super eundem sermonem respondit, fac bonum. Adducit me sanctitas vestra in quandam mentis stuporem, cum talia audio. Solebat S. V. constans & firma esse, & nunc tam repente non exquisitis circumstantiis se mutavit. Dicatur quicquid dici potest, homines non credunt hoc fieri ad bonum: dicunt, si non potest ipse venire propter infirmitatem, mittat plures & plures dominos Cardinales, mittat alios notabilissimos viros: non hoc est Concilium primum, quod absente summo Pontifice celebratum est. De securitate loci, dicunt non esse dubitandum: quia cives promiserunt defendere à quocunque, & in plena forma, prout in Constantia. Sed audio quod nonnulli trepidant quod in hoc Concilio debeat auferri temporalitas ab ecclesia. Mira res; si hoc Concilium non fieret per viros ecclesiasticos, forsitan dubitandum foret. Sed quis erit iste ecclesiasticus, qui huic determinationi consentiat? Non solum quia esset contra fidem, sed quia redundaret in detrimentum eorum. De laicis quis erit? nulli, aut paucissimi. Et si forsitan aliqui principes mittant, mittent plerumque ecclesiasticos viros, qui nullatenus consentirent. Nec illi pauci laici, qui erunt, admittentur ad vocem, ubi agitur de rebus ecclesiasticis. Et vix puto, quod decem in toto domini seculares hic erunt personaliter, & forte non quinque. Deinde non puto, quod hoc Concilium sit futurum majus, quam Pisianum vel Constantiense, nec tamen ibi fuit tractatum per Concilium, an temporalitas debeat ab ecclesia tolli. Puto usque ad hunc diem à passione domini fuisse circiter centum Concilia celebrata, & in nullo eorum hoc fuit agitatum. Quomodo timendum est, quod in isto auferri debeat? Nec etiam unquam fuit aliquod legitime congregatum Concilium, in quo spiritus sanctus permiserit aliquid contra fidem determinari: Cur timendum est contrarium in hoc? hoc est diffidere de spiritu sancto. Sed vereor ne contingat nobis, sicut contigit Judæis, qui dixerunt, Si dimittimus hunc, venient Romani & tollent locum nostrum, & gentem. Ita & nos dicimus, Si admittimus fieri Concilium, venient laici & tollent temporalitatem nostram. Sed sicut iusto dei iudicio factum fuit, quod Judæi perdiderunt locum suum, quia noluerunt dimittere Christum: Ita & iusto dei iudicio fiet, quod quia nolumus dimittere Concilium fieri, perdemus temporalitatem nostram, & utinam non corpora & animas. Quando deus vult alicui populo aliquid infortunium immittere, primo, disponit ut pericula non intelligantur, neque confiderentur. Ita videtur nunc contingere viris ecclesiasticis, quos sæpe redarguo esse cæcos, qui vident ignem, & nihilominus currunt versus illum. Iste sonus dissolutionis Concilii sermonem habet mali, & suspicionem generat & homines irritat. Mira res! Per Concilia invenio roboratam atque defensam, & auctam semper potestatem ecclesie, & libertatem ecclesiasticam: & nunc timemus debere tolli? Sed esto, decernendum sit, ut tollatur temporalitas. Adhuc majus periculum est fidei, si dissolvatur Concilium ut supra clarius probatum est. Forsitan quod præjudicabitur autoritati summi pontificis in aliquibus: non puto aliquem debere consentire contra Canonicas sanctiones, decretaque sanctorum patrum, nec spiritus sanctus illud permittet. Nunquam fuisset celebratum aliquod Concilium si hujusmodi timor invasisset corda patrum nostrorum, sicut invadit nostra. Sed & si hunc timorem habemus, cur non opponimus remedium? Cur ad evitandum unum malum, volumus incurere majus? Ecce remedium ad hoc: Mittat huc sanctitas vestra aliquos de reverendissimis dominis Cardinalibus, & aliquos notabiliores prælatos, qui reperiri possunt, & bene affectos sedi Apostolicæ, & qui sint bene inclinati ad bonum universale, det sanctitas vestra omnem favorem possibilem huic Concilio, promoveat ipsum quantum potest: Scribat et litteras benignas, exhortando ipsos ad sancta opera, quæ proponunt, offerendo se, &c. Illa quæ Concilium petit à sanctitate vestra, benigne concedat. Studeat eadem sanctitas invenire pecunias pro isto modico subsidio militarium de Alemania. Etiam si quid restat reformandum in curia, reformet S. V. prout laudabiliter inchoavit. Etiam scribat istis, si quid est, quod videatur istis de Concilio per S. V. esse faciendum pro bono universalis ecclesie, quod est totis viribus parata. Quando isti talia videbunt & audient, in veritate puto quod etiam si haberent malum animum, mutarent illum: & non solum studebunt conservare auctoritatem sedis Apostolicæ, sed augere: quia tanto utilis est membris, quanto caput est potentius ac fortius, ut major virtus diffundatur in membra. Sed si videant contrarium, verbi gratia, de dissolutione Concilii, tunc scandalizantur: & sequitur hoc, quod ubi prius erant tepidi, hujusmodi vox reddit ipsos magis acutos & ferventes. In veritate cum

pridie

pridie cives hujus civitatis venirent in publicam congregationem, praesente domino Parentino, & conquereretur de hac suspitione orta super dissolutione, petentes, ut apponeretur remedium propter scandala, omnes de Concilio quodammodo versi sunt in furorem, & firmanunt se fortius ad perseverandum: & ut ex dictis ipsorum colligere potui, parati sunt omnia sustinere antequam recedant. Multa dixerunt, non tamen contra honorem S. V. imò eam ex gestis per omnem aetatem valde commendabant: & propterea reputabant non verisimile hoc procedere de mente S. V. Propterea S. V. diligenter advertat, quod ultra pericula supradicta, etiam imminet aliud periculum majus, videlicet schismatis: de quo vehementer timeo, si S. V. perseveret in hoc proposito dissolvendi, isti nunquam contentient, nec prorogationi, nec translationi: quia (ut dixerunt tunc) Decretum Constantiae hoc expresse prohibet. Item visi sunt expressè protestari, quod procurare talia, est impedire extirpationem haeresum, reformationem morum, & quietem populi Christiani: & consequenter fovere haereses, peccata, guerras & odia. Quid hæc significant, animadvertat (obsecro) eadem sanctitas. Pro deo non permittat sibi talia persuaderi, quia timeo dissidium in ecclesia dei. Vereor ne adveniret tempus, de quo dicit Apostolus, quod oportet primum ut fiat discussio. Tantum est, beatissime pater, (prout aperte intelligo) si ego vel quisvis alius auderet, sine consensu istorum dissolvere, vel mutare locum Concilii, lapidarent & caperent me, ut hæreticum: & credo dentibus me laniarent. Si quis meam mortem appetit, mittat me Pragā, vel ad Saracenos, ubi moriar ut catholicus. Pro fide cupio, & vovi mori: sed non hoc modo in scandalum universalis ecclesiae. Si S. V. non placet, ut sim legatus vester, intimet mihi: & post istas literas & responsum à S. V. statim dimittam legationem: imò erit mihi gratius quod alteri committatur hæc provincia, quia pluribus & laboribus & ærumnis angustissq; mentis & corporis video me hac obnoxium. Revertar Romam (si placet) & stabo cum majori quiete: & spero apud S. V. ita grātè videri, sicut quicunque alius. De hac autem ad pedes S. V. profusus lachrymis supplico, quod non quaratis ignominiam, & scandalum meum, & non tam meum quàm fidei: videlicet ut cum propter fidei causam obligatus sim prædictis militariis, quod S. T. det modum, ut illis subveniatur. Alioquin etiam non ut Legatus, saltem ut privata persona laborarem in hoc Concilio, ut isti patres de Concilio subventionem prædictam facerent: quod si non possem efficere, priusquam hac macula sordari velim (ut antea dixi) irem ad Nurembergam, & ponerem me in manibus dictorum militantium. Satis jam dixi. Optime S. V. discutiat omnia, consideret præteritam vitam meam, & cogitet an me mendacem invenerit, aut infidelem. Deum testor, qui me iudicaturus est, si ex renibus vestris genitus essem, fidelius consulere non possem. Quicquid dixi, ex fronte supereffluentis charitatis, quam ad honorem dei, & S. V. habeo, sine dubio prodiit. Si quid forsitan acutius, quàm deceret expressi, ascribatur filiali devotioni & ardenti charitati, quæ non considerat majestatem ejus cui loquitur, sed impetu amoris fertur sine modo & mensura. Quando domus ardet, licet servis clamare & perstreperere, & dominum si forte dormiat, sine reverentia excitare. Nihilominus humillime veniam peto, si quid in hac epistola erratum est. ¶ Post prædicta, dominus Parentinus dixit nuncium venisse de curia, & præsentavit mihi quandam bullam facultatis dissolvendi Concilium: ante cujus dissolutionem unā cum consilio Concilii deputarent locum ad decennium. Aseruit nihil aliud habere tangens Concilium, quàm hoc: & nonnulla alia super hoc dixit, tam mihi, quàm aliis: quæ utinam pro honore episcopalis dignitatis non dixisset. Et quia prius omnes erant valde scandalizati de ipso, de consilio suo, publice excusavi eum, dicens, quod circa factum Concilii nihil ipse habebat, sed totum erat apud me: & quod nullatenus haberent timere, quia nihil circa hoc faceret. Etiam ipse pluribus magnæ autoritatis dixerat, quod putaret se sacrificium præstare diabolo, si aliquid in dissolutionem hujus Concilii faceret. Et quia omnes male suspicabantur de S. V. propter hanc famam dissolutionis, ne putarent S. V. hoc procurare ad malum, & sine aliquibus motivis, de consilio dicti domini Parentini legi dictam bullam aliquibus majoribus. Qui respondentes, dixerunt, quod cum S. V. esset mota ex non veris causis, nec esset vere informata de facto, & ignoraret inconvenientia, & scandala, quæ ex tali dissolutione sequi poterant contra fidem & ecclesiam: volebant ad eandem sanctitatem unitere ambulatorium, qui eam de omnibus plene informaret, reddentes se certos, quod illo audito aliter deliberaret: & quod nullatenus huic dissolutioni assentirent, priusquam informassent eandem sanctitatem de his, qui consistunt in facto. Dicebant primo, quod causa illa expressa in bulla, quod nonnulli eppidani circa Basileam erant infecti hæresi Bohemica, & persequerantur clerum, non erat vera: quoniam omnes sunt fideles, & nihil tale auditur in his partibus: imò isti cives Basilienses sunt boni catholici, & bene defendunt & protegent clerum. Secunda causa, quod non erat tutus accessus propter guerram patriæ inter duces Burgundiae & Austriae, etiam non est vera: quia facta

Basiliensium  
laus.

Bulla dissol-  
vendi Conci-  
lium.

Basilienses  
laudantur.



Germaniz  
laus.

est treuga, & nullus veniens ad Concilium fuit unquam offensus, vel derobatus. Unde cum principaliter S. V. mora sit ex iis, dicunt bullam subreptitiam. De hyeme, non dicunt esse sufficientem causam dissolutionis: quia qui volunt venire, non dimittunt propter hyemem. Item dicunt, quod propter Græcos non est omittendum hoc Concilium, tam solemniter institutum: & absurdum arbitrantur, quod propter incertam reductionem Græcorum debeat permitti quod Germania nunc & semper fidelis, labatur in hæresim Bohemorum. De quo valde timendum esse dicunt, nisi apponatur celeriter remedium, & quod ista cantilena de Græcis jam trecentis annis duravit, & omni anno renovatur. Item dicunt quod utrumque tanquam bonum fiat: hoc nunc in tempore statuto, & illud ad annum cum dimidio, & quod omnes libenter erunt parati venire postea ad illud, & quod infra illud tempus hoc erit bene completum, & multa circa hoc dicunt. Ad illud de præsentia S. V. dicunt quod si illa ex causa interesse non possit, quod attento periculo fidei & status ecclesiastici non propterea negligendum est hoc Concilium, in quo est legatus S. V. & poterunt etiam mitti plures: & quod Papa Martinus in bulla Concilii asserit se etiam propter infirmitatem notoriam non posse ad Concilium venire, & nihilominus mandavit Concilium fieri. Item cum eodem domino Martino idem tractatus Græcorum pendebat, & nihilominus mandavit fieri Concilium. Habui super his omnibus quæ dixi colloquium sæpe cum ipso domino Parentino: & licet ipse videretur omnino affectus ad dissolutionem, nihilominus dicebat quod non venerat, nisi ad conferendum mecum de materia, & quo regeret se consilio meo, & secundum quod ego scriberem S. V. ita ipse faceret. Imo multo citius ista intimassem S. V. nisi ipse fecisset me differre. Post hoc uno mane tempestive, præcipitanter recessit, nulla mihi facta mentione, & fecit dari vocem quod ire volebat ad Argentinam pro exigenda pecunia cameræ à quodam collectore. Sed modo hic dicunt, quod fuit visus ire versus Bituntium. De hoc vehementer obstupui, quod ita diffidenter mecum egisset, attentis his, quæ ante dixerat. Ego simpliciter in omnibus sibi credidi: doleo quod negotia fidei tractantur & turbantur cum tanto ludibrio. Remansit hic quidam doctor suus juvenis, qui ostendit mihi duplex transumptum: unum, in quo S. V. dissolvit: aliud in quo dat potestatem ipsi Parentino dissolvendi. Dixi ut offerderet mihi originales literas, quia totiens ipsum invenio variasse, & tot falsa & ficta audivi in hac re, quodammodo cogebar ipsi non credere, adhuc mihi non ostendit, sed quandoque dicit unum, quandoque aliud. Rogavi quod vellet ire usque ad dominum Parentinum, quod si quid haberet in mandatis, vellet differre usque ad duos menses, donec S. V. consulisset super his. Nisi videam literas originales, non credam: quia non videntur ista bene congruere, quod committatur mihi dissolutio, & quod ante dissolutionem eligam locum cum consilio Concilii, & quod ante Romæ per se S. V. dissolverit, præsertim cum sit expresse contra tenorem decreti Concilii Constantiensis, in quo caveatur, quod per mensem ante dissolutionem Concilii eligatur locus futuri Concilii, consentiente & approbante Concilio. Sed quid erat opus uti tot involutionibus? Cur mihi ista clare non exprimuntur? Signum est quod de me non confiditur. De omnibus patientiam notabo. Isti patres omnino decreverunt stare hic, & continuare Concilium, & mittere unum notabilem virum ad S. V. infra duos dies. Video jam apertum ostium ad maximum scandalum, & confusionem in ecclesia dei. Video jam deum vibrasse gladium super nos, securis ad radicem posita est, flagellum jam appropinquat. Sum certus, quod S. V. non putabat rem istam fore tam scandalosam, quia prius permisisset se mori, quam assensisset. Sed pro deo opponatur remedium possibile, quod mihi videtur esse, & facile, & honestum, videlicet quod S. V. rescribat: quod cum non esset de iis informatæ, ideo cogitaverat propter bonum differre usque ad annum cum dimidio. Sed cum talia audierit, ideo decrevit quod Concilium habeat cursum suum, & mandare dignetur domino Parentino, si forte aliquid habet ad dissolutionem, quod non publicet. Ad minus, beatissime pater, differat S. V. usque ad mensem Julii, quia tunc cessabunt illa inconvenientia & scandala quæ modo obstant, videlicet de hæreticis vocatis ad Concilium, & militaribus: quia infra illud tempus omnia ista erunt completa. Poterunt etiam fieri aliquæ ordinationes super reformatione cleri Alemaniæ & mitti per Germaniam, & sic videbitur aliquid factum, nec tunc poterit aliquid imputari S. V. Et hoc quidem nunc fiet cum scandalo, & sine effectu, tunc honestius fieri poterit. Beatissime pater, omnes fideles servitores Sanctitatis vestræ supra modum de iis contristantur: præsertim dominus archiepiscopus Treverensis, & Ratiponensis, qui modo sunt hic: videtur eis & omnibus, quod ex hoc perpetua nota remaneret super S. V. & curiam Romanam: & omnes semper detraherent, & quod graviter ac publice universalis ecclesia ex hoc scandalizaretur, & S. V. uno momento perderet illam integritatis & sanctitatis famam, quam tot annis acquisivit. Possenne ego scire, beatissime pater, quid timeat S. V. aut curia Romana? Nunquid non ego sum membrum ecclesiæ, & curiæ Romanæ? nunquid etiam meā non interest? Quare ergo ista me latent? maceror intra me. Confidat (obsecro) S. V. de me, si quid est quod

Astorum con-  
siliū.

quod timere oporteat. Ecce iuro per viventem in sæcula, quod quantum cum deo possum, paratus sum mori, & ire in carcerem pro sanctitate vestra. Differat ergo eadem sanctitas per hoc modicum tempus: in hoc nulla excusatio esse poterit, quia non potest quoquam modo propter hoc impediri illud Concilium de Gracis. Item etiam, si placet, poterit S. V. in Bononia indiciere, non solum ad annum cum dimidio, sed ad duos. Nihilominus, si S. V. his non obstantibus, non intendit scēcti, amore Jesu Christi providere dignetur, quod ego liberer de promissione facta illis militaribus. Nam si S. V. non ministraret prædictum subfidium, nec isti de Concilio, oporteret me (ut dixi) ire ad Nurembergam, & ponere me in manus illorum militarium. Prius volo mori in carceribus eorum quam promissionis meæ esse fractor. Si Regulus gentilis propter promissionem suam non timuit reverti ad Carthagenenses: nec ego Christianus, qui propter fidem catholicam illis obligatus sum, timebo ad eos redire. Jam nescio quid plus dicam, feci & facio quantum potui: non potero plus, flebo & lachrymabor si quid scandalum ex hac dissolutione (prout timeo) sequatur. Sed nec peccatum meum, neque iniquitas mea. Satis clamavi, & raucae factæ sunt fauces meæ. Tu, Jesu Christe, adjuva ecclesiam tuam, quam tuo pretiosissimo sanguine fudisti. Aviso sanctitatem vestram, quod me hinc recedente, vel dimittente præsentiam, isti statim facient sibi unum præsentem auctoritate Concilii. Ad certas instructiones tangentes ea quæ hæcenus hic facta sunt, respondeo plene per schedulam hic introductam. Sed quicquid actum est, factum est secundum dispositionem juris communis, & formam Conciliorum Pisani & Constantiensis, & bullam domini Martini, & unā cum consensu eorum qui hic sunt, &c.

## EXEMPLUM ALTERIUS EPISTOLÆ

Ejusdem domini Legati, missæ ad Eugenium pontificem Romanum.

Beatissime pater, post devota pedum oscula beatorum.

**J**A M nunc universus cognoscat orbis, an viscera paternæ charitatis, & zelum domus domini V. S. habeat: an missa sit ad pacem, vel ad dissidium: an ad congregandum, vel dispergendum: an ille bonus pastor sit qui animam suam ponit pro ovibus suis. Ecce jam osium aperiri incipit, per quod oves perditæ ad proprium ovile regressuræ sunt. Ecce jam spes est in januis, reconciliationis Bohemorum. Si S. V. hoc deum opus (prout tenetur) adjuvet ac promoveat, gloriam in cælo & in terra perpetuam consequetur. Si forsitan (quod nullatenus credendum est) impedire conetur, omnes illam arguent impietatis, cælum & terra adversus illam conspirabunt. Nemo erit qui eam non deleat. Nam quomodo ille sequendus est, qui cum ecclesiæ pacem & quietem unico verbo dare possit, id facere recusat? Sed meliorem jam spem concipio, quod modo eadem sanctitas sine ulla excusatione tota mente huic sacro favebit Concilio. Et gratias omnipotenti deo ager, quod pro tanto bono, ista congregatio hinc non discesserit. Ecce Legati hujus sacri Concilii ex Egra cum lætitia & exultatione respondentes referunt, quemadmodum per gratiam spiritus sancti firmiter concluderunt cum ambasiatoribus Bohemorum, videlicet Pragensium, Orphanorum, & Taboritarum: inter quos adfuerunt ductores exercituum illius gentis, præsertim Procopius, quod solennis ambasiata omnium statuum regni ad Concilium Basilienſe venire debeat: postquam per Concilium salvus conductus in forma conductæ ad vos remissus fuerit, quod sine mora fiet. Miro gaudio, levatisque ad cælum manibus hac sacra congregatio exhilarata est: nam isti nostri ambasiatores asserunt cum tanta charitate hoc negotium in Egra tractatum fore, & talia apud illos Bohemos vidisse & conjecturasse, ut maximā spem reductionis illorum merito concipiant, & tandem se tenerrimè amplectentes cum lachrymis lætitiæ ex Egra discessisse, ipsis Bohemis nostros rogantibus, ut hoc negotium quanto citius expediretur. Multa etiam referunt in hujusmodi tractatu intervenisse: quæ si quis audiens, non lachrymetur præ gaudio, indicare se poterit Christo modicum affici. De tribus autem quatuor articulis non videntur facere difficultatem, de quarto, videlicet communionis sub utraque specie, spes est quod sequentur iudicium Concilii. Quis igitur jam audeat consilium S. V. quod in proposito dissolutionis amplius perseveret? quinimo si nunquam indictum fuisset hoc Concilium, pro tanta spe & necessitate in hoc loco modo iudici deberet. Quam laudabiliter ageret S. V. si dimissa Italia & omnibus rebus, hac personaliter se conferret, etiam si necessarium foret vehiculo deferri. Custodia autem

Legati Concl-  
liares ex Egra  
reverti.

& defensio patrimonii ecclesiæ temporale, optime per legatos & vicarios posset disponi. Hoc est verum patrimonium ecclesiæ, lucrificare animas. Non enim ecclesia est congeries lapidum & murorum. Non custodem vos fecit Christus calstrum & moenium, sed pastorem animarum: proinde quod magis necessarium est, & Christo charius, id in persona agendum est, cætera per substitutos. Ita fecere apostoli, qui ut liberius intenderent prædicationi verbi dei, septem instituerunt, qui vacarent mensis, & inferiorum rerum administrationi. Audio per dei gratiam de die in diem melius convalescere S. V. Et si pedestes (ut dicitur) aliquas ecclesias nunc visitat, forsitan equester huc posset accedere. Ad rem autem utiliorem, & suo officio magis congruentem ire non posset, quàm ad locum unde sperantur innumerabilia bona provenire. Recogitet aliquando S. V. in quibus actibus Christus, cujus vicarius estis, & beatus Petrus, cujus successor, & alii apostoli & sancti pontifices se exercuerint: ipsis sicut officio succeditis, ita succedatis & moribus. Quod si forsitan eadem S. V. nequeat huc venire, consulo ut pro tanto bono mittat majorem partem reverendissimorum dominorum Cardinalium curia: Romanæ, & mandet prælatis quibuscumque, ut huc se conferant. Non retrahat, neque impediatur (sicuti fama est) volentes venire, quin potius ad huc veniendum alliciat. Credat S. V. mihi quod solum charitas ad consulendum instigat, nolite separari à membris vestris: fovere filios tanquam gallina pullos sub alis suis. Si forte nec aliquos velit destinare, saltem unicum hoc verbum dicat, placet, ut fiat Basiliense Concilium. His enim diebus aliud nunciatum est, propter quod omnino S. V. desistere debet ab ipsa dissolutione. Reverendus pater dominus archiepiscopus Lugdunensis scripsit Concilio, & mihi etiam, qualiter prælati Franciæ convenerunt in Bituricensi civitate, & ibi post longam & exactam examinationem concluderunt, Concilium esse hic legitime congregatum, necessariumque, ut hic & nunc celebretur, & ad id prælatos Franciæ debere venire. Motiva autem & rationes quibus moti sunt ita concludere, etiam destinavit huc: quorum copiam puto per alios S. V. missam. Quid igitur amplius S. V. moratur? conata est quantum potuit nuncios, literis & variis modis retrahere prælatos, laboravit pro viribus, ut hoc Concilium dispareat. Nihilominus, ut videt, indies magis augetur, & quo major fit prohibitio, eo magis quilibet in contrarium accenditur. Non jam hoc est resistere voluntati? Cur provocatis ecclesiam ad indignationem? Cur irritatis populum Christianum? Dignemini (obsecro) ita agere, ut amorem favoremque non odium gentium comparetis. Vehementer ubique gentes talia audientes scandalizantur. Non permittat se S. V. à quoquam seduci, incutiente forte timorem, ubi timendum non est, aut persuadente, hoc non esse legitimum Concilium. Scio me offensurum eandem S. V. si velim probare contrarium. Sed melius est, ut paululum offendam verbis, ut profum factis. Nam medicus infirmo apponit cauterium urens & sanat plagam. Non potest medicina prodesse, nisi gustu sit amara. Sub hac confidentia non verebor patefacere veritatem, ut ea cognita S. V. sanctius sibi & ecclesiæ consulat. An hoc Concilium legitimum sit, ex Concilio Constantiensi dependet. Si illud verum fuit, & istud. Nemo autem dubitare visus est, an illud legitimum fuerit: similiter & quicquid ibi decretum est. Nam si quis dixerit decreta illius Concilii non esse valida, fateri necesse habet privationem olim Johannis factam, vigore illorum decretorum non valuisse. Si illa non valuit, nec etiam Papæ Martini tenuit electio, facta illo adhuc superstiti. Si Martinus non fuit Papa, nec S. V. est, quæ per Cardinales ab ipso factos electa est: nullius ergo magis interest defendere decreta illius Concilii quàm S. V. Et si quodcumque illius Concilii decretum revocetur in dubium, eadem ratione poterunt revocari & reliqua ejusdem Concilii decreta. Hæc eadem ratione, nec aliorum Conciliorum decreta valebunt: quia quæ ratione vacillat fides unius Concilii, vacillabunt reliqua omnia, juxta augmentationem beati Augustini, & habetur nona distinctio c. Si ad scripturas. Ergo & fides & omnia ecclesiæ sacramenta titubabunt, si de robore unius Concilii legitime congregati dubitetur. Per Concilium autem Constantiense fiat factum decretum. Frequens, in quo statuitur, quod primum Concilium fiat in quinquennium à fine illius, & aliud in septennium. A fine Concilii Constantien. quinquennio elapso, celebratum est Papiense vel Senense, à cujus fine elapso septennio, coëptum est celebrari istud. Ut quid ergo in bulla dissolutionis inter alias causas exprimitur, quod jam septennium est elapsum: cum necessario labi oporteat antequam possit celebrari, quia ista verba in septennium, vel quinquennium, significant secundum jurâ, ut omnes partes temporis sint elapsæ, & ut novissima dies expectetur, unde oportuit labi septem annos integros & completos antequam hoc Basiliense Concilium incipere posset: sicut lapsum fuit integrum quinquennium antequam Papiense inciperetur? Sed dicit aliquis, oportuit prima die post septennium lapsum celebrari, alioquin expirat Concilium. Sed clare respondetur, hoc non contineri in c. Frequens, quod nisi prima die fiat, desinat posse celebrari: nec ex verbis, nec ex mente hoc potest elici. Solum vult, quod post septennium

Attende  
Quid sit ecclesia.

Pontifex.

Prælati franciæ.

Eugenius irritat ecclesiam.

Argumentum efficax contra Eugenium.

De quinquennio & septennio Concilio.

ptennium celebretur: unde five secunda, five tertia die: five primo, aut secundo, aut tertio, aut quarto mense post septennium immediatum celebretur, satis fit c. Frequens. Adveniente enim prima die, tunc incipit facultas celebrandi: ante autem non. Post vero non est prohibitum, nec obstat quod in c. Frequens, ponitur verbum, in quinquennium, immediate sequens, quod etiam in septennium videtur repetitum: quia non intelligitur, quod prima die præcise post septennium sit necessarium: sed ideo posuit immediate sequens, ne intelligi posset de alio septennio ulteriori, quamquam illud de, per se intelligebatur: quia loquendo simpliciter de septennio, intelligitur de proximo: sed fuit positum ad maiorem declarationem. Adde plus, quod etiam in c. Frequens, fuisset positum post ly immediate sequens aliqua de iis dictionibus, videlicet statim, mox, in continenti, aut confestim, seu similia verba: adhuc deberent intelligi cum quodam temperamento, vel aliquo temporis intervallo: & quam primum commode posset, prout ista vocabula exponuntur per iura & doctores. Ampliantur enim & restringuntur secundum subjectas materias, & varias circumstantias rerum & negotiorum. Non est verisimile ullo modo, quod fuerit de mente statuentium, quod considerata longitudine viarum, & difficultate parandi se ad huiusmodi negotia: ac etiam plurimis impedimentis, quæ contingere possunt, voluerunt restringere præcise tempus ad primam diem, ita quod si ea die non fieret, de cætero fieri non posset. Nam si imus post istas subtilitates, oporteret etiam quod fieret in primo momento, & in primo instanti post septennium. Sed cum verba civiliter intelligenda sint, huiusmodi intellectus est nimis absonus. Et si dicat aliquis, ergo prorogari iubetur, quod prohibetur in c. Frequens. Ille qui sic arguit, non se intelligit, nec vim verborum. Non enim prorogatur, si incipiat secundo, vel tertio mense: sed magis fit continuatio, vel executio ejus quod est in facultate. Nam si esset prorogatio, tunc cum prorogatio sapiat naturam prioris dilationis, ante illud tempus prorogatum inchoari non posset. Sed hoc non est in casu nostro. Nam licet in primo mense inchoatum non sit, sed in secundo vel tertio: non per hoc concluditur, quod in primo inchoari non potuisset. Sed si fuisset facta prorogatio ad secundum mensem, tunc in primo incipi non potuisset. Verbi gratia. Promitto Titio dare centum post pascha, ante pascha non possum exigi, sed post pascha possum statim exigi: & licet non exigam, non tamen desino esse obligatus: & licet exigam in secundo vel tertio mense, non propter hoc intelligitur facta prorogatio: nec sequitur, quod in principio non potuissem exigi, quod fieri non potuisset, si facta esset prorogatio. Item de natura prorogationis est, quod fiat ante lapsum primi termini: post vero non est prorogatio, sed nova indictio, dilatio. Et si dicatur, Ergo diu differri poterit: responderetur, quod in hoc standum est iudicio ecclesiæ, quæ consideratis diversis circumstantiis, arbitrabitur tempus debitum. In ejus enim favorem, & utilitatem huiusmodi facultas celebrandi Concilia, instituta est. Quid enim, si in loco celebrandi Concilii adveniente termino, supervenerit pestis, vel obsidio, vel aliquid huiusmodi, quod duraret per tres, vel quatuor menses: nec papa interim mutasset locum secundum formam c. Frequens, & propter talia impedimenta prælati non accederent prima die ad locum, aut si prælati aliqui, venientes ad Concilium caperentur in via, qui si capti non essent, fuissent in prima die & momento in loco: nunquid propterea dicendum est, expirasse facultatem Concilii, & quod cessante impedimento, prælati venientibus Concilium celebrari non possit? hoc certe esset valde absurdum, & nimis præjudiciale ecclesiæ dei. In casu autem nostro fuit satis probabilis causa, quare prælati distulerint venire in principio termini: quoniam appropinquante ipso termino, papa Martinus die vicesima Februarii defunctus est: propter quod prælati merito poterant dubitare de aliquo impedimento Concilii. Item expectabant, quod aliquis nomine papæ illuc accederet, ne sine præfidente apostolico frustra starent in loco. Legatus autem, qui ordinatus fuerat ad Concilium, cujus præsentiam homines expectabant, antequam vellet ad iter se accingere, non accessit tempore statuto ad Concilium, sed ad Nurembergam, ad proseguendam extirpationem Bohemorum, secundum mandatum papæ Martini, qui inunxit, quod prius illuc iret quam Basileam. Fuit etiam ipse Legatus pluries requisitus in Nuremberga per dominum Imperatorem, ut iret Basileam, pro Concilio celebrando, juxta facultatem sibi traditam: qui respondit, nolle ire ante consensum novi pontificis. Ista ergo fuit causa retardationis prælatorum. Nec forte est multum imputandum prælati, qui suspicabantur, quod papa Martinus noller Concilium, & timebant se ponere in iis involucribus & contradictionibus, & rationem timendi habebant ex his, quæ contragebant in Concilio Senensi. Multa etiam tunc dicebantur, quæ suspensionem faciebant. Scio mihi fuisse relatum, quod nonnulli dixerant me venisse in Alemaniæ, ad disturbandum Concilium. Item hoc fuit de mente papæ Martini, quod licet in principio Martii non inchoaretur Concilium, non tamen expiraret facultas celebrandi Concilii: Ipse enim, appropinquante termino Concilii, voluit quod prius irem versus Bohe-

Mens vera  
consilium sta-  
tuentium.

Causa retar-  
dationis præ-  
latorum.

Concilium  
Senecæ.



miam, quàm ad Concilium : de quo etiam in bulla consistorialis dissolutionis fit mentio. Sed quid opus est aliunde hoc probari, quàm per literas S. V. Ipsa in iis confectis II. Calend. Junii, & sic longè post terminum, quæ etiam mihi fuerant præsentatæ per tres menses post; mandat mihi, quod expedito negotio Bohemiar, cujus finis expectatur in brevi, dirigam gressus meos ad Basileam pro Concilio celebrando : & ibi opportunè provideam juxta mihi injuncta, & ordinata in Concilio Constantiensi. Hoc etiam repetit in bulla facultatis dissolutionis, portata mihi per dominum Parentinum, cujus verba sunt hæc : Circumspectioni tuæ, ex quo in ingressu tuo ad Alemانيæ partes nulli prælati in Basilea pro celebratione Concilii erant congregati, dedimus in mandatis, ut interea circa expeditionem contra Bohemos hæreticos, etiam tibi commissam, vacares : ac deinde ad civitatem Basiliensem dicti Concilii locum accederes, ut ibidem nostro & ecclesiæ nomine præfideres. Quid ergo hoc clarius? Si quid dubium esset, ex hujusmodi tenore literarum aperte tolleretur. Et si dicatur, nec dominus Martinus, nec dominus Eugenius tales literas scribendo, poterat validare Concilium : quia esset prorogatio, quæ prohibita est per c. Frequens. Respondetur quod non est prorogatio, sed executio ejus, quod erat in facultate, seu declaratio quod necesse non sit præcise celebrare in principio. Item non est prorogatio, quia prorogatio fit ante terminum, non post. Post enim potius esset nova indicio, unde valeret quæstio noviter indicia. Et si dicatur, non potuit de novo indici : tunc obijciatur, quando ergo de novo potuit indici Concilium Bononiense? Et si dicatur quod nova indicio Concilii Bononiensis valuit : quia Basiliense fuit per S. V. dissolutum, tunc habeo intentum : Si enim fuit dissolutum, ergo ante fuit Concilium, quia præsupponit habitum. Sed si ante erat Concilium, tunc (ut infra probabitur) dissolvi non poterat non consentiente Concilio. Quid ergo ad hoc potest responderi? Ad majorem etiam clarificationem in ipsa die termini statuti, vel ante, dominus Abbas Virgiliacensis, congregato ad hunc actum populo majoris ecclesiæ, & certis aliis prælati, & notabilibus viris, fecit solennem protestationem, qualiter tempus advenerat Concilii celebrandi, & quod hoc ipso Basileam venerat, requirendo, ut de materiis ad Concilium pertinentibus usque alii venirent vellent insimul cōferre, & tractare : & de hoc extat publicum instrumentum. Et infra mensem venerunt ambasiatores universitatis Patriarchienfis, & inceperunt tractare de iis, quæ ad Concilium pertinebant, scribendo etiam domino imperatori, & aliis dominis Alemانيæ, ut mitterent ad Concilium : quas literas tunc vidi. Nec obstat paucitas personarum : quia ubi est autoritas, numerus magnus non requiritur, secundum illud Christi : Ubi duo vel tres convenerint in nomine meo, ibi ego sum, in qua auctoritate fundantur Concilia. Jam igitur S. V. luce clarius videt prædictam objectionem esse satis frivolum. Item ad quid facta est dissolutio, si non erat Concilium? Unde nullatenus est ambigendum, quia Concilium fuerit legitimum, & Canonicè congregatum. Et forsitan vix unquam legitur aliquod Concilium tot auctoritatibus innixum, sicut istud, per duo videlicet præcedentia Concilia, Constantiense & Senense, & duos Romanos Pontifices confirmatum. Audio inter alia Romæ aliquos dicere me non potuisse vocare prælatos venire ad Concilium : quia in bulla domini Martini hæc clausula non erat adjecta. Vehementer admiror hoc objici. Inprimis non ego solus illos vocavi, sed ego & hi qui hic in Concilio convenerant. Mira res! Papa Martinus dabat mihi cum consilio Concilii facultatem extirpandi hæreses, pacificandi regna, reformandi mores cujuslibet status Christianitatis : & audent dicere, quod non poteram citare. Datur mihi potestas judicandi & condemnandi : & non habeo potestatem citandi? Inquit juriconsultus, cui commissæ sunt jurisdictiones, ea omnia commissæ videntur, sine quibus illa expedire non potest. Quomodo autem prædicta omnia, nisi prælati & alii huc venirent, fieri possent? Item, cur in capite. Ego enim de jurejurando, dicitur, vocatus ad synodum veniam, si non potest vocari? A quo ergo præsupponit vocandum, nisi à Concilio, vel eo qui in Concilio præest? Item tota distinctio 18. non loquitur de alio, nisi quod episcopi vocati ad synodum, & non venientes, possunt excommunicari vel suspendi. Legant isti librum Conciliorum beati Isidori, & reperient in pluribus Conciliis prælatos fuisse per synodum vocatos. Nunc restat dicere, an dissolutio valuerit. Iterum verror loqui, timens irritare S. V. sed charitas me cogit. Nam forsitan S. V. credit dissolutionem valere, & propterea in illa perseverat. Ex quo cum multa scandala possint contingere, remordet me conscientia, ne taceam. Inprimis c. Frequens, videtur innuere quod non. Nam si prohibetur prorogatio, quod est minus, multo magis dissolutio, quod est plus : plus enim est auferre, quàm differre : prorogando differtur, dissolvendo auferitur. Item illi dicunt, quod facile prædicta constitutio c. Frequens, redderetur frustratoria : quia ut primum inchoatum esset Concilium, posset re infecta dissolvi, sicut dicunt factum esse Senis, & nunc dicunt etiam S. V. finistrè & subreptitè in causa dissolutionis fuisse informatam. Dicunt etiam prædictam dissolutionem evidenter tendere in everisionem fidei, & ruinam ecclesiæ, & perturbationem

Prorogationes  
fuerunt ante ter-  
minum.

Abbas Virgi-  
liacensis.

Concilium  
Basiliense  
ceteris quo-  
dammodo  
anteponi-  
tur.

Prælatos se-  
pe fuisse vo-  
catos.



turbationem populi Christiani: ergo fieri non posse, nec parendum fore. Afferunt etiam prædictam dissolutionem fieri non potuisse, obstante quodam decreto Constantiensis Concilii, quod in his, quæ pertinent ad fidem, & extirpationem schismatis, & ad reformationem ecclesiæ in capite, & in membris, quemlibet cuiuscunque conditionis, etiam Papalis, teneri obedire statutis & ordinationibus, & præceptis cuiuscunque Concilii generalis: & nisi obdierit, puniatur, &c. Ecce posse statuere in aliquem, posse præcipere, posse punire, non obediendum: signa sunt evidencia superioritatis, in his in quibus statuit, præcipit aut punit. Teneri autem obedire, & subijci ac parere, signa sunt inferioritatis in prædictis casibus. Ergo in prædictis casibus, cum Papa (ut dicunt) sit inferior Concilio, quod etiam factum probatum fuit (nam propter unum de tribus casibus Concilium privavit Johannem, & propter alterum privavit Benedictum) non poterit Papa dissolvere Concilium: quia inferior in eo quo est inferior, non potest solvere, vel ligare superiorem, ut in t. cum inferior. de ma. & obe. cum similibus iuribus: nec tollere legem superioris. Alioquin implicaret contradictionem, teneretur obedire, & non teneretur obedire, quia potest dissolvere. Quomodo autem obediret ordinationi, vel statuto Concilii, si illam ordinationem, vel statutum potest tollere, & annihilare? Concilium autem hoc congregatum est propter extirpandas hæreses, faciendum pacem, reformatum mores: & in prima sessione ordinavit, & statuit ad ista debere intendi, & quod procurans impedire hoc Concilium dissolvere, vel prorogare, vel mutare, feveriter possit puniri, & procedi tanquam contra turbatorem communis pacis, &c. Si autem dissolvi potest, constat quod non obeditur prædictæ ordinationi. Unde apparet hoc necessario faten, quod si dissolvi possit, quod prædictum decretum Constantiensis Concilii non valeat. Item probatur hoc alia ratione. Nemo dubitat, si contra aliquem summum pontificem ageretur de hæresi, quod ipse non posset Concilium dissolvere: quia si posset dissolvere, non posset iudicari, quod esset contra cap. Si Papa 40. dist. Ergo sicut in hæresi, sic in aliis duobus casibus: Isti enim tres parificati sunt per Concilium Constantiense. Eodem modo loquitur Concilium Constantiense, sicut cap. Si Papa in illo uno. Et (ut prædixi) factum Concilium Constantiense, approbavit hanc sententiam: quia propter schisma privavit Petrum de Luna: & propter deformitatem vitæ, privavit Johannem: Et si qua iura reperiuntur, quæ dicunt, Prima sedes non iudicatur à quoquam. Et, Primam sedem nemo iudicat, Et nemo sibi dicit, Cur ita facis: intelligenda sunt in his tribus casibus. In principio de fide provisum fuit per cap. Si Papa. In aliis duobus per decretum Constantiense. Alioqui si sine ulla exceptione intelligeretur illud: Prima sedes, &c. tunc c. si Papa. 40. dist. & prædictum decretum Constantiense, essent falsa. Et si cap. Si Papa, addidisset, causæ hæresis istos duos casus nemo dubitaret de prædicta sententia. Sic etiam nemo debet dubitare de decreto Concilii, quod factum est autoritate Papæ, & representat universalem ecclesiam. Et si dicatur: In Conciliis, intelligitur excepta auctoritas Papæ, Respondeo, illud verum est, quando persona Papæ specialiter non includitur: sed si specialiter includitur, non potest excipi, quia saperet contradictionem. Hæc dixi, beatissime pater, deus est mihi testis, cum displicentia animi. Sed cogor ita dicere, ut sanctitas vestra desinat à prædicta dissolutione, ne contingant infinita mala in ecclesia dei. Si S. V. videret puram mentem meam, & mundam conscientiam, & integrum animum, quo talia scribo, oscularemini me ex nimia charitate, & proculdubio me ut filium diligeretis. Dixi sæpe, & jam dico, & propterea coram deo, & hominibus, quod causa eritis schismatis, & infinitorum malorum, si non mutaveritis consilium. Omnipotens deus S. V. in virtuti hominis prosperitate conservet: cuius pedibus me humillime recommendo. Basileæ, quinta Junii.

Optimum argumentum  
Contra Papas  
inobedientes.

Quare Concilia congregantur.

Quare pontifices in Concilio Constantiensi depositi.

Papa specialiter inclusus non potest nec debet excipi.

F I N I S.

INCLY-

## INCLYTISSIMAE ATQUE OMNIUM

Studiorum matris, eminentissimæ Universitatis Parisiensis contra Leonem decimum, in robur ac firmamentum sacratissimi Basiliensis Concilii, non contemnenda Appellatio, in qua, omnes ferme (quæ in ecclesia dei sunt) Abusus, apertissime enumerantur.

## AD LECTOREM.

**Q**Uæret fortasse à nobis aliquis, lector candidissime, quam potissimum ob causam, hanc Appellationem excellentissimæ Universitatis Parisiensis hæc duobus Aeneæ Sylvii libris adjecerimus, quum longo post tempore, promulgata atque edita sit. In promptu ratio est, lector optime. Nam in hac ipsa (modo oculos mentis aperire volueris) Concilium Basiliense ita per doctissimos atque optimos Parisiensis Academiæ doctores, laudatur, ita extollitur, ita omnibus Christi fidelibus imitandum proponitur, ita demum (æd id quidem vero verius) aperto approbatur ac confirmatur, ut id genus reliquum, nihil ferme supra.

**¶** Nemque qui ignorat, quid boni in Concilio Basiliensi sit actum, hanc subsequenter legat Appellationem. Inveniet proculdubio sanctissimum Basiliense Concilium, omnibus Romanæ Curie abusibus ac gravaminibus (ex quibus in hac appellatione enumeratis, omnes hæreses & totius nunc orbis Christiani disensiones in bonorum omnium perniciem, emergunt ac profluunt) inimicum fuisse, omnesque in ecclesia dei defectus ita damnasce, ac post tergum abjecisse, ut si Concilii illius præacti Decreta, in hunc usque diem servata fuissent, nunquam tot periculosus errorum fluctibus per universum immergi fuisset. Lege igitur omnia, ac relege, & Concilium Basiliense, vel invito Leone decimo, sacrosanctum fuisse, nemo omnium (qui sanæ sint mentis) inficiabitur. Vale feliciter, & quæ subsequuntur diligenter revolve.

APPELLATIO UNIVERSITATIS  
PARISIENSIS.

**U**NIVERSIS præsentis literas inspecturis Rector & universitas magistrorum, doctorum, & scholarium Parisiis studentium, Salutem in domino. Notum facimus, quòd nos apud sanctum Bernardum Parisiis super infrascriptis, & aliis nostris negotiis agendis, per juramentum convocati & congregati, modo & forma contentis, in quodam codice papyreo, cujus tenor inferius describitur & inferitur; provocavimus & appellavimus, provocamusque & appellamus. Cujus quidem codicis papyrei Tenor sequitur, & est talis. Præmissis expresse protestationibus, quòd contra unam sanctam catholicam & apostolicam ecclesiam, quam totius orbis esse magistratam, & obtinere principatum credimus, sanctæque sedis Apostolicæ auctoritatem, ac sanctissimi domini nostri Papæ bene consulti, potestatem nihil dicere intendimus, si quid ex lubrico linguæ forsan male dictum sit parati emendare. Sed quoniam is qui vices dei gerit in terris, quem Papam dicimus, quamvis à Deo potestatem immediate habeat, per hanc potestatem non impeccabilis efficitur, nec potestatem peccandi accipit: Ita ut si quid, quod injustum est, faciendum esse præceperit, patienter sustinere debeat, si non fiat quod ei prava fuerit insinuatione suggestum, eique parendum non sit, si quid contra divina præcepta statuendum esse decreverit. Imò ei resisti jure potest: quod si illi potentum auxilio falsa forsan suggestione, vel minus sano consilio deceptorum adjuto resisti non potest, sublatæque sint resistendi remedia, unum tamen jure naturali proditum est, quòd nullus princeps tollere potest appellationis remedium, cum sit quedam defensio quæ jure divino, naturali & humano cuique competit, quæ non potest auferri à principe, ut in cle. pastoralis de sen. & re judic. & no. splendor ille Canonistarum Inno. in c. quæ in ecclesiis, de consili. Ad hujusmodi ergo appellationis remedium, quo oppressi relevantur, confugientes, Nos Rector & Universitas studii Parisiensis, illustrissimi ac christianissimi

Tenor literarum.

Notanter dicitur bene consulti. Papa peccabilis.

Papæ non semper parendum.

Appellationis laus.

christianissimi principis nostri Francorum regis, filia primogenita, antiqua studiorum parens, vice ac nomine nostris, singulorumque doctorum, magistrorum & scholarium Parisiensium studentium animos; & intentione provocandi & appellandi a personis, & gravaminibus infra scriptis, dicimus, & proponimus, nosq; loco & tempore opportunis & congruis probaturos offerimus, quæ sequuntur. Imprimis, quod cum priscis illis temporibus hæreses multæ pullularent, plurimique errores insurgerent, & Christi fidelium diffidia ocrentur, ecclesiasticæ statûs deformatio conspiceretur; Fuerunt sacra generalia Concilia providè statuta, in quibus hæreses extirparentur, mores reformarentur, christicolarum dissidentium adinvicem reconciliações fierent, prout sacrorum generalium Conciliorum incumbit officio. Et præcipue ante omnia, sacra Constantiensæ & Basiliensæ Concilia, quæ successive ac legitime in spiritu sancto congregata, universalem ecclesiam repræsentantia, quamplurima circa præmissa statuerunt, maxime circa statum ecclesiasticum, tam in capite quàm in membris, reformationem, quæ illis diebus præcipue indigere reformatione videbantur, cum deformitates in ecclesia dei excrescere & mores corruptos eandem ecclesiam inficere conspicerent, ut repessis deformitatum scelerumque regnantium enormitatibus perniciosissimis, quæ per christianitatem (spretis antiquorum patrum decretis, & institutis salutaribus) multas clades, multaque discrimina iniecisse videbantur, divinus honor resloretur in terris, lumen catholice veritatis, Christo vera luce auxiliante, efflueret, & ecclesiastica libertatis conversatio subsisteret, populusque Christianus salubriter regeretur, & ad salutem perduceretur æternam.

Conciliorum laus in generali.

¶ Et inter cætera perpendit ipsum sacrum Basiliensæ Concilium, qualiter per sanctos patres antiquos, sacri canones, salubriaque decreta pro felici regimine jam dicti status ecclesiastici, tam super electionibus, modisque, ministris ecclesiæ assumendi & instituendi conditi fuerunt, qui quamdiu fuerunt observati, ecclesia dei fructus honoris & honestatis felici uberitate produxit, disciplinæ ecclesiasticæ vigor perstitit, religio, pietas, charitas ubertim flourerunt, hominesque in quietudine animi constituti, deum auctorem pacis devotissime coluerunt. Sed postquam damnatæ ambitionis improbitas, & detestandæ cupiditatis insatiabilitas, humanitatis jura violando, ipsa sanctorum patrum decreta paulatim cepit deserere atque contemnere, & in vitia ruere, subsequutæ sunt deformationes status ecclesiastici, atque decolorationes, & usurpationes, præsertim per prælaturarum, dignitatumque, & aliorum beneficiorum reservationes, & gratiarum ad vacatura beneficia expectatarum à jure exorbitantium multiplicationes & innumerabiles concessiones, & alia gravissima & importabilia onera, quibus ecclesiæ, ecclesiasticæque personæ graviter afflicte, & fere ad extremam evacuationem & destructionem illis diebus ruere conspiciebantur. Cum beneficiorum ecclesiasticorum patrimonia & bona indigni occupabant, & sæpe dignitates, ac beneficia notabilia & opulentiora personis conferebantur incognitis, & sæpe indignis, quæ in eisdem beneficiis minime residebant, & animarum cura, quæ est ars studiorum artium, neglecta, velut mercenarii solum temporale lucrum quærebant, sicque cultus minuebatur divinus, animarum cura negligebatur, ecclesiastica jura peribant, ruebant ædificia, quæ magnificentia extruxerat decessorum. ¶ At clerici literarum scientiis, & virtutibus effluentes, qui ad Christianæ plebis ædificationem salutarem vacare possent, quorum perlicuda & salutaria documenta prædictam illustrarent ecclesiam, decorarent virtutibus, & moribus informarent, per quos, quasi per luminosas, ardentesque lucernas super candelabrum in domo domini positas (errorum tenebris profugatis) totius corpus ecclesiæ tanquam sydus irradiaret matutinum, eorumque foecunda facundia coelestis irrigui gratia influente, scripturarum anigmata referant, obscura dilucidarent, dubiaque declararent, profundisque ac decoris illorum sermonibus ampla ipsius ecclesiæ fabrica, velut gemmis vernantibus, rutilaret, & verborum elegantia singulari gloriosius sublimata coruscaret, qui etiam regnorum, & rerum publicarum consiliis forent opportuni, propter spem congruæ promotionis eis ablatam, divinarum & humanarum scientiarum studia deserebant.

Providentia Concilii Basil.

Ambitio & avaritia omnium malorum causa.

Reservationes pessimæ cum cæteris gravaminibus & inventis novis, Universalis ecclesiæ destructionem Concilium Basiliensæ declarat.

Quare boni viri delectant studia literarum.

Beneficiorum pluralitas execrabilis.

Abusus ecclesiæ pessimi.

¶ Insuper reservationû & expectatarum occasione capta de mortis alienæ votis ingerebatur, lites suscitabantur, contentiones & rixæ inter Christi ministros oriebantur, ambitio pluralitatis beneficiorû execrabilis fovebatur, pauperes clerici variis & innumeris personarum & rerû discriminibus subijciebantur, & per callidos & calumniosos opprimebantur, beneficia quoque ecclesiastica per litium involutiones & multiplicationes sæpius injuste occupabantur, & sine divinis officiis sæpius remanebant, materia injustis vexationibus parabatur, abusus pessimi, horrida & detestanda specie labis symoniacæ respersi committebantur, juvenibus bonæ indolis qui studiosis & virtuosis actibus intendere deberet, evagandi materia præbebatur, & brevis status ecclesiæ confundebatur, plurimaque adversus divina, & humana jura in animarum

- marum perniciem, ac ecclesiæ & Regnorum atque Provinciarum, præcipue Regni Franciæ, & Delphinatûs Viennensium oppressiorem & destructionem perpetrabantur, quorum, quarumque thesauri in extraneas regiones asportabantur, ut eo exhausto, sacerdotique depresso, regna ipsa, & subditi debiliores in adversis redderentur, beneficia jam non gratis; juxta evangelicam doctrinam Christi que præceptum, dicentis, Gratis accepistis, gratis date; & contra Concilium Lateranense, &c. unicuique ut ecclesiastica beneficia. Cum summa ambitione & avaritia, auri que & argenti exactione conferebantur.
- ¶ His igitur tam detestabilibus incommodis divinæ proculdubio displicentibus voluntati, saluberrimè providere cupiens Concilium Basiliense memoratum, contra hæc, saluberrima constituit & edidit statuta & Decreta, volens & ordinans, ut tales ecclesiæ præficereatur pastores, qui tanquam columnæ & bases ipsam ecclesiam doctrina & meritis finimter sustentarent, non quidem per reservationes generales ecclesiarum hujusmodi, sed per electiones & confirmationes Canonicas, juxta juris communis dispositionem, ecclesiis ipsis metropolitani cathedralibus, monasteriis, collegiatis ecclesiis & dignitatibus electivis vacantibus, debite provideretur: Reservationes generales hujusmodi reprobandas, (certis dumtaxat exceptis) certam salutarem formam, antiquis formis à jure introductis adjiciendo.
- ¶ Et insuper, ut per singulas ecclesias ministri instituerentur idonei, qui scientiis & virtutibus effluerent ad Christi gloriam & populi Christiani salutarem ædificationem, reprobando multitudinem gratiarum expectativarum, quæ digniorum ministrorum institutioni & promotioni obviabat, ac reservationes quascunque beneficiorum, sive per papam sive per legatos reprobandas ac nullas & invalidas declarando.
- ¶ Voluit insuper, & statuit, ut per prælatos & eos ad quos beneficiorum collatio & dispositio spectare dignoscitur, viris studiosis, certisque qualitatibus specificatis præditis, qui per universitates generalium studiorum eisdem prælati & patronis nominarentur, canonice provideretur, certis modificationibus, & decreto irritant. adjectis. Præterea, ut fraternalis charitas in clero & populo vigeret, & ne quis proximum suum indebitis vexationibus opprimeret; sed iustitia ordine debito cuilibet ministraretur, ad obviandum infinitis abusus & variis incommodis, quæ inoleverant, statuit, ut pro salute & quiete subditorum, iustitia in partibus cum honestate & facilitate ministraretur, ne studium & alii subditi extra regna & provincias suas ad curiam Romanam traherentur & citarentur, ne etiam per hoc hujusmodi regnorum & provinciarum facultates exhaurirentur. Damnavit insuper hujusmodi sacrum Concilium abusum illum jam damnatum de annatis solven. salutiferè prohibens illarum exactionem, & solutionem. Multaque alia sancta & salubria statuit idem Concilium ad divini cultus augmentum, ac salutem & quietem subditorum, quæ omnibus innotescunt. Quæ quidem statuta serenissimus ille princeps divini nominis & ecclesiastici honoris exaltator devotissimus & conservator excellens, Carolus septimus Francorum Rex, in suo celebri Concilio ecclesiæ Gallicanæ Biturici celebrato, recenserit fecit, & ea sic salutifera & suo regno ac Delphinatui utilissima, saluti & quieti subditorum consulens. inconcussè servari præcepit, & per Regnum & Delphinatum promulgari fecit, prout conservata & observata fuerunt, ac ex eorum observantia cultus perseveravit divinus, salus advenit subditorum, omniaque in eisdem regno & Delphinatu prospere successerunt.
- ¶ Sed Romani propriis cupiditatibus & commoditatibus inhiantes, attendentes his mediis aurum & argentum, sicut antea, ex dictis Regno & Delphinatu ad se pro suo voto non deferri, hujusmodi statutis invidentes, ea per Romanos Pontifices abrogari facere studuerunt, quod auxiliante domino hæcenus prohibitum extitit, donec advenit dominus Leo papa decimus, qui Romanis, plus debito, favens, in quodam cœtu in Romana civitate, quæ contra nos est, nescimus qualiter, non tamen in spiritu domini congregato, cum quo nihil contra legem divinam, & sacra Concilia statui, decerni, aut ordinari potest; Opera enim quæ ego facio, ipsa testimonium perhibent de me; præmissa tam salutifera statuta abroganda esse, nescimus quo fretus concilio, censuit, contra fidem Catholicam, & auctoritatem sacrorum generalium Conciliorum veniendo, sacrum Basiliense Concilium damnare. In quo inter cætera judicatum est, gloriosam virginem Mariam sine peccato originali fuisse conceptam, nec de illo habet ecclesia aliam decisionem. Quædam alia statuta pro libitu voluntatis (cum venia dictum sit) condendo, in perniciem Regni & Delphinatus prædictorum, & subditorum illustrissimi principis nostri Franciæ Regis detrimentum. Per hoc enim Canonicas electiones, quibus sanctæ & salubriter ecclesiis metropolitani, cathedralibus, monasteriis, & aliis collegiatis ecclesiis eorundem Regni & Delphinatus providebatur, destruxit. Hujusmodi ecclesiarum provisiones, cum vacarent, sibi reservando, collationesque & impetrationes beneficiorum non expresso vero valore irritas esse declaravit, subdi-

subditorumque regni in prima instantia per Cardinales & curiales sedis apostolicæ passim vocari, & nominationes universitarum in parte reprobavit & damnavit, ita ut à modo si talia statuta tolerarentur, non his quibus virtutis merita & literarum scientia, sed quibus pecuniarum acervus, & potentum favores suffragantur, ad ipsarum ecclesiarum non dicimus regimen, sed (prohi dolor!) perniciem & ruinam assumentur, cum hujusmodi personarum mores & vitia non perscrutabuntur, & indigni sæpius ad regimena assumentur animarum, contra sacri generalis Concilii salutiferum statutum recte judicans nihil esse quod ecclesiæ dei magis officiat, quam quod indigni assumentur prælati ad regimen animarum, & propterea statuens, ut is ad quem pertinet electionis confirmatio processum electionis & electi personam diligenter examinet antequam eidem electo munus confirmationis impendat, poenam contra faciem imponens. Per hæc etiam & alia quæ idem dominus Leo statuen. decrevit, viris studiosis, & literarum scientia pollentibus spem promotionis ademittit: Et aptissimum modum facultates & substantiam totius regni & Delphinatus exhauriendi invenit, quo etiam hujusmodi regni & Delphinatus subditi improbis machinationibus ad curiam Romanam evocentur, Et indebitis vexationibus fatigantur, hujusmodique sic noviter editis statutis, jam dictus dominus Leo Papa serenissimum principem nostrum Franciscum regem modernum in partibus Italicis agentem in maximo strepitu armorum consensum præbere quorundam suavis coegit. Et ne promissionis infractor idem princeps illustis videretur, jam dicti domini Papæ monitis obtemperans, hæc quæ dicta sunt de novo edita statuta (quæ concordata vocantur) ruinam ecclesiæ, totiusque regni inde imminente non attendens, nobis, dictaque universitate, & aliis, quorum intererat, non vocatis nec auditis, publicanda esse imperavit, non dijudicans, quam ei, dictoque regno & Delphinatui, ac subditis perniciofa esse viderentur. Ex quibus nos Rector & Universitas, gravatos læsosque & oppressos esse sentientes. Cum per ea ad superius enarrata incommoda sensim devenire posse prospiciamus: Idcirco à domino nostro Papa non recte consulto jam dictique sacri Basilien. Concilii, & ei adherentes pragmatice sanctionis statutorum abrogatione, novorum statutorum editione, consensus præstatione, ac attentata illorum quadam publicatione, & omnibus inde secutis & securis tam pro nobis quam omnibus & singulis suppositis ipsius universitatis, & nobis, ac illi adherentibus & adherere volentibus, ad futurum Concilium legitime, ac in loco tuto & quem libere & cum securitate nos eadem universitas vel à nobis, & ab ea deputandi adire poterimus. Et ad illum vel illos, ad quem seu quos de jure, privilegio, consuetudine, vel aliis nobis provocare licet & appellare, provocavimus & appellavimus, prout in his scriptis provocamus & appellamus. Instantes, instantius & instantissime protestantes hanc appellationem prosequi per viam nullitatis, abusus, iniquitatis, vel injustitiæ. Et alias, prout melius poterimus, optione nobis reservata. Astantes in testimonium invocatum, addendi, diminuendi, mutandi, corrigendi, & in melius reformandi, omniumque alio juris beneficio, nobis ac nostris adherentibus & adherere volentibus semper salvo. datum & actum Parisiis in nostra congregatione generali apud sanctum Bernardum solenniter celebrata, Anno domini MD XVII. die vicesima septima mensis Martii ante pascha. Postmodum vero præ inserta appellatione sic interjecta die prima mensis Aprilis vir venerabilis magister Arnulphus Monnard in artibus magister, & in jure civili licenciatus, noster procurator generalis. & ad hoc specialiter constitutus, coram venerabili circumspecto viro, magistro Guillermo Huc, utriusque juris licen. insignis ecclesiæ Parisiensis Decano, tanquam coram persona autentica & in dignitate constituta personaliter comparens. Cum illum seu illos, ad quem seu quos appellamus adire non possumus, hujusmodi appellationem & contenta in ea, nomine nostro & pro nobis intimavit, insinuavit & notificavit, apostoliceque cum instantia debita sibi dare petiit & requisivit. Qui quidem dominus Decanus cum reverentia & honore debitis eidem appellationi reverenter detulit & apostolos reverentiales & tales quales de jure & consuetudine vel privilegio dare poterat & debebat, dedit & concessit. Acta fuerunt hæc ultimo dicta & facta in ecclesiæ Parisiensis. Anno & die prædictis. Præsentibus ibidem venerabili & scientifico viro magistro Petro de Valle, in Theologia doctore, Canonico dictæ ecclesiæ Parisien. & magistro Arturo.

Alouff in artibus magistro, testibus ad præmissa vocatis & rogatis. Sic sign. le Roux & Hubert & sigillata in duplici cauda & cæra rubea magno sigillo dictæ universitatis.

Quales juxta voluntatem Leonis beneficiis sint habituri.

Nihil perniciosius ecclesiæ sint indignis prælati.

Franciscus ex Francia.

Frustra ergo Pius II. bullam in contrarium d. dit.

Appellationem prosequuntur.

Guillelmo Huc.

Appellationis Parisiensium Finis.



## ORATIONES DUAE: ALTERA

Habita A legatis Summi Pontificis Leonis. X. coram invictissimo Imperatore Maximiliano, pro colligendis decimis, in expeditionem (si creditum fuisset) contra Turcas. Altera viri cujusdam doctissimi adhortantis, ne Principes in Decimæ præstationem consentiant. Anno MDXIX.

## AD LECTOREM.

**I**terum aliquis quaesierit, quare duas hæc orationes subsequentes, præcedenti Parisiensium doctorum appellationi adjecerimus: Respondeo, quoniam tam harum altera, pro communi Germanorum bono, quam illa, pro communi omnium salute, ac totius ecclesiæ tuitione contra Leonem Decimum, militare videntur. Si enim ausus fuit sacratissimum Basilienſe Concilium (in quo determinatum est, ut doctores referunt Parisienses, beatissimam virginem Mariam, sine peccato originali conceptam) aliquoties revocare, non dubium, quin & graves etiam à nobis decimas (nescio quo religionis prætextu) per suos Aurifugas, & id quidem post amplissimam ac vastam Indulgentiarum promulgationem, extorquere sit ausus. Vides igitur, lector candidissime, quomodo alia ex aliis fugeant. Illic ecclesiæ doctores lamentantur, hic per suum Oratorem proclamant Alemanni. Illic de abusu ac gravaminum abiectione, hic de bonorum Reipublicæ apud nos conservatione certatur. Haud igitur semper est temporum inquirenda series, quum satis sit hoc loco, alterum quadrare cum altero. Vale Lector, & hæc boni consule, teque penes tuum esto judicium. Iterum vale.

## ORATIO LEGATORUM.

**B**ONI adsumus nuncii, Illustrissimi principes: Leo Pontifex Max. post Apostolicam benedictionem, Romanum Christianum, idemque vestrum imperium occupatum à Turcis, restitutum vobis in vestra, ac Christianæ Republicæ virtute & opera cupit, disponit, primum à vobis petit. Memoria siquidem cum repetimus majorum vestrorum gloriam, animi magnitudinem, & eâ, quæ fortiter ac strenue gesserunt pro Republica (si ecclesiæ præsertim, religionisve causa ageretur) non possumus læti atque hilares nosipſos continere. Cum non intra nos dicamus, non admiremur, non concipiamus, non extimemus, sed ipsis (ut aiunt) oculis conspiciamus, quanto sitis animo, quantis viribus ad Christi Rempublicam, ac religionem capeſſendam, præcorum vestigiis insistentes accursuri. Ita ut qui annis prope septingentis Romanum imperium ereptum à Græcis, receptum à Gallis, summa fide Apostolicæ ecclesiæ servastis, idem quoque nunc sit non modo non diffidendum, sed quacunque orbis patet, vestra quoque virtute, ac fide propagandum, Italia omnis si quam spem reliquam habet, si quam victoriæ lucernam videt, in Germanis videt; Germanos Christiani hujus belli auctores, ac duces eosdemque confectores sibi pollicetur. Nulli enim tantum Christiani nominis ac fidei patrocinium, quantum in Cæsare, & Germanis principibus esse & residere arbitrat. Nec vos degeneres futuros ab Ottonibus. Henricis, & id genus aliis (in periculo præsertim religionis & imperii) sibi persuadet. Nolite itaque pati, ut quam tantam de vobis opinionem conceperunt, irritam ac inanem fuisse postea fateantur, præsertim cum præstidere Deum Opt. Max. vestris ductibus sciamus. Cum enim causa hæc agitur, dei causa agitur. Cum in nefarium impurumque Turcam acies instruitur, pro deo pugnatur. Cum in hoc genus mortis itur, pro deo cadimus. Felicissimæ profecto mortis genus, quo vita comparatur, & æterna. An forte timendum vobis est Germani, ut hostibus cedatis, qui ipsi quoque Romanas legiones, alias invictas, proſtigastis? Esti enim, qui imminet hostis, late dominetur, ne dicam regnet, licet Syriam & Ægyptum nuper subegerit, si tamen ad mentem revocemus cum quibus pugnamus, nihil est quod ultra admiremur, quam si imbellis quisque devicisset. Cum orientalibus quippe pugnatum est. Sinite, sinite cum Germanis

Caprant benevolentiam principum, & utinam hæc ex animo loquantur.

manis congregiatur, inveniet legitimos milites, experietur invicti roboris viros, sentiet omnipotentis dei in vobis manum. Prosequimini enim (ut divinum usurpem oraculum) inimicos vestros, & corruent coram vobis. Prosequentur quinque de vestris centum alienos, & centum ex vobis decem millia. An forte abbreviata est manus domini, ut salvare nequeat? In promptu est unde convertatur deus & ignoscat. Dabunt siquidem tot millia hominum nomen in Christi militiam, signum crucis culparum omnium expiativum, tanta multitudo suscipiet. Criminaque nostra passim piis in sanctum hoc opus largitionibus redimemus, ut proculdubio factus caro & frater noster Deus, non sœviam in fuos: qui, cum non nisi dominus humani generis esset, pugnavit pro exterris. Agite quod vestra interest & venite & arguite me, si decreo vobis, dicit Deus Opt. Max. Bulla non usque quaque extincta, ne tam necessario, divoque operi impedimento sint, formum interdum capere, & apostolicis (ut par est) mandatis obtemperando, quinquennialibus induciis tolli rogamus. Jesu Christi proprium admiramur veneramurque opus, efficere in terra pacem bonæ voluntatis, nobiscum bene agitur, si aliquantula fiat quies iniquo animo retento. Bello autem suscipiendo, quæ via quivise modus habendus sit (licet quot capita, tot sensus) probata cum plurimorum sapientum ac principum consilio sententia fuit, oportere imponere sacris initiatis Decimas, plebeis Quinquagesimas, cuique domui stipendium unius militis, divitiibus annui census, ac negotii lucri Vicissimam. Nec vos terret, Decimæ, Vicissimæ, aut quinquagesimæ insuetum novumque nomen, horrenda quoque nobiscum (hæc affirmaverimus) si nuda occurrerent. Verum cum Quinquagesimas, Vicissimas, Decimasque non solvere, sed deponere, idque tutissime, & ea lege debeat, ut nisi definito tempore in expeditionis istius opus conferantur, illis qui deposuerint restituantur, pium, sanctum optabileque cullibet fore Christiano censibile. Quocirca trepidare timore ubi non est timor, desinant, verentes expeditionem hanc fucata esse, auri sacram subtere famem. Nos (inquiunt Turcæ) fumus, quibus expellendis incumbitur, in nos expeditio tota sœviet. Vacate & videte, quæso, quàm supervacaneus est metus, & timor iste, percipite quàm pie, quàm sancte & cum sacris initiatis & populi universis agatur. Nolumus nos thesaurarii, aut exactoris officio fungi. Non eo tendimus, ut in nostram potestatem æra redigantur. Veteres & revolvite historias, inquirete si ullo unquam tempore sanctæ Romanæ ecclesiæ Cardinales de latere Legati, interditi etiam à iure facultatibus ad pontifices, eorumque rem pertinentibus, ut in præsentia cernitis, prodierunt, & animadvertite omni exceptione laudeque dignam majorem Leonis P. M. pietatem, atque liberalitatem, ex propriis tot per regna legatis opportuna conferentem. Non querit profecto vestra, qui sua pro vobis sponte magnitæque largitur. Sed quid pontificii animi argumentis immoramur, re ipsa potius comprobare operæ pretium est. Invenite vos ipsi, inveniunt metuentes ipsi modum quempiam, quo quicquid auri argenteve collatum fuerit tutum adeo sit, ut nec in exactorum custodumve stipendia aliquid cedat, sed integra universa, aut ad expeditionis hujus usum cedant, aut ad eos, qui dederint, redeant. Non querimus Germanum ætarium, in Italiam transferre, at in Germanorum militum stipendia erogare cuncta. Summus pont. vult atque præcipit, nullum dolo fraudive locum relinqui, quia & vos clara luce videtis, quòd Christiana se respub. religio, regnum, templa, urbes, oppida, in vestra se propugnacula contulerunt, vestram opem implorant, vestris genibus advolvuntur. Si illos destruitis vos ipsos Germani destruitis, quando omnes in Maximiliani aquilas respiciamus, nec aliunde quàm à Romano Imperio auxilium expetamus, quando res vestra non minus quàm aliarum regionum agatur. Contermina siquidem Turcis Germania præ aliis est. Italia enim, quamvis Turcarum classi magis sit pervia, prius tamen quàm in Italiam Turcarum copie terrestres invadant exercitu, in quo constat vim omnem belli, victoriæque sitam esse, Germaniam oportere oportet, nisi Carinthiam, Stryiam, Croatiam & Hungariam Germaniæ moenia esse inficiatæ fuerimus. Clementissimus Leo pont. dici non potest quantis vigiliis in rem hanc incumbat. Non dies, neque noctes ab hac cogitatione avelli potest, non si comedat, aut bibat, aliud pectore agitat. Non sua jam, sed seipsum, sanguinem & vitam pro Christiana religione & imperio gessit exponere. Superest, ut Cæsareus hic Senatus expeditionem in Turcas indicat, efficiendamque suscipiat. Expectat Rom. ecclesiæ, universæ Christianæ reip. capita & membra, in serenissimum hunc conventum suscipiunt: Si definitur nunc nihil: Si in alium conventum differret, confundemur omnes in expectatione nostra. Cavete ne dilatio hostibus componendi cum Persis finitimisque aliis tempus præbeat, Germanos principes linguarum moribus exponat, Christiani quæ populi desperationem inducat. Animadvertite gravissimi, istum conventum fundamen esse, super quo tanta moles expeditionis erigenda est. Cunctantibus quippe vobis, Christiani principes reliqui retrahent proculdubio animum & manum ab hac expeditione. Si Germania (aiunt) cuius primum interest, quia Romani Imperii dignitate, gloriæque illustratur, cui ecclesiæ defensio est tradita, verba dat, deque conventu in conventum definitio-

Modo debile  
expendantur.

Scopus totius  
negoti.

Hoc omnes  
veriti sunt.

Faxit Deus.

Non sua, sed  
ecclesiæ.

Utinam hoc  
verum semper  
fuerit.

Pulchra ver-  
ba, quibus  
ægre fides  
adhibetur.

nem transfert, quid nobis agendum sit, discimus facile ab exemplo. Sicque vestra Christianæ reipub. mora (quod absit) ruinam pariet. Causabuntur multi absentium libertatem, iurejurando (aiunt) nostris tenemur ecclesiis nil contra earum commodum illis inconsultis agere, non est nobis delegata potestas absentes colligendi. Ibiinus illos consultum atque hortatum, referemus deinde altero in conventu verba, cum bona istorum venia dixerim, sunt hæc non multum dissidentia ab inficiis. Impossibilia à nobis petit nemo, Fidem violari horremus, quam & hosti servandum esse didicimus. Quod vestra interest, & quod in vestra situm est potestate, poscimus decerni, scilicet nunc expeditionem in Turcas, definire modum comparandi nummos nullius cum injuria. Iurejurando demum spontaneo præsentis astringi, daturos se bona fide speram, ut huic definitæ executioni demum dentus. Non sunt hæc contra iurifurandi cultum. Non excedunt hæc vestra limes potestatis. Non obsunt hæc absentium libertati. Tollite itaque moras, semper nocuit differre paratis. An non parata sunt omnia ad expeditionem indicendam, quando universa ablata sunt? Quid amplius enim à Romana ecclesia exigitur? Quid ultra ab externis petitur, quando se, & sua omnia dedit? Felix initium serenissimi Caroli catholici regis, feliciore nos auspicio trahat. Turcarum imperium, ille adhuc adolescentulus nuperrime in Africa extinxit, pellite vos Europæ. Nec longe absunt maxima quæque præmia. Etenim cupidine gloriæ ardet animus, nunquam honestior, nunquam facilius ad summam gloriam via vobis patuit. Cape sentibus quippe Germanis expeditionem in Turcas, si quæ à nobis dicta sunt, fient, suprema vos belli auctores & duces gloria manet. Sin vero (quod deus nolit) irrita esse contingat, paratam jam vobis in dicta expeditione gloriæ, integro apud eos splendore fulgebit, nullo accepto incommodo. Si regnum appetitur, de propagando vestro Imperio agitur. Si terrarum orbis non sufficit, paratum vobis à constitutione mundi cœleste regnum adest. Si in ius causa deducitur, altissimi estis pro Christi nomine ac fide bellum iniire, quandoquidem prior ipse Rex regum aereis proprio sanguine ac cruce potestates debellavit, ut nos de perenni captivitate, in libertatem filiorum dei referret. In manu igitur vestra populorum libertas atque salus cum posita sit, exaudite, benignissimi principes, nos Apostolico nomine pro universa ecclesia supplicantes. Miseremini simul jam vastæ multitudinis absque baptismi gratia in æternæ mortis interitum præcipitis. Si quod uni ex minimis sit factum, tibi factum censet Christus dominus, quanti facturum putatis illum, quod innumeris suis ecclesiis tam ingens beneficium collatum fuerit. Vobiscum igitur, quia partiri curis, & rerum molem summus Christi ovium pastor desiderat, ab utrisque par est ut oves protegantur, & lupi arceantur, ab illo, cruce, à vobis gladio, quo sub utraque protectione quietam & tranquillam vitam transigamus. DIXI.

¶ Sequitur responsio.

## EXHORTATIO VIRI CUJUSDAM

Doctissimi ad Principes, ne in Decimarum præstationem consentiant.

Romana avaritia.

**S**i unquam Germaniæ principibus prudentia, consilio, concordiaque pro defendendo honore, & omnium utilitate opus fuit, Alemanni proceres excellentissimi, in primis indigere mihi viderentur hoc tempore, quo in prædæ Romanæ avaritiæ deputantur, ac dedecorosa servitute, ita blande propositam, ut illa homines, priusquam intra viscera penetraverit, sese captos non sentiant. Est enim modus fallendi adeo vaser, ut his coeptis versutiis (quid enim non excogitat avaritia?) existiment acuti hominis fraudem à nomine non posse deprehendi, præsertim à vobis Germanis ducibus, quos cibo semper refertos & vino madidos arbitrantur, & publice declamant. Et ob id ad decipiendum liberius aggrediuntur. Præbuerunt præterita tempora fallacibus hominibus constantiam in spe præsentis: quando enim non est assensum illorum malis artibus? cum saltem adfuerit, qui vel mediocriter didicit fraudi fucum adpingere. Constat profecto, nullam partem Christiani orbis ab huiusmodi prodigiorum genere non esse calide tentatam, multos reges & principes fraudulenter deceptos. Sed singula secum reputanti occurret, nullam gentem sapius illam habitamque ludibrio ac nostram. Non, o inclita Germania, ad libros relego, ut gesta hominum cognoscas legendo, satis ampla, quæ memoria

Alemania plus cæteris nationibus illusa.

moria hujus ætatis tenet, Quo magis vereor ne incititia temporis præteriti successum præbeat malo incumbenti. De quo brevem tibi Germania sermonem subijciam, quanquam nil novi à me audies, quod per inclytos tuos principes non melius noris.

¶ Quadriennium habitum Romæ consilium, primum de rep. Christiana (quanquam legitime Jurisperiti & Theologi disputent) nondum erat finis, tamen de colligendis Decimis omnium assensu decretum est. Volutus erat lapis ad locum suum. Placuit ergo, rejecto reliquo negotio, tanquam parum utili, invocato Sancto Spiritu, Concilium dimittere. Gratia agendæ deo, per quem operationes nostræ incipiuntur & cœpta recte finiuntur. Porro impium est, quod Concilio placuit, id putare displicere deo, quo hæc aguntur authore. De pace agitur inter reges, qua firmata, visum omnium suffragiis Asiatico hosti conjunctis viribus bellum inferre. Evomuntur e vestigio quatuor Legati (nisi ob quintum collegium & ob computum erraverim) ad nationes Christianas, ut reges & principes ad expeditionem instigent, ipsi vero pecuniam mereantur. Quibus forte dicebatur, Ite in orbem universum, prædicate, dicentes, Qui crediderit, & Decimas solverit, salvus erit. Quorum nuper, cum Bononiæ esset semus, tres vidimus ingredi tanta pompa & apparatu, ut sapientes ad eorum errorem allicerent. Dilatate inclyti Germani imperium Christianum. Frangite vires hostis impurissimi. In hoc omnibus nervis incumbite, quo nomen Christi extendatur. Res pia & sancta est, ut à nomine potest deprehendi, nisi quis malit Turcæ, quam Christo servire. Verum sub hoc prætextu per hanc fictam pietatem, sub hoc umbrato nomine explorare impitorem populum, fugere lac gentium, inebriari manumona regum, dico scelus esse multo probabilius, quam quæ à Turca inferuntur. Non quod tanti faciam pecunia privari (quam sceleratus cuius quam probus habere potest) sed quod nullo pacto ferre debemus (quantum in nobis est) quod angelus Satanzæ transfiguret se in angelum lucis, & poculo pietatis propinet impietatis venenum, ut populus, se rem sacram facere deo existimet, avaritiæ sacrificet, quæ mater est falsæ religionis. Falli, errare, labi, decipi, ubique turpe est, per religionem vero turpissimum. Quam unam nobis contra noxios mores contulit divina bonitas. Hæc absolutam artem pietatis nobis proponit. Primum, deum amare omnibus viribus, proximum deinde ut nos ipsos. At quando illum amabimus, cum videmus ejus sacrosancta præcepta manifeste pollui. Nec tamen occurrento, sed potius connivendo opem ferimus impietati. An ille proximum sincerè amat, qui in incommodum illius removendo, nihil est occupatus? Nolo amicum nihil sollicitum de salute mea. Inimicus mihi habeatur, qui à me non propulset injuriam si potest, & tamen illa non legimus, non audimus, sed quotidie fieri videmus, nullo hominum præluctante, sed vel patientes ad omnem ignominiam, quasi non potius contumelia sit deo, quam obsequium, stulta patientia. Utinam tam facile possint ista evitari, quam reprehendi. Et principes nostri nolent perpetuo connivere. Sed tandem aliquam partem, si non totum, perverse consuetudinis præcidere. Quanto æquabilis res tam prophanz quam sacræ se haberent? Ego enim sic existimo, imperia his artibus melius retineri, quibus acquiruntur. At imperium Christianum non armis non gladio comparatum est, sed pietate & optimis exemplis vivendi. Quæ postquam passim abierunt, omnia bona retrorapta sunt. Multa imperia perdidimus, quoniam artes, per quas parva erant, non retinuimus. Amissa est pietas, retinuimus nomen. Salutatur in vita sanctissimi, & post mortem nemo nos dignatur nomine sanctitatis. Ab hac parte paulatim coepit prosperere virus exitiale. Deinde ceteri proceres sequuti sunt non fegnitè. Ergo, mirum non est, quod à nobis alienatur cœlestis favor, & nos non cognoscit amplius, atque prædæ relinquit imbrobo hosti. Pontifices enim Romani, postquam coeperunt prophana cum sacris conjungere, imò relictis sacris, solum prophana admirari, quam bene consultum fuerit reip. Christianæ, quam bene placerit superi in ipsorum institutum, eventus comprobavit. Amisissis externis, interna infinitis seditionibus conturbantur. Divina despicuntur, venditur Christus, lana ovium condetur, de custodia studium nullum. Omitto hic Hispaniam, Gallias, orientem cum occidente, quantum pro Palliis, similibusque figmentis, ætate duorum principum, Frederici & Maximiliani, una effudit Germania? Si Roma, ut institutum est, in Fiscum collegisset, vel Germania (veluti par erat) in unum contulisset, haberemus jam nervos reip. abunde sufficientes bello Asiatico. Nec opus foret orbem jam fatigare Christianum & novis onerare (ne dicam exenterare) ejus quotidie pauperes tributis, & ex eo errore pauperes facere.

Provenit pontifici ex sua terra vectigal, quantum nulli regum Christianorum; & tamè Pallia emimus, & tamen asinos auro onustos Romam mittimus, patibula Christi erigimus, munera promittimus, aurum pro plumbo mutamus, negligentias (hem lapsio calamo) indulgentias passim admittimus. O avaritiam immensam carentē fundo I canum impurissimorum neicentium sagittarè, ut est apud prophetà Daniele: Certe emere pallia sanctū ducor, modo id prosit aut pietati, aut valeat ad conservandā communē utilitatē. Sed cum utrunq; horum tot seculorum experientia refutet, & Pallia tantum extiterint simulata instrumenta perditionis

Rem acutissimam.

Improbis æque ac probus dives.

Quis amicus & quis inimicus.

Imperium Ro. quibus artibus acquisitum.

Origo omnium malorum.

De palliis.

D. divitiis p. p. e. & a. ita abutibus.

Pallia quid sint.

avaritiæ



Multarum  
tyrannidum  
enarratio.

Miranda  
construuntur.

In Italia quæ-  
rendus Turcæ.

De fulmine  
pontificio.

De crucibus  
crectis.

De fraude  
Florentina.

Laurentius  
Medices.

Ficta Decima-  
rum hypocri-  
sis.

avaritiæ, fargat jam aliquis, atq; iustam causam dandi proferat in medium, qui timeat pontificis fulmen. Probus episcopus aliquis, concordia fratrum, puraq; conscientia electus, non faciet puto, sed concupiscens multis mediis aureorum emere Romanum centonem: Non probat Paulus Apostolus, qui nos devorant, qui in faciem cadunt, qui nos in servitutem redeunt. Quandoquidem non Christianam charitatem, sed meram tyrannidem illi præ se ferunt. Foris factio fure in pellibus ovium, intus lupos rapaces agunt. Mihi iustus dolor est, ob nefariam avaritiam totum mundum sub umbra religionis pollutum. Quem enim locum, quantumvis obscuro illa contagione non contaminatum ostendas? Quæ respub. non multa amisit? Qui princeps jus auctum servat integrum? Quæ sacerdotum collegia non sunt contaminata? Quis pessimos mores (nomen apud nostros majores abhorrendum) induxit in Germaniam? & quæ honeste nominari non possunt, docuit? Qui coedant hominum societates? Qui norunt egregie fallere, decipere, pejerare, testamenta supponere, divina & humana profanare, miscere lites, quietos perturbare, deniq; cœlum cum terra confundere? Nonne Romana, Italicaq; proluvie ista sentina sese in orbem terrarum effudit? Adeo, ut ne falsus & sylvæ (ubi lustra ferarum tantum esse dixeris) hoc malo careant. Episcopos merito sacrosanctos esse dicimus (sed prodeant, quibus est illæsa sua auctoritas. Et hunc veluti bonum valde, & rarum merito suscipimus. Non sunt longe petenda exempla. Sermone meo concordant res vestræ. Sed quid ego ista commemoro, quæ declamationis exempla superant? Ad institutum sermonem redeo. Turcam profligare vultis. Laudo propositum, sed vehementer vereor, ne erretis in nomine. In Italia quærite, non in Asia. Contra Asiaticum quisque nostrorum regum, pro finibus suis defendendis per se satis est. Ad alterum vero nondum, totus orbis Christianus non sufficit. Ille cum finitimis quoq; tumultuans, nobis non modo nocuit. Hic ubique grassatur, & sanguinem miserorum sicit. Hunc Cerberus nullo modo sedare potestis, nisi aureo fluvio. Nihil armis, nihil exercitu opus est. Plus valebunt Decimæ quàm equitum turmae, & militum copiae. Duplex mihi videtur via proposita, dum rem diligentius considero. Unam quæ jubente superstitione, aurum petit: Altera renuentibus pontificis fulmen minatur. Ultram vulvis ingrediimini. Sed ô stultam & superstitiosam opinionem credentium coeleste numen, omnia aquis oculis intuens, ad nutum Florentinorum flecti & reflecti, Irasci non danti, & rursum largienti placari! Non est Christi vicarii fulmen contemnendum, sed non semper ab illius jactu pertimescendum, præsertim cum res agitur pro humanis affectibus. Christi indignationem vereor: Florentinorum non vereor. Jam vero Florentiæ negotium agitur, non Christi. Superiori ætate sumptu non debili bellum gestum est contra Francicum ducem Urbinatem, quo regno ejectione, sed prius placato aurea gratia, Laurentius Medices in locum successit. Ibi non satis providus fuit Julius II. quod non plus auri reliquit. Ergo inventa fuit quædam fraus nova, quicumq; plura dare potuerint Cardinali, hi inventi sunt conspirasse in necem pontif. Horum bona Fisco scribebantur. Subsequuta est discordia fratrum cordigerorum, quæ, quantum lucri attulerit rabulis Florentinis, rem pro voluntate in omnes partes flectentibus, quid attinet narrare? cum fidem superet largitio mendicorum. Non libet narrare erectas Cruces Salvatoris per cuncta oppida, ad mensuram dantes propitias. Prætereo scenam de ade Petri & risus & indignationis plenam. Templum domini, templum domini, templum domini clamat propheta, sed non est templum domini. Laurentius ædificat, non Petrus. Lapidem noctu migrant. Nihil sic fingo, electissimi principes Romani Imperii orbis. Quid sollicitatur pro ade Petri, in qua duo tantum opifices operantur, & alter claudus, nisi quod nuper in frequentia peregrinorum concitabatur tumultus artificum, currebatur, clamabatur, videbantur stulti, & picti angeli expicientes munera largientium, ferentisque in sublime. Ridere poteratis mecum commoti ob præstigiis aucupii. Sic risit olim venerabilis pater Cyprianus præ indignatione, viso Christo pedibus, & auribus asininis depicto. Deslere libet fortunam sæculi corruptissimam, ob supremam negligentiam episcoporum, atque principum, permittentium populum suum ita nequitur decipi. Omnes illas artes inventit fraus Florentina, & propediem nefandiores excogitabit. Animadvertite modum. Quisque modo dies novam pariet curam. Tuetur, ne corpus pontificis crassum immatura morte perturbet consilia. Fugato duce Urbinatæ, similem fortunam minatur principi Ferrariensi. Quo pariter ejectione, regnum constituemus, & regem Thufici salutabimus. Laurentium Medicem civem Florentinum. Sed quia nostra fortuna mutabilis est & citius potest mori Leo decimus, quàm ista operatum finem consequantur, Et fieri potest, ut Leonis successor discedere cogat Laurentium ex alienis regnis: Ideo contra adversum adventum ducenda est uxor Laurentii in Gallia cuiusdam potentis ducis filia, emendusq; ibi principatus, parandum adversus fortuitos casus, sicut decet sapientem virum duobus regnis profugum. Facta est emptio, signatæ tabulæ, dati fideiussores. Satis diu Medices fuimus, principum regumque fortuna ambienda est. Habetis jam breviter caput Decimarum, & infidias Turcæ, duce superstitione, in viscera vestra latrocinantis. Quam

ob rem



ob rem resistite nefando conatui. Nolite assentiendo contaminari impietate. Quod rectum est, quod ratio suadet, sequimini. Signatum est lumen vultus tui, domine, super nos, Illud errare nolentes non finit. Mementote vos esse Germanos, hoc est, populum ante alios natura liberiores, sicut hostes vestri de vobis scripserunt. Nolite alicui esse vestigales, ante omnes vero Florentinis. Proferant se in iudicium nostri episcopi, indignum servitutis jugum à cervicibus suis abicientes. Sed venerentur omnes, mustitant quidam, quod dicere non didicerunt, alii metu fulminis, nonnulli spe novi honoris. Unus omnium mihi venerabilis Laurentius sese erigit, qui sæpenumero gravem imbrem consilio: & prudentia sua à repub. Franconica amovit. Atque ideo corona aurea merito laureandus: Augustiore vero, si hanc quoque tempestatem removerit: Ad quem honorem studium omne convertat alacriter divino monitu. Nos, qui ab eo sacerdotum collegio decorati sumus, audentius deprecari volumus. Oremus pro pontifice nostro. Dominus conservet eum, & vivificet eum, & beatum faciat eum in terra, & non tradat eum in manus inimicorum ejus. In manus inimicorum traditur, quando audire contemnit eum qui dicit, Ego dominus amans iudicium, & odio habens rapinam, qui sit in sæcula sæculorum benedictus: Amen.

Ad quos spectat beneficiorum collatio, ut supra in Concilio est probatum.

¶ Finis Orationis Udalrichi (ut fertur) Huttensi.

Decretum Concilii Constantiensis, quando solvenda sit,  
sive deneganda Decima.

CUM paterna pietas filiis hominum providere debeat, licet in casu necessitatis urgentis valeat vicissitudo laudabilis. Declarat sancta synodus, non licere Romano pontifici indictiones, sive exactiones quasunque super ecclesiam, vel ecclesiasticas personas imponere per modum Decimæ, vel alio quovis modo. Si vero cum necessitas acciderit papæ, qua esset eidem debite subveniendum, vocato generali Concilio, secundum quod expediens videbitur, & utile, secundum decretum Concilii provideatur eidem.

## AD LECTOREM.

Nunc ad procemialis epistolæ ordinem revertimur, Hildebrandi historiam lecturi, in qua, Beno Cardinalis, nefanda, non ipsius solum, sed & aliorum quoque crimina commemorat. Nolim itaque ob hæc (omnes enim peccatores sumus) turbari animum tuum. Oportet utique & nos tam malorum nonnunquam (eadem est enim contrariorum disciplina) quam bonorum memores esse. Nam ut poeta cecinit, Felix quem faciunt aliena pericula cautum. Nos ergo, quamvis Hildebrando condolemus, scripta tamen Benonis immutare non possumus, nec etiam debemus, ne vel falsarii, vel historiarum corruptores fuisset videamur. Itemque, licet pontificum quorundam tyrannis enarretur, pontificia tamen dignitas, ob id ipsum, in nullo læditur, nec minus eo venerabilem cunctis esse oportet. Cæterum si Platinam Ro. si Johannem Stellam, si M. Antonium Sabellicum, Venetos, ac temporum nostri Carthusiensis Fasciculum perlustraveris, multa egregie dicta ac facta ab eo reperies. Quid igitur ad hæc dicemus? Sit Hildebrandus malus, sit Gregorius bonus. Malo tamen magis (ut pace omnium dixerim) huic Benoni Cardinali, quam Platina, aut Venetis jam tactis, cæterisque, pontificibus plus æquo faventibus, hæc in re solum credere. Scimus enim quam insensit, invictissimis nostris Imperatoribus Angustis, semper fuerint Veneti. Postremo, imponunt prædicti hi scriptores Henrico quarto Symoniæ labem, at viderint ipsi, quonam illic in loco hæc cruenta bestia, & hæc Lerna, suum gerat principatum, quin potius considerent, Imperialem penes majestatem, constituendorum pontificum potestatem præfuisse temporibus. Perpendant quoque & alii, ane ex quorundam decreto Conciliorum, ad Archiepiscopos atque Episcopos, beneficiorum spectet collatio. Vale, lector, & quid Beno loquatur ausculta.

## VITA ET GESTA HILDEBRANDI,

qui Romanus Pontifex factus, Gregorius septimus dictus est, descripta per Benonem Cardinalem, archipresbyterum sanctæ Romanæ ecclesiæ, qui eo tempore vixit: Ubi narratur, cur fuerit depositus: & miranda referuntur de aliis pontificibus Romanis, videlicet Benedicto nono, Gregorio sexto, Sylvestro undecimo, Johanne vigesimo, Leone nono, Alexandro undecimo, & aliis, quæ nullus historicorum adhuc prodidit, neque Platina, neque quisquam alius.

Reverendissimæ matri sanctæ Romanæ ecclesiæ, devotus filius ejus, & humilis servus Beno, Cardinalium archipresbyter,

Liberius  
Anastasi.

**Q**UUM de omnibus Romanæ ecclesiæ Cardinalibus ferè solus Eusebius Liberium Papam declaraverit hæreticum, & clerici Romanæ ecclesiæ Anastasium fecundum, duas ecclesias excommunicatis communicando facientem damnarent: non absurdum existimavi, majorum nostrorum nomina atque dignitates memorie commendare, qui Hildebrandum reliquerunt, cujus intolerabiles & gravissimos errores publice detestati, nunquam ad eum reverti sunt. Diversas etiam scholas Romanæ ecclesiæ literis adnotavimus, quæ ab ejus communione recesserunt. Leo tunc temporis archipresbyter Cardinalium & Beno, & Ugobaldus, & Johannes Cardinalis, & Petrus cancellarius & Cardinalis, ordinati ante tempora Hildebrandi: Natro, Innocentius, Leo, hi tres ab eo consecrati, deseruerunt eum, errores ejus execrati. Similiter Theodinus archidiaconus, quem ipse constituit archidiaconum, & alii Cardinales diaconi: Johannes modo archidiaconus, & Crescentius, Johannes primicerius scholæ cantorum, cum omnibus suis: Petrus oblationarius, cum omnibus suis, excepto uno: Papa prior scholæ regionariæ, cum omnibus suis subdiaconibus, Archiacolytus & subpulmentarius cum suis, Cencius judicum primicerius, cum aliis judicibus & cuncti milites signa banda gestantes, Prior scriniorum cum plerisque suis. Ipsi etiam episcopi cum jam vellent eum deserere, Hildebrandus, convocatis ad se laicis, eis consilium suum aperuit, & quod episcopos a colloquio Cardinalium vellet separare, indicavit. Post hæc ipsos episcopos convocavit: & turbis laicorum stipatus, sacramentum ab ipsis episcopis cum terrore & minis exegit & extorsit, & in manu sua jurare coegit, ne unquam ab eo dissentirent, nunquam regis causam defenderent, nunquam superordinato sibi papæ faverent, vel obedirent. Quo facto, eos per principem Salernitanum in Campaniam misit: & sic eos a consortio Cardinalium, & a Romana urbe separavit. Non solum episcopos, sed etiam urbis presbyteros, & inferioris ordinis clericos, insuper & laicos juramentis alligavit, ne ulla ratione, ullo tempore condescenderent in causâ regis.

Cencius.

Alexandro papa juxta vespertinam horam defuncto, eadem die contra Canones, à laicis electus est. Sed Cardinales non subscripserunt in electione ejus: sub anathemate enim canones præcipiunt, neminem eligi in sedem Romani pontificis ante diem tertium post sepulturam ipsius prædecessoris. Postquam aliunde ascendit, à consilio removit Cardinales sacre sedis.

Cum quibus personis, consilia sua diebus & noctibus habuit, Roma vidit & audivit. Ejectis à consilio & à custodia ejus Cardinalibus, vita ejus & fides & doctrina sine testibus fuit: cum sacri canones præcipiant, ut in omni loco tres Cardinales presbyteri, & duo diaconi papam non deferant, propter testimonium ecclesiasticum, & propter stilum veritatis.

Scripturas sacras violenter intorsit in adjutorium falsitatis, quod genus idololatriæ quantum sit, late patet in scriptura: sacra campis spaciosis.

Præter voluntatem & consilium Cardinalium, extra ordinem judicandi sacris canonibus determinatum, Imperatorem in nulla synodo canonice accusatum præcipitanter excommunicavit, in qua excommunicatione nullus Cardinalium subscripsit.

Hereticus 4.

Ut primum ad excommunicandum Cæsarem de sede surrexit, sedes ipsa noviter lignis fortissimè composita, subito dei nutu terribiliter scissa est in plures partes, ut manifeste daretur intelligi scissor ille tam periculosa excommunicatione, tanta præsumptione, quanta, quamque terribili schismata seminare contra ecclesiam Christi, contra sedem beati Petri, quam

quàm crudeliter dissiparet cathedram Christi, inculcando leges ecclesiæ, impetrando cum potentia & austeritate.

In descriptione ejusdem excommunicationis ea interfervit, in quibus manifeste à fide Catholica erravit, cum injuste excommunicatum Imperatorem & episcopos communicantes ei excepit ab excommunicatione, & tertio gradu communicantes eis, & unitatem ecclesiæ scindens ( quantum in ipso fuit ) duas ecclesias fecit.

Idem præsumptor jejunium indixit Cardinalibus, ut deus ostenderet quis rectius sentiret de corpore domini, Romanane ecclesia, an Berengarius. Per hoc manifeste probatus infidelis, cum in Niceno Concilio scriptum sit, quia dubius in fide infidelis est.

Et de corpore domini signum quæsit, quod petente beato Gregorio ad firmandam mulieris fidem contigit, quando panis Christi formam accepit digiti. Et misit duos Cardinales, Attonem & Cunonem ad sanctam Anastasiam, ut cum Suppone ejusdem ecclesiæ archiepiscopo triduanum jejunium peragerent, & illis tribus diebus singuli per dies singulos psalterium & missas decantarent, ut supradictum signum eis Christus ostenderet: quod minime contigit.

Imperator solitus erat frequenter ire ad orationem ad ecclesiam sanctæ Mariæ, quæ est in monte Aventino. Hildebrandus autem cum per exploratores suos omnia ejus opera sollicitè inquireret, locum in quo frequentius Imperator, vel stans, vel prostratus orabat, notari fecit: & quandam promissa pecunia, ad hoc induxit, ut supra trabes ecclesiæ, occulte lapides magnos collocaret, & ita aptaret, ut de alto super caput orantis Imperatoris demitteret & ipsum contereret. Quod minister tanti sceleris, cum festinare implere & lapidem magni ponderis super trabes aptare vellet: lapis pondere suo eum traxit, & fracta sub trabibus tabula, & lapis & ille miser homo dei judicio in pavimentum ecclesiæ cecidit, & eodem lapide contritus penitus est. Hujus rei gesta ordinem postquam Romani cognoverunt, pedem illius miseri fuge ligaverunt, & triduo per plateas urbis ad exemplum trahi fecerunt. Imperator autem solita clementia jussit eum sepeliri.

Johannes Portuensis episcopus, qui intimus fuerat à secretis Hildebrandi, ascendit in ambonem beati Petri, & inter multa audiente clero & populo, ait, Tale quid fecit Hildebrandus & nos, unde deberemus vivi incendi: significans de sacramento corporis domini, quod Hildebrandus responsa divina querens contra Imperatorem, fertur iniecissee igni contradicentibus Cardinalibus qui assistebant ei.

In Pascha domini feria secunda, cum ad ecclesiam sancti Petri ad missam clerus & populus convenisset, post evangelium in ambonem ascendit, sicut erat indutus Pontificalibus indumentis. Et in præsentia Episcoporum & Cardinalium, in frequentia cleri & senatus & populi Romani publice clamavit inter multa suæ divinationis verba, Regem Henricum usque ad proximum sancti Petri festum, sine dubio moriturum, aut à Regno penitus deiciendum, in tantum, ut ulterius non posset congregare quàm sex milites. Prædicavit etiam Episcopis & Cardinalibus & omnibus qui aderant de ambone, clamans, Nullo modo habere me pro Papa ulterius, sed ab altari me avellite, si usque ad prædictum festum prophetia hac effectum non habuerit.

Eisdem diebus paravit Imperatorem perdere per occultos proditores. Deus autem eum custodivit. Et eodem tempore fuerunt nonnulli, qui existimaverunt ipsum Hildebrandum conscium extitisse, & ordinatorem prodicionis, quia eisdem diebus paulo ante prodicionem de morte regis falso prophetata præsumpsit, Quod verbum vehementer percussit corda multorum. Et palam factum est Hildebrandum voce propria in conventu ecclesiæ esse damnatum, qui (ut dictum est) judicaverat se nullo modo esse Papam, neque pro Papa ulterius habendum, sed proditorem & mendacem esse credendum, nisi usque ad proximum festum sancti Petri Imperator moreretur, aut omni honore spoliaretur, adeo ut ultra sex milites congregare non posset, & divino nutu actum est, ut à seipso quoque damnaretur hæreticus. Sic ait Apostolicus, Dominus ipse inquit, propheta qui arrogantia depravatus voluerit loqui in nomine meo, quæ ego non præcepi ut diceret, aut ex nomine aliorum deorum, interficietur. Quod si tibi tacita cogitatione responderis, Quomodo possum intelligere verbum quod dominus non est locutus? Hoc habebis signum, quod in nomine domini propheta prædixit, & non evenit, hoc dominus non est locutus, sed per tumorem animi sui propheta confinxit, & idcirco non timebis eum.

Tèpore autè tràfacto, qd. Hildebrâdus in divinatione sua præfixit, Rege vero neq; mortuo neq; militibus suis imminuto, timens se suis verbis deprehensû, & ore proprio condemnatû, ad callida argumenta se convertit, persuadens vulgo indoctû, non de corpore regis, sed de anima regis prophetasse: quasi anima regis milites omnes præter sex perdidisset, vel illo spatio mortua esset. Et his verbis vulgum indoctû delusit. Contra hujusmodi prophetas beatus

Gregorius  
septimus Pa-  
pa, dubitavit  
de eucharistia  
an ita esset  
caro, quod  
negabat Be-  
rengarius, ve-  
terum quo-  
rundam sen-  
tentiam se-  
quutus,  
Qui Pontifi-  
cem Roma-  
num non ve-  
rius est voca-  
re pulpifex  
quod pulpari  
id est, carnem  
illuc esse defi-  
nierit. Sed  
revocare  
costus est,  
ut patet  
in Decretis  
Henrici  
quartus.

Grego-

Gregorius super Ezechielem ait: Inter prophetas veros & falsos ista est distantia, quia prophetae veri si quid aliquando per suum spiritum dicunt, citius corriguntur. Prophetæ autem falsi, & falsa denunciant, & alieni a Sancto Spiritu in sua falsitate perdurant.

Tres homines non convictos, non confessos, absque secularibus iudiciis Hildebrandus morti adjudicavit, & eos in patibulis juxta ecclesiam sancti Petri, in loco, qui dicitur Palatiolum, interficere suspensos coegit, sine dilatione, sine discussione, contra leges quæ præcipiunt etiam manifestos reos intra spatium, & retractionem triginta dierum non interficere. Quæ etiam apud Paganos vigent & servantur, sicut docet auctoritas beati Ambrosii, & passio sanctorum Marcellini & Marci.

Centius.

Centium filium præfecti Stephani, prius fidelem suum, in carcerem misit & in vase undique aculeis vestito, mille & mille mortibus cruciavit. Qui postquam evasit, ipsum Hildebrandum cepit. De cujus captione antequam evaderet, omnibus qui captivum illius cooperatores fuerant, hoc debitum publice remisit, quod postea infideliter vindicavit. Centium cui omnia remiserat, persequi coepit: & novem de hominibus Centii in patibulis suspensus interfecit ante portas sancti Petri.

Filius cuiusdam viduæ captivum ejus interfecit, cui cum multis aliis poenitentiam & exilium unius anni indixit. Quo expleto, vidua ampliori satisfactione volens placare animum Hildebrandi, funem immisit collo filii sui, & fune filium trahens, pariter cum filio ad pedes Hildebrandi protulit dicens, Domine Papa, de manu tua volo recipere filium meum, qui exilium unius anni, & poenitentiam a te injunctam porrahit. Ad hæc Hildebrandus in præsentem propter eos qui aderant, iram dissimulans, filium ei reddidit, cum austeritate dicens, Vade, vade foemina, dimitte me in pace. Postea missis apparitoribus suis, filium viduæ apprehendit, & iudicibus, ut eum morti damnaient, præcepit. Qui uno ore responderunt, se ulterius non posse illum condemnare, qui ad iudicium Papæ confugisset, & poenitentiam, & exilium unius anni ab ipso Papa injunctum, jam implevisset. Ad hæc gloriofus Hildebrandus iudicibus iratus, præcepit abscondi pedem filio viduæ, quæ frustra apud Hildebrandum existimaverat poenitentiam, & leges, & jura valere. Et pede truncato, dolore illo post triduum mortuus est.

Multa quidem alia fecit Hildebrandus, in quem clamat sanguis ecclesiæ gladio linguæ ejus miserabili proditione effusus, propter quæ a communione ejus iustissime ecclesia rececit, sicut fecerunt Imperatores nostri temporibus apostatarum Liberti & Anastasii.

Ut Liberti festum celebraretur, iussit. Hoc præcepto ejus hæresim firmavit, qui ex laudabilibus meritis damnabiles exitus habuit.

Die quodam, cum de Albano Romam veniret, oblitus est secum ferre familiarem sibi librum necromanticæ artis, sine quo nusquam aut raro incedebat. Quod cum in itinere ei ad memoriam redisset, in introitu portæ Lateranensis festinanter vocavit duos de familiaribus suis assuetos & fidos ministros scelerum suorum, & ut eundem librum citissime sibi afferrent præcepit, & terribiliter interminatus est, ne librum in via aperire præsumerent, ne ulla curiositate secreta libri investigarent. Sed quanto amplius inhibuit, tanto vehementius eorum curiositatem ad investiganda ejusdem libri arcana accendit. Igitur dum in reditu librum referassent, & diabolicæ artis præcepta curiose legerent, subito affuerunt angeli satanæ, quorum multitudine & horrore duo illi juvenes prope effecti amentes, vix ad se reverti sunt. Et (ut ipsi retulerunt) maligni spiritus instabant, dicentes, Ad quid nos vocatis? quare fatigastis? cito præcipite quod nos agere vultis, alioquin insurgemus in vos, si nos diutius teneritis. Ad hoc alter juvenum, Festinanter (inquit) muros illos dejicite. Et hæc dicens, manu ostendit muros altos vicinos Romæ, quos in momento maligni spiritus dejecerunt. Et juvenes Sanctæ Crucis signo se signantes, tanto terrore exterriti, tremantes & palpitantes, vix Romam ad dominum suum pervenerunt.

Venerandis ecclesiæ Romanæ patribus, & dilectis in Christo & semper diligendis fratribus B. Cardinalis Romanæ ecclesiæ fidele servitium, & salutem, servantibus ecclesiæ Catholicæ communionem. De cujus communionem & disciplinam, vel potestate, frustra sibi applaudit quisque injuste ex potestatis præsumptione quinquam ligaverit vel solverit. Injuste autem ligat, quisquis aliquem paratum satisfacere & audientiam implorantem, neque convictum, neque sponte confessum anathematizat: immo seipsum frustra maledicendo, quasi proprio jaculo in se intorto maledicit & condemnat. O nova proditio procedens de sanctuario! immo de eo qui ut summus sacerdos videbatur ecclesiam regere, & senioribus iudicibus præesse.

Contra Platina & alios.

Hildebrandus instabat imperatori, ut ejiceret episcopos symoniacos. Imperator credens, quasi ex zelo legis, quasi à throno dei præcedere hæc mandata, sine mora obediebat, sine mora, sine discussione, sine iudicio ordine episcopos ejiciebat: dum per hunc obedientiam se deo sacrificare existimabat, dum adhuc versutias Hildebrandi minus intelligebat.

Hilde-

Hildebrandus vero expulſos à rege ſymoniacos, relocabat: & quos regi infeſtos reddiderat, eos ſibi familiari amicitia reconciliabat: & multis & magnis juramentis ſibi fidos & obnoxios efficiens, præ aliis exaltabat. Et modico tempore iis artibus regia domo perturbata, & pene amicus deſtituta, ſibi vero amicitia majorum principum comparata, ex improviſo ſine legitima accuſatione, ſine canonica vocatione, ſine judiciario ordine, obedientem ſibi Imperatorem excommunicavit, & regni principes ab eo ſeparavit. Et cum Apoſtolus præcipiat, ne quis circumveniat in negotio fratrem ſuum, quantum in eo fuit, mortificavit potius, quàm caſtigavit. Sic autem Imperator multimode circumventus, præter Canonicum ordinem excommunicatus, & conſenſu Hildebrandi & conſilio, magna ex parte imperii honore expoliatus, & bellis & cædibus immentis fidelium ſuorum prægravatus, fruſtra Canonicam audientiam imploravit, & extortam confeſſionem invitus ac coactus apud Canoniſum in præſentia Hildebrandi protulit. Dicite, quaſo, qui juſtitiam diligitis, qui ad dextram vel ſiniſtram favore alicujus perſonæ declinare non noſtis, dicite, quaſo, ſi confeſſio tanto tempore extorta cuilibet pauperi, nedum Caſari præjudicare debuit, ſi ex confeſſione extorta potius non extitit reus Canonum hic, qui extorſit, quàm qui perverſe judicatus, perverſoris judicis injuriam & violentiam patienter & publice, & cum lachrymabili afflictione, nudis pedibus, in laneis veſtibus, hyeme præter ſolitum aſpera, apud Canoniſum ſpectaculum angelorum factus & hominum, & Hildebrandi ludibrium, triduo pertulit? Dicite, quaſo, ſi quiſquam ſanctorum Pontificum, quenquam plebeium, niſi aut ſponte confeſſum, aut in ſynodo convictum, nec in eadem Provincia, ſed in longinquis terrarum partibus ſemotum, tam præcipiti judicio damnare præſumpſit? Si quis tam audacter abſuſus eſt poteſtate ligandi & ſolvendi? Equidem Ambroſius Theodoſium ligavit, ſed præſentem ſponte confeſſum. Maximus Salonitanus epiſcopus per plures annos extra Provinciam ſui epiſcopatus apud Romam apud beatum Gregorium de ſymoniaca hæreſi, de diverſis adulteriis accuſatus, uno tandem anno deficientibus accuſatoribus ſacramento ſola manu præſtito, purgatus eſt, ſicut in regiſtro ejusdem beati Gregorii legitur. Et beatus Auguſtinus in libro de poenitentia, Satis (inquit) oſtendit Apoſtolus, non temere, & quomodolibet, ſed per judicium auferendos eſſe malos ab eccleſiæ communione, ut ſi per judicium auferri non poſſint, tolerantur potius, ne perverſe malos evitando ab eccleſia ipſe diſcedens, eos quos fugere videtur vinciat ad gehennam. Multi (inquit) corriguntur, ut Petrus: multi tolerantur ut Judas: multi neſciuntur, donec veniat dominus, qui illuminat abſcondita tenebrarum. Et quidam (inquit) metuentes præcepta ſeveritatis, quibus admonemur corrigere inquietos, non dare ſanctum canibus, ut Ethnicum habere eccleſiæ contemptorem, à compage corporis membrum quod ſcandalizat evellere, ita perturbant eccleſiæ pacem, ut conentur ante tempus ſeparare zizania, atque hoc errore cæcati, ipſi potius à Chriſti unitate ſeparantur. Qualis nobis cauſa eſt adverſus ſchiſmata Donati, & non cum illis, qui noverunt Cecilianum, non veris, ſed calumniſis criminibus appetitum, & pernicioſam ſententiam ſuam mortifero pudore non deferunt: ſed cum illis, quibus dicimus, etiamſi mali fuiſſent, propter quos in eccleſia non eſtis vos, tamen eos ſerendos, quos emendare ut ſegregare minime poteratis, in eccleſia permanere debuiſtis. Et paulo poſt: Nos (inquit) ad ſanam doctrinam pertinere arbitramur, ex utriſque testimoniis vitam, ſententiamq; moderari, ut canes in eccleſia propter pacem eccleſiæ toleremus, & canibus ſanctum ubi eccleſiæ pax tuta eſt, non demus.

Hildebrandus autem non ſolum eccleſiæ perturbavit pacem, ſed etiam eccleſiaſticam ſcikit unitatem, & unicæ fidei veſtem inconfuſilem, dum Caſarem & epiſcopos communicantes Caſari, abſque judiciario ordine excommunicabat: & tertio gradu communicantes eis, ab excommunicatione nova pietate excipiebat: quos hujusmodi artibus, & regi ſubducere, & ſibi allicere ſolent.

Dicant nunc Hildebrandi diſcipuli, quibus commentis, quibus coloribus deaurare poſſint, quod ipſe Hildebrandus in ſynodo generali hæretica prædicavit, prædicando excommunicatis communicare conſenſit, prædicata ſcripſit, prædicatione & ſcriptis alteram catholicam, alteram excommunicatorum eccleſiam faciens, unitatem ſcikit, & ſcripta per orbem terrarum diſſeminavit: prædicando, ſcribendo, ſcripta diſſeminando ſeipſum hæreticum manifeſtavit, & ore proprio, & confeſſione hæreſeos non extorta divino urgente judicio condemnavit, dum vulgus erroneum ſanctum exiſtimaret, & Apoſtoliſ exagquaret ſpiritum tanti erroris, cum etiam prudentiores ejus laqueis caperentur & inducerentur in tentationem ſi fieri poſſet etiam electi.

Mentimur, niſi tredecim Cardinales ſapientiores & religioſiores, ipſe archidiaconus, & ipſe Primicerius, & multi alii Lateranenſium clericorum, quorum judicio ex privilegio ſanctæ ſedis totus ſubjacet mundus, apoſtaſiam ejus intolerabilem perpendentes, ab ejus communione receſſerunt.

Dicant

Hoc eſt contra Patricum & Joh. Sellam Venerum.

Vide obedientiam Gregorii Caſari.



Dicant (oramus) Hildebrandi discipuli, qua præsumptione magister eorum unitatem Ecclesiae in duas vel plures partes divisit? Si enim Caesarem iniuste & absque iudicio ordine damnavit, seipsum potius ab ecclesia separavit. Si vero iustas excommunicationis gladium in Caesarem vel episcopos communicantes Caesari exeruit, quare communicantes ipsi episcopi tertio gradu per scripturam excipiendi absolvi? Nunquam etiam unius dei infans ab excommunicatis conceditur aliqua necessitate baptizari, vel ab excommunicatis baptizatus, & continuo mortuus creditur salvari. Equidem sacer Chalcedonenſis Canon praedicat apud haereticos non posse ad salutem baptizari, & damnat eos qui parvulos extra ecclesiam baptizandos obtulerint. Quid proprie de parvulis apud excommunicatos baptizatis beatus Augustinus scribat Bonifacio episcopo, in serie ejusdem epistolae, facile & lucide potest reperiri: Reperitur & hoc ipsum in epistola beati Gregorii, quam pro parvulis sollicitus, episcopus Longobardiae misit. Reperitur etiam multipliciter in campis sacrae scripturae latis & spaciosis.

Urbanus  
secundus.

Gloriosus autem Hildebrandus, & pedissequus ejus Turbanus, nova potestate solventes Decreta Chalcedonenſis Concilii, non solum verbis, sed & scriptis publicis consenserunt extra ecclesiam communicare & baptizare: quam caci essent, quam haeretici scriptis propriis deprehensi. Pro nefas! ii praesumpserunt de ecclesia judicare, qui nusquam reperiuntur non errasse, quibus etiam ipsa veritas reputatur in mendacium, quam solo fallendi studio verbis & scriptis suis, ne venena erroris eorum perciperentur, quasi mel venenicosum more admiscuerunt. Mendacium enim est (ut beatus Augustinus ait) omnis enunciatio prolata intentione fallendi.

Uterque autem Hildebrandus scilicet & Turbanus in haeresim Liberii recidit, qui postquam publice communicavit excommunicatis duas ecclesias faciens, unitatem scidit. Sed non tacuit beatus presbyter Eusebius, quo legitime defendente unitatem usque ad mortem, & vita & morte ejus clarificante doctrinam catholicam, Liberius declaratus est haeticus.

Liberium unus Eusebius communionem ejus deferendo, & juxta evangelium tanquam Ethnicum & publicanum devitando ligavit, uno spiritu cum beato Augustino, magis opere, quam verbo dicens: Coepisti habere fratrem tanquam publicanum, ligas illum in terra, sed ut iuste facias, vide, nam injusta vincula iustitia dirumpit.

Unus Eusebius Liberium recedendo a communione ejus ligavit, quanto magis Hildebrandus in errore perseverans cum angelis suis apostatis damnatus in abyſsum relegatus est, Romanae ecclesiae patribus ab ejus communione recedentibus, & ejus haereses & ligandi & solvendi abusionem execrantibus.

Anastasio papa canonice intravit, sed quia uni excommunicato sine satisfactione publica communicavit, quidam Romanorum clericorum ex potestate & privilegio sanctae sedis communionem ejus deferentes eum ligaverunt, quia communicando excommunicato ecclesiam dividere praesumpsit. Hildebrandus vero a discipulis suis sanctus praedicabatur, quasi aequalia & longe deteriora non commiserit, quasi Romanae ecclesiae clerici & laici publice ab ejus communione non recesserint.

Sileant hypocritae (sicut ait beatus Petrus) pyratibus similes, beati Petri nomen igne malitiae sub nomine catholico, sub obtentu iustitiae artificiose supposito destruentes, & fere demergentes. Obstupescant pseudoprophetae ad vocem Petri, in facie humani, in cauda scorpionum, lupi sub ovina pelle latentes, corpora trucidantes in oris gladio, & animas pariter devorantes, quorum religio nihil aliud redolet, nisi proditorem & avaritiam, penetrantes domos viduarum, captivas duxerunt mulierculas oneratas peccatis, sub occasione impacati temporis attendentes spiritibus erroris & doctrinis demonum, quas accepit Hildebrandus magister eorum a magistris suis, a Theophylacto, qui cognominatus est Benedictus Papa novus, a Laurentio, a Malistano archiepiscopo, a Johanne archipresbytero sancti Johannis de Porta Latina, qui postea cognominatus est sextus Gregorius Papa.

Theophylactus sacrificiis demoniorum deditus in sylvis & montibus, mulieres post se currere faciebat, quas magicis artibus ad sui amorem coegerat. Testantur hoc libelli ipsius inventi in domo ejus, postquam vitam male finiverat. Et haec fabula adhuc rusticis Romanorum est notissima. Is dum ad ecclesiam rediret de sylvarum secretis, ubique secum habens praedictum Laurentium principem malefactorum, cum eo etiam publice de Mathei disputabat, & vulgus avidum novarum rerum, novis divinationibus in sui admirationem excitabat. Nomen autem Laurentii apud simplices pro eo habebatur celebre, quia videbatur aliquando ex improviso prophetae. Et de complice & discipulo suo Papa, securus gaudebat etiam publice in conventu episcoporum & cardinalium & senatorum auguria sua magnificare, & ad tantum avium subito auguria denunciare, quid ipso die, vel hesterno, vel nudius tertius factum esset in oriente & occidente, in meridie, in septentrione, & in remotioribus vel extre-

Gregorius  
sextus.  
Benedictus  
novus Papa.

mis terrarum partibus, five de bekis, five de morte principum. Ad quem tentandum cum die quodam multi convenissent, subito audita est avicula, quæ vulgo passer dicitur, dulces voces frequentare. Et Laurentius subito interrogatus, in præsentia Theophylacti & episcoporum, qui conveniant, quæ avis illa caneret, subito respondens, Avicula hoc (inquit) aliis canit aviculis, ut cito conveniant ad portam majorem, ubi modo fractus cujusdam rusticici currus, & effusum est milium quod super illum ferebatur. Invitat autem frequentanti, ut illuc cito conveniant, & saurentur. Quo audito, plures altantium concito cursu majorem portam aliis alium certatim prævenerunt, & sicut dixerat, invenerunt.

Auguria ejus nullo divinæ legis zelo vindicabantur, insuper à complice suo papa semper magnificabantur. Unde factum est, ut aliqui curiosa sectati publice, & libere frequentarent contubernium & magisterium ejus. Morabatur autem in domo prædicti archipresbyteri Johannis de porta Latina, qui studiose ejus magisterio adharebat & imbuebatur artibus illius.

Theophylactus autem & Laurentio adhuc juvenibus, infecerat urbem iis maleficiis Gerbertus ille, de quo dictum est.

Transit ab R. Gerbertus ad R. post Papa viget R. Et Gerbertus quidem paulo post complerum millenarium ascendens de abyssu permissionis divinæ, quatuor annis sedit, mutato nomine, dictus Sylvester secundus. Et per quæ multos decepit, per eadem demonum responsa deceptus, morte improvisa, dei judicio est interceptus. Hic responsum à suo demone acceperat, se non moriturum, nisi prius in Hierusalem missa ab eo celebrata. Hac ambage, hac nominis æquivocatione delusus, dum civitatem Hierusalem prædictam sibi credit, Romæ in ecclesia, quæ vocatur Hierusalem, missam faciens in die stationis, ibidem miserabili & horrida morte præventus, inter ipsas mortis angustias supplicat manus & linguam sibi abscindi, per quas sacrificando demonibus deum inhonoravit. Et hic quidem dignum suis meritis exitum invenit. Sed discipulos illius Theophylactum & Laurentium magistri mors terribilissima à studiis idololatriæ non absternuit, quibus ultio divina (ut paulo post dicendum est) non defuit.

Sylvester secundus.

Igitur post infelicem exitum Gerberti, certamen erat inter discipulos ipsius, dum quisque anhelaret ad rapiendum papatum sibi. Sedit autem post eum octavusdecimus Johannes, & quinto mense veneno suffocatus dicitur à suis. Huic successit nonusdecimus Johannes & vix annum peregit. Cui successit unus Sergius, & sedit tribus annis. Anno quinto post Gerbertum, sedit octavus Benedictus, laicus, frater Albrici Tusculanensis, patruus Theophylacti, & undecimo anno decessit. Huic successit frater ejus carnalis, & patruus Theophylacti vigesimus Johannes Neophytus, & sedit annis novem. His duobus suis patruis successit Theophylactus, & anno vigesimo quinto post Gerbertum magistrum suum sedem fraudulenter obtinuit; Theophylactus in sylvis à demone suffocato, archipresbytero in exilium abducto, Laurentio in fugam præcipitato. Anno igitur post Gerbertum vigesimoquinto Theophylactus discipulus ejus sedem violenter obtinuit, & consilium suum Laurentium, & archipresbyterum Johannem Gratianum intimos & secretorum confcios habuit.

Johannes decimus octavus, Johannes decimus nonus, Sergius quatuordecimus, Benedictus octavus, Johannes vicefimus, Benedictus nonus.

Eodem tempore Hildebrandus, derelicto monasterio, prædicto archipresbytero adhaesit, & archiepiscopi Laurentii magisterium sequutus, in brevi factus est utriusque magistri imitator egregius. Qui cum vellet, manicas suas discutiebat, & in modum scintillarum ignis dissiliebat: & iis miraculis oculis simplicium, velut signo sanctitatis ludificabat. Et quia diabolus per paganos Christum publice persequi non poterat, per falsum monachum sub habitu monastico, sub specie religionis, nomen Christi fraudulenter subvertere disponebat. Sed quamvis peccatis exigentibus talia fieri permitteret dispensatio divina, tamen tempus retributionis propinquabat.

In diebus illis, defuncto Conrado, legis & religionis cultore fidelissimo, Romanorum Imperatore Augusto, Theophylactus, qui & Benedictus nonus, habito consilio cum familiari suo Laurentio & aliis suis complicitibus molitus est filium Imperatoris Conradi, Henricum Imperatorem successione imperii exturbare & in ecclesia schismata diversâ seminare. Hoc enim est quod amplius exigitur à mundi principio, à tenebrarum principe. Misit igitur coronam Romanici Imperii Petro regi Hungarico. Sed ad Petrum expugnandum direxit Imperator Henrici ducem Lotharingæ Godfridum, virum fidelem, & bello strenuum, & inter regni principes clarissimum. Qui primo conflictu, Petrum bello captum, & omnes vicinas nationes, ne in eum aliquid præsumerent, deterruit, ut digna factis tanti schismatis authori Theophylactus redderet, Romam venire disposuit.

Conradus Augustus, Benedictus 9. Petro regi Hungariæ mitit coronam cum hoc versiculo, Petra dedit Romam Petro, tibi Papa coronam. Benedictus nonus vendidit Pontificatum Gregorio 6.

Quo audito, Theophylactus timore perterritus, vendidit papatum complici suo, prædicto archipresbytero ecclesiæ sancti Johannis de porta Latina, magistro Hildebrandi, acceptis ab eo libris mille quingentis. Qui ascendens sacrâ sedem tantæ iniquitatis gradibus nomine mutato dictus est sextus Gregorius. Igitur Hildebrandus in schola tam profundæ perversitatis, usu &

& arte edoctus, erat tantorum fidus minister maleficiorum & pessimis magistris pejor discipulus. Quod ex fructibus perfidiæ ipsius postea percepit ecclesia, per eum sub obtentu Catholicæ nominis gravi schismate lacerata: percepit & mundus bellis feralibus, & immensis cædibus ipso auctore lanatus, & sub colore mellis veneno propinato hæreticis nefandissimis prope suffocatus.

Sylvester  
tertius.

Eisdem diebus superpositus est in papatum prædicto archiepiscopo Sabinensis episcopus, qui mutato nomine dictus est Sylvester tertius: & factum est, ut Romana ecclesia in partes diversas scindi videretur.

Henricus Au-  
gustus.

Cum autem tanta perveritas Romam ludificaret, divino nutu affuit Imperator Henricus, & (ut multa breviter concludam) religiosorum cardinalium precibus efflagitatus, ipsi authoribus, Romanam ecclesiam, pro loco officii sui, pro officio imperiali, pro potestate sibi à sacris Canonibus concessa, ad purgandam ecclesiam, ad extirbandum & ulciscendum ut sacrilegos devotum se præbuit. Theophylactum in fugam coegit. Sextum Gregorium in custodiam reclusit, quem postea in exilium misit. Sabinensem episcopum, quem non ambitio, sed vis ad Papatum coegerat, ad sedem propriam redire compulsi. Romana vero ecclesia ejus respirans auxiliis, secundum Clementem papam elegit, sub quo ecclesiæ unitas, à quo & subsequenter Romanorum Imperator Augustus, venerandæ memoriæ Henricus coronatus est: & pro tantis meritis unice glorificatus triumpho singulari, unici amoris privilegium pellendo idololatrias, Symoniacos, & unitatem ecclesiæ defendendo promeruit.

Clemens se-  
cundus.

Gregorius  
sextus, & Hil-  
debrandus in  
Germaniam  
deportantur.

Quibus strenue peractis, sextum Gregorium (ut supra dictum est) cum Hildebrando discipulo suo in Teutonicas partes deportatione damnavit. Nimia tamen pietate deceptus nec ecclesiæ Romanæ, nec sibi, nec generi humano prospiciens, novos idololatrias nimis laxè habuit, quorum memoriam æterno carcere à contagione hominum remove debuit.

Defuncto autem in exilio sexto illo Gregorio, Hildebrandus perfidiæ simul & pecuniæ ejus hæres extitit.

Damasus  
secundus.

Eodem tempore Clemens papa defunctus est. Huic successit Damasus, & sedit viginti tantum & tribus diebus, veneno (ut dicitur) propinato suffocatus.

Theophylactus enim magister Hildebrandi post fugam reverfus Romam cum familiari suo Laurentio, multis maleficiis sacram sedem vexabat, & per literas discipuli sui Hildebrandi, ea quæ in palatio Imperatoris gerebantur, resciebat. Eo igitur immaniter vexante, iterum Romana ecclesia legatum ad Imperatorem dirigit, ut consilio Cardinalium papam eligendum Romam mittat, exposcit.

Leo nonus  
filius comitis  
de Dagiburg.

Bruno igitur qui & Leo, ex consilio Cardinaliū Romam invitus & coactus dirigitur. In cujus comitatu nimia Imperatoris indulgentia permixtus est reverti Hildebrandus, hac permissione sacerdotium pariter & regnum sub specie religionis everfurus, & juramenta Imperatori præstita non diu servaturus.

Hildebrandus  
fit custos altaris  
sancti Petri.

Brunoni igitur multa loquendo in itinere se supposuit. Et, ut Romam venit, ab eo obtinuit, ut fieret unus de custodibus altaris beati Petri. Et in brevi loculos implevit: & cui pecuniam illam committeret, filium cujusdam Judæi noviter quidem baptizatum, sed mores nummulariorum adhuc retinentem, familiarem sibi fecit. Et jam diu conciliaverat sibi quandam alium incomparabilibus maleficiis assuetum Gerhardum nomine, qui cognominabatur Brazutus, amicum Theophylacti, qui subdola familiaritate dicitur sex Romanos Pontifices intra spatium tredecim annorum veneno suffocasse, quorum nomina hæc sunt: Clemens qui sexto Gregorio damnato & Theophylacto expulso sedit mensibus novem, & diebus septem: Post Clementem Damasus, qui sedit dies viginti tres: Post Damasum Leo, qui sedit annis quinque: post Leonem Victor, qui sedit annis duobus, mensibus tribus, diebus septem. Post Victorem Stephanus, qui sedit menses septem, dies viginti octo. Post Stephanum Benedictus, qui sedit menses septem, dies viginti. Hic non veneno, sed vi & dolis Hildebrandi fuit ejectus. Post Benedictum Nicolaus, qui sedit annis duobus, mensibus sex, diebus viginti quinque.

Gerhardus  
Brazutus.  
Sex Pontifices  
Romani ve-  
neno occisi.

Hujus tempore Hildebrandus prædictis duobus familiaribus suis pecuniam suam & consilia sua communicavit, & per eos venales linguas multorum sibi comparavit. Et post hæc Theophylactum antiquum dominum suum, & magistrum simultantem penitentiam Leoni Papæ in dolo reconciliavit, & Theophylacti consilio & factione ipsum Papam Leonem contra Normannos animavit.

Leo decipitur

Igitur Leo Papa, eorum dolos minus intelligens, & Romam deferens, alpes transivit, & multis Teutonicis sibi aggregatis ad expugnandos Normannos, Romam rediit, & Hildebrando & Theophylacto instigantibus in Apuliam contra Normannos transivit. Et quia Theophylactus manifeste eum lædere non audebat, simulato obsequio cum eo manens, & ingressus & egressus ejus explorans, singula per secretos nuncios intimabat Normannis, & in

manus

manus eorum Hildebrando dictante, ipsum papam tradidit. De quorum manibus, vix papa (interfectis per prodicionem Teutonicis) desolatus evasit.

Leone post modicum defuncto, Theophylactus de parentum potentia præsumens, Romanam ecclesiam, quam prius toties vexaverat, iterum vexare non desistit.

Interim Hildebrandus novus Proteus, novis præsumens tergiversationibus, de Roma ad Imperatorem, de Imperatore ad Romam absque consilio Romanæ ecclesiæ discurrebat. Et si quis alius in papatum eligeretur quam ipse, prædictus Gerhardus, cognomine Brazutus, familiaris ejus, in brevi illum veneno suffocabat.

Postquam autem sedit Nicolaus papa, Hildebrandus, quia papatum adipisci non potuit, <sup>Hildebrandus fit archidiaconus.</sup> ad archidiaconatum quoquo modo invadendum se convertit. Et Mancium tunc archidiaconum Romanæ ecclesiæ multis injuriis afflixit & circumvenit. Qui victus contumeliis & dolis, & pecunia deceptus Hildebrandi, ad ultimum concessit ut Hildebrandus vice ejus archidiaconatu fungeretur.

Hac concessione Hildebrandus arrepta, Nicolaum papam ex improviso aggressus, coegit inverecundis precibus & minis militum, quos pecunia collegerat, metum etiam mortis quibusdam terribilibus significationibus incutendo, ut eum archidiaconum ordinaret & constitueret. Et post paucos dies ipse Nicolaus defunctus est, veneno (ut dicitur) suffocatus.

Cardinales autem ambitionem Hildebrandi non ignorantes, Imperatorem multis precibus coegerunt, ut eis in electo suo Parmensi episcopo Cadolo favorem & auxilium præstaret. Quod factum cor Hildebrandi altius percussit; & manifeste factus est Imperatoris inimicus. Omnia jurata fidelitatis vincula dirupit: & facta conspiratione cum inimicis Imperatoris, & cum Normannis, quem Parmensi episcopo Cadolo a Cardinalibus electo apponeret, Anselmum Lucensem episcopum decepit, & eum in papam eligi a quibusdam Romanis fecit. Et ipsum Anselmum, mutato nomine, Alexandrum vocaverunt. <sup>Clemens.</sup>

Igitur Anselmum quem in dolo elegerant, pariter & Parmensem episcopum, quibus poterat artibus vexabat, quia utrius succedere anhelabat. <sup>Alexander.</sup>

Igitur ubi Alexander intellexit se dolis & arte à Hildebrando & inimicis Imperatoris electum, & inthronizatum, die quodam, cum intra missarum solennia sermonem haberet ad populum, prædicavit se nolle sedere in sede Apostolica, absque licentia & gratia Imperatoris: Et publice dixit, se literas hujus rei gratia missurum ipsi Imperatori. Quo audito, Hildebrandus vix manus, multa murmurando, donec missa completeretur, abstinuit. Missa expleta, ipsum Alexandrum cum militari manu ab altari duxit in cameram, & nondum exutum pontificalibus indumentis, pugnis dure colaphizavit, increpans & improprians, quòd vellet inquirere gratiam Imperatoris. Et statuit, ut ex eo die non daretur ei amplius, quam quinque solidi Lucensem denariorum. Et extunc ipse Hildebrandus omnes redditus Romanæ ecclesiæ sibi retinuit, & immensam pecuniam congregavit. <sup>Notetur hic Imperatorum auctoritas.</sup>

Alexandro igitur sub miserabili jugo Hildebrandi, quodam vespere defuncto, eadem hora Hildebrandus à suis militibus sine assensu cleri & populi est inthronizatus, timens ne alius per moram eligeretur. In cujus electione nullus Cardinalium subscripsit. Ad quam cum veniret abbas Cassinensis, ait ipse Hildebrandus, Frater nimium tardasti: Respondit abbas, Et tu, Hildebrande, nimium festinasti, qui, nondum sepulto domino tuo papa, sedem Apostolicam, contra canones, usurpasti. Hoc modo inthronizatus Hildebrandus, qualiter vixerit, qualiter à se Cardinales, qui testes vitæ & doctrinæ ejus esse debuerant, removerit, quam miserabiliter vexaverit, quantis hæresibus mundum corruperit, quanta perjuria quam immensas perditiones consecraverit, vix à multis describi potest. Clamat tamen altius san- <sup>Hildebrandus usurpat pontificatum.</sup> guis Christianorum eo autore & incentore miserabiliter effusus.

## ¶ HOC EST DECRETUM HILDEBRANDI,

In quo à doctrina & fide Catholica aberravit.

**G**regorius papa Romanæ synodo præsidens dixit, Nos sanctorum prædecessorum nostrorum statuta tenentes, eos qui excommunicatis fidelitate aut sacramento constricti sunt apostolica auctoritate à sacramento absolvimus, & ne sibi fidelitatem observent, omnibus modis prohibemus. Item: Et quoniam multos peccatis nostris exigentibus pro causa excommunicationis perire quotidie cernimus, partim ignorantia, partim etiam nimia simplicitate, partim timore, partim etiam necessitate, de victu unâ anathematis sententiam ad tempus, prout possumus, temperamus opportune. Apostolica itaque auctoritate ab anathematis vinculo subtra-

H

subtra-

subtrahimus; videlicet uxores, liberos, servos, ancillas, seu mancipia: necnon rusticos & servientes, & omnes alios, qui non adeo curiales sunt, ut eorum consilio scelera perpetrentur. Et illos qui ignoranter excommunicatis communicant: seu illos qui communicant cum eis, qui communicant excommunicatis. Quicumque autem aut orator, sive peregrinus, aut viator in terram excommunicatorum devenerit, ubi non possit emere, & non habet unde emat, ab excommunicatis accipiendi licentiam damus. Et si quis excommunicatis non pro sustentatione superbiæ, sed humanitatis causa aliquid dare voluerit, non prohibemus.

## LITERÆ QUIBUS VOCATI SUNT Hildebrandini ad audientiam.

**A** Delbertus episcopus sanctæ Rufinæ, sylva candidæ. Johannes episcopus Hostiensis. Hugo episcopus Praenestinus. Albertus episcopus Nephesinus. Beno Cardinalis, presbyter urbis Romæ. Romanus Cardinalis, presbyter urbis Romæ. Guido Cardinalis, presbyter urbis Romæ. Octavianus Cardinalis, presbyter designatus. Paulus primicerius Romanæ ecclesiæ. Nicolaus electus Abbas sancti Sylvestri urbis Romæ. N. Abbas sancti Pancratii urbis Romæ, & clerus: Et clarissimi principes laici, Theobaldus Chinebii, & Udalricus de sancto Eustachio, & populus Romanus, omnibus deum simentibus, & salutem Romanæ reipublicæ diligentibus.

Nolumus ignorare prudentiam vestram, quod ad destruéndas hæreses, noviter ab Hildebrando inventas, & antiquas sub nomine pietatis impiè ab ipso renovatas, & ad defensionem fidei catholicæ, & ad exterminandam impietatem eorum, qui noviter ipsam fidem catholicam (quantum in ipsis erat) scindere non timuerunt, deo auctore Nonis apud sanctum Blasium convenimus, octavo Idus apud sanctum Celsum, septimo Idus apud sanctam Mariam, in ecclesia quæ vocatur Rotunda confedimus, ipsas hæreses damnatas, sicut majores nostri & nos damnamus, omnes sectatores, communicatores, complices seniel damnatæ pravitatis pari sorte censemus, ne si vel paululum taceamus consentire videamur. Eos vero, qui autoribus errorum communicant data securitate libere veniendi, & abundi vocamus, & ut per majores suos dominum Raynerium, & Johannem Burgundionem causam suam agant, admonemus: securitatem integram in quantum possumus, usque ad festum omnium sanctorum proponimus, etiam cum in causa sua defecerint, neminem circumvenientes, nullius sanguinem, sed omnium vitam & honorem sitientes, nec seditiones in populo commoventes. De causa enim sua diffidere videtur quisquis author est seditionis. Pacem veram, dilectionem sinceram proponimus omnibus, pacem & veritatem & unitatem catholicæ ecclesiæ amplectentibus, ut simus filii patris nostri, qui in cœlis est. Qui enim ex patre diabolo sunt, opera patris sui faciunt, conspirationibus, seditionibus, cujus filii sint, manifeste ostendunt. Nos vero illius discipuli esse desideramus, cujus doctrina etiam inimicis sane est intelligenda. Orent pro nobis ecclesiæ filii, ut crescat sermo domini, &c. Data Romæ, contra schismaticos in sacro conventu. Anno ab incarnatione domini millesimo nonagesimo octavo, indictione sexta, septimo Idus Augusti.

His literis vocati sunt, declinarunt autem audientiam schismatici per sedecim annos, per obsides potentes & clarissimos, & sacramenta sibi oblata invitati, ne caperentur suis mendaciis, ne suis libellis convincerentur, quibus auctores eorum corruerunt terram hæresibus variis, longe lateque disseminatis per apostolos multiplicis erroris. Sacer enim conventus toties deprehensa eorum versutiâ, in conspectu ecclesiæ coram multitudine Romanorum ait, Eos qui sanctam ecclesiam scindere non timuerunt, iterum vocamus ad synodum, quam (deo auctore) celebrare disposuimus circa Calendas Novemb. In præsentem tamen quia venire renunt, testes invocamus contra eos coelum & terram, quod nullum consensum adhibemus eorum perversitati. Et in testimonium illius in medio ecclesiæ in conspectu angelorum & hominum incendimus decreta eorum hæretica, quibus orbem terræ perverterunt, verbum dei adulterantes, sub ementito colore pietatis quærentes plus se, quam fidem catholicam, amari. Qui per sedecim annos nullum dederunt locum veritati, fugientes lucem examinationis, tenebris errorum assueti, falsis expositionibus volenter intorquentes scripturas in adjumentum nefandissimi schismatis.

Hildebrandus in extremis suis, vocavit ad se unum de Cardinalibus duodecim, quem multum diligebat præ cæteris, & confessus est omnipotenti deo & toti ecclesiæ se valde peccasse in pastoralis cura, quæ ei ad regendum erat commissa. Atque hunc confessorum suum misit ad imperatorem, & ad totam ecclesiam, ut optarent illi veniam.

FINIS.

Appen-



## APPENDIX DE EODEM HOC

Hildebrando, sive Gregorio septimo, desumpta ex principio primi libri historiarum, de gestis Frederici primi Aenobarbi, reverendi in Christo patris Ottonis Frisingensis episcopi, nunc recens adjecta.

Ottonis Frisingensis Episcopi, ejusque abbreviatoris Radevici, ejusdem Frisingensis ecclesiae Canonici, pars secunda.

¶ Qua occasione Hildebrandus ab Imperatore abjectus, & Guibertus in locum ejus subrogatus sit. Cap. I.

CUM sub Imperatore Henrico, qui inter reges quartus, inter Imperatores tertius hujus nominis invenitur, imperium gravissime scissum fuisset, partemque maxima optimatum principi suo rebellante, tota pene regni latitudo ferro, & flamma foedaretur, Gregorius septimus, qui tunc urbis Romae pontificatum tenebat, eundem Imperatorem, tanquam a suis destitutum, anathematis gladio feriendum decernit. Cujus rei novitate eo vehementius indignatione motum suscepit Imperium, quo nunquam ante haec tempora hujusmodi sententiam in principem Romanorum promulgatam cognoverat. Ea propter pluribus ex Italia, Gallia Germania, apud Baiariae civitatem Brixinorum, in ipso Pirenaeo haud procul a valle Tridentina sitam, coadunatis episcopis, princeps curiam magnam celebravit. Ubi omnibus advenientibus, injurias sibi a Romana ecclesia irrogatas affectuose conqueritur, quod videlicet ipso inconsulto, qui tanquam rex, & patricius primus in electione suae urbis episcopi esse deberet, Romani sibi pontificem praefecissent, cum a patre suo Imperatore plures ibidem quasi sine electione intronizati fuerint. Hac querimonia omnium animi eo facilius contra Romanam ecclesiam inclinari poterant, quo & laici secularis honoris consideratione accensi, & episcopi consilio clericorum suorum, quibus recenter connubia ab eodem pontifice inhibita fuerant, inflammati, voluntati principis accedebant. His igitur acclamantibus, praefata electio ab eis cassanda judicatur, Guibertusque Ravennatensium archiepiscopus, Clemens vocatus, assensu principis, urbis episcopus creatur; Gregoriusque septimus ab ipsis pseudomonachus, vel necroman-ticus appellatus exufflatur. Unde communi consilio praenominato pontifici scriptum convictis & detractionibus plenum dirigere praesumpserunt, inter caetera dicentes, Sicut haec tenus solebas dicere, quod nullus nostrum esset episcopus, ita scias, quod nulli nostrum deinceps eris apostolicus.

Gregorius  
septimus  
pseudomona-  
chus.

¶ Quod Imperator Italiam ingressus, Gregorium urbe fugavit. Cap. II.

POST haec princeps militem copiosum colligens, Italiam ingreditur, ad urbemque usque progressus, Romani populi favore, pulso Gregorio, Guibertum ibidem ponens, Imperatoris & Augusti nomen sortitur. Venerabilis autem sacerdos persecutionem fugiens, ad tutiora montana Tusciae, in terram Comitissae Mathildis, quae Imperatoris consanguinea fuit, se contulit, ibique per aliquot dies manens sententiamque anathematis renovans, epistolis, quae multis in locis habentur, principes regni adversus Imperatorem suum concitavit. Deinde Campaniam sive Apuliam ingreditur, in municipia Nortmannorum, qui nuper Roberto Guiscardo duce, provincias illas indigenis necatis, vel ejectis, seu servituti subactis, irruerant, se recepit, ibique diem mortis expectavit.

**P**RO ampliori declaratione illius quod folio precedenti LXXXIII. de Silvestro secundo dictum est, qui priusquam per artem diabolicam pontifex fieret, Gebertus sive Gibertus est appellatus, ita scribit Johannes Stella Venetus ad patriarcham Aquilegensem, Romanæ Ecclesiæ, tituli sancti Marci presbyterum Cardinalem. Illius ergo verba hæc sunt ut sequuntur :

**S**ilvester Papa, ejus nominis secundus, natione Gallicus, Gibertus antea vocatus, Hoc anno Gregorio pontifici surrogatus, sedit annis quatuor, mense uno, & diebus octo. Hic malis artibus pontificatum obtinuit, eò quod ab adolescentia cum monachus esset, relicto monasterio, se totum diabolo obtulit, modo quod optabat obtineret, & ut bonarum artium operam daret. Primo ad Hispalem Hispaniæ urbem accessit : Ubi cum doctrinæ artem cupido esset, ea in re tantum profecit, ut brevi optimus doctor evaserit : Et Othonom Augustum atque Robertum regem, & nonnullos alios insignes, præclarosque viros habuerit discipulos, quorum operâ primo Remensis, deinde Ravennatis archiepiscopus fuerit factus. Postremo Romanus pontifex diabolo adjuvante fuerit constitutus. Hac tamen lege, ut post ejus obitum totus illius in anima & corpore esset, cuius fraudibus tantum adeptus esset dignitatem. Post hoc quæsiuit Gibertus à diabolo, quamdiu in pontificatu victurus esset. Respondit : Quamdiu inquit, in Hierusalem celebrabis, vives ; post emo quarto pontificatus sui anno, dum quadragesimali tempore in basilica sanctæ crucis in Hierusalem Romæ sacrificaret, fato se moriturum statim cognovit. Unde poenitentia ductus errorem suum coram populo confessus est. Rogavitque omnes, ut corpus suum diabolicis artibus seductum membratim detruncarent, dissectumque ac laceratum super currum imponerent, & eo loci sepelirent, quo sponte ab equis foret vectum. Ferunt itaque dei nutu, ut scelerati discant apud deum veniæ locum sibi relictum esse, modo in vita poeniterint, Equos ipsos sponte ad Lateranensem ecclesiam pervenisse, ibidemque sepultum fuisse.

#### AD LECTOREM.

**H**actenus de Hildebrando est actum & Silvestro secundo, quem in illius historia obiter introduxit Beno Cardinalis. Nunc autem de Bonifacio VIII. paucis agetur, ne Hildebrandus ipse (salvo semper ipsius honore) se solum credat fuisse impium. Nam & hic Bonifacius, per admirandam ac diabolicam potius fallendi artem pontifex factus, Celestino piissimo, impiissimus successit. Quum itaque otioso mihi nuper præclaros quosdam auctores otiosius revolverem, inveni apud Petrum Crinitum, libro ipsius octavo de honesta disciplina, cap. XIII. insigne hujus Bonifacii factum, & satis insigne ac relatu horrendum. Sunt itaque hæc Criniti verba :

**N**equè illud à nobis prætermittendum est, quo minus in his etiam Commentariis legatur de Bonifacio Pontifice Romanorum, qui Celestino successit in pontificatu. Is enim tanto ambitu atque libidine Gibellinorum partes traditur fuisse infectatus, ut minime veritus sit permulta efficere iniquissimis artibus, atque incredibili insolentia, neque in principes tantum Romanos, sed in ipsos etiam sacerdotes, seu illud contra Prochetum Genuensē pontificem, quem archiepiscopum vocant. Nam quo die sacra cinerica celebrantur, mos est apud Christianos, ut pontifex maximus prodeuntes sacerdotes ad ejus pedes excipiat, atque eorum capiti cineres apponat, singulos subinde commonens, & cineres esse illos & in cineres reverfuros. Cum autem Prochetus sacerdos, qui habebatur inter Gibellinos, constitisset ad pedes pontificis, inibi pontifex Bonifacius verbis permutatis, quæ pro religione effantur, memento (inquit) quod Gibellinus es, & cum Gibellinis morieris, & simul cineres sacros in ejus frontem atque oculos projecit, quo intelligi potest omnibus, quanta sit eorum hominum iniquitas atque impudentia, qui sub nomine religionis nihil non licere sibi opinantur, nam cum ad instruendos mortalium animos, pacemque humano generi conciliandam creati atque instituti sint, nihil amplius existimant, aut magis conantur, quam pro libidine seditiones principum excitare, nefariasque voluptates flagitiosissime explere, quod & Thomas Aquinas, & Ægidius magnis commentariis disferunt.

#### AD LECTOREM.

**Q**UÆ hæctenus de Hildebrando, sive Gregorio septimo dicta sunt, non obscure intelligere potuisti. Lege igitur & nunc Henrici quarti historiam, & id quidem ordine non contemnendo. Nam unius juxta atque alterius (quoniam sibi ipsis adversarii fuere) te facta scire oportebit. Vale.

Vita

# VITA · HENRICI · QUARTI · CAESARIS

Augusti, ducis Bavariae septimi, paulo post mortem illius à quodam ejus temporis conscripta.

## PROOEMIUM.

**Q**uis dabit capiti meo aquam & fontem lachrymarum oculis meis, ut luceam, non excidia captæ urbis, non captivitatem villis vulgi, non damna rerum mearum; sed mortem Henrici Imperatoris Aug. qui spes mea, & unicuique solatium fuit: imò (ut de me taceam) quæ gloria Romæ, decus Imperii, lucerna mundi extitit. Erit posthac mihi vita jucunda? erit absque lachrymis dies aut hora? aut tecum, ô dulcissime, potero illius mentionem habere sine fletu? Ecce dum scribo, quod dictavit inpatientia doloris, cadunt lachrymæ, madent fletu literæ, & quod notat manus, diluit oculus. Sed forsitan impatientiam doloris mei redarguis: & ut fletum meum reprimam, ne forte his qui de morte Imperatoris gaudent, innotescat, instruis. Recte me doces, fateor: sed non possum imperare mihi quin doleam, non possum me continere quin lugeam, licet in me furor meum exacuant, licet me membratim discerpere cupiant: dolor timere nescit, dolor illatas poenas non sentit. Nec ego solus mortem ejus lamento: hanc Roma plangit, hanc omne Romanum imperium deflet, hanc in commune divites & pauperes, præter insidiosos potentia & viræque ejus, lugent. Nec mihi privata doloris causa est, publicam lamentari cladem pietas me cogit: nam illo recedente, justitia terras reliquit, pax abiit, fraus in locum fidei subintravit, chorus laudantium deum conticuit, solemnitas divini officii fluit, vox exultationis & salutis in tabernaculis justorum non auditur: quia qui hæc omnia solemniter ordinavit, non invenitur. Monasteria patronum suum, claustra patrem amiserunt: quibus quid commodi, quid honoris ipse conferret, nunc demum agnoscitur, cum extinctus ea non tenet. Ergo claustris omnibus vera dolendi causa subest: nam cum illo sepulto gloria eorum sepulta est. Heu Moguntia quantum decus perdidisti, quæ ad reparandum monasterii tui ruinam, talem artificem amisisti! si superstes esset, dum operi monasterii tui quod inciperat extremam manum imponeret, nimirum illud illi famoso Spirensi monasterio contenderet, quod ille à fundo fundatum usque, mira mole & sculptili opere complevit, ut hoc opus super omnia regum antiquorum opera laude & admiratione dignum sit. Qualem etiam ornatum ex auro, argento, lapidibus preciosis absolvit, & sericis vestibus illi monasterio contulerit difficile est credere, nisi cui contingit & videre. Vobis quoque, ô pauperes, vel maxima causa dolendi est: nam nunc demum pauperes facti estis, cum paupertatis vestrae consolatorem amisistis: ille vos pavit, ille manibus suis lavit, ille nuditatem vestram texit: non ante januam, sed ante mensam ejus, Lazarus jacuit: nec micæ, sed regias delicias expectavit. In ipsa mensa faniem & foetorem ulcerosi non abhorruit, cum minister mensæ contra foetentem nares corrugaret, aut obliiparet. In cubiculo ejus cæci, claudi, & diversis morbis confecti jacebant: hos ipsemet exalciabat, hos collocabat, hos de nocte confurgens regebat: nec abhorrerat vel ejus tactum quem aegritudo compulerat, usque ad sordidandum lectum: iter ejus pauperes præcedebant, comitabantur, sequebantur: quorum curam tametsi suis intimis commendasset, ipsemet tamen eos tanquam nulli commendatos curabat: sed & per curtes suas ulqueque stipendia pauperibus disposuerat, quorum numerum & obitum ipse scire voluit, ut & defuncti memoriam ageret, & in ejus locum alterum subrogatum nosset. Sed quando sterilitas anni famem indixit, multa millia pavenda suscepit, vere memor verbi domini præcipientis, Facite vobis amicos de mammona iniquitatis, ut cum defeceritis, recipiant vos in æterna tabernacula. Quid putamus quo dolore pauperes afficiuntur, cum hæc bona quæ enumeravimus se habuisse, & nunc non habere recogitant? Quis enim illis hanc humanitatis curam impendit? quis querit ubi æger cubet, vel quid alimenti postulet? quis amplius his misericordiae officiis interfuit, quibus Henricus Imperator interfuit? O virum pietatis, & humilitatis laude insignem: imperavit mundo, pauperes illi: mundus illi, pauperibus ipse ministravit. Hæc de bono misericordiae in pauperes, quos multum amavit, & quod ab hominibus abscondere non potuit, non pro dignitate facti, sed pro facultate ingenii primo loquuti (quis enim scire posset, quæ solo deo teste peregit?) de aliis quoque virtutibus quibus claruit, aliqua dicamus: nam omnia dicere non sufficimus. Nemo miretur si luctui mortis ejus, vitæ quoque

Henricus Cæsar templum Moguntinum reparavit. Spirensis absoluit.

Largitas Henrici in pauperibus.

ejus lata gesta immisceam, cum hic mos dolentium sit, ut cum extinctum amicum *lugent*, totam ejus retro vitam & mores in augmentum doloris sui edisserant. Itaque juvat me de eo scribere, juvat indulgere dolori, & mortuum flere, qui dum viveret gaudium meum fuit. Ille modo personam Imperatoris, modo tanquam militis gerebat, ex uno gerenda dignitatis, ex altero documentum præbens humilitatis. Tam subtilis ingenii, tamque magni consilii fuit, ut dum sententia principum, vel in causa decernendi juris, vel intractandis regni negotiis harfiteret, ipse cito nodum solveret, & quid æquius, quid utilius esset, tanquam ex ipsius arcano sapientiæ sumptum, edoceret. Intendebat aliorum verbis, ipsemet pauca loquebatur, nec prior ad sententiam erumpebat, sed aliorum expectabat. In cujus vultum aciem oculorum suorum fixisset, ejus animi motus perspiciebat, videbatque tanquam lynceis oculis, sive ad verum se cor odii, seu generet amoris. Nec illud laude vacat, quod in turba procerum cæteris eminentior & major seipso videbatur, & quod in vultu terribile quoddam decus præ se ferebat, unde intuitus aspicientium tanquam fulmine reverberaret, cum inter domesticos suos, & raram turbam vultu placidus, & statura æqualis appareret. Non solum potentes imperii sui metuebant eum, sed & reges orientis & occidentis, adeo fama ejus perterruit, ut ante tributarii sint facti quam victi. Ipse rex Græciæ, ut metum dissimularet, amicitiam ejus expetebat, & quem futurum hostem timuit, muneribus ne fieret hostis, prævenit. Testatur hoc aurea tabula, Spirensis altaris, tam artis novitate, quam metalli pondere miranda, quam rex Græciæ dum Imperatoris votum & studium circa Spirense monasterium fervere cognosceret, nobile donum, & tam eo qui misit, quam cui mittebatur dignissimum, transmisit. Sed & rex Africa, quia potentiam Imperatoris multum timuit, ejus fisco multum addidit. Oppressores pauperum oppressit, raptores in direptionem dedit, contra se contumaces, contraque suam potentiam le levantes adeo retudit, ut in posteris eorum regni vindictæ vestigia vel hodie compareant. Quo nimirum facto & suis in præsentem & imperii rebus in futurum providit, ut discant non disturbare pacem, non armis imperium vexare. Hic velim absumpere stilum, nam ventum est ad factiones, ad fraudes, ad scelera, de quibus vera scribere periculum, falsa crimen est, hac lupus, hac canis urget. Quid igitur faciam, eloquar an fileam? manus incipit, & dubitat: scribit & renuit, notat & delet, ut pene ignorem quid velim, sed turpe est inceptam materiam mutilatam relinquere, & caput abque membris pinxisse. Pergam igitur, ut capri constans & securus inde quod fides tua ea mihi spectata esset, ut hæc scripta nulli detegas, aut si qua foras exierint, autorem non prodas.

Rex Græciæ.

Aurea tabula  
Spirensis.

Rex Africa.

Author celat  
nomen suum.

**C**UM M. Imperator Henricus (de quo nobis sermo est) patri suo gloriosissimo Imperatori tertio Henrico, adhuc puer succederet in regnum (nam illo parvulo, pater natura concessit) regno priorem statum adhuc tenente, non bella pacem disturbabant, non classica quietem rumpebant, non rapina grassabatur, non fides mentiebatur, adhuc justitiæ sui vigoris, adhuc potestatis sui juris erat. Hunc beatum regni statum Agnes imperatrix serenissima, virilis ingenii foemina multum juvit, quæ una cum filio rempublicam pari jure gubernavit. Sed quoniam ætas immatura parum timori est, & dum metus languet, audacia crescit, pueriles anni regis multis fugerebant animum sceleris. Igitur quique nitebatur majori se æqualis aut etiam major fieri, multorumque potentia scelere crevit, nec legis metus ullus erat, quæ sub rege parvulo parvam auctoritatem habebat. Et ut omnia licentius facere possent, primo puerum matre spoliabant, cujus maturam sapientiam gravesque mores metuebant, illud causantes non decere regnum administrari à foemina, cum multe reginæ legantur administrasse virili sapientia. Sed postquam rex puer de sinu matris abstractus, in manus principum nutriendus venit, quicquid illi præscribebant faciundum, ut puer fecit, quem volebant, exaltavit, quem volebant, deposuit, ut regi suo non tam ministrasse quam imperasse merito dicantur. Cum regni causam tractabant, non tam regni, quam suæ causæ consulebant, idque præcipuum eis fuit, in omnibus quæ agerent, ante omnia suum quæstum facere. Fuit hæc perfidia vel maxima, quod eum quasi sub sigillo servandum, in puerilibus actis suæ potestati relinquebant, ut & sic elicerent ab eo quod affectabant. Sed cum in eam ætatis & ingenii metam evassisset, ut quid honestum, quid turpe, quid utile, quid inutile, discernere posset, retractans quæ questione principum inductus gessisset, multa quæ gesserat, damnavit, & ipse iudex sui factus, ex iis mutanda mutavit. Prohibebat quoque bella, violentiam, & rapinas, nitebatur pulsam pacem & justitiam revocare, neglectas leges restituere, & sceleris licentiam refecare. Quos assuetos sceleri per edictum coercere non potuit, per censuram legis & jus curiæ, mitius tamen, quam culpa exigeret, correxit. Quod illi non justitiam sed injuriam putantes, &

Agnes Aug.

Rex puer.

Rex adolescens.

& qui legem abjecerant, lege constringi, & qui per omne nefas ruebant, fræna pati respu-  
 entes, qualiter eum vel extinguereint, vel privatum facerent, consiliis incumbabant, non reco-  
 lentes, se debere civibus suis pacem, regno iustitiam, regi fidem. Igitur Saxones, gens dura,  
 bellis aspera, tam præceps ad arma quam audax, vendicans sibi prærogativâ laudis, ex incapar-  
 to furoris repente super regem armis ruebant. Qui cum paucis contra innumeros armatos  
 confingere periculofum existimans, vix elapsus, vitam laudi, salutem fortunæ prætulit. Itaque  
 videntes incertum suum votis non res, oadis, ossa filii regis, necdum enim Imperator factus  
 erat (ô inhumanâ mentem! ô probrosum vindictam!) effodere. Qua utraq; injuria gravissima  
 rex commotus, exercitum contra gentem illam duxit, conflixit, vicit: vicit, inquam, aciem  
 contra fe instructam non oblationem erectam. Nam licet eos in pugna congressos vin-  
 ceret, victos fugaret, fugatos persequeretur, licet bona eorum devastaret, munitiones ever-  
 teret, & omnia quæ victori libent faceret, non tamen ad deditionem cogi potuerunt. Iterum  
 cum inde digressus, reparato in brevi exercitu, eos invaderet, diffidentes viribus suis utpote  
 in priori bello gravissime contusus, quod salutem proximum erat, se dedidere, sperantes regem  
 sola deditione contentû, gratiâ suam facile donaturum. Sed longe præter spem evenit, nam  
 rex eos exilio addictos, in alienas terras misit, ubi dura custodia conficti, relaxationis edictû  
 expectarent. De quo exilio alii fuga elapsi, alii propter pecuniam à custodibus dimissi, dum  
 ad patriam & domum suam repedassent, recenti conjuratione se invicem obligabant, ut parati  
 essent ante mori quam denuo deditione subijci. Sed & validior eorû conjuratio facta est,  
 quia nonnulli Longobardorû, Francorum, Bavarorum, Suevorum, data & accepta fide illis  
 conglutinati sunt qui regem bellis undique pulsarent. Videntes autem regem bellis tangi  
 posse, non deijci, vexari non superari, quippe cujus robor adhuc erat inexpugnabile, ut vi-  
 res ejus extenuarent, confictis conscriptisque super eo criminibus, quæ pessima & immen-  
 sissima potuit odium & livor excogitare, & quæ mihi scribenti tibi que legenti nauseam  
 parerent, si ea ponerem, vera falsis miscentes apud Romanum Pontificem Gregorium sep-  
 timum eum deferrebant, non decere tam flagitiosum plus notum crimine, quam nomine  
 regnare, maxime cum sibi regiam dignitatem Roma non contulerit, oportere Romæ  
 suum jus in constituendis regibus reddi. Providerent Apostolicus & Roma ex consilio  
 principum, cujus vita & sapientia tanto congrueret honori. Qua surreptione delusus apo-  
 stolicus, simul & honore creandi regis quem sibi fallaciter obtulerant, impulsus, regem Ban-  
 no annodavit, & episcopos aliisque regni principibus, ut à communione excommunicati  
 regis fe retraherent, denunciavit, se cito venturum in Teutonicas oras, ubi de negotiis ec-  
 clesiasticis, & potissimum de regno, tractaretur. Quin etiam & hoc addidit, absolvit omnes  
 à juramento, qui fidem regi juraverant, ut contra eum impelleret absolutio, quos fidei  
 tenuit obligatio, quod factum multis duplicavit (si cui displicere licet, quod Apostolicus  
 fecit) & allerebant, tam inlicitaciter, quam illicitè factum, quod factum est. Sed non au-  
 sim assertiones eorum ponere, ne videar cum eis apostolici factum refellere. Mox &  
 episcopi, tam illi quos amor, quam quos timor in partem regis traxerat, metuentes ordinem  
 suo, ab ejus auxilio plerique fe retrahabant, quod & major pars procerum factitabat. Tum  
 vero videns rem suam in actio sitam, inito tam occulto quam altuto consilio, subitum &  
 & inopinatum iter in occursum Apostolici arripuit, unoque facto duo peregit, scilicet &  
 Banni solutionem accepit, & suspectum sibi colloquium Apostolici cum adversariis suis,  
 ipse medius intercepit. Pro imposito sibi crimine parum respondit, quia ad accusationem  
 inimicorum suorum, etli vera fuisset, non sibi respondendum asseruit. Quid vobis pro-  
 fuit hoc egisse ut Banno illigaretur, cum de Banno solutus, potentia sua potenter utatur?  
 Quid vobis profuit eum fictis criminibus accusasse, cum accusationem vestram facili re-  
 sponso (ut ventus pulverem) dissipaverit? Immo quæ dementia vos contra regem vestrum,  
 & orbis rectorem armavit? Nihil conjurata vestra malignitas proficit, nihil peragit. Quem  
 dei manus in regno firmavit, vestra deicere non poterit. Ubi fides quam illi jurastis?  
 Quare beneficiorum quæ regia liberalitate contulit in vos, oblii estis? Urimini vel adhuc  
 sano consilio, non furore: poeniteat vos incapti, ne fortior vobis superveniens, vincat vos,  
 & pedibus suis conculcet vos, & ea vindicta feriat, quæ futuris faculis demonstrat, quod  
 regia manus valeat. Saltem vos, o episcopi, videte, ne pereatis de via iusta, videte ne trans-  
 gressores promissa fidei fiat, alioqui quid consequatur vos ipsi nostis. Igitur rex ab A-  
 postolico regressus, benedictione pro maledictione acceptâ Rudolphum ducem super se re-  
 gem creatum invenit qui audita regressionis ejus fama, ante paratus ad fugam quam ad  
 pugnam, ante pulsus, quam victus, in Saxoniam fugit: facile est regnum accipere, difficile  
 tueri: sed nulli mirum sit, virum in rebus bellicis exercitatum & strenuum, nunc fugisse,  
 quia sæpe iustior & victrix causa fortes in metum mittit, & in fugam. O avaritiam pestem  
 pessimam, quæ bonos mores transvertit, & sæpe ipsas virtutes ad vitia trahit. Dux Rudol-  
 phus, dux eximius, vir magnæ authoritatis, & laudis in toto regno, veri rectique tenax, for-  
 tis

In Saxones  
moveret.

Accusatur  
Henricus ab  
animalis suis.

Au har non  
audet l qui  
contra ponti-  
ficem.

Rudolphus.



Gregorius se-  
primus.

Wyrzibur-  
gum obside-  
tur.  
Henricus in-  
sidit à suis  
pallus.

Wyrzibur-  
gum capitur.

Dextera Ru-  
dolphi ampu-  
tata.

Herimannus.

Herimannus  
rex occiditur  
a foemina ictu  
lapidis.  
Ecbertus  
marchio.

Ecbertus  
marchio.

tis in armis, denique spectatus in omni genere virtutum, iste inquam avaritia, quæ vincit omnia, victus, & supplantator domini sui factus, fidem incerto postposuit honoris. Fuere tum qui dicerent ab Apostolico eum immisum, nec unquam tantæ virtutis virum magis avaritiæ quàm consilio cessisse: & hoc in argumentum sibi sumebant, quod Apostolicus racitum post absolutionem regis Rudolphus regnum invasit, juxta illud Comici, Qui tacet, sitis laudat. Itaque rex cedente Rudolpho, cujus caput, si deprehensus esset, vindex gladius digne rotaret, Bavariam, Sueviam invasit, & conjurationis adversum se socios vastavit: munitiones eorum fregit, nec tamen pro injuriæ suæ materia se vindicabat: sed sciens in ultione fræno uti, longe infra metam culpæ, cohibebat habenas vindictæ. Sed Rudolphus, ut dedecus fugæ virtutis facto recompensaret, Wyrziburgensem civitatem obsedit: Ubi tamen fraude magis quàm virtute pugnatum est. Nam cum rex ad propellendum hostem, exercitum convocasset, instructa ambarum partium acie, & primis inter se prælia miscens, quidam equites regie partis mercede conducti, qui se regis lateri quasi fidi clientes applicuerant, subito in ipsum arma verterunt: sed ære munito corpori livorem, non vulnus inflixerunt. Heu miserrimi! quibus pretium, & sceleris causa fuit & necis, quos uno in loco & crimen involvit & vindicta. Nam eos tot vindices dextra in frustra concedebant, ut in eis humani cadaveris figura periret: sit tumultus, exoritur clamor, spargitur rumor regem interfectum: quo rumore perterritus exercitus fugit, hostis insequitur: & quoniam in equis equitum salus, solis pedibus miserabile fatum incubuit. Ideoque victoria quæto majoris, tanto minoris tituli fuit: sic hostis urbe capta, impositoque præsidio, in Saxoniam regressus est. Quid improbe tibi profuit, vel indidrecta cædes fugientis vulgi, vel fortuna capæ urbis, cum nec urbe diu, nunquam autem Regno potiaris? Rex enim brevi post tempore cum exercitu reversus, ereptam urbem recepit. Nam ii quibus provincia tuenda urbis tradita fuerat, ex urbe profugerant. Postea Saxoniam cum exercitu sapius ingressus, aut victor, aut aqua manu recessit: sed ultimum reversus, tam notanda, quàm felici victoria vicit: magnamque mundo documentum datum est, ut nemo contra dominum suum confurgat. Nam abscissa Rudolphi dextera, dignissimam perjurii vindictam demonstravit, qui idem domino suo regi juratam violare non timuit, & tanquam alia vulnera non sufficerent ad mortem, accessit etiam hujus membri poena, ut per poenam agnosceretur & culpa. Sed & aliud notandum in illa victoria contigit, videlicet, quod tam victor, quàm victus exercitus; nimirum hoc ordinante desuper divina clementia, ut post ruinam capitis ex altera fuga, tolleretur nefas alteræ cædis. Sed gens dura, nec damno monita est, nec signo: quin potius ut obstinatione vinceret, quod manu non poterat, Herimannum novum sibi regem constituit, qui & ipse novo modo perit. Nam cum Saxones eum de terra sua proturbarent, quicquid illud fuerit, quod eis in illo displicuit, reversus in patriam suam, portans inane nomen regis, ad Herimannum Trevirensensem episcopum se contulit, quem etiam ad ausum sentiendi contra regem inexpugnabilis munitionum firmitas impulerat. Quanta potentia regis, qui alendus fuerat, non ex suis, sed ex opibus alienis? Quadam die cum iter ageret, incidit animo suo jocus ille, ut ad castellum quo ituri erant, sub specie hostium ruerent, & quæ audacia, quæ virtus animis defendentium inesset, tentarent: quam mirabilem viam, quam inopinam, sæpe invenit quod futurum est ut fiat? cumque portam absque claustris, & absque custode repertam irruperent: aliis qui intus erant, raptis armis viriliter contra procurentibus, aliis latebras enerviter quaritantibus, foemina sexu, foemina non animo, quæ in turrim evaserat, molarem in caput regis dimisit: & sic ille manu foeminea (ut mors ejus turpior esset) occubuit: sed ut hoc dedecus dealbarent, foemina factum in virilem personam ex composito transulerunt. Post hanc regem fortunam, in creatione regum diu hæsitatum est: & casus præteriti, metus erat futuri. Vicit tandem cupiditas, & Ecbertum Marchionem ad ambitum regni forti manu impulit, qui tamen in morte sero didicit, quod alter ex alterius damnis intrui possit. Urbs erat in Saxonia, quæ quia fortunam regis prospero ire cursu videbat, in partes ejus se converterat, præsumens fiduciam, & ex loci sui firmitate, & ex regia subventionem: Quod indigne ferentes Saxonum procures, urbem obsidione vallabant. Marchio vero Ecbertus, qui spe potiùs regni intumuerat, ut se accommodaret, ad id quod affectabat, majori super omnes robore ad obsidionem illam ibat, præmissaque multitudine, cum paucis ipse sequebatur. Quem deviantem à publica via, ne forte incideret in hostes (quis enim tam potens, qui hoste careat, aut qui hostiles insidias non metuat) latens semita per quoddam arbutum duxit. Quam occulta judicia tua deus, quam miro ordine, & absconditis quæ facturus es, & aperis quæ abscondisti? Jam meridianus ardor solis equos, equorumque fessores urebat, & ut sit itum æstus accendebat. Præterea, tam gravis sopor fessis obrepit, ut colla somno, angustia penderent, & qui frænis non flexi liberam viam carperent. Haud procul in recessu saltus, solitarius molendinum conspexere, quo divertentes, sopori se dedere, niisso interim molenario

dinario, qui de villa potum sitientibus afferret. Qui dum imposito scapulis suis utre festina-  
ret, aliquos scutatos ad prædictam obfidionem tendentes obvius habuit, qui erant occulte  
fideles regis, licet adversæ partis. A quibus interrogatus, unde prodiret, quo tenderet, cur  
tam anhelus properaret, nesciens celare quod sciebat, hospitem suum & causam itineris in-  
dicavit. Qui stupescit, seu metu, seu potius gaudio, versantes inter se quid agerent, quid pe-  
riculi, quid præmii, quid virtutis, quid laudis, quid fidelitatis inesset, si tam magnum ho-  
stem regis sentirent, occasione illam non frustra sibi oblatam, maximam virtutem per max-  
ima discrimina probari, incitatis alternatim animis, immisissis equis, ad molendinum propere-  
bant. Sed pervenerunt ante votis quam equis. Incæpta est pugna, quæ diu dura fuit, & du-  
bia, quia virtute pares & numero congesti, hi pro laude, illi pro vita pugnabant. Regis ta-  
men fortuna vicit, & hostis ferocissimus, non in acie, sed in molendino peremptus turpi-  
ter jacuit. Felix nimium es, & multi semper nominis mola, ad quam trahit homines non tam  
tuum volubile officium, quam fama, quæ & molendo pugnam illam narras, & narrando mol-  
lis. Sic ille conventus procerum confusus, procinctum solvit, sic ab obfidione infecto nego-  
tio recessit. Itaq; res regis in altiore & feliciorum statum se quotidie promovebant, ad-  
versariorum autem ejus acorum vergebant, & omne eorum incæptum in turpem exitum  
desinebat. Cum ergo cerneret nullum se habere successum, nec in armis, nec in electione  
regum, iterum se convitiis amaverunt, & eum apud Apostolicum præter alia multa, & ne-  
sanda criminati sunt, quod reges Christianissimos, quos ipsi non sine autoritate Apo-  
stolici creassent, ille ob crimen suum extorris à regno factus, occidisset, regnum sanguine  
usurpasset, igne, præda, ferro cuncta vastasset, & tyrannidem suam adversus ecclesiam, &  
regnum omnibus modis exercuisset. Ad quorum criminationem apostolicus eum iterum  
Banno (ut ipsi jactabant) illigavit, sed non magni ponderis ille Bannus habebatur, eo quod  
non rationis, sed arbitrii, non amoris, sed odii esse videretur. Censens autem rex apostoli-  
cum ad hoc tendere, ut se regno privaret, nec alia sui obedientia contentum, nisi ut regno  
renunciaret, ex obedientia in rebellionem, ex humilitate in tumorem, relabi coactus, hoc  
apostolico facere parabat, quod apostolicus sibi faciendum intenderat. Cessa (obsecro)  
rex gloriose, cessa ab hoc molimine, ut ecclesiasticum caput de suo culmine dejicias, &  
in reddenda injuria te reum facias. Injuriam pati felicitatis est, reddere criminis. Qua-  
rebat itaque res causas & occasiones, qualiter eum ejiceret, inventumque est eum Roma-  
nam sedem olim abjuratam infestile, quam idcirco abjuraverit, quia ad eam dum ar-  
chidiaconus esset, adhuc vivente domino suo, per ambitionem aspirare voluerit. Utrum  
hæc vera sint an falsa parum comperi: alii asserabant, alii figmentum esse dicebant;  
utrique Roma fuit in argumentum, iis quod Roma mundi domina, nunquam pateretur  
tale nefas, illis quod ea cupiditatis ancilla, facile permetteret ob pretium omne nefas. Mihi  
autem in medio res relinquenda est, cum incerta, nec possim defendere, nec ausim affir-  
mare. Igitur cum exercitu Romæ pergebat, proterens in via quicquid obstat, oppida  
fregit, tumida pressit, ardua curvavit, factiones dissipavit. In cujus adventu Roma per-  
suasa, quæ debuerat honores, arma, tanquam Pœnus Hannibal Alpes transcendisset, pa-  
rabat, & regi suo velut hosti portas præcludebat. Unde rex iusta commotus indignati-  
one, urbem obfidione (qua res postulabat) occlusit, & qui sibi aditum, illis exitum  
negavit. Mihi circumquaque, qui castella frangerent, villas everterent, bona diriperent;  
provinciaque nocuit foris, quod Roma se clauderet intus; foris bella, intus metus erat, un-  
diq; machinæ surgebant: hinc murum aries pulsabat, inde miles scalis ascendere parabat.  
Congra, qui in urbe erant tela, faxa, præustas fudes, ignemque jactabant, interdum egressi  
cominus committebant, utrinq; fortiter pugnatum, est: hos causa, illos periculum fortis  
fecit. Quadam die, cum exercitus uterq; pugna, æstuque fessus, circa meridiem sopori se  
dedidisset, & nec speculator (ut fortuna voluit) vigilaret, unus ex scutariis propius ad murum,  
ut pila legeret, accessit, cumq; erectis & intentis auribus explorasset, intus neminem adesse  
(nam murum & propugnacula vacua cernebat) adjutus & animi confidentia, & corporis le-  
vitate manibus & pedibus sursum enitebatur, donec tandem muri summum apprehendit.  
Tum vero cum jactatis circumquaque oculis neminem videret, inter spem & metum positus,  
toto corporis motu focis innuebat, vixq; se a clamore cum tardius innuentem attenderent,  
abstinebat. Qui rapris armis & scalis properantes, citius (ut aiunt) dicto murum superan-  
tes, captam urbem iero defendentes interficiunt, capiunt, fugant. Dedicnabatur jam rex  
reclum portarum aditum, ubi & tequens a præeunte tardaretur, & præcedens a sequen-  
te premeretur, sed in ultionem temeraria præclusionis, jussit, ut fracto muro, tam latum sibi  
ingressum panderent, qua totus exercitus aequato, junctoque latere se simul immergeret. Igitur  
ubiq; mors, ubiq; luctus erat. Roma contremuit, dum impulsæ turrium altitudo corruit.  
Fugit Apostolicus, & qui omnes in periculum impulerat, omnes in periculo deseruit. Tan-  
dem Romam præsumptionis suæ ponit, & quæ prius meruisse poterat, ut à rege donis

Iterum accu-  
satur Henri-  
cus apud  
Pont. Roma-  
num.

Bannus.

Causa contra  
Hildebran-  
dum.

Roma cupidi-  
tatis ancilla.

Roma obfide-  
tur.

Roma capi-  
tur.

Gregorius  
sep. inuax.  
honorare

Clemens pa-  
pa.

Colus.

Roma Rebel-  
lit.  
Gregorius  
sextus, Conra-  
dus filius.  
Mathildi co-  
nstitit.Conradus ex-  
heredatur.Conradus  
moritur.

honoraretur, nunc ingenti pecunia apud regem vix obtinuit, ne tota subverteretur. Mox fedatis omnibus, rex causam cur venisset in publicum protulit, quod de Apostolico crimine accepisset, retulit: multisq; hoc ita factū confessis, Clementem papam ad electionem omnium instituit: à quo ipse communi omnium favore consecratus, Imperator & patricius factus, Romae se per aliquod tempus, dum omnia in solidam reformaret concordiam continuit. Nec praetereundum, quod & relatio fidelium personarum in Teutonicas oras diffamavit, & ipsa Roma asserit: Imperator consueverat quoddam oratorium orationis causa frequentare, & nullum diem quin veniret, praetermittere. Elegerat autem sibi in eodem auditorio locum orationi familiarem, ubi tanto intentius, quanto secretius orationi vacaret. Hanc ejus consuetudinem, dum quidam profanae mentis attenderet, seu propria, seu potius aliena instimulatus nequitia, grande saxum super trabem ad feriendum desuper caput Imperatoris posuit, sublataque de laqueari tabula, quae caput Imperatoris recte despiciebat, mittendo ponderi foramen aperuit, demisso fune saepe explorans, ne saxum in cadendo falleret. Postquam satis exploratum est, minister doli sursum in nocte scandens, desuper observabat, dum Imperator stare ad orandum in loco quo consueverat. Tamen ille alieni avidus exiti, sed nescius sui, cum pondus in caput Imperatoris libraret (Imperator autem parum se de loco moverat) cū pondere infelix ipse, pondus, illaeso Imperatore, cecidit. Per totā Romam cito res innouit, & plebs quae non facile sedari potest, dum mora fuerit, invito Imperatore, semianime corpus per rupes, per saxa tractū, infrusta discepsit. Tum vero cuncti rem signo non eventui assignantes, fide & animis Imperatori devinctiores facti sunt: & inimicū consilium non solum illi fideles firmavit, sed & multos ex inimicis fideles fecit: sicq; dum nocere studuit, profuit. Deniq; Imperator omnibus Romae compositis, impositosq; urbi praesidio, ne ei fidem mutaret, novae dignitatis apicem gerens in Teutonicum regnum reversus est. Sed nulla fortuna longa est: nam ii quos Imperator Romae praesidium imposuerat, argitudine correpti, quam & locus & tempus intulerat (erat enim aestas) ne uno quidem superstitite mortui sunt. Tunc Roma jugo praesidii sublato, compos arbitrii sui facta, ad ingenium rediit, & praesumptis adversus Imperatorem armis, pulso Apostolico, alium constituit. Nam ille prior Gregorius à vita decesserat. Quod ubi Imperatori compertum esset, iterum adversus Romam exercitum promovit: sed in Italiam veniens cum legati à Roma pactum pacis ferentes occurrerent, & cum inimici moliminis fama sequeretur, relicto in Italia filio Conrado, jam tum regni sui haerede designato, regressus est, scilicet qui se graefanti Mathildi, & pene totam Italiam sibi vendicanti opponeret, & regnum quod futurum erat iuum, de manu foeminae tolleret. Quid facient inimici, cum insurgant in parentes ipsi filii? Unde securitatem sibi quis promittat, cum nec ab eo tutus sit quem genuit? cessent jam connubia: nemo sibi optet haeredem. Haeres tuus erit hostis tuus. Nam non solum te domo tua, praediisque spoliat, sed & vita spoliare festinat. Filius Imperatoris, quem in Italia relicto à patre, & quam ob causam relicto diximus à Mathilde persuasus, (quem enim astutia foeminae non subvertat aut decipiat?) junctis inimicis patris coronam sibi imposuit, regnum invasit, prophanavit jus, confudit ordinem, impugnavit naturam, quarebat patris sanguinem: quia non nisi sanguine patris regnare potuisset. Quod ubi ad hostes Imperatoris currens fama pertulit, exultabant, plaudabant, cantabant, laudabant factum filii, praecipue foeminae ducem facti. Mittebant propterea legatos, qui stimulum animo novi regis adjicerent, & adderent oleum camino, qui pro se, sed contra se fidem & opem perpetuam jurarent: quanquam dudum se tam filio, quam patri nunquam obtemperaturos conjurassent. Imperator autem ad hanc famam tamen intus doluit, in gravitate tamen sua se foris tenuit, & non suam, sed filii fortunam conquestus est. Cum autem eum ab incepto revocare non posset, non tam suam injuriam ulcisci, quam exemplum injuriae per ultionem tollere quaerens, filium exharedare & fratrem ejus Henricum adhuc puerum in regnum promovere cogitabat. Igitur multis procerum conventibus habitis, Imperator super filio suo Conrado conquestus est, quia additus hostibus regnum invasisset, & quod patrem non solum regno, sed & vita privare conaretur, injuriam suam publicam esse debere, vel si nullum ea moverent, saltem hoc Reip. causa praestarent, ut per vim neminem, & scelus regnare paterentur: transferrent potius electionem in minorē filium suum, quam jure major amisisset. Pleriq; contra nitebantur, magis utentes ingenio, quam iusto & vero. Multi autem publico bono faventes, sententiae votoq; Imperatoris concordabant. Tandem omnibus in unam sententiam coeuntibus, & concordī favore approbantibus, Imperator minorem filium, invalore prius ex decreto curiae adjudicato, haeredem regni sui constituit, à quo ne & ipse abiret in viam fratris sui iusjurandum accepit, videlicet, ne unquam se, vel de regno, vel de praediis patris, eo vivente (nisi forte ex consensu ipsius) intronitteret. Jam tum murmur & metus erat, inter duos fratres intestina bella fore, magnamq; regni cladem futuram, sed qui omnia dispensat, hunc metum le-  
tho



tho majoris filii fustulit, & ut regnum in unam concordiam redire posset, occasionem dedit. Quibus ita transactis, hostes Imperatoris, detruncato toties capite, non habentes cui adhererent, pactione subacti, quod optimum erat, in pacem bella, in domesticam securitatem castra converterunt. Igitur ut ubiq; pax & tranquillitas esset, convocatis ad curiâ primatibus, pacē per totū regnū sub juramento firmari fecit, & ad inhibenda mala, quæ fiebant, gravē poenā in transgressores decrevit. Quod quidem pacis decretū, quantū miseris & bonis profuit, tantum perverfis & potentibus nocuit. Illis copiam, istis egestatem & famē intulit: nam qui in milites bona sua distraxerant, ut multo milite stipati procederent, & aliis armorum copia longe præstarent, ii, dum sibi licentia rapinarum erepta est (ut pace ipsorum dictum sit) egestate laborabant, cellaria eorum penuria & fames possidebat. Qui nuper spumeo ferebatur equo, contentus esse coepit vel rustico jumento; qui nuper non aliam vestem quærebat, nisi quæ rubeo murice tincta arderet, bene secū actū aiebat, si nunc vestem, quam natura suo colore tinxisset, haberet; gaudebat aurum non se jam in luto calcari, dum ferreis calcaribus inopia cogeret uti: Deniq; quicquid vanitatis, quicquid superfluitatis corrupti mores intulerant, totū penuria magistra relecebat. Oppida in ripis posita, quibus præda navium victum præbebat, nauta securus esuriente oppiduli præfide præteribat. Mira res, nec minus ridicula alii injurias suas injuriis vindicant, Imperator suas pacē vindicabat. Cum autem domini cum facelligibus suis per aliquos annos hac lege stringerentur anxii, quod non liceret eis uti libertate perversitatis suæ, iterū adversus Imperatorem murmur movebant, iterū super ejus factis sinistram rorem seminabant. Quid illud (rogo) est, quod admittit? Nempe hoc erat, quod scelera prohibebat, quod pacē & justitiam revocabat, quod jam latro viam non obfedit, quod sylvæ suas insidias non occultavit, quod nautis mercatoribusq; liberū erat suā ire viā, quod vetitis rapinis raptor esuriebat. Cur (obsecro) vobis non aliunde, nisi ex rapto vivere placet? Reddite agris quos ex agro deputastis armis, coæquate numerū facellitum ad mensurā facultatum, recolligite prædia vestra, quæ stulte sparsistis, ut multos armatos habereitis, & redundarent omnibus bonis horrea & cellaria vestra, nec erit amplius necesse aliena tollere, cum quilibet ex proprio possit abundare. Sic fit, ut nec Imperator crimine denotaret, nec bellum in regno moveatur: sic fit, ut & corpori satisfacere habeatis, & animas vestras (quod felicissimum est) salvetis. Sed nihil ago, alium ad lyram voco, consuetudo mala aut nunquam aut vix tollitur. Igitur assueti rapinis, ut occasionem repetendæ consuetudinis invenirent, movendis iterum bellis animum intendebant, iterum æmulum Imperatoris reperire quærebant. Ad quam rem filium ejus maxime idoneum existimabant, itaq; ut suggestioni locum invenirent, quæ prima decipiendi lenocinia erant, frequenter eum venatum secum abducebant, conviviorum illecebris inescabant, jocis in dissolutionem animi mulcebant, & ad pleraque faciendi, quæ adolescentia suadet secum trahebant. Denique (ut fit) inter adolescentes quodam sodalitatis glutine vincti sunt, ut etiam fidem, dextramque mutui servi sunt, toleraret: patrem ejus senem esse, & moderandis regni habenis invalidum, si investituram regni usque ad obitum ejus differret, haud dubium quin alter illud, sibi præterperet, illum multos fautores habiturum propter invidiam & odium patris sui, se autem omnium vota in se transferre, si non cunctaretur suscepti regni gubernacula possidere, maxime cum patrem ejus excommunicatum, & ecclesia dudum abjecerit, & procures regni reproboverint: nec sibi observandum, quod incaute juraverit, imo tum demum se sanctificasse, si juramentum excommunicato juratum irritum faceret. Pater vero de filio nihil mali suspicatus, familiaritatem ejus cum majoribus regni probavit, sperans eos sibi postmodum tanto fidelius & validius auxilium ad obtinendum regnum laturos, quanto prius invicem in amore magis coaluissent. Quid multa? statim illectus, & abstractus à concupiscentia, malignæ suggestioni (ut semper seductilis est adolescentia) nec voto desuit, nec facto. Igitur filius Imperatoris observans tempus recedendi à patre, quando id maximo patris incommodo fieret, euntem illum cum exercitu contra quosdam Saxonum rebelles, qui per legatos obviam Imperatori missos, pactioni insisterant, repente abstractis ab eo multis, deseruit, proculdubio deferendus ab iis qui sibi, ut delestor fieret, persuaserunt. Missis imperator post eum legatis, tam lachrymis, quam mandatis revocavit, obtestans eum ne senem patrem contristaret, imo ne patrem omnium offenderet, ne se spuriis hominum exponeret, ne se fabulam mundo faceret: Insuper meminisset, quæ se sibi cautione obligasset: hostes esse, non amicos; insidiatores, non consiliatores, qui sibi talia suggessissent. Ille prorsus abnuir, & se non ulterius secum partem habiturum (quia excommunicatus esset) asseruit. Ita sub specie causæ dei, suam causam egit. Illico Bavariam, Sueviam, Saxoniam percurrit, procures convenit,

Pax exosa militibus.

Corruptela principii.

Henrici filius contra patrem à quibudani animatur.

attraxit

Norinbergen-  
ses obfessi, for-  
titer se defen-  
dunt.

Ratisbona.

Regio fluvii.  
us.

Dux Bohe-  
mia.

attraxit omnes (ut sunt ingenia novarum rerum cupida) & subintravit in regiam potestatem tanquam sepeliisset patrem. Mox castellam Norinberch minax obfedit, ubi quanta virtute pugnatum sit, clades utriusque partis argumento fuit. Sed obfessis quanto minus spei; tanto plus animi inerat: & nisi imperator sceleri parcens, castellum tradere praecepisset, adhuc ibi casta obfidiōe laboraret; excepto, si sola fames (quae cuncta expugnat) illud non expugnet. Ecce quanta pietas patris? Reddidit contra filii factum paternitatis affectum: non attendit injuriam, sed naturam. Maluit oppidum tradi, quam filii discrimine liberari: maluit ejus injurias tolerare, quam vindicare. Igitur oppidani oblata qualem vellent pactione oppidum tradiderunt; dimissosq; exercitu rex Ratisbonam se contulit, ut eam dum adhuc ancipiti penderet animo, stabilem sibi, fixaq; fide immobilem faceret. Quod ubi comperit Imperator (sedit enim tunc in urbe Wirtziburgensi) reputans filium, vel in itinere, vel in urbe comprehendi posse, tam praecipiti, tamq; tacito cursu ejus vestigia sequebatur, ut iter ejus non ante, donec non modica turba suorum transito Danubio ad urbem immixtis equis ruerent, praesciretur. Obstupefactus filius ad tam subitam & inopinatam rem, ex urbe profugit. Cur fugis non fugiendum? Cur fugis patrem tuum? sequitur te, non persequitur: sequitur (inquam) non ut hostis, sed ut pater: non ut perdat, sed ut servet: sequitur ut turbata ex te Rempublicam in quietum statum restituat, & tuis rebus in futurum prospiciat. Missis illico rex nunciis per Bavariam & Sueviam, sparsum exercitum recollegit: quae res Imperatorem, cogeret ut & ipse exercitum, coegit. Igitur exercitus uterq; ad fluvium (cui Regino nomen) se sibi opposuit: hinc pater, inde filius: hinc pietas, inde furor, confedit. Cumq; potentiores utriusque partis tanquam tanti dissidii mediatores convenirent, qui ex parte Imperatoris erant, persuasibilibus illecti verbis, & multis magnisq; pollicitationibus attracti, erga Imperatorem in fide frangebant; & nisi domesticam fraudem praesensisset, solus cum paucis periculo relictus esset. Igitur quod faciendum fuit, sceleri fortunaeq; cedendum putavit, & ad similitudinem David, ne filius parricida fieret, fugit. Quam mirabiliter gratia dei operatur, quam evidenti signo nos docet, si doceri vellemus, si caecum cor non haberemus! Cogitans Imperator, quod inimici sui hac, qua venerant persequerentur eum, ad ducem Bohemiae divergit: qui quamvis eum nuper in arcto non bene reliquisset, cum magno tamen honore suscepit, & usque in Saxoniam deduxit: ubi quamvis infestis & fortes inimicos haberet, per eos tamen & ab eis usq; ad Rhenum honorifice deductus est. Unde hoc, nisi quod manus domini erat cum eo, & invisibilem ducem habebat, qui eum securum pro tela, per hostes ducebat. Hoc miraculo monitus es, o fili Imperatoris, si moneri posses, ut diceres venerari patrem tuum non persequi, quem venerati sunt, cum in manus eorum venisset etiam inimici. Sed durius moneberis, cum ex hac tam leni admonitione non corrigaris. Cum autem Imperatoris fuga cognita esset, eventus ille multos ab eo seduxit: multumque rebus filii sui accedere, suis autem decedere fecit. Continuo rex, ut faventem sibi fortunam urgeret, curiam Moguntinam ad natale domini indixit, invitavit proceres, accesserunt multos, ut cunctis innosceret, quia dominus rerum esse vellet. Ad quam curiam etiam Imperator, convocatis necessariis suis, venire disposuit, volens in ratione ponere recte secum an secus actum esset. Quod cum agnovissent adversarii ejus, metuentes sibi & causae suae si veniret ille, tam armatus multitudine, quam ratione, hanc fraudem regi suggeriebant, ut obviis patri sumpto valde poenitentis vultu culpam fateretur, & gratiam expeteret; dolere se, quod malignae suggestioni consensisset, paratum se ad omnem satisfactionem, dum gratiam inveniret. Et si sic occasionem fraudis invenire posset, uteretur illa: fin autem non, fraus ipsa pro fide, simulatio teneretur pro veritate. Hac instructus arte, cum venisset ad patrem, pater credulus verbis & lachrymis filii, irruit super collum ejus, flens & deosculans eum, gavisus instar illius evangelici patris revivisse filium, qui mortuus erat, & inventum, qui perierat. Quid multa? condonavit filio, tam poenam, quam culpam: & hoc fuit illi injuriam filii vindicasse, paternam lenitatem filium corripuisse, juxta illud Comici, Pro magno peccato filii, paululum supplicii satis est patri. Post hac patrem, sicut fide poenitudine, sic & consilio fessellit, suggerens ei, quem admodum sibi suggestum fuerat ut dimissa tanta multitudine ad curiam ambo mediocri copia venirent, nihil esse cum ipsi coissent in concordiam, quod illi resisteret, vastari omnia si pergerent ea copia. Placuit consilium patri: bonum quidem si fraudulentum non fuisset: Dimissaque multitudine, non plus, quam trecentis viris ad curiam filio comite pergebat. Ventum est ad nocturnam mansionem, ibi se filius obsequio patris totum impendebat, ibi se pater cum filio mirum in modum per totam illam noctem oblectabat, colloquebatur, colludebat, amplexabatur, osculabatur, avidus recompensare dannum oblectationis diu intermissa: sed nescius illam oblectationis noctem ultimam esse. Mirū, fraudem vimq; tam ordinatam fortunam habuisse. Postera namq; die, cum appropinquarent Moguntiam, venit nuncius subornatus, qui diceret Bavarios & Suevos cum ingenti multitudine Moguntiam venisse



venisse: tunc filius suggestit Imperatori, non esse tutum venire in medios hostes, nisi praeter-  
 ratis eorum animis: audaciam hominum nullis regi frenis: diverteret potius ad castellum  
 quod iuxta erat: dum ipse conveniret eos, & a sententia incepti deduceret, & ad eum obre-  
 quirendam ejus gratiam, secum adduceret. Fecit Imperator ut filius suggererat: divertere ad  
 castellum, non cernens laqueum doli, quem tlexerat pulchra species mendacis fidei. Cum  
 autem Imperator cum paucis intrasset, oclusa porta, fidelibus ejus aditus negabatur, cunctaque  
 fraude qui receptus est ut dominus, tentus est ibi ut captivus. Itaque appositis patri custodi-  
 bus, cum hoc fraudis triumpho ad Moguntinam curiam reversus, tanquam rem virtutis  
 egisset, cum magna jactantia retulit, quo ingenio patre comprehendisset. Tum vero curia pla-  
 su laetitiaque resonabat: & nefas iustitiae, fraudem virtuti ascribant. Statim, misso Legato,  
 patri mandavit, ut si vitam servare vellet, absque mora sibi crucem, coronam, & lanceam,  
 caeteraque regalia transmitteret: & munitiones quas firmissimas tenebat, in manum ejus  
 transferret. Nec ille cunctabatur omnia quae jussus est facere, nec imperium pluri habebat  
 quam se. Sed non in hoc satisfecisse videbatur, nisi & ipse coram veniret & in conspectu  
 omnium imperio renunciaret. Venit ergo non suae potestatis, sed in comprehensione ad-  
 ductus: solus coram eis; qui dudum coram se steterant, stetit: nec rationis libertatem ha-  
 bens, ut captivi fortuna postulabat, loquebatur. Inquisitus de spontanea imperii renunciati-  
 one, non quod voluntas habuit, sed quod necessitas coegit, respondit: se videlicet imperio  
 renunciare, non vi coactum, sed propria voluntate inductum, sibi jam defecisse vires ad mo-  
 derandas regni habenas, non se ejus jam cupiditate teneri, quod longo usu didicisset, habere  
 plus molestiae, quam gloriae: tempus esse, ut honore cum onere disposito provideret ani-  
 mae suae: tantum filius suus caveret, ne quid tale faceret in se, quod indignum esset, & il-  
 lum facere, & se pati. Multos & oratio Imperatoris, & fortuna ad gemitus & lachrymas  
 commovit: filium autem ad miserationem nec ipsa natura movere potuit. Et cum caderet  
 ad pedes filii, orans, ut recogitaret in se saltem jus naturae, nec vultum, nec animum ad pa-  
 trem reflexit: cum ipse potius ad patrios pedes advolvi debuisset, eo quod illi regnum (cujus  
 haeres ab ipso designatus fuerat) impatiens morae praeparuisset. Praeterea veniam precabatur  
 ab omnibus, quos unquam injuste laesisset: sed & pedibus Apostolici Legati advolvitur, orans &  
 obsecrans, ut se a banno solveret, & communioni ecclesiae redderet. Laici misericordia com-  
 moti, veniam dabant: Legatus autem domini Apostolici, absolutionem negabat, asserens non  
 hoc suae potestatis esse, oportere ab ipso Apostolico absolutionis gratiam eum expectare. Quid  
 multa? abrenunciata imperiali dignitate, privatus discessit, & ad quandam civitatem, quam filius  
 victui illius permiserat, recessit. Quam impotens potentia mundi, quam incerta, quam instabi-  
 lis! sed nec potentia dicenda est, quae ad omnia quae vult, efficacis non est: & quam qui asse-  
 quitur, amittere potest. His ita transactis, finitaque curia, Rex superiores Rheni regiones & ur-  
 bes pertransit: & (ut res postulabat) hos beneficio, illos injuria sibi subiecit. Cum autem in-  
 trasset Alsatiam, ibi fortuna ejus aliquantulum haesit, ibi pugnam tam infelici eventum, quam im-  
 prudenti gessit incepto. Nam cum in villa Rufach, quae multitudine praevalet & armis, latel-  
 lites ejus superbe grassarentur, frequentia civium injuriam prohibebat: nec enim dum injuria  
 modum excederet, patiens esse poterat. Audito tumultu, Rex properabat: non ut injuriam  
 prohiberet, sed juvaret: non ut pugnam sedaret, sed amplius commoveret. Quae res totius vil-  
 lae turba excivit: ruit irrevocabile vulgus, foemina cum viro, servus cum domino, ignavus cum  
 forti: & ut plerumque fit, animum injuria ministravit. Incepta pugna, incepta est fuga: nam qui  
 regiae partis erant, cum viderent impetum furentis turbae, & rem in arcto sitam, considerantes  
 in virtute sua cladem, in sola fuga salutem, qui poterant, fuga vitam servabant. O infelicis even-  
 tum! o dedecus regni! fugiente rege, regalia insignia vulgi praeda facta sunt. Relipsice tan-  
 dem Rex bone, relipsice, & supernam iram in hac sorte tua recognosce. Judicium irae Dei  
 est, ut fugeres, qui patrem fugasti & insignia perderes, quae patri abstulisti. Sed his postea  
 receptis, interveniente pacto pacis & gratia veniae, & regem sententiam mutare fecit altum  
 vulnus injuriae, ut majori robore collecto, villam incendio praedaque vastaret, & in homi-  
 nes loci illius indidit, ut caede saeviret. Sed quod in se fortuna tantum ausa est, ex patris  
 consilio prodisse suspicatus, novas injuriarum cogitationes in eum cogitare coepit: & ne sibi  
 esset obstaculi materia, vel ad comprehensionem ejus, vel ad expulsiorem animum intendit.  
 Itaque Leodii ubi eum fidem & fortunae suae receptaculum invenisse audierat, pascha sibi ce-  
 lebrandum statuit: ut & ipsum, si fieri posset, comprehenderet, & ab episcopo, qui sui hono-  
 ris amulum receperat, injuriam expostularet. Cumque pater vidisset, quod filius Leodii pas-  
 cha celebrandum statuisset, legationem ad eum in hunc modum direxit: Si interrogem te, fili  
 dulcissime, Traditio hominum an mandatum Dei praestantius, magis tenendum sit, responde-  
 bis, nisi a vero deductus sis, similem esse jumentis, qui coelestia terrenis, humanis divina non  
 praeferat. Cur ergo magis audis eos, qui tibi suggerunt, persequere partem tuam, quam ver-  
 bum ipsius Dei, Honora patrem tuum? Isti te decipiunt, non instruunt: isti honori tuo non

Henricus ca:  
plur à filio.

Legatus apo-  
stolicus.

Rufa: in Al-  
latia.

Rubeacenes  
Henrico in-  
signia regalia  
abstulerunt.

Rubeacum di-  
cipitur & in-  
cenditur.  
Leodium.

provident, sed invident: isti sub specie fidei, perfidia laqueos rectum: non aliter pervenire poterunt ad destructionem honoris tui, nisi per destructionem nostrum. Fuerit sane, ut peccatis meis exigentibus (quæ sententia adversariorum meorum est) abiecerit me deus ne regnem: Attamen tuum non erat in abiectionem meam operam dedisse: & regnum quod tibi paraveram, mihi præcipuisse. Barbara regna tam inhumanum facinus damnant, & devovent, ipsi pagani abhorrent, & qui deum nesciunt, quid in diligendis hominibus naturæ debeant, recognoscunt. Sed quid mirum, si maligna surreptio seductilem & immaturam ætatem decepit, cum etiam senes, & fixum animi statum, ad malum, mala consilia nonnunquam inflectant? Fortuna mea alieni potius, quam tui sceleris est. Nam tu in manibus suadentium eras, non illi in malis. Si autem injuriam addideris, non jam excusari poteris: cum & factam, crimen esse scias, & infectam non facere queas. Audivi enim quod pascha Leodii celebrandum decreveris: quo in loco fides & pietas episcopi me recepit, cum non esset qui vel beneficiorum nostrorum recordaretur, vel fortunæ comparetur: cujus profecto beneficiis in me te decet regia liberalitate respondere: tantoque certior de ejus fide poteris esse, quanto fidelius erga nos probatur egisse. Hic nisi te forte domo receperit, me secum in festivitate paschali retinendum decrevit. At dicis dignum & conveniens esse, ut ea festivitas nos jungat potius, quam dividat: te velle, te capere, ut ibi tecum agam dies paschalis lætitiæ: quod quidem & ego admodum cuperem, si non esset quod timerem. Neque enim non possum non timere eos, quos mihi vitam permittere pœnitet, dum in manibus eorum mors & vita mea fuisset. Omnia mihi suspecta sunt, omnia timenda sunt, maxime in turba, ubi tanto difficilior est periculi cautio, quanto major sceleris occasio. Inde est, quod ex medio eorum, qui me oderunt, longe receth, & in extremis regni tui finibus me contraxi: ut vel secessu loci tutus sim, vel si fortuna mea postulaverit extraneam humanitatem expetere, citius regno tuo cedere possim. Precor ergo, ut causa patris tui, paschalem curiam alibi disponas, & in domo ejus qui me humanitatis gratia recepit, cum non liceat Imperatorem, saltem hospitem esse finas: ne vel in meum ludibrium, vel in tuum opprobrium narretur, quod in solennitate dominicæ resurrectionis incerta hospitia fortuna mea quarere cogatur. Si feceris quod possum, maximas grates habeo: sin autem non, malo villicus esse in extremis regnis, quam ludibrio haberi in regnis quondam meis. Hanc legationem patris aucte filius audivit, nec à sententia sua deduci potuit. Quam ob rem, cum jam instante pascha, pater recedere vellet, episcopus & Henricus dux (qui & ipse ab episcopo fuerat invitatus) eum recedere prohibebant: non se posse pari, ut in tanta festivitate pulsus, è tectis hominum sylvas peteret, latebrasque ferarum: illum quidem ab eis causa destitutum imperio, sed non amicorum obsequio: si pace frui permitterentur, nihil se magis quam pacem velle: sin autem res armis agenda sit, arma sibi non defore. Ille vero ne eis materia cladis esset, cedere quam manere utilius allerens, tandem eis cum importunius instarent, consensit, & ut postulabant, mansit. Jamque multis equitatus faciem regis longe præcedens ad pontem fluvii, qui vocatur Mola, venerat: & alterius ripæ crepidinem filius prædicti ducis cum paucis occupat. Nam turbam armatarum non longe per opportuna loca in insidiis locaverat, qui ut pugnam provocaret, nunc equum in rectam cursum lineam immisit, nunc in orbem flexit & reflexit; & si pares numero confingere secum auderent, inquit. Nec mora, transferunt ad eos totidem ex parte regis, mixtique intra se vario reflexu, nunc pugnam inferebant, nunc fugam agitant. Interim unus & alter, transito ponte, sociorum numerum latenter auxit, & rupto certaminis pacto, ex aequali inaequalem fecit. Quod videns filius ducis, terga cum suis vertit, non tam ut fugeret, quam ut falleret; nec tam ut fugientes periculum vitaret, quam ut sequentes in periculum deduceret. Hi autem, qui ex adversa ripa erant, visa fuga, præcipiti cursu pontem transeuntes, fugientes persequuntur, ignari futuræ fortis & fraudis quæ latebat. Postquam autem ventum est ad locum ubi dispoſite fuerant insidiæ, exurgentes de insidiis impetu magno in persequentes ferebantur. Illi autem inopino territi periculo, metuque turbante nil rationis in armis habentes, in fugam se retorserunt. Sed quid profuit avertisse pectora, & vulneribus terga dedisse? Itaque multi capti, multi truncati, multi occisi sunt: victorq; cruentus non alium modum sceleris habebat, nisi quem fastidium faciebat. Ad pontem vero ubi fugax multitudo se coarctaverat, tanto plus sceleris impia manus peregit, quanto minus confitata turba se movere potuit. Sed multo plures fluvius absorbit quam ensis hausit; nam cum hostis à tergo premeret, impellente metu, in fluvium se precipitabant, & attoniti, confusique de morte in mortem ruebant. Erat ibi cernere, & aliam miseriam vel maximam, cum pons multitudine pręgravatus repente corruit; & fluvius homines equosq; pariter involvit. Nulli locus erat evadendi, nulli profuit ingenium natandi; nam aut armorum pondere, aut inharantium connexionem fatigatus, in profundum trahebatur. Quod malum (ut scelestius esset) in ipsa die paraceve contigit, crevitq; magnitudo sceleris

ex

Mola.

ex reverentia temporis. His itaque transactis, Rex iter Coloniam convertit: sed cum illa quoque aditum sibi præcussisset, in villa, quæ dicitur Bonna, dominica tantum paschæ peracta, Moguntiam festinus rediit; & sparsis ubique legatis, querimoniam ad proceres in hunc modum direxit: Si per invasionem regnum occupassem, tamen resistentes potestati nostræ retunderem in quantum possem? Nunc autem cum in sumpta regni dignitate vestris parvum præceptis, ausus est quisquam impune in publicam contumeliam regnum & nos armis vexare? Cum enim Leodium ituri, ubi nobis curia paschalis habenda fuerat, ad fluvium Mosam venissemus, Episcopus Leodiensis & dux Henricus, de quorum fide & obsequii devotione multum præsumebamus, nobis latenter insidias posuerant, & nostros infucios & ad pugnam imparatos cadebant, capiebant, fugabant: quæ & quanta clades ibi acciderit, tam pudet referre, quam inultum dimittere. Igitur constrictus & eventus asperitate, & temporis articulo Coloniam diverti, quæ cum me recipere satis superbe refutaret, apud villam Bonnam sanctum diem paschæ utcunque peregi. Cui unquam regiaræ personæ tanta contumelia facta est? Nec solum me petit hæc contumelia, vos despecti estis; isti præsumptores decreta vestra auctoritatem habere nolunt: sua tantum statuta firma esse volunt; denique in quos totum regni pondus se reclinet haberi cupiunt. Regem quem constitulistis, destituere parant, ut nihil eorum, quæ vos decernitis ratum sit. Igitur hæc injuria mea regni potius est, quam meæ. Nam unius capitis licet summi deiectione, reparabile regni damnum est: Principum autem conculcatio, ruina regni est. An hæc impune feremus? & ex ignobili patientia nostra, magis tumebit eorum superbia. Absit, ut qui dicimur inhonorati, dicamur & inulti. Pauca dixisse sat est: desides animi proluxæ cohortationis stimulo opus habent, causa magis ad incitamentum facit, quam verba. Quia igitur contra tam superbos hostes R.P. viribus utendum est, expeditionem vobis & rogando præcipimus, & præcipiendo rogamus; cujus collectioni & tempus, Calendas Julias, & locum Wirtzburgensem urbem præstinimus. Cum ergo audisset Henricus dux & Colonienſes cum Leodiensibus, quod super se rex exercitum ducere vellet, arma parabant, copias colligebant, urbes firmabant, & ad resistendum pari voto studioque se accingebant. Sed & Imperatorem consiliis & precibus urgebant, ut imperialem dignitatem, quam non ratione convictus, sed vi ferroque mortem intentante coactus dimississet, resumeret: se sibi nec armis defore, nec animis; multos illum in brevi fautores habiturum, quia multi multum abominarentur tam insolentem facinus & inhumanum. Quorum importunitati hac ille ratione reniti cœpit, impossibile esse amissum imperium armis repetere, quod possessum armis retinere nequivisset: illud sibi non esse tanti, ut multorum exitio recipiendum existimaret: beatius sibi & tutius fore, ut privatus licet indigne deiectionis viveret. Sic utrinque datâ, redditaque ratione, cum instare non desinerent, ne benignitatem circa se removeret à se, nec ad integrum consensit, nec abnuvit; providusque futuri, præcepit eorum animos spe dubia suspendit. Igitur primo Coloniam, quæ primū impetū latura fuerat, vallo turribusque muniebant: & congestis belli stipendiis, impositoque præsidio, periculum suum fortibus animis expectabant. Sic & alias urbes quas invadendas credebant, munitione, machinis, & robore militum firmabant: sed & edictum sub comminatione crudeli ubique spargebant, ut adversus exercitum in magna superbia super se venturum parati essent, & patriam, libertatem, vitamque defenderent, neu finerent uxores suas corruptionis ludibrio subſterni, vel agros in alienos dominos distrahi. Jam Rex Rhenum cum exercitu valido transferat, & primo Coloniam, quæ quasi caput inter alias urbes eminebat, magno impetu invasit: reputans se sibi membra facilius subjicere contrito tam valido capite. Sed res longe præter spem evenit: nam cruenta repulsa retroacti procul locatis castris, urbem obsidione vallabant: magis autem dixerim obſeſſores ab obſeſſis obſeſſos; nam præreptis sibi navibus quæ per Rhenum descendentes exercitui commeatum portabant, premente fame quasi quadam obsidione constricti laborabant. Interim ut urbem ab obsidione liberarent, totius patriæ robur undique coibat. Sed imperator tam cruentum facinus detestatus, pugnam obnixè dissuadebat, cur eis tantus ardor pellendæ obsidionis inesset, quæ non nisi magna sui clade pelli posset: tollerent omnem sollicitudinem capiendæ urbis, quæ & ex firmitate murorum, & ex forti milite tutissima, & omni victus genere esset opulentissima, accedente & Rheni beneficio, qui per naves delicias quas appeterent, invito obſeſſore subministraret: finerent potius eos in cladem suam furere, & inexpugnabilem urbem, unde vulnera tantum, caſosque reportarent, impugnare: finerent eos late vastare, dum ruris copia consumpta esurire inciperent: finerent eos grassari, dum equos virosque labor enervaret: fore ut victoria sibi parvo constaret, si paululum tolerantia & opportunitate temporis uti voluissent. Sic Imperatoris hortatu à pugna revocati, hostiles tantum excutius observabant, & ignaros loci passim cadentes, metum hosti ne longius evagaretur, incuriebant. Omnia vero quæ prædixerat Imperator evenerunt. Quoties enim tentabant portas, infringere, ariete murum percurrere, tormentis turres dejicere, inſecto

Morbis.

Henricus pa-  
ter moritur.

Confessio.

negotio vulnera tantum & funera ad castra reportabant: homines & equi exhausti, tam alimentorum penuriâ, quàm laboris improbitate viribus deficiebant: nam agris in circuitu vastatis, nihil reperiebant: sed hæc ulterius progredi, latitante in insidiis hoste, præsumebant. Accessit his malis etiam morbus, quem foetor castrorum (ut fieri solet) aere vitiatum concitaverat, qui non solum vulgus, sed etiam ipsos principes, aut agitudine confecit, aut letho rapuit. Hujusmodi rerum adversitate fatigati, quid acturi essent ambigebant, quia volentes mori, occasione pugnæ non inveniebant: aut si reditum pararent, certi quod hostis à tergo premeret, exercitum suum fugâ spargendum metuebant. Qua tempestate mentis dum fluctuarent, subito fama veniens, nubila tantæ perturbationis in serenum convertit. Retulit enim Imperatorem mortis debitum persolvissè: ad quam famam primo hæsitabant. Sed cum nuncius extremum munus patris, annulum videlicet & gladium cum mandatis filio portans venisset, tanta lætitia oborta est, ut voces gratulantium minime sedari possent. Sed non minor lætus circa funus Imperatoris erat: proceres plangebant, vulgus lamentabatur; ubique gemitus, ubique planctus, ubique vox dolentium audiebatur: ad exequias illas, viduæ, pupilli, denique totius patriæ pauperes conveniunt, desunt se orbatos patre, fundunt in corpus lachrymas, deosculantur largas manus, vix avellabantur ab amplexu extincti corporis, vix illud copia condendi dabatur. Sed nec tumulum deserebant, ibi vigiliis, lachrymis & orationibus vacabant, plangendo recitantes, & recitando plangentes, quam opera misericordiæ fecisset in se. Quanquam mors ejus plangenda non fuit, quam bona vita præcessit, qui fidem rectam, spem firmam, compunctionem cordis amarum in extremis suis tenuit, quem nec de pudendis admittis publicam agere confessionem puduit: qui tota cordis aviditate dominici corporis cibum sumpsit. Felix es Imperator Henrice, qui tales excubias, tales intercessores tibi parasti, qui nunc multipliciter auctum de manu domini recipis, quod in manus pauperum abscondisti: turbulentum regnum pro tranquillo, defectivum pro æterno, terrenum pro coelesti mutasti. Nunc demum regnas, nunc diadema portas, quod tibi nec hæres tuus præcipiat, nec adversarius invideat. Ergo continendæ sunt lachrymæ, si contineri possunt. Huic tuæ felicitati debetur tripodium, non lætus: exultatio, non planctus: voces gratulantium, non dolentium. Post hunc rerum eventum, hi qui contra regiam majestatem bellum susceperant, mortua spe sua, animis & viribus deficiebant: & quod in illo rerum articulo faciendum fuit, ad gratiam regis deditione, pecunia, quoque modo quisque poterat, recurrabant.

¶ Ecce habes de gestis, de expensis in pauperes, de fortuna, de obitu Imperatoris Henrici, quæ sicut non poterant absque lachrymis à me scribi, sic non poterunt absque lachrymis à te legi.

¶ Vitæ Henrici quarti Cæsaris Augusti finis.

## EPISTOLÆ ALIQUOT HENRICI

Quarti Cæsaris Augusti ad Pontificem Romanum & alios principes.

¶ Henricus Dei gratia Rex, Annoni Coloniensi Archiepiscopo, gratiam, salutem, dilectionem.

**I**N Maximis negotiis, maximis maximorum opus est consilii, qui & facultatem habeant exteriori, & voluntate non careant interiori, ut rei cui bene cupiunt, bene consulere & velint & possint. Quia in cujuslibet rei profectu, nec facultas sine voluntate, nec voluntas sine facultate proderit, quod utriusque tu fidelissime (ut arbitramur) æqualiter possides, vel (ut verius dicamus) licet maximo tibi maxima nō desit facultas, major tamē adhuc maxima facultate (si te bene novimus, si fidem tuam diligenter notavimus) in nostram & regni



regni utilitatem tibi exuberat voluntas: de præteritis enim fideliter exhibitis, in futuris crescit spes fidelis exhibendis. Tux autem dilectioni committimus, ne spes nostra major sit fide tua: quia de nullius regni principum vel episcoporum fidelitate, quam de tua, majora speramus: sicut hæcenus non modo in præteritarum rerum exhibitione, verum etiam in sperandarum promissione tua gavili sumus. Adsit igitur hoc in tempore opportuno tua cum facultate voluntas, quam non modo nostra, verum & omnium episcoporum, fratrumque tuorum, imò totius oppressæ ecclesiæ exoptat necessitas. Non etiam hanc oppressionem iguoras, tantum vide, ne oppressæ te ecclesiæ subtrahas, sed regno & sacerdotio condoleas: quo utroque sicut hucusque ecclesia est exaitata, ita nunc, heu! humiliatur viduata. Nam unus dum utrumque sibi vendicavit, utrumque dissipavit: nec in uno profuit, qui in neutro prodesse voluit, nec potuit. Et ne diutius notati nomine te suspendamus, accipe quem dicimus, Hildebrandum scilicet, monachum habitu quidem, dictum apostolicum: non pastoris cura, sed invasoris violentia, apostolicæ sedis præidentem, & de fede pacis catholicæ, pacis unitæ vincula dissipantem, ut tibi in promptu est scire. Ut enim de pluribus pauca referamus, regnum ac sacerdotium deo nesciente sibi usurpavit: in quo piam dei ordinationem contempsit, quæ non in uno, sed in duobus duo, id est, regnum & sacerdotium principaliter consistere voluit: sicut ipse dominus salvator in passione sua, de duorum gladiatorum sufficientia typica intelligi innuit. Cui cum diceretur: Ecce domine, duo gladii hic; Respondit, Satis est, significans hac sufficienti dualitate, spirituales & carnales gladium in ecclesia esse gerendum, quibus omne nocivum foret amputandum, videlicet sacerdotali ad obedientiam regis pro deo: regali vero gladio ad expellendos Christi inimicos externos, & ad obedientiam sacerdotii interius, omnem hominem docens fore constringendum: & ita de alia in *etiam* charitate tenderetur, dum nec regnum sacerdotii, nec sacerdotium regni honore prioretur. Hanc dei ordinationem qualiter Hildebrandica infamia confuderit, tu ipse nosti, si scire voluisti: nam nullum ejus judicio licet esse sacerdotem, nisi qui hoc a fastu suo emendicaverit. Me quoque quem Deus in regnum, non autem illum vocavit ad sacerdotium, quia me de deo & non de illo regnare velle vidit, quia ipse me regem non constituit, regno privare studuit, minitans, regnum animamque mihi se tollere: quorum neutrum concessit. Hæc & his similia, cum sapiens in nostram (ut ipse nosti) contumeliam struxerit, non tamen adhuc sufficere credit, qui de die in diem nova & exquisita confusionis genera nobis ingerit: ut in nostris nunciis noviter argumentum dedit. Nam charta exponere non sufficit, qualiter eisdem nostris nunciis tradaverit: quàm indignis modis affecerit, quàm crudeliter eos incarcerationit: & carceratos, nudare, frigore, fame, siti, ac plagis contriverit, sicque deum exemplum per medium civitatis circumductos, omnibus spectaculum præbere jussit, ita ut eundem cum Decio tyranno insanire, & sanctos asfare credas & dicas. Unde ne pigeat charissime, communi nostrorum, scilicet meæ, & coepiscoporum tuorum petitioni satisfacere, ut in pentecosten Wormatiam venias, & ibi plura, quorum pauca docet chartula, cum cæteris audias principibus, & quid agendum sit doceas: rogatus per dilectionem coepiscoporum, monitus per ecclesiæ utilitatem, obligatus per vitæ nostræ & regni totius honorem.

Hildebrandus.

Duo gladii.

Regnum animamque tollere.

Hildebrandi inhumanitas in nunciis regis.

## † HENRICUS DEI GRATIA REX,

Universæ sanctæ Romanæ ecclesiæ clero & populo gratiam, salutem & omne bonum.

**H**ÆC fides firma & inconcussa creditur, quæ semper, & eadem, & præfenti & absentis servatur: nec diuturna ejus, cui debetur absentia, nec longi temporis tædio immutatur. Et de alia epistola: Exurgite in eum fidelissimi: & primus in fide sit primus in ejus damnatione. Non autem ut sanguinem ejus effundatis, dicimus: quippe cum major sit sibi post damnationem poena, vita, quam mors: Sed ut eum, si nolit descendere, cogatis, & alium communi omnium episcoporum, & vestro consilio a nobis electum, in apostolicam sedem recipiatis, qui, quod iste in ecclesia vulneravit, curare velit & possit.

¶ Henricus, non usurpative, sed pia Dei ordinatione Rex, Hildebrando jam non Apostolico, sed falso monacho.



**H**ANC talem pro confusione tua salutationem promeruisti, qui nullum in ecclesia ordinem prætermisisti quem confusionis non honoris, maledictionis non benedictionis, participem non feceris. Ut enim de multis pauca & egregia loquamur: rectores sanctæ ecclesiæ, videlicet archiepiscopos, episcopos, vel presbyteros non modo non tangere, sicut Christos domini non timuisti, quin sicut servos nescientes quid faciat dominus eorum sub pedibus tuis calcasti: in quorū conculatione tibi favorem ab ore vulgi comparasti: quos omnes nihil scire, te autem solum omnia nosse iudicasti, quæ utique scientia non ad edificationem, sed ad destructionem uti studuisti: ut iure hoc beatum Gregorium, cujus nomen tibi vendicasti, de te credamus proleptasse, dicentem sic: Ex affluentia subjectorum plerunque animus prælati extollitur: existimat se plus omnibus nosse, cum se videt plus omnibus posse: & nos quidem omnia hæc sustinimus, dum apostolicæ sedis honorem conservare studuimus. Sed tu humilitatem nostram timori fore intellexisti. Ideoque & in ipsam regiam potestatem nobis à deo concessam, exurgere non timuisti, quam à nobis auferre ausus es minari, quasi nos à te regnum acceperimus: quasi in tua, & non dei manu sit regnum vel imperium: quia dominus noster Iesus Christus non ad regnum, te autem non vocavit ad sacerdotium. Tu enim his gradibus ascendisti, scilicet astutiā (quod monachica professio abominatur) pecuniam, quæ favorem, favorem ferrum, ferro sedem pacis adisti: & de sede pacis pacem turbasti, dum subditos in prælatos armasti, dum episcopos nostros à deo vocatos, tu non vocatos, spernens accuisti: dum laicis ministerium eorum super sacerdotes usurpasti, ut ipsi deponant vel condemnent, qui ipsos de manu domini per impositionem manuum episcoporum docendos acceperant. Me quoque (licet indignus inter Christianos sum ad regnum vocatus) te teste, quem sanctorum patrum traditio soli deo iudicandum docuit, nec pro aliquo crimine, nisi à fide (quod ablit) exorbitaverim, deponendum asseruit: Cum etiam Julianum apostatam prudentia sanctorum episcoporum, non tibi, sed soli deo deponendum commiserit. Ipse vero quid verus papa, beatus Petrus clamat? Deum timere, regem honorificare. Tu autem quia deum non times me constitutum ejus inhonoras. Unde beatus Paulus, ubi angelo de coelo alia si prædicaverit non pepercit, te quoque in terris alia docentem non excepit. Ait enim, Si quis, vel ego, vel angelus è coelo, præter id quod evangelizavimus vobis evangelizaverit, anathema sit. Tu igitur hoc anathemate, & omnium episcoporum nostrorum iudicio damnatus, descende: vendicant tibi sedem apostolicam relinque, alius in solium beati Petri ascendat, qui nullā violentia religionem palliat, sed beati Petri sanam doctrinam doceat. Ego Henricus Rex Dei gratia, cum omnibus episcopis nostris tibi dicimus, descende, descende.

Hildebrandus motus  
pecunia &  
gladio sedem  
pacis adit.

Arrende.

### ¶ Henricus Imperator Romano pontifici Paschali.

**S**I illa inter nos pax esset & concordia, quæ inter nostros olim & tuos fuit antecessores, quæ inter nos etiam & Nicolaum & Alexandrum, viros catholicos & religiosos Romanos pontifices plena charitate & integra devotione vixit, mandaremus tibi quicquid filius patri: sed distulimus expectantes, & cognoscere desiderantes, si in beneplacito Dei sit, nobis in charitate & amabiliter posse convenire, & ecclesiam suam nostris temporibus nostro labore, ipso cooperante, in statum redire unitatis pristinæ. Hoc quamquam dudum (Deo teste) desideravimus, sed cognita nimia eorum austeritate, qui in Romana erant ecclesia, non utile nobis visum est vel competens, eos de hac causa convenire: quia magis videbantur nos persequi odio & indignatione, quam zelo iustitiæ, vel etiam quam velle nos amplecti dulcedine charitatis ad profectum ecclesiæ. Effectus hoc probat, quia cum ipsi regnum hæreticario jure nobis collatum, tempore religioso virorum Romanorum pontificum, pacifice à nobis diu possessum, contra nos commovere studeant & armare, multa inde orta est strages populorum, tam corporum, quam etiam, quod magis dolendum est, animorum. Nunc quoque filius nostrum, quem tam vehementer dieximus, ut ulque ad solium regni nostri exaltaremus, eodem veneno infectus, consilio quorundam perfidissimorum, & perjuratorum sibi adherentium insurgit in nos, postpositis omnibus sacramentis, quibus se nobis obligaverat posthabita omni hîc & iustitia, tantum ut ecclesiarum bona & regi libere valeant perdere rapere & inter te dividere. It cum multi nobis persuadeant absque dilatione in eos vi & armis esse ulciscendum, maluimus tamen adhuc

adhuc differre, ut tam in Italico, quàm in Teutonico regno fciantur manifeftæ, quod nec no-  
 ftræ fit voluntatis, nec culpæ, fi tandem inviti & coacti in eos infurrexerimus, quæcunque  
 mala vel infortunia, feu populorum ftrages inde evenerint. Præterea, quia audivimus te  
 hominem difcretum, Deum timentem, charitati infudantem, fanguinem humanum non  
 fittere, rapinis & incendiis non gaudere, unitatem ecclefiæ fuper omnia diligere, confilio &  
 fuffeptione principum noftrorum mittimus tibi nuncium iftum cum legatione noftra. Legatio ad  
 Palæftinam  
 pontificem;  
 Per hanc quippe volumus cognofcere, fi eft tibi voluntati te nobis in charitate & amicabi-  
 liter, & nos uniri tibi, falvo nobis honore regni & imperii, & totius noftræ dignitatis ( ficut  
 & avus & pater nofter, aliiq; antecessores noftri habuerunt ) fervato etiam tibi à nobis  
 honore Apoftolicæ dignitatis, ficut antecessores noftri tuis antecessoribus fervaverunt, &  
 nos præfatis pontificibus. Quod fi placuerit tibi paternè nobifcum agere, & eam, quam  
 mundus dare non potefl, pacem ( Deo præfante ) integre nobifcum componere, mitte  
 nobis familiarem nuncium tuum cum privatis literis tuis, & fecreta legatione cum hoc  
 nuncio nofro, ut hoc modo poffimus indubitanter cognofcere, omnem de hac te certitu-  
 dinem voluntatis tuæ. Quæ cognita, mittemus tibi de majoribus principibus noftris, quales  
 & nos tibi mittere & te deceat à nobis recipere ad tantam rem componendam, per quos  
 exclufa omni ambiguitate manifeftè poffis cognofcere, nos veraciter velle complere, quæ  
 tibi mandamus fecrete. Præterea quæ hic infcripta non funt commiffimus huic fideliffi-  
 mo nuncio nofro quædam tibi dicenda, quibus tam veraciter quàm fcriptis credas.

¶ Epiftola Henrici regis ad Hildebrandum.

**C**UM hæcenus ex te ea quæ funt patris expectarem, tibi que in omnibus magna  
 fidelium noftrorum indignatione obedirem, recepi à te viciffitudinem, qualem  
 oportebat ab eo, qui vitæ regni que noftri perniciofiffimus hoftis efllet. Nam  
 cum primum omnem hæreditariam dignitatem, quæ mihi ab illa fede Apoftoli-  
 ca debebatur, fuperbo aufu rapuiffes, longius inde progrediens, regnum Italiæ pefsimis ar-  
 tibus alienare tentafli : neque hoc contentus, in reverendifsimos epifcopos, qui nobis velut  
 dulciffima membra uniti funt, manum mittere non timuiffi, eofque fuperbiffimis injuriis,  
 acerbiffimique contumeliis contra divinâ & humana jura ( ut ipfi aiunt ) exagitafli. Quæ  
 omnia cum ego quadam patientia diffimularem, tu hoc non patientiam, fed ignaviam ex-  
 iftimans, in ipfum caput infurgere aufus es, mandans quæ noftri, fcilicet ut tuis verbis utar,  
 Quod aut tu morereris, aut mihi animam regnumque tolleres. Minax d.  
 etum Hilde-  
 brandi.

¶ Henricus Rex Regi Celtarum.

**P**Rinceps clariffime, & omnium in quibus poft deum fperamus amicorum fideliffi-  
 me, primum & præcipuum inter omnes vos excepi, cui conqueri & deplorare  
 omnes calamitates meas, & miferias neceffarium duxi, & etiam meum veftris  
 advolvi, fi liceret falva majeftate imperii. Primum quidem efl, quod non fo-  
 lum vobis, fed totius Chriftianæ profeffionis hominibus graviffimum ac intolerabile arbi-  
 traturam, quod de Apoftolica fede ( unde ufque ad memoriam noftri temporis falutifer  
 fructus confolationis, dulcedinis, & falvationis animarum oriebatur ) modo perfecutionis,  
 excommunicationis, & omne perditionis flagellum emittitur : nec ponunt ullum  
 modum fententiæ, tantum ut fatisfiat voluntati indifcretæ. Hujus voluntatis fuæ in-  
 temperantiæ adeo ufque nunc abufi funt, ut nec deum, nec quid, aut quantum mali inde  
 proveniet, penfantes, per fe & per fuos omnibus modis in nos invehantur, cum obedien-  
 tiam & omnem fubjectionem debitam fape obtulerim Apoftolicæ fedi : fi tamen honor  
 debitus & reverentia ( ficut antecessoribus meis ) exhiberetur & mihi. Quid autem inten-  
 dant opportunius fignificabo vobis, fi quando optati colloqui deus copiam dederit nobis.  
 In hac igitur perfecutionis & odii fui inflammatione, cum parum viderent fe proficere,  
 contra ipfum jus naturæ laborantes, quod fine maximo cordis dolore, fine multis lachry-  
 mis Sedes Romæ  
 Hildebrandi  
 filium in pa-  
 trem armauit.

mis dicere non valeo: & quia dicitur, vehementer contemisco: filium meum inquam Abfolon dilectissimum, non solum contra me armaverunt, sed etiam tanto furore animaverunt, ut inprimis contra fidem & sacramentum, quod ut miles domino juraverat, regnum meum invaderet, episcopos & abbates meos deponeret, inimicos & persequutores meos sustineret. Ad ultimum, quod maxime vellem taceri, aut si taceri non potest, vellem non credi, omnem affectum naturæ abiciens, in salutem & animam meam intenderet, nec quicquam pensi haberet, quomodo vi & fraude ad hanc periculi & ignominie suæ summam aspiraret. In hac tanta mali sui machinatione, cum essem in pace, & in aliqua salutis meæ securitate, in locum qui Confluentia dicitur in ipsis dominici adventus sanctissimis diebus ad colloquium evocavit me, quasi de communi salutē & honore filius tractaret me cum patre.

Confluentia.

Henricus pater proci-  
dit ad pedes filii.

Quem cum vidi, illico ex paterno affectu tactus intrinsecus dolore cordis mei, ad pedes suos prociidi, admonens & obtestans per fidem, per salutem animæ, si pro peccatis meis flagellandus eram à deo, de me ipse nullam conquireret niaculam honori & nomini suo: quia culpæ patris vindicem filium esse nulla divinæ legis constituit sanctio. At ille tam pulchre, immo miserrimè institutus ad malitiam, quasi abominabile & execrabile scelus cepit deestari. Et proci dens ipse ad pedes meos, de prateritis cepit veniam deprecari. In reliquum, ut miles domino, ut patri filius, cum fide & veritate per omnia se mihi obaudiretum promissit cum lachrymis, si modo sedi Apostolica vellem reconciliari. Quod cum promptissime annuissim, & deliberationi suæ & consilio principum hoc tantum me mancipandum promississim, in præsentī Nativitate se producturum me Moguntiam, & ibi de honore & reconciliatione mea, quam fidelis posset te acturum, & inde in pacem & securitatem me reducendum promissit in ea veritate & fide, quæ patrem à filio honorari, & filium à patre præcepit deus diligere. Hac promissione, quæ & Gentili observanda est, securus ibam, & filius meus aliquantulum me præcellerat.

Binga.

Ecce quidam fideles me verissime affirmabant deceptum & proditum sub falsa pacis & fidei sponfione. Revocatus autem filius meus, & iterum à me instantissimè admonitus, sub ejusdem fidei & sacramenti obtestatione animam suam pro anima mea fore promissit secunda vice. Cum ego ad locum qui Binga vocatur, pervenissem, jam existente die Veneris ante Nativitatem, numerus armorum suorum jam satis agebatur, jam fraus ipsa de se detegebatur: & filius ad me, Pater (inquit) vobis secedendum est in vicinum castellum: quia Moguntinus episcopus in suam civitatem non admittet vos, quamdiu in Banno eritis. Nec vos impacatum & irreconciliatum audeo ingerere inimicis vestris. Illic Nativitatem cum honore & pace agatis, quoscunque placuerit vobis vebiculum habeatis: ego interim quanto instantius, quanto fidelius potero, pro nobis utrisque laborabo: quia causam vestram meam existimo esse. At ego, mi (inquam) fili, iudex & testis sermonum & fidei sit inter nos hodie deus: quomodo te in virum & heredem meum produxerim, quantus tribulationibus meis honori tuo interfuerim, quot & quantas inimicitias pro te habuerim & habeam, solus conscius est. Ille autem tertio sub ejusdem hdei & sacramenti attestatiōe si ingrueret occasio periculi, caput suum pro meo capite fore, mihi promissit. Sic postquam clausit me in eodem castello, quo omnia animo & corde erat loquutus, manifeste rei ostendit eventus. Ex omnibus meis quartus ego sum inclusus, nec quilibet alius admitti potuit. Custodes deputati, qui vitæ meæ erant atrociores inimici. Benedictus per omnia deus, exaltandi & humiliandi quæ voluerit, Rex potentissimus. Cum ergo ipso sacratissimo die Nativitatis suæ omnibus redemptis suis ille sanctus sanctorum puer fuisset natus, mihi soli filius ille non est datus. Nam ut taceam opprobria, injurias, minas, gladios in cervicem meam exertos, nisi omnia imperata facerem, tamen & litum quam perirebam, etiam ab illis quos injuria erat videre & audire: ut etiam taceam quod est gravius me olim satis felicem fuisse, illud nunquam obliviscar, illud nunquam desinam omnibus Christianis conqueri, quod illis sanctissimis diebus, sine omni Christiana communione in carcere illo fui. In illis poenitentiae & tribulationis meæ diebus, à filio meo missus venit ad me quidam princeps, Wichbertus, dicens, Nullum vitæ meæ esse consilium, nisi ulla sine contradictione omnia regni insignia redderem ex voluntate & imperio principum. At ego etiam omnis terra quantum inhabitatur, mei regni terminus esset, nollem regno vitam committere: quia vellem nollem, sic agendum, & sic definitum intelligebam, coronam, sceptrum, crucem, lanceam, gladium mihi Moguntiam. Tunc communicato consilio cum inimicis meis, meus filius egrediens, relictis ibidem fidelibus & amicis meis, quali me eo abducturus, sub multa frequentia armorum suorum me adductum, ad villam quæ dicitur Engeltzhaim, fecit me ad se adduci, ubi maximam inimicorum multitudinem collectam inveni, nec ipsum filium cæteris mihi meliorem reperi. Et quia firmus & stabilis videbatur eis esse, si propria manu cogerem me regnum & omnia regalia exsultare, simili modo & ipsi omnes minabantur mihi, nisi omnia imperata facerem, nullum vitæ meæ consilium fieri posse.

Tunc

Promissit in-  
columitatem  
patri filius.

Tunc ego inquam, quia de sola vita mea agitur, qua nihil pretiosius habeo, ut saltem vivens poenitentiam exhibeam Deo, quicquid imperatis, faciam. Cumque inquirerem, si saltem pectus de vita mea certus essem, Apostolicæ sedis legatus, qui ibidem aderat (non dico qui omnia hæc audierat) respondit, me nullo modo eripi posse, nisi publice confiterer injuste Hildebrandum persecutum esse, Wichbertum injuste ei supposuisse, & injustam persecutionem in Apostolicam sedem & omnem ecclesiam hæcenus exercuisse. Tunc cum magna contritione animi prostratus, corpi per deum, per ipsam conscientiam orare, ut locus & tempus mihi daretur, ubi in præsentia omnium principum, cum innocens essem, vellem ex iudicio omnium me expurgare, & in quo culpabilem me recognoscerem, ex consilio omnium sanioris sententiæ poenitentiam & satisfactionem quo ordine juberent querere, & in principibus regni de fidelibus nostris quosunque obsides vellent, dare. At idem Legatus locum & diem mihi abnegavit, dicens, Aut ibi totum debere determinari, aut nulla spes mihi esset evadendi. In tanto tribulationis articulo cum interrogarem, si confiterer omnia quæ imperabantur, An confessio mea (ut iustum est) veniam & absolutionem consequeretur? Idem Legatus dixit, non esse juris sui me absolvere. Et cum ego ad hoc dicerem, Quicunque contentem audeat recipere, confessum debet absolvere, Si vellem (inquit) absolvi, Romam irem, satisfacere Apostolicæ sedi. Sic defolium & spoliatum (nam & castella & patrimonia & quicquid in regno conquiesieram, eadem vi & arte sua extorserant à me) in eadem villa reliquerunt me. In qua cum aliquo tempore commoratus essem, & filius meus ex eodem fraudis suæ consilio, demandasset, ut ibidem eum expectarem, superveniens quorundam fidelium meorum legatio, præmonuit, ut siquidem ad monitum ibidem remanerem, aut in perpetuam raperer captivitatem, aut in eodem decollarer. Quo nuncio satis tunc vitæ meæ diffusis, illico aufugiens, fugiendo Coloniam veni, & ibi aliquot diebus commoratus, postea Leodium veni. In quibus locis fideles viros, & in fide regni constantes semper inveni. Horum, cæterorumque regni fidelium consilio usus, vobis fiducialis & honestus habeo deplorare has omnes meas miseras: fiducialis quidem, propter mutæ confanguinitatis & antiquæ amicitie debitum: honestius autem, propter tanti regni nomen gloriosum. Vos igitur per fidem, per amicitiam rogo, in tantis tribulationibus meis ac injuriis, propinquo & amico consulatis. Quæ fidei & amicitie vincula, etsi inter nos non essent, vestra tamen & omnium regum terræ interesset, injuriam & contemptum meum vindicare, & tam nefarie proditoris & malitiæ exemplum de superficie terræ extirpare.

Legatus Romanus.

Superba responsio Legati Romani.

## HENRICUS, DEI GRATIA, ROMANORUM

Imperator Augustus, Henrico filio suo.

**S**I eâ nos debita affectione tractasses, qua deberes, lubentissime tecum loqueremur, & paternæ tibi mandaremus: Verum quia longe alius quam paternæ affectionis & humanitatis, circa nos animus tibi fuit, nequivimus aliter tecum loqui, vel aliud mandare, quam quod ipsa rei manifestissimæ veritas habet. Tu enim ipse scis, sicut ipse publico experimento facti tibi conscius es, qualiter data fide & securitate personæ & honoris nostri, omni affectione devotionis promissisti nos ducere Moguntiam, coram principibus, & inde nos securissimè reducere quocunque vellemus. Hac fiducia cum tecum amanter & indubitanter ascenderemus, contra datam fidem apud Bingham nos cepisti: ubi nec paternæ lachrymæ, nec patris mœror, nec tristitia qua ad pedes tuos aliorumque provolvebamur te movit ad misericordiam, quin nos caperes & captum mortalibus inimicis illudendum & custodiendum traderes. Ubi multimodo genere contumeliæ & terroris afflictis, compulsi sumus fermè venire usque ad ipsum mortis articulum. Ante captivitatem abstulisti nobis episcopatus, & quicquid de honore regni potuisti, & prædia nostra & ipsam familiam: in captivitate vero quicquid residuum erat, & lanceam, & crucem, & omnia regalia insignia vi & timore mortis (ut ipse bene scis, & omni fermè notum fidei Christianitati) à nobis extorsisti, relicta vix ipsa vita. Cum hoc tibi non de nobis sufficeret, postea semper ubicunque fuimus, modis omnibus quibus potuisti, nos persequi non cessasti, ut vel perderes, vel de regno expelleres. Verum nos satis mirari non possumus, qua ratione vel occasione hoc tam obstinate facias, cum de domino Papa & Romana Ecclesia nulla tibi residua sit occasio. Nos enim nuncio domini Papæ & Romanæ Ecclesiæ, te præsentem, obedire parati fuimus & sumus, omnem debitam obedientiam & reverentiam ei coram & semper exhibere, & consilio principum, & spiritualis patris nostri Henrici Clunia-

Cluniacensis abbatis, aliorumque religionum virorum & de statu ecclesiæ & honore regni libentissime agere. Te ergo rogamus, pro honore regni & tuo, & paternâ devotione, & per auctoritatem Romani Pontificis & Romanæ Ecclesiæ, ut de injuria nobis illata, & de his, quæ nobis vi & injuste abstulisti, justitiam facias. Rogamus etiam, ut cum nil rationis tibi sit, quare nos persequaris, nos & fideles nostros cesses infestare. Immo permittas nos pacifice & quiete vivere, ut integre & cum tranquillitate possimus omnia supradicta agere. Recognosce etiam, & tecum cogita, quia deus justus iudex est, cui committimus causam nostram & vindictam, cujus etiam judicia sunt occulta, velut abyssus multa: Quoniam quantumcunque super afflictionem & infortunia gloriaris, & super humilitatem te extollas, forsitan de sede sancta tua inter me & te gratuita misericordia aliud jam definit, intercedente justitia, quam tu ipse cogites vel disponas. Quod si nulla alia, vel reverentia, vel intercessio nobis valet, opto, ut justitiam consequi possimus, vel ut tuæ persecutionis impetus cesset. Ad hoc idem Romanum Pontificem, sanctam & universalem sedem Romanam ecclesiam appellamus.

## HENRICUS, DEI GRATIA, ROMANORUM

Imperator Augustus, Archiepiscopis, & cæteris Saxonie principibus, ac etiam reliquo populo gratiam & dilectionem dignantibus eam recipere.

Legatus  
Romanus.

**C**onquerimur Deo omnipotenti, & dominæ mæ sanctæ Mariæ, & beato Petro principi Apostolorum, patrono nostro, & vobis principibus omnibus, quia injuste, & inhumane, & crudeliter, in illa consisti fide, qua dubitare non debuimus, tractati sumus; & tam honore regni, quam prædiis omnibus, quæ habebamus, contra divinum & humanum jus, ad infamiam & vituperium regni, ita expoliati sumus, ut nihil penitus præter vitam nobis relictum sit. Ubi cum ferme omnes essetis, magna pars vestrum visa est dolore contristari: sed prohi dolor! nihil nobis vestra contulit tristitia, quin in nobis sibi satisfaceret voluntas inimicorum odiosa. Et quia cum consilio & rogatu filii nostri, fide & securitate vitæ & honoris, primum ab eo acceptâ, fiducia-liter & desideranter Moguntiam in præsentia Legati Romani & principum tenderamus, ut eorum dispositione ageremus, tam de statu Ecclesiæ & honore Regni, quam de salute animæ nostræ, ipse non est veritus in hac voluntate & obedientia, nos contra datam fidem capere, & usque ad articulum mortis ferme ducere, non auli sumus ita nos illi credere, ut injuria & contumeliis nos pro voluntate sua, sicut prius, valeat tractare. Quapropter multum vos rogamus, & obnixè precamur, ut pro timore Dei & honore regni & honestate vestra dignemini studere quo modo de injuria in manibus vestris nobis illata, per vos possimus recuperare justitiam. Nos autem pro consilio vestro, & aliorum (qui nos odio non habent) religionum virorum parati sumus, tam de filio nostro (si in aliquo eum offendimus) quam alicui in regno libenter rationem dare. Præterea, sicut domino Papæ in præsentia Legati sui, & vestra, obedire parati fuimus: ita & nunc parati sumus, ei omnem debitam reverentiam, & obedientiam sincero corde & devotione præsentialiter exhibere: & tam consilio vestro, quam spiritualis patris nostri Henrici Cluniacensis Abbatis, aliorumque religionum, de statu Ecclesiæ & honore regni, quantum in nobis est disponere. Cum ergo adhuc omnia parati simus, rogamus vos, & obnixè precamur, quatenus pro Deo & honore regni & vestro instantè moneatis filium nostrum, cum nulla ei secundum præfatam sententiam adversum nos reliqua sit occasio, amodo desistat nos & fideles nostros persequi, & pacifice & quiete vivere permittat, ut supradicta integre & cum tranquillitate perficiantur. Quod si noluerit, rogamus vos per auctoritatem Romanæ Ecclesiæ, cui nos committimus & honorem regni, ne super nos & fideles nostros veniat: quia manifestum est non eum divinæ legis zelo vel Romanæ Ecclesiæ dilectione, sed concupiscentia regni, patre injuste eo privato, hoc incepisse. Apud quem si interpellatio vestra, nullaque alia interventio ad præsens prodesse poterit, appellamus Romanum Pontificem, & sanctam universalem Romanam sedem & Ecclesiam.

HENRICUS,



# HENRICUS, DEI GRATIA, IMPERATOR

Romanorum Augustus, archiepiscopis, episcopis, ducibus, comitibus, cæterisque regni principibus, gratiam & dilectionem dignantibus ea recipere.

**R**ogamus filium nostrum, & vos multum precati sumus ut dimisso exercitu, ordinaretur, quomodo possemus convenire, ut de injuria nostra, & pace componenda ad honorem regni posset digne & decenter desiniri. Placuit vobis remandare. Unde nobis longe gravior prioris orationis querimonia, quod dimissa obsidione Colonia, vultis super nos & fideles nostros, sub specie colloqui cum exercitu venire, datis induciis octo dierum, quæ nunquam data sunt homini alicujus conditionis (ut bene scitis) utique ad hanc diem, pro legitima definitione alicujus minoris negotii, nedum pro tanta re, secundam legem divinam vel humanam, vel etiam secundum usum hominum. Oportet enim nos habere (si vobis placeret) faciem tales inducias, intra quas possemus convocare, & precibus invitare ad hanc eandem causam, ut sint vobiscum, Moguntinum, & Trevirensium, & Bremensem archiepiscopos, Frisingensem, & Augustensem, Curientem, Basiliensem episcopos: duces quoque, cum duce Theoderico, & ducæ Bohemicum, & comitæ Flandrensem, cum comite Burgundiam, & alios, qui ad prælatum negotium (ut bene scitis) sunt valde necessarii. Quapropter, sicut prius, rogamus, & obnixè precamur, quatenus pro Deo & anima vestra, & pro appellatione domini Romani Pontificis Paschalis, & Romanæ ecclesiæ, & pro honore regni dignemini apud filium nostrum efficere, ut dimisso exercitu, cesset nos persequi, & ordinetur quomodo sequere & absque omni ambiguitate possimus vos cum cæteris supradictis ad agendum de nostra injuria, & pace in regno componenda, quiete, & pacifice convenire. Quod si nullatenus cessare voluerit, proclamationem inde fecimus, & semper facimus & Deo, sanctæ Mariæ, & beato Petro patrono nostro, & omnibus sanctis, & omnibus Christianis, & vobis maxime, omni devotione precamur, ut dignemini cessare cum persequi ad persecutionem tantæ injuriæ, & vos eum imitari. Appellavimus, & tertio appellamus dominum Romanum Pontificem Paschalem, & sanctam & universalem sedem & Romanam ecclesiam. Quod si hoc tantum nobis & ad hoc, ut ipse cesset nos persequi, prodesse non poterit, committimus nos omnipotenti patri & filio sanctoque spiritui paraceto, & beatæ Mariæ perpetuæ virginis, & beato Petro & Paulo, & sancto Lamberto, omnibusque sanctis, ut divina miseratio, omniumque sanctorum intercessio humilitatem nostram respiciere, nosque contra tantum tamque injuriosum imperium defendere dignetur. Amen.

Epistolarum Henrici Quarti Cæsaris Augusti Fins.

## AD LECTOREM.

**H**enrici quarti historiam nunc legisti, qui, licet non ex omni parte (quandoque enim bonus dormitat Homerus, id quod etiam & de Gregorio septimo, non indecenter dictum velim) beatus fuerit ac felix, omnia tamen boni consulenda sunt. Si mala ergo offenderis, ea velut pestem quandam fugies; sin autem bona, totis illa viribus omnique conatu amplexaberis. Nam in describendis historiis, neque sacrosanctæ sedi Apostolicæ, neque Cæsareæ majestati cæterisve principibus viris, in aliquo detrahitur. Verum ut hæc missa faciamus. Si de Henrico quarto multa legimus, non indecorum erit, si etiam & quid Carolus quartus pro eligendo Rege, sive Romanorum Imperatore constituerit, pendere non dedignemur. Nam bullam hanc, sive diploma ipsam quod subsequitur, multi sæpe legere desiderarunt. Vale Lector.

Incipiunt

## INCIPIUNT LEGES ET CONSTITUTIONES Imperiales, sub Aurea Bulla Caroli quarti, Romanorum Imperatoris.

In Nomine Sanctæ & individue Trinitatis feliciter. Amen:

**C**arolus quartus, divina favente clementia, Romanorum Imperator semper Augustus, & Bohemiarum Rex, ad perpetuam rei memoriam. Omne regnum in seipsum divisum desolabitur, nam principes ejus facti sunt socii furum, ob quod, dominus miscuit in medio eorum spiritum vertiginis, ut palpent in meridie, sicut in tenebris, & candelabra eorum movit de loco suo, ut cæci sint & duces cæcorum, & qui ambulant in tenebris, offendunt, & cæci mente, scelera perpetrant, quæ in divisione contingunt. Dic superbia, quomodo in Lucifero regnasses, si divisionem auxilientem non habuisses? Dic Satan invidie, quomodo Adam de Paradiso ejecisses, nisi eum ob obedientiam dimisisses? Dic luxuria, quomodo Troianos destruxisses, nisi Helenam à viro divisisses? Dic ira, quomodo Romanam Rempublicam destruxisses, nisi in divisione Pompeium & Julium sævientibus gladiis ad intestina prælia concitasses? Tu quidem Invidia, Christianum Imperium à Deo ad instar sanctæ & individue Trinitatis, fide, spe, & charitate, virtutibus theologicis roboratum, cujus fundamentum super Christianissimo Regno feliciter stabilitur, antiquo veneno quod velut serpens, in palmis Imperiales & membra ejus propinqua, impio scelere vomuisti, ut concussis columnis totum ædificium ruinæ subijceres, Divisionem inter septem electores sacri Imperii, per quos (velut septem candelabra lucencia in unitate spiritus septiformis) sacrum illuminari debet imperium, multociens posuisti. Sane cum ex officio, quo Cæsarea dignitate potimur, futuris divisionum & dissolutionum periculis inter electores ipsos, de quorum numero (ut Rex Bohemiarum) esse dignoscimur, ratione duplici, tam ex imperio, quam electionis jure quo fungimur, occurrere teneamur: infra scriptas leges ad unitatem inter electores fovendam, & electionem unanimum inducendam, & detestandæ divisioni prædictæ, variisque periculis, ex ea sequentibus aditum præcludendum, in solennicia nostra Nurenberch, assidentibus nobis omnibus principibus, electoribus ecclesiasticis & secularibus, ac aliorum principum, comitum, baronum, procerum, nobilium & civitatum multitudine numerosa, in folio majestatis Cæsareæ, imperialibus insulis, insigniis, & diademate decorati, matura deliberatione prævia de imperiali potestatis plenitudine, edicimus, statuimus, & duximus faciendam, &c. Sub anno domini, millesimo, trecentesimo, quinquagesimo sexto, indictione nona, quarto Idus Januarii, regnorum nostrorum, Anno decimo, Imperii vero primo.

¶ Qualis debeat esse conductus electorum, & à quibus.

**D**ecernimus, & præsentis edicto imperiali perpetuo valituro sancimus, ex certa scientia, & de imperiali plenitudine potestatis, ut quociescunque, & quandoque futuris temporibus necessitas, sive casus electionis, regis Romanorum in Imperatorem promovendi, emerferit, & principes electores ad electionem hujusmodi, juxta antiquam laudabilem consuetudinem habuerint proficisci, unusquisque princeps elector, si & quando super hoc fuerit requisitus, quoslibet principes co-electores suos, vel ipsorum nuncios, quos ad electionem ipsam transmiserint per terras, territoria & loca sua, & etiam ultra, sicut longius poterit conducere, teneatur, & eis absque dolo præstare conductum versus civitatem, in qua talis electio fuit celebranda, & ab illa etiam redeundo, sub poena perjurii ac perditionis, (pro illa duntaxat vice) suæ vocis, quam in electione hujusmodi fuerit habiturus.

¶ Quas quidem poenas, eos, vel eum, qui in præstando memoratum conductum rebelles seu rebellem, negligentes seu negligentem, se præbuerint, eo ipso decernimus incidisse.

¶ Statuimus insuper, & mandamus universis aliis principibus, feudis à sacro Imperio Romanorum tenentibus, quocunque nomine censeantur, ducibus, comitibus, baronibus, militibus, clientibus, nobilibus, & ignobilibus, & civibus, & immunitatibus castrorum & civitatum & locorum sacri imperii universis, ut eodem tempore dum videlicet regis Romanorum in Imperatorem promovendi electio celebranda occurrerit, unumquemque principem electorem ab ipsis, vel eorum aliquo conductum hujusmodi postulantem, vel ejusdem nuncios, quos ad electionem ipsam duxerit, ut præfertur, per territoria sua, & alias, quanto possint remotius

\* Aliis, communibus.

rius absq; dolo, modo prædicto conducant. Si qui verò huic nostræ constitutioni conträre præsumpserint, suprascriptas ipso facto poenas intendant. Omnes quidem principes & comites, barones, milites, nobiles, & clientes, & universi nobiles contrarium facientes, reatum perjurii & privationis omnium feudorum quæ à sacro Romano imperio & à quibuscunque aliis obtinent, & etiam omnium professionum suarum à quocunque habitarum, incurrant. Omnes quoq; cives & communitates, contra præmissa facere præsumentes, similiter sint perjuri: Et nihilominus universis suis juribus, libertatibus, privilegiis, & gratiis à sacro obtentis imperio sunt omnino privati. Et cum personis & bonis suis omnibus, bannū & præscriptionem incurrant imperialem: Et eosdem quos ipso facto exnunc, prout extunc, omni jure privamus. Deinceps cuilibet hominum autoritate propria, & sine judicio seu invocatione magistratus cujuscunque, impunè licebit eos invadere, nullaq; poenâ propter hoc invadēs ipsos debebit ab imperio, aut quovis alio formidare: præsertim cum contra rempub. ac sacri statū ac dignitatē imperii, ac etiam contra honorē proprium & salutē, tantæ rei temerarii neglectores, tanquā rebelles, inobedientes, & perfidi, infideliter & perversè agere convincantur. Decernimus insuper & mandamus, ut omnium civitatum cives & communitates, jam dictis principibus Electoribus, & eorū cuilibet hoc poscenti, eorūq; nunciis, victualia in communi pretio atq; cursu pro suis, seu nunciorum prædictorū hominumq; suorū necessitatibus, dum ad prædictā civitatē causâ celebrandæ electionis prædictæ accesserint; & etiam dum discesserint ab eadē, vendere seu vendicare teneantur: Nullā in præmissis fraudē quomodolibet adhibendo. Alioquin contrarium facientes, poenas illas volumus ipso facto incurrere quas in præcedentibus, contra cives & communitates duximus promulgandas.

¶ Quisquis insuper ex principibus, comitibus, baronibus, militibus, clientibus, nobilibus, seu ignobilibus, civibus, communitatibus civitatum, principi electori ad electionē de rege Romanorū celebrandā eunti, vel ab ipsâ denuo redeuntī hostiles custodias tendere, seu insidias parare præsumperit, aut ipsos, vel eorū aliquē in suā, vel suorū personis, aut rebus invadere, vel turbare, seu ipsorū, vel alicujus eorū nuncios antedictos, sive conductū petierint, sive etiam non duxerint exigendū, hunc unā cū universis malitiæ complicitibus, ipso facto supradictas poenas decernimus incurrisse: ita videlicet, quod quævis persona poenā incidat sive poenas, quas juxta præmissa pro qualitate personarū duximus infligendas.

¶ Si verò aliqui principes elector cū aliquo suo co-electore inimicitias gereret, & inter eos quæcunque contentio, controversia, seu dissensio verteretur, his nequaquam obstantibus, alter alterum vel alterius nuncios ad electionem hujusmodi destinandos, præmissis modo conducere sit astrictus, sub poenâ perjurii, ac perditionis (eā vice duntaxat) suæ vocis in electione, ut superius est expressum.

¶ Si qui verò alii principes, comites, barones, milites, clientes, nobiles ac ignobiles, cives, vel communitates civitatum, cum aliquo principe electore, vel pluribus ex eisdē adversam gereret voluntatē, seu quævis discordia inter ipsos ad invicē, vel guerra, vel dissensio verteretur, Nihilominus omni contraditione & dolo cessantibus, principi electori, vel principibus, seu ejus, vel ipso: nunciis, ad electionem hujusmodi destinandis, & redeuntibus ab eadem, talem debeant præstare conductum, prout singuli poenas jam dictas, per nos videlicet in se latas voluerint evitare, quas eos qui secus fecerint incurrere decernimus eo ipso, &c.

¶ Ad præmissorum aut omnium firmitatem & certitudinem ampliorem, jubemus & volumus, ut universi Principes Electores, & ceteri Principes, necnon comites, barones, nobiles, civitates, seu ipsarum communitates præmissa omnia literis & juramentis suis firmare, & ad ea bonâ fide, ac sine dolo implenda efficaciter se debeant obligare. Quicunque verò literas hujusmodi dare renuerit, poenas illas ipso facto incidat, quas pro personarum conditione per præmissa duximus infligendas.

¶ Si quis autem Principes Elector aliusve princeps cujuscunque conditionis aut status, seu dum vel feuda, à sacro tenens imperio, aut comes, baro vel nobilis, vel successores talium vel hæredes, supra & infra scriptas imperiales nostras constitutiones & leges adimplere noluerit, aut eis conträre præsumperit, Si quidē talis princeps elector extiterit, extic ceteri sui co-electores à suo ipsū deinceps excludant consortio, ipseque voce electionis & aliorū principū electorū loco & dignitate careat atq; jure, nec investiat de feudis, quæ à sacro imperio vitus fuerit obtinere. Alius vero princeps aut vir nobilis (ut præfertur) in has nostras leges comitens, similiter non investiat de feudis, quæ à sacro imperio, vel alias obtinet à quocunque: Et nihilominus omnes præmissas poenas suā concernentes personā, incidat eo ipso. Quævis autē universos Principes Comites, Barones, nobiles, milites, clientes, civitates quoque & communitates, ad præstandū cuilibet principi electori, vel ejus nunciis præstatum conductum, ut prædictū, indistinctē volumus, & decernimus obligari. Nihilominus eorum cuilibet singulares conductus & conductores, pro regionum & locorum adjacentia, cuilibet magis aptos

duximus designandos, ut statim per sequentia plenius apparebit.

¶ Primo namq; regem Bohemiar, sacri imperii archipincernam, conducent archiepiscopus Moguntin. Bamburgen. & Herbipolen. episcopi, Burchgravius Nurenbergen. Item illi de Hohenloch, de Werthen, de Brunecke & de Hanave. Item civitates Nurenburgensis Rotenburgeris & Windelhem.

¶ Deinde archiepiscopus Colonien. sacri imperii per Italiam archicancellarium, conducent, & conducere tenebuntur Moguntinen. & Treveren. archiepiscopi, comes palatinus Rheni, Lantgravius Hassiar. Item de Katzenellenbogen, de Nasslove, de Dietz comites. Item de Isenburch, de Vesterburch, de Rumkel, de Lymburch, & Valkensteyn. Item civitates, Westfaria, Geylenhusen, & Fredeberch.

¶ Item archiepiscopus Treveren. sacri imperii per Galliam & regnum Arelaten. archicancellarium, conducent archiepiscopus Moguntinen. comes palatinus Rheni. Item de Spanheim, de Veltentz, comites. Item Ryngraven, Wildegraven, de Nasslove, de Isenburch, & de Vesterburch, & de Rumkel, de Lymburch, de Dietz, de Katzenellenbogen, de Eppensteyn, de Valkensteyn. Item civitas Moguntinen.

¶ Deinde comitem Palatinum Rheni, sacri imperii archidapiferum, conducere debebit archiepiscopus Moguntinen.

¶ Ducem vero Saxoniar, sacri imperii archimarstallum, tenebuntur conducere, rex Bohemiar, Moguntinus, & Madeburgen. archiepiscopus, &c. Item Bamburgen. & Herbipolen. episcopi: Marchio Misnen. Lantgravius Hassiar. Item Fulden. & Herfelden. abbat. Burchgravius, Nurenburgh. Item illi de Hohenloch, de Werthen, de Brunecke, de Hanove, de Valkensteyn. Item civitates Erfordia, Mulenhufen, Nurenburgh, Rotenburgh & Wyndescheym.

¶ Et hi omnes, proximè nominati, Marchionem Brandenburg. sacri imperii archicamerarium, similiter conducere tenebuntur.

¶ Volumus autè, & expresse statuimus, ut unusquisq; princeps elector, qui talè voluerit habere conductu, his à quibus ipsum postulare decreverit, hoc ipsum adeo tempestivè, viamq; qua fuerit transiturus, insinuet, & talè conductu exposcat, ut illi, qui ad conductu hujusmodi impediendū deputati, & taliter fuerint requisiti, ad hoc opportunè se valeant & comode preparare.

¶ Præmissas vero constitutiones circa materiā conductus editas, ita sane debere declaramus intelligi, ut unusquisq; superius nominatus, vel forsitan nō expressus, à quo in casu præmissis, conductu requiri cogerit, & præstādū ipsū per suas dūtaxat terras & territoria, & etiā ultra quanto potest remotius, absq; dolo, sub poenis contentis superius sit adstrictus.

¶ Præterea statuimus, & etiā ordinamus, ut archiepiscopus Moguntinenensis, qui fuerit pro tempore, singulis principibus coelectoribus suis ecclesiasticis & secularibus, electionem eandem, per suos nuncios patentibus debeat literis intimare, in quibus quidem literis talis dies & terminus exprimat, infra quē eadē literæ, ad singulos eosdē principes, verisimiliter possint pervenire, hujusmodi vero literæ continebunt, ut à die in literis ipsis expressa infra tres menses continuos omnes & singuli principes electores, Franckfort super Moganum esse debeant, constituit, vel suos legales ad eundem terminū atq; locū nuncios destinare, cum plena & omnimoda potestate, suisq; patentibus literis, majori cujuslibet eorū sigillo signatis, ad eligendum Romanū regē, in Cæsare promovendum. Qualiter autem, & sub qua forma tales literæ confici debeant, & quæ in eis solennitas debeat immutabiliter observari, & in qua forma, & modo, principes electores nuncios suos, ad electionē hujusmodi destinandos, ad potestatem mandatū, seu procuratoria ordinare debuerint, ad finem præsentis libri conscriptum invenietur clarius & expressum. Et eandem formam illic traditam mandamus, & de imperialis potestatis plenitudine, ulquequaque decernimus observari.

¶ Cum autem ad hoc perventum fuerit, quod de Imperatoris, vel regis Romanorum obitu, in diocesi Moguntina confiterit, extunc infra unum mensem, à die notitiæ obitus hujusmodi continue numerandum, singulis principibus electoribus, obitum ipsū, & intimationem, de quibus præmittitur per archiepiscopū Moguntinen. jubemus & decernimus, suis patentibus literis declarari, quod si idem archiepiscopus in executione & intimatione hujusmodi negligens aut remissus fortasse existeret, extunc iidem principes motu proprio, etiā non vocati, pro fidei suæ virtute (qua sacrum prosequi tenentur imperium) post hoc infra tres menses, sicut in constitutione supra proxime posita continetur, in civitatem Franckfort sæpe dictam, veniant electuri regem Romanorum in Cæsarem promovendum.

¶ Debet autem unusquisque princeps elector, vel sui nuncii, dictam civitatem Franckfort, cum ducentis equitibus tantummodo præfatæ electionis tempore introire, in quorum numero quinquaginta tantum armatos, vel pauciores, secum introducere poterit, sed non plures.

¶ Princeps vero elector, ad electionē hujusmodi vocatus & requisitus, ad ipsam nō veniens vel



vel legales nuncios cum literis patentibus, sigillo suo majori sigillatis, plenamq; & liberā ac omnimodā potestātē continentibus, ad eligendū Romanorū regē, futurū Imperatorem non dirigens, aut veniens, aut hujusmodi nuncios forte transmittens, si postea quatenus ipse, aut prædicti nuncii, à prædictā electionis loco recederent, rege Romanorū futuro Cæsare non electo. nec ad præmissa procuratore legitimo substituto solenniter & relicto, electionē voce, seu jure, quod in eadem electione habuit & tali modo deferuit, careat ea vice.

¶ Injungimus autem civibus de Franckfort, & mandamus, ut ipsi universos principes electores in genere, & quēlibet eorū in specie, ab invasione alterius, si quid inter eos adversitatis emergeret, & etiam ab omni homine, cū omnibus eorū hominibus, quos ipsi & eorum quilibet in præfato ducentorum equorum suorū numero, ad præfatam duxerint civitatem, in virtute juramenti, quod super hoc ipsos ad sancta præstare statuimus Evangelia, fideli studio & solerti diligentia protegant & defendant. Alioquin perjuri reatum incurrant & nihilominus, omnia jura sua, libertates, privilegia, gratias & indulta, quæ à sacro obtinere noscuntur imperio, omnino amittant, bannūq; imperiale cum personis & bonis suis omnibus incident eo ipso. Et liceat extunc omni homini autoritate propria, & sine judicio, cives eosdem, quos eo casu exnunc prout extunc omni jure privamus, tanquā proditores infideles & rebelles imperii, impunē invadere, ita quod invadentes hujusmodi, poenā quamcunque à sacro imperio, vel quovis alio, nequaquam debeant formidare.

¶ Cives insuper antedicti de Franckfort per omne tempus illud, quo super electione prædicta tractari & agi contigerit, neminem in præfatam civitatem, cujuscunque dignitatis, conditionis vel status extiterit, intromittant, vel intrare quovis modo permittant, principibus electoribus, & eorum nunciis & procuratoribus antedictis duntaxat exceptis, quorū quilibet cum ducentis equis debebit (ut prædicatur) intromitti. Si vero post ipsorum principum electorum introitum, seu in ipsorum præsentia, in præfata civitate aliquem reperiri contigerit, illius exitum cives ipsi debebunt absque mora & cum effectu protinus ordinare, sub omnibus poenis contra ipsos superius promulgatis, ac etiam in virtute juramenti, quod cives ipsi de Franckfort super eo virtute præsentis constitutionis præstare debebunt ad Evangelia, ut in præcedentibus est expressum.

¶ De electione Romanorum Regis.

Postquam autem sæpediti electores seu nuncii civitatem Franckforden. ingressi fuerint, statim subsequenti diluculo in ecclesia sancti Bartholomæi apostoli, ibidē in omnium ipsorum præsentia, missam de sancto spiritu faciant decantari ad finem, ut ipse sanctus spiritus corda ipsorū illustret, & eorum sensibus lumen suæ virtutis infundat, quatenus ipsi suo suli præsidio, hominem justum, bonum & utilem eligere valeant in regem Romanorum futurum Cæsarem, ac pro salute populi Christiani expedientem. Peractā quoque missā hujusmodi, omnes illi electores seu nuncii accedant ad altare in quo missa eadem extitit celebrata, ubi principes Electores ecclesiastici, coram Evangelio beati Johannis, In principio erat verbum, quod illic ante ipsos poni debebit, manus suas pectori cum reverentia superponant. Seculares vero principes electores dictum Evangelium corporaliter manibus suis tangerant, qui omnes cum tota ipsorum familia, tunc ibi debebunt inermes assistere. Et Archiepiscopus Moguntinensis formam juramenti eis dabit, & unā cum ipsis, & ipsi vel absentium nuncii unā cum eo juramentum præstabunt vulgariter in hunc modum: Ego Archiepiscopus Moguntinensis sacri imperii per Germaniam archicancellarius ac princeps elector, juro ad hæc sancta dei Evangelia hic præsentia coram me posita, quod ego per fidem (quā ego deo & sacro Romano imperio sum astrictus) secundum omnem discretionē & intellectum meum, cum dei adjutorio, eligere volo temporale caput populo Christiano, id est, regem Romanorū in Cæsarem promovendū, qui ad hoc existat idoneus, inquantum discretio & sensus mei me dirigunt, & secundum fidem prædictam vocemq; meam, & votum seu electionem præfatam, dabo absq; omni pacto, stipendio, pretio vel promisso, seu quocunq; modo talia valeant appellari, sic me deus adjuvet & omnes sancti.

¶ Præstito deniq; per electores seu nuncios in forma & modo prædictis hujusmodi juramento ad electionem procedant, nec amodo de jam dicta civitate Franckfort separentur, nisi prius major pars ipsorum temporale caput mundo elegerit, seu populo Christiano, regem videlicet Romanorū in Cæsarem promovendum. Quod si facere distulerint. infra triginta dies à die præsentis juramenti præfati continue numerandos, extunc transactis eisdem triginta diebus, amodo panem manducent & aquam, & nullatenus civitatem exeant antedictam, nisi prius per ipsos vel majorem partem ipsorum, Rector seu temporale caput fidelium electum præfuerit, ut præfertur.

¶ Postquā autē in eodē loco, ipsi vel pars eorū major numero elegerit, talis electio perinde haberi & reputari debebit, ac si foret ab ipsis omnibus, nemine discrepante, cōcorditer celebrata. Si vero per tempus aliquod abesse & tardare contingeret aliquem de electoribus seu



nunciis antedictis, dum tamen veniret antequā prædicta est electio celebrata, hunc ad electionem istā, in eo statu admitti debere decernimus, in quo ipsa adventus sui tempore consistebat. Et quia de antiqua, approbata & laudabili consuetudine, tā inconcusse quā immutabiliter semper extitit hæcenus observatū, Ideoq; & nos constituimus, & de imperiali decernimus plenitudine potestatis, quod is, qui modo præmissio in regē Romanorū fuerit electus, peracta statim electione huiusmodi, priusquam in aliquibus causis aliis sive negotiis, virtute sacri imperii administret universis & singulis principibus electoribus ecclesiasticis & secularibus, qui propinquiora sacri imperii membra esse noscuntur, omnia ipsorū privilegia, literas, iura, libertates, concessiones, antiquas consuetudines, & etiā dignitates & quicquid ipsi ab imperio usq; ad diē electionis suæ obtinuerunt, possederunt absq; dilatione, & contradictione confirmare & approbare debeat per suas literas & sigilla, ipsiq; omnia præmissa innovare, postquā fuerit imperialibus insulis coronatus. Confirmationem autem huiusmodi, electus ipse cuiuslibet principi electori, in specie, primo suo nomine regali faciet: Et deinde, sub imperiali titulo innovabit, & in his ipsos principes omnes in genere, & quemlibet eorum in specie, nullatenus impedire, sed potius absque dolo, gratiose tenebitur promovere.

¶ In casu deniq; quo tres principes electores præsentēs, seu absentium nuncii, quantum ex se, seu eorum consortio, videlicet principem electorem præsentem, vel absentem, in regem Romanorum eligent, vocem illius electi, si præsens affuerit, aut nunciorum ipsius, si eum absente contigerit, plenum vigorem habere, & elegantium augere numerum, partemque maiorem decernimus constituere, ad instar categorum principum electorum.

¶ De sessione Treveren. Colonien. & Moguntinen. episcoporum.

**I**n nomine sanctæ & individuae trinitatis feliciter. Amen. Carolus quartus, divina favente clementia Romanorum Imperator, semper augustus, & Bohemiarum rex, ad perpetuum rei memoriam. Decor & gloria sacrosancti Romani imperii, & honor Cæsareus, & reipublicæ grata compendia, venerabiliū & illustriū principū electorum concordi voluntate foventur, qui velut columnæ procesus sacrum ædificium circumspēctæ prudentiæ solerti pietate sustentant, quorum præsentia dextrā imperialis potentiae roboratur. Et quanto mutui favoris ampliori benignitate stringuntur, tanto uberioris pacis & tranquillitatis commoda facilliter perfluant populo Christiano. Ut igitur inter venerabiles Moguntinen. Colonien. nec non Treveren. archiepiscopos, sacri imperii principes electores, omnium litium & suspicionum, mala, quæ & de prioritate, seu dignitate sessionū, in curiis imperialibus & regalibus, suboriri valeant in posterū, perpetuis inantea temporibus amputentur, & ipsi in cordis & animarū quietā conditione manentes, de opportunitatibus sacri imperii, concordi favore, & virtuosæ dilectionis studio convenientius meditari valeant, pro consolatione populi Christiani, habita deliberatione cū omnibus principibus electoribus, tam ecclesiasticis quam secularibus, & de ipsorum concilio, decernimus, & de imperiali potestatis plenitudine, hac edictali lege perpetuo valiturā sancimus, quod supradicti venerabiles archiepiscopi, Treveren. videlicet, ex opposito & lineari directione, versus Imperatoris faciē. Moguntinen. vero, in suis diocesi & provincia, & extra provinciam suam, in toto cancellariatu suo Germanico, provincia Colonien. duntaxat exceptā: Et demum Colonien. in suis diocesi & provincia, & extra provinciam suā, in tota Italia & Gallia, in dextro latere Romanorum Cæsaris sedere possint, valeant & debeant, in omnibus publicis actibus, imperialibus puta iudiciis, collationibus feudorum, & refectionibus mensarum, & etiam in Conciliis, & in omnibus aliis agendis, propter quæ contingit, seu contingeret, eosdem pro honore seu utilitate imperiali tractandis, mutuo convenire, & hunc modum sessionis, sub omni eo ordine, sicut expressatur superius, ad prædictorum Colonien. Treveren. & Moguntinen. archiepiscoporum successores, perpetuo extendi volumus, ut nullo unquam tempore super his quævis dubietas generetur.

¶ De principibus electoribus in communi.

**S**tatuimus insuper, ut quotiescūq; imperialē curiā, extunc inantea, celebrari contingerit, in qualibet sessione, videlicet tam in consilio quā in curia, quā in mensa & locis aliis quibuscūq; ubi Imperatorē, vel regē Romanorū, cū principibus electoribus sedere contingerit, à dextro latere Imperatoris vel regis Romanorum, immediatē post archiepiscopum Moguntinen. vel Colonien. illum videlicet quem tunc temporis, pro qualitate locorum & varietate provinciarum, juxta privilegii sui tenorē dicto lateri dextro Imperatoris assistere contingerit, rex Bohemiarum cum sit princeps coronatus & unctus, primum post eum continuū, comes palatinus Rheni, secundū sedēdū locū debet obtinere, ad sinistrā vero partē, immediatē post illū, quē ex prædictis archiepiscopis in latere sinistro sedere contingerit, primū locū dux Saxoniarum, & post eū marchio Brandeburgen. alterū obtinebit. Cæterū, quoties & quādo deinceps sacri vacare contingeret imperiū, extunc Moguntinen. archiepiscopus, potestatem

Altas, ex  
nubc.

statem habebit, sicut potestatem habuisse dignoscitur ab antiquo, ceteros principes antedictos suos, in dicta electione consortes literatorie convocandi. Quibus omnibus, seu his, qui potuerint & voluerint interesse, in electionis terminis invicem congregatis, dictus archiepiscopus Moguntinus, non alter eorundem coelectorū suorū vota singulorū habebit inquirere ordine subsequenti. Primo quidem interrogabit à Treveren. archiepiscopo, cui primā vocē competere declaramus, sicut invenimus hactenus competuisse. Secundo à Coloniensi archiepiscopo, cui competit dignitas necnon officiū, Romanorū regi primū diadema regium imponendi. Tercio à rege Bohemiæ, qui inter electores laicos ex regie dignitatis fastigio, jure & merito obtinet primatum. Quarto à comite Palatino Rheni. Quinto à duce Saxoniar. Sexto à Marchione Brandeburgen. Horū omniū vota, præmissis jam ordine, dictus archiepiscopus Moguntinus, perquiret, quo factō, dicti principes sui consortes, ipsū viceversa, ut & ipse intentionem suam exprimat, & ipsis aperiat votum suum.

¶ Præterea in celebratione imperialis curiæ, Marchio Brandeburgen. aquā lavandis Imperatoris vel regis Romanorū manibus ministrabit. Primū vero potum rex Bohemiæ: quem tamen sub corona regali, juxta privilegiorū regni sui continentiam, nisi libera voluntate voluerit, non tenebitur ministrare: Comes etiā Palatinus Rheni cibum afferre tenebitur: Dux Saxoniar. mariscalcatus officiū exercebit, ut solitum est fieri ab antiquo.

¶ De jure Comitum Palatini, & etiam ducis Saxoniar.

Quoties insuper (ut præmittitur) sacrum vacare continget imperiū, illustris comes Palatinus Rheni, sacri imperii archidapifer, ad manus futuri regis Romanorum in partibus Rheni & Sweviæ, & in jure Franconico, ratione principatus seu comitatus Palatini, privilegio debet esse provisor ipsius Imperii, cum potestate judicis exercendi, & ad beneficia ecclesiastica præstendi, recolligendi redditus & proventus, & investendi de feudis, juramenta fidelitatis vice & nomine sacri imperii recipiendi, quæ tamen regem Romanorum postea electum suo tempore, omnia innovari & de novo sibi ipsa juramenta præstari debent, feudis principum duntaxat exceptis, & illis quæ *ban leyen* vulgariter appellantur, quorum investituræ & collationem soli Imperatori vel regi Romanorum specialiter reservamus. Ipse tamen Comes Palatinus, omne genus alienationis seu obligationis rerum imperialium, hujusmodi provisionis tempore, expressè noverit sibi interdictum. Et eodem jure provisionis illustrem Ducem Saxoniar. sacri imperii archimariscalcum frui volumus, in illis locis ubi Saxonica jura servantur, sub omnibus modis & conditionibus, sicut superius est expressum.

¶ Et quamvis Imperator sive rex Romanorū, super causis, pro quibus impetratus fuerit, habeat (sicut ex consuetudine introductum dicitur) coram comite Palatino Rheni, sacri imperii archidapifero electore principe respondere, illud tamen judicium comes ipse Palatinus, non alibi præterquam in imperiali curia, ubi Imperator seu Romanorum rex præfens extiterit, poterit exercere.

¶ De comparatione principū electorum ad alios principes communes.

Decernimus ut in celebratione imperialis curiæ, quotiescunq; illam deinceps perpetuō celebrari contigerit, antedicti principes electores ecclesiastici & seculares, juxta præscriptum ordinem atq; modum à dextris & sinistris immutabiliter teneant loca sua, eisque vel eorum alicui in quibuscunq; actibus ad curiam ipsam spectantibus, eundo, sedendo, vel stando, nullus princeps alius, cujuscunq; status, dignitatis, præeminentiæ vel conditionis existat, ullatenus præferatur, eo signanter expresse, quod nominatim rex Bohemiæ in celebratione curiarū hujusmodi, in omnibus & singulis actibus antedictis quæcunq; regem alium, quacunq; etiam singulari dignitatis prærogativa fulgentem, quem quovis casu seu causa venire vel adesse forte contingeret, immutabiliter antecedit.

¶ De successione principum.

Inter sollicitudines illas innumeras, quibus pro felici statu sacri imperii, cum auctore domino sollicitè præsidemus, cor nostrum quotidie fatigatur, ad hoc præcipue meditatio nostra dirigitur, qualiter desiderata & salubris semper unio inter sacri imperii principes electores, jugiter vigeat & eorum corda in sincera charitatis concordia conferventur. Quorum providentia suo tempore orbi fluctuanti tanto celerius, tanto facilius subvenitur, quanto inter eos nullus error surreperit, & prior fuerit charitas custodita, obscuritate succisa, & jure cujuslibet dilucidè declarato. Sane generaliter longe lateq; est publicū & quasi per totum orbem notorium & manifestum illustres regem Bohemiæ, necnon comitem Palatinū Rheni, ducē Saxoniar. & marchionem Brandeburgen. virtute regni & principatum suorum, in electione regis Romanorum, in Cæsarem promovendi, cum ceteris principibus ecclesiasticis suis coelectoribus jus, vocem & locum habere, & una cum ipsis censeri & esse veros & legitimis sacri imperii principes electores, ne inter eorundem principum secularium electorum filios super jure, voce & potestate præfata, futuris temporibus scandalorum

& diffensionum possit materia fuscitari, & sic bonum commune periculosis dilationibus impediri futuris, auctore deo, cupientes periculis salubriter obviare. Statuimus, & imperiali auctoritate, præsentī lege, perpetuis temporibus valitura decernimus, ut postquā iidem principes electores seculares, & eorū quilibet esse desierit, jus, vox & potestas electionis hujusmodi, ad filiū suū primogenitum, legitimū laicum, illo vero non extante, ad ejusdē primogeniti, primogenitum, similiter laicum libere, & sine contradictione cuiuspiam devolvatur. Si vero primogenitus hujusmodi, absq; hæredibus masculis legitimis laicis, ab hac luce migraret, virtute præsentis imperialis edicti, jus, vox & potestas electionis prædictæ, ad seniorē fratrem laicum, per verā paternā lineā descendente. Et deinceps ad illius primogenitū laicū devolvatur, & talis successio in primogenitis & hæredibus principum eorundē jure, voce & potestate præmissis, perpetuis temporibus observetur, ea tamen conditione & modo, ut si principem electorē seu ejus primogenitū, aut filiū seniorē laicū mori, & hæredes masculos, & legitimos laicos, defectū ætatis patientes, relinquere cōtigerit, tūc frater senior ejusdē primogeniti, tutor eorū & administrator existat, donec senior ad ejus legitimā ætatē attigerit, quā in principe electore 18 annos cōpletos, cēseri volumus & statuimus perpetuo haberi, quam dum attigerit, jus, vocē & potestātē, & omnia ab ipsis dependētia Tutor ipse sibi totaliter cū officio teneatur protinus assignare. Si vero aliquē ex hujusmodi principatibus eorū, imperio sacro vacare contigerit, tūc Imperator seu rex Romanorū, qui protēpore fuerit, de ipso providere debeat & poterit tanquam de re ad se, & imperiū legitime devoluta, salvis semper privilegiis, juribus & consuetudinibus regni nostri Bohemiæ super electione regis in casu vacationis, per regnicolas, qui jus habent eligendi regem Bohemiæ, faciendi juxta continentiam eorundem privilegiorum, & observatam consuetudinem diuturnam, a divīs Romanorum imperatoribus, sive regibus obtentorum, quibus ex hujusmodi sanctione imperiali in nullo præjudicare volumus, imo ipsa decernimus, nunc & perpetuis futuris temporibus, in omni suo tenore & forma, indubiam tenere roboris firmitatem.

¶ De regis Bohemiæ & regnicularum ejus immunitate.

CUM per duos Romanorū Imperatores, & reges prædecessores nostros illustribus Bohemiæ regibus, progenitoribus & prædecessoribus nostris, necnon Bohemiæ regno, ejusdem regni coronæ olim concessum fuerit gratiosius & indultum, sitq; in regno eodem a tempore, cujus contrariū hodie non existit memoria, consuetudine laudabili inconvulsē servata diuturnitate temporum, & præscripta moribus utentium sine contradictionis aut interruptionis obstaculo introductum, quod nullus princeps, baro, nobilis, miles, cliens, burgenfis, civis, nulla denique persona ejusdem regni, & pertinentiarum ejusdem ubicunq; existentium, cujuscunque status, dignitatis, præeminentiæ, vel dignitatis conditionis existat, ad cujuscunque actoris instantiam, extra regnum ipsum ad quodcunque tribunal, seu alterius præterquam regis Bohemiæ, & judicium regalis curiæ, sive judicium citare poterit, sive trahi nec vocari debeat, perpetuis inantea temporibus, sive possit. Ideo privilegium, consuetudinem, & indultum hujusmodi auctoritate imperiali, & de imperiali potestatis plenitudine, ex certa scientia innovantes, & etiam confirmantes, ac præsentī nostra constitutione imperiali perpetuis temporibus valitura statuimus, ut si contra privilegium, consuetudinem, vel indultum præfatum, quispiam prædictorum, puta princeps, baro, nobilis, miles, cliens, civis, burgenfis, seu rusticus aut alia quæcunque persona præmissa, ad quodcunque tribunal, extra regnum prædictū Bohemiæ in quacunque causā criminali, civili vel mixta, seu super quocunque negotio citatus fuerit, quocunque tempore vel citatus comparere, vel in judicio respondere, minime teneatur, & quod si adversus hujusmodi non cōparentes, vel non comparētē a quocunq; iudice cujuscunq; auctoritatis existat, extra regnū ipsū Bohemiæ constituto, judicialiter procedi, processus fieri, seu sententias interlocutorias vel diffinitivas, unam vel plures in quibuscunque prænominatis causis, seu negotiis quovis modo promulgari, & ferri contingeret, auctoritate præmissa, de plenitudine insuper antedictæ imperatoris potestatis citationes, præcepta, processus & sententias hujusmodi, necnon executiones, & omnia quæ ex eis vel aliquo eorum quomodolibet sequi attentari possent vel fieri, irritamus penitus & cassamus. Adjicientes expresse & edicto imperiali perpetuo valituro, eadem auctoritate, & de præmissa potestatis plenitudine decernentes, ut quemadmodum in prædicto regno Bohemiæ a tempore (cujus contrariū non habetur memoria) juxta observatum existit, ita nulli prorsus principi, Baroni, nobili, militi, clienti, civi, burgen. seu rustico, nulli demum personæ, seu incolæ regni Bohemiæ sæpēdicti cujuscunque status, præeminentiæ, dignitatis vel conditionis existat, vel extiterit, a quibuscunque processibus, sententiis, interlocutoris, vel diffinitivis, sive præceptis regis Bohemiæ, aut quorumlibet suorum judicum, necnon executionibus eorundem, contra se in regali judicio, seu coram regis, regni seu prædictorum judicum tribunalibus, aut locis habitis, vel ferendis inantea, seu fiendis ad quodcunque aliud judicium appellare, provocaciones hujusmodi, si quas contra hoc interponi

terponi contigerit, eo ipso, viribus non subsistant & appellantes ipsi, poenam perditionis causarum ipso facto se noverint incurrisse.

¶ De auri, argenti, & aliarum specierum mineris.

**P**raesenti constitutione in perpetuum valitura statuimus, et de certa scientia declaramus, quod successores nostri Bohemiae reges, necnon universi & singuli principes electores ecclesiastici & seculares, qui perpetuo fuerint, universas auri & argenti fodinas atque mineras, stanni, cupri, ferri, plumbi, & alterius cujuscunque generis metalli ac etiam salis, tam inventas quam inveniendas in posterum, quibuscunque temporibus in regno praedicto, ac terris, & pertinentiis eidem regno subiectis, necnon supradicti principes, in principatibus, terris, dominiis, & pertinentiis suis, tenere iuste possint, & legitime possidere cum omnibus iuribus, nullo prorsus excepto, prout possunt, seu consueverunt talia possideri; necnon Judaeos habere, telonia, in praeterito statuta & indulta percipere. Quodque progenitores nostri, reges Bohemiae ferme ipsique principes electores ac progenitores, & praedecessores eorum legitime poterunt, usque in praesens, sicut hoc antiqua, laudabili & approbata consuetudine, diuturnique ac longissimi temporis cursu praescripto noscitur observatum.

¶ De monetis.

**S**tatuimus praeterea, ut regi Bohemiae successori nostro qui fuerit pro tempore, sicut constat ab antiquo, illustribus Bohemiae regibus, nostris praedecessoribus licuisse & in possessione pacifica, continua ipsos fuisse juris subsequenti, videlicet monetas, auri & argenti, in omni loco & parte regni sui & subiectarum sibi terrarum, & pertinentiarum omnium, ubi rex ipse decreverit sibi quae placuerit cudi, facere & mandare sub omni modo & forma in regno ipso Bohemiae, in his ad haec usque tempora observatis, quodque futuris perpetuo Bohemiae regibus, hac nostra imperiali constitutione & gratia perpetuo valitura a quibuscunque principibus, magnatibus, comitibus, ac personis aliis quacunque terras, castra, possessiones, praedia, sive bona liceat emere, comparare, seu in donum seu donationem, ex quacunque causa, aut in obligationem recipere, sub talium terrarum, castrorum, possessionum, praediorum, seu bonorum conditione consueti, ut videlicet propria recipiantur vel comparentur, ut propria, libera, velut libera, & ea quae dependent in feudum, similiter emanent in feudum, seu comparata taliter teneantur, ita tamen quod ipsi reges Bohemiae, de his qui hoc modo comparaverint vel receperint, & regno Bohemiae duxerint applicanda, ac pristina & consueta jura, de talibus sacro explenda & reddenda imperio sint astricti. Praesentem nihilominus constitutionem & gratiam virtute praesentis legis nostrae imperialis ad universos principes electores, tam ecclesiasticos quam seculares successores, & legitimos haeredes ipsorum plene extendi volumus, sub omnibus modis & conditionibus, ut praefertur.

¶ De immunitate principum electorum.

**S**tatuimus etiam, ut nulli comites, barones, nobiles, feudales, vassalli, castren. milites, clientes, cives, burgenfes, nullaque persona Moguntinen. Treveren. & Colonien. ecclesiis subiecti vel subiectae cujuscunque status, conditionis vel dignitatis existant, ad cujuscunque actoris instantiam, extra territorium, & terminos ac limites earundem ecclesiarum, & pertinentiarum suarum ad quodcunque aliud tribunal, seu cujuscunque alterius, praeterquam archiepiscoporum, Moguntinenfis, Treverenfis & Colonienfis & judicium suorum iudicum, citari poterunt, temporibus retroactis, vel trahi, seu vocari debeant, perpetuis inantea temporibus, sive possint, sive praeteritis, invenimus temporibus observatum. Quod si contra praesens edictum nostrum praedictos ecclesiarum Treverenfis, Moguntinenfis, seu Colonienfis subditos, vel eorum aliquem, seu aliquos, ad cujuscunque instantiam, seu ad cujuscunque tribunal, pro quacunque causa criminali, civili vel mixta, seu quocunque negotio, extra territorium, limites seu terminos dictarum ecclesiarum, vel alicujus earum citari contingeret, comparere vel respondere minime teneantur, & citatio & processus & sententiae interlocutoriae, & diffinitivae, contra non venientes a talibus judiciis extraneis latae, vel factae, fiendae vel ferendae, necnon praecipua, & praemisissorum executiones, & omnia quae ex eis, vel aliquo eorum quomodolibet sequi attentari possent, vel fieri, irrita decernimus eo ipso. Adjicientes expresse quod nulli comiti, baroni, nobili, feudali, vassallo, castren. militi, clienti, civi, rustico, nulli demum persona ecclesiis hujusmodi subiectae, seu ejus incolae cujuscunque status, dignitatis vel conditionis existant, a processibus, sententiis interlocutoriis, & diffinitivis sive praecipis Archiepiscoporum, & ecclesiarum hujusmodi, vel suorum officiorum temporalium, aut executionibus eorundem contra se, in archiepiscopali seu officiorum praedictorum iudicio factis, aut latis, habitis, vel ferendis, inantea, seu fiendis ad quodcunque tribunal liceat appellare, quamdiu in archiepiscoporum praedictorum, & suorum iudicio querelantibus, non iustitia denegata, appellationes contra hoc factas, non recipi statuimus, cassaque & irritas nunciamus. In defectum vero iustitiae, praedictis omni-

bus ad imperialem duntaxat curiam, & tribunal, seu iudicis immediatè in imperiali curiâ pro tempore præsentis audientiam, & etiam eo casu non ad quemvis alium iudicem, five ordinarium, five etiam delegatum, his quibus denegata fuerit iustitia, liceat appellare. Quicquid vero contra præmissa factum fuerit, sit irritum, eo ipso, eandem constitutionem virtute præsentis legis nostræ imperialis, ad illustres comitem Palatinum Rheni, ducem Saxoniæ, & marchionem Brandeburgen. principes electores seculares, five laicos hæredes successores, & subditos eorum, plenè extendi volumus, sub omnibus modis & conditionibus, ut præfertur.

#### ¶ De Congregatione Principum.

**I**Nter illas multiplices Reipublicæ curas, quibus assidue mens nostra distrahitur, multa consideratione necessarium fore prospexit nostra sublimitas, ut sacri imperii principes electores, ad tractandum de ipsius imperii, orbisq; salute, frequentius solito congregentur, qui solidæ bases imperii, & columnæ immobiles quemadmodum per longinquas ad invicem terrarum consistunt distantias, ita de incumbentibus regionum sibi cognitarum defectibus, referre simul & conferre noverunt sanisq; providentiæ suæ consiliis non ignorant, accommodis talium reformationibus salubriter opem dare: hinc est quod in solenni curia nostra, in Nurenberg cum venerabilibus ecclesiasticis, & illustribus secularibus, principibus electoribus, & multis aliis principibus, & proceribus per nostram celsitudinem celebratâ, habita cum eisdem principibus electoribus deliberatione, & de ipsorum consilio pro bono & salute communi, cum dictis principibus electoribus, tam ecclesiasticis quam secularibus, duximus ordinandum, Quod iidem principes electores de cætero per singulos annos semel transactis à festo resurrectionis dominicæ quatuor septimanis continue numerandis, in aliqua civitatum sacri imperii personaliter congregentur, & idem tempus proxime affuturum seu anno præsentis, colloquium seu curia & congregatio huiusmodi in civitate nostra imperiali Meten. per nos & eosdem principes celebriter, ac tunc, & deinceps die quolibet congregationis huiusmodi, locus per nos quo sequenti anno conveniant, ipsorum consilio statuatur, hac nostra ordinatione, ad nostrum & ipsorum duntaxat beneplacitum duratura. Qua durante ipsos sub nostro imperiali conductu recipimus, ad dictam curiam accedendo, stando ac etiam recedendo. Præterea, ne tractatus communis salutis & pacis, per tractum, & moram solatii, seu excessivam frequentationem convivii, retardetur, ut aliquando fieri est consuetum, concordî voluntate duximus ordinandû, ut deinceps curiâ, seu congregatione præfata durante, generales omnium principum celebrare alicui non liceat invitatas. Particulares vero quæ agendorum expeditionem non impediunt, cum moderamine sint permittæ.

#### ¶ Revocatoria Privilegiorum.

**P**Ræterea statuimus, & hoc imperiali perpetuo fancimus edicto, quod universa privilegia & literæ quibuscunque personis, cujuscunque status, præminentia, vel dignitatis existant, seu civitatum, oppidorum, & quorumlibet locorum universitatibus, super quibuscunque iuribus, gratiis, immunitatibus, consuetudinibus, seu rebus aliis, etiam proprio motu, seu alias à nobis, vel recolendæ memoriæ divis Romanorum Imperatoribus, & regibus, prædecessoribus nostris, sub quibuscunque verborum tenoribus concessa & concessa, seu à nobis vel successoribus nostris Romanorum Imperatoribus & Regibus, futuris temporibus concedenda, seu etiam concedenda, non debeant, aut possint libertatibus, jurisdictionibus, iuribus, & honoribus, seu dominiis principum electorum sacri Imperii ecclesiasticorum & secularium, aut alicujus ipsorum in aliquo penitus derogare. Etiam si in talibus privilegiis, & literis quarumlibet personarum cujuscunque præminentia, dignitatis, aut status extiterint, ut præfertur, seu universitatum huiusmodi expressarum sit, vel fuerit in futurum, quod revocabilia, seu revocabiles esse non debeant, nisi de ipsis, & toto in eis comprehenso tenore, in tali revocatione fieret de verbo ad verbum, seriâ mentione specialis, huiusmodi namque privilegia & literas, si & in quantum libertatibus, jurisdictionibus, iuribus, & honoribus, seu dominiis, quæ superius exprimuntur dictorum principum electorum, aut alicujus ipsorum derogare, vel obviare censentur, in aliquo, quoad hoc revocamus ex certa scientia, & cassamus, revocataq; & revocatas intelligi, reputari, & haberi decernimus, de plenitudine imperatoris potestatis.

#### ¶ De his, quibus ut indignis, auferuntur bona feudalia.

**I**N plerisque partibus, vassalli, & feudatarii dominorum feuda seu beneficia, quæ à dominiis ipsis obtinent intempestive, verbaliter, & in fraude renunciant, seu resignant eadem, & facta resignatione huiusmodi, dominos ipsos malitiose dissident, iustaque inimicitias eis denunciant, damna ipsis subsequenter gravia inferendo, & beneficia, seu feuda



feudaliter relicta prætextu guerra, seu inimicitia iterum invadunt & occupant, & detinent occupata, eapropter præfenti constitutione in perpetuum valitura sancimus, quod talis resignatio seu renunciatio haberi debeat pro non facta, nisi libere & realiter facta fuerit per eosdem, ita quod possessio beneficiorum & feudorum huiusmodi, dominis ipsis corporaliter & realiter assignetur, in tantum, quod nullo unquam tempore diffidat ipsi in bonis feudis seu beneficiis resignatis dominos ipsos perturbet, per se vel alios, aut molestet, nec ad hoc consilium præstet auxilium vel favorem. Contrarium faciens seu dominos ipsos in beneficiis, & feudis resignatis vel non resignatis invadens, quomodolibet vel perturbans, vel damna ipsis inferens, seu consilium, auxilium præstans, talia faciētibz vel favorem, feuda & beneficia huiusmodi eo ipso amittat, infamis existat, & banno imperiali subjaceat, & nullus ad feuda vel beneficia huiusmodi pateat ei, de cætero quocumque tempore, aditus vel regressus, nec de novo cõcedi sibi valeat tullo modo, & facta eis contra hoc illorum concessio, seu investitura sequuta viribus non subsistant. Postremo, omnes poenas prædictas illos vel illum, qui prædicta resignatione non facta contra dominos suos fraudulenter agentes vel agens scienter eos invaserint vel invaserit, diffidatione quacumque prævia, vel omiſſa, vigore præfentis sanctionis incurrere decernimus ipso facto.

¶ De conspirationibus.

**D**etestasdas prætere & sacris legibus reprobatae conspirationes & conventiculas seu colligationes illicitas, in civitatibus & extra, vel inter civitates & civitates, inter personam & personam, seu inter personam & civitatem, prætextu parentelæ, seu receptionis in cives vel alterius cujuscumque coloris conjurationes, insuper confœderationes & pacta, necnon & consuetudinem citra huiusmodi introductam, quam censemus potius corruptelam, reprobamus; damnamus, & ex certa scientia irritamus, quas civitates seu personæ cujuscumque dignitatis, seu conditionis, aut status, sive inter se, sive cum aliis absque autoritate dominorum, quorum subditi, vel ministeriales, seu in quorum districtu consistunt, eidem dominis nominatim non exceptis, fecerint hæcenus, & facere præsumperint in futuro, sicut eas per sacras divorum augustorum prædecessorum nostrorum, leges prohibitas non ambiguntur & cassatas, illis confœderationibus & legibus duntaxat exceptis, quas principes & civitates, ac alii super generali pace provinciarum atque terrarum inter se firmasse noscuntur. Illas enim nostræ declarationi specialiter reservatas, in suo decernimus vigore manere, donec de his aliud duxerimus ordinandum personam singularem, quæ de cætero contra tenorem præfentis constitutionis nostræ, & legis antiquæ, super hoc editæ, confœderationes, colligationes, conspirationes & pacta huiusmodi inire præsumperit, ultra poenam legis ejusdem, notam infamiae, & poenam decem librarum auri; civitatem, vel universitatem in hanc legem nostram similiter committentem, centum librarum auri, necnon amissionis & privationis libertatum, & privilegiorum imperialium, poenas incurrere decernimus, eo ipso medietatem poenæ huiusmodi pecuniariæ fisco imperiali. Reliqua vero domino districtus, in cujus præjudicium factæ fuerint, applicanda.

¶ De Pſalburgeriis.

**C**æterum, quia nonnulli cives & subditi principum, baronum, & aliorum hominum, sicut frequens ad nos querela perduxit, jugum originariæ subjectionis quærentes abjicere, imo aulæ temerario contemnentes, in aliarum civitatum cives sæpe recipi se procurant, & frequentius in præterito procurant: Et nihilominus in priorum dominorum, quos tali fraude præsumperunt vel præsumunt, deferere, terris, civitatibus, oppidis, & villis, corporaliter residerent, civitatum ad quas hoc modo se transferunt libertatibus gaudere, & ab eis defensari contendunt, qui in partibus Alman. Pſalburgerii consueverunt vulgariter appellari. Quoniam igitur patrocinari non debent alicui, fraus & dolus, de imperatoris potestatis plenitudine, omnium principum electorum ecclesiasticorum & secularium sane accedente consilio, ex certa scientia statuimus & præfenti lege perpetuo valitura sancimus, quod prædicti cives & subditi eis, quibus subsunt, taliter illudentes in omnibus terris, locis, & provinciis sacri imperii a præfenti die impostum, civitatum in quarum cives tali fraude recipi se procurant, vel hæcenus procurant, iuribus & libertatibus in nullo porantur, nisi ad huiusmodi civitates corporaliter transeunt, ibique larem foventes continuè, ac vere & non fictè, residentiam facientes debita onera & municipalia subeant in eisdem. Si qui vero contra præfentis nostræ legis tenorem recepti sint vel fuerint, in futurum illorum receptio omni careat firmitate, & recepti cujuscunque dignitatis, conditionis aut status existant, in nullo casu penitus sive causa civitatum, ad quas se recipi procurant, iuribus aut libertatibus gaudeant quomodolibet, vel fruuntur. Non obstantibus quibuscunque iuribus, privilegiis, vel consuetudinibus observatis quocumque tempore & obtentis. Quas, & quæ, in quantum præfenti nostræ legi obviant, præfentibus ex certa scientia revocamus, de prædictæ imperialis plenitudine potestatis, omnique carere decernimus robore firmitatis.

¶ Circa

¶ Circa præmissa omnia principum, dominorū, & aliorum hominum, quos taliter deferri contingit, vel continget in posterum, iuribus circa personas, & bona subditorum quorumcunque ipsos supradicto modo deferentium semper salvis: hos nihilominus, qui sæpeditos cives, & subditos alienos recipere contra præsentis nostræ legis dispositione præsumperint, vel recipere in præterito præsumperint, si eos omnino non dimiserit infra mensem, post intimatione præsentium eis factā, centum marcas auri pro transgressionem huiusmodi toties quoties deinceps factum fuerit, incurere decernentes, quarum medietas imperiali fisco nostro, reliqua vero dominis illorum qui recepti fuerint, irremissibiliter applicetur.

¶ De Diffidationibus.

**E**OS qui de cætero adversus aliquos justam diffidationis causam se habere fingentes, ipsos in locis ubi domicilia non obtinent, aut ea communiter non inhabitant, intempestive diffidant, declaramus damna quæcunque per incendia, spolia, vel rapinas diffidatis ipsis cum honore suo inferre non posse. Et quia patrocinari non debent alicui fraus & dolus, præsentis constitutione in perpetuum valiturā sancimus, diffidentes huiusmodi quibuscunque dominis, aut personis cum quibus aliqui fuerint in societate, familiaritate, vel honesta quavis amicitia conversari, sic factas, vel fiendas in posterum, non valere, nec licere prætextu diffidationis cujuslibet, quempiam invadi per incendia, spolia, vel rapinas, nisi diffidatio per tres dies naturales ipsi diffidando personaliter, vel in loco quo habitare consuevit, publicè fuerit intimata, possitque de intimatione huiusmodi, per testes idoneos fieri plena fides. Quisquis secus quæpiā diffidare, & invadere modo præmisso præsumperit, infamiā eo ipso incurat, ac si nulla diffidatio facta esset, quem etiam tanquā proditorē, per quoscunque iudices poenis legalibus statuimus castigari. Prohibemus etiam & damnamus universas, & singulas guerras, & lites injustas, cuncta quoque injusta incendia, spolia, & rapinas, indebita & inconsueta telonea, & conductus, & exactiones pro ipsis conductibus extorqueri consuetas, sub poenis, quibus sacræ leges præmissæ & eorum quodlibet sanciant puniendā.

¶ Litera intimationis pro electione regis Romanorum fienda.

**V**obis illustri, & magnifico principi, N. marchioni Brandeburgen. sacri imperii archicamerario electori, & amico nostro charissimo. Electione Romanorum regis, quæ ex rationabilibus causis imminet, faciendā, præsentibus intimamus, vosque ex officii nostri debito, ad electionem præfatam rite vocamus, quoties a die tali, &c. infra tres menses continue numerandos, per vos, seu nuncios, aut procuratores vestros, unum vel plures, sufficiens mandatum habentes, ad locum debitum juxta formam sacrarum legum, super hoc editarum venire curetis, deliberaturi, tractaturi, & concordaturi, cum aliis co-principibus, & co-electores vestris, & nostris, de electione futuri regis Romanorum, in Imperatorem postmodum favente domino promovendi, in eodem mansuri usque ad plenam consummationem electionis huiusmodi, & alias facturi, & processuri, prout in sacris legibus, super hoc deliberatè editis invenitur expressum, alias non obstante vestra, seu vestrorum absentia in præmissis unā cum aliis co-principibus & co-electores vestris & nostris, prout legum ipsarum sanxerit autoritas, finaliter procedamus.

¶ Forma procuratorii mittendi per eum principem electorem, qui nuncios suos ad electionem faciendam duxerit destinandos.

**N**OS talis dei gratia, &c. sacri imperii, &c. notum facimus tenore præsentium universis, quod cum electio Romanorum regis ex rationabilibus causis imminet faciendā, Nos de honore & sacri imperii solitudine debita intendere cupientes, ne tam gravibus dispendiis periculose subiaceat, de fide & circumspectionis industria dilectorum nobis talis, &c. fidelium nostrorum obtinentes, ut præsumptionis indubiæ singularem fiduciam, ipsos & quemlibet ipsorum, in solidum, ita quod non sit melior conditio occupantis, sed quod per unum eorum inceptum fuerit, per alium finiri valeat & licite terminari, omni jure, modo, & forma, quibus melius & efficacius possumus, seu valemus, nostros & veros legitimos procuratores, & nuncios speciales, facimus, constituimus, & ordinamus, ad tractandum ubilibet, unā cum aliis principibus & electoribus nostris, tam ecclesiasticis quā secularibus, & cum ipsis concordandum, & conveniendum, & concludendum de persona quacunque habili ac idonea in regem Romanorum eligendā, ac ipsis tractatibus super electione talis personæ habendis, pro nobis loco, & nomine nostris interessendum, tractandum & deliberandum, necnon vice & nomine nostris eandem personam nominandum, & in ipsam consentiendum, ac etiam in regem Romanorum promovendum ad sacrum imperium eligendum, ac in animam nostram præstandum quodcunque juramentum necessarium, debitum, seu consuetum fuerit circa præmissa, & quodlibet præmissorum, alium vel alios procuratores, in solidum substituendum & revocandum, & omnia alia & singula faciendum quæ in præmissis, & circa præmissa etiam usque ad consummationem tractatum, nominationis, deliberationis, & electionis huiusmodi de præsentī faciendæ necessaria,

cessaria, aut utilia fuerint, seu etiam quomodolibet opportuna etiam si præmissa, vel eorum quodlibet mandatum exigant speciale, etiam si majora vel magis singularia fuerint supradictis, & quæ nosmetipsi facere possemus, si hujusmodi tractatum, deliberationis, nominationis, & electionis futuræ negotiis præsentem, & personaliter adessemus, gratum & ratum habentes, & habere volentes, & nos perpetuo habituros firmiter promittentes, quicquid per antedictos procuratores, & nuncios nostros, necnon substitutos, aut substituendos ab ipsis, seu eorum altero in præmissis seu eorum quolibet actum, gestum, seu factum fuerit, aut quomodolibet ordinatum.

¶ De unione principatuum electorum, & jurium eis connexorum.

**C**UM universi & singuli principatus, quorum virtute seculares principes electores, jus & vocem in electione regis Romanorum in Casarem promovendi obtinere noscuntur, cum jure hujusmodi, necnon officiis, dignitatibus & juribus aliis, eis & cuilibet eorum annexis, & dependentibus ab eisdem, adeo conjuncti & inseparabiliter sint uniti, quia jus, vox, officium ac dignitas, aliqua jura & quælibet principatuum eorumdem spectantia, cadere non possint in alium, præter illum, qui principatui ipsum cum terra, vassallagiis, feudis & dominiis, ac ejus pertinentiis universis dignoscitur possidere, præsentis edicto imperiali perpetuo valituro sancimus, unumquemque principatum prædictorum, cum jure & voce electionis, ac officiis, cæterisque omnibus dignitatibus, juribus & pertinentiis ad ipsum spectantibus ita perseverare, & esse debere, una cum perpetuis temporibus, indivisibiliter, & conjunctim, quod possessor principatus cujuslibet, etiã jure vocis, officii, dignitatis, & pertinentiarum omnium ad illum spectantium, quæta debeat & libera possessione gaudere, & princeps electus ab omnibus reputari, ipseque & nemo alius per ceteros principes electores ad electionem & omnes actus alios, pro sacri imperii honore, vel opportunitate gerendos, omni tempore assumi sine contradictione qualibet, & admitti, nec aliquod præmissorum ab altero, cum sint, & esse debeant inseparabilia, dividi, vel ullo tempore debeat separari, aut in judicio, vel extra divisiim repeti valeat, vel evinci, vel etiam per sententiam separari, nec aliquis unum sine alio impetens audiat, quod si per errorem vel alias auditus quis fuerit, aut processum judicii, sententia, vel aliquod hujusmodi contra præsentem dispositionem nostram emanaverit, seu quomodolibet attentare contigerit, hoc totum & omnia ex his, & quolibet eorum sequentia, eo ipso, viribus non subsistant.

¶ De ordine processionis inter archiepiscopos.

**Q**UONIAM autem superius in principio constitutionum nostrarum præsentium, circa ordinem sessionis ecclesiasticorum principum electorum, in Concilio & in mensa, & aliis, quoties imperiali curia celebrari, seu principes electores deinceps cum Imperatore, vel rege Romanorum cõgregari cõtingerit, sufficienter duximus providendum, super qua pristinis audivimus temporibus pluries disceptatum, expedire credimus, etiam processionis & deambulationis inter eos ordinem diffinire. Quapropter hoc perpetuo imperiali edicto decernimus, ut quotiescunque in congregatione Imperatoris vel regis Romanorum, & principum prædictorum, Imperatore, vel rege ipso deambulante, insignia ante faciem ejus portari contingerit, archiepiscopus Treveren. in directa diametrali linea ante Imperatorem, vel regem transeat, illique soli medii inter eos ambulent, quos imperialia, vel regalia continget insignia deportare. Dum autem Imperator, vel rex, absque insigniis eisdem incesserit, extunc idem archiepiscopus Imperatorem, vel regem præfato modo præcedat, ita quod nemo penitus inter eos medius habeatur, aliis duobus archiepiscopis electoribus, loca sua juxta distinctionem provinciarum suarum, circa sessionem superius declaratam, etiam circa processionem perpetuo servaturum.

¶ De ordine processionis principum electorum, & per quos insignia deportentur.

**A**D declarandum autem in Imperatoris, vel regis Romanorum deambulantis præsentia, processionis ordinem principum electorum (de quo supra fecimus mentionem) statuimus, ut quotiescunque in celebratione imperialis curiæ principes electores cum Imperatore, seu rege Romanorum, in quibuscunque actibus vel solennitatibus processionaliter ambulare contingerit, & imperialia, vel regalia debuerint insignia deportari, dux Saxonie imperialem, seu regalem enssem deferens, Imperatorem, seu regem immediate præcedat, & inter illum & archiepiscopum Treveren. medius habeatur. Comes vero palatinus porcum imperiale portans, a latere dextro, & marchio Brandenburgen. sceptrum deferens, a sinistro latere ipsius ducis Saxonie linealiter gradiantur. Rex autem Bohemiarum, Imperatorem, seu regem ipsum immediate, nullo interveniente, sequatur.

¶ De benedictionibus archiepiscoporum in præsentia Imperatoris.

**Q**UOTIES insuper, in Imperatoris, vel regis Romani præsentia, missarum solennia celebrari, ac Moguntinen. Treveren. & Colonien. archiepiscopos, vel duos ex eis adesse contingerit in confessione, quæ ante missam dici consuevit, ac in porrectione evangelii osculandi, & pace post Agnus dei portandâ, necnon in benedictionibus, post finita missa-

ta missarum solennia, ac etiam ante mensam faciendis, & in gratis post cibum acceptum agendis, si inter eos ordo servetur, prout de ipso Consilio duximus ordinandum, quod prima hæc omnia & singula à primo, secundâ die à secundo, Tertio verò die, à tertio peragantur: primum autem, seu secundum, vel tertium, hoc casu secundum quod prius, vel posterius quilibet eorum consecratus existit, debere intelligi declaramus: & ut se invicem honore condigno præveniant, & exemplum aliis præbeant invicem honorandi, <sup>†</sup> quem circa præmissa ordo tetigerit, ad hæc alterum convenienti & charitativâ inclinatione invitet, & tunc demum ad præmissa procedat seu quodlibet præmissorum.

¶ Si quis cum principibus, militibus, vel privatis, seu quibuscumque personis plebeis, sceleratam factione, aut factionis ipsius inierit sacramentum vel dederit consiliu in nec venerabilium & illustrium principum nostrorum & sacri Romani Imperii, tam ecclesiasticorum quam secularium principum electorum, seu alterius eorundem, nam & ipsi pars corporis nostri sunt (eadem enim severitate voluntatem sceleris qua effectum puniri jura voluerunt) ipse quidem (utpote majestatis læsæ criminis reus) gladio feriat, bonis ejus omnibus fisco nostro adjectis. Filii verò ejus, quibus vitam imperiali specialiter benignitate concedimus. (Paterno enim perire debent supplicio,) in quibus paterni, hoc est, hæreditarii criminis metuunt exempla, à maternâ, vel avitâ omnium etiam proximorum hæreditate & successione habeantur alieni. Ex testamentis extraneorum nihil capiant, sint perpetuè egentes, & pauperes, infamia eos paterna semper comitetur, ad nullum unquam honorem, ad nulla prorsus sacramenta perveniant. Sint postremò tales ut his perpetuâ egestate fordentibus, sit & mors solacium & vita supplicium. Denique jubemus eos esse notatos sine venia, qui pro talibus unquam apud nos intervenire tentaverint. Ad filias sanè eorum, quolibet numero fuerint, Falcidiam tantum ex bonis matris, sive testata sive intestata defecerit, volumus pervenire, ut habeant mediocrem potius filiarum alimoniam, quam integrum emolumentum, ac nomine hæredis consequantur. Mitior enim circa eas debet esse sententia, quas pro infirmitate sexus minus avaras esse confidimus. Emancipationes quoque, quæ à prædictis, sive in filios post legem duxerant latam, sive in filias fuerit collata, non valent.

¶ Item Dotes, donationes quarumlibet, postremò item alienationes, quæ ex eo tempore qualibet fraude, vel jure factas esse constiterit, quo primum memorati de ineunda factione ac societate cogitaverint, nullius statuius esse momenti. Uxores sanè prædictorum recuperatâ dote, si in ea conditione fuerint, ut quæ à viris titulo donationis acceperint, seu accipiunt, filiis debeant reservare, tempore quo usufructus absumitur, omnia ea fisco nostro se relicturas esse cognoscant, quæ juxta legem filiis debebantur. Falcidia etiam ex his rebus, filiabus tantum, non etiam filiis deputetur. Id quod de prædictis eorumque filiis cavimus, etiam de satellitibus consociis, ac ministris filiisque eorum simili severitate censemus. Sanè, si quis ex his, in exordio initæ factionis, studio revelandi accensus, ipsam prodiderit factionem, & præmio à nobis & honore donabitur. Is verò qui usus fuerit factione, si vel serò, vel cum incognita adhuc consiliorum arcana patefecerit, absolutione tamen ac veniâ dignus habebitur. Statuimus insuper, ut si quid contra prædictos principes electores, ecclesiasticos vel seculares commissum dicatur, etiam post mortem rei, id crimen <sup>†</sup> insinuari possit. In hoc item crimine, quod ad læsam in principibus electoribus suis majestatem pertinet, etiam in caput domini, servi torquentur. Volumus insuper & præsentì imperiali sancimus edicto, ut etiam post mortem nocentium, hoc crimen inchoari possit, ut convicto mortuo memoria ejus damnetur, & bona ejus successoribus ejus eripiantur. Nam ex quo sceleratissimum quis ceperit consilium, exinde quodammodo sua mente punitus est. Porro, ex quo quis tale crimen contraxit, neque alienare, neque manumittere eum posse, nec ei solvere jure debitorem decernimus. In hac causâ in caput domini servos torqueri statuimus, id est, propter causam factionis damnandæ contra principes electores ecclesiasticos & seculares ut præmittitur: & si decesserit quis, propter incertam personam successoris bona servantur, si in causâ hujusmodi fuisse mortuus arguatur.

¶ De integritate Principatuum Electorum servandâ.

Si ceteros principatus congruit in suâ integritate servari, ut corroborentur justitiâ, & subjectione & fideles pace gaudeant & quiete, multo magis magnifici principatus, dominia, honores & jura electorum principum debent illæsâ servari. Nam ubi majus incubuit periculo, majus debet remedium adhiberi, ne columnis ruentibus basis totius ædificii collidatur. Decernimus igitur & hoc perpetuis temporibus valituro imperiali sancimus edicto, quod exnunc inante perpetuis futuris temporibus, insignes & magnifici principatus, videlicet Regnum Bohemiæ, Comitatus Palatini Rheni, Ducatus Saxonie, & Marchionatus Brandeburgen. terræ, districtus, homagia, vassallagia, & alia quævis ad ipsa spectantia scindi, dividi, seu quavis conditione dimembrari non debeant, sed ut potius in suâ perfectâ integritate

† Alias, insinuari.

integritate perpetuâ maneat. Primogenitus filius succedat in eis, sibi que soli jus & dominium competat, nisi fortè mente captus, fatuus, seu alterius famosi & notabilis defectus existeret, propter quem non deberet, seu posset hominibus principari: in quo casu inhibita sibi successione, secundò genitum, si fuerit in ea progenie, seu alium seniore fratrem, seu consanguineum laicum, qui paterno stipiti in descendenti rectâ lineâ proximior fuerit, volumus successurum. Qui tamen apud alios fratres & sorores se clementem & pium exhibebit continuò, juxta datam sibi à Deo gratiam, & juxta suum beneplacitum & ipsius patri-monii facultates: divisione, scissione, seu dimembratione principatus, & pertinentiarum ejus sibi omnibus modis interdicta.

¶ De curia imperiali & sessione.

**D**IE vero qua solennis curia imperialis, vel regia fuerit celebranda, venient circa horam principes electores, ecclesiastici & seculares, ad domum habitationis imperialis five regalis, & ibi Imperator vel Rex ipse omnibus insigniis imperialibus induetur, & ascensis equis omnes vadant cum Imperatore vel rege ad locum sessionis aptatâ; & ibi quilibet eorum in ordine & modo supra in lege de ordine processionis principum electorum plenius definito. Portabit etiam archicancellarius, in cujus archicancellariatu hæc fuerint, super baculo argenteo, omnia sigilla & typaria imperialia & regalia: Seculares vero principes electores, sceptrum, pomum, & ensen, secundum quod superius exprimitur, deportabunt. Portabuntur etiam immediatè ante archiepiscopum Treveren. suo loco transeuntem, primò Aquigrani, secundò Mediolanen. corona, & hoc ante Imperatorem duntaxat, qui jam imperialibus est infulis decoratus, quas gestabunt aliqui principes inferiores, ad hoc per Imperatorem juxta placitum deputandi. Imperatrix etiam, vel regina Romanorum, suis augustalibus amicta insigniis, post regem vel Imperatorem & etiam post regem Bohemiæ (qui Imperatorem immediatè subsequitur) competentis spatii intervallo suis associata proceribus, suisque comitata virginibus, ad locum sessionis procedat.

¶ De officiis principum electorum in solennibus curiis Imperatorum vel regum Romanorum.

**S**Tatuimus, ut quodcumque Imperator vel Rex Romanorum solennes curias suas celebra-verit, in quibus principes electores sua deservire seu exercere debent officia, subscriptus in his ordo servetur. Primò enim, Imperatore vel rege ipso in fede regia seu folio imperiali sedente, dux Saxonie officium suum agat hoc modo, Ponetur enim ante ædificium sessionis imperialis vel regis acervus avenæ tantæ altitudinis, quòd pertingat usque ad pectus vel sel-lam equi, super quo sedebit ipse dux & habebit in manu baculum argenteum, & mensuram argenteam, quæ simul faciant in pondere duodecem marcas argenti, & sedens super equo, primo mensuram eandem de avena plenam accipiet, & famulo primitus venienti ministrabit eandem: quo facto, figendo baculum in avenam recedet, & vicemarscallus ejus, puta de Pappenheim, accedens, vel, eo absente, marscallus curiæ, ulterius avenam ipsam distribuat. Ingresso vero Imperatore vel rege ad mensam, principes electores ecclesiastici, videlicet archiepiscopi, stantes ante mensam cum cæteris prælatis, benedicant eandem secundum ordinem qui circa hæc eis in superioribus est præscriptus; & benedictione completa, iidem archiepiscopi omnes si adsint, alioquin duo vel unus sigilla & typaria imperialia five regalia à cancellariis curiæ recipient, eoque, in cujus archicancellariatu curiam ipsam celebrari contingeret, in medio procedente, & aliis duobus ex alterutro latere sibi junctis sigilla & typaria ipsa, omnes quidem baculum in quo suspensa fuerint manibus contingentes ea portabunt, & ante Imperatorem vel regem reverenter ponent in mensa. Imperator vero five Rex, eadem ipsis statim restituat, & in cujus archicancellariatu hæc fuerit (ut præfertur) is majus sigillum collo appensum, usque in finem mensæ gestabit, & deinceps donec ad hospitium suum perveniat, ab imperiali five regali curia equitando. Baculus vero (de quo præmittitur) esse debebit argenteus, duodecim marcas argenti habens in pondere, cujus tam argenti quam pretii partem tertiam uniusquisque archiepiscoporum ipsorum persolvat, & baculus ipse protinus unâ cum sigillis & typariis debet cancellario imperialis curiæ assignari, in usus suos placitos convertendus. Postquâ autem is, quem ordo tetigerit portando sigillum majus, ab imperiali curia ad hospitium suum redierit (ut præfertur) statim sigillum ipsum per aliquem de suis familiaribus prædicto imperiali curiæ cancellario remittet super equo, quem juxta propriæ dignitatis decenciam & amorem, quem ad cancellarium curiæ gesserit, ipsi cancellario tenebitur elargiri. Deinde Marchio Brandeburgen. archicamerarius accedat super equo, habens argenteas pelves cum aquâ in manibus, ponderis duodecim marcarum argenti & pulchrâ manutergium, & descendens ab equo, dabit aquam Imperatori vel regi Romanorum manibus abluendis. Comes Palatinus Rheni intrabit similiter super equo, habens in manibus qua-



tuor scutellas argenteas cibus impletas, quarum qualibet tres marcas habeat in statera, & descendens ab equo portabit & ponet ante Imperatorem vel regem in mensa. Post hoc Rex Bohemiæ archipincerna veniat similiter super equo, portans in manibus mappam seu scyphum argenteum ponderum duodecim marcarum co-opertum aqua & vino permixtum impletum; & descendens de equo, scyphum ipsum Imperatori vel regi Romanoꝝ porriget ad bibendum. Sicut autem hæcenus observatum fuisse comperimus, ita statuimus, ut peractis per principes electores seculares prædictis ipsorum officis, Ille de Falkenstein subcamerarius, equum & pelves Marchionis Brandenburgen. pro se recipiat, magister coquinæ de Nuremburg. equum & scutellas Comitum Palatini, vicepincerna de Lymburch equum & scyphum regis Bohemiæ, vicemarscalcus de Pappenheim, equum, baculum, & mensuram prædictam ducis Saxonie: Si tamen ipsi in tali imperiali seu regali curia præsentem existant, & eorum quilibet in officio suo ministret: Si vero ipsi, vel aliqui eorum à præfata curia se duxerint absentandos, extunc imperialis vel regalis curiæ quotidiani ministri vice absentium, puta quilibet in loco ejus absentis, cui in vocabulo seu in officio communicat, sicut gerit officium, sic tollat in præmissis & fructum. Imperialis insuper mensa vel regia sic debet aptari, ut ultra alias aulae tabulas sive mensas in altitudine sex pedum sit altius elevata, in qua præter Imperatorem duntaxat vel regem Romanorum, die solennis curiæ nemo penitus collocetur. Sedes vero & mensa imperatricis sive reginæ præparabitur à latere in aula, ita quod ipsa mensa tribus pedibus imperiali sive regali mensa sit bassior, & totidè pedibus eminentior supra sedes principum electorum; qui principes suas inter se in una eademque altitudine sedes habebunt, & mensas. Infra sessionem imperialem mensæ pro septem principibus electoribus ecclesiasticis & secularibus præparentur, tres videlicet à dextris, & tres aliæ à sinistris, & septima directè versus faciem Imperatoris vel regis, sicut superius in capitulo de sessionibus & ordine principum electorum per nos est clarius definitum; ita etiam quod nullus alius, cujuscunque dignitatis vel status existat, sedeat inter ipsos vel ad mensas eorum. Non liceat autem alicui prædictorum secularium principum electorum, peracto officii sui debito, se locare ad mensam sibi paratam, donec alicui suorum co-principum electorum ejus officium restat agendum, sed cum aliquis eorum, vel aliqui ministerium suum expleverint, ad præparatas sibi mensas transeant, & juxta illas stando expectent, donec cæteri ministeria sua expleverint supradicta, & tunc demum omnes & singuli pariter ad mensas sibi paratas se locabunt. Invenimus etiam ex clarissimis relatiis & traditionibus antiquorum illud à tempore cujus contrarii jam non habetur memoria, per eos, quinos præcesserunt, scilicet esse jugiter observatum, ut regis Romani, Imperatoris futuri, in civitate Franckfordiæ celebraretur electio, & prima coronatio Aquilgrani, & in oppido Nurembergensi prima seu regalis curia haberetur. Quapropter certis ex causis etiam futuris præmissa servari debere temporibus declaravimus, nisi præmissis omnibus, seu eorum alicui impedimentum legitimum obviaret. Quantumcunque insuper aliquis princeps elector ecclesiasticus vel etiam secularis justo impedimento detentus, ad imperialem curiam vocatus, venire non valens, nuncium vel procuratorem cujuscunque status vel dignitatis transmissit, missus ipse, licet loco mittentis, juxta datum sibi ab eo mandatum admitti debeat, in mensa tamen vel sede, quæ illi, qui ipsum transmittit, deputata fuerit, non sedebat. Præterea, consummatis his quæ in imperiali qualibet curia vel regali fuerint pro tempore disponenda, recipiet magister curiæ pro se totum ædificium sive ligneum apparatus imperialis sive regie sessionis, ubi sederit Imperator vel Rex Romanorum, cum præsentibus electoribus ad celebrandas solennes curias vel feuda ( sicut præmittitur ) principibus conferenda.

¶ De juribus officialium, dum principes feuda ab Imperatore vel rege Romanorum recipiunt.

**D**ecernimus hoc imperiali edicto, ut principes electores ecclesiastici vel etiam seculares, dum feuda sua seu regalia ab Imperatore vel rege recipiunt, ad dandum vel solvendum aliquid nulli penitus sint afstricti, nam pecunia quæ tali prætextu persolvitur, officiatis debetur. Cum ergo ipsi principes electores cunctis imperialis curiæ præsent officiis, suos etiam habentes in officiis hujusmodi substitutos, datos ad hoc à Romanorum principibus, & dotatos, videtur absurdum quod substituti officiales à suis superioribus quocunque quæsito colore xenia postularent, nisi forte ipsi principes electores sponte & liberaliter his aliquid largiantur. Porro cæteri principes imperii, ecclesiastici vel seculares, dum prædicto modo eorum aliquis feuda sua ab Imperatore Romanorum suscipit vel à rege, dabit officialibus imperialis sive regalis curiæ sexaginta sex marcas cum uno fertone argenti, nisi eorum aliquis privilegio seu indulto imperiali vel regali se tueri posset, & probare se solutum, vel exemptum à talibus, aut etiam aliis quibuscunque, quæ solvi in susceptione feudorum hujusmodi consuevissent, prædictarum insuper sexaginta sex marcarum &

& fertonis, divisionem faciet magister curiæ imperialis sive regalis, hoc modo :

¶ Primò enim, decem marcas pro semetipso reservans, dabit cancellario imperialis sive regalis curiæ, decem marcas, magistris, notariis, & dictatoriis tres marcas, & sigillatori pro cera & pergameno unum fertonem, ita videlicet, quòd cancellarius & notarii principis recipienti feudum, non ad aliud quam ad dandum sibi testimoniale recepti feudi, seu simplicis investiture litteram sint adstricti. Item dabit magister curiæ pincernæ de Lymburch de præfata pecuniâ decem marcas, magistro coquinæ de Nurenberch decem marcas, vicemarscalco de Pappenheim decem marcas, & camerario de Falkenstein decem marcas. Tali tamen cum conditione, si ipsi & eorum quilibet in huiusmodi curiæ solennitatibus præsentialiter adsint in suis officiis ministrando. Si vero ipsi vel eorum aliqui absentes fuerint, extunc officiales imperialis sive regalis curiæ, qui talibus præfunt officiis, eorum quorum suppleant absentiam, singuli singulorum, sicut vocem nomenque & laborem sufferunt, sic lucra & commoda reportabunt. Dum autem princeps aliquis, equo vel alteri bestię insidens, feuda sua ab Imperatore recipit vel rege, equus ille seu bestia, cuiuscunque speciei sit, debetur superiori marscalco, i. e. duci Saxoniar si præfens adfuerit, alioquin illi de Pappenheim ejus vicemarscalco, aut illo absente, imperialis sive regalis curiæ marscalco.

¶ Cum sacri Romani celsitudo imperii diversarum nationum moribus, vita & idiomate distinctarum leges habeat & gubernacula moderari, dignum est & cunctorum sapientum iudicio censetur expediens, quòd electores principes, ipsius imperii columnæ & latera, diversorum idiomatum & linguarum differentiis instruantur, ut plures intelligan, & intelligan tur pluribus, qui plurimorum necessitatibus relevandis Cæsareæ majestati assistant, in partem sollicitudinis constituti. Quapropter statuimus, ut illustrium principum, puta regis Bohemiar, Comitris Palatini Rheni, Ducis Saxoniar, & Marchionis Brandeburgen. electorum filii, vel hæredes, & successores, cum verisimiliter Teutonicum idioma sibi naturaliter inditum scire præsumantur, & ab infantia didicisse, incipiendo à septimo suæ ætatis anno, in grammaticâ, Italica ac Slavica linguis instruantur, ita quòd infra quartumdecimum ætatis annum existant in talibus juxta datam sibi à Deo gratiam eruditi, cum illud non solum utile, imò ex causis præmissis summè necessarium habeatur, eo quòd illæ linguæ, ut plurimum ad usum & necessitatem sacri imperii frequentari sint solitæ, & his plus ardua ipsius imperii negotia ventilentur. Hunc autem proficiendi modum in præmissis ponimus observandum, ut relinquatur optioni parentum in filios, si quos habuerunt, seu proximos quos in principatibus sibi credunt verisimiliter successuros ad loca dirigant, in quibus de huiusmodi possint linguas edoceri, vel in propriis domibus prædigos instructores, & pueros confocios in his peritos eis adjungant, quorum conversatione pariter & doctrina in linguis ipsis valeant erudiri.

¶ Finis aureæ bullæ Caroli quarti Romani Imperatoris.

## AD LECTOREM.

Quoniam de electione regis Rom. in Imperatorem subinde promovendi, deq; ejus majestate & gloria, aliorumq; principum electorum celsitudine, quædã in præcedentibus, omnium literis atq; linguis celebrandã, commemorata sunt, tuq; eadem proculdubio, diligenter perlegeris, non indecorum erit, si summi etiam & hoc loco pontificis Silvestri, aliorumq; successorum in terris dominatione, divitiisq; ac Midæ opes, à Constantino magno, per totum illi occidentale imperium concessas, & præclara regnorum diademata, in perpetuam pontificiæ dignitatis ac potentie memoriam (modo res ipsa sic acta sit) per eundem ultro concessa, diligenter discutere, & ad amissum perpendere, tumque tandem super his omnibus iudicium ferre non dedigneris. Obstupenda enim & digna relatu, cunctisque veritatis amatoribus cognitu summo opere necessaria, & in hæc ferme tempora multis (vel doctissimis etiam quibusdam) incognita reperies. De Constantini igitur donatione, quæ vulgo, tum per subsequens ipsum, tum per aliud, simile huic (quod diu apud Latinos fuit) diploma, in sedis apostolicæ gratiam circumferatur, melius est tacere (ut de Cartha. Salust. scriptum reliquit) quam pauca dicere. Itemq; quamvis multi circa eam variant, doctissimi tamen ac veteres (quibus indubitata semper fides adhibenda est) illam à Constantino factam, constanter pernegant, idq; vero verius ac luce lucidius probant. Viderit hic ergo sibi Bartholomæus iste Pincernus de Monte arduo, ne rem arduam aggressus, probare eam non possit. Insignis hic Pincernus Vallam insigniter taxat. Egregius adulator & rudis disputator : Valla fuit ausus tam ipsum Aristotelem (quem divus Augustinus, raro aut nunquam dignatus est suis operibus inferere) quam illatine loquentem redarguere, ergo hujusce prædictæ donationis veritatem describere non potuit. Constantinus minime leprosus, non à Silvestro, sed ab episcopo Nicomedienfi, in fatalibus

bus suæ vitæ diebus, baptizatus fuit. Cæterum, concedamus Constantinum leprosurum fuisse & à Silvestro baptizatum, ex hoc tamen non sequitur, innocentum sanguinem tam in se re requisitum, aut orbis imperium fuisse divisum, Romanæque (qui tunc fortasse nondum summus erat) pontifici concessum. Nam constat Constantini successores, potentissimos in Italia principes fuisse. Et sicut Franciscus Petrarcha testatur, Phocas, longo post tempore Imperator, primus obtinuit, ut episcopus Romanus caput ecclesiæ diceretur. De donatione ergo Constantini, quid sentire debeas, ex subsequen- tibus fideliter accipe, ne contra Ciceronis prohibitionem, incerta habeas pro certis, & falsa pro veris. Vale feliciter, & quæ suo se se nunc ordine subsequuntur, diligenter revolve.

## DONATIONIS QUÆ CONSTANTINI

dicitur (primi inter Imperatores Christiani) privilegium, Bartholomæo Picerno de monte Arduo, ad Julium II. Pont. Max. interprete.

Bartholomæi Picerni de monte arduo, ad Julium II. pontificem maximum præfatio edicti sive donationis divi Constantini, quam è Græco in Latinum se assueverat convertisse.

Multi asserunt  
falsam esse do-  
nationem  
Constantini.

**Q**UUM inter legendum in hac tua celeberrima bibliotheca, beatissime pater, occurrisset mihi libellus quidam Græcus, qui donationem Constantini continebat: æquum mihi visum est, illum è Græco in Latinum convertere, & eum tibi, sanctissime pater, inscribere debere, qui vicarius Christi, & Petri ac Silvestri successor existis. Quippe, quum multi sint, qui falsam Constantini donationem esse asseruerint: inter quos est Laurentius Vallenſis, vir haud sane ineruditus, qui librum de falsa donatione Constantini scribere ausus sit: Cujus opinionibus optimè refragatur reverend. Cardinalis Alexandrinus, juris utriusque consultissimus & illius objecta diligentissime confutat. Existimabat vir ille fortasse, ut quod ipse non legerat, non posset apud alios reperiri. Nec mirum, quum tantæ mordacitatis extiterit, ut Aristotelem philosophorum principem carpere non dubitaret: & omnes linguæ latinæ auctores ita taxare, ut nemi- ni pepercit. Sed ne longior sim, Constantinum ipsum audiamus.

## EDICTUM (UT FERTUR) CONSTAN.

**I**N nomine sanctæ & individuae trinitatis, patris videlicet & filii & Spiritus Sancti. Imperator Cæsar Flavius Constantinus in Christo Jesu unico ejusdem trinitatis salvatore Domino & Deo nostro, fidelis, mitis, beneficus, Alemanicus, Gothicus, Sarmaticus, Germanicus, Britannicus, Hunnicus, pius, felix, victor ac triumphator semper Augustus: Sanctissimo & beatissimo patri patrum Silvestro episcopo & papæ, magnæ urbis Romæ, & omnibus pontificibus successoribus ejus in cathedra beati Petri usque, ad consummationem sæculi sedentibus. Itē omnibus reverendissimis & religiosis catholicis episcopis, huic sacre & sanctæ Romanæ ecclesiæ per hanc nostrā imperiale constitutionē subiectis. Gratia, pax, amor, lætitia, magnanimitas, misericordia ab omnipotente Deo & patre, & Jesu Christo filio ejus, & Spiritu Sancto cum omnibus vobis. Quæ à redemptore & salvatore nostro domino Jesu Christo, qui est filius altissimi patris, per sanctos apostolos ejus Petrum & Paulum, mediante patre nostro Silvestro summo pontifice & catholico papa admirabiliter circa nos miserationibus illius facta sunt, manifesta narratione per hanc imperialem nostram scripturam, deinceps omnibus studuimus tradere ad cognitionem omnium qui sunt

sunt in orbe terrarum populorum. Manſuetiſſime enim noſtræ apparitionis ab intus, & ab ipſo corde procedit confeſſio. Primum quidem noſtram fidem præ ſe fert, quam à prædicto beatiſſimo patre & interceſſore noſtro Silveſtro catholico hierarcha didiciſſimus, ad documentum intelligentiæ omnium noſtrum. Deinde & effuſam ſuper nos Dei miſericordi- am omnibus nuntiari. Scire enim vos omnes volumus, ſicut per prædictam noſtram prag- maticam conſtitutionem vobis declaraviſſimus, nos ab idolorum cultu, quæ muta & ſurda & manufacta ſunt, diabolicisque fictionibus, & ab omni Satanae pompa deſiſſiſſe, & ad inte- gram Chriſtianorum fidem, quæ lux vera eſt & vita æterna, deſcendiſſe, ſicut nos ipſe ex- celluſus & ſummus pater noſter & magiſter Silveſter admonuit: in deum patrem omnipoten- tem, factorem cœli & terræ, viſibilem omnium & inviſibilem, Et in Jeſum Chriſtum fili- um ejus unigenitum dominum noſtrum, per quem omnia facta ſunt, Et in ſpiritum ſan- ctum dominum, & vivificantem omnem creationem, præcipiens credere.

Nos patrem, filium & ſpiritum ſanctum ſic conſitemur, tanquam in perfectâ trinitate, & perfectionem divinitatis eſſe, & unitatem potentia, deus pater, deus filius, deus ſpi- ritus ſanctus, & tres unum ſunt: tres igitur formæ, ſed una potentia. Perfectiſſus igitur coele- ſtibus virtutibus & omnibus terrenis materiis miſericordi nutu ipſius ſapientiæ, primo ex limo terræ hominem formans ſecundum imaginem & ſimilitudinem ſui ipſius, in paradifo hunc poſuit deliciarum: cui invidens ſerpens, antiquus inimicus & diabolus, amariffimo guſtu inexpertî ligni exulem fecit lætitiæ illius. Illumque cum expuliſſet, non ceſſat ſui ipſius meritiſeris ſagittis multis modis alios ſagittare, ut abſtrahens humanum genus à via veritatis, idolorum cultui, videlicet creaturæ & non creatori, ſervire omnes perſuadeat: ut quos poſſibilis fuit ſui ipſius machinationibus colligare, hos æterno ſupplicio tradat punien- dos. Sed deus propriæ formationis miſerationem capiens, miſit ſanctos ejus prophetas, & per hos vitæ lucem, adventum videlicet filii ejus, domini autem noſtri, & ſalvatoris Dei Jeſu Chriſti annuncians. Noviſſime autem miſit & unigenitum ejus filium, & verbum ſapi- entia: qui à cœlis deſcendit propter noſtram ſalutem, & genitus eſt ex Spiritu Sancto & Maria virgine. Verbum caro factum eſt, & habitavit in nobis: non deponens quod fuit, ſed incipiens eſſe quod non fuit: deus perfectus, & homo perfectus: tanquam deus miracu- la perſiciens, & tanquam homo humanas paſſiones ferens: ſic verbum hominem, & deum verbum intelligimus. Doctrinis noſtri patris Silveſtri ſummi pontificis tanquam deum ve- rum, & hominem verum eundem eſſe nequaquam eſt ambigendum. Eliſen igitur duo- decim apoſtolos, hoſque innumerabiles populos antea ſupernaturalibus miraculis illuſtravit. Conſitemur ipſum dominum noſtrum Jeſum Chriſtum adimpleviſſe leges & prophetas, paſſum & crucifixum eſſe ſecundum ſcripturas, tertia die à mortuis reſurrexiſſe, aſſumptum eſſe in cœloſ, ſedere à dextris patris, illinc venturum judicare vivos & mortuos, cujus regni non erit finis. Hæc eſt noſtra orthodoxa fides à beatiſſimo patre noſtro Silveſtro nobis antea lata.

Admonemus igitur omnem populum, & diverſa gentium genera, hanc fidem detine- re, colere, prædicare, & in ſanctæ trinitatis nomine baptiſmatis gratiam aſſequi: & domi- num noſtrum & ſalvatorem Jeſum Chriſtum, qui cum patre & Spiritu Sancto in infinita ſecula regnat, reverenti corde adorare: quem beatiſſimus pater noſter Silveſter catholi- cus hierarcha prædicat. Ipſe enim dominus noſter mei peccatoris miſertus, miſit ſanctos apoſtolos ſuos nos viſitatuſque, & luce ſplendoris ejus nos illuſtravit, & tenebras attrahens, ad veritatis cognitionem me pervenire dignatus eſt. Quoniam gravis turpitudine lepræ omni mei corporis carni inſiliit, multiſque convenientibus mediis cura mihi adhibita eſt, & horum nullius ſtudio ſanitatem aſſequi potui. Ad hæc acceſſerunt & ſacerdotes Capi- tolii, oportere mihi dicentes cifternam in Capitolio fieri, & hanc innocenti ſanguine & ca- lido impleri, illicque lavari, ſic mundationem aſſequi poſſe. Secundum documenta igitur ipſorum, cum multi innocentes infantes congregati eſſent, & vellent impii & ſacrilegi ſacer- dotes ipſos jugulare, & illorum ſanguine cifternam implere, lachrymis matrum illo- rum noſtra ſerenitas intendens, ſtatim rem nefandam exhorruit. Illaque tunc ego miſera- tus, matribus tradi filios juſſi, vehiculaque exhibens, & dona concedens, gaudentes ad pro- pria remiſi.

Hic dies cum præteriſſet, & nocturna quies ſuccederet, & ad ſomnum opportunitas in- vitarer, adſunt ſancti apoſtoli Petrus & Paulus, mihi dicentes, Quoniam ad peccata pro- cedere non permiſiſti, & innocentis ſanguinis effuſionem es adominatus, à Chriſto do- mino & Deo noſtro miſi ſumus, dantes tibi conſilium, per quod ſanitatem reſumes. Au- di igitur noſtrum mandatum, & fac quod te admonemus: Hujus urbis epicoſopus Silveſter tuas perſecutiones fugiens, in cavernis lapidum cum propriis clericis occultatur in mon- te Sorate, Hunc ad teipſum accerſens, demonſtrante illo, veram religionis cifternam ad- diſces, in qua cum tertio immerſus fueris, omnis vis lepræ te derelinquet. Quo factô, hanc

Conſtan. 6- dem catholi- cam à Silve- ſtro didicit.

Mandatum Conſtan. de fide catho- licæ.

Impia ſacer- dorum per- ſuatio de ſanguine innocentium.

Petrus & Paulus Conſtan. appa-ruerunt.

Imagines  
sanctorum  
Petri & Pauli.

Constan-  
baptismi lava-  
cro mundatus  
à lepra.

Constan-  
stituit pontifi-  
cem super  
omnes sacer-  
dotes princi-  
pales.

retributionem è contra metire salvatori tuo, ut tuis mandatis omnes in orbe terrarum ecclesias renoves : & tu in hac parte teipsum purga, ut omnem idolorum infelicitatem reliquens, solum viventem & verum deum, qui solus est verus deus, colas & adores, & illius voluntatem adimpleas. Experges factus igitur, secundum quæ ordinata fuerant ab apostolis, operatus sum : accersensq; præcipuum & præclarum patrem Silvestrum catholicum papam, qui nos illuminavit, omnia ipsi à sanctis apostolis mandata mihi verba declaravi, quæ siveq; ab ipso qui dii essent, Petrus & Paulus qui appellantur. Dixitq; ille, Non verè deos hos appellari, apostolos autem salvatoris nostri & domini Jesu Christi esse asseveravit. Rursus incoepti interrogare beatissimum papam, si quæ manifestæ horum apostolorum essent imagines, ut ex pictura igitur possumus cognoscere, si possibile est, illos esse quos à revelatione didicimus. Tunc ille omni reverentia dignus pater, divinorum horum apostolorum imagines per proprium diaconum afferri iussit : quas aspiciens, & aspectus illorum quos in omnibus videram, in imaginibus perdiscens, magna voce coram meis satrapis confessus sum, hos illos esse in fomis mihi visos. Ad hæc beatissimus hic pater noster Silvester urbis Romæ episcopus, tempus nobis poenitentiae terminavit in uno cilicio, intra nostrum Lateranensem palatium : ut omnia quæ à nobis impiè operata sunt, & injuste perpetrata, jejuniis, vigiliis, lachrymis, & orationibus apud dominum deum & salvatorem nostrum placaremus. Deinde clericis imponentibus mihi manus, usque ad ipsum pontificem perveni. Illic autem renuncians satanae pompas, & opera ejus, & omnia idola manufacta, credere in unum deum patrem omnipotentem, factorem coeli & terræ, visibilibus omnium & invisibilibus & in unum dominum Jesum Christum, filium Dei unigenitum, dominum nostrum, qui genitus est ex Spiritu Sancto & Maria virgine, spontanea voluntate coram omni populo confessus sum. Benedicto autem lavacro, illic mensurabili demersione salutarem aquam mundavit. In sinu autem lavacri positus, manum tangentem me à coelo propriis oculis aspexi sub qua mundus resurgens ab omni lepræ turpitudine, meipsum mundatum esse cognovi ablatus autem me à venerando lavacro, aibis palliis induerunt, septiformeque Spiritus Sancti signaculum præbuit beati christi matris unctione, & signum Sanctæ Crucis meæ fronti, signavit, dicens : Sigillat te deus fidei ejus signaculo, in nomine Patris & Filii & Spiritus Sancti, omnisq; clerus respondit. Amen. Et addidit pontifex, Pax tibi. Primo igitur dispostquam coepi mysterium divini baptismatis, & post medelam mei corporis à lepra, cognovi non esse alium deum, præter patrem & filium & spiritum sanctum : quem beatissimus pater Silvester prædicat, trinitatem in unitate, unitatem in trinitate. Omnes enim dii gentium, quos superius colui, damonia opera hominum manifeste demonstrantur. Ad hæc, quantam potestatem ipse salvator noster proprio apostolo beato Petro præbuit in coelo & in terra, manifeste nobis ipse venerandus pater exposuit, quando illum fidelem inveniens in interrogatione dixit, Tu es Petrus & super hanc petram edificabo ecclesiam meam, & portæ inferi non prævalebunt adversus eam. Considerate potentes, & auribus cordis attendite, quid bonus magister & dominus proprio discipulo adjunxit, dicens, Et tibi dabo claves regni coelorum : & quodcunque ligaveris super terram erit ligatum & in coelis. Admirabile verbum & gloriosum, & super terram ligare & solvere, & in coelis ligatum esse & solutum. Hæc igitur beato Silvestro docente, cognoscens, & beneficiis ipsius beati Petri integerrimè sanitatem sentiens corpori redeuntem, dignum judicavimus, cum omnibus nostris satrapis, & universo senatu & optimatibus, & cuncto Romani imperii subiacenti populo, ut sicut beatus Petrus vicarius apparet constitutus in terra à filio Dei, sic à nobis & à nostro regno locum tenentes principis apostolorum suscipiant, datum ipsis potestatis principatum majorem, quam nostra in terra terenitas & regnum ab omnibus habere cognoscitur. Elegimus enim ipsum apostolorum principem, & ejus successores proprios nobis ipsis ad deum esse patronos : & sicut nostram in terra imperialem potestatem, sic & illius sacram & sanctam ecclesiam Rom. decrevimus colere cum reverentia : & sacratissimam cathedram beati Petri magis quam nostrum regnum & terrenam sedem exaltare : tradentes ipsi potestatem & gloriæ dignitatem, vigorem & efficaciam, & honorificentiam imperialem. Atq; decernentes sanctum principatum habere super quatuor præcipuas sedes, Antiochiæ, Alexandria, Constantinopoleos, & Hierosolymorum. Item super omnes in universo orbe terrarum Dei ecclesias : & pontificem pro temporibus existentem, ipsius sacre & sanctæ Rom. ecclesiæ excelsiorem esse, & principem omnium sacerdotum, qui sunt in universo orbe terrarum. Et omnia quorum curam habere oportet ad divinum cultum vel robur Christianorum fidei, hujus judicio gubernari. Iustum enim est, caput principatus sanctam habere legem, ubi sanctarum legum legislator salvator noster beatum Petrum mandavit apostolatus habere cathedram, ubi crucis lignum, & ipse sustinens beatæ mortis piaculum bibit, imitator proprii magistri & domini factus. Illic usque ad finem & continue



tinue magistrum quarant, ubi sanctum magistri corpus quiescit. Illic gentes pro confessione nominis Christi colla inclinent, ubi horum magister beatus Paulus Apostolus pro Christo collum extendens, corona martyrii coronatus est. Illic supini & humiliati cœlestis regis & Dei & salvatoris nostri Jesu Christi officio serviant, ubi superbæ terreni regis potestati serviebant. Quorum gratia scire volumus omnes in orbe terrarum Gentium populos, quod nos intra Lateranensē nostrum palatium templum ereximus ipsi Salvatori nostro, & Deo & domino Jesu Christo, ab ipsis fundamentis cum baptisterio. Sciatisque & duodecim cophinos terræ illinc nos propriis humeris extulisse, æquales numero duodecim Apostolis: ædificavimusque ecclesias, & beatis Petro & Paulo primis Apostolis, quas argento & auro decentes & ornatas constituimus: ubi & sacratissima ipsorum corpora sepelientes magna cum reverentia thecas ipsis ex electo, cuius nulla elementi potentia est fortior, construximus: crucemque auri purissimi, & ex margaritis pretiosis factam per utranque thecam imposuimus, aureis clavis affigentes: quibus ecclesiis pro continuatione luminarium possessiones & agros contulimus, & nostro imperiali & divino mandato in oriente & occidente, septentrionali & meridionali climate, in Judæa videlicet, Asia, Thracia, Græcia, Africa, Italia, & in diversis insulis nostram ipsis libertatem concessimus: Sic videlicet, ut per manus beatissimi patris nostri Pontificis Silvestri & ejus successorū omnia disponantur. Exaltet igitur nobiscum omnis populus, omnia in orbe terrarū Gentium genera admonemus, ut nobiscum & salvatori nostro Jesu Christo infinitas gratias confiteatur: quoniam ipse Deus in cœlo superius, & in terra inferius, per sanctos Apostolos cum nos visitasset, sanctum mysterium baptisimatis & corporis sanitatem nos dignos fecit suscipere. Pro quibus etiam præbemus ipsis sanctis Apostolis, & dominis meis beatissimis Petro & Paulo, & per hos beato Silvestro nostro patri, & summo Pontifici, & Catholico urbis Romæ Papæ, & omnibus Pontificibus successoribus ejus usque ad consummationem mundi, in Cathedra beati Petri sedentibus, & in præsentiarum tradimus, primum quidem Lateranensē nostri regni palatium, quod omnibus in orbe terrarum palatiis præfertur & eminet.

Constantinus dedit pontifici auctoritatem super omnem terram.

Deinceps diadema, id est, coronam capitis nostri. Similiter autem & Phrygium, id est, mitram, nec non superhumera, videlicet lorum, quod imperiale collum circumdare consuevit. Item purpuream clamydem & coccineam tunicam, & imperialia omnia indumenta, & imperialium præsidium equitum dignitatem: conferentes ei imperialia sceptrā, simulque cuncta signa atque banna, & diversa ornamenta imperialia, & omnem in processionibus imperialis culminis gloriam & potestatem. Reverendissimis autem viris clericis secundum diversos ordines huic sacræ & sanctæ Romanæ Ecclesiæ servientibus, illam circumspeditionem & oporietatem potentia & præexcellentiā habere sancimus, cujus amplissimus Senatus noster videtur gloria adornari, id est, patricios & consules ipsos effici, nec non & cæteris dignitatibus imperialibus eos promulgamus decorari, & sicut imperialem exercitum, sic & clerum sanctæ Romanæ Ecclesiæ adornari decrevimus. Et quemadmodum imperialis potentia diversis officiis, cubiculariorum, ostiariorum, & excubitorum decoratur, ita & sanctam Romanæ ecclesiam decorari volumus, & ut amplissime Pontificale decus præfulgeat, decernimus, & ut clerici ejusdem sanctæ Romanæ Ecclesiæ mappulis & linteaminibus, id est, candidissimo colore decoratos equos equitent: & sicut noster senatus calciamentis utitur cum ulonibus, id est, candidissimo linteamine illustrentur, & ita cœlestia sicut terrena, ad laudem Dei decorentur. Præ omnibus autem licentiam tribuimus ipsi sanctissimo patri nostro Silvestro, urbis Romæ Episcopo Papæ, & omnibus post ipsum in ejus successione venturis per supervenientia secula beatissimis Pontificibus, pro honore, & gloria domini nostri Jesu Christi, in magna hac Catholica potestate, si aliquem circumspēcti nostri Senatus voluerit inter religiosos clericos connumerare, nullum eorum qui ad hoc vocantur, propter superbiam ordinem hunc excusare. Sancimus etiam hoc omni reverentia dignum, patrem Silvestrum summum Pontificem, & omnes Pontifices, successores ejus, diademate, videlicet, coronam ex capite nostro ipsi præbemus, ex auro purissimo, & lapidibus pretiosis, & margaritis constructam, uti debere, & in capite gestare, ad gloriam Dei, pro beati Petri reverentia. Quoniam autem ipse beatissimus Papa, in corona clericatus, in tonsura capitis, quam pro reverentia beati Petri habet, non verecundatus est ex auro uti corona: nos Phrygium in hoc candidissimo colore splendidam domini resurrectionē signantes, sacratissimo ejus verticis propriis manibus imposuimus, & frena equi hujus detinentes pro reverentia beati Petri, stratoris officium illi exhibuimus, statuentes eodē phrygio omnes ejus successores singulariter uti in processionibus ad imitationem imperii nostri. Unde ne pontificalis apex vilescat, sed magis quam terrenum regnum ipse dignus & gloria & potentia decoretur, ecce palatium nostrum (ut antedictum est) & urbem Romam, & totius Italiæ & occidentalium regionum

Constantinus dedit Silvestro potestatem super omnia.

Romana Ecclesia æquiparatur Imperiali potentia.

Constantinus præbuit pontifici coronam.

Mandatum  
contra poste-  
ros.

Constantinus  
confirmavit  
suum manda-  
tum.

gionum provincias, loca, civitates, sæpenumero prædicto beatissimo patri nostro Silvestro Catholico Papæ tradentes, & cedentes hujus & successoribus ejus Pontificibus potestati & judicio, & per divinum nostrum pragmaticum edictum decrevimus disponenda, atque juri sanctæ Romanæ Ecclesiæ concedimus permanenda. Unde congruum judicavimus nostrum regnum & hujus gloriam ad orientales regiones transferre: & in urbe Bizantio optimo loco in nostro nomine urbem ædificantes, illic nostrum imperium constituere: ubi sacerdotum principatus, & Christianæ religionis caput à cœlesti rege est constitutum non esse justum illic potestatem habere terrenum regem. Hæc igitur per hanc nostram sacram scripturam, & alia divalia decreta determinata & roborata, usque ad mundi consummationem illibata, & inconcussa permanere decrevimus. Unde coram vivente Deo, qui nos regnare præcepit, & coram terribili ejus judicio obtestamur omnes nostros successores imperatores, vel cunctos optimates, satrapas, etiam amplissimum Senatum & universum populum in toto orbe terrarum, nunc & in posterum nulli eorum, quoquo modo licere, aut infringere, vel in quoquam convelli. Si quis autem (quod non credimus) in hoc temerator aut contemptor extiterit, æternis condemnationibus subjaceat innodatus, sentiatque sibi ipsi contrarios sanctos Dei & principes Apostolorum Petrum & Paulum, in infimo inferno cruciandus: deficiatque cum diabolo & omnibus impiis. Hujus autem imperialis decreti paginam propriis manibus roborantes, super venerandum corpus principis Apostolorum beati Petri manibus propriis imposuimus. Illic Dei Apostolo promittentes, illibata nos hæc omnia conservare, & nostris successoribus & Imperatoribus per nostra mandata conservanda relinquere: & beato patri nostro Silvestro, & Catholico Papæ, & per ipsum omnibus ejus successoribus pontificibus, Domino & Deo & Salvatore nostro Jesu Christo placide annuente, æternæ & feliciter his hæc in possessionem futura, imperiali subscriptione, divinitas vos conservet in multis annis, sanctissimi & beatissimi patres. Datum Romæ, tertio Calendas Aprilis, domino nostro Flavio Constantino Augusto & Gallicano, viris confusibus & clarissimis.

F I N I S.

## ULRICI HUTTENI IN LIBELLUM

Laurentii Vallæ contra effectam & ementitam Constantini donationem, ad Leonem decimum pontificem maximum

### P R Æ F A T I O.

**T**Andem eorum, qui à divulgando Laurentii Vallæ in Constantini donationem libello deterrebant opinionem, tua pervicit splendida & consolatoris plena promissio, pontificatus tui initio, jubente te, expressa, pater beatissime. Postquam tu semel enim, conticescente jam bellica Julii secundi tuba, veluti pacis percussu cymbalo, orbem Christianum ad spem libertatis erexit, omnia omnes quæ licere sciunt, usurpanda sibi putant. Ego vero etsi ante persuasus eram, si te contingeret summæ rerum præesse (quandoquidē sic coluisti optima semper studia, ut tuus in iis profectus, cum eruditissimorum hoc tempore virorum doctrina æquari facile mereatur) non passurū, ut ex veterū monumentis quicquam te pontifice depereat: Tamen ubi illā legi, publice in Italia propositā inscriptionem, Leoni decimo Pontifici Maximo, restauratori pacis, exilui repente, quodam concitatus mirifice inopinato gaudio, mihiq; redditus, ex diuturna prius animi commotione, quod viderem indigna multa sub tyrannidis Pontificibus perpeti nationem hanc. Itaque gratulor huic ætati, quæ te auspiciatissimo pacis suborto sydere, ex diuturna tyrannidis caligine, ad novam libertatis lucem respicit. Te verè pontificem autem, qui pacem adfers, quam qui non habuerunt antecessores tui, Pontifices non fuerunt. Neq; enim sequebantur Christum, qui pacem suis dedit, eandemq; hæreditariā reliquit, Pacem (inquens) meam do vobis, pacem meam relinquo vobis. Igitur & vicarii ejus non fuerunt, cujus vicem non tenuerunt.

Dei

Pontifex pa-  
cem non dili-  
gens, Christi  
vicarius non  
est.

Dei enim regnare, est pacem tenere. Immo alienissimæ fuerunt à Christo, cujus aspernati studia, diversum vitæ genus sequuti sunt. Illius pax est enim, hi bella sequebantur. Ille servare docendo homines studuit, hi perdere armis satagebant. Ille suum cœlestē regnum esse ostendit, hi primo loco mundi imperia quæriverunt. Ergo nec beati fuerunt, quia pacifici non fuerunt. Nec filii Dei fuerunt: quia beati (Christus inquit) pacifici, quoniam vocabuntur filii Dei. En per te restauratam pacem igitur, quæ istorum peruersitate collapsa ferebatur. Atque hanc literati imprimis homines magno acceperunt, exhibente te, gaudio.

Deinde ii quoque, à quibus injuste ablata per fraudem multa fuerant, cupidissime complexi sunt. Venit enim cum pace una, restituyente te, iustitia: quoniam iuxta Prophetæ verbum, hoc potissimum tempore, iustitia & pax osculatae sunt. Venit & fides, & illa venit temporis filia Veritas: ac regia abunde virtutes, clementia & mansuetudo. Vides quot simul bonorum author fueris. Leo decime: Tu pacem adferens, pacis simul, hoc est, optimarum artium inexististi studia. Et iustitiam reddidisti: quia in pace leges sunt, ex legibus vero iustitia est. Et libertatem reduxisti: quam comitata veritas magno & ipsa temporum tuorum hominibus emolumento fuit. Pax etenim esse in tyrannide nulla potest, quia fides non est. Nec iustitia esse potest, quia suum cuique non est, & quia leges opprimunt tyranni: nec verum dicere licet, quia libertas non est. At nunc verè liberi sumus, quia pacem habemus: quam habentes, pacis quoque adhibebimus studia. Quod sub Julio igitur, bellorum autore, non licuit, ut esset hæc tranquillitas, id sub te pacis restauratore usurpabimus, ut in literis conquiescamus. Proinde in lucem prodeat, si quid diu latuit: & eo majori cum fiducia prodeat, quanto quidque verius, quantoque sincerè magis scriptum est: Qualis hic est liber: quem alii idcirco non tulerunt Pontifices, quia verum audire noluerunt: tu idcirco amabis, quia veritatis jam ante poculum nobis propinasti. Nam ad te meliore conscientia Pontificem, quid pertinet, quod contra Ecclesiastici statûs dignitatem scriptus ab illis ferebatur? Aut quod in Pontifices maledicum esse dicebant? Profecto enim neque fuerunt Pontifices illi, qui sinxerunt Constantini donationem, quia pastores non fuerunt. Neque ecclesia fuit quæ eam accepit, quia Christi fidelium conventus non fuit. Si fuissent pastores enim, pavissent oves Christi, non devorando invasissent. Et si ecclesia fuisset, utique vocasset ad vitam & libertatem Gentes, non sub jugum traxisset imperia & nationes. Sic illa enim loquitur: Venite ad me omnes, qui concupiscitis me, & à generationibus meis adimplemini.

Leo decimus  
honorum au-  
thor.

Tyranni op-  
primunt le-  
ges.  
Julius bello-  
rum author.

Constantini  
donationem  
irregulares,  
pontifices non  
fuerunt.

Certe implet quos accepit hæc: ille malignantium conventus inanibatur, & exhauriebat. Tum pastores esse bonos vicarios suos iussit Christus, non voraces lupos. Sic Petro dixit enim: Petre, amas me? pascere oves meas: Pasce (dixit) oves meas, non devora plebem meam, sicut escam panis. Et in Apostolatum vocans, Faciam vos (inquit) piscatores hominum, hoc est, faciam ut prædicando, & bona exempla edendo, alliciat ad veritatem errantes à fide. Quod quia tu sequeris, ad officium rediisse hunc ordinem, te id efficiente, te pacem, te libertatem, te iustitiam, & veritatem revocant, gaudemus & exultamus. Quæ lætior namque audiri vox potuit? Quod suavius verbum? Itaque parvo negotio, puta uno proposito verbulo, magnam sustulisti è medio hominum vestrarum indignationem, vehementer composuisti animorum motus, exitia intervertisti, tumultus compescuisti. Quod futurum igitur fuit, si in malum aliquem Pontificem incidissent hæc hominum cogitationes, ut vi & violentia eriperemus ab injustis possessoribus multa: hoc per te factum est, ut citra turbam quiescendo consequamur omnia. Vides quale tuum factum interpretor, vere Pontifex Leo? Quod armis persequendum erat, id beneficentiæ acceptum tuæ referre licet. Quapropter desinant quidam metuere, ne tu ægre feras, si datur hic denuo liber: quod illi ante præpositi Pontifices, ne haberetur in manibus, vetuerunt. Nihil est tibi enim commune cum illis, quia nihil fuit ipsis cum Christo. Nam illi sub fraudis fuculo secularia ad se imperia traxerunt, tu in sincero veritatis splendore cœlestem dominationem, id est, pacis regnum aperuisti. Per te illa igitur Christiana reviviscit veritas: quæ cum oppressa diu fuerit, nunc se colligit, & captiva jam pridem ab illo reducta obscuritatis carcere, lucem revidere meretur. Quæ fiducia elatus audet ab inferis exurgens Valla, in hominum aures atque oculos recipere sese, ob id magis etiam quod fuit tuis olim maioribus charus: à quibus ut hanc veluti hereditariam accepisti virtutem, ita in aliis minime degeneras. Nam sicut eruditione illum magistrum tuum Politianum refert, ita moribus ab atavo Cosmo alienus minime videris. Cujus quemadmodum prima laus fuit, quod in sua civitate unus omnia potuit, non omnia voluit: ita tuum quoque encomion esto, quod cum regnare ut Imperator posses, custodire ut pastor mavis. Sed in Cosmo fuit hoc imprimis admirandum, quod in eruditus ipse coluit eruditos, undique ad sese accersens, & ope atque opibus juvenans. Laurentius vero pater & co-fuit doctus, & fuit ipse doctrina inter primos suæ ætatis commémorandus. Felicem hanc igitur domum, quæ juvenandis instituta est literis. Cui alteri enim debentur seculi hujus doctores?

Utinam id  
hoc tempore  
servaretur.

Leo restaura-  
tor pristini  
ordinis.

Cujus

Cujus alterius beneficio revocatæ ab interitu Græcæ pariter ac Latinae sunt literæ? Ut soli sint in Italia Florentini, quos, tanto accepto commodo, tyrannorum poenitere non debeat. Scilicet charus fuit majoribus tuis Valla, cum viveret: tibi ob illorum reverentiam, ne mortuus quidem negligendus est. Ubi sunt illi itaque metuendum qui putabant, ut feres tu operis hujus divulgationem? Quasi vero unquam ab animo tuo recepta sit fraus eorum, qui sceleratè mentiti sint de Constantino: aut non is sit libellus hic, qui legi ab omnibus non possit tantum, sed necessariò debeat etiam: cum permagnus sit ex eo fructus, dum veritas pernotescitur. At maledicus est: Immo verò idcirco bonus, quia in malos acerbus est. At in Pontifices impius est: immo in tyrannos ejus. Nam si præmia debentur apud Græciæ civitates tyrannicidis, quid iis dabimus, qui tyrannidem quoque ipsam impugnant? Aut si pietas est amare patriam, quomodo impiè agit qui hostem illius odit? An non fuerunt Christianorum hostes illi Pontifices, qui omnium ad se opes traxerunt, omnibus liberis servitutem moliti sunt? Qui imperio Reges, pecuniâ cives dispoliabant? Qui palliatis nobis ab urbe tanto patrimoniorum nostrorum dispendio, episcopos mittebant? Aut vicarii fuerunt Christi, qui illius vicem non gesserunt: de quo scriptum est: In pace factus est locus ejus? Vel si tyranni sunt qui in liberos imperium sibi desumunt: quis hoc magis facit, quàm is, qui libertatis conservatorem, hoc est, Romanorum principem in servitutem asserit? Ergo non maledicit Pontificibus Valla, sed in tyrannos vera dicit: ob idque tibi valde placere putari debet. Tibi (inquam) hoc genere, his majoribus edito, hac eruditione, hoc etiam nomine prædito, Non debet ex Medicibus uni convenire mendacium: Et in tantam doctrinam perveritas non admittitur. Nec fraudis humilitatem ad se accepit Leonina magnitudo, quæ hanc versat in ore Græci poetæ sententiam:

*Ὁ δὲ θεὸς ἀνὰ δόξαν ἀνέσθια φέρει.*

Præterea hoc in libello, si usquam, ostendit Laurentius, qui vir, quanto præditus animo fuerit: qui maximo etiam proposito, ut illà tempestate, periculo, veritatem deserere noluit. Quanto rectius & christianè magis, quàm ille nuper asinus, qui Julio secundo pulchræ illius donationis privilegium, quod è Græco translulisse dicit se, cum nos græcè scriptum esse ignoraremus, non citra doctissimi viri, & se per omnia melioris contumeliam dedicavit. Assentiebatur ille enim ut uni placeret: hic verum dixit, ut multis proderet. Quid ad Christiani hominis & boni viri perfectionem deest? Quàm te non noverunt igitur, qui metuunt ingratum hunc fore tibi Vallæ laborem. Si nossent enim, non ex prædonum Pontificum moribus tuam æstimarent vitam. A quibus ego multum dissentio, & cum tuam prædicari famam audio, & hanc optimæ opinionis plenam promissionem ubi confidero.

Restauras tu enim pacem. At pax esse inter raptores, & eos à quibus rapitur, nisi suum reddatur, nulla potest. Neque tu, nisi rem ipsam præstare velles, inania nobis proponeres verba. Itaque sic opinor, valde succensuisses tu mihi, si non tam contra animi sententiam mei, quàm etiam contra communem omnium sensum (quis est enim qui ita sentiat?): probassem apud te peculiare signum, quod de Constantino mentiti sunt illi Pseudopontifices, qui occidentis imperium cum urbe Roma, Gentium dominâ, concessum ab hoc sibi contenderunt. Quorum in hoc potissimum audaciam miror, quod veriti non sunt id affirmare, quod crediturum neminem scirent. Sed Germanis persuasuros se putabant, utpote quos cerebrum non habere fama est, atque igitur ingenio uli non sunt. Quippe si fuisset cum aliis sibi Gentibus negotium, utiq; non sic frigida esset hæc effusio, & cautius moliti hoc commentum essent: nisi reperitur qui ostendat ex Imperatoribus ulli, antequam ad Germanos perveniret imperii nomen, intentatam fuisse hanc fraudem. Nimum me ergo, nimum, prohi Christe! poenitet ibi majorum nostrorum: qui sic obtusi fuerunt, ut eos falleret capto, pueris etiam cognitui facilis. Sed eo majori fraus illorum odio digna est, quo deterius simplicitate abusi sunt nostrâ. Tuam vero, beatissime Leo, quis satis admirari potest felicitàtem: in quo istam verti contigit in melius Pontificum mutationem? Habebit enim meliores ab hoc tempore Pontifices ecclesia, nisi non ex anima fiat ista promissio: sed ex animo fit. Atque igitur quædam est hæc injuria tua ab iis, qui vel dubitant, contra impudentissimè effectam Constantini donationem scribentes, an laturus sis. In illos vere detestandi sceleris commentores Pontifices, omnia acerbissima dicta, omniaque ferocissima facta conveniunt. Quid ni? in depulatores, in fures, in tyrannos, in latrones. Quis violentior enim latro est, quàm qui ita rapit, ut rapiendi modum nullum statuat? Hi fuerunt qui in minimo, arrepta occasione, ad immensum progressi sunt diripiendi licentiâ: Qui gratias venum exposuerunt: qui condonationes, qui dispensationes, & infiniti generis bullas, qui vendiderunt tanto jam tempore. Qui in peccatorum remissione pretium statuerunt, & in poenis inferorum invenerunt sibi lucrum. Qui sacerdotia hic, elemosynam parentum nostrorum passi sunt à se mercari.

Donatio Constantini græcè non extat.

Pseudopontifices approbantes Constantini donationem.

Miranda hic enarratur.

Qui

Qui Germanis persuaserunt episcopos non esse, qui ab se pallia non emerint, multis aureorum millibus. Qui contenti non sunt exigere extra ordinem quotannis semel, sed mittebant, quoties in mentē venisset, qui colligerent alii aliis de causis: nonnulli quasi bellū apparaturi contra Turcas: alii ut templum, quod perfici non curant, Romæ divo Petro extruant. Qui cum hæc omnia facerent, tamen salutari se vulgo beatissimos & sanctissimos vocabant: nec aliquid in suos mores dici patiebantur, nedum fieri. Si quis vero libertatis meminisset aut si quis rapientibus impedimentum, aut moram si quis omnino objecisset, in ejus sæviebant animam, perdescentes ætutū. His talibus jam infatiantis latronibus, tam inimitibus tyrannis, nonne inimicum tibi valde putas, si quis te inferat, Leo maxime: Aut non optimè de statu pontificio meritis videtur, qui te magna voce, quia nihil cum illis commune habeas, prædicet: illis contra omnia quæ ad successionem Petri attinent, detrahat? Vel non benedices illi pacis restaurator, qui his maledixerit bellorum & seditionum authoribus? Quinimo te novi, maledices his ipse, ut in quemlibet eorum conveniat propheticum hoc: Dilexit maledictionem, & venit ei: noluit benedictionem, & elongabitur ab eo. Sic maledicendo perdebant illi, enim animas hominum, quasi non esset Deo chara hæc possessio. Ergo non fuerunt pastores: quia non custodiebant animas, sed perdebant: & circumventibus dominicum gregem lupis objiciebant Christi oves. Non pastores fuerunt illi, inquam, sed lupi: Non custodes, sed proditores & fures. Quamobrem jure optimo maledicere illis licet: quia Deo curæ non sunt, quibus pax Dei curæ non fuit. Tamdiu igitur Pontifex in Ecclesia non fuit, quamdiu pax non fuit. Quinetiam nec dicere bene, nec facere licebat, quamdiu quidem illi grassabantur per ovile Dei voraces lupi. Illæ devastabant vineam domini singulares feræ: Illi dominabantur orbi Christiano incomparabiles tyranni: de quibus Hieremias dicit: Pastores multi demoliti sunt vineam meam, conculcaverunt partem meam. Nam si tanto quisque pejor tyrannus est, quanto ex civium corporibus plura, ut tutus ipse grassetur, necaverit? Quid de illis dicendum est, qui ut opes haberent, animarum passim cædem instituebant? Qui ob asseritam veritatem, non corpora hominum trucidare contenti erant, sed illam perimebant etiam amicam Dei animam, sponfam Dei, illud nobile inferorum spoliū, illam tanti laboris mercedem, illud sanguine Christi quæsitum præmiū pessundabant, occidebant, devorabant. Quibus nos vicissim non invidebamus, quia potentes erant: sed oderamus, quia nocentes. Tui vero amorem profundissimè insitum jam Christianorum animis, quæ satis erit alacritas, beatissime Leo, ut ostendamus? Tu ille orbis amor, illud humani generis delictum, restaurator pacis, bellorum extinctor, author securitatis, turbarum sedator, pater studiorum, fomes literarum, optimarum artium, foelicis ingeniorum cultus reparator: de quo scriptum est per Prophetam, Orietur in diebus ejus justitia & abundantia pacis. Quanto solidiorem hæc laudem complectuntur, quam illa nuper de suis bellis, suis triumphis decantata Julio: Sunt enim laudabilia Pontificis opera: illa ferocissima erant tyranni facta. Scilicet Pontifex nemo fuit, qui secularia ad se regna quomodocunque etiam pertraxit: nec vicarius Christi, aut Petri successor fuit, quisquis piacularem Constantini donationem, quæ nec facta unquam est, nec fieri potuit, asseruit. Cujus ego improbationem, tantum abest ut impiam putem, ut vehementer pontificiæ dignitati detrahere eos existimem, qui hanc probent: Tibi vero gratissimum facere me confidam, qui reiectum nuper & damnatum hac de re Vallæ libellum, veluti ex tenebris in lucem, ab interitu ad vitam revocem. Quinetiam ipsum tibi illum dedico, ut testatum sit, quàm te Pontifice, renata libertate, verum dicere licuerit omnibus, verumque scribere. Quod etsi non dubium, quin valde tibi placeat: tamen ubi hoc publico aliquo testimonio approbatum abs te intellexero, dabo operam ut sæpe aliquid tale inveniam. Interea Christus optimus maximus sic bonum te, sic verum Pontificem nobis diu incolumem servet. Ex arce Steckelberg. Calen. Decemb. Anno post millesimum & quingentesimum, decimoseptimo.

Contra Leonis orationem ad principes.

Laus Leonis.

F I N I S.

LAURENTII



## LAURENTII VALLENSIS, PATRITII

Romani, de falsò credità & eментità Constantini donatione  
Declamatio.

**P**lures à me libri, compluresque emissi sunt in omni ferè doctrinarum genere. In quibus quod à nonnullis magnisque & longo jam ævo probatis authoribus dissentio, cum sint qui indignè ferant, meque ut temerarium sacrilegumque criminantur; Quid tandem nunc facturi quidam putandi sunt? quantopere in me debachaturi? & si facultas datur, quàm avidè me ad supplicium festinanterque rapturi? qui non tantum adversus mortuos scribo, sed adversus etiam vivos, nec in unum alterumve, sed in plurimos: nec contra privatos modò, verum etiam contra magistratus. At quos magistratus? Nempe summum Pontificem: qui non temporali solum armatus est gladio, regum ac principum more, sed ecclesiastico quoque: ut ab eo neque subter ipsum, ut sic loquar, clypeum alicujus principum protegere te possis, quo minus excommunicatione, anathemate, execratione feriare. Quod si prudenter, ut dixit, sic fecisse existimatus est, qui inquit, Nolo scribere in eos, qui possunt proscribere: quanto mihi magis idem faciendum esse videtur in eum qui ne proscriptioni quidem reliquerit locum, quique invisibilibus me potestatis suæ jaculis persequatur: ut jure possim dicere, Quo ibo à spiritu tuo, & quo à tua fugiam facie? Nisi forte putemus, patientius hæc esse laturum summum sacerdotem, quàm cæteri facerent. Nihil minus: siquidem Paulo, quod bonà se conscientia conversatum esse diceret, Ananias princeps sacerdotum coram tribuno, qui judex sedebat, jussit obverberari: & Phasfur eadem præditus dignitate, Hieremiam ob loquendi libertatem conjecit in carcerem. Sed illum tribunus ac præses, hunc Rex adversus injuriam Pontificis tutari, & potuit & voluit. Me vero quis tribunus, quis præses, quis Rex è manibus summi sacerdotis, si me rapuerit ille, etiam ut velit, eripere poterit? Verum non est causa cur me duplex hic periculi terror conturbet, arceatque à proposito. Nam neque contra jus fasque summo Pontifici licet aut ligare quippiam, aut solvere, & in defendenda veritate atque justitia profundere animam, summæ virtutis, summæ laudis, summi præmii est. An vero multi ob terrestrem patriam defendendam mortis adire discriminem: ego ob cœlestem patriam affequendam (assequuntur autem eam, qui Deo placent, non qui hominibus) mortis discrimine deterrebtor? Faceffat igitur trepidatio, procul abeant metus, timores excidant. Forti animo, magna fiducia, bona spe, defendenda est causa veritatis, causa justitiæ, causa Dei. Neque enim is verus habendus est orator qui bene scit dicere, nisi & dicere audeat. Audeamus igitur accusare, quicumque digna committit accusatione. Et qui in omnes peccat, unius pro omnium voce carpatur. At non debeo palam objurgare fratrem, sed inter me & ipsum. Imo publicè peccans, & qui privatum consilium non admitteret, publicè arguendus est, ut cæteri timorem habeant. An non Paulus, cujus verbis modo sum usus, in os Petrum coram ecclesià reprehendit, quia reprehensibilis erat? & hoc ad nostram doctrinam scriptum reliquit. At non sum Paulus, qui Petrum possum reprehendere. Immo Paulus sum, qui Paulum imitor: Quemadmodum, quod multo plus est, unus cum Deo spiritus efficior, cum studiose mandatis illius obtempero. Neque aliquem sua dignitas ab increpationibus tutum reddidit, quæ Petrum non reddidit, multosque alios eodem præditos gradu: ut Marcellum, quòd diis libasset: ut Celestinum, quod cum Nestorio hæretico sentiret, ut quosdam etiam nostrâ memoriâ, quos ab inferioribus (Quis enim non est inferior papa?) reprehensos scimus, ut taceam condemnatos. Neque verò id ago, ut quempiam insectari cupiam, & in eum, quasi Philippicas scribere: hoc enim à me facinus procul absit: sed ut errorem à mentibus hominum convellam, ut eos à vitis sceleribusque vel admonendo vel increpando summoveam. Non ausim dicere ut alii per me edocti, luxuriantem nimis sarmenis papalem sedem, quæ Christi vinea est, ferro coerceant: & plenas uvas, non graciles labruscas ferre compellant. Quod cum facio, num quis erit, qui aut mihi os, aut sibi aures velit occludere, ne dicam supplicium mortemque proponere? Hunc ego si hoc faciat, etiam si papa sit, quid dicam esse? Bonum ne pastorem, an aspidem surdum? quæ nolit exaucire vocem incantantis, velit ejusdem membra moris præstringere venerosque? Scio jam dudum expectare aures hominum, quodnam pontificibus Romanis crimen impingam: profecto ingens, sive supinæ ignorantie, sive immanis avaritiæ, quæ est idolorum servitus, sive imperandi vanitatis, cui crudelitas semper est comes. Nam aliquot jam sæculis aut non intellexerunt donationem Constantini

Duplex periculi causa.

stantini commentitiam fictamque esse, aut ipsi finxerint: siue posteriores in majorum suorum dolis vestigia imprimentes pro vera, quam falsam cognoscerent, defenderunt: dedecorantes pontificatus maiestatem, dedecorantes veterum pontificum memoriam, dedecorantes religionem Christianam, & omnia cædibus, minis, flagitiisque miscentes. Suam esse aiunt urbem Romam, suum regnum Sicilia, Neapolitanumque: suam universam Italiam, Gallias, Hispanias, Germanos, Britannos; suum denique occidentem. Hæc enim cuncta in ipsa donationis paginâ contineri. Ergo hæc omnia tua sunt, summe pontifex? omnia tibi in animo est recuperare? omnes reges ac principes occidentis spoliare urbibus, aut cogere ut annua tibi tributa pensitent, sententia est? At ego contra existimo, iustius licere principibus spoliare te imperio omni quod obtines. Nam ut ostendâ, donatio illa, unde natum esse suum jus summi pontificis volunt, Silvestro pariter & Constantino fuit incognita. Verum antequam ad confutandam donationis paginam venio, quod unum istorum patrocinium est, non modo falsum, verum etiam stolidum, ordo postulat, ut altius repetam. Et primum dicam, non tales fuisse Constantinum Silvestrumque: Illum quidem qui donare vellet, qui jure donare posset: qui, ut in manum alteri ea traderet, in sua haberet potestate: Hunc autem, qui vellet accipere, quiq; jure accepturus foret. Secundo loco, si hæc non essent, quæ verissima atque clarissima sunt, neque hunc acceptasse, neque illum tradidisse possessionem rerum, quæ dicuntur donatæ, sed eas semper in arbitrio & imperio Cæsarium permanuisse. Tertio, nihil datum Silvestro à Constantino, sed priori pontifici, ante quem & baptismum acceperat: donaque illa mediocria fuisse, quibus papa degere vitam posset. Quarto, falsò dici, donationis exemplum aut apud Decreta reperiri, aut ex historiâ Silvestri esse sumptum: quod neque in illâ, neque in ullâ historiâ invenitur: In eo quædam contraria, impossibilia, stulta, barbara, ridicula contineri. Præterea loquar de quorundam aliorum Cæsarium vel simulatâ, vel frivola donatione. Ubi ex abundanti adjiciam, si Silvester possedisset, tamen siue illo, siue quovis alio pontifice à possessione dejecto, post tantam temporis intercapedinem, nec divino nec humano jure posse repeti. Postremo, ea quæ à summo pontifice tenentur, nullius temporis longitudine posse præscribi. Atque quod ad primam partem attinet (loquamur autem de Constantino prius, deinde de Silvestro) non est committendum, ut publicam quasi & Cæsaream causam, non majore quam privatæ solent, ore agamus. Itaque quasi in concione Regum ac Principum orans, ut certè facio (nam mea hæc oratio in manus eorum ventura est) libet tanquam præsentem & in conspectu positos alloqui. Vos appello, Reges ac Principes (Difficile est enim privatum hominem animi regii concipere imaginem) vestram mentem inquiri, conscientiam scrutari, testimonium postulo. Nunquid vestrum quispiam si fuisset Constantini loco, faciendum sibi putasset, ut urbem Romam patriam suam, caput orbis terrarum, reginam civitatum potentissimam, nobilissimam, ditissimam populorum, triumphatricem nationum, & ipso aspectu sacram, liberalitatis gratiâ donaret alteri, & se ad humile oppidum conferret, deinde Byzantium? Donaret præterea, unâ cum Româ, Italiam, non provinciam, sed provinciarum victricem: donaret tres Gallias, donaret duas Hispanias, donaret Germanos, donaret Britannos: totum donaret occidentem & se altero ex imperii oculis orbaret? Hoc ego, ut quis faciat compos mentis, adduci non possum ut credam. Quid enim vobis expectatus, quid jucundius, quid gratius contingere solet, quam imperiis accessionem vestris vos regniisque adjungere, & longè latère quam maximè proferre ditionem? In hoc, ut videre videor, omnis vestra cura, Omnis cogitatio, omnis labor diesque noctesque consumitur: Ex hoc præcipua spes gloriæ: propter hoc voluptates relinquitis: propter hoc mille pericula aditis: propter hoc charissima pignora: propter hoc partem corporis aequo animo amittitis: Siquidem neminem vestrum aut audivi aut legi à conatu ampliandi imperii fuisse deterritum, quod aut luminis, aut manûs, aut cruris, aut alterius membri jacturam fecisset. Quin ipse hic ardor, atque hæc latè dominantium cupiditas, ut quilibet maximè potens est, ita eum maximè angit atque agitat. Alexander non contentus deserta Lybiæ pedibus peragrassè, Orientem ad extremum usque oceanum vicissè, domuisse Septentrionem, inter tot vulnera, tot casus, reculantibus jam detestantibusque tam longinquas tam asperas expeditiones militibus, ipse sibi nihil effecisse videbatur, nisi & Occidentem & omnes nationes aut vi aut nominis sui autoritate, sibi tributarias reddidisset. Parum dico. Jam Oceanum transire, & si quis alius orbis esset expoliare, ac suo subjicere arbitrio destinaverat. In coelum tandem, ut opinor, tentasset ascendere. Talis scèrè est omnium regum voluntas, etsi non omnium talis audacia. Taceo quanta scelera, quot abominanda propter imperium assequendum ampliandumve admissa sunt: ut nec fratres à fratribus, nec filii à parentibus, nec parentes à filiorum sanguine nefarias abstineant manus. Adeo nusquam magis, nusquam atrocius graffari solet humana temeritas: & quod mirari possis, non legiores ad hoc videas animos senum quam juvenum, orborum quam parentum, regum quam tyrannorum.

Donatio Silvestro & Constantino incognita.

Alexander magnus.

Non minuit  
imperium  
Constantinus.

Deus neminem  
unquam  
impero suo  
cedere iussit.

Oratio filio-  
rum ac nece-  
sario.

Quòd si tanto conatu dominatus peti solet, quantò maiore necesse est, conservetur? Neque enim tantopere miserū est non ampliari imperium, quàm imminuere: Neq; tam deformē tibi alterius regnum non accedere tuo, quàm tuum accedere alieno. Nam quod ab rege aliquo aut populo legimus, nonnullos præpositos regno aut urbibus, id factum est non de primā, nec de maximā, sed de postremā quodammodo ac minimā imperii parte: Atq; ea ratione, ut donantem, qui donatus est, quasi dominum, & se ministrum illius semper agnosceret. Nunc quæso, nonne abjecto animo & minime generoso videntur esse, qui opinantur Constantinum meliorem à se imperii alienasse partem? Non dico Romam, Italiamq; &c. sed Gallias; ubi ipse prælia gesserat, ubi solum diu dominatus fuerat, ubi suæ gloriæ suique imperii rudimenta posuerat: Hominem, qui cupiditate dominandi, nationibus bella intulisset: socios affinesq; bello civili persequutus imperio privasset: Cui nondum perdomitæ ac profligatæ reliquæ essent alterius factionis: Qui cum multis nationibus bella gerere non modo soletet spe gloriæ imperiiq; sed & necesse haberet, utpote à Barbaris quotidie lacessitus: Qui filiis, qui conjunctis sanguine, qui amicis abundaret: Qui senatum, populuq; Roman. huic facto repugnaturū nosset: Qui expertus esset instabilitatem victarū nationū, & ad omnem ferè Rom. principis mutationem rebellantium: Qui se meminisset more aliorum Caesarum, non electione patrum consensuq; plebis, sed exercitu, armis, bello, dominatum occupasse. Quæ tam vehemens causa & urgens aderat, ut ista negligere & tantā liberalitate uti vellet? Aiunt, quia effectus erat Christianus. Ergone imperii optimā parte se abdicaret? Credo, scelus erat, flagitium, nefas jam regnare, nec cum Christianā religione conjungi poterat regnum. Qui in adulterio sunt, qui usuris rem auxerunt, qui aliena possident, hi post baptismum alienam uxorem, alienam pecuniam, aliena bona reddere solent. Hanc cogitationem si habes, Constantine, restituere urbibus libertatem, non mutare dominum debes. Sed non id in causā fuit, tantum in honorem religionis, ut faceres, adductus es. Quasi religiosum sit magis, regnum deponere quàm pro tutelā religionis illud administrare. Nam quod ad accipientes attinet, neq; honesta erit illis, neq; utilis ista donatio. Tu vero si Christianum te ostendere, si pietatē indicare tuam, si consulum non dico Romanæ ecclesiæ vis, sed ecclesiæ Dei, nunc præcipuē, nunc principē agas, ut pugnes pro his qui pugnare non possunt nec debent. Ut eos tuā auctoritate tutos reddas qui insidiis injuriisq; obnoxii sunt. Nabuchodonosori, Cyro, Assuero multisq; aliis principibus sacramentum veritatis Deus aperire voluit: à nullo tamen eorum exegit, ut imperio cederet, ut partem regni donaret, sed tantum libertatem Hebræis redderet, eosq; ab instantibus finitimis protegeret. Hoc satis fuit Judæis. hoc sat erit & Christianis. Factus es, Constantine, Christianus: At indignissima res est, Christianum te nunc Imperatorem minorem esse principatu, quam fueras infidelis. Est enim principatus præcipuum quoddam Dei munus, ad quem Gentiles etiam principes à Deo eligi existimantur. At erat lavatus à lepra, ideo vero simile est referre gratiam voluisse, & maiore mensurā reddere quod acceperat. Itane? Naaman ille Syrus ab Helisæo curatus, munera tantum offerre voluit, non dimidium bonorum? Constantinus dimidium imperium obtulisset? Piget me impudenti fabellæ, tanquam indubitata historia respondere. Sic enim hæc fabula, ex historiā Naaman & Helisæi, ut altera draconis, ex fabuloso dracone Beli adumbrata est. Sed ut ista concedam, nunquid in hac historia de donatione fit mentio? Minimè. Verùm de hoc commodius postea. Lavatus est à leprā, cepit ob id mentem Christianam, dei timore, dei amore imbutus est, illi honorem habere voluit. Non tamen persuaderi possum eum tanta donare voluisse. Quippe cum videam neminem, aut Gentilem in honorem deorum, aut fidelem in honorem dei viventis, imperium deposuisse, sacerdotibusq; donasse. Siquidem ex regibus Israel nemo adduci potuit, ut pristino more ad templum Hierusalem populos sacrificaturos ire permitteret, eo videlicet timore, ne fortè ad regem Judæ, à quo defecerant, redirent, sacro illo cultu religionis admoniti ac templi maiestate. At quanto hoc magis est, quod fecisse dicitur Constantinus? Ac ne quid tibi propter curationem lepræ blandiaris, Hieroboam primus à Deo in regem Israel electus est, & quidem ex infimā conditione, quod meā sententiā plus est, quàm esse leprā lavatum: & tamen is non est ausus regnum suum Deo credere, & tu vis Constantinum regnum deo donasse, quod ab illo non accepisset? Qui præsertim, id quod in Hieroboam non cadebat, offenderet filios, deprimeret amicos, negligeret suos, læderet patriam, morore omnes afficeret, sui; oblivisceretur. Qui si etiam talis fuisset, & quasi in alium hominem versus, certè non desuissent qui eum admonerent, & imprimis filii, propinqui, amici. Quos quis est qui non putet protinus Imperatorem fuisse adituros? Ponite igitur illos ante oculos, mente Constantini auditā, trepidos, festinantes, cum gemitu lachrymisq; ad genua principis procumbentes & hac voce utentes.

¶ Itane pater antelac filiorū amantissime, filios privas, exheredas, abdicas? Nam quòd te optimā maximāq; imperii parte exuere vis, non tam querimur, quàm miramur. Querimur autem

autem, quòd eam ad alios defers, cum nostrâ & iacturâ & turpitudine. Quid enim causa est, quod liberos tuos expectatâ successione imperii fraudas; qui ipse unâ cû patre regnasti? Quid in te commisimus? quâ in te, quâ in patriam, quâ in nomen Romanû, ac maiestatem imperii impietate digni videmur, quos præcipuâ optimâque prives principatûs portione? qui à patriis laribus, à conspectu natalis soli, ab afluatâ aurâ, à vetustâ consuetudine relegemur? Penates, fana, sepulchra exules relinquemus, nescio ubi aut quâ terrarum regione victuri? Quid nos propinqui, quid nos amici, qui tecum toties in acie stetimus: qui fratres, parentes, filios hostili mucrone confossos, palpitantesq; conspeximus, nec alienâ morte territi sumus, & ipsi parati pro te mortem oppetere, nunc abs te universi destituimur? Qui Romæ gerinus magistratus, qui urbibus Italiae, qui Galliis, qui Hispaniis; qui cæteris provinciis præsumus, aut præfaturi fuimus: omnesne revocamur, omnes privati iubemur esse? An iacturâ hanc aliunde pensabis? Et quomodo pro merito ac pro dignitate poteris, tantâ orbis terrarû parte alteri traditâ? Num qui præerat centum populis, eum tu Cæsar uni præficies? Quomodo tibi istud in mentē venire potuit? quomodo subita tuorū te cœpit oblivio: ut nihil te miserat amicos, nihil proximorū, nihil filiorū? Utinam nos, Cæsar, salvâ tua dignitate atq; victoriâ, in bello contigisset occumbere potius, quàm ut ista cernamus. Et tu quidē de imperio tuo ad tuum arbitratū agere potes, atq; etiam de nobis, uno duntaxat excepto: in quo vel ad mortem usq; erimus contumaces, ne à cultu deorum immortalium desistamus, magno etiam aliis exemplo: ut scias tua ista largitas quid mereatur de religione Christianâ. Nam si non largiris Silvestro imperium, tecum Christiani esse volumus, multis factū nostrum imitaturis. Sin largiris, non modò Christiani fieri non sustinebimus, sed invitum, detestabile, execrandū nobis hoc nomen efficies: Taleq; reddes, ut tandem tu & vitæ & mortis nostræ miserearis: nec nos, sed te ipsum duritiæ accuses. Nonne hâc oratione Constantinus, nisi extirpatam ab eo volumus humanitatem, si suâ sponte non movebatur, motus fuisset? Quid si hos audire noluisse? Nōne erant qui huic factō & oratione adversarentur & manu? An S. P. Q. R. sibi tantâ in re nihil agendū putasset? Nonne oratorem, ut ait Virgilius, gravē pietate & meritis, advocasset, qui apud Constantinum hanc haberet orationem?

¶ Cæsar, si tu tuorum immemor es, atq; etiam tui, ut nec filiis hæreditatē, nec propinquis opes, nec amicis honores, nec tibi imperium esse integrum velis: non tamen S. P. Q. R. immemor potest esse tui juris, suæq; dignitatis. Etenim quomodo tibi tantum permittis de imperio Rom. quod non tuo, sed nostro sanguine partum est? Tunc unum corpus in duas secabis partes? & ex uno duo efficies regna, duo capita, duas voluntates? & quasi duobus fratribus gladios, qui de hæreditate decernant, porriges? Nos civitatibus, quæ de hâc urbe bene merita sunt, iura civitatûs damus, ut cives Rom. sint: tu à nobis dimidium imperii auferis, ne hanc urbem parentem suam agnoscat? Et in alveis quidem apium, si duo reges nati sint, alterum qui deterior est, occidimus: Tu in alveo imperii Rom. ubi unus & optimus princeps es, alterum, & hunc deterrimum, & non apem, sed fûcum collocandum putas? Prudentiam tuam vehementer desideramus, Imperator: Nam quid futurum est, si vel te vivo, vel post tuam mortem, aut huic parti quam alienas, aut alteri quam tibi relinquis, bellum à Barbaris nationibus inferatur? Quo robore militum, quibus copiis occurremus? Vix nunc totius imperii viribus possumus, tunc poterimus? An perpetuò membrum hoc cum illo in cōcordia erit? Ut reor, nec esse poterit: quum Roma dominari velit, nolit pars illa fervere. Quin & te vivo, breve intra tempus, revocatis veteribus præsidis, suffectis novis, te in tuum regnum profecto & longē agente, hic altero dominante, nonne omnia nova, id est, diversa atq; adversa erunt? Regno ferē inter duos fratres diviso, protinus & populorum animi dividuntur: & prius à seipsis, quàm ab externis hostibus bellum auspicantur. Idem eventurum in hoc imperio quis non videt? An ignoras hanc olim in primis fuisse causam optimatibus, cur dicerent citius se in conspectu Pop. Rom. esse morituros, quàm rogationem illam ferri sinerent, ut pars Senatûs ac pars plebis ad incolendum Vejos mitteretur, duæque urbes communes Pop. Rom. esse? Si enim in unâ urbe tantum dissensionem esset, quid in duabus urbibus futurum? Ita hoc tempore, si tantum discordiarum in uno imperio, testor conscientiam tuam, ac labores, quid in duobus imperiis fiet? Age verò, putasne hinc fore, qui tibi bellis occupato, esse auxilio aut velint, aut sciant? Ita ab armis atq; ab omni re bellicâ abhorrentes erunt, qui præficiuntur militibus atq; urbibus, ut ille qui præficit. Quid? nonne hunc tam imperitum regnandi, & injuriæ facilem, aut Rom. legiones, aut ipsæ provinciæ spoliare tentabunt? ut quē sperant vel non repugnaturum, vel poenas non repetiturum. Credo mehercule, ne unum quidem mensem illos in officio manuros, sed statim & ad primum perfectionis tuæ initium rebellaturos. Quid facies? Quid consilii capies, quum duplici atq; adeo multiplici bello urgebere? Nationes, quas subegimus, continere vix possumus: quomo-

do illis accedente ex liberis gentibus bello refistetur? Tu Cæsar, quid ad te spectet, ipse videris. Nobis autem hæc res non minus, quàm tibi curæ esse debet. Tu mortalis es: Imperiū populū Rōm. decet esse immortale, & quantū in nobis est, erit; neq; imperiū modò, verum etiam pudor. Scilicet, quorum religionem contemnimus, eorum accipimus imperium? & principes orbis terrarum huic contemptissimo homini serviemus? Urbe à Gallis capta, Romani senes demulceri sibi barbam à victoribus passi non sunt. Nunc sibi tot senatorii ordinis, tot prætorii, tot tribunitii, tot consulares triumphalesq; viri, eos dominari patiuntur, quos ipsi tanquam servos malos omni contumeliarum genere suppliciorumq; affecerunt? Istine homines magistratus creabunt? provincias regent? bella gerent? de nobis sententias capitis ferent? Sub his nobilitas Romana stipendia faciet? honores sperabit? munera assequetur? Et quod majus, quodq; altius penetret, vulnus accipere possumus? Non ita putes Cæsar Rō. degenerasse sanguinem, ut istud passurus sit æquo animo, & non quavis ratione devitandum existimet, quod mediisfidius neq; mulieres sustinerent, sed magis se unā cum dulcibus liberis sacrisq; penetibus concremarent. Ut non Carthaginenses foeminae fortiores fuerint, quā Romanæ. Etenim, Cæsar, si regem te delegissemus, haberes tu quidem magnum de imperio Rō. agendi arbitrium; sed non ita, ut vel minimum de ipsius irriminueres maiestate. Alioqui te fecissem regem, eadem facultate te regno abdicare juberemus, nedum posses regnum dividere, nedum tot provincias alienare, nedum ipsum regni caput peregrino atq; humillimo homini addicere. Canem ovili præficeris: quem, si lupi mavult officio fungī, aut ejicimus, aut occidimus. Nunc tu cum diu canis officio in ovili Romano defendendo sis functus, ad extremum in lupum nullo exemplo converteris? Atq; ut intelligas, quandoquidē nos pro jure nostro coges asperius loqui, nullum tibi in populū Rō. imperio jus est. Cæsar vi dominatum occupavit, occupavit Augustus, & in vitium successit, & adversariorū partium profligatione se dominum fecit. Tiberius, Cajus, Claudius, Nero, Galba, Otho, Vitellius, Vespasianus, ceteriq; aut eadem aut simili viā libertatem nostram prædāti sunt. Tu quoq; aliis expulsi aut interempti, dominus effectus es. Sileo, quod ex matrimonio natus non sis. Quare ut tibi nostram mentem testificemur, Cæsar, si non libet tibi Romæ principatum tenere, habes filios quorū aliquē in locum tuum, nobis quoq; permittentibus ac rogantibus, naturæ lege substituas. Sin minus, nobis in animo est publicam amplitudinē cum privata dignitate defendere. Neq; enim minor hæc injuria quiritum, quā olīm fuit violatā Lucretiā. Neq; nobis deerit Brutus, qui contra Tarquinium se ad libertatem recuperandam huic populo præbeat ducem: Et in istos primum quos nobis præponis, deinde & in te ferrum stringemus: Quod in multos imperatores, & quidem leviores ob causas, fecimus.

¶ Hæc profectò Constantinū, nisi lapidē eum aut truncum existimamus, permovissent. Quæ si populus non dixisset, tamen dicere apud se, & his passim verbis fremere, credibile erat. Eamus nunc, & dicamus Constantinum gratificari voluisse Silvestro, quem tot hominum odii, tot gladiis subiceret, ut vix, quantum scēcio, unum Silvester diem in vitā facturus fuisset. Nam eo, paucisq; aliis absumptis, videtur omnis sublatum iri de pectoribus Romanorum, tam dira injuriæ contumeliæq; suspicio. Age porò, si fieri potest, concedamus, neq; preces, neq; minas, neq; ullam rationem aliquid profecisse, peristareque adhuc Constantinum, nec velle à susceptā semel persuasionē discedere. Quis non ad Silvestri orationem si res vera fuisset, unquam commotum assentiat? quæ talis haud dubiē fuisset.

¶ Princeps optime ac fili, Cæsar, Pietatem quidē tuam tam pronam tamq; effusam, non possum non amare atq; amplecti: veruntamen quod in offerendis Deo muneribus, immolandisq; victimis nonnihil erres, minime demiror, quippe qui adhuc es in Christianā militiā tyro. Ut non decebat olim à sacerdote omnem pecudē feramq; & ovem sacrificari, ita non omne ab eodem accipiendum est munus. Ego sacerdos sum ac pontifex, qui dispicere debeo, quid ad altare patiar offerri: Ne fortē, non dico immundum animal offeratur, sed vipera aut serpens. Itaq; sic habeas. Si foret tui juris, partē imperii cum reginā orbis Romæ, alteri tradere quā filii, quod minime sentio; si populus hic, si Italia, si cæteræ nationes sustinerēt, ut quos oderunt, & quorū religionem adhuc respuunt, capti illecebris seculi, eorū imperio obnoxii esse vellent, quod impossibile est, tamen si quid mihi credendum putas, fili amantissime, ut tibi assentiar, ullā adduci ratione non possum? nisi vellem mihi ipsi esse dissimilis & conditionē meam oblivisci, ac propemodum dominum Jesum abnegare. Tua enim munera, sive, ut tu vis, tuæ remunerationes, & gloriā & innocentiam & sanctimoniam meā atq; omniū qui mihi successuri sunt, polluerent ac prorsus everterent, viamq; iis qui ad cognitionē veritatis venturi sunt, intercluderent. An vero Helisæus à Naaman Syro, à lepra curato, mercedē accipere noluit, ego te curato accipiam? Ille munera respuit, ego regna mihi dari sinam? Ille personam prophetæ maculare noluit, ego personam Christi quam in pægero, maculare potero? Cur autē ille accipiēdis muneribus personam prophetæ maculari putavit?

Oratio Silvestri ad Constantinum.



ravit? Nempe quod videri poterat vendere sacra, scenerare donum Dei, indigere praesidiis hominum, elevare atque imminuere beneficii dignitatem. Maluit ergo sibi principes ac reges beneficiarios facere, quam ipse beneficiarius illorum esse: imò ne mutua quidem beneficentia uti. Beatius est enim multo, ut inquit dominus, dare quam accipere. Eadem mihi atque adeo major est causa, cui etiam a domino praecipitur dicente: Infirmos curate, mortuos suscite, leprosos mundate, daemones ejicite: gratis accepistis, gratis date. Egone tantum flagitium admittam, Caesar, ut Dei praecepta non exequar? ut gloriam meam polluiam? Melius est, ut inquit Paulus, mihi mori quam ut gloriam meam quis evacuet. Gloria nostra est, apud Deum honorificari ministerium, ut idem inquit: Vobis dico gentibus, quamdiu ego quidem sum gentium Apostolus, glorificabo ministerium meum. Ego, Caesar, aliis quoque sum & exemplum & causa delinquendi, Christianus homo, sacerdos dei, pontifex Romanus, vicarius Christi? Jam verò innocentia sacerdotum quomodo incolumis erit inter opes, inter magistratus, inter administrationem secularium negotiorum? Ideone terrenis renuntiamus, ut eadem uberiora assequamur? Et privata abjecimus, ut aliena possideamus, & publica? Nostrae erunt urbes, nostra tributa, nostra vestigalia. Et cur clericos, si haec fecerimus, nos vocari licebit? Pars nostra, sive fors, quae graece dicitur *καλή*, dominatus est, non tetrenus, sed coelestis. Levitae, qui iidem clerici sunt, partem cum fratribus non fuisse sortiti: & tu nos jubes etiam fratrum sortiri portionem? Quò mihi divitias atque opes, qui domini voce jubeor nec de crastino esse sollicitus? & cui dictum est ab illo: Nolite thesaurizare super terram, nolite possidere aurum, neque argentum, neque pecuniam in zonis vestris. Et, Difficilis est divitem introire in regnum coelorum, quam camelum per foramen acus transire. Ideoque pauperes sibi ministros elegit, & qui omnia reliquerunt, ut eum sequerentur: & pauperatis ipse fuit exemplum. Usque adeo divitiarum pecuniarumque tractatio innocentiae inimica est; non modò possessio illarum atque dominatus. Unus Judas, qui loculos habebat, & portabat quae mittebantur, praevicatus est: & amore pecuniae, qui affluebat, magistrum, dominum, Deum, & reprehendit & prodidit. Itaque vereor, Caesar, ne me ex Petro facias Judam. Audi etiam quid Paulus dicat: Nihil intulimus in hunc mundum: haud dubium, quòd nec auferre quid possumus: habentes autem alimenta, & quibus tegamur, his contenti sumus. Nam qui volunt divites fieri, incidunt in tentationem, & in laqueum diaboli, & desideria multa, & inutilia, & nociva: quae mergunt homines in interitum & perditionem. Radix enim omnium malorum est cupiditas: quam quidam appetentes, erraverunt a fide, & inseruerunt se doloribus multis. Tu autem homo Dei haec fuge: Et tu me accipere jubes, Caesar, quae velut venenum effugere debeo? & quis praeterea (pro tua prudentia, Caesar, consideres) quis inter haec divinis rebus faciendis locus? Apostoli quibusdam indignantibus, quod viduae ipsorum in ministerio quotidiano despicerentur, responderunt, non esse aequum relinquere se verbum dei, & ministrare mensis: & tamen viduis ministrare, quanto aliud est quam exigere vestigalia? curare ararium? stipendium numerare militibus? & mille aliis curis hujusmodi implicari? Nemo militans Deo implicat se negotiis secularibus, inquit Paulus. Nunquid Aaron, cum ceteris Levitici generis, aliud quam domini tabernaculum procurabat? Ejus filii, quia ignem alienum in thuribula sumplerant, igni coelesti conflagraverunt. Et tu jubes nos ignem secularium divitiarum, vetitum ac prophanum, in sacrata thuribula, id est, in sacerdotalia opera sumere? Num Eleazar, num Phinees, num ceteri pontifices ministrique, aut tabernaculi aut templi, quicquam, nisi quod ad rem divinam pertineret, administrabant, dico inò, administrare poterant, si officio suo satisfacere volebant? Quod si nolint, audiant execrationem domini dicentis, Maledicti qui opus domini faciunt negligenter. Quae execratio quum in omnes, tum in pontifices maxime cadit. O quantum est pontificale munus? Quantum est caput esse ecclesiae? Quantum est praeponi pastorem tanto ovili: e cujus manu uniuscujusque agni ovisque amissae sanguis exigitur? Cui dictum est: si amas me plus quam alii, ut fateris, pascere agnos meos. Iterum: si amas me, ut fateris, pascere oves meas. Tertio: si amas me, pascere oves meas. Et tu jubes, Caesar, capras etiam pascere & porcos: qui nequeunt ab eodem pastore custodiri. Quid, quòd me regem facere vis, aut potius Caesarem, id est, regum principem? Dominus Jesus Christus deus & homo, rex & sacerdos, quum se regem affirmaret, audi de quo regno loquutus est: Regnum meum (inquit) non est de hoc mundo. Si enim de hoc mundo esset regnum meum, ministri mei utique decernerent. Et quae fuit prima vox, ac frequenter clamor praedicationis ejus? Nonne haec? Poenitentiam agite, appropinquavit enim regnum coelorum. Appropinquavit regnum Dei, cui comparabitur regnum coelorum. Nonne cum haec dixit, regnum seculare nihil ad se pertinere declaravit? Eoque non modò regnum hujusmodi non quaesivit, sed oblatum quoque accipere poluit. Nam cum intelligeret aliquando, populos destinasse, ut eum raperent, regemque facerent, in montium solitudines fugit. Quod nobis, qui locum ipsius tenemus, non solùm

Ex Petro facere Judam.

Christus rex esse poluit.

exemplo dedit imitandum, sed etiam præcepto, iniquis : Principes gentium dominantur eorū, & qui majores sunt, potestatem exercent in eos. Non ita erit inter vos, sed quicumque voluerit inter vos major fieri, sit vester minister : & qui voluerit primus inter vos esse, erit vester servus. Sicut filius hominis non venit ut ministraret ei, sed ut ministret, & det animam suam redemptionem pro multis. Judices olim deus, ut scias Cæsar, constituit super Israel, non reges, populūque sibi nomen regium postulantem detestatus est. Nec aliter ob duritiam cordis illorum regem dedit, quam quod repudium permiserat, quod in novā lege revocavit. Et ego regnū accipiam, qui vix judex esse permittor ? An nescitis, inquit Paulus, quod sancti de hoc mundo judicabunt ? Et si in vobis judicabitur mundus, indigni estis, qui de minimis judicetis. Nescitis quod angelos judicabimus ? quanto magis secularia ? Secularia igitur judicia si habueritis, contemptibiles qui sunt in ecclesiā eos constituite ad judicandum. At qui judices de rebus controversis tantummodo judicabant, non etiam tributa exigebant. Ego exigam, qui scio à domino interrogatum Petrum, à quibusnam reges terræ acciperent tributum censumve, à filiis an ab alienis ? Et quū hic respondisset, ab alienis, ab eodē dictū, ergo liberi sunt filii. Quod si omnes filii mei sunt, Cæsar, ut certē sunt, omnes liberi erunt, nihil quisquam solvet. Igitur non est opus mihi tuā donatione, qua nihil asculturus sum, præter laborem, quem ut minime debeo, ita minime possum ferre. Quid quod necesse haberem, potestatem exercere sanguinis, punire fontes, bella gerere, urbes diripere, regiones ferro ignique vastare ? Aliter non est quod sperem, posse me tueri quæ tradidisses. Et si hæc fecero, sacerdos, pontifex, Christi vicarius sum ? Ut illum in me tonantem audiam atque dicentem, Domus mea domus orationis vocabitur omnibus gentibus, & tu fecisti eam spelūcam latronum. Non veni in mundū (inquit dominus) ut judicem mundū, sed liberē eum, & ego qui illi successi, causa mortui ero ? Cui in personā Petri dictum est, Converte gladium tuum in locum suum, Omnes enim qui acceperint gladium, gladio peribunt. Ne defendere quidem nobis ferro nos licet, siquidem defendere dominum Petrus volebat, cum auriculam abscidit servo. Et tu divitiarum aut comparandarum aut tuendarum causā, uti ferro nos jubes ? Nostra potestas est potestas clavium, dicente domino, Tibi dabo claves regni coelorum : Quodcumque ligaveris super terram, erit ligatum & in coelis : & quodcumque solveris super terram, erit solutum & in coelis : & portæ inferi non prævalebunt adversus eas. Nihil ad hanc potestatem, nihil ad hanc dignationem, nihil ad hoc regnum adjici potest. Quo qui contentus non est, aliud sibi quoddam à diabolo postulat, qui etiam domino dicere ausus est. Tibi dabo omnia regna mundi, si cadens in terram adoraveris me. Quare, Cæsar, cum pace tuā dictum sit, noli mihi diabolus effici, qui Christum, id est me, regna mundi à te data accipere jubeas. Malo enim illa spernere quam possidere. Et ut aliquid de infidelibus, sed ut spero, futuris fidelibus loquar, noli me de angelo lucis reddere illis angelum tenebrarum, quorum corda ad pietatem inducere volo, non ipsorum cervici jugum imponere, & gladio, quod est verbum dei, non gladio ferri mihi subicere, ne deteriores efficiantur, ne recalcitent, ne cornu me feriant, ne nomen Dei meo irritati errore blasphement. Filios mihi charissimos volo reddere, non servos : adoptare, non emere : generare, non manucapere : animas eorum offerre sacrificium Deo, non diabolo corpora. Discite à me (inquit dominus) qui mitis sum, & humilis corde. Capite jugum meum, & invenietis requiem animabus vestris : Jugum enim meum suave, & pondus meum leve. Cujus ad extremum, finem faciam : illam in hac re sententiam accipe, quam quasi inter me & te tulit : Reddite quæ sunt Cæsaris Cæsari, & quæ sunt Dei Deo. Quo fit, ut nec tu Cæsar tua relinquere, neque ego quæ Cæsaris sunt, accipere debeam, quæ vel si millies offeras, nunquam accipiam.

¶ Ad hanc Silvestri orationē apostolico viro dignam, quid esset, quod amplius Constantinus posset opponere ? Quod quū ita sit, qui auit donationē factā esse, nonne injuriosi sunt in Constantinū, quæ suos privare, imperiūque Ro. voluisse cōvellere : Injuriosi in S. P. Q. R. Italiam, totūque occidentē, quæ contra jus fasque imperiū mutari permisisse : Injuriosi in Silvestrum, quæ indignā sancto viro donationē acceptā habuisse : Injuriosi in summū pont. cui licere terrenis potiri regnis & Rom. moderari imperiū, arbitrantur ? Hæc tamen omnia eo pertinent, ut appareat Constantinum, inter tot impedimenta, nunquam fuisse facturum, ut rem Romanā Silvestro ex maxima parte donaret, quod isti aiunt. Age porro, ut credamus istā donationē, de qua facit pagina vestra mentionē, debet consistare etiam de acceptatione Silvestri. Nunc de illā non constat. At credibile est, dicitis, ratam hunc habuisse donationem. Ita credo, nec ratā habuisse modō, verū etiam petisse, rogasse, precibus extorxisse credibile est. Quid vos credibile, quod præter opinionem est hominū, dicitis ? Nec quia in paginā privilegii de donatione sit mentio, putandum est fuisse acceptatā. Sed è contrario, quia non fit mentio de acceptatione, dicendū est non fuisse donatū. Ita plus contra vos facit, hunc donū respuisse, quā illū dare voluisse, & beneficiū in invitū non conferri. Neque verō



tantum donata respuisse Silvestrū suspicari debemus, sed tacite etiam indicasse, nec illum dare iuste nec se iure accipere posse. Sed o cœcam semper inconsultamq; avaritiā! Demus, ut tabulas quoque de assensu Silvestri proferre possitis, veras, incorruptas, sinceras: num protinus donata sunt, quæ in tabulis continentur? Ubi possessio? Ubi in manus traditio? Nam si chartam modo Constantinus dat, non gratificari Silvestro voluit, sed illudere. Verisimile est, dicitis, qui donat quippiā, eum & possessionē tradere. Videte quid loquāmini, quū possessionē non esse datā constet, & an datū sit jus ambigitur. Verisimile est, qui possessionē non dedit, eum ne jus quidē dare voluisse. An non constat possessionē nunquā traditam fuisse? quod negare impudentissimū est. Nunquid Silvestrū Constantinus in Capitolium, quasi triumphantē, inter frequentiū quiritū, sed infidelīū, plausum duxit? In sellā aurea, limul assistente universo Senatu, collocavit? Magistratus pro sua quēq; dignitate regem salutare & adorare iussit? Hæc erga novos principes fieri solent, non tantum aliquod palatium velut Lateranense tradi. Num postea per universā Italiam circumduxit? Adiit cum illo Gallias? Adiit Hispanias? Adiit Germanos, cæterumq; occidentem? Aut si gravabantur ambo tantum obire terrarum, quibusnam tam ingens officium delegarunt, qui & Cæsaris vice traderent possessionem & Silvestri acciperent? Magni hi viri, atq; eximie authoritatis esse debuerunt, & tamen qui fuerint, ignoramus. Nostrā memoriā, ut exempla vetusta omitam, nunquā aliter factitatum vidimus, quum quis aut urbis, aut regionis, aut provinciæ dominus factus est, ita demum traditam exillimari possessionem, si magistratus pristini summoveantur, noviq; subrogentur. Hoc si tunc Silvester fieri non postulasset, tamē magnificentiæ Constantini intererat, ut declararet non verbo se, sed re possessionem tradere, suos præfides amovere, aliosq; ab illo substitui iubere. Non traditur possessio, quæ penes eisdem manet qui possidebant, & novus dominus illos summovere non audet. Sed fac istud quoque non obitare, & nihilominus putari Silvestrum possedisse, atq; omnia præter morem præterq; naturam tunc esse dicamus administrata. Postquā ille abiit, quos provinciis urbibusq; rectores Silvester præposuit? quæ bella gessit? quas nationes ad arma spectantes oppressit? per quos hæc administravit? Nihil horum scimus, respondetis. Ita puto, nocturno tempore hæc omnia gesta sunt, & ideo nemo vidit. Agē fuit in possessione Silvester? Quis eum de possessione dejecit? Nam perpetuū in possessione non fuit, neque successorum aliquis, saltem usque ad Gregorium magnum, qui & ipse caruit possessione. Qui extra possessionem est, nec se ab ea dejectum probare potest, is profecto nunquam possedit: & si se possedisse dicat, insanit. Vides ut te insanum etiam probo? Alioquin dic quis Papam dejecit? ipse Constantinus, an ejus filii, an Julianus, an aliquis alius Cæsar? Profer nomen expulsores, profer tempus, unde primum, unde secundo, ac deinceps expulsus est. Num per seditionem & cædes, an sine his? conjurarunt in eum pariter nationes, an quæ prima? Quid? nemo omnium auxilio fuit? Ne illorum quidem qui per Silvestrum aliumve Papam præpositi urbibus ac provinciis erant? Uno die universa amisit, an paulatim & per partes? Restitit ipse sui quæque magistratus, an ad primum tumultum se abdicarunt? Quid? ipsi victores non in eam faciem hominum, quam indignam imperio ducebant, ferro grassati sunt? In ultionem contumeliæ, in tutelam occupatæ dominationis, in contemptum religionis nostræ, in ipsum etiam posteritatis exemplum. Omnino eorum qui victi sunt, nemo fugam cœpit? nemo latuit, nemo timuit? O admirabilem casum! Imperium Romanum tantis laboribus, tanto cruore partum, tā placidē, tā quietē à Christianis sacerdotibus vel partum est, vel amissum, ut nullus cruor, nullum bellum, nulla querela intercesserit. Et quod non minus admirari debeas, per quos hoc gestum sit, quo tempore, quomodo, quamdiu, profus ignotum. Putes in silvis inter arbores regnasse Silvestrum, non Romæ, & inter homines, & ab hybernis imbribus frigoribusq; non ab hominibus ejectum. Quis non habet cognitum, qui paulo plura lætitarit, quot reges Romæ, quot consules, quot dictatores, quot tribuni plebis, quot censores, quot adiles creati fuerint? nemoq; ex tanta hominum copiā, ex tantā vetustate nos fugit. Scimus item quot Atheniensī ducēs, quot Thebanorum, quot Lacedæmoniorum extiterint; pugnas eorum terrestres, navalesq; universas tenemus. Non ignoramus qui reges Persarum, Medorum, Chaldæorum, Hebræorum fuerint, aliorumq; plurimorum. Et quomodo horum quisq; aut acceperit regnum, aut tenuerit, aut perdidit aut recuperavit. Romanum autem sive Silvestrianum imperium, qua ratione inceperit, qua desierit, quando, per quos, in ipsā quoq; urbe nescitur. Interrogo, num quos harum rerum testes, auctoresq; proferre possitis? nullos respondetis. Et non pudet vos, non tam homines quā pecudes, dicere verisimile esse Silvestrum possedisse? Quod quia vos non potestis, ego ē contrario docebo, ad ultimum usque diem vitæ Constantinum, & gradatim deinceps omnes Cæsares possedisse, ut ne quid habeatis quod hifcere possitis. At perdifficile est, & magni (ut opinor) operis hoc docere. Evolvantur omnes latine græcæq; historiæ: citentur cæteri auctores, qui de illis meminere temporibus, ac nemine reperies,

reperies, in hac re ab alio discrepare. Unum ex mille testimoniis sufficiat, Eutropius, qui Constantinum, qui tres Constantini filios à patre relictos, dominos orbis terrarum vidit, qui de Juliano filio fratris Constantini ita scribit: Hic Julianus, qui fuit Diaconus in Romana ecclesia, Imperatorque effectus apostatavit in idolorum cultu, rerum potius est ingentis apparatus Partis intulit bellum. Cui expeditioni ego quoque interfui. Nec de donatione imperii occidentis tacuisset: nec paulo post de Joviano, qui successit Juliano, ita dixisset, Pacem cum Sapore necessariam quidem, sed ignobilem fecit, mutatis finibus, ac nonnulla imperii Romani parte tradita: quod antè, ex quo Rom. imperium conditum erat, nunquam acciderat. Quinetiam legiones nostrae apud Claudium Propontum Telesinum, & in Hispania apud Numantiam, & in Numidia sub jugo missae sunt, ut nihil tamen finium traderetur. Hoc loco libet vos, qui nuperrime defuncti estis, convenire Pont. Rom. & te, Eugenii, qui vivis, cum Felicis tamen venia. Cur donationem Constantini magno ore jactitatis, frequenterque vos ultores erepti imperii quibusdam regibus principibusque minamini: & confessionem quandam servitutis à Caesare, dum coronandus est, & à nonnullis aliis principibus extorquearis? Veluti ab rege Neap. atque Siciliae, id quod nunquam aliquis veterum Romanorum pontificum fecit: non Damasus apud Theodosium, non Syrinus apud Arcadium, non Anastasius apud Honorium, non Johannes apud Justinianum, non alii apud alios sanctissimi Papae apud optimos Caesares, sed semper illorum Romam Italiamque cum provinciis, quos nominavi, fuisse professi sunt. Eoque numismata aurea, ut de aliis monumentis fidelem, templisque urbis Romae circumferuntur; non Graecis sed Latinis literis inscripta, Constantini jam Christiani, & deinceps cunctorum ferme Imperatorum, quorum multa penes me sunt: cum hac plerumque subscriptione, subter imaginem crucis, Concordia orbis: qualia infinita reperirentur summorum Pontificum si unquam Romae imperassetis, quae nulla reperiuntur, neque aurea, neque argentea, neque ab aliquo visa memorantur: & tamen necesse erat illo tempore proprium habere numisma, quisquis imperium Romae teneret, saltem sub imagine Salvatoris aut Petri. Proh imperitiam hominum! non cernitis si donatio Constantini vera est, Caesari, de Latino loquor, nihil relinqui? En qualis Imperator, qualis rex Rom. erit, cujus regnum si quis habeat, nec aliud habeat, omnino nihil habeat. Quod si itaque palam est Silvestrum non possedisse, hoc est, Constantinum non tradidisse possessionem: haud dubium erit, ne jus quidem, ut dixi, dedisse possidendi: nisi dicitis, jus quidem datum, sed aliqua possessionem non traditam. Ita planè dabat, quod minimè futurum intelligebat, dabat, quod tradere non poterat: dabat, quod non prius venire in manus ejus, cui dabatur, possibile erat, quàm esset extinctum? dabat donum quod ante quingentos annos, aut nunquam valiturum foret. Verum hoc loqui aut sentire, insanum est. Sed jam tempus est, ne longior hiam, causae adversariae jam concisae atque laceratae lethale vulnus imprimere, & uno eam jugulare ictu. Omnis fere historia, quae nomen historiae meretur, Constantinum à puero cum patre Constantio Christianum refert, multo etià ante pontificatum Silvestri: ut Eusebius ecclesiasticae scriptor historiae, quem Rufinus non in postremis doctus, in latinum interpretatus, duo volumina de revo adjecit: quorum uterque pene Constantini temporibus fuit. Adde huc etiam testimoniū Romani Pontificis qui his rebus gerendis non interfuit, sed praefuit: non testis, sed auctor: non alieni negotii, sed sui narrator. Is est Melchades Papa, qui proximus fuit ante Silvestrum, qui ita ait: Ecclesia ad hoc usque pervenit, ut non solū Gentes, sed etiam Romani principes, qui totius orbis monarchiam tenebant, ad fidem Christi & ad fidei sacramenta concurrerent. E quibus vir religiosissimus Constantinus, primus fidem veritatis patienter adeptus, licentiā dedit per universum orbem sub suo degentibus imperio, non solū fieri Christianos, sed etiam fabricandi ecclesias & praedia constituit tribuenda. Denique praefatus princeps dona immensa contulit, & fabricā templi primae sedis beati Petri instituit: adeo ut sedem imperialem relinqueret & beato Petro suisque successoribus prostruam concederet. En nihil Melchades à Constantino donatum ait, nisi palatium Lateranense & praedia, de quibus Gregorius in registro facit saepissime mentionem. Ubi sunt qui in dubium vocari non sinunt, donatio Constantini valeat, necne, cum illa donatio fuerit & ante Silvestrum, & rerum tantummodo privatarum? Quae res quanquam plana & aperta sit, tamen de ipso, quod isti stolidi proferre solent, privilegio disserendum est. Et ante omnia non modo ille, qui Gratianus videri voluit, qui nonnulla ad opus Gratiani adjecit, improbitatis arguendus est, verum etiam inficitiae, qui opinatur paginam privilegii apud Gratianum contineri, quod neque docti unquam putarunt; & in verissimis quibusque codicibus Decretorum non invenitur. Et si quo in loco hujus rei Gratianus meminisset, non in hoc ubi isti collocant, feriem ipsam orationis abruptantes, sed in eo ubi agit de Ludovici pactione, meminisset.

Præterea, duo millia locorum in decretis sunt, quae ab hujus loci fide dissentiant. Quorum unus est ubi, quae superius retuli, Melchades verba ponuntur. Nonnulli eum qui hoc capitulum adjecit, aiunt vocatum Paleam, vel vero nomine, vel ideo, quod quae de suo adjunxit,

ad

ad Gratianum comparata, instar palearum juxta frumenta existimentur. Utcūq; sit, indignissimum est credere, quæ ab hoc adjecta sunt, ea Decretorum collectorem, aut ignorasse; aut magni fecisse, habuisseq; pro veris. Bene habet, sufficit, vicinus. Primum quod hoc Gratianus non ait, ut isti mentiebantur, imo adeo ut ex infinicis locis datur intelligi, negat atq; confutat. Deinde, quod unū & ignotum, & nullius authoritatis ac nauci hominem, afferunt, ita etiam stolidum, ut ea Gratiano affluerit, quæ cum cæteris illius dictis congruere non possent. Hunc ergo vos auctorem profertis? Hujus unius testimonio utimini? Hujus charulam ad tantæ rei confirmationem, contra sexcenta probationum genera recitatis? At ego expectaverā, ut aurea sigilla, marmoratos titulos, mille authores ostenderetis. Sed ipse, dicitis, Palea auctorem profert, fontem historiæ ostendit, & Gelasium Papam cum multis episcopis in testimonium citat. Ex gestis, inquit, Silvestri, quæ beatus Gelasius in Concilio lxx episcoporum, à catholicis legi commemorat, & pro antiquo usu multas hoc dicit ecclesiæ imitari. In quibus legiur, Constantinus, &c. Multo superius, ubi de libris legōdis & non legendis agitur, etiā dixerat, Actus beati Silvestri præfatus, licet ejus qui scripsit nomen ignoramus, à multis tamen in urbe Romæ catholicis legi cognovimus, & pro antiquo usu imitantur ecclesiæ. Mira hæc autoritas, mirum testimonium, inexpugnabilis probatio.

¶ **D**ono vobis hoc, Gelasium dum de Concilio lxx episcoporum loquitur, id dixisse. Num id dixit, paginam privilegii in beatissimi Silvestri gestis legi? Is vero tantum ait, gesta Silvestri legi, & hoc Romæ; cujus ecclesiæ auctoritatem multæ aliæ sequuntur. Quod ego non nego, concedo, fateor; Me quoq; unā cum Gelasio testem exhibeo. Verum quid vobis ista res prodest, nisi ut in adducendis testibus mentiri voluisse videamini? Ignoratur nomen ejus, qui hoc decretis adscripsit, & solus hoc dicit. Ignoratur nomen ejus qui scripsit historiam, & solus is & falsò testis affertur. Et vos boni viri atq; prudentes, hoc ita superq; esse ad tantæ rei testimonium existimatis? At videte, quantum inter meum inter sit vestrumq; judicium. Egone, si hoc quidem apud gesta Silvestri privilegium contineretur, pro vero habendum putarem, cum historia illa non historia sit, sed poetica & impudentissima fabula (ut posterius ostendam) nec quifquam alius, alicujus duntaxat authoritatis, de hoc privilegio habeat mentionem? Et Jacobus Voragenensis propensus in amorem clericorum, ut archiepiscopus, tamen in gestis sanctorum, de donatione Constantini, ut fabulosa, nec dignā quæ inter gesta Silvestri poneretur, silentium egit; latā quodammodo sententiā contra eos, siqui hæc literis mandavissent. Sed ipsum saltarium, ac verè paleam, non triticum, obtorto collo in judicium trahere volo. Quid ais, falsarie? Unde fit, quod istud privilegium inter Silvestri gesta non legimus? Credo rarus hic liber est difficilique inventu, nec vulgò habetur, sed tantquam fasti olim à pontificibus aut libri Sibyllini à decem viris custoditur. Linguā græcā aut Syriacā aut Chaldaicā scriptus est. Testatur Gelasius à multis catholicis legi, Voragenensis de eo meminit. Nos quoq; mille & antiquè scripta exemplaria vidimus, & in omni ferè cathedrali ecclesiā, cum adest Silvestri natalis dies, lectantur, & tamen nemo se illis legisse istud ait, quod tu affingis, nemo audisse, nemo somniasse. An alia quædam fortassis historia est? Et quamam illa erit? Ego aliam nescio, nec abste aliam dici interpretor. Quippe de eā tu loqueris, quam Gelasius apud multas ecclesiās lectitari refert. In hac autem tuum privilegium non invenimus. Quod si istud in vitā Silvestri non legitur, quid tu ita legi tradidisti? Quid in tantā re joculari es ausus? & levium hominum cupiditatem eludere? Sed stultus sum, qui illius potius inspector audaciam, quam istorum dementia qui crediderunt. Si quis apud Græcos, apud Hebræos, apud Barbaros diceret, hoc esse memoriæ proditum, nonne juberetis nominare auctorem, proferri codicem? & locum ab interprete fideli exponi, antequam crederetis? Nunc de linguā vestrā, de notissimo codice fit mentio, & vos tam incredibile factum, aut non inquiritis, aut cum scriptum non reperiat, tam pronā estis credulitate, ut pro scripto habeatis, atq; pro vero. Et hoc titulo contenti, terras miscetis & maria, & quasi nullum subist dubiū, eos qui vobis non credunt, terrore bellorū aliisq; minis prosequimini. Bone Jesu, quanta vis, quanta divinitas est veritatis! Quæ per sese, sine magno conatu, ab omnibus dolis ac fallaciis seipsa defendit, ut non immerito, cum esset apud Darium regem exorta contentio, quid foret maxime validum, & aliud diceret, tributa sit palma veritati. Quia cum sacerdotibus, non cum secularibus mihi res est, ecclesiastica magis, quam secularia sunt exempla repetenda. Judas Maccabæus, cum dimissis Romam Legatis, fœdus amicitiamq; à Senatu impetrasset, curavit verba fœderis in æs incidenda, Hierosolymamq; portanda. Taceo de lapideis decalogi tabulis, quas deus Moyse dedit. Ista vero tam magnifica Constantini & tam inaudita donatio, nullis neq; in auro, neq; in argento, neque in ære, neque in marmore, neq; postremo in libris, probari documentis potest. Sed tantum, si isti credimus, in chartā live membrana. Jobal primus Musices author, ut est apud Josephum, cum esset à majoribus tradita per manus opinio, res humanas semel

Gelasius.

Darius.

aquā,



aquâ, iterum igni delendas: doctrinam suam duabus columnis inscripsit, lateritiâ contra ignem, lapideâ contra aquas: quæ ad Iosephi ævum, ut idem scribit, permansit: ut suum in omnes beneficium semper extaret. Et apud Romanos, rusticanos adhuc & agrestes, cum parvæ & raræ literæ essent, tamc̃ leges duodeci tabularû in æs fuerint incisæ, quæ in caprâ atq; incensâ à Gallis urbe, incolum postea sunt repertæ. Adeo duo maxima in rebus humanis, diuturnitatem temporis & fortunæ violentiam, vincit circumspicte providentia. Constantinus vero, orbis terrarum donationem, papyro tantum & atramento signavit: cum præsertim machinator fabulæ, quisquis ille fuit faciat Constantinum dicentem, se credere, non desore, qui donationem hanc impiâ aviditate rescinderent. Hoc times, Constantine, & non caves, ne ii qui Romam Silvestro eriperent, chartulam quoque surriperent? Quid ipse Silvester? Pro se nihil agit? Ita omnia Constantino remittit? Ita securus ac segnis est? In tanto negotio nihil sibi, nihil ecclesiæ suæ, nihil posteritati prospicit? En cui imperium Romanum administrandum committis: qui tam magnæ rei, tantoq; aut lucro aut periculo indormit? Siquidem sublata chartulâ, privilegii donatio, utiq; ætate procedente, probati non poterit. Paginâ privilegii appellat homo velanus: Privilegiumne tu (libet velut præsentem infectari) vocas donationem orbis terrarû, & hoc in paginâ vis esse scriptum, & isto genere orationis usum esse Constantinum? Si titulus absurdus est, qualia cætera existimemus?

Verba com-  
mentitii pri-  
vilegii.

**CONSTANTINUS** Imperator, quarto die sui baptismatis privilegium Romanæ Ecclesiæ Pontifici contulit: ut in urbe Româ sacerdotes, ita hunc caput habeant, sicut iudices regem. Hoc in ipsâ Silvestri historiâ continetur.

Ex quo dubitari non potest, ubinam scriptum significetur privilegium. Sed more eorum qui mendacia machinantur, à vero incept, ut sequentibus, quæ falsa sunt, conciliet fidem. Ut Sinon apud Virgilium, Cuncta equidem tibi, rex, fuerint quæcunq; fatebor Vera (inquit) nec me Argolicâ de gente negabo. Hoc primum, deinde falsa subjecit. Ita hoc loco noster Sinon facit: qui quum à vero inceptisset, adjecit,

‘In eo privilegio ita inter cætera legitur: Utile iudicavimus unâ cum omnibus satrapis nostris & universo senatu, optimatibus etiam & cuncto populo, Imperio Romanæ Ecclesiæ subjacenti: ut sicut beatus Petrus in terris vicarius dei videtur esse constitutus, ita & Pontifices ipsius principis Apostolorum vicem, principatus potestatem, amplius quàm terrenæ imperialis nostræ serenitatis mansuetudo habere videretur, concessam à nobis nostroque Imperio obtineant.

O scelerate atque malefice, eadem, quam affers in testimonium, refert historia, longo tempore neminem senatorii ordinis voluisse accipere religionem Christianam, & Constantinum pauperes sollicitasse pretio ad baptismum. Et tu ais, intra primos statim dies, senatum, optimates, satrapas, quasi iam Christianos, de honestandâ ecclesiâ Romanâ cum Cæsare decrevisse. Quid quod vis interfuisse satrapas? O cautes, ô stipes! Sic loquuntur Cæsares? Sic concipi solent decreta Romana? Quis, inquam, satrapas in consiliis Romanorum nominari audit? Non teneo memoriâ unquam legisse me ullum, non modò Romanum, sed ne in Romanorum quidem provinciis satrapam nominatum. At hic Imperatoris satrapas vocat, eosq; senatui præponit: quum omnes honores, etiam qui principi deferuntur, tantum à senatu decernantur, adjuncto [populoq; Romano.] Hinc est, quod in lapidibus vetustis, aut tabulis æreis, aut numismatis duas literas videmus S. C. id est, Senatus consulto: vel quatuor S. P. Q. R. hoc est Senatus populufq; Romanus. Et ut Tertullianus meminit, quum Pontius Pilatus de admirandis Christi actionibus ad Tiberium Cæsarem, non ad Senatum scripsisset (Siquidem magistratus ad senatum de magnis rebus scribere consueverant.) Senatus hanc rem indignè tulit, Tiberioq; prærogativam ferenti, ut Jesus pro Deo cole-retur, repugnavit, ob tacitam tantummodo indignationem offensæ senatoriæ dignitatis. Et ut scias quantum senatus valeat autoritas, ne pro Deo cole-retur, obrinuit. Quid, quod ais optimates? quos aut primarios in Rep. intelligimus viros, qui cur nominantur, quum de cæteris magistratibus silentium sit? aut eos qui populares non sunt, benevolentia populû acupates, sed optimi cuiusq; & bonarû partiû studiosi, ac defensores, ut Cicero quadâ oratione demonstrat. Ideoq; Cæsare ante oppressam Rempub. populare fuisse dicimus, Catonē ex optimatibus, quorû differētiâ Salustius explicavit. Neq; hi optimates magis quàm populares, aut cæteri boni viri, dicuntur in consilio adhiberi. Sed quid mirû si adhibentur optimates, ubi cunctus populus, si homini credimus, cû senatu & Cæsare iudicavit? Et is quidē Ro. ecclesiæ subjacēs? & quis iste populus Ro. ne? Ac cur non dicitur populus Ro. potius quàm populus subjacēs? Quæ nova ista cõtumelia est in Quirites, de quibus optimi poetæ elogiû est: Tu regere imperio populos Rom. memeto? Qui regit alios populos, ipse vocatur populus subjacēs? quod inauditû est. Nâ in hoc, ut in multis epistolis Gregorius testatur, differt Rom. Põtifex à cæteris, quod solus est princeps liberi populi. Cæterû ita sit, ut vis. Nõne & alii populi subjacent? An alios quoque significas? Quomodo fieri istud tridû poterat, ut omnes po-  
puli

puli subjacentes Romanæ ecclesiæ, illi decreto adessent? Tametsi non omnis sæx populi judicabat. Quid, antequam subiecisset Romano pontifici populum Constantinus, subiectum vocaret? Quid, quod hi qui subjacentes vocantur, faciēdo dicunt præfuisse decreto? Quid, quod hoc ipsū dicunt decrevisse, ut sint subjacentes, & ut ille cui subjacent, hos habeat subjacentes? Quid agis aliud, infelix, nisi ut iudices te voluntatē fallendi habere, facultatē non habere?

Eligentes nobis ipsum principem apostolorum, vel ejus vicarios, firmos apud deum esse patronos. Et sicut nostra est terrena imperialis potentia, ita ejus sacrosanctā Romanæ ecclesiæ decrevimus veneranter honorare, & amplius quā nostrum imperium terrenumque thronum, sedem sacratissimam beati Petri gloriose exaltare, tribuentes ei potestatem & gloriam & dignitatem, atque vigorem & honorificentiam imperialem.

Revivisce paulisper Firmiane Lactanti, resisteq; huic asino tam vastē immaniterque rudenti. Ita verborū turgentū strepitu delectatur, ut eadem repetat, & inculcet, quæ modō dixerat. Huncne in modum hoc ævo loquebantur Cæsariū scribæ, ne dicā agafones? Elegit sibi illos Constantinus, non patronos, sed esse patronos. Interposuit illud [esse] ut numerū redderet concinniorē. Honesta ratio, barbarē loqui, ut venustius currat oratio: si modō quid in tanta scabritiā venustū esse potest. [Eligens principē apostolorū, vel ejus vicarios] Non eligis Petrū & ejus deinceps vicarios, sed aut hunc, exclusis illis, aut illos, hoc excluso. Et pontifices Rom. appellat vicarios Petri, quasi vel vivat Petrus, vel minori dignitate sint ceteri quā Petrus fuit. Nonne & illud barbarū est [a nobis nostrōq; imperio?] quasi imperiū habeat animū concedendi & potestatem. Nec fuit contentus dicere [obtainant] nisi etiam diceret [concessam] quā satis alterum esset. Et illud [firmos patronos] per quā elegans est. Scilicet firmos vult, ne pecuniā corrumpantur, aut metu labantur. Et illud [terrena imperialis potentia] duo adjectiva sine copula: & illud [veneranter honorare] & illud [nostræ imperialis serenitatis mansuetudo] Lactantianam eloquentiam redolet, quā de potentia agatur imperii, serenitatē nominare & mansuetudinē, non amplitudinem & maiestatem. Quod etiam tumidā superbiā inflatum est, ut in illo quoq; gloriose exaltare per gloriā & potestatem & dignitatē & vigore & honorificentiā imperiale] quod ex Apoc. sumptū videtur, ubi dicitur: Dignus est agnus qui occisus est, accipere virtutē & dignitatē & sapientiā & fortitudinē & honorem & benedictionē. Frequenter, ut posterius liquebit, titulos Dei sibi arrogare fingitur Constantinus & imitari velle sermonem sacræ scripturæ, quem nunquam legerat.

Deridetur hic  
fictitæ dona-  
tionis author.

Atque decernēs sancimus, ut principatum teneat, tam super quatuor sedes, Alexandrinā, Antiochenam, Hierosolymitanā, Constantinopolitanam, quā etiā super omnes, in universo orbe terrarū, dei ecclesiās. Etiā pontifex qui per tēpora ipsius sacrosanctæ Ro. ecclesiæ extiterit, celsior & princeps cunctis sacerdotibus & totius mūdi existat: & ejus judicio, quæ ad cultum dei & fidē Christianorum vel stabilitatem procurandam fuerint, disponantur.

Omitto hic barbariem orationis, quod [princeps Sacerdotibus] pro sacerdotū dixit, & quod in eodem loco posuit [exiterit & existat] & quum dixerit [in universo orbe terrarū] iterum addit [totius mundi] quasi quiddam diversum, aut coelum, quæ mundi pars est, complecti velit: quum bona pars orbis terrarū sub Romā non esset: & quod fidem Christianorū, vel stabilitatē procurandā, tanquam non possint simul esse, distinxerit: & quod decernere & sancire miscuit, & veluti prius cum ceteris Constantinus non judicasset, decernere eum, & tanquam poenam proponat sancire, & quidem unā cum populo sancire facit. Quis hoc Christianus pati queat, & non papam, qui hoc patitur, ac libens audit & recitat, censoriē severeq; castiget, quod quum a Christiano primatum acceperit Romana sedes, & id Gratiano testante, multisq; Græcorum octava synodus declaravit, accepisse dicatur a Constantino, vix dum Christiano, tanquam a Christo? Hoc ille modestissimus princeps, hoc piissimus pontifex audire voluisset? Absit tam grave ab utroq; eorū nefas. Quid, quod multo est absurdius, capine rerū natura, ut quis de Constantinopoli loqueretur, tanquam unā patriarchalium sedium, quæ nondum esset, nec patriarchalis nec sedes nec urbs Christiana, nec sic nominata, nec condita, nec ad condendum destinata? Quippe privilegium concessum est triduo quam Constantinus esset effectus Christianus, quum Byzantium adhuc erat, non Constantinopolis. Mentiar, nisi hoc quoque confiteatur hic stolidus: Scribit enim prope calcem privilegii,

Unde congruum prospeximus, nostrum Imperium & Regiam potestatem, orientalibus transferri regionibus, & in Byzantiæ provinciæ optimo loco, nomini nostro civitatē adificari, & illic nostrum constitui imperium.

Sic ille aliō transferre volebat imperiū, nondū trāstulerat. Si ille volebat constituere imperiū, nondū constituerat. Sic si volebat adificare urbē, nodū adificarat. Non ergo fecisset mentionē de patriarchali, de unā quatuor sediū, de Christiana, de sic nominatā, de conditā: de qua cōdēda (ut historiæ placet, quā Palea in testimoniū affert) ne cogitaret quidē. A quā nō vides hæc bellua, sive is Palea sit, sive alius quē Palea sequitur, se dissonare. Ubi Cōstantinus, nō suā

iponte,

sponte, sed inter quietem, admonitu dei, non Romæ, sed Byzantii; non intra paucos dies, sed post aliquot annos, dicitur decrevisse de urbe condenda, nomenque, quod in fornibus edocui fuerat, indidisse. Quis ergo non videt, qui privilegium compoluit, eum diu post tempora Constantini fuisse? & quum vellet adornare mendacium, excidisse sibi quod ante dixisset, hæc gesta esse Romæ tertio die, quam ille fuisset baptizatus: ut in eum decentissimè cadat tritum vetustate proverbium, Mendaces memores esse oportere. Quid, quod Byzantium provinciam vocat, quod erat oppidum, nomine Byzantium, haudquaquam capax tantæ urbis condendæ? Namque muris complexa est Constantinopolis vetus Byzantium, & hic in ejus optimo loco ait urbem esse condendam. Quid, quod Thraciam, ubi positum erat Byzantium, vult esse in Oriente, quæ vergit ad Aquilonem? Opinor ignorabat Constantinus locum quem condendæ urbi delegerat, sub quo celo esset: urbsque, an provincia, quanta ejus mensura foret.

Ecclesiis beatorum Apostolorum Petri & Pauli, pro continuatione luminariorum, possessionum prædia contulimus, & rebus diversis eas ditavimus, & per nostram imperialem iussionem sacram, tam in Oriente, quam in Occidente, quam etiam à Septentrione & Meridionali plagâ, videlicet & in Judæâ, Græciâ, Asiâ, Thraciâ, Africâ & Italiâ, vel diversis insulis, nostrâ largitate. Et concessimus, eâ prorsus ratione, ut per manus beatissimi patris nostri Silvestri, summi pontificis, successorumque ejus omnia disponantur.

Miranda hic  
referuntur de  
templis.

O fuscifer! Ecclesiæ, id est, templa Romæ erant Petro & Paulo dicata? Quis eas extruxerat? quis ædificare ausus fuisset quum nusquam foret, ut historia ait, Christianis locus nisi secreta & latebræ? aut si qua templa Romæ fuissent, illis dicata Apostolis, non erant digna in quibus tanta luminaria accenderentur: ædiculæ sacræ, non aedes: facellæ, non templa: oratoria inter privatos parietes, non publica delubra: Non ergo an: cura gerenda erat de luminaribus templorum, quam de ipsis templis. Quid ais tu, qui facis Constantinum dicentem Petrum & Paulum beatos: Silvestrum verò, cum adhuc vivit, beatissimum: & suam, qui paulo ante fuisset Ethnicus, iussionem sacram? Tantæ conferenda sunt, pro continuandis luminaribus, ut totus orbis terrarum fatigetur? At quæ ista prædia sunt, præsertim possessionum? prædiorum possessiones dicere solemus, non possessionum prædia. Das prædia, nec quæ prædia explicas. Ditasti diversis rebus, nec quando, nec quibus rebus ostendis. Vis plagas orbis à Silvestro disponi, nec pandis quo genere disponendi. Concessisti hæc antea, cur te hodie incepisse significas honorare ecclesiam Romanam, & ei privilegium concedere? Hodie concedis? Hodie ditas? Cur dicis, concessimus, & ditavimus? Quid loqueris, aut quid sentis, bestia? Cam fabulæ machinatore mihi sermo est, non cum optimo principe Constantino. Sed quid in te ullam prudentiam, ullam doctrinam requiro, qui nullo ingenio, nulla literaturâ es præditus? Qui ais [luminariorum] pro [luminarium] & [orientalibus transferri regionibus] pro eo quod est [ad orientales transferri regiones]. Quid porro? Istæ sunt quatuor plagæ? quam orientalem nuncias? Thraciamne? An (ut dixi) vergit ad Septentrionem? an Judæam? At magis ad meridiem spectat, utpote vicina Ægypto. Quam item occidentalem? Italiane? At hæc in Italiâ gerebantur, quam nemo illic agens, Occidentalem vocat: quum Hispanias dicamus esse in occidente: & Italia hinc ad meridiem, illinc ad Arcton magis quam ad occidentem vergit. Quam septentrionalem? An Thraciam? At ipse ad orientem esse vis. An Asiam? At hæc sola totum possidet orientem, septentrionem vero communem cum Europâ. Quam meridionalem? Certe Africam. At cur non aliquam nominatim provinciam proferebas? Nisi fortè Æthiopes Romano imperio suberant. Et nihilominus non habent locum Asia & Africa: quum orbem terrarum in quatuor dividimus partes, & nominatim regiones singularum referimus. Sed cur in tres, Asiam, Africam, Europam: nisi Asiam pro Asiaticâ provinciâ, Africam pro eâ provinciâ, quæ prope Getulos est, appellas? Quæ non video, cur præcipuè nominentur. Sicce locus esset Constantinus, quum quatuor orbis plagas exequitur, ut has regiones nominaret, cæteras non nominaret? & à Judæâ inciperet, quæ pars Syriæ numeratur, & quæ amplius Judæa non erat, eversa Hierosolymâ, fugatis, ac prope extinctis Judæis? ita ut credam vix aliquem in suâ patriâ tunc permansisse, sed alias habitasse nationes. Ubi tandem erat Judæa, quæ nec Judæa amplius vocabatur, ut hodie videmus illud terræ nomen extinctum? Et sicut exterminatis Cananæis, Cananæa regio desit appellari, commutato nomine in Judæam à novis incolis: ita exterminatis Judæis, & convenis Gentibus eam incolentibus desierat Judæa nominari. Nuncupas Judæam, Thraciam insulas: Hispanias verò, Gallias, Germanos non putas nuncupandos: & cum de aliis linguis loquaris, Hebræâ, Græcâ, Barbarâ, de ullâ provinciarum latino sermone utentium, non loqueris. Video: has igitur omisisti, ut postea in donatione complectereris. Et quid? non tanti erant tot provinciæ occidentis, ut continuandis luminaribus suppeditarent sumptus, nisi reliquus orbis adjuvaret? Transeo, quod

quod hæc concedi ais per largitatem: non ergo, ut isti aiunt, ob lepræ curationem. Alioquin insolens sit, quisquis remunerationem loco munerum ponit.

Beato Silvestro ejusq; vicario, de præsentī tradimus palatium imperii nostri Lateranense, deinde diadema, videlicet coronam capitis nostri, simulq; phrygium, necnon superhumerales; videlicet lorū, quod imperiale circumdare solet collum: verum etiam chlamydem purpuream, atq; tunicam coccineam, & omnia imperialia indumenta, seu etiam dignitatem imperialium præfidentium equitum: conferentes ei etiam Imperialia sceptrā, simulq; cuncta signa, atq; banna, & diversa ornamenta imperialia, & omnem processionem imperialis culminis, & gloriam potestatis nostræ. Viris etiam diversi ordinis reverendissimis clericis, sanctæ Rom. ecclesiæ servientibus, illud culmen singularis potentie & præcellentie habere sancimus, cuius amplissimus noster senatus videtur gloria adornari, id est, patricios, consules effici. Necnon in cæteris dignitatibus imperialibus eos promulgavimus decorari. Et sicut imperialis extat decorata militia, ita clerum sanctæ Rom. ecclesiæ adornari decrevimus. Et quemadmodum Imperialis potentia diversis officiis, cubiculariorum nempe, & ostiariorum, atq; omnium concubitorum adornatur, ita & sanctam Rom. ecclesiā decorari volumus. Et ut amplissimè pontificale decus præfulgeat, decernimus, & ut clerici sancti ejusdem sanctæ Rom. ecclesiæ mappulis & linteaminibus. i. candidissimo colore decoratos equos equestris: & sicut noster senatus calceamentis utitur cum udonibus. i. candido linteamine illustrentur: & sicut cœlestia, ita terrestria ad laudem Dei decorentur.

O sancte Jesu, ad hunc sententias volentem sermonibus imperitis, non respondebis de turbine? non tonabis? non in tantam blasphemiam ulticia fulmina jaculabere? tantumne probum in tua familia fustines? Hoc audire, hoc videre, hoc tamdiu conventibus oculis præterire potes? Sed patiens es, & multæ misericordia. Vereor tamen, ne patientia hæc tua sit potius ira & condemnatio, qualis in illos fuit, de quibus dixisti: Et dimisi eos secundum desiderium cordis eorum, ibunt in adinventionibus suis. Et alibi: Tradidi eos in reprobū sensum, ut faciant quæ non conveniunt: quia non probaverunt se habere noticiam mei. Jube me, quæso, domine, ut exclamem adversus eos, & forte convertentur. O Romani pont. exemplum facinorum omnium cæteris pontificibus! o improbißimi scribæ & pharisæi! qui sedetis super cathedram Moysi, & opera Dathan & Abyron facitis. Itane vestimenta apparatus, pompa equitatus, omnis deniq; vita Cæsaris vicarium Christi decebit? Quæ communicatio sacerdotis ad Cæsarem? Itane Silvester vestimenta sibi induit? Eo apparatu incescit? Ea celebritate ministrantium domi vixit atq; regnavit? Sceleratissimi homines non intelligunt Silvestro magis vestes Aaron, qui summus Dei sacerdos fuerat, quàm gentilis principis fuisse sumendas. Sed hæc aliàs erunt exagitanda vehementius. Impresensitum autem de barbarissimo cum hoc sycophantâ loquamur: cuius ex stultiloquio impudentissimum ejus patescit suâ sponte mendacium. [Tradimus, inquit, palatium imperii nostri Lateranense.] quasi malè hoc loco inter ornamenta domum palatii posuisset, iterum postea ubi de donis agitur, replicavit. [Deinde diadema] & quasi illi non videant, qui adfunt, interpretatur [videlicet coronam.] Verum hic non addidit, ex auro, sed posterius eadem inculcans inquit [ex auro purissimo & gemmis pretiosis] ignoravit homo imperitis diadema è panno esse, aut fortè è serico. Unde sapiens illud regis dictum celebrari solet: quem ferunt traditum sibi diadema, priusquam capiti imponeret, retentum diu considerasse, ac dixisse: O nobilem magis quàm felicem pannum! quem si quis penitus agnosceret, quàm multis sollicitudinibus periculisque & miseriis suis refertus, ne humi quidem jacentem vellet tollere. Ille non putat illud nisi ex auro esse, cui circulus aureus nunc cum gemmis apponi à regibus solet. Verùm non erat Rex Constantinus, nec regem appellare, nec regio se ritu ornare fuisset ausus. Imperator Rom. erat, non Rex. Ubi Rex est, ibi resp. non est. At in rep. multi fuerunt etiam uno tempore Imperatores. Nam Cicero frequenter ita scribit: M. Cicero Imperator illi vel illi Imperatori salutem. Licet postea peculiari nomine Romanus princeps, ut summus omnium, Imperator appellaretur. [Simulque phrygium, necnon superhumerales, videlicet lorū, quod imperiale circumdare solet collum] Quis unquam phrygium latine dici audivit? Tu mihi, dum barbære loqueris, videri vis Constantini aut Lactantii esse sermonem? Plautus in Menæchmeis, Phrygionem pro connatore vestium posuit. Plinius Phrygiones appellat vestes acupictas, quod earum Phryges fuerunt inventores. Phrygium vero quid significet, hoc non exponis, quod obscurum: exponis quod est clarius. Superhumerales ais esse lorū, nec quid fit lorū tenes. Non enim cingulum ex corio factum, quod dicitur lorū, sentis circumdari pro ornamento Cæsaris collo. Hinc est quod habenas & verbera vocamus lora. Quod si quando dicantur lora aurea, non nisi de habenis, quæ auratæ collo equi aut alterius pecudis circumdari assolent, intelligi potest: quæ te res, ut mea fert opinio, sefellit: & quum lorū circumdare collo Cæsaris atque Silvestri vis, de homine, de Imperatore, de summo pont. equum

Exemplum facinorum.

Phrygium.

aut asinum, aut canem facis. [ Verùm & chlamydem purpuream, atq; tunicam coccineam. ] Quia Matthæus ait chlamydem coccineam, & Johannes vestem purpuream, utrumq; voluit hic eodem loco conjungere. Quòd si idem color est, ut Evangelistæ significant, quid tu non fuisti contentus alterum nominasse, ut illi contenti fuerunt? Nisi accipis purpuram, ut nunc imperiti loquuntur, genus panni serici colore albo. Est autem purpura piscis, cujus sanguine lana tingitur. Ideoq; à tincturâ datum est nomen panno, cujus color pro rubro accipi potest, licet sit magis nigricans, & proximus colori sanguinis concreti, & quasi violaceus. Inde ab Homero atq; Virgilio purpureus dicitur sanguis, & marmor porphyricum, cujus color est simillimus amethysto: Græci enim purpuram porphyram vocant. Coccineum pro rubro accipi fortè non ignoras: sed cur faciat coccineum, quomodo nos dicamus cocco, & chlamys, quod genus sit vestimenti, jurarem te planè nescire. Atq; ut ne se, longius persequendo singulas vestes, mendacem proderet, uno semel verbo complexus est, dicens [ omnia imperialia indumenta. ] Quid? Etiamne illa, quibus in bello, quibus in venatione, quibus in ludis, quibus in conviviiis amiciri solet? Quid stultius quàm dicere omnia Cæsaris indumenta convenire Pontifici? Sed quàm lepide addit [ Seu etiam dignitatem imperialium præfidentium equitum. ] Seu, inquit, distinguere duo hæc invicem voluit, quasi multum inter se habeant similitudinis: & de imperatorio habitu ad equestrem dignitatem dilabitur, nescio quid loquens. Mira quædam effari vult, sed deprehendi in mendacio timet, eoq; inflatis buccis & turgido gutture, dat sine mente sonum. [ Conferentes ei etiam imperialia sceptrâ. ] Quæ structura orationis? qui nitor? qui ordo? Quænam sunt sceptrâ ista imperialia? unum est sceptrum, non plura: Si modò sceptrum gerebat Imperator. Num & pontifex sceptrum manu gestabit? Cur non ei dabimus & ensen, & galeam, & jaculum? [ Simulq; cuncta signa atq; banna. ] Quid tu signa accipis? Signa sunt aut statua (unde frequenter legimus, signa ac tabulas, pro sculpturis & picturis: Prisci enim non in parietibus pingebant, sed in tabulis) aut vexilla, unde illud: Signa pares aquilas. A priore significato, sigilla dicuntur parvæ statuæ arque sculpturæ. Num ergo statuas, aut aquilas tuas Silvestro dabat Constantinus? Quid hoc absurdus? At banna quid sibi velit non invenio. Deus te perdat, improbissime mortalium, qui sermonem barbarum attribuis seculo erudito. [ Et diversa ornamenta Imperialia. ] Quia dixit banna, satis putavit significatum esse, & ideo cætera sub verbum universale conclusit. Et quàm frequenter inculcat Imperialia, quasi propria quædam sint ornamenta Imperatoris magis quàm consulis, quàm dictatoris, quàm Cæsaris. [ Et omnem processionem Imperialis culminis, & gloriam potestatis nostræ. ] Projicit ampullas & selquipedalia verba. Rex regum Darius, consanguineusque deorum, nunquam nisi plurali numero loqueris. Quæ est ista processio, Imperialis cucumeris, per herbam torti, & crescentis in ventrem? Triumphasse existimas Cæsarem quoties domo prodibat, ut nunc solet Papa, præcedentibus albis equis, quos stratos ornatosque famuli dextrant? quo, ut taceam alias ineptias, nihil est vanius, nihilque à pontifice Romano alienius. Quæ etiam ista gloria est? Gloriamne, ut Hebrææ linguæ mos est, pompam & apparatus illum splendorem homo latinus appellasset? Ut illud quoq; militiam pro milites, quod ab Hebræis sumus mutuati, quorum libros Constantinus, aut ipsius scribæ nunquam aspexerant. Verùm quanta est munificentia tua, Imperator, qui non satis habes ornasse summum pontificem, nisi ornēs & omnem clerum? culmen singularis potentiae & præcellentiæ ais effici patritios, consules. Quis dividit Senatores, aliove homines effici patritios? consules efficiuntur, non patritij: ex domo vel patritia, quæ eadem senatoria dicitur, siquidem Senatores patres conscripti sunt, vel ex equestri, vel ex plebeia, plusque est Senatorem quàm patritium esse. Nam Senator est unus è delectis consiliariis reipublicæ: patritius vero qui è domo senatoria ortum ducit. Ita qui Senator, aut ex patribus conscriptis, non protinus & patritius est. Ridiculusq; Romani mei hoc tempore faciunt, qui prætorem suum Senatorem vocant, quomodo neque Senatus ex uno homine constare possit, necesseque sit Senatorem habere collegas: & is, qui Senator nunc dicitur, fungatur officio prætoris. Et dignitas patritiatus in multis libris invenitur, inquires: Audio, sed in his, qui de temporibus post Constantinum loquuntur; ergo post Constantinum privilegium confectum est. Sed nunquid clerici fieri consules possunt? Conjugio sibi interdixere Latini clerici, & consules fient? Habitoque delectu militum, cum legionibus & auxiliis in provinciis, quas fuerint fortiti, se conferent? Ministri & servi consules fient, aut militaria ornamenta gestabunt, nec bini, ut solebant, sed centeni & milleni ministri, qui Rom. ecclesiæ servient, dignitate afficiuntur Imperatoria? Et ego stolidus mirabar, quòd Papa effici diceretur. Ministri Imperatores erunt, clerici verò milites. Militæne clerici fient, aut militaria ornamenta gestabunt? nisi Imperialia ornamenta universis clericis impertis. Nam nescio quid dicas. Et quis non videt hanc fabulam ab his excogitatam esse, qui sibi omnem vestiendi licentiam esse voluerunt? Ut exi timeam siqua inter dæmones, qui aerem incolunt, ludorum genera exercentur, eos exprinendo? clerico-  
rum



corum cultu, fastu, luxu, exerceri, & hoc scœnici lussu genere maxime delectari. Utrum magis insequar? sententiarum an verborum stoliditatem? Sententiarum auditis. Verborum hæc est, ut dicat Senatum videri adornari, quasi non utique adornetur: & quidem adornari gloriâ: & quod sit, factum esse velit, ut promulgavimus, pro promulgamus. Illo enim modo sonat jucundius oratio, & eandem per præfens & per præteritum enuntiat: Velut decernimus, & decrevimus. Et omnia sint referta his vocibus: Decernimus, decoramus, imperialis, imperatoria, potentia, gloria. Et [extrat] pro [est] posuerit, quum [extare] itit supereminere, vel superesse: & [nempe] pro [scilicet] & [concubitores] pro [contubernales]. Concubitores sunt qui concumbunt, & coeunt: nimirum scorta intelligenda sunt. Addit cum quibus dormiat, ne timeat, opinor, nocturna phantasmata: addit cubicularios, addit ostiarios. Non otiosum est, quare hæc ab eo minuta referuntur: pupillu instituit, aut adolescentem filium, non senem: cui omnia quibus necesse habet tenera ætas, ipse velut amantissimus pater præparat, ut David Salomoni fecit. Atque ut per omnes numeros fabula impleatur, dantur clericis equi, ne asinario illo Christi more super asellos sedeant: & dantur non operi, sive intrati operimentis coloris albi, sed decorati colore albo. At quibus operimentis? non stragulis, non Babyloniciis, aut quo alio genere, sed mappulis & linreaminibus. Mappæ ad mensam pertinent, linreamina ad lectulos. Et quasi dubium sit, cujus sint hæc coloris, interpretantur, i. candidissimo colore. Dignus Constantino sermo, digna Lactantio facundia: quum in cæteris tum vero in illo [equos equeant.] Et quum de vestitu Senatorum nihil dixerit, non de laticlavo, non de purpura, non de cæteris: de calceamentis sibi loquendum putavit. Nec lunulas appellavit, sed udones, sive cum udonibus: quos, ut solet homo ineptus, exponit. i. candido linreamine, quasi udones linreamen sint. Non occurrit in præsentiarum ubi repererim udones, nisi apud Martialem Valerium; cujus distinctio, quod inscribitur udones cilicini, hoc est: Non hos lana dedit, sed olentis barba mariti, Cyniphio poterit planta latere sinu. Ergo non linei utiq; nec candidi sunt udones, quibus hic bipes asellus non calcari pedes Senatorum ait, sed Senatores illustrari. Atq; per hoc [sicut cœlestia, ita terrestria ad laudem Dei decorantur.] Quæ tu cœlestia vocas? Quæ terrena? Quomodo cœlestia decorantur? Quæ autem Deo laus ista sit, tu videris. Ego, si qua fides mihi est, nihil puto, nec Deo nec cæteris hominibus magis esse invitum, quam tantam clericorum in rebus secularibus licentiam. Verum quid ego in singula impetum facio? dies me deficiet, si universa, non dico amplificare, sed attingere velim.

Præ omnibus autem licentiam tribuimus beato Silvestro & successoribus ejus, ex nostro indictu, ut quem placatus proprio consilio clericare voluerit & in religioso numero religionis clericorum connumerare, nullus ex omnibus præsumat superbè agere.

Quis est hic Melchisedec, qui patriarcham Abraham benedixit? Constantinusne vix Christianus, facultatem ei, à quo baptizatus est, & quem beatum appellat, tribuit clericandi? Quasi prius nec fecisset hoc Silvester, nec facere potuisset. Et quâ comminatione vetuit, ne quis impedimento esset? [Nullus ex omnibus præsumat superbè agere.] Quæ etiam elegantia [Connumerare in numero religionis] [clericare] [clericorum] & [indictu] & placatus? Atque iterum ad diadema revertitur.

Decrevimus itaque & hoc, ut ipse & successores ejus diademate, videlicet coronâ, quam ex capite nostro illi concesserimus, ex auro purissimo & gemmis pretiosis, uti debeant, pro honore beati Petri.

Iterum interpretatur diadema. Cum barbaris enim & obliviosis loquebatur: & adiecit [de auro purissimo] ne fortè aliquid aris, aut scoriæ crederes admixtum. Et gemmas cum dixit, addit pretiosas: eodem timore, ne viles forsitan suspicareris. Cur tamen non pretiosissimas, quemadmodum aurum purissimum? Plus namq; interest inter gemmam & gemmâ, quam inter aurum & aurum. Et cum dicere debuisset distinctum gemmis, dixit [ex gemmis.] Quis non videt ex eo loco sumptum, quem princeps gentilis non legerat, Posuisti in capite ejus coronam de lapide pretioso? Sic locutus est Cæsar vanitatem quâdam coronæ suæ jactandæ, si modo Cæsares coronabantur, in seipsum contumeliosus, qui vereretur, ne opinarentur homines, eum non gestare coronam ex auro purissimo, cum gemmis pretiosis, nisi indicasset? Accipe causam, cur sic loquatur, [pro honore beati Petri] quasi Christus non sit summus angularis lapis, in quo templi ecclesiæ constructu est, sed Petrus: quod iteru postea facit. Quem si tantopere venerari volebat, cur non templum Episcopale illi potius, quam Johanni Bapt. Romæ dicavit? Quid illa loquendi barbaries? nonne restatur non seculo Constantini, sed posteritatis cantilenam hanc esse confictam? [Decrevimus quod uti debeant] pro eo quod est, decrevimus ut utantur. Sic nunc barbari homines vulgò loquuntur, & scribunt, iussi quod deberes venire, pro eo quod est, iussi ut venires: Et decrevimus, & concessimus, quali non tunc fiant illa, sed alio quodam tempore facta sint.

Ipse verò beatus Papa super coronam clericatus, quam gerit ad gloriam beatissimi Pe-

‘tri, ipsa ex auro non est passus uti corona.

O tuam singularē stultitiā Constantine! modò dicebas coronam super caput Papæ ad honorem facere beati Petri; nunc ais non facere, quia Silvester illam recusat, & quum factum recusantis probes, tamen iubes eum aureā uti coronā. Et quod hic non debere se agere existimant, id tu ipsius successores dicis agere debere. Transeo, quod rasuram, coronam vocas, & Papam pontificem Romanum, qui nondum peculiariter sic appellari erat cœptus.

‘Phrygium vero candidissimo nitore splendidum, domini resurrectionē designantes, ejus ‘sacratissimo vertici manibus nostris imposuimus, & tenentes frangum equi, pro reverentia ‘beati Petri Apostoli, dextratoris officium illi exhibuimus, statuentes eodem phrygio omnes ‘ejus successores singulariter uti in processionibus, ad imperii nostri imitationem.

Nonne videtur hic author fabulæ, non per imprudentiam, sed consulrō & deditā operā pravaricari, & undiq; anfas ad se reprehendendum præbere? In eodē loco ait, phrygio & dominicam resurrectionem representari, & imperii Cæsarii esse imitationem, quæ duo inter se maxime discrepant. Deum testor, non invenio quibus verbis, quā verborum atrocitate confodiam hunc perditissimum nebulonem. Ita omnia verba plena infantiæ evomit. Constantinum non tantum officio similem Moyfi, qui summum sacerdotem jussu Dei ornavit, sed secreta mytheria facit exponentem, quod difficillimum est his, qui diu in sacris literis sunt versati. Cur non fecisti etiam Constantinum pontificem maximum, ut multi Imperatores fuerunt, ut commodius ipsius ornamenta in alterum summum pontificem transferrentur? Sed nescisti historias. Ago itaq; Deo etiam hoc nomine gratias, quod istam nefandissimam mentem, non nisi in stultissimum hominem cadere permisit. Quod etiam posteriora declarant. Namq; Aaron sedenti in equo, Moysen inducit dextratoris exhibuisse officium, & non hoc per medium Israel, sed per Chananæos atq; Ægyptios, id est, per infidelem civitatem, ubi non tam imperium erat orbis terrarum quā dæmonum, & dæmones colentium populorum.

‘Unde ut pontificalis apex non vilescat, sed magis quā imperii terreni dignitas, gloria ‘& potentia decoretur, ecce tam palatium nostrum, quā Romanam urbem & omnes ‘Italix sive occidentalium regionum provincias, loca, civitates, beatissimo pontifici & ‘universali Papæ Silvestro tradimus atque relinquimus: & ab eo & successoribus ejus ‘per pragmaticum constitutum decrevimus disponendas, atque juri sanctæ Rom. ecclesiæ ‘permanendas.

De hoc in oratione Romanorum & Silvestri multa differuimus. Hujus loci est, ut dicamus neminem fuisse facturum, ut nationes uno cunctas verbo donationis involveret, & qui minutissima quæq; superius est executus, lorum, calceos, linteamina, equorum ornamenta, non referret nominatim provincias, quarum singulæ non singulos reges nunc aut principes regibus pares habent. Sed ignoravit videlicet hic falsator, quæ provinciæ sub Constan. erant, quæ non erant. Nam certè cunctæ sub eo non erant. Alexandro extincto, videmus singulas regiones in ducum partitione numeratas. A Xenophonte terras, principesq; nominatos, qui vel ultro, vel armis sub imperio Cyri fuerunt. Ab Homero Græcorum Barbarorumq; regum nomen, genus, patriam, mores, vires, pulchritudinem, numerum navium, & prope numerum militum, catalogo comprehensum. Cujus exemplum quum multi Græci, tum vero nostri Latini, Ennius, Virgilius, Lucanus, Statius, alique nonnulli imitati sunt. A Josue & Moysē in divisione terræ promissionis, viculos quoque universos fuisse descriptos. Et tu gravaris etiam provincias recensere? Occidentales tantum provincias nominas. Qui sunt fines occidentis? ubi incipiunt? ubi desinunt? Num ita certi constitutique sunt termini occidentis, & orientis, meridiæque & septentrionis, ut sunt Asia, Africa, Europa? Necessaria verba subtrahis, ingeris supervacua. Dicis provincias, loca, civitates: Nonne & provinciæ & urbes loca sunt? & quum dixeris provincias, subjungis civitates, quasi hæ sub illis non intelligantur. Sed non est mirum, qui tantam orbis terrarum partem à se alienar, eundem urbium provinciarumq; nomina præterire, & quasi lethargo oppressum, quid loquatur, ignorare. [ Italix sive occidentalium regionum ] Tanquā aut hoc aut illud, quum tamen utramq; intelligat, appellans [ provincias regionum ] quum sint potius regiones provinciarum, & [ permanendas ] dicens pro [ permanfuras. ]

‘Unde congruum proximum, nostrum imperium & regiam potestatem orientalibus ‘transferri regionibus, & in Byzantiæ provinciæ optimo loco, nomini nostro civitatem ‘ædificari, & illic nostrum constitui imperium.

Taceo quod dixit civitates ædificari, cum urbes ædificentur, non civitates, & Byzantium provinciam. Si tu es Constantinus, redde causam, cur illum potissimum locum condendæ urbis delegeris? Quod enim te aliò transferas post Romam traditam, non tam congruum quā necessarium est: Nec te appelles Imperatorem, qui Romam amissit, & de nomine Romano, quod discerpis, pessimè meritis es: Nec regem, quod nemo ante te fecit, nisi ideo te regem appelles, quia Romanus esse desiisti. Sed affers causam sanè honestam.

Quo-

‘Quoniam ubi princeps sacerdotum & Christianæ religionis caput constitutum est ab Imperatore cœlesti, iustum non est, ut illic Imperator terrenus habeat potestatem.

O stultum David, stultum Salomonem, stultum Hezekiam Josiamque, & cæteros reges stultos ac parum religiosos, qui in urbe Hierusalem cum summis sacerdotibus habitare sustinuerunt, nec totâ illis urbe cesserunt. Plus sapit Constantinus triduo, quàm illi totâ vitâ sapere potuerunt. Et Imperatorem cœlestem appellas, quia terrenum accepit imperium; nisi Deum intelligis: nam ambigüe loqueris: à quo terrenum principatum sacerdotum, super urbe Romana cæterisque locis constitutum esse mentiris.

‘Hæc verò omnia, quæ per hanc imperialem sacram scripturam, & per alia divalia decreta statuimus & firmavimus, usque in finem mundi illibata & inconcussa permanere decrevimus.

Modò terrenum te vocaveras, Constantine, nunc divum sacramque vocas: ad gentilitatem recidis & plus quàm gentilitatem. Deum te facis, & verba tua sacra, & decreta immortalia: nam mundo imperas, ut tua iussa conservet illibata & inconcussa. Non cogitas quis tu es. Modò è fordissimò impietatis coeno lotus, & vix perlotus. Cur non addebas, iota unum, aut apex unus de privilegio hoc non peribit, ut non magis pereat cœlum & terra. Regnum Saul a Deo electi ad filios non pervenit: regnum David in nepotè discerpum est, & postea extinctum. Et tu ad finem usque mundi regnum, quod tu summo Deo tradis, permanensurum tuâ autoritate decernis. Quis etiam te tam citò docuit mundum esse peritum? Nam poetis, qui hoc etiam testantur, non puto te hoc tempore fidem habere. Ergo hoc tu non dixisses, sed alius tibi affinxit. Cæterum qui tam magnificè superbèque loquutus est, timere incipit sibi que diffidere, & eoque obstinationibus agit.

‘Unde coram Deo vivo, qui nos regnare præcepit, & coram terribili ejus judicio obtestatur omnes nostros successores Imperatores, & cunctos optimates, satrapas etiam amplissimi, & universum populum in universo orbe terrarum, necnò & in posterum, nulli eorum quoquo modo licere, hoc aut infringere vel in quoquam convelli:

‘Quam æqua, quam religiosa adjuratio! Nò secus, ac si lupus per innocentia & fidè obtestatur cæteros lupos atque pastores, ne oves quas sustulit, interque filios & amicos partitus est, aut illi adimere, aut hi repetere tentent. Quid tantopere extimescis, Constantine? Si opus tuum ex Deo non est, dissolvetur; Sin ex Deo, dissolvi non poterit. Sed video, voluisti imitari Apocalypsim, ubi dicitur, Contestor autem audienti omnia verba prophetiæ libri hujus, si Apocalypsi, quis apposuerit ad hæc, apponet Deus super illum plagas scriptas in libro isto. Et si quis diminuerit de verbis libri prophetiæ hujus, auferet Deus partem ejus de libro vitæ, & de civitate sanctâ. At tu nunquam legeras Apocalypsim, ergo non sunt hæc verba tua.

‘Si quis autem, quod non credimus, in hoc temerator extiterit, æternis condemnationibus subiaceat condemnatus: & sanctos Dei apostolos Petrum & Paulum sibi in præsentem & in futurâ vitâ sentiat contrarios. Atque in inferno inferiori scilicet concremandus, cum diabolo & omnibus deficiat impiis.

‘Hic terror, atque hæc comminatio non Cæsaris aut secularis principis solet esse, sed priscorum sacerdotum ac flaminum & nunc ecclesiasticorum. Itaque non est Constantini oratio hæc, sed alicujus clericali stolidi, nec quid dicat, aut quomodo dicat scientis, faginati & crassi, ac inter crapulâ, interque fervorè vini, has sententias & hæc verba ructantis. Quæ non in alium transeunt, sed in ipsum convertuntur authorem. Primum ait [æternis condemnationibus subiaceat] Deinde, quasi plus addi queat, alia addere vult: & post æternitatem poenarum, adjungit poenas vitæ præsentis: & cum Dei condemnatione nos terreat, adhuc quasi majus quiddâ sit, terret nos odio Petri: Cui Pauli cur adjungat, aut cur solum, nescio. Iterum solito lethargo ad poenas æternas redit, veluti nò hoc ante dixisset. Quòd si minæ hæc execrationesque Constantini forent, invicem execraret, ut tyrannum & profligatorem reipub. meæ, & illi me Romano ingenio minarer ultorem. Nunc quis existimat execrationem avarissimi hominis, & ritu hystrionum verba simulantis, ac sub personâ Constantini alios deterrentis? hoc est propriè hypocritam esse, si græcam vocem exquirimus, sub alienâ persona abscondere tuam.

‘Hujus vero imperialis decreti paginam propriis manibus roborantes, super venerandum corpus beati Petri posuimus.

Chartane, an membrana fuit pagina, in qua scripta sunt hæc? Tamen si paginam vocamus alteram faciem (ut dicunt) folii: veluti quinternio habet folia dena, paginas vicens. O rem inauditam & incredibilem! cum essem adolescentulus, interrogasse me quendam memini, quis librum Job scripsisset? cumque ille respondisset, ipse Job: tunc me subiunxisse, quo pacto igitur de suâ ipsius morte faceret mentionem? Quod de multis aliis libris dici potest, quorum ratio huic loco non convenit. Nam quomodo verè narrare potes id, quod nondum esset administratû: & in tabulis contineri id quod post tabularum (ut sic dicam) sepulturâ factû esse ipse fateatur? Hoc nihil aliud est, quàm paginam privilegii ante fuisse mortuam & sepultam, quàm natam: Nec tamen unquam à morte atque sepulturâ reversam, præsertim antequam

conscripta esset, reboratam: nec id unâ tantum, sed utraq; Cæsaris manu. Et quid istud est, roborare illam? chirographone Cæsaris, an annulo signatorio? Magnum nimirum robur majusq; multo, quàm si tabulis æreis mandavisset. Sed non est opus scriptura æræ, cum supra corpus beati Petri charta reponatur. Cur hic Paulum retices, qui simul jacet cum Petro, & magis custodire possent ambo, quàm si afforet tantummodo corpus unius? Videtis artes malitiamque nequissimi Sinonis. Quia donatio Constantini doceri non potest, ideo non in tabulis æreis, sed charteis privilegium esse: ideo latere illud cum corpore sanctissimi apostoli dixit. Ne aut auderemus è venerabili sepulchro inquirere: aut si inquireremus, carie absumptum putaremus. Sed ubi tunc erat corpus beati Petri? Certè nondum in templo, ubi nunc est: non in loco sanè munito ac tuto. Ergo non illic Cæsar paginam collocasset. An beatissimo Silvestro paginam non credebatur, ut parum sancto, parum cauto, parum diligenti? O Petre, o Silvester, o sanctæ Romanæ ecclesiæ pontifices, quibus oves domini commissæ sunt, cur vobis commissam paginam non custodistis? Cur a tineis illam rodi, aut cur situ tabescere passi estis? Opinor, quia corpora quoque vestra contabuerunt. Scultè igitur fecit Constantinus. En redacta in pulverem paginâ, jus simul privilegii in pulverem abiit. Atqui, ut videmus, paginæ exemplar ostenditur. Quis ergo illam de sinu sanctissimi apostoli temerarius accepit? Nimirum aliquis antiquorum scriptorum debet afferri, nec posterior Constantini temporibus. At is nullus affertur, sed fortè aliquis recens. Unde hic habuit? Quisquis enim de superiori ætate historiam texit, aut Spiritu Sancto dictante loquitur, aut veterum scriptorum, & eorum quidem, qui de suâ ætate scripserunt, sequitur auctoritatem. Quare quicunque veteres non sequitur, is de illorum numero erit, quibus ipsa vetustas præbet audaciam mentiendi. Quod si quo in loco ista res legitur, non aliter cum antiquitate consentit, quàm illa glossatoris Accursii, de legatis Rom. ad leges accipiendas dimissis in Græciam, plusquam stulta narratio cum Tito Livio, aliisque præstantissimis scriptoribus convenit.

Datum Romæ tertio Calend. Aprilis, Constantino Augusto quarto consule, & Gallicano quarto consule.

Diem posuit penultimâ Martii: ut sentiremus hoc factum esse, sub tempus sanctorum dierum, qui illo plerumq; tempore solent esse. Et Constantino quartum consule, & Gallicano quartum consule. Mirum si uterq; ter fuerat consul, & in quarto consulatu forent collegæ. Sed mirandum magis, Augustum leprosum elephantia, qui morbus inter cæteros, ut elephas inter belluas, eminet, velle etiam accipere consulatû, cum Rex Azarias simulac leprâ tactus est, in privato se contineret, procuratore regni ad Jonatham filium relegat, ut fere omnes leprosi fecerant. Quo uno argumento totum prorsus privilegium consuetur, profligatur, evertitur. Ac ne quis ambigat, ante leprosum esse debuisse, quàm consulem, sciat & ex medicina, paulatim hunc morbum succedere: & ex notitia antiquitatis, consulatum iniri Januario mense, magistratumq; esse annum, & hæc Martio proximo gesta referuntur. Ubi neq; silebo, in epistolis scribi solere [datum] non autem in cæteris, nisi apud indoctos. Dicuntur enim epistolæ dari, vel illi, vel ad illum. Illi quidem, qui perferat, ut puta, tabellario, ut reddat & in manum porrigat homini cui mittuntur. Privilegium autem, ut aiunt, Constantini, quod reddi alicui non debebat, nec dari debuit dici: ut appareat eum, qui sic loquutus est, mentitum esse, nec scisse fingere, quod Constantinum dixisse ac fecisse verisimile esset. Cujus stultitiæ atq; vesaniæ affines se ac socios faciunt, quicunque hunc vera dixisse existimant atq; defendunt. Licet nihil jam habeant quo opinionem suam, non dico defendere, sed honeste excusare possint. An honesta erroris excusatio est, cum patefacta n videas veritatem, nolle illi acquiescere, quia nonnulli mali homines aliter senserunt? Magni, inquam, dignitate, non sapientiâ nec virtute. Unde tamen scis, an illi, quos tu sequeris, si eadem audissent, quæ tu, mansuri in sententiâ fuerint, an à sententiâ recessuri? & nihilominus indignissimum est, plus homini velle tribuere quàm veritati, id est, Deo. Ita enim quidam, omnibus defectu rationibus, solent respondere: cur tot summi pontifices donationem hanc veram esse crediderunt? Testificor vos, me vocatis quò nolo, & invitum me maledicere summis pontificibus cogitis: quos magis in delictis suis opere vellem.

Sed pergamus ingenue loqui, quandoquidem aliter agi nequit hæc causa. Ut fatear eis ira credidisse, & non malitia fecisse: quid mirum si ista crediderunt, ubi tantum lucri blanditur: cum plurima, ubi nullum lucrum ostenditur, per insignem imperitiâ credant? Nonne apud Aram coeli, in tam eximio templo, & in loco maxime Augusto, cernimus pictam fabulam Sibyllæ & Octaviani, ut ferunt, ex auctoritate Innocentii tertii hæc scribentes? Qui etiam de ruinâ templi pæcis, sub natale salvatoris, hoc est in partu virginis, scriptum reliquit. Quæ ad evertendam magis fidem, quia falsâ, quàm ad stabiliendam, quia miranda sunt, pertinent. Menstrine ob speciem veritatis, pietatis, audet vicarias veritatis: & se scientem hoc piculo obstringere? An non mentitur? Imo vero à sanctissimis viris se, cum hoc facit, diffen-

diffentire non videt? Tacebo alios. Hiero. Varronis testimonio utitur, decem Sibyllas fuisse, quod opus Varro ante Augustum condidit. Idem de templo pacis ita scribit: Vespasianus & Titus, Romæ templo pacis ædificato, vasa templi & universa donaria in delubro illius consecrarunt: quæ Græca & Rom. narrat historia. Et hic unus indoctus plus vult libello suo, etiam barbarè scripto credi, quàm fidelissimis veterum prudentissimorum hominum historiis. Quia Hieronymum attigi, non patiar hanc contumeliam ipsius tacitè præteriri. Romæ ex autoritate Papæ ostenditur codex Bibliæ, tanquam reliquæ sanctorum, luminaribus semper accensis, quod dicunt scriptum chirographo Hieronymi. Quæres argumentum? Quia multum (ut inquit Virgilius) est pictæ vestis & auri. Restq; magis Hieronymi manu indicat scriptum non esse. Illum ego diligentius inspectum comperi scriptum esse jussu regis, ut opinor, Roberti, chirographo hominis imperiti. Huic simile est, quanquam decem millia hujusmodi Romæ sunt, quod inter religiosa demonstratur in tabella effigies Petri & Pauli: quam Silvester Constantino, ab eisdem apostolis in somnis admonito, in confirmationem visionis exhibuit. Non hoc dico, quia negem effigies illas esse Apostolorum, utinamque tam vera esset epistola, nomine Lentuli mihi de effigie Christi, quæ non minus improbè ementita est, quàm privilegium, quod consutavimus; Sed quia tabella illa à Silvestro non fuerit exhibitæ Constantino. In quo non sustineo admirationem animi mei continere. Disputabo enim aliquid de fabulâ Silvestri; quia & omnis in hoc quæstio versatur: & mihi cum sermo sit cum pontificibus Rom. de pontifice Romano potissimum loqui decebit, ut ex uno exemplo, facile aliorum conjectura capiatur. Et ex multis ineptiis, quæ ibi narrantur, unam tantum de dracone attingam, ut doceam Constantinum non fuisse leprosum. Etenim gesta Silvestri ab Eusebio quodam Græco homine, ut interpretes testatur, composita sunt, quæ natio ad mendacia semper promptissima est. Ut Juvenalis Satyrica censura ait, Quicquid Græcia mendax audet in historia. Unde draco ille venerat? Romæ dracones non gignuntur. Unde etiam illi venenum? In Africa tantum pestiferi dracones, ob ardorem regionis, esse dicuntur. Unde præterea tantum veneni, ut tam spaciosam civitatem peste corrumpere: præsertim cum in tam alto specu demersus esset, ad quem centum quinquaginta gradibus descenderetur? serpentes, excepto forsan basilisco, non afflatu sed morfu viris inspirant atq; interimunt. Nec Cato Cæsarem fugiens, cum tanta hominum manu, per medias Africæ arenas dum iter faceret ac dormiret, ullum sociorum ac comitum suorum serpentis afflatu vidit extinctum. Neq; illi populi ob id aerem sentiant pestilentem. Et si quid fabulis credimus, & Chimera, & Hydra, & Cerberus, sine noxæ vulgo conspecti sunt, ac tacti. Adhuc quin eum Romani potius occidissent. Non poterant, inquis. At multo grandiore serpente in Africa, ad ripam Bagradæ Regulus occidit. Hunc vero vel obstructo ore specus facile erat interimere. An nolebant? Ita opinor pro Deo colebant, ut Babylonii fecerunt. Cur ergo, ut olim Daniel dicitur occidisse, non & Silvester hunc potius occidisset? Quin canabaceo filo alligasset & domum illam in æternum perdidisset? Ideo commentator fabulæ, noluit draconem interim, ne plane Danielis narratio referri videretur: quod si Hieronymus, vir doctissimus ac fidelissimus interpretes, Apollinarisq; & Origenes, atque Eusebius & nonnulli alii narrationem Beli fictam esse affirmant, si eam Judæi in veteris instrumenti archetypo non agnoscant, id est, si doctissimi quique latinorum, plerique Græcorum, singuli Hebræorum, illam ut fabulam damnant: ego non hanc, adumbratam ex illa, damnabo, quæ nullius scriptoris autoritate fulcitur, & quæ magistrum multo superat stultitiâ? Nam quis belluæ domum subterraneam ædificaverat? Quis illic eam collocaverat, & ne prodiret atq; avolaret (volant enim dracones, ut quidam aiunt, etsi alii negat) imperaverat? Quis genus illud cibi excogitaverat? Quis scæminas, easq; virgines, ac sanctimoniales descendere præceperat, nec nisi calendis? An tenebat draco quis esset dies calendarum? & tam parco raroq; erat cibo contentus? Nec virgines tam altum specum, tam immanem, & esurientem belluam exhorrebant? Credo blandiebatur eis draco, ut scæminis, ut virginibus, ut cibaria efferentibus. Credo etiam cum illis fabulabatur. Quidni, honor dicto, etiam coibat? Nam & Alexander & Scipio ex draconis, serpentisve cum matre concubitu geniti dicuntur. Quid de negato postea victu? Non potius aut prodiisset, aut fuisset extinctus? O miram hominum dementiam, qui his anilibus deliramentis fidem habent! Jam vero quamdiu hoc factitatum est? Quando fuit coeptum? Ante adventum salvatoris, An postea? nihil horum scitur. Pudeat nos, pudeat harum naniarû & levitatis pluiquam inimicæ. Erubescat Christianus homo, qui veritatis se ac lucis filium nominat, proloqui quæ non modo vera non sunt, sed nec veritumilia. At enim inquirunt, hanc dæmones potestatem in gentibus obtinebant, ut eas diis servientes illuderent. Silete, impudentissimi homines, ne dicam, sceleratissimi, qui fabulis vestris tale semper velamentum obtenditis. Non desiderat sinceritas Christiana patrocinium falsitatis. Satis per se superque suâ ipsius luce ac veritate defenditur, sine istis commentitiis ac præstigiis fabellis, in deum, in Christum,



Christum, in spiritum sanctum contumeliosissimis. Sicce Deus arbitrio demonum traderat genus humanum, ut tam manifestis, tam imperiosis miraculis seduceretur? ut prope-modum posset iniustitiae accusari, qui oves lupis commisisset: & homines magnum errorum suorum haberent excusationem. Quod si tantum olim licebat demonibus, & nunc apud infideles vel magis liceret, quod minimè videmus. Nec ullæ ab eis huiusmodi fabulæ proferruntur. Tacebo de aliis populis, dicam de Romanis: apud quos paucissima miracula feruntur, eaque vetusta atq; incerta. Valerius Maximus ait, Hiatus illum terræ in medio foro, cum se in eum Curtius armatum adacto equo immisisset, iterum coisse, inq; pristinam formam continuò revertisse. Item Junonem Monetam cum à quodam milite Rom. captis Veis, per jocum interrogata esset, an Romam migrare vellet? respondisse, velle. Quorum neutrum Titus Livius sentit, & prior author & gravior. Nam, & hiatus permanuisse vult, nec tam fuisse subitum quam vetustum & ante conditam urbem, appellatumq; Curtium lacum, quod in eo delituisset Curtius Metius Sabinus, Romanorum fugiens impressionem: Et Junonem annuisse, non respondisse: Adjectum fabulæ postea, vocem reddidisse. Atq; de nutu quoq; palam est illos esse mentitos, vel quod metum simulacri, avellébant autem illud, interpretati sunt, sua sponte esse factum; vel qua lasciviâ hostilem & victam & lapideam deam interrogabant, eadem lasciviâ annuisse finxerunt. Tamet si Livius inquit non annuisse, sed milites quòd annuisset exclamasse. Quæ tamen boni scriptores non defendunt facta, sed dicta excusant. Nam prout idem Livius ait, datur venia antiquitati, ut miscendo humana divinis, primordia urbium augustiora faciat. Et alibi: Sed in rebus tam antiquis, si quæ similia veritati sunt, pro veris accipiuntur. Satis habeam: hæc ad ostentationem scenæ gaudentis miraculis aptiora, quam ad fidem, neq; affirmare, neq; refellere est operæ pretium. Terentius Varro, his duobus & prior & doctior, & ut sentio, gravior author, ait triplicem historiâ de lacu Curtio à totidem authoribus proditâ. Unam à Proculo, quod is lacus ita sit appellatus à Curtio, qui se in eum dejecit: Alterâ à Pifone, quod à Metio Sabino: Tertiâ à Cornelio, cuius rei socium addit Lucatium, quod à Curtio consule, cui collega fuit M. Genutius. Neq; vero diffimulaverim Valerium non planè posse reprehendi, quòd ita loquatur: cum paulo post graviter & severè subjiciat, Nec me præterit, de motu & voce deorum immortalium, humanis oculis auribusq; percepto, quam in ancipiti opinione æstimatio veretur; Sed quia non nova dicuntur, sed tradita repetuntur, fidem authores vendicent. De voce deorum dixit, propter Junonem monetâ, & propter simulachrum Fortunæ, quod bis locutum fingitur his verbis: Ritè me matronæ vidistis, ritè dedicastis. At verò nostri fabulatores passim inducunt idola loquentia quod ipsi Gentiles & idolorum cultores non dicunt: & sincerius negant, quam Christiani affirmant. Apud istos paucissima miracula, non fide authorum, sed veluti sacrâ quadam ac religiofâ veritatis commendatione nituntur. Apud istos recentiora quadam narrantur, quæ illorum homines temporum nescierunt. Neq; ego admirationi sanctorum derogo, nec ipsorum divina opera abnuo, quum sciam tantum fidei, quantum est granum sinapis, montes etiam posse transferre. Imo defendo illa & tueor, sed miseri cum fabulis non sino. Nec persuaderi possum hos scriptores alios fuisse quam aut infideles, qui hoc agerent in derisum Christianorum, si hæc figmenta, per dolosos homines in manus imperitorum delata acciperentur pro veris: aut fideles, habentes æmulationē Dei, sed non secundū scientiā; qui non modò de gestis sanctorum, verum etiam Dei genetricis, atq; adeo Christi improba quadam & pseudevangelia scribere non reformidarunt. Et summus Pontifex hos libros appellat apocryphos: quasi nihil vitii sit, quod eorum ignoratur author, quasi credibilia sint quæ narrantur, quasi sancta & ad confirmationem religionis pertinentia, ut jam non minus culpæ sit penes hunc qui mala probat, quam penes illum, qui mala excogitavit. Nummos reprobos discernimus, separamus, abjicimus: doctrinam reprobam non discernimus, sed retinebimus? sed cum bonâ miscebimus? sed pro bonâ defendemus? Ego vero ingenuâ ferā sententiā: Gesta Silvestri nego esse apocrypha: quia, ut dixi, Eusebius quidem fertur author: sed falsa atq; indigna quæ legatur existimo, cum in aliis, tum verò in illo, quod narratur de dracone, de tauro, de lepra, propter quā refutata tanta repetiit. Neq; enim si Naam leprosus fuit, continuò & Constantinū leprosum fuisse dicemus. De illo multi authores meminere, de hoc principe orbis terrarum nemo, ne suorum quidē civiū scripsit, nisi nescio quis alienigena, cui non aliter est habenda fides, quam alteri cuidā, de vespis intra naves Vespasiani nidificantibus, & de ranâ partu à Nerone emissâ, unde Lateranū vocitatū locū dicit, quòd ibi rana lateat in sepulchro. Quòd nec vespæ ipsæ, nec ranæ, si loqui possent, dixissent: nūi ad deos capitolinos hoc referunt, quasi illi loqui consueverint, & hoc fieri iussissent. Sed quid mirer hæc non intelligere pontifices cum nomen ignorent suū? Cephas enim dicunt vocari Petrū, quia caput Apostolorū esset, tanquā hoc vocabulū sit græcū *ἀντὶ κεφαλῆς* & non Hebraicū, sed potius Syriacū, quod Græci *κεφαλή*, scribunt, quod apud eos interpretatur Petrus, non caput. Est enim Petrus & petra græcum vocabulum, stulteq; per etymologiam latinam exponitur petra, quasi pede trita. Et metropolitani ab archiepiscopo

archiepiscopo distinguunt, voluntque illum à mensurâ civitatis dictû, cum Græcè dicatur non metropolis, sed *μετροπολις*, id est, mater civitatis sive urbis, & patriarcham quasi patrem patrum, & papam ab interfectione papæ dictum, & fidem orthodoxam quasi rectâ gloriâ, & Simonem media correpta, cum legendum sit media longa, ut Platonem & Catonem ita legendum Simonem. Et multa similia, quæ transeo, ne culpâ aliquorum, omnes summos pontifices videar insectari. Hæc dicta sint, ut nemo miretur, si donationem Constantini commentitiam fuisse Papæ multi non potuerunt deprehendere, tametsi ab aliquo eorum ortam esse hanc fallaciam reor. At dicitis, cur Imperatores, quorum detrimento res ista cedebat, donationem Constantini non negant, sed fatentur, affirmant, conservant? Ingens argumentum, mirifica defensio! Nam de quo tu loqueris Imperatore? si de Græco, qui verus fuit Imperator, negabo confessionem, sin de Latino, libenter etiam confitebor. Etenim quis nescit Imperatorem latinum gratis factum esse à summo pont. ut opinor Stephano qui Græcum Imperatorem, quod auxilium non ferret Italiæ, privavit, latinumque fecit, ita ut plura Imperator à Papâ, quàm Papa ab Imperatore acciperet. Sanè Trojanas opes quibusdam pactionibus soli Achilles & Patroclus inter se partiti sunt. Quod etiam mihi videntur indicare Ludovici verba, cum ait, Ego Ludovicus Imperator Ro. Augustus statuo, & concedo, per hoc pactum confirmationis nostræ, tibi beato Petro principi apostolorum, & per te vicario tuo, domino Paschali summo pont. & successoribus ejus in perpetuum, sicut à prædecessoribus nostris usque nunc in vestrà potestate & ditione tenuistis, Romanam civitatem, cum ducatu suo & suburbaniis atque viculis omnibus & territorii ejus, montanis, atque maritimis littoribus & portubus, seu cunctis civitatibus, castellis, oppidis, ac villis, in Thuscæ partibus, &c. Tunc Ludovice cum Paschale pacisceris? Si tua, id est, imperii Rom. sunt ista, cur alteri concedis? Si ipsius, & ab ipso possidentur, quid attinet te illa confirmare? Quantum etiam ex imperio Rom. tuum erit, si caput ipsum imperii amisisti? A Roma dicitur Romanus Imperator. Quid cætera quæ possides, tuane an Paschalis sunt? Credo tua dices. Nihil ergo valet donatio Constantini, si ab eo pontifici donata tu possides. Si valet, quo jure tibi Paschalis cætera remittit, retentis tantum sibi quæ possidet? Id sibi vult tanta, aut tua in illum, aut illius in te de imperio Ro. largitio? Merito igitur pactum appellas, quasi quandam collusionem. Sed quid faciam inquires? Repetam armis quæ Papa occupat? At ipse jam factus est me potentior. Repetam jure? At jus meum tantum est, quantum ille esse voluerit. Non enim hæreditario nomine ad imperium veni, sed pacto, ut si Imperator esse volo, hæc & hæc invicem Papæ promittam. Dicam nihil donasse ex imperio Constantinum? At isto modo causam agerem Græci Imp. & me omni fraudarem imperii dignitate. Hæc enim ratione Papa se dicit facere Imperatorem me, quasi quandam vicarium, & nisi promittam, non facturum: & nisi paream, me abdicaturum. Dummodo mihi det, omnia fabeor, omnia paciscar. Mihi tamen crede, si Romam ego aut Thusciam possiderem, tantum abest, ut facerem, quæ facio, ut etiam frustra mihi Paschalis donationis, sicut reor falsæ, caneret cantilenam. Nunc concedo, quæ nec teneo, nec habiturum me esse spero. De jure Papæ inquirere non ad me pertinet, sed ad Constantinopolitanum Augustum. Jam apud me excusatus es Ludovice, & quisquis alius Ludovici similis. Quid de aliorum Imperatorum cum summis pontificibus pactione suspicandum est, cum sciamus quid Sigismundus fecerit, princeps aliqui optimus & fortissimus, sed jam affecta ætate minus fortis? Quem per Italiam paucis stipatoribus septum, in diem vivere vidimus, Romæ etiam fame periturum: nisi eum, sed non gratis (extorsit enim donationem) Eugenius pavisset. Is cum Romam venisset, ut pro Imperatore Romanorum coronaretur, non aliter à Papâ coronari potuit, quàm ut Constantini donationem ratam haberet, eademque omnia de integro donaret. Quid magis contrarium, quàm pro Imperatore coronari, qui Romæ ipsi renuntiasset? & coronari ab illo, quem & confiteatur, & quantum in se est, dominum Rom. imperii faciat? ac ratam habere donationem, quæ vera si sit, nihil Imperatori de imperio reliqui fiat? Quod (ut arbitror) nec pueri fecissent. Quo minus mirum, si Papa sibi arrogat Cæsaris coronationem, quæ populi Rom. esse deberet. Si tu, Papa, & potes Græcum Imperatorem privare Italiâ provinciisque occidentis, & Latinum Imp. facis, cur pactionibus uteris? Cur bona Cæsaris partiris? Cur in te imperium transfers? Quare sciat quisquis est Imperator Rom. me iudice, se non esse nec Augustum, nec Cæsarem, nec Imperatorem, nisi Romæ imperium teneat, & nisi operam det, ut urbem Romam recuperet, plane esse perjurum. Nam Cæsares illi priores, quorum fuit primus Constantinus, non adgebantur jusjurandum interponere, quo nunc Cæsares obstringuntur, sed quantum humanâ ope præstari potest, nihil imminuturos esse de amplitudine imperii Rom. eamque sedulo adaucturos. Non ea re tamen vocati Augusti, quod imperium augere deberent, ut aliqui sentiunt, latinæ linguæ imperiti: Est enim Augustus quasi sacer, ab avium gustu dictus, quæ in auspiciis adhiberi solebant, Græcorumque testante linguâ, apud quos Augustus *αὐστῆρ* dicitur. Unde

Unde Sebastia vocata. Melius summus pontifex ab augendo Augustus diceretur, nisi quòd dum temporalia auget, spiritualia minuit. Itaque videas, ut quique pessimus est summorum pontificum, ita maxime defendendæ huic donationi incumbere. Qualis Bonifacius octavus, qui Celestinū tubis parietis insertis decepit. Hic & de donatione Constantini scribit, & regem Franciæ privavit, regnumque ipsum, quasi donationem Constantini exequi vellet, ecclesiæ Romanæ fuisse & esse subiectum iudicavit: Quod statim successores ejus Benedictus & Clemens, ut improbum injustumque revocarunt. Verum quid sibi vult ista vestra, pontifices Romani, sollicitudo, quòd à singulis Imperatoribus donationem Constantini exigitis confirmari, nisi quod juri diffiditis vestro? Sed laterem lavatis, ut dicitur. Nam neq; illa unquam fuit, & quod non est, confirmari non potest: & quicquid donant Cæsares, decepti exemplo Constantini faciunt, & donare imperium nequeunt. Age vero demus Constantinum donasse, Silvestrumque aliquando possedisse: sed postea vel ipsum, vel aliquem ipsorum à possessione dejectum: Loquor nunc de his quæ papa non possidet, postea loquar de his quæ possidet. Quid possum vobis magis dare, quam ut ea quæ nec fuerunt, nec esse potuerunt, fuisse concedam? Tamen dico, vos nec jure divino, nec jure humano, ad recuperationem agere posse. In lege veteri Hebræus supra sextum annum Hebræo servire verabatur, & quinquagesimo quoq; anno omnia redibant ad pristinum dominum. Tempore gratiæ, Christiani à vicario Christi, redemptoris nostræ servitutis, premeter servitio æterno? Quid dicam, revocabitur ad servitutem, postquam liber factus est, diuq; potius libertate? Sileo, quàm sit vus, quàm vehemens, quàm barbarus dominatus frequenter est sacerdotum. Quod si ante ignorabatur, nuper est cognitum, ex monstro illo, atque portento, Johanne Vicesle Cardinali & patriarchâ qui gladium Petri quo auriculam Malcho abscondit, in Christianorum sanguine lassavit, quo gladio & ipse periit. An verò populis Israël à domo David & Salomonis, quos propheta à Deo missi unxerant, tamen propter graviora onera desciscere licuit, factumq; eorum probavit Deus, nobis ob tantam tyrannidem desciscere non licebit? ab his præsertim qui nec sunt reges, nec esse possunt, & qui de pastoribus ovium, id est, animarum, facti sunt fures & latrones. Et ut ad jus humanum veniam, quis ignorat nullum jus esse bellorum? aut si quod est, tamdiu valere, quamdiu possideas quæ bello parasti? Nam quum possessionem perdis, & jus perdidisti. Ideoq; captivos, si fugerint, nemo ad judicem reperere solet: etiam nec prædas, si eas priores domini receperint. Apes & quædam alia volucrum genera, si è privato meo longius evolaverint & in alieno defecerint, reperti non queunt. Tunc homines, non modo liberum animal, sed dominum cæterorum, si se in libertatem manu & armis asserant, non manu & armis repetes, sed jure? quasi tu homo sis, illi pecudes? Neque est quod dicas: Romani justè bella nationibus intulerunt, justèq; libertate illas exuerunt. Noli me ad istam vocare questionem, ne quid in Romanos meos cogar dicere. Quamquam nullum crimen tam grave esse potuit, ut æternam mererentur populi servitutem: Cum eò, quod sæpe culpâ principis, magnive alicujus in Republicâ civis, bella gesserunt, & victi immerita servitutis poenâ affecti sunt. Quorum exemplis plena sunt omnia. Neque verò lege naturæ comparatum est, ut populus sibi populum subigat. Præcipere aliis eosque exhortari possumus, imperare illis ac vim asferre non possumus, nisi relicta humanitate, velimus ferociores belluas imitari, quæ sanguinariū in infirmiores imperium exercent, ut leo in quadrupes, aquila in volucres, delphinus in pisces. Veruntamen hæc belluæ non in suum genus sibi jus vendicant, sed inferius. Quod quanto magis faciendum nobis est, & homo homini religioni habendus? quum, ut M. Fabius inquit, nulla supra terras adeo rabiosa belluæ, cui non imago sua sancta sit. Itaque quatuor ferè causæ sunt, ob quas bella inferuntur. Aut ob ulciscendam injuriam defendendosque amicos: aut timore accipiendæ postea calamitatis, si vires aliorum augeri sinantur: aut spe prædæ: aut gloriæ cupiditate. Quarum prima nonnihil honesta, secunda parum, duæ posteriores nequaquam honestæ sunt. Et Romanis quidem illata fuisse frequenter bella: sed postquam se considerant, & illis & aliis ipsi intulerunt, nec ulla gens est, quæ ditioni eorum cesserit, nisi bello victa & domita: quàm rectè, aut quâ causâ, ipsi viderint. Eos ego nolim nec damnare, tanquam injustè pugnaverint: nec absolvere tanquam justè. Tantum dicam, eadem ratione Romanos cæteris bella intulisse, quæ reliqui populi regesq;. Atque ipsis qui bello lacerati victique sunt, licuisse deficere à Romanis, ut ab aliis dominis defecerunt. Ne fortè, quod nemo diceret, imperia omnia ad vetustissimos illos, qui primi domini fuisse, id est, qui primi præripere aliena, referantur: & tamen melius in victis bello nationibus populo Rom. quam Caesaribus Rempublicam opprimentibus jus est. Quocirca si fas erat Gentibus à Constantino, & quod plus est, à populo Romano desciscere, profectò & ab eo jus erit, cuiusq; cesserit ille jus suum. Atque ut audacius agam, si Romanis licebat, Constantinum aut exigere, ut Tarquinium, aut occidere ut Iulium Cæsarem, multò magis eum, vel Romanis vel provincis licebit occidere, qui in locum Constantini utruq; successit. Hoc etsi verum, tamen ultra causam

Quatuor bellorum causæ.

meam

meam est, & idcirco me reprimere volo, nec aliud ex his colligere, quæ dixi, nisi ineptum esse, ubi armorum vis est, ibi jus quenquam afferre verborum. Quia quod armis acquiritur, idem rursus armis amittitur. Eò quidem magis, quod aliæ novæ gentes, ut de Gothis accepimus, quæ nunquam sub imperio Rom. fuerunt, fugatis veteribus incolis, Italiam & multas provincias occuparunt, quas in servitutem revocari, in qua nunquam fuerunt, quæ tandem æquitas est? præsertim victrices, & fortè à victis. Quo tempore, si quæ urbes ac nationes, ut factum fuisse scimus, ab Imperatore desertæ, ad Barbarorum adventum necesse habuerunt deligere sibi regem, sub cuius auspiciis victoriam reportarunt, nunquid hunc postea à principatu deponerent? Aut ejus filios tum commendatione patris, tum propria virtute favorabiles juberent esse privatos, ut iterum sub Romano principe essent, maxime cum eorum opera assidue indigerent, & nullum aliunde auxilium sperarent? Hoc si Cæsar ipse, aut Constantinus, ad vitam reversus, aut etiam Senatus Populusque Rom. ad commune judicium, quale in Graciâ Amphitryonum fuit, vocaret: primum statim actione repelleretur, quod a se olim custode desertos, quod tandem sub alio principe degentes, quod nunquam alienigenæ regi subditos, quod denique homines libertati natos & in libertatem robore animi corporisque assertos, ad famulatum servitiumque reposceret. Ut appareat, si Cæsar, si Pont. Rom. à repetendo exclusus est, multo vehementius Papam esse exclusum. Et si licet aliis nationibus, quæ sub Roma fuerunt, aut regem sibi creare, aut remp. tenere, multo magis id licere populo Rom. præcipue adversus novam Papæ tyrannidem. Exclusi à defendendâ donatione adversarii, quod nec unquam fuit; & si qua fuisset, jam temporum conditione intercidisset, confugiunt ad alterum genus defensionis, & velut relicta urbe, in arcem se recipiunt, quam statim deficientibus cibariis dedere cogentur. Præscripsit, inquiunt, Romana ecclesia in his quæ possidet. Cur ergo, quæ major pars est, ea reposcit in quibus non præscripsit, & in quibus alii præscriperunt? Nisi id non licet aliis in hunc, quod huic licet in alios. Præscripsit Romana ecclesia. Cur ergo ab Imperatoribus toties curat sibi jus confirmandum? Cur donationem, confirmationemque Cæsarium jactat, si hoc unum satis est? Injuriam ei facis, si de altero quoque jure non sileas. Cur igitur de altero non files? Nempe, quia hoc sibi non sufficit. Præscripsit Romana ecclesia. Et quomodo potest præscripsisse, ubi de nullo titulo, sed de male fidei possessione constat? Aut si malæ fidei possessionem neget, profecto stultæ fidei negare non posses. An in tantâ re, tamque apertâ exculata debet esse & facti & juris ignorantia? Facti quidem, quod Romam provinciasque non dedit Constantinus, quod ignorare idiotæ hominis est, non summi pontificis. Juris autem, quod illa nec donari potuere, nec accipi, quod nescire vix Christiani est. Itane stulta credulitas dabit tibi jus in his, quæ, si prudentior fores, tua nunquam fuisset? Quid? Nonne nunc saltem, postquam te per ignorantiam atque stultitiam possidisse docui, jus istud, si quod erat, amittes? & quod inscitia malè contulerat tibi, nonne id rursum cognitio bene adimet? Mancipiumque ab injusto ad justum dominum revertetur, fortassis etiam cum usufructu? quod si adhuc possidere pergis, jam inscitia in malitiam fraudemque conversa est, planeque effectus es malæ fidei possessor. Præscripsit Romana ecclesia. O imperiti! ô divini juris ignari! Nullus quantumvis annorum numerus verum abolere titulum potest. An verò captus ego à Barbaris creditusque, periisse, post centum annos, quibus captivus fui postliminio reversus, paternæ hæreditatis repetitor excludam? Quid hac res inhumanius? Atque ut aliquod afferam exemplum, num Jephthe dux Israel reposcentibus filiis Ammon terram à finibus Arnon, usque in Jaboc atque in Jordanem, respondit, præscribit Israel jam per trecentos annos? An quod nunquam illorum, sed Amorrhæorum fuisset terra, quam reposcerent, ostendit? & hoc argumentum esse, ad Ammonitas illam non pertinere, quod nunquam intra tot annorum circulum repoposcissent? Præscripsit Romana ecclesia. Tace, nefaria lingua. Prescriptionem, quæ sit de rebus mutis atque irratiabilibus, ad hominem transfers: cujus quò diuturnior in servitute possessio, eò est detestabilior. Aves ac feræ in se præscribi nolunt, sed quantolibet tempore possessæ, cum libuerit, & oblata fuerit occasio, abeunt: homini ab homine possessio non licet abire? Accipe, unde magis frus dolusque quàm ignorantia Romanorum pont. appareat, utentium iudice bello, non jure. Cui simile quiddam primos pontifices, in occupandâ urbe cæterisque oppidis, credo fecisse: Parum ante me natum (testor eorum memoriam, qui interfuerunt) per inauditum genus fraudis Roma papale accepit imperium, seu tyrannidem potius, cum diu libera fuisset. Is fuit Bonifacius nonus; octavo in fraude & nomine par: si modò Bonifacii dicendi sunt, qui pessimè faciunt. Et cum Romani deprehenso dolo apud se indignarentur, Papam, in morem Tarquinii, summa quæque papavera virgâ decussit. Quod cum postea, qui ei successit, Innocentius imitari vellet, urbe fugatus est. De aliis pontificibus nolo dicere, qui Romam vi semper oppressam armisque tenuerunt, licet quoties potuit rebellavit, ut sexto abhinc anno, cum pacem ab Eugenio obtinere non posset, nec pax esset

esset hostibus, qui eam obsidebant : & ipsa papam intra ædes obsedit, non permissura illum abire, priusquam aut pacem cum hostibus faceret, aut administrationem civitatis relegeret ad cives. At ille maluit urbem deserere, dissimulato habitu, uno fugæ comite, quam civibus gratificari, iusta & aqua petentibus. Quibus si des electionem, quis ignorat libertatem magis quam servitium electuros? Idem suspicari libet de cæteris urbibus, quæ à summo Pontifice in servitute retinentur, per quem à servitute liberari debuissent. Longum esset recensere, quot urbes ex hostibus captas populus Romanus liberas fecit: adeo ut T. Flaminius omnem Græciam, quæ sub Antiocho fuisset, liberam esse & suis uti legibus juberet. At Papa, ut videre licet, insidiatur sedulo libertati populorum. Ideoque vicissim illi quoque oblata facultate (ad Bononiam modò respice) rebellant. Qui si quando sponte, quod evenire potest, aliquo aliunde periculo urgente, in papale imperium consenserunt: non ita accipiendum est, consensisse, ut servos se facerent: ut nunquam subtrahere à iugo colla possent: ut postea nati non & ipsi arbitrium sui habeant: Nam hoc iniquissimum foret. Sponte ad te, summe Pontifex, ut nos gubernes venimus, sponte nunc rursus abs te, ne gubernes diutius, recedimus: si qua tibi à nobis debentur, ponatur calculus datorum & acceptorum. At tu gubernare invitos vis, quasi pupilli sumus: qui te ipsum forsitan sapientius gubernare possemus. Adde huc injurias, quæ aut abs te, aut à tuis magistratibus huic civitati frequentissimè inferuntur: Deum testamur, injuria cogit nos rebellare, ut olim Israel à Roboam fecit. Et quæ tanta fuit illa injuria, quanta portio nostræ calamitatis, graviora solvere tributa? Quid enim si Rempublicam nostram exaurias? Exhaustisti. Si templa spolies? Spoliasti. Si virginibus matribusque familiæ stuprum inferas? Intulisti. Si urbem sanguine civili perfundas? Perfudisti. Hæc nobis sustinenda sunt? An potius, cum tu pater nobis esse desieris, nos quoque filios esse obliviscemur? Pro patre, summe Pontifex, aut si hoc te magis juvat, pro domino hic te populus advocavit, non pro hoste atque carnifice. Patrem agere aut dominum non vis, sed hostem & carnificem. Nos servitium tuam impietatemque etsi jure offensæ poteramus, tamen quia Christiani sumus, non imitabimur: Nec in tuum caput ultorem stringimus gladium: sed te abdicato atque summo, alterum patrem dominumve adoptabimus. Filiis à malis parentibus, à quibus geniti sunt, fugere licet: nobis à te, non vero patre, sed adoptivo, & pessimè nos tractante, non licebit? Tu vero, quæ sacerdotii operis sunt cura: & noli tibi ponere sedem ad Aquilonem, & illic tonando fulgurantia fulmina in hunc populum cæterosque vibrare. Sed quid plura opus est in re apertissimè dicere? Ego non modò Constantinum non donasse tanta, non modò non potuisse Romanum Pontificem in eisdem præscribere, sed etiam si utrumque esset, tamen utrumque jus sceleribus possessorum extinctum esse contendo: cum videamus totius Italiæ, multarumque provinciarum cladem ac vastitatem ex hoc uno fonte fluxisse. Si fons amarus est, & rivus. Si radix immunda & rami. Si delibatio sancta non est, nec massa. Ita è diverso, si rivus amarus, fons obstruendus est: si rami immundi, è radice vitium venit: si massa sancta non est, delibatio quoque abominanda est. An possumus principatum potentiamque papalis pro jure proferre, quem tantorum scelerum, tantorumque omnis generis malorum cernimus esse causam? Quamobrem dico, & exclamo (neque enim timebo homines, Deo fretus) neminem meâ ætate in summo pontificatu fuisse, aut fidelem dispensatorem, aut prudentem: qui tantum abest, ut dederit familiæ Dei cibum & escâ panis ut Papa & ipse bella pacatis populis infert & inter civitates principesque discordias ferit. Papa & alienas sitit opes & suas exorbet, ut Achilles in Agamemnonem, *Agamemnonem*, *Agamemnonem*. Papa non modò Rempublicam, quod non Verres, non Catilina, non quispiam pectulator auferet: sed etiam rem ecclesiasticam, & spiritum sanctum quæstui habet, quod Simon ille magus detestatur. Et cum horum admonetur, & à quibusdam bonis viris reprehenditur, non negat, sed palam fatetur, atque gloriatur licere ei quavis ratione patrimonium ecclesiæ: à Constantino donatum, ab occupantibus extorqueri. Quasi eo recuperato, religio Christiana futura sit beata, & non magis omnibus flagitiis, luxuriis, libidinibusque oppressa, si modo opprimi magis potest, & ullus est sceleri ulterior locus. Ut igitur recuperet cætera membra donationis, malè ereptas à bonis viris pecunias prius effundit, militumque equestres pedestresque copias, quibus omnia infestantur, alit: cum Christus in tot millibus pauperum, fame ac nuditate moriatur. Nec intelligit, ô indignum facinus! cum ipse secularibus auferre quæ ipsorum sunt, laborat, illos vicissim sive pessimo exemplo induci, sive necessitate cogi, licet non est vera necessitas, ad auferenda quæ sunt ecclesiasticorum. Nulla itaque unquam religio, nulla sanctitas, nullus Dei timor: & quod referens quoque horresco, omnium scelerum impii homines à papâ sumunt excusationem. In illo enim comitibusque ejus est omnis facinorosus exemplum: ut cum Elaiâ & Paulo, in papam & papæ proximos dicere possumus. Nomen Dei per vos blasphematur inter Gentes. Qui alios docetis, vos ipsos non docetis. Qui prædicatis non furandum, latrocinamini. Qui abominamini idola, sacilegium facitis. Qui in lege & in pontificatu gloriamini, per prævaricationem legis Deum ve-



rum pontificem inhonoratis. Quod si populus Rom. ob nimias opes, verâ illam Romanitatem perdidit; si Salomon ob eandem causam in idololatriam, amore foeminarû lapsus est, nonne idem putamus fieri in summo pont. ac reliquis clericis? Et postea putamus deum fuisse perniciosum ut materiam peccandi Silvester acciperet? Non patiar hanc injuriam fieri sanctissimo viro. Non ferâ hanc contumeliam fieri pontifici optimo; ut dicatur imperia, regna, provincias accepisse: quibus renuntiare etiam solent qui clerici fieri volunt. Pauca possedit Silvester, pauca cæteri; summi pont. quorû aspectus apud hostes quoq; erat sacrosanctus: veluti ilius Leonis, qui trucem Barbari regis animû terruit ac fregit, quæ Romanæ vires nec frangere nec terrere potuerant. Recentes vero summi pont. id est divitiis ac deliciis affluentes, id videntur laborare, ut quantum prisci fuere sapientes & sancti, tantû ipsi & impii sint & stulti, & illorû egregias laudes omnibus probis vincâr. Hæc quis Christiani nominis queat æquo animo ferre? Verû ego in hac primâ nostrâ oratione nolo exhortari principes ac populos, ut papâ effrenato cursu volitantem inhibeat, eumq; intra suos fines consistere compellant; sed tantû admoneant, qui forsitan jam edoctus veritatē, sua sponte, ab alienâ domo in suam, & ab infanis fluctibus sævisq; tempestatibus in portum se recipiet. Sin recuset, tunc ad alteram orationem multo truculentiorē accingemur. Ultimam utinam aliquando videam: nec enim mihi quicquam est longius, quàm hoc videre, & præsertim meo consilio effectum, ut papa tantum vicarius Christi sit, & non etiam Cæsaris: Nec amplius horrenda vox audiat, partes contra ecclesiam, ecclesia contra Perulinos pugnat, contra Bononenses. Non contra Christianos pugnat ecclesia, sed papa. Illa pugnat contra spiritualia nequitia in cœlestibus. Tunc papa & dicetur & erit pater sanctus, pater omnium, pater ecclesiæ: nec bella inter Christianos excitabit, sed ab aliis excitata, censura apostolicâ & papali maiestate sedabit. DIXI.

## NICOLAI DE CUSA CARDINALIS

Tit. Sancti Petri ad vincula, sententia de donatione Constantini, quam scripsit ad Concilium Basilienſe, de concordantia catholicâ, lib. III. Capite II.

**U**Num præterire nequeo, quoniam pene omnium sententia indubitata est, Constantinum Imperatorem, occidentis imperium Rom. pont. Silvestro, ac ejus in ævum successoribus perpetuo dono tradidisse: & ideo etiamſi ratio de unitate principatus scilicet adversari bono & recto ordini duo capita fore non concluderet, pateret tamen in occidente Imperatorem nullum, nisi à papâ dependenter imperium cognosceret, justè esse posse. Hanc radicem quoad potui investigavi, præsupponens hoc etiam indubitatum esse, Constantinum talem donationem facere potuisse. Quæ tamen quæstio nec soluta est hætenus, nec solvetur verisimiliter unquam. Sed in veritate supra modum admiror, si res ita est: eò quod in authenticis libris, & in historiis approbatis non invenitur. Relegi omnia quæ potui gesta imperialia ac Romanorû pont. historias: sancti Hieronymi, qui ad cuncta colligendum diligentissimus fuit, Augustini, Ambrosii, ac aliorum opuscula peritissimorum: revolve gesta sacrorum Conciliorum, quæ post Nicænum fuere: & nullam invenio concordantiam ad ea, quæ de illâ donatione leguntur. Sanctus Damasus papa, ad instantiam beati Hieronymi, actus & gesta prædecessorum dicitur annotasse: in cujus opere de Silvestro papâ non ea inveniuntur quæ vulgò dicuntur. Legitur in certis historiis, Constantinum à Silvestro baptizatum: Et ipsum Imperatorem tres illas, sancti Johannis, sanctorum Petri & Pauli ecclesias mirifice ornasse, ac annuos multos redditus à diversis massis terrarum, in diversis provinciis & insulis, pro continuando ornatu lampadarum balsami & nardi pistici, ac cæterorum donasse. De quibus omnibus particularem mentionem in pontificum libro reperies. Sed de donatione temporalis domini, ad imperii occidentis, nihil ibi penitus continetur. Verum quod postquam Aistulfus rex Longobardorum exarchatû Ravennatem occupavit cum aliis multis locis, & Stephanus secundus natione Romanus ex patre Constantino, multis legatis ad Aistulfum missis rogaret imperiali ditioni loca restitui, & facere non vellet Aistulfus, Stephanus Pipinum adiens, eum cum duobus filiis in reges unxit. Fuit etiam cum eodem Stephano orator missus Imperatoris, & à Pipino impetravit, ut Aistulfum induceret, quòd imperio loca restitueret. Misit Pipinus, nec profecit. Unde cum non posset sic ab Aistulfo restitutionem impetrare, pomisit Stephano se vi ablaturum ab eo, & sancto Petro daturum. Hoc audito, revertitur imperialis missus. Pipinus quæ promiserat exple-

vit. Forma vero hujus donationis, in gestis præfati Stephani, cum nominatione particulari omnium bonorum continetur. Zacharias papa monarchiam regni Franciæ in Pipinum transtulit, Ludovico rege deposito: de quo legitur 28. q. 6. alius. & in gl. venerabili. Ex illo puto Pipinum sedi apostolicæ fuisse. Post hoc Desiderius rex iterum illas civitates, aut earum aliquas, tempore Adriani vi cepit. Adrianus papa multis missis ad eum legatis, repetiit jus sancti Petri, impetrare non potuit: tunc Carolus magnus invocatus per Adrianum, recuperavit & iterum donavit sancto Petro solenni donatione, quæ in gestis ejusdem Adriani papæ continetur. Ex istis constat, Constantinum imperium per exarchatum Ravennatem, urbem Romam & occidentem minimè papæ dedisse. Unde continuè legitur, Imperatores usq; ad tempora præfata sicut prius, pleno jure Romæ, Ravennam & Marchiam cum aliis locis possedisse: & probat tex. 96. distin. bene quidam, ubi dicit de Patritio præfecto nomine Adocris regis: & 63. distin. Agatho. 96. dist. cum ad verum, cum similibus. Et Romanos pontifices legimus Imperatores fateri dominos. Scribit enim Agatho papa ad Imperatorem Constantinum, qui sextam synodum congregavit, & multis annis sequutus est primum, quo modo urbs Roma sit ipsius Imperatoris servilis urbs. Et Bonifacius papa ad Honorium, qui dicit quod ecclesiæ Romanæ ipse habet regere sacerdotium, sed Imperator humanas res. Et in fine dicit, Romam esse urbem suæ mansuetudinis. Hic textus habetur. 91. dist. ecclesiæ. Et ut breviter dicam, nullibi contrarium legi, quin usq; ad illa præfati Pipini tempora Imperator remanserit in possessione locorum prætorum. Nec unqua legi aliquem Romanorum pontificum usq; ad tempora Stephani secundi, in illis locis nomine sancti Petri aliquid juris præsumpsisse habere. Hæc credo vera esse, non obstante famigerâ opinione de contrario, quæ in Palea habetur, Constantinus 96. dist. Quoniam absq; dubio, si non fuisset illud dictamen apocryphum, Gratianus in veteribus codicibus & canonum collectionibus invenisset: & quia non invenit, non posuit. Unde quæ postea addidit, pro Palea ita illam confictam scripturam posuit, sicut multa alia inveniuntur ex apocryphis libris nostris inscripta. Ego etiam ad longum hanc scripturam in quodam libro inveni, quæ multo plus continet, quam ea quæ in decreto ponitur loco præallegato: & diligenter eam examinans, reperi ex ipsamet scripturâ argumenta manifesta confictionis & falsitatis, quæ pro nunc longum & inutile foret his inserere. Etiam est advertendum, quod tex. Constantinus. 96. distin. est ex legendâ sancti Silvestri extractus: & fundat ille qui imposuit decreto, auctoritatem ipsius textus in approbatione Gelasii in synodo. Rogo videatur. 15. distin. sancta Romana illa approbatio, & invenietur pauci roboris: quia dicit autorem ignorari & tamen per catholicos legi, & ea propter legi posse. Qualis sit approbatio, quisq; considerare potest. Multæ enim sunt historiæ sancti Silvestri. Una, in quo hoc non invenitur, quam sanctus Damasus ponit. Alia, cujus author ignoratur: quam textus non dicit veram, sed legi posse, neq; dicit in illâ hoc contineri. Etiam antiqua decreta non habent textum, nisi usq; ad 6. Item decreta Romanorum pontificum, inclusive: & sic non invenitur in illis libris iste. 6. de historia Silvestri. Quinta etiam universalis synodus, quæ de approbatione doctorum omnium & scripturarum approbatarum libris mentionem facit: ac etiam ipsa synodus Martini papæ, quæ fuit contra asserentes unam voluntatem in Christo, scilicet contra Petrum & Sergium, renovans approbatas scripturas, ut egomet vidi, nullam de istis historiis faciunt mentionem: nec quisquam approbatus, aut nominatus inter veridicos, quem unquam vidi. Ego legi in Vincentio historiarum 24. libro, in fine, secundum sanctum Hieronymum, Constantinum uxorem Faustam & filium Crispum crudeliter occidisse, & in extremo vitæ ab Eusebio Nicomedie episcopo baptizatum, in Arrianam hæresim declinasse. A quo tempore, inquit Hieronymus, ecclesiarum rapinæ, & totius orbis discordia sequuta est usq; in præsens tempus. Ista libro de actibus Silvestri, quem Vincentius dicit à quodam, cujus nomen ignorat, è græco translatus, ut eodem libro cap. 9. habetur, manifestè contradicunt. Quis non crederet potius Hieronymo approbato, quàm ignoti auctoris scripturis, quæ apocryphæ dicuntur, quando author ignoratur? Textus etiam qui ascribitur Melchidi papæ, qui habetur 12. q. 1. futuram, qui videtur huic dicto aliquantulum ob stare, non est Melchidis papæ, secundum glossam quandam & etiam rei veritatem: quia Melchides præcessit Silvestrum, ut patet in catalogo Romanorum pontificum. Et si Constantinus fuit baptizatus à Silvestro secundum commune dictum, tunc patet titulum illius textus falsum, quia loquitur de baptismo Constantini. Et etiam Melchidis foret ille textus, adhuc non haberetur argumentum ex eo contra præmissa: quia non dicit aliud, quàm Constantinum sedem Romanam imperialem reliquisse & Petro & successioribus concessisse: hoc est, quod ubi fuit sedes imperialis, quod ibi sit modò papalis: quod non negatur. Et verum est Constantinum Imperatorem tempore Melchidis papæ fuisse, & tunc Christianum: ut per Augustinum in multis locis hoc habetur, & maxime in epistola ad Glorium & Elusum, & quibus hoc gratum est, quæ incipit: Dixit quidem

Jus pontifici  
quando cepit  
esse.

Multæ sunt  
hist. Silvestri.

quidem apostolus, & hoc concordat cum Hieronymo. Vidi etiam decretum Leonis papæ in synodo Romanâ, cum subscriptione episcoporum & clericorum, & civium Romanorū: ubi Leo papa Othoni primo restituit omnia loca per Pipinum & Carolum & Robertum Reges sancto Petro data; & nominantur in eodem decreto omnia loca: & nullam facit de donatione Constantini mentionem. Sunt meo iudicio illa de Constantino apocrypha.

## ANTONINUS ARCHIEPISCOPUS

Florentinus primæ partis historialis ti. 8. c. 2. §. 8. sic inquit

**T**ertium dubium est de donatione factâ ecclesiæ à Constantino, de qua habetur in decretis dist. 96. Constantinus. Sed illud cap. non habetur in antiquis decretis. Quid ergo & quantum donaverit, non est bene certum: videtur tamen saltem illud quod Ludovicus rex Francorum & Imperator promittit sub iurejurando Paschali papæ & successoribus ejus, de quo habetur dist. 65 Ego Ludovicus. Et Otto Teutonicorum primus Imperator confirmat. Johannes papa distinctione eadem, Tibi. Sed & quæstio adhuc agitur inter Canonistas & Legistas, utrum illa tenebitur donatio. Quod Canonistæ omnino firmant, & Theologi magis confirmant. Et quia non fuit simplex donatio, sed potius restitutio ecclesiæ facta juris sui, cum omnia sint de Christi dominio, cujus papa est vicarius in terris: cætera vero dimisit dominis temporalibus.

### RAPHAEL VOLATERRANUS IN VITA.

Constantini magni sic scribit

**D**e dono Constantini, aut concessione apud nullos extat auctores, præterquam in libro Decretorum: idq; in antiquis voluminibus minimè contineri, auctor est Antoninus præsul Florentinus in Chronicis.

### R. P. D. HIERONYMUS PAU. CATTHALANUS.

Canonicus Barcinonensis, juris utriusq; doctor, ac cubicularius Alexandri. VI. pontificis Max. vir fide digniss. in libello, quem vocant practicam Cancellariæ Apostolicæ, sic scribit

**Q**uod donatio Constantini etiam de facto non fuerit, lege Laurentium Valam & Papam Pium in dialogo: nec de tali donatione quicquam legi apud probatum historicum, præsertim eos qui scripserint illâ ætate, vel illi proximâ. Nam nec Eusebius, qui fuit diligentissimus scrutator & narrator rerum Christianarum meminit, quod tamen nullo modo videbatur omittendum: nec Hieronymus, Augustinus, Ambrosius, Basilus, Johannes Chrysostomus, nec Ammianus, nec historia tripartita, nec ipsemet Damasus papa in suâ Chronicâ, nec Beda, nec Orosius meminērunt. Et constat per plures quàm CCC. annos post Constantinum, Imperatores tenuisse gubernacula urbis & Italiæ per duces, præfides & exarchos, & urbis Romanæ usq; ad tempora Innocentii. II. ut pater apertè in Chronicis & historiis: & de Justiniano pater, l. 1. & 2. de offi. præfec. prætor. Africæ & in procemio instit. & in epistolâ, inter claras. ibi, nostrum firmat imperium, & in l. fin. C. de vet. jur. enucl. & in l. bene à Zenone. & in aut: ut etiam Romana ecclesia ibi, ad ecclesias nostras, & usq; ad oceani recessus & in aut: ut proprio nomine Imperato. Et in vitâ Phocæ Imperatoris legitur impetrasse Pantheon Bonifacium papam ab eo. Unde ergo habuerit terras ecclesia, vide gesta Caroli magni, & Pipini, & Pium in dicto dialogo, & collecta novissime per dominum Bartholomæum de Platina bibliothecarium, qui omnia instrumenta pertinentia ad statum ecclesiæ in temporalibus, præsertim circa acquisitionem terrarum, & aliorum jurium & censuum, collegit in valde magno volumine: ad cujus collectionem etiam operam nostram præbuimus in revivendo. Et de dictâ donatione & curatione lepræ Constantini, lege quæ latè scribit Renus episcopus Paduanus in historiâ sua de vitis pontificum.

Papa Pius dialogum scripsit contra donationem Constantini.

Argumentum forte. Car. mag. & Pipinus spoliaris veris imperatoribus, ecclesiam Romanam diruna.

## AD LECTOREM.

**L**egisti Vallam, lector studiose, qui ob suā mordacitatem non leves poenas dedit: Patri-  
tius enim fuit Romanus, & ecclesiae divi Johannis Lateranensis. canonicus; verum,  
quū nimis acerbē contra donationem Constantini scripsisset, suāsque in pontifices invectivas,  
plus aequo graves edidisset, exilium passus est. Nam ab Alfonso Neapolitanorū rege excep-  
tus servatūque fuit. Vixit enim anno domini M. CCCC. XX. tempore Nicolai quinti, cui  
& sex elegantiarū libros dedicavit. Floruit quoque sub Eugenio IV. attamen, quia mediocrita-  
ti studere non didicit, minus sapiens ac circumspectus in suis invectivis est habitus. Aurea  
igitur servanda est mediocritas, & omnibus in rebus quidam semper est modus. Nam diffi-  
cile est in illum scribere qui novit proscribere. Quod quia neglexit (quanquā fortasse & fer-  
rea veritas pro ipso dimiceret) non ab omnibus commendatur. Ceterū hac missā faciamus.  
Norunt enim viri boni, religiosi, eruditi quoque & sapientes, quid in hac re (ne aliquē offen-  
disse videamur) credendū sit. Itemque, non esse articulū fidei, Constantinum dedisse Silve-  
stro occidentale Imperium, omnibus est notissimū. Nihil etiam in his omnibus sacrosanctae  
sedi apostolicae decrevit. Nam clarissimū est, beatū Silvestrū & successores ejus potentissi-  
mis Imperatoribus, armatā manu ac bello nihil surripere potuisse. Quid igitur hujusce re-  
bus diutius immoramur? Legamus veteres; legamus & neotericos, remque ipsam quae  
Constantini donationem contingit, paucissimis absolvamus. Variant auctores ipsi ut supra  
ad lectorem diximus. Quapropter, ne hac praedicta quispiam mali consulat, assignamus hoc  
loco varias doctorum juris opiniones, quas quū ritē revolveris, tibi ipsi judicium esto. Expedi-  
dit enim atque perutile est omnia scire, & quod verum est tueri: quoniam quidem non abs-  
re fuerit, candidissime lector, in hac ipsa re, cum opiniones extent doctissimorum virorum plu-  
rimarū, quorum pars aliqua hanc donationem & contigisse olim ac valuisse affirmat. Non-  
nulli verō, eam quidem ipsam contigisse nunquam, asserere non dubitent. Quidam denique  
eandem tamen factam, jure tamen fieri haud licuisse contendunt. Quas ob res si cuiuspiam hu-  
jusmodi rerum studiose latius privatim differere secū libuerit, idque uberius erundae veritat-  
is gratiā (licet haec plerumque odium pariat) citra tamen majorem nostrorum indignationem  
seu offensionem, is, ultra memoratos hoc in libello auctores, juris etiam professores, quo-  
rum in arduis, est de apicibus juris disputare, cognoscere, ac definire, necnon in his quae in  
puncto juris versantur iustum ab injusto, aequumque ab iniquo aequā lance discernere passim  
sparsimque perlustrare poterit.

## Apud Canonistas.

Videre est textū seu Paleam in c. Constantinus. 96. dist. & in c. ego Lotharius. 63. dist. Glo.  
in clemen. prima. §. ceterum, de iurejurando. Doctores quidē in generali, In c. translatō de  
confli. In c. ex ore, de his quae sunt à majō. parte ca. In c. 1. de iurejurand. In c. per ve-  
nerabilem, qui filii sint legitimi. In c. ex insinuatione, de Simo. In c. fundamenta de ele-  
ctione. lib. sexto. In speciali vero, Innocentius tractat in c. quod in dubiis, & c. finali de  
restit. in integrū. Item Speculator in tit. de instrumentorū editione. §. Nunc aut, & in §. 11.  
versū, quid si Imperator. Johannes Andreā in additionib. ad Speculatorem in titulo de iu-  
risdic. omniū judi. §. 1. Abbas Panor. in dic. c. per venerabilem. Idem libro consiliorū secū-  
do, consilio. 84. Felinus in c. solitae de majōri & obediē. Cardinalis Alexandrinus in clemen-  
tina prima de sum. trini. & fide catho. Idē in clemen. Romani versū, porrō de iureju-  
rando. Andreas de Iservia in c. 1. (sexta columna) qui seu. dare possunt, &c.

## Apud Legisperitos.

Diversim ac variē legitur hac eadē de re seu materia, apud eosdē princip. quidē apud Cy-  
num in l. cōpetit C. de praescriptio. XXX. annorū. In l. penul. C. de bonis quae libe. Gl. & do-  
ctores in l. 1. in prin. & §. 1. ff. de offi. praesid. Glo. in autentico, quomodo oporteat episcō-  
pos post pri. colla. ii. Gl. in auten. ut eccle. Roma. centum annorum gaudeat praescriptione.  
colla. ii. Bartholus plerisque in locis, puta in prima constitutione pandectarum quarta columna.  
In l. omnib. ff. ad Sancta iurcon. Trebel. In l. prohibere. §. plane ff. quod vi aut clam. In l. 1.  
§. doctrina ff. de acquirenda poss. Praeterea Baldus in dic. l. penul. Idē in prima consi.  
codi. Idē in praelud. lib. feud. 12. colū. Idē in l. Barbarius ad ff. de offi. praesid. Idem in c. 1. &  
c. in generali. Si de feudo fuerit controversia. Jacobus Butrigarii in dic. consi. prima cod. An-  
gelus Perusinus in l. Si certarum ff. de testamento mil. Ludovicus Rom. in l. is qui haeres,  
in prin. ff. de acqui. haered. Paulus de castro in consi. 72. Alexander de Imola, in dic. 1.  
consi. digestorum. In dic. l. omnibus. Idem in l. legatariis. ff. de offi. praesid. Idem in Rubrica.  
ff. de verborum obliga. Idem in dic. l. prohibere. Idem in l. filio quem pater ff. de libe. &  
posth. Idem in quarta parte consiliorum, consi. 95. Idem in quinto consiliorum volumine,  
consi. 24. in fine, &c. Vale lector, & haec omnia diligenter perpende.

## AD LECTOREM.

**O** Tu lector diligens, qui perlustras omnia, & nihil intentatum relinquis, lege obsecro & hæc quæ de Constantino referuntur, sive ipsius baptismum, sive imperii Romani divisionem, donationemve contingant.

Pomponii Latii libro secundo verba hæc sunt.

Quoniam Constantinus fidei Christianæ plurimū faverat, mirumq; est, quòd cum deditissimus fuerit, lavacrum renascentis vitæ in extremū vitæ suæ tempus distulerit, ut existimo, volens id in Jordane, iturus contra Persas, efficere, baptizatusq; est ab episcopo Nicomedien.

Iterum subiungit Pomponius.

Quidam tradunt Constantinū orbē hæredibus testamento divisisse, quidam filios forte fecisse. Constantino obvenere Gallia, Hispania, & alpes Cottia, Britannia, Orcades, Hibernia, Thyle. Constanti, Italia & Africa cum insulis, &c. Tu lector, reliqua ibidem require.

Socratis Græci in historia tripartita lib. 3. cap. ult. hæc sunt, traductore latino Epiphanio & Cassiodoro senatore auspicante.

Cumq; religiosissimus Imperator potitus Christianitate gauderet & veri dei testimonio fidem Nicænam roborari cognosceret, in his quæ fuerant de Arrio gesta lætatur. Qui cum tres habuisset filios, eos Cæsares appellavit, & singulos eorum per decenn osannos imperii sui principes esse constituit. Primum quidem filium, sui nominis Constantinum Hesperiarum partium, in decennali suo fecit habere principatum. Secundum vero avi nomine nuncupatum Constantium in vicennialibus suis Cæsarem in oriente constituit. Juniorem vero Constantem in suis tricennialibus ordinavit. Anno verò post hæc transacto, ingressus LXV. annum ætatis, agritudine captus ex urbe Constantinopolitanā, quasi ad calidas aquas egressus est.

Jam Theodoric verba eodem in loco quo præcedentia, in hunc modum subsequuntur.

Qui (videlicet Constantinus) cum in Nicomediā degeret, languore gravatus, nec ignorans vitæ hujus incertum, gratiam sacri baptismatis est adeptus. Distulerat enim usq; ad illud tempus, in Jordane fluvio hoc promereri desiderans. Porro autem tres filios imperii hæredes & Athanasium reverti præcepit, &c.

Verba Zozomeni de eodem, ibidem.

Nicomediæ in suburbano, sacri baptismatis donis initiatus est, &c. Johannes Baptista Egnatius Venetus de imperatoribus scribens, sic ait de Constantino.

Tres liberos & Dalmatium fratris filium successores reliquit, XXX. & amplius annos imperans; XIII. vero ex his solus. De ejus quoq; baptismate uti variant auctores, sic constanti fide, quæ de imperii donatione circumferuntur, uti minus similia veri non probant, &c.

Idem de tribus Constantini filiis.

Hi tres imperium, quod per manus à patre acceperunt, ita partiti sunt, ut Constantinus maximus natu Gallias & Hispanias, Britanniaq; insulam obtineret. Constanti Italia cum Illyrico & Græciâ cederet. Byzantium & Oriens Constantii effet: qui Dalmatium focium imperii haberet, &c.

Sextus Aurelius Victor de gestis Imperatorum hæc de Constantino scribit.

Ad tres, orbis Romani dominatio redacta est, Constantinū & Constantiū ac Constantē, filios Constantini. Hi singuli, has partes regendas habuerunt. Constantinus trans Alpes, Constantius à freto Propontidis, Asiam atq; Orientem. Constans Illyricum Italiaq; & Africam, Dalmatiam, Thraciam, Macedoniamq; & Achaiam, &c.

O. G.

¶ Collige lector fidelis ex his omnibus, quidnam Silvestro magnus ipse dederit Constantinus. Perlustra quoq; omnium nobilium scripta authorum, & de Constantini donatione nihil fortasse quod approbari à doctis possit, reperies. Postremò, ut paucis rem ipsam absolvamus, lege Volaterranum, lege Nauclerum, lege etiam ac perlege Capnionem ipsum Johannem Reuchlin Phorcensem, virum doctissimum, qui in suo opusculo de Constantini vitâ quod è Græco in latinum vertit, nullam prædictæ donationis mentionem facit, quam tamen (ut Græcus vult codicillus auctore vero carens) illum à Silvestro baptizatum opinetur. Tu igitur, lector studiose, diligenter omnia revolves, ut è manu tandem Her- culis clavam eripias. Vale feliciter.

Finis de donatione Constantini.





Omnem videlicet fidei veritatem spiritu sancto revelatam; in scripturis deinde sacris eodem spiritu sancto repositam, atq; in Apostolorum symbolo summatim recollectam: simulque Symbolum Apostolorum.  
a primitivâ ecclesiâ re ipsâ custoditam, virtutibus, prodigiis, sincero dogmate, martyrio quoque certificatam. Postremò, Concilio Nicæno, ac ab episcopo Athanasio, plurimiq; dogmatistis in hæreticos studio explanatam, necessariam esse ad animarum salutem præcipue hoc ævo, pari fide fatemur. Viva itaque fides universale est fundamentum salutis humanæ, Fides.  
quæ fides dono spiritus sancti, meritoq; gratiæ Christi principaliter largitur, in ecclesiâ verò voce evangelicâ, ac veritatis verbo ministerialiter annuntiatur, sacramentis quoque ecclesiasticis exemplariter confirmatur.

## PROFESSIO FIDEI TRINITATIS BENEDICTÆ.

Eodem fidei fonte stabiliter quoad spiramus, credimus, & fatemur: Satorem atq; fidei Trinitas.  
salutis datorem esse Deum omnipotentem, in deitatis substantiâ unum: in personis vero trinum, patrem, filiumq; spiritumq; sanctum, unum deum perpetuò benedictum. Qua fide de deo patre, deo patri, & in deum patrem integrè credimus. De deo patre credimus, filium suum unicum perenniter generare, quem misericordiâ sua motus in redemptionem & salutem mundo dedit, cujus merito solus genitor secundum propositum electionis suæ salutem operatur. Genitori deo eadem fide credimus, quando testimonio ejus integrè acquiescimus, quod ab eo cœlitus de gratissimo ejus nato delapsum est. Hic est (inquit) filius meus dilectus, ipsum audite. Quod etiam beata & semper inviolata virgo Maria, concordî sententia protulit. Quodcumq; (ait) vobis filius meus dixerit, facite. Vera etiam atq; fidelia mandata ejus pari fide dicimus esse à deo, ut qui in fide adultâ ætate vivens ea reliquerit, ipsum salutem in Christo nequaquam fore adepturum. In deum patrem credimus, quando cunctipotentem cœli orbisq; creatorem esse scientes, ipsum corde diligimus atq; opere juxta notitiam virtutemq; mandata ejus custodimus. Genitor.

## DE VERBO INCARNATO SINCERA FIDES.

Catholica fides, quam semel suscepimus à deo, nos eadem de Christo, Christo domino, Filius.  
& in Christum facit credere, profiteriq;. De Christo, sapientiâ æterna, credimus, verum unicum Deum, æqualem in divinitate patri ac spiritui sancto, potestate, sapientiâ, & bonitate vitam æternam esse, perpetuâ generatione ex patre procedere, per quem fecisse & secula haud ambigimus. Qui ut promissa patrum implet, in Gentium salutem ab alto personali- ter descendit cœlo, thalamo virginali inclusus: plenitudine temporum in terra visus est, in cruce atrociter distentus, Pilato tunc in Judæa præsidente, cum sanguine purissimo animam exhalavit: ligno depositus, faxeo reconditus est sepulchro, luce tertiâ placido expergescit: est somno: Novissimè quadragesima die serenâ sublatuâ nube, In dexterâ patris, loco videlicet eo dignissimo, nobilissimo residentem, regnare credimus, ut omne cordis nostri desiderium, quævis simul nostræ spei fiducia sursum in gloriam sanguine ipsius paratam tollatur: qui in throno gratiæ residens, fidelis advocatus interpellat pro his, qui hæreditatem gloriæ percipituri sunt. Ecclesiam suam pro qua seipsum obtulit ad mortis supplicium, gratia, virtute auxilioque, dono gratuito, non deserit, quam in diebus carnis suæ vehementer observavit: cui omne genus viventium, cœlestium, terrestrium, & infernorum ea lege est subditum, ut quemadmodum patrem deum, ita filium pari gloria, æquo honore, simili- que majestate colant, venerenturque: linguaque suâ ipsum in gloria, sedeq; majestatis pa- tris scilicet sui residere fateantur. Neq; cœlo aliquando descensurum nisi omnium Gentium ad- versitas subdita ipsius pedibus, tandem damnatione conteratur æternâ: Christo Jesu annuimus dummodo iusta ejus: quæ nos ad credendum in eum, fidendum, diligendumq; pro vitâ gloriæ adeunda obligant, vera ac fidelia dicimus esse. In Christum autem credimus, quando deum & salvatorem nostrum cognoscentes, omnes ejus sermones plenâ fide am- plectimur: ipsum quoque perfectâ charitate diligentes, cum fidei ejus membris in fide, amore copulamur.

## DE SPIRITU SANCTO VERA FIDES.

Ejusdem postremò fidei virtute tenaciter credimus, quam usque exitum tenere decrevi- Spiritus San-  
mus, de spiritu sancto, spiritui sancto, & in spiritum sanctum. De spiritu sancto quod est un-  
us verus Deus, cum patre, verboq; unigenito: in hoc duntaxat diversus, quod ab utroq; emanat. Cujus munere fidei vivificantis, renovantis & reformantis ad Christi participationē merito-

meritoria gratia justificationis, veritatis, fortitudinis, perfectæq; salutis, unusquisq; pervenit. Quo etiam ecclesia sancta in Christi fide cui portæ inferni resistere non valent, fundatur: quam similiter eodem spiritu in membris fidei veræ lavat, justificat, sanctificat, ordinat, gubernat, congregat, roborat, fructificat. Simulq; divinæ literæ eodem spiritu sunt inspiratæ, atque cognitæ. Eo quoq; membra ecclesiæ uniuntur, ab eo pariter dona regiminis ecclesiæ procedunt, atq; alia quamplura eodem spiritu sancto in vitam gloriæ perficiuntur. Spiritui sancto credimus, quando divinis scripturis aut Apostolis dei, plenè consentimus. In spiritum sanctum credimus, dum clara ejus notitia, & fide haud ficta ipsum diligimus, & cum membris eo afflatis omnes ejus veritates revelatas in gloriam æternam custodimus.

## DE ECCLESIA SANCTA, PROFESSIO.

*Ecclesia.*

Eadem formatæ fidei plenitudine credimus, sanctam Catholicam Ecclesiam, ratione fundamenti fidei vivæ, esse numerum omnium electorum à mundi exordio usq; ipsius consummationem, quos Deus pater in Christo spiritu suo eligit, justificat, vocat in gloriam salutis, magnificat: extra quâ nulla salus hominibus est. Ratione autè ministeriorum, dispensatorumq; ipsius sanctam Ecclesiam Catholicam credimus esse congregationem omnium ministrorum ac populi obedientia subjugati, ab initio usque ad consummationem omnium temporum divinæ voluntati obsequentium, quos solus Deus spiritu sancto inspiratos mittit, dans eis verbum fidei, pacis, reconciliationis, ut fructum in unitate ecclesiæ salutis afferant, & labor eorum salutifero non fraudetur præmio: quorum nomina numerumq; ille solus scit, qui ea in vitæ libro exaravit. Prima paulò ante ecclesia neminem damnandum continet, profecto altera mixta servat ad tempus prænitium judicii extremi, Ecclesia malignantium eos, qui ex maligno prodierunt, ambit, quos diabolus in perditionem mundi, & in probationem electorum mittit, hoc temporum curriculo quo nos spiramus. In hanc ecclesiam omnia acerba tristiaq; quæ Christus atque Apostoli ejus vaticinati sunt cumulatim devoluta sunt, videlicet ut hi, qui honore Ecclesiastico sunt indigni, sua potestate ei dominantur. Renovationis etiâ promissa jam eidè completa esse. Neq; autè nos tantum nobis arrogamus, ut Catholica ecclesia laboramus ecclesiasticæ veritatis participes effici, rectoribus demum ejus in obedientia ordine stantes, intimo amore subijci. Malis vero operariis, quos hostes sponsæ veritatisq; ejus deprehendimus, timore æternæ damnationis, obedientia denique Christi, ecclesiæ quoque ejus in his quæ contra legem sentiunt, loquuntur aguntve, subesse parereq; veremur. Quapropter angustias, ludibria, calumnias, gratia salutis animarum nostrarum patienter ferimus. Nisi enim timor sanctus nos detineret, horror quoq; gehennæ, libertatem seculi in quo datur facultas vivere quemadmodum velis, cum vanitatibus ipsis amplecteremur. Sed viam arctam, tristem, irrisam maluius eligere, quam ipse Redemptor Christus, ecclesia denique sponsa ejus à mundo damnata abjectaq;, vestigia Christi signata sequens ambulavit, quam momentaneas seculi blanditias degustare sectarique.

## DE MINISTERIIS ECCLESIAE.

*Ecclesiæ ministeria.*

*Septem sacramenta.*

Primum & potissimum ministerium ecclesiæ Catholicæ est evangelium Christi, quo gratia & veritas crucis tormento laboriosè acquisita manifestatur, quæ gratia electis vocatis dono fidei à spiritu sancto, deoq; patre in salutem largitur. Alterum deinceps necessarium ecclesiæ Christi ministerium, verbum sani dogmatis innotescimus esse, quo veritas salutifera in sensu fidei cognoscitur: ex qua notitia, homini boni desiderii vita gratia quoque administratur. Similiter sacramenta septenario inclusa numero ecclesiæ Christi utilia esse pandimus, quibus populo credulo promissa ei impleta esse significantur: ingressus etiam in ecclesiam dei ad servandam unitatem in ea conversantium, in gloriam per ea ministratur.

## BAPTISMUS.

*Baptismus.*

Fides à Deo data, talia de baptismo primo sacramento cogit sentire: Quicumque maturâ jam ætate auditu verbi Dei fidem adeptus, qua in anima renatus, illuminatusq; vim nactus fuerit, talis exteriori lavacro in argumentum interioris munditiæ per fidem acquisitæ baptizari tenetur in nomine Patris, & Filii & Spiritus sancti, in unitatem ecclesiæ sanctæ. Professio ista nostra etiam in pueros extenditur, qui Decreto Apostolorum (prout Dionysius scribit) baptizari debent, post, ductu compatrium in Christi lege eruditorum, ad vitam fidei invitandos esse affluendosque.

De

## DE CONFIRMATIONE.

Fide ex divinis scripturis sumptâ profiteamur temporibus Apostolorum istud observatum fuisse, quicumque in pubescentiâ annis promissâ donorum spiritûs sancti non acceperunt, hujusmodi per orationem manûsq; impositionem, in fidei confirmationem suscipiebant. Eadem quoque de infantibus sentimus, quicumq; baptizatus ad veram accesserit fidem: quâ imitari re ipsa in adversitatibus & contumeliis proposuerit, hac ipsa ratione, ut nova regeneratio in spiritu ejus, vitâq; grâtiarum revelata videatur, talis ad episcopum, aut sacerdotem duci statuiq; debet, qui interrogatus de fidei veritatibus præceptisq; divinis, simulque voluntate bona, intentione stabili, ac veritatis operibus illa omnia sic se habere fatendo testabitur, talis confirmandus est in spe veritatis consequutæ: deniq; orationibus ecclesiarum juvandus est, quatenus ei incrementum munerum spiritûs sancti ad stabilitatem militiamq; fidei accedat; Manis postremò impositione ad firmanda promissâ dei, veritatib; habitæ in virtute nominis Patris & Verbi ejus, Flatûs quoque almi, ecclesiæ societur.

Confirmatio.

## DE EUCHARISTIA.

Fide ipsa, quam scripturarum sanctarum ministerio hausimus, credimus, linguâ quoque nostrâ resonamus, Ubicumque dignus sacerdos cum fido populo juxta sensum & Christi intentionem Ecclesiæq; ordinationem orationem faciens hujusmodi verbis, videlicet, Hoc est corpus meum: Hic est sanguis meus, testificatus fuerit: confestim præsens panis est corpus Christi in mortem pro nobis oblatum. Vinum similiter præsens est sanguis ejus effusus in peccatorum remissionem. Hæc fidei nostræ professio verbis Christi firmatur ab Evangelistis & à sancto Paulo conscriptis. Ad hanc professionem etiam istud accedat, Hoc corpus Christi & sanguis ejus, juxta Christi & Ecclesiæ quoque ejus institutionem, sub panis viniq; speciebus utrisque in commemorationem ejus mortis, sanguinis etiam effusionem ipsius, quemadmodum ait, Hoc facite in meam commemorationem, sumi debet. Deinde mors Christi, verbo Evangelii, atque bona utilia morte ejus disposita, annuncianda sunt. Similiter spes fusi sanguinis, ut Apostolus testatur: Quotiescunque (ait) manducabitis panem hunc, & calicem domini bibetis, mortem domini annuntiabitis donec veniat. Tertiò, pro veritatis spiritalis notitiâ, de qua Johannes Evangelista scribit: In certificationem similiter donationis, sumptionis, usus, acceptionis, veritatis, per fidem in spe, sicut ait dominus, Accipite & comedite: Accipite & bibite. Quartò, propter simultaneum usum; namque ex Christi & primitivæ ecclesiæ institutione atque praxi, tunc sacerdos ministrare debet, quando fidelium necessitas fuerit, qui cum eis simul accipere tenetur, ut dicit: Hoc facite in meam commemorationem. Paulus etiam, Calix cui benedicimus, nonne communicatio est sanguinis Christi? & panis quem frangimus, nonne participatio corporis Christi est? Namque unus panis & unum corpus multi sumus, qui de uno pane & de uno calice participamus. Quintò, ob fidelium ab infidelibus & indignis discretionem, & propter excommunicationem & correptionem eorum, qui labe vitiorum foedati, poenitentiam agere recusant. De eo Paulus scribit, Nolo vos (inquit) focios esse demoniorum, non potestis calicem domini bibere, & calicem demoniorum: Non potestis participes esse mensæ domini, & mensæ demoniorum. Rursus: Auferte (inquit, malum ex vobismet ipsis: nam si is qui frater dicitur inter vos & est avarus, fornicator, aut idolis serviens, aut ebrius, seu maledicus, aut fur, cum hujusmodi nequecibum accipite! En fides nostra, gratiosissime Rex, de corpore & sanguine Christi, erga quem quemadmodum mutare aut auferre ea ipsa quæ dominus Jesus verbis dignatus est testificari, ad quem similiter usum tradere, formidamus: neque etiam apponere quicquam audemus, quod institutor sacramenti non addidit, simulq; primitiva Ecclesia, quæ Christum in paupertate, labore, sequens, suâ simplicitate edicta legis non violavit. De isto profectò sacramento, quod dominus ex magnâ gratiâ instituit in charitatem & amorem electorum, multa dissidia ex sensu, opinionibus, & sanctionum additamentis emerferunt, adeo quod contra intentionem institutionis domini, alii in alios insanîa capri homicidia perperant. Nos verò tanti causâ mali evitandi, ad Christi fidem, verba, intentionem, sensum ejus verbis inculcatum confugimus, ut quod credere jussit, simpliciter credamus: quod deniq; facere mandaverit, fideliter operemur. Revera non modò de pane accepto, benedictò, fracto, testificato esse corpus suum nos credimus corpus ejus esse: verum etiam si lapideum accipiendo dixisset ipsum corpus suum esse, plenè ita credidissimus. Gratiâ hujus simplicis nostræ fidei, quia opinione hominum nos abduci ab eâ non patimur, hæreticamur: pro usu etiam actuali, ad quem nos sermo Christi Apostolorumq; & exemplum operis ejusdem sacramenti invitat, quia ita agimus, utimur fide integrâ in mortis Christi memoriam, condemnatur, judicatur, captivatur & affligimur. Christum enim redemptorē nostrū vetitū ejus dissuasi, atq; præcepto ejus astricti,

Primitiva Ecclesia.

eti, cultu, honore sibi digno colimus: aliud venerari quemadmodum ipsum solum in dextera residentem, cum patre & spiritu sancto vehementer metuimus. Quapropter, benignissime Rex, sciat serenitas vestra hoc nos non contumacia neque contemptu ullo facere: sed timore Dei & obedientia ejus. Nobis autem pro Christi fide damnatis, sublimitas vestra compati velit precamur: optamus quoque, ut Deus excelsus gratia sua dignitatem vestram ab ira sua custodire conservareque dignetur.

## DE SACERDOTII ORDINE.

Ordo sacerdotialis.

Ipsa fide nostra credimus ordinationem sacerdotum a summo Episcopo Sacerdoteque magno in veritate prodire, ut in loco legationis Christi ministerium, evangelizatio, doctrina, iudicium, oblatio orationum ab hominibus, gratiarum actiones, laudes deo ab eis peragantur. Similiter a Deo fiat ad homines, ut dei promissa in spe habitae fidei verae verificentur, & excommunicatione ab hoc bono mali arceantur. Denique hoc etiam fide fatemur, quod ii qui alios ordinare intendunt, Christum aemulari tenentur & legationem ejus recto animo absque personarum acceptione, avaram demum cupidine vacui & simonia, consummare tenentur. Eadem fide proponimus, quod ordinandi majoribus, aut minoribus ordinibus promovendi, vita virtuosa in Christi fide alios fideles debent excellere. Viva enim fides sanctificat & idoneitatem omnibus muneribus tribuit, benedictionem vitamque possidet. Bona enim opera honestae conversationis, indumentum sunt sacerdotis atque ornamentum, in gloriam patris coelestis & ad exemplum populi, virtutemque verbi: Etiam dona spiritus sancti uberiora tenentur habere, amore scilicet ardentior in Christum, salutis suae proximorumque confidentiam, in deum fiduciam, intentionis aequitatem, sensum fidei sanum in conscientia bona, preparatos pedes in evangelium pacis, prudentiam spiritus, legis divinae scientiam, discretionem spirituum, & sic de aliis. Quicumque clericus tali ordinatione evehitur in sacerdotium, talem ordinationem sacramentum esse profitemur: quoniam quidem signum sunt veritatis sacerdotii summi Christi Jesu ejusque ordinationis a patre deo, formae ministerii tanquam capitis Ecclesiae suae ad adolendum deo incensum veritatis in Christo. Ad plenam presbyteri gradationem tria esse necessaria approbamus. Primum probatio vitae, fidei, donorum, fidelitatis quoque in exiliis negotiis creditis: Alterum orationes cum jejniis. Postremum, contributio potestatis aptis ad hoc verbis & manuum impressio ad corroborationem.

## DE MATRIMONIO.

Matrimonium.

Fide attestamus matrimonium esse duarum personarum utriusque sexus, maris & foeminae, legitimam, honestam & decentem in Christo unionem, castum torum cum indissolubilitate custodientium. Est est signum magnae veritatis, copula scilicet Christi cum ecclesia & fidei anima.

## DE POENITENTIA LAPSORUM.

Poenitentia.

Ex fide affirmamus, Peccatori lapsio, Deus si cor contritum & humiliatum in vitiis largitus fuerit, fidem Christi veram habenti, & si animo, intentione, opere, a retroactis vitiis resipuerit, talis in veritate constitutus, si presbyterum scientem discernere malum a bono, cuius labia scientiam divinae legis custodierint, invenerit: hujusmodi sacerdoti rectae intentione scelera confessione revelare debet, quo veluti iudice in loco dei praesidente & ecclesiae, jure legis domini, culpae ejus gravitas (qua rubore perfundatur) recte dijudicetur, & correctus consilium poenitentiae ad reformationem sui habeat. Christi clavibus, aut solutus, aut ligatus humiliter obsequatur. Talem cordis submissam contritionem poenitentiae sacramentum, hoc est signum veritatis gratiae largitae poenitenti. Sin autem cor depresso, contritum, ac flagitia ex fide abhorrens spiritus contribulatusque, voluntatem dei amplectens defuerit, simulque confessio cum relaxatione culpae, atque satisfactio simulata ad haec accesserit, vanum signum vacuum gratia Christi esse pronunciamus.

## UNCTIO EXTREMA INFIRMORUM.

Unctio extrema.

Aegrotantium unctio duo in se tenet. Primum, causam facilioris accessus ad languentes. Hac res sacramentum non est. Alterum est res ipsa signata tali unctio, quae tribuitur a deo in Christo: pro qua re in recta fide ut languenti fidei id condonetur praecipue orandum est, beati Jacobi praecepto. Infirmatur quis (ait) in vobis? inducat presbyteros ecclesiae, & orent super



per eum, ungentes eum oleo in nomine domini : & oratio fidei salvabit infirmum, & alleviabit eum dominus : & si in peccatis sit, remittentur ei. Fide ægrotantis signum unctionis certificat scelerum remissionem.

### COMMUNIO SANCTORUM.

Habita fidei Ecclesiæ Catholicæ, veritatibusque ejus, ex qua veritate sanctitas ei datur, enunciatione, jam superest eadem fidei firmitate de sanctorum communione fateri. Sanctorum communio est, quando membra Ecclesiæ sanctæ bonâ, gratuita, saluiter administranturque; omnibus gratia Dei, sine penitentia largita, mutuò in communi utuntur, atque secundum donationis gratiam Dei seipsos exhibent ad communem aliorum utilitatem. Palant itaque est, quod tantummodo electi, veræ fidei, gratiæ, justitiæ in Christo, merito ad gloriam salutis æternæ participes sunt : quemadmodum & sacramentis communicant in fidei evidentiam, tamen in seductione fuerint, damnatio tormenti non eos apprehendet. At mali informis fidei, quamquam sacramentis, dignitatibus, administrationibus publicisque moribus in veritate communicaverint, dummodo veræ fidei exortes fuerint, indignè quemadmodum hypocritæ, participant : qui si erroneos æmulati fuerint, eorundem ducti in seductionem & deceptionem corrunt.

Communio  
sanctorum.

### DE REMISSIONE PECCATORUM.

Credulitate Christi gratiæ liberè enuntiamus, quòd qui vivaci fidei communicat, eà ipsa veritatem relaxationis viciorum in Christo assequitur : simulque quia sacramentis Ecclesiæ participat, solutionem criminum in eadem fide atque certitudine adipiscitur ; qui si in finem vitæ perduraverit, vitam gratiæ hic, extremi quoque tempore judicii in beata resurrectione glorificationem animæ consequetur. Amen.

Remissio pec-  
catorum.

Ista est, Rex clarissime, fidei nostræ professio, quam corde Catholicam tenemus : quæ suū stabilimentum in fidei scripturis habet, quas scripturas fastidiosa prolixitas, vestræ quoque mentis diversa occupatio non pariter adducere : quippe cum multis sacrarum literarum argumentis, amplius quoque rationibus causas similiter interferebant discessionis nostræ à Romanâ Ecclesiâ scriptum aliud ante hoc consecimus : verum pondus negotiorum vestrorum vestræ Cellitudini illud mittere videndum legendumque distraxit : quodque ipsum si Dignitati vestræ mens ea habendi fuerit, præsto sumus edere. Ceterum vestra Majestas sciat ausam dissidii, non esse species religionis, aut supersticiosos ritus, sola impedimenta sanctissimæ fidei, mysteriis quoque ejusdem potissimum fuisse. Eâ profectò fide Catholica disgregamur, ut suffragia sacramentaque ejus à Christo ordinata liberè exequamur. Quamobrem à vestra regiæ clementiæ humillimè precamur audiri, quatenus scriptum istud tanquam à rectis simplicibusque hominibus missum aqua accipias mente. In quo si minus plenè Honori vestro, decentiæque vestræ tributum fuerit, veniam ignorantiae nostræ benignitas dabit vestra. In quo etiam scripto, si nonnullas sententias celsitudini vestræ duras acerbisque deprehenderit, mansueta mente ferenda esse optamus, quam verà in fide stabilitatem & immobilitatem quærimus, tamen certior veritas agnita execrabilem fugat pertinaciam. Stamus quoque eruditioni humanæ, docerique volumus ex sacratis legis traditionibus, ad sanumque sensum Christianæ religionis duci affectamus. Neque sanè vanus ingratus quoque ejus labor erga nos videbitur, neque etiam nos quispiam tam temeraria pertinaciâ captos esse puer, ut perspicuè veritati haudquam cedamus. Neque etiam hæreticos appellare nos iuste audebit quisquam : Non enim error in mente, sed voluntatis pertinaciâ hæreticum efficit. Nos omni hæresi renuntiantes emendationi indies vacamus. Nova quippe dogmata, recentes quoque religionis Christianæ adinventiones contra legem Dei non cudimus, ut exinde honorem, opes, dignitates aurasque popularem nanciscamur : quoniam quidem idipsum non veri cultoris hominis est, sed ipsius hæretici, qui non sanam fidem, neque verum cultum Dei sapit, sed terrena potius & caducas divitiæ quærit : quas ad vocem domini sponte suâ relinquere recusat ; verum ad multorum hominum sanguinis effusionem defendit. At nobis longè alia mens est, qui nedum ab cruore humano fundendo studiosè abstinemus, sed etiam divino iussu vitam nostram, fluxas opes, orantes pro persequutoribus, patienter ob vitæ æternæ adeptionem abjicimus : simul etiam in dignitatibus potestatibus constitutis subiecti, imperata servamus omnemque opus iustum paratâ mente exequimur, neminem etiam blasphemantes, pacem, concordiam cum omnibus habere contendimus. Gratiâ insuper vestram, causâ dei justitiæque ipsius obnixè obsecramus, ut placido favore nobis compatiens, nos sub imperio vestro vitam

Quis verè hæ-  
reticus.

vitam mansuetam tranquillamq; agere non dedignemini : namq; Deum pro diuturnâ vitæ vestræ sospitate & inclytâ sobole vestra, sub dominio vestro piè innocenterq; viventes, assidue orare non cessamus. Quòd si immortâ mente, tenacive edicto persistentes, nos urbes principatûs vestri incolere non patimini, clementiam vestram sedulo flagitamus, ut modestiâ vestrâ hostium nostrorum immanitas moderetur, vincit̃s denique nostris, qui jam diu cæco servantur carcere, jussu vestro excundi libertas condonetur, oramus, arque lege fidejussoriâ astrictis, ut eis intervallum ad expediendum cum bonis suis illæsis facultas detur, vehementer petimus. Neq; etiam Dignitatem vestram pontificium jus latere existimamus, ad fidem videlicet cogendum esse neminem, quanto magis ad bona opera? utrumque voluntarium Deus ab homine exigit : quodq; etiam apud homines vulgò observatur, nullum servum habendum esse, nisi voluntarium : multo magis Deus libertatis non coactû aliquâ necessitate, sed electione liberi arbitrii verioribus acquiescentem exposcit. Solutio itaque arbitrio ducti quod verius, certius indies noverimus, non solum toacti, sed amore ad id bonum allecti ferimur : cuiq; bono tantâ stabilitate hæremus, ut neq; horror mortis, sæva gladii acies, duraq; tormenta, atque alia plura nos distrahere valeant. Imperio quoque vestræ majestatis illud fieri fratribus nostris, qui sub ditione dominorum odientium nos incolunt, intimè poscimus, ut libertas mutandi locum eis detur, manendiq; sub placidiore domino. Idipsum si annueritis, Deus, largitor omnis boni, regno vestro pacem, concordiam & scelestorum relaxationem vestrorum benignè infundet : quoniam arma nos tuendi nulla nobis sunt alia, quàm desideria cordintima orationum nostrarum ad Deum protectorem validum semper missa, quatenus facilem vobis mentem animumq; humanum tribuat sua virtute, inflectatq; ad nos homines ignominiosè contumeliâ affectos. Idcirco à te Rege justo pioq; defendi, protegiq; tanquàm orphanos pressuras sustinentes, optamus : quibus in angustiis præter pietissimum Deum, nullum alium quærimus quàm vestram Amplitudinem, neque alium appellare præter Majestatem vestram animus est noster. Æquo ergo animo sub tuo principatu nos vivere, deiq; cœli in Christo Jesu, virtute quoque spiritus sancti religiosum piumpq; cultum æmulari jube ac sine : quoniam adest dominus, & cum eo, ecce! merces copiosa. Sin autem nos deserueris in tantis angustiis abjecerisq;, hostibus etiam nostris affligi, excruciarive permiseris, uti velint : quid aliud superesset nobis agendum cogitandumque, quàm dolenter in nostris continuis orationibus pro defensione, tuitione, provisioneq; sine intermissione ad dominum vociferari, fidentes inexhaustæ ejus bonitatis, quod juxta fida promissa nos homines ei ipsi veritatis; ejus tenaciter inhærentes non derelinquet, sed auxilio valenti, ut salvari possimus, suffragabitur?

Cæterum Deus ex alto magnificentiæ vestræ istius compendii acceptabilem tribuat amplectentiâ; suâ postremò benignitate cor vestrum emolliat ad tuendum populum abjectum humiliatumq;. Proq; tali defensione à Deo benedictionem, faustamq; regni administrationem, nunc in gratiâ Christi, tandem in justorum remuneratione, vitæ glorificationem perennis adipiscemini. Amen.

## CONFESSIO FRATRUM WALDENSIIUM

Regi Uladislao ad Hungariam missa.

**H**umilem nostram subjectionem cum supplici obsecratione majestati vestræ Celstitudinis, nos fratres in Christi nomine congregati præmittentes, hoc scripto nostro notum facimus, quemadmodum enim Serenitas vestra literas nomine suo jampridem ad Bohemiæ hoc regnum in nos fidos vestros sparsim misit, quibus atrocius fortasse quàm liceat, nostris quibus mancipamur dominis, præcepit nos in urbe Pragenſi, die videlicet celebritatis divi Johannis Apostoli, coram utriusq; status rectoribus spiritualium scilicet & secularium constitui. His denique ipsis studiosè jussistis ut illic nomine Amplitudinis vestræ nos ab opinionibus nostris, quibus tenaciter hæreere consuevimus, desciscere cogant, & alterutram partem inter se dissidentem, qua moderandi essemus pro nostro arbitrio asciscere, atque demum talibus prælatis, in quorum coetum jam sponte nostrâ concesserimus, plenè instructi ac eruditi, nos credere eo pacto, ut instituerit juxta ritum orthodoxæ fidei sanctorumque doctorum sanctiones mandatis. Quodque si idipsum facere nobis minus videatur, tunc nos veluti condemnatos latrones, ac pertinaces hæreticos regno pellere, atque alia plura præfatis vestris scriptis nobis inferre mala, sævitia eorum frena laxantes palam indulistis, quæ amoris studio illa prætergredimur. Nos verò solo hominum rumore, quibus literas vestræ Majestatis, non modo

modò legere, sed neque etiam videre datum est, passim volante attoniti, illicò mentis nostræ cogitatio percita est, vestræ nimirum mansuetudini & humanitati, qua vos semper ut hujus regni sceptrâ tenere coepistis, præstare cognovimus, qui justitiæ, paci, tranquillitatieque assidue incubuistis. Ac modò tantâ in nos atrocitate sævire, minime convenire censuimus: quoniam quidem vestram Celsitudinem longo jam experimento didicimus, magis clementi justitiâ, quàm severâ aequitate vestros subditos frænare consuevisse. At verò quia vestram mansuetudinem nunc à lege humanitatis clementiæque, descivisse perspicimus, idcirco vehementer Amplitudini vestræ compatimur, quandoquidem rem gubernationi vestræ adversam maluistis amplecti: nos deniq; hoc ipsum à vestrà Majestate pensandum esse velimus, æquânè illud, an iniquum fuerit, vestra discutiat Serenitas rogamus: Nos tanquam fâciosos & hæreticos à vobis condemnatos, de natali solo præter jus terræ abigendos esse. Atq; ut tales nos infames esse, omne genus mortalium credat, fateaturq; literis vestris publicè promulgari admissum est, quibus nec ulla unquam patens audientia ritè præstita est. Quinetiam, quod longè absurdus videtur esse, neque satisfactioni sive rationi nostræ fidei, quam jam pridem vestræ Majestati Regiæ apertè exhibuimus, rectene an impiè crediderimus, senserimus quoque catholicè haudquaquam responsum est, sed silentio suppressum: qui quidem emendare, nedum pravè credidit, sed etiam impiè sensa semper proni ac voluntarii fuimus. At jam modò diram condemnationis sententiam, quæ nuper jam in nos illata est, jure ferendum esse quisque arbitrabitur, annon potius singula hujuscemodi præter legem humanitatis esse nobiscum acta fatebitur? Qua nempe radice universa ista in nos mala & adversa pullulent, & unde exoriantur, optimè callemus: excubant enim studiose hac in re nostri calumniatores, qui quidem vetulo in nos odio sævientes exterminare, & perire magis quàm emendare malunt. Illi revera sunt criminatores permolesti, qui suis nefandis flagitiis perdit, clementem animum vestræ Serenitatis ac mitem perturbant: quibus ne aures benignitatis vestræ pateant, magnopere oramus. Namque omni justitiâ & probitate vacui singula quævis hujus regni injuriis machinantibus, ac tumultuosis seditionibus ad usque horrendas cædes complere moliantur. Talibus sane efficacius scribendum esset, ut à tantis cæptis negotiis desciscerent. Cæterùm illud Magnificentiam vestram cur à Romanâ cohorte jam pridem descivimus minus latere volumus. Execranda profectò spiritualium prælatorum malignitas auctore diabolo cujus potissimum opus est ferere inter fratres discordias & dissidia, nos à Romanæ ecclesiæ coetu desciscere compulit. Hi quidem cæcâ malevolentia & insolenti potestatis tenebrarum fastu, mutuò debacchantes, pacis atque ecclesiastici amoris jura ruperunt: simulque omni humanitate destituti, non modo se infami sermone, sed etiâ mordacibus scriptis & contumeliosis palàm lacebabant: namq; alteri alteros impudenter quadam Antichæi malignitate perciti, potestate clavium ecclesiasticarum, salutiferâ veritate, religioso cultu, gratiâ pietate, orthodoxâ fide, charismatum munere, omni denique bono opere cessaverunt. In concionatoriis præterea sanorum suorum cathedris, magnâ hominum multitudine assistente, tum autoritate divinarum vocum, tum rationibus validissimis, tumque argumentorum exemplis firmissimis, demum patrum cano- num astructionibus & minacibus censuris se schismaticos, hæreticos, sacrilegos, pseudo- prophetas, lupos rapaces, belluamque ac meretricem Apocalypticam profane notantes & concionantes, argutè approbare moliebantur: Atque tantâ insolentiâ debacchati universum regnum illâ tempestate turbaverunt, eo usque ut armis certare mutuò ejusdem regni incolas, clade deinde cruentâ tam solum quàm undas tingere, dissidiaque oriri necessarium fuit. Sicque veterum seculorum placida & aurea mutata est felicitas. Quapropter nostri antecessores pacis ac concordie maximopere cupidi, hæc mala in isto regno versari lugubri mente contuentes, & quæ tunc ab ecclesiasticis viris orta sunt, tristi gemitu his malis anxii lamentabantur. Deum tandem propitium, ut hujus regni statum in melius commutaret assiduâ precatone sollicitabant. Deniq; ut ipsi qui tantorû malorum videbantur esse, Christi ecclesiæ duces pastoresque exsistunt, quibus etiam verbum reconciliationis annunciantium à Christo vero pastore commissum esset, ut speciosis pedibus pacem ecclesiæ evangelizarent, quam insolenter sustulerunt, de his ipsis vehementer diffiteri coeperunt: ac ab hujusmodi prælatis, & sale infatuato, qui quidem neque talia probrosa convicia, quibus sunt obsecrante notati diluerunt, neque etiam publicâ satisfactione sese coram vulgi multitudine patulè purgaverunt, jure desciverunt. Et nisi insuper fastidiosâ prolixitas impediât, singula obsecra prælatorum convicia hostilesque calumnias, & nefandas criminationes quas alteri in alteros ignominiosè evomebant, literis compendiosè demandata vestræ moderationi videnda legendaque asseremus: atque si vobis ardor ea habendi fuerit, præbere ipsâ vestræ moderationi, proni sumus. Hi sunt profectò similes qui suis flagitiis contaminati ac perdit, nos non solum condemnare, sed etiam injustè calumniari hæreticq; notare coram vestra Majestate improbè moliantur. Talibus eorum nugis ne fidem abhi-

Cur def. cé-  
rint à fede  
Romanâ.

Vide quid bo-  
ni nascatur ex  
convictis  
disputationi-  
bus coram  
populo.

bueritis obnixè gratiâ Dei æqui censoris ac justitiæ admodum obsecramus. Testamur siquidem coram Deo vivo, qui orbem terræ judicaturus est in aequitate, nihil nos unquam hæreticum ac blasphemum, neq; in Deum, nec in orthodoxam fidem, neq; in Eucharistiam corporis & sanguinis Christi, neque demum in Beatam Virginem, nec prorsus in sanctos Dei quicquam asstruere blaterareq; reperti sumus. Quòd si pertinax opinio à Vobis hac professione nostrâ divelli & explodi nequit, & si gratiâ nostræ congregationis id ipsum facere displiceret: at verò causâ justitiæ, quam omnis innocens cupidè invocat, hoc efficit, ut Vobis quicquam nos hujusmodi loqui facereq; uspiam benignè ostendar, approbetq; quod impium & irreligiosum de Christi eucharistiâ, illibatâ virgine & Sanctis beatis à nobis quicquam falsum esset. Siquidem harum criminationum quibus crebrò culpamur, nihil conscii sumus. Quòd nempe de Deo, Deo scilicet ipso, & in Deum patrem, filium spiritumq; sanctum simplicis ouisæ, & in personis trinû ritè crediderimus, Apologia nostra, quâ jam pridem magnificentiæ vestræ milimus, planè ostendit: charitativa deinde mandatorum Dei impletio, certo & ineffabili argumento est, nos orthodoxam fidem tenere sequiq;: cujus omnia hæc dura & adversa patienter toleramus. Pari etiam credulitate de ecclesiâ Catholicâ & de sacramentis ejus, præcipuè de sacramento corporis sc. & sanguinis Christi integrè credimus: quando enim presbyter ritè ordinatus, verba testimonii Christi expresserit, continuò panis est corpus Christi, verum, naturale, ex castissimâ virgine sumptum, quod erat traditurus: quemadmodum vivas panis testatur: Hoc est (inquit) corpus meum, quod pro vobis tradetur. Similiter vinum, sanguis est naturalis corporis ejus, qui fundendus erat in remissionem peccatorum pro multis: & non solum credimus faterimurq; panem esse corpus naturale, & vinû sanguinem naturale sacramentaliter: verumetiam panem pariter esse corpus spiritale, & vinû sanguinem spiritale asseveramus. Simulq; ad id credendû, suffragatur nobis Pauli apostoli sententia: Panis (inquit) quem frangimus, nonne participatio est corporis Christi? & calix cui benedicimus, nonne communicatio est sanguinis Christi? quoniam unus panis & unum corpus multi sumus, qui de uno pane & de uno calice participamus. Simulq; sacramentum illud ex Christi institutione & jussu ejus, exemplo deniq; ecclesiæ primitivæ sub geminâ rerû specie distribui ac percipi debere faterimur, & hoc ex fide & necessitate ordinatæ salutis per filium Dei, quoniam in substantiâ utriusq; veritatis dignitas salutaris consistit, quæ sacramento ad convenientiâ & spem figuranda est. Porro, quoniam pleriq; hominum hanc fidei nostræ professionem nequaquam suscipere pro verâ dignantur, intima cordis nostri temerè discutientes, nos ea (ajunt) ore fateri, quæ nunquam in corde nostro versata sunt. Qui quidem nobis coram Deo patulam injuriam inferunt, cui manifesta ac patens est cordis nostri directio & simplicitas, quoniam lingua nostra haud aliud promere audet, nisi quod cor nostrum suggesterit. Alii deinceps, quia à sacerdotibus Romanæ ordinationis sacramenta non percipiunt, nos eâ ratione infidos esset censent. Ignorant hi professi nos habere suos presbyteros, à quibus ritè instituti sacramento potimur. Alios ob id revera respuimus, quoniam quidem sacramentis ad aliud, quàm Christi intentio fuit, ministrant: quemadmodû opera eorum ministrerii, quæ contra fidem sunt, palam arguunt. Ea similiter ratione nobis non creditur, quia illud quod nobis ab autore Christo jussu est observare, hoc nos erga illud sacramentû duntaxat facimus, & quod minus est imperatû, in eo nos morem gerimus. Siquidè à redemptore hominû mandatû est credere, accipere, manducare, eoq; ipso memoriâ beneficiorum ipsius facere: colere autem sacramentalem subsistentiam corporis Christi & sanguinis nullum est jussu credentibus traditû. Namq; discipulis Christus discumbentibus dedit utendum, cui obtemperantes comederunt & biberunt sine cultu ejusdem sacramenti. Porro apostoli & successores eorum per longum temporis intervallum per domos fidelium incedentes, panè frangentes cum lætitiâ suscipiebant. Hi sane nullâ tali sacramêto venerationè exhibuerunt, quodq; sic facientes nequaquam erraverunt, neq; hæretici dicebantur. Quin potius personæ Christi subsistentiam in dexterâ summî Patris venerati sunt. Quapropter veris cultoribus Majestatis divinæ mandatû est utroq; testamento, vetusto videlicet & recenti, Christum verum Deum & hominem non in sacramentali existentia, sed in naturali subsistentiâ & personali in dexterâ genitoris sui colere adorareq;: Vetus nimirum testimonium est, cujus triumphator faranæ tentantis eum meminit: Scriptum est (inquit) Dominum Deum tuum adorabis, & illi soli servies. Novum vero, vas electionis explanat, Propter quod, inquit, & Deus exaltavit illû, & dedit illi nomen, quod est super omne nomen, ut in nomine Jesu omne genu flectatur, coelestium, terrestrium & infernorum, & omnis lingua confiteatur, quoniam dominus Jesus est in dexterâ Dei patris. Hoc quoq; ipsum incarnata veritas corroborat, ut, inquit, homines sicut honorant patrem, ita & filiû honorent: quippe patrem nemo hic in creaturâ, sed in coelis veneratur, ut oratio edita à Christo testatur: Pater (inquit) noster, qui es in coelis. Quem etiam doctor gentium in hoc æmulatur: Flecto (ait) genua mea ad patrem domini nostri Jesu Christi. Pari idcirco honore & cultu cum patre atq; filium quicq; veneraturus est, quodque faciendum

De Eucharistiâ.

Sacramentaliter.

Sub utraque specie communicandum.

Eucharistiâ.

Usus Eucharistiæ in primitiva ecclesiâ.



faciendum esse tali admonemur ratione : quanquam enim Christus in terris obversans, quovis honore dignus, homines, ut eum hic colerent, minimè coebat : sed suam clarificationem apud patrem suum in coelo optavit, quam ante mundi constitutionem habuisse enunciat : ut illic à veris cultoribus post suam ascensionem fateatur residere, atque ; illic etiam adoretur. Verum si qui aliter se in eo ipso habere contenderint, eos utroq; testamento ita facturos prohibet. Vetus namq; prohibitio est : Non facies (ait Deus) tibi sculptile, neq; imaginem ullam earum rerum, quæ sunt in coelo, neq; in terris, neq; in aquis : non adorabis ea, neq; coles. Attende. Novum autem vetitum à Christo legislatore præfatum est : Venient (inquit) multi, & dicent : Hic est Christus, aut illic : ne credatis, neq; exeatis, nec inquirimini : quoniam personaliter in naturali sua substantia nunquam est descensurus, nisi ad iudicium. Quam sententiam catholica fides his approbat verbis : Ascendit ad coelum, sedet ad dexteram Dei patris, inde venturus est judicare vivos & mortuos. Universis itaq; Rex humanissime, constat, quod nos haud secus credimus & facimus, atq; præceptum Christi nos credendum & ita faciendum admonet, & ecclesiæ primitivæ exempla comprobant. Simili præterea pacto, huius regni gratiosissime moderator, de pudicissima virgine Mariâ credimus, & ad usq; vitæ extremum stabiliter credituri sumus, quod plena gratiâ ex inspiratione Spiritûs Sancti electa est ad id, ut sit verbi incarnati immaculata genitrix. Namq; in ejus castissimo alvo filius Altissimi verus Deus humanam naturam sine vitii labe, opere pneumatis almi in unam suam personam univit : in cujus quoq; pudicâ aulâ ventris, verus Deus & homo personaliter habitavit, ex qua & in lucem huius mundi prodit, quem alendo reliqua educationis opera erga eum peregit : quæ quidem electissima virgo uti ante filii Dei incarnationem, ita eo tempore & post, usque ad mortem nunquam virum cognovit, sed perpetuâ virginitate integra, casta, tam animo quam corpore permansit. Hoc reverâ ordo nostræ salutis exigebat : nam quemadmodum se ductio perditionis in paradiso per virginem perpetrata est, sic & salutis reparatio in virginitate consummaretur. Et ut denique protoplastus in horto deliciarum constitutus, in innocentia & puritate à solo Deo figuratus est : ita & filium Dei decuit sinceram naturam segregatam à vitiis, & lege peccati assumere. Atq; jure hæc ratione virgo gratiarum referensissima, & in sui naturâ sanctificata dicitur adeo, ut ex ejus honestissimâ naturâ supremum verbum humanitatem mystico spiramine indueret, simulque in eâ veluti præstantissimo in thalamo supra omnes mortales requiescendo habitaret. Hæc sanè sunt illa magna, de quibus ad anum Elisabeth profata est. Fecit (ait) mihi magna, qui potens est, & sanctum nomen ejus. Demum, quemadmodum homo per inobedientiam in mortis poenam & diversas calamitates prolapsus est, hoc sacrum spiramen in femine virginalis pudoris dignatus est relinquere, hoc autem ipsum filius Dei ex incontaminatâ virgine assumere voluit, quo nostram periceret redemptionem. Quamobrem non solum ex fide sacrarum literarum de matris Christi integritate credere cogimur, sed etiam ex sensu veræ fidei id ipsum tenere obligamur, quod impossibile erat penitus ut ipsa gloriosissima puerpera usque ad mortem suâ integritate aliquando ob humanæ redemptionis arcanum desitui queat. Illud quoque etiam de illibatâ virgine Mariâ nos jubet credere, quod divine literæ credendum esse hortantur, & quod antehac filii ecclesiæ verè credebant, aqua credulitate etiam nos modo credimus & profitemur : verum quicquid homines vani in contrarium fidei superstitione credunt adversus fidei & mandatorum excelli veritatem, illud de eâ vel sanctis Dei, aut de aliis pietatis operibus credere nequaquam audemus. Quinimò tunc vivæ fidei satisfacere videmur, dummodo taliter de eâ credentes sentientesque beatam cum omni fidâ natione fateamur, observamus quoque, & eidem obediunt, præsertim in eo ipso ubi nos monet nato suo obtemperare : quodcumque (inquit) dixerit vobis, facite. ¶ De sanctis deinceps Dei quid senserimus, nostram (ô magnificæ Rex) jam modò accipe mentem. Illum siquidem sanctum pronuntiamus esse, qui gratiam Dei in Christi merito & effusione innocentis sanguinis ejus, ac dona charismatum pneumatis almi gratuite videlicet fidei, charitatis non fictæ, & spei veræ adeptus est, atque in his ipsis virtuosè vivendo usque ad mortem perseveraverit. Deinde quicumque peculiariter divinarum scripturarum testimonia habuerunt, hos potissimum Sanctos esse ex fide profitemur. De aliis autem spes magis, vel opinio est. Idcirco taliter de sanctis credentes, ut scripturarum divinarum est veritas, in qua fundati beatos Dei decenti cultu honoramus, diligimus, obsequimur & amulamur. Hæc itaq; nostrâ (Rex iustissime) professione perspectum est, nos hæreticos non esse, ex quo nullum dogma sacræ scripturæ contrarium pertinaciter tenerimus : neque denique malorum repertoires, aut autores unquam fuimus, cum omne nostrum studium & vigilans quavis conatus noster sit credere ac operari quicquid catholica fides docuerit & exempla philocheorum susceperint. Quâ de re Vestram claritatem magnopere precamur, ne calumniantioribus nostris eo usque in nos sævire patiamini, ut atroci suâ potestate nos ad ea ipsi, de quibus rectè sentire nequimus quod sint divina, sed magis veritati dissimila esse censemus. crudeliter

De virgine Mariâ.

Superstitiosa credulitas.

De sanctis.



Christus neminem coegit ad fidem.

deliter cogant. Namque salutis author Christus dominus ad suam saluferam salutem, ut ea credatur, neminem hominum liberi arbitrii coegit, sed ut eis acceptior, gratior, certiorque videatur esse, miraculis ac stupendis prodigiis, similiter benignâ & mansuetâ fermocinatione eos ad eam credendam alliciebat. Hujus ergo ævi homines ad ea, quæ caro & sanguis excogitavit, minus pellere deberent; nisi enim quippiam voluntarium fuerit, stabile ac firmum esse nequit. Neque præterea tales homines sumus, ut pertinaciter obstinati cedere saluferæ veritati recusamus, sed semper faciles ad omnem Dei voluntatem, quæ se nobis duntaxat perfecte obtulerit, inventi sumus. Nempe hujus rei Majestas vestra evidens argumentum de nobis istud potest habere: Ex quo enim in hac præsentī angustia agnitam Christi veritatem exercere satagimus, ut & vitam istam fluxam discrimini meticulousæ mortis ob hujusmodi veritatem saluferam adipiscendam sponte offerre non vereamur: multo nempe magis uberiori perfecta Christi voluntate, in libertate degentes, promptiores ad implendum eam inveniremur. Igitur nostrum talem animum in iis omnibus scientes humiliter gratiam vestram flagitamus, quatenus nobis tanquam fidelibus compati velitis, & in diras hostium nostrorum manus tradere nos ne festinetis. Quoniam quidem ipsi juxta humanitatis jura in Christi Evangelio explanata, & à præfatis viris ecclesiasticis rite observata, reformationem nobis haudquaquam facient, verum plus suâ crudeli vi, quæ ad salutem minus attinet, ad sinistra nostræ conscientiæ compellere machinabuntur. Porro si animi vestri decretum vestris literis editum temperare nolueritis, jam in tali re nihil aliud restat nobis, nisi ad pium nostrum liberatorem & defensorem summum confugere, atque in patientiæ virtute animas nostras, Christi suavis, possidere. Deus autem benignus & placabilis ingerat vestri cordis mutationem, atque nobis indignis servis suis det gratiam in oculis vestris invenire, ut clementiores nobis inveniamini. Ne de cætero in sese, ac in regnum istud iram excelsi Dei provocetis, ob id quidem ipsum voluntati divinæ, quam vult Deus hac nostrâ tempestate fieri, adversamini.

## EXCUSATIO FRATRUM WALDENSIIUM, contra binas literas doctoris Augustini, datas ad Regem.

**N**otum fiat omnibus, sicut scripsimus ad Regiam Majestatem binas literas, dedimus ibi in primis literis rationem solum apostolicæ & universalis fidei, satisfaciens cum hoc super eo cuius nos accusabant, quoniam apud nos non fuit, neque est, & confidimus Deo quod non erit. Præter id, non diu est, missæ fuerunt per provincias literæ Regiæ Majestatis, in quibus nos dixerunt hæreticos & erroneos, & quod rebellia verba diceremus contra virginem Mariam, & sanctos, quodque Barones, sub quorum dominio sumus, Pragæ nos sisterent ad diem sancti Johannis ad revocationem. Hoc ut rescivimus, scripsimus iterum Regiæ Majestati super eas res, ut non solum rationem daremus fidei, sed & intelligentiam, præcipue de corpore Christi, & de rebus aliis, notum facientes secundum scripturas fidei, non solum Regiæ Majestati, sed omnibus in communi (quæ literæ redditæ sunt Pragæ in prætorium) notum in his facientes, apertas & puras causas salutis nostræ, & super quid stat salus & fides, ex quibus rebus culpam demus sacerdotibus, propter quam non audeamus in divino servitio eis uti, & quare venerationem corpori & sanguini Christi non facimus. Et de aliis articulis multis ex quibus nos accusarunt, dedimus rationem, ad hunc finem, quod libenter voluissimus (si esset possibile) quod illæ & hujusmodi contumeliæ & oppressiones quæ contra nos surrexerunt, cessarent, & propter illas divinam iram super se & hoc regnum non suscitarent, & dissensionum in hac provinciâ quies fieret aliquanta. In primis literis quas Regiæ Majestati misimus, oravimus gratiam suam, quod vellet nobis dare clementiam, & non vellet permittere, ut extra ipsum illi nos compellerent vi ad præsumptam eorum voluntatem. Deinde responsum dans nobis Regia Majestas per scripturam generosæ virginis Marthæ de Bozckovitz, pro clementi responso illam severitatem, quam dominis prius commisit, reddidit: cui rei nescivimus quippiam dicere. Hoc ergo suscepimus, quod oculos nostros ad Deum converteremus in humili oratione & lachrymis credentes plane, quod potens est nos liberare de omnibus si volet, confidimus in eum in quamcunque partem faciat, ad clarificationem nominis sui & justitiæ, & salutem nostram perducet, atque suæ Gratiæ honor sit pro omnibus rebus semper in secula seculorum. Amen. Etiam notum facimus omnibus, quod apud literas Regiæ Majestatis, quas scripsit & misit prænominatæ virgini Marthæ, inventæ sunt

sunt binæ literæ cujusdam doctoris Augustini, in quibus ipse se nomine suo notum facit, rescribit Regiæ Majestati contra binas poitras literas, fuscitans Regiam Majestatem ad eam severitatem, quæ nobis omnino videtur contra justitiam legis Dei & hominum: quod sua Regia Majestas in illa severitate non remitteret, vituperans nos, & hæreticos dicens, & maleficos, & pluribus aliis hostilibus verbis nos supprimens, nostræ scripturæ simplicis & innocentis fraudem & astutiam & diabolicum venenum, talesque res adscribit nobis injustitiam faciens. Nos hoc intelligentes, quod sua scriptura potest ad multos pervenire, qui legentes eam & non habentes nostram satisfactionem, acciperent suam scripturam pro verâ; & ob hoc possent iram Dei suscitare super se: & nos timētes, quod nostro silentio non fieremus ejus rei causâ, præsumpsimus simpliciter ipsius scripturam per partes ponere, & quantum dominus Deus à sua gratia tribuet, respondere. Tamen & hoc cavemus, quod non æquabimur eum à vituperatione & oppressione minime Christianâ, etiam hoc quod scribere volumus, extra indignationem, non reddentes malum pro malo, faciemus, neque sibi, neque cuicunque: sed quod necessitas coget, notum faciemus ubi nobis injuriam facit, & contra proximum suum talium testimonium scribit, & quod sua iniqua scriptura non accipiat pro verâ, ubi & in quibus nobis injuriam facit. Hoc principio dicimus, quando certè sciremus, quod Regia Majestas hanc doctoris Augustini scripturam pro sua Majestate super nostrâ scriptâ pro responso daret, scriberemus Regiæ Majestati. Sed quod nulla mentio de hoc sit, tantum autem cum literis Regiæ Majestatis illæ literæ doctoris Augustini missæ sunt: neque etiam ille doctor Augustinus eas nobis mittit & scribit: quia nulla mentio de hoc ponitur, neque à nobis responsum postulat: nescientes in hoc quid faciendum esset, visum est nobis, quod omnibus la communi scriberemus, cuicunque suæ literæ obvenirent, quod etiam & hoc nostrum responsum super eas veniret. Et scribit ita ille doctor Augustinus. Postponentes irrisiones, blasphemias, suppressiones illius doctoris, quod non videamur sibi similes, reddentes malum pro malo, & mandatum Dei & vestigia exemplorum suorum non excederemus: cui cum malediceretur, non remaledixit: concedemus ad illud ubi nos tangit super fama & honore nostro, quem habemus ad Deum & homines, subtrahens nobis eam, de qua Apostolus dicit: Nam gloria nostra hæc est testimonium conscientiæ nostræ quod in simplicitate cordis, & sinceritate Dei, & non in sapientia carnali, sed in gratiâ Dei conversati sumus in hoc mundo, & hanc simplicitatem cordis nostri Deus, & nostra conscientia melius novit. Ille autem homo contra præceptum Dei & salutem nostrâ, non solum judicat, sed & damnat: & hoc sic, quod eam scripturam in hypocrisis & fraude, & non veritate fecerimus ad hæresim nostram tegendâ, & quod Regiâ Majestati diabolica fraude deciperemus: sicque ad favorem nostræ suam Majestatem & simplicem populum ad perditionem traduceremus, & quod effugeremus supplicium à sua Majestate nobis impositum, quod inferius scribit. Sed nos coram Deo, qui occulta cordium scit, & judicat, dicimus, quod nullam astutiam, ut tegetemus nostram scripturam ad Regiam Majestatem, fecimus: sed solummodò ob causas illas quæ nobis tunc proponebantur, quia necessarium fuerat, dedimus solum rationem de fide duodecim articulorum, quam in corde habentes, ore confitemur, habentes præ manibus rationem scriptam sensû & fidei, quod juxta salutem sentimus, & propter causas segregationis nostræ libenter voluissimus, & per scripta nostra notum facientes suæ Majestati (sicuperet) quod sibi vellemus mittere. Et cum sua Regia Majestas nullum responsum dare nobis voluerit, nos etiam non præsumpsimus præsumptuosè extra iustas causas mittere. Ex hoc cognoscite omnes (oramus) quod non est verum, quod hic nobis ascribitur pro astutiâ: quod si hoc apud nos esset, saltem debebamus in alterâ scripturâ suæ Majestati multa texisse, & hoc propterea, quod multo severius quàm antè contra omnes nos se convertit: quod secundum priora scripta solum ad aliquos nostrum debuisset pervenire. At nos ex diverso ex nostrâ innocentia in alteris literis pro postulatione temporis, suæ Majestati scripsimus: ut sicut in primis literis suæ Regiæ Majestatis tacti sumus de perfidiâ & errore, propter hanc causam fecimus sibi breviter rationem fidei, quod non faceremus sibi tedium propter longam scripturam. Sed cum iterum à sua Regia Majestate tacti sumus de hæresi & rebellionem penes aliquos articulos, illo coacti sumus, quod ex his rebus apertam rationem daremus, quid super his sentimus. Et hoc attinet breviter concludi, quod nobis ab illo doctore Augustino magna iniquitas & damnum sit super nostram bonam conscientiam, quam habentes coram Deo, curamus ut etiam apud homines retineamus. Ex hoc cognosci multo magis potest à quolibet, quod si callidi hypocritæ & simulatores essemus, facile possemus depellere res quibus nos premit: nisi quæ habemus cor rectum, ad Deum scilicet, possemus fateri & facere quod alii fatentur & faciunt vel contra nostram conscientiam: sicut faciunt Sadducei, qui ut in honore palam habeantur, & nemo eos de vitæ tranquillitate & blanditiis perturbet, priusquam ad confessionem aliqua necessitate cogantur, errores quos habuerunt dissimulant. Verùm quando penes nos est innocentia

tia secundum confessionem voluntatis Dei, hanc volentes defendere, damus nos in omne periculum possessionum & corporis nostri utque in mortem, quapropter vel doctor Augustinus, vel quisquis alius, qui non credit confessioni & scripturæ nostræ, credat operibus, quia quælibet arbor secundum fructus cognoscitur. Fatemur tamen cum illâ simplicitate nos uti nihilominus prudentiâ mentis, secundum præceptum Salvatoris, ubi dicit, Estote prudentes ut serpentes, & simplices ut columbæ. Et, Cavete autem ab hominibus, tradent enim vos in Conciliis & in synagogis suis. Et alio loco: Nolite sanctum dare canibus, neque mitatis margaritas vestras ante porcos, ne forte conculcent eas pedibus suis, & canes conversi dirumpant vos. Et sanctus Paulus: In sapientiâ ambulate ad eos qui foris sunt, tempus redimentes. Quamvis tamen ab ea prudentiâ ad simplicitatem magis inclinemus, quod intelligimus eandem apud Deum securiorem esse ipsâ prudentiâ, cujus Romana alturia aliqua exempla nobis abundè præbet, per quam aliquos ex nostris sæpe deceperunt. Et quod nobis imponit, quod conveniamus cum Beelzebub, muscarum Deo, facit hoc ad exemplum socii sui doctoris Henrici, inquititoris hæreticæ pravitatis, qui apostolicis literis & iussis Moraviam & Bohemiam venit, qui apud quendam Baronem & alios plures postulavit, ut copiam sibi faceret nobiscum conferendi, simulans in consortium se fratrum transfessurum. Cum essent quidam ex nostris in conventu Olomucensi congressi, complexus est eos, egit gratias his, qui fratres adduxissent, quod tam probos homines adduxissent, eosdem charissimos appellans, & poculo communicavit & amicè dimisit. Ecce putarunt illi simplices omnia fida sanctaque esse, quæ altura infidæque erant. Nam quosdam notavimus ex nomine, quasi ipsi archihæretici & falsi testes essent, & suum opusculum magno numero impressit, in quibus hoc etiam est quod muscas & brucos glutiamus, hocque magistro nos arguere sacerdotes mendacii, ex illo nos scripturâs intelligere, & hoc sic se habere juramento affirmavit. Tale nobis imponit & doctor Augustinus, neque mirum; nam & magistri & doctores idem de domino Christo dixerunt, quod dæmonium habet & in Beelzebub, principe dæmoniorum, ejicit dæmonia; qui si hoc patrifamilias dixerunt, quid non domesticis suis? Falsò nos arguit, non esse hanc nostram confessionem ex ejusmodi ratione, quod alia scribimus de sacramento corporis Christi, & alia credimus; quod alia loquimur, & alia facimus: quodque ab ejusmodi confessione nos astutè regamus, ut iusti coram hominibus pareamus. Notum sit omnibus, quod non ita scribimus, ut nobis ipse imponit. Scribit ipse, quod panis & vinum in naturali eorum substantiâ transmutentur in corpus & sanguinem Christi, & in Christum Deum & hominem, ut nihil de substantiâ creaturæ panis & vini maneat: sola autem accidentia miraculosè nudè sustententur. Nam huiusmodi confessio fidei non habet fundamentum in verbis domini nostri Jesu Christi, qui nullum verbum dixit de conversione substantiæ, neque quod dixisset sub his speciebus, neque in illo, neque ex illo, neque simul cum illo, sicut multi scrupulosus exposuerunt, & hodie exponunt, quæ nos loco fidei non recepimus, quia verba salvatoris ipsis non consonant, quia Evangelium dicit, quod Dominus Salvator accipiens panem in venerabiles manus, gratias agens benedixit & fregit, deditque discipulis suis, & illum panem sistens pro corpore suo, monstravit super panem & dixit, Hoc est corpus meum. Similiter & accipiens calicem, gratias egit & dedit illis, dicens: Bibite ex hoc omnes, & gratias agens dixit, Hic calix est novi testamenti in meo sanguine. Vel, hic est sanguis meus novi testamenti, qui pro vobis effundetur. Et nos ita simpliciter verbis Christi credentes, ita tenuimus & hodie tenemus & rationem talem ex fide dedimus, ex illâ fide catholica Christianâ, fundatâ in sacrâ scripturâ, credimus & ore confitemur, quandocumque secundum sensum Salvatoris & sanctæ individue Trinitatis ordinationem, sacerdos dignus cum populo suo fideli orationem facit, & illo verbo dicit, Hoc est corpus meum; & hic est sanguis meus, quod statim panis præsens est corpus Christi traditum in mortem, & vinum præsens est suus sanguis in redemptionem peccatorum. Hæc est confessio nostræ fidei fundata in verbis domini. In cujus rei verum testimonium habemus primitivam ecclesiam, cum toto collegio Apostolorum, quorum temporibus hoc sacramentum dixerunt cœnam domini, sicut Apostolus dicit ad Corinthios: Convenientibus ergo vobis in unum, jam non est dominicam cœnam manducare. Secundò dixerunt fractionem panis, ut in actibus Apostolorum: Quotidie quoque perdurantes unanimiter in templo & frangentes circa domos panem, sumebant cibum cum exultatione & simplicitate cordis. Et paulò superius: Erant autem perseverantes in doctrinâ apostolorum & communicatione fractionis panis & orationibus, in communicatione fractionis panis ejus, de quo Apostolus: Et panis quem frangimus, nonne participatio corporis domini est? & quod hunc panem non solum crediderunt corpus Christi, sed etiam in substantiâ propriâ panis, cum ipsis accidentibus, post consecrationem, & corpus Christi ibi esse, hoc confitetur ille, qui in tertio cœlo sacramenta accepit, & dicit: Ego accepi à domino, quod & tradidi vobis. Et infra: Quotiescunque enim manducabitis panem hunc & calicem bibetis, mortem domini

Romana  
alturia.De eucharis-  
tiâ.Cœna do-  
mini.

Fractio panis.

domini annunciabitis, donec veniat. Et infra: Quicumque manducaverit panem, & biberit calicem domini indignè, reus erit corporis & sanguinis domini; probet autem seipsum homo, & sic de pane illo edat, & de calice bibat. Qui enim manducat & bibit indignè, iudicium sibi manducat & bibit, non dijudicans corpus domini. Ex isto manifestum est, quòd primitiva ecclesia hanc fidem habuit, & illam confessà est, & non erravit, & non fecit reverentiam huic sacramento, quia illo tempore, exemplo Christi, sedentes statim acceperunt; & nihil retinuerunt, nec extra domum extulerunt; & hæc institutio diu stetit, sicut Chronica gestorum ostendunt, & vetustissimus Græcus Origenes, qui statim post Christi tempora fuit, sicut primarius magister scribit super tertium librum Moïsis: Quicumque hunc panem coenæ Christi secundà vel tercià die sumpserit, non benedicetur anima ejus, sed inquinabitur; propterea Gabaonitæ, quia antiquos panes portaverunt ad filios Israel, oportuit eos ligna & aquam portare. Non tamen fuerunt hæretici, nec ideo iudicati alieni à fide, sicut nos ille doctor accusat, sic credentibus & facientibus tale malum adjudicans. Ulterius dicimus, quòd nobis in hoc injuriā facit, quòd in aliquem contumeliosa verba dicamus; & ab illo cavemus secundum præceptum sancti Pauli, Neminem blasphememus; nisi id loco blasphemiae imputetur, quod ob honorem Dei loqueremur & scriberemus, ut de potestate Dei & iustitiâ, de adoratione, & aliis iustis rebus secundum fidem scripturarum sine blasphemia, & alia: sicut Salvatori imputabatur loco blasphemiae ab adversariis suis, blasphemasti. Et adhuc confitebimur etiam in necessitate, hoc sacramentum corporis & sanguinis Christi, quod non dedit ad venerationem, ut ibi adoraretur, cum quo in superioribus Dei sedet, adorari debet cum patre & Spiritu Sancto, ut quisque debet confiteri, sed quod in corpore benedicto sub utraque specie sumatur ab omnibus in memoriam passionis ejus, & quisque aliter facit & sumit, contra voluntatem & ordinationem Dei & religionem primitivæ ecclesiæ, ille rectam fidem non tenet, ut in literis latè diximus. Hac iterum particulâ scripti sui notabilem nobis injuriā facit, cum pervertit confessionem fidei nostræ circa consecrationem sacerdotum, quia nos nedum de nobis, sed de totâ fide catholicâ, sicut intelligimus, rationem dedimus, unde ipsa primordia coepit sacerdotalis ordinatio major & minor, quia non ex Papâ sed ex Christo sacerdote aeterno, & episcopo à peccatoribus segregato, qui est gloria ejus. Et de hac re confessionem fecimus circa exhibitionem rationis, his verbis, Ex fide tenemus ordinationem sacerdotum à summo episcopo sacerdotibus magno in veritate prodire, ut in loco legationis Christi ministerium, evangelizatio, doctrina, iudicium, oblatio orationum ab hominibus. Et quòd solus dominus Christus, & non Papa, nec quisvis alius sit maximus sacerdos & episcopus, pastor & caput commune totius ecclesiæ sanctæ, illius probationes fideique certas auctoritates habemus. Primò verbum David, per quem Deus pater ad filium cum juramento dicit, Tu es sacerdos in æternum, secundum ordinem Melchisedec. Hoc idem Apostolus probans, de eo dicit: Et alii quidè plures facti sunt sacerdotes, idcirco quòd à morte prohiberentur permanere, sicut & nuncii: ille vero eò, quòd maneat in æternum, sempiternum habet sacerdotium, & ideo salvare æternaliter potest accedentes per seipsum ad Deum, semper vivens ad interpellandū pro nobis. Et iterum de ejus episcopo patet, unde fratres sancti, vocationis celestis participes, considerate Apostolum & Pontificem confessionis nostræ Jesum, & non Papam Julium, aut alium. Et iterum: Talem habemus Pontificem, qui conledit in dexterâ sedis magnitudinis in cœlis sanctorum minister. Et iterum: Talis enim debeat ut nobis esset Pontifex sanctus, innocens, impollutus & segregatus à peccatoribus & excellentior cœlis factus, qui non habet necessitatē quotidie, quemadmodum sacerdotes, prius pro suis delictis hostias offerre, deinde pro populo: hoc enim semel fecit offerendo: aliàs cogeretur sæpius mori à principio seculi, sed non solum in consummatione seculorum ad delenda peccata per suam oblationem se ostendit, sed alterâ vice ostendit se omnibus sine peccato expectantibus eum ad salutem. Et sanctus Petrus non convertebatur ad se, nec se nomine suo invocavit, sed ostendebat se ad dominum Christum, dicens: Converti estis nunc ad Patrem & Episcopum animarum vestrarum. Et quod ipse solus sit caput sanctæ fidei, dicit Apostolus. Veritatem autem facientes in charitate, crescimus in illo per omnia qui est caput Christus, ex quo totum corpus compactum & connexum per omnem juncturam subministrationis secundum operationem in mensuram uniuscujusque membri augmentum corporis facit, &c. Et non per Papam. Et quòd ipse solus sit caput totius ecclesiæ sanctæ, dicit: Et eum dedit caput super ecclesiam, quæ est corpus Christi, & plenitudo ejus, qui omnia in omnibus implet. Et nos hunc cum Apostolo & ecclesiâ primitivâ esse Episcopum & caput dicimus & confitemur, sed non Papam Julium, nec sequentes; quia ipsemet de se loquutus est, quod sit « & », principium & finis: & viris vera & fundamentum, lapis angularis, sine quo nemo aliquid facere potest, de cuius plenitudine nos omnes accepimus, & gratiam pro gratia, ut ad eam omnes venirent. Et Deus pater præcepit, ut ei omnes obediant, & ipse est qui potest

Primitiva ecclesia non faciebat reverentiam eucharistiae, qualen hodie facimus.

Ad quid Christus instituerit sacramentum corporis & sanguinis.

De consecratione sacerdotum. Christus maximus sacerdos & episcopus.



adesset universali fidei, & cuilibet membro in consummationem seculi: Sicut dicit Vobiscum sum usque ad consummationem seculi. Et quod in fide Catholica semper sit, dicit, Ubi sunt duo vel tres congregati in nomine meo, ibi sum in medio eorum; quem sanctus Johannes vidit in medio septem candelabrorum, & ambularem & corrigentem & corripientem. Et ideo Apostolus dicit, ut habiteret in cordibus vestris per fidem. Et iterum, Christus in vobis est. Ideo nullus Episcopus, nec Romanus, nec Græcus, nec alius quispiam est caput totius fidei sanctæ, nisi ipse solus Jesus Christus: quia nemo pro nobis corpus suum & sanguinem obtulit, existens innocens & sanctus & a peccatoribus segregatus, & cætera. Nec aliquis redemit eos, nec purgavit, nec salvos fecit: nec his veritate & gratia cohabitavit, nec eos salvos facit. Sed hoc dicimus, quod satis esset Romano Pontifici una cum ejus consilio, ut esset servus Jesu fidelis, sequendo eum vitâ honestâ, paupere, humili, patienti, castâ & abstinenti, ad deumque iter ostenderet, eum cum lege simul ejus docendo, ad eumque ut populum duceret serviendo evangelio & sacramentis: sicut fecerunt sanctus Petrus & Paulus & alii. Quia ipse est janua, & qui per eum non intrat, sur est & latro. Ideo respice, rogamus (qui cupit) hos seculi præsentis episcopos & prælatos, quorum nam sint sectatores, vitæne Christi honestæ, an gloriæ mundi, honoris, dignitatis, quæ ex beneficiis provenit, divitiis & deliciis vitæ? & cognosces certò, quod contrarium stat in loco sancto. Accipe in mentem sanctum Petrum & Paulum, quorum successores se faciunt, quid tunc Romæ nacti fuerant, sedemne Cæsaris cum triplici regno, an patibulum crucis? gloriæne mundi, an contemptum? servierunt mensis, ac facules in equos dividerunt, an libentius verbo Dei servierunt? Et ibi cognoscere poterit quilibet secundum scripturas sanctas, cujus sit successor præsens summus Pontifex Romanus, & cui servit. De officio itaque dignitatis præsentis seculi & Apostolorum, de pristinis moribus eorundem, de senio, de consiliariis eorundem, perlegas qui cupis, epistolas Francisci Petrarchæ sine titulo, & ibi videbis eorum sanctitatem. Hucusque de his dictum sit: Ideo ut notum fit quod nos non arbitrati sumus in hoc nostro scripto summum Pontificem Romanum, nec nostrum, nec quempiam alium, sed Christum Jesum ipsummet benedictum. Ideo omitemus responsiones ad derisionem, quam de nobis hic doctor facit. Item breviter dicemus, sinar, inspiciat primordia primitivæ ecclesiæ, multine ex generosis, ex potentibus, sapientibus, aut ex doctis fuerunt in his officiis, & quem victum habuerint; & id deberet sibi labia comprimere & etiam qui majorem fructum domino attulerint. Nos pudore nostrorum sacerdotum non afficimur ex hoc, quod hi laborem manibus suis secundum posse victum sibi querentes: quia sic doctrina & exemplum Apostolicum huc nos ducit, & nos quidem libentius id videmus, quam quod otio vacarent per tabernas, commercia Veneris & vanitates, sequentes usuras, sacrilegia, cæteraque nequitiis exercentes. Superius dictum est, quia rationem dedimus eorum, in quibus antea nos accusarunt. In iis etiam literis nunquam nos culpaverunt, quod contra virginem Mariam & sanctos Dei rebellia verba coniceremus, sed id solum accularunt, quod de ejus virginitate non credimus. In secundis literis primum de hoc accularunt: & non fuit tamen expressum, in qua re, donec doctor Augustinus dicens, quod respondeat super primas literas, & respondet nihilominus ad secundas: ubi satisfacimus his qui nos acculant cum his nos purgantes, & scribentes Regiæ Majestati & omnibus, qualiter credimus & tenemus & cogitamus de virgine Mariâ, & singulari sanctitate & beatitudine, quæ eam Deus præ aliis beatam fecit: Postea de veneratione quæ eam decet, qui vult cognoscere, illic legat illas literas, & cognoscat, quod non rebellia verba in eam conijcimus: sed eas res, quæ sunt veræ religionis Christi: quia ad hoc confessi sumus, quod honorem, potentiam, pietatem, quæ soli Deo & agno attinet, nulli creaturæ tribuimus, sed soli Deo, quia dicit: Gloriam meam alteri non dabo. Et, Vivo ego, dicit dominus, quoniam mihi flectetur omne genu. Et, Dominum Deum tuum adorabis, & illi soli servies. Et Baruch dicit, Te oportet adorari domine. Et David, Venite adoremus & procidamus, & ploremus ante Dominum qui fecit nos. Et in Apocalypsi, Timete Dominum, & date illi honorem, quia venit hora judicii ejus: & adorate eum qui fecit cælum & terram, mare & fontes aquarum. Et quia illi in primitiva ecclesiâ soli Deo honorem dederunt, & non sanctis & virginibus, ita dicit Johannes: Dignus es Domine Deus noster accipere gloriam & honorem & virtutem, quia tu creasti omnia. Et iterum: Et virgini quatuor seniores ceciderunt in facies suas & adoraverunt viventem in secula seculorum. Et sanctus Paulus ad Ephesios, Hujus rei gratiâ, flecto genua mea ad patrem domini nostri Jesu Christi. Et in Actibus Apostolorum: Cum hæc dixisset, posuit genibus suis oravit cum omnibus illis. Et Deus dedit nobis exemplum de se, procidit super genua ad patrem: ut à nemine expectemus auxilium quàm à Deo, ut dicit per Joel: Convertimini ad dominum Deum vestrum, in toto corde vestro, & per Osee dicit: Convertere Israël ad Dominum Deum tuum. Et per Zachariam: Convertimini ad me, ait dominus exercituum, & convertar ad vos, dicit dominus exercituum. Et de requisitione auxilii dicit iterum Deus per Esaiam:

Romanus  
Pontifex ser-  
vus Christi.

Sacerdotes  
manibus vi-  
ctum quæ-  
rentes.

De cultu Ma-  
riæ virginis,  
& sanctorum.

Soli Deo dan-  
dus honor.

A nemine ex-  
pectandum  
auxilium, nisi  
à Deo.



Etsiam, Si queritis querite, convertimini & venite. Et in libro Sapientiae dicit Salomon, Tu es, Domine, qui vitae & mortis habes potestatem. Et dominus Deus dixit suis discipulis, Timete eum, qui potest & animam & corpus perdere in gehennam. Et David dicit, Levavi oculos meos in montes, unde venit auxilium mihi: Auxilium meum a Domino, qui fecit coelum & terram. Et iterum in alio psalmo Qui habitat in adjutorio Altissimi, in protectione Dei coeli commorabitur: & plena sunt illis testimoniis scripta Psalmorum. Etiam omnes sancti veteris & novi testamenti quaeviserunt auxilium a solo Deo, & ad sanctos natos de mortali conditione non clamaverunt, ut facerent auxilium, quia dicit David: Ad Dominum cum tribularetur clamavi, & exaudivit me. Et iterum: Voce mea ad Dominum clamavi, voce mea ad Deum & intendit mihi. Et iterum, Multae misericordiae omnibus invocantibus te. Et, Proprie est dominus omnibus invocantibus eum in veritate. Et iterum. Invocabant dominum & ipse exaudivit eos. Sed & de aliis dicit: Dominum non invocaverunt, illic trepidaverunt timore ubi non erat timor, ut nostri nunc faciunt circa invocationem sanctorum & sanctarum. Nec enim est aliud nomen sub caelo datum hominibus ad invocandum, nisi nomen solius Dei, quia sicut nullum nomen est datum ad adorandum, & salutem assequendam, & in illud idem credendum, nisi solum nomen domini nostri Jesu Christi, fectiam non est datum nomen, nec ad invocandum, nec ad adorandum, quia huic soli promissiones factae sunt, sicut dicit: Quicquid petieritis patrem meum in nomine meo, dabit vobis, petite & accipietis. Ex hac causa docuit discipulos suos orare, dicens: Ita orabitis, Pater noster qui es in caelis. Ita soli Deo honor & gloria exhiberi debet, sicut Daniel, tibi Deus patrum nostrorum confiteor, teque laudo. Et iterum dixit Nabuchodonosor: Laudo & magnifico: & glorifico regem coeli & quod illi soli hymnos canamus, dicit psalmus: Cantate Domino canticum novum, quia mirabilia fecit. Et sanctus Paulus: Gratias ago Deo meo. Et dominus Jesus, Confiteor tibi, domine, pater coeli & terrae. In sanctis enim Deus laudari debet, sicut dicit David: Laudate dominum in sanctis suis. Et nos hoc agimus, quod in hac virgine & aliis sanctis Deum laudamus, quia talem gratiam, & talia beneficia ex tua bonitate eis dedit, & nobis per ipsos, & nedum in hac benedicta virgine Deum laudamus, sed & eam confitemur benedictam & beatam, & diligimus & sequimur pro posse nostro. Quod si doctor vel alius offenderet ex lege, ut plura exhibeamus, auxilium expectemus & honoramus genuflexione, oratione, ut proficiat, & pro nobis intercedat, & quod Deus promiserit se omnia facturum, quae petunt in nomine ejus, & quod ipsa cum filio suo stet coram Deo patre, ut esset hostia apud Deum patrem: Esto, ostendat hoc scripturam quae sit inspirata Spiritu Sancto; mittat, ne haereticos dicat, sed potest scribere & maledicere ut vult, qui si privatus esset, & non speraret in potestate mundi, sed mansuetudine & scriptura deberet fidem probare, credimus quod cum aliis clementius ageret. Neque hoc verum est, quod virginem Mariam crederemus quod sit aequalis reliquis mulieribus: quia ita credimus, quod nulla virgo alia concepit ex Spiritu Sancto filium sicut ipsa, imo nec mulier peperit & virgo permanlit. Nulla ex mulieribus est benedicta, sicut haec virgo, & nullius virginis fructus ventris est benedictus, sicut illius, ita ut in eo benedicerentur omnes generationes, & omnes acciperent ex plenitudine ejus gratiam pro gratia. Nulla quidem alia est gratia plena, excepta hac; nulla dicitur benedicta inter omnes generationes, excepta hac sola; & sic de ceteris. Ideo non tenemus, nec illam talem reputamus quod omnino esset sicut alia mulier. Neque hoc verum est, quod sanctos dies commemoracionis gloriosae virginis Mariae sicut prophanos contemneremus, sed colimus ut decet. Neque hoc verum est, quod nullum cantum de ea habeamus, nam satis multas cantiones de ea in laudem Dei canimus. Ex hoc laudetur Deus, quod ille doctor, sicut si responderet literis nostris missis Regiae Majestati, postquam nobis facis opprobria dixit irritaque, in id tempus nihil invenit neque scripsit in nos, quod malum quid cogitaremus contra fidem scripturarum vel devie sentiremus, quod contra fidem & facta primitivae ecclesiae fuisset. Sed vult quod posuerimus in nostra confessione, quod sacra scriptura & catholica fides tacet, & de quo prima ecclesia & sequentes longo tempore nihil sciverunt de hoc, in quo stat praesens error. Et quoniam, auxilio Dei, nunc de magna parte super injustis accusationibus & coram Regia Majestate injuste maculavit, opposuimus nos paulum secundum praecceptum legis Dei, & veterem ecclesiam: Similiter, auxilio Dei, praesentibus punctis, quibus accusamur ab hoc doctore, & haereticos dicit, volumus resistere, & ostendere quid ex fide circa ea puncta sit tenendum, & primum de purgatorio, de quo ita credimus. Duplex est purgatorium, unum est hic, alterum in futuro saeculo. Primum habet fidem in scripturis sacris, & est certum, in quo se purgant ad immortalia corpora, de quo sunt testificati Salvator & Apostoli & primitiva ecclesia, & sequaces longo tempore bene usi sunt. Secundum purgatorium est in alio mundo; & hoc est incertum, quia scriptura sacra non dat de hoc testimonium, de quo primitiva ecclesia nihil scivit, neque sequaces per longum tempus, & veteres doctores non confirmant, praecipue de loco. Sed proxime, novi quidam, non a longo tempo-

Sancti solum  
Deum invo-  
cabant.

Deus laudan-  
dus in bea-  
ta virgine & san-  
ctis.

De virgine  
Maria.

Purgatorium  
duplex.

Thomas Aquinas inven-  
tor purgato-  
rii.

re, ut Thomas Aquinas; is locum invenit tertium in inferno. Sed vetus doctor Augustinus aliter sensit, dicens, Locus purgatorii non est ostensus, nisi quod multis exemplis se animæ ostenderunt, in his locis & cruciatibus ostensæ sunt: fortasse ex proximo dicent, quod omnes animæ hoc loco puniuntur ubi deliquerunt: quoniam in eam sententiam & scriptura dicit: Per quæ peccat quis, per hæc & torquetur. Et alia scriptura: Sicut exhibuistis membra vestra servire immunditiæ, & iniquitati ad iniquitatem: ita nunc exhibete membra vestra fervire iustitiæ in sanctificationem. Sicq; vetus doctor Augustinus cum aliis veteribus doctoribus contradicit Thomæ: quoniam priores tenuerunt, quod post resurrectionem Salvatoris nullæ animæ ingrediuntur infernum nisi damnatorum. Sed Thomas invenit in inferno duo loca: unum non baptizatorum, alterum animarum purgandarum. Sinite quod nos-  
ter doctor Augustinus eos concordet, ostendatque quis iustior sit, cui credamus, & hæc res multæ sunt, in quibus discordant, & alibi. Nam optimum esset in incertâ re, de qua scripturæ non modò tacent, sed etiam contrarium dicunt, ne quid assererent, secundum sententiam sapientis Senecæ: De rebus incertis non debes affirmare, sed incertum iudicium tene. Nos etiam ponemus, qualiter priores inventores, quod de secundo etiam purgatorio cogitarunt: quoniam & hoc contra fidem sit, id est, quod & hi in purgatorium transeant, quibus dedit Deus locum poenitentiae, & ii poenitentes non satisfecerunt. Sed isti confirmatores purgatorii omnes eò mittunt, & ibi primum ubi inde commodum sciunt, & nolunt habere differentiam, nec iudicant pro quibus debeant orare, pro vivis æque ac mortuis. Sicut apud viventes nesciunt, utrum sint in statu gratiæ, vel damnationis, sic nec de mortuis. Sed quod docuit eos avaritia, hoc confitentur quòd sunt in purgatorio. Sed alii doctores hoc melius senserunt, dicentes, quod solum ii, qui non satisfecerunt pro poenitentia; & intellige, cujus: scilicet poenitentiae impositæ a sacerdotibus, ut jejunia, vota, orationes, elemosinæ, & huiusmodi. Utque magis intelligatur ille error de purgatorio, ponemus ex veritate fidei de certo purgatorio hic in hoc mundo. Primum, in Dei gratia & merito Jesu Christi & emundatione Spiritus Sancti, per fidem, amorem, spem, præcipueq; passionis huius mundi, deinde per verbum Dei verâ poenitentia, operibus misericordiae & servitio Dei, sicut in perceptione sacramenti, & perseverantia usq; ad mortem, & hoc testantur sacræ literæ. Et primum de gratiâ: Miserebor cui misertus sum, & misericordiam præstabo cui miserebor. Et alio loco dicit: Propitiabor iniquitati eorum, & peccata eorum non memorabor amplius. Et sanctus Paulus, Gratiâ enim estis salvati per fidem. Et de se solo dicit, Gratiâ Dei sum quod sum. Et Zacharias, Erit fons patens domui David, & habitantibus Hierusalem in ablutionem peccatoris & menstruatur. Et sanctus Paulus, Quanto magis Christi, qui per Spiritum Sanctum semetipsum obtulit immaculatum Deo, emundavit conscientiam nostram ab operibus mortis ad serviendum Deo viventi. Et sanctus Johannes, Ipse est propitiator pro peccatis nostris, Et de Spiritu Sancto, quem promittit Deus dare super omnem carnem, emundationem, dicit Apostolus: Eramus enim aliquando & nos insipientes, & cætera. Ex his est manifesti, quòd nullus alius locus est principalis certi purgatorii, nisi Dominus Christus, de quo rectè est dictum ab angelo, Ipse enim salvum faciet populum suum a peccatis eorum. Et sic dicit sanctus Paulus, Purgationem peccatorum faciens, sedet ad dexteram maiestatis in excelsis, & quòd ipse est fons aquæ salientis in vitam æternam: & hoc in futuro seculo, quia transeunt de morte ad vitam, & fiet in eo fons aquæ salientis in vitam æternam: & omnis qui salvabitur, oportet eum de hoc fonte sumere pleno iustitiæ & æquitatis, oportet eum sumere per amorem gratiæ sui meriti pro gratiâ Spiritum Sanctum qui de amore suo transfundit in corda fidelium, ex solâ gratiâ per donum fidei, quisquis salvandus venit ad purgatorium, per Christum Jesum, ut dicit sanctus Paulus, Non justificatur homo ex operibus legis, nisi per fidem Jesu Christi: & nos in Christum Jesum credimus, ut iustificemur ex fide Christi, & non ex operibus legis. Christus dicit, Qui credit in me, habet vitam æternam. Et ille leprosus dixit ex fide, Domine si vis, potes me mundare: Et dominus dixit, volo, mundare. Et iterum, Fides tua te salvum fecit. Et sanctus Petrus, Fide purificans corda eorum. De dilectione dicit dominus ad Marianam, Remittuntur ei peccata multa. De charitate dicit sanctus Johannes: Caritas operit multitudinem peccatorum. Et de obedientia charitatis dicit sanctus Petrus: Animas vestras castificantes in obedientiâ charitatis. Et de spe dicit dominus paralitico: Confide, fili, remittuntur tibi peccata. Et sanctus Paulus: Spes autem non confundit. Et de virtute huius fidei dicit sanctus Petrus, Ministrate in fide vestra virtutem, in virtute autem scientiam, in scientiâ autem abstinenciam. Hæc enim si vobis adsint, & cætera. De poenitentia dicit Deus per Prophetâ: Impietas impii non nocebit ei in quacunq; die conversus fuerit ab impietate suâ. Et Prophetâ, Asperges me Domine hyssopo, & mundabor. De operibus misericordiae: Nolite iudicare, & non iudicabimini: nolite condemnare, & non condemnabimini. In quo enim iudicio iudicaveritis, iudicabimini, & in qua mensurâ mensi fueritis, remeietur vobis; & consilium datum est Nabuchodonosor, quod

Purgatorium  
verum &  
certum.

Gratiâ.

Fides.

Charitas.

Spes.

Pœnitentia.

Opera mis-  
ericordiæ.

quòd eleemosynis redimat peccata sua. Et sic devota oratio & munda cum fide purgat, quando cum ea est viva fides & humile cor: hujus est exemplum de publicano & peccatore. Sed quòd poenitentia mundat hominem in Christo fundatum fide vel poenitentia, dicit dominus Iesus: Ego sum vitis, vos palmites: qui manet in me, & ego in eo, hic fert fructum multum. Et alia scriptura dicit: Sicut aurum in fornace, &c. Et de verbo dicit Deus per Ezechielem: Effundam super vos aquam mundam, & mundabimini ab omnibus inquinamentis vestris. Et dominus Iesus: Jam estis mundi propter sermonem meum. Et de testimonio baptismi quod simul fit cum fide: Qui crediderit & baptizatus fuerit, salvus erit. Et sanctus Paulus, Accedamus cum vero corde in plenitudine fidei, aspersi corda à conscientia malà, & abluti corpus aqua mundà. Habemus nunc spem firmam & confessionem nostram, quod sumus habituri purgatorium in tertio inferno: non: sed vitam æternam. Nam dicit Deus: Qui perseveraverit usque in finem, hic salvus erit. Et cum his verbis quæ robur in se habent, mundat hic ecclesiam, & purgat ad vitam gloriæ. Sicut dicit Deus per Hieremiam in figurâ Judæ & Hierusalem: Convertam conversionem Judæ, & conversionem Israël: & emundabo illos ab omni iniquitate suâ, in qua peccaverunt mihi. Sanctus Paulus dicit, Christus dilexit ecclesiam, & seipsum tradidit pro ea, ut illam sanctificaret, &c. Non ut pararet eam in infernū, sed in cœlum in quietem post præsentem laborem: quia certum est quòd soli beati sunt electi Dei, & illos ducit Deus in eam iustitiam, quam superius posuimus, de quibus Apostolus dicit, Elegit nos in ipso ante constitutionem mundi, ut essemus sancti & immaculati in conspectu ejus in charitate. Et iterum dicit. Quos prædestinavit, hos & vocavit, & quos vocavit, hos & justificavit. Huc usque de purgatorio vero & certo dicimus, & non est aliud. Et in hujus testimonium dixit dominus duas esse vias, duo corpora futura perpetua, unum bonum, alterum malum: & quòd post mortem non erit tempus merendi. Omnes enim stabimus ante tribunal Christi, sicut in morte occupatur quis, & non merebitur gratiam: pro hoc est testimonium in divite epulone, qui clamavit ad Abraham, & nihil impetravit. Et scriptura dicit: Videntes enim sciunt se esse morituros: mortui vero nihil noverunt amplius, nec habent ultrà mercedem, quia oblivioni est tradita memoria eorum. Et paulò infra: Quodcumque poterit facere manus tua, instanter operare, quia nec opus, nec ratio, nec sapientia, nec scientia erunt apud inferos quòd tu properas. Et Abraham dixit: Quia inter nos & vos chaos magnum firmatum est, quia in inferno nulla est redemptio: & nisi unus est infernus secundum verba Evangelii: Ubi vermis eorum non moritur, & ignis non exstinguetur. Scripturam autem illà sancti Pauli [cujus opus ardet] aliqui inducunt pro purgatorio. Hic notum fit, quod Apostolus hoc loco non loquitur de hoc quòd venturum est post mortem, neque huic concordant verba ipsius, quia in morte non apparebit Deus in igne, sed hic, secundum scripturam quæ dicit [Vasa figuli probat fornax, & homines justos tentatio tribulationis] sicut multi ceciderunt in peccatum & mundati sunt. Et sanctus Petrus: In quo exultabitis, modicum si nunc oportet contristari in variis tentationibus; ille est dies tentationis Dei; quapropter quicumque sacerdos in fundamento Christi ponit fidem, amorem, spem & reliquas virtutes, ille manebit in die visitationis: & quicumque ponit foenum, lignum, stipulam, hoc est ministeriū veteris legis, vel leges hominum, hoc comburet dies domini, quia quælibet plantatio, quam non plantaverit pater meus cœlestis, eradicabitur, & in ignem mittetur & ardet, & si ille erit, qui legem ponit in fide rectâ, salvus fiet, sic tamen quasi per tentationem ignis. Sic est sermo domini: Omne peccatum & blasphemia remittetur hominibus: Spiritus autem blasphemiarum non remittetur, neque hic, neque in futuro seculo quòd ita intelligimus, sicut ipse dicit: Quodcumque ligaveris super terram, erit ligatum & in cœlis, & quodcumque solveris super terram, erit solutum & in cœlis. Similiter illud Maccabæorum, Sancta & salubris est cogitatio pro defunctis exorare, ut à peccatis solvantur. Ad hoc dicimus, quòd is liber est positus inter illos non receptos ab ecclesia, qui dicuntur apocryphi, & dicunt quod scriptor hoc addidit in fine. Secundum autem, quòd dicit sanctus Johannes: Qui scit fratrem suum peccare peccatum non ad mortem, petat, & dabitur ei vita peccanti non ad mortem. Est peccatum ad mortem, non pro illo dico ut roget quis. Et Maccabæi quòd sunt interfecti, permisit Deus, quia habuerunt sub palliis dona idolorum, & sine poenitentia mortui sunt: inde scriptum est, quòd Judas statim populum monuit, ut caverent à peccatis, ut hujusmodi plaga eos non tangeret: collegit duodecim millia drachm. arg. &c. Non tamen stat ibi aliquid de purgatorio, neque quòd fuerit auditum, sed solum de inferno & sinu Abrahæ: neque adhuc esset, nisi Thomas monachus de Aquino hoc cogitasset in inferno. Debemus adhuc hoc dicere, quia dicitur quòd ii soli eunt in purgatorium qui sunt electi & sunt in viâ salutis, facientes confessionem, non satisfaciunt consilio sacerdotis, vel qui venialia habent & in his moriuntur. Quòd hoc non est verum, possumus illo monstrare: quando Deus majus ignoravit, quare minus non indulgeat? Verum quòd poenitenti Deus humiliter indulget in die angustiarum & tribulationis, certum est in publicano. Et ex Evangelio, procidens servus ille orabat

Locus Pauli,  
1 Cor. 3. 15.

Eccl. 27. 6.

Alius locus,  
2 Maccab.  
12. ult.

Rom. 3.

1 S. Joh. 2.1.

Doctores  
veteres.De constitu-  
tionibus hu-  
manis.

orabat eum, dicens: Patientiam habe in me, & omnia reddam tibi. Misertus autem dominus servi illius, dimisit eum, & debitum dimisit ei. Et hoc similiter in latrone, quando Deus sibi indulgit peccata, non misit eum in purgatorium, sed secum in paradisum. Ad hoc etiam dicit sanctus Paulus, Nihil ergo nunc damnationis est his, qui sunt in Christo Jesu, qui non secundum carnem ambulant: Lex enim spiritus vitæ in Christo Jesu liberavit me à lege peccati & mortis. Nam quod impossibile erat legi, in quo infirmabatur per carnem, Deus filium suum mittens in similitudinem carnis peccati, & de peccato damnavit peccatum in carne, ut justificatio legis impleretur in nobis, qui non secundum carnem ambulamus, sed secundum spiritum. Sic ergo impossibilitas poenitentis quod non potest satisfacere consilio sacerdotis, non procedit ex animâ, quia spiritus promptus est, sed ex corpore, quod jam non potest vivere: & ideo non migrabit in purgatorium, sed implebitur in eo, quod dicit sanctus Johannes, Filioli mei hæc scribo vobis, ut non peccetis: sed & si quis peccaverit, advocatum habemus apud patrem, Jesum Christum justum, & ipse est propitiatio pro peccatis nostris, & non pro nostris tantum, sed etiam totius mundi. Sic erit in magnum contemptum meriti sui & promissionis suæ, quod plus posset circa purgationem peccati purgatorium, quam sanguis Christi, & fides & bona voluntas & devota oratio, quia circa fidem infirmi, quicquid sanctus Jacobus, Oratio fidei salvabit infirmum, & alleviabit eum dominus, & si in peccatis sit, remittentur ei. Et hoc est satis peccati, quando quis non satisfacit consilio sacerdotis: quod si & illud indulgetur ad orationem non scriptam ex libris, sed viva fide fidelis sacerdotis & probi, quam cum fidelibus suis facit ad Deum.

Etiâ hoc est contra rationem, quod sola anima debet pati, & non corpus: quoniam simul clarificabuntur, sicut dicit sanctus Paulus: Si sustinebimus, & conregnabimus, sed quos extremum iudicium viventes deprehenderit, nullo modo hi possent in purgatorium mitti. De quo veteres doctores concordius dixerunt, quod ante extremum iudicium, quando Deus in igne apparebit, electi dei mundabuntur, & fundant se super verba sancti Pauli, quæ antea induximus de fundamento. Et illis doctoribus nondum dederunt possessiones, neque de inferno liberarunt animas, donec illi surrexerunt, qui per inventionem, verbi incepterunt quæstum facere cum animabus hominum: primum cum vivis, deinde cum mortuis. Hoc sentimus de purgatorio, de quo doctor Augustinus fecit mentionem, & super nos iram Regis concitat injulæ.

Vult etiam scire, quid credamus de ordine Ecclesiastico: Noscat ipse & quilibet alios, quod custodimus constitutiones, quæ sunt auxilio fidei, amoris, spei, & iustitiæ quæ potest ex fide cognosci, ad faciendum ex ipsis præcepta Dei, & ut sincerius possimus eo uti ad finem, propter quem sunt sacramenta, juxta sensum conversationis Christi: atque ea observamus, quæ adjuvant ad venerationem, rectamque orationem ad Deum, quæ æquitatem, virtutem, honorem, disciplinam & unanimitatem continent, ea observamus, & nostros & alios observare docemus. Et hoc nobiscum non est, quod spernamus rectam ordinationem, ideo quia sit per homines instituta, & in eo nos segregamus ad eorum inhonorationem. Sed hoc est, cur facimus, ubi in aliquibus rebus, & ordinationibus, & statutis, etiam veteribus funiles non inveniuntur. Est nostra conscientia, & timor Dei, ne eum in iram commoveremus, ubi sponte essemus causa dissidii, vel mali exempli: & ideo populi iram in nos concitaremus. Ideo quæcunque statuta cognoscimus non esse contra iustitiam, ea servamus: quæ si & ex magna parte contra iustitiam forent, si possumus aliquo tamen modo uti eis ad iustitiam, ipsis utimur ad bonum sensum: ut circa festa sacra, tum jejunia, aliasque res ejusmodi quo scandalum ponere declinamus & studeamus partem habere cum omnibus hominibus. Etiam confitemur, quod in omni seductione est aliquid æquitatis, circa quam est vel variatio sensus, vel boni usus, vel ordinationis circa observantiam æquitatis: ideo docemus hoc, ut locum daremus æquitati, & cavemus & circumspicimus super alia, in securitate & defectu rerum qui inde posset evenire, habentes aliquas apud nos æquitates, servamus, ne alias supplantemus. Et circa hoc intelligimus nos esse in magnis angustiis & mutatione, ut custodiamus bonam dispensationem, non solum coram Deo, sed & hominibus: quod nobis & multi imponunt pro inconstantia & mutabilitate: & alii adhuc peiores sunt, quasi isto cælemus hypocritam: & alii de nobis suspicantur, quod in ejusmodi sensum non intraremus in primam seductionem. Has & alias res plures oportet nos Deo permittere.

Ad secundam partem notum facimus, quod ideo multas constitutiones & consuetudines, ordinationes & inventiones non continemus, quia in errorem sunt & everisionem fidei & æquitatis; ex qua descendunt præcepta Dei, sicut honor, veneratio, rectum servitium & spes in Deum; & quoniam hæc constitutiones sunt causæ idololatriæ, & spei erroneæ, & vanæ superstitionis: & occultationem mortalis peccati. Malis autem sacerdotibus sunt causa ad eorum indignitatem, & ad seductionem à iustitiâ, & ad avaritiam & sacrarum rerum quæ-

stum.



stum. Populo autem sunt ad latrocinia, onusq; ut plura impendant in vestes, ædificia & splendorem, & inutiliter consumunt & liguriunt, quod ipsi sibi & ecclesiis usurpant, quod in pauperes & egenos expendere debent. Ideo non observamus in multis rebus, quia multa impedimenta faciunt verbo iustitiæ, orationi, rebus sanctis circa legis dei sensum; propter quæ lex dei venit in contemptu: & ita humanas constitutiones, ordinationesq; tam diligenter custodiunt, sicut mandatum dei vel & diligentius. Et quod deterius est, quod per ejusmodi constitutiones mandata dei transgrediuntur, & per eas gratiâ & iustitiâ in famulis & servitio corrumpunt & servant fidem erroneam, quodq; ita observatur magni pendunt. Hæc & aliæ causæ dissuadent multas alias constitutiones, & illas sanctas, legesq; ex timore & observantiâ dei. Et hoc admonent veteres & novi, quos nunc relinquimus ob brevitatem.

Eja nunc doctus homo finit suam scripturam contra nostram, in qua nihil probabile, iustumq; obstaculum posuit, sed solum maledictis. In qua se tria hasia usurpant, quod volumus, non autem potuit in nos adducere iniustitiam. Secundū, quod mutavit aliqua puncta confessionis nostræ. Tertium, quod in illo nos accusat quod de illis rebus non posuimus, ad quas tunc nobis non dabatur causa. Quod si homo ille intelligeret nos loqui contrarium fidei in illâ confessione, certè non reticeret. Ad ultimū quando finit literas, dat intelligi sensum suæ scripturæ: quod ideo faciat ad Regiam Majestatem, ut ad hoc induceret, ut nos expellat, conterat & abigat ex provinciis. Non intelligens, cujus sit spiritus, quia est ejus qui sanctos prophetas occiderunt, & bonis iustisq; resistunt, quod putaverunt illo se obsequium præstare deo: ideo se insinuaverunt principibus, & Principum impias manus confirmarunt. Et ejusmodi homines, si non poenituerint, debent omnino timere quod super eos plaga dei veniat. Deus ex suo amore convertat eum, & intelligere faciat quid teneret, ut hic poenitentiam faciens, gratiam consequatur, & post hoc æternam gloriam. Ad secundam ejus scripturam volumus respondere in hunc modum, & custodire sicut in priore responsione, ut relinquamus maledicta ejus & oppressiones, quod hujusmodi apud eum reperiuntur: quia ex numero eorum qui sequuntur ornatum latinæ linguæ, qui raro modeste loquuntur: ut si quæ laudant, hoc faciunt solennibus verbis, veritatem non pensantes: aut si quem vituperant, nimis contumeliose, quantumq; possunt depriment, non verentes Deum nec homines. Nos itaq; videntes, quod hoc sensu in eum finem scribat has literas sicut priores, ut nos apud Regiam Majestatem perderet: nos non potentes in hoc facere apud Regiam Majestatem informationem bene intelligentes, quare & propter quid, visum est nobis expedire ob causas, quas in prioribus literis posuimus, omnibus in communi scribere; quibus si suæ in manus venerint, ut responsio simul perveniret. Suam responsionem & veritate & simplicitate absolvemus: sed prius scriptura præmittit doctoris Augustini, qui Regiæ Majestati scribit, & sic incipit: In prologo ejus epistolæ indicat se vidisse cum tædio literas, quas Regiæ Majestati scripsimus, & statim in nos sit contumeliosus: neq; in nos tantum, sed & generosam venerabilemq; virginem, virginem Martham. Et videtur nobis mirabile, quare adeo sit sibi tædio nostra scriptura, vel quare se excusans imponit negotiis suis, per quæ non possit respondere: & constat quod non doctori Augustino; sed Regiæ Majestati literas misimus, & a doctore Augustino responsum non postulavimus: quid ergo sibi ea cura incidit, ut sollicitus pro responsione fieret, cum neq; Regiæ Majestas, neq; ipse indicent quis mittat responsum, ut possemus tamen instrui cui debeamus respondere. Primam causam suæ scripturæ dicit, ut fraudes nostras Regiæ Majestati patefaceret, volumusq; eum libenter audire. Cum hac scripturâ vult in primis; quod essemus nobis ipsi contrarii, sed nihil faciet; & sic per hoc callidum mendacium nobis imponit, ut per hoc Regiam Majestatem ad iram commoveret, & exufflat ignem ut juberet astuare mortem, sicut astuat unguentum in aheno. Cognoscat hoc quilibet, puta ejus scripturam, & rationem fidei nostræ, sicut & prius super ejus literas scripsimus, quemadmodum credimus, quia panis est corpus Jesu Christi naturale, & spiritale benedictum. Sed ipse scribit, quod sub eâ substantiâ panis & vini verum corpus & verus sanguis subest: & per hoc fidem nostram fundatam super verba Christi mutavit, sicut ipsum convicimus in primis literis. Et circa hanc alteram partem non veretur mutare, dicens in nos, quod loquamur & prædicemus quod nullus honor debeat fieri corpori & sanguini Christi: forte non potuit per iram placide perlegere quod scripsimus latinâ linguâ Regiæ Majestati: & hæc fuit causa, & hoc tetigimus. Ut liberemur ab omni suspitione, volumus idem Bohemicâ linguâ ponere, quod interpretatur sic: De corpore & sanguine Christi sic credimus, quod post verbum per sacerdotem rectè consecratum, quod statim panis est corpus Christi verum naturale, sumptum ex Mariâ virgine, quod debuit tradi, sicut dicit: Hoc est corpus meum quod pro vobis tradetur; & vinum, sanguis ejus naturalis corporis, qui debuit effundi in remissionem peccatorum. Et non solum credimus & fatemur, quod panis est naturalis caro, & vinum naturalis sanguis benedictus: sed quod panis simul etiam est

Trias injuriarum genera.

De eucharistia.

Q

ca 70



De communione sub utraque specie.

caro spiritalis, & vinum sanguis spiritalis, quod est unitas ecclesiae. Sic dicit sanctus Paulus: *Et panis quem frangimus, nonne participatio corporis domini est?* & quod sub utraq; specie debet communicari, secundum praeceptum Christi & exemplum primitivae ecclesiae ex fide & necessitate salutis, quod ordinatum est per filium dei: quia sub specie utriusq; veritatis, dignitas ad salutem posita est, quae sacramento ad conscientiam & spem configuranda est; Sed quia hanc fidem aliqui non recipiunt quam professi sumus, in corda nostra penetrant, temerè discutientes, & dicunt quod aliter credimus & aliter dicimus, & injustè nobis coram Deo faciunt, qui nos melius pro nostra iustitiâ cognoscit: & alii nos judicant propterea quod ab eorū sacerdotibus non communicamus. Sed non intelligunt quare: & hoc ideo, quod nostros sacerdotes habemus, & opportuno tempore disponimus nos, & ab ipsis sumimus. Sed ad sacerdotes nobis adversos ire non audemus: quia non possumus in communi de eis cogitare quod nuncium dei omnipotentis ita perficerent operibus per res fidei contrarias, & operi & ordinationi scripturae. Et propterea nobis non credunt, quod in hoc sacramento solum quod est praeceptum per filium dei, facimus: & quod ibi non est praeceptum, hoc non facimus: sed ibi facimus ubi praeceptum est. Sicut honorem & reverentiam exhibere corpori & sanguini Jesu Christi, à dei filio non est praeceptum: sed credere & accipere, manducare & bibere, & facere hoc in ejus commemorationem. Sed quod huic substantiae corporis Christi benedicti, non est praeceptum quod ei honorem faciamus, verum substantiae corporis Christi quae sedet ad dexteram patris. Pro hujus testimonio est, quod Dominus noster Jesus Christus sedentibus dedit, & successores longo tempore transeuntes per domos fregissent panem, & acceperunt cibum cum benedictione, & non fecerunt reverentiam. Et tamen sic facientes non erraverunt, nec haeretici fuerunt: quod mandatum est ut Jesum Christum verum deum & hominem honorent: non in ipsa substantia sacramenti, sed in substantia corporali dei. Et hujus habemus mandatum, quod meminit Dominus contra tentatorem: Scriptum est enim, Dominum Deum tuum adorabis, & illi soli serves: quod est novum testamentum. De quo Apostolus dicit: Propter quod & Deus exaltavit illum, & donavit illi nomen, quod est super omne nomen, ut in nomine Jesu omne genu flectatur, coelestium, terrestrium & infernorum: & omnis lingua confiteatur, quia Dominus Jesus Christus est in gloria dei patris. Et dominus ipse dicit, Ut omnes honorificent Filium sicut honorificant Patrem. Sed nullus hic honorificat patrem in creaturâ, sed in coelo, dicentes: Pater noster, qui es in coelis. Et sanctus Paulus dicit: Hujus rei gratiâ flecto genua mea ad patrem domini nostri Jesu Christi, ex quo omnis paternitas in coelis & in terrâ nominatur. Sic debent omnes honorare filium. Et ob eam causam quando personaliter hic fuit super terram, quamvis erat dignus honore, noluit compellere homines ut se adorarent: sed in coelo habet gloriam, quam habuit ante saecula, & quod illic post suam ascensionem veneretur & coniteatur. Et ad testimonium firmæ probationis, habemus novos testes & veteres: Veteres, quando dicit per Moysen: Non facies tibi sculptile, nec omnem similitudinem eorum quae in coelo sunt desuper, & quae in terrâ deorsum, & quae versantur in aquis sub terrâ, non adorabis ea & non coles. Ego enim sum Dominus Deus tuus. Novos autem, dicit Jesus, Tunc si quis vobis dixerit, ecce hic est Christus, aut illic, nolite credere. Surgent enim Pseudochristi & Pseudoprophetae, & dabunt signa magna & prodigia, ita ut in errore inducantur (si fieri potest) etiam electi: ecce! praedixi vobis. Si ergo dixerint vobis, ecce! in deserto est, nolite exire: ecce! in penetralibus, nolite credere. Nec descendet corporaliter cum corpore suo ante diem judicii, hoc probat communis fides Christiana, ubi dicit, Ascendit ad coelos, sedet ad dexteram Dei patris omnipotentis, inde venturus est judicare vivos & mortuos. Ex hoc potest quisq; intelligere, quod ille doctor praecipitanter facit, non intelligens scripta nostra, fortè per iram suam: quia habemus manifestam discretionem venerationis eorum, sicut in literis quas ad omnes misimus, manifestius confessi sumus, quod iis & sacris testimoniis ibidem respondeat. Et hoc perpetuò credimus ex fide, quod summum opus venerationis est, observantia praeceptorum dei, & è converso summa irreverentia, inobedientia: quod Samuel ad Saul regem dixit: Nunquid vult dominus holocausta & victimas & non potius ut obediatur voci domini? melior est enim obedientia quam victimae, & auscultare magis quam offerre adipem arietum: quoniam sicut peccatum hariolandi est repugnare, & quasi scelus idololatriae nolle acquiescere. Ideo credentes quod panis & vinum secundum verbum salvatoris est corpus & sanguis ejus, obedimus mandatis ejus, sic quod sumimus & comedimus sub utraque specie: & hoc facimus secundum commemorationem passionis ejus, sicut & priores fecerunt. Et amplius ex praecepto dei veneramus filium dei, verum deum & hominem, ad dexteram dei patris, & secundum ejus praeceptum non credimus eum esse personaliter in terrâ, neque eum expectamus de coelo usque ad extremum diem judicii, neque hos recipimus qui eandem personam hic esse monstrant, neque eam sequimur,

Attende.

Summum opus venerationis est, observantia praeceptorum dei.

quimur. Amplius secundum ejus præcepta sumimus eum in sua potenti majestate spiritali in fidelibus nunciis, & honoramus cum fide, obedientiâ & subjectione: sic tamen circa hoc mandatum veneramus eum in fidelibus membris, in quibus est per fidem, meritumq; suæ conversationis cum patre & spiritu sancto diligimus & famulamur, & cum operibus misericordiar, si eum pro mandatis ejus in verbo suscipiunt: & sequimur opere quantum cognoscimus & possibile fuerit, & in sacramentis in tuo novo testamento amoris & justitiæ unimur ei ex amore. Ideo sic facientes, nullum impedimentum nobis in scripturis & factis facimus. Quòd si crederemus corpus Jesu Christi in sacramento cum ejusmodi existentia, sicut est ad dexteram dei patris: certum est quòd nos rebellantes venerationi hujus corporis, essemus etiam contrarii nobis in adoratione. Sed nos credimus, quòd panis & vinum est corpus & sanguis Christi, in existentia benedictionis, factis solum ad sumptionem & usum & memoriam: quia si dominus noster Jesus Christus corpus suum & sanguinem expendere in hujusmodi formâ, sicut nunc credunt esse sub sacramento, profecto non neglexisset suos, sed manifestasset apostolis, quòd surgentes primum venerantur, deinde sumerent. Si noluisse tunc, postea tamen sancto Paulo jussisset, accipienti mandatum de eo a domino: sed non fecit mentionem, sed præmonuit eos ut non idololatrarent: Et non reliquisset sic primos Christianos in ignorantia multis seculis, quod nostri ex solâ consuetudine in hoc induci fecerunt, sicut sub sumptione unius speciei: & videntes consuetudinem postea confirmavunt, propter obedientiam Romani pontificis. Quòd ergo illi doctores non videretur quòd suæ questioni non satisfaceremus, ubi scribit: Sinite ut interrogentur, si idem Christus adsit, quem sub sacramento corporis & sanguinis se simulat nobiscum credere, vel si est differens ab illo qui sedet ad dexteram dei patris. Si ille est, quare non veneramus hunc, ut illum? Quamvis respondimus, quòd non ita credimus, nec cogitamus sicut ipse: sed fidei verba fidei ostendunt, & sui interpretis sancti Pauli, & opera primitivæ ecclesiæ, & catholica fides, & præcepta dei: dicimus adhuc & simpliciter confitemur quòd nobis non est nisi unus deus, unus dominus, Jesus Christus, & quòd est in sacramento cum suo naturali corpore talis, sed per aliam existentiam quàm in dextris dei: & adhuc dicimus, quòd est etiam cum carne spiritali: quia est aliud dicere, ille Christus, hoc corpus: & est aliud dicere, cum hujusmodi existentia. Primum concedimus, quia ille Christus est cum hoc corpore: sed aliud non concedimus, secundum fidei scripturam resistimus, hoc est quòd dominus noster Jesus Christus post suam ascensionem, cum naturali substantia corporis sui personaliter existeret. Sed dicimus, quòd non fuit, nec est, nec erit, donec ad extremum judicium: quia cum illa substantia sui corporis non nisi unum locum habet, sicut hic habuit adhuc viator, non potest multiplicari, nec corporaliter levari. Et hoc quod offendatur verâ scriptura Christianæ fidei, primum ponetur, quòd deus manifestavit personalem ascensionem substantiæ naturalis corporis, quando ad discipulos suos est loquutus: Pauperes enim semper habetis vobiscum, me autem non semper habebitis. Et: Vado ad eum qui misit me: Et causam adjungit, dicens: Vado parare vobis locum: si enim non abiero, paracletus non veniet ad vos: si autem abiero, mittam eum ad vos. Et quis est ille paracletus, qui debuit cum illis perpetuo manere? & quòd venit, testificatus est verum abcessum, de quo dicit: Exivi à patre & veni in mundum. Iterum relinquo mundum & vado ad patrem. Iterum personaliter abiit cum substantia assumpti corporis. Dicit enim in oratione ad patrem: Jam non sum in mundo, & hi in mundo sunt, & ego ad te venio. Et iterum: Filioli adhuc modicum vobiscum sum. Et iterum per similitudinem, Nunquid possunt filii sponsi lugere, quamdiu cum illis est sponsus? venient autem dies cum auferetur ab eis sponsus, & tunc jejunabunt. Iterum: Ascendo ad patrem meum & patrem vestrum, deum meum & deum vestrum. Et angeli dixerunt: Hic Jesus qui assumptus est à vobis in cœlum, sic veniet quemodum vidistis eum euntem in cœlum. Et hæc est illa prophetia psalmi: Dixit dominus domino meo sede à dextris meis donec ponam inimicos tuos scabellum pedum tuorum. Et sanctus Petrus dicit: Quem oportet quidem cœlum suscipere usque in tempora restitutionis omnium, quæ loquutus est deus per os sanctorum suorum à sæculo prophetarum: quem & sanctus Stephanus vidit stantem à dextris dei. Et sanctus Paulus vidit eum in tertio coelo, & is dixit: Et si cognovimus secundum carnem Christum, sed hunc jam non novimus. Et multæ aliæ similitudines salvatoris ad hoc sunt, in quibus manifestat suum ascensum & descensum non ante fieri, quàm ad extremum judicium: & præcepit omnibus ut vigilantes expectent: & præcipue dans eis potestatem super labores, cum qua potestate, justitia & auxilio promissit se esse cum suis fidelibus usque ad consummationem sæculi, & cum suis membris fidelibus. Ubi duo vel tres congregati fuerint in nomine ejus, promissit se inter eos esse spiritaliter cum participatione corporis & sanguinis, & in sacramento in virtute cum testimonio suæ justitiæ. Ad hoc sonat vox veteris & magni doctoris Augustini, ubi dicit:

Corpus Christi.

An personaliter in eucharistia Christus.

2 Cor. 5. 16.

Virtus.

Q 2

Donec

Donec seculum finiatur sursum est dominus: sed tamen etiam hic nobiscum est veritas Dominus. Corpus enim in quo resurrexit, in uno loco esse oportet: veritas autem ejus ubique diffusa est. Sicq; ex sacris literis & aliis multis certum est, quod dominus Christus cum suo corpore & sanguine in naturali substantia personaliter existenter non est hic, donec ad consummationem seculi: & quod est in uno loco, hoc est, à dextris dei. Hoc voluit, antea hic in suo mortali corpore manifestò ostendit, quod uno in loco existens, non fuit in alio eodem tempore, sicut ejus sermo illud ostendit: quoniam loquutus est ad discipulos suos, dicens: Lazarus mortuus est, & gaudeo propter vos, ut credatis, quoniam non eram ibi, sed eamus ad eum. Et Martha dicit: Domine si fuisses hic, frater meus non fuisset mortuus. Sic post resurrectionem, glorificato corpore, uno eodemq; tempore non fuit multis locis sed uno, & aliis temporibus fuit aliis & aliis locis. Sicut quando fuit in Hierusalè, non fuit tunc in Galilæa: & quando fuit in Galilæa resurgens ex mortuis, non fuit in sepulchro: quod neq; angeli sunt mentiti, dicentes: Surrexit, non est hic. Sicq; cum suo substantiali assumpto corpore, quocum sedet nunc ad dexteram dei, non potest multiplicari, sed solum unus totus verus existenter manet in coelo: & non potest corporaliter sumi à fidelibus animabus, sed solum spiritaliter, quia dixit: Si ergo videritis filium hominis ascendentem, ubi erat prius: spiritus est qui vivificat, caro non prodest quicquam: verba quæ ego loquutus sum vobis, spiritus & vita sunt. Ideo credimus & ex fide sentimus, quamvis Christus non est hic cum corpore naturali, mansione existenter & corporaliter: est tamen spiritaliter, potenter, benedictè, in veritate: quod cum hac mansione non abiit, & non abibit à suis, sed ubiq; ubi vult est & infinitis locis hujus corporis & sanguinis veritas augmentatur, & potest multiplicari ad omnem necessitatem suorum fidelium & electorum, ut in hoc dicit dominus: Ego vobiscum sum usq; ad consummationem seculi. Et: Ubi sunt duo vel tres congregati in nomine meo, ibi sum in medio eorum. Et sanctus Paulus: Christum habitare per fidem in cordibus vestris. Item: An experimentù queritis ejus qui in me loquitur Christus? Ideo ex fide sic sumimus: & sic illius doctoris scriptis respondemus sicut antea, quod Christus cum corpore suo & sanguine in mansione benedictionis est, sicut in dextera dei, sed non simili mansione ut in coelis: ideo non debemus eum venerari in benedictione sacramenti, quæ fit & fieri debet in essentia personali, existenti in dextera dei. Et ut melius adhuc intelligatur, quod non assimilamus, neq; pro uno ponimus, ejus habemus exemplum in Johanne Baptista, de quo dominus dixit: Et si vultis recipere, ipse est Elias qui venturus est: & ipse sanctus Johannes est confessus sacerdotibus & Levitis, quod non est ipse Elias: & sic hi sermones non conveniunt sibi, sicut illi Augustino confessio fidei nostræ: tamen sermones sunt veri, in sano sensu intellecti, quod Johannes personaliter in substantia non fuit Elias: sed in ipso esse spiritali, quem dominus mutavit: & sic Johannes non contradixit, quod etiam angelus confirmat, qui manifestat ejus conceptionem Zachariæ, dicens: Et ipse præcedet ante illum in spiritu & virtute Eliæ. Etiam accipimus illius exemplum ex sermone sancti Pauli, ubi scribit: Patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari: & omnes eandem escam spiritalem manducaverunt & eundem potum spiritalem biberunt; tamen nullus concedit, quod hi patres manducaverunt corpus & sanguinem Christi corporaliter, sive quod in naturali substantia substantialiter essent usi, quia nondum fuit incarnatus: neq; dedit corpus suum in manus peccatorum ad mortem, ad præparationem escæ, neq; sanguinem ad bibendum, neq; adhuc instituit sacramentum corporis & sanguinis. Et sanctus Paulus ad Hebræos: Umbram enim habens lex futurorum bonorum, non ipsam imaginem rerum per singulos annos eisdem ipsis hostiis, quas offerunt indefinenter, nunquam potest accedentes perfectos facere: quia lex per Moysen data est, gratia & veritas per Jesum Christum facta est. Amplius dicit: Bibebant autem de spiritali consequente eos petra: petra autem erat Christus. Certè non corporali, sed spiritali figurâ qui futurus erat, cum quo se communicat in sacramento novi testamenti, & hoc sic: quia sacramenta novi testamenti habent iustitiam perseverantem & meritum & usum in Christo & ecclesia. Et hujusmodi exempla possent plura induci ad hoc ex sacra scriptura, si non indigeret multa disputatione & tædium faceret legenti. Sic docemus, ut breviter dicamus, quod non timemus (dei auxilio) pedicas, quas nobis ille prudens venator posuit, sicut ante oculos avium, quod duos Christos nos oporteat confiteri. Sed omnino ipse cum aliis, qui sic sentiunt (ut ipse confitetur) eas decipulas debent timere, esse scilicet Christum in terris personaliter, sicut in dextera patris sedet, quod hi Christum dividunt, & contra præceptum hic monstrant. Qua re ipsi abducunt fideles à sensu spiritalis ipsius & sacramentalis existentia & sumptionis. Absq; illo præcipuo spiritali Christo, nemo potest salvus fieri. Sed petimus, quo facilius cognoscamus auxilium ad cognitionem veri & erroris, quod etiam doctor Augustinus permittat sibi quæstionem unam aut duas facere circa sacramen-

Attende.

Attende.

In virtute.

Eucharistia.  
a Cor. 13. 3.

Quæstio.

sacramentum corporis & sanguinis Christi. Et hoc eandem quaestionem, ubi ex nobis quaerit dicens: Estne ibi ideus Christus, quem sub sacramento panis & vini esse simul nobiscum dicunt, sicut sentit & permittit, vel est distinctus ab illo qui sedet ad dexteram patris? Interrogetur etiam illud cum illa quaestione: Si est idem Christus, verus deus & homo secundum ejus opinionem substantialiter & naturaliter in sacramento, & in fidelibus sacerdotibus, vel aliis hominibus qui sumunt sacramentum & eundem Christum in sacramento: vel sit divisus ab illo Christo hic in sacramento & in coelis? Si est idem: quare illi non venerantur & adorant unum & eundem dominum Christum in homine, sicut in sacramento, & ad dexteram dei? Et certe deberent hoc facere ex precepto fidei plus, quia digniore modo est in homine quam in sacramento: quia propter hoc est in sacramento ad tempus, ut eum homines sumant cum reverentia, non solum ad tempus, sed in perpetuum, sicut potest dici & confirmari ex verbis Christi, ubi dicit: Qui manducat hunc panem, vivet in aeternum. Si est divisus, dicat sibi soli, tantumq; aliis: & sicut alios judicat, se judicet. Hic opus erit ostendere fide in Christum dominum.

Et ubi tenet & memorat de transmutatione panis & vini in corpus & sanguinem domini nostri Jesu Christi, finat ut interrogetur an in totam personam domini nostri Jesu Christi panis & vinum transmutetur, vel non in totum Christum. Si dicit in totum, hoc est in corpus, animam & divinitatem: hoc est impossibile & incredibile à tota re; quia jam transiret & transmutaret se creatura in suum creatorem; spiritalis persona in spiritu dei incomprehensibilem & omnipotentem: & sic ulterius quod est contra fidem salutis, & nullum ingenium sanum ausum fuit ad hoc cogitare; nisi ille homo praesumat se in hoc experiri. O multum adhuc abest si vis cogitare, quia neq; in anima, neq; in spiritu est aliquid creatum dignum domino nostro Jesu Christo: quare impossibile est de hac transmutatione cogitare, quia natura terrena & corporalis, & quicumq; spiritus sunt incomprehensibiliter & sicut sine fine à se differentes: quia spiritus carnem & ossa non habet, quia jam naturam suam clarificatam perderet: praeterea neq; in spiritum non creatum à deo, quod est horribile cogitare. Tunc jam in fine oportet in hoc consentire & dicere, quod in solum carnem & solum sanguinem domini nostri Jesu Christi sine anima & divinitate, mutabitur. Et si hoc est verum, non in totum Christum transibunt substantiae panis & vini, & hoc non fiet: quia non erit ibi deus, sed neque homo verus: & qualiter hoc debeat accipi, neque ex fide, neque ex aliqua ratione. Sed est certum & verum, quod neq; in solum corpus panis se transmutat, neque in solum sanguinem vinum. Quod si ita esset, ponentes secundum rationem illam, jam non fit totus Christus sub priori substantia, sed solum in corpus, sicut ponit, transmutatur panis, & in solum sanguinem, vinum: quia sic corpus esset sine naturali sanguine, & sanguis sine corpore: & aqua quam mittunt simul in calicem, in quid illa transmutatur? forte ita manet, & tota illa cogitatio est impossibilis: quia verum corpus domini Jesu semel formatum est per spiritum sanctum in utero virginis ex puro illius sanguine, & non ab alio: sed ibi fieret ab alio, ubi nunquam fuit in utero virginis; neq; ex ea natum. Sed huc redibit, quod hodie est aliquid corpus domini, quod heri non fuit, & cras similiter erit quod hodie non est. Sed credimus, quis non credere solum, sed etiam cogitare praesumpsit? Fortè dices, quod illae res se conjungent. Hoc aliud novum, non ex corpore natum simul cum illo corpore ex virgine, nec cum anima & divinitate. Haec res non sunt audite à prophetis dei, nec apostolis: quia aliam novam rem faceret Jesus super terram, & adhuc majora quam incarnationem verbi aeterni, & mutua conjunctio cum anima in toto esse, & hoc & illa corpora multiplicata ad aliquot mille loca una anima semel creata uniat, & vivificet, & unificet ea corpora insimul. Haec res & multae aliae inde venerunt, quando excogitaverunt ejusmodi substantialem transformationem. Ille doctor quando haec tenet, debitor erit expositionis secundum rationem fidei. Et amplius: Hoc corpus domini nostri Jesu Christi ex substantia panis consecrati factum, erit vel mortale, vel glorificatum? Fortasse dicit glorificatum, & quod sedet ad dexteram patris. Sed hoc non convenit, ut illud ad dexteram patris sit quod verbis exprimitur, benedicitur & consecratur secundum sensum verborum: quia quod his verbis fit, est mortale & mutatur, quando dicitur Hoc est corpus meum, quod pro vobis tradetur: & hic est sanguis meus, qui pro multis effundetur. Quod si hoc erit, Christus adhuc morietur, & sanguis adhuc effundetur. Vide quid ad hanc transmutationem cogitarint, vel abstractio substantiae ex accidentibus, quia oportebit alia verba excogitare transfigurantes: si fient alia verba, cum his nihil facient, & hoc non aliter expedient. Et ex hoc magis, magisq; crescit. Si apostoli hunc sensum & hanc fidem habuerunt, & continuarent partes de hoc sacramento usque in magnam sextam feriam, vel amplius, huc res caderet, esset simul in corpore uno vivus & mortuus: vivus in sacramento reservato, sed in cruce non à hora & postea in sepulchro mortuus, & in die resurrectionis simul glorificatus & mortalis, glorifica-

Attende.

Quaestio.

Transsubstantiatio.

Inconveniens.

tus prodians ex sepulchro. Et ex hoc amplius sequitur, quòd simul erit vivus & non vivus, mortuus & non mortuus, mortalis & non mortalis, glorificatus & non glorificatus. Et hoc neq; deus ex sua omnipotentia tota faciet, neq; est possibile, neq; conveniens. Et quia semel coepimus: hæc vestra transmutatio quando fiet, in principio verborum, vel in fine? ambo sunt impertinentia. In principio non fit, quia sine expressione formæ verborum non fit transmutatio: sed tunc cum ultimum verbum finitur, finat ut interrogetur, & non taceat, sicut & cætera: Quid mandavit Christus dominus accipere & manducare, dicens: Accipite & comedite, hoc est corpus meum: & super quid monstravit, cum hoc verbo quod nominatur latine, hoc? Si super corpus Christi? Non, quia adhuc non fuit ante expressionem verborum: & super panem etiam non monstravit secundum opinionem vestram, quia contradiceretis temerè: sunt hic fere omnes novi doctores, nesciunt quòd se vertant, ubi se movent est angustum. Si dixerint, super panem monstravit, & hunc fecit accipere & comedere, hoc negatis, & tamen corpus domini non fuit: manserunt in hoc quod dominus Iesus super nihil monstravit tum his verbis: Hoc est corpus meum, &: Hic est sanguis meus. Et plura hic ponunt, quod hic nihil frangitur, nihil videtur, nihil auditur, nihil oletur insuavis, quamvis sensus & olfactus hominum videtur eis quod hoc totum olfaciunt, & hoc dicunt de interiori homine, certè apud eos nihil est eorum. Hæc est fides Christiana, sic magis & magis hærent secundum verba salvatoris, quibus sacerdotes transmutant panem & vinu. Utrū autè sacerdotes rectè dicant [hoc est] formaliter, vel si solum post Christum iterum illa verba dicant [hoc est] materialiter? quod si non formaliter dicunt, sed materialiter, cum hoc non transfigurabunt secundum sensum omnium vestrum: & sic profectò nullus vivens sacerdos debito modo potest loqui sicut Christus: quia jam non esset corpus Christi, sed sacerdotis, quando eisdem verbis diceret: Hoc est corpus meum. Hæc quæstiones sunt vestræ, & ex vestris alvearibus ferè omnes, & aliæ multæ, & interdum cum responsione non satis pingui, & sunt contra manifestam fidem Evangelii ejusmodi sensus. Verum ille doctor hæc omnia explicat secundum rectum sensum fidei & rationis, & firmum fundamentum monstret, & non ex opinione quando eam sedè induit. Suis quæstionibus respondimus, quòd illud restamentum in se recipiat penes unum sacramentum corporis & sanguinis domini, & nobis non imponat errorem quem ipsi vobis fecistis. Nos tenemus lucem sancti Evangelii, super quod firmè possumus salutem ponere. Certè dominus Iesus nos non decipiet, qui dixit verum, firmum, & firmitus quàm coelum & terra. Nunc non cogitamus de his plura dicere: quia satis de hoc scripsimus in literis illis, quas publicè ad omnes dedimus.

Et sancto Petro dixerunt adstantes, Verè & tu ex illis es, nam & loquela tua te manifestum facit: posset huic doctori secundum scripturam suam idem dici, quòd est spiritu similis illis, qui dominum adjurarunt, & dixerunt, Adjuro te per deum vivum, ut dicas nobis, si tu es Christus filius dei? Cumq; respondisset, dixerunt: Quid adhuc egemus testibus? ecce nunc auditis blasphemiam, quid vobis videtur? omnes condemnarunt eum, quia reus est mortis. Ad horum similitudinem ducimus illum doctorem Augustinum. Meruimusne illo quod deduximus, quia hæc est vera fides Christi, à Christo domino suis verbis expressa, à primitiva ecclesia ita observata & custodita? Est tamen hæc impudens res & iniqua, dare sententiam prius, quàm facere hominem reum. Vetus lex neminem judicat, nisi postquam auditum est crimen. Et in novà lege est gratia & justitia. Dominus Iesus, qui non venit damnare sed salvare, prohibuit judicare, & præcipuè, damnare. Igitur cum qua lege, amice Augustine, cum quo dei verbo nos justè accusasti? Sed tu malè & iniquè nostram scripturam recepisti & falsum testimonium in nos dixisti pro iusto testimonio Regiæ Majestati. Nunc ipse fers sententiam quid mereamur, & sic accusas, testificaris & judicas: falsè testificans conclusis quod aspernamur venerari Christum ubi ad dexteram dei coeli debet adorari ex præceptis suis, sicut amplius est de hoc superius dictum. Ex quibus rebus jam intelligimus, Habeat fidelis homo quodcumq; iustum contra eos, nulla re contra Romanam ecclesiam aliquid deducet. Hujus habemus exemplū sub communionē corporis & sanguinis Domini nostri Jesu Christi sub utraq; specie, quemadmodū est fida & recta justitia secundum præceptum dei, per apostolos observata, per antiquos doctores testificata: super quam multi novi doctores confitentur, & etiam moderni concedunt & in Concilio Basiliensi assenserunt. Sed sub unius speciei ministratione nondum statutum est: sicut non diu libelli Pragæ impressi, probabiliter ostendunt. Et tamen nulla viā ad eam aquitatem consentiunt, ut idem facerent & Bohemos non haberent hæreticos. Et quare hoc? quia oporteret eos audire sibi obijci, quòd ipsi errant & errarunt. Sed hoc nulla viā faciunt, sed potius multa magnaq; homicidia perpetrarent & multum innocentem sanguinem (si hoc Deus permitteret) effunderent. Sic etiam symoniaci: estne hæc prima & maxima hæresis, in qua in spiritualibus fere omnibus quæstuantur, habentes contra hoc magnas prohibitiones & severas punitiones? Quid

Romana ecclesia.

Concilium Basiliense.

Bohemii.



Quid ipsi hoc curant, si aliquis prohiberet, qui super hanc ecclesiam horrendum hoc peccatum symoniacæ pravitatis, in qua sine fine de die in diem scandalizant, induxerunt? Et illi sacerdotes concubinari & publicani, quod ipsi ex officio deponi debeat, cum apud eorum missas est prohibitum ne quis eas audiat. Et multa ejusmodi res sunt manifestæ, quod super eos convincitur, quod multum errant: tamen nulla viâ peccatum confitentur & poenitentiam agunt. Et quando Ziska cum tribulis suis non triturasset ex Bohemis & Moravis, communio sub utraque specie non habuisset locum in hodiernum diem. Super quod nos, qui non habemus opinionem, ut potestati mundi respondeamus, sed solâ patientiâ stare, & paupere nostra confessione testificari, certe apud eos non iustificabimur. Quod neque expectamus quod vellemus triumphare: solum autem ut manifestum malum vitaremus & manifestam æquitatem deprehenderemus, & inde ad beatitudinem perveniremus in amore hîc, & in futura vitâ, æterna gloriâ. Ad quam nos perducatur unus Deus in essentiâ divinitatis & in personis trinus, Pater & Filius & Spiritus Sanctus, semper benedictus, cum omnibus veritatem diligentibus & legem suam. Amen.

Quicumque autem desiderat ulteriorem instructionem secundum sanum intellectum sacre scripturæ de sacramento corporis & sanguinis domini nostri Jesu Christi, multum conducet ad hoc, si legeret tractatum, quem ante tempora scripserunt veteres Bohemi, in spe dei, fundamento boni & sancti viri, contra suos adversarios: & hoc invincibilibus testimoniis legis dei, qui sic incipit: Ad honorem in æquitate ad sacramentum corporis domini nostri Jesu Christi. Quibus Bohemis eorum adversarii non potuerunt resistere testimoniis & rationibus & sacra scriptura: concitavit contra eos potestatem mundi, sic quod aliqui fame perierunt ex mandato regis Georgii, super quæ multa mala venerunt & in filios & in omne suum regnum ex permissione dei super veram vindictam innocentis sanguinis. Sed ipsi propter iustitiam posuerunt corpora sua cum patientiâ confirmantes se, & triumphatores, & secutores Christi & suorum facti sunt, meritum & coronam à domino impetrarunt. Unde facile intelligitur, quod semper viciniore sunt æquitati fidei & ejus angustia viæ quæ perducit ad vitam, qui propter æquitatem patiuntur, quam qui propter eam penes opinionem propriam alios perturbant. Sed nunc quod antiquo tempore Bohemi destruxerunt, hoc moderni iterum repente ædificant: sicut imagines, arcas magno pretio, organaq; & alia ecclesiastica superflua ad felicitatem, & sub hujusmodi populus se non conformat per virtutes, sed peccata & iniquitates crescunt. Quando ejusmodi res vellent respicere, misererentur nostrum & darent nobis locum inter eos. Etiam hoc necessario, sicut alibi, sic ibi notum facimus, quamvis primò deus hoc notum fecit nobis ex misericordiâ sua, quod cognosceremus seductionem Romanæ ecclesiæ à communi salutem: & quod non eadem est quam se dicit, tamen etiam multum auxiliati sunt, & præcipuè aliqui de melioribus, quid ipsi de ea tenuerunt & senserunt, & suis scriptis post se reliquerunt. Propterea debet nullus prudens nobis imputare, quasi soli eas res ex nobis cogitavimus: sed paratas ab ipsismet, monstratas omnibus in communi, & etiam nobis. Et finire nos breviter hos memorare unum vel duos. Primus Bernardus sic dicit: Væ generationi huic à fermento pharisæorum, quod est hypocrisis: si tamen hypocrisis dici debet, quæ jam præ abundantia latere non valet, & præ impudentiâ non quærit; serpit hodie putida rabies per omne corpus ecclesiæ, & quò latius eò desperatius, eoq; periculosius quò interius. Nam si insurgeret apertus inimicus, hæreticus mitteretur foras & cresceret: si violentus inimicus, absconderet se forsitan ab eo. Nunc verò quem ejiciet, aut à quo absconderet se? Omnes amici & omnes inimici, omnes necessarii & omnes adversarii, omnes domestici & nulli pacifici, omnes proximi, & omnes quæ sua sunt, quærentes, ministri Christi sunt & serviunt Antichristo, honorati incedunt de bonis domini, cum honorem domino non deferant. Inde is, quem quotidie vides, meretricius nitor, histrionicus habitus, regius apparatus: Inde aurum in frænis, in sellis & calcaribus, & plus calcaria quam altaria fulgent. Inde splendida mensæ & cibus & scyphis. Inde comestiones & ebrietates. Inde cithara & lyra & tibia. Inde redundantia torcularia & promptuaria plena eructantia ex hoc in illud. Inde dolia pigmentaria. Inde referta marsupia. Pro hujusmodi volunt esse & sunt ecclesiarum Præpositi, Decani, Archidiaconi, Episcopi, Archiepiscopi. Nec enim hæc merito cedunt, sed negotio illi quod perambulat in tenebris. Olim prædictum est, & nunc tempus impletionis advenit. Ecce in pace amaritudo mea amarissima. Amara prius in nece martyrum, amarior post in conflictu hæreticorum, amarissima nunc in moribus domesticorum. Non fugare, non fugere eos potest: ita invaluerunt, ita multiplicati sunt super numerum. Intestina est, insanabilis est plaga ecclesiæ & ideo in pace amaritudo ejus amarissima. Sed in qua pace? Et pax est, & non est. Pax à Paganis, & pax ab hæreticis, sed non profectò à filiis. Vox plangentis in tempore isto: Filios enutrivî & exaltavi, ipsi autè spreverunt me, spreverunt & maculaverunt me à turpi vitâ, à turpi quæstu, à turpi

Attende.

Bernardus in  
Serm. 33. super  
Cantica.

Mat. 18. 17.

conmer-

commercio: à negotio deniq; perambulante in tenebris: supereſt ut jam de medio fiat da-  
monium meridianum ad ſeducendos, ſi qui in Chriſto reſidui ſunt adhuc permanentes in  
ſimplicitate ſua, ſiquidem abſorbit ſuivus ſapientum & torrentes potentium, & habet ſi-  
duciam ut Jordanis inſuat in os, id eſt, ſimplices & humiles qui ſunt in eccleſia. Item in vice-  
ſimotertio ejus ſermone ita dicit, Timeant clerici, timeant miniſtri eccleſiæ, qui in terris ſan-  
ctorum quas poſſident tam iniqua gerunt, ut ſtipendiis quæ ſufficere debebant, minimè  
contenti, ſuperflua quibus egeni ſuſtentandi forent, impiè ſacrilegq; ſibi retineant, & in  
uſus ſuæ ſuperbiæ atque luxuriæ victum pauperum conſumere non verentur, duplici pro-  
fectò iniquitate peccantes, quod & aliena diripiunt, ſacris in ſuis vanitatibus & turpitudi-  
nibus abutuntur: ideoq; tenuit eos ſuperbia ne humiliſſentur, ſed dominantur propter ſuper-  
biam cum ſuperbo diabolo & angelis ejus. Hæc dicit Bernardus ſuper Cantica.

Franciſcus  
Petrarcha in  
Epiſt. 16. Edit.  
Baſ. 1581.

Adhuc de illo Franciſcus Petrarcha in epiſtolis ſine titulo, dilecto amico ſuo ita ſcribit:  
Et quid adhuc hæres, annon hæres? ſed teneris & obluſans raperis, hoc potius reor, malo  
vim quam focordiam opinari. Non eſt tuū torpor, ardens ingenium, mens ignea, generoſus  
impetus: ſed quid hæc? ſi fortius impedimentum eſt, quàm virtus, magna etiam vis hebet,  
oppoſita vi majore, neceſſitati omnia ſuccumbunt. Illa te Babylon traxit, illa te detinet: du-  
rum, ſed ſerendum. Loci natura eſt, omne bonum ibi perditur, ſed primum omnium liber-  
tas, mox ex ordine quies, gaudium, ſpes, fides, charitas, animæ jactura ingentes: ſed in re-  
gno avaritiæ nihil damno adſcribitur, modò pecunia ſalva ſit. Futuræ ibi vitæ ſpes, inanis  
quædam fabula & quæ de inferis narrantur fabuloſa omnia: reſurrectio carnis & mundi finis  
& Chriſtus ad judicium venturus inter nennas habentur: veritas ibi dementia eſt, abſtinentia  
verò ruſticitas, pudicitia probum, ingens denique peccandi licentia, magnanimitas & li-  
bertas eximia, & quo polluitur, eo clarior vita, quo plus ſclerum, eo plus gloriæ: bonum  
nomen coeno vilius, atque ultima mercium fama eſt. Habes quantum in tam paucis licuit  
illius ſacræ urbis expreſſum ſtatim, quem non magis in his literis hodie, quàm in illorum  
frontibus hominum quotidie perlegis, quorum vitam nullus ſtilus, nullum æquet inge-  
nium. Cæterum omnium primum (ut dixi) ibi libertatis jactura eſt. Quiſquis limen  
illud introiit, conſeſſum ſuis deſiit eſſe, jam nec quieſcere, nec abire permittitur: ſed rota-  
tur, & inefficaci labore conſumendus atteritur. Paucos inde divina clementia eripit à le-  
ge, ut Hieruſalem diligant, atque oderint Babylonem. Hæc mihi de te ſpes reliqua eſt,  
alioquin tuis de rebus actum crederem, tam tenaci profundoque limo te demerſum & in-  
fixum video: interim non voluntati aut judicio, ſed neceſſitati imputo ac fortunæ, quòd  
tamdiu ibi ſis, & moras quas vehementer odi, libenter excuſo: quod ſiqua fortaliſſ  
in profectione culpa fuit, in mora ipſa utique jam non culpa ipſa, ſed ſupplicium & purga-  
tio culpæ eſt. Sed quoniam multi multa ſæpe in carcere didicerunt, quid & te verat in  
vinculis diſcere aliquid quo perpetuo ſis doctior? Quædam nullo modo melius quàm  
contrario diſcuntur, ideoque qui Mathematicas artes docent, ſi quando parum veri capax  
mens diſcipuli viſa erit, ſolent falſa proponere: quæ dum reſugit animus, ad veriora con-  
fugiat. Tu quoque ſolitus & religioni & honeſtati ſemper operam dare, quarum altera  
ad illius aſpectum erigit optantem animam, de quo ait Pſalmiſta: Quærite faciem ejus  
ſemper. Alterius ea facies eſt, quæ ſi oculis cerneretur (ut ait Plato) miris animum amo-  
ribus inflammaret: neq; tamen minus amanda eſt quòd animo cernitur. Si quid tibi  
nunc etiam ad utriuſq; notiæ ſummam deſſe putas, omne ſtudium in adverſa refleſſi-  
ro. Arrige aures, ſige oculos, intende animum; vis pulchritudinem Dei noſcere? cerne quanta  
eſt hoſtium ejus obſcœnitas. Non ſunt autem longè quærendi qui Babylonem habi-  
tant; omnis vicus hic vermibus ſcatet. Vis formam ac decus honeſtatis agnoſcere? con-  
templare quanta eſt foeditas vitiatorum, quorum omnium exemplar in oculis tibi quocunq;  
reſpexeris videbis, cujus odio ſimul dei ac virtutis amantior fieri queas. Tu autem gaude  
ſaltem contrario magiſtro virtutum, gaude (inquam) & ad aliquid utili invento gloriare. Bo-  
norum hoſtis & malorum hoſpes atq; aſylum, peſſima rerum, Babylon, ſeris Rhodani ripis  
impoſita: Famola dicam an inſanis meretrix fornicata cum regibus terræ, illa quidem ipſa  
es, quam in ſpiritu ſacer vidit evangeliſta: illa eadem, inquam, es, non alia ſedens ſuper  
aquas multas: ſive ad literam tribus cinſta fluminibus, ſive rerum atque divitiarum turba  
mortalium, quibus laſciviens ac ſecura inſides, opum immemor æternarum: ſive ut idem qui  
vidit, expoſuit: populi & gentes & linguæ, aquæ ſunt ſuper quas meretrix ſedes: recogno-  
ſce habitum mulier circumdata purpura & coccino & inaurata auro, & lapide pretioſo &  
margaritis, habens poculum aureum in manu ſua plenum abominatione & immunditiâ for-  
nicationis ejus. Noſciſne teipſam Babylon? niſi illud forſan errorem facit, quod in illius  
fronte ſcriptum erat Babylon magna. Tu vero Babylon parva es, parva utique murorum  
ambitu, ſed vitiis & ambitu animorum, & infinita cupidine cumuloq; malorū omniū non  
magna modo, ſed maxima, ſed immenſa es. Et certè quod ſequitur, tibi uni cõvenit, nō ali-

Avenio Baby-  
lon Gallica.

Baby-

Babylon mater fornicationum & abominationum terræ, mater impia partuum pessimorum. Quando quicquid usquam terrarum abominabile, quicquid fornicationum ex te prodit & cum semper parias, semper tumens, & talium plenus & gravidus tuus uterus est. Si nunc quoque dissimulas, audi reliqua. Et vidi (inquit) mulierem ebriam de sanguine sanctorum & de sanguine martyrum Jesu. Quid files? Aut aliā hoc sanguine ebriam ostende, aut omnino si potes te hanc ebriam nega. Vera enim Evangelistæ & Apostoli visio sit, oportet, qui si te in spiritu videns miratus est admiratione magnā, quantā nos admiratione perfundimur, qui apertè oculis te videmus, ex omnibus quidem fornicationibus tuis, de quibus biberunt omnes Gentes & Reges terræ, & ex omnibus abominationibus. quid expectas? nisi quod Johannes idem ait, Cecidit Babylon magna & facta est habitatio dæmoniorum.

Nota sunt quæ sequuntur. Verè jam talis facta es: quantò enim homo perditus & desperatæ nequitiae dæmone melior. Verè habitatio, immò regnum dæmonum facta es: qui suis artibus, humana licet effigie, in te regnant. Tu vero, amice, cum eodem Apostolo audi vocem aliam de coelo dicentem: Exite de illā, populus meus, ut ne participes sitis delictorum ejus, & de plagis ejus non accipiatis: quia pervenerunt peccata ejus usque ad coelum, & recordatus est dominus iniquitatum ejus. Quantum glorificavit se, & in delictis fuit, tantum date illi tormentum & luctum: quia in corde suo dicit: Sedeo Regina, vidua non sum, & luctum non video: ideo in una die venient plagæ ejus, mors & luctus & fames, & igni comburetur, quia fortis est deus qui judicabit illam. Apoc. 12. 4, 5. &c.

Hæc, & quæ Apostolus illic habet, audi omnia, audi & fuge si qua via est, ne innocentiam tuam ruinæ nocentium & Babylonica premant iniquitates, quarum non modus, non numerus, non mensura, non æstimatio demum est. Taceo hereditatem Simonis, & cetera. Qui plura scire volet, legat epistolā usque ad finem: dicit rursus in alia epistola: Si quicquid animus meus fert de hujus occiduae Babylonis statu, cujus fato seu verius peccato invitatus toties civis fio, velim sילו committere: vereor, pater, ne & dolorem meum lamentis exaggerem, & sanctissimas curas tuas occupationesque pulcherrimas intempestivis & inutilibus querimoniis interpellem. In summā scito, non modo hunc, sed nec Ciceronianum quidem calamum rebus parem. Quicquid de Assyriā, vel Ægyptiā Babylone, quicquid de quatuor labyrinthis, quicquid denique de Averni limine, deq; Tartareis sylvis, sulphureisque paludibus legisti, huic Tartaro admotum, fabula est. Hic turrisficus simul atque terrificus Nemroth, hic pharetrata Semiramis, hic inexorabilis Minos, hic Radamanthus, hic Cerberus universā consumens, hic tauro supposita Pasiphae, mixtumq; genus (quod Maro ait) prolesq; biformis Minotaurus inest, Veneris monumenta nefanda. Hic postremo quicquid consulum, quicquid atrum, quicquid horribile usquam est aut fingitur, aspicias. O semper virtutibus tuis felix, nunc absentia etiam facilius tua. Putasne civitatem hanc esse quam vidisti? longe alia est, longeque dissimilis: fuit equidem omnium pessima, eaq; tempestate foedissima. Hæc vero jam non civitas, sed larvarum & lemmurum domus: & ut breviter dicam, scelerum atque dedecorum omnium sentina atq; ille viventium infernus, tanto antè Davidico ore notatus, quam fundatus & cognitus. In illā & aliis ejus epistolis ad illum sensum plura scribit, & illi libri sunt vulgati in omnibus terris. Finis. Sextā feriā Epiphaniæ, Anno domini, millesimo, quingentesimo, octavo. Epist. 7.

## F I N I S.

## A D L E C T O R E M.

**L**Egisti ea quæ Waldenses pro sui excusatione in medium protulerunt. Quorum responsio, qualis sit & quanti ab omnibus facienda, quiq; diversis in se objectis responderint, ab universali proculdubio ecclesiā determinatum est. Nunc ad Johannis Wiclefii articulos progrediamur, quos si prudenter & ad perpendicularum expendis, non eam quam ipse patrum nostrorum memoriā condemnationem incurres. Ambulandum est enim in purā simplicitate & mentis prudentiā. Quapropter Paulus ait: In sapientia ambulate, & ut Christo placuit, Simus prudentes sicut serpentes, & simplices sicut columbæ. Mundis enim (ut in Proverbio est) omnia munda sunt. Omnia igitur proba, Lector candidissime, & quod bonum est, observa. Nam juxta Pauli doctrinam: Oportet hæreses esse, ut quæ probati sunt, manifesti fiant. Vale feliciter.

Articuli

## ARTICULI JOHANNIS WICLEFI

Angli, impugnati à Wilhelmo Wodfordo.

1. Quòd manet panis substantia post ejus consecrationem in altari, & non definit esse panis.
2. Sicut Johannes fuit figurativè Elias, & non personaliter: sic panis est figuraliter corpus Christi, & non naturaliter corpus Christi. Et quòd absque omni ambiguitate est figurativa loquutio, Hoc est corpus meum, sicut illa in verbis Christi, Johannes ipse est Elias.
3. Quòd sacramentum eucharistiæ est naturaliter verus panis, loquendo conformiter (ut prius) de pane materiali, albo & rotundo. Quem in cap. Ego Berengarius, Curia Romana determinavit.
4. Quòd definientes parvulos fidelium sine baptismo sacramentali decedentes, non fore salvandos, sunt in hoc præsumptuosi & stolidi.
5. Quòd collatio sacramenti confirmationis non est episcopis reservata.
6. Quòd tempore Pauli sufficiebant ecclesiæ duo ordines clericorum, sacerdos & diaconus. Nec fuit tempore Apostolorum distinctio Papæ, Patriarcharum, Archiepiscoporum: sed quòd sufficit quòd sint presbyteri & diaconi, secundum fidem scripturæ, quia superbia Cæsarea alios gradus adinvenit.
7. Quòd antiqui, qui ex cupiditate rerum temporalium, ex spe mutuum juvenum, aut ex causâ exculandæ libidinis, licet de prole desperent, copulantur adinvicem, non verè matrimonialiter copulantur.
8. Quòd causæ divortii ratione consanguinitatis vel affinitatis, sint infundabiliter humanitus ordinatæ.
9. Quòd hæc verba, Accipiam te in uxorem, eligibilia sunt pro contractu matrimonii, quàm hæc verba, Accipio te in uxorem. Et quòd contrahendo cum illa per hæc verba de futuro, Accipiam te in uxorem: & post cum aliâ per hæc verba de præsentì, Accipio te in uxorem, non debent frustrari verba, propter verba secunda de præsentì.
10. Quòd isti duodecim sint procuratores Antichristi, Papa, Cardinales, Patriarchæ, Archiepiscopi, Præfules, Episcopi, Archidiaconi, Officiales & Decani, Monachi & Canonici Bifurcati, Pseudofrateres introducti jam ultimò & Quæstiores.
11. Quòd Numerorum decimo octavo, Ezechielis quadagesimo quarto, præcipitur singulariter negativè, quòd nec sacerdotes Aaronitæ, nec Levitæ habeant partem hæreditatis cum aliis tribubus: sed quòd purè vivant & de decimis & oblationibus.
12. Quòd non est major hæreticus vel Antichristus, quàm ille clericus, qui docet quòd licitum est Sacerdotibus & Levitis legis gratiâ dotari cum possessionibus temporalibus. Et si aliqui ex prævaricatione in lege dei sint hæretici, apostatæ, vel blasphemii, sunt illi clerici qui hæc docent.
13. Quòd non solum domini temporales possunt auferre bona fortunæ ab ecclesiâ habitualiter delinquente: non solum hoc eis licet, sed debent hoc facere sub poenâ damnationis æternæ.
14. Si corporalis unctio foret sacramentum (ut modò fingitur) Christus & ejus apostoli ipsius promulgationem non tacuissent.
15. Quicumque est humilior, servitior in amore Christi, quoad suam ecclesiam amativior, ille tam in ecclesiâ militante major, & proximus est Christi vicarius.
16. Quòd ad verum dominium seculare requiritur justitia dominantis, sic quòd nullus in peccato mortali est dominus alicujus rei.
17. Quòd omnia quæ evenient, absolute necessariò evenient.
18. Quòd quicquid Papa, vel Cardinales sui sciunt ex sacra scriptura deducere, clarè, illud duntaxat est credendum, vel ad sua monita faciendum. Et quicquid ultra præsumpserint, sit tanquam hæreticum, contemnendum.

¶ F I N I S.

Venerabili

# VENERABILI IN CHRISTO PATRI,

Ac illustri domino, Thomæ Cantuariensi Archiepiscopo, totius Angliæ primati & sedis apostolicæ Legato, humilis suus servitor frater Wilhelmus Wodford, devotissimum humilitatis & subjectionis famulatum.

Reverendissime pater,

**M** Andatis vestris obtemperando, causas condemnationis articulorum per vos nuper damnatorum, ac etiam responsiones ad argumenta per adversarium pro articulis facta, vestræ Dominationi in his scriptis transmittito dedicanda, vestræ Dominationi ac correctioni totaliter submittens, si in aliquo me contingat recedere à viâ veritatis.

Quantum ad primum articulum condemnatum, qui ponit, quòd manet panis substantia post ejus consecrationem in altari & non definit esse panis. Multiplex est causa condemnationis ejus loquendo de pane materiali, albo & rotundo. Sic enim loquitur adversarius de pane in illo articulo, ut patet libro quarto, capite secundo. Et in illo sensu fuit articulus condemnatus. Et prima causa condemnationis justæ illius articuli est, quia fuit condemnatus antiquitus in Synodo Vercellensi sub Leone Papâ : & aliâs in Concilio Turonensi, sub Victore Papâ, ut patet per Lanfrancum in libro suo contra Berengarium.

Secunda causa est, quia idem articulus fuit condemnatus in Concilio generali sub Nicolao Papâ, ut patet ex scripturis Guimundi Averfani episcopi in libris suis de corpore & sanguine Christi: demum Paschasii doctores, & Lanfranci doctores: & isti fuerunt contemporanei Berengarii hæretici & doctores magni. Tertia causa est, quia ipsemet Berengarius in libro quem fecit post recidivum, fateatur quod in illo Concilio generali, intentionis erat Concilii, ponere panem post ejus consecrationem in altari minime superesse. Unde Uberrus Cardinalis, qui fecerat in illo Concilio confessionem illam [Ego Berengarius, &c.] & Berengario tradiderat, fuit Burgundus ille in sententiâ, immò concordia Vulgi, Paschasii & Lanfranci, decrevit minime superesse in altari substantiam panis. Patet ergo ex confessione adversarii, quod idem Concilium determinavit generale, minime superesse in altari post consecrationem, substantiam panis vel vini materialis. Quarta causa est, quia Innocentius Papa extra de summâ trinitate & fide Catholica cap. [Firmiter credimus] concorditer ad patres priores determinat, quod panis transubstantiatur in corpus Christi, & vinum in sanguinem: per transubstantiationem intelligens realem transitionem substantiæ panis in substantiam corporis Christi, & substantiæ vini in substantiam sanguinis Christi. Propter quæ verba, doctores scribentes super quartum sententiarum, dicunt quòd est de fide ecclesiæ, quòd panis definit esse in ejus consecratione. Quin ta causa est quia hoc est determinatum in Canone per ecclesiam, de Consecratione, distinctione secunda, capitulo [in calice] ubi sic ex verbis Ambrosii: Dixi (inquit) vobis, quòd ante verba (puta consecrationis) quod offertur, panis dicatur. Ubi vero Christi verba deprompta fuerint, non jam panis dicatur, sed corpus. Quare ergo in oratione dominicâ ait, Panem nostrum quotidianum: Panem dixit *ambrosius*, hoc est, supersubstantialem. Ex qua patet sententia ecclesiæ, quòd post verba consecrationis non manet panis materialis qui prius, sed panis supersubstantialis. Et hoc idem patet ibidem ex cap. [Omnia quæcunque]. Et ex cap. [Species & similitud.] Et ex cap. [Revera] Et ex diversis aliis capitulis. Ex quibus evidenter concluditur, quòd est de sententia antiquæ ecclesiæ, quòd non manet panis materialis substantia post ejus consecrationem in altari. Sexta causa est, autoritas Ignatii martyris, qui fuit contemporaneus Apostolorum, qui in epistola sua ad Romanos, loquens de sacramento eucharistiæ, sic scribit: Non (inquit) delector pane corporali, sed panem Dei volo ejus, qui ex genere David: & potum volo sanguinem ipsius. Ex quibus patet, quòd sanctus Ignatius non voluit esse in sacramento panem corporalem: sed panem illum, qui est verè & identicè corpus Christi. Et simile vult Dionysius Apostolorum contemporaneus tertio cap. de ecclesiasticâ Hierarchia, secundum expositionem Lincolniensis. Septima causa est, autoritas Ambrosii, præter eam quæ ponitur in Canone. Unde sermone quarto de sacramentis sic ait: Postquæ verba Christi deprompta fuerint, panis non dicitur, sed corpus Christi: & postea subiungitur: Nō est enim panis, qui vadit in corpus & corporis nutrimentū, sed est panis qui animæ substantiâ fulcit. Ex quibus evidenter sequitur, quòd nō manet ibi panis materialis post ejus consecrationem.

Et

Transubstantiatio panis, in tribus Conciliis decreta.

Guimundus.

Berengarius.

Uberrus Cardinalis fuit author confessionis, qua Berengarius retractat priorem sententiam, quæ legitur de Consecratione, et distinctione secundâ. Idque ex sententiâ Vulgi, Paschasii, & Lanfranci. Innoc. P.p. Decret.

Ignatius mart. & Dionys.

Ambrosius.



Et idem Ambrosius in libello suo de eucharistia, sic ait: Si (inquit) panis esum esurientibus apponemus, non ex toto perveniret ad singulos. De hoc autem pane tantum capiunt singuli, quantum cupiunt universi. Ex quibus patet, quod intentio beati Ambrosii fuit, quod loco sacramenti est panis talis, de quo tantum capiunt singuli, quantum universi: & quod non est talis panis ibi, qui ex toto non perveniret ad singulos accipientes: & per consequens non est ibi panis materialis qui prius fuit, quia ille non ex toto perveniret ad singulos. Octava causa est sententia sancti Augustini de verbis domini, sermone vicesimo octavo, ubi habet verba conformia ad verba sancti Ambrosii & aequè efficacia. Nona causa est authoritas venerabilis Bedae in libro suo de mysteriis, ubi sic: Dicimus (inquit) quod sicut substantia corporis Christi in altari est, ubi forma corporis Christi non videtur: sic ibi forma panis videtur, ubi substantia panis non est. Nec est ibi alius panis, quam panis qui de coelo descendit. Ex quibus planè sequitur intentum. Decima causa est sententia venerabilis Anselmi in libello suo de corpore & sanguine domini, ubi sic: Secundum definitionem sanctorum intelligendum est, panem super altare positum, per illa solennia verba in corpus Christi mutari, nec remanere substantiam panis & vini. Circa post: Deus conficit sicut scit. Nec dubitare debet quis, quomodo panis in verum corpus Christi convertatur, ita ut substantia panis non remaneat. Planius non posset doctor loqui. Idem etiam Anselmus libro scilicet secundo de corpore & sanguine domini, capite secundo, sic asserit: In illis enim speciebus panis & vini, aut nulla est, aut dominici corporis & sanguinis substantia, vel (inquit) fides nostra irrita est. Idem etiam in quadam epistola: Panis substantiam, post dominici corporis consecrationem in altari superesse, semper abhorruit pietas Christiana, nuperque damnavit ecclesia. Ex quo ergo hanc sententiam semper abhorruit pietas Christiana, & ex quo hanc sententiam nuper damnavit ecclesia, est hæc sententia merito damnanda. Undecima causa est Hugo de sancto Victore, qui libro secundo de sacramentis, parte octava, capite nono, sic scribit: Per verba sanctificationis, vera panis & vera vini substantia in verum corpus Christi & verum sanguinem Christi convertuntur, sola specie panis & vini remanente. Si ergo vera panis substantia convertitur in corpus Christi, sola specie panis remanente, ergo non remanet post consecrationem substantia panis consecrati. Et hoc idem docet Hugo in suis sententiis. Duodecima causa est authoritas Rabani in libro scilicet de corpore & sanguine domini, ubi docet consimilem sententiam. Tredecima causa est authoritas Paschalis in libro scilicet de corpore & sanguine domini, & etiam in epistola scilicet ad Fredenwardum, ubi ex intentione docet illud idem. Decimaquarta causa est doctrina Guilmundi Aversani episcopi, qui in libro scilicet de corpore Christi & sanguine diffuso, ostendit, quod non manet post consecrationem substantia panis materialis loco sacramenti, & in quibus declarat, quod Berengarius successivè duas tenuit hæreses in hac materia. Prima fuit, quod corpus Christi non realiter & substantialiter, sed figurativè continetur in hoc sacramento: & quod dicitur panis figurativè, sicut dicitur agnus, leo & lapis angularis. Secunda fuit, quod corpus domini non verè, sed latenter continetur sub sacramento, ita ut corpus domini dicatur impanari: & hæc fuit subtilior hæresis Berengarii, ut dicit. Et his duobus erroribus commune est, ut dicit, quod panis & vinum in consecratione essentialiter non mutantur: sed manent in pristinis essentiis, & hoc est contra fidem, ut determinatur in libellis suis.

Decimaquinta causa est sententia Lanfranci libro scilicet contra Berengarium, in quo docet sententiam fidei esse & ecclesiam, quod non manet substantia panis post ejus consecrationem in altari, loquendo de pane materiali. Decimasexta causa est doctrina Huulsi doctoris, qui fuit Berengario contemporaneus, sicut Lanfrancus & Guilmundus, hoc in libro scilicet ad Lambertum, de sacramento corporis & sanguinis domini, penultima questione, sic scribit: Certissimè scimus, & sensibus corporis comprobamus, qualitates panis immobilitè permanere, cujus substantiam, quia caro facta est, credimus non manere. Et post sequitur: Visu candorem, gustu saporem panis contrectamus, ceterisque vel eisdem sensibus qualitates panis ita judicamus, ut panis, cujus substantia deest, qualitatem nullam deesse videamus. Et post sequitur: Cum ergo manentibus panis qualitatibus, non miramur abesse panis substantiam: sed integritate fidei in substantiam credamus eam esse non mutatis ejus qualitatibus permutatâ: quid mirum si præsentè carnis substantia, qualitates carnis scire non videntur abesse, ita dicantur abesse? Et multa prosequitur declarando quod de integritate fidei est, non manere panis substantiam post consecrationem. Decima septima causa est sententia magistri sententiarum, libro tertio, ubi idem expressè declarat. Decima octava causa est, sententia Parisiensis, de sacramentis ecclesie, capite secundo de sacramento eucharistie, ubi asserit quod pia & veridica fides in hoc sacramento tenet & prædicat, quod panis materialis transit ob adventum panis vivifici, salva tamen veritate accidentium ad ministerium sacramenti. Et post multa consimilia sic concludit: Manifestum est ergo post benedi-

Lanfrancus.  
Huulfus.  
\* Ita est in utroque exemplari: sed qualis aut cujus fuit non invenio: nec multum refert: suspicor mutatum viri nomen, vel scribæ vel typographi officiantia: forte debet esse Vulgi, de quo bis paulo infra in articulo tertio Wicelii.  
Petr. Lombardus.  
Gul. Parisiensis.

nedictionem sacerdotalem ritè factam in altaris mensâ, nec panem esse materialem, nec vi-  
aum. Et iterum post hæc: Manifestum est (inquit) quod in mensâ altaris, postquam mensâ  
animarum facta est, nihil habetur corporalis cibi vel potus. Alioquin non solum supervacue  
id haberet, sed ad illusionem & ad ridiculum. Ex quibus habetur propositum, & quod est  
contra fidem, panem in altari post ejus consecrationem remanere. Decimanona causa est  
sententia Innocentii papæ de officio missæ, & aliorum doctorum, qui scripserunt de officio  
ecclesiæ. Unde Innocentius de officio missæ, cap. de fractione panis, expressè ponit, quod  
in hoc sacramento transir substantia panis scilicet & vini, & remanent accidentia. Et alibi  
ponit, quod in hoc sacramento hoc accidens non est in substantia, sed substantia scilicet cor-  
poris Christi sub accidente. Non ergo remanet panis substantia, ut sit subjectum acciden-  
ti. Idem patet per Amalarium de officiis, per Johannem Beleth de officiis, per Richardum  
de Cirencestria de officiis, per autorem libri, qui dicitur Rationale divinorum officiorum.

Innoc. Pap.  
&c.

Vigesima causa est communis sententia doctorum magnorum, qui posterius scripserunt.  
Unde Lincolniensis, Altriodorensis, doctor solennis in quodlibeto, archidiaconus in lecturâ,  
& alii doctores seculares, qui scripserunt super illa materia, concordant in hoc, quod est de  
fide, substantiam panis non remanere post ejus consecrationem in altari. Sanctus Thomas  
doctor eximius ordinis Prædicatorum super quartum sententiarum asserit esse hæreticum,  
qui ponit panis substantiam remanere in sacramento post ejus consecrationem. Innocentius  
papa quintus ejusdem ordinis, in scripto super quartum sententiarum illud idem. Dominus  
Albertus ejusdem ordinis in libro suo de sacramentis dicit, quod opinio quæ ponit substan-  
tiam panis remanere, est incauta & hæresi propinqua. Richardus Sychar ejusdem ordinis,  
sentit sicut præcedentes. Doctor antiquus magnus Alexander de Hales super quartum sen-  
tentiarum sentit, quod est de fide ecclesiæ, quod non manet panis substantia post ejus con-  
secrationem in altari, & quod ibi sint accidentia sine subjecto. Idem doctor subtilis super quar-  
tū expressè ponit, quod ille intellectus de isto sacramento, qui ponit accidentia remanere sine  
subjecto, & non remanere substantiam panis, est determinatus esse de substantiâ fidei per ec-  
clesiam. Et addit, quod ille articulus non esset ad illum intellectum tam difficilis, arduus, ni-  
si esset verus, & probatus per ecclesiam esse verus. Dominus Bonaventura Cardinalis  
ejusdem ordinis in scripto super quartum tenet prædictâ sententiâ. Dominus Bertrandus  
Cardinalis in operibus super epistolâ & Evangelia tenet eandē. Johannes Peacham Cantua-  
riensis Archiepiscopus in scripto super quartū tenet eandē sententiâ. Doctor de Media-villa,  
ejusdem ordinis super quartū tenet sicut idem doctor. De Aureolis ejusdem ordinis super quar-  
tū tenet illud idem. Candulfus super quartū, ejusdem ordinis, tenet eandē sententiâ. Franciscus  
de Maronis super quartū, ejusdem ordinis illud idē. Unde recitans quatuor hæreses circa istud  
sacramentum, puta Waldensium, Pragundorum, Paxjustarum & Manichæorum, dicit quod  
hæresis Manichæorum est pessima: & hæc ponit, quod non definit esse substantia panis,  
sed in eodē loco, manente pane, est corpus Christi: quia hæc hæresis destruit transubstan-  
tiationē, ut ibi dicit. Inceptores etiâ ejusdem ordinis Warehoyten, Corotove, Almuviecte &  
Hattan tenent. Illud idem Egidius etiam doctor egregius de ordine Augustini, scilicet in libro  
de corpore Christi docet, quod est de fide ecclesiæ substantiam panis non remanere post ejus  
consecrationem: sed quod accidentia in sacramento sint sine subjecto. Hoc idem docent alii  
doctores ejusdem ordinis, & omnium aliorū ordinum. Est ergo hic articulus merito condem-  
natus, quem tot doctores antiqui & moderni totaliter condemnant. Et magna fuit temeritas  
Johannis Wiclefi, quod contra tot doctores a tempore apostolorum usque ad tempora no-  
stra scribentes, & contra multa Concilia generalia (ut prius est dictum) præsumpsit dicere,  
quod nec Berengarius, nec Fredenwardus, nec aliquis alius hæreticus ausus fuit dicere, scili-  
cet quod hæreticum est ponere panis substantiam definire esse in consecratione, & acci-  
dentia remanere sine subjecto. Licet aliqui eorum dixerant hoc esse falsum, nunquam aliquis  
prius præsumpsit dicere hoc esse hæreticum. Vigesima prima causa est autoritas univer-  
sitatis Parisiensis, quæ condemnavit doctrinam prædictam, & autoritas domini Wilhel-  
mi Cantuariensis archiepiscopi, qui in suo Concilio eandem sententiam damnavit. Cujus  
condemnatio a curia Romanâ dicitur approbata. Vigesima secunda causa est consensus  
jurisperitorum. Unde magister Gratianus, qui compilavit Decreta sanctorum patrum per  
rubricas quas posuit, & per quæstiones quas ex dictis sanctorum elicit, expressè docuit,  
quod non manet substantia panis post consecrationem: ut in Canone de consecratione mul-  
tis apparet in capitulis, & in rubro & in nigro. Item de conse. distin. 2. cap. Species & si-  
militudo. super verbo [qui alius] sic habetur per Johannem in glossâ, post consecrationem  
illa accidentia sunt sine subjecto, & in nullo subjecto existunt: & hoc fit miraculose, ergo  
non remanet panis substantia, ut subiectet accidentia. Item de celebratione missarum  
cap. Cum Marthæ frater. verbo [sanguinis veritatem] sic habetur per Bernardum,  
qui tenet, quod substantia panis & vini definit esse, & tamen accidentia ipsorum remanent

Doctores.  
Doctor solen-  
nis. i. Henri-  
cus de Gan-  
dava.

Doctores.

Univerfit.  
Parif.  
Concilium  
Wilhel. Cant.  
Canonista.

R

sapor,

sapor, color, pondus, & sub illis est corpus Christi, & hoc inquam approbatur de summa trinitate & fide catholica: & si sic hæc est catholica sententia, & contraria est hæretica: [Cor. 4 simile habetur de reliquiis & veneratione sanctorum, cap. Si dominum, super verbo [vos alia per Wilhelmum] Et consimile per Hostiensium in summa, titulo de consecratione ecclesiarum & altaris, & quando, in versiculo, de corpore. Aut sunt tres opiniones, & inter cætera alia dicta jurisperitorum, & in hanc sententiam concordant, quæ sunt omiſſa propter abbreviationem.

Concilia.

Patet ergo ex dictis, quod ille articulus in multis Conciliis generalibus fuit condemnatus, & quod à tempore apostolorum usque ad tempora nostra reputatus est esse hæreticus, per successiones patrum & doctorum, & sic merito est articulus condemnatus ut hæreticus. Sed adversarius diversimodè arguit articulum esse verum & etiam catholicum, & ne propter argumenta simpliciores ducantur in hæresim & lapsum, respondere ad illa argumenta est omnino necessarium. Arguit ergo in Trialogo condemnato, lib. quarto, cap. secundo, sic:

Argumentum  
Wicleſi  
primum.

‘Christus, qui mentiri non potuit, dixit panem quem accepit in manibus, esse realiter corpus suum, & non erravit in illo, nec falsum asseruit, ergo veraciter fuit ita, quod panis acceptus in manibus est corpus Christi, & per consequens mansit panis post consecrationem. Primum argumentum deducit ex Evangeliiis, & ex usu consecrandi ecclesiarum, cum dicitur: Qui pridie quam pateretur accepit panem, deditque discipulis suis, dicens: Accipite & comedite ex hoc omnes: Hoc est corpus meum. Est ergo panis corpus domini, & manet panis,

Responsio ad  
argumentum  
primum.

Hic dico primo, quod tenendo opinionem & sententiam Innocentii de officio missæ, illud argumentum nihil concludit, quia ponit quod Christus prius consecravit benedicendo, antequam diceret hæc verba: Hoc est corpus meum, & postquam accepit panem materiale benedixit. Et ideo Christus acceperat panem materiale in manibus suis, ex quo consecraverat benedicendo, antequam diceret: Hoc est corpus meum. Panis materialis fuit plenè conversus in corpus Christi substantialiter antequam inciperet dicere: Hoc est corpus meum, & sic per ly hoc, in illis verbis non demonstrabatur panis materialis, sed corpus Christi, ut contentum sub speciebus panis conversi, licet panem materiale prius acceperat in manibus. Et sic sumendo esse propriè falsum est quod Christus qui mentiri non potuit, dixit panem quem accepit in manibus, esse realiter corpus suum, quia non demonstravit panem quem tenuit in manibus per pronomen hoc, sed contentum sub speciebus panis transubstantiati in corpus suum, demonstravit per illum terminum, hoc. Nec alia verba Evangelii vel Canonis missæ arguunt hoc antecedens secundum istam sententiam. Et consequenter dicit Innocentius, quod quando alius sacerdos à Christo consecrat, verba dicuntur materialiter & recitative, & hoc sonare videntur verba Canonis, & non indicativè nec assertivè. Nec demonstratur aliquid præsens per terminum, hoc. Sicut si diceretur, Adam aliquando dixit: Hoc nunc os ex ossibus meis, per ly hoc, non demonstratur aliquid ad præsens, sed sufficit quod aliquando demonstrabatur. Conformiter cum sacerdos dicit [qui pridie quam pateretur, accepit panem in manibus, & dixit: Accipite & comedite, hoc est corpus meum] non requiritur quod aliquid præsens demonstraretur per istum terminum, hoc: sed sufficit, quod aliquando demonstrabatur. Et sic apud tenentem sententiam Innocentii nihil concludit. Hic dico secundo, quod in hac materia sunt diversæ doctorum sententiæ, quid demonstretur per terminum hoc, ut sancti Thomæ, doctoris de Aureolis, doctoris de Media-villa, Alexandri de Hales, Francisci de Maronis & aliorum doctorum. Et secundum varias eorum opiniones variè potest ad hoc argumentum responderi, quas tamen omitto propter abbreviationem. Hic dico tertio, quod mihi magis videtur esse verum, sequendo sententiam cujusdam doctoris, qui scripsit egregiè de sacramentis ecclesiæ. Docet enim doctor ille, quod in his verbis, Hoc est corpus meum, quando sumuntur consecrative, hoc verbum [est] est verum practicum, quanquam alias in iisdem verbis, & in aliis locis sit communiter verbum epracticum, & est tunc sensus verborum, quando sumuntur & dicuntur consecrative: Hoc transubstantiatur in corpus meum, vel hoc sacramentaliter & substantialiter convertitur in corpus meum, vel hoc substantialiter transit in corpus meum. Et sic dicendo hæc verba consecrative per ly hoc, Christus demonstravit panem naturalem, quem in manibus habuit. Ex quo non sequitur, quod panis ille materialis mansit, & sit corpus Christi: sed sequitur oppositum quod non mansit, sed desinit esse, ex quo substantialiter conversus fuit tunc in corpus Christi. Ex hoc enim quod aer clausus in monte convertitur substantialiter in aquam, sequitur quod non solum aer ille desinit esse aer, sed sequitur quod aer ille desinit esse. Et sic ex hoc quod panis substantialiter secundum fidem ecclesiæ convertitur in corpus Christi, sequitur quod desinit esse & non remanet in esse panis materialis. Credebat autem adversarius hoc verbum [est] sumi epracticè in illis verbis quando dicuntur consecrative, & hoc fessellit eum. Et conformiter sacerdos nunc consecrans debet hanc habere intentionem, qui pridie quam pateretur, accepit panem in manibus, fre-

Doctores.

git

git, ac dixit, Accipite & comedire ex hoc omnes : & ego super isto pane praesente, cum intentione consecrandi, dico : Hoc est corpus meum & sic per ly hoc, demonstratur panis materialis, quem tenet in manibus : & sumitur hoc verbum, est, practice : & est sensus, hoc scilicet panis substantialiter & sacramentaliter convertitur in corpus meum. Et quod dicendo verba consecrative debent sumi practice, & non epractice, ut communiter fuit, nullo modo denotatur transubstantiva conversio, vel factio in illis verbis magis quam in istis : Hoc est Deus. Et cum illa verba sint factiva, conversiva & transubstantiva, oportet quod verba sumantur practice : Et patet tunc manifeste, quod argumentum non concludit, quod substantia panis materialis manet, sed totaliter concludit oppositum.

Secundo arguit adversarius vocat : Sacra scriptura vocat illud sacramentum panem multis locis, & Paulus Apostolus vocat sacramentum, panem quem frangimus. Ergo istud sacramentum est vere panis materialis : quia alium non frangimus.

Hic dico primo, quod adversarius propter argumentum illud debuit dici Anthropomorphus : \* quia Ignatius discipulus Johannis apostoli in una epistola loquens in hac materia, sic scribit : Considerate (inquit) qualiter † Anthropomorphi à communione & oratione sanctorum recedunt, propter quod non habent confiteri eucharistiam carnem esse Salvatoris : quia posuerunt eucharistiam esse panem, pro eo quod scriptura vocat eam panem. Unde secundum Isidorum, Anthropomorphi erant haeretici in antiqua lege, qui tunc attribuebant Deo membra humana, pro eo quod scriptura dicit : Os domini loquutum est, & manus domini tetigit me. Sic in hac materia sunt Anthropomorphi, qui dicunt eucharistiam esse panem materiale, pro eo quod scriptura vocat sacramentum, panem. Non erat adversarius sic arguendo vere Anthropomorphus ? Hic dico secundo, quod quamvis Christus, Apostolus, ecclesia etiam & doctores authenticos nominaverunt hoc sacramentum nomine panis, non ex hoc sequitur, quod hoc sacramentum sit substantia panis materialis. Quod patet primo, quia scriptura sacra aliquando vocat res aliquas nominibus illarum rerum ex quibus fiunt, & attribuit termino mutationis ad quem, nomen termini mutationis à quo. Unde homo dicitur in scriptura terra, quia factus est de terra. Et de superbo substantialiter dicitur : Quid superbis terra & cinis ? Isto modo de serpentibus conversis in virgas dicit : Devoravit virga Aaron virgas Magorum ; ubi serpentes vocat virgas, quia virgæ in serpentes conversæ sunt. Et isto modo dicit scriptura de Eva, quod erat os & caro Adæ, quia de ossibus & carne Adæ facta est. Nunc autem sic est, quod homo non est à proprietate terra de qua factus est, nec serpens virga in illum conversus : nec Eva ossa & caro Adæ. Sic ergo quia panis convertitur in corpus Christi dicitur panis, & est corpus Christi terminus ad quem, conversionis panis. Ideo more scripturæ corpus Christi dicitur panis : licet non sit panis materialis in natura, & à proprietate, sicut nec serpens virga. Tertiò patet idem : quia scriptura vocat res illorum nominibus, in quorum similitudinibus apparent exterior, quamvis secundum naturam tales non sint : sicut scriptura dicit, Abraham vidisse tres viros, & unum adorasse, cum tamen essent angeli in specie virorum. Sic in libro Judicum dixit mulier sterilis : Ecce vir Dei venit ad me, & post apparuit mihi vir quæ ante videram. Et tamen angelus fuit qui apparuit in specie viri. Sic secundum Augustinum in [De mirabilibus sacrae scripturæ] Spiritus Sanctus, vel angelus dicitur stella : quia alter illorum in specie stellæ Magis apparuit, & duxit eos ad Christum. Et sic more scripturæ corpus Christi dicitur esse panis, pro eo quia in specie panis apparet, quamvis in natura sua panis non sit corpus Christi, vel è converso. Quarto patet idem quod multoties sacra scriptura nominat res nominibus illorum, quorum similitudines habent in proprietatibus, licet in proprietate non sint tales res : sicut Christus in sacra scriptura dicitur agnus, leo, petra, & multa hujusmodi : quia cum illis habet similitudinem in proprietatibus, licet à proprietate non sint tales res. Sic in Genesi dicitur, quod septem boves pulchræ, & septem spicæ plenæ, ubertatis anni sunt : septem boves macilentæ septem anni sunt famis. Et sic in Evangelio dicitur, quod bonum semen, hi filii Dei sunt : & zizaniam, hi filii maligni : & conformiter hoc sacramentum vocatur panis, propter proprietates consimiles quas habet panis. Ideo more scripturæ nominatur in illo nomine panis, quamvis non sit panis materialis à proprietate in sua natura. Patet ergo sufficienter, quod ex hoc quod sacra scriptura, Apostolus & ecclesia nominant hoc sacramentum nomine panis, quod ex hoc non sequitur, quod sit panis materialis à proprietate. Et ideo argumentum non concludit. Hic dico quinto, quod isti termini, panis & esse, sumuntur in hac materia multum æquivocè à diversis. Nam panis in sua propriissima significatione sumitur pro pane materiali de frumento vel blado. In aliâ sua significatione sumitur panis pro speciebus panis. Unde magister sententiarum in quarto, & alii doctores cum eo dicunt, quod species tenent vocabula rerum, quarum antea fuerunt : & sic species panis & vini dicuntur panis & vini. Consimiliter hoc verbum, esse, sumitur æquivocè : nam aliquando sumitur pro existere, & prout esse descendit ab essentia, & sic sumitur propriissime. Aliquando sumitur pro verbo, fieri, vel factum esse, vel conversum esse, ut prius dictum est. Aliquando

Argumentum  
Wiclesi se-  
cundum.

Responsio ad  
argumentum  
secundum.  
\* De hoc loco  
vide prolego-  
mena Usserii  
in Epistola  
Ignatiana  
p. xv. & no-  
tas in Epist.  
ad Smyrnicos  
p. 50. unde  
habebis tibi  
responsionem  
ad arg. Bel-  
larm. lib. de  
Eucharist.  
2. cap. 2.  
† Anthropo-  
morphus.



fumitur pro hoc verbo, continere, & sic fumitur in glossâ ordinaria, super cap. Ego Berengarius. Aliquando fumitur pro hoc verbo, significare, vel figurare, ut ibi: Septem boves sunt septem anni, & sic fumitur interior tropicè. Dico ergo, quod in verbis apostoli fumitur panis pro speciebus panis, & esse pro continere, sicut in cap. Ego Berengarius. Et est sensus, species quam frangimus continet verè corpus Christi. Alio modo dicitur, quod panis ibi fumitur secundo modo pro pane substantiali, & pro vero corpore Christi. Et est sensus, panis quem damus sub speciebus fractis, &c. Sed fumendo panem primo modo, pro pane materiali de blado quocunque sumatur iste terminus panis, factâ panis consecratione, propositio est falsâ, quia post non manet, nec sumpsit apostolus terminum ad illum intellectum, & sic patet quod non concludit argumentum. Tertiò arguit adversarius.

Argumentum  
Wichit  
tertium.

‘Sensus tam brutorum quam hominum dicunt & exprimunt, quod ibi est verus panis, reficiens & cibans, & vinum inebrians. Unde possent consecrari panis & vinum in tantâ quantitate, quod sufficeret sacerdoti naturaliter nutrire ipsum conservare & inebriare, juxta illud apostoli: Unus quidem elurit, alius autem ebrius est. Hoc autem esse non posset, nisi post consecrationem remanerent substantiæ materiales panis & vini, ergo articulus est verus.

Responsio ad  
argumentum  
tertium.

Hic dico primò, quod istud argumentum fuit argumentum principale Berengarii, ut patet per Guittmundum in libro suo secundo de corpore Domini, ubi modo suo responderet ad argumentum, dicendo quod nullus sacerdos catholicus consecraret in tantâ quantitate, nec poneret sacramentum ad talem irrationem, conversionem in corpus Christi, sed panis post remaneret. Et si hoc faceret, de missâ sua nihil curandum esset, eò quod hæreticus esset circa substantiam sacramenti, & non haberet veram intentionem in consecrando, & ideo fortè, inquit, non contingeret. Hic dico secundò, quod licet appareat sensui humano, ac etiam brutali, quod experiat ibi panem esse materialem post consecrationem: ramen non experit ibi esse panem materialem post consecrationem ejus. Et ideo non sequitur, sensus hominum & brutorum dicant ibi esse panem materialem, ergo est ibi panis materialis, quia multoties contingit sensus decipi, ut in philologia patet & in theologia. Unde de baculo recto in aqua itante sensus hominum & brutorum dicant baculum illum esse fractum, ergo baculus est fractus: patet quod non sequitur, eò quod antecedens est verum & consequens falsum. Et simile est in collo columbæ, in cauda pavonis & in iride. In Theologia etiam patet in Isaac, quod apparuit tactui suo, quod manus essent manus Esau, quando dixit: Vox quidem vox Jacob est, manus autem manus sunt Esau. Ideo non sequitur, apparuit tactui Isaac manus esse manus Esau, ergo manus erant manus Esau. Et simile fuit de gustu Isaac & ejus olfactu. Unde in quatuor sensibus erat deceptus, sed non in quinto, scilicet auditu, & hoc secundum antiquos Theologos fuit propriè figura hujus sacramenti, quia hic decipitur visus, gustus, odoratus & tactus humanus in suo iudicio, sed non auditus: quia quæ ecclesia catholica docet de sacramento, & audiuntur à fidelibus, sunt vera. Hic dico tertiò, quod diversi sunt modi possibiles, quibus sacerdos sumens corporale sacramentum corporis & sanguinis Christi, & non cibum alium vel potum per os, posset nutrire & diu vivere, & aliquoties inebriari absque hoc quod nutriatur vel inebrietur ex aliqua substantia contenta sub sacramento, vel ex aliquibus speciebus sacramenti. Ex ideo quamvis sacerdos nihil aliud fumen experiretur se nutrire, augmentari, impinguari, & inebriari: ex hoc non sequitur quod experiretur se nutrire & impinguari ex aliqua substantia contenta in sacramento vel speciebus sacramenti. Patet hoc primò ex sententia Innocentii de officio missæ, tertia parte, cap. de fractione accidentium: ubi ponit quod sicut miraculosè substantia panis convertitur in corpus Christi, remanentibus accidentibus panis, ita alteratis accidentibus, & deficiente ibi esse corpore Christi, miraculosè redit substantia prioris panis, de qua generatur vel vermis, vel aliud quod videtur. Sive ista opinio sit vera, sive non, ipsa tamen est possibilis de Dei potentiâ. Et sic possibile est sacerdotem nutrire corporaliter ex substantia redeunte, quamvis non ex substantia aliqua contenta sub sacramento, vel ex speciebus sacramenti. Patet hoc secundò ex sententia doctoris de Medavilla super quartum, ubi ponit in fine alterationis specierum, materiam à Deo creati, de qua generantur nutrimentum, vermes & alia quæ videntur. Et sic ex materia nutrimentali noviter creata in fine alterationis accidentium in stomacho sacerdotis, satis stat sacerdotem nutrire & impinguari, licet non ex contenta in sacramento substantiâ, vel ex aliqua specie sacramenti. Patet hoc tertiò, ex sententia doctoris de Aureolis super quartum, & Francisci de Maronis, qui dicunt quod possibile est accidentia sacramentalia in fine alterationis converti in substantiam quantam, & in tantam quod possit nutrire. Et sic ex illa substantia potest sacerdos satis nutrire & impinguari, licet non ex aliqua substantiâ contenta in sacramento, nec ex speciebus ipsis, quia propter hoc quod species convertuntur in substantiam nutritivam, non sequitur quod species nutrant. Sicut propter hoc quod lapides converuntur in panem qui nutret, non sequitur quod lapides nutriunt. Patet hoc quartò ex sententia

Figura  
Subtilitates.

Miraculum.

Author dubitat.



tentia sancti Thomæ super quartum, dist. 12. q. 2. Et quia liber est communis, omitto recitare propter abbreviationem sermonis. Patet hoc quintò: quia æquè potest Deus materiam nutritivam producere completè disposità ad nutritionè in stomacho sacerdotis, sicut extra stomachum ejus. Et sic posset per illà nutriri, licet non comederet illam, sicut si comederet, & sic satis diu nutriri, quamvis nec per accidentia sacramenti, nec per substantiam sub illis contentam. Patet hoc sextò: quia Vincentius in speculo naturali, lib. 22. cap. 12. dicit, & alii cum eo, quod in aliquà parte mundi homines vivunt naturaliter & conservantur in sanitate omnibus diebus vitæ suæ sine cibo aliquo manducato, ex odore pomi cujusdam: qui si exeunt terram suam, pomum ferunt secum, & moriuntur quando malum odorem sentiunt. Consimili odore posset sacerdos (si Deo placeret) satis diu bene vivere post sacramentū sumptum sine comestione substantialis cibi, vel sine nutrimento corporali ex aliqua parte sacramenti. Patet hæc allegatio, quia Johannes lib. 5. sui \* Policticon cap. 3. narrat quomodo puella duodecim annorum post communionem die paschæ, per sex menses in pane & aqua jejunavit; & quomodo posset per continuum triennium ab omni cibo & potu abstinuit, & cum hoc salva fuit. Et Rogerus Bacon in libro suo curioso de retardatione accidentium senectutis & senii, narrat de quadam muliere Norvicensis diocesis, quod vixit per tres annos sancta sine cibo vel potu corporali. Et sine dubio consimili modo posset sacerdos post sumptionem sacramenti diu vivere sanè sine sumptione cibi vel potus materialis, & absq; hoc quod per species sacramenti, vel per substantiam contentam nutritur. Patet hoc octavò, quia Elias comedit & bibit, & ambulavit in fortitudine cibi illius per quadraginta dies ac noctes, & sicut Deus dedit illi cibo fortitudinem nutriendi eum per quadraginta dies & noctes, ita potuisset, si voluisset, dedisse illi cibo fortitudinem nutriendi eum per octo annos, & usq; in finem vitæ suæ, sine sumptione alterius cibi. Posset ergo Deus sine cibo sumptò à sacerdote ante consecrationem dare virtutem nutriendi eum, & conservandi omnibus diebus suis, licet nec ex alio cibo, nec ex aliquo contento in sacramento nutritur. Patet hoc novò: quia certum est, quod Christus multiplicavit panes paucos in deserto, & tantum quod suffecerunt pro multis millibus hominum. Et sic cibum remanentem in stomacho sacerdotis, & potum remanentem ante sumptionem sacramenti, posset Deus & conformiter multiplicare, quod sufficeret eum nutrire omnibus diebus suis, absq; hoc quod nutritur ex aliquo contento in sacramento. Patet hoc decimò: quia sicut Deus convertit aquam in vinum, ita potest aerem à sacerdote & haustum ad interiora ibi convertere in alimentum, & sic sacerdotem nutrire absq; hoc quod corporaliter nutritur ex sacramento. Patet hoc undecimò ex epistola Johannis presbyteri ad Emanuelem, ubi sic: Habemus palatium, quod propter lapides pretiosos sole non indiget. Et quidam lapides ibi ex sua virtute neminem permittunt luxuriari, quidam non permittunt quenquam inebriari, quidam non permittunt homines effurire & sitire. Unde in die coronationis nostræ omnes in domum illam intrant, & sic toto tempore prandii sedentes sine cibo & potu virtute lapidū saturantur. Ex quo ergo hoc facit virtus lapidum sine comestione & potatione: patet quod consimilis virtus hoc idem posset facere post communionè sacerdotis, absq; hoc quod cibus sacramentalis ipsum corporaliter nutriet, vel aliud in eo contentum. Patet hoc duodecimò, modo illo quo Deus conservavit abbatem in nemore, de quo in libro, qui dicitur Vitæ patrum, habetur, quod Deus in nemore misit ei angelum in specie aviculæ, qui eum detinuit centum annis, ita quod medio tempore non comedit corporaliter, vel bibit: & tamen nec famem, nec sitim habuit, vel tædium. Et modo etiam illo, quo Deus conservavit per multos annos septem dormientes in speluncâ, conformiter posset hoc facere de sacerdote communicante. Patet hoc decimotertiò, de modo illo, quo Deus conservavit & augmentavit vestimenta & calceamenta filiorum Israel per quadraginta annos in deserto: non fuit in illis consumptio, sed potius conservatio, seu restauratio: sed fuerunt conservata & augmentata sine consumptione. Eo modo Deus posset sacerdotem nutrire, conservare & augmentare absq; hoc quod nutritur per aliquem cibum corporaliter comestum. Patet ergo multipliciter, quod sacerdos posset nutriri & satis diu vivere; unde quantumcunq; consecraret & communicaret in magna quantitate, absq; hoc quod nutritur ex substantia contenta in sacramento vel ex speciebus sacramenti. Et patet iterum, quod licet sumens sacramentum, & non alium cibum vel potum, sentiat famem & sitim in eo extingui, etiam sentiat se nutriri & impinguari: ex hoc tamen non sequitur, quod nutritur vel impinguatur corporaliter ex sacramento, vel ex aliquo in eo contento: nec quod sacramentum, vel aliud in eo contentum, sitim vel famem extinguat. Et sic patet, quod invalidum est argumentum, quamvis concederetur, quod sacerdos catholicus conficeret in tam magnâ quantitate: quod tamen Guilmundus Averfanus episcopus concedere noluit. Quarto arguit adversarius sic:

\* Matth. 6. Christus docet nos orare: Pater noster, quotidianum da nobis hodie: & sanctus Augustinus de sermone domini in monte, per panem quotidianum inter alios sensus laudabiles

Miraculum.

Fabula.

Eccl. 1

Bellissimè!

Bellissimè!

Argumentum Wiclef quartum.

dabiles intelligit hoc venerabile sacramentum. Et si hoc sacramentum sit panis quotidianus pro quo oramus quotidie, tunc est panis. Hic dico breviter & constanter, quod si loquatur de pane materiali de blado, ut intendit, inique & perversè allegat Augustinum, quia Augustinus totaliter intendit oppositum. Unde sermone 18. de verbis domini, sic dicit, Memini sermonis mei, cum de sacramenti tractarem, dixi vobis, quod ante Christi verba panis dicitur quod offertur. Ubi vero verba Christi de prompta fuerint, non jam panis dicitur, sed corpus Christi appellatur. Quare ergo mox in dominica oratione dicitur: Panē nostrū quotidianū da nobis hodie. Panē (inquā) dixit, sed *transmutat* dixit & super substantialē. Non (inquā) ite est panis, qui vadit in corpus, sed panis est vitæ æternæ, qui animæ nostræ substantiā fulcit. Hæc Augustinus ibi. Si ergo post cōsecrationē non dicitur panis sed corpus, puta Christi: & si post non est ibi panis, qui vadit in corpus ad reficiendū, puta corporaliter, ut dicit Augustinus: ergo post non est ibi talis panis materialis de blado, sed panis secundo modo prædicto, qui est identicē corpus Christi. Patet ergo quod allegat Augustinum ad contrarium intentionis suæ, & ideo argumentum nullius est valoris. Quinto arguit sic: 'Apostoli cognoverunt Christum in fractione' one panis, ut dicitur Lucæ 24. Panem docet Augustinus cum lege Papali de consecratione dist. 2. cap. [Non omnis] esse hoc venerabile sacramentum. Sed sequitur: Apostoli cognoverunt eum in fractione panis, ergo tunc est panis. Hic dico, quod non habetur ex textu, vel ex glossa, Luc. 24. vel per antiquos doctores, quod ille panis, quem fregit post resurrectionem in sero coram discipulis, fuit consecratus, vel quod ille panis fuit sacramentalis, vel conversus in corpus Christi. Et ideo ineptè adducit hoc ad propositum. Et consequenter dico, quod falsè allegat auctoritatem Augustini & Canonem de consecratione dist. 2. cap. [Non omnis] pro se: quia nec Augustinus nec Canon loquitur de illo pane fracto sero, die resurrectionis, in cujus fractione discipuli domini cognoverunt, quia modo suo quo consueverat frangere, quando comedeat cum discipulis ante passionem, & tempore precitionis fregit, & tunc fuit ille modus, modus singularis frangendi, quem nullus alius habuit. Unde in cap. allegato, nihil plus habetur, nisi quod non omnis panis, sed quod panis accipiens benedictionem fit corpus Christi. Ex quo non sequitur, quod panis ille fractus fuit corpus Christi, nec sequitur de pane consecrato, quia non omnis panis sed accipiens benedictionem fit corpus Christi, loquendo de esse propriè, sicut ipse loquitur. Sicut non sequitur: non omnis aer sed clausus in monte fit aqua: ergo aer qui clauditur in monte, est aqua. Patet enim per philosophos, quod antecedens est verum & consequens falsum, loquendo de esse propriè, sicut ipse loquitur, imò sic loquendo sequitur oppositum. Ex quo illa fractio est naturalis conversio & substantialis: sequitur quod definit esse, & sic non videtur esse argumentum. Sexto arguit adversarius, ex verbis Hieronymi ad Hedibiam, articulum esse verum, quod argumentum pluries inculcat. 'Sic enim dicit Hieronymus: Nos (inquit) audiamus panem quem fregit dominus, dedit; discipulis sic manducandum, corpus esse Salvatoris, ipso dicente: Hoc est corpus meum. Ergo manet panis in sacramento, & est corpus domini. Hic dico, quod Hieronymus loquitur secundo modo de pane, scilicet sumendo panem pro pane substantiali & non de pane primo modo & propriissimè dicto, sicut patet per verba sua sequentia in eodem loco ubi sic, si ergo panis qui de coelo descendit, corpus est domini Salvatoris, &c. Unde intentio est Hieronymi: Audiamus panem super substantialē, quem sub speciebus fractis dominus dedit discipulis, corpus est domini Salvatoris. Et propriissimè loquendo de esse, hoc est verum. Et si omnino contendat adversarius, quod panis ibi propriissimè, pro pane materiali, tunc dico constanter quod esse non sumitur ibi propriissimè, sed pro [factum esse, vel conversum esse in corpus domini Salvatoris] & sic patet quod non concludit argumentum. Septimò arguit articulum ex verbis Ambrosii, quæ ponuntur in Canone de consecratione dist. 2. cap. Panis est. ubi sic:

'Quod erat panis ante consecrationem, est corpus Christi post consecrationem: ergo manet panis post consecrationem. Hic respondet uno modo sanctus Thomas doctor antiquus & alii, quod ista locutio non est propria, ita quod illa identitas debet referri ad quantitatem formæ accidentalis, ut sit sensus, sub qua specie erat panis ante consecrationem, sub eadem est corpus Christi post consecrationem. Et sic salvant ipsi verba Ambrosii. Alio modo potest responderi, quod Ambrosius sumit ibi esse pro [ieri vel converti] ut sit sensus, quod erat panis ante consecrationem, jam in corpus Christi conversum est: vel jam corpus Christi factum est per consecrationem. Et ex hoc sensu sequitur, quod non manet panis post consecrationem. Quod autem fuit intentio sancti Ambrosii, patet ex verbis ejusdem, quæ ponuntur in Canone de consecratione dist. 2. cap. [Revera] & cap. [Omnia quæcunq;] & cap. [In calice] Unde & illud argumentum fecit Berengarius pro eadem opinione, cui sic respondet Lanfrancus in libro suo: O (inquam) mentem amentem, o hominem impudentem mentientem, o pudendam temeritatem, Ambrosium testem accipere: præsumis quod panis & vinum per consecrationem non desinunt esse quod erant, sed commutantur in aliud quod non erant.

Responsio ad  
argumentum  
quartum.

Argumentum  
Wiclei quin-  
tum.

Responsio ad  
argumentum  
quintum.

Argumentum  
Wiclei sex-  
tum.

Responsio ad  
argumentum  
sextum.

Subtilissimè.

Argumentum  
Wiclei septi-  
mum.  
Responsio ad  
argumentum  
septimum

Lanfranci in  
Berengarium  
verba.

erant. Quis enim compos sui credat aliquam rem converti in aliam, nec tamen in eâ parte desinere esse quod erat? Hæc ille. Patet ergo quod intentionis Ambrosii erat panem per consecrationem desinere esse, & sic argumentum non valere. Octavò arguit adversarius cap. 36. Trialogi, contra istum articulum condemnatum in Concilio domini Wilhelmi nuper archiepiscopi Cantuariensis sic:

‘Substantia corporis Christi manet post consecrationem in altari: & ubicunque est substantia corporis Christi, est genus generatum substantiæ, ergo ipsum manet post consecrationem in sacramento altaris. Et cum ipsum genus generatum sit substantia aut quantitas cujullibet specialis substantiæ, sequitur quod ipsum sit cujullibet panis & vini materialis substantia. Et sic (inquam) patet stulticia damnationis.

Argumentum Wiclefi octavum.

Hic respondeo uno modo, quod apud illos catholicos, qui negant universalia in rebus & qui universalia ponunt non esse nisi conceptus & terminos & signa, argumentum non est aliquis valoris, sed manifestè negabunt diversa assumpta in argumento. Hic respondeo alio modo solum gratia argumenti, admittendo universalia realia, & secundo admittendo solum gratia argumenti, quod genus generalissimum substantiæ est in sacramento ubi est substantia corporis Christi, & quod ipsum est cujullibet panis & vini materialis substantia: sed ex hoc non sequitur, quod sit substantia panis vel vini materialis in sacramento: sicut non sequitur ex hoc quod sit substantia panis vel vini materialis, & specialis in cœlo ubi est corpus Christi: quia sic quodlibet individuum esset ad omnem locum multiplicatum, quod esset insanum & contra adversarium. Sed bene sequitur, quod ubicunq; specialis & individua substantia panis materialis est, ibi genus generalissimum est ipsa substantia specialis, sive individua. Sed in sacramento non est aliqua substantia panis specialis, & individua post ejus conversionem in corpus Christi, ut ecclesia docet catholica, & ideo nullum genus generalissimum est in illo sacramento substantia specialis & individua panis, post ejus conversionem in corpus Christi. Et sic gratiâ argumenti admissio genere generalissimo substantiæ ad extra in rebus, adhuc non facit validum argumentum. Nonò arguit sic, quasi confirmando præcedens.

Responso ad argumentum octavum.

‘Non repugnat huic sacramento, quod mica panis materialis, vel guttula vini imbibatur in poris hujus venerabilis sacramenti: ergo non repugnat sacramento quod maneat in illo substantia panis, & vini, post consecrationem.

Argumentum Wiclefi nonum.

Hic concedo conclusionem: sed non sequitur, ex hoc quod non repugnet sacramento, quod maneat in illo substantia panis post ejus consecrationem, vel sanguinis post ejus consecrationem, quia talis mica existens in poris nunquam fuit consecrata, & si fuisset consecrata, non mansisset illa mica dum esset sacramentum. Fateor enim, quod infra poros sacramenti est aer inclusus, & aliquando alii vapores corporei, ut patet de pane calido, magno, consecrato more Græcorum. Etiam quando frangitur hostia consecrata, secundum speciem, patet experimento quod exeunt vapores corporei: & sic est de vino odorifero apud nos consecrato. Intentio autem ecclesiæ & sanctorum est, quod de pane & vino post eorum consecrationem nihil remanet, nisi species eorum accidentales, sub quibus est substantia corporis & sanguinis Christi, & nihil substantiæ panis conversi; vel vini conversi. Cum quò satis stat, quod sint in poris aliæ substantiæ non conversæ, & sic argumentum nihil concludit. Decimò arguit sic, 20. cap. 2. art. 4. Trialogi.

Responso ad argumentum nonum.

‘Fratres nesciunt dicere quid est hostia consecrata, nisi dicant quod sit accidens sine subiecto, vel accidentia sine subiecto. Et cum tale accidens non adoratur propter se, sed pro eo quod continet in se corpus Christi, sequitur quod major est ratio adorandi quemcunq; nodulū straminis, vel quodcunq; corpus signabile, quàm hostiam consecratam: eo quod hostia non est in sua natura, vel propter bonitatem naturalem, quam in se continet, taliter adoranda. Unde non est adoranda, quia est corpus Christi, sed quia ipsa continet in se absconditè corpus Christi. Cum ergo in nodulo straminis, & in omni creatura realiter sit Trinitas increata, quæ est longe perfectior quàm hoc corpus: sequitur quod propter contentū absconditum quælibet creatura sit amplius adoranda, quàm hæc hostia. Hic dico, quod falsum imponit fratribus, & catholicis aliis quod non sciunt dicere quid est hostia consecrata, nisi dicant, quod est accidens sine subiecto, vel talia accidentia sine subiecto: quia propriè loquendo de hostia consecrata, ipsa est corpus Christi contentum sub speciebus panis in ipsum sacramentaliter transfusantia, & ista est hostia quâ catholici adorant. Bene tamen verum est, quod large & minus propriè loquendo de hostia consecratâ, illa accidentia dicantur hostia consecrata, & sacramentum illud quod est sacramentum, & non res sacramenti. Sed istam hostiam sic large sumptam non adoramus, neq; adoratione latræ, neq; hyperdulæ, sed ipsum Christum Dei filium in sacramento adoramus adoratione latræ, & ejus humanitatem adoratione hyperdulæ: quia in sacramento, & in altari est locus conveniens adorationi. Unde neq; Christus, neq; Trinitas vult ab hominibus adorari, nisi in loco orationi cōveniente: nam corpus Christi non debet adorari ubicunq; est, sicut nec ipse Christus. Non enim debet in stomacho sacerdotis

Argumentum Wiclefi decimum.

Responso ad argumentum decimum.

dotis statim post communionem adorari, nec in bruto: dato, quòd in casu sacramentum sument. Et Trinitas non vult adorari, prout est in damone, vel in pulice, & à pari, nec ut est in nodulo straminis. Et certum est quòd nodulus straminis non debet adorari propter hoc quod in illo est Trinitas increata, adoratione latræ, vel hyperdulæ: sicut nec accidentia sacramentalia. Et ideo multipliciter errat in argumento isto. Et sic patet, quòd argumentum non est alicujus valoris. Et iterum largè loquendo de hostia consecrata prout est accidentia sacramentalia, ita æquè absconditè contineret Trinitatem, sicut nodulus straminis, & ideo propter existentiam Trinitatis in nodulo straminis, non est major ratio adorandi nodulum, quàm sit ratio adorandi illam hostiam: cum æquè in illa sit Trinitas, sicut & in illo nodulo. Et sic multipliciter peccat argumentum. Undecimò arguit sic:

Argumentum  
Wicli  
undecimum.

Responsio ad  
argumentum  
undecimum.

Ex dictis (ut adversarius dicit) sequitur, quòd hostia consecrata est pejus in natura sua, quàm panis equinus, fursureus vel aliud venenosum: quia est in natura sua accidens, vel accidentia sine subiecto: & panis equinus est substantia, sicut & animal venenosus: sed substantia quacunque est perfectior accidente. Et ideo in alio libro suo dicit, quòd sacramentum nostrum est pejus stercore rathonis, quia est accidens & stercore rathonis est substantia. Hic dico primò, quòd propriè loquendo de hostia consecrata, ipsa est substantia, non accidens, vel accidentia. Et sic loquendo communiter dicitur, quòd eucharistia est verum corpus Christi & sanguis, prout continetur sub speciebus panis & vini in ipsa sacramentaliter transubstantiata. Et ex his patet, quòd à falso incipit primo in argumento, loquendo propriè de hostia consecrata. Hic dico secundò, quòd loquendo largè de hostia consecrata, accidens, vel accidentia sunt sacramentum, & non res sacramenti, modo loquendi ecclesiæ. Et tunc dico, quòd fideles & Catholici attendunt in sacramento ad signorum efficacias potius quàm ad signorum essentias, cum aliis perfectiores essent hostiæ legis antiquæ, quàm novæ: puta hircus & vitulus, quàm panis & vinum secundum ipsius blasphemiam: cum hircus & vitulus sint substantiæ vivæ, panis & vinum res non vivæ in naturis suis. Unde res imperfectior secundum sui naturam est sacramentaliter, non naturaliter perfectior: nec est aliquid inconveniens, sed verum & satis Catholicum. Hic dico tertio, quòd adversarius habet concedere sacramentum suum esse pejus quàm muscam, & pejus quàm animal venenosum: quia illud sacramentum est panis, qui non est in sui naturâ res viva: & vinum, quòd non est res viva: musca est res & substantia viva, & sic animal venenosum. Et eodem modo quo accidens quodcunque est imperfectius substantiæ, sic substantia non viva imperfectior est in natura suâ substantia vivâ. Et consequenter habet concedere, quòd eucharistia sua non est ita perfectè corpus & sanguis Christi, sicut stercore rathonis est substantia: quia habet concedere, quòd eucharistia sua non est corpus & sanguis Christi materialiter, essentialiter, substantialiter (aliàs numeraliter) & identicè: sed figurativè & tropicè est ille, ut ipsemet concedit. Cum ergo stercore rathonis, sit substantia naturaliter, essentialiter, substantialiter & identicè: sequitur conclusio horribilis intentæ. Consequenter habet concedere, quòd eucharistia sua perfectius & nobilior sit panis materialis: & vinum materiale, quàm sit corpus & sanguis Christi: cum secundum præsentia sua, illa sua eucharistia est materialiter, naturaliter, substantialiter & identicè verè panis materialis & vinum materiale, & solum figurativè, tropicè est corpus & sanguis Christi. Et consequenter habet concedere, quòd melius est sacramento eucharistiæ esse panem materiale & vinum, quàm esse corpus & sanguinem Christi, vel esse sacramentum eucharistiæ, cum esse naturale & substantiale sit melius & præstantius esse tropicè & figurativè. Et consequenter habet concedere, quòd pistor, qui facit panem esse panem, nobiliorem exercet actionem, quàm sacerdos consecrans, qui facit panem esse corpus Christi juxta blasphemiam illius, quàm nullatenus tetigissem propter turpitudinem loquelæ & in tam venerabili materia, nisi quia necessum est more sancti Augustini hæreses confundere ex suis propriis principiis. Sic ergo responsum sit ad argumenta quæ facit in hac materiâ. Et ex his facilius potest concipi, quomodo respondendum est ad ea, quæ ponit in aliis libris suis.

Secundus articulus  
Wicli.

Responsio  
Wodfordi  
prima.

Secundus articulus condemnatus est iste: Sicut Johannes fuit figurativè Elias & non personaliter: sic panis figurativè est corpus Christi & non naturaliter corpus Christi. Et quòd absque omni ambiguitate hæc est figurativa loquutio: Hoc est corpus meum, sicut in verbis Christi, Johannes ipse est Elias.

Et est hic articulus ut hæreticus condemnatus rationabiliter: quia ex illo processu & sententia adversarii, necessario sequitur, quòd panis sit sacramentaliter & figurativè corpus Christi in altari: cum illud corpus Christi, quòd natum est de virgine, pendit in cruce & est jam in cælo, non est identicè, substantialiter & naturaliter in sacramento. Et hæc antiquitus fuit,

ut

ut hæresis condemnata in synodo Ephesinâ, ante tempora quatuor doctorum, ut docet Guimundus, tertio libro de corpore & sanguine domini : & in Canone de consecratione distinctione secunda cap. Necesse. Habetur ex symbolo Ephesino, quod in sacramento sumimus carnem Christi verè vivificatricem, & ipsius verbi propriam factam : ergo caro Christi propriè est viva in sacramento, & ubicunq; est viva, est substantialiter, naturaliter & identicè, & non solum figurativè. Secundo, hic est articulus rationabiliter condemnatus, 22. quia ejus contradictorium est ab ecclesia approbatum, ut catholicum, quod patet in ca. de consecratione distinctione secunda cap. [ Utrum sub figura ] & in capitulis diversis. Tertio, 32. hic est articulus rationabiliter condemnatus, quia condemnatus est ab ecclesiâ, extra : de celeb. missarum cap. [ Cum Martiæ ] ubi expressè condemnatur sententia, ponens non esse in sacramento veritatem corporis & sanguinis Christi, sed imaginem & speciem, sive figuram. Et patet ex processu, quod per veritatem corporis Christi ibi esse, intelligit substantialiter & identicè ibi esse corpus Christi : aliàs errorem quem intenderet condemnare, nullatenus condemnaret, & aliàs non esset sufficiens distinctio inter figuram & rei veritatem. Quarto, hic est 42. articulus rationabiliter condemnatus, quoniam Johannes Damascenus, qui floruit inter Græcos quando Augustinus inter Latinos, libro sententiarum suarum, sic scribit in hac materiâ : Hæc, inquam, hostia pura, corpus & sanguis domini nostri Jesu Christi. Et sequitur : Non est ( inquit ) typus panis & vinum corporis & sanguinis Christi : absit, inquit, sed est corpus domini deificatum, ipso dicente, Hoc meum est, non typus corporis, sed corpus, non typus sanguinis, sed sanguis. Ex quo processu liquet, cum aliis ibidem scriptis, quod est vera & indentica locutio, Hoc est corpus meum, & non solum figurativa : Et quod hostia post consecrationem non tropicè & figurativè, sed substantialiter & identicè est corpus Christi. Quinto, 52. patet, quod hic articulus est rationabiliter condemnatus : quia Guimundus libro primo de corpore & sanguine domini bene post principium libri ponit, quod una pars hæresis Berengarii erat, eucharistiam non esse verè substantialiter corpus Christi & sanguinem. Hoc autem ponit iste articulus, sed quod figurativè, ergo articulus iste est hæreticus. Et idem Guimundus tertio libro de corpore & sanguine domini, notabiliter & sufficienter ostendit per dicta Augustini, Ambrosii, Leonis, Cyrilli & ducentorum episcoporum in Synodo Ephesinâ, Gregorii, Hilarii & aliorum doctorum, quod illud corpus Christi quod pendit in cruce & natum est de virgine Mariâ, est substantialiter in sacramento secudum naturam suam propriam, ergo hæc non est figurativa locutio, sicut illa, Johannes ipse est Elias. Liber est communis, & ideo omitto processum & propter abbreviationem sermonis. Sexto, 62. patet, quod hic articulus est rationabiliter condemnatus, quia Hugo de sacramentis libro secundo parte. viii. sic scribit tractando de isto sacramento : Quemadmodum species illic cernitur, cujus substantia ibi esse non creditur : sic substantia ibi esse creditur, cujus species non cernitur. Et constat quod loquitur de re quæ est corpus Christi, ergo corpus Christi est substantialiter in altari, & non solum figurativè. Alio modo patet idem ex verbis 72. Ambrosii in epistolâ ad Hebræos, & ponitur in Canone de consecratione, distinctione secunda cap. [ In Christo ] Nonne per singulos dies offerimus ad recordationem mortis Christi, & una est hostia, & non multe? Istud de hostia quæ dicitur panis materialis, intelligi non debet ; quia tales sunt panes multi in multis altaribus secundum hæresim adversarii, & non sunt una hostia : ergo intelligi debet de hostia qui Christus est & quæ oblata est in cruce, & sic exponitur in eodem capitulo. Est igitur & Christus, & corpus Christi identicè in quolibet altari, in quo fit consecratio, & non solum figurativè. Et consimilis est sententia Lincolniensis super tertium cap. ecclesiasticæ Hierarchiæ, ubi sic innuit, puta Dionysius, quod eucharistia est verum corpus Christi unitum deitati. Unde sicut bonitas divina est in omnibus, a quibus participatur, identicè una, consimiliter ( inquit ) & corpus Christi in symbolis, licet varietur secundum loca & tempora & sensibiles proprietates. Igitur illud idem corpus quod est in uno altari, est identicè in alio altari. Quod nullo modo potest intelligi de pane materiali, sed solum de vero corpore Christi, attendendo ad naturam suam propriam : & ideo illud corpus quod est in coelo, attendendo ad naturam propriam est substantialiter & identicè in sacramento & non sic figurativè, ut Johannes est Elias. Octavo patet idem per ipsum Dionysium tertio capite ecclesiasticæ Hierarchiæ, ubi ponit primum, quod unus & ejusdem panis & calicis communis & pacifica traditio est. Secundo, quod divina Synaxeos teleta, & si singulare & simplex habens complicitum principium, in sacram varietatem symbolorum humanitus, id est, misericorditer multiplicatur. Tertio, postquam Hierarcha sacrificat divinissimum panem, indivisibilem dividit, & velatum revelat. Ex quibus patet, quod panis qui est eucharistia, est divisibilis & indivisibilis, velatus & revelatus, indivisibilis in se, divisibilis in symbolis, sive secundum symbola, velatus in se, revelatus in symbolis. Hoc de pane materiali intelligi non potest, quia ille est divisibilis in se, & in suis symbolis, ergo necesse esset hoc intelligi de pane qui est verus &



& identicum corpus Christi. Ille enim est multiplicatus misericorditer secundum varietatem symbolorum in diversis altaribus. Nec etiam potest intelligi de pane materiali, quod unus & ejusdem panis est communis & pacifica traditio: quia ille panis materialis, qui est in uno loco, non est in alio loco. Patet ergo manifestè, quod Dionysius Apostolorum contemporaneus definit, quod verum corpus Christi est secundum sui naturam & identicè in

91. sacramento. Nonò patet idem, quod multi secundum mundum sapientes & prudentes recesserunt à fide, quia non poterant concipere totum corpus Christi, quod est in coelo, esse in sacramento quantitate parvâ. Sed accipiendo [esse] pro [figurare & significare] ut facit adversarius in articulo, intelligens quis est qui non posset leviter capere panem materialem esse corpus Christi? Et consimiliter accipiendo esse, quis est prudens, qui non potest faciliter concipere corpus, quantumcumque magnum, esse in loco parvo, cum parvum signum significet dolum vini, & parvum verbum significet totum mundum, & parva imago crucifixi figurat totum crucifixum? Isti ergo prudentes & sapientes non recesserunt à fide, propter non confiteri eucharistiam esse tropicè & figurativè corpus Christi: sed propter non confiteri eucharistiam esse substantialiter & identicè carnem & sanguinem Christi. Alii propter non confiteri tantum corpus esse tropicè & figurativè in tam parvo loco, sed propter non confiteri tantum corpus esse substantialiter & identicè in tam parvo loco. Ex quo patet, quod hæreticum est ponere corpus Christi non esse identicè sed figurativè in sacramento.

102. Decimò patet idem ex natura relativorum: quia relativum refert ex sui naturâ illud idem naturaliter quod præcessit, sed Christus instituendo sacramentum dixit, Hoc est corpus meum, quod pro vobis tradetur: ergo hoc idem corpus naturaliter, quod pro discipulis fuit traditum ad crucifigendum, fuit eis traditum in sacramento ad edendum: & per consequens idem corpus quod fuit in cruce identicè est in sacramento. Unde Augustinus in pluribus libris inculcat logicam scripturæ de figuratâ significatione, ponens exempla infinita scripturæ de tali locutione. \* Et nunquam de illis verbis, Hoc est corpus meum, facit mentionem, quod sit figurativa loquutio: nec numerat inter loquutiones figurativas, quod tamen fecisset, si fuisset loquutio figurativa. Nec unquam aliquis, nisi suspectus de hæresi. Hæc prius posuit Berengarius, & Frederwardus, hoc antiquitus posuerunt: quorum sententia fuit condemnata. Undecimò, hoc patet ex sententia Augustini in expolitione tituli psalmi tricessimici, ubi tractat illud textum: Scribatur in manibus suis, & ponitur in Ca. de Consecratione. ii. cap. David, scribatur in manibus suis, &c. & ex multis dictis alijs ejusdem capituli, quæ propter breviter non scribo, quia in communi libro habentur. Duodecimò patet idem, quia conversio sacramentalis panis in corpus Christi, est conversio substantialis & non tropica & figurativa: ergo & existentia corporis Christi in sacramento est substantialis & realis ac identica, & non solum figurativa. Item patet ex allegatis in præcedenti articulo, ubi declaratum est, quod substantia panis definit esse realiter in ista conversione: & ideo conversio est mutatio substantialis & non solum tropica & figurativa. Unde Berengarius adversarius ecclesiæ asseruit, quod natura non patitur illam mutationem panis, quam patres in Concilio sub Nicolao Papa, & ecclesiæ ante eos, posuerunt. Sed secundum eos, & etiam omnes alios doctores naturæ satis patitur, quod panis tropicè & figurativè mutetur: ergo mutatio quam posuit Concilium generale & ecclesiæ ante eos, non erat tropica

132. & figurativa sed verè substantialis. Decimotertiò patet idem per Ambrosium, cujus dicta ponuntur in Can. de Consec. ii. cap. Revera. ubi intendit Ambrosius probare, quod panis potest converti in corpus Christi, per hoc quod Deus potuit panem creare: ergo à fortiori & panem in aliud mutare. Sed constat, quod loquitur de creatione reali & substantiali, ergo & de mutatione panis substantiali. Unde & extra exempla illius conversionis, sunt omnes reales & substantiales conversiones, ut patet de conversione virgine in serpentem & de conversio: & per conversionem fluminis Ægypti in sanguinem & alijs ibidem enumeratis. Est ergo & hæc conversio substantialis & non figurativa. Quapropter Ambrosius in eodem loco ponit istam conversionem panis in corpus Christi, esse præter ordinem naturæ: sicut & generationem qua virgo Christum generavit, esse præter ordinem naturæ. Ex quo concludit, quod illa conversio est valde miraculosa: sicut & generatio qua virgo filium generavit, fuit valde miraculosa & singulariter miraculosa. Et tamen non esset valde miraculosa, si esset solum conversio tropica & figurativa, & non substantialis & transubstantiativa. Relinquitur ergo quod juxta intentionem hujus sancti & ecclesiæ dicta statim in Canone approbantis, quod ista conversio sacramentalis est substantialis, & non sit tropica & figurativa: & quod corpus Christi ex illa substantiali conversione est in sacramento substantialiter & identicè, & non sic figurativè, ut articulus ponit. Merito igitur hic articulus est, ut hæreticus, condemnatus. Unde pro isto articulo incidit adversarius in illud cap. extra de hæreticis, ad abolendum. Pro isto tamen articulo præter argumenta superius soluta, arguit adversarius sic.

\* Unde igitur dicit Augustinus in Psalm. 3. statim ab initio. — Cum adhibuit ad convivium in quo Corporis & sanguinis sui figuram discipulis commendavit & tradidit?

Berengarius.

Conversio miraculosa.

‘Si ista benedictio consecrationis panis faceret panem non esse, esset potius maledictio, quam benedictio, quia esset panis annihilatio, ex quo nulla pars ejus remanet in Christi corpore, vel ejus sacramento, & tamen Christus nunquam tam severe alicui rei maledixit. Quando enim maledixit ficis, remansit ficus substantia, cum Christus nesciat propter peccatum, vel figuram peccati, suam omnino destruere creaturam, & cum nulla creatura potest quicquam facere, nisi præveniat factio creatoris, præsertim cum suum adversarium diabolum, cum sit sua fabrica, servet. Ergo creatura panem benedicens ipsam non annihilat, & per consequens manet panis post consecrationem, ut sit figurativè, non substantialiter corpus Christi.

Argumentum  
Wiclefi

Hic dico primò, quòd prima consequentia nulla est, quia quando Christus benedictione sua mutavit aquam in vinum, fecit aquam desinere, & ipsam non esse, & tamen benedictio illa Christi non fuit maledictio, sed vera benedictio, quia mutavit aquam substantialiter in melius, & ideo licet in consecratione panis desinat esse, ex quo transubstantiatur & mutatur in melius, quia in corpus Jesu Christi, non sequitur quòd illa benedictio sit maledictio, ut male arguit hic adversarius. Hic dico secundò, quòd quamvis nulla pars substantialis panis maneat actu post ejus consecrationem, non oportet propter hoc quòd panis annihiletur, quia ad annihilationem rei requiritur, quòd non maneat annihilatum in potentia propinqua, ut redeat in esse. Panis autem conversus sacramentaliter in corpus Christi remanet in potentia propinqua, ut redeat in esse, in fine alterationis accidentium sacramentalium, secundum sententiam Innocentii Papæ, quæ inter alias doctorum sententias est verisimilior, ut declaravi in libro. 72. questionum, circa sacramentum eucharistiæ, & ideo non annihilatur. Requiritur etiam ad annihilationem rei, quòd terminus ad quem non sit aliquid, sed illius mutatione panis terminus ad què est corpus Christi, & ideo hæc mutatio non est annihilatio. Hic dico tertio, quòd multotiens Christus propter peccata destruit creaturas suas, ut patuit in diluvio, in quo destruxit propter peccata hominum multas creaturas, ut patuit in subversione Ægyptiorum in mari rubro, ut patuit de Dathan & Abyron, quos propter peccata terra absorbit, ut patet in multis legibus Dei, in quibus ordinatur mors corporalis propter peccata diversa. Gratia etiam creata in anima viatoris destruitur omnino propter peccatum viatoris. Multipliciter ergo peccat argumentatio. Alia quæ tangit in hac materia, communiter in doctoribus sunt plenè soluta, & ideo superfluum est circa illa ulterius laborare.

Responsio ad  
argumentum.

Liber Wod-  
fordi lxxii.  
questionum  
circa sacra-  
mentum Eu-  
charistiæ.

**T**ertius articulus condemnatus ut erroneus, erat, quòd in cap. [Ergo Berengarius] curia Romana determinavit quòd sacramentum eucharistiæ est naturaliter verus panis, loquendo conformiter, ut prius, de pane materiali, albo & rotundo.

Tertius articulus  
Wiclefi.

Quòd autem hic articulus sit ad hunc sensum rationabiliter condemnatus, ex hoc patet. Primò, quia Hubertus Cardinalis natus de Burgundia, fecit illam confessionem ex parte Concilii, illam tradidit Berengario, ut narrat Lanfrancus in libro suo, & Berengarius post recidivum sic scribit in libro suo de eodem, & eadem confessione. Erat autem Burgundus ille in sententiâ, imò vecordiâ, Vulgi, Paschali & Lanfranci, minimè superesse in altari substantias panis & vini. Igitur ex ipsa confessione adversarii patet, quòd componens confessionem, intendebat ponere substantiam panis & vini minimè superesse in altari. Ergo non fuit intentio illius & ecclesiæ, ponere in illa confessione, quòd sacramentum eucharistiæ est naturaliter verus panis, cum intentio eorum fuit, quòd non erat in altari post consecrationem talis panis. Et notatur hic ex verbis adversarii, quòd tunc temporis erat sententia Vulgi, quòd non remansit panis substantia post ejus consecrationem in altari: ergo non est hæc opinio per Innocentium Papam primitus introducta, ut falsè sibi imponit adversarius. Secundo patet idem, quia Lanfrancus in libro suo ponit causam quare illud solenne Concilium sub Nicolao propterea tradidit Berengario illam confessionem dicens in hunc modum: Quia Nicolaus Papa invenit Berengarium docere, panem & vinum post consecrationem sine materiali mutatione in suis pristinis essentis permanere. Et concessa sibi licentia respondendi, cum non esset ausus pro suæ partis defensione aliquid respondere, pietate motus fecit Hubertum Cardinalem sibi tradere illam confessionem contra illam doctrinam. Ergo nullo modo fuit intentionis ecclesiæ in illa confessione ponere panem & vinum in suis pristinis essentis remanere post consecrationem, ut fuit eucharistia, vel ut eucharistia sit naturaliter verus panis. Est autem mihi nimis mirabile quomodo adversarius posuit hoc esse de intentione ecclesiæ, in illa confessione, quando & ille qui fecit confessionem fateretur oppositum, & adversarius, cui confessio tradita fuit, explicitè exprimit oppositum. Patet ergo, quòd valde erroneè est hic articulus ab adversario dictus. Tertio patet, quòd articulus est ut erroneus, justè condemnatus, quia Guilmundus Adversarius episcopus

Responsio  
Wodfordi.  
prima.  
Berengarius.

Opinio Vulgi,  
Innocentius  
papa.  
2a.  
Lanfranci  
verba.

3a.

episcopus

Doctores.

episcopus, Paschasius, Lanfrancus & alii doctores, qui fuerunt contemporarii Berengarii, & magni viri in ecclesia Dei, solenniter contra Berengarium in materia istâ scripserunt: & omnes reputant ecclesiam sub Nicolao Papâ damnassee substantiam panis superesse in altari post ejus consecrationem, ut patet expresse in libris eorum: ergo ecclesia non intendebat

<sup>42</sup> tunc panem illum superesse, & eucharistiam esse illum panem. Quarto patet idem, quia Berengarius post recidivum, in libro suo maledicto, principaliter nitebatur astruere panis & vini substantias superesse post consecrationem, sicut Wiclefistæ modò faciunt: & cum ab amicis suis esset increpatus, quod aut non servanda jurare non debuit, aut jurata servare, infamabat Papam Nicolaum & Concilium generale, quod docentes & scribentes contra-

Diversitas  
scribentium

ria, causâ fuerunt sui perjuri. Unde fatetur Berengarius in libro suo, quod ardebant eum ad concedendum, quod substantia panis non manet post consecrationem. Et tamen (ut dicit) oppositum sequitur ex dictis illius confessionis, ut arguit in his terminis. Qui enim dicit, quod panis & vinum altaris solummodo sacramenta sunt, vel quod panis & vinum altaris sunt verum corpus Christi & sanguis, omnibus modis panem & vinum superesse constituit: & ideo (inquit) illam sententiam, puta quod panis & vinum non remanent, superiori-  
bus verbis suis ipse deiecit, nec attendit Berengarius hoc. Cui sic respondet Lanfrancus: Nihil horum Romana Synodus credendum decrevit: prior enim sententia per quam dicitur, quod panis & vinum altaris solummodo sacramenta sunt, tua est tuorumque sequentium. Posterior verò, quæ annunciat quod panis & vinum altaris sunt solummodo verum corpus Christi & sanguis, nullius hominum erat opinio. Et consequenter affirmat Concilium illud generale docere, quod substantia panis non manet post ejus consecrationem & per consequens non est post eucharistiam. Secundò patet, quod Berengarius arguebat oppositum male ex dictis Concilii generalis, sicut Wiclefistæ modò faciunt. Unde idem argumentum est fundamentum erroris Wiclefistarum, & erroris Berengarii post recidivum. Et tertio patet ex isto processu, quod non fuit opinionis ecclesiæ tunc panem & vinum esse corpus Christi & sanguinem, quia dicit quod hæc opinio nullius hominum erat tunc. Ex quibus sufficienter concluditur, quod non fuit intentio ecclesiæ in illa confessione ponere eucharistiam esse naturaliter panem. Quarto patet idem per Anselmum ipsi in modico posteriorem, qui in unâ epistola sic scribit: Panis (inquam) substantiam post dominici corporis consecrationem in altari superesse, semper abhorruit pietas Christiana, nuperque damnavit ecclesia. Et videtur quod loquitur de condemnatione sub Papâ Nicolao ex quo ille eo fuit in modico posterior. Sed quomocunque sit de isto, ex quo hoc semper abhorruit pietas Christiana, Ergo pii Christiani qui fuerunt in illo Concilio, hoc abhorruerunt, scilicet quod maneret panis post ejus consecrationem: ergo non posuerunt tunc eucharistiam esse naturaliter panem. Patet ergo, quod iste articulus est justè condemnatus. Pro isto articulo non facit adversarius argumentum speciale, nisi argumentum Berengarii, quod à Lanfranco erat solutum. Sed quomodo idem cap. [Ego Berengarius] pro utraque parte debet intelligi, declaravi in lib. 72. quæstionum, circa sacramentum eucharistiæ, &c.

Quartus arti-  
culus Wiclef.

**Q**uartus articulus, ut erroneus condemnatus, ponitur cap. duodecimo quarti libri Trialogi, & est quod definientes parvulos fidelium sine baptismo sacramentali decedentes, non fore salvandos, in hoc sunt præsumptuosi & stolidi.

Responsio  
Wodfordi  
prima.

Quod autem hic articulus sit rationabiliter condemnatus, patet primò per beatum Augustinum de fide ad Petrum, ubi ponit tales æterni ignis supplicio puniendos: & ponuntur verba in Can. de Consecratione, distinctione quarta, capite [Firmissime] Sed hic respondet adversarius duodecimo capite quarti Trialogi, quod Augustinus dicit hoc reputativè non asseritivè. Sed manifestum est hoc esse falsum ex modo loquendi Augustini, qui super isto articulo, sicut & super articulo de Trinitate, dicit, Firmissime tene & nullatenus dubites: quæ non sunt verba solum reputativè loquentis, sed verba differtivè asseverantis. Et in fine illius libri sic scribit Augustinus libro quarto, ad regulam veræ fidei fortiter tene: & si quem contra dogmatizare cognoveris, tanquam pestem fuge & tanquam hæreticum abjice: ita enim ista quæ posuimus fidei Catholicæ congruant, ut si quis non solum omnibus, sed etiam singulis voluerit contradicere, in eo quod singulis horum contumaciter repugnat, hæreticus & fidei Christianæ inimicus atque ex hoc omnibus Christianis anathematizandus appareat. In quibus verbis Augustinus asserit singulos articulos de fide Catholicâ esse, & pertinacem contradicentem singulorum articulorum esse hæreticum & fidei inimicum. Cum ergo iste articulus sit contentus inter quatuor, & est quartus articulus illius libri, patet quod Augustinus differti-

vè

vè ponit istum articulum esse hæreticum. Patet secundò, quòd iste articulus rationabili-  
ter sit condemnatus, per definitionem ecclesiæ, quæ ponitur in Canone de conse. dist. 4.  
cap. Nulla, ubi sic, nulla præter baptismum Christi salus promittitur infantibus: quia in-  
fantes si per sacramentum, quod ad hoc divinitus est institutum, in credentium numerum  
non transeant, in tenebris manent. Ecclesia ergo definit parvulos sine sacramento bap-  
tismali decedentes, non fore salvandos. Erroneè ergo dicitur, quod sic desinientes sunt  
in hoc præsumptuosi & stolidi. Patet tertio quod iste articulus est rationabiliter condem-  
natus, ex hoc quod in ecclesia primitivà non baptizabant solenniter, nisi bis in anno: in vi-  
giliâ Paschæ & in vigiliâ Pentecostes, præterquam in articulo necessitatis, sicut si quis esset  
in articulo mortis, ut patet in can. dist. 4. in diversis capitulis: & ut patet in authoribus, qui  
scribunt de divinis officiis. Et sicut parvuli modò ante annos discretionis non sunt commu-  
nicati, sic in ecclesia primitivà non erant parvuli sacramentaliter baptizati, nisi infra annos  
discretionis, nisi essent in mortis articulo. Hæc autem facta non fuissent ab ecclesia primi-  
tivà, nisi credidissent tales sine baptismò sacramentali decedentes pro perpetuo perire, ut  
est manifestum: ergo fuit de fide ecclesiæ primitivæ, quòd sic decedentes sine baptismò sa-  
cramentali non forent salvandi. Erroneè ergo dictum est, quòd præsumptuosum & stoli-  
dum est sic definire. Patet quartò, quòd articulus iste est justè condemnatus ex hoc quòd jux-  
ta antiquà ecclesiæ ordinationē parvuli decedentes non baptizati postquā nati, non debent se-  
peli in ecclesiasticâ sepulturâ, magis quàm pagani, sed extra comiterium. Hoc nõ ordinasset ec-  
clesia, nisi crederet tales non esse de numero salvandorū. Est ergo de antiquâ fide ecclesiæ,  
quod tales infantes nati, sine baptismò decedentes sacramentali, non sunt de numero salvan-  
dorū: ergo, &c. Confirmatur, post ascensionem Christi ecclesia semper reputavit hoc  
sacramentum tantæ necessitatis, quòd à laicis, quod à mulieribus, quod à paganis potest con-  
ferri in articulo mortis, (aliàs necessitatis) & hoc ne periret moriens sine baptismò sacra-  
mentalī: igitur ex antiquâ fide ecclesiæ est, quod omnes morientes sine baptismò sacramentali,  
nisi suppleatur baptismò sanguinis, essent damnati. Patet quinto, quòd iste articulus est justè  
condemnatus, ex eo quòd, procedente tempore, ecclesia ordinavit quod infantes fidelium  
baptizarentur citò post natiuitatem de utero matris, quamvis non appareat mortis periculum,  
propter periculū æternæ damnationis vitandū: quia infantes facilius ex multis causis incur-  
runt mortis periculū. Ecclesia autem sic ordinans, credidit ipsos sic perpetuè damnari, si de-  
cederent non sacramentaliter baptizati, & non baptizati baptismò sanguinis, aliàs frustra  
hæc ordinasset. Est ergo de fide ecclesiæ, quod tales infantes æternaliter erunt damnati. Qua-  
propter Augustinus de verbis domini, sermone 79. sic dicit, Venturus dominus, duas par-  
tes facturus est, dextrā & sinistrā. Sinistris dicturus est, Ite in ignem æternum. Dextris  
dicturus est, Venite benedicti, &c. Nullus inquam locus relictus est medius, ubi ponere  
queas infantes: & loquitur de infantibus non baptizatis, qui inducit (inquit) medium, rece-  
dit à medio. Cum ergo non erunt tales infantes non baptizati sacramentaliter, nec in sangui-  
ne, in dexterā, propter illud Johan. 3. Nisi quis renatus fuerit ex aqua & spir. sancto non po-  
test intrare in regnū dei: sequitur quod erunt in sinistrā, & ideo in igne æterno. Sed hic di-  
cit adversarius, quòd probabile est, quòd illud Evangelium Johannis debet intelligi de aqua  
quæ fluxit de latere Christi in cruce: nisi quis renatus fuerit baptismò illius aquæ & bap-  
tismo in spiritu sancto, non potest introire in regnum cœlorum: & hæc dicit cap. 22. quarti  
Trialogi. Sed hæc expositio nova est contra mentem Augustini, Chrysostomi & antiquorum  
doctorum. & quasi omnium doctorum qui scribunt super quartū sententiarum. Nam illi  
cum ecclesia concordant, quòd autoritas debet intelligi de aqua elementari. Unde ex traditio-  
ne apostolicâ, per successiones patrum usq; ad nos descendente, sic semper fuit illa autho-  
ritas Evangelii intellecta. Et sic exponit scripturâ evangelicam aliter quàm sensus spiritus sancti  
efflagitat & aliter quàm ecclesia sensit, sine memoria de sacramento ecclesiæ, & per consequens  
hæreticè sic exponit. Patet ergo, quòd iste articulus est satis justè condemnatus, & pro ar-  
ticulo non facit adversarius aliquam rationem dignam \* recitatione.

Mos privigi-  
vz ecclesiæ.

52.

Aqua quæ flu-  
xit de latere  
Christi.  
Doctores.

\* Nec tu, re-  
futatione:  
cum S. Augu-  
stinus audiat  
durus infanti-  
um pater hic  
ipso nomine.

**Q**uintus articulus condemnatus ut erroneus, est, quòd collatio sacramenti confir-  
mationis non est episcopis reservata. Et est hic articulus ad illum sensum com-  
munem condemnatus, quòd presbyteri non episcopi possent autoritate sa-  
cerdotali conferre sacramentum confirmationis: quia ad hunc sensum ponit  
adversarius articulum prædictum: unde & ponit episcopum & presbyterum idem esse, & non  
differre secundum potestatem sacramentalem. Quam positionem recepit ab Armachano in  
[de quæstionibus Armenorum ii. lib. cap. 1.] ex qua positione sequuntur infinita  
absurda, sicut in alio opere contra Armachanum diffusè deduxi. Quòd autem iste  
articulus sit ad hunc sensum justè condemnatus, patet primò ex decreto Melchiadis  
papæ,

Quintus arti-  
culus Wiclef.

Armachanus.

Responsio  
Wodfordi  
prima.

papæ, quod ponitur in can. de conse. dist. 5. cap. De his. Ubi habetur, quod hujus sacramenti collatio sit summis pontificibus accommodata, quod à minoribus perfici non potest. Patet idem secundò ex decreto Eusebii papæ: quod ponitur ibidem cap. Manūs: ubi sic: Manūs quoq; impositionis sacramentum, magna veneratione tenendum est, quod ab aliis perfici non potest, nisi à summis sacerdotibus: nec apostolorum tempore ab aliis quàm ab ipsis apostolis legitur, aut fertur peractū esse: nec ab aliis, quā ab his, qui eorum tenent locum, unquā perfici potest aut fieri. Dicit namq; si aliter præsumptū fuerit, irritum habeatur, vacuū, nec inter ecclesiastica unquā reputabitur sacramenta. Patet ergo, quod collatio sacramenti hujus

32. est episcopis reservata. Patet idem tertio ex decreto Urbani papæ, quod ponitur ibidem

42. cap. Omnes fideles. Et patet quartò ex decreto Innocentii papæ, quod ponitur in can. de

52. consec. dist. 4. cap. Presbyteris. Et patet quintò ex decreto Gregorii papæ quod ponitur

62. ibidem cap. Presbyteri. Sextò patet idem ex Decretali Innocentii tertii, quæ ponitur extra de consuetudine cap. 5. ubi sic: Pervenit ad audientiam nostram, quod quidam simplices sacerdotes; & apud Constantinopolim ea sacramenta præsumunt fidelibus exhibere, quæ ab apostolorum tempore fuerunt solis pontificibus reservata: ut esset sacramentum confirmationis, chrismando renatos, quod soli debent episcopi conferre. Et post omnibus presbyteris distinctè præcipitur, ne talia de cætero sua temeritate præsumant. Et tanquam irritum,

72. & sine effectu esset si sic facerent. Septimò patet idem ex decreto Leonis papæ, quod ponitur in can. dist. 68. cap. Quamvis. Ubi expressè habetur, quod chorepiscopi, quando erant in ecclesia, non poterant hoc sacramentum conferre, non obstante quòd erant presbyteri majores & quasi medii inter episcopos & simplices presbyteros, ut haberetur in diversis locis: ergo à fortiori, hoc non modò est licitum simplicibus presbyteris, sed collatio hujus sacramenti est solis episcopis reservata. Octavò idem patet per Dionysium de ecclesiastica hierarchia cap. 5. ubi collationem sacerdotium ordinum, consecrationem altaris & perfectionem divini unguenti\*, intelligens chrismationem in fronte secundum peritiores, licet aliqui exponant hoc de consecratione chrismatis. Patet ergo, quod articulus esse iustè condemnatus. Pro isto tamen articulo allegat adversarius, quod olim episcopus & presbyter idem erant: Nec aliquam habet potestatem sacerdotalem episcopus, quin dictus simplex sacerdos habeat omnino in specie consimilem. Et ideo communiter secundum dicta habet dictus simplex sacerdos potestatem sacramentalem conferendi sacros ordines, consecrandi episcopos, confirmandi pueros & faciendi quicquid potest episcopus ex potestate sacramentali. Licet ecclesia statuerit per solos illos exerceri debere, qui episcopi dicuntur, ut in regimine major eis reverentia exhibeatur: in primitivā tamen ecclesia non fuit in simplicibus sacerdotibus talis restrictio potestatis. Pro ista sententiā non vidi argumenta adversarii: quia nulla facit ad hæc in Trialogo, sed supponit argumenta domini Armachani, quæ facit 5. cap. in 11. lib. de quæstionibus Armenorum, ostendens multis autoritatibus apostoli, quòd in primitivā ecclesia non erat distinctio inter episcopos & simplices sacerdotes. Et hoc idem arguunt alii ex verbis Hieronymi, super epistolam ad Titum, quæ ponitur in Cano. dist. 95. cap. Olim. Istam autem sententiam Augustinus reputat hæreticam. Unde in libro suo de hæresibus recitat tanquam hæreticam sententiam Arrianorum sub his verbis: Arriani asserabant presbyterum ab episcopo nullā differentia debere discerni. Nunc Arriani magis clerici bene sciverunt, quòd in regimine & jurisdictione episcopi à presbyteris erant distincti: quia presbyteri illorum erant sub regimine episcoporum Arrianorum: manifestè intellexerunt ergo quoad potestates sacramentales, quòd nullā differentia deberent presbyteri ab episcopis discerni. Et hoc reputat Augustinus hæreticum. Et ideo ad autoritates allegatas per dominum Armachanum, respondeo: Concedo, quòd in principio ecclesiæ, immediatè post missionem spiritus sancti, & diu post, omnes creati sacerdotes dicebantur episcopi, & omnes episcopi presbyteri. Sed ex hoc non sequitur, quòd nulla fuit differentia inter episcopatum & sacerdotium, quoad potestates sacramentales: nec quòd episcopus ex gradu episcopali nullam haberet potestatem conferendi sacros ordines, vel confirmandi, nisi quam habet sacerdos ex gradu sacerdotali. Unde si nullus esset diaconus nisi sacerdos, sicut posset esse, nec aliquis sacerdos nisi diaconus, adhuc esset distinctio inter ordinem sacerdotii & ordinem diaconatus: & haberet sacerdos nihilominus potestatem sacramentalem ex gradu sacerdotali, quam non haberet diaconus ex gradu diaconatus. Et sic licet autoritates allegatæ à domino Armachano concludant, quòd omnis sacerdos curam habens, tunc fuerit episcopus, vel saltem diceretur episcopus: non tamen concludunt quòd non erat distinctio inter gradus episcopatus & sacerdotii, nisi solum in potestate exercitii. Nec concludunt secundum verba Hieronymi allegata, quæ ponuntur in Can. dist. 95. cap. Olim. Nam ex verbis Hieronymi ibidem allegatis potest concludi, quòd in principio regiminis apostolici non erant episcopi per apostolos facti presbyteris majores, & quòd postea tempore

Armachanus.

Arriani.



pore apostolorum episcopi per apostolos facti erant presbyteris majores. Nam Hieronymus ibidem volens reddere rationem, quare ex ecclesie consuetudine electus est unus ex presbyteris, qui aliis praeponeretur & qui diceretur episcopus, sic ait, Antequam (diaboli instinctu) dissidia in religione fierent, & diceretur in populis: Ego sum Pauli, ego Apollo, ego autem Cepha, communi presbyterorum consilio ecclesie gubernabantur. Et sic postquam unusquisque, quos baptizabat, putabat esse suos, non Christi. In toto orbe decretum est, ut unus de presbyteris praeponeretur & schismatum semina tollerentur. Hæc ille. Secundum ergo sententiam Hieronymi, antequam schisma illud surrexit in ecclesia, ecclesie gubernabantur communi presbyterorum consilio: ita quod in regimine omnes fuerunt presbyteri, quasi aequales: & post illud schisma oppositum toto orbe terrarum, ubi fuit ecclesia, erat ordinatum ita quod unus in omni ecclesia aliis praeponeretur. Sed tempore apostolorum fuit illud schisma, ut patet in scriptura illa, quia apostoli fuerunt & ante, & bene diu post, & ergo licet in principio regiminis apostolorum, omnes presbyteri per eos facti, erant vel episcopi, vel illis aequales in regimine: tamen tempore apostolorum, & post schisma illud, oppositum fuit ordinatum per commune decretum in toto orbe, ubi fuit ecclesia. Quia ergo ante schisma illud, omnis sacerdos erat episcopus: non apparuit tunc distinctio episcopatus & sacerdotii, sicut post schisma apparuit, quamquam in virtute & veritate tunc fuerit distinctio episcopatus a simplici sacerdotio: & quia ex primaria ordinatione omnes sacerdotes fuerunt sacerdotes & episcopi, & ex secundaria institutione ecclesie, facta instinctu spiritus sancti, non omnes sacerdotes facti sunt episcopi. Ideo dicit Hieronymus, episcopos magis consuetudine quam dispensatione dominicæ veritatis presbyteris esse majores. Ex quibus patet, quod autoritas Hieronymi non concludit, quin episcopus ex consecratione episcopali habeat potestates sacramentales, quas non habet sacerdos ex ordinatione sacerdotali. Et sic patet, quod istud argumentum quod multis apparuit difficile, non concludit. Et motus sum ex verbis Dionysii quinto cap. ecclesiasticæ hierarchiæ, sic dicere: qui fuit \* contemporaneus apostolorum, & fecit illum librum post illud schisma, & potuit melius scire intentionem apostolorum, quam doctores posteriores. Distinguit enim sanctus Dionysius ibidem aperte tres ordines ecclesiasticæ hierarchiæ, loquendo de ordinibus sacris, ordinem hierarchiæ, ordinem sacerdotii & ordinem ministrorum. Per hierarchiæ ordinem intelligit episcopum: & ministrorum ordinem, diaconum. Et distinguit omnes operationes cuiusque. Fuit ergo tempore apostolorum talis distinctio episcopatus a sacerdotio, in potestate sacramentali. Et sic illud Hieronymi non concludit. Item pro articulo arguit, dominus Armachanus xi. lib. cap. 4. de questionibus Armenorum, sic de Anania loquitur qui erat quidem discipulus Damasci, Qui imposuit manus Paulo ut acciperet spiritum sanctum, quod erat ei (ut dicit) sacramentum confirmationis, quia aliàs non haberetur ex scriptura ubi recepit sacramentum confirmationis. Ex quo ergo scriptura nominat Ananiam discipulum, sequitur quod collatio sacramenti confirmationis pertinet ad non episcopos. Hic dico primò, quod si Ananias fuit tunc sacerdos, ex quo conversio Pauli fuit diu ante illud schisma, de quo prædictum est, quod simul fuit sacerdos & episcopus. Et autoritates quas adducit ibidem dominus eodem libro, evidenter ostendunt. Et ideo si contulit tunc Paulo sacramentum confirmationis, autoritate episcopali non sacerdotali solum hoc fecit. Hic dico secundò, quod dominus Armachanus contradicit sibi ipsi, dicendo Ananiam esse sacerdotem tunc & non episcopum: quoniam ibidem ponit cap. 5. quod in ecclesia primitiva, nec in potestate sacerdotali, nec in potestate regiminis fuit distinctio episcoporum a presbyteris. Omnes ergo sacerdotes tunc erant episcopi, ut consequenter habet dicere. Ponendo ergo Ananiam fuisse tunc sacerdotem, & non episcopum, contradicit sibi ipsi. Hic dico tertio, quod si illo modo sequitur, scriptura nominat Ananiam discipulum, ergo ille discipulus Ananias non erat episcopus: tunc sequitur, quod apostoli non erant episcopi: quia scriptura nominat apostolos discipulos etiam bene post resurrectionem Christi, quando apostoli erant episcopi. Et sic ineptè arguit dominus iste. Hic dico quarto, quod non est evidens, quod illa impositio manuum per Ananiam facta Paulo, fuit confirmatio Pauli sacramentalis. Nam patet ex sacra scriptura, quod tunc nondum erat Paulus baptizatus. Et sic tenet ecclesia etiam, quod baptismus est janua aliorum sacramentorum. Et dico quinto, quod ex hoc quod non habetur ex sacra scriptura, ubi Paulus fuit sacramentaliter confirmatus, nullo modo sequitur, quod Paulus non fuit sacramentaliter confirmatus: quia (ut testatur Augustinus) de aliis apostolis a Paulo, non habetur ex scriptura sacra ubi fuerunt sacramentaliter baptizati, ut patet in Canone expressè. Infinita enim sunt vera catholica, quæ non poterant nobis concludi evidenter ex contentis in sacra scriptura, ut patet Johannis ultimo. Patet ergo, quod non valet hæc argumentatio. Iterum pro argumento arguunt alii sic, & difficulter: Papa Gregorius concessit sacerdotibus Græciæ, quod possent confirmare, ut patet in Canone, dist. 95. ca. Per-

Dicit in scriptura patere, sed nihil probat.

Mirum, ubi legerit author de illo schismate.  
\* Hoc pro ignorantia seculi.

Argumentum Armachani, quo videtur Wiclefus.

Ananias fuit sacerdos & episcopus. Unde hoc?

Apostoli sacramentaliter baptizati.

venit. Sed hoc non potuit concedere eis ut licite facerent, nisi haberent ex ordinatione sacerdotali potestatem confirmandi: quum potestas sacramentalis non conferatur ex concessa iurisdictione sed ex ordinis sacerdotalis consecratione. Sequitur ergo, quod simplices sacerdotes habent potestatem sacramentaliter confirmandi ex ordine sacerdotali. Unde narrat dominus Armachanus de quaestionibus Armenorum, quod hoc habet tota ecclesia Græcorum, quod omnis conferens baptismum, statim confirmat: & sic erat in ecclesia primitiva post tempora apostolorum ut dicit Dionysius de ecclesiastica hierarchia, cap. 2. secundum eundem Armachanum cap. 4. undecimi libri. Hic dicunt aliqui, quod Gregorius hoc concessit presbyteris Græciæ, propter scandalum & majus malum evitandum. Sacerdotes tamen tales sacramentum confirmationis non conferebant, sed quid sacramentale tantum. Sed hanc sententiam alii non admittunt: quia citius scandalum permitti debet quam veritas fidei & veritas doctrinæ vel vitæ debet amitti. Cum ergo populus credidit illos vgraciter conferre sacramentum confirmationis, Gregorio papâ hoc sciente: ergo non bene propter scandalum vitandum hoc concessit eis: quia si sic, confirmare non potuerunt. Quapropter dixerunt alii, quod authoritas papæ tanta est, quod ejus mandato quilibet potest conferre quod habet, sed non potest conferre quod non habet: ut quod diaconus, item sacerdos conferat sacerdotium. Illi ergo sacerdotes ex quo erant sacramentaliter confirmati, poterant autoritate Gregorii papæ confirmare, licet non propriâ autoritate, ut dicunt isti. Sed ista sententia est nimis stricta ex una parte: quia si quis autoritate papæ conferre posset sacramentum, tunc in nullo casu posset non baptizatus autoritate ecclesiæ: quod constat esse falsum. Et est nimis larga ex alia parte: quia sic posset meri laici & mulieres autoritate papæ sacramentaliter confirmare, quod est temerarium asserere. Quapropter dixerunt alii, quod confirmare sacramentaliter, conferre ordines majores vel minores, pertinet primò ad episcopum. Potest tamen ista committere papa sacerdotibus inferioribus: & in sic committendo, facit eos episcopos. Et ista est sententia Landolfi super quartum, & etiam aliorum. Sed ista sententia non est bona, neque consona verbis Gregorii in 1. cap. Pervenit. Quia hoc non concessit sacerdotibus, ut patet in textu, nisi ubi episcopus desuit: ergo in hoc non fecit eos episcopos. Nec est quis episcopus verus ex sola commissione, sed requiritur consecratio, vel manuum impositio modo ecclesiæ primitivæ: ergo ex sola tali commissione, vel commissione non fecit eos episcopos. Item quamvis eis concessisset sacramentum confirmationis, non concessit tamen eis conferre ordines sacros superiores, nec conficiendi chrisma: ergo non fecit eos episcopos. Similiter abbates, quibus conceditur conferre ordines inferiores, & non sacros, non sunt ex hoc episcopi: ergo nec illi fuerunt episcopi. Quapropter dixerunt alii quod Gregorius quum fuerat homo & non deus, potuit errare, & quod erravit in sic concedendo, quum solus episcopus possit esse minister debitus hujus sacramenti. Et ad hanc sententiam declinat Durandus de sancto Portiano super quartum, dist. 7. in fine. Et quia successores sui hoc factum correxerunt & oppositum decreverunt, ut patere videtur per superius allegata: ideo videtur aliquibus, quod hæc sententia non sit tenenda. Dixerunt tamen alii è contrario, quod licet autoritate sacerdotii & propria non possit sacerdos simplex sacramentaliter confirmare: tamen autoritate papæ & ejus iusti potest in absentia episcopi, necessitate cogente. Et ad hanc sententiam declinare videtur magister Gratianus dist. 95. Cui sententiæ concordare videtur decretum Martini papæ, quod ponitur de consec. dist. 4. cap. Cum tempore. Quamvis alii intelligunt illud de signatione & unctione, quæ fit in solenni baptismo: quia in præsentia episcopi non debet simplex sacerdos solenniter baptizare, nisi volente episcopo & jubente. Quæ istarum duarum sententiarum sit verior, non intendo definitivè dicere. Sed hæc dico, quod illa sententia, quæ ponit solis episcopis hanc potestatem posse competere confirmandi, & non posse eam non episcopo committi, tutior est: quia non procedit ad aliquod temerarium, magisque concordat Decretali Innocentii & decretis superius allegatis, & ab hæresi Arianâ magis recedit. Sed quicquid sit de istis sententiis, manifestum est ex Decretali Innocentii, quod jam simpliciter prohibitum est omnibus sacerdotibus, non episcopis, sacramentum confirmationis conferre. Et ideo constat, quod modò omnis collatio sacramenti confirmationis est episcopis reservata. Et ideo constat, quod articulus iste est iuste condemnatus. Et hoc quod narrat dominus Armachanus, quod in ecclesiâ Græcorum omnis conferens baptismum statim confirmat, non valet: primò, quia in isto errant sicut in multis aliis erraverunt, quum secundum aliquos hoc sit contra rationem ordinis, & secundum omnes, contra prohibitionem ecclesiæ Romanæ, cui Græci & Armeni deberent obedire. Et iterum si ritè apud eos omnes conferentes baptismum statim confirmarent, tunc mulieres & obstetrices apud eos baptizantes in articulo mortis infantes, ritè etiam confirmarent sacramentaliter eosdem: quod temerarium est dicere. Et sic paganus in forma ecclesiæ, in articulo necessitatis baptizans, apud eos ritè immediatè sacramen-

Armachanus.

Mos primitivæ ecclesiæ.

Gregorius potuit errare.

Armachanus.

cramentaliter confirmaret, quod nunquā præsūpsit catholicus dicere. Et de hoc quod dominus Armachanus allegat Dionysium, 2. cap. ecclesiasticæ hierarchiæ, manifestum est, quod in illo cap. nullum ponit baptizare, nisi Hierarcham, qui episcopus erat: licet ponat ibidem presbyteros alios assistentes & instituta circa baptizatum facientes, quos inter alia ponit post baptismum debere induere baptizatum veste albâ & reducere eum ad Hierarcham ut ab eo confirmetur. Et ideo illud cap. ecclesiasticæ hierarchiæ est in toto contra eum & nihil pro eo. Si quis autem omnino velit propter scientiam & sanctitatem Gregorii dicere, quod licet hoc concessit & potuit concedere simplicibus sacerdotibus, quod videtur debere concedere: tunc dico ad propositum articulum, quod à principio per apostolos fuit institutum, quod solum episcopi autoritate propria confirmarent, & non simplices sacerdotes, non episcopi. Et ideo si simplices sacerdotes non episcopi, hæc attentarent sine autoritate superiori, nihil facerent quoad confirmationem sacramentalem: quia quando collatio sacramenti pertinet ad aliquem ratione ordinis & officii, licet talis fuerit prohibitus per ecclesiam sacramentum conferre: si tamen facit, factum est, licet peccet faciendo. Unde episcopi schismatici, symoniaci & excommunicati, verè conferunt ordines sacros & sacramentum confirmationis. Sed quando non ratione ordinis & officii, sed ratione ordinis & commissionis competit alicui conferre sacramenta, si sibi in radice prohibeatur conferre, si attentet conferre, nihil facit quoad hoc. Et ideo quia non competit simplici sacerdoti ex ordine & officio conferre sacramentum confirmationis, sed si sibi competit ratione ordinis commissionis: ideo tamen prohibitum sit omnibus simplicibus sacerdotibus hoc facere, per constitutionem Innocentii & aliorum summorum pontificum. Et ideo quamvis attentarent hoc sacramentum conferre, nihil facerent quoad hoc. Et ideo constanter dico quod omnis collatio huius sacramenti est episcopis reservata. Unde stante prohibitione, nec licet, nec illicitè possunt sacramentum confirmationis simplices sacerdotes conferre, &c.



**S**extus articulus ut erroneus condemnatus est, quod tempore Pauli sufficiebant ecclesiæ duo ordines clericorum, sacerdos & diaconus: nec fuit tempore apostolorum distinctio papæ, patriarcharum, episcoporum: sed sufficit quod sint presbyteri & diaconi secundum fidem scripturæ: quia superbia Cæsarea alios gradus adinvenit. Quod iste articulus sit rationabiliter condemnatus, patet primò per decretum apostolorum, quod ponitur in Canone dist. 35. cap. Episcopus, ubi sic: Episcopus, aut presbyter, aut diaconus, alea aut ebrietas deserviens, aut desinat, aut certè damnetur. Subdiaconus autem, aut lector, aut cantor similia faciens, aut desinat, aut communione privetur. Ex quo istud decretum est sumptum ex Canonibus apostolorum: patet quod tempore apostolorum fuerunt subdiaconi, lectores & cantores in clero. Ex quo in clero distinguunt apostoli episcopos à presbyteris & diaconibus: patet quod tempore apostolorum & tempore Pauli non sufficerent duo ordines ecclesiæ clericorum. Et ex quo apostoli distinxerunt inter episcopos & presbyteros: patet quod erroneum sit & forsitan hæreticum non distinguere inter illos. Patet idem secundò, quod Hieronymus in prologo super epistolam ad Colossenses expressè dicit quod Paulus misit illam Colossensibus per Tychicum diaconum & Onesimum acolythum. Et super epistolam primam ad Thessalonicenses dicit etiam quod Paulus misit illam per Tychicum diaconum & Onesimum acolythum. Et hoc idem dicit in prologo super secundam epistolam ad Thessalon. Igitur tempore apostoli Pauli fuit ordo acolythorum & non suffecerunt duo ordines. Patet idem tertio, quod tempore Pauli & post schisma (de quo prædictum est superiori articulo) fuerunt episcopi à presbyteris distincti & diaconibus, sicut Dionysius apostolorum contemporaneus expressè docet in [de ecclesiast. hierarchia] loquendo de episcopo sub nomine Hierarchæ: ergo non sufficiebant tunc ecclesiæ duo ordines. s. sacerdos & diaconus. Patet hoc quartò ex sententia Clementis papæ, quæ ponitur in Canone dist. 25. cap. Audire. Fuit enim hic Clemens apostolorum contemporaneus sicut & Dionysius; & apostoli diversi supervixerunt post ejus martyrium. Dicit ergo sic: Audire episcopum, attentius oportet ab episcopo accipere doctrinam fidei, monita autem vitæ à presbyteris inquirere (quantum ad mores secundum glossam interlinearem) à diaconibus vero ordinem disciplinæ ecclesiasticæ secundum glossam. In quibus verbis sicut Clemens distinguit inter presbyterum & diaconum: sic inter episcopum & presbyterum. Non ergo sufficiebant tempore apostolorum duo ordines, sacerdos & diaconus, ut hic articulus falsè asserit. Patet idem quinto, quod iste Clemens fuit contemporaneus apostolorum, & à Petro Romanus pontifex ordinatus. Et in ejus decreto expressè continetur, quod fecit ordinationes duas per mensem Decembrem, presbyteros decem, dia-

Sextus articulus Wiclefi.

Responsio Woodfordi Prima Canonis apostolorum apocryphi.

32.

42.

52.

diaconos duos, episcopos per diversa loca xv. Linus verò præcessit Clementē in administratione pontificatus Romani, ut patet in Chronicis, & in ejus continetur decreto, quod fecit ordinationes duas, in quibus ordinavit episcopos xv. presbyteros xviii. Anacletus etiam, qui successit Clementi exulanti, fuit pontifex Romanus, diversis apostolis adhuc viventibus, & habetur in decreto suo quod fecit presbyteros quinq., diaconos tres, episcopos sex. Evangelistā, ut patet in Chronicis: in cujus continetur decreto, quod fecit presbyteros atque diaconos undecim, episcopos quinq. Ex quibus patet evidenter, quod tempore apostolorū ordo episcopalis fuit distinctus ab ordine sacerdotali, & quod non sufficiebant ecclesiæ sacerdotes

6a. & diaconi, sed quod ultra fuerunt episcopi in superiori gradu constituti. Patet hoc sexto ex decreto Clementis papæ contemporanei apostolorū: quod ponitur in Can. 84. cap. In illis civitatibus. Ubi sic Clemens: In illis civitatibus, in quibus olim apud Ethnicos primi flammæ atq; primi legis doctores erant, episcoporum primates vel patriarchas beatus Petrus iussit poni. In illis autē, in quibus dudū apud prædictos Ethnicos erant eorū archiflammes, quos tamen minores tenebant quā memoratos primates, archiepiscopos institui præcepit. In reliquis singulis vero civitatibus singulos & non plures episcopos constitui præcepit, qui ipsorum vocabulo tantum partirentur. Et subdit: quoniam (inquit) nec inter apostolos par fuit institutio, sed unus præfuit omnibus. Ex quo ergo iussu Petri apostoli hæc facta sunt, patet quod tempore apostolorum erat distinctio patriarcharum, archiepiscoporum & episcoporum: & ex quo iussu Petri apostoli hæc facta sunt, patet quod erronee nimis dictū est, quod superbia Cæsarea hos gradus adinvenit. Etiam ex quo iussu beati Petri apostoli in singulis reliquis civitatibus, singuli & non plures episcopi constituti sunt: patet quod tunc non plures presbyteri, vel non singuli presbyteri fuerunt etiam episcopi: cum in eadē civitate essent plures presbyteri, & non plures episcopi. Et ex quo inter apostolos non par fuit institutio, sed unus præfuit omnibus, quid mirum si inter omnes presbyteros non fuit par institutio, sed unus, ut episcopus eorum, quis præfuit. Patet ergo multipliciter ex isto processu sancti Cle-

7a. mentis, quod iste articulus est falsus nimis & erroneus. Patet hoc alio: quia non obstante ordinatione divina in veteri testamento de certis ordinibus ministrorum in templo: tamen diu post David rex & propheta in ampliacionem cultus divini, instinctu spiritus sancti alios ordines superaddidit & adinvenit, ut ordines cantorum, Nathineorum de quorum ordine fuit ille Nathanael, de quo Christus dixit in Evangelio: Ecce verē Israelita, in quo dolus non est: & ordinem etiam janitorum, quem nos vocamus ostiariorum. Si ergo quis diceret, quod superbia Cæsarea hos ordines cantorum, Nathineorum & janitorum adinvenit, raptim erraret: ergo à pari quamvis post tempora apostolorum ecclesiā à spiritu sancto directā, aliquos ordines adinvenisset, erronee diceretur quod superbia Cæsarea illos ordines adinvenisset. Et ideo constanter potest dici, quod iste articulus est erroneus.

8a. Patet octavo, quod iste articulus est erroneus, quia dicit quod tempore Pauli sufficiebant duo ordines clericorum, sacerdos & diaconus. Nam isti non sunt duo ordines sacramentales: sed bene sacerdotium & diaconatus sunt sic duo ordines. Non enim est sacerdos sacerdotium, nec diaconus suus diaconatus: & ideo erronee loquitur in isto cap. vel articulo. Et ideo articulus iste est ut erroneus, iuste condemnatus. Pro isto argumento non facit adversarius aliud argumentum, nisi quod idem sunt episcopus & presbyter, ad quod responsum est in articulo superiori. Quod autem dicitur in decreto Urbani papæ & in aliquibus aliis doctoribus, quod solos ordines sacerdotii & diaconi legitur primitiva ecclesiā habuisse, & quod procedente tempore ipsa ecclesiā inferiores ordines instituit: oportet aliter intelligere quā verba sonant, ut ex præmissis evidenter ostenditur. Dico ergo, quod ordines inferiores diaconatu non habuit primitiva ecclesiā, tanquam sacramentales, & sacramentaliter datos sub signis sensibilibus, ut postea habuit: habuit tamen illos, ut patet ex præmissis, & ut patet in Dionysio de ecclesiastica hierarchia, cap. 3. ubi tractat de psalmista, lectore & ostiario. Vel potest dici quod procedente tempore post tempora apostolorum ecclesiā instituit ut ad superiores ordines nullus ascenderet, nisi prius receptis ordinibus inferioribus: cujus oppositum factum fuit in ecclesiā primitiva, ita quod solum habuit ecclesiā primitiva ordines superiores suos in clericis atq; ordinibus inferioribus in eisdem: & posterius habuit illos in clericis ordinibus, cum inferioribus in eisdem. Vel (quod verius puto) intendebat Urbanus, quod non legitur in sacra scriptura, quod ecclesiā primitiva plures ordines habuit quā sacerdotium & diaconatum: in sacerdotio includens episcopatum: sed quod posterius ordines inferiores & superiores per ecclesiā fuerunt propalati & manifestati. Ex quo nullatenus sequitur, quod ordines inferiores & superiores, ut puta episcopatus, archiepiscopatus, patriarchatus & papatus, non fuerunt in ecclesiā dei: quia multa fuerunt in ecclesiā primitiva, quæ non sunt posita in sacra scriptura. De hoc ista sufficiant dicta.

Apocryphi.

Iussu Petri.

Oportet aliter  
intelligere  
quā verba  
sonant.

Bene solvit.

Septi-

**S**eptimus articulus condemnatus in univerſali ſuo intellectu eſt, quòd antiqui qui ex cupiditate rerum temporalium ex ſpe mutuatorum juvenum, aut ex cauſa excuſandæ libidinis, licet de prole deſperet, copulantur adinvicem, non verè matrimonialiter copulantur. Tales enim propoſitiones indefinitæ, & in jure, & in theologia, ac plures in philoſophia univerſaliter intelliguntur, & ad intellectũ iſtũ eſt articulus condemnatus, & etiam poſitus ab adverſario. Et quòd ſit falſum ad illum intellectũ, patet primò, quia ex articulo ſequitur, quòd quodocunq; contrahentes deſperant de prole, non contrahant matrimonium verum, & ſic non contingeret ex alia cauſa contrahere matrimonium verè in infirmitate mortali, quando quis deſperat & de vita & de ſanitate, cujus contrarium tenuit & tenet univerſalis eccleſia. Et patet conſequentia: quia tunc deſperat de prole inter ſe mutuò, ex quo uterq; deſperat de ſanitate, & vita viri. Item contingit verum matrimonium contrahi cum firmo propoſito continentia ex mutuo conſenſu: aliàs non fuiſſet verum matrimonium inter Mariam & Joſeph: ergo & contingit verum matrimonium contrahere, quamvis uterq; deſperet de prole. Patet idem ſecundò ex verbis Auguſtini quæ ponuntur in Can. 2. q. 1. cap. Nuptiarum. Ubi habetur, quòd bonum nuptiarum aliquando fuit legis obſequium: nunc infirmitatis remedium, & quibuſdam humanitatis ſolacium. Et ſuper verbo, infirmitatis remedium, dicit Gloſſa, ita quod non legis obſequium. Et ſuper verbo, humanitatis ſolacium, dicit Gloſſa, quod eſt pro ſenibus, qui tamen poſſunt medicinâ caleſcere, quamvis ſint bene ſenes. Ex quo ergo ſint multe mulieres, poſtquam deſiciunt eis muliebria, & quæ aſſuefactæ fuerant ad ulum matrimoniale, quoniam indigent infirmitatis remedio, ideo quamvis deſperet de legis obſequio, licetè contrahunt matrimonium pro infirmitatis remedio.

Septimus articulus Wicleſi.

Reſponſio Wodſfordi prima

Patet idem tertio, nam æque eſt fidelitas thori bonum matrimonii, ſicut & proles: ſed non obſtante quòd mulier deſperet de fidelitate viri quoad thorum, & vir ipſe de propria fidelitate, licetè contrahunt matrimonium mutuò, cum non inveniatur prohibitio. Ideo quamvis etiam uterque deſperet de prole, licetè contrahunt adinvicem matrimonium, alio impedimento non exiſtente.

Patet iſtud quartò, quia ſterilitas uxoris non impedit verum matrimonium contractum, ſi ſit legitime probata & ſit notoria: aliàs Sara non fuiſſet verè uxor Abrahæ, cujus contrarium habetur in Geſeſi, in diverſis cap. Ipſa enim notoriè fuit ſterilis in ſenectute, quando per miraculum, & non naturaliter concepit. Nec Anna fuit uxor Helcanæ, quia ſic notoriè erat ſterilis, quod Fenenna exprobravit ſibi ſterilitatem ſuam: cujus tamen contrarium patet primo Regum, primo: Unde propter ſolam ſterilitatem legitime probatam, nunquam facit eccleſia divortium: ſed bene propter impotentiam utendi actu matrimoniali eccleſia facit divortium. Ex quo ergo ſterilitas legitime cognita ſtat cum vero contractu matrimoniali, patet quòd deſperatio de prole ſtat cum vero contractu matrimoniali: erroneè ergo ponitur in articulo, quòd non eſt verè contractus matrimonialis inter ſenes, propter hoc quod deſperet de prole.

Quintò patet idem, quòd generatio prolis non eſt de eſſentia matrimonii, cum nullum poſterius ſit de eſſentia ſui prioris ſecundum tempus: matrimonium autem ſolennizatum præcedit tempore generationem prolis. Unde juſti antiquitus primà nocte poſt matrimonium ſolennizatum, vacabant orationi & devotioni & non operi conjugali. Nec forſan obligatio ad educationem prolis, ſi contingat naturaliter generare prolem, eſt de eſſentia matrimonii. Nec poteſtas naturaliter generandi prolem, eſt de eſſentia matrimonii, cum (ut præmittitur) cognita ſterilitas ſtet cum vero matrimonio. Nec forſan naturalis poteſtas utendi actu matrimoniali requiritur in ſano ad contractum matrimonii, cum ſtet infirmatum, quaſi in articulo mortis, verum contrahere matrimonium: quod paruit ſupra, licet naturalis poteſtas utendi actu matrimoniali requiritur in ſano ad contractum matrimonium. Ex quo ergo naturalis impotentia generandi ſtat cum vero matrimonio, & non ſit de eſſentia matrimonii naturalis potentia generandi, ſed ſtat illa impotentia naturalis in adultis juvenibus cum vero matrimonio: Igitur à fortiori ſtat, ſenes verè contrahere matrimonium, non obſtante tali impotentia naturali. Sufficit enim ſenibus ſanis naturalis potentia utendi actu matrimoniali ad contractum matrimonii, quamvis non ſit in uxore naturalis poteſtas generandi. Et ideo erroneè in capite viceſimo quarto, ubi ponitur iſte articulus, ponitur in deſcriptione matrimonii, licentia, ſive poteſtas procreandi filios: loquendo de poteſtate naturali, ut ipſe loquitur: & erroneè propter hanc cauſam ponit non eſſe verum contractum matrimonii inter ſenes de prole deſperantes, cum hac cauſa non obſtante poſſit inter juvenes eſſe verum matrimonium.

Sextò



61. Sextò patet idem, quòd ecclesia ubique terrarum in quibus consistit, solennizat talia matrimonia inter senes & virum juvenem & mulierem antiquam de prole desperantem, quod non faceret ecclesia solemniter, si essent talia matrimonia illicita, & non vera: ergo hic
72. articulus est contra sententiam ecclesiæ manifestè erroneus. Septimò patet idem, quia tunc omnis juvenis copulatus antiquæ mulieri, & omnis senex tali copulatus, cognoscendo eam carnaliter, peccaret mortaliter: quia extra statum veri matrimonii eam carnaliter cognosceret, & contra divinum præceptum, quod est erroneum & forsitan hæreticum. Et consequenter sequitur, quòd ecclesia graviter peccavit, & adhuc peccat non divortiendo tales; cum scire deberet eos male copulatos & matrimonium inter eos esse non posse, quod dicere est hæreticum.
82. Octavò patet idem, quia non intendens prolem, sed causâ explendæ libidinis præcipuè contrahens matrimonium, nihilominus verè contrahit matrimonium, quia obligat se ad onera matrimonii, ut docet Parisiensis in [de sacramentis] ubi tractat de sacramento matrimonii. Igitur à fortiori non intendens prolem, sed causâ fornicationis vitandæ vel causâ juvenis præcipuè contrahens matrimonium non minus verè contrahit, & à pari desperans de prole verè potest contrahere matrimonium. Et sic inter senes qui causâ vitandæ libidinis vel ex cupiditate temporalium, vel spe mutuatorum juvenum copulantur adinvicem, stat esse verum matrimonium: & dicere oppositum, est falsificare scripturam de matrimonio Abrahæ & Saræ, de matrimonio Helcanæ & Annæ & de matrimonio David & Abisach Sunamitis & multorum aliorum: & oppositum dicere, est dicere ecclesiam errasse turpiter & errare solennizando talia matrimonia inter senes & etiam non divortiendo postquam fuerint solennizata. Et ideo iste articulus est meritò condemnatus.

Pro isto articulo adversarius nullum facit argumentum, nisi quòd supponit matrimonium fuisse primitus institutum in officium pro generatione prolis. Et ex hoc nititur concludere, quòd ubi est desperatio de prole non est verum matrimonium. Sed ostendo, quòd argumentum non valet: quia sic ubi esset desperatio inter conjuges de prole, non esset actus conjugalís inter eos actus verè matrimonialis: & sic, si post conceptionem prolis uteretur eâ maritus ante partum, non esset usus ille verè matrimonialis, cum post conceptionem prolis inter eos sit desperatio de prole generanda usque post partum uxoris; & sic esset usus ille adulterium, vel fornicatio & peccatum mortale; quòd nullus Catholicus diceret. Secundo non valet argumentum, quia licet in paradiso institutum fuerit matrimonium in officium solummodo secundum aliquos: tamen post peccatum ordinatum fuit matrimonium in remedium, & causâ fornicationis vitandæ & propter solatium & juvenem. Et ideo licet fuerit primitus institutum propter prolis generationem & officium, tamen posterius ordinatum erat propter alias causas, propter quas quis potest legitime contrahere matrimonium, licet non propter generationem prolis. Tertiò non valet argumentum, secundum illos qui ponunt, quòd omnes pro statu innocentia, si nullus peccasset, fuissent matrimonio copulati: quia tunc ultimi in omni linea descendente ab Adam, fuissent matrimonio copulati, & nullus talis usus fuisset actu conjugalí, quia ibi fuisset actus conjugalís solum in officium & non in remedium: & ideo nunquam fuisset ibi quis usus actu conjugalí, nisi quando prolem procreasset: & si prolem procreasset, non fuisset ulterius in linea, & ideo nullus ulterius in alia linea usus fuisset actu conjugalí. Et si quilibet fuisset ibi matrimonio copulatus ut dicunt aliqui sapientes, sequitur quòd ibi fuisset matrimonium propter solatium & non in officium, nec propter intentionem prolis generandi: & à multo fortiori, sic potest esse apud nos post peccatum. Et ideo dicitur, quòd non valet argumentum.

Octavus articulus Wilelfi.

Responsio Wodfordi prima.

**O**ctavus articulus condemnatus, ut hæreticus, in suo universali intellectu est, quòd causæ divortii ratione consanguinitatis vel affinitatis sunt infundabiliter humanitus ordinatæ. Unde ad talem universalem intellectum ponit articulum adversarius ut patet ex argumento suo pro articulo. Et quòd sit hæreticus, & contra sacram scripturam expressè, sic ostenditur. Nam pater Genesis secundo, ex ipsa institutione sacramenti, quòd consanguinitas in primo gradu secundum lineam ascendentium & descendentium impedit matrimonium, sic quòd nec filius potest contrahere cum matre, nec pater cum filia. Nam Deus ex institutione matrimonii, dixit, quòd propter hoc relinquat homo patrem & matrem & adhæreat uxori suæ. Aut ergo contra institutionem divinam in sacra scriptura expressam, quòd pater cum filia, aut filius cum matre contrahat matrimonium: & ideo consanguinitas in primo gradu secundum lineam ascendentem vel descendentem, est ex lege divinâ iusta materia causæ divortii.

Patet

Patet hoc secundò, quia xiiii. Levitici prohibitum est viris contrahere in primo & secundo gradu, & hoc undique, supra, infra & juxta. Supra, quia prohibetur ibi viro expressè contrahere cum sorore patris sui scilicet amità, & cum sorore matris suæ, scilicet materterà: & hic est secundus gradus, & supra. Item prohibetur ibi expressè contrahere cum filia fratris vel fororis, & hic est secundus gradus juxta. Item prohibetur ibi expressè contrahere infra se cum filia suâ, & hic est primus gradus. Item cum filia filiæ suæ vel filii sui, & hic est secundus gradus, ita quòd jure divino & jure sacræ scripturæ omnes istæ consanguinitates impediunt matrimonium & dirimunt: & per consequens dicere quòd omnes causæ divortii ratione consanguinitatis sunt infundabiliter humanitus adinventæ, est hæresis contra scripturam, quia satis fundatur 18. Levitici. Patet idem tertio de affinitate, quia prohibetur ibidem contrahere matrimonium cum uxore fratris, si frater habuerit de uxore prolem: & illam prohibitionem propter justam causam divortii allegavit in evangelio Johannes Baptista Herodi dicens, Non licet tibi tollere uxorem fratris tui. Et ibidem præcipitur, quòd nullus accedat ad uxorem alicujus, qui sibi affinitate conjungitur. Et ibi prohibetur conjunctio cum filia uxoris, & cum filia filii uxoris, & cum filia filiæ illius, quia in textu dicitur, talis coitus incestus. Patet ergo ex sacrâ scriptura, quòd causæ divortii, & ratione consanguinitatis, & ratione affinitatis sunt divinitus adinventæ. Et ideo iste articulus est positus expressè contra sacram scripturam, & per consequens est hæreticus. Patet idē quartò, quòd sic hæreticum est asserere pertinaciter, quòd ecclesia militans non haberet potestatem à Christo illegitimandi ex sufficienti causa certas personas ad contractum matrimonii inter se mutuò, & ad legitimandum alias similes: sicut hæreticum est asserere, quòd ecclesia militans non habet potestatem legitimandi certas legitimas personas ad susceptionem sacri ordinis. Cum ergo de facto, ut patet multipliciter in jure Canonico, ecclesia illegitimavit propinque consanguineos ad matrimoniale contractu, & inter se propinque affines ex sufficienti ratione, quâ doctores communiter ponunt: patet quòd hæreticum est asserere secundū universalem intellectū, quòd causæ divortii ratione consanguinitatis vel affinitatis, sunt infundabiliter humanitus adinventæ: cum aliæ sint inventæ à jure divino, & aliquæ humanitus, ex inspiratione spiritus sancti adinventæ sunt & ex sufficienti ratione. Et sic patet, quòd iste articulus est justè ut hæreticus condemnatus. Pro isto tamen articulo 2. cap. 4. lib. arguit adversarius sic:

Tempore primi hominis fratres & sorores fuerunt ex ordinatione divina adinvicem matrimonialiter copulati, & tempore Patriarcharū Abrahæ, Isac & Jacob satis propinque cognati adinvicem fuerunt matrimonialiter copulati: & non subest causa, quare hoc non licet hodie, nisi humana ordinatione, quæ dicit non solum ex cognatione sed ex affinitate amorem inter homines dilatare. Sed causa hæc hominum est nimis debilis inquit. Et sic omnes causæ divortii ratione consanguinitatis vel affinitatis sunt infundabiliter humanitus adinventæ.

Et patet, quia ratio non est alicujus valoris, quia assumit falsum in minori, quod non subest causa quare hoc non licet hodie, nisi humana ordinatione: cum ordinatione divina sit hoc prohibitum modò, ut ex præmissis palam deducitur. Tempore enim primi hominis necessitas ad hoc cogebat, ut frater contraheret cum sorore, cum non esset alia cum qua possset contrahere. Et tempore Patriarcharum pauci fideles erant, & non erat bonum contrahere cum idololatriis, & ideo necessitas cogebat eos accipere cognatos propinquos in conjugium. Post tempora Patriarcharum datà lege & multiplicatione fidelium non erat hoc necessarium. Et ideo extunc tanquam valde rationabile à deo fuit prohibitum: & non solum ab homine, sicut falsè hic assumit. Secundò patet, quòd hæc ratio non est alicujus valoris: quia matrimonium non solum est ordinatum post peccatum propter prolis generationem, sed etiam propter consociationem hominum sanctam & amicitiam multiplicandam. Cum igitur naturaliter homo diligat suas consanguineas propinquas, & è converso, & naturaliter diligat uxorem & ejus cognatas propinquas, major est hominum sancta consociatio, & major multiplicatio amicitie, si recipiantur extraneæ, vel multum remotæ à sanguine in conjugium, quàm si recipiantur de propinquo cognatæ. Et ideo ex hac ratione magnà à deo & ecclesiâ approbatà, non solum prohibita sunt copulæ matrimoniales in primo & secundo gradibus, sed etiam in tertio & quarto. Et ideo falsè assumit in argumento, quòd hæc ratio humanæ prohibitionis est nimis debilis. Nec ad hæc aliquid facit argumentum vel colorem. Tertio patet idem, quòd non valet argumentum, quia conformiter posset dicere, & consimili ratione, quòd licitum est modò eundem habere plures uxores simul: quia tempore Patriarcharum Abrahæ & Isac & Jacob hoc fuit licitum: & quòd licitum est sacerdotibus modò post adeptum sacerdotium, noviter contrahere matrimonium: quia hoc fuit licitum tempore Patriarcharum & veteris testamenti. Nec contra hoc est aliquid positum in jure divino, & tamen nec apud Græcos vel orientales est hoc licitum: licet licitum sit matrimonio copulatos apud eos fieri sacerdotes. Et conformiter posset concedere, quòd omnes causæ divortii

Argumentum  
Wiclefi.

Prima  
Responsio ad  
argumentum.

22.

23.

divortii, ratione solennis voti continentiae sunt infundabiliter humanitus ordinatae : & omnes causae divortii propter servitutem, propter publicae honestatis iustitiam & propter cognitionem spiritalem vel legalem sunt infundabiliter humanitus ordinatae : & per consequens omnes divortii per ecclesiam, sola ratione consanguinitatis, vel sola ratione affinitatis, vel sola ratione ordinis sacri, vel sola ratione solennis voti in professione religiosi, vel sola ratione servitutis prius incognitae, sed post probatae, vel sola ratione spiritualis cognitionis vel legalis, vel solummodo propter publicae honestatis iustitiam, sunt & fuerunt ab ecclesia male divortii, contra illud evangelium Christi : Quos deus coniunxit, homo non separet. Et consequenter sequitur, quod sic divortii nubentes aliis, vixerunt in adulterio medio tempore & in peccato mortali. Et consequenter sequitur, quod omnes leges ecclesiae decernentes talia divortia esse iusta, sunt leges contra evangelium ordinatae & sic haereticales. Et consequenter, quod ecclesia à tempore quo promulgavit illas leges & eas iuste publice definivit, fuerit haeretica. Et multo melius, & multo securius est condemnare articulum istum ut haeticum quam sic condemnare militantem ecclesiam.

Nonus articulus Wiclefi.

Responsio Wodfordi prima.

**N**onus articulus condemnatus ut erroneus est, quod haec verba, Accipiam te in uxorem, eligibiliora sunt pro contractu matrimonii, quam haec verba, Accipio te in uxorem; & quod contrahendo cum una per haec verba de futuro, Accipiam te in uxorem, & post cum alia per haec verba de praesenti, Accipio te in uxorem, non debent frustrari verba prima propter verba secundaria de praesenti. Quod iste sit erroneus, patet Primò ratione, quia ex hoc quod quis promittit se facturum aliquid, non facit illud : sed per ista verba de futuro, Accipiam te in uxorem, solum promittit se accepturum illam in uxorem in futurum : ergo per haec verba sola cum consensu quod accipiam in futuro, non accipit illam in uxorem : sed per haec verba de praesenti, Accipio te in uxorem. Et, Accipio te in maritum cum consensu requisito fit verum matrimonium in actu. Et ideo eligibiliora sunt illa verba de praesenti pro contractu matrimonii, quam illa de futuro. Secundò patet, quod iste articulus est erroneus, autoritate ecclesiae, extra : de sponsalibus libro quarto. cap. Si inter virum & mulierem impub. Et extra : de sponsalibus cap. primo. Tertiò patet quod articulus sit erroneus, ex concordi sententia Theologorum in hac materia super quartum, & iuristarum scribentium in eadem materia. Et ideo iste articulus non est solum ut erroneus, sed ut fatuus condemnandus. Arguit tamen adversarius pro isto articulo tripliciter, & primò :

Argumentum Wiclefi primum.

‘Sicut in verbis qualitercunque aptatis potest esse deceptio : ut dicendo de praesenti, Accipio te in uxorem, potest esse quod mens dicat oppositum, propter complendam voluntatem carnalem. Cum ergo verbum mentis praeponderantius sit verbo oris, & ad verum matrimonium requiritur consensus mentis : sequitur quod non sit necessarium per verba haec de praesenti. Iudices ergo, qui ex nudis verbis iudicant pro matrimonio, iudicant contra iudicium legis dei. Et maledicta (inquam) sit lex huiusmodi, quia iudex coarctat per censuras fictas contrafacere contrariè legi dei.’

Responsio ad primum argumentum prima.

Hic respondeo primò, quod idem argumentum omnino potest fieri de istis verbis, Accipiam te in uxorem, quale ipse facit de istis verbis de praesenti, Accipio te in uxorem, ut cuilibet intuenti patet. Et ideo arguit in hoc contra seipsum. Hic dico secundò, quod magister iiii. sententiarum videtur sentire, quod licet ad matrimonium duo debent concurrere, consensus & verba, vel aliud verbis aequivalens : tamen non requiritur ad matrimonium consensus in matrimonio, sed sufficit consensus in verba matrimonialia cum illis verbis. Nam alias nullus posset certitudinaliter scire, an sit matrimonio copulatus, vel non : cum non possit, nisi per verba & signa cognoscere voluntatem interioriorem. Et hac sententia magistri data, patet, quod non valet argumentum : quia quantumcunque mens non consentiat ad verum matrimonium, consentiat tamen in casu argumenti in verba matrimonialia. Et iste consensus cum prolatione verborum sufficit pro matrimonio secundum opinionem istam. Hic dico tertiò, quod magni doctores tenent contra sententiam magistri, dicentes, quod requiritur verus consensus in matrimonium ad matrimonium, & quod non sufficit consensus in verba matrimonialia. Et consequenter tunc dicendum est ad argumentum, quod in casu argumenti mulier debet supponere virum consensisse, quousque habet evidentiam ad oppositum. Et sic debent iudices supponere virum consensisse, quousque oppositum ostendatur evidenter, quod tamen ostendere in foro judiciali, est valde difficile. Nec peccat mulier medio tempore, reddendo debitum, sed debet certitudinaliter credere se esse veram uxorem, quousque ostendatur evidenter oppositum.

Et

Et consequenter dicendum, quòd non fit matrimonium per sola verba hujusmodi de præsenti, quia ultra requiritur consensus: nec iudices judicant ex nudis verbis ibi esse verum matrimonium, ut falsè supponit in argumento, sed judicant ex verbis illis de præsenti, & suppositione consensus, quæ supponere tenentur, quousq; habeant evidentiam in oppositum: tamen non debent male sentire de viro sine causa manifesta vel evidenti. Et sic patet quomodo peccat argumentum. Hic dico quartò, quòd erroneè supponit in argumento, quòd omnis lex est maledicta, quia iudex coarctat per censuras facere contrariè legi dei: cum iudex per censuras in foro publico debeat in certis casibus compellere ad illud, ad cuius contrarium debet consulere in foro poenitentiali, & secundum legem dei: ut cum iudices seculares ignorantes omnino veritatem negotii, nisi quatenus per \* duodenam informati lege iusta sentiant secundum sententiam duodenæ: quamvis duodena ex malitia, vel ex cupiditate, vel timore, vel ex errore sentiat contra veritatem, & contra legem dei: aliàs periret ius commune. Secus tamen foret secundum aliquos doctores, si iudex sciret in conscientia sua aliunde, sententiam duodenæ fore falsam. Patet ergo, quòd undique peccat illud argumentum. Secundò arguit adversarius sic:

Hæc verba de præsenti Accipio te in uxorem, quando proferuntur, sunt falsa: ergo contractus per ea factus, est contractus falsus, quem deus non approbat. Assumptum arguit sic: Falsum est in prolatione verborum, quòd nunc capio te in uxorem: quia sic subito foret matrimonium completum & non ulterius aliquid implendum: quod contradicit, inquam, Legistis illius sententiæ & usui ecclesiæ.

Hic breviter respondetur, quòd verba primò dicentis, Accipio te in uxorem, istum sensum habent subintellectum, quantum ex parte mea est. Et cum isto subintellectu sunt verba vera, & tamen per illa sola non est matrimonium utrobique. Sed cum mulier dixit prius, Accipio te in maritum meum, vel aliquid æquivalens, tunc est completum matrimonium: & iurista non contradicunt in hoc, nec usus ecclesiæ: licet dicant iuristas matrimonium nondum esse consummatum, tamen tamen quod est ibi tunc completum matrimonium & sacramentum. Et sic patet, quòd non valet argumentum. Tertiò arguit idem Sophisticè.

Si per verba illa de præsenti fit matrimonium, ita quòd illis ritè prolatis sit primò matrimonium, tunc sequitur oppositum in adjecto, quia cum vox quando definit esse, non est, ex quo hæc verba tunc non sunt, non faciunt matrimonium, tunc nec sunt matrimonio compossibilia, & ideo non potest fieri matrimonium per illa verba de præsenti.

Hic respondeo primò, quod consimile argumentum potest fieri de illis verbis, Accipiam te in uxorem, quæ ponit eligibiliora esse pro matrimonio contrahendo: quia ante prolationem verborum non est matrimonium ibi, & facta prolatione omnino non est sicut nec illa de præsenti. Hic respondeo secundò, quòd, si iste modus arguendi esset bonus, destruerentur omnia sacramenta ecclesiæ. Nam non est in altari sacramentum eucharistiæ ante prolationem verborum sacramentalium: & facta prolatione, verba non sunt: & ex quo non sunt, tunc non fit per illa sacramentum in altari. Tunc consimiliter sacerdos quando baptizat, dicit, Ego te baptizo in nomine Patris & Filii & Spiritus sancti: ante finem verborum non est ibi sacramentum baptismi, & in fine verborum verba non sunt: ergo non fit per verba illa baptismus sacramentalis. Hic respondeo tertiò, quòd, si iste modus arguendi esset bonus, non solum destrueretur Theologia, sed etiam Philosophia. Nam cum dicit Astronomus, sol est nunc in tali puncto vel in tali aspectu, cum non sit ibi per tempus sed per nunc, & oratio currat per tempus, ex quo est res successiva: quomodo possit concurrere existentia orationis, cum de veritate rei certum est quòd est impossibile? Et consimile argumentum potest argui de omnibus instantaneis, de quibus tractat philosophia. Dico ergo finaliter ad argumentum, quòd duplex est veritas orationis vocalis: veritas suæ existentia, quam non habet simul sed successive, & definit hæc veritas in fine orationis. Alia est veritas suæ significationis, quæ non competit sibi ex se & secundum se, sed in ordine ad intellectum concipientis vel concipientium. Quamvis ergo oratio talis, quando est in suo termino, non sit aliquid in sui existentia, est tamen tunc in memoria & apprehensione concipientis vel concipientium, potius quam antequam fuit in sui existentia successiva, & magis habet rationem signi & veritatem suæ significationis. Et ideo licet illa verba non sint compossibilia in sua existentia successiva cum illo matrimonio: sunt tamen componibilia prout sunt in memoria concipientium & quando habent veritatem suæ significationis. Et dato absolute, quòd non essent matrimonialiter compossibilia, ex hoc non sequitur, quòd per illa verba forma non est generationis & inductioni formæ componibilis: ergo per illam alterationem non fit inductio formæ, nec etiam sequitur motus successivus, quo acquireretur quies & terminus motus. Patet in multis exemplis, quòd non valet talis modus arguendi, & ideo argumentum adversarii nihil concludit.

\* i.e. Sententiam 12 hominum in causam aliquam iniquitatem, iudici declaratam, pro consuetudine Angliæ. Argumentum Wiclef secundum.

Responsio ad argumentum.

Argumentum Wiclef tertium.

Responsio ad argumentum prima.

22.

32.

42.

Decimus articulus Wicliſi.

Reſponſio  
Wodford.

Nona bene,  
quod Cardinales ſunt inſtituti à Petro.

Prælati arguit ex Legenda (lig. nã c.) 107. De Officialibus & Decanis nihil legit author.

Monachi inſtituti ab Apoſtoliſ.

\* Si ab Apoſtoliſ tunc ceſſiſſime Apoſtolorum tempore: ſed tunc Dionyſius nihil probat niſi eam & ipſius ignorantiam.

\* Legend. 135. Canonici regulares.

**D**ecimus articulus condemnatus, eſt, quòd iſti duodecim ſunt procuratores Antichriſti & diſcipuli Antichriſti: Papa, Cardinales, Patriarchæ, Archipræſules, Epiſcopi, Archidiaconi, Officiales & Decani, Monachi & Canonici Biſurcati, Pſeudo fratres introducti jam ultimò & Quæſtores. Et patet ex proceſſu; quòd loquitur de iſtiſ ſecundum ſtatus eorum & generali locutione. Et patet tunc, quòd iſte articulus eſt meritò condemnatus, quia ſtatus Papaliſ eſt à Chriſto inſtitutus, quando præpoſuit Petram non ſolùm militanti eccleſiæ ſed etiam collegio Apoſtolorum, prout ſic clare ex ſacra ſcriptura. Dominus Armachanus libro de quæſtionibus Armenorum: Status ergo papaliſ ſanctus & bonus: cujuſ oppoſitum, quia contra ſacram ſcripturam, eſt hæreticum. Et aliter nec Petrus, nec aliquis aliuſ ſanctus, Papa fuit poſt aſcenſionem Chriſti. Cardinales etiam à Petro fuerunt inſtituti, licet non ſub nomine illo: quia antiquitus in eccleſia primitiva, illi qui dicuntur nunc Cardinales, dicebantur præbyteri eccleſiæ Romanæ. Patriarchæ & omnes archiepſcopi à Petro fuerunt inſtituti, ſicut ex prædictiſ palam patet. Ipſi à Chriſto fuerunt inſtituti, quando fecit Apoſtoliſ epiſcopoſ, & Apoſtoliſ epiſcopoſ inſtituerunt per civitateſ, ut in ſacra ſcriptura palam habetur. Archidiaconi fuerunt ab Apoſtoliſ inſtituti, ſicut & diaconi. Unde & in legendâ, quia utitur Curia Romana, in feſto inventioniſ ſancti Stephani, ſic habetur: Corpus protomartyriſ in Syon ad ſanctam eccleſiam, ubi Archidiaconuſ fuerat ordinatuſ, cum pſalmiſ & hymniſ detulerunt. Fuit ergo ſanctus Stephanuſ archidiaconuſ, & non niſi per apoſtoliſ. Nec conſtat de Officialibuſ & Decaniſ, an ab Apoſtoliſ fuerint inſtituti. Ignoro, quia nihil ſuper hoc recolome legiſſe: unum tamen ſcio, quòd multa fecerunt Apoſtoliſ & tradiderunt, quæ ſcripta non ſunt. De monachiſ certum eſt, quòd Apoſtoliſ monachoſ inſtiguerunt & monialeſ: & quòd tempore Apoſtolorum inſtituti fuerunt & monachi & monialeſ. De monachiſ patet per Dionyſium contemporaneum Apoſtolorum in libro ſuo de eccleſiaſtica Hierarchia, ubi ponit expreſſe: perfeſtorum hominuſ excelliſ ordo monachorum eſt. Et ponit, quòd divini duceſ, quos vocavit Apoſtoliſ, à cognominationibuſ ipſoſ ſacriſ dignificaverunt. Hi quidem therapeuteſ, id eſt, dei famuloſ: hi autem monachoſ nominanteſ, ex dei puro ſervitio & ſingulari vita. Idem patet de monachiſ in prologo lib. Johanniſ Caſſiani, de inſtitutiſ monachorum, 5. lib. cap. 6. ubi declarat quomodo Marcus Evangeliſta monachoſ primò inſtituit in Alexandria. In hiſtoria ſancti Matthæi Apoſtoliſ habetur, quomodo conſecravit Iphigeniam filiam regiſ ſacro velamine, & ducentiſ virginibuſ deo dicatiſ præpoſuit. Et conſimile ſtabetur de Pelargia filia regiſ, in hiſtoria S. Thomæ Apoſtoliſ: & Eccleſiaſtica hiſtoria libro 2. cap. 1. alia recitat conſimilia ex teſtimonio Philoniſ, qui fuit contemporaneuſ Apoſtolorum & vidit converſationem illorum monachorum.

De Canoniciſ regularibuſ, non legi adhuc quòd fuerunt tempore Apoſtolorum: ſed quòd inſeperunt tempore Urbani primi, & poſt reſormati fuerunt tempore ſancti Auguſtini monachi. Cluniacenſeſ monachi, Carthuſienſeſ monachi, Ciſtertienſeſ monachi & Canonici Præmonſtratenſeſ inſeperunt procedente tempore ſub ſanctiſ patribuſ: ſicut & fratres Prædicatoreſ & Minoreſ. Quorum omnium ſtatus, univerſaliſ eccleſia approbavit & confirmavit, tanquam ſanctòſ à deo ſpecialiter charoſ. Sed etiam & ſtatus Auguſtiniſum & Carmelitarum. De Quæſtoribuſ loquendo, prout bona intentione colligunt pecuniã, vel aliaſ eleemoſynaſ pro ſuſtentatione pauperum & infirmorum debiliuſ, vel pro ſuſtentatione pauperum religioſorum qui poſſeſſioneſ immobileſ reliquerunt: ſic exemplati ſunt & fundati in Apoſtolo Paulo & aliis Apoſtoliſ, qui valde ſoliciti erant procurare pecuniã & eleemoſynaſ pro ſuſtentatione illorum pauperum in Hieruſalem, qui reliquerunt domoſ & agroſ. Nam licet in principio non erat egent inter illoſ: poſt tamen multum indiguerunt, & pro illiſ ſupra omne genus pauperum Apoſtoliſ ſoliciti fuerunt. Ponere ergo omneſ iſtoſ ſtatus condemnabileſ, qui ſunt à Chriſto inventi vel ab Apoſtoliſ vel ex approbatione & confirmatione univerſaliſ eccleſiæ dei, eſt ponere articuluſ ſatiſ hæreticuſ, quem ponit adverſariuſ in Trialogo. Et inde blaſphemia, non ſolum perſonaſ paucãſ condemnando, ſed etiam ſtatus, ut patet ex proceſſu multipliciter librorum ſpecialiter tertii & quarti, & ejuſ ſupplementi. Et ideo articuluſ iſte ſic poſituſ generaliſ intentione, prout comprehendit ſtatus, eſt articuluſ plenè hæreticuſ. Unde 26. cap. lib. 4. ponit articuluſ iſtum. Immediatè ſubjungit ſub iſtiſ terminis.

Omneſ iſti duodecim ſpecialiter prælati Cæſarej, & fratres inſundabiliter introducti, ſunt manifeſtè Antichriſti diſcipuli.

Per Prælateſ Cæſareoſ, intelligeſ prælateſ poſſeſſionibuſ dotatoſ. Et per fratres inſundabiliter introductoſ, fratres quatuor ordinum. Ex quo patet, quòd univerſaliter & generaliter



raliter loquebatur de omnibus istis duodecim, nullum excipiendo. Capite etiam sexto supplementi quarti sic dicit: Christus enim sciens, tantū diligens sponfam suam, noluit ornare ipsam cum aliquibus ordinibus, nisi quorum species ipse docere voluit in scriptura. Sed in scriptura non docet aliquam speciem ordinis de cap. Antichristi: ergo non est de beneplacito suo, quod sint tales. Et statim addit capitulum istud in istis speciebus duodecim, in quibus continentur Papa, Cardinales, Patriarchæ, Archiepiscopi, Episcopi, Archidiaconi, Officiales & Decani, Monachi & Canonici, Fratres de quatuor ordinibus & Quæstores.

Ex quibus sequitur manifestè, quod omnes status istorum duodecim, ponit in cap. Antichristi & à Christo non fundatos: & ideo ex processu lib. pater, quod iste articulus ad intentionem suam acceptus, est plenè hæreticus, &c.

Pro isto articulo, quoad prælatos & alios possessionatos arguit per hoc, quod ratione possessionum sunt contrarii legi Christi, & per consequens discipuli Antichristi.

Sed ad istud argumentum erit plenè responsum, tractando de articulo undecimo. De articulo duodecimo, quoad religiosos homines religionis privatæ, sive possessionatos, sive mendicantes, ponit eos infundabiles in fide scripturæ: & sic in cap. Antichristi, arguit eos imperfectiores aliis. Imò arguit, communem religionem Christianam quacunque religione privatâ perfectiorem, per hoc argumentum:

'Sicut patronus ad patronum, sic ordo ad ordinem: sed Christus patronus communis religionis est in infinitum perfectior patronis religionum privatarum, Augustino, Benedicto, Dominico & Francisco: ergo communis religio Christiana, quacunque religione privatâ est perfectior quodammodo infinitè.

Argumentum Wiclef.

Istam rationem ponit 32. cap. quarti. Et iterum 5. cap. supplementi, & inculcat eam in diversis cap. tanquam aliquid magni. Dico ergo primò ad istud argumentum, quod ex isto modo arguendi sequuntur errores philosophiæ magni. Nam sequitur, quod materia prima est perfectior toto composito ex materia prima: quia signo leonem naturaliter generatum ab alio leone. Et arguo sic: Sicut author ad authorem, productor ad productorem, sic productum ad productum: sed Deus se solo produxit materiam istius leonis, & unus leo in infinitum minus perfectus produxit hunc leonem: ergo ista materia prima est perfectior quodammodo infinitè isto leone cuius est materia. Patet antecedens, & modus arguendi est suus. Secundò sequitur, imperfectum speciei inferioris esse naturaliter perfectius individuo valde perfectæ speciei superioris: ut muscam esse naturaliter perfectiorem homine perfecto, & leone perfecto: quia stat muscam etiam imperfectâ produci à solo Deo & à solo Deo fieri, quando homo valde perfectus producitur, & fit ab homine: & sicut author ab authore, sic factum: sequitur ergo conclusio. Tertiò etiam sequitur, quod stat hominem cæcum, claudum & mutum, cæteris aliis paribus esse perfectiorè homine pulchro habente vivacitatem quinq; sensuum & omnia membra pulchra: quia stat illum esse à solo Deo, istū pulchrum à puro homine esse productum. Et tales errores philosophici sequuntur in magno numero ex modo arguendi. Hic dico secundò principaliter, quod ex eo modo arguendi sequuntur errores Theologici. Nam primò sequitur, quod anima Judæ proditoris est perfectior humanitate Christi: quia illa anima à solo Deo est creata, humanitas Christi est producta à beata virgine. Et sicut author ad authorem, sic productum ad productum. Cum ergo Deus author animæ Judæ, sit in infinitum perfectior beatâ virgine, sequitur conclusio. Secundò sequitur, quod si tunica illa rudis pellicea, quam post peccatum Deus ordinavit pro primo parente, non esset quacunque tunica de scarleto, vel panno aureo ab homine facta perfectior, patet conformi modo arguendi. Tertiò sequitur, quod hostia consecrata à Christo in cena sua, esset quacunque hostiâ, quæ à beato Petro consecrata foret, infinitè quodammodo perfectior: quia sicut author ad authorem, ita autorizatum ad autorizatum. Sed Christus est in infinitum perfectior Petro: ergo consecratum à Christo, est in infinitum perfectius consecrato à Petro. Et tales errores quasi sine numero sequuntur ex modo arguendi. Et si dicat adversarius ad ista, quod Christus est author consecrationis Petri magis quàm Petrus, & tunica de scarleto magis quàm homo, & humanitatis suæ magis quàm beata virgo, & hominis & leonis plus quàm homo vel leo: sic dico sibi, quod religionis Augustini multo plus est Deus author quàm Augustinus: & religionis Benedicti, multo plus quàm Benedictus: & religionis Francisci, multo plus est Deus author quàm Franciscus. Et hoc dicerent omnes catholici. Et patet tunc, quod argumentum nihil concludit: quia nullius rei positivæ vel bonæ est creatura author: quando illius sit Deus multo magis author. Et ideo nullatenus concludit argumentum. Dico tertiò ad argumentum, quod cuiuslibet religionis privatæ ab ecclesia approbatæ, substantiales & principales observantiæ sunt de lege sacra scripturæ: quia sunt mandata, & tria consilia evangelica principalia, paupertas expropriaria, castitas coelibata & obedientia consiliaria: & hæc omnia sunt de lege evangelica & lege scripturæ. Diversas tamen contradictiones continet religio privata, quæ non ponuntur in sacra scriptura, & diversas traditiones continet communis

Responso ad argumentum prima.

22.

32.

nis religio Christiana, quas non continet sacra scriptura. Nam traditio de signatione Crucis signo, est traditio perfecta: cū dicat Augustinus, quod signare se signo Crucis, sit actus Christianissimus, & ea utitur tota communis religio Christiana catholica, tanquam traditione perfecta, & tamen non continetur in sacra scriptura hæc traditio, ut patet in Canone dist. 11. cap. ecclesiarum. Traditio de solennizatione ordinaria diei dominicæ est traditio perfecta, observata ab omnibus catholicis, quæ tamen non continetur in sacra scriptura, sed potius de solennizatione sabbati continetur in scriptura, de translatione solennitatis sabbati in solennitatem dominicæ nihil explicitè ponitur in scriptura. Sed est hæc traditio apostolica, non scripta in scriptura. Similiter traditio de solennizatione Assumptionis gloriæ virginis, non continetur in sacra scriptura, quæ tamen rectè observatur à communitate catholicorum. Et sic est de multis aliis festivitibus. Similiter traditio de jejuniis quatuor temporum illis temporibus & diebus, in quibus communitas ecclesiæ illam observat, non est posita in sacra scriptura: quia jejuniis quatuor temporum quod ponitur in scriptura, fuit jejuniis quarti, quinti, septimi & decimi, ut patet per Zachariæ 8. & sic illa quatuor fuerunt in Julio, Augusto, Octobri & Januario, ut patet per Hieronymum in originali super Zachariam prophetam. Communitas Christiana observat jejunia quatuor temporum aliis temporibus, ut patet in eodem 78. cap. hujus observantiæ statuimus. Sicut constitutio ab omnibus catholicis sanis & adultis observata est à carnibus abstinentia per 40. dies immediate ante Pascha: quæ traditio non continetur in sacra scriptura. Unde nec Christus in illo tempore jejunavit, sed immediate post Epiphaniam. Et sic est de valde multis traditionibus aliis, quas supra legem sacre scripturæ observat communitas religionis Christianæ. Et satis perfectè, imò iniquè faceret, si quis traditiones tales non observaret. Et consimiliter religiosi religionis privatae observant multas traditiones privatas, quas non continet sacra scriptura ad literam satis perfectè. Unde & Petrus apostolus traditionem de surgendo & flendo singulis noctibus in galli cantu observavit, quam nec alii apostoli observaverunt. Beatus Jacobus multas traditiones, etiam non scriptas in sacra scriptura, observavit: ut patet in vita sua, quas alii apostoli non observaverunt, nec alii catholici. Bartholomæus apostolus centies die & nocte genufexit, quam traditionem non scriptam in sacra scriptura alii apostoli non observaverunt. Monachi etiam ab apostolis instituti, multas traditiones non contentas in sacra scriptura literaliter observaverunt, prout tradit Dionysius in de ecclesiastica Hierarchia expressè, & illas observaverunt ex apostolica ordinatione, & communitas Christiana ad illas non fuit obligata. Et sic fuit de monialibus ab apostolis institutis. Falsè ergo assumit adversarius, quod religiones privatae sunt infundabiles in fide scripturæ, si loquatur de principalibus eorum observantiis. Si de secundariis traditionibus loquitur: sic & secundariæ traditiones observatæ in communi religione Christiana, sunt conformiter infundabiles in fide scripturæ sacre, ut præmissum est, & tamen hoc non est religio communis Christiana in cap. Antichristi. A pari nec propter hoc est aliqua religio privata in cap. Antichristi: Alias rationes contra religiones privatas facit in tractatu suo de religione: quæ si forent bene reportatæ, sequerentur non solum errores multi, sed etiam hæreses multæ, & destructio fidei Christianæ, sicut & alias in quadam publica determinatione Oxoniæ declaravi, & in qua ad illa argumenta respondi. Unde videtur, quod adversarius fuit hæreticus, de hæresi \* Heradicarum vel Hermodistarum, quia ipsi fuerunt condemnati, pro eo quod monachos non recipiunt, ut patet in Canone 24. quæst. 3. cap. penultimo.

Tractatus Johannis Wiclef de religione. Wodfordus determinavit publicè in Acad. Oxon. contra Wiclefsum.

\* Ita est in utroque exemplari impresso. In illo autem canone nulli sunt hæretici eo nomine censi: occurrunt quidem Eraclitæ ab Eraclio sic dicti, qui monachos tantum & monachas & conjugia non habentes in communionem receperunt: currit igitur autor conspicio; sicut & ipse Compiler canonum; In Augustino enim, unde desumpsit istum catalogum, non dicuntur Eraclitæ ab Eraclio, sed Hieracitæ à quodam Hieracha sic appellati.

Undecimus articulus Wiclef.

Responsio Wodfordi prima.

**U**ndecimus articulus pro hæresi condemnatus, est, quod númerorum 18. Ezechielis 44. præcipitur simpliciter negativè, quod nec sacerdotes Aaronitæ, nec levitæ habeant partem hereditatis cum aliis tribubus: sed quod purè vivant de decimis & oblationibus. Quod autem iste articulus sit hæreticus patet, eo quod expressè contra sacram scripturam sit. Patet primò, Numerorum 35. ubi sic locutus est dominus ad Moysen dicens: Præcipe filiis Israel, ut dent levitis de possessionibus suis urbes ad habitandum, & suburbana eorum per circuitum, ut ipsi in oppidis maneant, & suburbana sint pecoribus & jumentis, quæ à muris civitatum forinsecus per circuitum mille passuum spacio tenduntur contra orientem: duo millia erunt cubitos, tot ad meridiem, tot ad occidentem, tot etiam ad septentrionem. Et de ipsis oppidis levitarum, sex erunt civitates refugii, & exceptis his alia 42. oppida, cum suburbanis suis, & consequenter eodem ca. ostenditur, quomodo ipsis urbes deberent dari de possessionibus filiorum Israel. Et Josue 21. cap. habetur expressè de tribubus Juda, Symeon & Benjamin habuerunt tredecim civitates de tribubus Ephraim & Dan, & dimidia tribu Manasse decem civitates de tribubus Ruben,

Gad,

Gad & Zabulon : Duodecim urbes de tribubus Issachar, Aser & Nephtholim, & dimidia tribu Manasse, tredecim civitates. Et post subditur in textu, Dederunt filii Israel Levitis civitates & suburbana eorum, sicut præcepit dominus: ergo ex divino præcepto habuerunt partem hæreditatis cum aliis tribubus quadraginta octo civitates, & suburbana earum, quæ vendi poterant, ut patet Levit. 25. quia possessiones sempiternæ erant. Est ergo planè contra sacram scripturam, quod Levitæ non haberent partem hæreditatis cum aliis tribubus. Bene tamen verum est, quod in prima divisione terræ Judæ non debuerunt habere partem hæreditatis cum aliis tribubus: sed tamen facta prima divisione terræ, tenebantur divino præcepto aliæ tribus dare eis quadraginta octo civitates & suburbana illarum, ut pater planè ex præmissis, & ideo adversarius hæreticè erravit, male intelligendo textum: quia non præcipiebatur simpliciter negativè, quod non haberent partem hæreditatis cum aliis tribubus, ut in præmissis palam ostensum est: Sed præcipiebatur (ut jam dictum est) ne haberent partem talem in prima divisione terræ. Ex alio capite patet ex præmissis, articulum esse hæreticum: quia habuerunt Levitæ suburbana quadraginta octo civitatum, sic quod essent milliæ circa murum cuiuslibet civitatis, pro pascuis pecorum & jumentorum: ergo ex textu palam patet, quod partim deberent vivere de nutrimento, multiplicatione animalium suorum: ergo non purè de decimis & oblationibus, ut dicit articulus iste. Patet secundo, quod articulus est hæreticus, quia contra scripturam Levit. 25. ubi sic: Qui venderit domum infra urbis muros, habebit licentiam redimendi, donec unus impleatur annus. Si intra anni circulum non fuerit redempta, emptor & posterius eius possidebunt eam in perpetuum: & redimi non poterit, etiam in anno Jubilæo. Aedes vero Levitarum, quæ in urbibus sunt, semper redimi possunt: & si redemptæ non fuerint in Jubilæo, revertentur ad dominos suos: quia domus urbium Levitarum, pro possessionibus sunt inter filios Israel: ergo Levitæ habuerunt possessiones Dei voluntate inter alias tribus: & per consequens, hic articulus contrarius est scripturæ. Tertiò patet idem, quia est expressè contra sacram scripturam Levit. ultimo, ubi fit mentio de voto agrorum: ubi expressè patet, quod si vovens agrum domino, habuit illum ex sua hæreditate, si volebat illum redimere, ita quod per quintam partem pecuniæ plus daret, quam alius pro agro: sed si nolebat eum redimere, debuit alteri vendi, & ex tunc vovens non poterat ipsum redimere. Sed in anno Jubilæo sanctificatus erat domino, & tanquam possessio consecrata ad jus pertinebat sacerdotum, ut patet ex textu. Licet ergo in prima divisione terræ Israel, non habuerint sacerdotes illius temporis possessiones agrorum, habuerunt tamen postea possessiones agrorum ex votis fidelium, & sic erant illorum, quod alienari nunquam debuerunt. Unde cap. 2. sic scribitur. Omne quod Domino consecratur, sive homo fuerit, sive animal, sive ager, non vendetur neque redimi poterit. Patet ergo, quod poterant inter alias tribus habere ordinatione divina perpetuas agrorum possessiones. Est ergo hic articulus contrarius sacræ scripturæ, & sic hæreticus. Patet idem quarto, quia Actuum 4. cap. 4. patet, quomodo omnes possessores domorum aut agrorum, vendentes afferebant pretia ad pedes Apostolorum, & quomodo inter illos Ioseph, qui cognominatus est Bariabas ab apostolis, Levites, Cyprius genere, cum haberet agrum, vendidit illum & posuit pretium ante pedes apostolorum. Super quo textu doctor de Lyra docet, quod licet Levitæ non haberent agros in terra Judæ, puta ad seminandum: poterant tamen licitè habere tales agros in terra aliena. Et sic habuit sanctus Levita iste, ut scriptura testatur. Unde Num. 18. ubi datur præceptum de non possidendo agros, sic scribit: Dixit dominus ad Aaron, in terra eorum nihil possidebitis, nec habebitis partem inter eos. Non dicit simpliciter, nihil possidebitis: sed dicit, quod in terra eorum, & terra Judæ nihil possidebitis, nec habebitis partem inter eos: quod intelligere oportet per primitivam divisionem terræ. Poterant ergo licitè habere possessiones agrorum extra terram Judæ. Non erat ergo eis præceptum simpliciter negativè quod non haberent possessiones agrorum, de quibus possent vivere: cum illas poterant vendere & sic fecerant tempore captivitatis suæ. Patet ergo, quod multipliciter est iste articulus contrarius sacræ scripturæ. Et quod adversarius male intellexit auctoritates scripturæ quas allegat. Quintò patet idem ex ultimo cap. Ezechielis prophetæ, ubi describitur secunda divisio terræ Judæ, quæ fieri debuit post captivitatem: quæ longe alia debuit fuisse ab illa, quæ facta erat sub Josue, ut docet doctor de Lyra super 42. cap. Et in hac secundaria divisione terræ Judæ, una pars magna assignata fuit sacerdotibus, alia minor Levitis, & alia principibus: & hæc patent ad 42. cap. usque in finem libri: & patet ibidem per doctorem de Lyra, quamvis propter peccata divisio fuit impedita, sicut & multa alia, sic quod ex isto processu patet, quod non simpliciter negativè fuit à Deo præceptum, ne sacerdotes & Levitæ haberent partem hæreditatis cum aliis tribubus, cum in secundaria divisione magna pars fuerit eis assignata cum aliis tribubus. Et sic patet ex scriptura, quod iste articulus est contrarius sacræ scripturæ, & per consequens est hæreticus. Sextò patet idem primi Eldræ secundo cap. in quo describitur multitudo ascendentium in Hierusalem, & in terram Judæ

post captivitatem & transmigrationem Babylonis. Ubi patet, quòd de sacerdotibus ex una linea ascenderunt nonaginti septuagintates, ex alia mille ducenti quadraginta, ex alia linea mille decem & septem. Et ibi patet quòd & de levitis ascenderunt septuaginta, de cantoribus centum viginti, de janitoribus centum triginta novem: de Nathinæis & filiis servorum Salomonis trecenti nonaginta duo. Et sequitur post in fine cap. Habitaverunt ergo sacerdotes & levitæ, cantores & janitores & Nathinæi in urbibus suis, universusq; Israel in civitatibus suis. Ex quo patet, quòd sacerdotes & levitæ & alii officarii templi habuerunt urbes inter fratres suos Israelitas. Et sic patet quòd non erat præceptum simpliciter negativè, ne haberent partem hæreditatis cum aliis tribubus, & quòd sit hæreticum & contra sacram scripturam

74. contrarium asserere. Septimò patet quòd est multipliciter contra sacram scripturam, quòd sacerdotes & levitæ purè deberent vivere de decimis & oblationibus: ut patet primò de animalibus quæ nutriebant Levitas in suburbanis quadraginta octo civitatum, cum de ipsis animalibus & multiplicatione eorum vixerint levitæ in parte, non purè de decimis & oblationibus. Ut patet secundò de agris Deo per votum sanctificatis, quando voventes habuerunt illos jure hæreditario & nolebant illos redimere, ubi agri à primo Jubilæo post votum erant perpetuò de jure sacerdotum, ut præmittitur, & de profectu illorum agrorum debuerunt in parte vivere & non purè de decimis & oblationibus. Patet tertio, quod non solum vixerunt de decimis & oblationibus, sed & de primitiis, ut patet multipliciter in scriptura. Habuerunt sacerdotes primitias hominum, animalium, frugum & fructuum, ex quibus multa valde bona habuerunt, ut diffusè aliàs declaravi in epistola missa domino Herefordensi contra librum Walteri Britta. Patet hoc quartò de possessionibus quas habere poterant licitè extra terram Judæ, & quas de facto habuerant tempore captivitatis eorum, ut præmittitur. Patet hoc quintò de restitutionibus vagis: quia ut patet Numerorum quinto, si non inveniretur qui de jure debuit restitutionem recipere, sicut est in omni restitutione vaga, danda erat restitutio Deo, & erat sacerdotum: & restitutiones veteris testamenti majores erant restitutiones quàm restitutiones testamenti novi. Nam apud nos sufficit restituere æquale: sed quinto Numerorum patet, quòd si restitutio fiebat ex contritione, & liberè ablatum, non solum debuit restitui, sed quinta pars superaddi. Et Exodi 22. patet, quòd si quis furatus fuisset bovem aut ovem, & occidisset vel vendidisset, quinq; boves pro uno, & quatuor oves pro una debuit restituere: quod si non vendidisset nec interfecisset, sed inventum fuisset furtum apud eum qui furatus est, duplum debuit restituere: & sic fuit de aliis restitutionibus. Ex quo ergo tunc lege Dei omnes restitutiones vagæ erant debite sacerdotibus, de quibus potuerunt licitè vivere, patet quòd non pure debuerunt lege Dei vivere de decimis & oblationibus: & sic patet, quòd multipliciter ille articulus repugnat sacræ scripturæ. Quapropter meritò pro articulo hæretico est condemnatus.

Argumentum  
Wiclef.

Pro isto articulo non arguit adversarius, nisi quod allegat ex decimo octavo Numerorum illam auctoritatem: Dixit dominus ad Aaron, in terra illorum nihil possidebitis, nec habebitis partem inter eos: Ego ero pars tua & hæreditas tua in medio filiorum Israel, filiis Levi dedi omnes decimas Israel in possessiones. Ex Deuteronomio 18. aliam sic dicentem: Non habebunt sacerdotes & levitæ, & omnes qui de eadem tribu sunt, partem & hæreditatem cum reliquo Israel, quia sacrificia domini & oblationes ejus comedent, & nihil aliud accipient de possessione fratrum suorum. Et Ezechielis 44. allegat aliam auctoritatem in his verbis: Non erit sacerdotibus hæreditas, quia ego hæreditas illorum: & possessiones non dabitis eis in Israel: Ego enim possessio eorum. Ex quibus concludit, quòd fuit præceptum simpliciter negativè, quòd nec sacerdotes Aaronitæ, nec levitæ haberent partem hæreditatis cum aliis tribubus, sed quòd purè viverent de decimis & oblationibus.

Responsio ad  
argumentum.

Quantum ad istum respondeo, quòd adversarius nimis superficialiter consideravit scripturas istas, quia non præcipitur quòd non haberent partem hæreditatis simpliciter, sed quòd non haberent in terra Judææ. Offensum enim est, quòd poterant licitè habere in aliis terris. Nec præceptum erat simpliciter, quòd non haberent partem hæreditatis in terra Judææ, sed quòd non haberent in prima divisione terræ partem cum aliis tribubus. Offensum est enim prius, quòd tenebantur aliæ tribus dare levitis 48 civitates in terra Judææ & suburbana illarum, & postquam terra fuerat illis divisa. Et offensum est, quòd sacerdotes licet non poterant habere agros ad seminandum in prima divisione terræ: quòd poterant tamen habere postea ex voto fidelium, quando voventes habuerunt illos ex jure hæreditario, & non ex emptione. Et offensum est prius, quòd post transmigrationem Babylonis & in secunda terræ divisione habuissent sacerdotes unam partem terræ magnam ex divino præcepto, & levitæ aliam terræ partem inter fratres suos aliarum tribuum, si non obstitisset peccatum. Et ideo istæ auctoritates sumptæ ad sensum sacræ scripturæ, & prout concordant cum aliis partibus sacræ scripturæ, nullatenus concludunt articulum pro prima ejus parte, nec etiam pro secunda ejus parte: quia aliunde quàm de decimis & oblationibus poterant sacerdotes & levitæ vivere, ut ostensum est.

Duode-

**D**UODECIMUS articulus pro errore condemnatus, est, quòd non est major hæreticus vel Antichristus, quam ille clericus qui docet quòd licitum est sacerdotibus & Levitis legis gratiæ dotari cum possessionibus temporalibus. Et si aliqui ex prævaricatione in lege Dei sunt hæretici, apostatæ vel blasphemæ, sunt illi clerici qui hoc docent. Quòd autem iste articulus sit erroneus, intelligendo ut intendit adversarius, propter hoc quòd hoc docent, Patet primò, quia si esset & fuisset hæresis, quòd licitè sacerdotes & Levitæ legis gratiæ sint possessionibus temporalibus dotati, ut iste articulus ponit: nunquam apostoli in suis decretis, & per sua decreta permisissent episcopos habere res aliquas proprietariæ & res aliquas communes ecclesiæ, cum sic scienter permisissent hæreses, & sustinuisent voluntariè, quòd nefarium est sentire. Sed in \* decreto apostolorum, quòd ponitur in Can. 12. q. cap. 1. Sint, manifestè sic habetur, Sint manifestæ res propriæ episcoporum, si tamen habent res proprias, & manifestæ res dominicæ, ut potestatem habeat episcopus moriens de propriis sicut voluerit & quibus voluerit derelinquere, ne sub occasione ecclesiasticarum rerum ea quæ episcopi probantur habere, interdican- tur. Fortasse aut uxorem habet aut filios aut propinquos & servos, & justum est apud Deum & homines, ut nec ecclesiâ patiatur detrimentum ignorantia rerum pontificis: nec episcopus vel ejus propinqui sub obtentu ecclesiæ proscribantur. Ex quibus patet, quòd apostoli non prohibuerunt ecclesiæ habere res communes: sed concesserunt hoc ecclesiæ. Et quòd non prohibuerunt episcopis habere res proprias & proprietariè testamentum condere. Sed hoc in casu quo haberent uxores, filios & servos, tanquam justum permisit. Et si non prohibuerunt episcopos esse proprietarios: à fortiori, nec cum temporalibus esse dotatos: ergo non est quilibet hæreticus ex hoc quòd docet sacerdotes legis gratiæ licitè cum possessionibus dotari: cum sic decretum apostolorum fuisset hæreticum & ipsi apostoli hæretici. Et minus \* malum foret concedere adversarium in hac doctrina esse hæreticum. Secundò patet, quòd illis est licitum habere possessiones temporales, quibus est licitum esse proprietarios: sed hoc est multis sacerdotibus licitum: cum sit illis licitum esse hæreses patrum suorum, sicut & aliis modis, donatione, intuitu personæ, vel emptione multa acquirere, de quibus licitè possunt testamentum condere, ut multipliciter patet in jure: ergo licitum est sacerdotibus possessiones temporales habere, non solum communes sed etiam proprietarias. Tertiò patet idem, quia facti episcopi per apostolos diversi habuerunt uxores & prolem & servos licitè, quibus tenebantur providere jure divino de bonis temporalibus. Non ergo repugnat statui episcopali habere possessiones, de quibus possunt uxoribus, filiis & servis providere. Nam communiter qui vovent expropriationem, vovent castitatem coelibatam, sicut omnes religiosi religionis privatæ, sed non e contrario: quia multæ sanctæ mulieres vovent castitatem coelibatam in manibus episcoporum, retinendo tamen proprietariè possessiones suas. Ex quo ergo episcopi non tenentur ex statu episcopali vovere castitatem coelibatam (ut patet in episcopis orientalibus) ergo nec tenentur ex statu episcopali ad expropriationem possessionum temporalium. Quartò patet idem, quia apostoli multos Reges baptizaverunt, quos permisit Reges permanere & possessiones retinere. Et inter alios apostolos sanctus Thomas tres Reges qui adoraverunt Christum baptizavit & episcopos illos fecit, ut habetur in historia trium regum apertè, ut docet dominus Bertrandus super epistolam Epiphaniæ, allegans pro se, quòd hi tres Reges, postquam fuerunt episcopi, construxerunt ecclesiam miræ magnitudinis de sumptibus suis, ut patet in eadem historia, in qua celebraverunt missas suas, & in qua fuerunt primò sepulti. Et isti remanserunt Reges, cum ut Reges adhuc jaceant coronati, & ecclesiam illam cum possessionibus dotaverunt, apostolo hoc Thoma sciente. Ex quo ergo sumptibus suis construxerunt ecclesiam miræ magnitudinis, postquam episcopi fuerunt, ex quo dotaverunt ecclesiam, postquam fuerunt episcopi, apostolo hoc sciente & non contradicente: sequitur quòd licitum erat tunc temporis habere possessiones: & à pari & nunc. Quintò patet idem, quòd viventibus apostolis & ipsis consentientibus ecclesiæ habuerunt possessiones agrorum: ergo erat licitum episcopis & sacerdotibus legis gratiæ, tales possessiones habere temporibus apostolorum: igitur à pari & nunc. Assumptum patet in Can. 12. q. & ca. Apostolicos, ubi sexta synodus generalis definit, quòd secundum canones Apostolorum episcopi non debent alienare vasa sacra, nisi pro redemptione captivorum: nec possessiones rusticanas vendere, & per hoc ecclesiasticos redditus delere: ergo apostolorum Canones ostendunt quòd apostolorum tempore licitè habuerunt ecclesiastici possessiones rusticanas & redditus ex eis. Et hoc idem patet ex decreto Pii Papæ: quòd ponitur ibidem ca. Prædia, ubi sic: Prædia divinis usibus tradita, quidam humanis usibus applicant: & Deo nostro quibus tradita sunt, ea subtrahunt. Quapropter ab omnibus illius usurpationis contumelia depellenda est, ne prædia usibus

Duodecim  
articulus  
Wiclef.

Responso  
Wodfordi  
prima.

Decreta apo-  
stolorum.  
\* 39 Can.

22.

\* Remacu  
sed de decre-  
tis istis cave  
quid dicas.

32.

42.

Bertrandus  
Monachus  
1325. Trith.

Argumentum  
optimum.

54.



✠

Sicut sanctus  
(scil.) Tho-  
mas Cantua-  
riensis in  
Anglia.

Argumentum  
Wicli  
primum.

Responsio ad  
argumentum.

secretorum coelestium dedicata à quibuscumque irreverenter vendicentur: Quod si quis præsumpserit, ut sacrilegus judicetur. Istud Decretum de aliis prædiis, quam ecclesiasticis intelligi non potest. Habuerunt ergo ecclesiastici prædia diu ante Pium Papam: quia illi iidem devoti domini, qui prædia dederunt ecclesiæ, non abstulerunt illa ab ecclesiâ, sed diu post successores eorum. Nunc communiter Chronicatores dicunt quod tempore Pii Papæ venit Polycarpus discipulus Johannis Evangelistæ Romam & extinxit multas hæreses. Ex quo ergo diu ante Pium Papam habuit ecclesiâ illa prædia: sequitur quod tempore apostolorum illa habuit publicè & manifestè, quod sine scitu apostolorum fieri non potuit. Nec alicubi legitur apostolorum aliquem hoc prohibuisse. Igitur viventibus apostolis & ipsis consentientibus, habuerunt clerici legis gratiæ possessiones prædiorum. Sextò patet idem, quod multa Concilia generalia ecclesiæ determinaverunt licitum esse ecclesiasticis habere possessiones temporales, & quod illicitum est episcopis & sacerdotibus illas ab ecclesiâ alienare, ut in Canone patet, locis innumeris. Multi etiam sancti episcopi ab ecclesiâ canonizati, & multi sancti abbates & religiosi ab ecclesiâ canonizati, hoc idem doctrina, factis & exemplis tenuerunt palam & manifestè. Multi etiam sancti domini temporales ecclesiasticos sacerdotes & clericos legis novæ cum possessionibus dotaverunt temporalibus, reputantes se obsequium præstare Deo in sic faciendo. Ergo si articulus iste verus esset, sequeretur quod omnes patres in Conciliis generalibus, qui consentientes & illa docentes, fuissent maximi hæretici, apostatæ & blasphemæ: quod omnes sancti illi episcopi, sancti abbates & sancti religiosi ab ecclesiâ approbati & canonizati forent hæretici, apostatæ & blasphemæ, quia nunquam legitur quod doctrinam illam revocaverunt verbo vel opere, sed potius quod in illa fideliter permanferunt; & etiam quod omnes sancti domini temporales qui devota mente sic dotaverunt, & facto sic faciendo docuerunt, fuerunt hæretici in hoc, apostatæ & blasphemæ, quæ conclusio non solum erronea sed hæretica censenda est, & ideo iste articulus iustè est condemnatus.

Pro isto tamen articulo arguit adversarius multipliciter, & primò per autoritates veteris testamenti allegatas in articulo priori. 18 Numerorum & Deuteronomio 18 & 44 Ezechielis, ex quibus opponit quod negativè leges antiquæ de possessionibus clericorum erant valde acutæ de divino mandato, scilicet quod non haberent sacerdotes & levitæ possessiones tales temporales: cum ergo Christus & Apostolus hæc mandata strictius observaverunt, quam sacerdotes & levitæ legis antiquæ, & cum sacerdotes & levitæ legis gratiæ debeant esse magis elongati à possessionibus temporalibus, quam sacerdotes & levitæ legis antiquæ: sequitur, quod non potest esse major hæreticus & Antichristus quam ille clericus qui supra patres legis veteris docet clericos legis novæ sic esse dotandos.

Hic dico primò quod argumentum procedit ex malo intellectu primarum autoritatum ut in articulo præcedenti est ostensum, & ideo non concludit argumentum. Hic dico secundò, quod non erat prælati veteris testamenti necessarium dotari cum magnis possessionibus temporalibus: quia habuerunt tot possessiones mobiles, dum ibidem erant in pace in terra Judæorum, quod habere multas possessiones immobiles pro agricultura & redditibus fuisset eis superfluum. Principalis causa immobilium possessionem est acquisitio possessionum mobilium. Ex quo ergo ordinatione divina magnam habuerunt abundantiam possessionum mobilium: & majorem fortè quam habeant prælati nostri ex omnibus suis possessionibus immobilibus, loquendo proportionaliter de numero ad numerum: ergo fuisset illis de antiquo testamento superfluum habere multitudinem possessionum immobilium in terra Judæ, quando sic abundabant in possessionibus mobilibus. Qualem habuerunt superabundantem copiam bonorum mobilium: partim declaravi in historia directâ domino episcopo Herefordensi, contra Walterum Britte magis diffusè in quadam determinatione. Sed de talibus possessionibus mobilibus non est per Christum, vel per Apostolum, vel ordinationem divinam immediatè nostris prælati legis gratiæ sufficienter provisum. Et ideo, quamvis non fuisset licitum sacerdotibus & levitis legis antiquæ habere in terra Judæ multas possessiones immobiles pro agricultura & redditibus colligendis, satis stat quod hoc sit licitum prælati nostris legis gratiæ, quibus non est sufficienter provisum aliunde. Et cum hoc stat, quod sint magis elongati à temporalium usu, quam ipsi fuerunt: quia bona ecclesiastica sunt prælatorum pro necessaria sustentatione sua & suorum & pro necessitatibus pauperum & causarum ecclesiæ, & non pro superfluo usu illorum in personis propriis. Sed si ordinatione Christi habuissent tantam copiam mobilium quantam habuerunt sacerdotes Judæorum ex divina ordinatione, dicere quod non fuisset eis licitum acceptasse tot possessiones immobiles, nisi fortè ad dispensandum pro necessitatibus pauperum & ecclesiæ. Et ideo magna est causa dicere in hoc facto inter sacerdotes legis antiquæ & prælatos legis novæ: quapropter argumen-

32. tum deficit. Iterum & ex alio capite. Hic dico tertio, quod hoc præceptum in his autoritati-

bis

Christus non  
sufficienter  
providit præ-  
lati suis de  
possessionibus  
mobilibus.

bus contentum non erat morale sed judiciale & partim caremoniale. Et ideo quamvis sacerdotes legis antiquæ ad hoc tenerentur: non tamen ex hoc sequitur quòd sacerdos legis gratiæ ad hoc teneatur. Hic dico quartò, quòd non obstante hoc præcepto negativo, contento in autoritatibus allegatis ex 18 Numerorum & 18 Deuteronomii & 44 Ezechielis, adhuc post primam divisionem terræ, aliquæ tribus debuerunt levitis dare 48 civitates, & suburbana earum in perpetuam possessionem, ut patet Numerorum 32. Et iterum non obstante præcepto prædicto poterant possidere agros post, ex voto & oblatione fidelium, quando illi fideles; quando vovebant fuerunt hæredes agrorum & volebant redimere, ut patet Levitici ultimo. Et non obstante præcepto prædicto, poterant sacerdotes & levitæ acquirere possessiones licitè extra terram Judæ. Quæ omnia superiori articulo declarata sunt. Et nunc superaddendo aliam responsum, dico, quòd non obstante prædicto præcepto, sacerdos & levitæ poterant titulo emptionis acquirere possessiones licitè in terra Judæ, ut patet Hieremiæ 32. Erat enim Hieremias de tribu Levi & de filiis sacerdotum qui erant in Anathot, ut patet primo cap. Hieremiæ; & cap. 31. habetur, quomodo emic agrum ab Anameel patruei suo, & quantum de moneta dedit pro agro, & quomodo accepit librum possessione servatum in oculis omnium qui fedebant in atrio. Et ibidem habetur, quòd de jure sibi competeat jus emptionis agri, ex propinquitate. Ex quibus patet, quòd non obstante prædicto præcepto, non solum licitè sed de jure poterant post prunam terræ divisionem acquirere possessiones agrorum titulo emptionis in ipsa terra Judæ, quia ager ille erat in Anathot, ut patet ibidem. Ex quo ergo sacerdotes & levitæ veteris testamenti, non obstante præcepto negativo, poterant post datum præceptum & post primam terræ divisionem, tot modis acquirere possessiones agrorum licitè, & licite possidere: quomodo poterant virtute illius præcepti solummodo sacerdotes & levitæ legis gratiæ ligari, ne possint possessiones agrorum acquirere & licitè possidere? Patet cuicumque intuenti, quòd hoc præceptum ad hoc illos non ligat plus quàm sacerdotes & levitas veteris testamenti. Et licet Christus & ejus apostoli istud mandatum strictius observarunt, quàm sacerdotes & levitæ veteris legis: ex hoc nullo modo sequitur, quòd generaliter sacerdotes & levitæ legis gratiæ tenentur illud præceptum strictius observare, ut ex sequentibus patebit. Et ideo non concludit illud argumentum. Secundò principaliter arguitur ad articulum per autoritates novi testamenti, & primò sic: Lucæ 13. post parabolam Christus sic subjunxit: Omnis ex vobis, qui non renunciat omnibus quæ possidet non potest meus esse discipulus. Quomodo autem Christus intellexit renunciationem in hoc verbo Evangelico, ipsi & ejus apostoli per conversationem pauperem satis docent. Nam opera Christi & suorum discipulorum sunt optimi interpretes legis suæ. Hic dico primò, quòd si iste modus arguendi esset bonus, sequeretur, quòd non esset quis discipulus Christi, nisi qui renunciaret omnibus quæ possidet: & sic sicut Christus & apostoli reliquerunt: consequens expresse contra Evangelium, & ideo consequens est hæreticū. Scribitur in Evangelio Matthæi: Cum fero factum esset (puta die passionis Christi) venit homo dives ab Arimathea, nomine Joseph, qui & discipulus ipse erat Jesu. Ergo Jesus adhuc vivens vira mortali habuit discipulos divites, qui non omnia sic reliquerunt ut ipsemet & apostoli fecerunt. Consimiliter de Nicodemio discipulo Christi scribitur in Evangelio Johan. 3. cap. quod fuit princeps Judæorum, & de eo habetur quod fuit dives, quia ordinavit pro sepultura Christi ex suis myrrham & aloes quasi libras centum. Similiter Zacheus per Christum conversus, facta prius restitutione male ablatorum, dimidium bonorum dedit pauperibus, residuum sibi servando: æquè enim dixisset Evangelista, quod omnia sua dedit pauperibus, sicut dimidium, si ita fecisset: ergo postquam discipulus Christi, non omnia quæ possidebat reliquit. Similiter sanctæ mulieres, quæ sequebantur Christum ministrantes ei de facultatibus suis, fuerunt discipulæ Christi: & ex quo tunc habuerunt facultates, de quibus Christo ministrabant, ut Evangelium docet, non omnes facultates suas reliquerunt, nec omnia quæ possidebant. Consimiliter de Lazaro resuscitato, qui fuit dominus magnus, postquam discipulus Christi: & de sororibus ejus, quæ erant devotæ discipulæ Christi, quarum una possidebat caltrum Magdalum, & alia Bethaniam, ut patet in \* historiis. Patet etiam in epistolis Pauli, quòd multi conversi ad Christum fuerunt divites mundi, & divites remanserunt possidendo multa bona. Et ideo est hæreticè multipliciter dictum & contra scripturam, quod non est quis discipulus Christi, quin etiam renunciavit omnibus quæ possidet, eo modo quo Christus & apostoli reliquerunt unde hæc autoritas in argumento allegata, sic intellecta, sicut adversarius intelligit, fuit fundamentum hæresis Eustachii, dicentis: Nullum fidelem, qui non renunciavit omnibus quæ possidet, spem ullam ad Deum habere. Quæ hæresis damnata fuit in Concilio generali, ut patet in Ca. dist. 16. Fuit etiam fundamentum hæresis Juliani apostatæ, qui propter illam autoritatem sic intellectam, auferebat à Christianis possessiones suas. Fuit etiam fundamentum hæresis Manichæi, ut patet per beatum Augustinum in lib. de moribus eccle-

Non sequitur, Christus & apostoli observarunt, ergo.

\* Legenda 1003, edit. Basil. 1490.

Eustachius.

Julianus Imp. apostata, hæreticus.

Discipulus  
necessitatis &  
supereroga-  
tionis.

Statutum  
ecclesie.

Monachi  
audi.



Attende.

fiat expresse. Unde non est hæresis nova, quod hæc autoritas debet sic intelligi, sed hæresis valde antiqua. Hic dico secundò, quod duplex est Christi discipulatus, unus necessitatis; alius supererogationis. Discipulatus necessitatis cadit sub præcepto, discipulatus supererogationis sub consilio ante votum. Loquitur ergo Christus in illa autoritate de discipulatu supererogationis, non cujuslibet, sed supererogationis quoad tria principalia Christi consilia, quasi in supremo gradu in autoritate illa sumendo [renunciare] pro [relinquere] ut multi sumunt: quamvis venerabilis Beda inter renunciare & relinquere facit magnam distantiam. Et sic patet ex dictis, quod stat multos esse Christi discipulos, & esse divites in divitiis temporalibus, loquendo de discipulatu necessitatis, qui cadit sub præcepto: licet non stet eos esse discipulos supererogationis in gradibus quasi supremis, quoad consilia Christi principalia esse divites sic in divitiis temporalibus. Nunc autem Episcopi & Sacerdotes ac Levitæ legis gratiæ non tenentur ex statu episcopali, sacerdotali & Levitico ad tria consilia principalia: cum in oriente habeant uxorem & prolem licite. Nec est ex obligatione Christi immediata & solâ, quod hi teneantur ad castitatem coelibatam: sed ex statuto ecclesiæ, hoc tamen in oriente recepto. Ex quo est manifestum, quod non tenentur hic ad castitatem ex statu episcopali, sacerdotali, vel levitico: sed aliunde. Et conformiter nec obligantur ex statu tali ad pauperatatem expropriariam. Et per consequens stat cum statu episcopali, quod habeant divitias propriarias: nec ad obedienda consiliaria obligantur, licet obligentur ad obediendum Papæ. Et ideo episcopi non tenentur ex statu episcopali ad discipulatum illum supererogationis, qui tenet quasi supremum gradum in observatione consiliorum: licet aliunde tenentur esse discipuli supererogationis in aliis, & simpliciter sint obligati ut sint discipuli discipulatu necessitatis in observatione præceptorum. Et sic patet, quod argumentum non concludit contra episcopos, sacerdotes & Levitas legis gratiæ, quin possent possessiones temporales possidere: non solum communiter sed etiam proprietarie. Et sic patet, quod intelligendo autoritatē allegatā, ut intelligit adversarius, quod includit hæreses multas. Hic dico tertio, quod aliqui fuerunt modi relinquendi omnia valde perfecti, tamen in certis religiosis. Et si episcopi sic omnia relinquerent, facerent valde imperfecte & male, quamdiu tenent statum episcopalem. Nam diversi sancti perfectissimi monachi sic omnia relinquebant, & quæ in mundo sunt, non solum quoad usum, quod vestimenta renuebant, & remanebant nudi, exceptis capillis. Et de talibus diversis recitantur multa cap. 2. lib. 2. qui dicitur Vitæ patrū, quod cap. intitulatur de conversatione optimā diversorum sanctorum. Nec volebant uti comedendo, nisi herbis agrestibus, & nisi aquam potando. Et in libro etiam de exhortationibus sanctorum patrum, ca. 6. qui intitulatur de nulla re possidenda, habetur de abbate Theodoro, quod haberet tres codices bonos, & cum venisset ad abbatem Macarium, dixit ei: Habeo tres codices, & proficuo in eis in lectione illorum; Dic ergo mihi, quid debeat facere? Respondens senex, dixit: Boni quidem sunt actus, sed magis omnibus est nihil possidere. Quod cum audisset, vendidit memoratos libros & dedit pretium pauperibus. Et consimilia multa habentur de aliis sanctissimis monachis. Sed si episcopi qui habent conversari cum populo, docere populum, dicere officium, sic relinquerent vestimenta omnia & libros, facerent valde imperfecte. Unde nec Christus, vel ejus Apostoli sic strictè omnia reliquerunt. Patet ergo, quod aliquis est modus perfectus relinquendi temporalia, & ille repugnat statui episcopali. Et aliquis perfectus modus relinquendi possessiones temporales: qualis fuit modus Christi & Apostolorum. Et quod episcopi ad illum non tenentur ex statu episcopali, nec sacerdotes ex statu sacerdotali. Et aliquis est modus renunciandi omnibus temporalibus, ad quem omnes sacerdotes & episcopi tenentur ex suo statu. Et est ille quem ponit venerabilis Beda, distinguendo [renunciare] contra [relinquere] Nam sic renunciant omnibus quæ in mundo sunt, quamvis multas divitias teneant, quod non teneantur per affectionem nimiam divitiarum in mundo: sed quorum affectio principalis est in coelo, non obstante quod bona mundi teneant. Et isto modo non solum boni prælati & sacerdotes renunciant omnibus, quæ in mundo sunt, sed etiam & alii divites Catholici qui sunt in via salvandorum. Quia aliis nullo istorum modorum essent discipuli Christi. Hic dico quartò, quod non semper opera Christi & discipulorum (loquendo de Apostolis) sunt optimi interpretes legis Christi, sic quod & alii debeant conformiter operari ut innuitur in argumento: quia Christus judaizavit omnibus diebus suis usque ad noctem quæ mortuus est manē. Unde & illa nocte comedit de agno paschali ceremonialiter & ritu judaico. Sed si quis Christianus sic modò judaizaret, mortaliter peccaret: & sic judaizaverunt Apostoli, postquam fuerunt Apostoli usque ad resurrectionem Christi: Et sic judaizare non est modò catholicum. Et sic est de multis aliis operibus, quæ Christus & Apostoli fecerunt, ut aliàs ostendi. Et ideo non sequitur, Christus & Apostoli omnibus quæ in mundo sunt, renunciaverunt: ergo episcopi & sacerdotes conformiter tenentur renunciare omnibus quæ possident. Patet ergo multipliciter, quod non valet argumentum. Secundo quoad auctoritates novi testamenti sic arguit.

Servus

'Servus non est major domino suo, nec discipulus supra magistrum: sed sufficit discipulo, quod sit sicut & magister ejus, sicut Christus Matth. 4. dixit. Cum ergo Christus sit magister optimus & dominus dominorum, & omnes praelati ecclesie debent esse servi hominis domini atque discipuli, patet quod non debent super Christum extolli in dominio seculari. Sed ipse dixit Matth. 8. Quod filius hominis non habet ubi caput suum reclinet: hoc est non habet humanitas, seculariter & proprietarie dominando: qua ergo fronte episcopi nostri Caelarei audent sic se extollere in dominio civili super Christum?

Argumentum Wiclefi secundum.

Hic dico primo, quod si iste modus arguendi esset bonus, sequeretur quod nullus Rex catholicus Christianus, nullus dux talis, nullus comes talis, nullus miles talis, vel nullus baro talis, vel talis militaris deberet habere seculariter, civiliter, & proprietarie dominando dominium, in quo caput reclinare posset: cum omnis talis Rex, dux, comes, baro & militaris debeat esse servus Christi & ejus discipulus: & per consequens non habere civiliter proprietarie dominando ubi caput reclinet magis quam Christus: quia sic extolleret se in dominio civili supra Christum, secundum modum arguendi. Hic dico secundo, quod ex modo arguendi sequuntur errores multi. Nam sequitur primo, quod sanctus Petrus non debuit sollemniter cathedrari in ecclesia Antiochie, vel alia. Nam sicut Christus non habuit ubi caput reclinaret, sic nec habuit cathedram sollemnem in aliqua ecclesia solenni, in qua sederet ut episcopus: ergo secundum istum modum arguendi, nec Petrus ejus servus & discipulus debuit sic cathedrari in ecclesia Antiochena, extollendo se super Christum in hoc. Secundo sequitur, quod apostoli non debuerunt facere construere pulchras & magnas ecclesias: cujus oppositum fecerunt, ut patet in historiis eorum: quia Christus hoc non fecit tempore viationis sue: ergo nec apostoli extollendo se supra Christum, hoc facere debuerunt. Tercio sequitur, quod episcopi & sacerdotes alii non debent celebrare ante prandium & ante meridiem dum sint jejuni: quia Christus dominus, cujus sunt servi & discipuli, hoc non fecit: sed solum post meridiem pransus, tempore coenae: ergo nec episcopi vel sacerdotes alii debent in hoc extollendo se supra Christum, hoc facere: sufficit quod faciant sicut Christus Magister hoc fecit. Quarto sequitur, quod non debent episcopi & sacerdotes plures celebrare missas in diversis diebus successivae, quia Christus Magister & dominus hoc non fecit, sed unica vice celebravit. Quinto sequitur, quod perfectiores Christi discipuli nunc existentes, non debent dicere symbolum apostolorum, quia Christus Magister & dominus, cujus sunt servi & discipuli, hoc nunquam fecit: ergo nec episcopi hoc debent facere, quia sic extollerent se supra Christum in hoc. Sexto sequitur, quod perfectiores Christi discipuli & servi non debent ordinarie celebrare diem dominicum, quia Christus Magister eorum & dominus, dum esset in terris hoc nullatenus fecit, sed potius diem sabbati. Et tales conclusiones ineptae sine numero sequuntur ex modo arguendi. Et ideo patet, quod modus arguendi non valet. Hic dico tertio, quod licet non haberet ubi caput reclinaret, completo dominio civili proprietario: habuit tamen ubi caput reclinaret quoad usum, & supra dominium originale, id est quoad certum dominium adventitium supra originale dominium. Fuit enim Christus secundum hominem dominus sabbati, alio dominio quam solo originali dominio: & dominus suorum discipulorum alio dominio, quam solo originali dominio, ut Theologis peritis notum est. Et sic fuit dominus domus in qua requievit dominio alio, quam solo originali dominio: & alio dominio, quam completo dominio civili, ad modum loquendi scripturae sacrae. Et Joseph fuit dominus Egypti, juxta illud Psalmi: Constituit eum dominum domus sue & principem omnis possessionis sue. Et juxta illud Gen. Joseph filius tuus vivit, & ipse dominatur in tota terra Egypti: ubi dominium sumitur pro regimine populi & bonorum terrae, non pro dominio civili, quia Pharao non fecit Joseph Regem Egypti terrae, nec proprietarium in bonis Egypti, sed fecerat eum gubernatorem populi & terrae & bonorum. Et sic sumendo dominium pro regimine & gubernatione, fuit Christus dominus domus in qua requievit. Et sic sunt episcopi quantumcumque perfectiores Christi discipuli, domini possessionum episcopatum annexarum, licet non sint domini civiles, completo dominio earundem rerum, sicut nec Christus fuit. Possunt ergo episcopi & praelati habere possessiones ecclesiasticas multas sub tali dominio: quamvis non extollantur in hoc supra Christum in dominio civili, Et ideo istud argumentum undique peccat. Tercio arguit per illud Lucae 22.

Responsio ad argumentum prima.

\* Vide Valam supra. p. 144 nisi mavis Legendam.

3a.

'Facta contentione inter discipulos Christi, quis eorum videretur esse major? Respondit Christus: Principes gentium dominantur eorum & qui potestatem habent super eos, benefici vocantur. Vos autem non sic, sed qui major est vestrum, fiat minor: & qui praeceptor, fiat sicut ministrator. Ex quibus verbis (inquit) patet, quod Christus distinguit inter majoritatem mundanam & majoritatem spiritualem quoad Deum, quia primam majoritatem notat per dominationem regum & gentilium, quam simpliciter negat verbis Evangelicis debere competere. Et secundam notat per hoc, quod talis est ut minor & ut ministrator: innuens quod quicumque est humilior & ex majori charitate ministrator & diligentior, hic est major.

Argumentum Wiclefi tertium.

Ex

‘Ex quibus patet, quòd majoritas secundum dominium Gentium & possessiones terrarum est Christi discipulis prohibita.

Responsio ad  
argumentum  
prima.

Hic dico, quòd illa contentio facta inter discipulos non fuit de possessionibus terrarum vel reddituum sed fuit de prapositione, quis illorum esset praelatus post Christi passionem, quæ statim imminerebat. Et Christus determinavit, quòd nullus deberet desiderare prapositionem, tanquam aliquid magni: sicut est prapositione regum Gentium: & talem prapositionem super clerum cuilibet illorum inhiibuit. Et consequenter declaravit, quòd prapositione quæ debuit esse inter illos, potius debuit esse ministerium quam tale civile dominium quale est in regibus Gentium. Sed ex isto nullatenus concluditur, quòd sacerdotes legis Græci non possunt habere temporales possessiones. Et ideo satis ineptè adducitur iste processus pro isto articulo. Quamvis enim majoritas modo regum Gentium sit episcopis prohibita super clerum & super possessiones ecclesiasticas: tamen prapositione super clerum & super possessiones ecclesiasticas non est eis prohibita, nec dominium humilis regiminis, quale fuit dominium Joseph super populo & rebus Ægypti: sed bene dominium fastuosum, modo regum Gentium, est eis prohibitum. Et sic patet primò, quòd non concludit argumentum.

Hic dico secundo, quòd potest esse majoritas in dominio regiminis sine majoritate in completo dominio civili quale est in regibus Gentium, quale non habuerunt Apostoli in pecuniis positis ad pedes illorum. Unde licet Apostoli Christi habuerunt majoritatem in dominio regiminis pecuniarum ad pedes illorum positarum, quia distribuabant illam, prout unicuique opus erat: non tamen habuerunt dominium civile completum in pecuniis illis. Et ideo stat perfectiores Christi discipulos tale habere dominium regiminis super possessiones multas, quamvis non dominarentur completè civiliter modo regum Gentium super illas. Et sic patet, quòd habere sub dominio regiminis possessiones multas, non repugnat ex Christi prohibitione perfectioribus Christi discipulis. Sed habere multas possessiones sub completo dominio civili modo regum Gentium, est perfectioribus Christi discipulis discipulatu supererogationis, quoad tria consilia principalia à Christo prohibitum. Et sic patet secundo, quòd non concludit argumentum.

Hic dico tertio, quòd in ecclesia primitiva erant episcopi in duplici genere & adhuc sunt. Quidam erant ultra obligationem ad Dei mandata obligati ad tria consilia Christi principalia: & tales episcopi erant Apostoli, ut Timotheus & alii diversi, & quales adhuc sunt episcopi de religionibus privatis assumpti. Et ad istos se extendit prohibitio Christi, ne dominentur dominio completo civili & proprietariè super re aliqua temporali. Alii erant episcopi in ecclesia primitiva, qui non erant ad tria consilia principalia obligati sub poena peccati, & qui nunquam fecerant votum paupertatis expropriariæ, nec castitatis coelibatæ: & istis nunquam fuit à Christo prohibitum civiliter dominari completè & proprietariè super res quas acquisiverunt hereditario jure, vel arte licita, vel dono, vel emptione pro seipsis. Sic tamen non dominantur super possessiones ecclesiæ, cum non possent illas donare, vendere, vel alienare. Et licet episcopi nostri occidentales & seculares fecerunt votum castitatis, propter obligationem statuti ecclesiæ: nunquam tamen per aliquod statutum ecclesiæ vel Christi fuerunt obligati ad vovendum paupertatem expropriariam. Et ideo si volunt, possunt licitè dominari proprietariè super rebus diversis, licet non super possessionibus ecclesiæ, nec fuit hoc à Christo eis prohibitum sed solum episcopis primi generis. Et sic patet tertio, quòd argumentum non concludit. Quartò arguit sic.

Pulchrum  
solum.

Duo genera  
episcoporum.

Argumentum  
Wiclei  
quartum.

Apostolus qui raptus fuit in tertium cœlum, dat praelatis pro regula, Habentes (inquit) alimenta & quibus tegamur, id est, tegumenta; his contenti sumus, Timoth. 6. ubi Apostolus simpliciter dicit alimenta, non lautitias plus quam necessitate corpus hominis nutrientes. Et simpliciter dicit, & quibus tegamur, non pannos de scarleto memorans, nec camisas sumptuosas. Unde (inquit) per hoc, quòd docet nos de talibus contentari, prohibet superfluitates, & ulterius non deducit argumentum.

Responsio ad  
argumentum  
prima.

Hic dico primò, quòd ex hoc quòd Apostolus prohibet superfluitates, non sequitur quòd prohibet possessiones temporales, cum multoties sint necessariae pro alimentis & tegumentis satis stricte sumptis. Unde multa monasteria cum possessionibus dotata, habent alimenta & tegumenta satis parca. Et ideo ex his allegatis, non sequitur conclusio principaliter intenta. Hic dico secundo, quòd patet ex processu textus in cap. allegato, & ex Glossa ordinaria & ex antiquis postillis, quòd Apostolus loquebatur in illo processu contra pseudo apostolos qui principaliter prædicabant pro divitiis temporalibus inordinate acquirendis, & pro quæstu, & non principaliter pro salute animarum, & tunc dicit de seipso Timotheo, quòd nullatenus decet prædicare pro quæstu divitiarum principali intentione, sed quòd pro tempore prædicationis sufficit habere alimenta & tegumenta & quòd his debent contentari sine inordinato appetitu divitiarum. Et cum per alimenta & tegumenta secundum expositionem doctorum, intelligantur omnia homini necessaria vel utilia pro se, & pro aliis pro quibus

Principali  
intentione.



quibus habet providere. Non enim excludebat libros quos scripsit & habuit, nec necessaria ad scripturam librorum, cum in alia epistola miserit expresse pro membranis sibi reportandis: & à pari nec alia sibi & suis necessaria pro tempore presentis, & de proximo imminenti. Erat autem Apostolus & Timotheus cui scripsit ista verba, episcopi de primo genere episcoporum: & fuerunt sine uxoribus, sine filiis, & obligabant se ad consilia paupertatis expropriariæ & castitatis coelibatæ, & ad consilia ista quasi in supremo gradu. Et ideo multa erant eis prohibita, quæ episcopis de secundo genere prohibita non erant. Et ideo quamvis conceditur, quod non erat episcopis primi generis licitum habere possessiones multas proprietariæ: ex hoc non sequitur, quin sit licitum episcopis secundi generis possessiones habere satis multas proprietariæ. Et ideo argumentum non concludit. Hic dico tertio, quod in modo arguendi impingit in Christum & in apostolos Christi sanctos: quia Christus & ejus apostoli multotiens fuerunt in magnis conviviis, ut patet in Evangelio, in quibus delicata & lauta fuerunt eis apposita, & sic Christus docuit discipulos ut comederent ea quæ eis apponerent, non distinguendo inter lauta & non lauta. Ergo dicendo quod lautitiæ erant perfectis prohibita; impingit in Christum & apostolos, qui laute utebantur in mensis aliorum. Similiter quando Christus sponte eligit domum, in qua voluit cenare & celebrare, non elegit domum parvā, sed elegit domum magnā & sumptuosā. Habetur enim Luc. 22. quod Christus misit discipulos in civitatem ad quendam & dixit: Ipse ostendet vobis coenaculum grande strati, & illic parate nobis. Apostoli etiam (ut patet in \* historiis eorundem) fecerunt fieri ecclesias miræ magnitudinis. Et ideo innuendo in argumento ex verbis apostoli, quod ædificia magna & lautitiæ sint viris perfectioribus omnino prohibita; impingit in Christum & apostolos ejus sanctos. Et sic multipliciter peccat argumentum. Quinto arguit sic:

Confidentia monachalis.

34.

\* Mira fides Legendarum Jacobi de Verrigine.

Argumentum Wiclefi quinquum.

‘Petrus, princeps apostolorum præcepit quod non simus dominantes in clero: sed forma facti gregis ex animo & voluntate facti humiles ad gregis ministerium, & non discentes quomodo poterimus subditis dominari. Sed episcopi querendo sibi castella & prædia dominantur in clero: & machinantes quomodo possent vestiri solennius, & dimissa consideratione ministrationis ecclesiæ, splendidius præornari, dominantur in clero: quia vita Christi & apostolorum docet quomodo intellexerunt ista verba, per hoc innuens, quod non sit licitum episcopis habere castella & prædia.

Hic dico primo, quod doctor de Lyra & alii sic exponunt dictum Petri allegatum, non dominantes in clero, id est non elevati per superbiam, ratione prælationis: sed forma facti gregis, id est tenentes debitam humilitatem ad subditorum informationem. Sed tenere debitam humilitatem ad informationem gregis, & non elevari in superbiam ratione prælationis possunt episcopi satis bene cum possessionum retentione, castrorum & agrorum. Nonne Melchisedec summus sacerdos & episcopus possedit castra & agros & reditus, quando simul cum sacerdotio fuit Rex Salem? & ideo istud argumentum non concludit, quod non est licitum habere possessiones castrorum & agrorum: quia non oportet quod episcopi sint dominantes in clero illo modo, quo Apostolus loquebatur de dominatione, ex hoc quod possident castella & prædia. Nec oportet quod sint dominantes in clero prædicto modo, quo dominantur principes gentium, ex hoc quod solenniter & splendide sint vestiti. Tenet enim dominus Armachanus 32. cap. sexti libri de pauperie, quod episcopus cum arcissima paupertate potest tenere pretiositatem in victu, vestitu & equitatu. Et ulterius tenet, quod in casu si præmissa respuerit, minus perfecte ageret, aut peccaret: quoniam cum apostolo semper illud debet observare: Nemini dantes ullam offensionem, ut non vituperetur ministerium vestrum. Respuendo talia multotiens ponerent episcopi ministerium suum in vituperio. Et ideo patet clarè, quod non valet hoc argumentum. Sexto arguit sic: Apostolus Corinth. 8. supponens ut fidem, quomodo omnes debemus sequi Christum in moribus, sic subjungit:

Responsio ad argumentum.

Nimirum.

Clarissimè.

Argumentum Wiclefi sextum.

‘Scitis (inquam) gratiam domini nostri Jesu Christi, quoniam propter nos egenus factus est, cum esset dives, ut ejus inopia vos divites essetis. Cum ergo non liceat negare, quin oporteat omnes fideles Christum sequi in moribus: patet quod in gradu suo oportet clericos specialiter in paupertate humili sequi ipsum. Unde (inquam) religiosi nostri, utriusque nam non fidei confiterentur concorditer tanquam substantiam religionis suæ, obedientiam servandam, Christi paupertatem & castitatem. Et de istis innuit, licet ulterius non deducat, quod oportet omnes clericos esse pauperes, ut Christus fuit.

Hic dico, quod ex hoc modo arguendi sequuntur errores. Nā sequitur primo, quod oportet omnes Reges fideles, omnes duces, omnes comites, barones, militares, milites & omnes mercatores fideles esse pauperes, ut Christus fuit: & esse egenos, & non proprietarios, quia non licet negare, quin oportet omnes fideles Christum sequi in moribus: & omnes isti sunt fideles, ergo oportet omnes istos Christum sequi moribus. Ex quo ergo Christus fuit pauper & egenus, quod non dives in temporalibus, nec proprietarius, sequitur quod oportet omnes istos

Responsio ad argumentum primum.

22. tales esse. Sequitur secundò, quòd illi veri pauperes Christi in Hierusalem qui omnes possessiones suas venderant, & posuerant pretia ante pedes Apostolorum in primitiva ecclesia, non sequebantur Christum in moribus, ut oportet: quia ut dicit scriptura: Non erat tunc egens inter eos. Et Christus fuit non solum pauper vel egens, sed etiam egenus. Sequitur

31. tertiò, quòd oportet omnes fideles esse virgines & specialiter omnes clericos, sive in oriente sive in occidente: quia oportet omnes clericos in gradu suo, in virginitate humili sequi Christum, ergo oportet omnes fideles esse virgines & specialiter omnes clericos. Item sequitur, quòd corruptus non debeat promoveri in sacerdotem. Item sequitur, quòd qui duxerit matrimonialiter virginem, non possit promoveri in sacerdotem. Item sequitur, quòd sanctus Petrus minus bene per Christum fuisset ordinatus in episcopum & sacerdotem, cum fuit uxoratus. Quæ omnia sunt falsissima. Sequitur quòd oportet omnes fideles & specialiter omnes

Judaizare.

54. clericos Judaizare in moribus: quia sic fecit Christus usq; in finem vitæ suæ. Sequitur quinto, quòd oportet omnes fideles, specialiter clericos jejunare per quadraginta dies & noctes, sine cibo, vel potu medio tempore sumpto, quia sic jejunavit Christus. Et consimiles errores alijs deduxi valde multos in quadam quaestione de conformitate nostræ ad opera Christi, in qua declaratum est, quòd in multis non tenemur sequi Christum in moribus: quòd in multis omnes fideles adulti, & usum rationis habentes, tenemur sequi mores Christi diversos: quia Apostoli in multis tenebantur sequi mores Christi, in quibus nec communitas fidelium, nec communitas sacerdotum prælatorum tenentur sequi mores Christi. Et in speciali autoritatibus Gregorii, Augustini & aliorum doctorum fuit hoc ostensum, de paupertate Christi & Apostolorum, loquendo de paupertate Christi & Apostolorum secundum gradum supremum, quem observaverunt. Et ideo licet oporteat omnes fideles Christum sequi in moribus: non tamen oportet omnes fideles Christum sequi in moribus omnibus suis, sed varios status fidelium in variis atque variis moribus. Et licet specialiter clerici teneantur in gradu suo sequi Christum in moribus: non tamen omnes clerici in moribus suis, sed specialiter nec omnes clerici in supremo gradu paupertatis, quam Christus tenuit, tenentur cum sequi, ut doctores satis ostendunt. Et sic patet, quòd argumentum non concludit contra possessiones clericorum, licet Christus tales non haberit. Unde episcopi secundum jura licet sint successores Apostolorum in autoritate vel paternitate spirituali, non tamen ex statu episcopali sunt successores Apostolorum in expropriatione: sed potius religiosi, & diversi religiosi secundum diversos modos & gradus. Et forte nec episcopi communes parificantur modò Apostolis in autoritate & paternitate spirituali: nec aliqui religiosi communiter nunc existentes in expropriaria paupertate. Nam Apostoli fuerunt patres spirituales fidelium, & genitura spirituali & curâ. Primò enim generabant eos in fide, & post habuerunt eorum curam, ut fides nutritur & roboraretur in eis. Episcopi nunc sunt communiter patres curâ spirituali, sed non geniturâ in fide, quibus præfunt, sed præsupponunt in eis fidem, & perfectius est esse patrem & geniturâ & curâ, quam esse patrem sola curâ, cæteris paribus. Iterum apostoli perfectiorem habuerunt potestatem jurisdictionis quam habent communes episcopi nostri, & universaliorem. Ubicunq; enim veniebant, & convertebant populum in magnis civitatibus autoritate ordinaria à Christo data constituebant episcopos in illis civitatibus, quod non possunt communes episcopi modò: Quinetiam Apostoli excommunicabant, tradebant excommunicatos potestati Satanae, ut flagellaret & vexaret eos in corpore: quam autoritatem & potestatem non habent episcopi modò. Et ideo non parificantur Apostolis simpliciter in paternitate & autoritate. Et sic nec religiosi modò communiter in paupertatis expropriatione. Quidam enim abdicant omne jus civile litigativum, & conforme dominium in rebus temporalibus in proprio, sed non in communi. Quidam abdicant etiam tale jus, & dominium conforme in possessionibus & redditibus magnis, tam in proprio quam in communi: sed non paucarum rerum usui necessarium, ut domorum, librorum, utensilium. Quidam abdicant omne tale jus & dominium omnium talium rerum magnarum & parvarum, retinent tamen quoad usum provisionem certarum rerum in futurum & cogitationem de crastino. Sed Apostoli tantam observabant paupertatem, quòd nec haberent æs in zonis, nec peram pro victualibus reponendis, nec cogitationem volebant habere pro crastino, hoc est pro tempore prolixè futuro, pro seipfis, quando erant in locis ubi ex quotidianis laboribus, oblationibus, vel elemosynis poterant vivere. Et tam altum gradum paupertatis observant communiter aliqui religiosi modò, nec observare tenentur. Ex quo ergo religiosi non tenentur ad illam altam paupertatem expropriariam, quam Apostoli observaverunt: cum tamen sint in paupertate expropriaria Apostolorum successores, & non sic episcopi ex statu episcopali: sequitur à multo fortiori, quòd episcopi ex statu episcopali, ad illam altam paupertatem, quam Christus & Apostoli servaverunt, non sunt ex statu episcopali obligati. Et sic ex alio capite patet, quòd argumentum non concludit. Septimò & ultimò, arguit pro articulo sic:

Scriptum  
Wodfordi de  
sequendis vel  
non sequendis  
operibus  
Christi.

Episcopi.

\* 1. Cor. 12.

Aposto-

‘Apostoli post missionem spiritus sancti dixerunt, Non est æquum nos derelinquere verbum dei & ministrare mensis : & hinc constituerunt septem diaconos super hoc opus, sed quis dubitat, quin ille prælatus magis negotiis se secularibus implicat, qui relicto Christi officio in vita quã mundus exigit, se nutriat ? Apostolus tamen dicit, quod nemo militans deo implicat se negotiis secularibus : & cum nemo sumit sibi honorem, sed qui vocatur. Patet in quã, quod prælatus habet illum honorem, puta in possessione terrarum & reddituũ a diabolo. Et sic (juxta primum verbum Lucæ) talis non potest esse Christi discipulus, sed discipulus Antichristi. Et cum prælatus esse major domino nostro Jesu Christo, puta in temporalibus : patet quod non est ejus discipulus seu servus, sed discipulus Antichristi.

Argumentum Wiclef septimum.

Hic dico primò, quod apostoli administrationem & dispensationem temporalium non condempnaverunt in viris ecclesiasticis & in prælatis, sed approbaverunt : cum ipsimet ad tempus hoc fecerint, & post constituerunt septē levitas, qui intenderunt administrationi temporalium, dum ipsi apostoli orationi insisterent & prædicationi verbi dei, ut patet actuum 6. ca. Et hoc tempore adducit processum ad condemnandum in episcopis & clericis omnem sollicitudinem & occupationem in rebus temporalibus. Sed bene apostoli condempnaverunt sollicitudinem circa temporalia in prædicatoribus, pro tempore quo necesse est eos prædicare, si tunc præter occupationem in rebus temporalibus dimitunt tunc prædicationem ad quam obligantur. Unde ad illum finem ponebantur precia domorũ & agrorum venditorum ad pedes apostolorũ, ut apostoli vel per seipfos vel per alios idoneos illa dispenserent. Et apostoli factum ostenderunt, quod ecclesiasticos reputabant adhuc magis idoneos quàm laicos, quando nulli avertunt septem levitas super hoc opus administrationis.

Responsio ad argumentum prima.

Unde secundum decretum Anselmi Papæ, qui fuit tempore discipulorum, & scivit intentionem eorum, Apostoli permissum agros oblatos remanisse ecclesiæ in Judæa, & non exposuissent venditioni : nisi quia sciverunt ecclesiam in Judæa non diu duraturam, ut sæpius declaratum est. Et sic patet primo, quod argumentum non valet. Hic dico secundò, quod quantum ad aliam utilitatem Apostoli, quod nemo militans deo implicat se negotiis secularibus, & quantum ad hoc quod ponit prælatos se intricare secularibus negotiis propter occupationes quas habent circa possessiones terrarum & reddituum : Dico uno modo, quod Apostolus loquitur episcopis & clericis primi generis, qui militant deo perfectissimo genere militiæ, vel quasi perfectissimo : & non de episcopis vel clericis secundi generis, qui paupertatem nunquã voverunt. Si loquamur de possessionibus proprietariis terrarum & reddituũ, & si loquamur de possessionibus communibus ecclesiæ annexis, tunc perfectissimi possunt occupari aliquando circa illa negotia secularia : si tamen secularia dici debent, nec tamen propter hoc implicat se negotiis secularibus : quia aliud est implicare se, & aliud implicari à superiori pro bono communi. Qui autem laborat pro honore episcopatus, quantum potest, ut habeat abundantiam possessionum ut lautè & honorificè vivat, ille implicat se negotiis secularibus contra Apostolum, & non est militans Christo sed mundo. Sed si episcopatus imponatur alicui ab ecclesia propter sufficientiam quam habet in scientiis & moribus & de prudentia regendi, quantumcunq; sint magnæ possessiones annexæ episcopatu, ille non implicat se negotiis secularibus, sed per superiorem cui tenetur obedire, implicatur ad occupationem circa temporalia ecclesiæ, & sic non facit contra doctrinam Apostoli. Alio modo dico, quod aliud est implicare se negotiis secularibus, & aliud applicare se ad negotia secularia ad tempus propter necessitatem. Ille implicat se negotiis secularibus, qui voluntariè & principali intentione involvit seipsum in illis, quantumcunq; vacare debet occupationi spirituali. Et hoc non facit prælatus, qui militat bene Christo. Sed bonus miles Christi habet applicare se ad negotia secularia : alias Paulus non manibus laborasset pro victu acquirendo : alias Paulus non diceret episcopo, quod bene provideat domui suæ, ut intrinsecè habitantes habeant sufficientiam : alias non præciperet episcopis esse hospitales, ut advenientes habeant sufficientiam : alias non fuisset Paulus ita sollicitus pro illis religiosiis pauperibus in Hierusalem, qui omnia reliquerant, ad congregandum pecuniam pro eis : & pro nullis aliis pauperibus legitur fuisse ita sollicitus sicut pro eis : Alias Christus non se occupasset circa commestionem corporalem, seu cibationem temporalem populi in deserto. Alias sollicitudo Marthæ circa temporalia Christo necessaria, non fuisset à sanctis commendata. Alias Evangelia non commendarent sanctas mulieres quæ sequebantur Christum, & ministrabant ei de facultatibus suis. Applicatio ergo ad talia negotia secularia non est episcopis perfectissimis illicita : sed ipsis & aliis necessaria. Nec propter applicationem ad temporalia implicat se negotiis secularibus, ut præmittitur : quia libentius in spiritualibus forent occupati, quando sunt perfecti. Alio adhuc modo potest dici, quod ad litteram in secundo capite secundæ ep. ad Timotheum, ubi allegatur auctoritas, vocat prædicatorẽ verbi dei militẽ Christi : & vult dicere, quod nullus militans deo, id est, propter deum prædicans verbum dei, prædicat principaliter propter lucra secularia, sicut fecerunt pseudoapostoli, de quibus loquebatur

Attende.

22.

1 Tim. 2. 3. 4.

Postillatorum  
auctoritas.

Gregorius.

Ecclesia  
Romana  
non habuit  
prædia ante  
tempora Ur-  
bani, i. e. anno  
Christi 226.  
annon igitur  
opportunitè do-  
navit Constanti-  
nus? respon-  
det Valla.

Decimus ter-  
tius articulus  
Wicli.

Responso  
Wodfordi  
prima.

batur ultimo cap. prioris Epistolæ ad Timotheum. Ille enim propriè implicat se negotiis secularibus militando, qui facit opera spiritualia propter lucra temporalia. Et sic intelligendo auctoritatem, ut diversi postillatores intelligunt, nihil concludit argumentum contra possessiones ecclesiæ. Alio adhuc modo dici potest, quod Apostolus hic vocat negotia secularia illa, quæ sine peccato mortali exhiberi, aut vix, aut nullatenus possunt, de quibus loquitur Gregorius in homilia paschali, quando quærit, quare Petrus post resurrectionem Christi ad piscationem rediit, & Matthæus ad telonei negotium non rediit: & sic loquitur ecclesia de negotiis secularibus, extra. ne clerici vel monachi se secularibus immisceant, ca. 1. Et sic loquendo de negotiis secularibus constat quod nullus militans bene deo, & maxime prædicator verbi dei, de quo loquitur Apostolus, implicat se negotiis secularibus, sed nec applicat se talibus. Sed regere & dispensare possessiones communes ecclesiæ potest quis sine peccato mortali. Et sic fecerunt multi sancti Episcopi, multi sancti Abbates & Priores: & ideo regere & dispensare bona communia ecclesiæ non debet inter secularia illa negotia computari, de quibus loquitur Apostolus. Et patet tunc quod argumentum non concludit. Alio adhuc modo potest dici, quod armis intendere, iudicium sanguinis exercere, vel in curiis secularibus iudices & advocatos esse, & incontinere propter lucrum, & consimilia, vocantur negotia secularia. Et hoc modo loquendo de negotiis secularibus, nemo militans deo bene per spirituales occupationes prædicationis verbi dei, implicat se talibus negotiis secularibus, nec applicat se illis: cum quo satis stat, quod talis regat & dispense temporalia ecclesiæ. Et ideo multipliciter patet, quod istud argumentum contra possessiones ecclesiæ non concludit: & patet quod falsè innuit de bonis prælatis, quod habent honorem in possessione terrarum à diabolo: quia in principio quasi ecclesiæ & tempore apostolorum habuerunt ex oblatione fidelium devota tales possessiones: licet non legatur de ecclesia Romana, quod habuit prædia ante tempora Urbani Papæ primi: Aliæ tamen ecclesiæ de consensu apostolorum habuerunt: & ideo non à diabolo habuerunt episcopi sic possessiones terrarum, ut falsissimè innuit. Et patet ulterius, quod iste articulus ex alio capite est erroneus: quia dato quod esset hæresis vel error, dicere, quod licitum est sacerdotibus & levitis legis gratiæ dotari cum possessionibus temporalibus, tamen adhuc hæresis magis magna esset, quod nullus deus est trinus & unus: & quod Christus non est deus, & sic de multis aliis. Et ideo licet hoc dictum esset hæreticum, sicut non est, sed potius catholicum: adhuc aliquis esset major hæreticus, quam ille qui hoc doceret: quia ille esset qui pertinacius doceret nullum deum esse trinum & unum. Et sic patet, quod hic articulus est multipliciter erroneus, & quod argumenta pro articulo facta non sunt alicujus valoris.

**T**ertiusdecimus articulus ut hæreticus in suo universali intellectu condemnatus est, quod non solum domini temporales possunt auferre bona fortunæ ab ecclesia habitualiter delinquente, non solum eis hoc licet, sed debent hoc facere sub poena damnationis æternæ. Quod hic articulus universaliter intellectus sit hæreticus, patet ex hoc quod illa assertio est hæretica, quæ ponit quod quis sub poena damnationis æternæ deberet facere injustum, vel quod ad se non pertinet, cum sit assertio contra fidem. Sed aliqua ecclesia particularis potest habitualiter delinquere, & tamen occultè: & potest habitualiter delinquere crimine merè spirituali, ita quod non crimine aliquo modo seculari, de quo domini & iudices temporales non debent se aliquo modo intromittere, nisi in maximo defectu prælatorum. Cum ergo omnino sit injustum, quod domini temporales debent punire judicialiter pro crimine omnino occulto: & cum omnino sit injustum quod domini temporales debent de criminibus merè spiritualibus se intromittere, quamvis manifestis, quam diu prælati ecclesiæ faciunt quod debent circa correctionem: sequitur quod assertio est hæretica, quæ ponit universaliter quod domini temporales debent sub poena damnationis æternæ auferre bona fortunæ ab ecclesia habitualiter delinquente. Item patet ex priori articulo, ut ex processu suo lib. 4. Trialogi & in supplemento quarti liquet, quod intentionis suæ est in isto articulo, quod domini temporales omnino debent sub poena damnationis æternæ auferre ab ecclesia possessiones ecclesiæ: castra scilicet, maneria, agros & redditus, & quod ecclesia habitualiter delinquit intentione illarum possessionum. Et sic ex hoc non committerent sacrilegium domini temporales, quod auferrent illa bona fortunæ ab ecclesia quantumcunque aliunde ecclesia bene viveret, & quantumcunque non esset necessitas illa auferendi. Cujus oppositum est damnatum in multis Conciliis generalibus, ut patet in Canone palam. Item ex isto articulo sequitur, quod omnes reges sancti & domini qui potuerunt sic auferre ab ecclesia talia bona & non fecerunt, nec de hoc poenituerunt, sunt damnati. Item ex isto articulo sequitur, quod Reges & duces, qui antiquitus dederunt militibus simplicibus & militariis maneria & redditus,

ditus, debent à ſucceſſoribus illorum auferre illa maneria ſub poena damnationis æternæ quādoque habitualiter peccavit. Et hoc dicere, eſt dicere eſſe mortale peccatum quod non eſt mortale peccatum, & per conſequens eſt dicere hæreſim. Et patet conſequentia, quia non eſt danda cauſa diverſitatis. Item ex motivo principali pro articulo ſequitur, quod populares poſſunt à Regibus & ducibus & eorum ſuperioribus licitè auferre poſſeſſiones eorum, quādoque habitualiter delinquant. Nam principale motivum antiquum ſuum eſt iſtud:

Deus non poſſet eſſe, niſi poſſet permittere eccleſiaſticos ad tantum delinquere quod mereantur poſſeſſionibus ſuis ſpoliari: nec poſſet ſpoliationem talem cauſare, niſi poſſet facere dominos temporales meritorie exequi cauſam: ergo conſuſio.

Argumentum Wicleſi.

Conſumitur arguitur: Deus non poſſet eſſe, niſi poſſet permittere reges, duces & ſuperiores in poteſtate laicali ad tantum delinquere, quod mereantur poſſeſſionibus ſuis & dignitatibus ſpoliari: nec poſſet ſpoliationem talem cauſare, niſi facere poſſet populares meritorie exequi illam cauſam: ergo populares poſſunt à regibus, ducibus & ſuperioribus in poteſtate laicali licitè auferre poſſeſſiones eorum & dignitates, quādoque habitualiter delinquerint. Modus arguendi eſt ſuus ab antiquo, & conſuſio eſt expreſſe contra ſacram ſcripturam, ut inferius deducetur: quia deus præcepit fidelibus ſuis omnibus, ne auferrent à filiis Iſrael infidelibus, & publice & habitualiter idololatriſ, poſſeſſiones. Et dicere quod pro quocunque peccato continuato deberent populares auferre poſſeſſiones, & dignitates à Regibus eorum & eorum ſuperioribus, eſt multipliciter contra ſcripturam, ut inferius patebit. Et ideo iſte articulus merito inter alios eſt condemnandus hæreticus. Et in iſto articulo & modo arguendi adverſarius turpiter contradicit ſibi ipſi: quia ponit quod omne quod erit, abſolute neceſſario erit: & quod ſi hoc non erit, hoc non poteſt eſſe. Et ideo conſequenter habet dicere, quod ſi deus non permittit eccleſiaſticos ad tantum delinquere, quod mereantur à poſſeſſionibus ſuis ſpoliari: ergo deus non permittit eccleſiaſticos ad tantum delinquere, quod mereantur à poſſeſſionibus ſuis ſpoliari: Et cum antecedens ſit ſibi dubium, an deus hoc permittat, patet quod habet juxta principia ſua negare conſequentiam iſtam: Si deus poteſt eſſe deus, poteſt permittere eccleſiaſticos ad tantum delinquere, quod mereantur à poſſeſſionibus ſuis ſpoliari, &c. Pro iſto articulo non facit in Trialogo aliquam rationem ſpecialem, niſi ſupponendo ex prædictis argumentis ſuperius ſolutis, quod domini temporales graviter peccaverunt dotando eccleſiam, & quod debent de illo peccato puniri, & ſic auferre temporalia illa ab eccleſia, quæ eccleſia dederunt. Sed patet ex dictis, quod aſſumptum univerſaliter intellectum eſt omnino falſum. Et dato quod in caſu ſingulari eſſet verum quod dominus temporalis donando temporalia peccaret, ut puta ex vana gloria, ex hoc nullo modo ſequitur, quod verè poenitendo debeat ab eccleſia illa auferre, cum hoc non debeat fieri etiam hiſtrioni, &c.

Reſponſio ad argumentum.

**Q**uartusdecimus articulus pro hæreſi condemnatus eſt: Si corporalis unctio foret ſacramentum, ut modo fingitur, Chriſtus & ejus apoſtoli ipſius promulgationem non tacuiſſent. Quod enim iſte articulus ſit hæreticus, patet: quia ſupponit fictionem eſſe, quod ſacramentum extremæ unctionis ſit verum ſacramentum: cum tamen oppoſitum in materia de ſacramentis ſit ab univerſali eccleſia approbatum. Item iterum eſt hæreticus, quia aliter ſentit de illa ſcriptura apoſtoli Jacobi [Infirmatur quæ ex vobis? inducat ſuper ſe preſbyteros eccleſiæ, & orent ſuper eum, ungentes eum oleo ſancto in nomine domini] quàm ſpiritus ſanctus efflagitat, & aliter quàm doctores à tempore apoſtolorum uſque ad tempora noſtra ſentiebant, quia in illa fundabant hoc ſacramentum. Et tertio eſt hæreticus, quia ſupponit nihil eſſe catholicum, cujus promulgationem Chriſtus & apoſtoli tacuerunt in ſacta ſcriptura, & hoc eſt hæreticum, ut inferius patebit. Pro iſto articulo nullam omnino facit rationem alicujus ponderis, vel dignam recitatione, &c.

Decimusquartus articulus Wicleſi. Reſponſio Wodfordi.

S. Jacobi 5. 14.

**Q**uintusdecimus articulus condemnatus eſt, quod quicumque eſt humilior, eccleſiæ ſervitivor & in amore Chriſti quoad ſuam eccleſiam amativior, ille tam in eccleſia militante major & proximus Chriſti vicarius eſt.

Decimusquintus articulus Wicleſi.

Hic articulus condēnatus eſt pro errore ſapiēte hæreſim, & ratioabiliter. Primo, quia licet non certificatur eccleſia ſine ſpeciali revelatione divina, quis eſſet in eccleſia militante proximus Chriſti vicarius, quia nescit eccleſia militās, qualis perſona eſt in illa humilior, eccleſiæ ſervitivor, quoad ſua eccleſia amativior: nec ſcire hoc poteſt ſine ſpeciali revelatione. Secundo eſt hæreticus rationabiliter condēnatus: quia dato articulo, ſequitur quod vero vicario proximo

Reſponſio Wodfordi prima.

22.



- ximo Christi mortuo, statim est aliquis alius verus & proximus Christi vicarius absque omni electione juridica cleri vel populi: quia ipso mortuo aliquis est humilior in ecclesia, ecclesiae servitior & in amore Christi, quoad suam ecclesiam amativior. Et si sic, errasset ecclesia à tempore apostolorum usque ad tempora nostra circa personam papae. Tertiò est hic articulus rationabiliter condemnatus: quia dato articulo dubitare deberet ecclesia, si unquam beatus Petrus fuit proximus Christi vicarius in terris, quia dubitare habet ecclesia si Petrus fuit humilior Andrea apostolo vel Jacobo, vel quocunque alio Christiano humilior: & per consequens habet dubitare, an Petrus unquam fuit humilior, ecclesiae servitior & quoad ecclesiam amativior alio quocunque Christiano: & per consequens, articulo dato habet etiam dubitare si beatus Petrus unquam fuit proximus Christi vicarius.
42. Et sic de quocunque alio papa à tempore apostolorum usque ad tempora nostra. Quartò est hic articulus rationabiliter condemnatus: quia dato articulo cum alia sententia sua sequitur, quòd mulier aequè potest esse episcopus & sacerdos, sicut vir. Et sic sequitur, quòd beata virgo fuit \*papa & proximus Christi vicarius, tempore quo Petrus apostolus episcopus Romanus fuit, quia ipsa fuit humilior Petro, & ecclesiae servitior & amativior, secundum quod consequenter habet dicere. Quintò est hic articulus rationabiliter condemnatus: quia dato articulo sequitur, quòd nullus debet credere se esse papam, nec proximum Christi vicarium in terris: quia nullus virtuosè credit se esse humiliorem inter omnes viventes, vel quocunque alio ecclesiae servitorem. Cum ergo nullus potest esse papa secundum articulum nisi sit talis, sequitur quòd nullus unquam debet credere se esse papam: imò credendo se esse papam, esset non papa, & non Christi vicarius: quia non esset tunc inter omnes humilior sed potius presumptuosior, credendo se omnium aliorum virtuosior.
64. Sextò est hic articulus rationabiliter condemnatus: quia dato articulo sequitur, quòd quodcumque subditus papae sit ipso humilior & ecclesiae servitior, papa definit esse papa & proximus Christi vicarius, absque cessione juridica & juridica depositione: quia tunc ille humilior & ecclesiae servitior sit papa, & non est primus papa, quia ex tunc non est humilior, nec ecclesiae &c. Septimò est hic articulus rationabiliter condemnatus: quia dato articulo, & posito quòd essent duo vel tres aequè heroicè humiles, & in aequali gradu, & nullus alio illorum esset humilior vel amativior: sequitur quòd duo sunt vel tres papae aequalis praerogativae, vel quòd nullus est papa: quia qua ratione unus esset proximus Christi vicarius, & alius istorum trium.
82. Octavò est iste articulus rationabiliter condemnatus: quia dato articulo, sequitur quòd si ille qui est papa & Christi proximus vicarius, statim post peccabit in aliqua specie mortalis peccati, quantumcumque occulto, statim definit esse papa & Christi proximus vicarius: quia eo ipso non est humilior & virtuosior in ecclesia. Et tales ineptiae & fatuitates magnae deduci possunt in articulo in magna multitudine. Pro articulo non facit adversarius in Tialogo aliquam rationem.

\* Etiam si B.V. non fuerit Papa, fuisse tamen Johannem Papistam novem-  
54. runt melius antiqui quam scriptores hodierni.

Decimus Sextus articulus Wicelii, Responsio Wodfordi 4. viis. Vix primae prima probatio.

**S**Extusdecimus articulus pro haeresi condemnatus est, quòd ad verum dominium seculare requiritur iustitia dominantis: sicquòd nullus in peccato mortali est dominus alicujus rei.

Quòd autem iste articulus sit haereticus, patet quatuor viis. Primò, quia repugnat sacrae scripturae. Secundò, quia repugnat determinationi ecclesiae. Tertiò, quia antiqui doctores catholici & sancti tradiderunt articulum esse contra fidem ecclesiae. Quartò, quia ex articulo sequuntur haereses diversae. Est ergo articulus haereticus Primò, quia repugnat sacrae scripturae. Unde Genes. 3. patet, quòd postquam peccaverunt primi parentes, & antequam deus viro poenam imposuit, dixit deus mulieri: Sub viri potestate eris, & ipse dominabitur tui. Et hoc dictum est pro eà & pro omnibus aliis uxoribus, quòd viri & mariti illarum deberent uxoribus dominari, & alio modo quàm pro statu innocentiae fuissent dominati: quia aliàs hoc non fuisset eis pro poena injunctum. Cum ergo multae uxores habeant maritos paganos, & multae Saracenos in mortali peccato, patet quòd repugnat scripturae, ponere quòd nullus in peccato mortali habet dominium alicujus rei. Secundò patet idem Deuter. 2. cap. ubi praecipitur filiis Israel ne pugnent contra filios Esau (aliàs Edom) cui dedit dominus montem Seyr, & filiis suis. Erat autem Esau reprobis in mortali peccato, & filii sui idololatrae. Et ibidem habetur, quomodo praecipit dominus filiis Israel ne pugnent contra Moabitas, qui erant idololatrae. In eodem etiam habetur de eo, quomodo conformiter praecipit eis, ne pugnent contra Ammonitas, nec occuparent terram illorum, quia illis tanquam filiis Loth dederat eam dominus in possessionem. Cum ergo titulus divinae dationis sit verus, & propriè titulus iustus habitationis rei à deo donatae, & cum isti erant idololatrae, quibus deus has terras dedit, patet quòd repugnat scripturae dicta positio adversarii. Tertiò patet idem, quia Genes. 6. habetur

habetur, quòd Isaac abiit ad Abimelech regem Palaſtinarum, qui tamen fuit idololatra. Et in multis locis ejusdẽ libri habetur de Rege Ægypti qui tamen fuit idololatra. Exodi etiam primo habetur, de rege novo ſuper Ægyptũ qui filios Iſrael odioſos habuit & perſequutus fuit eos. In libro etiam Deuteronomii & Numerorum habetur de multis idololatriſ, quomodo ſcriptura ponit eos reges. Et ſic conformiter in libro Joſue habetur, & libris Regum de Benhadad rege Syriæ & multis aliis regibus infidelibus. Conformiter in libris Eſdræ, Nehemiæ, Judith & Heſter de regibus infidelibus multa dicuntur. Etiam Danielis 5. cap. dixit Daniel regi, O rex, deus altiffimus regum magnificentiam, gloriam & honorem dedit Nabuchodonoloſo patri tuo. Et tamen ille fuit pro tempore regni ſui valde malus à deo ſibi dari. Etiam 3 Regum 19. habetur, quòd deus præcepit Helix prophetæ ut ungeret Aſa-el in regem Syriæ, & Jehu in regem ſuper Iſrael: & tamen uterq; fuit malus, & dominium à deo homini datum, non poteſt ſolùm eſſe prætenſum, ſed eſt verum dominium: & unctio per divinum præceptum in regem & perfectiſſimum prophetam, non poterat ſolùm eſſe unctio in regem prætenſa, ſed erat unctio in regem vera. Et ideo dicere, quòd nullus in peccato mortali eſt verè rex vel habet verè dominium eſt expreſſè contradicere ſcripturæ. Ultimo etiam Paralipomenon dicit Cyrus rex Perſarum, Omnia regna terrarum dedit mihi deus coeli, & ipſe præcepit mihi ut ædificarem ei domum in Iſrael: & tamen Cyrus erat in mortali peccato. Quartò patet idem, quia Nehemiæ nono patet quòd Eſdras ſanctus dixit de ſe & filiis Iſrael, Nos ipſi ſervi hodie ſumus, & terra quam dedisti patribus noſtris, & nos ipſi ſumus ſervi in ea, & fruges ejus multiplicantur regibus quos poſuisti ſuper nos propter peccata noſtra, & corporibus noſtris dominantur & jumentis noſtris ſecundum ſuam voluntatem. Poſtea etiam dicit: Dominati ſunt eorum qui oderunt eos, quos oportuit propter odium eſſe in peccato mortali. Chriſtus etiam, qui nunquam eſt mentitus, dixit, Principes gentium dominantur eorum, ergo principes gentiles verè dominantur ſuper eorum ſubditos quamvis ſint infideles. Matthæus aſſerit Chriſtum natum in diebus Herodis regis, qui tamen fuit malus. Lucas dicit Tyberium imperaſſe & tenuiſſe imperium: & alios infideles tenuiſſe Tetrarchias in terra filiorum Iſrael: & quaſi locis innumeris conſimilia habentur in ſcripturis. Et apoſtoli præceperunt ſervos ſubjici dominis ſuis: non ſolùm bonis & modeltis, ſed etiam dyſcolis: ergo juxta ſententiam ſtat dyſcolos & malos eſſe dominos. Et ideo dicit de domino ſcriptura, quòd regnare fecit hypocritam propter peccata populi. Ille verè Rex eſt quem dominus regnare fecit: & ideo ſtat hypocritam in mortali peccato eſſe verum regem & dominum: & oppoſitum dicere, eſt contradicere ſcripturæ. Quintò patet idem, quòd Cain fuit malus & reprobus, maxime poſtquam iratus erat vehementer contra fratrem ſuum Abel: ſed poſt dixit ei deus, ut patet Genef. 4. Sub te erit appetitus tuus & tu dominaberis illius. Ergo ex ordinatione divina habent peccatores magnum dominium appetituum ſuorum, & actionum ſuarum voluntarium: nec tollitur iſtud dominium à peccatore qualitercunq; peccante, quamdiu habet uſum rationis, ſecundum communiter doctorum. Imò ſi tolleretur à peccatore illud dominium in actionibus ſuis, non peccaret. Dicere ergo quòd nullus exiſtens in peccato mortali habet dominium alicujus rei, eſt apertè dicere contrarium aſſertioni ſacræ ſcripturæ. Iterum Chriſtus in parabola evangelica de decem virginibus aſſerit, quinque ex eis eſſe prudentes, id eſt, bonas; & quinque ſaſas, id eſt, malas. Cum ergo virginitas de natura ſui, plus dicit virtutem quam facit dominium civile, quod ab iniquitate introductum eſt: ſequitur à fortiori, quòd conſtat dominium civile eſſe in mala perſona. Et patet etiam ex ſcriptura, quòd deus dedit, & poſt hoc dabit malis & peccatoribus faciendi poteſtatem vera miracula. Fecit enim Judas vera miracula ſimul cum aliis apoſtolis, quando fur erat & latro. Et Antichriſtus, licet multa miracula faciet ficta, multa etiam faciet vera miracula, ut aliàs oſtendi. Quapropter Auguſtinus 83. quaſtionum quaſt. 82. dicit, quòd miracula faciunt Magi per occultos contractus cum dæmonibus, boni Chriſtiani per publicam juſtitiam, mali Chriſtiani per ſigna publicæ juſtitiae. In tertio de Trinitate, cap. 9. ponit tres cauſas quare datur malis poteſtas faciendi miracula: cum & in eodem libro ponit, quòd Satan operatus eſt miracula in afflictione Job, ut in igne de coelo deſcendente & vento vehementi ſubito ſtanti & in percuffione ſubita ipſius Job. Ergo ex quo vera poteſtas faciendi miracula eſt major poteſtas & ſanctitati propinquoſi quàm ſit poteſtas dominandi civiliter: ſequitur à fortiori, quòd conſtat malos imò valde malos, verè dominari civiliter, & quòd contrarium dicere, eſt ſacræ ſcripturæ contradicere, &c. Patet ſecundò, quòd iſte articulus eſt hæreticus, eo quòd contradicere determinationi eccleſiæ. Clemens papa Petri ſucceſſor in ſuo decreto, quod ponitur in Canone. 12. q. 1. cap. [Dilectiſſimus] aſſerit, quòd proprietas quæ dicitur dominium civile, pro iniquitate introducta eſt: quia communis uſus omnium quæ ſunt in mundo, omnibus hominibus communis eſſe debuit. Unde & Cain primus proprietarius fuit iniquus: & quòd introductum eſt ex iniquitate, ſtat in iniqui-

Judas fecit vera miracula.

22. Vix prob. prima.

iniquitate in eodem qui introduxit. Ex iniquitate ergo proprietas stat in eodem cum iniquitate, & per consequens civile dominium stat in iniquitate cum civiliter dominante. Et oppositum dicere est contradicere sententia ecclesiae. Unde Christus Lucae 16. consilium dedit peccatoribus, ut facerent sibi amicos de mammona iniquitatis; i. de divitiis iniquitatis, secundum expositionem Augustini, in [de quaestionibus Evangelistarum] pro eo quod non sunt istae divitiae, nisi iniquis: Iusti enim (ut dicit) etsi pecunias possident, non sunt tamen eis aliae divitiae quam coelestes. Et ideo stat peccatores & iniquos divitias habere, quas iuste possunt distribuere pauperibus: & per consequens, & dominium illorum. Patet idem

Augustinus  
Quaest. Evang.  
lib. 2. cap. 34.

2a. secundo, quia ecclesia approbat quod Judaei manifeste habeant servos: ut extra. de Judaeis patet in diversis cap. Ergo ecclesia approbat quod manifeste Judaei, qui sunt notorii in mortali, sunt domini & habent verum dominium servorum suorum. Possunt etiam habere synagogas & coemiteria, ut patet ibidem. Iterum ecclesia approbat quod Judaei solvant decimas, & quod obligantur saltem ad decimas praediales: ergo ecclesia non reprobatur sed approbat quod manifesti Judaei habeant praedia ad colendum. Assumptum patet, extra. de decimis cap. de terris. Dicere ergo, quod non est possibile aliquem in mortali habere verum dominium est dicere contrarium sententiae ecclesiae. Unde & ecclesia determinat quod Judaei licite possunt vendere sua: ergo & licite habere rerum possessiones. Patet idem tertio, quia secundum

Decima Ju-  
dazorum.

3a. determinationem ecclesiae papatus verus stat in aliquo cum mortali peccato. Unde papa deponi non debet pro crimine, nisi pro crimine haerese, vel alio communitatis destructivo & nimis scandaloso, secundum determinationem ecclesiae. Ecclesia enim determinat quod stat episcopos schismaticos verè conferre sacros ordines, & etiam episcopos symoniacos: quod facere non possent nisi essent veri episcopi. Ecclesia etiam determinat quod stat sacerdotem in mortali verè conficere corpus Christi: quod facere non posset nisi esset verè sacerdos. Cum ergo dominium civile sit potestas temporalis: sacerdotium, episcopatus & papatus sunt potestates mere spirituales: & cum peccatum mortale non repugnet, secundum determinationem ecclesiae, potestati merè spirituali in eadem persona: à fortiori nec peccatum mortale repugnabit potestati temporali & dominio civili in eodem. Contrarium ergo dicere, est contra determinationem ecclesiae. Patet tertio, quod iste articulus est haereticus, pro eo quod antiqui doctores & sancti tradiderunt firmiter articulum esse contra fidem ecclesiae. Unde antiqui doctores sollicitè laboraverunt ad excusandum filios Israel de furto, quando mutuata sunt ab Aegyptiis vasa multa & pretiosa, & recesserunt cum eis de Aegypto in desertum: nisi enim antiqui doctores credidissent firmiter quod Aegyptii idololatrae potuissent habuisse verum dominium talium rerum, nullum colorem habuissent excusandi filios Israel à furto: propter hoc quod in hoc non contrafessent in aliquo rem alienam domino invito: & ideo non poterant in hoc furtum committere. Excusant enim eos Augustinus & antiqui doctores à furto, propter hoc quod sic fecerunt deo jubente: ergo si sic fecissent deo non præcipiente, furtum fecissent: quod verum non esset, nisi Aegyptii veri domini fuissent. Patet ergo, quod antiqui doctores firmiter crediderunt idololatrias esse veros dominos rerum suarum. Tobias etiam, ut patet Tobiae 2. firmiter credidit idololatrias esse veros dominos: cum uxor sua adduxisset hoedum caprarum, & audisset vocem balantis, dixit: Videte ne forte furtivus sit, & reddite eum dominis suis. Credidit ergo firmiter idololatrias esse veros dominos. Ioseph etiam sanctus firmiter credidit Pharaonem dominum Aegypti verum & non solum præteritum, quando recepit ab eo gubernationem regni & bonorum in regno. Si enim non credidisset eum fuisse regem & dominum, pro eo quod scivit eum peccatorem, nunquam recepisset illam dignitatem ab eo, & à commissione sua sancta. Etiam Johannes & Paulus dixerunt Juliano apostatae pro Imperatore se gerente: Non tibi facinus injuriam, nec præponimus tibi qualemcumque personam in domino, sed Deum illum tibi præponimus qui fecit coelum & terram. Crediderunt ergo hi sancti juxta mortem positi, Julianum, non obstante quod apostata erat à fide ecclesiae, verum dominum. David etiam sanctus, postquam scivit quod Saul à deo erat reprobatus propter peccata sua, favebat eum regem & Christum Domini. Et sic fecerunt alii sancti prophetae de aliis regibus valde malis, ut patet in scriptura. Et ideo multi sancti tradiderunt firmiter hunc articulum esse contrarium veritati fidei, &c. Quarto est hic articulus haereticus, quia ex illo sequuntur haerese diversae. Nam primo sequitur, quod Christus male & falsè docuit, quando dixit Judaeis, reddite quae sunt Caesari, Caesari, respondendo ad quaestionem, si licet censum dare Caesari? Super quo loco Ambrosius notat, quod Christus prius dixit: Reddite quae sunt Caesari, Caesari: & subjunxit, quae sunt Dei, Deo. Super quo loco sic scribit Theophilus: Attende quod non dixit, date: sed, reddite: debitum enim est. Tuetur enim te princeps tuus ab hostibus, vitam tuam reddi tranquillam. Pro his ergo teneris ei in censu. Censui ergo ille ex doctrina Christi erat Caesari debitus, & Christus scivit eum tunc infidelem, & in peccato mortali. Si ergo nullus in

Hinc illz la-  
chrymaz! sibi  
autem deest  
Ecclesia.

Tertiz via  
probatio.

Quartaz via  
probatio  
prima

pecca-

peccato mortali est verus dominus alicujus rei, nec verus possessor, nec aliqua sunt sibi verè debita tanquam domino, Christus male & falsè docuit. Secundò sequitur quòd nulla opera bona de genere facta à peccatore mortali, proficiunt sibi ad acquisitionem vel ampliationem temporalis domini: sequela est manifesta, & falsitas dicti patet multipliciter per Augustinū de Civitate dei, in quibus libris ostendit ex processu, quòd Deus dedit Romanis imperiū & dilatationē imperiū, non obstante quòd erant idololatraz, propter hoc quòd erant minus vitiosi quam aliæ Gentes, & enumerat octo genera virtutum in quibus excellebant Romani: & quia (ut asserit Augustinus) propter virtutes illas non debuerant remunerari in vita æterna, ideo fuerunt remunerati à deo propter illas in dominio. Unde ponere, quòd non fuerunt remunerati propter illa opera bona de genere, hic per dominum & possessionem rerum fortunæ: & consequenter ponere, quòd deus non remunerat opera bona de genere à peccatoribus facta, neq; hic, neq; in futuro, quòd hæresis est dicere. Tertiò sequitur, quòd titulus donationis divinæ non est iustus titulus possidendi dominium: quia ut patet Gene. 7. deus asseruit; ut multiplicaret Ismaelem in bonis terrenis, & quòd decem duces generaret. Et manifestum est, quòd Ismael fuit malus. & manus ejus contra omnes, & manus omnium contra eum, & filii ejus fuerunt mali idololatraz & peccatores. Si ergo non potest peccator mortalis possidere dominium, titulus donationis divinæ in rebus temporalibus & dominio ducatus, non est titulus iustus habendi dominium. Et Catholicus non dubitat hoc esse hæreticum. Quartò sequitur, quòd deus majora bona pro homine peccatore posset dare, sed non minora bona pro ipso dum est in tali statu: quia apud philosophos bona fortunæ exteriora computantur pro bonis minoribus: bona corporis, naturalia bona, majora: bona animæ naturalia inter hæc majora; sed homo habet de dono dei, quantumcunq; sit peccator, bona naturalia corporis, & bona animæ naturalia: quia ipsam animam intellectivam à deo creatam & corpori organico infusam & in eo à Deo conservatam. Si ergo Deus non potest dare mortaliter peccanti dominium civile bonorum fortunæ, sequitur quòd minora bona pro homine peccatore non potest sibi dare, ubi multa majora bona pro peccatore potest sibi dare: quòd divinæ potentie omnino hæreticè contradicit. Quintò sequitur quòd deus potest concedere mortaliter peccatori jus naturale ad bona fortunæ, & jus Gentium ad bona fortunæ, quando non potest sibi concedere pro eodem statu jus civile ad bona fortunæ, quòd iterum repugnat divinæ omnipotentie. Stat enim hominem peccatorem mortalem esse in extrema necessitate, & tunc jure poli & naturæ potest uti rebus sibi necessariis, sub cuiuscunq; fuerint civili dominio. Potest etiam talis invenire rem vagam omnino derelictam, quæ ad nullum jus civile pertinet, & tunc occupanti conceditur de jure Gentium. Et sic potest peccator magnus habere jus naturale ad bona fortunæ, & jus Gentium ad bona fortunæ de divina ordinatione, & non potest jus civile habere ad bona fortunæ ex dei ordinatione, quia sic dominium staret cum peccato mortali in eodem, quòd negat articulus: sequitur ergo hæresis prædicta. Sextò sequitur, quòd non stat de dei omnipotentia, quòd homo in mortali peccato vigeat intellectu & discretionē naturali ad regimen in naturalibus, quando alii juxta eum positi tali discretionē carent. Nam philosophus primo Politicorum ostendit, quòd ille est naturaliter dominus, qui vigeat intellectu & prudentia ad regendum se. Et iste est naturaliter servus secundum eum, qui istis caret, & melius est ei regi quàm regere, ut dicit: & ideo naturaliter est servus. Si ergo non stat aliquem in mortali esse verum dominum alicujus rei, non stat aliquem in mortali sic vigere intellectu & discretionē naturali ad regimen, quando alii juxta eum positi tali discretionē carent: quia sic peccator mortalis esset naturaliter dominus servorum naturalium. Septimò sequitur, quòd lex Christiana est magis prompta & disposita ad decipiendum nationes Gentium & Christianorum in contractibus mutuum & mercandizationum, quàm fuit lex Judaica, vel quàm sit lex Saracena vel lex Paganorum. Et scandalosè hæreticum est hoc dicere de lege Christiana: & patet sequela, quòd quantumcunque rem Christianus mutuatus fuisset à Judæo, Pagano vel Saraceno vel Christiano, non debet restituere quòd mutuatus fuit, quia nec mutuatum, nec æquivalens est debitum tali mutuati in termino præfixo, ex quo est notoriè in mortali, & nihil juris habet, vel domini in aliquibus rebus fortunæ, secundum dictamen legis Christianæ, si articulus esset verus; Et ideo secundum legem Christianam, dato articulo, non teneretur Christianus sibi reddere termino hoc, quòd sibi mutuavit: quod non sequitur ex legibus quas habent aliæ gentes aliarum festarum. Sequitur ergo ex articulo, quòd lex Christiana est magis prompta & disposita ad decipiendum nationes Gentium & Christianorum in contractibus mutuum, quàm sit lex Judaica, Paganica vel Saracena. Et conformiter potest deduci de contractibus mercandizationum: quia re emptà à Christiano per Judæum, Saracenum & Paganum, vel Christianum notoriè usurarium, & pecunia Christiano soluta pro re emptā, non teneatur talis Christianus tali Judæo, Saraceno vel usurario publico, rem illam tradere secundū legem Christianam, quia

- non est, nec potest esse sua, dum est in tali statu, neq; sibi debita dum est in tali statu, ut ex isto articulo, sequitur ergo ex articulo hæc nefaria conclusio. Octavò sequitur, quòd illa doctorum antiquorum sanctorum sententia est falsa & impossibilis de bonis operibus ex genere factis in peccato mortali: quia dicunt, quòd valent ad accelerationem correctionis, vel ad bona temporalia acquirenda, vel ad minorem damnationem, quia intentionis illorum est, quòd ad quemlibet istorum trium effectuum possunt valere opera bona de genere facta à peccatore mortali: sed hoc est impossibile ex isto articulo, cum non possint valere ad acquisitionem justam bonorum temporalium in mortaliter peccante: quia sic peccator justè haberet bona temporalia, quod articulus habet negare. Nonò sequitur, quòd nullum dominium civile potest emi vel vendi nisi simoniacè: quia non potest esse dominium civile, nisi sit connexum spirituali gratiæ gratum facienti in habente dominium, juxta articulum. Et licet sacramenta debite & ritè suscepta sint causa gratiæ: contingit tamen multoties sacramenta dari & suscipi sine tali gratia in conferente, vel suscipiente, & tamen non possunt sacramenta emi vel vendi, nisi simoniacè. Ergo cum nullo modo possit esse dominiū civile, nisi connexum gratiæ gratum facienti & dominantis: sequitur à fortiori, quòd dominium civile non possit emi vel vendi nisi simoniacè. Decimò sequitur, quòd non stat aliquid esse verè castum, nisi meritorie ad vitam æternam sit castus. Consequens expressè contra parabolam Salvatoris de decem virginibus: quarū quinq; prudentes erant, & quinq; fatuæ: & consequens contra philosophiam, quæ ponit aliquos naturaliter esse castos, quos non ponit virtuosè castos. Et est similiter contra jura, quæ ponunt aliquos propter frigiditatem, & aliquos propter maleficia esse castos, quos non ponunt virtuosè castos, sed potius involuntariè. Et patet sequela, quia si stat aliquem esse verè castum, & non meritorie ad vitam æternam: sequitur quòd stat aliquem sic esse dominum, quia castitas magis appropinquat virtuti, quam divitiæ faciunt temporales. Similiter stat aliquem esse pauperem verè, & non esse virtuosè pauperem: ergò & aliquem esse verè divitem, & non esse virtuosè divitem. Undecimò sequitur, quòd judex temporalis sciens aliquem male vivere manifestè, adjudicando sibi secundum jura aliquam rem titulo hæreditatis, titulo doni, titulo emptionis, injustè & iniquè agit & judicat: quia scienter dato articulo adjudicat sibi rem non pertinentem suo dominio, quòd facere non potest scienter nisi iniquè: & consimile sequitur, de judice Ecclesiastico adjudicante tali rem aliquam titulo legati. Duodecimò sequitur quòd non stat hominem habere civile dominium super re, nisi habeat originale dominium & naturale ejusdem rei. Et quia civile dominium per adversariis fundatur in originali & naturali dominio, & non potest sine illo. Et sic cum homo bonus minus sapiens & prudens ad regendum habet plures servos propriè dictos civiles, super quos habet verè civile dominium: sequitur quòd habet originale & naturale dominium super illos. Consequens manifestè falsum, quia talis servitus propriè dictus non est de jure naturali: & quia est contra naturale dominium super re, nisi hæc eat originale dominium, quòd minus prudens ad regendum, & minus sapiens dominetur super se prudentiores & sapientiores & meliores, licet non sit hoc contra civile dominium. Decimotertiò sequitur, quòd illud Ecclesiasticus 4. 14. est falsum, cum dicitur quòd aliquis natus in regnum inopia consumitur: quia quilibet nascitur in peccato originali, & paucis privilegiatis exceptis. Et ideo secundum articulum, nullus talis, cum nascitur, habet jus ad regnum, ergo nullus talis nascitur in regnum, nec est aliquis talis dominus regni cum nascitur. Et consequenter falsum fuit illud Apostoli, quòd primum hoc dixit: Quanto tempore hæres parvulus est nihil differt à servo, cum sit dominus omnium: quia tempore Pauli \* parvuli non erant baptizati & per consequens parvuli Christianorum tunc non erant in gratia, & per consequens nec fuerunt domini alicujus rei: & sic multipliciter articulus iste falsificat processum scripturæ, quòd hæreticum est dicere. Decimoquartò sequitur, quòd Josue implendo per hoc divinum præceptum, male & injustè divisit filiis Israël terram promissionis: quia ex divino præcepto indifferenter singulis tribubus aliis à tribu Levi divisit terram, cuiuslibet dando partem suam: sed scivit bene quòd non omnes illi de decem tribubus fuerunt boni: sed quòd multi mali inter eos & magni peccatores, ergo adjudicavit partes terræ non dominis suis scienter, quòd facere non potuit, nisi minus justè. Decimoquintò sequitur, quòd deus non possit creare hominem mortalem & eum conservare in puris naturalibus suis sine peccato nisi infundat sibi gratiam, & dignificet eum ad vitam æternam: quòd dicere est dicere contra omnipotentiam divinam. Et patet sequela, quia talis ex quo est mortalis, indiget uti bonis temporalibus. Aut ergo utitur illis justè, & hoc non secundum articulum, quia non est in gratia: aut injustè, & hoc non, quia conservatur à deo sine peccato ex hypothesi, non potest ergo deus talem creare & sic conservare, quia sequeretur contradictio, dato articulo. Decimosexto sequitur, quòd omnes domini temporales qui cogunt homines & eos deducunt ad statum servilem civilem, pro eo quòd matrimonialiter descendunt ab illis qui coacti fuerunt ad servitutem, primo per infideles

† Quoniam sunt illi?  
\* Præter argumentum ex A. Apost. de Lydiæ totaq; ejus domo, sive familiâ, baptizata.  
(cap. 16. 15.)  
In qua nunquam probabimus non fuisse parvulos, & istiusmodi exemplis in N. T. distictè dicit S. Augustinus, Consuetudinem matris Ecclesiæ in baptizandis parvulis credendam esse.  
Apostolicam Traditionem.  
De Gen. ad lit. lib. 10. cap. 23. impingit igitur ipse auctor, dū alienos infectatur errores.



deles jure belli, inique agunt : quia sic primo coacti non fuerunt veri servi civiles, & per consequens nec matrimonialiter ab illis descenderunt. Assumptum patet juxta articulum, quia victores in bello, ex quo fuerunt infideles, non fuerunt veri domini alicujus rei : ergo nec veri domini illorum, quos captos in bello coegerunt ad servitutem : ergo nec illi sic capti & coacti, fuerunt veri servi : quia non est servus sine domino, ergo nec verus dominus sine vero servo. Et cõsimile sequitur de captis in bello à Christiano in mortali. Multæ & aliæ hæreses sequuntur ex isto articulo, quas omitto causa brevitatis, & quia alias tangam in respondendo, &c. Pro isto articulo arguit dominus Armachanus primò sic : & concordat cum illo adversarius.

Argumentum  
Armachani.

Responſio  
Wodfordi ad  
argumentum  
Armachani  
idem ſentien-  
tis cum Wic-  
leſo.

rent ufum rationis actualiter, non mortaliter peccarent. Item aduersarius in fuis determinationibus dicit, quòd Deus dat peccatori & infideli effe principem corporis, & effe principem animæ. Sed aquè dat deus homini effe principem corporis, & effe principem animæ pro debito fervitio fibi impendendo, ficut facit dominium : ergo peccando mortaliter refacit, & perdit effe principem corporis & animæ, ficut & perdit dominium, cujus contradictorium ipfe dicit. Item æque naturale imperium fuper bruta eft homini collatum pro debito fervitio deo & domino fuo impendendo, ficut & dominium. Cum ergo peccando mortaliter perdit homo & forfequit omnia pro debito fervitio deo faciendo fibi impenfâ : fequitur quòd æque perdit peccando mortaliter imperium naturale fuper bruta, ficut & perdit dominium : cujus contradictorium planè ponit dominus Armachanus. Item dominium fuper actus interiores voluntatis, & fuper appetitu peccati eft homini collatum à deo pro debito fervitio deo impendendo, ut omni notorium eft Catholico. Si ergo peccando mortaliter perdit homo & forfequit fibi omnia impenfâ, pro debito fervitio deo impendendo : fequitur, quòd eo ipfo quod peccat mortaliter, perdit dominium fuper actus interiores voluntatis & fuper appetitu, quod eft manifefte falſum. Et cujus contrarium docet dominus Armachanus duodecimo capitulo libri primi de pauperie Chrifti, tractans

Gen 4. 7.

maneria ex donatione superiorum dominorum: quamvis notati pro homagio faciendo non faciant, & vocati ad feuda militaria solvenda non faciunt, non ex hoc forefaciunt statim sua maneria pro tali servitio faciendo eis data, sed debent per dominos distringi & sic compelli ad sua servitia facienda. Igitur tam lege divina, quam lege humana hoc assumptum principale in argumento est falsum, & ideo non valet argumentum. Unde & adversarius tenet expressè, quod prædestinatus quamvis peccet mortaliter, non est dignus ex hoc poenâ æternâ: quia deus non vult, quod habeat poenam æternam, & ideo non est iustum quod habeat poenam æternam. Et sic consequenter tenet, quod prædestinatus licet peccet mortaliter, habet jus ad vitam æternam: quia hoc non obstante, deus vult quod habeat finaliter vitam æternam & ideo est iustum quod sic habeat. Ex quo ergo prædestinatus mortaliter peccando, non est necessitatus perdere jus ad vitam æternam, quomodo perdit ex hoc jus ad bona temporalia? Paret ergo quod sic arguendo assumunt falsum, & contradicunt sibiipsis, &c.

Secundò arguit sic, & tangit dominus Armachanus argumentum 4. lib. ca. 4. libri. Et adversarius 6. ca. determinationum suarum de dominio.

Argumentum  
Wiclii secundum,  
quo etiam  
utitur Ar-  
machanus.

Nullus paterfamilias sciens, potens & prudens committeret præposituram bonorum suorum servo proditori, dissipatori & inobedienti, dominum contemnenti, specialiter dum nominat ipsum esse talem & habuerit ex uno latere sufficientiam degradandi sine expectatione probationis testium, & ex alio latere habuerit copiam servorum fidelium & prudentium: Non est (inquam) dubium, quin sic facere foret suprema fatuitas. Non ergo potest competere iustissimo iudici omniscienti, omnipotenti, habenti omnia bona mundi distribuenda, & ad manum istas duas maneries famulorum, sic bona proditori, dissipatori, inobedienti distribuere.

Prima Responsio  
Wodfordi  
ad argumen-  
tum, per  
consequentiam.

Hic sequitur primò ex modo arguendi, quod non est dare dæmonem principem dæmoniorum contra Apostolum & contra Evangelistam: quia præposituram & principatum super res deo subiectas, non potest habere nisi à deo, & à deo nullus talis habet præposituram, secundum hæc dicta. Hic sequitur secundò, quod Christus fecit \* supremam fatuitatem, quando commisit Judæ proditori, quem scivit furem & latronem, præposituram loculorum dominicorum: quia habuit ex uno latere sufficientiam eum deponendi ab illa præpositura sine probatione testium, & ex alio latere alios Apostolos & discipulos sanctos & bonos in copia, quibus poterat illam præposituram commisisse. Hic sequitur tertio, quod ipso facto quo episcopus aliquis est in mortali, etiam occulto, perdit præposituram super clericos suos, & non est prælatus eorum. Hic sequitur quarto, quod deus non permittit aliquos in mortali, ex quo sunt sui proditores & sibi inobedientes & dissipatores, occupare aliqua bona mundi, quæ sua sunt, vel illis bonis male uti: quia paterfamilias sciens & potens, cum omnibus conditionibus in argumento tactis, non magis permetteret tales occupare bona sua, & illis male uti in casu illo, quam committeret sibi præposituram illorum bonorum: consequens est tamen manifestè falsum contra dicta utriusque doctoris. Multa & alia absurda sequuntur ex modo arguendi, Dico ergo ad argumentum primò, quod non omnis iniustus vel iniuste agens contra dominum suum est eo ipso proditor ejus. Potest enim inferior contra dominum suum iniuste etiam criminosè agere, quamvis non proditorie, ut patet in legibus ecclesiæ, in legibus seculi & in legibus privatarum religionum. Et ideo dato quod quis vellet concedere, quod deus non concedit præposituram bonorum suorum alicui suo proditori: ex hoc non sequitur, quod non hoc committit alicui iniusto, vel in mortali. Hic dico secundò, quod paterfamilias sciens, potens & prudens multoties ad cautelam, & ad malum servi iniqui & proditoris committit sibi præposituram, ut occasionaliter ex præpositura puniatur, secundum quod 2. Macc. 3. ca. habetur de Heliodoro à deo Hierosolymis flagellato, quem rex præpulerat negotiis suis, qui post flagellationem respondit regi interroganti, quis esset aptus adhuc semel Hierosolymam mitti? Si quem habes (inquit) hostem, aut regni tui insidiatorem, mitte eum illum, & flagellatum eum recipies, si non evaserit. Et paterfamilias, de quo Evangelica parabola, villicum iniquitatis diffamatum de dissipatione bonorum & post magis fraudantem in diminutione debitorum collaudat de prudentia, non legitur quod eum amovit de præpositura, licet antequam reddidisset rationem villicationis, de amotione à præpositura comminationem fecerat: sed ut prædicitur, de prudentia villicum iniquitatis commendat: & ideo non

Responsio di-  
recta prima.

generaliter verum est, quod assumitur in articulo, quod nullus paterfamilias, &c. Dico tertio, quod à multiplicatione hominum tempore, per climata mundi usque post ascensionem Christi non habuit deus tantam copiam servorum fidelium & bonorum, quibus traderet possessionem terræ, & dominia rerum, quantum habuit copiam iniquorum. Unde præter Judæos pauci fuerunt alii fideles servi dei in tempore legis datæ, & per ante plures mali, quam boni, ut patet ex serie scripturæ. Nunc autem patet ex descriptione beati Hieronymi, quod tota terra, quam occupaverunt Judæi tempore gloriosi Salomonis, non fuit tante latitudinis,

&c

& longitudinis, quantæ est Anglia nostra. Et ideo quasi sine comparatione plures fuerunt tempore legis infideles, quàm fideles : & ex fidelibus in fide, multi mali vita & conversatione procefferunt. Et sic toto tempore illo plures habuit deus servos malos & iniquos, quàm servos bonos. Et modernis temporibus Saraceni & alii infideles, hæretici, schismatici & perversi Christiani, manentes in fide, sunt quasi sine comparatione plures, quàm boni servi Christi in sanctitate & charitate viventes. Et ideo non est verum, quod innuit argumentum de majori copia suorum fidelium. Dico hic quartò, quòd non est similitudo sufficiens ad propositum, inter deum patremfamilias, & hominem patremfamilias : quia homo purus talis prudens, potens & sciens non multiplicat sibi plures servos malos, quàm bonos, quòd non facit deus omnipotens & omnisciens. Est enim numerus præfectorum deo sciente multo major numero prædestinatorum. Et sicut humanus dominus non potest post hanc vitam præmiare bona de genere, quæ facit malus servus ; pauci sunt enim mali servi, quin multa servitia bona de genere faciant dominis suis, propter quæ non possunt illos præmiare in futuro post hanc vitam, neq; propter mala servitia ipsorum & proditones ipsos punire post hanc vitam, quòd tamen potest deus & facit. Et ideo licet paterfamilias homo prudens non committere committit præposituram bonorum suorum suo proditori, & dissipatori & inobedienti : de quo tamen prudenter & iuste hoc facit, ut remuneret bona opera de genere quæ faciunt servi mali, & finaliter mali quos æternaliter propter malefacta puniet, quòd non potest dominus civilis purus homo. Et hanc fuisse causam, quare deus dilavit Imperium Romanorum, multipliciter ostendit beatus Augustinus in libro de Civitate Dei. Et sic pater, quòd illud argumentum peccat in materia, pariter & in forma: Tertiò arguit sic :

Dominus à domo dicitur, eo, quòd præsit aut quòd præesse debeat domui. Nullus peccans mortaliter domui præest, quin potius subesse per cupiditatem domui est censendus & aliis rebus ab eo detentis : & ideo est illorum servus non dominus. Et confirmatur per hoc, quòd omnis qui facit peccatum servus est peccati, Johannis octavo : Et ideo omnis peccator degradatur ad serviendū inferiori, quàm sit aliqua creatura, quia peccator : & ideo peccator ut hujusmodi nulli creaturæ proprie dominatur. Istam rationē pro prima parte ponit Armachanus, 4. ca. 4. lib. adversarius pro toto. 5. ca. suarū determinationū de dominio.

Argumentum  
Armach &  
Wiclef terti-  
um.

Hic dico, quòd contradicunt sibi ipsi etiam isto modo arguendi : quia ponit adversarius alibi duodecimo capite determinationum illarum, quòd reciprocè homines sibi invicem sunt domini & tibi invicem sunt servi. Et ideo nullo modo sequitur : Ille est servus hujus, ergo non est dominus ejusdem : quia sic non essent sibi invicem reciprocè servi & domini. Et septimo ponit cap. quòd omnis iustus dominatur toti mundo sensibiliter. Et cum servi multi civiles sunt iusti : sequitur necessario, quòd multi servi sunt domini, etiam illorum quorum sunt servi civiles. Dominus Armachanus ponit etiam pluries, quòd non stat aliquem esse pauperem, nisi habeat dominium originale & possessionem alicuius rei parvæ. Et per hoc distinguit inter pauperem & inopem, & concedit deum posse esse inopem sed non pauperem in temporalibus. Et 3. ca. 6. lib. de pauperie loquendo propriè & grammaticaliter, de paupertate & pauperie dicit, quòd paupertas spiritus, respectu privationis opum, importat virtutem. Hoc autem verbum pauper seu paupertas per se sumptum, virtutem in sensu non habet, sed sustinet vitium, juxta illud Salomonis : Tres species odit anima mea, pauperem, superbum, &c. Ex quibus apertè concluditur, quòd stat propriè pauperem esse superbum & vitiosum. Et cum nullus sit propriè pauper, nisi habens dominiū originale super aliqua re parva, ut patet ex dictis suis : sequitur etiā, quòd stat existentē in mortali esse servū rerum quibus dominatur, quòd hic negat. Hic dico secundò, quòd, si argumentum esset validum, contra evangelium Christi, oportet concedere quòd nullus verus Papa \* est servus servorum dei : immo nec Christus voluit in terris esse servus & minister : quia Christus fuit dominus, etiam discipulorum, juxta illud evangelicum : Vocatis me [magister & domine] & bene dicitis. Si ergo hic modus arguendi esset bonus, non fuisset Christus servus & minister illorū. Item dominus Papa scribit se servū servorū dei, ex deliberatione, juxta illud Matthæi secundo : Quicumq; voluerit inter vos major esse, sit vester servus. Ergo est dominus Papa verus servus servorum dei, quòd non esset verum, si nullus Papa ejusdem rei esset servus & dominus : quia non dubium quando dominus Papa est servus multorum, communitur loquendo : & propriè etiam habet multos servos civiles. Dico ergo finaliter ad argumentum, quòd nullum inconveniens est, quòd ejusdem rei quidam sit servus & dominus in diversis \* maneriebus domini & servitutis, sicut stat quòd dominus civilis etiam bonus, si sit non multum prudens ad se regendum, & sua bene regantur per servum suum civilem & prudentem & multum sapientem : & tunc secundum philosophiam ille servus civilis est dominus naturalis illius domini civilis, & sic dominus civilis servi est ejusdem servus naturalis, & econverso, servus civilis domini civilis est ejus dominus naturalis.

Responsio ad  
argumentum  
prima.

\* Quid Evan-  
gelio Christi  
cum si-  
22. mulatis  
Pape ritibus?  
qui, quicquid  
ingit in fron-  
te bullarum  
cum se scribit  
Servum servo-  
rum D. i. male  
habeat, nisi  
affirmetur Do-  
minus Domi-  
nium.

\* i. e. Modis :  
non expe-  
ctanda est hic  
Lænitias :  
sufficit si suo  
more Arma-  
chanum &  
Wiclefsum  
exagitet  
Wodford.

Conformi-

Conformiter servus civilis quando est iustus, sanctus & bonus, est dominus dominio originali inferioris mundi. Et secundum adversariū & secundū veritatem est dominus evangelicus, etiam domini sui civilis, si sit malus. Et ideo non sequitur: Est servus istius uno genere servitutus, ergo non est dominus illius alio genere domini. Quapropter non sequitur: Iste peccator servit domui suæ, vel est servus domus suæ, nimis diligendo terrena: ergo non est dominus illorum, sed bene sequitur, quod non est dominus illorum dominio evangelico, vel dominio meritorio vitæ æternæ: cum quo satis stat quod sit dominus illorum dominio humano & civili: & \* patet, quod argumentum non concludit, &c.

\* Pater, Pater: paruisse autē clariss. Argumentum quatum Wiclef & Armachani.

Quartò dominus Armachanus de quæstionibus Armenorum, ca. 4. arguit ad argumentum, & concordat adversarius capite primo, de dominio civili, sic:

‘Osee octavo scribitur de infidelibus regibus: Ipsi regnaverunt, & non ex me: principes extiterunt, & non cognovi, & protausa subiungitur: Argentum suum & aurum fecerunt sibi idola ut interirent. Qui ex deo non regnant, & quos in principando non cognoscit: non dubium (inquit) quando carent iusto dominio. Et concludit in fine cap. Manifestum (inquit) videtur, quod nullus in mortali habet aliquarum creaturarum dominium verum apud deum: sed tyrannus, ut fur, sive raptor merito est vocandus: quamvis nomen Regis, aut principis, aut domini propter aliquam legem humanam retineat.

Responsio prima Wodfordi ad argumentum eorum.

Hic dico primò, quod dominus Armachanus nimis superficialiter consideravit textum Prophetæ allegatum: quia ad litteram ibi loquitur Prophetæ de regibus Israel, qui regnaverunt super decem tribus, postquam Roboam filius Solomonis durè responderat eis: non obstante quod deus regnum decem tribuum, sicut & aliorū dederat David & filiis suis in sempiternum. Et propter istam causam dicit dominus de solis regibus Israel, quod ipsi regnaverunt & non ex me, id est, non ex mea ordinatione primaria: quia ordinaverat illud regnum pro David & filiis suis. Principes extiterunt, & non cognovi, id est, non approbavi maliciam principum decem tribuum se à regno David dividendum. Argentum suum & aurum fecerunt sibi idola, ut interirent: quia decem tribus fecerunt sibi vitulos: & postea idololatria fuit causa interitus eorum & captivitatis eorum. Unde sequitur in textu Prophetæ: Projectus est vitulus tuus, &c. Quia tempore captivitatis fuerunt ibi vituli projecti & destructi. Et sic ad litteram textus allegatus intelligitur de regibus Israel, qui fuerunt infideles pro magna parte, & non de regibus aliis infidelibus. Et ideo incongruè est iste textus pro articulo adductus. Unde dicere generaliter, quod nulli reges infideles fuerunt reges à deo, est, dicere expresse contra sacram scripturam, ut superius est expressum. Hic dico secundò, secundum B. Augustinum 5. de Civitate Dei, licet deus regnum coelorum det solis piis, tamen regnum terrenum dat piis & impiis. Et hoc dicit sanctus Augustinus conformiter ad sacram scripturam. Duplici tamen causa dicuntur impii regnantes non regnare à deo, vel deo non cognoscente. Una est generalis, quia nullius impii dominium approbat deus ad meritum vitæ æternæ: licet aliquorum impiorum dominia approbet dominus propter alias causas, vel propter virtutes morales, quas habent & exercent, vel propter hoc hereditarium à deo approbatum, vel propter electionem populi habentis à deo potestatem eligendi, vel propter domandam nequitiam & iniustitiam moralem in certa gente: vel propter causas alias deo notas, propter quas vera dominia obtinent, licet non vitæ æternæ meritoria, sicut peccator verum corpus & veram animam, licet non habeat corpus & animam meritorie ad vitam æternam. Alia causa speciali dicuntur certi impii non regnare à deo, vel deo cognoscente: quia aliqui tyrannizant & tyrannicè vivunt & occupant dominium sine iusto titulo divino vel humano, iniustitiam manifestam faciunt subditis committere & nationibus propinquis. Pacta non observant, sed sicut male intrant, sic male regulant & tyrannicè, & sine dubio de istis verificatur, quod regnant, & non ex deo approbante eorum dominium: & principes sunt, deo non cognoscente quod sunt veri principes. Sed ex hoc nullo modo sequitur, quin alii impii, iuste titulo divino vel humano dominantes, & iuste moraliter regulantes sint veri domini vera dominia habentes: & sic patet diversimodè, quod argumentum non concludit, &c. Quintò ad idem arguit adversarius de suo. Et est primum argumentum primi ca. de dominio civili.

Argumentum Wiclef quatum.

‘Omne bonum quod peccator mortalis possidet, iniuste possidet: ergo deficit à cuiuscunque dominabilis iusto dominio. Antecedens arguit sic: Peccator solum illo modo quo est, possidet: sed qualitercunque est, iniuste est: ergo qualitercunque possidet, iniuste possidet. Minorem arguit sic: Mortale cum inficit naturam, multò evidentius inficit omnem modum, vel accidens ejusdem: ut si vita hominis sit iniusta, quia, iniuste vivit, qualibet operatio ejus est iniusta: cum non aliter operatur quam vivit: & ideo sicut iniuste vivit, ita iniuste est dominus & iniuste subjacet cuilibet signabili suo accidenti. Et inferius concedit peccatorem in omni operatione sua mortaliter peccare.

Responsio ad argumentum per consequens.

Hic dico, quod ex modo arguendi sequuntur errores diversi. Primò sequitur, quod omnis peccator

peccator in mortali peccat & injustè agit. Et omnis puer non baptizatus actualiter, anhelando aerem, digerendo cibum, expellendo superfluum, multiplicando species per medium, peccat. Consequens manifestè erroneum, tamen hi actus non subjiciuntur imperio voluntatis : & ideo exercendo naturaliter & necessitate naturæ hos actus, non actualiter peccat quis, nec infantes sic actualiter peccant. Et patet sequela, quia si peccator solum illo modo quo est, possidet omne quod possidet : ergo & solum illo modo quo anhelat aerem & multiplicat species naturaliter per medium. Sed si modo quo est injustè est : ergo qualitercunque, anhelat aerem & multiplicat species per medium, injustè anhelat & injustè species multiplicat & peccat actualiter sic anhelando & sic multiplicando : ergo planum quòd deficit argumentum. Secundò sequitur, quòd completè fatui non baptizati & completè furiosi, arrepti peccato mortali, injustè agunt & peccant mortaliter in omni operatione sua : quia non aliter operantur quàm sunt, & qualitercunque sunt, injustè sunt : ergo qualitercunque operantur, injustè operantur & peccant mortaliter. Consequens contra determinationem doctorum & ecclesiæ. Tertiò sequitur, quòd omnis maritus possidendo uxorem & prolem, dum est in mortali, mortaliter peccat possidendo uxorem & prolem : quia omnis possessio ejus est injusta eo modo quo ipse est injustus : quia dicit quòd mortale inficit naturam & omnem modum & omne accidens ejus, & per consequens omnem operationem ejus : sed ipse maritus est mortaliter injustus, ergo & omnis possessio mortaliter injusta : ergo & possessio sua qua possidet uxorem & prolem est mortaliter injusta, & per consequens illa possessio uxoris & prolis est sibi peccatum mortale. Quartò sequitur, quòd peccator mortalis peccat mortaliter credendo in Deum & signando se Signo Crucis : quia qualitercunque est, taliter operatur injustè : ergo si credit cum sit injustus, & injustè se sic signat mortaliter peccando, & sic facièndum dum est in mortali. Quintò sequitur, quòd sacerdos in mortali, quiescunque dicit aliquam partem officii ecclesiastici toties peccat mortaliter : & sic quot verba dicit in matutinis, in horis & in exequiis & aliis, tot committit mortalia peccata, patet sicut prius. Sextò sequitur, quòd animæ infantium decedentium sine baptismo fluminis, flammis & sanguinis, continuè peccant mortaliter, patet conformiter. Septimò sequitur, quòd peccator mortalis peccat mortaliter possidendo manus, pedes, caput, vel aliquam partem corporis : & cum infinitæ sint partes corporis proportionabiles, sequitur quòd infinitis peccatis peccat continuè dum est in mortali. Octavò sequitur, quòd peccator mortalis si sit niger corpore, injustè est niger : si albus, injustè albus : si alicui similis, injustè similis : quia injustè subest cuilibet signabili accidenti suo : & cum infinitæ similitudines sint in eodem homine, quarum quælibet est accidens reale secundum doctrinā suam : sequitur quòd infinitæ injustitiæ sunt in quolibet homine mortaliter peccatore. Nonò sequitur, quòd quilibet homo peccator est injustè quantus, cum injustè subit cuilibet signabili accidenti : & consequenter sequitur quòd peccator quante est, tantè injustè est : quia omnimodo quo est, injustè est ex modo arguendi : ergo quante est, tantè injustè est. Signo ergo duos æquales in naturalibus, & quantitativè per a & b : quorum unus peccet peccato intenso, puta a, & alius remissiori, puta b solum : & sequitur quòd a est magis injustus quàm b : quia major peccator, cum peccatum suum sit intensius & gravius peccato b : & quòd a non est magis injustus quàm b : quia uterq; æqualiter est qualitativè, quantitativè & substantialiter, & uterq; præcisè quante est b, tantè injustè est : ergo a non magis injustè est quàm b, ergo contradictio. Similiter ponatur, quòd Socrates sit quantitativè longior quàm Plato, & quòd peccet peccato iracundiæ remissè, & Plato peccato idololatriæ intense : & tunc sequitur, quòd Socrates magis injustus est quàm Plato : quia quante est, tantè injustè & injustus est, & non est magis injustus quàm Plato : quia injustitia peccati sui non est tanta, quanta injustitia Platonis. Et sic iterum sequitur contradictio. Decimò sequitur, quòd omnes primi motus in peccatoribus mortalibus sunt peccata mortalia : quia concedit talia opera talium esse peccata mortalia : consequens contra determinationem sanctorum doctorum. Undecimò sequitur quòd omnes primi motus in iustis viris & sanctis sunt opera meritoria vitæ æternæ : quia si mortale sit inficit naturam quòd inficit omnia opera naturæ & facit ea injusta & mortalia : ergo & gratia gratum faciens sic perficit naturam quòd facit omnia opera ejus iusta & vitæ æternæ meritoria. Et sic consequenter infantes baptizati actualiter merentur vitam æternam, anhelando aerem, multiplicando species per medium, digerendo, egerendo, plorando, & in omni operatione sua naturali, quòd nullus sani capitis unquam dixit. Duodecimò sequitur, quòd nihil gratificat viatorem ad bona temporalia, nisi quòd gratificat eundem ad bona æterna. Consequens falsum etiam per adversarium, qui in eodem tractatu de dominio civili dicit cap. 3. quòd nullus præscitus in gratia, quantumcunque magna secundum præsentem justiciam meretur vitam æternam : sed aliquid bonum citra. Consequens etiam falsum de operibus moraliter bonis ex genere factis in mortali, per illa meretur faciens bonum temporale : non bonum æternum, ut sanctus Augustinus exemplificat de Romanis. Consequens falsum



13a. Conseq.

Responsio  
Wodfordi  
directa  
prima.

etiam, quia multa opera gratificant facientes penes praelatos, & dominos temporales ad bona temporalia : quæ tamen non gratificant eos ad æterna præmia. Et sequela patet, quia secundum modum istum arguendi, siquis sit in mortali, nihil gratificat eum ad aliquod bonum temporale : sed omnia opera sua sunt mortaliter infecta ; si in gratia, tunc erunt omnia opera sua iusta & vitæ æternæ meritoria. Et ideo si aliquod opus gratificat eum ad bonum morale, illud gratificat eum ad bonum æternum. Decimo tertio sequitur, quod actualiter damnatus ad poenâ æternâ, à deo iniuste est damnatus. Nam qualitercunq; iste est, taliter damnatus est : & quicunq; iniuste est, iniuste sub est cuilibet suo accidenti signabili. Ex argumento ergo iniuste subest omni poenæ suæ sensibili : ergo iniuste est ipse damnatus actualiter. Et sic sequitur e contrario, quod Christus iuste fuit condemnatus ad crucis patibulum & iuste passus est poenas sibi à Judæis inflictas. Et consequenter, quod omnis martyrizatus iuste patitur passionem quas patitur dum martyrizatur : & consequenter, quod omnis iustus iuste patitur quicquid à tyranno iniusto iniuste patitur, quia solū modo quo est patitur, & omni modo quo est iuste est : ergo omni modo quo patitur iuste patitur. Multæ ineptæ confimiles possunt deduci quæstiones ex modo arguendi, quas pertranseo propter abbreviationem sermonis, &c. Respondeo igitur primò ad argumentum, quia prima propositio potest habere duplicem intellectum, cum dicit, quod peccator solūmodo illo modo quo est, possidet aliquid quod possidet. Unum talem : Peccator solūmodo eo modo quo est, possidet aliquid quod possidet : & hoc potest concedi. Aliū vero talē : Peccator solūmodo illo modo quo est, possidet omne quod possidet : & hoc est falsum, quia peccator substantialiter est, & non substantialiter sed accidentaliter possidet accidentia sua separabilia. Fur non furtivè est, neq; prædo rapinativè, & tamen fur furtivè possidet furatâ, & prædo rapinativè deprædatâ. Unde nec iustus solūmodo illo modo quo est, possidet omnia quæ possidet, quia primus parens pro tempore parvo, quo fuit innocens ante peccatum, substantialiter fuit, & non substantialiter habuit innocentiam, quam tunc habuit primus angelus. Etiam primus angelus in primo instanti sui esse pro morula, antequam peccavit necessario fuit, sic quod fuit verum dicere : Iste angelus est necessariò necessitate respectiva, sic quod nec potest, nec poterit non esse de communi lege, & sic non necessariò possedit innocentiam, quia cito perdidit illam. Similiter prædictus, nunc in gratia naturaliter est, & non naturaliter possidet gratiam gratum facientem quam possidet, sed miraculosè à domino dono. Et ideo iustus uno modo est, & alio modo, & non illo modo possidet aliqua quæ possidet : & consimiliter est de iusto. Patet ergo, quod in secundo intellectu universalis assumptum est simpliciter negandum : & patet apud logicum, quod si assumptum sumatur solum in primo sensu, quia consequentia est nulla. Respondeo secundò ad argumentum, quod minor propositio cum dicitur, quod qualitercunq; peccator est, iniuste est, est simpliciter falsa, loquendo de iniuste, ut ipse facit, perniciosè ad demeritū poenæ æternæ : nisi enim sic loqueretur de iniuste, non esset ad propositum suum de iniusto dominio. Sic enim loquendo patet quod peccator naturaliter est & substantialiter, & non est substantialiter sic vitiosè, nec naturaliter vitiosè. Et ad ejus probationem cum sic arguit : mortale cum inficit naturam, multo evidentius omnem modum ipsius, & omne accidens ejus : ut si vita hominis sit iniusta, quælibet ejus operatio est iniusta cum non aliter operatur quàm vivit. Dico constanter, quod non oportet si mortale inficit naturam hominis, ita ut faciat eam vitiosam & dignam poenæ æternæ, quod propter hoc faciat omne accidens ejus & omnem modum ejus vitiosum & dignum poenæ æternæ. Nam albedo iusti non est digna vita æterna, nec nigredo iniusti poena æterna, sicut nec multiplicatio naturalis speciei per medium, nec est digna vita æterna in iusto, nec poena æterna in iniusto. Et sic consequenter falsum est, quod si vita hominis sit iniusta, quælibet operatio hominis est iniusta, ut superius patuit, & inferius amplius patebit. Et consequenter est falsum universaliter loquendo, quod non aliter operatur quàm vivit : quia vivit substantialiter & naturaliter, & multa operatur quæ operatur merè actualiter, & multa quæ merè artificialiter. Et ideo istud argumentum prudentem nullum movere debet, &c. Iterum arguit adversarius argumentum sic :

‘ Si contingit iniustum iuste simpliciter temporalibus dominari, per idem contingeret iniustum purè iuste uti temporalibus, quorū habet simpliciter iustum dominium. Sed contra. Facit Petrus iniustus elemosynā egentibus cum quibuscunq; circumstantiis volueris, ipso tamen stante iniusto. Et arguitur, quod non purè iuste distribuit. Nam nullum opus extrinsecū est iustum simpliciter, nisi ut procedat à virtute iustitiæ, sed distributioni Petri deficit virtus iustitiæ, cum sit habitus in iniustitia repugnante, ergo distributio data non est iusta simpliciter. Cōfirmat primò sic : Deus requirit ab isto quod nihil operetur nisi in gratia, iste operatur extra gratiā : ergo operatur aliter quam deberet, nec ista alienietas operandi, exacta obligat Petrum ad aliter operandum sub quacunq; poenâ, sed sub poenâ mortalis peccati. Ex quo patet, inquam, quod si Petrus est iniustus, quicquā, sive comedendo, sive dormiendo, sive quodcunq; bonū opus de genere faciendo, peccat mortaliter cōtinuè. Cōfirmat secundò per illud

Aposto-

Argumentum  
Wicli  
sectum.

Apostoli: Si distribuero in cibos pauperū omnes facultates meas, charitatē autē non habuerō, nihil mihi prodest. Et cū injustitia & charitas sunt duo immediate opposita, oportet alteram inesse homini. Et si unum inest, alterū deest: ergo licet non est possibile injustū uti aliquo, nisi injustē utatur eodē vel potius abutatur: sic nō est possibile injustū alicui dominari, nisi injustē dominetur, vel potius tyrannizet, cum injustē extorquet & occupat aliena.

Patet quōd ex hoc modo arguendi sequuntur multi errores, ut patet ex erroribus adductis contra præcedens argumentū. Et nihilominus sequitur ulterius: primō, quōd filius in mortali honorando patrem & matrem, eo ipso peccat mortaliter: quia quodcūq; opus bonum de genere faciendo dum est in peccato mortali, peccat mortaliter. Et consequenter sequitur quod parochianus dans decimas ecclesie dum est in mortali, ex hoc quod dat dum est in mortali, peccat mortaliter: & tenentes de dominiis temporalibus, solventes redditus quos debent, dum sunt in mortali, peccant mortaliter. Et consequenter, quōd peccator atterendo de peccatis, & disponendo se ad veram contritionem, peccat mortaliter in hoc: & consequenter prodest homini & expedit homini peccatori multipliciter peccare mortaliter: quia prodest sibi & expedit facere multa opera bona de genere dum est in mortali, ut etiam adversarius concedit cap. 2. tractatus de dominio civili: & in omni tali opere peccat mortaliter, ut hic dicit: ergo prodest & expedit peccatori mortaliter multipliciter peccare mortaliter. † Et sic consequenter sequitur, quōd quanto plus peccat mortaliter in certis peccatis mortalibus, tanto cæteris paribus plus prodest sibi ipsi: quia quanto plura bona opera de genere facit in mortali, tanto cæteris paribus plus prodest sibi ipsi. Et in omni tali opere mortaliter peccat: ergo conclusio. Consequenter sequitur, quōd ex hoc quod infidelis obēdit divino præcepto peccat mortaliter: quia in omni operatione sua peccat mortaliter, ut hic dicitur. Et cum pateat in scriptura quōd infidelibus Deus præcepit multa, quibus præceptis Deo volente obediabant, & pro quibus obediētiis fuerunt à Deo temporaliter præmiati. Consequenter sequitur quōd obstetrices Ægypti, quæ reservabant masculos Hebræorum ad vitam & timuerunt deum & mentiebantur Pharaoni, sic reservando masculos peccaverunt mortaliter & timendo deum peccaverunt mortaliter & mentiendo Pharaoni peccaverunt mortaliter, contra sententiā ecclesie & antiquorum doctorum. Et patet sequela, quia istæ obstetrices Ægyptiæ erant idololatræ & in peccatis mortalibus. Et multæ tales \* ineptiæ erroneæ sequuntur ex his dictis. Dico ergo primō ad argumentum, quōd est justitia naturalis, consequens omnem creaturam essentialiter, ut ipse adversarius concedit 3. cap. tractatus prædicti. Et dico quōd ista est bonitas qua conformatur voluntati primi principii: & est justitia moralis, philosophica, quam habuerunt philosophi pagani & multi Imperatores Romani, ut docet sanctus Augustinus, & adhuc habent multi in peccatis mortalibus existentes. Unde aliqui inveniuntur lubrici, qui in judiciis publicis sunt multum justī: Et est justitia moralis, evangelica sive theologica, & hæc semper est informata gratia. Et tunc consequenter dico, quōd sit primam justitiam esse justitiam simpliciter in genere suo, & secundam justitiam simpliciter in genere suo, sicut & tertiam esse justitiam simpliciter in genere suo. Per hæc dico ad argumentum principale, quōd distributionem Petri non deficit virtus justitiæ moralis & philosophicæ, licet illi debeat virtus justitiæ evangelicæ. Et consequenter dico, quōd non est habitatus in injustitia repugnante virtuti justitiæ moralis & philosophicæ (aliàs evangelicæ) licet sit humanitus in injustitia repugnante virtuti moralis justitiæ evangelicæ. Et ideo non sequitur, quōd distributio data non sit justa simpliciter: sed solum sequitur quōd non est justa simpliciter justitia evangelica: cum quo satis stat, quōd sit justa simpliciter justitia naturali, & justitia morali philosophica. Et sic est in casu dato, & sic patet quōd non valet argumentum principale. Quantum ad primam confirmationem, patet ex modo arguendi, quod Deus non potest creare, & ad tempus conservare creaturam rationalem sine gratia gratum faciente, & sine mortali peccato: cujus tamen oppositum magister sententiarum dicit esse verum de primo parente. Et sine dubio, dicere quōd Deus hoc non posset facere, est dicere contra articulum de omnipotentia divina. Et sequela patet: tali creatura rationali sic existente & aliquid operante, patet ex modo arguendi, quōd quia operatur extra gratiam & sine gratia, quōd operatur aliter quā debet: & per consequens ex modo arguendi sequitur, quōd peccat mortaliter: ergo nō est sine mortali, & est sine gratia: quia nondum est in mortali. Si ergo modus arguendi est bonus, non potest esse homo ex Dei potentia in tali dispositione, quod hæreticum est dicere. Dico ergo, quod non oportet quōd Deus requirat à quolibet viatore, ut nihil operetur nisi in gratia: ut patet ex hoc dicto: & etiam quia Deus requisivit à multis infidelibus, quōd facerent multa sua peccata: & non requisivit quōd facerent illa in gratia, nec voluit simpliciter quōd in gratia illa facerent: & quamvis Deus requireret à quolibet viatore quōd nihil faceret nisi in gratia, hoc non requirit ab eis sub poena mortalis peccati, ut ex præmissis palam ostenditur, sed requirit hoc sub poena perditionis æterni præmii pro operatione illa. Et ideo cum

Responso  
Wadfordi  
argumentum  
per modum  
Consequen-  
tia.

\* Quales ineptiæ: quod non dixerit garulū & rugā in rufpan-  
dis confectis  
quæntis stultis?

\* Quæ non manant ex quæstione sed formis autoris, qui eas cogit & truit præter naturam argumenti.

Responso  
directa.

Triplex justitia, naturalis, moralis Philosophica, & moralis Evangelica.

Responsio ad  
argument.  
sumptum ex  
Apostoli ver-  
bis prima.

ulterius concludit, quòd talis operatur aliter quàm deberet: patet quòd non, ex prædictis; & quamvis concedatur, quòd talis distribuendo elemosynas, operatur aliter quàm deberet: concedo pro eo quòd operatur aliter quàm deberet sub poena mortalis peccati, ut falsissimè in argumento assumunt: & sic patet quòd argumentum non concludit. Quantum ad secundam confirmationem ex autoritate Apostoli dico primo, quòd autoritas concludit oppositum propositioni aduersarii, quia Apostolus supponit in autoritate, quòd stat existentem extra charitatem habere verè facultates, quas potest egenis distribuere, sicut & supponit ibidem, quia verè stat talem extra charitatem corpus suum tradere, ita ut ardeat, & verè habere fidem, qua montes transferat, & verè linguis hominum loqui & angelorum, & verè habere prophetiam & scientiam, ergo ex autoritate patet, quòd potest extra charitatem verè habere facultates, quòd tamen vult aduersarius vitare. Dico secundò, quòd Apostolus vult quòd talis distributio facultatum nihil prodest distribuenti quoad meritum vitæ æternæ, quamdiu est sine charitate, non negat tamen quin verè potest habere tales facultates, & verè mereri præmia temporalia, & alia bona à bonis æternis per illarum distributionem egenis, & ideo argumentum non concludit. Dico tertio, quòd quoad assumptum quando dicit, quòd quia iniustitia & charitas sunt immediatè opposita, oportet alterum illorum inesse homini, quia doctores qui ponunt primum parentem creatum in puris naturalibus suis sine gratia gratum faciente, habent istud planè negare. Verum tamen est, quòd iniustitia mortalis peccati contraria est charitati: sic quòd non possint inesse simul eisdem homini non multiplicato, sed quamvis alicui insit iniustitia mortalis peccati respectu unius actus duorum vel trium, non oportet quòd iniustitia peccati mortalis insit sibi respectu omnium actuum suorum. Sicut nec econtrario, quamvis charitas insit homini respectu aliquorum actuum suorum, non oportet quòd insit sibi respectu omnium actuum suorum. Quapropter dicit sanctus Gregorius in homilia de apostolis: Sunt nonnulli, qui diligunt proximos, sed per affectum cognationis carnis, quibus tamen in hac dilectione sacra eloquia non contradicunt. Et subdit: Hi nimirum & proximum diligunt, & tamen illa sublimia dilectionis præmia non assequuntur, quia amorem suum non spiritualiter, sed carnaliter impendunt. Patet ergo ex sententia sancti doctoris, quòd bonus homo potest in charitate diligere aliquos spiritualiter & assequi sublimia dilectionis præmia, & potest diligere proximos de parentela per affectionem cognationis, & tamen propter talem dilectionem non assequi sublimia dilectionis præmia. Et ergo charitas potest inesse homini respectu unius actus sui, quamvis non insit sibi respectu aliorum actuum suorum. Et sic econtrario est de iniustitia mortalis peccati, quòd potest homini inesse respectu aliquorum actuum suorum, & non respectu omnium actuum suorum. Et sic patet quòd argumentum in nullo concludit, &c. Consequenter arguit aduersarius per autoritatem sancti Augustini in epistola \* 37. ad Macedonium, ubi sic

\* Epist. 54.  
sub finem, in  
edit. Basil.  
1559.

Argumentum  
Wiclii  
septimum.

Si prudenter intuear quod scriptum est, fidelis hominis totus mundus divitiarum est, infideli autem nec obolus: nonne omnes qui sibi gaudere videntur licitè conquisitis, eisque uti nesciunt, aliena possidere convincimus? Hoc enim certe alienum non est, quod iure possidetur: hoc autem iure quod iustè, & hoc iustè quod bene: omne ergo quod male possidetur, alienum est. Male autem possidet, qui male utitur. Iusticiam nemo male habet, & qui non dilexerit non habet. Pecunia vero & à malis male habetur, & à bonis tantò melius habetur quanto minus amatur. Hæc Augustinus.

Wodfordi  
Responsio ad  
septimum  
argumentum  
prima.

Hic dico primo, si aduersarius considerasset libros beati Augustini omnes, potuisset adduxisse magis prægnantes autoritates. Nam 4. de Civ. Dei, ponit Augustinus expressè quòd quamdiu apud Romanos fuit cultus plurimorum deorū, non fuit apud eos verū imperiū, & per consequens nec verum dominiū. Et in 4. cap. quarti, enumeratis multis mirabilibus de actis Romanorum, qui poterant videri actus miræ fortitudinis: finaliter concludit, quòd cum essent tunc infideles, nulla fortitudo vera fuit in eis, nec aliqua virtus alia vera. Et 5. de Civitate, ponit, quòd non est vera virtus quæ non intendit ad illū finem, ubi est bonū hominis, quo melius non est: & multa consimilia dicit Augustinus in libris illis, quæ prætereundè videntur, quòd apud infideles nec est verum dominiū nec aliqua vera virtus. Hic dico secundò, quòd beatus Augustinus in libris suis valde æquivocè loquitur de vero dominiō, & de vera virtute. Nam alias multipliciter contradiceret sibi ipsi. Nam in multis locis librorum de Civitate Dei ponit Augustinus Deum dilatasse dominiū Romanorum propter virtutes quas habuerunt. Et enumerat octo virtutes magnas Romanorum, dum adhuc essent infideles. Et iterum 9. cap. 5. lib. distinguit Augustinus dominiū tyrannicum à dominiō regali & imperiali: & ponit quòd apud Romanos successivè fuit utrumque dominiū dum adhuc essent infideles. Item 11. cap. 4. de Civitate ponit Augustinus, quòd Romani potius debuissent coluisse deam iniquitatis pro dilatione imperii, quàm Deum Jovem, quia iniquitas aliena, puta aliarum nationum, fuit causa quare bella illorum fuerunt iusta. Ergo sentit Augustinus quòd bella Romanorum

manorum infidelium fuerunt iusta, per quæ dilataverunt imperium. Item 15 de civitate Dei 5. lib. dicit Augustinus, quod felicitatem veram dat Deus verus viris solis piis, regnum vero terrenum piis & impiis. In eodem cap. distinguit Augustinus inter quatuor imperatores pessimos, & inter quatuor imperatores paganos bonos, quibus dedit imperium & dominium. Sciebat & sentiebat ergo Augustinus, apud infideles esse verum dominium & etiam veras virtutes. Patet ergo quod valde æquivocè loquitur de vera virtute & vero dominio. Hic dico tertio, quod ille terminus, verum, sumitur aliquando transcendenter, prout convertitur cum ente, juxta illud antiquum, ens verum & bonum convertuntur. Et sic omne ens est verum, & omne quod est, verè est, & sic omne ens est verum ens: & à pari omne dominium quod est, sit verum dominium: & omnis virtus, etiam quæ est in pagano, est sic vera virtus. Aliquando iste terminus, verè, sumitur pro esse tali à proprietate idem, & sic dicimus, quod homo naturalis est verè homo, sed non homo pius. Unde quodcumque definitio rei prædicatur de aliquo, ipsum est verè tale. Et sic quia definitio moralis virtutis prædicatur de virtute acquisita ex actibus elicitis in anima philosophi pagani, hinc est quod illa est vera virtus moralis, etiam in anima pagani, nec hoc negat Augustinus. Aliquando verè tale sumitur pro esse beatificè tale. Et hoc modo loquitur beatus Augustinus 5. de civitate Dei, cap. 12. de esse verè, quando ponit quod divitiarum æternarum sunt verè divitiarum: & non divitiarum temporales, quantumcunque magnæ divitiarum, sed sunt falsæ divitiarum, quia non satiant appetitum. Ubi non dubium quin Augustinus sumat verè pro beatificè. Aliquando sumitur verè pro gratificè esse tale, & hoc vel per gratificationem ad præmia coelestia, vel per gratificationem ad præmia terrena. Et primo istorum modorum loquitur Augustinus de vera virtute & vero dominio, quando negat apud infideles fuisse veram virtutem & verum dominium: hoc est, non fuit in eis virtus aliqua gratifica, per quam gratificarentur ad vitam æternam. Nec aliquod dominium gratificum, per quod gratificarentur ad præmium æternum. Cum quo satis stat secundum intentionem sanctorum doctorum, quod fuit in eis vera virtus gratifica gratificans ad præmium temporale: & sic de dominio: cum quo etiam satis stat, quod fuerunt in illis veræ virtutes & vera dominia, loquendo transcendenter de verè, & etiam loquendo de verè, pro appropriatè: & sic possunt concordare verba doctoris, & responderi ad infinita argumenta aliorum, &c.

Iterum arguit deducendo longo processu, quod si dominium creaturæ est, est per Deum ipsum approbantem. Ex quo ulterius arguit sic: Si Deus approbat istud dominium, per idem approbat usum istius domini, & omnia alia quæ sibi pertinent. Et cum omnis talis abutatur bonis Dei, sequitur quod Deus approbat hunc abusum: imò cum quodlibet opus talis injusti sit peccatum, sequitur quod Deus est author & approbator peccati, non solum quoad esse secundum, sed quoad esse primum: quia si Deus vult quod iste dominetur, & iste solum dominatur tyrannizando: sequitur quod Deus vult quod iste tyrannizet, & per consequens, ut peccet, quod est blasphemum dicere.

Argumentum  
Wiclefii  
octavum.

Hic admitto primum consequens, ad quod deducit, quod nullus verè dominetur, nisi Deo hoc approbante: quia Deus approbat omnes leges humanas suar legi non contrarias: & ex legibus civium & regnorum habent diversi diversos titulos ad occupandum injustè diversa rerum dominia. Et cum ulterius arguitur quod si Deus approbat dominium, tunc & Deus approbat usum domini: patet quod argumentum non valet, quia secundum sententiam ecclesiæ & sancti Augustini & etiam sacræ scripturæ, contingit multoties uti injustè iustā potestatem. Et ideo non sequitur: Deus approbat potestatem vel dominium, ergo approbat usum domini. Satis tamen stat, quod Deus in aliquibus injustè habentibus dominium, approbat usum ejus: ut quando peccator utitur dominio suo civili ad correctionem delinquentium, ad promotionem virtuosorum, ad elargitionem elemosynarum, ad defensionem patriæ. Et cum ulterius assumit, omnis talis abutitur bonis Dei: & ex hoc concludit quod Deus approbat abusum rei: Si loquatur modo iuristarum de abusu, & modo philosophorum de abusu, satis potest concedi, quod Deus approbat abusum rei. Nam iuristæ dicunt quod usus est jus utendi re aliena, salva rei substantiā. Et abusus secundum iuristas est rei consumptio, suæ substantiæ destructio. Unde bonus homo comedendo panem, bibendo vinum & digerendo licitè, abutitur pane & vino secundum iuristas, & hoc licitè & iustè. Et ideo abusum iuristarum multoties Deus approbat. Philosophi distinguunt usum contra dissuetudinem: & est usus secundum philosophos, frequens operatio secundum aliquam potentiam: & aliquando loquitur scriptura sic de usu. Nam David noviter armatus ad pugnandum contra gigantem, dixit: non possum sic incedere, quia non habeo usum. Et modicum ante præmittitur, primi Regum 17. Non enim habebat consuetudinem: ita quod usus sumitur pro consuetudine operandi secundum aliquam potentiam, & abusus pro dissuetudine operandi secundum aliquam potentiam: & cum Deus approbet illam dissuetudinem multoties, ut dissuetudinem operandi

Responsio  
Wodfordi ad  
argumentum  
octavum.

secundum potentiam generativam in perpetuis virginibus, & post vorum castitatis : & sic de multis aliis patet, loquendo philosophicè de abusu, quòd Deus multoties approbat abusum rei. Et iterum loquendo, modo quo alibi loquitur sacra scriptura de abusu, satis potest concedi, quòd Deus approbat abusum rerum, cum Deus ipse possit hoc modo rebus abuti. Nam Hieremias 18. sic loquitur propheta ad Deum de impiis : Ne propitius iniquitati eorum, fiant corruentes in gladio, & in tempore furoris tui abutere eis. Sive hæc Hieremias dixit impetrativè sive pronunciativè, quòd est magis verisimile, manifestum est quòd intendebat Deum creaturis posse abuti, & sic Deum posse abusum approbare. Loquendo etiam vulgariter de usu & abusu, stat Deum multoties approbare abusum rerum. Nam vulgariter loquendo, utitur re, qui eam tractat ad finem, ad quem per naturam vel artem ordinata est : Et abutitur, qui rem tractat ad finem contrarium, vel notabiliter alium, quam ad ipsum, ad quem per naturam, vel artem ordinata est. Et sic qui scindit cum ferrà, abutitur ferrà, quia ordinata est finaliter ad ferrandum non ad scindendum. Et sic loquitur Apostolus de usu & abusu, & scriptura multoties. Et sic etiam abutitur Deus hominibus damnatis, quia homo factus est ad vitam æternam habendam, & ideo quando Deus tradit malum hominem ad mortem æternam, abutitur eo, hoc modo vulgari loquendo, & satis licitè, quia iustè loquendo de usu & abusu, ut loquitur dominus Armachanus 2. cap. 3. lib. de pauperie. Sic dico, quòd assumptum est falsum, & etiam conclusio inducta, quia ille dicit ibidem, quòd usus est rationalis & utilis rei tractatus, & abusus est irrationalis & inutilis rei tractatus. Et non omnis injustus irrationaliter & inutiliter tractat omnem rem quam tractat, ut ex præmissis patet multipliciter. Et ideo non omnis talis abutitur semper bonis Dei, conformiter loquendo de abusu ut Deus approbat talem rei abusum, ut ex prima autoritate concluditur. Sed beatus Augustinus non ita loquebatur de usu, quando dixit quòd summa perversitas est, uti fruendis & frui utendis, quia ad modum loquendi domini Armachani, nullus potest esse usus perversus. Patet ergo, quòd argumentum non est alicujus evidentiæ, ut cum concludit in fine, quòd quia omne opus injusti est peccatum mortale, ideo est Deus author & approbator peccati. Patet quòd assumit falsum, ut pluries est ostensum. Iterum arguit sic.

Argumentum  
Wiclef  
nonum.

Responsio ad  
argumentum  
nonum  
prima.

‘Non est possibile Deum aliquid præstare alicui, nisi digno : nullus injustus est dignus esse Dei præstarius, ergo nulli pro tempore quo est injustus præstat vel donat Deus aliquid. Majorem probat ex hoc, quòd Deus non potest nisi volutariè & rationabiliter præstare, & ideo eo ipso quò præstat aliquid alicui creaturæ, dignificat ipsam, ut sit Dei præstarius. Et cum hoc sit magna gratia, sequitur quòd prius vel simul gratificat creaturam, quando aliquid sibi donat.

Hic sequitur primò, quòd Deus non præstat puero in primo instanti animationis suæ in ventre matris, corpus & animam, cum tunc sit in originali. Sed istam conclusionem concedit adversarius cap. 2. de dominio civili, ubi facit argumentum, pro eo quòd præstare & donare, præsupponunt existentiam præstarii, & per consequens nulli hominum præstat substantiam animæ. Ex quo sequitur primò, quòd puer in ventre matris, quando primò habet animam & vitam, non habet illam à Deo, quia tunc habet illam animam ex divina præstatione vel donatione. Nec habet tunc animam intellectivam ab aliqua creatura, ergo à nullo habet animam, quando primò habet eam. Item ipse ponit, quòd primus parens creatus fuit in gratia, ergo Deus in primo instanti sui esse præstitit & donavit sibi gratiam, ergo præstare & donare non præsupponunt existentiam præstarii. Et sic hæc conclusio contradicit sibi ipsi. Unde non habuit à se gratiam in primo instanti sui esse, & habuit illam in primo instanti sui esse, ut dicit : ergo ab alio, & à nullo si non à Deo, ergo habuit à Deo gratiam in primo instanti sui esse, ipsam sibi præstante & donante, & ideo falsum est quòd præstare & donare præsupponunt, generaliter loquendo, existentiam præstarii. Secundò sequitur, quòd nulli infideli dat Deus animam vel corpus, vel aliquod bonum naturæ vel fortunæ. Quam conclusionem negat adversarius cap. prædicto : sed bene concedit, quòd Deus nihil donat eis. Et dicit, quòd datio est æquivoca ad traditionem, secundum legem naturæ, & ad esse primum ac ad bonum gratiæ & ad perfectionem secundam. Primo modo dat Deus omni animato vel injusto quicquid habet. Sed secundo modo donationis, quæ est donatio, non dat aliquid nisi iustus, quia donatio (ut dicit) importat gratuitam donationem ad præmium & bonum temporale vel naturale : aliàs nihil præstaret irrationali creaturæ, aliàs non præstaret gratiam gratum facientem, nisi prius grato. Et ideo patet, quòd argumentum non concludit maledicti Wiclef heretici, adversarii sanctæ veritati. Iterum arguit sic.

† Cave tibi  
pauper Wiclef,  
cum antagonista  
arguendi, de-  
baccatur &  
furit impo-  
nenter.

A gumentum  
Wiclef  
declinum.

‘Nullum dominium civile est iustum simpliciter, nisi in naturali dominio fuerit fundatum, sed nemo habet naturale dominium pro tempore quo est in mortali, ergo nulli dominium civile est iustum pro tempore quo est homo in mortali. Minorem arguit ex hoc, quòd iustissimus iudex expulit primum hominem de paradiso post peccatum : & cum dominatus fuerit paradiso, injustè hoc fecisset, nisi homo naturale dominium perdidisset, eo quòd non potest



\* potest punire nisi ratione peccati, ergo cum sit eadem ratio de quolibet naturaliter peccante: sequitur quòd naturale dominium est impossibile peccato mortali. Majorem principalis argumenti arguit sic: Adam vel aliquis de filiis suis habuit verum dominium civile in hac valle miserie, ergo aliqua fuit causa inceptionis hujus domini veri: & cum nuda occupatio non sufficit, relinquitur quòd restitutio naturalis domini post gratiam datam poenitenti, est causa inceptionis hujus domini, aliter non posset justificari quomodo dominia civilia originaliter fuerunt iusta, ut capto primo civili dominio, cum ipsum non sit iustum ex sola ordinatione hominum, cum homines ideo ordinant, quia requiritur iustum, quòd Deus prius justificet: quòd tamen facere non potest, nisi dando gratiam & dominium naturale: requiritur ergo veritas naturalis domini ad humanum dominium.

Hic dico primò, quòd minor in argumento principali est falsa, quando dicit, quòd nemo habet naturale dominium pro tempore quo est in mortali: quia sic sequitur, quòd nemo habet actus voluntatis elicitos naturaliter, & est hoc dominium naturale in omni habenti usum rationis quantumcumque sit peccator: falsum ergo est, quòd nullus habet naturale dominium, dum est in mortali. Secundò, quia potentie sensitivæ inferiores quoad diversa naturaliter obediunt volitivæ superiori: nam cum voluntas præcipit manui se movere, manus naturaliter obedit voluntati, & sic de aliis, & hoc in peccatoribus atque sicut in iustis, ut docet experientia: falsum est ergo, quòd nullus in mortali habet dominium naturale. Tertiò, quia in omni mixto elemento, unum elementorum se habet per prædominium naturaliter, & ideo omnis homo peccator habet in corpore suo unum naturale dominium unius elementi super alia: falsum est ergo quòd nullus in mortali habet dominium dominium. Quartò, quia (ut Christus dicit) filii hujus seculi prudentiores filiis lucis sunt: signo ergo filios hujus seculi prudentes multos, & filios lucis nescientes se regere, sed quodammodo fatuos cum eis. Et patet ex philosophia quòd illi filii lucis fatui sunt naturaliter servi illorum prudentium, & per consequens illi prudentes naturales domini illorum sunt. Et cum sic filii hujus seculi distincti à filiis lucis sunt peccatores: patet ergo falsum esse nullum in mortali peccato habere dominium naturale. Quintò, quia illi ponunt primum parentem creatum sine gratia gratum faciente, ut multi doctores ponunt, habent consequenter dicere, quòd prius habuit originale & naturale dominium exteriorum, quàm habuit gratiam talem, ergo non requiritur talis gratia ad dominium tale naturale. Sextò, quia sine tali gratia leo habet quoddam naturale dominium super animalia alia, & aquila quoddam naturale dominium super aves alias: ergo peccator potest à pari habere sine tali gratia dominium naturale. Et sic patet multipliciter quòd minor est falsa. Hic dico secundò, quoad probationem minoris, cum assumit quod Deus injustè expulisset primum hominem de paradiso, nisi homo per peccatum naturale dominium perdidisset, quod à pari habet dicere quòd detentio hominis extra paradysum in hac valle miserie esset injusta, nisi sic detentus perdidisset per peccatum naturale dominium. Consequens de Christo falsum, & expressissimè loquendo de illo secundum hominem: & consequens falsum de primo parente postquam restitutus fuit ad gratiam, & ad completum suum originale dominium, ut adversarius fateatur. Nihilominus continuè post extra paradysum fuit detentus, & non injustè: & consequens falsum de omni innocente detento in hac valle miserie, qui est dominus naturalis paradisi, etiam secundum adversarium, & totius mundi. Et sic consequenter dico, quòd quamvis primus parens nunquam peccasset, nec perdidisset naturale dominium, Deus nihil faciendo injustè potuit eum posuisse extra paradysum in hoc nostro habitabili. Erat enim hæc terra antequam fuisset maledicta, amœna valde, sicut paradysus, & secundum sententiam diversorum doctorum ponentium Adam fuisse creatum in agro Damasceno: prius fuit Adam in hac terra antequam in paradiso sequestrato, non obstante quòd in primo instanti sui esse habuit dominium originale paradisi, & totius terræ etiam per adversarium. Et cum Deus in primo instanti sui esse, non fecit cum eo injustè: verissimè est quòd ipse, vel aliqui ex suis positi fuissent in hac terra, dato quòd nullus eorū peccasset, quia omnia ligna pomifera hujus terræ data fuerunt sibi & suis pro statu innocentie in alimentum & consolationem corporalem, & ideo sine injuria & sine peccato ejus potuit poni tunc in hac terra tunc multum amœna, sicut Christus sic fuit positus hic sine suo peccato, vel aliqua injuria sibi facta. Enoch etiam & Elias, qui modò sunt in paradiso, habentes dominium originale ejusdem, tempore Antichristi erunt emissi extra paradysum sine peccato ex parte illorum, & sine injustitia eis facta ex parte summi judicis. Et Elias de facto sic fuit missus extra paradysum, tempore transfigurationis Christi, hic in terris, sine culpa ex parte sui, & sine injuria ex parte dei, non obstante quòd pro tunc fuit dominus naturalis paradisi. Et ideo constanter dico quòd primum assumptum pro probatione minoris est falsum. Et consequenter cum dicit quòd Deus non potuit punire aliquem, nisi ratione peccati: aut intelligit ratione peccati sui, aut ratione peccati alterius. Si primo modo, patet quòd est falsum, quia Deus punivit Christum

Responso  
Wodfordi ad  
argumentum  
decimum  
prima.  
21.

Responso  
alia ad mino-  
rem.

Somnium  
egregium de  
statu & reditu  
Enochi &  
Eliæ.

Christum multis poenis, non pro peccato suo. Et tempore passionis Christi, punivit beatam virginem multis poenis, non pro peccato ejus: & multi innocentes manentes cum iniquis puniti fuerunt, & non pro peccatis suis propriis. Filii etiam contrahunt multoties, multas poenas debilitatis, deformitatis & infirmitatis à parentibus, non propter peccata sua, sed magis propter peccata parentum. Et ideo est assumptum, sic intellectum, omnino falsum. Si autem intelligat quòd Deus non potest punire aliquem, nisi ratione peccati sui, vel alterius, pater quòd consequentia sua est nulla, quia licet Adam non fuisset expulsum propter peccatum suum, potuit tamen propter peccatum uxoris vel filiorum, ipso in innocentia remanente. Et tamen multi negant hoc ultimò dictum: quia (ut dicunt) quamvis nullus homo peccasset, fuissent bestiae mortales & aliquae naturaliter rapaces, & sic sustinissent & intulissent poenam sine peccato suo vel alterius: peccat ergo argumentum undequaq. Hic dico tertio, quòd loquendo de naturali dominio, quod includit gratiam gratum facientem ad vitam aeternam (ut loquitur adversarius) quod major propositio est simpliciter falsa, quando assumit quòd nullum dominium civile est iustum, nisi in naturali dominio fuerit fundatum. Dico ergo ad probationem ejus: admittendo primò quòd Adam vel aliquis de suis habuerit verum civile dominium in hac valle miseriae: admittendo secundum, quòd aliqua fuit causa inceptionis hujus domini: & admittendo tertium, quòd nuda occupatio non sufficit ad justificationem domini, vel ad causandum illud, sed cum assumit, quòd restitutio naturalis domini perdit, post datam gratiam poenitenti, est causa inceptionis hujus domini, simpliciter nego, & quòd sit ut falsum negandum ostendo: quia si restitutio domini naturalis post gratiam datam poenitenti, esset causa veri domini civilis: & sic grato & poenitenti, cum non magis sit causa civilis domini in unam partem terrae, quam in aliam ex se: sequitur quòd sic gratus est dominus civilis cuilibet partis terrae. Consequens falsum, quia sic nullus civilis dominus esset proprietarius. Quicquid enim habet habet communiter cum omni alio iusto, quòd est contra rationem domini civilis. Item probato legitime, quòd quis sit naturaliter solutus, quantumcumq. sit iustus & in gratia, privari debet dominio civili: quamvis dominio originali non privetur: ergo restitutio ad dominium originale & gratiam, non est causa restitutionis civilis domini, & tamen non habent dominium civile rerum mundi, & ideo talis restitutio non est sufficiens causa civilis domini. Sed causa primi domini civilis erant haec tria: *jus ab homine conditum*, & à Deo approbatum: *occupatio rei quae nullius fuit propria*: & *capacitas occupantis*. Modò tamen multis aliis modis acquiritur dominium civile à justis & injustis. Hic dico quartò, quòd licet omne artificiale dominium in homine praesupponat naturale dominium in eodè, ut patet ex diversis dominiis naturalibus in primo dicto tactis: non tamè oportet propter hoc quòd praesupponat naturale dominium, respectu rerum extrinsecarum artificialium sive civili dominio subiectarum, & maximè loquendo de naturali dominio includente gratiam gratum facientem ad vitam aeternam. Et cum arguit adversarius, quòd dominium artificiale non est iustum, nisi Deus prius justificet illud, \* placet mihi de prioritare naturale, sed cum addit quòd Deus hoc facere non potest nisi dando gratiam, & dominium originale, si loquatur de gratia gratum faciente ad vitam aeternam, hoc est simpliciter falsum & haereticum contra sententiam sacrae scripturae, & ideo nimis multipliciter peccat istud argumentum. Hic dico finaliter, quòd data conclusione quam inducit, non sequitur propositio probanda: nam nihil aliud infert, nisi quòd naturale dominium est impossibile mortali peccato, & quòd concedo, quia suppono quòd intelligat hoc de eadem persona, quia alias conclusio esset nimis manifestè falsa, & conclusio sic sumpta est vera de dominio naturali Dei, quòd non stat cum mortali peccato nec cum naturali dominio hominis beati. Et licet quis vellet dare, quòd haec conclusio esset vera pro certo dominio naturali viatoris: nullatenus tamen sequitur, dominium naturale viatoris est impossibile peccato mortali in eodem: ergo nullus habet dominium naturale pro tempore quo est in mortali, quia dominia naturalia sunt diversarum manierum. Et licet cum dominio naturali unius manerie, non stet mortale peccatum in eodem, cum dominio tamen naturali alterius manerie bene stat mortale peccatum in eodem, ut primo dicto ad istud argumentum est ostensum. Habet ergo istud argumentum numerum magnorum defectuum. Iterum arguit sic:

\* Nulla creatura potest esse dominus alicujus rei, nisi Deus ipsi donaverit: sed Deus non potest quicquam dare, nisi optimo modo donativo possibili: ergo si creatura sic dominus est dominus titulo hujusmodi donationis, ita quòd est dominus optimo modo sibi possibili, secundum suam capacitem: ergo est in gratia. Majorem supponit, & minorem probat sic: Sicut Deus est quo major cogitari non potest, ita Deus est cui non potest competere melior modus dandi, & cum oporteat omnem magnificum, servando virtutem dare proportionaliter ad sui magnificentiam: sequitur, quòd oportet Deum donare optimo modo possibili capacitati sui donatarii. Aliter enim redundaret in defectionem modi donationis, ac in partialitatem donantis, quòd non potest Deo competere.

Hic

Resp. 2a. ad  
majorem  
propositionem.

Resp. 4.

\* Miraculum  
placuit Wod-  
fordo Wicle-  
sus: sed dicto  
citius cessat.

† Tandem  
aliquando  
concedit ali-  
quid, sed  
quid, nescit:  
fluctuat &  
pugnat more  
Andabata-  
rum; mergit  
se verborum  
& tricarum  
sophisticarum  
involucris ne  
vitio Pisonia-  
no (ut inquit  
S. Hieron.)  
laborare vi-  
deatur.  
Argumentum  
Wiclei unde-  
cimum.

Hic dico primò, quòd distinguendo inter donare & dare, ut ipse distinguit, & ponendo quòd Deus non donat aliquid alicui, nisi gratificet eum ad vitam æternam, ut ipse ponit: patet quòd primum assumptum in argumento est falsum, & quòd petit quod probare debuit, & contradicit sibi ipsi, quia superius dixit secundum veritatem scripturæ, quòd Cain peccator & malus habuit dominium appetituum suorum, juxta illud Gen. Sub te erit appetitus ejus & tu dominaberis illius, & hoc dominium habuit ex dono Dei, quem tamen Deus non gratificavit ad vitam æternam, sicut nec multos alios qui habent consimilia dominia super appetitus suos. Contradicit etiam veritati in hoc ut superius in primo dicto contra argumentum præcedens est deductum. Hic dico secundò, quòd in minori similiter assumit falsum, loquendo de optimo modo passivè, ut ipse loquitur: nam de optimo modo activè donandi & dandi, nullus dubitat Theologus, quin Deus donat & dat optimo modo. Ex quo nullo modo sequitur, quòd propter hoc donat quivis sit in gratia, ut manifestum est. Sed si donat optimo modo passivo, donativo possibili: bene sequitur conclusio. Sed quòd sic loquendo assumptum sit falsum, patet primo: Nam a pari non posset Deus aliquid dare, nisi optimo modo donatorio, sive illi cui datur possibili: & sic non posset Deus dare peccatori in mortali corpus & animam, vel aliquod bonum naturæ: quod ipsemet negat, & quòd veritas catholica negat. Et patet conclusio omni eo modo quo ipse probat assumptum suum, ut intuenti patet: sic ergo loquendo & arguendo contradicit sibi ipsi. Patet secundo, quia sic non posset Deus creare rationalem creaturam sine peccato, & extra gratiam, quia non donaret sibi esse optimo modo donatorio possibili, secundum suam capacitatem, consequens tamen contra articulum de divina omnipotentia. Tertiò patet, quia sic si Deus donaret alicui gratiam gratum facientem, tantam daret sibi gratiam quantæ est capax, quia non donaret sibi gratiam optimo modo sibi possibili secundum sui capacitatem, nisi tantam donaret gratiam quantæ est capax, quia si melioris gratiæ esset capax, meliorem modum posset habere in sua capacitate. Et sic nullus adultus ritè baptizatus, est majoris gratiæ capax, quam gratiæ sibi pro tunc collatæ: & sic nullus posset de communi lege mereri sibi vel alteri majorem gratiam quam habet, & sic indebita susceptione aliorum sacramentorum non daretur augmentum gratiæ. Quartò sequitur, quòd Deus non dat alicui gratiam, nisi donet illam cum confirmatione, sic quòd omnis existens in gratia, est confirmatus in gratia, quia gratia cum sui confirmatione est donatorio possibilis, & est ejus capax: cum ergo non donet gratiam nisi optimo modo donatorio possibili & melius est habere eam modo confirmato, quam non confirmato, Sequitur ergo, quòd non donat gratiam, nisi donet illam cum confirmatione. Et sic nullus præscitus esset in gratia: & sic nullus prædestinatus in gratia peccare posset post, etiam mortaliter, cum tunc non fuissent in gratia confirmati, quorum utrumque erroneum est secundum adversarium. Quintò sequitur, quòd Deus nullum in hac valle miseriæ gratificat ad vitam æternam, nisi quem finaliter beatificat. Consequens planè hæreticum, & patet sequela, quia meliori modo gratificatur, qui gratificatur gloriosè & beatificè, pro perpetuo, quam qui gratificatur in miseria hujus vitæ, & non gloriosè: sed Deus non potest gratificare, nisi meliori modo gratifico possibili, secundum prædicta in argumento: ergo non potest gratificare aliquem, nisi finaliter beatificet eundem. Sextò sequitur, quòd nulli Deus donat baroniam vel comitatum, nisi det sibi ducatum, regnum & imperium, si sit valens miles & capax regni & imperii, quia Deus non potest sibi donare dominiū civile, nisi det sibi dominium civile optimo modo suæ capacitati compossibili secundum prædicta, ergo non potest quis ex donatione dei esse dominus civilis, nisi sit dominus civilis optimo modo compossibili suæ capacitati. Ex quo ergo donatarius, de quo loquimur, est capax regni & imperii: & melius est esse regem & imperatorem, cæteris paribus, quam baronem vel comitem solum: sequitur conclusio quòd nulli donat Deus baronatum vel comitatum, nisi det sibi ducatum, regnum & imperium, si sit capax illorum dominiorum: consequens manifestè falsum. Septimò sequitur, quòd nullus contritus de peccatis horribilibus in hora mortis, habebit poenam purgatorii post mortem ipsius finalem, quia Deus donat contrito remissionem peccatorum meliori modo contritionis compossibili secundum hæc dicta: & contritus in articulo mortis est capax remissionis plenariæ omnium peccatorum & quoad culpam & quoad poenam: ergo Deus dat sibi remissionem omnis culpæ & poenæ peccato debitis post hanc vitam. Ex quo melius est sibi sic habere remissionem, quam solum remissionem poenæ æternæ, & non poenæ purgatorii. Et ex quo post hanc vitam non meretur quis sustinere poenam majorem, vel gaudium in vita æterna. Sequitur ergo conclusio illa satis hæretica: multæ & aliæ hæreses sequuntur ex modo arguendi, quas omitto tangere propter brevitetem sermonis. Dico ergo ad argumentum, quòd major est falsità ad sensum suum sumpta, & quòd minor est figura secundum sensum suum sumpta. Si enim verterentur verba contra sensum loquentis ad optimum modum activum donandi, non ad optimum modum passivum, tunc nullo modo concluderet argumentum, quia stante dicit

Responsio  
Wodfordi ad  
argumentum  
undecimum  
prima.

Contra  
sumpt.  
prima.

Baronia.

Hæc consequentia pro  
nihilò reputanda est, cum  
fundamentum Purgatorii poeniticum  
est. Et quis  
nisi de remissione poenæ  
æternæ certus, de poenâ  
aliâ laboraret?

Catho-

Ars obsecran-  
di & perple-  
xandi causā  
vnde scienti-  
fica est, is  
preferat qui  
hieroglyphice  
sciunt: sed  
sua monachis  
dialectica pe-  
culiaris est &  
propria; qui-  
bus artis est  
celare artem;  
& quibus cor-  
di est ut dis-  
crucietur in-  
tellectus, suā  
libertate  
gaudeant.

† Et tuarum  
solutioem.

\* Habemus  
gratias.

Catholicus, quod quamvis optimo modo activè donet deus aliquod dominium civile, non tamen optimo modo passivè, & ideo non oportet quod cum gratia; unde ex hoc quod deus est ille cui non potest competere melior modus dandi activè, non sequitur quod deus non dat, nisi optimo modo passivè illi cui datur possibili, ut etiam dicit adversarius. Et si non sequitur, deus est ille cui non potest melior modus creandi activè competere: ergo deus creat optimo modo passivè, illi possibili quod creatur. Et subdit, non sequitur, deus est ille cui non potest melior modus activè conservationis rei competere: ergo deus conservat meliori modo passivè compossibili conservato. Consequenter dicit: Nullus à Deo conservatus esset cæcus, vel surdus, vel claudus, vel infirmus, vel in peccato mortali: sic non sequitur, deus est cui non potest competere melior modus donandi activè: ergo deus dat optimo modo donativo compossibili passivè. Et ideo ad illum intellectum consequentia est nulla, & quod ad primum intellectum propositio est simpliciter falsā. Et consequenter dico, quod non semper oportet magnificum servando virtutem in dando proportionabiliter ad sui magnificentiam dare, vel donare cuilibet, cui dat vel donat, quantum iste cui dat vel donat, est capax. Nam sicut potius esset prodigus quam virtuosè magnificus, si modicum dives & magnificus tantum daret alicui, quantum multum dives & magnificus eidem virtuosè: sicut Rex regi adveniēti non plus magnificè daret, quam militi suo vel armigero: quæ sunt falsa planè, & ideo patet debilitas istorum argumentorum. Aliqua alia argumenta magis debilia facit adversarius pro articulo. Sed triplici de causa illa pertranseo. Una, quia per hæc dicta patet quid sit dicendum ad illa. Secundò propter abbreviationem sermonis. Tertiò, quia intendo super isto articulo facere tractatum specialem & ibi ad singula respondere. Habet enim iste articulus plures defensores, & ideo \* nolo circa istum amplius laborare.

Decimus sep-  
timus articu-  
lus Wiclesi.  
Responsio  
Wodfordi  
prima.

**D**ecimus septimus articulus pro hæresi condemnatus est, quod omnia quæ eveniunt, absolute necessariò eveniunt. Quod autem iste articulus sit hæreticus, patet primò: quia aliàs fuit ut hæreticus in Concilio solenni condemnatus: nec fuit condemnatio post reprobatà à sapientibus. Patet secundò, quia est 22. condemnatus antiquitus inter hæreses Alkindi philosophi: ut in libello philosophorum est 32. de erroribus manifestum. Patet tertiò, quia condemnatus est per sententiam sancti Augustini approbatam ab ecclesia, & quæ posita est in Canone 23. q. 4. cap. Nabuchodonosor. Patet quartò, quia iste articulus multipliciter repugnat sacre scripturæ: quod patet primo Ecclesiastici 31. De viro iusto scriptum est, quod potuit transgredi, & non est transgressus: facere mala, & non fecit. Sed si omnia quæ eveniunt, absolute necessariò eveniunt, ille qui non transgredietur, non posset transgredi: nec ille qui mala non faciet, non poterit facere mala: & à pari nec unquam fuit verum de aliquo quod potuit transgredi, & non est transgressus: facere mala, & non fecit: & sic falsificatur sacra scriptura. Secundò patet, quod repugnat sacre scripturæ, scilicet, quia dato articulo sequitur, iste non resistit tentationi, sed erit victus à tentatione: ergo non potest resistere illi tentationi, nec vincere illam: quia absolute necessariò erit victus à tentatione, & absolute necessarium est quod non resistat tentationi. Quantumcumque ergo aliquis sit prædestinatus, si peccet mortaliter, ex tentatione tentatur, & permittitur tentari ultra id quod potest, nec habet cum tentatione proventum, ut possit sustinere, quod est expressè contra Apostolum 1 Cor. 10. 13. ad Corinth. 10. Tertiò sequitur, quod deus pater non potuit saluum facere Christum à morte, id est, facere quod non moreretur: quia ex articulo sequitur, quod absolute necessariò moriebatur. Consequens tamen contra Apostolum ad Hebræ 5. cap. expressè. Quartò patet de illo evangelico unguento effuso super caput Christi. Nam illud non poterat venundari multo & dari pauperibus, ut scriptura dicit, ex quo non fuit venundatum neque datum pauperibus, & per consequens juxta datum non potuit venundari & dari pauperibus. Quintò patet, quod repugnat sacre scripturæ: quia dato articulo sequitur quod deus nunquam misericorditer egit cum peccatoribus, ex hoc quod puniendo non consumpsit eos simpliciter: quia impossibile absolute fuit, deum puniendo eos simpliciter conservare, ex quo non fuerunt conservati. Et ideo deus puniendo & non conservando, nullam poenitentiam remisit, quam potuit infligere: ergo ex hoc quod non consumpsit eos in puniendo, cum hoc non potuit, non misericorditer cum eis in hoc egit. Consequens contra illud scripturæ: Misericordiæ domini, quia non sumus consumpti. Et contra multa loca sacre scripturæ, quæ loquuntur de Dei misericordia in punitione. Sextò patet, quod repugnat sacre scripturæ: quia dato articulo sequitur, Deus non conservabit istos sine peccato mortali: ergo non potest conservare istos sine peccato mortali, contra scripturam in fine epistolæ sancti Judæ expressè. Et multis aliis modis potest deduci, quod articulus repugnat sacre scripturæ: sed omitto propter

propter abbreviationem. Septimò principaliter patet, quòd articulus est hereticus, quia ex illo sequuntur hæreses. Sequitur enim primò, quòd nullus peccat demeritoriè, nisi peccato quod nullo modo vitare potest. Nam si peccat demeritoriè juxta articulum, absolutè necessariò peccat demeritoriè. Sed si absolutè necessariò sic peccat, nullo modo potest vitare sic peccare. Unde Augustinus 3. de libero arbitrio, abominatur istam sententiam, asserendo multipliciter, quòd nemo peccat saltem demeritoriè in eo quod nullo modo vitare potest: & idem de quæstionibus veteris & novi testamenti, sic scribit: Ut quid prohibet quod scivit averti non posse, aut quemadmodum damnat hominem, quia non fecit quod facere non potest? Et sequitur: Quid enim tam iniquum, quàm ut credatur neminem aliud potuisse facere quàm fecit? Hoc autem ponit articulus iste, ergo articulus valde iniquus & hæreticus. Secundò sequitur, quòd nullus peccat mortaliter & demeritoriè agendo contra divinū præceptum, cum nec unquam fecit vel facere potest. Consequens multipliciter hæreticum, & sequela patet sic: Nullus peccat mortaliter & demeritoriè in hoc, quod facit omnino ex naturali necessitate, vel omnino ex factò: si ponatur modo antiquo, loquendo ut doctores concordant. Sed quicquid homo agit contra divinum præceptum, agit ex tanta vel majori necessitate, ex qua hoc faceret omnino naturali necessitate, vel omnino ex factò: sequitur, quia secundum articulum omne quod agit vel facit, absolutè necessariò agit vel facit, ergo nullus peccat mortaliter & demeritoriè agendo contra divinum præceptum. Tertiò sequitur, quòd primus parens in prima sui creatione antequàm peccavit, non potuit non mori: nec fuit in tali plasmatus statu, quòd potuisset non mori. Consequens tamè contra communes expolitores sacræ scripturæ, & specialiter contra Augustinū in Enchiridio, cap. 73. & patet sequela ex articulo, quia absolutè necessariò tunc fuit casurus, & absolutè necessariò moriturus, & per consequens tunc non fuit in tali statu, quòd potuit non mori. Et sic sequitur consequenter alia hæresis, quòd primus parens nunquàm propter peccatū perdidit immortalitatē, quia non illam quam non potuit habere, ut constat: nec illam quam potuit habere, quia nulla erat tunc possibilis. Quartò sequitur, quòd nullus justus viator purus, erat laudandus de justitia sua. Consequens multipliciter contra sacrā scripturam & contra moralem philosophiam: quia secundum Anselmum 2. Cur Deus homo, nullus est laudandus viator purus, ex hoc quod tenuit, quod non potuit amittere: sed nullus viator justus potuit amittere justitiam, quam tenuit: quia absolutè necessariò non tenuit ex articulo. Quintò sequitur, quòd Christus non loquebatur de corporibus & animabus apostolorum, quando dixit apostolis: Nolite timere eos qui occidunt corpus, animā autē non possunt occidere, sed potius eum timete qui potest & animā & corpus mittere in gehennam. Consequens planè contra processum Evangelii, & patet sequela ex articulo, quia corpora apostolorū non erant mittenda in gehennā, nec animæ eorundē, cum essent prædestinati, ergo Deus non potuit corpora eorum & animas mittere in gehennam. Si ergo loquutus fuisset de corporibus & animabus apostolorum, tunc falsè hoc dixisset Christus. Sextò sequitur, quòd Deus non potest creare alium mundum: consequens damnatur inter errores Astrologiæ. Et patet consequentia, quia non creabit alium mundum: absolutè necessariò non creabit aliū mundū ex argumento, & per consequens non potest creare alium mundū. Septimò sequitur, quòd nullus qui benefecit, potuit melius fecisse quàm fecit: nec aliquis qui male fecit, potuit pejor fecisse quàm fecit, quia quilibet qui bene fecit absolutè necessariò, sic & non melius fecit: & quilibet qui male fecit necessariò, sic & non pejor fecit. Octavo sequitur, quòd tam necessariò producit Deus ad extra, quàm necessariò producit ad intra. Consequens contra sententiam communiter omnium sanctorum doctorum: & patet sequela, quia producit ad extra: ergo absolutè necessariò producit ad extra secundum articulum, & non magis necessariò producit ad intuitum intra: ergo conclusio. Nonò sequitur, quòd nulla est libertas contradictionis in Deo, angelo vel homine. Consequens contra sententiam ecclesiæ & sanctorum doctorum & specialiter Hieronymi in epistola de filio prodigo. Et patet sequela, quia quilibet istorum est absolutè necessariò determinatus ad unam partem contradictionis, in quocunque opere suo, ergo in nullo eorum est libertas ad opposita, & per consequens nec libertas contradictionis. Decimò sequitur, quòd quilibet homo, qui merè spontaneè eligit aliquid, tam necessariò eligit illud quam necessariò sol lucet in meridie, vel homo non potest merè spontaneè aliquid eligere: quorum primum contradictionem includit, & secundum expresse contra scripturam, quæ in multis locis ponit permutatā esse factā merè spontaneè. Et patet sequela, quia nulla necessitas naturalis in creaturis est major necessitas, quàm sit necessitas absoluta: sed absolutè necessariò quilibet, qui merè spontaneè eligit, eligit partem quam eligit: & sol non magis necessariò lucet in meridie, licet naturali necessitate luceat, quando est in meridie, ergo conclusio. Undecimò sequitur, quòd non magis potest quis vitare peccatum suum futurum, quàm potest vitare peccatum suum præteritum: quia quæ absolutè necessariò facit hoc futurum: sed absolutè est necessarium quod fecit hoc præteritum secundum istum articulum. Duodecimò sequitur,

6a. Jam tibi pro-  
pice Wiclef,  
cum præter-  
quam quod  
scripturæ S.  
visus es con-  
tradice-  
re, hæ-  
reses etiam  
infirmulan-  
do cs.  
2o.

3o.

4o.

5o.

6o.

7o.

8o.

9o.

10o.

11o.

12o.



\* Cum non  
voluerit Deus  
genus huma-  
num alio mo-  
do quam per  
Filium suum  
unigenitum  
salvare,  
13.  
quis  
tibi vel cui-  
vis alii de  
illius potes-  
tate curiose  
speculant &  
disputant extra  
S. Scripturæ  
metam, aurē  
facilem 14.  
præ-  
bebit? quin  
porius frivole  
& audacter te  
de mysteriis  
divi-  
nis lo-  
quentem in-  
crepet? cum  
Augustinum  
maximè in  
tuam senten-  
tiam trahis  
obtorro col-  
lor: is enim le-  
vissimè rem-  
tangit, & non  
solum alium  
modum con-  
venientiorē  
non fuisse, sed  
nec oportuisse  
esse 15.  
asserit  
(lococit) Wi-  
clef., bono sis  
animo.  
† Nescit hic  
homo quid  
sit liberum  
arbitrium.  
Responsio  
Wiclef.

quod quilibet Catholicus viator, quantum est de communi lege, habet dubitare si Deus potest eum à malo liberare, si Deus potest sibi dare augmentū gratiæ, si Deus potest sibi debita sua dimittere, quia sine speciali revelatione habet dubitare, an Deus hoc velit: & nemo scit, an odio vel amore est dignus, quantum est de communi lege. Et si Deus hoc non vult, Deus hoc non potest, secundum sententiam istius articuli. Et sic quilibet viator talis deberet Deum orare, ut fecit ille incredulus, habens filium lunaticum, Marci nono: Domine siquid potes, adjuva me. Ubi Glossa ordinaria dicit: Manifestat in verbis se de ejus potentia dubitare, & hoc habent facere de dei potentia, omnes hujusmodi sententiam tenentes: quod hæreticum est dicere. Tredecimò sequitur, \* quod Deus alio modo quam per incarnationem filii & mortem ejus non potuit humanam creaturam salvare, Consequens plane contra determinationem sancti Augustini, decimotertio de Trinitate, cap. 10. Et patet consequentia per eum, quia ponit illum modum ibidem esse convenientissimum, & quod non alio modo voluit Deus humanam naturam salvare, nisi per incarnationem, passionem & mortem filii: igitur secundum istum articulum non potuit Deus alio modo, quam per incarnationem & mortem filii, naturam humanam salvare. Cujus contrarium determinaverunt Augustinus & alii doctores sancti. Decimoquartò sequitur, quod præscitis non magis debuit Deus dare liberum arbitrium, pro vitatione peccati, quam brutis: quia non magis ex libero arbitrio possunt vitare peccata quam bruta: immo multo minus, quia necessario absolute præsciti peccabunt, non sic bruta: frustra ergo datum est eis liberum arbitrium pro vitatione peccati. Consequens contra Augustinum secundo de libero arbitrio ex processu. Decimoquintò sequitur, quod distinguendo voluntatem contra necessitatem, & e converso, ut facit sanctus Augustinus tertio de libero arbitrio, dicens, ea quæ volumus necessitate, & non voluntate: sicut senescimus necessitate, & non voluntate: quia æque necessario volumus quicquid volumus, sicut necessario senescimus. Consequens in toto contra processum Augustini ibidem, ubi sic: Non voluntate senescimus, sed necessitate: non voluntate infirmamur, sed necessitate: non voluntate morimur, sed necessitate: non voluntate volumus: quis vel delirus audeat dicere? quasi dicat, nullus. Hoc tamen habet dicere, tenens istum articulum, non distinguendo voluntatem à necessitate, ut facit Augustinus: quia necessitate volumus, ut patet ex articulo, & per consequens non voluntate, sic distinguendo, & per consequens sic sentiens, est pejor quam delirus. Unde & Anselmus de libero arbitrio, posito casu comminationis, quod aliquis mentiri debeat vel occidi: dicit, quod non est necesse istum occidi, quia potest mentiri: nec necesse est eum mentiri, quia potest occidi. Et dicit quod venturum est determinatum in necessitate, sed utrumque est in sua potestate. Sed manifestum est, quod totus iste processus Anselmi esset falsus si articulus esset verus. Decimosexto sequitur, quod Deus non potest creaturas annihilare: & tamen iste articulus est condemnatus pro hæresi, aliàs in Concilio Londini provincie Anglicanæ. Et contra istum articulum est expressè Anselmus de libero arbitrio, cap. 4. ubi docet quod Deus omnem creaturam potest annihilare: & tamen patet sequela, quia Deus nunquam annihilabit creaturas suas. Consequentia patet ex articulo.

Sed hic & in consimilibus respondet adversarius, quod possibile est Deum annihilare creaturas si vult: sed quia non constat sibi, quod Deus hoc vult, ideo non admittit quod est possibile, quousque sibi constiterit, sed admittit quod hoc est possibile si Deus vult.

Sed contra istam responsionem arguitur sic: Omne illud Deus potest, quod potest si velit: sed potest annihilare creaturas, si velit: ergo potest annihilare creaturas. Assumptum patet de quocunque homine, quod omne illud potest, quod potest si velit: ergo à fortiori sic est de deo, quod omne illud potest, quod potest si velit. Admittendo ergo quod Deus potest hoc si velit, incidit in contradictionem. Item si Deus non annihilabit creaturas, absolute impossibile est quod Deus annihilabit creaturas, secundum istum articulum. Et si sic absolute impossibile est Deum velle annihilare creaturas: cum ergo ex responsione non est possibile Deum annihilare creaturas, nisi sub conditione si velit eas annihilare: ergo non est possibile Deum annihilare creaturas, nisi sub conditione impossibili, quæ pro non adjecta capiendi est, ut dicunt jura, extra de pactis cap. ultimo, & extra de conditionibus oppositis, cap. ultimo. Ex quo igitur hoc non est possibile, nisi sub conditione impossibili: sequitur absolute quod hoc non est possibile. Item æque posset dici quod hoc est impossibile, si Deus hoc velit, sicut esse chimæram: cum æque sit impossibile Deum hoc velle, sicut esse chimæram. Item si non potest omne illud, quod Deus non posset absolute, quod tamen posset sub conditione, si vellet: tunc signo unum impossibile quod non potest, quod tamen Deus posset, si vellet juxta responsionem: & cum eadem sit ratio de omni sibi absolute impossibili, sicut de isto signato absolute impossibili: ergo omne impossibile est deo possibile, si Deus vellet: ergo Deum annihilare Deum secundum divinitatem est deo possibile, si Deus vellet.

Sed potest,  
ergo potest:  
bene & argu-  
tè disputa-  
tum!

Chimæra.

vellet : & deum facere hominem esse, & nullum hominē esse, est etiam deo possibile, si deus vellet : & omnis contradictio est deo possibilis, si deus vellet : ergo deum annihilare deum, secundum divinitatem est deo possibile, si deus vellet. Item si deus non potest hoc facere aliquo modo, deus non potest hoc facere sub aliqua conditione. Ex quo ergo omnino impossibile est deum annihilare creaturas aliquo modo : igitur nec potest illas annihilare creaturas sub conditione, si velit. Item iste modus respondendi est expressē contra sententiam Augustini, de consensu Evangelistarum, tractando illud Marci 14. Et oravit, ut si fieri posset transiret ab eo hora : ubi distinguit Augustinus inter [si facere posset] & [si fieri posset] & post sic adjungit, ne quis putaret eum minuire patris potestatem, manifestat quo intellectu accipiendū sit quod dictū est. Nam sequitur : Abba pater, omnia tibi possibilia sunt : in quo (inquit) ostendit satis, non ex impossibilitate patris dictū esse, si fieri posset, sed ex voluntate. Ponit ergo Augustinus patrem potuisse facere horā transire a Christo, & fecisse Christum mortem non sustinuisse : sed quod hoc non voluit. Possibile ergo erat patrē præservasse Christum a morte secundū Augustinum, patre hoc non volente : imò patre nolente eum sic præservare : & ideo hoc erat possibile deo volente hoc, & non si deus hoc noluit. Item nec philosophicē, nec juridicē nec theologicē convenienter dicitur quod potentia dependeat a suo actu sub conditione, & maxime sub conditione impossibili. Dicere ergo deū posse hoc facere, dependet ab actu volitionis divinæ, & maxime sub conditione impossibile est omnino inconvenienter & irrationabiliter dictū. Item si hoc esset absolutē impossibile, ergo est verū & absolutē necessariū quod est absolute impossibile : & per consequens deus absolutē necessariū vult quod hoc sit absolutē impossibile : ergo absolutē impossibile est deū velle hoc esse possibile : ergo hoc non est possibile, si deus vult. Patet ista ultima consequentia sic : Si absolutē impossibile est deum velle hoc esse possibile : ergo tam impossibile est deum velle hoc esse possibile, quā impossibile est deum velle hoc esse possibile, & hoc non possibile : quia tunc esset possibile sub conditione quod deus vult ipsum non esse possibile, igitur si absolutē impossibile est deum velle hoc esse possibile, hoc non est possibile, si deus vult hoc esse possibile. Item si \* absolutē impossibile est possibile, si deus voluerit, ut patet ex responsione : ergo absolutē impossibile non est absolutē impossibile, si deus voluerit : igitur a pari simpliciter & absolutē necessariū non est necessariū, si deus voluerit : & sic deus non est deus, si deus voluerit : & deus non est trinus & unus, nec omnipotens, si deus voluerit. Et similiter falsus est deitas & divina essentia, si deus voluerit : & per consequens omnis creatura, si deus voluerit. Et similiter omne non justum est justum, si deus voluerit : & omne non ens, est ens : & omnis damnatus est beatus, si deus voluerit : & non est bonus deus, si deus voluerit : & tales conclusiones ineptæ sequuntur ex frivola ista responsione. Iterum, si quod non est possibile, est possibile, si deus vult, ut dicit responsio : & quod non est absolutē necessariū, est absolutē necessariū, si deus vult : & per consequens omnis creatura, etiam essentia diabolica, est essentia divina, & deus, si vult. \* Et tales infames conclusiones sequuntur multæ ex hac ratione, quod omne iniquum est bonū, si deus vult : & omne non ens, est ens, si deus vult : & confimiles nimis multæ. Et ideo est hæc responsio frivola. Iterum per articulum istum adversarius contradicit dictis suis propriis, quasi nesciens quid diceret. Nam (ut patet superius in fine articuli 14.) ponit arguendo, quod si deus est deus, potest permittere ecclesiasticos in tantū delinquere quod mereantur a suis possessionibus spoliari : cum ergo in primo instanti mundi fuit ita, sicut consequens primò & primariē significat, & in primo instanti mundi deus non permisit ecclesiasticos ad tantū delinquere quod mererentur a suis possessionibus spoliari : quia tunc non fuerunt tales ecclesiastici qui deliquerunt. Igitur dicitur secundum istum articulum, absolutē necessariū non permisit deus ecclesiasticos ad tantum delinquere, quod mererentur a suis possessionibus spoliari in primo instanti mundi, & si absolutē necessariū non permisit hoc tunc : ergo non potuit permittere hoc tunc : ergo non sequitur deus est deus, ergo deus potest permittere ecclesiasticos ad tantum delinquere, quod mereantur a suis possessionibus spoliari : quia in primo instanti mundi fuit antecedens verum, & consequens falsum, si tunc fuisset formatum. Et sic potest argui pro omni instanti, in quo ecclesiastici non sic deliquerunt : quia non pro omni instanti pro quo possessiones non habuerunt, & ideo hoc dicendo subsipsi contradicit. Iterum dicit arguendo, quod deus non posset talem spoliationem causare, nisi posset facere dominos temporales meritoriē exequi illam : cū ergo deus non posset spoliationē causare, nisi talem immediatē per se, vel per angelos, vel per tyrannos, qui non possunt esse domini, stante tyrannide, secundū adversarium : ergo stat deum causare spoliationem illā, licet non meritoriē per dominos temporales exequatur illam, & licet per dominos temporales illā non causet, nec unquam causabit. Et si causabit illam spoliationem, & non per dominos temporales modō, vel in futurum causabit illam, ut patet per articulum istum : ergo falsum est quod deus non posset spoliationem talem causare, nisi posset facere dominos temporales exequi

\* Aranearum telæ.

† Dixisset melius autor scriptum fore asinum, &c. sed evocanda sunt hypothese in ipsam Dei maiestatem injuriæ (qui nunquam esset nominandus, nisi cum summo honore & reverentia) potius quam reprimenda rixandi & dispudi prurigo monachalis. Quis feret hæc?

\* Pro. 27. 22.

qui illam. Et sic adversarius non attendit quomodo sibiipsi contradicit.

Iterum 7. cap. 2. Trialogi ponit casum, quòd de dei potentia exhiat usq; ad Romam figurantur naturæ corpora, quæ ad organizationem intellectus humani successivè disponantur, & quòd idem immortalis spiritus successivè cum talibus corporibus hypostatice copuletur. Et ex hoc posito arguit, quòd idem homo movebitur de uno loco ad alium, puta abhinc usq; ad Romam, & non corporaliter, cum omnia corpora stabunt fixa.

Et cum non erat sibi certum quòd sic erit, vel quòd unquam sic fuit, admisit hoc quòd ex sibi dubio non est possibile de dei potentia absoluta. Et contradicit in hoc sibiipsi, admitendo hunc casum esse possibilem, & non admittendo consimiles esse posibles, imò destruendo positionem & depositionem in arte obligatoria. Unde valde verisimile est quòd nunquam idem spiritus humanus informabit tot corpora organica fixa successivè, quòd possunt esse sic fixa hinc usq; ad Romam. Et ideo secundum articulum absolutè impossibile est casus, quem de possibili recipit.

Iterum 8. cap. 2. Trialogi arguit quòd intellectiva hominis est immortalis, sic: Homo sentit in seipso quòd habet naturale desiderium semper esse: cum ergo natura non potest frustrari tanto proposito, sequitur quòd aliquis intellectus hominis potest naturaliter semper esse: sed æque sentit homo in seipso naturale desiderium semper bene esse, sicut sentit in se naturale desiderium semper esse: ergo quocunq; homine demonstrato, cum habet naturale desiderium semper bene esse: sequitur quòd quocunq; homine demonstrato, ipse potest semper bene esse: ergo omnes præsciti possunt salvari, quod ipsemet negat, & habet secundum articulum negare, & sic iterum contradicit sibiipsi.

Iterum cap. 11. ejusdem libri dicit, quòd corpus glorificatum potest per dotes agilitatis & subtilitatis intrare januis clausis: & cum non sit sibi evidens ex scriptura sacra vel aliunde, quod per hoc aliquod corpus glorificatum sic intrabit januis clausis: patet quòd concedit esse possibile, quòd ex sibi dubio est absolutè impossibile: quia si nunquam sic intrabit, absolutè impossibile est quòd sic intret, & sic contradicit sibiipsi.

Iterum 3. cap. 3. Trialogi ponit quòd spes differt à fide per hoc quòd spes non est, nisi de bono possibili sic speranti. Fides autem est tam de bono, quàm de malo credenti pertinet, & de multis quæ impertinentia sunt credenti. Et statim pòndit quòd si proponatur prælato utrum sit hæreticus, debet sperare, & sperare ejus oppositum: sed non debet hoc dubitare, concedere vel negare. Et probat quòd non debet hoc negare: quia necessariò omnis præscitus est hæreticus: & ideo ille quem alloquitur, non debet omnino negare simpliciter quòd est hæreticus: quia non debet sine obligatione negare verum, quòd à deo est ordinatum: & à deo est forsitan ordinatum, quòd sit præscitus: ergo secundum hæc dicta prælatus debet sperare & supponere, quòd non sit hæreticus vel præscitus: sed hoc non debet sine obligatione dubitare, concedere vel negare. Cum ergo (ut præmittitur) spes non est, nisi de bono possibili sic speranti: ergo est bonum possibile huic prælato, quòd non sit hæreticus vel præscitus: ergo possibile est hunc prælatum non esse præscitum: ergo non est præscitus secundum argumentum: ergo absolutè necessariò non est præscitus secundum argumentum: ergo vel nullus est prælatus præscitus, quod ipse multipliciter negat: vel præscitus potest non esse præscitus, quod ipsemet negat & sic sibiipsi iterum contradicit. Confirmatur, hic innuit, quòd propter obligationem debet aliquis negare verum, ergo aliquid potest esse verum, quod tamen non est verum: quia nihil debet admitti in positione obligatoria nisi possibile: & à pari aliquid potest esse verum, quod nec est, nec fuit verum: & à pari & consimiliter aliquid potest esse verum, quod nec fuit, nec est, nec erit verum: & hoc repugnat dictis suis propriis.

Et iterum inferius in fine 8. cap. illius tertii Trialogi destruit positionem & depositionem in arte obligatoria: ergo non debet quis per artem obligatoriam aritari ad negandum verum: cujus oppositum hic innuit. Confirmatur iterum: quia 6. cap. 3. Trialogi dicit, quòd omnis peccator superstes de dei misericordia debet confidere, & deletionem sui criminis sperare: & non debet sperare, nisi bonum sibi possibile, ut dicit 3. cap. 3. Trialogi. Ideo non est peccator superstes, quin possibile sit quòd habeat deletionem sui criminis: quod ipsemet negat & sic sibiipsi contradicit.

Iterum 22. cap. 3. lib. dicit assertivè, quòd procreans secundum fornicationem simplicè natu ex foemina, potest in eodè tempore secundum ligamenta matrimonii ex eadem eundè puerum procreare: & constat quòd procreans secundum fornicationem natu ex foemina, non procreat eundem pueru ex eadem foemina, secundum ligamenta matrimonii: ergo procreatio hujus pueri non est secundum ligamenta matrimonii in hoc tempore dato, & tamen potest esse secundum ligamenta matrimonii procreatio ejusdem in eodè tempore. Et consequenter sequitur, quòd procreatio secundum fornicationem hujus pueri est in hoc tempore dato ex hac foemina, & tamen potest esse non procreatio secundum fornicationem in eodem tempore:

ergo

ergo non omne quod est, absolute necessario est, &c. Nec omne quod est pro tempore, absolute necessario est pro eodem tempore: & a fortiori, nec omne quod erit absolute, absolute necessario erit: hæc ergo dicendo contradicit sibiipſi.

Iterū 24. cap. 3. Trialogi ponit, quod homo in paradiso habuit dispositionē corporis naturalē, secundū quam potuit pro perpetuo sine morte durare: ergo fuit verum pro statu innocentie, quod homo potest perpetuo sine morte durare: ergo non fuit verū tunc, quod absolute necessario homo morietur, loquēdo de eodē homine: quia si tunc fuisset verū quod absolute necessario morietur: ergo non fuit verū tunc quod non potest perpetuo sine morte durare, cujus contrarium dicit hic: ergo dicendo contradicit sibiipſi.

Iterū eodē cap. allegat dictū Aristotelis, quo dicit quod quadratura circuli est scibilis, et si nondū tamen scita est: & dicit quod posset corrigi dictū quod non a nobis obscure videtur: antebus adhuc scita est, est tamen scita a prima veritate. Sed est manifestum, quod Aristoteles intellexit quod ipsa est scibilis a nobis viantibus, quamvis quod a viantibus fuit scibilis. Et ideo Aristoteles posuit possibile fore de certo, quod tamen ex sibi dubio nunquam foret, cujus contradictorium ponit adversarius.

Iterū 23. cap. 3. Trialogi, quod personam verbi assumere plures humanitates simul, est simpliciter impossibile: & etiam quod multe personæ eandem humanitatem assumant, est simpliciter impossibile: ergo neutrum istorū est possibile, si deus voluerit: cujus contradictoriū sequitur ex prædictis in hoc libro; & patet consequentia: quia si deum esse est simpliciter & absolute necessarium, deum esse non est contingens, si deus voluerit. Et si deum esse trinum, est simpliciter & absolute possibile, deum esse trinum non est impossibile, si deus voluerit. Igitur si utrumq; istorum prædictorum est simpliciter & absolute impossibile, neutrum est possibile, si deus voluerit.

Iterū eodem cap. ponit quod omne possibile est verum: ergo omne possibile sub conditione est verum: ergo cum utrumq; sit possibile sub conditione, si deus voluerit, ut ibi concedit: ergo utrumq; istorum non solum possibile est, sed verum, quod tamen ibidem negat. Et patet prima consequentia, quia sic sequeretur, quod possibile sub conditione est ita absolute impossibile, sicut contradictio est absolute impossibile: & sicut aliud impossibile sine contradictione est absolute impossibile.

Iterū 5. cap. 4. Trialogi ponit quod quotquot hostiæ possunt insimul eodem verbo domini consecrari: & vinū potest in quocunq; vase, & quacunq; quantitate consecrari. Sed hæc dicta contradicunt huic articulo. Nam ligno vas quod non continet, nec unquam continebat vinum: & sequitur ex articulo, quod non potest continere vinum: ergo nec vinū potest in hoc vase consecrari. Iterum: Aliqua est maxima quantitas vini, in qua vinum consecratur vel consecrabitur: & sequitur ex articulo, quod non potest vinum in majori quantitate consecrari: cum igitur quantitate data non potest esse quantitas vini major, sequitur quod non potest vinum in quacunq; quantitate consecrari: & sic signanda est maxima multitudo simul eodem verbo dei consecratarum, & qua major non erit: & sic sequitur ex articulo, quod non potest esse major multitudo hostiarum insimul in eodem verbo dicto consecratarum: ergo non est verum quod quotquot hostiæ, &c.

Iterū 4. cap. 4. Trialogi, loquens de seipſo, sic scribit: Confido de misericordia domini quod potest hanc vitam brevem & miseram, ero superabundanter præmiatus: & scio ex fide Evangelii, quod Antichristus ex suo consilio non potest nisi corpus occidere: & Christus (cujus partem sustineo) potest tam corpus quam animam mittere in gehennam ignis. Et hoc ibidem de seipſo fatebatur.

Sed secundū istum articulum hoc non poterat Christus, nisi hoc effet futurum: & secundū alia dicta sua, si hoc est possibile, hoc est verum: ergo corpus suum & anima sunt in gehenna ignis, saltē pro cap. suo ad viam suā loquēdi in alia opinione: in qua dicit, quod omne quod erit, est. Vana ergo fuit confidentia, quam habuit de misericordia domini, de superabundanti præmio post hanc vitam: & sic destruit non solum dicta sua propria, sed etiam seipſum.

Consimiles contradictiones possent deduci ex dictis suis in multitudine magna: quarū deductionē omitto causa brevitas. Non solum iste articulus est antiquitus condēnatus, nō solum repugnans sacre scripturæ, non solum ex illo sequuntur hæreses multe, contradictiones: sed tenentes articulū multas scientias habent destruere: Primò dialecticā, quia destruit artem obligatoriā, quæ est magna pars dialecticæ. Et quod illud destruit adversarius, fatetur in fine 8. cap. 3. lib. quoad artem positionis & depositionis in eadem. Destruit etiam dialecticam Aristotelis in libro Perihermenias, ubi deducit tanquam ad magnum inconueniens, quod nihil sit a casu, nec contingens ad utrumlibet. Destruit secundū philosophiam naturalem, quæ ponit plura evenire a casu & fortuna. Et una pars philosophiæ est naturalis, de his quæ sunt a casu & a bona fortuna. Destruit etiam philosophiam moralem,

mentis & offuscandā ipsa verū natura & veritate. Item cum potiorē sustinet partem. \* Loquitur parum Christianē, quasi nūnquā legerat Evangelium S. Matt. 10. 29. 30, vel primum caput retractationum S. Augustini.

+ Brevis esse laborat, obscuro factus. quicquid enim crepat de dialectica, ejus ingenium versatur maxime in obnuclandis argumentis.

Philippus  
Grevius Can-  
cellar. Paris.  
anno 1230.  
Oudin. 1280.  
Trithem.

cus 3. Ethicorum docet philosophus, quod electio & consilium non est nisi de his quæ ad utramque partem contradictionis in nostra consistunt potestate: & nihil tale est vel potest esse secundum tenentes istum articulū. Destruit etiam Astronomiam: nam una pars astronomiæ est de electionibus, quam partem annullat iste articulus. Alia pars est de significatione super fortuna, & impedimento super substantia, & negotiatione super principatu, & prælatione super conjunctione, & separatione super infirmitate & sanitate. Et docet Cancellarius Parisiensis, magister Philippus in libello suo de his, in quibus licet fidelibus iudicio astrorum uti: & qui libri astronomiæ fuscipiendi, & qui non: & quod in tantum prodest præscire futura iudicia astrorum propter dispositionem sui corporis: quia potest variare dispositionem suam & sic vitare infirmitatem: quia idem ignis operatur in luto ad condensationem & ad arefactionem, & liquefactionem in cera. Et sic est de actionibus corporum celestium in corpora nostra secundum eorum diversas dispositiones. Istam tamen partem astronomiæ multum diminuit articulus iste: quia præscius infirmitatis futuræ iudicio astrorum. Alia pars astronomiæ \* est de interrogationibus non super rebus necessariis vel impossibilibus, ut docet dominus prædictus: sed de futuris possibilibus, de quibus distinguit ibidem, quod interrogatio potest fieri de rebus possibilibus, quæ libero arbitrio penitus sunt suppletæ: vel de rebus possibilibus, quas non potest cuiusquam puri hominis liberum arbitrium impedire. Et ad interrogationem primarum, duo sunt modi: ut interrogationes futuri, quid fiet de assumpto, an si dabit substantiam vel non dabit. Et sunt interrogationes consilii, ut quid melius conveniat, hoc an illud. Interrogationes (inquit) consilii non destruunt arbitrii libertatem, sed potius eam dirigunt & rectificant, quod oportet consiliiari: & unum (inquit) ex mediis urgentibus: per quæ ostenditur non omnia esse ex necessitate, sed quedam à casu & ad utrumlibet. Ponens ergo omnia ex necessitate evenire, destruit hanc partem astronomiæ, quæ est de interrogationibus consilii, de interrogationibus primi modi, quid fiet de his quæ pertinent ad lib. arbitrium, ut utrum dabit vel non dabit substantiam. Dicit consequenter, quod si millesies significatum fuerit, quod non dabit, nihilominus poterit illam dare: & ideo peritus Astronomus non iudicat quod dabit, sed quod per figuram interrogationis significatum est quod dabit, quo non obstante potest non dare, & e converso. Et si dicatur, quod si significatum non erit magisterium, est falsum: & ideo oportet dicere, quod significatum erit, & per consequens non potest non esse. Sed respondet Cancellarius prædictus adducendo pro se Albumasar, quod non sequitur, hoc erit, ergo hoc non potest non esse: quia contingens sive sit natum in pluribus, sive in paucioribus, sive ad utrumlibet, semper antequam sit, potest esse & non esse. Ponens ergo nihil contingenter fore, sed omnia absoluta necessitate, destruit istam partem astronomiæ. Et in eodem libello docet, quomodo ex hac positione destruit magisterium medicinæ. Et non est difficile videre, quomodo destruit etiam magnam partem juris Canonici, & etiam juris Civilis †: & quomodo repugnat sacre scripturæ multipliciter est ostensum. Merito est ergo iste articulus pro hæresi, non solum de novo, sed ab antiquo condemnatus.

Pro isto tamen articulo arguit adversarius, primo per antiquum argumentum tale:

Christus asseruit hoc esse futurum: ergo hoc est, fuit vel erit: antecedens est necessarii, ergo & consequens. Non enim est in potestate creaturæ, quando Christus talia multa asseruit, nec assertio animæ Christi per accidens est huiusmodi: & ideo sicut necessariò Christus illud asseruit, ita necessariò illud eveniet. Confirmat hoc: quocumque futuro signato ante mundi constitutionem deus determinavit hoc fore, ergo hoc erit: quanta ergo erit necessitas in antecedente, tanta est necessitas in consequente: & quis enim potest facere vel impedire, quin deus determinavit hoc ante mundi constitutionem? quasi diceret, nullus. Quoad istud argumentum dicit adversarius cap. 9. 3. Trialogi, dominum Armachanum per duos annos studuisse pro ejus dissolutione, & finaliter nescivit (ut dicit) aliter evadere nisi concedendo quod Christus \* errasse potuit & ecclesiam decessisse: quam conclusionem nullus catholicus (ut dicit) concederet, & sic videtur ponere deprimum Armachanum extra numerum catholicorum. Alii sequaces Aristotelis, quoad istum articulum dicerent, quod in futuris contingentibus ad utrumlibet, & maxime in illis quæ plenariè subsunt hominis libertati, non est veritas determinata apud deum, vel apud homines. Et ideo dicerent illi, quod tali futuro signato, deus ante mundi constitutionem non determinavit hoc fore, nec Christus de aliquo tali futuro asseruit hoc esse futurum, & sic leviter expediverunt † discipuli Aristotelis, istis argumentis.

Dico ergo ad argumentū primò, admittendo contra sententiam articuli, Christum asseruisse hoc futurum esse, loquendo de tali futuro, quod subest hominis libero arbitrio, & concedendo consequentiam, & conclusionē primam, quod hoc fuit, vel erit: & cum dicit, quod antecedens est necessariū, loquendo de absolute necessario, ut facit adversarius in argumento de Christo secundum humanitatem, ut consequenter loquitur. Dico quod hoc simpliciter

\* Consule Isai.  
40. 13. de  
istiusmodi  
astriconsiliiis  
& planetariis.

† Wiclefus  
destruit Logi-  
cam, Ethicam,  
Physicam, As-  
tronomiam  
( & quanta est  
jactura istius  
artis eximie  
apud Wod-  
fordum! )  
magisterium  
medicinæ,  
magnam  
partem Juris  
Civilis & Ca-  
nonici: & ne-  
quid intactæ  
& illius finit  
arres alia,  
ipse Wodfor-  
dus ubique  
destruit Græ-  
maticam, Rhetoricam &  
Musicam barbarā suā, in-  
cultā & dissonantem loquutionem.  
Argumentum  
Wiclefi.  
\* Egregius fructus studii  
biennis.  
Responsio ad  
argumentum.



pliciter est falsum : quia absolute necessarium est, quod nec potuit, nec poterit non esse : sed antequam Christus erat incarnatus, Christus sic non asseruit secundum humanitatem, & tunc poterat hoc nunquam asseruisse : & ideo est manifestum, quod hoc antecedens non est absolute necessarium. Et ideo non sequitur ex illo, quod consequens sit absolute necessarium, licet consequens sit verum : & sic patet ad argumentum principale. Quantum ad confirmationem, cum dicitur, quocumque futuro signato ante mundi constitutionem deus ordinavit hoc fore, ergo hoc erit : quanta ergo est necessitas in antecedente, tanta est in consequente. Sed in antecedente est tanta necessitas quod nullus potest impedire dei ordinationem, quando sic ordinavit : ergo nullus potest impedire quando hoc erit : ergo articulus. Quantum ad ista concedo, quod nulla creatura potest impedire dei primam ordinationem per se : dicendo tamen, quod quicquid deus ordinavit fore de talibus futuris subjectis libertati humanæ, potest nunquam illud ordinasse fore sine omni sui mutatione. Et ideo licet deus ordinavit ante mundi constitutionem hoc fore, non est absolute necessarium, deum ante mundi constitutionem hoc ordinasse : cum possit sine sui mutatione hoc nunquam ordinasse, & sic posse est proprium solius dei : & ideo ex tali ordinatione non sequitur necessitas absoluta immediate consequentis, sed necessitas suppositionis, quæ satis stat cum contingencia effectus futuri. Unde & reprobos potest deus facere predestinatos secundum sententiam Apostoli ad Romanos 11. ubi loquens de Judæis infidelibus & reprobis : Potens est (inquit) deus iterum misereri, hoc est, salvare eos secundum doctores. Et Augustinus, de bono perseverantia, sic ait : De reprobis certe poterat deus eos præsciens esse lapsuros, antequam illud fieret, auferre de hac vita : ergo, non obstante illa præscientia, poterat facere quod non laberentur. Et ideo hic modus loquendi fundatur in apostolica sententia, & sententia Augustini, & sententia antiquorum doctorum : & sic patet responsio ad argumentum. Per hæc ad omnia quæ adducit pro articulo, poterit esse satisfactum : & finaliter dico circa istum articulum, quod non solum repugnat sacre scripturæ, non solum ex eo sequuntur hæreses multe, non solum est destructivus multarum scientiarum : sed ex eo sequuntur vulgares fatuitates diversæ. Nam sequitur primò quod dolium magnum non potest continere tantum de vino, quantum continet ista pinta signata. Ponatur enim quod hæc pinta sit plena vino, & quod de dolio magno totum vinum sit extractum, & quod nunquam post continebit vinum, & sequitur : Nunquam post continebit vinum, ergo absolute necessarium nunquam post continebit vinum : ergo simpliciter impossibile est quod continet vinum : ergo non est possibile, quod illud dolium magnum, tantum contineat de vino, quantum continet ista pinta : quod vulgares deriderent. Secundò sequitur, quod cultellus bonus & acutus non potest ita scindere panem, sicut iste cultellus obtusus : quia ponatur quod cultellus obtusus scindat panem, & quod iste cultellus acutus & bonus nunquam scindat panem, sed continuè erit in cista. Et sequitur conclusio modo prædicto. Et sic ex articulo possunt deduci tales fatuitates vulgares in magno numero : & ideo est articulus meritò despiciendus.

Augustinus.

**D**ecimus octavus articulus & ultimus, pro hæresi condemnatus, est, quod quicquid Papa vel Cardinales sui sciunt ex sacra scriptura deducere clarè, illud duntaxat esse credendum, vel ad sua monita faciendum. Et quicquid ultra præsumperint, sit tanquam hæreticum contemnendum. Quod sit meritò pro hæresi condemnatus, patet primò ex hoc, quod est contra sacram scripturam, & ex ipsa condemnatus. Secundò ex hoc, quod est in Canone ab ecclesia condemnatus. Tertiò ex hoc, quod est ab antiquis doctoribus condemnatus. Quartò ex hoc, quod fuit diversarum hæresium fundamentum. Quintò ex hoc, quod non recipiuntur interpretationes sanctorum doctorum de propositionibus ambiguis sacre scripturæ, quæ non possunt ex scriptura sacra per prælatos clarè deduci. Sextò ex hoc, quod ex articulo sequuntur hæreses multe. Primò ergo deduco, quod iste articulus est contra sacram scripturam, & per consequens est ab ea damnatus. Nam in sacra scriptura habetur, quod multa sunt vera & credenda, quæ in ipsa literaliter non continentur : nec possunt ex literali sensu scripturæ deduci : quia de tali modo loquitur adversarius, ut patet ex processu. Unde in fine Evangelii Johannis ad excludendum falsam opinionem, quod non plura fecerat Jesus, quàm sint scripta, sic dicit Evangelista : Sunt etiam alia multa quæ fecit Jesus : quæ si scribantur per singula, nec ipsum arbitror mundi capere eos, qui scribendi sunt, libros ; ergo multa fuerunt facta Christi, quæ non sunt scripta, & maximè in sacra scriptura : & per consequens multe sunt veritates etià de Christo, quæ ex sacra scriptura minimè possunt deduci. Apostolus etià Paulus, secundà ad Thimothæum 2. cap. in fine, expressè distinguit inter traditiones quas tradidit sermone, & quas tradidit per scriptu-

Decimus octavus articulus Wiclefi.

Responsio Wodfordi sexplex.

Prima quod contra S. Scripturam.

Damascenus.

scripturam, præcipiendo utraq; teneri, sic dicens: Itaque fratres stare & tenere traditiones quas didicistis, sive per sermonem, sive per epistolam nostram. Ex ipsa ergo patet scriptura sacra, quod multæ sunt traditiones tenendæ & credendæ, quæ solummodo sermone sunt traditæ per apostolos, quæ non sunt in sacra scriptura ad literam contentæ. Unde istam auctoritatem Apostoli tractat Damascenus quarto sententiarum suarum, cap. 8. & totius libri cap. nonagesimo quarto, deducens per illam, & alias Apostoli auctoritates, quod plurima sancti apostoli ex non scripto tradiderunt, quæ tamen observare debemus; & hoc docet cap. nonagesimo primo, quod intitulatur de adorando secundum orientem, ubi concluditur quod traditio de adorando versus orientem, est traditio apostolorum non scripta: & in fine dicit, quod multa non scripta tradiderunt. Patet ergo ex ipsa sacra scriptura quod multa non scripta in sacra scriptura sunt credenda & observanda: & ideo hic articulus est contrarius sacre scripturæ. Iterum ex sacra scriptura, & notorie veris, quæ non possunt tergiversari, patet, quod multa sunt authenticæ vera, quæ non sunt contenta literaliter in sacra scriptura: & per consequens patet ex sacra scriptura, quod multa sunt authentica & credenda, quamvis non possint per Papam & Cardinales clarè deduci ex sacra scriptura. Assumptum patet primo ad Colossenses. ultimo cap. ubi Apostolus fatetur se scripsisse epistolam. & ibi præcepit Colossensibus illam legere ad Laodiceam. Sed notorium est, quod illa epistola ad Laodiceenses non est contenta in sacra scriptura, nec est in Canone Bibliæ. Assumptum patet 2. Maccabæorum ultimo, ubi allegatur liber sacerdotii Johannis: & notorium est quod \* iste liber non est in Canone Bibliæ. Assumptum patet tertio, quia in libris Regum tractat sacra scriptura de Achab, notando eum de curiositate pro domo eburnea quam fecit, sic dicendo, 3. Regum ultimo: Reliqua sermonum Achab, & universa quæ fecit, & domus eburnea quam edificavit, nonne hæc scripta sunt in libro sermonum dierum regum Israel? Iste liber hic allegatus, non est aliquis liber Regum: quia non allegat seipsum. Et quia nullibi scribitur in illis alibi, quam hic de domo illa eburnea: nec est aliquis liber Paralipomenon in quo fieret mentio de domo illa eburnea: & ideo (ut dicit doctor de Lyra) erat liber authenticus Anabuzardan combustus, nec post reparatus. Assumptum patet quarto, quia 2. Maccabæorum 2. cap. allegantur descriptiones Hieremias prophetæ, descriptiones etiam & commenta Nehemias prophetæ: & manifestum est, quod illos libros non habemus in Canone Bibliæ, sed nec habent Judæi, ut dicit doctor de Lyra. Ibidem etiam allegat textus quinque libros Jalonis Cyrenæi, ex quibus secundus Maccabæorum est abbreviatus: & notorium est quod illi libri in Canone Bibliæ non sunt positi. Assumptum patet quinto, quia 1. Regum primo allegatur liber iustorum: & notorium est, quod ille non ponitur in Canone Bibliæ. Assumptum patet sexto, 3. Regum 4. fit mentio expressa de descriptionibus bestiarum, arborum & herbarum, quas scripsit Rex Salomon, & illas scripturas non habemus in Canone Bibliæ. Assumptum patet septimo, quia 2. Paralipomenon fit mentio de libro Achiz Syronitis & de libro Nathan prophetæ, qui libri non habentur in sacra scriptura. Et ideo ex ipsa sacra scriptura & notorie veris quæ non possunt tergiversari, patet, quod multa sunt authenticæ vera, quæ non sunt literaliter contenta in sacra scriptura, nec ex contentis in sacra scriptura possunt clarè deduci: & ideo iste articulus est contra sacram scripturam dogmatizatus, & per consequens est hæreticus. \* Secundum est iste articulus in Canone condemnatus: quod patet prima dist. 11. cap. Ecclesiasticarum. Ubi habetur quod constitutiones ecclesiasticæ sunt in triplici genere. Nam quasdam à sacris scripturis, quasdam apostolica traditione confirmatas accepimus, quasdam consuetudine roboratas approbat usus, quibus par ritus & idem utriusque pietatis debetur affectus. Ex quibus manifestum est, quod non solum Canon obligat ad ecclesiasticas constitutiones, quæ ponuntur in sacra scriptura: sed præter illas ad institutiones apostolica traditione confirmatas, de quibus in eodem cap. fit mentio, quæ non continentur in sacra scriptura, & præter istas & illas ad institutiones quas consuetudine roboratas approbat usus. Dicere ergo, quod non est credendum vel ad monita Papæ faciendum, nisi quod sciunt clarè deducere ex sacra scriptura, est plane contradicere sententiæ Canonis & ecclesiæ. Hoc idem habetur eadem dist. cap. In his rebus: ubi sic: In his rebus, in quibus nihil certi statuit divina scriptura, mos populi dei & instituta majorum pro lege tenenda sunt. Et sicut pravaricatores legis divinæ, ita & contemptores consuetudinum ecclesiasticarum coercendi sunt. Ex quibus patet, quod ecclesiæ supponit multa esse instituta ecclesiæ, quæ non sunt in scriptura sacra contenta, & quæ non licet contemnere, sicut nec legem dei pravaricari. Multas etiam consuetudines ecclesiæ esse in sacra scriptura non contentas, quas oportet observare, & nullatenus contemnere, habetur expressè eadem dist. cap. Catholica, ubi sic: Catholica ecclesiæ per orbem diffusa, tribus modis probatur existere: quicquid in ea continetur, aut auctoritas est scripturarum, aut traditio apostolica, aut propria & particularis institutio ad ea quæ auctoritate scripturæ, & quæ universali traditione

\* Sed magis notorium non fore authenticum, etiam si extaret; sicut nec iste liber est, qui ejusdem meminit, teste S. August. cap. 23. contra secundam Gaudentii epistolam: qui ibidem asserit Judæos non habere scripturam Maccabæorum sicut Legem, prophetas & Psalmos (i. e. strictè Canonicam) sed recepit est illa ab Ecclesiâ non inutiliter, si sobriè legatur, &c. & dum Apostolus monet (Rom. 3. 2.) Judæis eile credita eloquia Dei, & Augustinus testatur eos non recipisse historiam Maccabæorum, cadit istorum libr. auctoritas divina.

\* 2. Contra Canonem. † In Canone auctoritas traditionis æquiparatur auctoritati S. scripturæ.

tota confringitur ecclesia. Privatis autem constitutionibus, & propriis informationibus per locorum varietates, ecclesia subsistit & regitur. Ex quibus omnibus patet, quod multa tenemur credere, & multa facere, quæ ex sola sacra scriptura deduci non possunt. Patet ergo ex definitione ecclesiæ, quod articulus iste est falsus. Secundò patet idem 19. distin. cap. Si Romanorum. cap. Sic omnis. cap. Nulli fas est. cap. In Canonicis scripturis, quia in omnibus istis cap. 19. distincti: habetur id idem. Quorum recitationem remitto causa abbreviationis, & quia liber iste est communis. Tertiò patet idem dist. 89. 15. & dist. 18. quasi per totum. Quartò idem. 23. quæst. 4. cap. Non invenitur. Et de Confes. dist. 4. cap. Si eos. Et in aliis cap. diversis. Quintò patet idem, extra. de celebratione missarum, cap. Cum Martha: de forma qua utitur ecclesia Romana in consecratione sanguinis: quia illa (ut ibi patet) non habetur in sacra scriptura: & constat cuicumque respicienti textum evangelii, & textum Apostoli, quod nullibi in scriptura habetur completa forma consecrationis sanguinis qua utitur ecclesia: & tamen patet ibidem, quod illa est una forma consecrationis & quod hoc credi debet. Condemnavit ergo sententiam quæ ponit, quod nihil est credendum nisi quod clarè potest deduci ex sacra scriptura. Patet ergo, quod hic articulus est in Canone ab ecclesia condemnatus.

Tertiò, principaliter dixi quod iste articulus est ab antiquis doctoribus reprobatus. Nam primò Dionysius Areopagita, Apostolorum contemporaneus, primo cap. sui libri de ecclesiastica Hierarchia, verus finem cap. asserit Quoniam & non scriptas doctrinas & traditiones seu leges Apostoli tradiderunt, quas oportet suscipere: ergo multa non contenta in sacra scriptura oportet credere: quia ipse sanctus Dionysius multa docet credenda de institutione Apostolorum circa sacramenta ecclesiæ, quoad orationes ecclesiæ, circa monachos ecclesiæ primitivæ: de quibus nulla sit mentio in sacra scriptura. Secundò Johannes Damascenus in libro sententiarum suarum, tam in cap. De adorando versus orientem, quam etiam in cap. De sacris imaginibus, hoc idem docet. Unde traditio de adorando versus orientem, & traditio de imaginibus sanctorum, sunt traditiones Apostolicæ, non scriptæ, secundum eundem. Tertiò patet idem per Johannem Cassianum de institutis Monachorum, asseverantem multa per Apostolos instituta, de quibus constat quod nihil literaliter continetur in sacra scriptura. Et quartò patet idem de diversis libris sancti Augustini, de quibus cap. Canonis prius allegata diversa sunt accepta, de quibus plura inferius erunt inserta. Quintò patet idem ex diversis libris beati Gregorii, & specialiter ex regl-  
stris ejusdem. Sextò patet idem multipliciter ex sententia doctoris de Lyra, qui egregie literaliter scripsit super totam Bibliam, & deducit super multis locis multas veritates esse tenendas ab ecclesia, quæ non continentur in sacra scriptura, ut consideranti poterit esse manifestum, &c. Quartò principaliter est iste articulus justè pro hæresi condemnatus: quia fuit fundamentum diversarum hæresium. Fuit enim primo fundamentum hæresis Arrianæ, quæ pessima fuit. Docet enim manifestè historia Tripartita; quod Arriani insultabant Catholicis, eò quod ponebant dei filium consubstantialiæ patri, pro eo quod sacra scriptura hoc non exprimit. Unde & ponebant hoc verbum esse barbarum, pro eo quod scriptura sacra non ponit hoc verbum in divinis. Et Catholici doctores concesserunt Arrianis, quod tunc de verbis [consubstantialis, oufia & homousion] quod idem significant in divinis de deo, in sacris scripturis nihil repertum est: sed dixerunt, quod fides illa accepta est ex antiqua traditione recepta ab initio ecclesiæ: ut partim libro quinto, capite octavo & completè libro sexto, capite vicesimo patet. Patet ergo quod articulus iste fuit fundamentum hæresis Arrianæ. Nolebant enim Arriani aliqua recipere, maxime circa divina, nisi contenta in sacra scriptura: & ideo inciderunt in illam hæresim. Fuit secundo hujusmodi articulus fundamentum hæresis Donatistarum.

Donatistæ hæretici tenebant, quod baptizati ab hæreticis, quantumcumque baptizati ab eis sub forma ecclesiæ, non essent verè baptizati: sed quod venientes ad ecclesiam Catholicam deberent rebaptizari. Unde & baptismum hæreticorum vocabant lavacrum diaboli. Et illius opinionis fuit aliquando sanctus Cyprianus & multi magni prælati cum eo: ut patet in libris sancti Augustini de unico baptismo. Sed ante Cyprianum recepit ecclesia baptizatos ab hæreticis, sub forma ecclesiæ, sine novo baptismo: quam consuetudinem Cyprianus cum magno consilio reprobavit. Postea illa determinatio Cypriani & sui consilii fuit ab ecclesia condemnata & reprobata. Et tunc Donatistæ conquesti sunt de ecclesia, quod reprobavit sententiam illam ut hæreticam, ex quo contrarium, ejus non habetur in scriptura sacra. Quibus respondit magnus Augustinus, concedendo quod oppositum illius sententiæ non reperitur in sacra scriptura, sed consuetudo. recipiendi baptizatos ab hæreticis, sub forma ecclesiæ, sine novo baptismo, licet non fundatur in sacra scriptura, fundatur tamen in Apostolica traditione: sicut & multa sunt (inquit) quæ universalis tenet ecclesia, & ob hoc ab Apostolis bene præcepta creduntur quamvis scripta non inveniantur, & hæc ponit Augustinus libro quinto contra Donatistas citò post medium libri.

Patet

Tertio, Cor-  
tra antiquos  
doctores, i.e.  
Dionysium  
falsò Areop.

Joh. Dama-  
scenus.

Joh. Cassia-  
num.  
S Augustinu.

Gregorium  
primum.  
Lyran.

Quartò, ut  
fundamentum  
hæresim di-  
versæ Ari-  
anz:

Donatistaru.

Patet ergo, quòd sententia istius articuli fuit fundamentum hæresis Donatistarum: quia nolebant aliquid esse hæreticum, nisi cujus contrarium in sacra scriptura esset repertum. Et beatus Augustinus cum ecclesia Catholica reputat hæreticum, quod contrariatur traditioni Apostolicæ: quamvis illa traditio scripta non sit purè in sacra scriptura. Ex quibus patet quòd sententia huius articuli fuit velamen & fundamentum hæresis Donatistarum: & quòd beatus Augustinus cum ecclesia Catholica reputat eam hæreticam. Est ergo hic articulus meritò pro hæresi condemnatus. Fuit etiam fundamentum hæresis Leonis Imperatoris & Constantini filii sui, qui damnaverunt imagines sanctorum & ipsas combusserunt. Quibus Papa Gregorius & Germanus Constantinopolitanus universaliter resisterunt, allegantes morem antiquorum & approbatam ab ecclesia consuetudinem. Cuius hæresis Philippus Imperator eorum prædecessor, erat fundator, quem Sisinnius Papa, circa annum domini septingentesimum sextum, propter hoc denunciavit hæreticum, ut in historia Polychronica & aliis est manifestum, & aliarum multarum hæresium fuit sententia huius articuli fundamentum & velamen: & ideo est meritò condemnatus. Quintò principaliter est articulus pro hæresi condemnatus: quia dato articulo non esset recipiendæ interpretationes sanctorum doctorum de propositionibus ambiguis sacrae scripturae, quæ non possunt per Papam & Cardinales ex ipsa sacra scriptura deduci clarè: patet enim sequela, & est hoc dictum occasio & velamen diversarum antiquarum hæresium. Nam propter hoc quòd Christus dixit in evangelio: Fures fuisse & latrones, omnes quotquot ante ipsum venerunt: & propter quòd Faustus noluit recipere interpretationes sanctorum doctorum, sed verba illa intelligere secundum quòd grammaticaliter sonabant: ideo incidit in hæresim, quòd non sint à Catholicis recipiendi Moses & Prophetae: quia fuerunt fures & latrones, ut asserbat, male intelligendo verba Christi contra interpretationem sanctorum doctorum. Hæc patent per beatum Augustinum decimosexto contra Faustum. Item propter hoc quòd aque negativè secundum vocè dicitur: Non occides, fuit dicitur: Non furaberis: dicebant hæretici, quòd sicut non est licitè furari hominem, bovè aut ovè, sic non est licitè occidere hominem, bovem aut ovem. Quam hæresim destruit Augustinus in libro de Civitate dei. In hanc hæresim prolapsi sunt: quia utrobique verba scripturae sicut sonabant prima facie, & ad sensum grammaticale, & non secundum interpretationè Apostolicorum virorum, intellexerunt. Item dixerunt alii hæretici, quòd non esset licitum jurare in aliquo casu propter hoc quòd Christus dixit: Ego autè dixi vobis, nolite jurare omnino. Et propter hoc quòd dicit Jacobus: Ante omnia, fratres charissimi, nolite jurare, neque per coelum, neque per terram, nec per aliud quodcumque. Ista ut sonant grammaticaliter intelligentes, & non secundum sensum & interpretationes sanctorum doctorum, erraverunt. Confimile est de multis aliis, de quibus pertrahèto. Iterum ipsemet Christus ostendit Lucæ 6. cap. & Matthæi 13. quòd mandata & præcepta habent interpretari multoies per modum alium, quam sonant prima facie & grammaticaliter. Nam præceptum erat in lege, quòd nulli manducaret de panibus propositionis, nisi soli sacerdotes. Præceptum erat etiam in lege, quòd cibaria præpararentur die præcedenti diem sabbati, non in sabbato. Et quia discipuli Christi evelebant spicas in die sabbati & fricabant ac propter esuriam comedeabant, ideo Iudæi reprehendebant Jesum, dicentes: Quare discipuli tui faciunt quòd non licet in sabbatis? Quibus Christus respondit: Nonne legistis quid fecerat David, quando esuriit, & qui cum eo erant: & quomodo intravit in domum dei & panes propositionis comedebar, quos non licebat comedere, nisi solis sacerdotibus? Ubi Christus excusavit discipulos quòd propter necessitatem poterant evellere & fricare spicas in sabbato licitè, sicut & David ac sui licitè comederunt propter necessitatem de panibus propositionis: non obstante quòd erat divinum præceptum, quòd non comederent de eis nisi sacerdotes. Illud ergo divinum præceptum, iuxta doctrinam Christi aliter debuit interpretari, quam prima facie & grammaticaliter sonabat. Et ideo non recipientes interpretationes sanctorum doctorum de propositionibus ambiguis sacrae scripturae, sed intelligentes illas ut sonant prima facie, in hæreses multas oportet incidere, & sunt contrarie Christi doctrinae, ut ex dictis patet plane.

Tales tamen interpretationes despiciat articulus iste: & ideo est meritò condemnatus. Sextò principaliter dico, quòd articulus pro hæresi meritò est condemnatus: quia ex articulo sequuntur hæreses multæ. Sequitur enim primò, quòd doctrina illa est tanquam hæretica condemnanda, quæ ponit quòd sanctus Petrus fuit episcopus Romanus, Romæ docuit & Romæ martyrizatus fuit. Hoc enim docent Papa & Cardinales & omnes communiter Catholici: & tamen hanc doctrinam non possunt clarè deducere ex sacra scriptura, quia in tota sacra scriptura nullibi fit mentio \* quòd sanctus Petrus Apostolus perquam fuit Romæ. Sed quòd sic fuit, habetur ex fide patrum & Apostolicorum virorum, per successiones patrum usque ad nos descendentium, & nullatenus ex Canone Bibliæ. Et cum nihil sit credendum, nisi quòd Papa & Cardinales sciunt ex sacra scriptura clarè deducere, & quicquid

Iconomachorum.

Sisinnius Papa dicitur pontificatum iniisse anno Chr. 707 Panvin. 58.

Contra interpretationes doctorum de propositionibus ambiguis S. Script.

Quia ex articulo Ecclesiæ Rom. seret conficia multarum hæresium.

\* Quam di-versa hæc ab opinione Pontificiorum recentium, qui Babylonem

(1. S. Pet. 5. 13.) Romam contendunt, cum Papâ, fuisse troptè dictam? esto igitur, fuisse Petrum Romæ: dum Romam Babylonem concedunt. Profit illis argumentum.

ultra



ultra præsumperint docere, sit tanquam hæreticum condemnandum: ex isto articulo sequitur, quod ista doctrina sit tanquam hæretica contemnenda, quæ ponit quod sanctus Petrus fuit episcopus Romanus & Romæ docuit. Ex isto sequitur secundo, quod ista doctrina est tanquam hæretica contemnenda, quæ ponit Apostolos condidisse symbolum. Et sequitur conformiter, quia in tota sacra scriptura non sit mentio, quod Apostoli symbolum condiderunt. Hæc tamen doctrina est Papæ & ecclesiæ Romanæ, quæ ad nos descendit per successiones patrum à tempore Apostolorum. Sequitur ergo conclusio. Tertiò sequitur quod illa doctrina est tanquam hæretica contemnenda, quæ ponit quod illud quod incipit, Liber generationis Jesu Christi, sit evangelium Matthæi. Et illud quod incipit: In principio erat verbum, sit evangelium Johannis: quia licet illa evangelia sunt in sacra scriptura contenta, non est tamen contentum in sacra scriptura, quod illud sit evangelium Matthæi; vel istud Johannis. Sed habetur ex rubricis propositis & prologis: quæ rubricæ, & qui prologi non sunt de sacra scriptura, nec partes ejus, nec ab ipsis Evangelistis ibi positæ, sed à successoribus eorum. Cum ergo hæc sit doctrina Papæ & Cardinalium, sequitur ex articulo quod hæc ut hæretica contemnenda est. Quartò sequitur, quod hæc doctrina est ut hæretica contemnenda, quæ ponit quod deus est tres personæ. Nam illa est doctrina Papæ & Cardinalium & ecclesiæ Romanæ, quæ non potest ex sacra scriptura clare deduci per eos, dicente Augustino magno, septimo de Trinitate, ubi quærit, quare tres res in divinis dicuntur tres personæ: quam tres dii? Et dicit quod propter necessitatem disputandi dicuntur tres personæ. Non (inquit) quia sacra scriptura hoc dicit, sed quia sacra scriptura non contradicit: sicut contradicit de tribus diis, ibi: Dominus deus tuus unus est. Hæc Augustinus. Ex quibus patet, quod Augustinus nescivit ex sacra scriptura invenire quod deus est tres personæ: & à fortiori, nec Papa, nec Cardinales sciunt hoc ex sacra scriptura clare deducere: & per consequens juxta articulum est hæc doctrina ut hæretica contemnenda. Quintò sequitur, quod est tanquam hæreticum contemnendum, quod filius in divinis est patri consubstantialis. Nam (ut præmissum est) Arriani hoc negabant, propter hoc quod non reperitur in sacra scriptura: & Catholici illius temporis hoc concesserunt Arrianis: ergo non potest clare deduci ex sacra scriptura per confessionem utriusque partis quod filius in divinis est patri consubstantialis: & per consequens juxta istum articulum, est hoc ut hæreticum contemnendum. Sextò sequitur, quod doctrina ponens alios Apostolos \* à Paulo baptizatos fuisse sacramentaliter, est ut hæretica contemnenda. Licet enim de Paulo legatur, quod fuerat sacramentaliter baptizatus, hoc tamen non legitur in sacra scriptura de aliis Apostolis. Unde Augustinus magnus epistolâ quinquagesima secunda, \* quæ est ad Seleucianam, sic ait, Non omnia quæ facta sunt scripta reperiuntur. Scriptum est, quando baptizatus est Paulus apostolus, & non est scriptum, quando baptizati sunt alii apostoli. Veruntamen (inquit) ipsos baptizatos intelligere & credere debemus. Ex quo ergo deduci non potest ex sacra scriptura, quod alii Apostoli à Paulo fuerunt sacramentaliter baptizati: sequitur, per articulum istum, quod ista doctrina sit, ut hæretica, contemnenda. Septimò sequitur, quod doctrina sit, ut hæretica, contemnenda, quæ ponit, quod signare se signo crucis sit actus bonus Christianus, cum tamen dicit magnus Augustinus, quod signare se signo crucis sit actus Christianissimus: & tamen ad sic se signandum signo crucis, sunt pueri Catholicorum ab antiquo primitus edocti, & tamen patet sequela: quia ut patet in Canone distin. 11. cap. Ecclesiarum, talis doctrina non habetur ex scriptura sacra, ergo juxta istum articulum est ut hæretica contemnenda. Octavò sequitur, quod doctrina est ut hæretica contemnenda, quæ ponit Christum conceptum octavo Calend. Aprilis & natum 8. Calend. Januarii. Hæc enim doctrina non potest clare deduci ex sacra scriptura, prout testatur magnus Augustinus, quarto de Trinitate, cap. 5. Dicit enim, quod hæc non habentur ex sacra scriptura, sed autoritate suscepta à majoribus. Et ideo non obstante quod hanc doctrinam tenet universalis ecclesia, est ipsa secundum istum articulum, ut hæretica, contemnenda. Nonò sequitur, quod doctrina ecclesiæ est ut hæretica contemnenda, quæ ponit quod diebus dominicis est ordinariè solennizandum, quia quod sic ordinariè debemus solennizare diem dominicum, non habemus per sacram scripturam, immò juxta sensum scripturæ grammaticalem, quem prima facie prætendit, potius deberemus solennizare ordinariè dies sabbatinas: cum sic de feriis festis ordinariè solennizandis non habeatur præceptum in scriptura. aliquo præcepto scripturæ, sed ex traditione Apostolica usque ad nos per successiones patrum descendente. Igitur secundum istum articulum erit hæc doctrina ut hæretica contemnenda, quæ ponit quod debemus solennizare festum Nativitatis Christi, festum Ascensionis Christi, festum Assumptionis Virginis Mariæ, festa Apostolorum vel aliorum sanctorum. Decimò sequitur, quod doctrina est ut hæretica contemnenda, quæ ponit quod tenemur jejunia jejungere quatuor temporum, prima hebdomada quadragesimæ, hebdomada Pentecostes & in mensibus Septembri & Novembri.

6a. \* i. c. præter Paulum; juxta eadem loquendi modum hujusce authoris.  
\* Ep. 108. Edit. Baf. 1569.

† Hoc incipit ex traditione 1ca. Apostolica usque & dicitur fides.

Nam



Nam quòd illis temporibus debemus jejunare jejunia quatuor temporum non habemus in sacra scriptura : quia jejunia quatuor temporum impositum à sacra scriptura fuit jejunia quarti, jejunium quinti, jejunium septimi, & jejunium decimi : ut patet Zacharia octavo capite. Et sic jejunia scripturæ fuerunt in Julio, Augusto, Octobri & Januario, ut docet Hieronymus in commentario. Et ideo ex sacra scriptura non habemus, quòd debemus jejunia quatuor temporum jejunare, prima hebdomada quadragesimæ, in hebdomada Pentecostes, in mensibus Septembri & Novembri : & per consequens secundum articulum, doctrina quæ sic docet, est ut hæretica contemnenda. Undecimò sequitur, quòd illa doctrina est ut hæretica contemnenda, quæ ponit quòd Christiani adulti & sani debent abstinere à carnibus per quadragesimam immediatè ante Pascha : quia illa doctrina non potest clarè deduci ex sacra scriptura. Unde Christus non legitur jejunasse, nisi uno anno quadragesimam : & illam non jejunavit immediatè ante Pascha, sed immediatè post festum Epiphaniæ. Nec aliunde facit scriptura sacra mentionem de tali abstinencia faciendâ tali tempore. Est ergo

111. juxta istum articulum hæc doctrina ut hæretica contemnenda. Duodecimò sequitur, quòd non fuerit in ecclesia Romana vera consecratio sanguinis Christi, à tempore, quo utebatur forma, qua utitur quando nitrur sanguinem consecrare : quia illa forma non reperitur in tota sacra scriptura, ut superius allegatum est, ex cap. Cum Marthæ. Et ut experientia docet textus evangeliorum, & textus Apostoli Pauli, in locis ubi materia tractatur. Unde nec verbum [æterni testamenti] nec verbum [mysterium fidei] reperitur in aliqua forma tradita in scriptura sacra. Cum ergo nulla sit vera forma consecrationis, nisi tradita in scriptura sacra, juxta hunc articulum : sed omnis alia est ut hæretica contemnenda : sequitur quòd ab illo tempore, quo ecclesia Romana utebatur forma qua utitur, non fuit vera consecratio sanguinis in ecclesia Romana, quæ sententia est satis hæretica. Decimotertiò sequitur, quòd ab illo tempore, quo ecclesia Romana firmiter statuit & definivit, quòd sepandam est matrimonium, scilicet contractum sine dispensatione in tertio vel in quarto gradu consanguinitatis vel affinitatis, vel solummodo propter cognationem spiritualem, vel legalem : vel solummodo propter publicam honestatis iustitiam : vel solummodo, quia vir prius polluit mulierem per adulterium interposita fide de matrimonio futuro, cum machinatione mortis mariti primi : quòd ab illo tempore ecclesia Romana fuit hæretica, quia nulla istarum causarum est causa divortii ex sacra scriptura, ut fatetur adversarius : nec est aliquid ex prædictis legitimum impedimentum matrimonii : ut adversarius habet dicere, cum hoc non possit clarè deduci ex sacra scriptura. Cum ergo omne matrimonium, quod sine legitimo impedimento est contractum, est verum matrimonium, & à deo : sequitur, quòd à tempore, quo ecclesia Romana hoc firmiter statuit & definivit firmato proposito, statuit & definivit contra illud Evangelicum præceptum, Quos deus conjunxit, homo non separet : & per consequens ab illo tempore fuit ecclesia Romana hæretica. Decimoquartò sequitur, quòd omnis religiosus legitime professus, & omnis sacerdos, qui in susceptione sacri ordinis fecit votum castitatis, credens firmato proposito, quòd matrimonium ab ipso contractum, post votum annexum sacro ordini, vel professioni religionis approbatæ, ipso facto potius nullum, quàm post votum in manu episcopi, quod faciunt viduæ. Si ergo omnis traditio ecclesiæ, quæ non potest

deduci clarè ex sacra scriptura, sit ut hæretica contemnenda : sequitur, quòd hæc traditio de voto solenni, annexo sacro ordini, vel religionis approbatæ professioni, quod impedit ipso facto matrimonium post contractum, sit ut hæreticum contemnendum : Et per consequens omnis religiosus legitime professus, & omnis sacerdos qui in susceptione sacri ordinis fecit votum castitatis, credens firmato proposito, quòd matrimonium ab ipso post contractum propter votum suum sit ipso facto nullum, hæreticus est firmiter credendo : quia firmato proposito, à quo non vult recedere, credit esse verum, quòd tamen est ut hæreticum respondendum. Decimoquintò sequitur, quòd juramenta consueta Regum in suis coronationibus : prælatorum primò intrantium suas ecclesias, justitiariorum, in receptione suorum officiorum : doctorem & baccalaureorum in universitatibus, quando recipiunt suos gradus : collegiatorum, quando recipiuntur ad sua collegia : & omnium qui jurant observare leges humanas, vel consuetudines in sacra scriptura non contentas, sunt juramenta perniciosa. Quia omnes tales leges humanæ in sacra scriptura non contentæ, non sunt veræ leges, secundum istum articulum, & secundum doctrinam adversarii in pluribus locis, sunt leges Luciferinæ & Antichristianæ. Et ideo omne juramentum ad observantiam talium legum est juramentum pernitiosum, imò habet dicere quòd omnia talia juramenta sunt juramenta ad serviendum diabolo & ad serviendum Antichristo. Et consequenter, quòd Justitiariorum regni, doctores juris civilis & doctores juris Canonici, non sunt veri doctores legum : sed potius doctores Antichristi & diabolicarum traditionum.

Decimosexto

Verbum æterni testamenti. Hebr. 13. 20. Mysterium fidei. 1 Tim. 3. 9. S. d. quid ab homine expectandum est qui nihil scit nisi Papat & Cardinales ? quasi eorum dictis standum esset de rebus fidei statuentium, nec alia foret credenda regula nisi ex Oraculo Vati. 200. S. d. fortasse concordantia Wodfordi non erat ad manum, vel manca.

Luciferinæ leges & Antichristianæ. Dicuntur hæc, ut omnium ira & invidia in Wiclefium concitetur. Ignorantia cum malitia conjuncta quid non molitur ?

Decimosextò sequitur, quòd nulli archiepiscopi deberent esse in ecclesia dei magis, quàm <sup>161.</sup>

Chorepiscopi; & consequenter, quòd nulli suffraganei suis archiepiscopis deberent obedire: quia licet de ipsis \* magna fit mentio in sacra scriptura, de archiepiscopis non magis fit mentio quàm de chorepiscopis. Bene tamen habentur traditiones Apostoli Petri de institutione archiepiscoporum: ut superius erat dictum circa articulum sextum. Si ergo traditionibus apostolicis, non scriptis in sacra scriptura, non sit fides adhibenda, sed sunt tales ut hæreticæ contemnendæ juxta istum articulum, sequitur, quòd nulli archiepiscopi deberent esse in ecclesia dei magis quàm Chorepiscopi, & quod nulli tenentur eis obedire suffraganei, sed quod sunt ab eis, tanquam hæretica traditione instituti, contemnendi. Decimoseptimò sequitur, quòd <sup>172.</sup>

tanquam hæretica est contemnenda Paschalis observatio Christiana: quia Christiani non observant festum Paschale eo tempore, quo præcipiebatur observari in lege veteri, ut est Theologis notum: nec de tempore, quo Christiani observant hoc festum, vel observare debent, est in novo testamento aliquid determinatum. Unde super observatione Paschalis festi, magna fuit aliquando disceptatio in ecclesia dei, quousque per miraculum materia fuit decisa. Si ergo modo non debemus credere, nisi quæ ex sacra scriptura possunt clare deduci, ut dicit articulus iste: & si omnes aliæ doctrinæ Papæ & Cardinalium sunt ut hæreticæ contemnendæ, ut dicit etiam articulus: sequitur, quòd tanquam hæretica contemnenda est Paschalis observatio Christiana. Et est hæc sententia satis iniqua. Decimooctavò sequitur, quòd Ecclesia Romana à tempore Gregorii tertii fuit & est \* hæretica. Nam cum tempore suo Leo Imperator & Constantinus Imperator comburent & destruerent imagines sanctorum, & à Gregorio Papa reprehensi, le non corrigerent: congregavit Papa ille Gregorius Concilium generale, quasi mille episcoporum, ut patet in multis Chronicis, in quo imagines sanctorum confirmavit, &

opinionem contrariam ut hæreticam reprobavit. Et tamen quòd illa opinio sit hæretica vel falsa, † non habetur ex scriptura, cum antiqua dicat sacra scriptura: Non facies tibi sculpsile. Sed hoc habetur ex traditione Christi, non scripta in sacra scriptura: quando Christus ipse impressit imaginem faciei suæ in sudario, quæ adhuc \* Romæ habetur: & ex traditione ecclesiæ primitivæ, non scripta in Canone Bibliæ, ut docet Damascenus loco superius allegato: Ubi etiam dicit sanctum Lucam Evangelistam depinxisse imaginem domini, & aliam Virginis gloriose, quæ adhuc est Romæ, & quam Gregorius magnus tempore pestilentie fecit deportari ante processionem solennem & quævis extunc pestilentia. Habuit etiam Sylvester Papa imagines antiquas Petri & Pauli, quas fecit ante Constantinum Imperatorem deportari: ut ex Chronicis multis patet manifestè. Ita ecclesia contra illos Imperatores processit, ex traditionibus ecclesiæ primitivæ, non scriptis in Canone Bibliæ, & non per deductionem ex sacra scriptura. Si ergo est contemnendum ut hæreticum omne illud quòd Papa cum clericis suis non potest clare deducere ex sacra scriptura quando aliquid magni docet: ut articulus iste ponit, sequitur quòd ecclesia Romana, sic hæreticando sententiam Imperatoris, hæreticavit quòd hæreticare non debuit nec licitè potuit: & per consequens est hæretica. Et cum usque ad hæc tempora tenuit ecclesia Romana prædictam sententiam, sequitur, quòd ad huc est: Propter hoc hæretica & maledicta est talis sententia. Decimononò sequitur, <sup>183.</sup>

quòd temporibus Petri, Lini, Cleti, Clementis, Anacleti & Evaristi episcoporum Romanorum non tenebantur Christiani ad prædicationem eorum credere ea, quæ solus ponit Johannes Evangelista in suo Evangelio. Nam ut patet ex prologo Hieronymi super Evangelium Johannis, Johannes scripsit Evangelium suum postquam scripserat Apocalypsim tempore exilii sui in insula Pathmo & postquam rediit de exilio; ita quòd inter libros scripturæ sacre evangelium Johannis ultimò fuit scriptum. Rediit autem de exilio anno Gratia centesimo, vel post: quia illo anno secundum Chronicas mortuus est Domitianus, qui ipsum misit in exilium, & post mortem ejus rediit de exilio. Johannes vero Evangelista, secundum Chronicas, † mortuus est anno Gratia centesimo decimosextò: & ideo prope finem recessus sui scripsit hoc evangelium, & non fuit statim possum in Canone Bibliæ, sed processu temporis fuit hoc factum, & ideo nec tempore Petri, nec tem-

Chorepiscopi. \* Magna mentio suffraganeorum in S. Scriptura, etiam nulla externi Testamenti & mysterii faciei, paulò supra: bene habet: tunc determinasti publice Oxonia? (ut pag 218.) & literis etiam mandasti ne quid periret ejus memoria, cum tam ineptè argumentaris? S. d. tunc fuit tunc, & nunc est nunc, ut stylo loquer Wodfordi-aro.

\* Valde laborat ne Ecclesia Rom. audiat hæretica, præsertim post stabilitum in imaginum cultum.

† Non habetur ex sacra scriptura illam opinionem esse hæreticam, vel falsam, quamvis antiqua scriptura dicat, Non facies tibi sculpsile, &c. egregiè; tunc omnia: Non facies, &c. Ergo facies. Celasset melius auctor illa scripturæ verba prout suæ religionis myster hodie faciunt in rem suam.

\* Sadariolum S. Teronice Romæ assertat, cujus fides penes sit Joh. Damascenum, sicut & sequenti penes suos auctores. vide Legend. 51.

Evangelium S. Johannis scriptum post Apocalypsin.

† Secundum autem Chronicas mortuus est anno 99.

sed 16. aut 17. anni nullis sunt momenti inter amicos. Quid igitur impedit quæ minus Clementis & Anacleti temporibus scriptum fuerit Evangelium S. Johannis? Chronica ista scribitur ut plurimum fabulis an libris sunt referre.

pute

pore Cleti, nec tempore Lini, nec Clementis, nec Anacleti fuit hoc evangelium scriptum : sed prope finem Euaristi Papæ, ut patet Chronicas consideranti. Ex quo ergo Christiani tunc non tenebantur credere ad prædicationem Papæ vel cleri sui, nisi ea quæ poterant clarè deducere ex sacra scriptura : & cum illa, quæ solus Johannes ponit in sacra scriptura evangelica non erant temporibus illorum in sacra scriptura, sequitur, quòd Christiani tunc non tenebantur ad prædicationem illorum ea credere. Et si dicatur ex parte adversarii, quòd tunc tenebantur credere multa non contenta in sacra scriptura : quia sacra scriptura nondum erat completa : sed modò cum sit completa, non tenentur credere non contenta. Et ita patet ex superius dictis quòd multa prædicabant tunc, quæ non adhuc sunt posita in sacra scriptura, vocando Canonem Bibliæ sacram scripturam. Et cum omnia per Apostolos dicta Christo & factis ejus sint credenda à Christianis, patet quòd adhuc multa sunt credenda quæ non ponuntur in sacra scrip. Unde & veritates evangelicæ erant veritates evangelicæ diu antequam posita erant in sacra scriptura, sic loquendo de sacra scriptura : & possunt adhuc esse veritates ecclesiæ Evangelicæ & Catholicæ, quamvis non ponerentur in Canone Bibliæ. Nam quamvis omnes libri novi testamenti essent per inimicos fidei combusti, sicut aliquando fuerunt combusti omnes libri veteris Testamenti, adhuc fideles Christiani tenerentur de necessitate salutis tales veritates à Christo evangelizatas & ab Apostolis, credere tanquam Catholicas, propter hoc quòd per successiones patrum à tempore Apostolorum, tales doctrinæ ab ecclesia Catholica fuerunt dogmatizata. Vigesimo sequitur, quòd omnes experientiæ de præpositura Papæ, & ordinatione Apostolorum & aliorum clericorum, & experientiæ quæ in sacra scriptura non sunt contentæ, sunt tanquam hæreses contemnendæ : quamvis illi ad quos pertinet electio Papæ & omnes clerici mundi docerent firmiter quòd talis est verè Papa & verè electus, ex quo non probatur ex sacra scriptura quòd sit Papa, non tenentur Christiani laici hoc credere, juxta istum articulum : sed respuere hoc tanquam hæreticum, & sic conformiter debent respuere hoc tanquam hæreticum, quòd dominus Thomas Arundell est Archiepiscopus Cantuariensis, & contemnere ut hæreticum, quòd \* Robertus Braibroke est episcopus Londinensis : respuere etiam ut hæreticum, quòd dominus † Henricus est Rex Angliæ. Et sic de similibus, quantumcumque Papa & Cardinales hæc affirmant, ex quo non possunt ista clarè deducere ex sacra scriptura. Et sic est articulus destructio & spiritalis politia & temporalis. Et possent ex illo multæ aliæ hæreses & alii errores multi deduci, sed propter abbreviationem \* omittuntur. Patet ergo primò, quòd iste articulus est justè condemnatus, quia repugnat sacra scripturæ. Secundò, quia est multipliciter condemnatus ab ecclesia in Canone. Tertiò, quia est ab authoribus antiquis condemnatus. Quartò, propter hoc quòd fuit fundamentum diversarum hæresium. Quintò, propter hoc quòd non recipit interpretationes sanctorum de propositionibus ambiguis sacra scripturæ, nisi illas quas ex scriptura clarè doctores deducunt. Sextò & \* præcipuè, quia ex articulo sequuntur hæreses multæ. Et nihilominus iste articulus destruit seipsum : quia quæ ratione nullus Christianus tenetur credere Papæ & Cardinalibus in suis doctrinis, nisi sciant doctrinas ex sacra scriptura clarè deducere : eadem ratione nec tenetur aliquis Christianus doctrinas adversarii credere, nisi deductas clarè per sacram scripturam. Sed istum articulum non deducit ex sacra scriptura nec deducere potest, cum multipliciter repugnet scripturæ & multipliciter veritati : ergo juxta seipsum articulum, est articulus ut hæreticus à Christianis contemnendus. Et sic articulus destruit seipsum & condemnat. Merito ergo iste articulus est condemnatus. Et æstimo, quòd istius articuli credulitas est magna causa, & maxima doctrinarum † Lollardorum. Et æstimo, si essent curati de ista mala credulitate, quòd faciliter reducerentur in omnibus ad Catholicam veritatem. Et mirum est de istis hominibus qui credunt hunc articulum, qui multa valde docent, quæ in sacra scriptura non continentur, & quæ nec sciunt, nec possunt ex sacra scriptura clarè deducere, ut de multis contentis in libris adversarii patet manifestè. Unde ut de innumeris \* fatuitatibus, quas in scriptis reliquit, unam tamen quæ est de quatuor ordinibus mendicantium, quam omnino impossibile est ex sacra scriptura clarè deducere. Dicit enim, quòd in Cain fuerunt quatuor ordines mendicantium inchoati, juxta quatuor literas istius nominis Caim, ut per C. Carmelita ; per A. Augustinenses, per I. Jacobita ; per M. Minores. Ubi patet, quòd frater Abel malus non dicitur in sacra scriptura Caim per m, sed Cain per n, ut patet in antiquis libris & in libris correctis. Ex quo loquitur de inchoato Abel, ut patet ex processu, manifestum est, quòd accipit scripturam omnino incongruè. Et quòd in hoc docet, quòd non potest ex sacra scriptura ostendi. Unde dato quòd scriptura sacra haberet Caim, quòd tamen non est verum, posset sic dici, quòd

Sacra scriptura non fuit olim completa.

\* Cujus cadaver integrum reperiebatur & palam cuius volentè videre ostendebatur, post adven. S. Pauli igne consumptam Anno 1666.

† Hen. IV. Rex ultimo loco positus : Ego & Rex meus.

\* 20. Consequentia sunt satis superq; nisi fuissent melius & honestius elicita. Recapitulatio.

\* Aliquid hominem premebat, quod non potuit aut noluit eloqui : beneficio huius articuli sponte se producit quæ dæ quæ debili fundamentum nituntur. † Sic articulus origo Lollardorum. \* Wodfordus (ut ait) tangit unam de turbitatibus Wicelii in mysteriis huius nominis [CAIM] multo scilicet S. Irenæus (l. 5. c. 2c.) applicat vocem

quod Canonici, Apostoli Christi, Justitiani justii & Monachi inchoati fuerunt per Caim quia per C literam aque possunt intelligi Canonici sicut Carmelita. Et per A, Apostoli Christi aque sicut Augustinenses. Et per J, Justitiani justii, sicut Jacobite. Et per M, Monachi aque sicut Minores. Et tamen nec in litera invenitur in illo nomine, nec fratres Prædicatores dicebantur Jacobite in principio, sed posterius valde casualiter: quia Parisius morabantur juxta portam sancti Jacobi. Et tales facultates multæ possent deduci ex consimili modo loquendi: utpote quod Cardinales, Archiepiscopi, Judices ordinarii & Magistri universitatum inchoati fuerunt in Caim, ut superius. Et conformiter posset dici, quod ii boni status inchoati fuerunt a dæmone, & omnia quasi mala conformiter possent dici. Et sicut dicit istam facultatem, quam non potest ex sacra scriptura clare deducere: sic & multas quasi innumeras ponit alias, quas non potest ex sacra scriptura deducere: ideo in illo articulo contrarius est sibiipsi. Dico ergo finaliter, quod non solum debemus credere contentis in sacra scriptura, sed etiam traditionibus apostolicis per successiones patrum a tempore apostolorum ulque ad nos descendantibus, quamvis non scriptis, sicut & illis quæ scribuntur in sacra scriptura. Debemus etiam credere multis veritatibus ab universali ecclesia receptis, sive scribantur, sive non. Debemus etiam credere multis veritatibus, quæ ex contentis in sacra scriptura non sequuntur, nec ex traditionibus apostolicis: eo quod ex prædictis vel aliqua illorum, & quibusdam aliis, quæ in facto notorio consistunt, sic quod rationabiliter non possunt tergiversari, sequuntur. Et tales sunt istæ veritates, Symbolum Athanasii est catholicum symbolum: Nicænum est catholicum. Sancta quatuor Concilia generalia hæreses condemnaverunt & fidem catholicam docuerunt. Arriani, Pelagiani & Donatistæ fuerunt hæretici. Debemus etiam credere interpretationibus doctorum catholicorum approbatorum, de propositionibus ambiguis sacre scripturæ. Debemus etiam credere determinationibus Concilii generalis legitimæ & universaliter congregati: quando sapientibus non reclamantibus ecclesia perseverat longo tempore in illa determinatione: & conformiter decretis ecclesiæ Romanæ & epistolis decretalibus. Debemus etiam credere veritatibus ostensis certitudine miraculorum. Unde per miracula ostensum est ecclesiæ, quando Pascha debet celebrari, post magnam disceptationem in materia in ecclesiis diversis. \* Debemus etiam credere veritatibus expertis, quamvis non scriptis in historiis, quas homines veraces conscripserunt, quamvis in sacris scripturis minimè sint contentæ. Et ideo adversarius arctando credulitatem Christianorum ad illa, quæ solummodo continentur in sacra scripturâ, vel ex illa sequuntur, turpiter erravit & propriæ doctrinæ multipliciter contradixit. Nec pro articulo aliquam evidentiam adducit, nisi autoritatem Augustini, ponentem quod omnis veritas in scriptura sacra est contenta. Patet tamen ex superioribus quod hanc universalem non intelligit Augustinus universaliter: quia sic multipliciter contradiceret sibiipsi, ut ex superioribus est manifestum. Nec istam autoritatem Augustinus deducit vel adversarius ex sacra scriptura, prout simpliciter universaliter sumitur. Et ideo sic sumendo secundum istum articulum, est dictum ut & hæreticum respondendum. Vult ergo Augustinus, quod pro majori parte omnis veritas quam catholicus tenetur credere de necessitate salutis, est in sacra scriptura contenta explicitè vel implicitè. Multæ tamen sunt veritates credendæ de necessitate salutis, quæ ex sacris scripturis deduci non possunt, ut ipsemet concedit, & ut ecclesiæ concedit: & ideo argumentum non valet ad propositum. Et iterum multæ sunt veritates prophetiæ in sacra scriptura contentæ, quas nec Papa, nec Cardinales, nec majores doctores ecclesiæ sciunt ex ipsâ clare deducere: & tamen illæ veritates prophetiæ, de futuro sic contentæ, non debent contemni ut hæreticæ, cum sint in sacra scriptura contentæ. Igitur dato, quod simpliciter universaliter intelligi possit autoritas Augustini, adhuc non sequeretur articulus ex autoritate, ut est manifestum. Nihil ergo validum adducit adversarius pro articulo. Et ideo hic statuo \* finem negotii, protestando, Domine Reverende, quod stabo correctioni vestræ & ecclesiæ, si in his dictis aliquibi recessi a via veritatis.

nolle facere: iis præsertim qui sua ipsorum garrulitate capiuntur. Vereor autem ne lectorum oculos & animos cuiusque sarrigaveris arida & jejuna disputatione, ut plurimum quam velis correctioni subis & censori tuo multum devinciari ne illi te tardior videri præcreant & projiciant: utcuque eis, vale bone vir.

Finis tractatus Magistri Wilhelmi Wodfordi, de ordine Minorum, contra errores Wiclefi in Trialogo, qui damnatus est in Concilio provinciali London. sub domino Thoma & Cantuariensi Archiepiscopo. Anno domini M. CCC. XCVI.\*

numerus verus sit, cum Henricus 4. de quo paulò superius, non regnare coepit ante 1399.

Jacobine.

Veritates  
ca. holi. 2.

\* Quid de  
Occumenico  
ratorum  
Pontificis  
Rom. fiet, si  
illis 4. Conci-  
his standum  
esset? cave  
igitur quid  
dices bone  
Wodforde.

† Teste Eion-  
dello.

Pascha mira-  
culose cele-  
bratur.

\* Loquere  
compendio-  
sius: Debe-  
mus credere  
quod Papæ  
placet: hoc  
enim tibi vis  
sine ulla am-  
bage.

† Solamen  
miseris socios  
habuim dolo-  
ris. Res non  
tam male ce-  
dit Wiclefo,  
cum S. Au-  
gustinus ipse  
una cum illo  
pariter sit  
in Wodfor-  
di, eiq. dedit  
occasionem  
scribendi  
quod scripsit.  
\* Aliquid qui-  
dem est, finem

† A. undel.

\* Fieri non  
potest ut iste

## ¶ AD LECTOREM.

SI Romanæ ecclesiæ fidelis filius esse volueris, quemadmodum & nos omnes, in omnibus, quæ honesta, sancta & evangelica sunt, esse oportebit, hosce subsequentes Wiclefi articulos, à patribus nostris in Concilio Constantiensi condemnatos, tanquam quandam pestem fuge. Pestiferi enim sunt & sacro digni anathemate.

¶ Cæterum nos roget quis, quam igitur ob causam, aut qua ducti ratione, illos ipsos in publicum ediderimus? Ut suo (inquam) forex indicio pereat. Venenum quippe præsentissimum est, quo se ipsum quis è medio tollit. Nam qui sibi malus, cui (obsecro) bonus? Fœnum cornu gerit Wiclefus, & suo ferox jumento, velut suo plauistro, læthale sibi invehit malum & Polyphi mentem callenter habens, genio satis sinistro multa corrasit. Tu igitur, lector, albis illum præcedens equis, & perfrictæ hominem frontis visusque terrificum, non Wiclefum, sed basiliscum, non Anglum, sed tartareum, in malis quibus oberravit opinare. Non mirum si male loquatur. Nam alia (ut in proverbio est) voce psittacus, alia coturnix loquitur. Itemque quoniam (precor) alio, aut ordine, aut modo hosce Wiclefi articulos ederemus, quam ab aliis fide dignis impressos invenimus? Integritas nobis servanda fuit. Quæ si hoc loco neglecta esset, aliud nos multi pro nostra libidine posuissent, aliud pro nostra nos temeritate suppressissent, proclamarent. Melius itaque fuit fraudare doctos notis (ut sanctissimo Leoni placuit) quam defraudare rudes incognitis. Non araneorum in cunctis malitiam, sed apum rectius bonitatem sequeris, ut mel potius asperis exugas carduis quam venenum. Si malus est Wiclefus, sibi ipse soli & non tibi malus erit, ut suo sic (quemadmodum statim diximus) indicio pereat forex. Ex impugnationibus tandem & redargutionibus in Wiclefum editis, pessimis quibusque hæreticis respondere discēs & ecclesiæ rebelles convincere. Vale lector feliciter.

## ARTICULI JOHANNIS WICLEFI

Angli, damnati per Concilium Constantiense, in quibus perfidi hominis vesaniam cognosces.

## ¶ Articuli contra Deum &amp; potentiam ejus.

Deus nihil potest annihilare, nec mundum majorare, nec minorare: sed animas usque ad certum numerum creare & non ultra.

Deus non est alicujus potentie intensivè.

Item omnis pars mundi corporea continuatur cum alia, cum mundus sit maxima creatura possibilis, mole magna constans ex omni possibili materia subiecta situi, tempori & aliis accidentibus.

Impossibile est duas substantias corporeas coextendi, unam continuè quiescentem localiter, & aliam corpus quiescens continuè penetrantem.

Impossibile est multiplicare corpus per diversa.

Credere debet catholicus, quòd nec Imperator, nec Deus, nec universalis ecclesia de potentia absoluta ordinare potest quòd eò quòd quis succedit, & post Petrum vocatur in facie ecclesiæ Romanus episcopus vel Papa, eo ipse sit caput vel pars ecclesiæ, cui obediendum est.

Ubique omne ens est, cum omne ens sit Deus.

Quælibet creatura est Deus.

Quodlibet est Deus.

Item non sequitur: Quælibet creatura est Deus, ergo Deus est aliqua creatura.

## ¶ Contra sacramenta, &amp; primò contra sacramentum corporis Christi.

Cum mendacium hæreticum de hostia consecrata, inter hæreses singulas teneat principatum, ut ipsa ecclesia extirpetur, securè denuntio modernis hæreticis, quòd non possunt declarare nec intelligere accidens sine subiecto, & ideo omnes istæ sectæ hæreticæ sunt, ignorantium illud Johannis 4. cap. Nos adoramus quod scimus.

Movere debet fideles principes atque regna, quòd dum talia capita sunt hæretica, vel ex errore proprio, vel consensu in materia de hostia consecrata, non sunt actualiter membra ecclesiæ Jesu Christi.

Non dubium quin Christus suffragabitur fidelibus piè laborantibus in illa materia, cum non fuerit materia martyrii plus laudanda.

Fratres



Frates isti qui ex defectu suæ foundationis à fidelibus recipiendi non essent, sunt recentes hæretici plus stulti quam mures, qui diligunt quod ipsi comedunt, accidens sine subiecto.

Quidam prognosticant probabiliter quod regna non erunt, utpote sine perturbatione notabili, dum ista hæresis venenosa fuerit dominata.

Audacter prognostico omnibus istis sectis & suis complicitibus, quod non defendunt fidelibus, quod sacramentum sit accidens sine subiecto, antequam Christus & tota triumphans ecclesia venerit equitans, in finali iudicio super flatum angeli Gabrielis.

Quando fidelis communicandus panem postulat, moderni hæretici, secundum falsam fictionem ei porrigunt pejus quam lapidem: quia accidens sine subiecto.

Si albedo posset per se existere, tunc ipsius unio ad subiectum foret accidens, quo subiectum foret accidentatum, immediate formaliter, & non illa albedo: & talis unio esset verè qualitas & non albedo data.

Substantia panis manet in altari post consecrationem & non desinit esse panis.

Item, sicut Johannes Baptista figuraliter fuit Elias, & non personaliter: sic panis in altari figuraliter est corpus Christi. Et absque omni ambiguitate, hæc est figurativa loquutio, Hoc est corpus meum. Sicut illa, Johannes ipse est Elias.

Item in cap. Ego Berengarius. Romana ecclesia determinavit quod sacramentum eucharistiæ est naturaliter verus panis: loquendo de pane materiali, albo & rotundo.

Nullum accidens potest esse aliquid per se existens, sicut in eucharistia manet unum corpus subsistens accidentia panis, quod voco corpus mathematicum & abstractum. Sicut enim substantia panis prius natura est corpus quam panis: sic idem esse quod prius est panis, manet corpus sub illo gradu quidditatis generalis.

Altaris sacramentum sensibile est accidens, sicut quælibet creatura. Sed est substantia quæ per se accidentibus, quæ videmus, est subiecta.

Hostia consecrata est naturaliter verus panis & sacramentaliter corpus Christi.

Cum via ponens panem manere, sit plus consona scripturæ, rationi, sensui, quam via fingens accidens manere sine subiecto, Deus verax non est author hujus operis forniari.

Panis ille qui est corpus Christi, & vinum illud quod est sanguis Christi, quandoque fit muscidus & acidum.

Corpus Christi non est substantialiter in sacramento altaris, attendendo ad corpus Christi secundum naturam suam: sed est ibi substantialiter, corporaliter & dimensionaliter, attendendo ad modum hostiæ secundum naturam suam.

Corpus Christi in sacramento altaris est quantumcunque variè quantificatum ibi, cum sit quælibet pars quantitatis hostiæ consecrata.

Sacramentum altaris est naturaliter panis, & vinum sacramentaliter corpus Christi: quamvis alii fingunt ipsum esse accidens sine substantia subiecta.

Oportet deponere infundabilem blasphemiam de fictis miraculis accidentis.

Fructus istius dementiae, qua fingitur accidens sine subiecto, foret blasphemare in Deum, scandalizare sanctos, illudere ecclesiæ per mendacium accidentis.

Papa, prælati & quicunque nominant se Christianos, contrarii dictæ fidei de quidditate hostiæ consecratae, dum pertinaciter illud defenderint, sunt hæretici manifesti.

A principio millenarii usque hodie regnavit hæresis de hostia consecrata: ut patet legenti Decretales cum suis glossationibus, & sectis pertinaciter consentientibus huic hæresi postquam ipsam diabolus introduxit.

Sicut Christus est simul Deus & homo, sic hostia consecrata est simul corpus Christi & verus panis: quia est corpus domini in figura, & verus panis in natura. Vel, quod idem sonat, est verus panis naturaliter, & corpus Christi figuraliter.

Prætermissa prædicatione materiali & formali, oportet catholicum prædicationes habituales concedere in scripturis, ut septem boves, septem anni sunt. Et ad Corinth. Petra autem erat Christus. Et Matthæi 11. Si vultis scire, Johannes Baptista ipse est Elias. Sic dicitur catholicè quod panis sacramentalis est corpus Domini, & vinum in calice sanguis ejus.

#### ¶ Contra sacramenta in communi.

Dubitare debent fideles, si moderni hæretici conficiunt, vel ritè ordinant, vel ministrant alia sacramenta. Quia non est evidentia quod Christus assistit tali pontifici, propter hæc, quod tam hianter super illam hostiam sic mentitur: & in sua conversatione dicit contrarium vitæ Christi.

Populus conduceret tales prælatos, ne benedicant, vel ministrent ecclesiæ sacramenta: quia eorū benedictiones maledictiones sunt, secundum illud: Maledicam benedictionibus vestris.

Omnes operationes concernentes sacerdotes Cæsareos, in quantum tales, non proficiunt directè

directè ad beatitudinem, sed impediunt vel retardant. Et ita est de tribus dignitatibus vel officiis quæ episcopis sibi reservat, quæ sunt juvenum confirmatio, clericorum ordinatio & locorum consecratio.

Conversatio mala prælati subtrahit acceptationem ordinum, & aliorum sacramentorum à subditis. Qui tamen necessitate urgente possunt hæc ab eis capere, supponendo piè quòd Deus supplet per ministros suos diabolos opus, vel finem officii ad quod juvant.

#### ¶ Contra baptismum.

Christus in baptismo suo non chrisma hujusmodi, sed aquam simplicem requisivit. Et sic difficultatur ecclesia infideliter propter solennizationem talis consuetudinis introductæ.

Definientes, p̃rvulos fidelium sine sacramentali baptismo decedentes non fore salvandos, sunt stolidi & præsumptuosi.

Baptismus delet omne peccatum originale vel actuale, mortale aut veniale quod invenit: sed de veniali omissionis non oportet.

#### ¶ Contra sacramentum poenitentiae, seu confessionem.

Confessio vocalis facta sacerdoti introducta per Innocentium tertium, non est tam necessaria homini, ut definit: Quasi non solum cogitatu, verbo vel opere sufficiat poenitere.

Papa Latinus erubescere debet de ista moderna poenitentia sine fundatione posita, cum non liceat mortalibus, etiam apostolis difficultare legem domini, hoc quod ipsemet limitavit.

Divina sapientia Hebræorum & Græcorum deridet istam stultitiam Latinorum.

Grave est & infundabile, presbyterum audire confessiones populi, modo quo Latini utuntur.

Sicut Christus injunxit adulteræ, quòd nolit amplius peccare: ita videtur & confessores debere injungere poenitentiam confidenti, quia nulla est ars poenitentiarum, à qua capi potest certior poenitentia injungenda.

Quia tam graciosus est deus, & alligationem astringentem homines tantum odians, sicut in primitiva ecclesia: ideo dicunt fideles nostris satrapis: Disrumpamus vincula eorum & projiciamus à nobis jugum, &c.

In verbis istis: Vos mundi estis, sed non omnes. Posuit diabolus pedicam infidelem, in qua pedem caperet Christiani. Introduxit enim confessionem infundabilem & privatam. Et postquam illa confessori nota fuit, ut legem statuit, quod non prodatur populo malitia sic confessi.

#### ¶ Contra matrimonium

Antiqui, qui ex cupiditate temporalium, vel ex spe mutuorum juvenum, aut ex causa excusandæ libidinis, licet desperent de prole, copulantur adinvicem, non verè matrimonialiter copulantur.

Causæ divortii ratione affinitatis vel consanguinitatis, sunt infundabiliter humanitus ordinatæ.

Item hæc, Accipiam te in uxorem, eligibilia sunt in contractu matrimoniali, quàm illa, Ego accipio te in uxorem. Et quòd contrahendo cum unâ per hæc verba de futuro, & post cum alia per hæc verba de præsentem, non debent frustrari verba prima, per verba secundaria de præsentem.

#### ¶ Contra sacramentum ordinis.

Experimento cognoscimus quòd mortuo Papa deposito cum suis Cardinalibus & prælatis Cæsareis, non minus sed amplius prosperaretur ecclesia. Nam quantum ad sacramentum confirmationis, cum sacramento ordinis & benedictionum charismatis, cum ecclesiis dedicandis, quæ appropriantur episcopis, videtur quòd Christus perpendiculariter residens in coelis super justos presbyteros daret illis potestatem faciendi talia.

Cum plus credi debeat operibus, quàm atrimento vel chartis episcopi: magis est operibus presbyteri attendendum, quàm scripto episcopi ordinantis. Et ideo mille tales literæ testimoniales non darent fidem fidelibus, quòd quis foret sacerdos, sive episcopus: sed vita Evangelica hæc probaret.

Non ex testificatione hominis ordinantis, sed ex justificatione operis capienda est probabilis evidentia talis status. Deus enim potest sine tali instrumento digno, vel indigno personam aliam in tali statu constituere. Nec est probabilior evidentia, quàm ex vita: ideo habita vita sancta & doctrina catholica, satis est ecclesiæ militanti.

Status, statuta & ritus adjecti secundum traditiones humanas, omnes inseparabiliter sapienter peccatum.

Quantum

Quantum ad consecrationes locorum dicitur, quòd episcopi consecrantes capiunt communiter quinque marcas. Sed longe minus malum foret celebrare sub dio, quàm in loco taliter benedicto. Lepra enim spiritualis inficit preces & loca distantia, cum Deus pro leuiori peccato subuerterit Sodomam & Gomorrhā.

Talis consecratio episcopi non est vera consecratio, sed execratio, & maledictio retardans fideles à ministerio debito deo suo.

Non occurrit ex scriptura, quare sanctus laicus vel sacerdos non posset talia benedicere & consecrare.

Deficientibus praelatis, ut cistris, Christus ordinat quancunque, quemcunque, quandocunque voluerit. Sequens igitur Christum in moribus securè potest de ipso confidere, quòd deficiente praelato Cæsareo, sit à Christo legitime ordinatus.

Coniectura probabilis est quòd talis qui ritè vivit, est diaconus vel sacerdos. Sicut enim conjicio, quòd iste est Iohannes, sic probabili coniectura cognosco quòd iste sanctè vivendo constitutus est in tali officio sive statu.

Videtur sanctis doctoribus, quòd superfluerit in sacramento ordinis, ponere plures quàm duos gradus, scilicet diaconos vel levitas, & presbyteros sive episcopos: nam illi duo gradus suffecerant in lege veteri, ubi multiplicius fuit mysterium dei.

Ad quid oportet ponere illos tres gradus, scilicet clericum primæ tonsuræ, acolythum & subdiaconum? cum nec autoritas faciat evidentiam, quòd in statu cleri isti tres gradus clerici sint distincti.

Videtur irrationabile & infundabile quòd ecclesia militans sit cum istis tribus ordinibus onerata.

Monstruosa videtur ordinis novi conglobatio, per hoc quòd diabolus ditat & honorat vocatum falsè clerum domini: cum talis conglobatio non sit honoris sed oneris, nec institutioni Christi consona, sed contraria.

Tempore Pauli sufficiebant ecclesiæ duo ordines clericorum, sacerdos videlicet & diaconus: quia certum videtur quòd superbia Cæsarea alios gradus adinvenit.

#### ¶ Contra sacramentum Confirmationis.

Quantum ad oleum quo episcopi ungunt pueros & peplum lineum, quòd complexum est capiti, videtur quòd sit ritus levis infundabilis ex scriptura. Et quòd illa confirmatio introducta supra apostolos blasphematur in Deum.

Levis & brevis confirmatio episcoporum cum adjectis ritibus solennizatis, est ex motivatione diaboli introducta, ut populus in fide ecclesiæ illudatur & episcoporum solennitas aut necessitas plus credatur.

Collatio sacramenti confirmationis non est episcopis.

Experimento cognoscimus, &c. prout positum est in primo arti. contra ordinis sacramentum.

#### ¶ Contra sacramentum extremæ Unctionis.

Si corporalis unctio foret sacramentum, ut inodè fingitur, Christus & ejus apostoli promulgationem ejus minime tacuissent.

#### ¶ Contra venerationes Reliquiarum & Sanctorum.

Sepulchra mortuorum sunt tripliciter illusionis objecta. Lapidem enim politum sunt objectum primum. Aurum & argentum commassata super suprema istorum lapidum, sunt secundum. Et lapides pretiosi cum aliis jocalibus sunt tertium illusionis objectum: ut patet de sepulchris noviter canonizatorum à Romana ecclesia.

Ratio necessitat, quòd fideles credant plus vivis operibus sanctorum spirituum quàm mortuis illusionibus, quæ fiunt communiter per diabolum in præsentia cleri sepulchrorum.

Et damnatur illa conclusio propter venenum multiplicatum in cauda.

#### ¶ Contra Orationes.

Sciamus orationem dominicam, Decalogum & Symbolum; cum mediis facientibus ad eorum notitiam: & quæcunque alia notitia viantrum, nedum est superflua, sed nociva.

Utile foret ecclesiæ, poni in pristina libertate, & sic cessarent missarum superadditarum solennia

solennia. & orationes cum horis canonicis adinventæ. Licet enim istæ tres adinventiones humanæ per accidens profint ecclesiæ: non tamen tantum, quantum peccatum diaboli.

#### ¶ Contra cæremonias.

Si cæremoniæ legis veteris, propter suam gravedinem & multitudinem cessare debuerunt in lege gratiæ: quanto magis tales traditiones hominum quæ sunt infundabiliter fictæ, isto tempore legis gratiæ deberent solvi?

Circumcisio & cæremoniæ legis veteris, non sunt à fidelibus observandæ: multo magis hodiernæ cæremoniæ præter legem novam & veterem introductæ.

#### ¶ De testamentis.

Inutile est (ut plurimum) condere testamentum.

Omnes existentes in purgatorio communicativè participant merita ecclesiæ militantis, proportionaliter secundum suam capacitatem. Sic quòd qui decessit in majori gratia, magis participat & citius liberabitur. Et ideo divites mundi errant, putantes habere de bonis ab executoribus suis distributis appropriatè suffragium. Contingit enim pauperes, quantumlibet illis ignotos, plus illis participare, ex quo apud Deum fuerint majores.

#### ¶ De peccatis mortalibus.

Quando clericus repetit aliquid in foro contentioso, vel facit quicquam contra Christi consilia, ex certa scientia, peccat mortaliter.

Loqui verbum otiosum ex certa scientia, est peccatum mortale.

Ira quantumlibet levis ex passione animi, non pia intentione colendi Deum, & ædificandi proximum, est peccatum mortale.

Aliquod peccatum mortale simpliciter, quod infert mortem secundam: & sic nullus prædestinatus potest peccare mortaliter.

Nescio excusare peccata sanctorum, qui traditiones illas missarum & horarum Canoniarum & orationum variarum invenerunt: cum melius occuparetur ecclesia & devotius, si Deum coleret liberè servando consuetudines apostolicas, licet non fuerint cum humanis ritibus dispensatæ.

Multa sunt licita & meritoria, quorum dispensatio & obligationis infundatio est peccatum, sicut de istis traditionibus hominum adinventis. Et sic est sentiendum de jejunis per ecclesiam institutis.

Ex principis fidei est per se notum quòd quicquid homo in peccato mortali fecerit, peccat mortaliter.

#### ¶ Contra Eleemosynam.

Nos non debemus præstare, aut donare aliquid peccatori, dum cognoscimus ipsum esse talem: quia sic foveremus proditionem domini nostri.

Peccator sicut nec meretur protunc beatitudinem, sic nec meretur protunc, ut aliquis mereatur sibi gratiam, nec bonum aliquod temporale.

Omnes existentes in purgatorio, &c. Quære supra de testamentis.

Puræ & perpetuæ eleemosynæ sunt præsumptiones stolidæ per artem diaboli usurpatæ: imò nomen puræ & perpetuæ eleemosynæ est ex sophismate diaboli adinventum.

Non videtur magna prudentia eleemosynantis dare eleemosynam diuturniorem, quam sit tempus quod Deus ei donavit ad merendum.

Cum Deus æternus limitet ad panem quotidianum dandum hodie, non debet quis secundum rationem eleemosynæ perpetuæ recipere quicquam ab homine.

#### ¶ Contra ecclesiam & contra structuras.

Qui peccator est aliqua forde maculatus, non potest de Christi ecclesia appellari.

Evidentius foret ad utilitatem ecclesiæ quòd & basilicarum & sumptuosarum structuræ & sectæ novorum ordinum, sicut in die judicii, jam cessarent.

Utile esset ecclesiæ quòd non foret Papa vel prælatus Cæsareus: ac decens foret ac utile, sicut erit post diem judicii, quod ecclesia foret ab eorum traditionibus expurgata.

Utile

Utile foret ecclesiae poni in pristina libertate. Istum quare contra orationes.  
Nescio excusare peccata sanctorum. Istum quare supra, de peccatis mortalibus.

¶ Contra censuras ecclesiasticas.

Omnes censuræ Antichristi non sunt nisi falsæ umbræ, à via domini timidos exterrentes. Et loquitur de censuris ecclesiæ.

Unum solatium est ecclesiæ fidei, quod excommunicatio & suspensio & omnes tales censuræ mendaciter & fictæ, non sunt in Christi lege sua fundatæ, sed ab Antichristo callidè machinatæ.

Si scripturæ sacræ & rationi debemus credere: patet quod discipuli Christi non habent potestatem coactè exigendi temporalia per censuras: sed hæc tentantes sunt filii Heli & Belial.

¶ Contra dotationem ecclesiæ.

Domini temporales debent subtrahere à viris ecclesiasticis seculare dominium, ad damnum suæ animæ, contra fidem scripturæ stolidè occupatum.

Domini temporales possunt licitè auferre temporalia ab ecclesia delinquente, nec oportet in istis expectare Decretum Romani pontificis. Absit quod fallacia Antichristi seducat mundi principes & claudat tela aranæ manus suas, ne ex defectu sui iuvenis vadant præcipites ad infernum.

Domini temporales sunt hæresiarchæ, qui in ista materia tacent, contra iuramentum factum ecclesiæ, atque suum officium limitatum à Deo.

Omnia bona istorum hæreticorum possessionatorum mobilia, confiscarentur principibus, qui hæresim ipsorum destruerent, & omnia bona eorum immobilia, ut redditus & prædia, quibus dotati redirent in manus secularium, sicut prius.

Licet progenitores superstitum privaverint se vero dominio talium prædiorum & reddituum, quoad Deum: tamen posterit contriti de sui & suorum progenitorum stultitia, acquirerent corrigendo errores titulum iustitiæ quoad Deum, & quoad homines: qui quidem titulus foret longe iustior quàm titulus gladii ex conquestu.

Stante dotatione ecclesiæ, quæ est mater & fortrix hæresis simoniacæ, miraculum foret manifestum quod hæresis simoniaca foret extincta.

Intoxicata & excommunicata sunt regna per prælatos hæreticos in omni genere sacerdotum. Affectare namque copiosam adjacentium multitudinem temporalium, ut largius ministraretur egentibus, & studiosè appetere officium laicale.

Apostoli laborabant quandoque manibus, ut parçè susciperent elemosynas à populo, præcisè quantum fuerat eis necessarium, & utile populo ad spirituale ministerium rependendum. Unde videtur mihi indubiè, quia quicunque clericus intentione alia, vel mensura, à populo benedictionem acceperit, simoniacus est censendus.

Dominus Papa, episcopi, omnes religiosi, vel puri clerici titulo perpetuæ possessionis dotati, debent renunciare illis in manus brachii secularis. Quod si pertinaciter noluerint, per seculares dominos cogi debent.

Præcipitur simpliciter negativè, quod nec sacerdotes Aaronici, nec levitæ haberent partem hæreditatis cum aliis tribubus: oportet ergo quod primi vivant de decimis & oblationibus.

Non est maior hæreticus vel Antichristus, quàm ille qui docet quod licitum sacerdotibus & levitis gratiæ sit dotari in possessionibus & temporalibus: & si sunt aliqui hæretici vel blasphemii, sunt illi clerici qui hæc docent.

Non possunt solum domini temporales auferre bona fortunæ ab ecclesia habitualiter delinquente: nec solum eis hoc licet, sed debent hoc facere sub poena damnationis æternæ.

Cum clericus non debeat seculariter dominari, sed esse pauper, similis statui innocentiae ad instar Christi: manifestè videtur quod clerus, qui tam pertinaciter, in temporali dominio obviat legi Dei, est hæreticus maledictus.

Patet ex facto quod Romana curia dogmatizans in opere tam pertinaciter & falsè dictæ sententiæ contrarium, est hæretica manifestè: & in eo potentius, quo approbat hæresim de cleri dominio, per ecclesiam militantem.

Non est potentior Antichristus, quàm qui huic fidei de dicta pauperie cleri Christiani est contrarius tam opere quàm sermone. Nec solum isti prælati Antichristiani, sed mundani domini consentientes isti facinori, sunt capitales inimici domini nostri Jesu Christi.

Quantum ad charitas & concessiones secularium dominiorum, patet quod clerus erubesceret inniti tam culpabili fundamento: quia in nullo valet humana concessio, nisi præhabita licentia à domino capitali: & cum non possint docere quod domini de hoc habeant licentià à Christo,



Christo, patet quòd lege tam humana quàm divina, est talis donatio stulta sentienda (aliàs causanda) & ita illicita & Catholicis respuenda.

Quantum ad leges & bullas Papales, patet quòd sint contrariæ legi Christi: quia cum non sit in Christo, est & non, patet quòd impossibile est ratione vel scriptura traditiones istas Papales, vel leges hominum in hac materia de dotatione ecclesiæ stabilire.

Si fiat objectio contra impugnantes dotationem ecclesiæ, in beato Benedicte, Gregorio & Bernardo, qui pauca temporalia in pauperie possidebant, dicitur quòd illi finaliter poenitebant. Si iterum objicias, quòd fingi istos sanctos de illa declinatione à lege domini finaliter poenitere: doce quòd sunt sancti, & ego docebo quòd finaliter poenitebant.

Nimis abusive & Pharisaicè vocantur temporalia ecclesiasticis appropriata, vel mortificata, vel quòd sint domino consecrata:

Omnes puri clerici debent esse pauperes evangelici, in specie altissimæ paupertatis, quia debent renunciare omni proprietati civili, pro suo perpetuo.

Omnes Christiani sacerdotes tenentur imitari Christum, in specie altissimæ paupertatis, & per consequens omnem dominationem pro suo perpetuo abdicare.

Chartæ clericis possessionatis superfluent, cum chartæ charitatis per se sufficiunt. Chartæ enim humanæ sunt semina litium, & faciunt homines præsumere quòd titulus humanus sufficit sine titulo charitatis.

Videtur mihi impossibile leges humanas & divinas dotationem cleri in temporalibus, quoad civilitatem perpetuam vel instantaneam stabiliri: quod patet tum in capacitate civilitatis in clericis, tum secundo quia cadendo à gratia, non obstantibus omnibus munimentis possibilibus, cadit à possessione & dominio.

Nec in proprio nec in communi debent clerici civiliter dominari.

Cum pertineat ad Imperatorem & alios Reges, qui contra legem domini ecclesiam stultè dotaverint, sibi satisfacere, videtur quòd ad illos pertineat, bona data potestativè restituere brachio seculari: cum propter hanc causam gladium suum portent.

Videtur quòd quicumque Papa vel prælatus ecclesiæ isti restitutioni dissenserit, est manifestus hæreticus, legi Christi contrarius, & per consequens tanquam perturbator pacis ecclesiæ à fidelibus removendus.

Quantum ad leges singulas de raptoribus & spoliatoribus ecclesiarum editas, credo quòd Spiritus Sanctus intelligat per has leges, quòd illi qui spoliant ecclesiam, quæ est homines excellentia status & virtutum, non dotationes cæcas instinctu diaboli exortas, sunt sacrilegi & à triumphante ecclesia maledicti.

#### ¶ Contra Papam.

Papa non dispensat cum simonia, vel voto temerario: cum ipse sit capitalis simoniacus, vovens temerè servare statum summè damnabilem hic in via.

Papa est hæresiarcha fundans & autorizans novos ordines contra Christum: & mirum foret quòd Deus cooperaretur cum talibus dispensationibus frivolis quas intendunt.

Papa qui se falsè nominat servum servorum dei, sub nullo gradu est in opere evangelii, sed mundano. Et si sit in ordine aliquo, est in ordine dæmonum, deo plus culpabiliter servientium.

Papa ille est Antichristus, qui in scriptura exprimitur, cum sit specialis procurator diaboli, procurans promere datam prodicionem annuè contra Christum: & sic est patulus Antichristi. Non solum illa simplex persona, sed multitudo Paparum à tempore dotationis ecclesiæ Cardinalium, Episcoporum & suorum complicitum aliorum est Antichristi persona composita, monstruosa. Non tamen repugnat quin Gregorius & alii Pape, qui in vita sua fecerunt multa bona de genere, fructuosè finaliter poenitebant.

Genus humanum, specialiter in Europa, profundatur in illa hæresi nimis cæca, quòd oportet totam militantem ecclesiam duci per regimen Antichristi.

Si fuit expediens ecclesiæ militanti, quòd careret corporali præsentia capitis Jesu Christi, sicut contigit quando crevit ecclesia post Ascensionem, secundum illud Johannis: Expedi vobis ut ego vadam, quanto magis prodeffet ecclesiæ quòd careret Papa capitaneo, qui aequiparatur in virtutibus Jesu Christo? Tunc enim descenderet gratia perpendiculariter in homines, ut sint digni.

Papa est abominatio desolationis in abstracto, cum ex ficta antiquata malitia sit in perveritatem diaboli induratus.

Papa immediatus vicarius, princeps hujus mundi, ruinam celerem ex sua fallacia necessa-

\* Psal. 35. 20. nō patietur, secundum illud: \* Inimici vero dei mox ut honorificati sunt, &c.

Ex isto textu: Expedi vobis ut ego vadā, &c. eliciunt fideles quòd Christus qui promisit fide-

fidelibus quòd maneret cum ipsis usque ad consummationem seculi, voluit perpetuè sine tali vicario in coelestibus residere: ut conversatione atque affectatione aspirando ad coelestia, colligant suam affectionem in domino Jesu Christo.

Papa Clemens cum cæteris adiutoribus in fide non fuerunt Papæ, sed dei adutores, ad ædificandam ecclesiam domini Jesu Christi.

Papa & Cardinales non fuerunt ordinati à domino, sed per diabolum introducti. In cuius signum nomen Papæ, vel Cardinalium non inferitur in scriptura, sed ut Chronicantes referunt, quando venenum effusum est in ecclesiam, est inventum.

Rationi consonat & scripturæ, quòd non existente Papa aliquo, vel Cardinali, vel aliqua persona de quatuor sectis, non minus, sed probabiliter magis itaret ecclesia militans in fide & virtutibus, quam stat modò.

Et intelligit utrobique per quatuor sectas, prælatos Cæsareos, monachos, bifurcatos canonicos atque fratres.

Licet Papa præcipiat in bullis, Nulli ergo hominum liceat paginam illam infringere, sed eo ipso quo præsumunt, incurrunt, &c. Fideles tamen audacter exponunt igni bullas tales, tanquam hæreticas, contra fidem, secundum illud: Quod si tal evanuerit, &c. Et multò minus valent tales bullæ hæreticæ, quas asportant dysscoli de nido illo.

Est contra æternum iudicium sancti sanctorum, quòd talis inhabilis refugia, id est Papa, populo taliter præfiguratur.

Non est alius color quare Roma sit locus aptus ut Papa ibi resideat, nisi ex altera infami istarum causarum. Primò, quia Papa ibi infideliter perdit vitas animarum, licet Cæsar prius infideliter perdidit ibi vitas corporum martyrum domini nostri Jesu Christi. Secundo, quia Cæsar resedit in illa villa, qui dotavit Papam contra legem, quam Christus suis discipulis ordinavit.

Papa & sui complices sunt Scribæ & Pharisei, claudentes regnum cœlorum, nec ipsi introeunt, nec alios intrare permittunt. Et principalis huius ratio est nequitia traditionum, quas edidit Antichristus.

Sive clericus vadat, sive mittat etiam in rotulis studiorum ad Papam pro beneficiis ecclesiasticis, ut sit, seipsum ad ministerium dei indisponit.

Sicut non sequitur, Petrus fuit vocatus à Christo singulariter satanas: ergo Petrus cunctis fuit abjectior. Ita non sequitur, Petrus habuit singulariter hæc privilegia, ut sibi diceretur: Tibi dabo claves regni cœlorum, &c. Duc in altum, &c. Rogavi pro te, &c. ergo Petrus debuit post ascensionem esse Papa, & sic caput esse militantis ecclesiæ.

Certum videtur ex Chronicis, quòd non à Christo, sed à Cæsare Constantino Romanus episcopus accepit, vel potius usurpavit potestatem.

Quòd ex fide Evangelii, ista Papalis præeminencia coepit ortum, est æque falsum, sicut quòd ex prima veritate quilibet est exortus.

Ex isto textu, Si non abjero, elicitur quòd fuit expediens Christum ascendere, & non perpetuè cum sua ecclesia conversari. Sed multo magis repugnat legi & ordinationi Christi, quòd sit unus talis fictus vicarius illicitè in ecclesiam introductus. Et vocat generaliter Papam fictum vicarium \*.

Nullus potest fundare, quòd talis vicarius intravit per ostium in ecclesiam: sed quòd seculariter ex cautela diaboli ascenderit aliunde.

Videtur quòd nullus Christiāus debet tali vicario, sive præposito, nisi in obediētia resistiva.

Si prælatus præcipiat, quòd lex dei non præcepit, obediendum est mandatis istius præpositi resistendo.

Quicumque est humilior, servitior & in amore Christi quoad suam ecclesiam amatior, ille est in ecclesia militante major & proximus Christi vicarius reputandus.

Quicquid Papa vel sui Cardinales sciunt ex sacra scriptura deducere, istud duntaxat est credendum, vel ad sua monita faciendum: & quicquid ultra præsumpserint, sit tanquam hæreticum, contemnendum.

Crederet debet Catholicus, quòd nec Imperator, nec universalis ecclesia, nec deus de potentia absoluta ordinare potest, quòd eò quòd quis succedit, & post Petrum vocatur in facie ecclesiæ Romanus episcopus vel Papa, eo ipso sit caput vel pars ecclesiæ cui obediendum est.

Non promittit, quòd quicumque in officio pastoralis Petro Romæ successerit, gaudebit dignitate, ut sit caput ecclesiæ.

Sicut Rex, princeps vel dominus, tempore quo est in peccato mortali, non sortitur nomen illius officii, nisi nomine tenus & satis æquivoce: sic nec Papa, nec episcopus, vel sacerdos dum lapsus in mortale.

Papa fingit mendaciter quòd est summus vicarius Jesu Christi in terris. Sed benedictus Deus, qui istud caput ecclesiæ in parte contrivit, & divisit in partes contrarias, caput huiusmodi benedictum.

Debe-

\* Proh Sec-  
lus!

Debemus credere quòd nullus Papa Cæſareus eſt per ordinationem Jeſu Chriſti, ſed per cautelam diaboli in eccleſiam introductus.

Principes & potentatus debent potenter juvare quòd non ſit talis Papa Cæſareus, & nullo modo, expenſis vel laboribus fovere talem diabolum, vel juvare.

Quid aliud quàm obedientiam faciendam huic diabolo, ſonat illa lex: Omnis utriusque ſexus. Et ſic de multis legibus Luciferinis ei ſimilibus.

Quòd Papa ſit ſummus Pontifex eſt ridiculum. Et Chriſtus, nec in Petro, nec in alio talem approbavit dignitatem.

Papa non habet poteſtatem condendi hanc legem: Omnis utriusque ſexus.

Papa, prælati & quicunque nominant ſe Chriſtianos, contrarii fidei de quidditate hoſtiæ, dum pertinaciter illud defendunt, ſunt maniſeſti hæretici.

#### ¶ Contra Cardinales.

Electiones Cardinalium cum cæteris humanis traditionibus, non ſunt dignæ memoria: Cum non ſit major color quòd Deus ipſas perficit, quàm ſequitur, quod ex ſua \* veſina Deus Papam ſtatuit focium.

Quicquid Papa vel ſui Cardinales ſciunt ex ſacra ſcriptura deducere, &c. patet ut ſupra.

Quæ major infidelitas quàm approbare electiones Cardinalium, qui ex nobis indubiè ſunt diaboli incarnati? Hæc autem hæreſis loco ſortis Apoſtolorum, quæ elegerunt Matthiam, per diabolum introducta, ponit zizania ad Catholicos in fide Catholica diſcordandum. Medicina ergo foret, tales electiones cum non ſint Apoſtolica, reſutare.

Non propter electionem Cardinalium eſt quis Chriſti vicarius, vel membrum eccleſiæ plus quàm propter garrum avium, vel ſignum quodcunque impertinens quod contingit. Et idem eſt iudicium de quibuſcunque electionibus hodie celebratis.

#### ¶ De Schiſmate in eccleſia Dei.

Deus non ſineſ apoteſma illud ſc. Papam in eccleſia ſua amplius perdurare, illam putredinem in nido illo diabolico congregatam, diviſit in duo capita, ut melius pateat ſanies Antichriſti.

Diſſenſione Pontificum de Papatu magnum bonum provenit: quia jam debilitato Antichriſto confortantur fideles publicare ſententias multas evangelicas, quæ ſtante ipſo in ſuo robore diſſerere non audent. Et ſi placeret domino jam movere brachium ſeculare, ut tempore huius debilitationis Antichriſti nitatur efficaciter reducere eccleſiam ad ordinationem domini noſtri Jeſu Chriſti, fructus valde notabilis proveniret ex diviſione huius capitis Antichriſti.

Si fideles unquam concordati fuerint, neceſſe eſt quòd in brevi temporis articulo ſint viriles: quorum conſolatio ad viriliter agendum, eſt Antichriſti potentæ memoratio: qui in Papas dividitur, & ſui ſatellites ſunt ſapiffime contrarii ſibiipſis.

#### ¶ Contra poteſtatem, juridiſctionem vel authoritatem Prælatorum.

Poteſtates quæ finguntur à Papa & aliis quatuor novis ſectis, ſunt fictæ ad ſeducendos ſubditos diabolicè introductæ: ut prælatorum Cæſareorum excommunicatio, citatio, incarceration & redditus pecuniarum venditio.

Superiores iſtarum ſectarum fingunt ſe habere poteſtatem à domino ad ſubditos taliter puniendos: ut Papa fingit ſe habere poteſtatem ad excommunicandum: quam tamen poteſtatem non plus habent, quàm diaboli ad maledicendum populo Chriſtiano.

Videtur fidelibus quòd talis ficta poteſtas prælatorum ſimul crevit cum hæreſi de hoſtiæ conſecrata. Nam moderni prælati ſunt de numero illorum, de quibus dicitur per Prophetam: \* Maledicam benediſctionibus veſtris.

\* Malach. 2. 2.

Multi ſacerdotes ſimplices ſuperant prælatos in huiusmodi poteſtate: immo videtur fidelibus quòd magnitudo poteſtatis ſpiritualis plus ſequitur ſimplicem imitorem Chriſti in moribus, quàm prælatum, qui per Cardinales & tales apoſtatas eſt electus.

Intendat fidelis rationi & fidei ſcripturæ & non credat talibus extravagantibus fabulis infundabilibus de poteſtate prælatorum: quia benediſtio eorum eſt ſimilis benediſctioni, quæ benedicunt hoſtiæ, & malediſtio ſua è contrario in benediſctionem domini eſt converſa.

Prælato, quem ſubditi impium & improbum iudicant probabiliter ex vita ſua, nec debent retribuere honores mundanos ſolitos, nec temporalia tanquam debita, nec tanquam redditus aut proventus, ſed debent tibi talia ſubtrahere, ne offendant in Chriſtum.

Converſa

Conversatio mala praelati subtrahit acceptionem ordinum & aliorum sacramentorum à subditis, &c. Hunc quare circa sacramenta in communi.

¶ Contra privilegia & bullas Papales.

Privilegia vel libertates, quas Papa concedit hominibus, sunt deliramenta à fidelibus decidenda: in cujus signum populus cum illi maledicunt, benedicitur à deo, & e contra.

Nisi adsit lex charitatis intrinsecus, nemo propter chartas vel bullas habet habilitatem plus vel minus.

Chartæ clericis possessionis superfluent, &c.

Quare circa dotationem ecclesiæ.

Quantum ad leges & bullas Papales, &c.

Quare circa dotationem ecclesiæ.

Licet Papa præcipiat in bulla quod nulli hominum, &c.

Quare contra Papam.

¶ Contra Indulgentias.

Consulendum est fidelibus quòd non petant curiam Romanam vel Avinionem, ad Papales indulgentias vel absolutiones à poena & à culpa sibi vel aliis impetrandas, quia Dominus totius mundi non vult in tali brevi loco vel angusto coarctari, sed in cœlo existens, perpendiculariter cuilibet vigilanti est paratus ad lumen suæ gratiæ influendum.

Defecit audax doctor, sententia publicans hypocrisim istam ecclesiæ: non seductus populus pedibus talis hypocritæ propinquet. Si enim petitio sua sit rationabilis, summa demerita foret credere quòd aliquis talis refuga hanc concederet.

Quantum ad indulgentias, privilegia & regulationem ecclesiæ in lege nova, patet quòd foret expediens toti ecclesiæ quòd omnes novitates huiusmodi sint sopitæ. Omnia enim talia videntur esse phantasmata, nec fundata rationibus nec scripturâ.

¶ Contra decimas & jura debita praelatorum.

Duodecim sunt procuratores & discipuli Antichristi, Papa, Cardinales, Patriarchæ, Archiepiscopi, Episcopi, Archidiaconi, Officiales, Decani, Monachi bifurcati, Canonici, Pseudofrateres introducti jam ultimò & Quæstores.

Non est potior Antichristus quàm qui illi fidei de paupertate clerici Christiani est contrarius, tam opere quàm sermone. Nec solum isti praelati Antichristiani, sed mundani domini consentientes huic facinori sunt capitales inimici domini nostri Jesu Christi.

Curia Romana est minus disposita ad convincendum aliquos super hæretica pravitate, quod tamen præsumit temerè, quia ad sensum mysticum est castellum quod est contra apostolos Jesu Christi.

In mendicitatem inciderent sacerdotes, antequam pro temporalibus placitarent.

Religiosi & clerici possessionati ex dotatione quam contra Christi legem suscipiunt & defendunt, sunt dæmonium meridianum, & ad damnum ecclesiæ diabolice indurati.

Quantum ad bullas & leges Papales, &c.

Quare circa dotationem ecclesiæ.

Christus in scriptura non docet aliquam speciem ordinis de capitulo Antichristi, & ideo non est de suo beneplacito quod sunt tales. Capitulum autè illud in istis speciebus duodecim continetur, quæ sunt Papa, Cardinales, Patriarchæ, Archiepiscopi, Episcopi, Archidiaconi, Officiales, Decani, Monachi, Canonici, Fratres de quatuor ordinibus & Quæstores.

Ex fide & operibus quatuor sectarum, quæ sunt clerus Cæsareus, Monachus varius. Canonici atque fratres, auster elicio quòd nulla persona istarum est membrum Christi in sanctorum catalogo, nisi in fine dierum deseruerint acceptam stolidè sectam suam.

Augustinus & Hieronymus cum cæteris deseruerunt istas sectas: & sic religiosi nostri possent religionem suam merdolosam deferere, & Christi religionem relicta sua apostasia accipere sapienter.

Approbabile creditur quòd vocata beneficia ab episcopis & vocatis rectoribus, forent omnino suspensa: & gratis evangelizantes haberent stricte victus necessaria, suspensis omnibus traditionibus Antichristi.

¶ Contra jura & decimas in communi praelatorum.

Subtrahat populus decimas, oblationes & alias privatas elemosynas ab indignis Antichristi discipulis, cum hæc facere debeat lege dei. Sed non est timenda sed gaudenter acceptanda maledictio vel censura quam inferunt discipuli Antichristi.

Sufficit laicis quòd dent quandoque servis decimas suorum proventuum, & cæteris paribus

bus ſemper dent eccleſiæ: licet ſemper clero Cæſareo à Papa vel ſuis ſubditis ſint aſſignata.

Decimæ ſunt puræ eleemoſynæ, & parochiani poſſunt propter peccata ſuorum prælatorum ad libitum ſuum eas auferre.

#### ¶ Contra dominium in communi.

Nec teſtium depoſitio, nec iudicis ſententiatio, nec corporalis poſſeſſio, nec deſcenſus hæreditarius, nec humana commutatio, ſive devotio confert homini ſine gratia dominium vel juſ ad aliquid, vel omnia illa ſimul.

Si Deus det homini bonum quodcunque, ſtatim dum ipſe abutitur, deficit ſibi juſta vendicatio ex titulo donationis Dei. Et revera ſi titulus ille deficiat, neſcio alius quis valebit.

Omnis injuſtus, occupans quodcunque bonum dei, capit rapina, furto vel latrocinio.

Succeſſio hæreditaria eſt impertinens ad civile dominium, niſi forte pater meruerit filio gratiam ſequendo eum in moribus.

Quacunque communitate vel perſona eccleſiaſtica habitualiter abutente divitiis, domini temporales poſſunt legitime & valde meritorie ipſas auferre, etiam quantumcunque traditionibus humanis eis fuerint confirmata.

Deus non poteſt dare homini pro ſe & ſuis hæredibus in perpetuum civile dominium.

Titulus ſucceſſionis hæreditariæ non ſufficit ad fundandum verum dominium, ſed per ſe titulus charitatis.

Omnis habitatus in mortali peccato caret quocunque vero dominio & uſu operis licite, etiam boni de genere.

#### ¶ Contra Reges & Principes.

Virtus ſuperexcellens in Rege eſt præcipua cauſa regendi civiliter. Ipſe enim per ſe ſufficit ad regnandum evangelice, & eſt ſufficiens cum approbatione populi ad regnandum civiliter.

Sicut Rex, Princeps vel Dominus terræ, qui eſt in mortali peccato, non ſortitur nomen illius officii, niſi nomine tenus & ſatis æquivocè: ſic nec Papa, epiſcopus vel ſacerdos ſi lapſus fuerit in via mortaliter.

Adveniente depopulatione patriæ, etiam per barbaros, melius foret pati humiliter quàm reſiſtere & debellare viriliter.

Dominus non approbat quenquam civiliter dominari, vel civiliter judicare.

#### ¶ Contra Miſſas & Horas.

Qui peccator eſt aliqua ſorde maculatus, non poteſt Chriſti eccleſia appellari.

Utile foret eccleſiæ poni in priſtina libertate: & ſic ceſſarent miſſarum ſuperadditarum ſolennia & orationes cum horis Canonicis adinventæ. Licet enim iſtæ tres adinventiones humanæ per accidens proſint eccleſiæ, non tamen tantum, quantum peccatum diaboli.

Neſcio excuſare peccata ſanctorum, qui illas traditiones invenerunt.

Multa ſunt licita, &c. Iſtos duos quare ſupra de peccatis mortalibus.

#### ¶ Contra Jura. Vide (ſi placet) ſupra, contra cenſuras.

Evera eſt cleri religio à Chriſtiana in Cæſaream, & dimiſſo titulo recipiendi à populo ædificato eleemoſynas gratis datas, ſtatuuntur leges quædam Chriſtianæ ad pecunias extorquendas.

Leges Papales multæ ſunt hæreticæ, ut patet de lege Bonifacii viii. lib. vi. de reſcriptis. Si duobus: Et aliis hujusmodi.

Omnēs humanæ traditiones quas lex Evangelica non docet facere, ſunt ſuperflue & iniquæ.

Solam legem Chriſti licet prædicare, diſcere vel docere: & quicumque prædicaverit legem aliquam quæ non dirigit directe ad beatitudinem, ex praxi facit ſeipſum damnabilem.

Non licet Chriſtiano poſt plenam publicationem legis Chriſti, extraneas ſibi leges condere ad regimen eccleſiæ Chriſti.

In adulterio, hæreſi & quolibet crimine tali, poſſunt iudices ſeculares ſine conſuſione jurisdictionem cognoscere.

Cum Chriſtus legem Evangelicam non tradiderit diminutè, videtur quòd de ſenſu Chriſti



Christi sit, nullum discipulum suum pro aliquo bono fortunæ debere contendere.

A tempore quo curia Romana declinavit à Christi sequela, est demonstrabile quòd si curia Romana ex puda autoritate sua hæc afferat: ergo hoc est falsum,

In omnibus suis legibus non stat profectus ecclesiæ, plus quàm in Ethnicis.

Quid aliud est quàm obedientiam faciendam huic diabolo, id est papæ, sonat illa lex ipsius: Omnis utriusq; sexus. Et sic de multis legibus Luciferinis & similibus.

Quòd doctrina Christi præcepit suis discipulis, haberi omnia communia, possunt seculares conijcere quomodo bona possessionatorum, non timendo vocatum sacrilegium, possunt meritorie pauperibus ministrare.

Omnes censuræ Antichristi non sunt nisi falsæ umbræ; à via domini timidos exterrentes. Et loquitur de censuris ecclesiasticis.

#### ¶ Contra dominos temporales.

A deo in seculare dominium requiritur iustitia dominantis, sic quòd nullus existens in peccato mortali est dominus alicujus rei.

Dominus civilis si tractet servum suum non eadem mensura qua sibi vellet metiri in casu confimili, excidit à charitate. & per consequens à civili dominio: & ex consequenti servus excidit respectu illius à servitute civili.

Successio hæreditaria est impertinens ad civile dominium. Quære de dominio.

Non est possibile ordinare, quòd si quis ex servo civili processit, tunc sit servus civilis. Nisi adsit lex charitatis intrinsecus, nemo propter chartas vel bullas habet habilitatem, vel iusticiam plus vel minus.

Omnis injustus occupans quodcumq; bonum, &c. Quære supra de dominio in communi.

#### ¶ Contra Electiones.

Deficit humana regula de eligendo præpositos. Apostoli enim deficiente revelatione, elegerunt Matthiam per sortem. Sed factum eorū debet in illo esse exemplar evidentius, quàm sequens dictum vel factum Romani pontificis. Quare adhuc ecclesia debet intendere huic formæ.

Implicans se electionibus secundum traditiones humanas, ubi posset secundum legem dei superledere, peccat graviter. Et sic videtur mihi quòd omnes adinventiones hominum præter fidem scripturæ sunt secundum plus vel minus culpabiles.

Non propter electionem Cardinalium, &c. Quære contra Cardinales.

Quæ major infidelitas, &c.

Quære contra Cardinales.

#### ¶ Contra religiosos in communi.

Nec papa, nec angelus de cœlo habet potestatem difficultandi media, quæ Christus instituit viatoribus ad beatitudinem promerendam.

Si non in isto textu evangelico: Nemo accendat lucernam, &c. & non reperi ubi \* anatomicè inclusi in lapidibus, ut claustrales, in lege domini fundarentur: & cum hoc non fundatur ista religio, sed patenter ejus oppositum patet, quòd non est Christi religio, quam describit Jacobus: sed religio diabolica vel hypocritica, quæ ab ipso vana religio nuncupatur.

Cum non tantū profint illæ religiones sanctæ matri ecclesiæ indirectè, quantū prodest casus diaboli: sicut diabolus nō deberet taliter peccare, sed à peccato cōtinere: sic ordines isti privati, qui nō sunt autorizati à domino, nō se debent introducere in ecclesiā militantem.

Omnes religiosi moderni seipfos necessitant ut hypocriti maculentur. Ad hoc enim sonat professio, ut sic jejurent, ut sic se induant & ut sic faciant, quanquam differenter ab aliis observant.

Causa totius mali in ecclesia militante est perversa introductio illorum novorum ordinum contra Christum.

Religiosi fideles debent ex verbis Christi colligere quòd constanter exeant suos privatos ordines, cum Paulus exierit ordinem Phariseorum. Et cum Deus ex sua communi gratia concedit fidelibus suis, ut potiora eligant, renuant minus bona.

Religiosi nostri præter ordinationem domini introducti habent observantias hypocriticas: ut tantum in mediis noctibus, & jejunium in electis temporibus & alia talia, quæ non sonant in religionem domini Jesu Christi.

Religio privata est religio præter religionem domini expressam in Evangelio adinventæ, & illa privatur omni fundatione laudabili.

Omnis privata religio sapit, ut sic, imperfectionem & peccatum quo homo indisponitur ad deo libere serviendum.

Ritus sensibilis, ad quem religiosi privati ex suo ordine obligantur, est traditionum suarum observantia ultra mandata decalogi & consilia domini nostri Jesu Christi. Et traditio ista necessitat ipsos esse hypocritas & infringere mandatum Domini.

Si secundum prophetiam Ezechielis, peccatum Sodomæ duplex fuit iniquitas: quanto potentius aggregatio ex his privatis traditionibus ac privilegiis est colligatio impietatis, quæ jubetur dissolvi?

\* Ita. 58. 6.

Cum dominus dicit per prophetam: \* Dissolve colligationes impietatis, solve fasciculos deprimentes: dimitte eos qui contracti sunt liberos & omne onus dirumpe: videtur tales privatos ordines præcipiendo dissolvere.

Sicut dio influentia celestis est liberius recepta, sic religionis oratio penetrat liberius coelum sub dio, quam venit ad aures domini in claustris.

Paulus quondam phariseus, propter meliorem sectam Christi, ex ejus licentia illam sectam dereliquit. Et hæc est ratio quare claustrales, cujuscunque sectæ fuerint vel obligationis, aut quocunque juramento stulto astricti, debent libere exire; ex mandato Christi; illa vincula & induere liberam sectam Christi.

Larvæ diaboli, id est religiosi, ex nova simulata religione domesticati, non possunt in filios lucis, cum necessario sunt filii diaboli.

Religio, siue regula privata sapit præsumptionem, blasphemiam & arrogantiam supra deum. Et religiosi talium ordinum per hypocrisim defensionis suæ religionis præsumunt se supra apostolos exaltare.

Non salvat imperfectionem religiosorum quod incarceration in claustris materialibus suis, vel quod habeant Piores qui debent ipsos regere & docere, nec hoc consonat rationi.

Christus in scriptura non docet aliquam speciem ordinis, de capitulo Antichristi & ideo non est de suo beneplacito quod sint tales, &c. Vide contra clericos in communi.

Evidentias esset ad utilitatem ecclesiæ, quod basilicarum præsumptuosarum structuræ, & sectæ novorum ordinum, sicut in die judicii, jam cessarent.

#### ¶ Contra patronos religionum.

Cuncti patroni istorum ordinum, ut sic, peccaverunt: licet isti ordines occasionaliter faciunt multa bona.

Si fiat obiectio de beato Benedicto, Gregorio, Bernardo, &c. Quære circa dotationem ecclesiæ.

Augustinus & Hieronymus cum cæteris deseruerunt istas sectas: & sic religiosi nostri possent religionem suam mercedem deferere, & Christi religionem, relicta sua apostasiâ, sapienter acceptare.

#### ¶ Contra religiosos possessionatos.

Ex doctrina Christi, quæ præcepit suis discipulis habere omnia communia, possunt seculares conjicere, quomodo bona possessionatorum (non timendo vocatum sacrilegium) possint meritorie pauperibus ministrare.

Ex proprietate viventes ut fratres, sunt hæretici, qui suis prædicationibus, exhortationibus vel confessionibus in prædictæ conclusionis materia obmutescunt.

Omnia bona istorum hæreticorum possessionatorum mobilia confiscarentur principibus, qui hæresim ipsorum destruerent, & omnia bona eorum immobilia, ut redditus & prædia quibus dotati sunt, redirent ad manus secularium, sicut prius.

#### ¶ Contra religiosos mendicantes.

Quis excusare posset istas sectas fratrum, qui dimisso Christi ordine, blasphemè eligunt minus bonum? imò tota sua religio blasphemia est permixta.

Inter omnia monstra, quæ unquam intraverunt ecclesiam, monstrum horum fratrum est seductivius, infundabilius & à veritate & charitate distantius.

Quatuor ordines mendicantium sunt dispositi realiter, ut inferant ingratitude maxime seu peccatum.

Cum fratres sint alieni à secta Christi, probabile est quod sua merita non plus valent quam opera paganorum.

Secta

Secta fratrum non fundatur ex lege domini, sed ascendunt aliunde tanquam fures & latrones. Diabolus non solum defraudat simplices per hos fratres, sed per sectas alias infundabiliter introductas: ut sunt monachi & canonici cum clero Cæsareo, qui auferunt dominia quæ haberent seculares domini.

Globus fratrum, sicut non habet foundationem à domino, sed ejus oppositum: sic trahit fratres ad peccatum.

Introducentes & sibi perpetuè dispensantes novas sectas, nimis ingrati reculant sectam liberam Jesu Christi, innuentes quòd ipsa ex imperfectione sui authoris sunt incompleta.

Istæ sectæ volunt adversari voluntati dei: quia volunt de secta Christi & sua regula contentuari, sed unam novam & frivolum & legi Christi contrariam machinantur.

Intrantes novas sectas de hoc non poenitent, sed lætantur usque ad mortem cum male fecerunt. Et hæc est ratio quare tam sæpe inveximus contra eos, ut de sua hæresi resipiscant & ad meliorem sectam redeant.

Damnabilis esse videtur consecratio istarum quatuor sectarum, qua pervertuntur fideles de simplici secta Christi ad sectam frivolum Antichristi.

Saraceni sunt graviter increpandi ex hoc, quòd tollunt jugum Christi per sese, sed ambulat per sectas alias ad infernum: sic sectæ istæ quatuor infra Christianismum sunt amplius increpandæ.

Nemo haberet conscientiam omnes illas sectas frivolas relinquere: imò infidelitatis signum foret, licentiam papæ vel alterius de hoc petere: quia in hoc videretur quis petere de illo licentiam ab Antichristo, quod generaliter concedit discipulis Jesu Christi.

Sicut quæcunque dyscrasie in humano corpore profunt corpori, sic istæ sectæ profunt sanctæ matri ecclesiæ, quæ sunt per diabolum introductæ.

Cum major militia in sectis quam personis singularibus radicetur, videtur sequendo Christum, quòd illæ sectæ sunt plus quam personæ simplices reprobandæ. Et ideo reprobationes sectales acutè debent exerceri.

Si impossibile doceri posset, quòd aliquæ illarum quatuor sectarum à deo sumperunt originem, tunc de tanto foret color fidelibus illas sectas de conditione laudabili approbare. Cum autem non sic à domino sumperunt originem, Christianis licet ipsas redarguere: quia qui non intrat per ostium, fur est & latro.

Cum fidelis debeat ex mandato domini honorare corpus sanctæ matris ecclesiæ: & istæ quatuor sectæ tanquam quatuor humores infecti inficiunt & mortificant ipsam ecclesiam: omnes fideles debent niti ipsam ab istis humoribus expurgare.

Hypocritis est fundamentum istis quatuor sectis, & ideo sic loquitur Esaias: Et erunt qui beatificant, & qui beatificantur, præcipitat & disperdet deus ab Israel caudam cum capite. Isa. 9. 14, 16. Intelligendo per caput, Romanum pontificem: & per caudam sectas fratrum.

Ex fide & operibus quatuor sectarum, quæ sunt clerus Cæsareus, Monachus varius, Canonici atque fratres, evidenter elicio, quòd nulla persona istarum est membrum Christi in sanctorum catalogo, nisi ex fine dierum deseruerint acceptam stolidè sectam suam.

#### ¶ Contra jus patronatus.

Periculosum est quenquam dominum patronatum ecclesiæ occupare: quia nisi præficiat plus habilem, vel prudenter id intendant, damnabiliter cadit à jure patronatus.

#### ¶ Contra universitates studiorum, & Collegia.

Cum Christus non ordinavit istas universitates sive collegia: manifestum videtur, quòd sicut graduationes in illis sunt vanæ gentilitate introductæ, sic dicta objecta contra secularia dominia clericorum & approbationes ecclesiarum, stant vivaciter contra ipsos.

#### ¶ De futura contingentium necessitate.

Sicut deus necessitat futuritiones instantium, sic necessitat & omnes eventus qui in illis instantibus sunt futuri.

Ut fidem assero, quòd omnia quæ eveniunt, necessariò evenient. Et sic Paulus præscitus non potest verè poenitere, hoc est contritione peccatum finalis poenitentia delere, vel ipsum non habere.

Infans præscitus & baptizatus necessariò vivet diutius, & peccabit in spiritum sanctum, ratione cujus merebitur ut perpetuè condemnatur: & ita nullus potest ipsum comburere pro hoc tempore vel instanti.

¶ *Errores in philosophia.*

• Quælibet essentia incorporea sive corporea est communis tribus suppositis: & omnibus illis insunt communiter proprietates, accidentia & operationes.

Contradictionem includit, aliquam essentiam creatam excedere, vel deficere à ternario suppositorum parium, quoad omnia in quibus communicat.

Deus non est alicujus potentie intensivè. Nullū accidēs potest esse aliud per se existens. Si albedo posset per se existere, tunc ipsius unio ad subiectum foret accidens, quo subiectum foret accidentatum, immediatè, formaliter, & non illa albedo. Et talis unio esset verè qualitas, & non albedo data.

Nihil agit propriè nisi essentia absoluta, cujusmodi est substantia habens propriā inclinationem naturalem, à qua procedit actio extrinseca, quod alienum est à quocunque accidente.

Quælibet essentia habet unum suppositum, secundum quod producit aliud suppositum par priori, & illa est actio immanens perfectissima possibilis natura.

Impossibile est multa puncta, vel substantias punctuales esse simul in eodem situ indivisibili: ponendo situm & puncta metaphoricè, error est.

Impossibile est duas substantias corporeas extendi, unam continuè quiescentem localiter, & aliam corpus quiescens continuè penetrantem.

Imaginandum est unam essentiam corpoream in principio productam esse ex indivisibilibus compositam, & occupare omnem locum possibilem.

Ubiq; omne ens est, cum omne ens sit deus.

Solum deus cognoscit seipsum, & tamen non cognoscit omnia: quia non cognoscit ens quod non est ipse.

Impossibile est deo multiplicare corpora per diversa loca.

Quamvis nec tunc, nec accidens aliquid possit agere: potest tamen facere multa bona.

Linea aliqua mathematica continua componitur ex duobus, tribus vel quatuor punctis immediatis, aut solum ex punctis finitis simpliciter, vel quamvis est, vel fuit, vel erit compositū ex instantibus immediatis. Et damnatur conclusio simpliciter ut error in philosophia.

Quælibet creatura est deus.

Non sequitur, Quælibet creatura est deus: ergo deus est aliqua creatura.

Quodlibet est deus.

Finis Articulorū Johannis Wiclefi Angli, damnatorum in Concilio Constantiensi.

¶ *RATIONES ET MOTIVA, AC*

Reprobationes Articulorum Wiclefi, & sequacis ipsius Johannis Hus, in Concilio Constantiensi damnatorum.

1. ¶ *Substantia panis materialis, & similiter vini, manent in sacramento Altaris.*

Ista conclusio est falsa, erronea & hæretica. Patet primò per illud Matth. 26. Accipit Jesus panē, &c. & ait: Hoc est corpus meū, &c. Ubi beatus Ambrosius, in libro de sacramentis, dicit: Iste panis ante verba cōsecrationis, panis est usitatus: ubi autem accesserit cōsecratio, de pane fit corpus Christi. Patet secundò per determinationē sacri Concilii Lateranen. extra de sum. trin. & fid. cath. cap. Firmiter. ubi sic habetur infra: Una est fidelium universalis ecclesia, extra quā nullus omnino salvatur. In qua idē ipse sacerdos & sacrificiū Jesus Christus, corpus & sanguis, in sacramento altaris sub speciebus panis & vini veraciter continetur, transubstantiatis pane in corpus & vino in sanguinem, potestate divina, &c.

2. ¶ *Accidentia panis non manent sine subiecto in sacramento altaris.*

Hæc est falsa & erronea & sapiens hæresim universaliter intellecta: quia tunc quantitas quæ fuit quantitas panis, non manet sine subiecto in sacramento altaris. Et tunc vel in corpore Christi, vel in pane, vel in utroq; vel in aere circumstanti. Non primum, quia corpus Christi non est quantū tali quantitate: esset enim tunc monstruosum: quia talem formā habet, qualis in iudicio apparebit, secundū magistrum in 4. dist. 10. cap. Si autem quartur. Nec secundum, quia tunc panis ille non esset conversus in corpus Christi, nec transubstantiatus

stantius, contra Decretalem de sum. trin. & fid. cath. Essent etiam falsæ propositiones demonstrativæ: [Hoc est corpus meum] & [Hic est sanguis meus] Matth. 26. quod est hæreticū: Non tertius: nulla est substantia, quæ remanet substantia in sacramento altaris, nisi corpus Christi, de conse. distin. 2. cap. Omnia ubi sic dicitur, & sunt verba Ambrosii, & recitantur à magistro in quarto, distin. 11. cap. Quidam vero. Illum panē, quem sumimus in mysterio: illum utiq; intelligo, qui manu spiritus sancti formatus est in utero virginis, & igne passionis decoctus in ara crucis. ideo Johan. 6. Ego sum panis vivus: & Johannis quinto: Panis quem ego dabo, &c. Ex iis duabus sententiis apertè potest intelligi, quòd panis iste & ille non sunt duo sed unus. Nec quartum, quia aer circumstans est locus istius quantitatis, vel ultima superficies eius. Patet etiam hæresis istius conclusionis: quia qui aliter sentit de sacramentis ecclesiæ, quàm Romana ecclesiā sentit, \* hæreticus est. Romana autem ecclesiā sentit accidentia esse sine subjecto in sacramento altaris, ut extra. de cel. miss. cum Marthæ, de hæ. Ad abolendum. igitur, &c.

\* Scilicet, Te Dittatore, vel Judice Extravagante; quo nihil extravagantius.

### 3. ¶ Christus non est in eodē sacramento identitate realiter in propria essentia corporali.

Ista conclusio est falsa, erronea & hæretica. Tum primò probatur de conse. dist. 2. cap. Quia corpus ubi sic habetur: Nam invisibilis sacerdos visibiles creaturas in substantiam corporis & sanguinis sui, verbo suo secreto, potestate divinā convertit, dicens: Accipite & comedite, hoc est corpus meum. Et Augustinus in libro \* sent. Prosperi: Fateamur ante consecrationem panem esse & vinum, quod natura formavit: post consecrationem verò carnem Christi esse & sanguinem quod quidem benedictio consecravit. Secundò, quia qui de sacramento corporis & sanguinis domini nostri Jesu Christi aliter sentire vel docere non metuunt, quàm sancta Romana ecclesiā prædicat & observat, hæretici sunt censendi. extra. de hæret. Ad abolendum. Sed Romana observat & docet corpus Christi idem esse in sacramento: ut de conse. distin. 2. cap. In quibus ubi dicitur, quòd sancta synodus in urbe Roma congregata sub Leone papa, fatetur quòd in sacramento sicut caro domini verè est cibus, & sanguis verè potus. Et est illud idem corpus, de quo dictum est: Caro mea verè est esca, & sanguis meus verè est potus. Circa quod corpus aquilæ sunt, quæ alis circumvolant spiritualibus. Glossa. i. virtutibus. Unde & idem corpus Christi edimus, ut vitæ æternæ possimus esse participes. Et secundum magistrum dist. 10. cap. Sunt & alii, iste est error infania transcendens. Et Richardus dist. eadem: Summè debent omnes catholici detestari & prosequi istum errorem pessimum impiorum, qui dicunt corpus Christi non contineri realiter in sacramento altaris, sed tantummodo ibi esse sicut in signo: quem errorem retractavit Berengarius Romæ coram centum tredecim episcopis: ut patet de consec. dist. 2. cap. Hos autem, &c.

\* Sententia ista à S. Prospero (sicut Bellarmino placet) collecta, habetur in fine tom. 3. op. r. S. Aug. usq; ad 388. num. in his autem Sententiis nihil tale occurrit: nec, si occurrisset, valeret quicquam in probationem transubstantiationis: falsèbatur, oymor, hic auctor à Gratiano, dist. 2. de Consecr. tale quid citante sub hoc titulo;

### 4. ¶ Si episcopus vel sacerdos existat in peccato mortali, non ordinat, non conficit, non consecrat, nec baptizat.

Ista propositio videtur temeraria & hæretica, quia ex ea sequeretur omnē ordinē, aut collationē eius in ecclesiastica Hierarchia esse incertū & dubium: cū nullus de cōmuni lege sciat, an episcopus ordinans vel sacerdos cōsecrans, vel baptizans, sit in peccato mortali, vel non: quia nō scit homo utrū amore vel odio dignus sit, Ecclesiastes 14. Item Apostolus prima ad Corinth. 4. Nihil cōsciū mihi sum, sed in hoc non justificatus sum. Prædicta etiam propositio repugnare videtur dictis beati Augustini. Nam loquens in epistola contra Parmenianum, dicit, quod sicut habent in baptismo, quod per eos dari possit: sic in ordinatione jus dandi. Item Augustinus, ut allegatur. 1. q. 1. cap. Quod quoddā dicit sic: Sacramentorū sanctitatem in perversis hominibus, sive qui intus sunt, sive qui foris, cōstat impollutā immobilemq; permanere. Item Augustinus primo super Johannē, tractatu quinto circa finē, loquens de collationē baptismi, dicit sic: Non timeo adulterum, non ebriosum, non homicidam quia columbam attendo, per quam mihi dicitur: Hic est qui me baptizat in spiritu sancto, Johānis primo. Præterea præmissa propositio repugnat illi, quod habetur in legenda de corpore Christi, ubi dicitur: Nihil à bono majus, nihil à malo minus perficiatur sacerdote. Item prædicta propositio videtur cōtra determinationem ecclesiæ. Nam dicitur extra. de hæreticis. Ad, quòd sentiendum est de sacramentis, sicut Romana cōsentit ecclesiā. Sed ipsa sentit episcopos ordinare, & sacerdotes consecrare, & baptizare, sive sint boni, sive mali: ut patet discursim, 1. q. 1. per totum, &c.

### 5. ¶ Non est fundatum in Evangelio, quòd Christus missam ordinaverit.



Ista conclusio est falsa & erronea. Patet primò per illud quod habetur Lucae 22. Hoc est corpus meum, quod pro vobis tradetur, hoc facite in meam commemorationem. Item secundò per illud quod habetur prima Corinth. 11. Ego enim accepi à domino, & infra: Hoc facite in meam commemorationē, ubi Ambrosius in libro de sacramentis: Ipse Christus est istius sacramenti sacerdos, cuius typum sacrosancta servat ecclesia.

6. ¶ Deus debet obedire diabolo.

Ista conclusio est falsa, malè sonans, piarū auriū offensiva, necnon simpliciū ad obediendū diabolo inductiva. Primū patet: Nam sequitur ex ipsa, quod deus est debitor, & tenetur ex debito, & est alligatus diabolo obedire. Et consequenter, quod diabolus licitè posset sibi præcipere & imponere legem: quia secundum Ambrosiū de virginitate lib. 2. super illo verbo: De virginibus præceptum domini non habeo, consilium autem do, &c. Ubi exponit, præceptum in subditis fectur, consilium & in amicos. Nam ubi præceptum, ibi lex. Cum secundum regulam juris (quam allegat Gregorius 9. in determinatione regulæ fratrum Minorum) non habet imperium par in parem, neq; à fortiori subditus in superiorem. Et sic in hoc casu, in nomine Jesu non deberet omne genu flecti, cœlestium videlicet, terrestrium & infernorum, contra Apostolum ad Philippenfes 2. nec esset sibi data omnis potestas in cœlo & in terra, Matthæi ultimo. Imò etiam sequeretur, quòd deus posset peccare: quia posset non facere quod deberet, & quod teneretur. Secundum patet, quia si deus deberet obedire diabolo, posset credere quicq; simplex, quod à fortiori quælibet creatura rationalis.

7. ¶ Si homo fuerit debitè contritus, omnis confessio exterior esset sibi superflua & inutilis.

Ista conclusio videtur falsa, erronea & hæretica. Tum primò, quia contra determinationem doctorum, Chrysostomi, Augustini, Leonis, ex quorū sententiis concludit magister dist. 17. cap. 2. quod sacerdotibus indubitanter: oportet deo primū, & deinde sacerdoti offerre confessionem, nec aliter posse perveniri ad ingressum paradisi si adsit facultas. Tum etiam, quia scriptum est Jacobi 5. Infirmatur aliquis ex vobis? inducat presbyteros ecclesiæ, & sequitur: Confitemini alterutrum peccata vestra. Christus etiam hoc præcepit implicite in figura, cum dixit leproso mundato: Vade, ostende te sacerdotibus, Matth. 8. ut patet in glossa: Tum tertio, quia in determinatione ecclesiæ præcipientis confessionem fieri, & quantum ad alia cui sit confitendum, scilicet proprio sacerdoti: & quantum ad tempus confitendi, scilicet semel in anno in paschā: & quantum ad medium, scilicet integrè cum cordis contritione uni sacerdoti, extra. de poenit. & remiss. Omnis utriusq; sexus.

8. ¶ Si papa est præscitus & malus, & per consequens membrum diaboli, non habet potestatem fideles ab alio sibi datam, nisi forte à Cæsare.

Ista propositio est falsa & erronea: quia non minorē potestatem habent à deo sibi datā sacerdotes novæ legis, quā antiquæ ratiōe officii, siue existant in peccato siue non, siue etiā sint præsciti, quod soli deo & quibus revelavit, notū est. Sed Caiaphas malus fuit, & (ut præsumitur verisimiliter) præscitus: quia ejus malitia legitur, & non poenitentia: tamen habuit potestatem à deo sibi datam super fideles synagogæ, & ratione dignitatis pontificiæ prophetavit, ut patet per textum, & glōssā Johannis 11. Cum esset pontifex anni illius, prophetavit, &c. Multo magis papa officio habet potestatem à deo datam sibi, & non à solo Cæsare: etiam si in peccato mortali existat, prout habetur in figura, quando apostoli in cœna domini respondentes Christo, dixerunt: Ecce duo gladii hic: & ipse dixit: sufficit, Lucae 22. Habes etiam figuram in veteri testamento, Genes. 1. ubi deus fecit duo luminaria magna: unum, quod præfesset diei, & alterum nocti. Item cum præscientia sit viatoribus ignota de communi lege, nullum haberemus papam certum & indubitatum, si papa præscitus nullam haberet potestatem super fideles.

9. ¶ Post Urbanum sextum non est aliquis recipiendus in papam, sed vivendum more Græcorum, sub legibus propriis.

Ista conclusio est falsa, male sonans, erronea & contra bonos mores & hæretica, maxime quoad primā partem. Probatur primò, quoniam istud est contra determinationem & processum sacri Concilii Pisani, quod quidem universalem ecclesiam repræsentabat, & vires ejus gerebat, quæ spiritu sancto regitur, & errare non potest in quo electus sanctæ memoriæ Alexan-

Attende quā  
egregiè Pa-  
pam cadentē  
erigit!

Alexander quintus, & à dicto Concilio sacro, ut verus & Canonicus Papa receptus. Item secundò, quoad secundam partem: quoniam nullus debet imitari schismaticos & hæreticos ab ecclesia præfatos, maxime in eo quo male agunt, secundum determinationem ecclesiæ. Igitur, &c. Patet etiam istud tertio per authoritates sacræ scripturæ: Primò per illud quod habetur secundà Corinthiorum sexto? Nolite jugum ducere cum infidelibus: Glossa id est, eos imitari in legibus malis: quæ enim participatio justitiæ cum iniquitate, aut quæ societas lucis ad tenebras? quæ autem Christi ad Belial? aut quæ pars fidelis cum infideli? &c.

10. ¶ Contra sacram scripturam est, quòd viri ecclesiastici habent possessiones.

Ista conclusio est falsa, scandalosa & erronea. Sacra enim scriptura non contradicit aliàs aliquid sacræ scripturæ necessariò foret falsum. Habetur enim Actuum quarto, qualiter in multitudine credentiù nemo eorum quæ possidebat dicebat esse suum: sed erant illis omnia communia. Inter quos constat quòd erant discipuli, & multi alii viri ecclesiastici. Legimus etiam de Christo, quòd ipse habuit loculos. Item ad Timotheum tertio. Et ad Titum primo: Oportet episcopum bene esse præpositum domus suæ, & esse hospitalem. Quòd esse non posset, nisi domum possideret & hospitium. Unde Augustinus ad Bonifacium, loquens de se & Bonifacio coepiscopo suo, sic ait: Si privatim quæ nobis suffecerint possidemus, non sunt illa nostrum sed pauperum, quorum gerimus præcurationem. Item Hieremias fuit sacerdos, cui præceptum ex parte dei fuit possidere agrum Anameel sacerdotis, Hieremiæ tricelimo secundo, ubi Glossa interlinearis, ager ille sacerdotalis, cujus emptio atque possessio Hieremiæ deferretur. Item est seditiosa & incitatoria secularium ad recipiendas possessiones ecclesiasticorum & clericorum, &c.

11. ¶ Nullus prælatus debet aliquem excommunicare, nisi prius sciat ipsum excommunicatum à deo: & qui sic excommunicat, fit hæreticus ex hoc, vel excommunicatus.

Ista conclusio videtur esse temeraria: Tū quia primò nullus est dei secretarius & consiliarius, cui infallibiliter innoscat aliquem esse excommunicatum à deo, cum apostolus secundò Corinthiorū dicat: Nihil mihi conscius sum, sed non in hoc justificatus sum. Tū secundò, quia dei excommunicatio, est gratiæ subtractio: quis est qui per medium infallibile noscat deum alicui gratiam subtraxisse, sicut nec gratiam contulisse? quia hoc sciri non poterit per medium infallibile, nisi à revelatione (teste Alexandro de Hales) quia quandoque excommunicatur innocens, cum probetur crimen contumaciæ contra ipsum in foro iudicii: nec tamen in hoc iudex reprehenditur secundū Richardū: unde caus. tertiā, quæstione septima, cap. Judicet, ubi dicitur, quòd bonus iudex nihil ex arbitrio suo facit, & domesticæ proposito voluntatis, sed juxta jura & leges pronuntiat: & sicut audit, ita judicat. Tum quartò, quia Ambrosius super Beati immaculati, &c. Bonus iudex nihil paratum & meditarum de domo desert: & sicut audit, judicat: & sicut se habet causā, ita discernit: sed in iudicio stat exteriori contra innocentem & iustum, per malos testes deponi & allegari. Igitur, &c. Tum quintò, ista conclusio est scandalosa & pacis turbativa, & poenarum ecclesiæ, scilicet excommunicationis, suspensionis & interdicti conculcativa & vilipensiva: ut patet intuitu.

12. ¶ Excommunicans clericum, qui appellavit ad Regem & ad consilium regni, eo ipso est traditor Regis & regni.

Ista propositio videtur falsa & perversa. Nam potestas spiritalis convenit episcopis in suis subditis ex ordinatione, nec in hoc subsunt Regibus, aut Principibus temporalibus quia ex officio spirituales sunt: \* spiritalis enim judicat omnia, & ipse à nemine judicatur, ut dicit Apostolus, prima ad Corinthios secundo. Ideo in Concilio Chalcedonen. Imperatores Valentinianus & Martianus sacro Concilio reliquerunt decisionē: ipsi verò eorū quæ decisa sunt, susceperunt tuitionem: ut patet per Chronicas summorū Pontificū & Imperatorum.

\* Pervertit  
sensum Apo-  
stoli.

13. ¶ Illi qui dimittunt prædicare, sive verbum dei audire, propter excommunicationem prælati, sunt excommunicati, & in die iudicii traditores Christi habebuntur.

Ista conclusio est falsa, temeraria, contra bonos mores, injuriosa. Probatur primò quia pro iusta causā juncta cum bona intentione, ordine juris servato, prælatus potest præcipere sub poena excommunicationis suis subditis ne prædicent, & ne aliquis eum audiat, maxime propter falsam & erroneam doctrinā: ergo sic præcipiendo & obediendo, tales non sunt excommunica-

\* De istiusmo-  
di fulminibus  
l. rurs. vide  
A. pologium  
pro Gerlone  
scriptam à  
P. Paulo Ve-  
neco contra  
Harminum,  
I. Goldasti  
collectauctis.

municati, nec in die iudicii Christi traditores habebuntur. Probatur consequentia, quia talis sic obediens conformat se dictis sacre scripturæ & sanctorum, videlicet primo illi dicto Matthei vicemotertio: Super cathedram Moysi sederunt scribæ & pharisæi. Et per illud Hebraeorum decimotertio: Obedite præpositis vestris, & subiicite vos eis. Ipsi enim pervigilant pro animabus vestris rationem reddituri. Et per illud ad Roman. 10. quomodo prædicabunt, nisi mitterentur? Secundo patet per doctores, quoniam sententia pastoris iuste vel iniuste lata, \* timenda est.

14. ¶ Omnes de ordine mendicantium sunt hæretici, & dantes eis elemosynas sunt excommunicati.

S. ulissima  
defensio Fra-  
trum Mendicantium ab  
exemplo  
Christi & A-  
post. Papæ  
Coronæ &  
monachorum  
ventres (ut  
lesidit sed ve-  
rè Erasmus)  
magnos con-  
tradictentibus  
clamores con-  
citabant.

Ista copulativa quoad primam sui partem est hæretica, scandalosa & seditiosa. Primò, quia ex ipsa sequeretur quod Christus & Apostoli fuerint hæretici, quod nedum est hæreticum, sed blasphemum & auribus perhorrendum. Christus enim fuit mendicus ipso teste in Psalmo quadagesimoprimo, dicens de seipso: Ego autem mendicus & pauper sum. Ubi Glossa: Mendicus est, qui ab alio petit: Pauper vero, qui non sufficit sibiipso. Idem habetur Psalmo centesimooctavo: Et persequutus est hominem inopem & mendicum, & compunctum corde mortificare. Qui quidem Psalmus secundum magistrum Nicolaum de Lyra, ad litteram exponitur de Christo à Juda tradito & à Judæis occiso. Etiam patet per allegationem beati Petri, exponentis hunc psalmum ad propositum prælibatum: ubi Glossa ordinaria: Persequutus est (inquit) hominem inopem & mendicum, id est, Christum. Item si omnes religiosi sunt hæretici, aut ut religiosi, & suam religionem observantes, aut non observantes, aut in quantum consentientes oppositis articulorum fidei, vel determinationis ecclesiæ: Non primum, quia sic sunt virtuosissimi, vota sua & religionem observando: nec secundo modo, quia tunc ex sola transgressione voti, regulæ, vel statuti, diceretur quis hæreticus: quod est falsum. Nec tertium, quoniam asserens huiusmodi conclusionem, nesciat assensum, quem habent omnes religiosi, deberet dubitare, & potius oppositum affirmare: cum, ubi non constat, semper est in meliorem partem interpretandum, &c.

15. ¶ Nullus est dominus civilis, nullus est prælatus, nullus est episcopus, dum est in peccato mortali.

Ista conclusio est falsa, erronea & temeraria. Tum primò, quia contra ejus partem primam est sacra scriptura. Nam ad Romanos tertio: Omnis anima potestatibus sublimioribus subiecta sit. Glossa: Non tantum bonis, sed etiam malis. Et prima Petri secundo: Servi subditi estote in omni timore dominis, non tantum bonis & modestis, sed etiam dyabolis. Et ad Rom. 3. Qui potestati resistit, dei ordinationi resistit: Glossa, id est, habenti potestatem dei ordinatione. Et de potestate subdit, quod patet, quia eam deus præfecit rationabiliter de malis; etiam dum boni per eos male damnantur. Et Saul cum à domino esset reprobatus, dei populum judicabat, & ejus iudicium universus populus expectabat. Unde David post reprobationem Saulis profitens ipsum dominum, dixit: Propitius sit mihi dominus, non extendam manum meam in christum domini, primo Regum vicemotuarto: Tum David cum esset adulter & homicida, interrogatus à Propheta sententiam, in divite cecidit, qui ovem pauperis rapuit, dicens iudicium mortis, Mortis viro hic ovem reddet in quadruplum. Et Salomon, cum propter amoris mulierum deos Gentilium coleret, sicut dicitur, tertio Regum vicemotuarto, universus Israel ad iudicium ejus confluebat. Tum secundo, quia quoad ejus secundam partem de malis prælatis Judæorum dicebat dominus: Quæcumque dicunt facite, &c. falsitas enim patet in Caiapha, Anna & aliis in veteri testamento senioribus & prælatis.

16. ¶ Domini temporales possunt ad arbitrium suum auferre bona temporalia ab ecclesia, & possessiones habitualiter à delinquentibus.

\* En! cum  
quibus histo-  
ricis versan-  
tur monachi?  
Itane vero?  
sed quàm  
magnos tan-  
dem? num  
qui Cæcilio-  
pibus recipi-  
endis suffice-  
rent?

Ista videntur favere avaritiæ & hæresi Juliani apostatae dicentis, ut Christus dixit in evangelio: Nisi quis renuntiaverit omnibus quæ possidet, non potest meus esse discipulus. Et hic colorabat avaritiâ suâ, auferendo bona à Christianis, ut \* habetur in legenda sanctorum Johannis & Pauli. Sic & asserens istâ propositionem, incitat dominos temporales ad avaritiam, rapinâ & sacrilegium, contra bonos mores. Nam viri ecclesiastici possunt habere bona temporalia, ut per Glossam super illud Johan. 12. loculos habens, dicit Glossa: Exemplum domini accipite conversantis in terra: quare habuit loculos, cui angeli ministrabant? nisi quia ecclesia ipsius? loculus habitura erat. Ex quo patet, quod licet eis habere temporalia. Et Beda super Canonicam Johan. 3. exponens illud verbum Johannis evangelistæ, nos debemus suscipere huiusmodi

modi ut cooperatores simus veritatis. Glossa: Qui possumus implere indigentiam illorum. Et sic qui omnia relinquit, divitibus se comparat: hoc ideo facit, ut alacriores eos reddat, & promptiores ad inferendum pauperibus, vel quia bona omnia ecclesiae in manu sua erant. Ex quibus sequitur, quod qui auferunt bona temporalia ab ecclesia, non solum episcopis & ecclesiasticis possessionis nocerent, sed etiā \* pauperibus Christi, quod est crudele, &c.

\* Quasi clerici  
Rom. ecclesie  
dicitur mi pauperibus  
solent elargiri,  
quod sibi, ultra  
sumptus  
necessarios;  
superest.

17. ¶ Populares possunt ad suum arbitrium dominos delinquentes corrigere.

Ista conclusio est falsa, scandalosa, pacis turbativa, contra bonos mores & erronea. Patet primò, quoniam si sic, tunc perverteretur ordo politicus & civilis, quod patet, quoniam tunc data hypothese subditi possunt exercere in suos superiores & dominos iudicium, potestatem jurisdictionis. Et si sic, tunc sequeretur, quod subditi possent esse superiores, & non inferiores respectu dominorum, quod est falsum. Patet secundò, quoniam istud est contra dictū Christi, Matthaei decimo, dicentis: Non est servus supra dominum suum. Item est contra dictum Apostoli, 1. Corinth. 6. Quicumque sunt sub iugo servi, dominos suos omni honore dignos arbitrentur. Et prima Petri secundo: Servi subditi estote in omni timore dominis vestris, non tantum bonis & modestis, sed etiā dyscolis. Item ad Ephesios, 6. Servi obedite dominis carnalibus in timore & tremore, in simplicitate cordis vestri, sicut in Christo.

18. ¶ Decimae sunt purae eleemosynae, & parochiani possunt propter peccata suorum praetorum ad libitum eorum eas auferre.

Ista copulativa pro prima parte est falsa & erronea, & contra determinationem ecclesiae universaliter intellecta. Ad secundam partem est falsa, contra bonos mores & seditiosa. Primum patet, quia tunc nullae decimae solvere caderent sub praecepto: quod est contra illud quod habetur Malachiae 3. Decimas inferte in honorem meum. Et Levitici: Omnes decimae terrae, sive de frugibus, vel pomis arborum domini sunt. Et Numeri decimo octavo: Filiis Levi dedit deus decimas in possessionem Israelis pro ministerio, quo serviunt in tabernaculis foederis. Item hoc est contra Glossam super illo verbo: Decimas & primitias non tardabis offerre, ubi sic dicitur: Si tardius dare peccatum est, quanto magis peccatum est non dedisse? Item est contra Glossam super illo verbo Christi: Vae vobis scribes & pharisaeis, qui decimas mentham & cuminum, & relinquitis quae graviora sunt legis. Hoc oportet facere & illa non omittere, ubi sic ait Glossa: Praecepit deus omnium rerum decimas propter alimoniam sacerdotum. Item hoc est contra Decretalem Alexandri quarti, extra. de decimis. Mandamus (inquit) quatenus parochianos ad solvendum decimas movere curetis, & si opus fuerit, sub excommunicationis sententia compellatis. Item est contra Decretalem Innocentii 3. in Concilio Lateranen. taliter continens: Illae (inquit) decimae necessariae sunt solvenda quae debentur lege divina, vel consuetudine approbata. Secundū patet, quia per istam secundam partem inducunt debentes decimas ad non solvendum, ut incitantur inferiores contra praetatum. Et e contra. Et facit inferiorem & subditum, iudicem supra superiorem & praetatum suum sive rectorem, pervertendo jus naturale & etiam positivum.

19. ¶ Speciales orationes applicatae uni personae per praelatos vel religiosos, non plus profunt eidem, quam generales, ceteris paribus.

Ista propositio est falsa & erronea. Tum quia sequitur primò, quod oratio beati Gregorii applicata Trajano, non plus profuisset eidem, quam aliis. Consequens est inconveniens quia meritis illius est resuscitatus & a gehenna pro sua infidelitate, quam meruerat, praeservatus. Et tamen haec oratio non valuit aliis. Idem de praetatis ubi commisisset subditis, ceteris paribus. Tum sequeretur secundo, quod in consimili casu oratio beati Stephani in sua lapidatione non plus valuisset Paulo, quam aliis: qui forte erant dispositiores ad illam secundum potestatem iustiorum. Consequens est falsum secundum Augustinum in sermone de beato Stephano, dicentem: Processit Stephanus trucidatus lapidibus Pauli, illic Paulus sequutus est adjutus orationibus Stephani. Sequitur tertio, subditum qui etiam ex injuncto praetati pro aliis orat, non plus sibi proficere, quam aliis. Consequens est falsum. Nam secundum Gregorium, quisquis pro illo mercede nititur, sibi potius ex ipsa charitate suffragatur. Sequitur quarto, quod iste qui ex injuncto praetati pro uno defuncto tenetur dicere unam missam, & pro alio aliam: si dixerit pro illis duobus, cuilibet illorum solveret illud ad quod tenetur, quod est falsum. Sequitur quinto, orationem quae ex injuncto sufficeret ad unam tantum restringere: nisi Gregorius I. (ut innuitur quidē in Legendā) majore ceteris Pontificibus gratia & praerogativa assequutus est; idque tantum vice. Tu autem, Alфонсе Ciacconi, qui tibi vilius es videri: care Legendam, magnam meritis a te

Vide Legend.  
46. Jac. de  
Voragine, qui  
hanc fabulam  
de animā  
Traiani ex  
interno li-  
beratā Gre-  
gorii preci-  
bus, refert ex  
Fonsiis Da-  
ma'ceni.  
Quare ergo  
(si hoc cre-  
dendum est)  
Pontificii po-  
testatem Papae  
ad purgatori-  
um tantum restringunt?  
aliquotus est; idque tantum vice.

plenam

plenam liberationem unius animæ de purgatorio; sufficeret ad liberationem aliarū ad æqualem poenam obligatarum. Sequitur sexto, ecclesiæ consuetudinem esse erroneam, quæ orationes ad deum fundit pro specialibus personis, quod non est sanum credere, ac pium.

20. ¶ Conferens elemosynam fratribus est excommunicatus eo facto.

Ista assertio videtur consonare hæresi Diotrophis, qui prohibebat elemosynam dare pauperibus: ut patet in tertia Johan. in textu & in Glossa, ubi dicitur: Quia primum amat gerere in vobis Diotrophes, non recipit nos. Et sequitur paulo post: Quasi non ei ista sufficiant, nec ipse suscipit fratres: Glossa, id est, indigentes. Et eos qui suscipiunt, prohibet: Glossa; id est, ne impendant curam humanitatis. Et subiungit ibidem Glossa: Tu autem perseverare debes in operibus, quoniam scriptum est: Beatus qui intelligit super egenum & pauperem, in die mala liberabit eum dominus: Psalmo quadragesimo. Ex hoc satis apparet, quod conferre elemosynam fratribus est opus pietatis: & per consequens, qui hoc facit, non est excommunicatus eo facto. Et confirmatur, quia mulier Sareptana quæ pavit Eliam penitentem ab ea aquam & panem, non propter hoc vituperatur. Et dominus Jesus dixit discipulis ad prædicandum missis: In quamcunque domum intraveritis, & susceperint vos: in eadem manete, edentes & bibentes quæ apud illos sunt: Dignus est enim operarius mercede sua, Lu. 10. Matth. 10. Quicumque potum dederit uni ex minimis istis calicem aquæ frigidæ tantum in nomine meo: amen dico vobis, non perdet mercedem.

21. ¶ Si aliquis ingreditur religionem privatam qualemcumque, tam possessionatorum quam mendicantium, redditur ineptior & inhabilior ad observantiam mandatorum dei.

Ista conclusio est falsa & erronea, contra bonos mores & hæretica, ut patet primo, quoniam per ingressum cujuslibet religionis private, de qua ipse loquitur, potissime mendicantium, quilibet talis intrans, fugit mundum, & per consequens, occasionem illorum quæ sunt in mundo, quæ sunt peccata: juxta illud primæ Johannis secundo: Omne quod est in mundo aut est concupiscentia carnis, aut concupiscentia oculorum, aut superbia vitæ, quæ non sunt ex Patre. Sed intrans religionem aliquam de supradictis, potissime mendicantium: per votum castitatis, fugit concupiscentiam carnis: per votum paupertatis, fugit concupiscentiam oculorum: & per votum obedientiæ, fugit superbiam vitæ, ut patet de se. Igitur. Item, talis intrans religionem privatam de supradictis, conformatur se dicto Apostoli ad Roman. 12. Nolite conformari huic sæculo, &c. Ergo non redditur per ingressum religionis ineptior & inhabilior ad observandum mandata dei. Item talis etiam intrans religionem, accipit per hoc statum perfectionis, & attingit, juxta illud Matth. 19. Si vis perfectus esse, vade & vende omnia quæ habes, &c. quæ quid ad votum, seu ad consiliū paupertatis pertinent. Item est istud etiā contra determinationem ecclesiæ, quæ religionem mendicantium approbavit, & confirmavit, ac diversis privilegiis dotavit. Item istud est expressè contra doctrinam Christi: quia consiliū Christus trium votorum prædicavit & docuit. Et ad hæc sic arguitur: Christus nihil consuluit, quo quis redderetur inhabilis & ineptus ad observantiam mandatorum dei: sed ipse expressè docuit, & consuluit servare consilia tanquam perfectionis causam: quæ quidem consilia, fundamenta & principia sunt religionum mendicantium: patent omnia supradicta per casum, seu textum evangelicum: qui habetur Matthæi decimonono de juvene, qui Christo dixit: Quid faciam, quod vitam æternam possidebo? Respondit Jesus: Serva mandata. Dixit ei adolescens: Hæc omnia custodivi, quid mihi deest? Ait illi Jesus: Si vis perfectus esse, vade & vende omnia quæ habes, & da pauperibus, & veni & sequere me. Item divitiæ humanæ difficultant hominem ad ingressum religioni regni cœlorum, quod per observantiam mandatorum acquiritur. Patet etiam istud Matthæi decimonono, quam difficile est divitem intrare regnum cœlorum. Sed per ingressum religionis potissime mendicantium, fugiuntur divitiæ humanæ. Igitur, &c. Item sequeretur, quod religio Apostolica à Christo instituta, Lucæ decimo: quæ quidem est privata, & non omnibus communis, esset causa quoad suum ingressum, quæ aliquis redderetur ineptior & inhabilior ad divina præcepta servanda: quod est manifestè falsum. Item illa conclusio favet errori Arriani, qui pro nihilo ponit tria consilia ut puta obedientiam, paupertatem & castitatem.

22. ¶ Sancti instituentes religiones præfatas, sic instituendo peccaverunt.

Ista conclusio est falsa, erronea, hæretica & piarum offensiva aurium. Ex ipsa enim sequeretur, quod instituendo ut aliquis voveat & observet deo obedientiam, paupertatem & castitatem peccat,

Mira fratrum mendicantium obtemperatio præfata 1. S. Joh. 2. 15.



peccat. Item instituendo observantiam evangelii, & imitationem vitæ Apostolorum, peccaret, quod est blasphemum: imò etiam \* sequeretur, quòd Episcopus sanctorum peccavit instituendo religionem evangelicam & Apostolorum, quo nihil blasphemius esse potest. Item sequeretur, quòd Innocentius quartus, Nicolaus quartus, Clemens octavus & alii multi summi Pontifices, prædecessores & successores approbando religiones, & confirmando, sicut Nicolaus tertius de verbo illo: Exit qui seminat. Et in Sexto, & Clemens in cle. cum de Paradiso peccassent. Videtur etiam male sonans ex virtute vocabuli, religio, quod semper sonat in bonum, eò quòd habet religare virtutibus, sive votis: & opponitur dissolutioni, quæ semper sonat in malum. Inde dicitur religio Christiana, de qua Jacobi primo: Religio munda & immaculata apud deum & patrem, hæc est, visitare pupillos & viduas in tribulationibus eorum, & immaculatum se custodire ab hoc seculo, & supra: Si quis putat se religiosum esse, non refrænans linguam suam, hujus vana est religio. Idcirco ironice Jesus filius Syrach. 4. Ecclesiastici sic dicebat: Cum viro religioso tracta de sanctitate. Ubi Glossa: Prævidenda est consiliorum prudentia, religio & voluntas, &c.

\* Nihil habet commune hoc cum illo: si quid peccatur, peccatur ex parte hujusce nugatoris, qui fingit consequentias, eaque denum questionem affigit, quæ nihil ejusmodi sapit.

23. ¶ Religiosi viventes in religionibus privatis, non sunt de religione Christiana.

Ista est falsa & temeraria. Tum primò, quia vitæ perfectio secundum Augustinum in Apostolica, consistit in amoris elevatione ab infimis, in cordis reformatione, ac libidinum cohibitione, in adhaerendo deo & suis. Sed in iis tribus consistunt religiones privatae: quia in voluntaria paupertate, elevantur ab infimis, dicentes cum Apostolis: Ecce nos reliquimus omnia, &c. Et sincera charitate, qua motus carnis cohibent libidines: quia ut ait commentator super veræ evangelicæ Hierarchiæ: Castis intellectus oculis castitas & fumus amor: omnino de pravitate corruptionis & integritatis. Et in obedientia, quæ est voluntatis subiectio, (teste Damasceno libro tertio) quæ est melior quam victimæ. Et ideo dicit melior Gregorius \* mor. quia per victimas aliena caro, per obedientiam verò voluntas propria mactatur. Igitur, &c. Tum secundò, quia cum vera religio sit, qua unus Deus colitur, ut purgatissima pietate cognoscitur secundum Augustinum de vera religione: ubi verius contigit ista reperiri, quam in religionibus privatis conformibus vitæ Christi & Apostolorum ejus, præsertim in abdicatione proprietatis? dicente Nicolao tertio, ut ponitur in 6. cap. Exiit. Hæc est via perfectionis, quam Christus ostendens verbo docuit, exemplo confirmavit, & quam militantis ecclesiæ primi fundatores, prout ab ipso fonte hausierant, in volentes perfectè vivere per doctrinam ac vitæ ipsorum alienos derivaverunt. Tum tertio, quia Ecclesiâ Catholicam errare non contingit, ut habetur in Glossa super illud: Et tu aliquando conversus, confirma fratres tuos. Et Ecclesiâ Catholica approbat religiones privatas & regulas earundem: ut patet de Augustino, Basilio, Benedicto & Francisco, cujus regula incorporatur in jure in sexto Decretalium, sub tamen vero signo, &c.

\* Moral. lib. 39. cap. 10. edit. Par. 1586.

24. ¶ Fratres tenentur per labores manuum victum acquirere, non autem per mendicitatem.

Ista propositio est falsa, temeraria & erronea, si intelligatur universaliter. Patet. Repugnat enim Glossa, quòd sancti meritò avibus comparantur, coelum petunt: & quidam ita remoti sunt à mundo, ut jam in terris nihil agant, nil laborent, sed contemplatione jam coelo degant. Item Gregorius super Ezechielis 3. in secunda parte Homiliæ secundæ dicit, quòd contemplativa vita est, charitatem dei & proximi totaliter retinere, & ab exteriori actione quiescere, soli conditori inhaerere. Ex iis sequitur, quòd fratres ducentes vitam contemplativam, non tenentur per labores manuum victum acquirere. Item vacantes prædicationi evangelii, licet de prædicatione evangelii vivere. Unde secundum Apostolum prima Corinthiorum nono: Dominus ordinavit iis, qui evangelium nuntiant, de evangelio vivere. Item licet eis Christum sequi, in cujus persona dicitur per Psalmistam: Ego autem mendicus sum & pauper, dominus sollicitus est mei. Igitur licet eis mendicando victum acquirere. Item est contra regulam fratrum Minorum incorporatam in sexto, ubi dicitur: Vadant pro elemosyna confidenter, nec oportet eos verecundari: quia dominus pro nobis se fecit pauperem in hoc mundo. Item est contra Decretalem Nicolai tertii ubi eximuntur à labore fratres modò dicti, divinis officiis occupati, & contemplatione celestium de gustantes, & Christo fratres tribus prædictis fratrum generibus ministrantes & servientes.

25. ¶ Omnes sunt simoniaci, qui se obligant orare pro aliis, eis in temporalibus subvenientibus.

Ista

Ista conclusio si universaliter intelligatur, est falsa, temeraria contra bonos mores & erronea. Patet primò, quoniam est contra charitatem & recognitionem beneficii accepti. Item secundò, quia tales subventiones temporales recipiens obligatur ex debito deum orare pro conferentibus. Item est contra doctrinam Christi, qui docuit pro beneficio temporali recepto dare spirituale beneficiū. Patet Lucæ 10. Dignus est mercenarius mercede sua. In quacunq; civitatem intraveritis, & susceperint vos, manducate quæ apud illos sunt, & curate infirmos, qui in illa sunt. Et Matthæi 20. Voca operarios & redde illis mercedem. Item tertio patet per illud, quod habetur primò Corinth. 9. 11. Si nos vobis spiritualia seminavimus, non magnum est si nos carnalia vestra metamus. Item prima ad Corinthios 9. 7. Quis pascit gregem, & de lacte gregis non manducat? Item Gregorius super illo verbo: Dignus est operarius, &c. ait: Sumunt enim jam de mercede operarii ipsa alimenta sustentationis. Et infra: quia in re considerandum est, quòd uni operi nostro duæ mercedes debentur: una in via, quæ nos in labore sustentat: & alia in patria, quæ nos in resurrectione remunerat. Item Christus exemplo etiam reddere pro temporali spirituale docuit, Lucæ 19. Dum Zachæus publicanus eum hospitio recepit, Christus idem Zachæo dixit: Hodie huic domui salus à deo facta est, venit enim filius hominis quærere & salvum facere quod perierat, &c.

26. ¶ Oratio præciti nulli valet.

Ista est falsa, erronea, si universaliter intelligatur: quia tunc sequeretur, quòd opus bonum de genere factum, in charitate factum & ex charitate, non esset meritorium alicujus temporalis præmii, vel æterni, contra illam regulam vulgarem. Sicut nullum malum impunitū, ita nullum bonum irremuneratum. Præterea bona opera facta in peccato mortali ad aliquid valent, saltem ad præmium temporale. Igitur à fortiori bona opera in gratia & ex charitate. Hæc enim conclusio est contra Augustinū ad Parmenian. sic dicentē: \* Verba quæ pro populo dicantur in precibus, etsi à malis dicantur episcopis: exaudiuntur tamen, non ob perveritatem præpositorū, sed pro devotione populorū. Itē Jacobi quinto sic inquit: Infirmatur quis in vobis? inducat presbyteros ecclesiæ, & orent pro eo, ungentes eum oleo sancto, & oratio fidei salvabit infirmum. Ubi constat secundū doctores f. magistrū disti. 24. quarti, & Hugonē de sacramentis, quòd Jacobus instituit sacramentū unctionis extremæ, quòd datur in præceptū saltem ne contemnatur vel negligatur secundū magistrum disti. 24. quòd esset difficile ad implendum, immo impossibile, nisi ex revelatione divina, cum sine illa nesciatur quis est præcitus, aut quis prædestinatus. Igitur, &c.

\* S. Augustinus  
contra Epi-  
istolam Par-  
meniani. lib.  
2. cap. 8.

27. ¶ Omnia de necessitate absolutā eveniunt.

Ista propositio est falsa & erronea: quia ex ipsa sequitur primò superflua esse præcepta, prohibitiones, leges, Consilia & monitiones, omnia ista sunt absurda. Nā de monitione dicit Augustinus in [ de lib. arbit ] Qui æstimat non esse monendum hominem bene vivere, de hominum numero non est existimandus. Et ita conformiter de præceptis, prohibitionibus & similibus. Et consequentia patet, quis enim præcipit, prohibet, consulit aut monet solē oriri, cras pluviam non esse, hyemem, & sic de cæteris, quæ necessitate absoluta legi naturæ inevitabili currunt? Sequitur secundò obliquitas, deformitates & peccata tolli, teste beato Augustino: Nemo peccat in eo quod vitare non potest. Et 34. quæst. 1. nullo modo ad opprobriū malæ voluntatis trahitur, quod conditio necessitatis extorsit. Sequitur tertio, omnem actū laudabilem, virtuosū, meritorium, etiam præmiū & liberum arbitriū excludi. Omnia ista absurda: nam de præmiis distinctione secunda, liberi arbitrii condidit nos deus, nec ad virtutes, nec ad vitia trahimur aliquando, ubi auctoritas & corona non est. Et Tullius de fato & divinatione, Qui dicunt necessitate evenire, quæ futura sunt, fati necessitatem confirmant. Et sequitur statim ibidem: Hi hominem voluntate spoliant, necessitate devincunt: quod tolerabile non est. Consequentia patet, quia non laudamur, nec vituperamur, mere-mur aut præmiamur, nisi de iis quæ sunt in potestate nostra ad utramque partem contradictionis flexibilia: quæ non contingerent si omnia de necessitate absoluta evenirent. Præterea, sicut memoria nostra non cogit facta esse quæ prætereunt: sic dei præscientia non facienda quæ futura sunt, per Augustinum de libero arbitrio. Sed propter aliud nihil, teste Richardo 53. quā propter divinam præscientiam monentes homines errantes ad concedenda omnia futura de necessitate evenire, &c.

28. ¶ Confirmatio juvenum, clericorum ordinatio, locorum consecratio, reservantur Pæ & Episcopis, propter cupiditatem lucri temporalis & honoris.

Ista

Ista est injuriosa & erronea. Infamat enim praelatos de cupiditate lucris & honoris, contra illud quod dicitur Exodi 22. Dis ne detrahas: Glossa, id est praelatis. Quod etiam sit falsa, patet per illud: quod est in jure divino & ecclesiastico, attribuit cupiditati. De jure enim divino soli episcopi possunt sacros ordines conferre: nam dominus habuit discipulos quosdam in numero duodenario Luca 11. Quosdam in numero septuagenario Luca 4. Primos apostolos nominavit, supra \* quos ecclesiam fundavit, ad Ephesios 2. Superaddicati supra fundamentum apostolorum & prophetarum. Et ipsis primò fuit collata potestas imponendi manus, & consecrandi Aaron, & simplices discipulos: ut patet in textu & glossa Actuum 8. Apostolis verò succedunt episcopi, & episcopis simplices sacerdotes, ut habetur 21. cap. in novo testamento: patet autem quòd potestas ordinandi & manus imponendi, seu confirmandi secundum formam ecclesie primitivæ episcopis approprietur: nimia enim esset confusio, si quilibet sacerdos posset sacros ordines conferre, & potestatem Hierarchicam: sed cuilibet presbytero liceret officia ecclesiasticæ Hierarchiæ exercere, distribuendo ordines ecclesiasticos, officia & gradus. Item consecranda est ecclesia per episcopum, ut patet de conse. dist. 2. cap. 1. Igitur, &c.

Extra glossam nihil sapit hic auctorculus.

\* Quid igitur fiet de petra Petri?

19. Universitates, studia, collegia, graduationes & magisteria in eisdem, sunt vanâ gentilitate introducta, & tantum profunt ecclesie sicut diabolus.

Ista conclusio est falsa, injuriosa, scandalosa, contra bonos mores, in fide suspecta. Patet primò, quia illud quod recta & justa intentione, ac in sancta dei ecclesia pro utilitate reipublice ecclesie est introductum, non debet censeri quovis modo vanâ gentilitate introductum: sed universitates, studia, collegia, graduationes & magisteria sunt hujusmodi, igitur, &c. Major est nota de se: & minor probatur, quoniam non est verisimile, nec etiam ecclesie credendum, quòd ecclesia sancta universitates, studia, &c. fundaret & approbaret, & privilegiis dotaret, nisi ipsa forent talia, sicut & sunt: igitur. Item omne illud quod est autoritate ecclesie introductum, non est vana gentilitate introductum: sed universitates, studia, &c. sunt autoritate ecclesie introducta: igitur, &c. Major est nota de se: minor probatur, quoniam universitates, studia, &c. autoritate sedis apostolicæ, & nullius alterius sunt introducta. Item per universitates & studia, graduationes & magisteria, & talia collegia, valentes & notabiles persone vita & scientiis, maxime sacræ pagine fuerunt dotatæ, & in illis educatæ: quarum doctrina, scientia, libris, vita, ecclesia dei fulget ut sol & luna: ut patet inter alios de doctoribus, scilicet sanctis Bernardo, Anselmo & Thoma de Aquino, & pluribus aliis doctoribus. Istud etiam patet per generale Concilium ecclesie, extra. de magistrorum super specula. Item in antiqua lege fuerunt doctores & magistri, qui non fuerunt vana gentilitate introducti, Luca secundo. Invenimus Jesum in templo, in medio doctorum sedentem, & audientem illos, & interrogantem. Item Johannis tertio, de Nicodemo, cui Christus dixit: Tu es magister in Israel, & hæc ignoras? Super quo Hieronymus in prologo. 4. Oportet laudare Israelis doctrinam & sapientiam, & ita hortor, itaque fomentum benevolentia, attentione, & studio lectum facere. Item in lege nova fuerunt etiam doctores, quos Christus instituit, qui non fuerunt vana gentilitate introducti, ut patet ad Ephesios: Ipse, supple Christus, dedit quosdam doctores & pastores ad consumptionem sanctorum, & opus ministerii. Actuum 13. Erant in ecclesia, quæ erat Antiochiæ, prophete & doctores, in quibus Barnabas, Simon, Lucius & Saulus. Ipse etiam Saulus, sive Paulus fuit ecclesie universalis doctor, &c.

30. Excommunicatio papæ, vel alterius praelati non est timenda, quia est censura Antichristi.

Ista causalis quantum ad ejus primam partem, est falsa & erronea, & contra determinationem ecclesie & clavium, & jurisdictionis ecclesiasticæ, & gladii spiritualis \* damnabiliter contemptiva. Quoad secundam partem est falsa, injuriosa & etiam scandalosa. Primum patet in Decretali Gregorii, de Sen. excommunicationis: cum excommunicatio sit medela. Item quia tunc Paulus optasset Antichristi censurâ, cum optavit pseudoapostolis anathema. Item Apostolus præcepit Corinthiis usum hujusmodi censuræ, unde mandavit turpem fornicatorem extra communionem poni, Corinth. 6. Item princeps spiritualis debet uti gladio principaliter ad correctionem malorum, alias frustra haberet gladium: qui quidem gladius est potestas excommunicandi. Cæterum excommunicatio etymologicè est a communione ecclesie separatio 11. q. 2. cap. Nihilq. Prodest interdum excommunicatio ut erubescat, & ne sacramentis se indignè immisceat, expedit etiâ excommunicatio: quia puniit ejus transit tæ-

\* Articulus damnabiliter contemptivus clavium. Hic censor articulorum fuit certe professor eloquæ in aliqua eorum, quas laudat, Universitarum: sed quia, nescio, argumenta hominis paria sunt loquutioni.

teris in exemplum, & ne alios inficiat. 24. quæst. 3. cap. Resecandæ. Et sunt putridæ carnes: & scabiosa ovis à caulis est repellenda, ne tota domus, massa, corpus & pecora, ardeant, corrumpantur per eas & intendant. Arius in Alexandria una scintilla fuit, sed quoniam non statim oppressa, per totam urbem flamma ejus propalata est. Secunda pars patet, quia per eam contemnitur ecclesiastica censura, scilicet excommunicationis, quæ est major, imò maxima ecclesiæ poena. Etiam est injuriosa, videlicet excommunicationem Papalem attribuire Antichristo: quasi volens innuere quod Papa sit \* Antichristus, & ulterius quod Antichristus talem censuram exercere non potest, cum non habuerit jurisdictionem in ecclesiastica hierarchia, &c.

\* Moastrum horrendum!

### 31. ¶ Peccant fundantes claustra, & ingredientiæ sunt viri diabolici.

Ista conclusio est falsa, erronea & sapiens hæresim. Nam ex ista sequitur primò, Samuellem prophetam fuisse diabolicum. Secundo prophetas fuisse diabolicos. Tertiò Johannem Baptistam fuisse diabolicum. Quarto Christum & apostolos fuisse diabolicos: omnia ista sunt nefanda. Primum patet, quia religiosorum conventus primus Samuel constituit jugiter psallentium domino. Et magister in historiis super illo: Ebrium herbis gregem prophetarum. Secundum patet, quia religiosorum personam gesserunt prophetae, & eorum sequaces, ut patet in eodem, & Hieronymus 62. filii quidem prophetarum, quos monachos in veteri testamento legimus, ædificabant sibi casulas prope fluentia Jordanis, & urbibus derelictis, polenta & herbis agrestibus victitabant. Tertium patet, quia Johannes Baptista in eremo vixit, cui vestis aspera, zona pellicea, mel sylvestre, omnia virtuti & continentiae præparata. Unde Hier. in epistola 60. ad Eusebium, refert Josephum talium in secunda Judicæ captivitatis historia scripsisse vitam. Anachoritarum author fuit Paulus & illustrator, ante Christum princeps Johannes Baptista. Quartum patet, quia filius Dei cum esset dives omnium, factus est tamen propter nos egenus: qui sacram religionem veritatis instituit, & authenticavit quando pauperes elegit, divites jussit ut relictis omnibus eum sequerentur, Matth. 4. Venite post me, &c. Et de qua apostoli gloriantur. Matth. 19. Ecce nos reliquimus omnia, & secuti sumus te, quod est apostolici vestigii, ut ait Hieronymus epistola 8. Ex hoc fecit apostolos, ait Chrysostomus super Matthæum in homilia 46. Magna ergo apparet infamia detrahentium religionibus privatis imitantibus vitam Christi, & apostolorum religionem, quam Christus discipulis tribuit, & aliis prædicavit, Matth. 4. Si vis perfectus esse, vade & vende omnia quæ habes, &c.

Samuel institutor Conventuum: Monasteria ergo sunt origines Judaicæ.

### 32. ¶ Ditare clerum, est contra regulam Christi.

Ista videtur falsa & erronea, cum regula Christi extendat se non solum ad contemplativos, sed etiam ad activos, ut patet per glossam Lucæ 10. ubi comparat Mariam vitam contemplativæ, & Martham activæ. Prælati namque, utramque vitam debent exercere, quia exemplo Moyse qui sæpe ingrediebatur tabernacula fœderis, & ibi vitam contemplativam ducebat, & sæpe egrediebatur ad populum per vitam activam regendam, ut patet in libris Leviticæ & Numerorum. Similiter Johannes laudat Gaium virum religiosum in tertia canonica dicens: Fideliter facis, quicquid operaris in fratres, & hoc in peregrinos, qui testimonium reddiderunt charitati tuæ in conspectu ecclesiæ, quos benefacies deducens dignè Deo. Et sequitur postea: Nos ergo debemus suscipere hujusmodi. ubi glossa videtur innuere, quod viri ecclesiastici tenentur & dicuntur suscipere fratres peregrinos, quod pro nomine Dei profecti, & eisdem humanitatem impendere providendo de necessariis. Unde sicut præcipuè sacerdotes tenentur omni poscenti rationem de ea quæ in nobis est spe. 1. Petri 3. ad confortandum fidem pusillorum: sic valde utile est ad confortandum charitatem infirmorum, habere divitias quibus sustententur: exemplo beati Clementis, qui non sinebat pauperes quos unda baptismatis renovaverat, publicæ mendicitati esse subjectos, ne donis gentilium coinquinarentur, &c.

### 33. ¶ Sylvester Papa & Constantinus Imperator erraverunt, ecclesiam ditando.

Ista conclusio est temeraria, scandalosa, in fide suspecta, contra bonos mores & erronea. Patet, quoniam quilibet homo tenetur de jure obsequi Deo, sive servire de bonis fortunæ: igitur, &c. Major est nota de se, & minor probatur per illud quod habetur Matth. 10. Qui vos recipit, me recipit, loquebatur Christus de discipulis: & qui recipit, recipit illum qui me misit. Item Christus suæ ecclesiæ factum, sibi putat factum fore, patet Acto. 9. de Paulo, qui persequabatur ecclesiam, cui Christus dixit: Saule, Saule, quid me persequeris? Igitur si hoc quidem

quidem per Constantinum & Silvestrū in ditando ecclesiam factum fuit non ex hoc ipsi erraverunt, cum Christus sibi factum fuisse putet, etiam per illud Matth. 16. Quod uni ex minimis meis fecistis, mihi fecistis. Item patet per illud: Quoniam ecclesiam ditare non est errare: patet, quoniam alias sequeretur, quod Moses ex praecepto divino decimis, primitiis & aliis oblationibus ditando synagogam, quae erat signum & figura ecclesiae, errasset: quod est manifeste falsum. Item etiam & vir fortissimus Judas 12. millia drachmas argenti mittendo Hierosolymam sacerdotibus errasset: quod falsum est. Item & Patritius Romanus ditando de omnibus bonis suis ecclesiam in honore virginis Mariae, errasset: quod est falsum. patet, quoniam beata virgo Maria mater Christi oblationem acceptavit, & miraculo nivis approbavit. Item papa, Christi vicarius, \* est dominus omnium temporalium, sicut est spiritualium, ut patet 22. distin. cap. Omnes. ubi supra. Deus beato Petro, aeternae vitae clavifero. terreni simul & coelestis imperii jura commisit. alicui dare quod suum est, non est errare: patet de se. ergo tempore apostolorum ditantes ecclesiam, non erraverunt, ut patet Actuum 4. Neque enim quisquis egens erat inter illos, supple apostolos & discipulos, in quibus tamen erat ecclesia: quotquot enim possessores agrorum erant, vendebant, & ponebant ante pedes apostolorum. Item Ananias & Saphira uxor ejus, dum fraudarent de pretio agri, quod multitudinis credentium erat, subitanea morte extincti sunt Act. 5. igitur, &c.

\* Papa Imperator Universalis constituitur à Gratiano & obscuro isto illius interprete.

34. ¶ Licet alicui diacono vel presbytero praedicare verbum dei absque autoritate apostolicae sedis, vel episcopi autoritate.

Ista conclusio est falsa, & contra determinationem ecclesiae, erronea & temeraria. Unde extra de haere. cum ex injuncto, expresse ista conclusio damnatur, allegando illud Apostoli ad Corinth. Quomodo praedicabunt, nisi mittantur? Ubi respondet papa antiphonice illis, qui praeenderent se à deo invisibiliter missos, cap. praellegato sic dicens: Non sufficit cuiquam asserere, quod ipse sit missus à deo, cum hoc quilibet haereticus asseveret. Sed oportet quod asseverat suam invisibilem missionem, vel per operationem. Unde cum dominus veller mittere Moysen in Aegyptum ad filios Israel, qui ut crederent ei quod mitteretur ab ipso, dederat ei signum quod converteret virgam in colubrum, & iterum informaret in virgam. Johannes quoque Baptista suae missionis speciale testimonium protulit & scripsum, respondens sic sacerdotibus & levitis, qui missi fuerant ad interrogandum eum quis esset, & quare officium baptizandi assumpsisset: Ego vox clamantis in deserto, &c. Non ergo ei credendum qui dicit se missum à deo, nisi de se testimonium proferat speciale de scripturis, vel evidens miraculum operetur. Nam de his qui missi dicuntur à deo, Evangelista loquitur & testatur, quod praedicaverunt ubique domino cooperante, & sermonem confirmante, sequentibus signis. Item ex ista conclusione sequeretur, quod quicumque, non obstante inhibitione sedis apostolicae, sacerdos vel diaconus possit praedicare: & sic haeretici non possunt à praedicatione arceri: quod est temerarium dicere, & ecclesiae periculum ex hoc non modicum immineret.

35. ¶ Ingredientes ordinem vel aliquam religionem, eo ipso sunt inhabiles ad observandum divina praecepta, & per consequens ad perveniendum ad regnum coelorum, nisi apostataverint ab eisdem.

Ista conclusio est falsa & erronea & ad malum inductiva. Tum primò, quia via consiliorum difficilior est viâ praeceptorum, propter quod Christus de consiliis ait: Qui potest capere, capiat, &c. De virginibus praeceptum domini non habeo, consilium autem do: & Hieronymus in epistola 96. Grandis virtus, & sollicita diligentia, servare quod natus sis in carne non carnaliter vivere, tecum perugnare quotidie, & inclusum hostem Argi, ut fabulae ferunt, centum oculis observare. Sed ingredienti religionem ad hujusmodi consilia se obligant, ut patet in tribus votis, & illa observare possunt, alias se ad impossibilia obligarent: igitur & a fortiori & praecepta. Tum secundò, quia Matthaei quinto: Beati pauperes spiritu, quoniam ipsorum est regnum coelorum; Insinuat Christus per hoc pauperatatem fundamentum esse virtutum & beatitudinum: sed ingredienti religionem, ad hanc se obligant, secundum exigentiam sui status propter Christum, quod melius quam monasteria construere. & pauperes sustentare, ut ait Hieronymus in epistola. Qualem vitam habuerunt credentes Alexandriae sub Marco Evangelista, ut narrat Eusebius vir doctus libro primo Ecclesiasticae historiae, cap. 16. Primò (inquit) omnium, renunciabant cunctis facultatibus, & extra urbem egressi, in hortulis vel exiguis agellulis debebant: & effugientes impiorum proposita, & vitae dissimilis contubernia, scientes impedimento esse arduum volentibus iter virtutis incedere: multa ibi sequuntur stipendia, quorum nonnulli servan-

B b 2

tur



tur à religionibus servatis. Tum teritiò, quia extremæ dementiæ est, dicere ingredientiẽs religionem non posse pervenire ad regnum, nisi apostataverint: cum scitur quòd per ecclesiam approbati, & canonizati ad ingressum eorum mutantur: ut patet in epistolis beatorum Bernardi, Augustini & Hieronymi. Unde Hieronymus in epistola 35. Licet parvulus ex collo pendeat nepos: licet crine, & scissis vestibus ubera quibus te nutriverat mater ostendat: licet in luto pater jaceat: proculcato patre progredere, & oculos ad vexillum eleva: nam solum pietatis genus in hac re est crudelissimum.

36. ¶ Papæ cum omnibus clericis suis possessionem habentibus, sunt hæretici, eò quòd possessionem habent, & omnes consentientes eis domini seculares, & ceteri laici.

Ista falsa videtur & temeraria, quia non omnes clerici voverunt paupertatem, nec videtur aliqua regula generalis data à Christo quæ eos obliget, quoniam ipsi possunt saltem ut dispensatores recipere divitias, dicente Augustino super Johannem: Hæbit (inquit) dominus oculos, à fidelibus oblata conservans, ut suorum necessitatibus & aliis indigentibus subveniret. Et tunc primum ecclesiastica pecunia instituta est, ut intelligeremus quòd præcepit non esse cogitandum de crastino, non ad hoc fuisse præceptum, ut potestate nihil servaretur à sanctis: sed ne deo propter ista non serviretur, & propter inopiæ timorem justitia deferatur. Unde sanctus Paulinus episcopus non contempsit facultates, ut patet in ejus legenda. Similiter sanctus Hilarius Arelaten. episcopus, non solum ille quæ tunc habebat ecclesia possedit, sed etiam acceptis fidelium munerum hæreditatibus, ampliavit: ut 12. q. 1. Expediit. Item sanctus Ambrosius de vita & obitu in libro Theodosii, dicit, quòd Constantinus eò quòd hæreditatem fidei principibus reliquit, magni locum meriti reperit. Item quis præsumeret hæreditare beatissimos Sixtum Papam & Laurentium archidiaconum, Romanam ecclesiam, qui habuerunt thesauros ecclesiæ, ut patet in eorum legendis. Item levitæ erant figura cleri novæ legis, & tamen dicit dominus Moyse: Præcipe filiis Israel, ut dent levitis de possessionibus suis, Numeri 35. Igitur à simili, clerus potest habere possessiones: & per consequens non sunt hæretici, dummodo alias à fide non devient.

37. ¶ Ecclesia Romana est Synagoga satanæ, nec Papa est immediatus & proximus vicarius Christi & apostolorum.

¶ Ista conclusio est falsa, scandalosa, erronea & hæretica. Primò patet quoad primam ejus partem, quoniam omne illud extra quod non est salus, supple animæ quoad vitam æternam, non est synagoga satanæ, sed ecclesia Romana est hujusmodi: igitur, &c. Major nota est de se, minor probatur extra: de summa trinitate & fide catholica, capite. Firmiter ubi primo sic habetur: Una est fidelis universalis ecclesia, extra quam non est salus, & est Romana ecclesia, ut patet 12. dist. cap. Non licet. ubi sic dicitur: Non decet à capite membra discedere, sed juxta scripturæ testimonia, omnia membra caput sequantur: nulli verò dubium est, quòd apostolica & catholica ecclesia, mater sit omnium ecclesiarum, à cujus regulis nullatenus convenit deviare: & sicut filio convenit facere voluntatem patris, sic & nos oportet replere voluntatem nostræ matris, quæ est ecclesia, cujus caput Romana consistit ecclesia: igitur, &c. Item secundò, omne illud cujus de necessitate salutis oportet sequi regulas, non est synagoga satanæ: sed ecclesia Romana est hujusmodi: igitur, &c. Major nota est de se, minor probatur dist. 2. quæst. 6. cap. Sacrosancta ubi sic dicitur: Sacrosancta Romana & apostolica ecclesia non ab apostolis, sed ab ipso salvatore nostro primum obtinuit, sicut beato Petro dixit: Tu es Petrus, & super hanc petram ædificabo ecclesiam meam. Secunda pars probatur sic: Non aliter est sentiendum, quàm quod Romana sentit ecclesia: sed sancta Romana ecclesia sentit, quod Papa est immediatus & proximus Christi, & apostolorum vicarius: igitur, &c. Major est extra: de hoc, cap. ad Abolendum. minor nota est de se, maxime cum sit caput Romanæ ecclesiæ, quæ est caput universalis ecclesiæ: ex jam dictis, & etiam per illud quod habetur lib. 6. de pœnis, ecclesia Romana omnium ecclesiarum caput est, & magistra, & in Decretis dist. 12. cap. Romana ecclesia caput est omnium ecclesiarum. Item minor patet per illud, quod habetur Johannis ultimo: Simon Johannis diligis me plus iis, &c. Et dixit Jesus: Pasce oves meas. Cum igitur jam ex dicta Decretali, cap. Ad abolendum. universalis ecclesia, cujus caput Romana ecclesia, sentit Papam esse proximum & immediatum Petri, & verum vicarium Jesu Christi: ut patet de se & ex cap. præallegato: igitur, &c.

38. ¶ Decretales epistolæ sunt apocryphæ, & seductivæ à fide Christi: & clerici sunt stulti qui eas student.

112

Ista conclusio habet tres partes. Prima pars est contra determinationem ecclesiæ, extra de const. ubi dicitur: Cujus constitutiones summorum pontificum sunt servandæ, etiam est contra dictum Hilarii papæ 24. q. 1. cap. Nulli fas. ubi sic dicit: Nulli fas sit sine sui status periculo contra divinas constitutiones, vel apostolicæ sedis Decretales temerariè loqui. Est etiam contra dictum Damasi papæ cap. Violatores, ubi sic dicit: Violatores Canonum voluntariè, à sanctis patribus graviter judicantur: & à Sancto Spiritu, cujus in-

finctu conscripti sunt, damnantur: quoniam \* blasphemare Spiritum Sanctum congruè judicantur. Est etiam contra dictum papæ hoc, in eadem causa, cap. Prima salus, ubi sic dicit: Prima salus est rectæ fidei regulam custodire, & à constitutionibus patrum nullatenus deviare. Est etiam contra Decretalem Adriani papæ, ibidem cap. Generali, ubi sic ait: Generali decreto sic statuimus, ut extunc anathema fiat & velut prævaricator fidei orthodoxæ, semper apud Deum reus existit quicumq; regum, seu episcoporum, vel potentum, deinceps Romanorum pontificum, Decretorum censuram, quemquam delere, aut violare permiserit. Ex quibus omnibus patet, quòd Decretales non sunt apocryphæ summorum pontificum. Secunda pars est hæretica, cum Decretales permaneant, & profiteantur Christi fidem illæsam, ut de sum. trin. de cel. miss. de bap. & de aliis sacramentis insurgentes condemnando, ut patet Decretalium volumina perlegendo. Unde summus iurium vertex Franciscus de Zabarellis in sermone quem fecit Paduæ, Anno Domini M. CCC. XCII. pro principio lectionis suæ ibi in laudem hujus scientiæ pulchrè sic inquit: Quid enim legis maxime Canonice potissimum, nisi ut illabefactam & incontaminatam mentem, à terrestri contagione conservans, ducat in dei notitiam, dilectionem & inhaerentiam? hæc est sola sapientia, præcipuè † Canonica, quæ ab altissimo, ante secula prodians, & in statum pauperum ad creaturæ regimen delata hominibus, hominem gloriosè sublimat, à luxuque præservat, quibus utatur instruit, & quo ordine temporalia regantur suadet, ceremoniasque & earum cultus instituit: qualiter urbi quoque moderationem, parentibus, cognatis, affinibus, amicis, notis & ignotis omnibus per officia paremus. Et idem in sermone anni sequentis sic concludit: Hanc igitur amate, hanc exquirite; hæc converforum: quoniam cæteræ partes erudiunt hominem: hæc secundum omnem modum perficit, per quam omnes gradus virtutum prompti redduntur & faciles: quemadmodum Deus colendus, qualiter diligendus proximus, honore quo celebrandi parentes, quali fide observanda, tutanda, regendaque patria, quis divinarum & humanarum rerum sit ordo, quis modus, quicquid denique secundum omnes ætatum distinctiones hominem deceat, hæc sacratissima sapientia canonica tradidit uberissime: in hac enim est perfecta ætas, virtus & sapientia: & quicquid alibi quaeritur, hic perfectissime invenitur. 37. dist. 1. Sed e contra tertia pars est erronea, blasphemæ & injuriolæ, impingens contra sententiam Innocentii 3. Gregorii 9. Bonifacii 8. Clementis 5. & Johannis 8. hi præcipientes universitatibus, clericis, doctoribus & scholaribus, tam Bononiens. quam Avinionens. quatenus eorum Decretales aliqui legerent & studerent. Item patet quòd Decretales, quæ parti suæ philosophiæ morali pro sui magna parte subalternantur, fugiunt virtutum & stultitiam, ut supra plenè secunda parte demonstratum est: & per consequens studendo in eis, tales non sunt stulti, &c.

\* Caus. 25, q. 1. Si violatores Canonum voluntariè blasphemant Spiritum Sanctum (ut statuit Damasus) quis potest esse certus de salute multorum Pontificum, imò vel ipsius Damasi, qui ejusdem blasphemiz reus peragitur à Faustino presbytero? sed blasphemia in S. Spir. longè alia res est: cuj. re. titutendæ nulla Pontificum auctoritas ausa est se dicere parem.

† Vide eundem Zabarellam de Schismate alia prædicantem: inter collect. Scharidii vel Goldasti.

Pentus Pontificum.

39. Imperator & domini seculares seducti sunt à diabolo, ut ecclesiā dotarent de bonis temporalibus.

¶ Ista propositio est falsa & erronea: quia Prover. 3. dicitur: Honora Deū de tua substantia, &c. Imperator ergo honorando Deum in dotatione sponsæ Christi de sua substantia non est seductus à diabolo, imò fecit quod debuit, nam testante Gregorio: Tanto quis debet esse humilior, atq; ad serviendū promptior: quanto se obligatorem conspicit. Tum secundo, quia ratio dicitur quòd dei minister sustentaretur de substantia divitiū & potentum: & quòd seminantibus spiritualia debent ministrare 1. Corinth. 13. Si nos vobis spiritualia seminamus, non est magnum, si carnalia vestra metamus. & super illud Psalmistæ: Sumite psalmum, & date tympanum: Glossa, id est, sumite spiritualia, & date temporalia. Igitur Imperator & principes seculares, ac alii ordinatione divina in temporalibus abundantiores, non fuerunt seducti igitur, &c. Tum tertio, quia prælati sunt dispensatores ecclesiæ bonorum, teste Augustino ad Bonifacium: Si privatum quæ nobis sufficiunt possidemus, non illa nostra sunt, sed pauperū, quorū procuracionem gerimus, non proprietatem nobis usurpatione damnabili vendicamus: seculares igitur principes ecclesiā de bonis temporalibus ad finem præmissū dotantes, fecerunt opus pium & meritorium. Præterea cum sine fide salvatoris implicita vel explicita, nulli hominum poterat esse salus. Actū. 4. & in temporis processu fuerit majus & minus monstrata, secundū Alexandrū de Hales in sum. li. 3. Et primò in natura deitatis, hinc honorari

Psalmus & tympanum, spiritualia & temporalia: pulchrè.

debut primitiis & primogenitis gregis Abel, ut significaretur quòd ille qui erat principium conditionis, & primogenitus dei filius, esset principium reparationis. Secundò, quia revelabitur in natura creata, in qua sumunt officium redemptoris, offerentis per oblationem praelationis pro hominibus ad deum, hinc honorari debuit in victimis & sacrificiis. Et tertio, quia in natura humana, & non angelica explevit officium redemptionis, hinc honorari debuit in decimis, quibus designatur natura humana, ut patet Lucæ 15. igitur in tempore gratiæ, omnia de salvatore completa sunt, debuit honorari in amplioribus à fidelibus Christianis bonis temporalibus, maxime ab Imperatore & principibus: cum illi magis abundant, juxta dictum Christi, nisi abundaverit iustitia. Et Numerorum 25. præcepit deus filiis Israel, ut dent levitis de possessionibus urbes ad habitandum, & suburbia pecoribus ac jumentis, Levitici ultimo. Si quis agrum possessionis vovit domino, sanctificatus domino erit, & possessio consecrata, & ad jus sacerdotum pertinebit. Seculares ergo principes sic facientes, zelo dei conformiter egerunt. Et igitur sic agendo, seducti non fuerunt à diabolo, &c.

40. ¶ Non est de necessitate salutis, credere Romanam ecclesiam esse supremam inter alias ecclesias.

Ista conclusio est falsa, temeraria, erronea & hæretica, si intelligatur pro tempore præsentis; probatur primò sic: Omne illud quod Christus fundavit, & instituit tanquam summum in via omnium ecclesiarum, est de necessitate salutis credendum: sed Romana ecclesia est hujusmodi: igitur, &c. Major nota est de se, & minor probatur 22. dist. cap. Omnes, ubi sic dicitur: Omnes cathedras, vel ecclesiarum cujuscunque ordinis dignitatem instituit Romana. Illam verò solus Christus fundavit, & supra petram fidei mox nascentis erexit, qui beato Petro æternæ vitæ clavigero, terreni simul & celestis imperii jura commisit. Item secundò sic: Omne illud cujus oppositum credere est hæreticum, est de necessitate salutis credendum, sed Romanam ecclesiam sic credere, est hujusmodi: igitur, &c. Major nota est de se, & minor probatur dist. 19. ubi sic dicitur: Qui non obedit statuti Romanæ ecclesiæ, est hæreticus & excommunicatus: hoc est dictum ꝑ Johannis ibidem, si talis dicit, Romanam ecclesiam totaliter credat non esse caput universalis ecclesiæ, nec posse Canones condere. Ista eadem conclusio ad suam falsitatem & condemnationem, patet ex jam immediate allegatis Decretis tribus: igitur, &c. Item & per Decretum, quod habetur 12. quæst. 1. c. Romana. ubi sic dicitur: Romana ecclesia caput est omnium ecclesiarum: igitur, &c. Item omne illud est credendum, quod est de necessitate salutis, ad cujus judicium majores ecclesiæ causas, ut principia fidei oportet referre, secundum illud est sedes Petri, qui est Romana ecclesia: igitur, &c. Major nota est de se, minor probatur extra: de bap. & ejus effec. cap. Majoris, &c. Item dist. 2. Decreti, cap. Omnis, ubi sic dicitur: Omnis qui Romanæ ecclesiæ privilegiis ab ipso summo omnium ecclesiarum in hæresim labitur, est hæreticus, &c.

41. ¶ Fatuum est credere indulgentiis Papæ.

Ista est erronea & contra bonos mores: ex ipsa enim sequitur, quòd ecclesia non haberet potestatem in remittendo peccata, & consequenter non esse verum verbum Christi, videlicet, Quodcumque ligaveris super terram, &c. Matth. 16. & Johan 20. Quorum remisieris peccata, quod nedum intelligitur de reatûs culpæ remissione, sed etiam de poenæ inmutatione. Secundò similiter conclusio ad episcopos de relaxatione, &c. Item sequeretur, quòd sponsus universalis ecclesiæ, & sponsi peculiarium ecclesiarum, suscitantes semen fratris sui, scilicet Christi eosdem, & earum sponsi priorum non possent distribuere de bonis sponsi priorum, scilicet de merito passionis ejusdem relictis ad usum sponsæ. Sequeretur etiam, quòd non possunt de bonis sponsæ, & de peculio filiorum & filiarum ejusdem, scilicet de meritis supererogationis sanctorum martyrum, confessorum & virginum, quia sunt thesauri ecclesiæ sponsæ Christi: quod asserere, est contra leges divinas pariter & humanas.

42. ¶ Juramenta quæ fiunt ad humanos contractus & civilia commercia, sunt illicita.

Ista videtur falsa & erronea: tum quia licitum est, quòd nulla lege vel jure prohibetur, per Augustinum in sermone apostolorum: sed jurare in contractibus licitis & honestis & commercii civilibus politiæ utilibus, nulla lege & jure prohibetur: igitur, &c. Tum secundò, quia jurare est actus virtutis & latitiæ, dum transeat super debitum objectum, per Hieronymum in glossa super illo, Reddas domino juramenta sua, sed justa commercia licita & honesta sunt super debitum objectum, cum sint utilia politiæ: igitur, &c. Tum tertio, quia secundum Augustinum

\* Est aliquid  
infigitur in  
omne & syl-  
logismo de  
necesse.

En! quàm for-  
titer arguit.  
L. x Pontifi-  
cum arrogat  
sibi jus in  
Ecclesiis ali-  
as --- Ergo:  
quod si totus  
terrarum or-  
bis cæco syl-  
logismo esset  
in servitutem  
abducendus.

Quantum  
profuisset  
huic authori,  
tempore Mar-  
tini Lutheri  
vivisse!

gustinum in sermone de perjurio, Jurare est deum invocare ad testimonium. Et secundum Richar. implicite est facere in deo infallibilem veritatem, & omnem cognitionem & provisionem. Et sic jurando, deo exhibet honorem debitum: igitur in contractibus & commerciis honestis jurare est licitum, dum causa assit utilis, necessaria & honesta. Legimus enim deum & sanctos in veteri testamento jurasse in pactis & foederibus: quibus forte ad bonum politicæ mundanæ non sunt minores contractus & commercia civilia.

43. ¶ Augustinus, Benedictus, Bernardus damnati sunt: nisi poenituerint de hoc, quod habuerunt possessiones, & instituerunt & intraverunt religiones: & sic à Papa usque ad infimum religiosum, omnes sunt hæretici.

Ista propositio infert blasphemiam, contra Christi consilia, dictis sanctis. Nam sancti prænominati fundaverunt religiones suas, & instituerunt secundum vitam apostolicam & consilia Christi, relegando eos qui venerunt, ad certas cæremonias & circumstantias, per quas melius, sincerius & securius possent servare mandata dei, unà cum consiliis. Patet per discursum regularum ipsorum sanctorum, & per omnes constitutiones ab ipsis introductas. Item quare homo debet dici damnatus, ex eo quod offert votum deo de omnibus suis bonis? Sed instituens religiones, prædicans, & eas intrantes, de omnibus bonis suis offerunt votum deo. Nam per votū castitatis offerunt deo corpora sua, juxta illud ad Rom. 12. Exhibeatis corpora vestra hostiam viventem sanctam. Per votum paupertatis offerunt deo omnia bona exteriora, juxta illud Rom. 15. Obsequii mei oblatio accepta fiat in Hierosolymis sanctis. Per votum verò obedientiæ offerunt deo liberius quod habent, scilicet voluntatem ac spiritum contribulatum, de quo psalmus: Sacrificium deo spiritus contribulatus, &c. Quod verò dicit Papam & omnes intrantes religionem esse hæreticos, falsum patet ex præmissis & præcedentibus. Et ita patet esse absurdum, quod juxta sententiam Johannis Evangelistæ, ex quo non affert doctrinam evangelicam, & incidit in peccatum grave, non pro eo orandum arbitror, sed igne consumendum.

44. ¶ Omnes religiones indifferenter introductæ sunt à diabolo.

Illā conclusio est falsa, insana, scandalosa, temeraria, erronea & hæretica. Patet primò ex superius allegatis in condemnatione vigesimæ primæ conclusionis. Item secundò, quoniam si sic, ut dixi in supradicta conclusione, sequitur quod religio Christiana sit introducta à diabolo: quod est absurdum & hæreticum dicere, cum constet quod à Christo sit introducta. Item tertio, quoniam si sic, ut dicit antedicta conclusio, sequitur, quod omne illud quod est vitæ æternæ meritum, est introductum à diabolo: quod est absurdum. Sed sequela ita patet, quoniam ingressus religionis Christianæ, & religionum approbatarum, est vitæ æternæ meritum, ubi saltem concurrunt omnia requisita ad ingressum religionis. Item quartò, quoniam si sic, sequitur, quod omne illud quod est mundum & immaculatum apud Deum est introductum à diabolo: sed illud est falsum & erroneum. Falsitas patet, per illud quod habetur Jacobi primo: Religio munda & immaculata apud deum & patrem, hæc est, visitare pupillos & viduas, &c. Consequentia verò patet de se: igitur, &c. Et hoc principaliter dicitur propter illum terminum, indifferenter, positum.

F I N I S.

quo

## QUONAM PACTO DOCTRINA

Johannis Wiclefi in Bohemiam venerit, & de Johanne Hus, ac Hieronymo Pragenſi, ex historia Bohemorum, cujus author fuit Æneas Sylvius.

**S**UB Wenceslao rege, nostra demum (inquit) memoria, ætatis verò suæ anno circiter quinquagesimo, perfida Hussitarum insania ortum habuit: cujus originem & progressum, hoc loco prosequi animus est: quando ea pestis omnem pene Germaniam conturbavit, neque adhuc extincta, regni Bohemici magnam partem occupavit. Rerunt scholam Pragensem usque in ea tempora Teutones. Id molestissimum Bohemis fuit, hominibus natura ferocibus atque indomitis. Ex quibus vir quidam genere nobilis, ex domo quam putridi piscis vocant, apud Oxoniam Angliæ civitatem literis studens, cum Johannis Wiclefi libros offendisset, quibus de realibus universalibus titulus inscribitur, magnopere illis oblectatus, exemplaria secum attulit. Inter quæ, de civili, de jure divino, de ecclesia, de diversis questionibus contra clerum, pleraque volumina, veluti pretiosum thesaurum, patriæ suæ intulit. Imbutus jam ipse Wiclefitarum veneno, & ad nocendum paratus: tum, quod erat familiæ suæ cognomen, putridum piscem, id est, foetidum virum, in cives suos evomuit. Commodavit autem scripta quæ attulerat, his potissimè qui

Johannes Hus.

Teutonicorum odio tenebantur. Inter quos Johannes eminuit, obscuro loco natus, ex villa Hus, quod asnerem significat, cognomentum mutuatus. Hic cum esset ingenio peracri & lingua disertæ, multumq; dialecticis oblectaretur, & peregrinas opiniones amaret, avidè admodum Wiclefitarum doctrinam arripuit: eaque Teutonicos vexare magistros cepit, sperans eo modo confusos Teutones, scholas relicturos. Quod cum succederet, à Wenceslao impetratum, ut Pragenſe gymnasium ritu Parisiensi gubernaretur. Ea res magistratum scholæ Teutonibus abstulit. Quam ob causam commoti magistri ac discipuli Teutonici generis, jurejurando adacti, uno die supra duo millia sequuti, apud Lipsicam Misniæ civitatem, trium dierum itinere à Praga distantem, universale studium erexere. Bohemis scholæ suæ gubernatio liberè patuit, quorum princeps est habitus Johannes Hus, lingua potens, & mundioris vitæ opinione clarus. Qui ubi satis fidei comparatum sibi existimavit, venenum quod jampridem occultè conceperat, palam evomuit. Fundaverat opulentus quidam civis in urbe Pragenſi, fuit nomine sanctorum Matthiæ & Matthai haud ignobile templum, quod Bethleem appellavit, redditibus additis, ex quibus duo prædicatores alerentur, qui festis professiq; diebus verbum dei Bohemico sermone plebibus insinuarent. Horum alter Johannes assumptus est. Qui cum se libenter audiri animadverteret, multa de libris Johannis Wiclefi in medium attulit, asserens in eis omnem veritatem contineri: adjiciensq; crebrò inter prædicandum, se postquam ex hac luce migraret, in ea loca proficisci cupere, ad quæ Wiclefi anima pervenisset, quem virum fuisse bonum, sanctum, coeloque dignum non dubitaret. Sequebantur Johannem clerici ferè omnes, ære alieno gravati, sceleribus ac seditionibus insignes, qui rerum novitate evadere poenas arbitrabantur. His & nonnulli doctrina celebres juncti erant, qui cum in ecclesia consequi dignitatem non potuissent, iniquo animo ferebant, sacerdotia majorum censum his committi, qui quamvis nobilitate prærent scientia tamen viderentur inferiores. Excavavit eos invidia, ut qui viderant, & qui intellexerant, non intelligerent. Proruperunt in blasphemias, & cum aliquibus ignaris fortasse ac vitiosis, maledicere possent, in omnes latrare sacerdotes coepere, & ab ecclesia Catholica recedentes, impiam Waldensium sectam atque insaniam amplexi sunt.

Wiclefitarum dogmata.

Hujus pestiferæ, ac jampridem damnatæ factionis dogmata sunt. Romanum præfulem reliquis episcopis parem esse. Inter sacerdotes nullum discrimen. Presbyterum, non dignitatem, sed vitæ meritum, efficere possorem. Animas è corporibus excedentes, aut in æternas vestigio poenæ mergi, aut perpetua consequi gaudia: purgatorium ignem nullum inveniri. Vanum esse orare pro mortuis, & avaritiæ sacerdotalis inventum. Dei & sanctorum imagines delendas. Aquarum, palmarumq; benedictiones irridendas. Mendicantium religiones, malos dæmones invisibiles. Sacerdotes pauperes esse debere, sola contentos elemosyna. Liberam cuiq; prædicationem verbi dei patere. Nullum capitale peccatum, quantumvis majoris mali vitandi gratia, tolerandum. Qui mortalis culpæ reus sit, cum neq; seculari, neq; ecclesiastica dignitate potiri, neq; parandum ei. Confirmationè quam chrismate Pontificis inducunt, & extremam unctionem, inter ecclesiæ sacramenta minime contineri. Auricularem confessionem nugacè esse, sufficere suam quemq; deo in cubili suo confiteri peccata.

Baptisma.



Baptisma fluvialis undæ, nulla interjecta sacra olei mixtura, recipiendum. Coemiteriorum inanem usum, quæstus causa repertum: quacumq; tegantur tellure humana corpora nil distare. Templum dei latè parentis ipsum mundum esse: coarctare majestatem ejus, qui ecclesias, monasteria, oratoriaq; construunt, tanquam propitiis in eis divina bonitas inveniantur. Sacerdotes vestes, altarium ornamenta, pallas, corporalia, calices, patinas, vasaq; hujusmodi, nil habere momenti. Sacerdotem quocumque loco, quocumque tempore, sacrum Christi corpus conficere posse, petentibusq; ministrare: sufficere si verba sacramentalia tantum dicat. Suffragia sanctorum in coelis cum Christo regnantium, frustra impetrari, quæ juvare non possunt. In canonicis horis cantandis dicendisq; frustra tempus teri. Nulla die ab opere cessandum, nisi quæ Dominica nunc appellatur: celebritates sanctorum rursus rejiciendas. Jeuniis quoque ab ecclesia institutis, nihil inesse meriti. Subinco, cognomine Lepus, claris parentibus apud Bohemos ortus, per idem tempus Pragensem ecclesiam pontificio retinebat consilio & animo illustris. Qui orienti calamitati obviam ire cupiens; priusquam amplius debaccharetur, libros Johannis Wiclefi ad se ferri, omnesque doctorum virorum consilio adhibito, publicè concremari jussit. Supra ducenta volumina fuisse traduntur, pulcherrimè conscripta, bullis aureis, tegumentisq; pretiosis ornata. Johanni prædicatione interdicta, & adjectæ minæ, si quando priores in populo errores vulgare auderet. Ipse Pragâ excedens, apud villam, ubi sibi origo fuit, ac cognomen, permittente loci domino, qui ejus infantiæ favebat, vocare plebes ac docere non desistit: multa in Romanum præfulem, multa in reliquis ecclesiæ pontifices maledicta congerens. Utque populi animos sibi magis ac magis conciliaret: Decimas haud aliter quàm elemosynas sacerdotibus debitas astruit: liberum prædia possidentibus, si velint, eas dare: si nolint, nullo jure cogi posse. Nondum error de sacramento altaris irrepererat. Sed attulit novam pestem Petrus Drafenis: id oppidum Misnæ super Zicium: qui cum aliis Teutonibus paulò ante Bohemiam reliquerat. Cognitus inter suos, quia Waldensi lepra infectus esset, patria pulsus, velut hæreticorum asylum Pragam repetiit, puerorumque docendorum curam accepit. Apud ecclesiam sancti Michaelis, per id temporis populum prædicando instruebat Jacobellus Misnensis, literarum doctrinâ & morum præstantia juxta clarus. Petrus hunc aggressus, mirari se ait, doctum & sanctum virum, qui divina eloquia plebibus exponeret, errorem illum non animadvertisse communionis Eucharistiæ, qui jampridem ecclesiam pessundasset. In qua sub una tantum specie dominicum corpus populo ministrat: cum apud Johannem evangelistam & apostolum Christo dilectissimum, sub duplici specie, panis vinique sumi jubeatur, dicente apud eum salvatore: Nisi manducaveritis carnem filii hominis, & biberitis ejus sanguinem, non habebitis vitam in vobis. Commotus his Jacobellus, cum perquisitis vetustis sanctorum doctorum codicibus, Dionysii præsertim & Cypriani, communionem calicis laudatam invenisset: prohibitus apud sacellum archangeli Michaelis prædicare, in templo majore sancti Martini cathedram sortitus, publicè commoneare populum cepit, ne deinceps communionem calicis, sine qua salvari nemo posset, quoquo pacto negligerent. Huic omnes hæretici consenserunt, haud modica gestientes lætitiâ, quòd articulum invenissent in evangelica lege fundatum, per quem Romanæ sedis vel ignorantia, vel nequitia argui posset. Odioso quamvis hæc animo Rex intelligeret, desidia tamen corruptus & inertia torpens, impunè debacchari sinebat hæreticos.

Subinco archiepiscopus, ubi nullum adversus tantum emergens malum in Venceslao præsidium invenit, ad Sigismundum Hungariæ regem confugit: obsecrans atque obtestans, ut negligentiam fratris emender, neq; labefactari orthodoxæ fidei sacramenta permittat. Dat fidem Sigismundus petitorium se brevi Bohemiam, ecclesiæ catholicæ consulturum. Sed dum dies die ducitur, Subinco apud Postinum in Hungaria moritur: & Albicus ei succititur, natione Bohemus, arte Medicus, & Sigismundo propterea charus, unicum extremæ avaritiæ barathrum. Qui claves cellæ vinariæ nulli alteri quàm sibiipso credit: & animalia viventia dono accepta, mox vendidit. Et quia sumptuosos esse coquos dicerat, abjectâ anum popinæ suæ præfexit. Interrogatus aliquando, sonorè omnium quem molestum audiret: maxillarum, inquit, ossa frangentium. Idoneus protectò pontifex, qui surgenti fomentū hæresi daret. Inestabat ea tempestate Romanæ ecclesiæ Ladislaus Rex Neapolitanus: adversus quē Johannes Papa tertius & vicissim, bellū decernens, plenariā peccatorū remissionem indultit his, qui ad tuendam ecclesiam armis induerent. Recitabatur in ecclesia Prageni decretum pontificis, Quod cum quidam fordidæ artis homines audissent, Johannem Papam Antichristum esse magna voce clamaverunt, qui crucem contra Christianos decerneret. Eos evestigio Senatus in carcerem rapi jussit: populus verò susceptis armis, dimitti omnes petiit. Sed placatus oratione Senatus, tanquam vita captivorum in tuto esset, suam quisq; domū rediere, de illis clam supplicii sumptum. At cum sanguis extra prætorii januam defluens, indicium necis fecisset: iterum occurrens populus interemptorum corpora rapuit, & aureo circumvoluta panno, per

Subinco Lepus episcopus Pragenis.



Petrus Drafenis.

Jacobellus Misnensis,

Albicus.

Plenaria remissio peccatorum datur his, qui ad tuendam Rom. ecclesiam arma sumunt.

omnes

omnes urbis ecclesias detulit, clamantibus ejusdem sectæ sacerdotibus: Isti sunt sancti, qui pro testamento dei sua corpora tradiderunt. Exin cadavera in sacrario in Bethleem reposita quali martyrum reliquiæ aromatibus condita. Dum hæc aguntur, generale Concilium apud Constantiam Suevorum urbem cogitur. In quo de rebus Bohemicis sermo habitus patrum mentes ingenti cura confecit, volventium animo, quonam modo sanari provincia posset. Placuitque tandem, Sigismundo Imperatore suadente, Johannem & Hieronymum ad Synodum vocari: qui tum cæteris ejusdem regni doctiores, tum populi ductores, ac hæresium principes habebantur. Venerunt ambo, non tam verecundè aliena discere, quàm sua impudenter ingerere parati: docendi quippe quàm discendi cupidiores, & populares amantes aures. Auditi sunt in confessu patrum. Johannes ætate major & autoritate habitus: doctrinâ ac facundia superior Hieronymus. Lecti ex omni natione patres, divini atq; humani juris doctores. Sæpe cum his colloquium habuere: dogmata eorum à lege divina aliena esse monstrarunt, neq; bonis conducere moribus. Rogaverunt, ne plus sapere quàm ecclesia, vellent, sed sapienter ad sobrietatem. Peregrinas opiniones relinquerent: ingenia sua, quæ quidè essent nobilissima, Wiclefitarum insanî ne fœdarent. Eloquentiam, quæ præditi essent, in corroborandis ecclesiæ institutis, non evertendis: in edocendis populis, non dedocendis, exercerent. Possè eos & in conspectu dei, & in ecclesiâ militante, sublimem consequi locû, si rejectis novitatibus, patrum vestigia sequerentur, inventionesq; suas universali Concilio submitterent. Stetere in proposito pertinaces Bohemorum animi: neq; victi rationibus vinci voluere. Se veraces, se sancti Evangelii æmulos, se Christi discipulos esse. Romanæ ecclesiæ, cæterâq; per orbem dispersas, longe à traditionibus Apostolorum abisse: quæ opes & delicias festarentur, dominatum in populos, & primos in conviviis accubitus exquirent: canes, equos alerent: ecclesiarum bona, quæ Christi pauperibus deberentur, per lasciviam luxumq; consumerent. Aut nescire prorsus divina mandata, aut scientes contemnere. Primores magnæ Synodi, ubi pertinaçiam, & immutabiles animos perditorum hominum animadverterunt. membra ecclesiæ putrida, quæ sanari non poterant, ne reliquum corpus inficerent, refecanda consuerunt. Lata est in confessu patrum adversus contumaces sententia, cremandos esse, qui doctrinam ecclesiæ respuerent. Prior igitur Johannes combustus est: Hieronymus diu postea in vinculis habitus, cum respicere nollet, pari supplicio affectus. Pertulerunt ambo constanti animo necem: & quasi ad epulas invitati, ad incendium properarunt, nullam emittentes vocem, quæ miseri animi posset facere indicium. Ubi ardere coeperunt, hymnum ecceinere, quem vix flamma & fragor ignis interciperè potuit. Nemo philosophorum tam forti animo mortem pertulisse traditur, quàm isti incendium. Poggius Florentinus, ætatis nostræ nobilis scriptor, de morte Hieronymi, ad Nicolaum Nicolî concivem suum, elegantem scripsit epistolam: quamvis paululum sua consuetudine in mores cleri invecus videatur. Cineres exultorum, ne raperentur à Bohemis, in lacum projecti. Discipuli eorum ex eo solo terram abstulere, in quo ignis fuit, eamq; veluti sacram secum attulere in patriam. Johannes ac Hieronymus apud Bohem. os martyru honores meruere, nec minores quàm Petrus & Paulus apud Romanos habiti. Nuntiatis enim in Bohemia, quæ Constantiæ gesta fuerunt de Johanne ac Hieronymo, discipuli eorum, sequacelsq; omnes, in unum convenientes, memoriam in primis defunctorum consecrant, celebrandamq; quotannis omnes decernunt. Exin per amicos nonnullas sibi ecclesias à Rege tradi extorquent, in quibus suæ prædicare plebi sacramentaq; ministrare liberè possint. Neq; hoc modo contenti, apud Slavoniam nobile monasterium fratrum prædicatorum, extra moenia oppidi situm, à fundamentis dejiciunt. Eaque prima ecclesiarum ruina in Hussitarum novitate facta, decurritur in ecclesias, monasteriaque passim: nobilissima superis dicata templa, ferro atque igne vastantur. Nullum ergo regnum ætate nostra, tota Europa, tam frequentibus, tam augustis, tam ornatis templis ditatum fuisse, quàm Bohemicum reor. Tempia in cœlum erecta, longitudine atque amplitudine mirabili, fornicibus tegebantur lapideis: altaria in sublimi posita, auro & argento, quo sanctorum reliquiæ tegebantur, onusta: sacerdotum vestes margaritis rectæ: ornatus omnis dives, pretiosissima supellex, fenestree altæ atque amplissimæ conspicuo vitro, & admirabili opere, ut lucem præbeant. Neq; hæc tantum in oppidis atq; urbibus, sed in villis quoq; admirari licebat. Fuit inter cætera monasteriû aulæ regiæ, apud ripam Multaviæ, qua Mosa fluvius illi jungitur, situm, in quo Regû corpora condebantur, singularis excellentiæ. Nā præter ædè magni & memorabilis operis, amplum dormitorium, cæterâq; monachorum officinas magnificè constructas, habuere circuitum, qui non parvum conclusit hortû, ambitum vocare. In hujus lateribus vetus novumq; Testamentum, ab initio Genesis usque ad Apocalypsim Johannis, literis majusculis in tabulis scriptum continebatur, notis quo altius irent, paulatim crescentibus: ita ut à summo usque deorsum facilis lectio præberetur. Sed hoc decus post Vencellai mortem, Hussitaru rabies delevit. Qui postquam ecclesias quamplurimas dejecerunt, monasteria incenderunt, castellu

peten-

Contra fastum  
prælatorum  
ecclesiasticorum  
loquentes  
putrida  
ecclesiæ  
membra cen-  
suerunt.

Pag. 301.  
quare Episto-  
lam Poggii.  
Sed hæc, de  
qua jam lo-  
quitur, alia  
est; cum illa  
sit ad Leonem  
Arceionum.

petentes, cui Bechingne nomen est, octavo ferè milliario ab oppido, quod nunc Thabor appellant, triginta circiter millia hominum convenire: atque ibi trecentas menfas in patenti-  
bus campis erexere, ex quibus populo sacramentum calicis ministrarunt. Terruit ea con-  
gregatio Vencefflaum, verentem ne tumultu factò, in se arma converterent, regnumque sibi  
adimerent. Nec sua res periculo caruit. Vencefflaus ei salutem fuit cognomento Coranda,  
singulari facundia presbyter, & in plebibus auditus. Qui dum populum de republica ad-  
moneret, inter cetera quæ loquutus est: Quanquam, inquit, viri fratres, ebriosum atque  
inertem sortiti Regem fuimus: si tamen ceteros expendere principes pergimus, nemo est  
quem nostro Regi anteferamus: quem rectè omnium regum speciem dixerim, quietum,  
benignum, nostri amantem. Nam quis eo regnante, nos laceffere audeat? licet nos ex voto  
vivere nostro. Si non est eadem sibi quæ nobis de religione sententia, ritum nostrum  
neque ipse perturbat, neque alios perturbare finit. Quibus par esse arbitror, preces pro eo  
ad Deum fundamus: utque singuli ei vitam rogemus, cujus desidia, postea salus, nostra  
quies est. Quod cum ab exploratoribus Rex cognovisset, quieto animo fuit: & factus ex  
tepido frigidus, Corandam inter amicos habuit.

Vencefflaus  
Coranda  
presbyter.

Per idem ferme tempus surrexit & alius pseudosacerdos apud Pragam, Johannes quidam  
ex ordine Præmonstratensis impius monachus, & ad omne scelus audax. Qui cum præ-  
dicaret apud sanctum Stephanum in piscina, neque bene sapere videretur, inde amotus, mo-  
nasterium Carmelitarum invasit. Hoc suaserunt hæretici, ut suam potentiam ostentarent,  
Singulis ferme diebus sacram Eucharistiam per suas ecclesias circumvectabant. Quas cum  
paucas esse dicerent, ductore Nicolao viro nobili, ejus loci domino, unde Johannem Hus  
originem trahere diximus, in regiam tumultuariè prorumpentes, Vencefflaum oravere, sibi  
ut ampliores ecclesias elargiretur, qui jam populi majorem partem obtinerent. Audivit  
Rex benignè Nicolaum pro multitudine loquentem, utq; in posterum diem rediret, jussit.  
Dein misso populo, ad Nicolaum, qui remanserat, conversus: Tu, inquit, qua me regno  
ejiceres, orditus es telam: at ego laqueum inde efficiam quo te postea strangulem. Ille è regis  
conspectu abiens, populares magis ac magis incendit. Rex in arcem Vilsgradensem urbi  
vicinam, parvoq; tantum fluvio disjunctam, sese recepit: & paulò post in castellum novum,  
quod ipse construxerat, quinto distans lapide, cum paucis adiit: missis ad fratrem oratori-  
bus, qui ejus auxilium implorarent. Consulibus autem novæ civitatis Pragensis, ne ulterius  
ab hæreticis dominicum corpus in pompa deferri sinerent, imperavit.

Johannes  
Præmonstra-  
tensis.

Hactenus Aeneas Sylvius.

## SENTENTIA DAMNATIONIS

Doctrinæ Johannis Wiclefi, & articulorum quadragintaquinque.

Sacrosancta Constantiensis Synodus generale Concilium faciens, &  
ecclesiam catholicam representans, ad extirpationem præsentis  
schismatis, errorumq; & hæresium sub ejus umbra pullulantium  
eliminationem, reformationem ecclesiæ in Sancto Spiritu legitimè  
congregata, ad perpetuam rei memoriam.

**F**idem catholicam (sine qua, ut ait apostolus, impossibile est placere Deo) à falsis  
ejusdem fidei cultoribus, imò perversis impugnatoribus, & per superbam curio-  
sitate intendentibus plus sapere quàm oportet, mundi gloriam cupientibus, op-  
pugnata, sapius & contra illos per fideles ecclesiæ milites spirituales opposito  
scuto fidei defensatam fuisse, sanctorum patrū scripturis atq; gestis instrui. Hæc quippe  
belloꝝ genera, in bellis carnalibus populi adversus gentes idololatrias præsignata fuerunt. In  
his itaque spiritualibus bellis sancta ecclesia catholica in fidei virtute, superni luminis radiis  
illustrata, domino providente, & sanctorū patrocinio opem ferente, semper immaculata per-  
manens, erroris tenebris, velut hostibus profugatis, gloriosissimè triumphavit. Nostris verò  
temporibus vetus ille, & immūdos hostis nova certamina, ut probati temporis hujus manifesti  
fiant, suscitavit. Quorū dux & princeps extitit quondam Johannes Wiclef pseudochristia-  
nus: qui dum viveret, adversus religionem Christianā & fidem catholicā pertinaciter asseruit,  
&

& dogmatizavit plures articulos. Idemq; Johannes Wiclef libros, Dialogum & Trialogum per ipsum nominatos, & plures alios tractatus, volumina & opuscula composuit. In quibus præscriptos & plures alios damnabiles inferuit & dogmatizavit articulos. Quos libros ad sui perversi dogmatis publicationem publicè legendos exposuit: ex quibus insuper multa scædala, damna animarum, & pericula in diversis regionibus, & præsertim Angliæ & Bohemiæ regnis sequuta sunt. Adversus quos in dei veritate exurgentes magistri & doctores universitatum & studiorum Oxoniensis & Pragenfis, articulos prædictos scholasticè diu post reprobant. Reverendissimi insuper patres Archiepiscopi, Episcopi, pro tempore, Cantuariensis & Eboracensis, sedis Apostolicæ legati in Anglia, & Pragenfis in Bohemiæ regnis condemnant. Libros etiam ejusdem Johannis Wiclef comburendos fore, dictus Archiepiscopus Pragenfis, sedis Apostolicæ commissarius in hac parte, sententialiter judicavit, & eorum qui superessent, prohibuit lectionem fieri. Rursus his ad notitiam sedis Apostolicæ & generalis Concilii deductis, Romanus Pontifex in Concilio Romano ultimò celebrato, dictos libros, tractatus & opuscula condemnavit, jubens illos publicè concremari: districtius inhibendo, ne quis Christi nomine insignitus, auderet aliquem, seu aliquos, seu aliqua ex dictis libris, voluminibus, tractatibus & opusculis legere, exponere vel tenere: aut illis quomodolibet uti, vel illos, nisi in ipsorum reprobationem allegare publicè vel occultè. Et ut de medio ecclesiæ illa periculosa, spurcissimaq; doctrina eliminaretur, jussit omnes per locorum ordinarios, libros, tractatus, volumina & opuscula hujusmodi autoritate Apostolica per censuram ecclesiasticam, etiam si opus esset, cum adjectione, quod contra non parentes procederetur, tanquam contra fautores hæresis diligenter inquiri, & repertos ac reperta publicè ignibus concremari. Hac autem sancta Synodus præfatos articulos quadraginta \* quinque examinari fecit, & sæpius recenseri per plures reverendissimos patres, Ecclesiæ Romanæ Cardinales, Episcopos, Abbates, Magistros in Theologia, doctores juris utriusque, & plures notabiles in multitudine copiosa. Quibus articulis examinatis, fuit repertum (prout in veritate est) aliquos & plures ex ipsis fuisse & esse notoriè hæreticos, à sanctis patribus reprobatos: alios non Catholicos, sed erroneos: alios scandalosos & blasphemos, quosdam piarum aurium offensivos, nonnullos eorum temerarios & seditiosos. Compertum est etiam libros ejus plures articulos continere similibus qualitatibus, doctrinamque in dei ecclesiā insanam, & fidei ac moribus inimicam inducere. Propterea in nomine domini nostri Jesu Christi hæc sancta Synodus sententias prædictorum Archiepiscoporum, ac Concilii Romani ratificans & approbens, prædictos articulos & eorum quælibet: libros ejusdem, dialogum & trialogum per eundem Johannem Wiclef nominatos, & alios ejusdem authoris libros, volumina, tractatus & opuscula, quocunque nomine censeantur, quos hic haberi vult pro sufficienter expressis, hoc perpetuo Decreto reprobat & condemnat. Et eorundem libros, & cujuslibet ipsorum lectionem, doctrinam, expositionem, & allegationem (nisi ad eorum reprobationem) omnibus Christi fidelibus prohibendo, inhibemus omnibus & singulis Catholicis sub anathematis interminatione, ne de cætero dictos articulos vel ipsorum aliquem audeant publicè prædicare, dogmatizare, vel tenere, vel quomodolibet allegare, nisi ad eorum reprobationem, ut dictum est: jubentes illos libros & tractatus, volumina & opuscula prælibata publicè concremari, prout Decretum fuerat in Synodo Romana, sicut superius est expressum. Super quibus exequendis, & debite observandis mandat prædicta sancta Synodus ordinariis locorum vigilanter intendere, prout ad quemlibet pertinet secundum jura & Canonicas sanctiones.

\* Numerantur secundum folium 44. et antea.

#### CONCILIIUM PRONUNCIAT HÆRETICUM JOHANNEM Wiclef, & memoriam ejusdem, & mandat exhumari ossa ejus.

Insuper quia autoritate sententiæ & decreti Romani Concilii, mandatoq; ecclesiæ, & sedis Apostolicæ datis dilationibus debitis, processum fuit super condemnatione dicti Johannis Wiclef, & suæ memoriæ, edictis propofitis, denunciationibusque ad vocandum eum, \* qui eundem sive ejus memoriam defendere vellent, si qui penitus existerent: nullus verò comparuit qui eundem, sive ejus memoriam defenderet: examinatis insuper testibus super impenitentia finalique pertinacia dicti Wiclef, per commissarios deputatos per dominum Johannem Papam modernum & hoc Concilium, servatimque servandis prout in tali negotio postulat ordo juris, & ejus impenitentia, ac finali pertinacia per evidentia signa testibus legitimis comprobata, fuit legitimè facta fides. Propterea instante procuratore fiscali, edictoquoque propofito ad audiendam sententiam, ad hanc diem, hæc sancta Synodus declarat,

\* Vel eos.

declarat, definit & sententiat eundem Johannem Wiclefum fuisse notoriū hareticū, per-  
tinacem, ac in hæreſi deceſſiſſe, anathematizando ipſum pariter & ſuam memoriam con-  
demnando. Decernitq; & ordinat corpus ejus & oſſa, ſi ab aliis fidelibus corporibus diſcer-  
ni poſſint. exhumi, & procul ab eccleſiæ ſepultura jaçtari ſecundum canonicas & legiti-  
mas functiones. Super quibus lectura, publicatione, pronunciatione & definitione, ſive con-  
demnatione, dominus Hoſtienſis præſidens, & dicti quatuor nationum quatuor præſiden-  
tes interrogati an placeret? Reſponderunt omnes, & primò Hoſtienſis, deinde nationum  
præſidentes, quòd placeret: & approbaverunt omnia prædicta:

¶ Sententia definitiva lata contra Johannem Huſ.

Sacroſancta generalis Conſtantiensis ſynodus, eccleſiam catholicam repræſen-  
tans, in ſpiritu ſancto legitime congregata ad perpetuam rei memoriam.

**Q**uia (teſte rei veritate) arbor mala fructus malos facere conſuevit: hinc eſt quòd  
vir damnatæ memoriæ, Johannes Wiclef ſua mortiferā doctrina, non in  
Chriſto Jeſu per Evangelium, ut olim ſancti patres filios genuere: ſed contra  
Chriſti ſalutarem fidem, velut radix virulenta plures genuit filios peſti-  
feros, quos ſui perverſi dogmatis reliquit ſucceſſores, adverſus quos hæc ſancta ſynodus, tan-  
quam ſpurios & illegitimos filios cogitur inſurgere, & eorum errores ab agro dominico,  
tanquam vepres nocivas cura pervigili, & cultro authoritatis eccleſiaſtica reſecare, ne ut  
cancer ſerpant in perniciem aliorum. Cum itaq; in ſacro generali Concilio nuper Romæ ce-  
lebrato, decretum fuerit, doctrinam damnatæ memoriæ Johannis Wiclef damnandam eſſe,  
& libros ejus hujusmodi doctrinam continentes, fore tanquam hæreticos comburendos, &  
doctrinam ipſam damnatam, & libros ejus tanquam doctrinam inſanam & peſtiferaſ inclu-  
dentes, combuſtos fuiſſe cum effectu, & hujusmodi decretum authoritate Concilii fuerit  
approbatum: Nihilominus tamen quidam Johannes Huſ in hoc ſacro Concilio hic perſona-  
liter conſtitutus, non Chriſti, ſed potius Johannis Wiclef Hæreſiarchæ diſcipulus, poſt &  
contra damnationem & decretum hujusmodi, auſu temerario contraveniens, errores ejus  
plures & hæreſes tam ab eccleſia dei, quàm etiam à certis olim reverendis in Chriſto pa-  
tribus, dominis archiepiſcopis, epiſcopis diverſarum regnorum, & magiſtris in theologia  
plurium ſtudioſiorum condemnatos, dogmatizavit, aſſeruit, & prædicavit: præſertim damna-  
tionis ſcholaſtica ipſorum articulorum Wiclef factæ plures in univerſitate Pragenſi cum  
ſuis complicitibus in ſcholis, & in prædicationibus publicè reſiſtendo, ac ipſum Johannem  
Wiclef virum catholicum, & doctorem evangelicum in favorem ejus doctrinæ coram mul-  
titudine cleri & populi declaravit: certos etiam articulos infra ſcriptos, & plures alios &  
merito damnabiles, tanquam catholicos eſſe aſſeruit & publicavit, qui in libris ipſius Johan-  
nis Huſ, & notoriè, continentur. Quapropter habita per prius plenaria informatione de  
præmiſſis, & diligenti deliberatione reverendiſſimorum in Chriſto patrum dominorum ſ.  
Romanæ eccleſiæ cardinalium, patriarcharum, archiepiſcoporum, epiſcoporum, & cæte-  
rorum prælatorum, & doctorum ſacræ paginæ & juris utriuſq; in multitudine copioſa, hæc  
ſacroſancta Conſtantiens. ſynodus declarat & definit, articulos infra ſcriptos, qui habita col-  
latione per plures magiſtros in ſacra pagina, reperti fuerunt contineri in ejus libris & opuſ-  
culis manu propria ſcriptis, & quos etiam idem Johannes Huſ in publica audientia coram  
patribus & prælatis hujus ſacri Concilii confeſſus fuit in ſuis libris & opuſculis contineri,  
non eſſe catholicos, nec tanquam tales eſſe dogmatizandos, ſed ex eis plures eſſe erroneos:  
alios ſcandalosos, & nonnullos eorundem eſſe notoriè hæreticos, & jamdudum à ſanctis  
patribus & generalibus Conciliis reprobatos & damnatos, ipſoſq; prædicare, dogmatizare,  
aut quomodolibet approbare, diſtrictè inhibendo. Sed cum infraſcripti articuli expreſſe  
contineantur in libris ſeu tractatibus ſuis, videlicet in libro, què intitulat de eccleſia & aliis  
ſuis opuſculis: ideo libros prædictos, & doctrinā ſuam, & ſingulos alios tractatus, & opuſ-  
cula in latino, ſive vulgari Bohemico per ipſum editos, aut in quocunq; alio idiomate per  
alium, vel alios tranſlatos, hæc ſacroſancta ſynodus reprobare atque condemnare, ipſos  
comburendos publicè & ſolemniter in præſentia cleri & populi in civitate Conſtantiens.  
& alibi decernit & definit: adjiciens propter præmiſſa omnem ejus doctrinam me-  
ritò eſſe & fore ſuſpectam de fide, & omnibus Chriſti fidelibus evitandam. Et ut de  
medio eccleſiæ illa pernicioſa doctrina eliminetur, hæc ſacroſancta ſynodus pror-  
sus jubet, per locorum ordinarios, tractatus & opuſcula hujusmodi per centuram eccleſi-  
aſticam, etiam ſi opus ſit, cum adjectione poenæ & ſaucriæ hæreſis diligenter inquiri,

Huſi liber de  
Eccleſia.



& repertos, ignibus publicè concremari. Si quis autem hujus sententiæ ac decreti violator aut contemptor extiterit, statuit eadem sancta synodus, per locorū ordinarios & inquisitores hereticæ pravitatis contra talem vel tales, veluti suspectū vel suspectos de heresi procedendū. Visi insuper actis & actitatis in causa inquisitionis de & super heresi contra prædictum Johannem Hufs habitis & factis: habita ter prius fidelī & plenaria commissariorum in hujusmodi causa deputatorum relatione, aliorumq; magistrorum in theologia, ac doctorum juris utriusq; in, de & super actis, actitatis, ac dictis testium fide dignorum & plurimorum, quæ dicta ipsi Johanni Hufs palam & publicè lecta sunt, corā patribus & prælatis hujus sancti Concilii: per quorum reitum dicta apertissime constat eundem Johannem multa mala, scandalosa, seditiosa, & periculosas hæreses dogmatizasse in publico, & per multa annorum curricula prædicasse, Christi nomine invocato, hæc sacrosancta synodus Constantiensis, solum deum præ oculis habens, per hanc definitivam sententiam, quam profert in his scriptis, pronunciat, decernit & declarat dictum Johannem Hufs fuisse, & esse verum & manifestum hæreticum, ipsumq; errores & hæreses dudum damnatos, & plurima scandalosa, piarum aurium offensiva, temeraria & seditiosa dogmatizasse, & publicè prædicasse in non modicam offensam divinæ majestatis, ac universalis ecclesiæ scandalum, & fidei catholicæ detrimentum: claves etiam ecclesiæ, & censuras ecclesiasticas vilipendisse, in quibus per annos multos perstitit animo indurato, Christi fideles per suam pertinaciam nimium scandalizans: cum appellationem ad dominum nostrum Jesum Christum, tanquam ad summum judicem, omnis ecclesiasticis mediis interposuerit, in qua multa falsa, injuriosa posuit, & scandalosa ipsius sedis apostolicæ, censurarum ecclesiasticarum & clavium in contemptum. Idcirco propter præmissa & alia plura præfatum Johannem Hufs hæreticum fuisse & esse, hæc sancta synodus pronunciat, & tanquam hæreticum judicandum & condemnandum fore judicat & condemnat per præsentem, dictamq; appellationem, tanquam injuriosam & scandalosam, & illusoriam jurisdictionis ecclesiasticæ reprobando: ipsumq; Johannem Hufs populum Christianum, maxime in regno Bohemiæ in prædicationibus suis publicis, & scripturis per eum compilatis seduxisse, ac ejusdem populi Christiani, non veracem prædicatorem evangelii Christi, secundum expositionem sanctorum doctorum, sed fuisse verius seductorem. Verum, quia per ea quæ hæc sacrosancta synodus vidit & audivit, cognovit eundem Johannem Hufs pertinacem & incorrigibilem: & adeo taliter, quod non cupiebat ad gremium sanctæ matris ecclesiæ redire, neq; hæreses & errores per eum publicè defensatos & prædicatos velle abjurare: Idcirco hoc sacrum Concilium Constantien. eundem Johannem Hufs ab ordine sacerdotali & aliis ordinibus, quibus exitit insignitus, deponendū & degradandum fore declarat & decernit: committens nihilominus reverendis in Christo patribus, archiepiscopo Mediolanen. Feltrén. Asteten. Alexandrino, Bagaren. & Vaurén. episcopis, ut in præsentia hujus sacrosanctæ synodi dictam degradationem (secundum quod ordo juris requirit) debitè exequantur.

Appellatio  
Johannis Hufs  
ad Christum.

## TENOR SENTENTIÆ DEFINITIVÆ Latæ contra Hieronymum de Praga.

In nomine domini, Amen.

**C**hristus Deus & salvator noster vitis matura, cujus pater agricola est, discipulos ceterosq; fideles suos in illis instituens, inquit: Si quis in me non manserit, mittetur foras sicut palmes, & arefcet. Cujus summi doctoris & magistrī doctrinā sequens, & præcepta exequens, hæc sancta Constantiensis synodus in causa inquisitionis hereticæ pravitatis per eandem sanctam synodum motæ, fama publica referente, & clamorosa insinuatione monstrante contra magistrum Hieronymum, dictum de Praga, dictum magistrū in artibus, laicum. Ex cujus causæ actis & processibus constat eundem magistrum Hieronymum tenuisse, asseruisse & dogmatizasse nonnullos articulos hereticos & erroneos, dudum a sanctis patribus reprobatos: quosdam vero blasphemos, & alios scandalosos, & alios piarum aurium offensivos, temerarios & seditiosos, dudum per damnatæ memoriæ viros, Johannem Wiclef & Johannem Hufs assertos, prædicatos & dogmatizatos, ac in nonnullis eorum libris & opusculis insertos. Quiq; doctrina & libri prædictorum Johannis Wiclefi & Johannis Hufs: ac Wiclefi memoria, dictiq; Johannis Hufs persona, per eandem sanctam synodum, & ejus sententiam, de heresi damnati & damnatæ fuerunt. Quamq; damnationis sententiam, idem Hieronymus postmodum pendente hujusmodi inquisitionis causā, in eadem sancta synodo cognoscens &

Hieronymus  
de Praga.

& profitens, veram catholicam & apostolicam fidem approbavit, & eidem consensit: anathematizavit omnem hæresim, præcipuè eam, de qua erat infamatus, & se confitebatur infamatum, & quam præteritis temporibus dogmatizaverunt & tenuerunt Johannes Wiclef & Johannes Hufs in suis opusculis, sermonibus & libellis: & propter quam, seu quas cum suis dogmatibus & erroribus ab eadem sancta synodo damnati fuerunt tanquam hæretici, & eorum doctrina similiter damnata: præmissorumque omnium damnationem professus, & juravit se in hac fidei veritate permaniturum. Et si ipse quicquam contra sentire vel prædicare præsumperit, canonum severitati subiacere, & æternæ poenæ voluerit obligari: nec non suam professionem manu sua conscriptam, eidem sanctæ synodo obtulit atque deoit. Post quas professionem & abjuracionem, multis diebus transactis, sicut canis ad vomitum rediens, ut virus pestilentissimum, quod in suo latitabat pectore, publicè evomeret, autem Hieron. p. l. t. n. m. virus alumpit. dientiam publicam sibi dari in eadem sancta synodo publicè congregata, asseruit, dixit & professus est in effectu, quod præfatæ sententiæ damnationis dictorum Johannis Wiclefi & Johannis Hufs iniquè consenterat, & illam sententiam approbando, mentitus fuit. Nec verebatur se confiteri mentitum, quinimò confessionem approbationem & professionem suas super illorum damnatione revocabat nunc & in æternum, asserens se in libris Johannis Wiclefi & Johannis Hufs nullam unquam hæresim vel errorem legisse: licet autem fuerit confessus, & probatum sit evidentur ipsum libros eorum diligenter studuisse, legisse & dogmatizasse: & in quibus constat plures errores & hæreses contineri. Verum, idem Hieronymus de sacramento altaris & transubstantiatione panis in corpus, professus est se tenere & credere quod ecclesia tenet, dicens se plus credere Augustino & cæteris ecclesiæ doctoribus, quàm Johannis Wiclef & Hufs damnatis erroribus adherere: Illorumque fauorem fuisse & esse. Propter quæ eadem sancta synodus eundem Hieronymum palmitem putridum & aridum, in vite non manentem, foras mittendum decernit: ipsumque hæreticum, & in hæresim relapsum, excommunicatum, anathematizatum pronunciat & declarat atque damnat.

O. G. AD LECTOREM.

**V**ides, lector Christiane, nisi (quod absit) cæcutire volueris, quàm impios, quàm enormes, quàm hæreticos ac planè diabolicos (non dico bestiales) articulos, blasphemio suo ore, per omnem impudentiam temeritatemque, perditus ipse Wiclefus in Christum & sanctos ejus turpiter evomuerit, quam etiam perniciofa ac pestifera multiplicium errorum dogmata, de tenebroso furibunda suæ mentis ergastulo & malorum omnium sentina, velut Cerberi spumam, in medium profuderit. Illos itaque & hæc simul omnia ut in illorum dixi frontispicio) tanquam quandam pestem fuge, & ex Wiclefi amentia ac cæco furore, aliorum discere hæreticorum vitare insaniam. Nam qui in ecclesia Christi (ut divus August. ait contra Manichæos, & habetur 24. q. 3.) morbidum aliquid, pravumque quid sapiunt, si correpti, ut sanum rectumque sapiant, resistunt contumaciter, suaque pestifera & mortifera dogmata emendare nolunt, sed defensare persilunt, hæretici sunt. In supervacuis igitur rebus (ut Ecclesiasticus inquit) noli scrutari multipliciter, sed ambula potius in simplicitate cordis & mentis prudentia. Dixit enim Christus servator noster: Estote prudentes sicut serpentes, & simplices sicut columbæ. Mala videlicet prudenter legendo & in via domini ac fide catholica simpliciter ambulando. In sapientia igitur ambulamus, vel Paulo teste, ad eos, qui foris sunt tempus redimentes. Nam oportet hæreses esse, ut qui probati sunt, manifesti fiant. Verum hæc aliàs. ¶ Nunc ad epistolam Poggii properemus, \* cujus paulò ante per Æneam Sylvium facta est mentio. Qui licet referat Hieronymum constanter in flammis obisse, ex hoc tamen non inferes, aut finistrè credes, eum minus fuisse hæreticum, quum hoc propriè proprium sit omnium in fide errantium. Eloquentia quoque Hieronymum non excusat. Nam illa absque sapientia, nihil est aliud quàm gladius in manu furentis. Qualis etiam Poggius ipse fuerit, tum scurriles ipsius infacetiæ, tum impissimæ ejusdem in sanctissimum Fœlicem papam, doctissimumque Philelphum invectivæ, satis superque demonstrant. Vale fœliciter & omnia boni consule.

\* Fallitur O. G. (ut notatur in Marg.) cum illa epistola sit ad Nicol. Nicol. non ad Leon. Arctinum.

¶ Sequitur exultio atque supplicium Hieronymi de Praga.

POGGII FLORENTINI DE HIERONYMI  
Pragensis obitu & supplicio, descriptio.

Poggius Leonardo Aretino S. P. D.

**C**UM pluribus diebus ad balnea fuisset, scripsi ad Nicolaum nostrum ex ipsis balneis epistolam, quam existimo te lecturum. Deinde cum Constantiam revertissem, paucis post diebus coepit est causa Hieronymi, quem haereticū ferunt, & quidem publicē. Hanc verò tibi recensere institui, tum propter rei gravitatem, tum maxime propter eloquentiam hominis & doctrinam. Fateor me neminem vidisse unquā, qui in causa dicendi, praesertim capitali, magis accederet ad facundia praeursorū, quos tantopere admirantur. Mirum est vidisse, quibus verbis, qua facundia, quibus argumentis, quo vultu, quo ore, qua fiducia responderit adversariis, ac demum causam peroravit: ut dolendum sit tam nobile ingenium, tamq; excellens ad illa haeresis divertisse studia, si tamen vera fuit quae sibi obijciuntur. Non enim mea interest tantam causam dijudicare: acquiesco eorum sententiis qui sapientiores habentur. Neq; tamen existimato me in oratorū morem, singulatim causam referre: longum id esset, & multorum dierum opus. Pertingam quosdam locos illustriores, quibus viri doctrinam possis perspicere. Cum multa in hunc Hieronymum congesta essent, quibus arguebatur haeresis, atq; ea testibus firmata, tandem placuit, ut publicē singulis quae sibi obijcebantur, responderet. Ita in concione deductus, cum juberetur ad illa respondere, diutius reculavit: asserens se debere prius causam suā agere, quam respondere maledictis adversariorū. Ita se prius pro se dicentē audiendum esse asseverabat, tum ad amulorū suorū probra in eum congesta deveniendū. Sed cum hac conditio sibi denegaretur, tum stans in medio concionis, Quā est hac iniquitas, inquit, ut cum CCC. XL. diebus, quibus in durissimis carceribus fui, in sordibus, in squalore, in stercore, in compedibus, in rerum omnium inopia, adversarios atq; obrectatores meos semper audieritis, me unam horā audire nolitis? Hinc est, ut dum illis singulorū aures patuerint, atq; in tam longo tempore vobis persuaserint me haereticum, hostem fidei, ecclesiasticorū persequutorem: mihi autem me defendendi nulla detur facultas: vos me prius improbum hominē judicaveritis in mentibus vestris, quam qui forē poteritis cognoscere? Atqui (inquit) homines, non diū estis: nō perpetui, sed mortales: labi, errare, falli, decipi, seduci potestis. Hic mundi lumina, hic orbis terrarum sapientiores esse dicuntur: maxime vos decet elaborare, ne quid temere, ne quid inconsultē, neve quid praeter justitiam faciatis. Equidē ego homuncio sum, cujus de capite agitur: nec pro me hac loquor, qui mortalis existo: verū, indignū mihi videtur sapientia, aliquid tot viros adversum me statuere praeter aequitatem, non tam re quam exemplo nociturū. Hae & multa praeterea ornatē disserēbat, strepitu & murmure plurimorū sermonē ejus interpellante. Tandē decretū est, ut primū ad errores qui in eū conferebantur, responderet: deinde loquendi, quae vellent, daretur facultas. Legebantur igitur ex pulpito singula capitula accusationis, deinde testimoniis confirmabantur: tum rogabatur, an quid vellent obijcere. Incredibile dictū, quā callidē responderit, quibus se tueretur argumentis. Nihil unquā protulit indignū bono viro: ut si id in fide sentiebat, quod verbis profitebatur, nulla in eum, nedum mortis causa inveniri jussa posset, sed ne quidē levissimae offensionis. Omnia esse falsa dicebat, omnia crimina conficta ab aemulis suis. Inter cetera cum recitaretur, illum sedis apostolicae detractorem, oppugnatōrē Romani pontificis, Cardinalium hostē, persequutōrē praelatorum, & clerici Christianae religionis inimicū: tū surgens querebunda voce, & manibus porrectis: Quō nunc me vertam, inquit, Patres Conscripti? quorū auxilium implorem? quos deprecor? quos obtestor? vos ne? At isti persequutōrēs mei, vestras mentes a mea salute alienaverunt: cum univerforū hostē me esse dixerunt eorum qui me sunt judicaturi. Nempe arbitrati sunt, si etiam quae in me finxerunt, levia viderentur, tamen vos vestris sententiis oppressuros communē omniū hostem atq; oppugnatorem, qualem me isti falsissimē mentiti sunt: ita si eorū verbis fidem dabitis, nihil est quod de mea salute sperandum sit. Multos salibus perstrinxit, multos laedoris, multos per se in re moesta ridere coegit, jocando in illorū objurgationes. Cum rogaretur, quid sentiret de sacramento: inquit, Antea panem, \* & postea verū Christi corpus, & reliqua secundum fidem. Tum quidam: Aiunt te dixisse, post consecrationem remanere panem. Tum ille: Apud

Eloquentia  
Hieronymi  
mira gravi-  
tatis.In laudem  
Hieronymi.\* In exem-  
plari antiquo  
Epistolarum  
Aeneas Sylvii impresso Nurembergae 1481. Epist. 426. sic se habet responsum Hieronymi:---Antea panem, in consecratione &  
postea---

pistorem

pistorem (inquit) panis remanet. Alii cuidam ex ordine Prædicatorum acius invehenti: Tace (inquit) hypocrita. Alteri per conscientiam suam contra se juranti: Hæc (inquit) iustissima est ad fallendum via. Quendam præcipuum adversarium, nunquā nisi canē, aut alinum appellavit. Cum verò propter " criminum multitudinē ac pondus, res eo die transigi nequirit, in diem tertium dilata est. Qua die cum singulorū criminū argumenta recitata essent, ac subinde plurimis testibus affirmarentur: tum surgens ille: Quoniam (inquit) adversarios meos tam diligenter audistis, conveniens est, ut me quoq; dicentem aquis animis audiatis. Data tamen, licet multis perstreptentibus, facultas dicendi. Hic primum à deo exorsus, deprecatus est eam sibi mentē dari, eam dicendi facultatem, quæ in commodum ac salutē animæ suæ verteretur. Deinde: Scio (inquit) R. D. plures fuisse excellentissimos viros, indigna suis virtutibus perpeffos, falsis oppressos testibus, iniquissimis iudiciis condemnatos. Incipiens autem à Socrate, quē iniuste à suis condemnatum retulit: nec cum posset, evadere voluisse: ut duorū, quæ asperima hominibus viderentur, metum demeret, carceris scilicet & mortis. Tum Platonis captivitatem, Anaxagoræ fugam, ac Zenonis tormenta, multorum præterea gentilium iniquas damnationes, Rupiliū exilium, Boëthii simul & aliorum, quos ipse Boëthius refert, indignam mortem commemoravit. Deinde ad Hebræorum exemplā transiit. Et primum Moysen, illum liberatorem populi, legumlatorem, scēpissimē à suis calumniatum esse dixit, tanquam seductor esset, aut contemptor populi. Joseph infuget à fratribus venditum ob invidiam, post ob stupri suspicionem in vincula coniectum recensuit. Præter hos, Esaiam, Daniele, & ferme prophetas omnes tanquam contemptores dei, tanquam seditiosos, iniquis circumventos sententiis. Hinc etiam Susannæ iudiciū subiecit: multorum præterea, qui cum viri sanctissimi extitissent, iniustis tamen sententiis perierunt. Postea ad Johannē Bapt. deinde ad Salvatorē nostrū descendens, falsis testibus, falsis iudiciis condemnatos inquit omnibus constare. Deinde Stephanum à sacerdotū collegio interfectū: Apostolos autem omnes morti damnatos, non tanquā bonos, sed ut seditiosos populorū concitatores, contemptores deorū, & malorū operū effectores. Iniquum esse condemnari iniuste sacerdotem à sacerdote: & id factū fuisse docuit iniquissimē à sacerdotū collegio, atq; id exemplo probavit. Iniquissimū verò à sacerdotū concilio, id etiam accidisse monstravit. Hæc disertē, & magna cum omnī expectatione disseruit. Atq; cū omne pondus causæ in testibus situm esset, multis rationibus docuit, nullam his testibus fidem adhibendam: præsertim cum non ex veritate, sed ex odio ac malevolentia & invidia omnia dixissent. Tum odii causas ita explicuit, ut haud procul fuerit à persuadendo. Ita erant verisimiles, ut (exceptā fidei causā) parva illis testimoniis fides adhibita esset. Commotæ erant omnium mentes, & ad misericordiā flecebantur. Addiderat enim, se sponte ad Concilium venisse ad se purgandū: vitam suam & studia exposuerat, officiorū plena ac virtutū. Dixerat hunc morem præficus doctissimis viris, ac sanctissimis fuisse, ut in rebus fidei, invicem sententiis discrepant, non ad pestfundandam fidē, sed ad veritatē reperiendam. Ita Augustinum & Hieronymum dissenisse: nec solum diversa sensisse, sed etiam contraria, nulla hæresis suspicione. Expectabant autem omnes, ut vel se purgaret, retractando objecta, vel errorū veniam postularet. At ille nec se errasse asseverans, nec se retractare aliorū falsa crimina velle ostendens: Tandem descendens in laudationē Johānis Husii, ad ignem damnati, virum illum bonum, iustum & sanctum appellans, & illa morte indignum: se quoq; paratum quodvis supplicium adire forti animo & constanti, seq; inimicis suis cedere, & testibus impudenter mentientibus: qui tamē aliquando corā deo, quē fallere non poterant, essent rationē eorū quæ dixissent, reddituri. Magnus erat circumstantiū animi dolor. Cupiebant enim virum tam egregium salvari, si bona mens adfuisset. Ille autem in sententia sua perseverans, ultrò mortem appetere videbatur. Laudansq; Johannem Hussum, ait, nihil illum adversus ecclesiæ dei statum sensisse, sed adversus abusus clericorum, adversus superbiam, fastum ac pompam prælatorum. Nam cum ecclesiarum patrimonia primò deberentur pauperibus, tum hospitibus, deinde ecclesiarum fabricis: indignum illi bono viro videri, dispendi illa meretricibus, conviviis, equorū ac canum saginæ, cultui vestimentorum, & aliis rebus indignis religione Christi. Hic autem maximi ingenii fuit. Cum interrumperetur sæpius oratio sua variis rumoribus, laceffereturq; à nonnullis ejus sententias carpentibus, neminem illorum intactum reliquit: pariterq; omnes ulciscens, vel erubescere coegit, vel tacere. Surgente in murmure fiebat, turbam quandoq; increpans: postea orationem prosequebatur, orans atq; obtestans, ut eum loqui paterentur, cum non amplius se essent audiri. Nunquam ad hos rumores expavit, mente firma atq; intrepida. Illud verò admirabile memoriæ argumentum. CCCXL. diebus fuerat in fundo turris foetidæ atq; obscuræ: cujus asperitatem ipsemet questus est, asserens se, ut bonum & fortem virum decet, non propterea ingemiscere, quod indigna perpeffus esset: sed mirari adversus se inhumanitatem. Quo in loco nedum legendi, sed ne videndi quidem habuit facultatem. Mitto

\* Alias, o'jectionum.

Pulchra desensio.

Socrates.

Plato, Anaxagoras, Zeno, Rupilius, Boethius, Moyses, Joseph, Esaias, Daniel, Susanna.

Johannes Bapt. Stephanus.



Sanctorum patrum mos in rebus fidei.

De bonis ecclesiæ sententia Joh. Husii.



Testimonia  
scripturarum  
nihil pro-  
ruat Hiero-  
nymo.

Constantia  
Hieronymi.

Constantia  
Hieronymi.

Cum hac  
Epistola re-  
prietur inter  
Epistolas Aen. Sylvi, verisimile est Sylvium eam ab interitu vindicasse: indicat illa facundiam & ingenium auctoris, & ad-  
mirandam hominis probi & Christiani Constantiam; eamq; posteritati commendabit, cum listorū Rom. barbaries & inhu-  
manitas ab omnibus piis procucabuntur.

anxietatem mentis, qua oportuit illum quotidie agitari, quæ omnem memoriam excutere debuisset. Tamen cum tot doctissimos ac sapientissimos viros in testes suarū opinionū allegaret, tot doctores ecclesiasticos in medium protulit in sententiam suam, ut fatis, superque satis fuisset, si toto hoc tempore, summo in otio, summa in quiete, sapientiæ studiis operā decisset; Vox ejus suavis, aperta, resonans erat: quadam cum dignitate gestus oratoris, vel ad indignationem exprimentā, vel ad commovendā commiserationē: quā tamen nec postu-  
labat, nec consequi cupiebat. Stabat impavidus, intrepidus: mortē non contemnens solum, sed appetens, ut alterū Catonem dixisses. O virū dignū memoriā hominum sempiternā. Non laudo si quid adversus instituta ecclesiæ sentiebat: doctrinam admiror, plurimarū re-  
rum scientiā, eloquentiā, dicendi suavitatem, & argutiam respondendi. Sed vereor, ne hæc omnia in pestē suam sibi fuerint a natura concessa. Datum deinde spatiū poenitendi biduo. Multi ad illum accessere viri eruditissimi, ut ipsum a sua sententia dimoverent: inter quos Cardinalis Florentinus eum adiit, ut illum flecteret ad viā rectā. Sed cum pertinacius in er-  
roribus perseveraret, per Conciliū hæresis damnatus, & igni combustus, lucunda fronte, & alacri vultu, ad exitum suum accessit: non ignē expavit, non tormētī genus, non mortis. Nullus unquam Stoicorū fuit tam constanti animo, tam forti mortem perpassus, quā iste appetisse videtur. Cum venisset ad locū mortis, seipsum exuit vestimentis. Tum procum-  
bens, flexis genibus veneratus est palum, ad quē ligatus fuit: Primū funibus madentibus, tum catena, nudus ad palū constrictus fuit, ligna deinde circumposita, pectus tenus non mi-  
nuscula, sed grossa, paleis interjectis. Cum flamma adhibita, canere coepit hymnū quendā, quē fumus & ignis vix interrupt. Hoc maximū constantis animi signū: cum Licetor ignem post tergum (ne id videret) injicere vellet: Huc (inquit) accede, & in conspectu accende ig-  
nem. Si enim illum timuisses, nunquā ad hunc locum (quē fugiendi facultas erat) accessis-  
sem. Hoc modo vir (præter fidē) egregius consumptus est. Vidi hunc exitū, singulos actus perpexi. Sive perfidia, sive pertinacia hoc egerit, certē ex philosophiæ schola interitum viri descripsisses. Longam tibi cantilenā narraui otii causā: nihil enim agens, aliquid agere volui: & res tibi narrare, parū dissimiles historiis præcorum. Nam neq; Mutius ille tam fidenti animo passus est membrum uri, quā iste universum corpus. Neq; Socrates tam sponte venenū bibit, quā iste ignem suscepit. Sed hæc satis. Parce verbis meis, si longior fui. Res tamen majorem narrationem poscebat: sed nolui nimis esse loquax. Vale mihi jucundis-  
sime Leonarde. Constantiæ 3. Calend. Junii; quā die hic Hieronymus hæresis poenas

## O. G. AD LECTOREM.

**P**ULcherrima aspectu bestia hypocrisis, blanditur, ridet, jocatur, applaudit. Rursus autem cui vult indignatur, excandescit, mordet, lacerat, & quī versipellis sit (ut suis hic depin-  
gatur coloribus) pardum exprimit, ascititio sese cultu, non vero decorans. Blandienti blandi-  
tur, palpatē vicissim palpat. Morosa nonnunquā ac satis meticulosa. Optimum non nasci hanc bestiam, aut ocyssimē aboleri. Nā hydrā inficere & crocodilī lachrymas emit-  
tere novit, Curios simulat, Corinthiū in tenebris amans luxum. Humi dolose serpit &  
accline est scabellum ejus, sub quo tamen scorpium dormientem fovet. Omnis igitur hypo-  
crita, optimos quoque falsos fieri cogit, & velut tristis quispiā Areopagita, in superciliis suis, ac vultu ad fraudē cōposito, bonā fictæ suæ religionis partē callenter sedere putat. Lu-  
pus est igitur homo talis homini, non homo, qui etiam & mali fontē frequenter repiens, multitudinem sibi malorum asciscit. Qui enim cum callido hypocrita commercii habet, auribus lupū tenet, atq; etiam ipsum facilius atramento candefaces, quā cum tali, tanquā  
superficioso monstro domesticus servus. Herodē (si volueris) intueri, qui devotionē Ma-  
gis promittens (ut Chrysostomus scribit super Matthæū) gladiū acuit, & malitiā cordis hu-  
militatis depingit colore. ¶ Cæteri, ad subdolum simulatoris matrem, ipsam videlicet simulationē, revertantur. Nunquid non & per mulierē illā designari potest, quæ purpura  
splendescens & coccino, aureisq; amicta chlamydis, tum lapide etiā pretioso & marga-  
ritis adornata, poculū dextra tenet, plenū abominatione & immunditiā execrabilis suæ su-  
perstitionis? Non venit igitur in conspectu dei omnis hypocrita, uti Job testatur, & sicuti  
Augustino placuit, & habetur 12. q. 1. Mortuus est omnis hypocrita. Quales ergo haberi  
volumus (ut 2. offi. ait Amb.) tales & simus. At quorsum hæc tam multa? Ut Leonardi  
(inquā) Aretini, Oratoris clarissimi, iustū atq; perelegans contra hypocritas libellū, sine om-  
ni specie mali prudenter legas, ne ab illis ipsis ante prospectū incautus decipiar. Credimus  
enim, talem, tantumq; virū, mala intentione, loquutum fuisse nihil. Vale foeliciter.

Leonar



## LEONARDI ARETINI ORATORIS

Clarissimi, adversum hypocritas libellus.

**E**X omni genere hominum, quos variis damnabilibusq; vitiis ingeniosa & ad malū prona conquinavit improbitas, nullum neque perniciosius, neq; odibilis esse reor, nec severiori censura animadversioneq; plectendum, quā eos, qui cum perverse mentis, animique malignantis sint, tamen fingendo id callide conantur & agunt, ut sancti & integerrimi homines, omniq; carentes vitio habeantur. His namque, cum sint totius humani generis infestissimi hostes, & in capita cæterorum hominum; ad perniciem fraudemq; conjurati; dignum est, à cunctis, tanquā adversus publicam luem, inexpiabile bellum indici. Cum verò ex hujusmodi detestabili abominandaq; sentina duo, (quos minime Gentium opinatus unquā forem) nē olim credentem fidentemq; deceperint: & alius item quidam ex eadem palæstra, proximis diebus mirabili quodam artificio adversus me idem facere tentarit (ac nisi per superiora damna edoctus, mihi cautē prospexissem, rursus proculdubio capiebar) non est consilii mei ultra simulare: sed clamabo quanta magis potero voce, admoneboq; hujusmodi circulatores, publiceque detestabor, ne in me amplius suas fraudes præstigiisq; tentent. Nec tamen eorum nomina, quæ certē vix contineo, hic expresseim. Dabo hoc pudori meo, concedam verecundia: satis denique poenarum accepisse putabo, si ista legentes audientēque, de se dicta haud dubiè recognoscant.

Quid vobis adversum me est rei, perversissimi homines? quid in me tam crebrò flagitiorum vestrorum venenata tela jactatis? An ego dignus visus sum, qui seduci, idoneus qui falli, simplex, qui circumveniri à vobis possum? Frons (credo) placida, & benignitas vultus, nescia denegare quicquam facilitas, hanc vobis adversus me fiduciam præstant. Videte (quæso) ne fallendi aviditate fallamini. Fuit enim in me ista quondam humanitas: sed vos planè vestris eam versutiis in contrarium convertistis. Nullius autem vini species vehementius acefcit, quā quæ ab initio dulcedinem habuit. Frustra jam (mihi credite) aggredimini: frustra adversus me retia tenditis vestra. Qui semel fallitur, dignus est veniā: qui rursus, castigatione: qui tertio, nullo modo ferendus est. Non committam igitur, ut tertii deceptorum ordinis ipse sim. Non composita facies, non dejecti in terram oculi, non ora artificiosa exterminatione pallentia, non deniq; per omnes gestus exquisitissime ficta probitas: non sermo ille rarus, & crebrò in vestri capitis damnationem admiscens deum, me jam ultra seducere, aut movere, aut quicquā proficere apud me possunt. Abunde doctus sum, & quod minimè velim, meis damnis incommodisq; edoctus; calleo fascinationes vestras, & occultos quidem meatus, quibus quasi cuniculis ad ruinam hominum subitis, omneis agnosco. Rectè nimirum vos hypocritas appellavit, qui hujus significationem verbi à theatricali histrionum turba ad vestrum genus, consortiumq; traduxit: quippe nil aliud quā histriones estis, & alienas induti personas, deum simul hominesque deluditis. Histrionem enim dum fabulas agit, sæpe ex aula prodiens, regem se aut heroa profitetur exterius; cum intus neque rex, neque heros sit: sed vilis quidam ex infima plebe homuncio, & interdum etiam servus. Itaque eos Græci quidem *ὕποκριται*, quasi actores & simulatores alienarum personarum, nostri autem histriones, id est ludiones, *Etrusca* lingua vocitarunt. Annon rectè vobis hujusmodi nomen inditum est? Annon pejus etiam quā ludiones estis? Illi ad delectationem spectantium, alienas præ se ferunt personas: vos ad eversionem spectantium, fidam inducitis probitatem. Illi scenarum prophanißimum locum, vos templorum sanctuaria incestatis. O miserum ac detestabile genus hominum, qui etiam illa quæ cæteris sancta & intemerata sunt, vestris flagitiis prophanare non dubitatis! Si non hominum formido vos absterret, quoniam clam illis hæc perficere posse confiditis: Annon divinæ ultionis, quam merito formidare & expavescere debetis, quoniam cuncta discernit, poena vos terreat? Sed nondum fortasse jugulum vestrum invadendi tempus. Ut enim quorundam poenæ delictorum sic à legibus constitutæ sunt, ut antequam supplicium de reis sumatur, spoliationem ac verberationem præmittant: sic vos priusquam confodiamini, nudandi ac flagris orationis meæ verberandi estis. Non decet hypocritam vestitum necari: ante nudandus est, ut appareat: verberandus, ut doleat.

Hypocritarum genus perniciosissimum.

Hypocritæ, Histriones.

Quare

Quare divina ista, quæ vestram perfidiam disperdant, in aliam partem reservemus, ac ut coeptum erat, de histrionibus agamus. Illi reges aut heroas simulant, Vos faciem induitis boni viri, à quo tamen magis distatis, quàm illi ab heroibus & regibus. Non utor excessu verborum, dum ita dico, sed revera sic est. Plus abest hypocritarum perversitas à probitate, quam serio fingunt, quàm mimorum infirmitas à culmine regio, quod per jocum imitantur. Siquidem illi fingendo se reges, nihil alieniores fiunt : vos autem quantò magis fingitis, tantò à bono viro discitis longius. Et certè, si quid sit bonus vir considerare velitis, pudeat vos nimium professionis vestræ : quanquam non est professio hypocritarum, ut boni sint, sed ut boni videantur. Illud autem stultitiæ nostræ, quod per ea bonitatem æstimamus, quæ ad faciendum bonum virum nihil pertinent. Non enim vestis hispida, & talos ad usq; profluxa toga : Non prægrande capitis tegmen, non tristis & severa alienis peccatis castigandis, suis ignoscendi curiositas : non importuna frequentatio templorum, non admiratio, admurmuratio conficatioq; picturarum bonum virum efficiunt. Vera sinceritas animi istud præter, oportet : non improba & captiosa ostentatio sui. Sed vester hic unus labor est, ut boni videamini : ut verò sitis, nihil omnino laboratis. Itaq; sinceritate illa animi, quæ bonum virum efficere potest, spretâ atq; neglectâ, & tanquam inimica vestris rationibus conculcâ, ad curam earum rerum confugitis, quæ probitatem non efficiunt, sed ostentationem ; illud tantummodo vobis deposcentes :

Da mihi fallere, da iustum sanctumq; videri :

Noctem peccatis, & fraudibus objice narem.

Quæ naturam vestram intelligens, doctè simul ac festivè Poeta descripsit. Cum verò omnis vestra (ut ita dixerim) bonitas, vestitu, vultu & affectu terminetur, nec ultra se extendat, de illis pauca dicenda sunt : ne fortasse blandiamini vobis, hanc vestram admirabilem, stupendamq; sanctimoniam, qualis & quanta sit, à nobis ignorari. In quibus profecto vos ipsi, si vera fateri volueritis, nobis ut verissima dicentibus assentiemini. A vestitu igitur incipiamus.

Vitia maxima atq; deformissima vobis insunt : Inter quæ superbia, avaritia, ambitio obtinent principatum. Ea ut celetis, longæ illæ chilamydes quæsitæ, magna illa capitis tegmina adinventæ. Quæ enim alia de causa, illa vestris corporibus circumdatis, nisi ut sub humili habitu, superbia : sub contemptu, avaritia & ambitio delitescat ? Non igitur sunt hæc vestes corporis tegumenta adversus intemperiem frigoris, aut caloris : sed vitii laticula adversus oculos hominum comparata. Atqui si boni quemadmodum videri cupitis, ita esse velletis, ista quidem vitia ex animo eficienda erant, non togarum velamine occultanda. Hifpidior vestis est, & penula offe succincta, manicæ laxius negligentiusq; effusæ ? Quid ergo tene ob hæc sanctum, ut tu vis, sic etiâ à me putari credis ? Ego iis ostentationibus & figmentis fidem non præsto, nec tibi, hypocrita, credo. Sub illorum epim pannorum involucri, velut sub Canthara suffarcinata latere aliquid suspicor, & certè latet, modò aperire & introspicere liceat. Apparebit turpium vitiolorum sentina, & lupi rapacitas lupi agnina pelle abscondita. Ut enim esca hamum ad piscium deceptionem : sic panni vestras ad deceptionem hominum obtegunt pravitates. Hæc vos spectacula quasi escam in populum demittitis, ut per huiusmodi speciei illecebram alliciantur homines, & à vobis capiantur. Et vestium quidem genera ad hypocrisim multa sunt : in cunctis tamen una est regula, ut sub humilitatis specie, mentes intuentium ad falsæ bonitatis opinionem, credulitatemq; adducantur. Magis verò ac minus à communi vestimentorum usu disceditur, ut quisque plus minusve in huius detestandæ pestis voraginem se intrinset. Quamobrem qui paulo meliores quàm sunt, videri affectant, submissiore paulò toga, calceamentorq; abutuntur : qui autem hoc cupidius flagrant, à communi usu discedunt longius : qui verò tota mente hypocrisim ardent, ac jam spreto hominum consortio, inter coelestes numerari volunt, & in sanctorum Catalogo vivi adhuc stertentes adscribi : hi jam non levibus certaminibus, sed toto (ut ita dixerim) agmine hypocrisim invadunt. Hi sunt quos videmus, non tam vestitos pannis, quàm involutos vestibus : quorū sunt illa prægrandia & pendentia capicum tegmina, monstra hominū & portenta, tunicis tanquàm culeis insuti, quibus si esset aliquid sinceritatis, nusquam tantopere studerent, hanc eorum pannariam sanctitudinem oculis nostris obijcere, sed integritatem animi sub communi & usitato habitu latere patenterent : studerentq; potius ut homines nescirent, quod isti minime faciunt, sed inculcant ea oculis nostris, & propalam ostendunt, per quæ sanctos & integerrimos se cupiant æstimari, sepulchra utique dealbata, quæ cum extra speciosa sint, intus si aperias, putida reperiuntur. Bonus enim vir, & hypocrita, quanquàm in nullo conveniant, in hoc tamen maxime differunt, quòd ille bonus esse vult, videri autem non laborat : hic esse quidem non laborat, videri autem vult. Itaq; omnia quæ internæ sunt virtutis negligens, ad ea tantummodo quæ supereminet & subjacent oculis, confucanda & in propatulo ponenda ; intendit.

Ad

Canthara Te-  
rentiana vide  
prov. Can-  
tharo allusio.

\* Al. erigan-  
tur.

† Al. permil-  
lit.

\* Al. sterten-  
tesq;.

Pannaria san-  
ctas.

Ad hæc, vanitas & cupiditas vos impellit. Vanitas, ut gloriam aliquam per huiusmodi habitum. Cupiditas, ut faciliorem viam ad decipiendum habeatis. Huic sordidæ deformationi habitus, tristitia vultus & dejectio frontis adiungitur, quæ & ipsa ostentandi & decipiendi instrumenta sunt maxima, ut etiam cognomen vestrum exinde sit tractum, hypocritæ tristis. Motus oculorum gravis, obtorta cervix, sputus frequens, non tam ab abstinentia ciborum, quam ab helluotione proveniens. Nam hoc habet hypocritarum studium, faciem exterminat, corpus impinguat: quæ sub veste latent, ad opera voluptatis: quæ supereminent, ad fictionem sanctitatis exercet. Quid tu hypocrita usque adeo tristis es? Quid tibi vult ista obtorta cervix? Quid illa oculorum dejectio? Quid illa integritatis & innocentiae ficta sinceritas? An potest quisquam vestrum quoties alium ejusdem artis professionisq; aspexerit, risum tenere? Quas fraudes, quas circulationes vobis conficitis? [quantum inter faciem vestram animusq; interest? quantum effectus vestrorum operum differunt ab aspectu?] An nescimus, quantum sub ista ficta humilitate lateat superbia, quantum iracundiæ? Nonne si vel parva in re quenquam vestrum quis offenderit, tanti astus irarum, indignationumq; exundant, sicq; continuò effervescent spiritus, ut non humilem ac dejectum hypocritam, faciem ac sterquilinum vulgi, ac postremæ fortis hominem: sed Agamemnonem dicas, aut Achillem, aut si quis fuerit heroum superbior? Nec verò gens est ulla ad crudelitatem propior, si ulciscendi licentiam nanciscantur. Qua in re abundanter exemplis, nisi ab initio proposuissem neminem vestrum nominare. Sed quemadmodum sub illa ficta, & simulata hypocritarum humilitate, superbia quardam immanis, & æstus acerbitas reperitur: sic etiam sub integritate quam fingunt, detestanda improbitas ac malignitas subest. Et quemadmodum si quis eos paulò irriaverit, superbia quæ sub humilitatis specie latet, erumpit: Ita si quis fidei eorum quicquam commiserit, repente improbitas quæ dissimulabatur, apparet. Nec magis pro humilitate superbia, quam pro iustitia rapacitas, pro æquitate iniquitas, pro pietate impietas, si periculum facias, deprehendetur. Nam ego quid de verbis eorum loquar, in quibus nihil est simplex, nil verum, nil sincerum, & quod indignissimum est, peccata in aliis acerbissimè castigant, quibus ipsi præcipuè obnoxii sunt? Quam multus eis sermo de conscientia, de integritate, de iustitia, de continentia, de charitate, de humilitate? Hinc adversus improbos invaduntur, vociferantur, insanunt. Sed iidem ipsi ubi omnis verbis ad res pervenerint: quasi alii quidam homines, ac propriorum præceptorum oblii, per fas & nefas cuncta facere properant, quæ prius in aliis detestabantur, ut cum eorum vita, mirum in modum pugnet oratio. Operæ pretium est audire hypocritam inter mulierculas, aut inter viros sic stultos, ut non multum à mulierculis differant, concionantem. Somnia fingit: coelestia domicilia, quæ nunquam aspexit, quasi inde prolapsus, enarrat. Ficta pro factis, invisa pro visis, turpissima impudentia asseverare non dubitat. Huiusmodi verbis infatuatæ domum redeunt, sanctum ac deo amicum prædicant, munera mittunt, cum majore coetu revertuntur. Bacchanalia per hunc modum fiunt. Ille interea nares inflat. Somnia item quæ referre possit, quasi poeta quidam excogitat. Magistrum & archimandritam se vocari gaudet. Ut uberem ridendi materiam de ineptiis ac levitatibus suis, gravibus & prudentibus viris, huiusmodi homines crebrò exhibeant. Atque utinam hic ludus sisteret, sed procedit longius. Nam tam horum, quam cæterorum qui paulò urbaniores sunt, una est regula, unum denique institutum, ut verba quidem eorum optima sint, facta autem pessima. Nec ego solum de Religiosis, verum etiam de Secularibus loquor. Nam in utroq; genere hæc infanda reperitur pestis. Equidem ex cunctis hominibus, quos versari in vita perpexi, nullos neq; acerbiores, neq; perversiores adhuc inveni, quam istos qui bonâ conscientiam profitentur, qui picturas attrahant, qui plorant inter sacra: apud hos cave, quæso, pecuniam deponas, cave, quidquid credas, cave tutelam liberorum committas, cave ad pudicitiam filiorum filiarumve tuarum aspirare permittas. Persuade tibi (nam persuadere tutò potes) hoc esse nocentissimè genus hominū, & cunctis flagitiis sceleribusq; coopertū; calamitatem perversioneq; propinquorum; spoliatores viduarum pupillorumq;, omnium deniq; qui aliqua in re fidei illorū se permiserint, eversores. Quot singulis diebus occurrimus, quibus cum vix morari paulò plus minimo licet, quin de jejuniis, de sacris, de conscientia, ut se bonos ostendant, multa loquantur: homines composita facie, tristi ac severo iudicio, vestitu & calceamento, vel ad superfluum honestatis normâ excogitatis. Hos fuge (crede mihi) hos vica, cum iis nihil rei unquâ tibi sit, si quietem amas. Etenim nescio quo pacto alienari quidem rerum semper illis scrupulosa & arguta conscientia est nimis: suarum autē nulla, aut supina & cassior. Itaque si quid cum illis explicandū sit, tot cavillationes, subterfugia, tergiversationes superinducunt, ut nec suum quicquid ab illis consequi, nec se explicare, aut liberare ullo modo queat. Injusti, impii, versuti, mēdaces, inexorabiles, inhumani, qui nunquā ex bono & æquo quicquā astimēt: sed cuncta per rigore iniquitatis suæ prosequuntur.

Memine-

Resistuntur illa verba ex editione quæ dicitur Lugdun. 1676. secundū M. S. bibliothecæ Vult. Ant. Magliabechi Florentini.

Meminerimus ergo cum isti nobis occurrunt, qui pannis, qui vultu, qui gestu, qui incessu, qui motu oculorum & corporis, qui verbis & oratione fictam humilitatem & exquisitissimam bonitatem prae se ferunt, ac se nostris oculis non praesentant modo, sed inculcant: non esse eos sanctos, non innocentes, non humiles spiritu, sed perverfos, sed inflatos, sed perfidos, sed circulares & deceptores hominum. Nihil est enim, quod hypocritis tuto credi possit: cum omnia eorum opera simulata sint, atque confecta: nisi forte quis dicat, in contrarium quae ostensa sunt, accipi oportere, ut ea subesse procudubio credamus, quorum ab illis contraria ostentantur. Et ita pannos, ita vultum, ita verba, ita ceteram eorum sanctimoniam esse perpendendam. Nec ego salutare monitiones ac exhortationes divinarum rerum reprehendo, sed fictiones detestor: & ab his qui sanctitatem & castimoniam profitentur, consentaneam suae professioni vitam requiro. Vultum autem & gestum, & incessum, & verba ad speciem integritatis sanctitatisque formare, intus vero turpissima vitia retinere, aliena peccata severe discutere, sua facilliter ignorare, & bonus videri velle, cum non sis, idque ad deceptionem hominum facere, terrum ac flagitiosum, & detestandum duco. Hoc est quod in te, hypocrita, reprehendo, hoc est quod carpo atque detestor. Nam divina quidem illa veneror & adoro, & si quis rite illis intendit, eum beatum puto. Sed hic bonus & integer vir omnia contra facere reperietur, quam tu facis. Et recte quidem. Diversis enim propositis, diversa fiunt. Tibi quidem propositum est, ut bonus videaris, illi ut sit bonus. Itaque tu te ostentas, ille se contegit. Tu faciem exterminas, ut appareas hominibus jejuniis: ille lavat & ungit, ne jejunare appareat. Tu vestes induis, quae oculos hominum in admirationem humilitatis & honestatis tuae convertant: ille ne convertantur in admirationem oculi communi vestitu calceamentoque utitur. Tu templa infestas, ille modeste adit. Tu figuras attrahas, & picturis murmura admisce ille secum tacitus Deum orat. Tu ploras inter sacra: ille latatur. Tu tristitiam vultus praefers: ille hilaritatem. Quid ad haec respondetis hypocrita? Nonne bonus & sincerus vir haec faciet omnia, quorum tu contraria facis? Quid igitur, miser, hanc sanctitatem tuam nostris oculis inculcas? Quid verba iactas? Quid te ostentas? Quid innumescis? Quid in alio reprehendis, te bonum falso simulans? Non horres integritatem & severitatem, seu sinceritatem fingere, cum ipse sis conscius injuriarum tuarum? Atqui leges adversus eum qui falsa nummis signa inculserit, ignis supplicio poenam decernunt. Quid ergo tibi fieri expectas, qui non aes aut argentum, sed faciem hominis, vitamque falsificas? Equidem vos & vestra interdum considerans, in eam nonnunquam opinionem adduci soleo, ut putem lachrymas illas, & consternationem inter sacra, ex conscientia malefactorum vobis provenire. Nam bonus quidem vir latus & alacris est ex recte factorum conscientia, & ex bona spe, quam nulla poenarum formido conturbat. Hypocritas autem sua urunt facinora, & quasi furiae ante oculos obversantur. Necessse est enim illos (quamvis sunt improbi) interdum de se & de suis erratis cogitare. Est enim unusquisque recte ac perperam factorum iudex sibi ipsi constitutus. Hoc est certissimum professio ac verax iudicium, quod neque falli, neque seduci, neque circumveniri ullo modo potest. Non enim testibus creditur, non tabulis arguitur reus, non a patrono per gratiam vel eloquentiam defenditur: omnia scit iudex, omnibus interfuit: non semel tantum quis, sed saepe frequenterque iudicatur. Huius interni iudicis condemnatio lachrymas illas tibi excutit, & inter sacra plorare compellit. Sed crede mihi (mihi vero?) immo divinis affatibus, hic ludus & jocus est. Id sempiternum esse ineffabileque iudicium, quod te post mortem expectat. O diem illam tibi acerbissimam futuram, cum ante tribunal illud deposita facie ista, & pannis quibus nunc te fallendi gratia contegis, sempiterno illi iudici vitia & scelera tua apparebunt! cum te deceptorem hominum, falsarium humanae faciei, adulterum divinae imaginis, indecibilis igne te audies condemnari. Et quid est, quod Deus in sermonibus suis acris detestatus sit, quam hypocritarum perversitatem? Quid quod crebrius repetatur, cui vehementius ac terribilius comminetur: quod majori odio magister ille supremus esse sibi ostendit? Haec formida igitur, o hypocrita, dum tempus est, & ante iudicium, cum illo comminatorum, quem fallere non licet, redi in gratiam. Omitte has fictiones, quibus fallendi gratia hactenus studuisti. Veris magis virtutibus, quam simulatis inhareas, & communi vultu & vestitu utare. Nec tibi tanta cura sit, ut homines de tuis bonis sciant, quam ut nesciant. In vitia autem aliena non curiosus sis, sed in tua.

\* Al. quid in aliis reprehendendis te bonum falso simulans?

Libelli Leonardi Aretini, in Hypocritas Finis.

Quomodo

## QUOMODO BOHEMI VOCATI

Productique sint ad Basiliensem Synodum Oecumenicam: & quid illic egerint, ex verbosissimis commentariis compendio relatum.

**Q**UUM Bohemi in erroribus suis peristerent, & primitivam ac apostolicam ecclesiam jactantes à Romana sede pertinacius evariarent: exulceratis nimirum illorum animis ob Johannis Hussi & Hieronymi Pragensis exultionem, missus est in Germaniam legatus Julianus, Cardinalis titulo sancti Angeli, ut expeditionem appararet in rebelles Bohemos, quam Romana consuetudo \* Cruciatum appellat. Putabat enim Romanus Pontifex hanc Gentem à Germanis facile posse superari. Verum, res aliter evenit. Nam nostris sæpius in fugam versis, tantum vicinis omnibus terrorem inculserunt, ut nihil aliud quam pacem optaret Germania. Rebus itaq; non succedentibus, cum semper Bohemi superiores essent, - quanquam à novo jam Pontifice Eugenio sententia anathematis damnati, optimum factu visum est, si Basileam, ubi nuper indictum erat Concilium, vocarentur. Quare Cardinalis Julianus eo loci præmisit Johannem Polomarium Pontificii juris doctorem, sacriq; palatii auditorem: & Johannē de Ragusio, Theologię professorem, ordinis Prædicatorum tum procuratorem generalem, qui postea Argensis episcopus factus, etiam in Cardinalium numerum meruit recipi, titulum sancti Xysti adeptus. Qui cum Basileam venissent, Anno M. CCCC. XXXI. Mense Augusto, vocarunt literis ad Concilium Johannem Mulbrunnæ abbatem, & Johannem Gelhusium ejusdem coenobii monachum. Nam hoc homine propter dexteritatem ingenii, & regionum ac rerum experientiam in primis opus erat ad obeundas legationes. Abbas aliis negotiis distentus non venit: Johannem tamen morbo paulo ante vexatum, & adhuc valetudine non satis confirmata, Basileam misit. Quò non multis post diebus Julianus quoq; pervenit, ut promiserat. Is statim Johannem Gelhusium & Hammanum Offenburgium, consulem Basiliensem, primū ad Sigismundum Cæsarem, Feldkirchi tum agentem: Deinde ad Fridericum ducem Austriae mittit, pro componendo bello, quod huic erat cum Philippo duce Burgundiæ. Fiebat hoc, ut reddita pace, tuto liceret Basileam venire, non solum proceribus Ecclesiasticis, sed & mercatoribus, atque adeo omnia quæ ad victum pertinent importare. Hanc legationem obeuntes, literas acceperunt à sancta Synodo, Sigismundo Cæsari reddendas quibus Bohemi & Moravi ad Concilium vocabantur: has ille mox in Bohemiam perferendas curavit. At cum in Italiam proficisceretur, Imperialem à Pontifice coronam susceptrurus, protectorem interim velut vicarium sacro Concilio dedit Wilhelmum Bavariz ducem. Porrò cum Synodus monita fuisset, nostros, conditiones pacis à Bohemis accipere velle post foedam illam fugam: arbitrans hoc ignominiosum esse, misit Johannem Niderium ordinis Prædicatorum Theologum, & Johannem Gelhusium, qui commodum redierat, ut vicinum Bohemis populum consolarentur, & Moravos Bohemosque ad Concilium ante vocatos, ad veniendum sedulo urgerent. Hi tertio Calendas Novembres Basilea discedentes, Monacum versus (oppidum id est Bavariz) iter instituerunt. Ubi cum primum Wilhelmum ducem, & hujus fratrem Ernestum, atq; Ernesti filium Albertum salutassent, & mandata legationis suæ exposuissent, ipsumque Wilhelmum monuissent, ut quàm primum Basileam veniret, quod ei tutela Concilii commissum esset à Cæsare, mox Fridericum Marchionem Brandenburgii, Johannem ducem Bavariz, & senatum Nurenburgensem, ac alios principes & dominos, partim literis synodalibus, partim etiam ore suo sunt adhortati, ut nullo pacto foedus cum Bohemis inirent, quod ecclesie nocere posset. Adfuturum mox auxilium. Rogabantque nomine Concilii, ut si Bohemi legatos suos Basileam mittere vellent, deducerent eos per suam quique regionem salvos. Omnes se hoc facturos receperunt. De vocatis Bohemis dici non potest, quàm gavisi fuerint omnes, præsertim laici, cum etiam lachrymas emitterent, affectus vehementissimi testes. Deinde cum senatum Nurenburgensem consuluissent, de mittendis in Bohemiam literis synodalibus, visum est melius esse, si prius sciscitarentur ab Egrensis, num aliquid ad superiores Concilii literas Bohemi respondissent, quas ipsi perferendas curassent. Egrenses per literas moniti, tabellarium Nurenbergam miserunt, qui literas Concilii in Bohemiam ante pertulerat. Is retulit quanta cum reverentia literas accepisset

Julianus Cardinalis sancti Angeli.  
\* Vide Appendixem.

Johannes Polom. Archidiaconus Basilonensis.  
Johannes de Ragusio.  
Johannes Gelhusius, postea Abbas Mulbruntensis.

Hammanus Offenburg.

Wilhelmus dux Bavariz, protector Basiliensis Concilii.

Fridericus Marchio Brandenburgensis.  
Johannes dux Bavariz.  
Nurenbergenses.

Egrensis.



Conradus Cuonhofer, Nurembergensis.

Conventus Egreſis.

Diplomata ſalvi conductus.

Petrus Volkamer, Conſultus Cuonhofer.

Abbas Eberacensis.

Oratores Bohemorum ad Concilium: inter quos fuit Petrus Paine Anglus, vir inſignis, qui Wiclef doctrinam adduxerat.

cepisset Conſul majoris civitatis Pragenſis, & quibus ipſe præmiis fuiſſet donatus. Unde ſpem legati conceperunt rem bene proceſſuram. Itaq; conſilio ſenatus Nurenbergensis uſi, & aliorum, præſertim abbas ſancti Egidii. Albertiq; paſtoris apud ſanctum Sebal dum, & Conradi Cuonhoferii, remiſerunt ad Egreſes tabellarium illum, & ſuis privatum, & Concilii literis oneratum. Neque enim commodior erat ratio, literas in Bohemiam mittendi. Multum porro laboratum eſt in hac re, cum ab Egreſibus ipſis, tum à Friderico Marchione Brandeburgiſi, & Johanne duce Bavarie, & à ſenatu Nurenbergensi: Tantopere cupiebant hi inter Chriſtianos pacem inſtaurari. Exempla literarum, quibus ſacra Synodus Bohemos denuo invitavit, & alias item exhortatorias, ac literas oratorum ad eoſdem, & ad hos Pragenſium reſpondentes, cauſa brevitatis omiſimus. Porro Bohemi non per omnia noſtris fidentes, in literis petebant, ut oratores Concilii cum principibus vicinis ad Egram venirent, ſuos illic quoq; adfuturos, ut de comœato, ſeu publica fide dandâ, quem ſalvum conductum appellant, & aliis rebus tractetur. Decretus fuit ei conventui dies dominicus, qui Paſcha proximè ſequeretur. Erat is Menſis Aprilis dies xxvii. Itaque venerunt Egram oratores ſacri Concilii, Henricus abbas ſancti Egidii Nurenbergensis: Johannes Nider, Theologie profeſſor, ac Prior domus Prædicatorum apud Baſileam: Fridericus de Parſpergo, decanus Ratſiponenſis, juris pontificii peritus: M. Henricus Tocgius, Canonicus Magdeburgensis, Theologus: Albertus paſtor apud ſanctum Sebal dum Nurenbergæ: & Johannes Gelluſius, cœnobita Mulbrunnensis: cum illuſtribus principibus Friderico Marchione Brandeburgi, & Johanne Bavarie duce, ac aliis proceribus, ſerè cum ducentis & quinquaginta equis. Verù de Bohemis nullus aderat, quod Piſſenſes, & dominus Suanbergius ſalvum conductum non miſiſſent. Id cum ex literis intellexiſſent, effecerunt ut ab Egreſibus & Elenbogensibus nuncii Bohemorum Nicolaus Humpoltzius, ſecretarius majoris civitatis Pragenſis, & Matthias Clumpezanus, præſectus Pſieſtenſis producerentur: veneruntq; Egram cum decem & novem equis, octavo die menſis Maii. Poſtridie apud Marchionem, Henricus Tocgius elegantiori oratione Bohemorum nuncios ſalutavit, evangelicum illud uſurpans, declaransq; Pax vobis. Mox ipſi propoſuerunt, quàm atrocibus iniuriis à nobis fuiſſent hæcenus affecti, eamq; rem exitiſſe cauſam tot utriq; cladum. Gaudere ſe quòd tandem ipſes aſſuſiſſent ut audirentur aliquando. Deinde de comœatu præſtando diſputatum eſt. Obſides poſtulabant Bohemi, non quosvis, ſed principes & nobiles. Id cum noſtris non placeret, & res ita differretur, cœpit vulgus apud Egram clamare, quò minus cum Bohemis procederet concordia, per eccleſiaſticos ſtare & principes. Proinde pientiſſimi principes, Fridericus Marchio Brandeburgensis, & Johannes Bavarie Dux ſuſpete fronte ſe obligarunt. Hoc idem paulò poſt rogante Synodo fecit proteCTOR Concilii Wilhelmus dux Bavarie, item ipſa Synodus, & Sigifmundus Cæſar. Præterea promiſſio facta eſt, hoc idem omnes principes & civitates præſtituros, per quorum ditionem eſſent proſecturi Bohemi atq; adeo civitatem ipſam Baſilienſem. Quæ de comœatu diplomata paulò poſt ſunt Pragæ miſſa. Poſtulatam & hoc eſt à Bohemis, ut ipſe Cæſar præſens acceſſet in Synodo, quàm fieri poſſet plenè congregata. Conventus Egreſis duravit dies vigintiunum. In quo fuerunt etiam ornatiffimi viri, Petrus Volkamer, conſul Nurenbergensis, & Conradus Cuonhofer, juſſu ſumptuq; civitatis ſuæ. Verum Bohemi, quam audirent noſtros miranda pollicentes, adhuc non plenè fidebant. Quare elegerunt duos nuncios Nicolaum Humpoltzium & Johannem Zaczenſem, qui Baſileam irent, & cuncta diligenter explorarent. Hos Conradus episcopus Ratſiponenſis, & Conradus Seglawer, decanus Eiſtetenſis, Catelſpurgum uſq; ubi Marchio degebat, deduxerunt, in hoc à Synodo paulo ante emiſſi, ut expiſcarentur, an eſſent venturi Bohemorum legati. In comitatu vero erant & noſtris, abbas Eberacensis & cæteri nuncii ſacri Concilii. Cum Biberacum veniſſent, quidam inſolenter curioſus ex altero Bohemorum nuncio quaſi, undenam eſſet? Reſpondit ſe Zaczenſem eſſe. Illic (inquit ille) ſunt execrabiles hæretici & peſſimi homines, &c. Qui propter huiusmodi convitium, veluti violator publicæ fidei, ſtatim in carcerem raptus eſt, plus poenæ depenſurus, niſi ipſi nuncii Bohemorum, & abbas Eberacensis precibus hominem liberaſſent. Cum veniſſent Baſileam, vino & piſcibus fuerunt à ſenatu donati. Manſeruntq; illic dies quinq; & dimidium. Decimo Octobris die venerunt ad Synodum, quæ convenerat apud Prædicatorum. Hi nuncii cum domum fuiſſent reverſi cum diplomatibus Concilii, indiſcaſſentq; quæ viderant, rem videlicet agi ſeriò, nec ſubeſſe dolum: delecti ſunt oratores ad Concilium mittendi de regno Bohemie & Marchionatu Moravie; Johannes de Krainitz, Jacobus de Vurzieſſenitz, Beneficus de Makrouvitz, Johannes Velnar de Praga, Matthias de Clumpezan, Laurinus de Hradiſſe, Gregorius de Curia, Nicolaus ſcriba Pragenſis, M. Johannes de Roccizano, M. Petrus Payne de Anglia, Procopius ductor exercitus Taboritarum, Nicolaus de Pelerznnau, Marcoldeus de Zbraſlavitz, Martinus de Chrudim, & Petrus Zaczeſis. Qui cū in Tuſca cœveniſſent, illinc per reliquas patriam reliquerat & in Bohemia degerat religionis liberoris ergo: cujus Scripta recententur in biſth. noſtros

nostros in Chambiam sunt producti cum 32. equis per nobiles viros, Hinskoverū, Pflugii, Pavelltorferū, Fridericū præpositum Ratilponensem, & alios: ubi Conradus Ratilponensis episcopus substiterat. Ex Chambia Suenkendorphiū itum est. Atq; cum jam Nurenbergæ vicini essent, Matthias Clumpezanus præfectus Piettenis vexillū protulit: cujus una pars crucifixi imaginē habebat depictā, altera calicem eucharistiæ figura superposita; sicq; Nurenbergā ingressi sunt. Verū, cū à nostris moniti essent, id postea nullquā fecerunt. Nurenbergenses, præter vinariū atq; piscariū munus, etiā 22. equites concesserunt, qui illos Ulmam comitarentur. Ex Nurenbergæ Albertus Marchionis filius in Guntzenhusium produxit, Oringensis comitis ministri Nordlingam, & postero die Ulmam: Ulmenfes porro Biberacum & Sulgoviā usque, inde exceptos Jacobus Truchses de Walpurgo, eques auratus Stockacum produxit: Satellites ducis Baviaræ Wilhelmi Schaffhusium post deduxerunt: Illic naves ingressi quarta die Januarii Basileam venerunt. Porro nono die ejusdem mensis, cum synodum accessissent, habuit orationem Julianus Cardinalis, de eo quod quicquid uspiam dubiorum est, id auctoritate Concilii definiri debeat: quando quidem omnes mortales iudicio sanctæ matris ecclesiæ, quam generale Concilium repræsentat, se submittere tenentur. Quæ quidem oratio non omnibus Bohemis probabatur. Habuit & Roccizanus orationem nomine Bohemorum, diem postulans quo audirentur. Is fuit destinatus 16. ejus mensis. Quo die Johannes Roccizanus pauca præfatus, primum articulum de communione sub utraq; specie, proponere cepit, usq; in tertium diem semper ante meridiem. Deinde Wenceslaus Taborita, secundum articulum de corrigendis & eliminandis peccatis publicis, in medium protulit, per bidui spatium. Post quem Udalricus presbyter orphanorum, tertium articulum, de libera predicatione verbi dei, duobus item diebus proposuit. Postremò Petrus Payne Anglus, de quarto articulo, qui erat de civili dominio clericorum, per tres dies differuit. Fecerunt autem copiam suarum disputationum sacro Concilio in scriptis, & gratias egerunt quod auditi fuissent: Posterioreq; tres satis inciviler in nostros invexerunt, Johannem Wiclesum, & Johannem Hussiū à doctrina laudantes: nihil veriti doctores evangelicos vocare, quos pridem ecclesiæ damnaret. Exigebat res ut Bohemis aliquid responderetur. Itaq; surgens Johannes de Ragusio, theologiæ professor, ordinis Prædicatorum, procurator generalis, petiit clara voce in medio sacræ congregationis, potestatem sibi dari, ut responderet privato nomine ad primum Bohemorum articulum. Assensit synodus. Octoq; diebus respondit horis antemeridianis. Antequam autem inciperet respondere, Johannes abbas Cisterciensis orationem ad Bohemos habuit, ut se submitterent determinationi sanctæ matris ecclesiæ, quam id sacrum Concilium repræsentaret: ea res Bohemos non parum offendit. Inter respondendum, Johannes Ragusinus, Theologorum istorum more, quos scholasticos hodie vocant, crebrò hæreseos & hæreticorum vocabulum habebat in ore. Non poterat hoc tandem ferre Procopius Bohemus, quin surgens cum stomacho, de hac injuriā apud sanctam synodum publice conquestus est: Conterraneus (inquit) iste noster injuria nos afficit, hæreticos nos subinde vocans. Ad hoc Ragusinus: Quia (inquit) conterraneus vester sum lingua ac natione, propterea tam avidè cupio vos ad matrem ecclesiam redire. Erat is gente Dalmata. Constat autem Dalmatas in Bohemiam transgressos, ab occupata regione nomen accepisse: Parumque absuit, quin ob eam offensionem Basileā abirent: vixque placari poterant. Quidam etiam ex Bohemis nolebant Ragusinum ad finem usque disputationem audire. Deinde respondit ad secundum articulum, insignis theologus Egidius Cælerius, decanus ecclesiæ Cameracensis, per quatuor dies. Ad tertium articulum Henricus, cognomento Frigidū ferrum, theologus, ordinis Prædicatorum, dies tres. Ad quartum postremò respondit Johannes Polomarius, auditor causarum sacri Palatii, tribus item diebus: afficiebatq; Bohemos tardio, nostrorum (ut illis videbatur) prolixitas. Quanquam verò nostri tam accuratè respondissent, nihilominus illi suos articulos adhuc pertinaciter defendebant: præsertim primum, adeo ut Johannes Roccizanus responsiones Ragusini sex diebus fortiter impugnaret. Porro cum disputatio pareret disputationem, & non videretur hoc pacto pax & concordia facile coitura, tentatum est aliud remedium ab illustrissimo Baviaræ principe Wilhelmo protectore sacri Concilii, videlicet ut omnis disputationibus, res amice componeretur. Utrinq; deputati sunt aliquot de concordia tractaturi: qui cum undecimo Martii die convenissent, iussi essent dicere sententiam suam, qui à parte Concilii erant, Optimum (inquiunt) sibi videri, si illi nobiscum unirentur, & unum corpus efficerentur: quod corpus tum omnes diversitates opinionum sive sectarum, concordare & declarare posset atq; definire quid in singulis agendum foret sive credendum. Bohemi cum aliquandiu deliberassent, aiebant hanc viam non videri satis aptam, nisi prius quatuor illi articuli exactius essent declarati, ita ut aut nos cum ipsis, aut ipsi nobiscum sentirent. Alioqui rem ridiculā futuram si jam uniti articulorum rursus decisione discreparent. Responsum est hic à nostris, si tunc unirentur, invocato Spiritu Sancto, nequaquam eos in hujusmodi decisione erraturos,

D d

quando

Veniunt  
Basileam.

Disputant.

Johannes de  
Ragusio res-  
ponderet ad  
primum ar-  
ticulum.Offensio  
Bohemorum.Proterat  
Concilii Wi-  
helmus dux  
Baviaræ.



Oratio Julia-  
ni Cardinalis  
ad oratores  
Bohemo. u. n.

quando quilibet Christianus tali definitioni credere debeat. Quod si hoc facere vellent, ad-  
mantinam plane collituram utriusque concordiam. Verum furdis (quod aiunt) fabula cane-  
batur. Sed & alii tres adversum responsiones datas, pertinaciter disputabant. Id temporis  
Julianus Cardinalis, Concilii præsidiens, talem ad oratores Bohemorum habuit orationem :  
Audivit (inquit) hæc sancta synodus per decem dies cum magna patientia quatuor vestro-  
rum articulorum propositiones. Et in fine subiunxit : Proposuistis (inquit) proximis die-  
bus quatuor articulos : sed audimus præter hos quatuor, multa vos alia habere dogmata  
peregrina, in quibus à nobis dissentitis. Necessarium est, si vestra unitas & perfecta frater-  
nitas inter nos sequi debet, ut omnia in hoc sacro Concilio propalantur, quatenus per gra-  
tiam Spiritus Sancti, qui pacis & veritatis est author, debita ac salubris provisio fieri possit.  
Nec ex levibus conjecturis ista accepimus. Partim enim à fide dignis personis audivimus :  
partim quidam qui hic sunt, propriis oculis in Bohemia viderunt : partim etiam ex vestra  
relatione perpendimus. Magister enim Nicolaus secundo loco proponens allegavit inter  
alia Johannem Wiclef Evangelicum doctorem. Si illum creditis esse Evangelicum, conse-  
quens est, ut dicta ejus authentica reputetis : si verò non ita putatis, æquum esset ut hoc  
nobis innotescat. De iis igitur, & quibuscumque aliis vos rogamus, ut nos certificare velitis  
quid credatis, & quâ super his fidem adhibeatis. Nec sic requirimus, ut motiva & rationes ve-  
stras nunc explicetis : sed satis nobis nunc est, ut ad singulos articulos nobis respondeatis per  
verbum. Credimus, aut non credimus. Quod si feceritis (ut speramus) tunc aperte cognosce-  
mus vos cupere, ut bonam de vobis estimationem capiamus. Si quid autem est, de quo veli-  
tis per nos certificari, interrogate audacter, & confestim vobis respondebimus. Parati enim  
sumus (juxta beati Petri doctrinam) unicuique poscenti reddere rationem de ea quæ nobis est  
fide. Ad hæc paucis responderunt oratores Bohemorum, venisse se tantum ut quatuor illos  
articulos proponerent, non tam suo, quam publico totius regni Bohemici nomine. Nec aliud  
dixerunt. Quare rursus illustri Concilii protector Wilhelmus, quatuor viris utriusque  
partis, de re pacifice transigenda tractavit. Ex quorum consilio decrevit sacra synodus insignem  
legationem cum oratoribus Bohemorum Pragam mittere, ubi ad diem sacratissimæ trinitatis  
populus esset conventurus. Neque enim conditiones concordie, quæ offerebant nostri, vo-  
lebant accipere : sed abire festinabant. Itaque 14. Aprilis die, Philibertus Constantiensis in  
Normannia antistes, Petrus Augustensis episcopus, Johannes Polomarius archidiaconus Bar-  
cinionensis, juris pontifici professor : Fridericus Parsperger, præpositus Ratissponens : Egidius  
Carlerius, decanus Cameracensis : Alexander Sparur, jurisconsultus, Anglus : Thomas Hasel-  
bachius, theologus Viennensis : Henricus Toccus, canonicus Magdeburgensis, theologus :  
Martinus Bernerius, decanus Turonensis : & Johannes Gelhusius, Mulbrunnenis monachus,  
jussu Concilii cum oratoribus Bohemorum Pragâ sunt profecti. Longum esset narrare, quantum  
honoris fuerit impensum nostris, cum passim in itinere, tum ab ipsis Bohemis, præsertim à Pra-  
gensibus. Ceterum cum Pragæ convenisset ad præfixum diem ingens multitudo Bohemorum,  
ex clericis, magnatibus & plebeis, adhortati sunt eos nostri, quod etiam ante sæpe fecerant, ut pri-  
mam ecclesiasticâ unitatē amplecterentur. Deinde, si qua dubia essent, melius ea sic discuti  
posse. Non placebat hoc Bohemis, quin volebant quatuor illorum articulorum in primis habere  
declarationē. Quam si possent obtinere, promittebant se pacem & concordiam amplexuros.  
Cum nostri viderent rem aliter agi non posse, petierunt articulos illos in certa sibi forma dari,  
quos ad synodum miserunt per tres Bohemorum oratores. Declarationem verò postea sacra sy-  
nodus in Bohemiâ misit in publico regni conventu populo promulgandam, legatis Philiberto  
Constantiensis episcopo, Johanne Polomario, Henrico Toccio & Martino Bernerio : Qui iussi  
sunt hoc Bohemis referre nomine Concilii : quod si trium illorum articulorum declarationē, &  
pacem ecclesiasticâ suscipere vellent, inveniri posse rationem, qua de quarto articulo, hoc est  
de communione sub utraque specie, res per concordiam transigeretur. Proposuerunt autem  
apud Pragam in publico nobilium & plebeiorem conventu declarationes trium articulorum  
in forma sequenti. Quoniam circa doctrinam veritatis sic sobriè & cautè incedendum est,  
maximè à sacro generali Concilio, ut veritas declaratur, verbis sic ordinatè conceptis, ut  
nulli sit in futurum offendiculum ubi possit impingere & habere occasionem erroris, & ut  
verbis utamur beati Ihsidorii, ne aliquid per obsecritatem in capione contineatur.

Responsio  
oratorum  
Concilii ad  
artic. de cor-  
r. pñone pec-  
catorum.

‘Circa materiâ de cohibitione & correptione peccatorum, in qua posuistis articulum sub iis  
‘verbis : Omnia peccata mortalia, & præsertim publica, per eos quorum interest, rationabiliter, &  
‘secundum legē dei cohibeantur, corrigantur & eliminantur. Ecce verbum, per eos quorum inter-  
‘est, nimis est generale, & posset esse offendiculum. Et juxta scripturæ sententiā, non debemus  
ponere offendiculum ante cæcis : & claudenda sunt ossa, ne bos vicini ibi lædatur : omnis talis  
ocasio tollenda est. Dicimus ergo quod secundum scripturæ sacræ sententiā, sanctorumque docu-  
menta doctorum sic catholicè est tenendum : Quod omnia peccata mortalia, præsertim publica,  
quantum rationabiliter fieri potest secundum legē dei & sanctorum patrum instituta sunt cohibenda,  
corripien-

corripienda & eliminanda. Potestas autem puniendi criminosos, non ad privatas personas, sed ad eos tantummodo pertinet, qui jurisdictionem habent in eos fori, distinctione juris & iustitiæ ordine observatis.

‘Circa materiam de prædicatione verbi dei, in qua posuistis articulum hoc tenore, Quod verbum dei à sacerdotibus domini & levitis idoneis liberè ac fideliter prædicetur: Ne ex verbo liberè sumeretur occasio vagæ & dispendiosæ libertatis, quam nec vos (ut sæpe dixistis) intenditis, circumstantionandum est. Dicimusq; quod secundum scripturæ sacræ sententiam, sanctorumque documenta doctorum sic catholicè est tenendum: Quod verbum dei à sacerdotibus domini & levitis ad hoc idoneis, & per superiores, ad quos pertinet, approbatis & missis, liberè, non tamen passim, sed ordinatè & fideliter prædicetur, salvâ autoritatè pontificis, qui est præordinatus in cunctis, juxta sanctorum patrum instituta.

‘Circa materiam articuli ultimi sub his verbis expressi. Non licet clero Christi, tempore legis gratiæ, super bonis temporalibus seculariter dominari: Meminimus, quod dum in sacro Concilio super hoc disputatio ageretur publica & solennis, ille qui ad disputandum per sacrum Concilium extitit deputatus, duas conclusiones posuit sub his verbis. Prima, quod clerici non religiosi, seu qui voto se ad hoc non obligarunt licitè possunt habere & possidere quæcunque bona temporalia, hæreditates paternas, aut aliorum, si eis relinquuntur, & alia bona justè acquisita ex causa donationis vel alterius liciti contractus, vel arte licita. Secunda, quod ecclesiæ potest licitè habere & possidere bona temporalia mobilia & immobilia, domos, prædia, villas, oppida, castra & civitates, & in eis habere privatum & civile dominium. Ille siquidem ex vestris Ambasiatoribus qui disputabat, concessit easdem, dicens illas sensui sui articuli bene intellecto non contradicere. Cum ipse articulum suum intellexerit de dominio civili formaliter intellecto. Ex quo & aliis, posset intelligi quod verba [seculariter dominari] in præinserto articulo expostita, ad aliquem specialem dominandi modum vel usum videantur referri. Sed quoniam doctrina ecclesiæ non est verbis ambiguis pertractanda, sed plenè: propterea id quod secundum legem dei & sanctorum documenta doctorum catholicè tenendum est, duximus exprimendum: Videlicet, præmissas duas conclusiones esse veras, quodque ecclesiastici viri bona ecclesiæ, quorum sunt administratores, debent fideliter administrare, juxta sanctorum patrum salubria instituta. Ipsaque bona ecclesiæ ab aliis, quàm ab his quibus administratio canonicè est commissâ, usurpari sine sacrilegii reatu non possunt.

Sacrum Concilium, circa materias dictorum trium articulorum curavit, semota omni ambiguitate, secundum veritatem evangelicæ doctrinæ veros sensus exponere. Verum si circa ipsas materias aliquid dubietatis adhuc restat, juxta informationes quas in sacro Concilio accepimus, parati sumus, super illis, prima veritate (quæ Deus est) largiente, vobis declarare veritatem.

Si declarationem dictorum trium articulorum, quæ veritati sacræ scripturæ innititur, suscipitis & amplectimini, prout tenemini, ac unitatem puram, simplicem & perfectam realiter & cum effectû vultis habere, super libertate communionis sacratissimæ eucharistiæ sub duplici specie, quam postulatis & desideratis, quamq; sine \* licentia sanctæ matris ecclesiæ licitè non potestis habere, nos habemus potestatem à sacro generali Concilio, certo modo vobiscum tractandi & concludendi. Speramus taliter ut mansuri sitis merito consolati.

His explicatis, quia domini Bohemi habita sua deliberatione, dixerunt se nolle super prædictis dare responsum, nisi † prius super materia communionis, quid esset eis offerendum audirent, opus fuit explicationem rei ita facere: quæ facta fuit, & in scriptis tradita sub forma sequenti.

In nomine Domini & Salvatoris nostri Jesu Christi, de cujus sacratissimæ eucharistiæ sacramento tractaturi sumus, ut ipse qui hoc sacratissimum sacramentum instituit, quod est unitatis & pacis, illud in nobis effici faciat, quod designat, ut videlicet simus unum in ipso domino Jesu capite nostro: & ut ipse conterat veritutes diaboli, qui sua maligna astutia ex sacramento pacis & unitatis occasionem bellorum ingessit: ut dum de modo communicandi Christiani contendunt, communionis fructu priventur. Unde beatus Augustinus in sermone de infantibus, in Decretis de cons. dist. 2. Quia passus. Ita dominus noster Jesus Christus nos significavit, nos ad se pertinere voluit, mysterium pacis & unitatis nostræ in mensa consecravit. Qui accipit mysterium unitatis, & non tenet vinculum pacis, non mysterium accipit pro se, sed testimonium contra se.

Hoc ante omnia duximus præmittendû, quod consuetudo generalis ecclesiæ, quam etiam patres vestri, & vos ipsi olim servastis, per longissima tempora hoc habuit & habet, quod non conficiens, sub specie panis tantum communicant. Quam consuetudinè ab ecclesiâ & sanctis patribus rationabiliter introductam, & diutissimè observatam non licet reprobare, aut sine ecclesiæ autoritate pro libito immutare. Igitur dictam consuetudinem ecclesiæ immutando

Resp. ad articulum de libera prædicatione Verbi Dei.

Resp. ad articulum ult. de dominio Clerico- rum super bonis temporalibus.

\* Bene habet, quod in materia institutioni ipsius Christi audeat contradicere.  
† Prudentia Bohemorum.

Forma explicationis in negotio communionis.

mutando, assumere usum communicandi populum sub utraque specie, absque authoritate sanctæ matris ecclesiæ licitum non est, sed illicitum. Sancta vero mater ecclesiæ, suadentibus causis rationabilibus, facultatem communicandi populum sub utraque specie potest concedere & largiri. Et talis communio, quæ sine authoritate ecclesiæ attentata, esset illicita, cum de authoritate & licentia sanctæ matris ecclesiæ fiet, erit licita, si alia non impediant. Si alia non impediant, propterea diximus, quoniam (ut ait Apostolus) qui manducat & bibit indigne, iudicium sibi manducat & bibit. Unde beatus Isidorus (& habetur de consecratione: distinctione 1.) Qui sceleratè vivunt, & in ecclesiâ communicare non desinunt, putantes se tali communione mundari, discant nihil ad emundationem proficere sibi. Et Augustinus eadem dist. Et sancta malis nocere possunt, bonis sunt ad salutem, malis ad iudicium: Sunt ad hoc plures authorities. Etenim inter primos communicantes Apostolus Judas fuit, sed quia indigne suscepit, proditoris peccatum habens in corde, sibi nihil profuit. Quinimo extunc diabolus in eum majorem exercuit potestatem. Ratio hoc magna demonstrat. Quis vestrum dominum suum in hospitium suscepit, non cum omni cura domum suam studeret mundare pariter & ornare, ut ipsum dominum posset honestè suscipere? Susceptor igitur Dominum & Salvatorem nostrum in hospitio animæ, debet ipsam animam diligenter mundare & ornare. Mundare per sacramentum poenitentiae, cum amaritudine & contritione cordis, peccata sua humiliter, pure & integrè veraciter confitendo, & suscipiendo satisfactionem debitam & poenitentiam salutarem. Ornare verò purpura sanctæ devotionis, ut sic corde purgato & fervore devotionis ornato, accedat ad divinissimum sacramentum, in quo Deus est, mundum reconcilians sibi.

Admonet igitur, exhortatur & præcipit sancta synodus, ut omnes sacerdotes exhortentur diligenter & moneat populum, & omne studium & sollicitudinem adhibeant, ut nullus ad tam sacratissimum sacramentum, nisi debitè preparatus accedat cum magna reverentia & devotione, ne quod pro animæ salute suscipitur, in iudicium condemnationis redundet, dum suscipiatur indigne.

Præterea dicunt doctores quòd dicta consuetudo communicandi populum sub specie panis tantum, ab ecclesiâ & sanctis patribus fuit rationabiliter introducta propter rationabiles causas, specialiter propter duo pericula, scilicet erroris & irreverentiæ. Erroris: fuit enim error Nestorii, credentium quòd sub specie panis sit sola caro Christi, & sub specie vini solus sanguis Christi, quod est error. Nam veritas est quòd sub qualibet specie est totus Christus, vivus & integer, caro, sanguis, anima & divinitas. Et sub specie panis est totus Christus, vivus & integer. Et sub specie vini, non est tantum sanguis, sed totus Christus, vivus & integer. Quoniam (ut ait Apostolus) Christus resurgens ex mortuis, jam non moritur. Semel ergo tantum mortuus est, jam non moritur, nec sanguis à corpore separatur. Ut igitur huic errori obviaretur, & magis imprimeretur fidelium mentibus, quòd sub qualibet specie est totus Christus: dum non solum verbo, sed etiam ipso signo indicaretur, visum fuit utile esse sub una specie tantum ministrari. Efficacius enim imprimitur, quando cum doctrina verbali sensuale aliud signum concurrit, ideo sacramenta & sacrificia instituta sunt, ideo & dominus noster Jesus Christus in parabolis loquebatur, & sapientes in parabolis loquuntur, ut dum cum doctrina sua similitudo repræsentativa concurrit, efficacius mentibus imprimatur.

Secundum periculum est irreverentiæ. Etenim quamvis omnia sacramenta cum magna reverentia sint tractanda, istud tamen divinissimū sacramentū super omnia alia cum maxima & summa reverentia tractandum est. Alia siquidem sacramenta sunt valde gratiæ divini, non tamen per ea realem Domini nostri Jesu Christi præsentiam obtinemus: in hoc verò sacratissimo sacramento Dominus noster Jesus Christus, sub alia quidem forma, in propria verè substantia est nobiscum: ideo tractandū est cum omni studio & cautela ne aliquid contingat, quod cedat in irreverentiam ipsius sacramenti. Et cum in calice sit sub specie liquida, multa possunt contingere, quæ cederent in irreverentiam ipsius sacratissimi sacramenti, tam ex parte ministrantis, quam ex parte suscipientis, quàm etiam ex parte speciei vini, quæ est magis ad alterationem suscipiendam disposita, quàm species panis. Vos qui practicalistis, per experientiam nostis. Nam doctores de hoc multa dicunt, & nobis à fide dignis multa relata sunt: quæ cum audivimus, exhorruerunt pili corporum nostrorum, & animi nostri nimio terrore concussi sunt. Dictum est nobis accidisse, quòd cum sacerdos ad infirmum sacramentum sub duplici specie detulisset, quando infirmo voluit de calice ministrare, nihil ibi reperit, totum, dum per viam agitando veniret, distillaverat. Et alibi, cum mane diei dominicæ ministraretur, quod ex præcedenti die fuerat reservatum, talis alteratio facta erat, ut qui suscipiebat ferre nō valens, emisserit. Heu casus horrendi, & non sine magna cordis amaritudine referendi! Et multa alia hujusmodi nobis relata sunt. Et quisq; volens prudenter advertere, poterit, quanta

Rationes fri-  
voles Orato-  
rum quare  
communica-  
tur sub una  
specie tantum.



quanta possint accidere, cogitare. At verò quam sint hæc gravia, ex Decreti sententia poteritis intelligere, de conse. dist. 11. Si per negligentiam aliquid de sanguine stillaverit in terram, lingua lambatur, tabula radatur: si non fuerit tabula, ut non conculceretur sanguis, locus radatur & igne consumatur, & cinis in altari recondatur, & sacerdos quadraginta diebus poeniteat. Si super linteam altaris, & ad aliud stilla pervenerit, quatuor diebus poeniteat: si usque ad tertium, octo diebus poeniteat: si usque ad quartum, viginti diebus poeniteat. Et lintamina quæ tetigerit stilla, tribus vicibus minister abluat calice subterposito: & aqua ablutionis sumatur, & juxta altare recondatur. Præterea audivimus sæpe contingere, quòd sacramentum in calice non sufficit multitudini communicantium: & tunc sit noviter consecratio calicis tantum, & à presbytero non communicante: quod est à sanctorum patrum doctrina plurimum alienum. Et etiam dicitur, quòd aliqui interdum vinum non consecratum pro consecrato ministrant: quòd maximum periculum est.

Fiet igitur isto modo, quod vobis suscipientibus ecclesiasticam unitatem & pacem, realiter & cum effectu, & in omnibus aliis, quàm in usu communionis utriusque speciei, fidei & ritui universalis ecclesie vos conformantibus: vos qui talem usum habetis, communicabitis sub duplici specie cum autoritate ecclesie. Et articulus ille in sacro Concilio discutietur ad plenum & videbitis quid circa illum articulum pro veritate catholica sit tenendum & agendum pro utilitate & salute populi Christiani. Et omnibus maturè & digestè pertractatis, nihilo minus si perseverantes in desiderio vestro, hoc vestri ambasiatores postulerint: sacrum Concilium sacerdotibus vestris communicandi sub utraque specie populum vestrum, eos videlicet qui in annis discretionis constituti, reverenter & devotè postulerint, auctoritatem & facultatem in domino largietur: hoc semper observato, quòd sacerdotes sic communicantibus semper dicant, quòd ipsi debent firmiter credere, quòd non sub specie panis caro tantum, nec sub specie vini sanguis tantum: sed sub qualibet specie est integer totus Christus.

Concessio calicis sub conditione.

Hactenus decretum sacri Concilii retulimus. Ad dubia autè & quæstiones Bohemorum, quas magistri & sacerdotes postea movebant, sic responderunt oratores sacri Concilii.

Primo dixerunt, quòd non est intentionis sacri Concilii permittere communionem sub duplici specie permissione tolerantie, vel sicut Judæis fuit permixtus libellus repudiij: quia cum sacrum Concilium viscera maternæ charitatis exhibere dictis Bohemis & Moravis intendat, non est intentionis Concilii permittere tali permissione, quæ peccatum non excludat: sed taliter elargiri, ut auctoritate Domini nostri Jesu Christi, & ecclesie veræ sponsæ suæ sit licita, & dignè fumentibus utilis & salutaris.

Item, quum circa materiam de punitione peccatorum, fuisset per dictos Bohemorum magistros & sacerdotes dictum, quòd ex scriptoris sacris habetur, quòd interdum Deus excitat corda privatarum personarum ad correptionem & punitionem peccatorum: & sic videtur licere inferioribus corrigere suos superiores, & punire.

Responderunt, & offensores textum sancti Augustini in Decretis 33. Qui percutit malos in eo quòd mali sunt, & habet causam interfectionis, minister Dei est: qui verò sine aliqua publica administratione maleficum, furem, sacrilegum, adulterum, perjurum, vel quemlibet criminofum interfecerit aut trucidaverit, vel membris debilitaverit, velut homicida judicabitur: & tanto acrius, quanto non sibi à Deo concessam potestatem abusive usurpare non timuit. Et certè molestius susciperet ista civitas, si aliquis privatus attentaret punire unum criminofum, & erigeret furcam in platea, & ibi eum suspenderet, quàm si unus homo interficeret unum hominem in rixa, vel per insidias. Et alios textus beati Ambrosii & Hieronymi eidem concordēs etiam allegarunt.

Dixerunt quòd nemo dubitat, quòd lex Dei sanctè & debitè posita est: & in ea legitur simpliciter, Non furtum facies. Et tamen mandato Dei filij Israel asportarunt bona Aegyptiorum, quæ receperant commodata. Item in eadem lege scribitur simpliciter, Non occides. Ex quo beatus Augustinus primo de civitate Dei probat, quòd nemini licet occidere seipsum. Et cum facit instantiam de Sampsonē, respondet, & dicit hæc verba: Cum autem Deus jubet, seseque jubere sine ullis ambagibus intimat, quis obedientiam in crimen vocet, quis obsequium pietatis accuset?

Hic in proposito verba beati Augustini habeatis pro responso. Sed videat quisque, si Deus jubet, & se jubere sine ambagibus intimat, & prober spiritus si ex Deo sint. Sed de talibus non est lex danda, nec est cultu agitando. Nam per hoc facile insurget occasio faciendi seditiones, & inferioribus insurgendi contra superiores. Et quando aliquis furatus esset vel interfecisset, diceret quòd Spiritu Dei motus est: sed certè nisi de hoc bene constaret, puniretur.

Dixerunt denuo, quòd aliqui sunt casus, in quibus laici habent potestatem in clericis.

Fuit responsum, quòd certi sunt casus in jure, in quibus laici habent potestatem super clericos & etiam aliquando super Cardinales. Nam si mortuo Papa, Cardinales non vellent intrare

\* Cardinales  
autem (ex  
quibus eligitur  
Papa)  
soleret hoc  
cavebunt.

† Hæc enim  
tam citò post  
denegatum  
lalcis cali-  
cem? quasi  
Lex Dei cessaret  
quando his non favet.

conclave ad electionem Papæ faciendam: \* Rex, Princeps, vel alius dominus, seu potestas secularis potest eos compellere. Sed in illis casibus jam ille non est privata persona, sed autoritate juris utitur jurisdictione. Similiter est intelligendum de aliis casibus in jure expressis:

Dixerunt ulterius, quod nullum jus fori habet justitiam, nisi jus populi illud approbaverit. Fuit responsum, quod nullum jus fori habet justitiam, si sit contra legem Dei: quia † lex Dei est regula omnium legum, sed exigitur magna peritia in applicando regulam ad regulatum. Nam interdum alicui videtur quod sit tortuositas in regulato, & non est, sed est defectus in applicando, quia non applicatur debito modo regula ad regulatum.

Circa articulum de prædicatione verbi dei fuit motum, quod interdum aliquis prælatus ex sua invidia vel malitia, sine causa rationabili bonum & idoneum prædicatorem, bene & catholicè prædicantem inhihet prædicare.

Fuit responsum, quod satis intellexerunt quod abusus prælatorum inordinate agentium, magnam occasionem præstitit his turbationibus, & quod in eorum partibus nunquam audiverunt tales querelas. Sed prælati favent bonis prædicatoribus, & eos ad prædicandum excitant precibus, favoribus & honoribus. In talibus autem casibus jam sunt a jure prædicta remedia. Quando aliquis prohibetur uti jure suo, habet remedium appellandi: & si bene confidit quod sit appellatio justa, utatur jure suo, omni violentia brachii utriusque, spiritalis videlicet, & secularis, remota. Nam exitus causæ declarabit, si ipse habebat justam causam appellandi. Tunc declarabitur superiorem malè prohibuisse, & appellantem justè fecisse. Et superior injustè prohibens debet corripi. Si autem justè fuerit prohibitus, & ipse sua temeritate, superioris justum mandatum sprevit, dignum est quod ipse digna animadversione puniatur.

Circa quartum articulum fuit motum, an liceat prælatis ecclesiasticis, actus secularis domini in propria persona exercere.

Fuit responsum, quod si per verbū [actus secularis domini] intelligantur actus quos unus secularis dominus posset agere seu exercere: tunc dicendum, quod aliquos tales actus potest licitè prælatus in propria persona exercere: sicut sunt vendere, impignorare, infeudare, modis & formis à jure ordinatis. Aliqui sunt, quos non licet in propria persona exercere, sed debent habere oconomum, vicedominum vel procuratorem, qui hæc exerceat, de quibus actibus in jure cavetur, in rubrica ne cler. vel mon. secul. negoc. se immis. & aliis in rebus.

Fuit motum, an illa potestas coactiva, quæ debet exerceri per oconomum, &c. sit apud prælatum ecclesiæ.

Dictus Johannes Polomair respondit, quod hæc quæstio præsupponit aliâ: de qua sunt diverse opiniones inter doctores, apud quæ sit dominium ecclesiæ. Et ulterius, an actiones sint in persona tutoris vel procuratoris, vel licet non sint in eorum persona, tamen per constitutionem actoris vel procuratoris, cujus exercitium ipsarum demandant ipsi actori vel procuratori, & alias intricaciones, de quibus non est opus ad præsens agere. Sed cum multum instaretur, dicere opinionem suam, dixit: Quod si etiam otium haberent, & liberet solatiari in disputando, daret optionem arguenti. Sed magis esset opinio sua, quod dominium rerum ecclesiæ est apud Christum, & prælati & alii ecclesiastici, sunt canonici administratores ad instar tutorum. Sed ampliorem habent potestatem, seu administrationem quam tutores. Et constituendo oconomum seu vicedominum, &c. eorum constitutione debet facta, oconomus seu vicedominus habet illam potestatem coactivam, seu exercitium jurisdictionis.

Item circa quartum articulum, pro declaratione primæ conclusionis, est concordatum, quod verba [justè acquisita] in ipsa posita, omnia in eadem contenta determinant.

Item circa secundam conclusionem, cum sacri canones & doctores sancti sic loquantur, bona ecclesiæ, res ecclesiæ, facultates ecclesiæ, & inter doctores variæ sint opiniones, apud quem sit ipsarum rerum dominium, prout not. glo. in c. Expedi. 12. quæst. 1. ad nullam illarum opinionum intendunt aliquem coactare, nec aliquam illarum opinionum excludere, sed sit unicuique facultas illam quæ sibi melior videbitur, probabiliter sustinere.

Dixerunt præterea dicti Bohemi, quod ipsi tenent, quod clerici, aut viri ecclesiastici rerum temporalium ecclesiæ sunt administratores, & non domini, ad modum loquendi scripturæ, doctorum sanctorum & canonum.

Item Bohemi dicunt, quod in omnibus emergentiis stare volunt dictamini judicis ex unanimi consensu in Egra compactati. Hunc in modum nostri Bohemi responderunt.

Tandem post multos tractatus, ultrò citroque habitos, inita est concordia, & manuum stipulatione firmata: promiseruntque se Bohemi declarationem trium articulorum, ac pacem & ecclesiasticam unitatem accipere. Factum est id anno millesimo quadringentesimo trigesimo octavo, circa festum Martini. Convenit est postea, cum à legatis sacri Concilii, tum ab oratoribus Bohemorum, ut quæ reliqua erant componerentur: primum Ratiponæ,

tisponar; deinde apud Brunnam diocesis Olmutzensis, item apud Albam Regalem in Ungaria, coram Sigismundo Cæsare. Verum nullibi res tota conchi potuit: nunc enim erat consulenda synodus, nunc alia sunt exorta impedimenta. Postremo apud Iglaviam oppidum Moraviæ concordia instrumentis ac sigillis roborata est, Compactata vocant, quinto die mensis Julii, Cæsare præsentē.

F I N I S.

Petitiones Bohemorum postremo Propositæ in sacrosancta synodo Basiliensi Anno M. CCCC. XXXVIII. mense Novembri.

Reverendissimis in Christo patribus, & dominis nobis gratiosis. Nos oratores regni Bohemiæ humiliter, & quanta possumus affectione supplicamus, quatenus propter pacis & concordia finitæ perpetuam conservationem, & omnium quæ in Compactatis sunt, foelicem ac firmam conservationem, dignemini nobis dare, concedere & de vestra clementia elargiri, cum effectuali executione omnes, & singulas postulationes infrascriptas.

1. Primò & ante omnia petimus & supplicamus, quatenus pro tollendis universis litibus, jurgiis & dissensionibus in populo nostro ex diversitate communionis indubitanter & infallibiliter sequentibus: & infinitis malis, quæ nec dicere sufficimus, sicut ea concepimus, prorsus auferendis & abolendis, dignemini clementer pro vestra bonitate & liberalitate regno nostro Bohemiæ & Marchionatui Moraviæ dare, concedere & demandare uniformem & unanimem omnibus & singulis sub utraq; specie sacrae Eucharistia communionem, videlicet Archiepiscopo Pragenfi, necnon episcopis Linthomissensi, Olmutzensi, & aliis prælatis singulis regni & Marchionatus curam animarum habentibus, & eorum vicariis, necnon & plebibus eorum singulis & subjectis: Et hoc secundum ea, quæ in mandato bullæ legatorum, & in Compactatis, nomine sacri Concilii sunt inserta in cap. Pro firmitate, ubi sic dicitur: Et omnia alia fient, quæ pro observatione dictæ pacis & unitatis necessaria fuerint & opportuna. Nam hoc factò, ex vestro beneficio regnum totum supra quam dici potest, consolabitur, & in dilectione fraterna firmabitur, ex quibus uniformis subjectio & obedientia sacrosanctæ ecclesiæ perpetuò tribuetur.

2. Item supplicamus, ut supra, Quatenus pro amputanda falsa suspitione & vacillatione multorum putantium, quod sacrum Concilium prætatam communionem sub utraq; specie nobis concessam, ad tempus duntaxat concederet non utilem & Salutarem, sed ut libellum repudiij, dignemini juxta illud capitulum in Compactatis positum. Primò dixerunt, quod non est intentionis sacri Concilii, &c. nobis & vestrae concessionis salubriter & maturè providere, & illud capitulum unà cum aliis ipsum munus legatorum vestrorum consequentibus, bullis literarum vestrarum firmare & perpetuare.

3. Item supplicamus, ut supra, Quatenus pro consolatione obedientia, & totius ordinis ecclesiasticæ disciplinæ, & pro finali Compactatorum defensione & observazione, & bono & optimo in spiritualibus regimine, dignemini nobis providere cum effectu, de bono & legitimo pastore, Archiepiscopis & aliis episcopis, qui nobis pro regno nostro magis idonei, & magis grati & accepti viderentur ad illa officia salubriter exequenda.

4. Item supplicamus, ut supra, Quatenus Vestrae Paternitates pro tuenda in posterum inclita fama regni & Marchionatus, pro ostendenda & manifestanda nostra innocentia, pro eo quod communicaverunt & communicant, & communicabunt sub utraq; specie, dignentur dare & ordinare & destinare literas sacri Concilii in modo & forma magis ostensioni accommodata & congrua, ad omnes principes tam seculares quam spirituales, civitates & communitates juxta Compactata. Et hoc idem domini legati nobis facere obligantur.

5. Item supplicamus, ut in discussione in materia communionis Eucharistia sub utraque specie, de ejus præcepto à Domino ad omnes fideles, non procedatur aliter nisi secundum judicem in Egra compactatum, hoc est secundum legem divinam, praxim Christi & apostolorum ejus, concilia generalia & secundum sententias sanctorum doctorum veraciter se in lege dei fundantium.

6. Item supplicamus, quatenus Paternitates Vestrae, considerata magna affectione populi nostri, velint dare nobis desideratam libertatem communicandi parvulos sacra Eucharistia. Nam si iste usus communicandi, quem regnum nostrum, pie motum, magnorum sanctorum doctorum scripturis & exemplis inductum, ut catholicum suscepit, & à multis annis effectualiter exercuit, aboleretur, certè magnum & intolerabile scandalum in populo oriretur, immò animus eorum plurimum ex hoc implacabiliter perturbaretur.

Bohemi  
petunt ut par-  
vuli sui par-  
ticipes sine  
sacra Com-  
munionis; si-  
cut hostie sic  
apud Chris-  
tianos Grae-  
cos in Ori-  
ente.

Item

Petunt Evan-  
gelia. &c. re-  
citari lingua  
vernacula.

7. Item supplicamus, ut supra, quatenus ex eisdem causis, Vestræ Paternitates dignentur permittere ad minus evangelia, epistolæ & symbolum in vulgari in missis & ecclesiis corâ populo ad excitandam devotionem libertari, legi & decantari. Nam in nostro linguagio Slavico, ex indulto ecclesiæ olim ab antiquo in vulgari suo exercetur, etiam in nostro regno.

8. Item supplicamus nomine ejusdem regni, & alme universitatis Pragensis, quatenus erga ipsius universitatis desideratam reformationem, Vestræ Paternitates dignentur curam adhibere & operam dare sollicitam, ut juxta modum & formam aliarum universitatum, taliter per ecclesiâ reformatarum, præbendæ & collationes beneficiorum aliquorum ecclesiarum cathedralium & parochialium eidem universitati adnectantur, conferantur & incorporentur, ut per hoc universitas augeatur & promoveatur.

9. Item supplicamus, ut supra, quantum sufficimus, salvâ semper paterna reverentia, ex Compactatis Vestræ Paternitates requiramus & instanter monemus, quatenus ad illam cunctis piis mentibus desideratam, & Christianæ religioni summè necessariam & opportunam totius ecclesiæ reformationem, dignetur vestra paternitas toto studio invigilare & effectualiter insudare pro extirpatione omnium malorum publicorum, in capite & in membris: prout regno nostro frequenter promittitis in Compactatis: & prout articulus noster quartus, de eliminatione omnium peccatorum publicorum, hoc manifestè exigit & requirit.

### ¶ Responsiones hæ sequentes sunt ordinatæ, sed non fuerunt datæ.

1. Prima petitio videtur inniti obligationi, tanquam ex compactatis sacrum Concilium hoc facere teneatur, ex illo capitulo quod incipit: Pro firmitate & observantia pacis, & sequitur, Per dictos legatos sacri Concilii dabitur omnis firma, & procurabitur Bulla Concilii, & mandata ipsius sacri Concilii ad omnes Principes, & communitates circumstantes & alia quæ necessaria fuerint & opportuna. Pro parte verò dictorum Regni & Marchionatus dabuntur literæ cum sigillis firmis, ac munimentis opportunis: proclamabitur pax, & servari mandabitur: & omnia alia fient, quæ pro observatione dictæ pacis & unitatis necessaria fuerint & opportuna. Sed certè ex illo capitulo, neque competit jus sacro Concilio faciendi Bohemis, quòd pro bono pacis & unitatis teneantur dimittere usum communionis sub duplici specie: cum promiserint omnia facere, quæ pro observatione pacis & unitatis fuerint opportuna. Hoc effet valde opportunum observationi pacis, ut ipsi in hoc, sicut & in cæteris, se conformarent usui omnium aliorum vicinorum, & totius ecclesiæ Latinæ. Nec econtra ipsis Bohemis competit jus ad petendum quòd sacrum Concilium compellat omnes de regno ad communicandum sub utraq; specie, tanquam hoc effet opportunum observantia pacis. Quia cum super hac materia jam sit in dictis compactatis specialis & certa dispositio, generalis clara quæ subsequitur, non se refert ad illa: maxime, quia hoc contrariatur ei, de quo in ipsis compactatis specialiter agitur. sc. de liberatione, cui contrariatur coactio. Nam & in liberatione concedenda, dicitur de illis personis, quæ in annis discretionis constitutæ reverenter & devotè postulaverint. Et si devotioni & postulationi cujuslibet est relinquendum, non est ad hoc aliquis compellendus, secundum ipsorum compactatorum seriem & tenorem. Et aliàs hoc de se manifestum est, quòd illa verba non dant jus talia postulandi: quo verò ad liberationem concedendam, de qua continetur in Compactatis, sacrum Concilium intendit omnino servare ipsa Compactata & ab ipsis in nullo deficere. Ex quorum tenore manifestè apparet, quòd declaratio istius articuli, an sit de præcepto, præcedere debet ipsam liberationem. Sicut ergo sacrum Concilium in omnibus se offert Compactata adimplere, ita & ipsi domini Bohemi facere tenentur.

2. Ad secundam petitionem respondetur, quòd omnia quæ sacrum Concilium tenebatur ratificare, jam ratificavit, & super hoc literas suas dedit. Illa non tenetur ratificare: quoniam pacta & conventiones a legatis sacri Concilii nomine ipsius facta, habent ratificationis causam: non autem responsa, quorum aliqua per omnes, aliqua per unum tantum ex ipsis facta fuerunt ad interrogationes quorundam magistrorum. Unde tam res ipsa, quam modus agendi manifestè ostendunt quòd ad ratificandum sacrum Concilium non tenetur. Verum, quantum ad illum punctum, qui in illa petitione specialiter exprimitur, non quia tenetur ratificare, sed pro consolatione populi Bohemici, & tollenda occasione aliis detrahendi, dicit sacrum Concilium: Quòd sicut consuetudinem laudabilem ab ecclesia universali observatam, de communicando populum sub specie panis, absque autoritate ecclesiæ nemo debet immutare: ita postquam ab ecclesia usus communionis sub utraque specie aliquibus permittitur, talis permissio non est sicut de libello repudiij, vel quæ peccatum non excludat, cum tales qui ex licentia & autoritate ecclesiæ sic communicant, transgressores ecclesiæ.



clesiasticæ institutionis vel consuetudinis dici non possint: dum tamen concessionis terminos non excedant. Erit igitur talis communio authoritate ecclesiæ concessa illis, quibus concessa fuerit licita, & dignè fumentibus utilis & salutaris.

3. Ad tertiam petitionē respondetur, quòd iustum & rationale est, ut ecclesiæ Pragensi de legitimo, idoneo, & utili provideatur pastore. Sed quoniam verba expresserunt magistrum Johannem de Rocozana, de quo non est rationale ut ad illam dignitatem promoveatur, cum ad impediendum, perturbandum & diffumpendum pacem & unitatem, post firmata compactata, fuerit multipliciter machinatus. Et non diu est, quòd à civitate Pragensi Serenissimo domino Imperatore insalutato, clam & furtivè recessit: & jam prodire & apparere incipiant, quæ post talem recessum & ante in perturbationem pacis fuerit machinatus, cum ad Pontificem maximè pertineat, unitatem & pacem amare, & ad eas alios provocare verbo pariter & exemplo. Ideo melius videtur hoc pro præfenti suspendere, ut habita meliori deliberatione & diligentia, cum Serenissimo domino Imperatore, possit eidem ecclesiæ utiliter provideri.

4. Ad quartam petitionē respondetur, quòd ex tota serie compactatorum, sacrum Concilium non tenetur aliquas literas ad Principes & communitates circumstantes dirigere: nisi iuxta præinsertum capitulum, quòd incipit, In firmitate. Illas promptum est facere & dirigere, iuxta seriem ipsius in formâ rationabili & honesta.

5. Ad quintam petitionē respondetur, quòd illa est intentio & voluntas sacri Concilii, quòd in discussione & decisione Spiritu Sancto auctore faciendâ in materia communionis Eucharistiæ sub utraque specie, & de ejus præcepto à domino ad omnes fideles, ut verbis eisdem utamur, quæ in ipsâ petitione continentur, non procedatur aliter, nisi secundum legem divinam, praxim Christi & Apostolorum ejus, concilia generalia, & secundum sententias sanctorum doctorum veraciter se in lege dei fundantium. Et ita debent sperare & credere omnes fideles, quòd ille qui ecclesiæ suæ promissit sui assistentiam infallibilem, & Spiritum Sanctum cum ecclesiâ in æternum mansurum, Salvator noster Jesus Christus, nullo modo permittit quòd ab ipsâ ecclesiâ aliqua decisio fiat circa materiam talem, quæ esset contraria superius memoratis. Sed debent firmiter credere omnes Christicolæ, quòd Spiritus Sanctus per os ecclesiæ docet fideles omnem veritatem necessariam ad salutem, & ita debent firmiter credere & nullatenus dubitare.

6. Ad sextam petitionem de communione parvulorum, respondetur quòd communio parvulorum per compactata expressè excluditur: cum solum ibi de illis loquuntur, prout ex tunc qui talem usum hæcenus habuerunt, & ad ultimum de illis, qui in annis discretionis constituti hoc reverenter postulaverint & devotè.

7. Ad septimam petitionem, quòd illa est de directo contra Compactata & ipsorum Bohemorum promissionem, per quam tenentur se conformare ritibus ecclesiæ. Certum autem est, quòd ritus ecclesiæ hoc non habet, neque in ipsâ Pragensi ecclesiâ ante ista disturbia hoc fiebat. Unde iustum & rationale foret, quòd conformarent se ritibus ecclesiæ, & in hoc & in omnibus aliis Compactata efficaciter adimplerent, & tunc possent honestius à sacro Concilio petere & rationabilius sperare.

8. Ad octavam, gratissimum est sacro Concilio quòd Universitas studii Pragensis reformetur & reparetur: & ideo super hoc faciet commissionem legato suo, ut circa reformationem & reparationem Universitatis, operam & studium præbeat: ordinando de aliquo certo numero præbendarum in aliquibus ecclesiis civitatis Pragensis, quòd ad eas assumi habeant dictæ Universitatis doctores & magistri, secundum ordinationem rationabiliter faciendam.

9. Ad nonam & ultimam petitionem respondetur, quòd hoc sacrum Concilium à suo exordio, studium & operam circa desideratam reformationem ecclesiæ præbuit, & præbere, deo auctore, intendit, multaque super hoc decreta edidit. Sed, inimico humani generis procurante, multa impedimenta circa hoc habuit: nihilominus in spe non deficit, nec per dei gratiam in studio deficiet & labore. Multa quidem super hoc avisata sunt & concepta, quæ ubi, Deo largiente, opportunitas fiet ad executionem ponendi, erunt ad Dei gloriam & ecclesiæ reformationem, honestatem & decorem accommoda. Sed quoniam (ut Sapiens ait) omni negotio tempus & opportunitas est, omnia sunt cum sapientia suaviter & opportunè disponenda: ne ea quæ si opportunè fierent, possent esse multum accommoda, impropunitas minus utilia reddat.

¶ Responſionum Finis.



## O. G. L E C T O R I S. P. D.

Quia in Basiliensis Concilii historiam iterum incidimus, lector studiose, non abs re fuerit, prædictis Aeneæ Sylvii collectaneis, siue ipsius de Bohemis ad illud vocatis libello, adicere, quæ Nicolaus de Clemangiis Archidiaconus Baiocensis, summus inclytissimæ Universitatis Parisiensis Theologus, ac Petro de Alliaco episcopo Cameracensi, Cardinali (de quo infra dicitur) unicè in Christo conjunctissimus, in opere suo de reparatione justitiæ, non minus sapienter quàm eruditè in medium produxit, Eugenii IV. protervam calliditatem, & integerrimam Concilii ejusdem Basiliensis auctoritatem prudentissimè ac verissimè describendo. Scribit enim citra omnium simulationem ac dissimulationem ipsum Eugenium, in pravam suæ factionis defensionem, ad Carolum regem Francorum suos misisse legatos, & quatuor ab eodem (ut sequitur) expostulasse, in quibus & Concilii Basiliensis & Pragmaticæ sanctionis, sufficiens patet approbatio. ¶ Verum enimvero si quis objecerit, Eugenium ipsum, in Italia, & ab ipso Francorum Rege, verum Christi vicarium Romanumque Pontificem habitum fuisse, is profectò intelligat Eugenium IV. Venetum fuisse, & Franciæ Regem sibi, modis (nescio quibus) in amicitiam conciliasse. At non sufficit, eo in casu, unum duntaxat pro se habere principem. Hæ enim nationes, Germania, Hungaria, Polonia, Dania, Norwegia, Suecia, Scotia, Anglia & regna Hispaniarum, & non parva etiam Galliarum pars, quæ tunc Philippo Burgundiæ duci subdita fuit, Foelici, Sabaudia duci, ac sanctissimo eremita, simul adhæserunt. Lege igitur quid Nicolaus Archidiaconus hac de re loquatur, & vale foeliciter.

¶ De facto ecclesiæ ambasiatores Eugenii in crastinum adventus Regis fuisse auditos: qui inter cætera quatuor petierunt.

Vide opera  
Nic. Clem.  
Lug. Bat.  
1613. pag.  
106.

¶ Primò, ut Rex reprobatet Concilium Basiliense à tempore translationis in Ferrariam, & approbaret Concilium Ferrariense. & in eo acta.

¶ Secundò, ut nullo modo depositioni domini Eugenii consentiret in electionem per Basiliens. Concilium factam, de duce Sabaudia, immò eam reprobatet, &c.

¶ Tertiò, quod in illam civitatem Moguntiam nullo modo, inconsulto Papa, (Eugenio videlicet) quenquam mitteret.

De congrega-  
tione Mogun-  
tiæ tunc ha-  
bita, require  
supra in Con-  
cilio Basili-  
ensi.

¶ Quartò, quatenus pragmaticam sanctionem vellet suspendi & tolli, & quod dominus Eugenius provideret. In crastinum auditi sunt ambasiatores Foelicis, & loquutus fuit solennissimè & cum gratitudine omnium dominus Thomas de Corcellis: qui per duas horas tenuit, & valde Regi placuit. Prælati & alii per sex dies deliberaverunt, & finaliter fuit responsum: ad primum, quòd Rex tenuerat Concilium Basiliens. pro Concilio: ad ipsum ambasiatores miserat: multa bona pro fide & moribus constituerat, quæ Rex approbabat: nec unquam congregatum Ferrariens. pro Concilio habuerat, aut habebat. Quoad depositionem Eugenii, & electionem Foelicis, nunquam eas approbaverat, aut approbat: immò tenuerat dominum Eugenium pro Papa, & adhuc tenebat, & volebat quòd sibi in suo regno obediretur, nisi aliud in Concilio generali celebrando juxta annum in aliquo loco Galliarum fuisset ordinatum: & quòd requirebat Papam, quatenus illuc mitteret dictum Concilium, & convocaret & celebrari procuraret, & quòd in eo personaliter interesset. Quoad mittendum Moguntiam, & ad illam civitatem ipse advisaret tempore opportuno quid agendum. Quoad pragmaticam sanctionem eam inviolabiliter volebat observari & custodiri. Et si aliqua videntur nimis rigida in illo generali Concilio, possent moderari. Monuit etiam ambasiatores Concilii, quòd tenerent manum, ad aliud futurum Concilium, transmissum. Datum Bituriz nono Septembris.

Hæc

¶ Hæc sequens Epistola est in Libraria sancti Victoris prope Parisios in libro pp. X. folio ultimo pulpiti p. & declarat materiam quæ in principio Concilii Basiliensis ventilatur, quia fuerunt ex Concilio eodem Moguntiam missi, qui contra Eugenium, pro ecclesiæ concordia tractarent, &c. Est quoque hæc epistola non parum accommodata ad intellectum tertii articuli, jam paulo ante præacti, ubi fit mentio de non mittendo ad Moguntiam, inconsulto Papa supra nominato.

## SERENISSIMO PRINCIPI CAROLO

Francorum Regi, fratri & consanguineo nostro charissimo.

**F**redericus Romanorum Rex semper Augustus, Austriæ, Stiriæ, Carinthiæ & Carniolæ dux, Comes Tirolis, &c. serenissimo Principi Carolo Regi Francorum fratri & consanguineo nostro charissimo salutem, & fraternæ dilectionis affectum. Dum ad sacri imperii fastigia divino vocati munere, tantæ molis gravissimæ gubernationis humeros nostros in dei nomine, ne suæ videremur ordinationi resistere, sinero corde submisimus: inter innumera mala, quibus undique orbis terrarum concutitur, hoc maxime quo certamen agitur, ut ævo nostro sancta scindatur ecclesia: animum nostrum eo premit, ardentiusque sollicitat quo eidem ecclesiæ matri nostræ filiali dilectionis amore & nobili advocacy officio fortius constituimur obligati: ut illi sæva nunc jacula patienti pro viribus nobis distributis ab alto, diligentia cleri succurramus, atque ad concurrendum in hoc tam necessario ac salutari opere Reges & Principes Christiano nomine gaudentes pura sinceritate hortemur. Nihil verò ad id æque patrocinaturum conspiciamus, quàm si catholici simul conveniamus Reges & principes ecclesiastici & seculares, ut sentiant quicunque dissidentes unam esse vocem omnium. Tunc enim sperandum, quòd nemo usquam illam irridebit aut spernet, nemo non reverebitur, neque non timebit. Unde venerabilium & illustrium nostrorum & sacri imperii principum electorum oratoribus: qui pridem decretum electionis de nostra persona ad culmen imperii celebratæ conspectui nostro attulerant: aliis quoque prælatis, principibus, comitibus, baronibus, proceribus, & viris consularibus nostris fidelibus dilectis deliberatè consulentibus, conventionem seu diætam solennem pro communi constituimus omnium salute in civitate Moguntina, rebus gerendis pluribus ex causis accommodatè, in diem festum Purificationis gloriose Virginis Mariæ proximè futurum, quæ erit secunda mensis Februarii, ad quam dextera dei nobis assistente propitia, intendimus personaliter nos transferre, charissimam fraternitatem vestram puro cordis affectu rogantes, quatenus orthodoxorum progenitorum vestrorum imitantes vestigia, pro laude Dei, pro consolatione ecclesiæ suæ sanctæ, ac totius populi Christiani salute, ad conventionem seu diætam huiusmodi idoneos vestros oratores, de vestræ fraternæ dilectionis proposito, viis quoque & modis quibus ab imminenti calami-tatibus sancta possit respirare ecclesia distinctè instructos, & ad tractandum, consulendum, cooperandum & concludendum in his plena vestra potestate fulcitos, illic destinare velitis. Si autem fraternitas vestra convocationem & diætam eandem accedere posset & veller propria in persona: id profectò ingentem gloriam & rebus gerendis fructum uberiorem afferrer. Hortamur denique fraternitatem vestram, advertere velle mente fideli, quæ sit nostra exhortatio, quantaque ecclesiæ subsit necessitas, & quàm periculosum esset nostrum silentium, & agere libeat quod expetimus, propter salutem populi ac decus vestrum, respicientes ad illum cuius causa agitur, qui de coelo descendit ut moriturus homo crucem ascenderet, in quo militans fundatur ecclesia, quatenus in ea suborta tollantur dissidia, & à gravioribus periculis eruatur. Datum Viennæ, anno domini M. CCCC. XXI. mensis Maii, regni nostri anno primo.

Sic in pede literæ, Ad mandatum domini regis Conradus præpositus Viennæ. Can-cellarius.

F I N I S.

SYNO-

## SYNODUS ARIBONIS ARCHIEPISCOPI

Moguntini cum Coëpiscopis ac abbatibus suis, Anno Domini M. XXIII. apud Saligunstat celebrata, in qua de variis jejuniis, ac aliis cæremoniis fit decisio.

**E**GO Aribo Moguntinæ sedis Archiepiscopus, quamvis indignus, cæteris, Confratres & Coepiscopi nostri, Burghardus Wormatiensis, Werinarius Argentinus, Bruno Augustunensis, Eberhardus Babenbergensis, Meginhardus Wirzburgensis, cum venerandis abbatibus Richardo Fuldensi, Arnolde Heroveldensi, Reginardo Laurelhamsensi, Herichone Treverensi, Everwino Tolejano, Heinrico de sancto Burgundo, Sigizzone de Schlutere, Gerberto de sancto Albano, Adelberto Clingenfi, Ruodolpho Bildenestaten, synodum in Saligunstat condiximus, anno videlicet Dominicæ incarnationis M. XXIII. indictione quinta, secundo idus Augusti. Anno autem domini Henrici regnantis XXI. Imperii vero VII. quatenus cum communi fratrum prædictorum consilio atque consensu multimoda divinorum officiorum atque synodaliū legum componeretur diffensio, & disparilitas nostrarum singularum consuetudinū, honesta consensione redigeretur in unum. Inconveniens quidem conventui sancto visum est, quod membra capiti discordarent, & ulla diversitas in unius compagine corporis esset. Ideoque propter illas lamentabiles diffensiones communi Decreto Concilii sanctum est, ut omnes Christiani duodecim dies ante festivitatem sancti Johannis Baptiste in abstinentia sine carnis & sagiminis, nisi infirmitate impediēte, aut alterius festi solennitate, quæ in illo episcopio celebris habetur, intercedente: & ante natalem Domini similiter, & in vigilia Epiphaniæ, & in omnibus vigiliis Apostolorum, atque in vigilia Assumptionis sanctæ Mariæ, & in vigilia sancti Laurentii, necnon etiam in vigilia omnium Sanctorum, adjucentes prædictis vigiliis unam horant refectiois.

Henricus.

Concordia  
res optima.

De jejniis.

De jejunis  
quatuor tem-  
porum.

¶ De incerto autem jejunio quatuor temporum, hanc certitudinem statuimus, ut si Calend. Mart. in quarta feria, sive antea evenierit, eadem hebdomada jejunium celebretur. Et si Calend. in quinta feria, aut sexta, aut in sabbato distenditur, in sequentem hebdomadam jejunium differatur. Simili quoque modo, si Calend. Junii in quarta feria, aut antea evenierit, in subsequente hebdomada jejunium celebretur. Et si in quinta feria, aut sexta, aut sabbato contigerit, jejunium in tertia hebdomada reservetur.

¶ Et hoc est sciendum, quod si quando jejunium mensis Junii in vigilia Pentecostes secundum prædictam regulam evenierit, non ibi celebrandum erit: sed in ipsa hebdomada solenni Pentecostes: & tunc propter solennitatem Spiritus Sancti diacones Dalmaticis induantur, & [flectamus genua] non dicatur. Eodem modo de Septembris jejunio constitutum est, ut si Calendis Septembribus in quarta feria evenierit, aut antea, jejunium tertia hebdomada celebretur: & si in quinta aut sexta, aut sabbato contigerit, in quarta hebdomada jejunandum erit. In Decembri illud semper erit observandum, ut proximo sabbato ante vigiliam natalis Domini celebretur jejunium: quia si vigilia in sabbato evenierit, simul vigiliam & jejunium celebrare non convenit.

De legitimis  
conjugiis.

¶ De legitimis autem conjugii ita visum est, ut nullus Christianus uxorem ducere debeat ab adventu Domini, usque in octavas Epiphaniæ: & a septuagesima usque ad octavas Paschæ: nec in supernotatis quatuordecim diebus ante festivitatem sancti Johannis Baptiste, neque in prædictis juniorum diebus, sive in omnium solennium dierum præcedentibus noctibus.

Quando sa-  
cerdoti non  
celebrandum.Stultissimi  
sacerdotes,  
&c.Decretum  
profundæ  
sagacitatis.

¶ Decretum est etiam in eodem Concilio, ut presbyter aliquis post gallicantum æstivis noctibus bibens, proximo die missam non celebret: Hyemalibus similiter, nisi necessitas cogat. Item Decretum est, ut unusquisque presbyter in die non amplius, quam tres missas celebrare præsumat. ¶ Conquestum est etiam in sancto Concilio de quibusdam stultissimiis presbyteris, ut quando incendium videant, corporale dominico corpore consecratum, ad extinguendum incendium temeraria præsumptione in ignem projiciant. Ideoque Decretum est sub anathematis interdictione, ne ulterius fiat. Interrogatum est, si duo de adulterio inculpati fierent: & unus profiteretur, alter negaret, quid inde agendum esset? Decretum est autem a sancto Concilio, ut ille qui negaverit, probabili se judicio expurget: & qui confessus fuerit, dignè poenitentiam agat.

F I N I S.

## O. G. STUDIOSO LECTORI S.P.D.

**I**ohannem Wefalien. insignem quondam Theologum, varios ac multiplices errorum hæresiumque (sic enim, cancri instar, alia ex aliis serpunt) graviter incidisse, eruditissimorum non est incognitum. Referam autem nunc, quonam modo ad tantam pervenerit dementia, ut ab alinis lanam, & e pumice, velut insensatus, aquam postulaverit. A natali enim Christiano, M. D. XV. egregius quondam Judæorum Rabbi, Victor à Carben, Christi postea sacerdos, & in fide constans. XLII. suæ ætatis anno ad fidem conversus catholicam, duos & nonaginta annos foeliciter complevit. Cujus etiam & opuscula quædam (quæ in laudē ecclesiæ & beatissimæ Virginis Mariæ honorē edidit) è vulgari in latinum vertimus. Is inquam Victor, quum Achillice adhuc valeret, mihi sæpius retulit, præfactum Johannem Wefalien. è Moguntia ob pestis metum Wormaciam se contulisse, atque ibidem cum Judæis, Christi inimicis, frequentem habuisse conversationem, eumque ab illis deceptum, in putidam errorum sentinam cornuisse. Hic igitur senex, bis puer, & tota (ut dicitur) aberrans via, Judæos adit. Quo facto, asinus inter simias, & noctua inter cornices versatur. Cui quidem silicernio, fucum fecere Judæi. Qui (ut in veteri est proverbio) acetum habent in pectore, altera manu lapidem, altera panem porrigentes. Miser igitur hic homo, inter sacrum sese & saxum constituens, quum duabus sellis insidere tentarat, in cineres corruit. Postea autem Moguntiam rediens, & suis generans majoribus, citatulus ac vocatus à venerando hæreticæ pravitatis Inquilitor, cæterisque ecclesiæ proceribus (dies enim revelat omnia) calculum secum reducendo, palinodiam cecinit, & aqua (ut dignum erat) adhæsit. Quæ superfluit, lector, tu ex subsequentiis diligentius percurtabere. Vale foeliciter.

## PARADOXA D. JOHANNIS DE

Wefalia, sacrarum literarum Doctoris, ac concionatoris Wormaciensis, quæ feruntur à quibusdam Thomistis ex illius concionantis ore fuisse excepta: mox damnata per Magistros Nostros, hæreticæ pravitatis Inquilitores, de ordine Prædicatorum, M. N. Gerhardum Elten de Colonia, & M. N. Jacobum Sprenger, Anno M. CCCC. LXXIX. Moguntia.

¶ An prælati habeant auctoritatem instituendi leges? Respondeo, quod non: quia Christus in Evangelio dicit discipulis suis: Euntes in universum mundum, & Ecce commisit prædicare Evangelium: ergo non debent nec possunt novas leges facere: sed debent fideles ad hoc inducere, ut servant Evangelium. Item: Docete omnia quæ mandavi vobis, &c.

Omnes Christiani, quantumcumque docti & sapientes, non habent auctoritatem exponendi verba Christi. Quis vellet dicere inter homines mentem Christi, quam ipse prætendit in suis verbis, nisi ipse solus?

Quare oculati expostores, exponendo comportant textus, unum exponendo per alium.

\* Indulgentias nihil esse credit.

† Glossæ non credit.

Doctorem scriptis, etiam sanctorum quantumcumque, non credit.

Mandata ecclesiæ non ligant ad peccatum.

Adveniat regnum tuum, &c. Ibi non petimus regna coelorum, quia illud non venit ad nos.

Rarò reperio, vel non duos unanimes literatos, etiam in fide: nullus tenet mecum, dempro Evangelio, ubi omnes sumus concordēs.

Deus ab æterno condidit librum, in quem scripsit omnes suos electos: quicumque autem in eo non est scriptus, nunquam inscribetur in ipsum in æternum. Et qui in eo scriptus est, nunquam ex eo delebitur. Abique specificatione dixit: unde simplices occasionem mali, seu malum sumperunt.

Sola Dei gratia salvantur electi. Et quæ Deus vult salvare, donando sibi gratiâ, si omnes sacerdotes vellent illum damnare aut excommunicare, adhuc salvaretur ille. Et quæ deus vult damnare, si omnes presbyteri, papa, & alii, vellent hunc salvare, adhuc iste damnaretur.

Quod timeat, quod nostri doctores male, fictè & falsè exponant sacram scripturam.

E e

Si

\* Tanto sapientior.

† Quid tum postea? quæsi ista forent pari fide atque textus, amplexanda, quem toties corrumpit.

Si nullus unquam papa fuisset, adhuc salvati fuissent hi qui salvati sunt. Et quod papa, & episcopi, & sacerdotes nihil sint ad salutem: sed sola concordia sufficit, & pax hominum, & pacifice vivere.

Qui potestati resistit, dei ordinationi resistit: sic scilicet, quod velit potestatem non esse.

Si S. Petrus instituisse jejunium, forte ideo fecisset, ut eo melius pisces suos vendidisset.

Christus nunquam instituit aliquod jejunium, nec prohibuit quemcumque cibum quocumque die, sicut carnes.

Sacrum oleum est sicut aliud oleum, quod comedis domi in ossa.

Christus nullum festum praecepit celebrare. Item nullam orationem docuit, nisi dominicam: neque mandavit sacerdotibus canere vel legere septem horas canonicas, jam longas, jam breves matutinas: Sic Missa jam est gravata in Christianitate. Dum enim beatus Petrus legeret Missam, praemisso solo [Pater noster,] consecravit, & se & alios communicavit, tunc torum fuit expeditum, nunc vero oportet sacerdotem stare in Missa ad horam vel ultra, sustinendo frigus, quod noceat ei ad annum, vel amplius. Et sic homo interimit seipsum.

Sancta ecclesia non instituit jejunium: neque tempore septuagesimae interdixit celebrare nuptias.

Si quis confiteatur, injungitur illi ardua poenitentia, ut peregrinetur Romam, vel ad alia remotiora loca: strictum jejunium: quod dicat multas orationes. Quod Christus non fecit, sed solum dixit: Vade, noli amplius peccare. Sic gravata est Christianitas per humanas leges & constitutiones.

Scriptura sacra non dicit Spiritum sanctum procedere à Filio.

Peregrinantes Romam fatui sunt: quia hic invenissent & obtinuissent, quod alibi quaesierunt.

In symbolo fidei circa illum articulum, sanctam ecclesiam: ego non pono catholicam: neque Hieronymus ponit: quia catholica, id est universalis: sed universalis congregatio omnium baptizatorum non est sancta, sed major pars reprobata. Sed forte quidam apposuit, & postea venit in consuetudinem totius multitudinis.

¶ In priore Editione annexae erant hic sententiae aliquot Germanicae, quas ob penuriam istiusmodi characterum hic omisimus: nequid autem desit, easdem hic habes in sermone Latino traductas.

Sic quoque proceditur per orbem Christianum.

¶ Item Doctor Wesalia dicitur dixisse:

Quaecumque non dicuntur esse peccata in S. Scriptura, ea non pro peccatis habeo: si quis alius norit melius, illi cedam.

Ecclesia sancta dicitur ordinasse jejunia & ab continentiam à nuptiis, statis temporibus: hoc merum est mendacium: repetendo & exaltando vocem.

Patres qui instituerunt jejunia, aliquibus quidem cibis interdixerunt: nequaquam tamen prohibere quo minus famelicus edat.

Quando quis esurit, necessum est ut manducet: immo in ipso Passionis Dominicae die licet caponem edere.

Contemno papam, Ecclesiam & Concilia. Amo Christum. Verbum Christi habet in nobis abundanter.

Item dixit, Res est difficilis esse Christianum.



# EXAMEN MAGISTRALE AC

Theologicale Doctoris Johannis de Wefalia Concionatoris Wormaciensis, Præfidentibus Magistris Noſtris hæreticæ pravitatis Inquiſitoribus, M. N. Gerharδο Elten, & Jacobo Sprenger de ordine Prædicatorum.

**A**NNO Domini, M. CCCC. LXXIX. Reverendiſſimus Præſul Moguntinus, Dietherus Iſenburgius, miſit literas ad Univerſitatē Heidelbergſem & Colonienſem, inſtigantibus, imò cogentibus Thomiſtis quibuſdam: veritus, ne de-  
nuo ab epiſcopatu ejiceretur, juſſu Romani pontificis, quod commeruerat ante  
levibus verbis, Romanorum in vendendis Palliis notata avaricia. Et minabantur ei Ro-  
mani præſulis iram: quam pridem non tam ipſe fuerat expertus, quàm tota Moguntia, &  
capta, & direpta, ac à victoribus nullum non contumeliarum genus paſſa. (Unde fe-  
runt Pium Pontificem ad Moguntia mentionem ſemper ingemiſſe, quòd juſ ſuum tam  
inſigni damno vindicaſſet). Miſit inquam literas ad antedictas Univerſitates pro Theologiſ  
examinaturis articulos M. Johannis Wefaliae de hæreſi ſuſpectos.

Diether epiſ-  
copus Mogun-  
tinus, Comes  
Iſenburgenſis.

Pius Secundus  
qui ante Ae-  
neas Sylvius.

Ad quas quidem literas ego N. N. nomine Univerſitatis reſpondi.

Itaq; ſerià ſexta proxima poſt Purificationis, convocatione facta omnium doctorum Hei-  
delbergienſium & magiſtrorum, ſuffraganei, comitis de Wertheim vicarii, comitis de  
Sulms cultodis, Breitenbach, Macarii, canonicorum eccleſiæ Moguntinæ, plebani Frane-  
fordienſis, Rectoris Univerſitatis & Decani facultatis artiſticæ ſtudiū Moguntini, prælato-  
rum eccleſiaſticorum, & doctorum conſulum præſulis inclytiſſimi, conſultatum fuit de  
modo, ordine, proceſſu, inſtitutione examinis. Et conſeſſum quòd M. N. Wefalia juſ-  
jurandum facere deberet, quòd præſentare & tradere veller omnes tractatus, opera, ſcri-  
pta ſua qualiſcunq; quæ condiſſet, ut per proprios ſermones vinceretur. Qui autem ab  
eo juramentum recipere, deputabantur, comes de Wertheim, Michael Heim Fiſcalis  
epiſcopi, Decanus ſancti Victoris Johannes Fauſt & notarius. Adjungebatur, quòd do-  
ctores Heidelbergſes cum tribus alijs, ſcilicet Macario, decano ſancti Victoris & quodam  
alio perſpicere tractatus ejus, errores exciperent, dearticularent. Tempore intermedio  
advenierunt doctores Colonienſes religioſi, M. N. Gerhardus Elten Inquiſitor, & M. N.  
Jacobus Sprenger ordinis Prædicatorum. Inter quos libelli dividebantur, ut quivis perlegens,  
turpes errores extraheret, in quibus de hæreſi ſuſpectus judicaretur.

Sabbato, doctores Heidelbergſes & Colonienſes, articulos excerptos Archiepiſcopo  
præſentant, & modum incipiendi continuandiq; dicunt. Præſul nihil eorum inſpexit, quia  
in unum non erant redacti. Præterea cœtus doctorum reverendiſſimo patri, M. N. Ger-  
hardum, ut inquiſitorem hæreticæ pravitatis obtulit, qui ſuſceptus honorificè, literis testi-  
monialibus ſe habere hujusmodi authoritatem docuit & probavit. Statutus eſt dies, hora,  
locus examinis, ad ſeriam ſecundam apud Minores, cum quibus in captivitate morabatur  
doctor Wefalia. Deinde unâ omnes doctores & magiſtri Heidelbergſes cum Archie-  
piſcopo prandeabant.

## DOMINICA.

Dominico die nihil eſt actum, propter ſanctitatem diei.

## FERIA SECUNDA.

Feriâ ſecunda, manè ſeptima horâ, convenerunt, Archiepiſcopus, Inquiſitor, doctores  
Colonienſes & doctores Heidelbergſes, magiſtri Heidelbergſes, Rector Univerſita-  
tis Moguntinæ, Decanus facultatis, Licentiat, magiſtri complures ejus Univerſitatis, Ca-  
nonici, Doctores, Cancellarius & conſiliarii epiſcopales, prælati religioſi, ſcholares, pro  
examine doctoris Wefaliae in reſectorio Minorum, ſuffraganeus, plebanus Francfordien-  
ſis doctor, Fiſcalis, Pedelli.

Sedit Inquiſitor primo loco, deinde ſecundo loco dominus Moguntinus, & ſic de alijs. Ante principium examinis, Inquiſitor pietate & humanitate inductus, ait palâm: Reve-  
rendiſſime pater, honorabiles doctores, &c. præſentem convocationem fieri fecit reveren-  
diſſimus

Inquiſitor pri-  
mo ſedit loco.

Ee 2

Oratio elo-  
quentissima  
Inquisitoris.

Locatur in  
terra Wefal.

\* Hui!

† Ecce mors  
afini istā au-  
thoritatem  
munici!

diffimus pater, princeps elector ad audiendum examinari M. Johannem de Wefalia in quibusdam articulis de fide catholica suspectis. Sed dicam aliquid pro bono illius viri, & rogo ut surgant duo vel tres ipsius fautores, vel alii qui moneant illum. ut à suis erroribus reſiliat, se recognoscat, gratiam petet. Quod si fecerit, gratiam consequetur: sin non velit, sine gratia procedetur. Deputabantur, suffraganeus, Macarius, plebanus Francfordiensis diu morantes, adeo ut M. N. Gethardus mitteret Fiscalem pro eis revocandis, dicens: M. Johannem Wefalianum sponte venire debere, & gratum esse de tali gratiæ exhibitione. Inter exundum dum Fiscalis iret, veniunt illi tres missi, personaliter Johannem adducunt, sic enim voluit. Ibat autē in medio duorum fratrum Minorū, pallidus, filicernius, habens baculū in manu. Porro locatus est ad medium in terra directē in oppositum præfatis & Inquisitoris. Inquisitor, aliis tacentibus, repetit ad eum verba superius notata. Ad quæ M. Wefalien. responsurus, protestationes longas & inania verba dicturus, longoque sermone temporis procrastinaturus, compescitur à M. N. Gerhardo dicente, ut se paucis absolveret & diceret, an adhuc vellet stare suis opinionibus, aut determinationi ecclesiæ? Respondit M. Johannes, se nunquam aliquid dixisse contra determinationē ecclesiæ: sed fatebatur se multos scripsisse tractatus, in quibus si errasset vel maledixisset, revocaret & revocare vellet, & omnia facere quæ deberet. Tum Inquisitor: Petitis tunc gratiam? Respondit Johānes: Pro quo debeo gratiā petere, cum mihi nihil constet de aliquo crimine, culpa sive errore? Inquisitor: Bene, revocabimus vobis ad memoriam, & procedemus ad examen. Inter hæc, ceteri movebant eum ad petendum veniam. Wefalia: Peto veniam. Nihilominus Inquisitor processit ad examen, prius tamen duobus instrumentis publicē lectis, auctoritatem se habere docuit \* apostolicam: deinde Johannē citavit, ut ad examen compareret. Tertiō mandavit eidem Johanni sub poena obedientiæ, in virtute sancti spiritūs sub poena excommunicationis latæ sententiæ (à quo nemo habeat ipsum absolvere, nisi solus Papa, vel ipse Inquisitor, nisi in articulo mortis) ut diceret planē verba veritatis super interrogandis de sua fide, sine ambagibus, sine verborum sophisticatione.

Interrogatus primò, an credat quòd ex juramento jam præfrito, obligetur dicere veritatem, etiam si sit contra seipsum, vel quemcūq; alium? Respondit, scio. Tum Inquisitor: Dicatis, credo. Johannes: Quid opus est credere quod scio? Ibi commotior factus Inquisitor, inquit: † Magister Johannes, Magister Johannes, Magister Johannes, dicatis, credo, dicatis credo, voce acuta. Respondit, credo.

Secundò interrogatus, an credat, si veritatem agnitam super interrogandis non dixerit, quòd sententiam excommunicationis incurrat ipso facto, & mortaliter peccet? Respondit, scio, ut supra, & tandem, credo.

Tertiò interrogatus, an scripserit aliquem tractatū super modo obligationis legum humanarum ad quendam Nicolaum de Bohemia vel Polonia. Et an scripserit tractatum de potestate ecclesiastica, de indulgentiis & jejuniis, & alios tractatus. Credidit se scripsisse, & multis doctis communicasse, Tractatum de jejuniis misisse episcopo Wormaciensi.

Quartò interrogatus, an fuerit cum eodem Nicolao aliquando conversatus in domo sua, seu loco habitationis suæ, aut alibi, & quoties? Respondit, credit & fatetur se cum eodem Nicolao fuisse conversatum de medicinis, & de communione sub utraq; specie, in Moguntia & Wefalia. Addidit, quòd istum Nicolaum vicisset ex Evangelio.

Quintò interrogatus, an scripserit aliquos alios tractatus, aut missivas literas ad aliquem aut aliquos alios Bohemos, aut quoscūq; alios schismaticos aut hæreticos? Respondit, & credidit se non scripsisse.

Sexto, an ipse receperit tractatus aut epistolas ab ipsis Bohemis, aut hæreticis, aut sit credens, fautor, vel episcopus Bohemorum? Respondit, quòd non sit.

Septimò interrogatus, an aliquando dogmatizaverit, aut prædicaverit, quòd sacra scriptura non dicat quòd spiritus sanctus procedat à filio, aut ab utroq; & quid ipse de hoc credat? Fatetur se scripsisse, & non prædicasse. Item non credit spiritum sanctum procedere à patre & filio, tanquam uno & eodem principio: quia appareat sibi, quòd non possit in textu sacre scripturæ inveniri.

Octavò, an credat unam sanctam catholicam & apostolicam ecclesiam, Et an contra hanc aliquid scripserit vel prædicaverit, Et an credat, scripserit, vel prædicaverit falsum esse in symbolo Athanasii hunc versum: Nam sicut anima rationalis? &c. Respondit, & credit unam sanctam ecclesiam, & quòd non scripserit contra ecclesiā: quòdque hodie credat illum versum, Nam sicut anima rationalis, &c. \* esse falsum.

Nonò, an credat ecclesiam sponſam Christi à spiritu sancto gubernari? Credit.

Decimò, an credat, scripserit, aut prædicaverit, quòd ecclesia, Christi sponsa, possit errare in fide, aut necessariis ad salutem? Dicit quòd ecclesia Christi non possit errare. Replacatur, quod scripserit.

\* Wefal. fau-  
tor hæresis  
Arianæ.

Unde-

Undecimò, an credat Romanā ecclesiam eſſe caput omnium aliarū eccleſiarū, Et an fi-  
des, quā proſitetur & tenet Romana eccleſia, ſit vera fides quā Chriſtus tradidit? Credit.

Duodecimò, an credat quòd Romanus pontifex ſit verus vicarius Chriſti in terris, & ne-  
ceſſariū eſſe unum toti eccleſiæ præſidentem, aut ſufficerent conventus & congregationes  
ſacerdotum? Credit quòd Romanus pontifex ſit Chriſti vicarius, & neceſſariū eſſe unum  
caput eccleſiæ.

Decimotertiò an credat quòd Papa peccator amittat uſum ſuæ poteſtatis & juridiſctionis?  
Credit, quòd non amittat.

Decimoquartò, an credat, ſcripſerit vel prædicaverit, quòd apoſtoli non habuerunt au-  
thoritatem à Chriſto condendi canones, aut inſtituendi aliquas leges. Dicit, & ſcit ſe præ-  
dicaiſſe & ſcripſiſſe, quòd non habeatur in Evangelio, quòd dominus dederit apoſtolis po-  
teſtatem condendi leges. Et non credit, quòd habeant poteſtatem.

Decimoquintò, an credat, ſcripſerit aut prædicaverit, quòd Papa, Imperator, & alii prin-  
cipes & prelati non habeant authoritatem condendi aut inſtituendi leges, ſubditos obligan-  
tes in foro conſcientiæ ad peccatum mortale, niſi ex conſenſu ſubditorum. Et an ſubditi tranſgre-  
dientes legem, ſint voti fractores, & peccent mortaliter, & non aliàs contra agendo. Re-  
ſpondit & credit, quòd habeant condere leges ſine conſenſu ſubditorum, & quòd præcepta  
eccleſiæ obligent ſub peccato mortali. Et credit, quòd aſſumentes legem non voveant ſer-  
vare legem. Et credit, quòd tranſgredientes legem humanam ſic aſſumptam, peccent mor-  
taliter. Varius tamen fuit ad iſtum articulum.

Decimofextò, an credat, ſcripſerit vel prædicaverit, quòd omnis ſacerdos ſeu præbyter  
ſit episcopus realiter, & diſerant ſola appellatione nominis. Credit differentiam eſſe inter  
episcopum & ſacerdotem.

Decimoſeptimò an credat, ſcripſerit aut prædicaverit, quòd nulli Chriſtiani, quantum-  
cunq; docti, habeant authoritatem aliquam exponendi verba Chriſti. Item, an credat, quòd  
ſacra ſcriptura ſit eodem ſpiritu expoſita per ſanctos patres & doctores, quo creditur primò  
tradita & revelata. Primum articulum falſum credit, ſecundum non credit.

Decimooctavò interrogatus, an credat, ſcripſerit vel prædicaverit, nullum eſſe peccatū  
originale in parvulis jam conceptis in utero materno: credit quòd nullum ſit.

Decimononò, an credat quòd in venerabili ſacramento eucharistiæ contineatur Chriſtus  
realiter, modo ſacramentali: aut ſolum ut Deus communiter eſt ubiq; per eſſentialem præ-  
ſentiam & poteſtatem. Et an credat in ipſo ſacramento manere ſubſtantiam panis, aut ejus  
formam ſubſtantialem. Et an credat, quòd ſub ſpecie panis in venerabili ſacramento eucha-  
ristiæ ſit totus Chriſtus cum corpore & ſanguine & divinitate, & ſimiliter ſub ſpecie vini  
poſt conſecrationem. Credit. Item credit, quòd corpus Chriſti poſſit eſſe ſub ſpecie panis,  
manente ſubſtantia panis.

Viceliū, an prædicaverit in Wiſbaden, aut alibi, quòd videns venerabile ſacramentum  
eucharistiæ, videat diabolū. Non credit.

Item interrogatus (ſuit hoc factum in principio examinis) proteſtatione facta per Inqui-  
ſitorem, quod ſuā referret ſic inquirere, quando ipſe ultimò confeſſus ſit, aut miſſam cele-  
braverit, aut communicaverit corpori & ſanguini domini noſtri Jeſu Chriſti? nam præ ſenio  
& debilitate vix celebrare poterat. Dicit quòd in vigilia nativitatſ Chriſti proximè præteri-  
ta confeſſus ſit, & receperit ſacramentum ipſo die nativitatſ. Item credit, quòd quilibet  
homo teneatur conſiteri, & communicare ſemel in anno.

Viceliſimoprīmò interrogatus, an credat continentiam clericorum occidentalis eccleſiæ  
eſſe in præcepto, aut eos omnino non teneri ad caſtitem: & an clerici teneantur ad ſep-  
tem horas canonicas. Credit, quòd ex præcepto, clerici teneantur ad continentiam, quòd-  
que ſub præcepto teneantur ad horas canonicas: quia ſuſceperunt, etiam ad mandatum ec-  
cleſiæ teneantur.

Viceliſimofecundò, an prædicaverit religioſis, monachis, monialibus aut beginis, quòd non  
teneantur ad voti caſtitaſ, aut cujuſcunq; alterius voti obſervationem. Et an dixerit, quòd  
religio nihil faciat ad ſalutem. Et an dixerit fratribus Minoribus hoc verbum, aut ſimile in  
effectu: Non poſſum vos ſalvare in ſtatu veſtro. Credit, quòd teneantur ad vota, & dicit  
ſe dixiſſe: Religio non ſalvat vos, ſed gratia Dei. Item credit religionem viam eſſe ad ſalu-  
tem. Item credit, quòd fratres in religione poſſint ſalvari. Item dixit: Si ipſi non ſalva-  
rentur, quis tunc ſalvabitur?

Viceliſimotertiò, anne conſuluerit cuidam ſacerdoti in Conſluentia, ſeu aliiſ, quòd ſine  
peccato poſſit adharere uni ſoli mulieri. Dicit quòd non fecerit.

Viceliſimoquartò, an credat aut ſcripſerit, nullum eſſe peccatū mortale, niſi quod canon  
Bibliæ dicit eſſe mortale. Credit quòd ſic, donec melius informetur, ſicut de hoc ſcripſit.

Vicesimoquintò, an prædicaverit publicè populo, Dubiū esse, an Christus fuisset funibus cruci alligatus, aut clavis affixus. Fatetur se dixisse, quòd non habeatur in Evangelio passionis, an clavis sit affixus, an funibus: credit tamen quòd clavis.

Vicesimosexto, an in istis & aliis suis opinionibus habeat aliquot insequutores credentes aut fautores. Respondit, quòd non.

Vicesimoseptimò, an credat indulgentias, quas facit ecclesia, aliquā efficaciam habere: & quid sentiat de indulgentiis, & an Tractatum scripserit de indulgentiis. Dicit se scripsisse: & credit sicut sonat idem Tractatus de eadem materia. Persistit in responsione hesternā.

Vicesimooctavò, de vicariatu Christi in terris interrogatus, Respondit quòd non credit, quòd Christus reliquerit sibi vicarium in terris. Pro confirmatione huius adducit & dicit, quòd Christus in cælum ascensus dixit: Ecce ego vobiscum sum, &c. Quibus verbis clarè significaverit, nullum sibi velle substituere vicarium. Quomodo autem ipse præfens esse vult, & vult per se omnia agere non habendo vicarium? Respondit: Si vicarius significat aliquem qui in absentia principalis habet facere opera principalis, tunc Christus non habet vicarium in terris.

Examine finito, reductus est Wefalianus ad locum suum. Mox dominus Archiepiscopus, dominus Inquisitor & doctores decreverunt quòd nonnulli deputandi essent deliberaturi quid sit agendum. Electi sunt doctores Heidelbergenses & Colonienfes, duo Cancellarii Archiepiscopi, & comitis Rheni Palatini, G. Pfeffer & Tho. Dornberg, suffraganeus, rector Universitatis, Comes de Solms, Macarius, canonici, Fiscalis cum duobus notariis: qui peracto prandio convenientes horā secundā, concluderunt id quod crastina die apud doctorem Johannem Wefalien. scilicet feria tertia peragebatur, ut modò sequitur.

## DIE MARTIS.

Die martis manè apud Minores iterum Illustrissimus Princeps, dominus Inquisitor, doctores, prelati, magistri, laici, nemine repulso, convenerunt. Adducto Johanne de Wefalia, dixit Inquisitor: Tria jam futura in hoc actu. Primum, quia M. Johannes hesternā die non satis resolutus, ad certos responderit articulos, iterum sibi illos proponendos esse, ut luculenter & clarè, plus masticando, responderet: deinde ad quosdam alios articulos heri non auditos quid sentiat, respondere deberet: tertio relegi debere omnes articulos principales cum responsionibus, ut audiat si adhuc in illis velit persistere, aut ab illis resilire. Demū lectū est hesternum juramentū, & iterum requisitus est M. Johannes sub poena juramenti præstiti, ut veritatè dicat super inquirendis & proponendis, sicut sentit & credit, sine fallacia & dolo, \* sine sophisticatione verborum. Quo facto, sequitur examen in hanc formam.

\* Æquivocatio non omnibus licet.

## ADDITIONALES ARTICULI, SUPER quibus fuit examinatus.

In tractatu suo de indulgentiis interrogatus, Credit quòd thesaurus meritorū sanctorū non possit per papam distribui: quia ille thesaurus non est in terris dimissus. In tractatu ponit causam ex illo Apocalypsis: Opera enim illorum sequuntur illos.

Item secundo credit, quòd recompensatio poenarum pro peccatis debitaram, non potest fieri per poenas Christi & sanctorum: quia merita ipsorum non possunt applicari aliis hominibus pro satisfactione poenarum debitaram: & ideo papa & alii prelati non possunt illum thesaurum aliis distribuere.

Item non credit, quòd in suo tractatu de indulgentiis habeatur iste articulus: Indulgentiæ non sunt remissiones poenarum à jure, vel ab homine pro peccatis injunctarum: & ideo illæ remissiones vocatæ indulgentiæ, sunt piæ fraudes fidelium.

Item non credit tractatum suum continere hunc articulum: Ecclesiam facere indulgentias. Verum est pro illa ecclesia quæ errat: & ideo ecclesia dando indulgentias, plus nocet quàm prodest.

Interrogatus quid sentiat de consecratione & benedictione altarium, calicis, ornamentorū, cereorū, palmarū, herbarū, aquæ benedictæ & aliarum rerum inanimatarum, &c. Credit quòd nihil virtutis spiritualis & efficaciam habeant ad effugandum dæmones, & pro remissione venialium peccatorum. Credit etiam, quòd aqua benedicta non habeat majorem efficaciam, quàm alia aqua non benedicta, quoad remissionem peccatorum venialium, & effugationem dæmonum, & alios effectus quos doctores scribunt de eadem aqua.

Item, quid de matrimonio & gradibus cognationum sentiat, interrogatus, Credit quòd in gradibus prohibitis in veteri lege Papa non possit dispensare, sed in aliis gradibus in nova

Euge!

nova lege prohibitis, possit dispensare. Credit quòd fideles teneantur abstinere ab hujusmodi gradibus prohibitis sub poena peccati mortalis.

Item credit, quòd deus potest conferre gratiam habenti usum rationis absq; omni motu liberi arbitrii. Opinatur quòd beatus Paulus in sua conversione nihil fecit suo libero arbitrio pro sua conversione. Credit, quòd deus potest dare gratiam hujusmodi, habenti usum rationis, non facienti quod in se est.

Item credit, quòd nihil sit credendum quod non habeatur in Canone Bibliæ.

Item credit articulum incipientem: Sola dei gratiâ salvantur electi.

## DENUO INTERROGATUS.

Primò, super articulo in ordine quinto, ut supra, approbat responsum heri factum.

Super septimo persistit in responsione data. Credit etiam, quod omnes Christiani debeant credere plus illis verbis Johannis: Spiritus sanctus à patre: quàm illis, Spiritus sanctus à patre & filio procedit. Credit articulum Nicæni Concilii [Spiritus sanctus à patre filioq; procedit] esse falsum.

Dubitatur Concilium legitime congregatum, recipere influxum immediatè à spiritu sancto, & à Christo capite.

Item credit, quòd spiritum sanctum procedere à patre & filio non habeatur in Canone Bibliæ, nec expressè nec virtualiter.

Super octavo, persistit in responsione data, ad primâ partem de ecclesia intelligit in verbis Christi, cum dicit: Et super hanc petram ædificabo ecclesiam meam. Ecclesiam Christi sic describit: Ecclesia est collectio omnium fidelium charitate copulata, juxta opinionem suam motus verbis in Evangelio sequentibus: Et portæ inferi non prævalent adversus eam. Et credit eandem esse ecclesiam Christi, quam nemo scit nisi Deus.

Non credit credendum esse beatis, Augustino, Ambrosio & cæteris, nec Conciliis generalibus: sed solum sacre scripturæ. Et sacram scripturam dicit Canonem Bibliæ.

Ad secundam partem octavi articuli, scilicet de versu symboli [Nam sicut anima rationalis; &c.] persistit in responsione hesternâ, quòd sit falsus, & addit, juxta suam intelligentiam.

Super decimoquarto persistit in responsione hesternâ.

Super decimoseptimo persistit in responsione data, quoad utraq; partes.

Super decimo octavo persistit in responsione data.

Super decimonono persistit in responsione, & credit quòd in conversione substantiæ panis in corpus Christi, corpus est materia prima, & nuda substantia materiæ.

Super vicesimoquarto, persistit in responsione hesternâ.

Super vicesimo septimo, persistit in responsione data.

Super vicesimo octavo, persistit in responsione data, & dicit: Si vicarius significat aliquem, qui in absentia principalis habet facere opera principalis, tunc Christus non habuit vicarium in terris.

Eadem feria tertia in examine inter cætera dixit: Si omnis homo recederet à Christo, ego solus Christum dei filium colam, venerabor & Christianus ero. Ad quem Inquisitor: Hoc omnes dicunt hæretici, etiam in igne constituti.

Dum certas propositiones negasset se scripsisse, tractatus sui propria manu conscripti, ei præsentabantur, quam revera literam esse suam non valuit negare.

Dum sæpe repeteret se aliquid nunquam audivisse, ait M. N. Gerhardus inquisitor: Estis vos paginæ sacre doctor & hoc ignoratis?

Magister noster, tantus buffalus ut Latine nescias? quid igitur misero & oppresso Christiano ignorantiam exprobras, eum tuam cum ignominiosa superbia conjunctam proditi?

\* Vx vobis  
quæstoribus  
insolentibus &  
insulis nisi  
idem prorsus  
tenatis.  
† Estis vos,

Conclusum deinde est, quòd ad doctorem Johannem de Wefalia mitterentur tres viri. Suffraganeus, Herwicus & Jacobus Sprenger, Theologiæ doctores, qui piis illum exhortarentur verbis, ut ab erroribus & hæresibus suis resiliret.

## DIE MERCURII.

Die Mercurii manè tres ante nominati adeunt Johannem, hortantur, inducunt, persuadent: cumq; is nollet Canonibus acquiescere, quibus hæreses ejus delere volebant, interrogatus est ab Herwico, cur ipse potius evangelii quatuor Evangelistarum, quàm Nicodemi evangelio crederet? Respondit, Quia volo. Quæsitus cur istis quatuor crederet Evangelistis? Respondit, quia à parentibus accepi. Interrogatus, cur fidem non haberet doctoribus? Ait, Quoniam ipsorum doctrina non esset scriptura Canonica. Rursum objiciebatur, Quomodo ipse inter prædicandum sibi voluisset credi, cum sanctis non haberet fidem doctoribus? Dixit se prædicasse, sed an suis verbis creditum sit, nihil curavisse.

Cutn



Cum ei de peccato contagionis, & ceteris punctis clarissimis contrarij persuaderetur, dixit se nec audisse, nec legisse unquam. Tandem addidit: Sicut vos agitis mecum, si Christus adesset, posset et vobis hæreticus condemnari. Attamen (subridendo adiecit) sua vos vinceret subtilitate. Dum probarentur articuli condemnati testimonio Conciliorum, Canonum, Bullarum, se ignoravisse respondit. Multis jam diu doctorum sententiis inductus: Postremo subiunxit errorem suum velle se recognoscere, & erroneam abjicere conscientiam, ipsorumque conscientijs inniti.

Prandio peracto definiebatur ei die crastino, scilicet Jovis, potiores articulos præstandos esse ad deliberandum, si hæresim abjurare, revocare, veniamque petere dignaretur.

#### DIE JOVIS.

Non omnibus datur veritatem usque ad mortem tueri: dandum est ali-

Articuli venerunt ante conspectum ejus, de hæresi præcipue suspecti, Formæ petendæ veniæ conjuncta: totum se assumere fatebatur & revocare. Primum, in refectorio Minorum, in præsentia Episcopi & cleri. Deinde facta prius in omnibus ecclesijs publicatione manifesta, in Ecclesiâ majore solennitatibus adhibitis, publicè revocare se pollicebatur in audientia universi populi.

Prandio peracto definiebatur ei die crastino, scilicet Jovis, potiores articulos præstandos esse ad deliberandum, si hæresim abjurare, revocare, veniamque petere dignaretur.

#### DIE VENERIS.

Die Veneris manè, septima, in præsentia Archiepiscopi, doctorum & prælatorum, plurimorumque aliorum & religiosorum & secularium. Inquisitor dixit: Per Reverendissimum Patrem missi sunt certi ad M. Johannem de Wesalia, qui eum exhortarentur, ut à suis erroribus & hæresibus resiliat: quibus ille respondit se ad revocationem, ad petendam veniam esse paratissimum. Jussit ergo eum adduci, ut audiretur, si adhuc in salubri sententia persisteret. Adductus est Johannes, ad quem Inquisitor: ideo congregationem esse factam, ut ipse palam faceret, quid sentiret, an ad gremium sanctæ matris Ecclesiæ redire, & hæreses abjurare, revocare, veniamque petere dignaretur. Mox ita Johannes exorsus: Reverendissime in Christo pater, Archiepiscopo hujus inclityæ diocesis, venerande pater Inquisitor, domini doctores, & magistri, & quicumque alii venerandi, ego sponte recognosco in scriptis libris, & dictis meis inventum esse quod erroneum est. Et revoco eadem erronea, & in publico revocare volo. Et volo me submittere, & submitto me sanctæ matris Ecclesiæ mandatis & informationi doctorum. Et poenitentiam mihi injungendam susterre volo, & peto veniam & gratiam.

Hujus Doctoris Johannis de Wesalia examini & inquisitioni interfui ego ipse qui hæc scribo in Moguntiaci, sub Archiepiscopo domino Diethero de Isenburgo, qui ad se vocaverat Theologos Heidelbergenses: & venerunt dominus doctor Nicolaus de Wachenheim, solus de via (ut dicunt) Modernorū, dōinus doctor Hervicus de Amsterdāis, dominus doctor Jodocus de Calbo. Ex Agrippinā vocati fuerunt & venerunt M. N. Henricus de Elten, ordinis Prædicatorum, inquisitor hæreticæ pravitatis. M. N. Jacobus Sprenger ordinis Prædicatorum, & quidam alius ejusdem ordinis.

Magister Johannes de Wesalia longo tempore gravi morbo laboravit, nihilominus inquitur ab eo satis fervidè. Quædā negavit se dixisse, quædam ut præ ætate & languore potuit, conabatur interpretari. Et ipse per sese etiam allegabat suā diuturnā infirmitatem.

Dempto solo articulo de processione spiritus sancti, in aliis videtur non ita gravi censura fuisse castigandus, si inducitur fuisse, si consultores ei fuissent adhibiti, si non omnes, uno solo dempto, fuissent de via realium. Et nisi forsitan impetus quidam irrepisset in religiosos, triumphandi de seculari, & præsertim de eo qui illorum Thomam peculiariter non coluerat, forsitan poterat cum eo mitius, humanius & clementius, benigniusque actum & processum fuisse. Deum testor, qui omnia novit, hunc processum qui cum eo servatus fuit usque ad revocationem & librorum suorum exustionem, vehementissimè displicuisse magistro Engelino de Brunsvico, maximo Theologo, & magistro Johanni Keisersbergio, duobus utique viris, cum doctis, tum integris. Præcipue magistro Engelino visum fuit nimis precipitanter cum tanto viro actum esse. Immo non verebatur asserere multos articulos ejus, & majorem partem posse sustineri. Nec obtinuit de simulate \* Thomistarū contra Modernos, & de gaudio triumphandi religiosorum contra seculares. Quis nisi ipse diabolus seminavit illam Zizaniā inter philosophos & inter theologos, ut tanta sit dissensio, etiā animorum inter diversa opinantes, inter eos qui Thomam, qui Scotum, qui Marsiliū imitantur?

\* Thomistæ & Moderni, sectæ æmulæ; qui neutri quam causam Religionis agunt, sed cæco partium studio & frivolis sectarum suarum questionibus capri in ipsam Evangelii veritatem insurgunt, ejusque fautores & servos superbie & crudeliter opprimunt. Quam grata autem debet esse memoria Engelini illius & Joh. Keisersbergii, quibus adeo displicuit processus & actio ista!

Adeo ut si univerſalia quifquam realia negaverit, exiſtetur in ſpiritum ſanctum peccaviſſe: immo ſummo & maximo peccato plenus creditur, contra deum, contra Chriſtianam religionem, contra juſticiam, contra omnem politiã graviffimè deliquiſſe. Unde hæc cæcitas mentis, niſi à diabolo? qui ne utiliſſima ne honeſtiſſima, ne moribus, virtutibus & ſalutanimarum conducentia diſcamus, phantaſias noſtras illudit, & trahit ad res minus ſalutares & ad gelidas harum intentionum ſpeculationes: quibus neque ad deum devoti reddimur, neq; ad proximi dilectionem inflamamur. Et ideo minus adificamus in eccleſia dei, neque fervor Chriſtianorum videtur augeri, ſed indies diminui.

#### Examiniſ Wefaliani Finis.

### O. G. STUDIOſO LECTORI S. P. D.

**M**ultos in eccleſia Romana, tam ſecularium quàm ſpiritualium Principum culpa, abuſus eſſe, & gravamina identidem non pauca, nemo ſerme eſt omnium qui ignorat. Verum hæc nova non ſunt, neq; etiam inaudita. Vide (obſecro) quid in Regum libris ſcriptum ſit, Nonne propter gravia Solomonis in populum ſuum gravamina, X. tribus Iſrael, ab ipſo Roboam, incivili principe minimeq; politico, ad impium Hieroboam defece-  
 runt? Nunquid non & Ptolomæus Auletes rex Ægypti, ob cauſam eandem ab Alexandrianis exactus, ad Romanos miſerè conſugit? At quid (obſecro) ex his & id genus aliis mille inferes hiſtoriis? Num propterea Principes tuos & eccleſiæ præſides, per totũ terrarum orbem contemnes? Abſit lector prudentiſſime. Nullus enim locus eſt intra oceanum, neq; tam diſtans, neq; tam reconditus, neq; tam montibus præceps, ubi nulla ſint gravamina & abuſus nulli. Multa fateor à patribus noſtris legitimè quondam inſtituta, quæ ſi piè ac ſanctè ab omnibus ſervarentur, nunquàm hæc pericula dei eccleſiæ incidifſet, Ex qua igitur radice (roget quis) infinita indies pullulant atq; excreſcunt gravamina? Ex avaritia (inquam) & queſtu inordinato. Nam homines ſæpe pervertunt ea (ut Cicerò inquit 3. offic.) quæ ſunt naturæ fundamenta, quum utilitatem ab honeſto ſeparant; non animadvertentes, nihil eſſe utile quod non idem honeſtum. Tria igitur homines plerumq; expetunt, opes, voluptates & honores. Ex opibus prava, è voluptatibus turpia, & de honoribus vana promanant. Hæc me loqui cogit veritas. Nam error cui non reſiſtitur (ut Innocentius ait, & habetur di. 83.) approbatur, & veritas, quum minimè deſenſatur, opprimitur. Teſte itaq; divo Auguſtino, lib. 5. de Civ. Dei, Chriſtianos imperatores (ideo etiam & Principes noſtros) foelices eſſe dicimus, qui juſta imperant, ſuamq; poteſtatem, ad verum dei cultum adminiſtrant. Hinc non indecenter Chryſoſtomus ſuper illud Matthæi [Beatus ſervus] Unumquemq; (ait) ad communem utilitatem uti oportet his quæ habet, ſive ſapientiã, ſive principatu, ſive divitiis. Nam ut Caſſiodoro placuit epiſtolâ XIII. Commodum debet eſſe cum modo. Quod ſi neglectum fuerit, & menſuram qualitatis exceſſerit, ſui nominis vim non retinebit. Quapropter in frontiſpicio Apollinis Delphici aureis literis olim ſcriptum fuit [Ne quid nimis] Verùm hac de re ſatis, tum primò, ne ignem gladio ſodiam: tum, ſecundò, ne ſutor ultra crepidam, ut dici ſolet, licet tamen olitor valdè opportuna ſæpe loquatur, &c. ¶ Ad gravamina, lector Chriſtiane, & ad illorum (ſi qui in illis ſunt) abuſus revertimur. Duo enim nobis gravaminum opuscula oblata fuere, & typis excuſa, quorum præſtare neutrum eſſe, quàm propter alterum eorum malum fieri, aut in diſcordiam labi, hoc eſt, melius eſſet, omnes abuſus & gravamina (ſi quæ ſunt) ab eccleſia dei & communi Rep. tolli, quàm tot ſcandala inter nos indies oriri & nullam ſperare concordiam. Multane ſint in eccleſia dei gravamina, an minus, non eſt noſtrum affirmare. Lege epiſtolam divi Maximiliani, quæ infra pag. CCCXL. habetur, & rem ipſam invenies. Hoc autem tibi dictum velim, & perpetuo demandatum, re propter gravamina & abuſus (qui ſemper fuerunt) non debere fieri hæreticum. Vale foeliciter.

## GRAVAMINA GERMANICÆ NATIONIS,

Cum Remediis & Avisamentis ad Cæsaream Majestatem, in duos libellos distinctim divisa, eoq; ordine & modo, quo prius impressa fuere.

Gravamina Nationis Germanicæ & Sacri Romani Imperii, Decem.

I. **Q**uod ad servandas bullas, pacta, privilegia & literas, ab antecessoribus, absq; omni derogatione concessas, successores Pontifices teneri se non arbitrantur, immo per crebras dispensationes, suspensiones, revocationes ad cujuscuq; (etiam vilis) personæ instantiam contraveniunt.

II. Quod electiones prælatorum quandoque rejiciuntur.

III. Quod electionibus præpositurârû, quas quarundâ ecclesiarum capitula multo ære impetrarunt, contravenitur, Spira scit & Hasela, cujus Bulla de eligendo præposito enervata est, eo adhuc superstitè qui dederat.

IV. Quod beneficia & dignitates majores, Cardinalibus & Protonotariis reservantur.

V. Quod expectativæ gratiæ absque numero concedantur, & multæ interdû ad unum collatorem. Unde surgunt quotidianæ lites, & pecuniæ dilapidantur. Tum illæ, quæ pro bullis gratiarum (quæ nunquam effectum sortiuntur) expositæ sunt. Tum illæ, quæ pro libris deducendis consumuntur. Inde apud quosdam ortum est proverbium: Quisquis gratiam expectativam ab urbe extraxerit, centum aut ducentos aureos nummos in cistam sumul ad ipsum gratiam reponat, quibus ad prosequendam litem opus habebit.

VI. Quod Annatæ absque dilatione & sine misericordia (etiâ episcopis intra paucos annos mortuis) exiguntur. Interdum plus quàm debeatur, extorquetur, propter nova officia & novos familiares. Exemplum de Moguntinâ & Argentinens. ecclesiis.

VII. Ecclesiârû regimina minus dignis (Romæ videlicet) committuntur, qui ad mulos magis quàm homines pascendos & regendos essent idonei.

VIII. Indulgentiæ novæ cum revocatione aut suspensione veterû (laicis contra clerû murmurantibus) ad corradendas pecunias conceduntur.

IX. Decimæ sub prætextu expugnandorû Turcarû exiguntur, nullâ expeditione subsequatâ.

X. Causæ quæ in Germania (in qua & docti & justî judices sunt) terminari poterant, ad tribunalia Romana indistinctè trahuntur. Quod sanctus Bernardus ad Eugenium Papam scribens, valdè reprobare videtur.

Remedium

# REMEDIIUM CONTRA GRAVAMINÀ Nationis Germanicæ.

**S**I Cæsareæ majestati consultum visum fuerit, proponatur summo Pontifici & sacrosanctæ Ecclesiæ Rom. Quòd grave immo intolerabile sit nationi Germanicæ, amodo tantas expensas & molestias pati, tantas pro confirmatione archiepiscoporum & episcoporum inferre annatas, præsertim quæ in quibusdam episcopatibus successu temporis auctæ, in quibusdam duplicatæ esse dicuntur.

Nam sedes Moguntina (ut dicitur) olim solum dedit decem millia florenorum, quæ cum quidam illic electus dare renueret, sicq; usq; ad mortem suam perfisteret, electus post eum, confirmationis cupidus, se opponere timuit sedi Apostolicæ; offerens antiquam summam, puta decem millia florenorū, is nec confirmationem impetrare potuit, nisi & reliqua decem millia simul redderet, quæ adhuc extabant à suo prædecessore nondum persoluta.

Sicq; cogebatur dare viginti millia florenorum, quæ tunc indubiè in registrum cameræ signata sunt, & usq; ad nostram ætatem à singulis archiepiscopis exacta, & nedū viginti millia, sed & viginti quinq; propter nova officia & novos Pontificū familiares. Tandè excrevit summa usq; ad viginti septem millia. Quæ Archiepiscopus Jacobus cogebatur nuper persolvere, ut retulit vicarius in spiritualibus Moguntinen. Sicq; in vita unius hominis septies viginti quinq; millia à solo archiepiscopatu Moguntino pro confirmatione archiepiscopi Romam pervenerunt.

Et cum Archiepiscopus Jacobus vix quatuor annos sedisset in archiepiscopatu, mox post eum electus dominus Uriel ad minus viginti quatuor aut viginti quinq; millia coactus est persolvere, quorum partem mutuo forsan accepit à mercatoribus, sed ut illis satisfaciat, imponere coactus est subsidium aut exactionem in suos populos & pauperes agricolas, quorum aliqui nondū satisfecerunt, tributo aut exactioni pro pallio à suo prædecessore Jacobo impostæ. Sicq; non solum eviscerantur nostrates, & ad extremam inopiam rediguntur (de qua Reverendissimo domino Bernardino sanctæ Crucis Cardinali & nuper legato constat) verum etiam incitantur ad rebellionem & querendam utriusq; libertatem, & ubi possunt inter se susurrant de sevitia in clerum.

Admonendus etiam videtur summus Pontifex, quòd per varia bella, terræ Germanorum passim desolatæ sunt, ac per crebras mortalitates numerus viventium diminutus.

Sicq; ob paucitatem cultorum, agri pro magna parte incolti jacent, & ipsa telonea diversis eventibus attenuata, & venæ minerales exhaustæ sunt, pereuntq; indies proventus, ex quibus Archiepiscopi & Episcopi (aliis etiam honestis & necessariis impensis gravati) sedi Apostolicæ annatam persolvere possint.

Non sine causa, Jacobus archiepiscopus Moguntinus jam serè moriens dixit, se de morte sua non adeo dolere; quàm ob id, quòd subditi sui pauperes iterum pro pallio gravem exactionem dare cogerentur.

Mitius ergo Summus Pontifex, velut pius pater filiorum suorum amator, ac fidelis & prudens pastor, cum filiis suis Germanicæ nationis agat, ne propediem, vel in universos Christi sacerdotes persecutio suboriantur, vel instar Bohemorum pleriq; ab ecclesia deficiant Romana.

Mitius saltem agat, quoties archiepiscopus aut episcopus ad paucos annos rexerit, sicut de episcopis Bambergenibus accidit, quorum tres intra paucos annos mortui sunt.

Quid de aliis multis episcopatibus? Siquidem Germania (Æneâ Sylvio teste) supra quinquaginta episcopatus habet. Quid de abbatibus quorum aliqui Romæ confirmantur?

Esto, quòd in Germania majores essent ex agris, ex mineris, ex teloneis obventiones; indigeret tamen Cæsarea Majestas & cæteri principes thesauro & nervo belli contra hostes, præcipue infideles, & ad conservandā in Germania pacē atq; ad justitiā unicuiq; ministrandā.

Ad quod, consistorium Regalis cameræ cum magnis impensis sanctè institutum, maxime deservit.

Præterea opus habet C. Majestas pecuniis, ad comprimendos imperio rebelles, & ad exterminandos sicarios atq; latrones, quorum nonnulli ecclesiis nocere, earum bona diripere, immo in clericorum personas sevitæ atq; grassari non erubescunt.

Demum natio nostra non solum pro reparatione ecclesiarum & monasteriorum auro indiget & argento, sed etiam pro hospitalibus, pro pueris expositis, pro viduis, pro puerperis, pro orphanis, pro filiabus pauperum (ne stupro eadant) desponsandis, pro domestica inopia laborantibus, pro annosis & effœtis, pro valerudinariis, ac pro pustulatis, quorum (prohi dolor) plena est Germania, alioqui etiam populosa, uti sexum minime fastidians muliebrem.

Remedi-

## REMEDIIUM PRO CIVITATIBUS Imperii & animarum salute.

Hæc etiam  
Bohemi peti-  
erunt, ut su-  
pra haberetur.

**S**I solicitante C. Majestate, à sede Apostolica impetraretur (quod Uriel archiepiscopus Moguntinus impetravit) ne deinceps in civitatibus Imperii, quisquam duos scilicet possit habere Canonicatus aut vicarias, in diversis ejusdem civitatis ecclesiis, sed ut singuli in singulis distributiones deservirent. Tum minuerentur lites, Respublica majus sentiret commodum, plures docti, imperio & fidei utiles promoveri possent, plures missæ legerentur, & omnis divinus cultus alacrius & laudabilius perageretur. Sicut de Basilea & Spira exemplum adduci possit. In utraq; enim civitate, nullus simul in diversis ecclesiis plures canonicatus aut vicarias, ex sanctissima consuetudine possidere potest. Ideoq; utrobique religio & divinus cultus egregie floret. Er summi pontificis (Ainea Sylvio teste) interest curare, ut honoretur Deus, & illi laudes atq; hymni canantur.

Expediret rebuspublicis & animarum saluti, si summus Pontifex immutabiliter sanciret ut in quolibet collegio duæ ad minus essent præbendæ, gratis non subjectæ, ad quas duo Theologi, aut unus Theologus, & alter Canonista duntaxat promoveri possent.

Atq; ut idonei puta Philoſophi, Canonum & sacræ paginæ docti, eo promptius curas subirent animarum, expediret, quod autoritate Apostolica, Monasteria & collegia parochiis (quas sibi incorporatas tenent) sufficientia & certa emolumenta inferre cogerentur. Hoc enim (si Ainea creditur) Papam decet curare, ut Evangelium Christi (quod est optimum animæ pabulum) omnibus sincere prædicetur, ut omnes errores, omnis blasphemia eradicetur, ut bella sopiantur, ut furta, rapinæ, incendia, homicidia, adulteria, ebrietates, crapulæ, contentiones, odia & rixæ de medio tollantur. Ad harum rerum persuasiones, Theologi & Canonistæ magis idonei, quam Curtisani avari esse videntur. Immo & Theologi docti, concionibus apti, Summum Pontificem Reverendissimofq; dominos Cardinales in suo honore & auctoritate, sermonibus suis commodius tueri & conservare possent.

### Aviſamenta ad Cæsaream Majestatem.

**S**icut regnum Franciæ Pragmaticam habet sanctionem (cui in conferendis beneficiis innitur) sic Imperium Romanum habet concordata principum, utq; ea illæsa conserventur, interest Cæsareæ Majestatis. Raro tamen hæcenus per summos Pontifices violata sunt. Et auditores Rotæ juxta illa hucusq; fertur judicasse. Et si aliquis curialium per quamcunq; dispensationem conaretur illa infringere, quod episcopus vel princeps vel senatus ejusdæ loci (principis obſtando) in facie ei cõcordata inculcare pie exhortans ne contra veïar, quoniam audacia sua sustineri nequaquam posset, cum & Turcæ & Judæi pacta fidemq; servent. Quis Curtisanorum tam insbens aut stultus est, ut contra voluntatem Episcopi, Principis aut totius alicujus communis in aliqua Civitate habitare præsumat?

Lus Parisien-  
sium.

Posset etiam Cæsarea majestas, per literas aut oratores, facile in regno Franciæ experiri, quomodo illic beneficia conferantur, & quam auctoritatem in conferendis beneficiis habeat summus Pontifex. Secundum hoc posset moderamen fieri in Imperio Romano, & frænum inexplebili avaritiæ Curtisanorum adhiberi. Si præclaræ universitates, præcipue facultas Theologica Parisiensis approbaverit modum illum, qui de disponendis & conferendis beneficiis in Francia servatur, nemo dubitet Cæsaream majestatem & Principes Germanos, si se isti modo conformaverint, apud deum tutos fore & excusatos. Præsumendum enim est, quod tanti prælati, tanti doctores, tam probati viri, qui in regno Franciæ ac in studio Parisiensi vivunt, nihil approbent, quod contra Deum aut contra justitiam committeretur.

Provideat tamen Cæsarea Majestas, ne Archiepiscopi electores in hoc sancto instituto à se dissentiant sibi; non adhaereant, propter censuras Apostolicas quas timebunt, & populus interdictum diu non sustinebit.

Provideat etiam Cæsarea Majestas, ne fratres mendicantes contra ipsam prædicent, qui sedi Apostolicæ libenter deferunt, timentes perdere privilegia sua, utinam Christo & naturæ innixa, quamvis justissimam causam dudum habuissent contra tantam avaritiam, tantofq; abusus prædicandi.

Timeat Cæsarea Majestas, ne papa mædet electoribus, ut ad electionem novi regis Romæ procedant



procedant. Sicut contra Fridericum ſecundum Lantgravius Thuringiæ, & Guillelmus Hollandiæ comes (jubente papa) fuerunt electi.

Timeat Cæſarea Majeſtas, omnes prælatos eccleſiarum, præcipuè præpoſitos, qui ex jure iuramento tenentur aviſare papam.

Timeat Cæſarea Majeſtas, ne S. d. n. papa obedientiam à ſubditis auferat, & circumiacentes populos provocet, ut in terras Cæſaris, ſeu archiducatus Auftriæ irruant, quod iſti homines ſub colore obedientiæ apoſtolicis mandatis præſtandæ, promptiſſimo animo ſunt facturi.

Timeat Cæſarea Majeſt. cenſuras apoſtolicas, à quibus S. d. n. papa non abſtinebit.

Timeat Cæſarea Majeſtas, ne papa argutiſſimis locis rudi populo perſuadeat contra pragmaticam, ſeq; excuſans, ſimplicium benevolentiam capter, allegaturus, quòd eccleſiam ſancti Petri in urbe magnis impenſis inſtauret, & certis in locis contra Turcas ædificet, quodque bellis ſuis, nulli unquam fecerit injuriam: quoniam recuperet terras, ad eccleſiam, ſive patrimonium ſancti Petri pertinentes, ad quod ex officio teneatur. Circumſpiciat ergo & deliberet Cæſarea Majeſtas, qualiter ſapientiſſimo ſuo conſilio omnibus illis Romanorum ſubtilitatibus (ſineceſſitas exegerit) ſit reſponſura.

### CONCLUSIO ET PIA EXHORTATIO ad Cæſaream Majeſtatem.

**N**ihil ſanctius, nihil Deo gratius, nihil ſempiterna memoriâ dignius efficere poterit Cæſarea Majeſtas, quàm ut tantas Germanicæ nationis moleſtias & exactiões moderetur, ut laicis clerum perſequenti occaſionem auferat, ut parochias (quarum aliquas episcopatus Italicos *Æneas* æquare ſcribit) ex faucibus Curtiſanorum, concionari, conſulere & conſolari neſcientium, rapiat, ut divinum cultum augeat, ut avaritiæ & impietati Curtiſanorum frænum imponat, ut jus patronatûs laicorum in utriſque, & nominationes Canoniorum collationeſque eccleſiaſticorum in ordinariis menſibus conſervet, ut multorum illuſtrium, nobilium & civium filiis in Germania conſulac, qui in univerſitatibus ab adoleſcentiâ divinas & humanas literas diſcant, ut & ipſi extra curiam Romanam, abſque inquietiſſimis vexationibus ſumptuoſiſſimiſque, interdum etiam indignis litibus ad præbendas eccleſiaſticas aſcendant, qui & imperio Romano, conſiliis & roti eccleſiæ, orationibus ſuis, opè ferre poſſint. Neq; enim minima cäuſa eſt, cur tantopere floreant Franciæ regnum, niſi quòd tantos tamque præſtantes in omni bona doctrina viros multos habet. Si Cæſar hanc impietatem enervaverit, ſi Germaniam tributo gravi oppreſſam, in priſtinam libertatem vindicaverit, ſi doctis & honeſtis ad præbendas aditum fecerit, tum verè liberator Germaniæ, libertatiſque reſtitutor: tum verè pater patriæ, perpetuò ab omnibus paſſim poterit appellari: nec minorem ſibi gloriam, Germaniæque fructum afferet, quàm ſi provinciam aliquam, bellicis ei viribus adjeciſſet. Sicque non minores uni Maximiliano Germania gratias debebit, quàm his omnibus, qui a tranſlato ex Græcis in Germanos imperio, multis antea temporibus regnaverunt.

P. RÆSTERSCUS D. JAC. WIMPHELINGIO  
divinarum literarum Licentiatò S. D.

**R**emitto ad te, vir ornatiffime, ſido cum hoc commenſali meo, medullam illam pragmatica, perquam ſcitè ſincereque abs te excerptam, unâ cum prudentiſſima Cæſareæ Majeſt. inſtructione: faxit Deus Opt. Max. ut aquila noſtra circumſpectiſſima, oculatiſſimaque ipſa eſt ſummo culmine (perinde ut Liliatus Princeps) eripiat conſervetque, ne ſcilicet poſthac beneficiorum iſti harpagines, univerſam hanc nobilem Germaniam medullitis exenterent enerventque. Negotium ipſum mehercle commodiſſimum atque divinum ſummopere commendo. Necnon cum tuam ea in re diligentiam, tum Cæſareæ Majeſt. ad rempub. Germaniæ zelum haud immerito maximi facio, mirificeque laudo. Nihil prorfus demendum in ipſo ſacto, adijciendumve (haec præſertim peſtifera tempeſtate, proindeque nobis inquietiſſima) operæ pretium duximus. *Æneas Syl-*  
bellione ad ſuum remittam auctorem. Vale ſauſtiſſime, Ræſterſcoque tuo, tametſi ſcabro & inculto, utare pro tua ſinceritate ut voles. Datum feſtinanter, & ex tempore, urgente contubernali hoc meo probatæ vitæ viro, quem tuæ humanitati commendo. Calend. Decemb. Anno Chriſti, M. D. XI.

¶ SERENISSIMO RO. CÆSARI AUGUSTO  
Maximiliano Ja. Regius familiaris.

**A**ldiens nuper, ſacraſſime Cæſar, Majeſtatem tuam Romæ adeundæ accinſtam, ſcripſi Johanni Collauro à ſecretis, ut Cæſar. Majeſtatem tuam de nonnullis commoneſaceret, quæ ad ſplendorem nominis tui, Germaniæque decus non parum attinere videbantur, ut ea à ſacroſancta ſede apoſtolica tecum referres. Nihil enim credidi impetrare Te non poſſe, quod à Julio II. Pont. max. à tua Cæſareâ Majeſtate ſalutando eſſes petiturus. Inter cætera verò Johannem Collaurum de uno ſingulariter reddidi certiore, quòd ſce. recordationis prædeceſſor tuus Henricus Romanus Cæſar, præbendam quandam (quæ ob id Regia vocatur) in Argentinen. eccleſiâ fundaverit, cujus omnes in Imperio Ro. ſucceſſores jure foundationis proculdubio collatores fuerunt & adhuc eſſe deberent, ſicut & hodie Cæſ. tua Majeſtas duarum ſimilium præbendarum (quas progenitores tui in templo Spiren. de ſuis erexerunt) jus patronatus habet. Quomodo autem ab eo jure erga præbendam Argentinen. (fortè propter interregnum) Ro. Rex ceciderit, & ad præpoſitum illic devolutum int. proſuſ ignoro. Hoc tamen multis perſuaſum eſt, Cæſaream tuam Majeſtatem, juſ illud patropatius à ſummo pontifice denuo in utroque menſe ex æquitate facile conſequi poſſe, ut amodo ad Dei laudem & eccleſiæ decus, vir quipiam ſcientia & vitæ honeſtate conſpicuus, tuæq; Majeſtati cognitus, non inutile quoddam beſtiæ aut coquinae mancipium, ſed neq; leno, neq; catamitus, liber & alienus à ſcientiis & pietate eidem præſtaretur. Tuæ enim Majeſtati, cunctiſq; tuis in imperio Romano ſucceſſoribus, mores & merita perſonarum longè clariùs quàm exteris gratiarum diſpenſatoribus poterunt eſſe manifeſta. Sed & hoc quoq; Deo gratiſſimum, animabus ſalutiſerū. Tuæ autē Majeſtati in primis honorificum viſum eſt, ſi à ſacroſancta ſede apoſtolica de quorundam abuſibus erudienda. inviolabili lege impetrareſ, ne deinceps quicumq; vel natali obſcuro vel omnium bonarum literarum indociliſſimus, contra divinam naturalemq; legem, contraq; ſacra- tiſſimos canones, duo aut tria ſacerdotia ſub uno teſto, tres aut quatuor præbendas aut canonicatus in diverſis collegiis intra eadem Romani imperii moenia ſitis, totidemq; pingues parochias, qualicumq; diſpenſatione (ne dicam diſſipatione) à ſummis pontificibus eſſet conſecuturus, cum tot canonicatum aut eccleſiarum parochialium quælibet, alterius aut utriuſque juris ſacræve paginæ licentiatum, immo doctorem honeſto ſtatu nutrire poſſet, adeo ut ſinguli ſingulis eſſent contenti & in animo tranquilli. Hac re vix aliquid Deo gratius, Germaniæq; utiliſ Majeſtatem Tuam arbitror efficere poſſe. Taceo quòd hoc pacto pii adoleſcentes, qui in gymnafiis multo labore, bonorumq; literarum amore, patrimonium ſuum expenderunt, parte eccleſiaſtici ſtipendii naſta. cohæredes in hæreditate paterna ad rerum publicarum augmentum relevare, Chriſtoq; ſervire, & pro totius Imperii ac Imperatoris ſalute preces effundere poſſent. Sic quoque per ſingulas eccleſias miniſtri inſtituerentur idonei, ſacræ paginæ, ſacrorumq; canonum docti, præbendas faciliùs conſequerentur, ac cæteri literis, virtutibus præditi, ad Chriſti patrimonium aſcenderent, occaſio deſiderandæ mortis alienæ tolleretur. Neque eſſent tot lires, totque contentiones, cum magno rei familiaris per totam Germaniam detrimento, neq; eſſent tot fraudes, non vexarentur inſontes ab eis qui nihil niſi contendere, acceptare, inquietare, vexare norunt; non, quibus proximum circumveniendi major aſtutia, aut ad ligandum facultas ſuppexit uberior, ſub involuſionibus prærogativarum, antelationum, reſgreſſuum, & laqueis instrumentorum à propriis ſervis ſcriptorum, tot fraudes, tot deceptiones permitterentur, Adoleſcentibus qui literarum ſtudio, virtuoſiſq; operibus intendere deberent, non daretur anſa evagandi, nec per litium anfractus turbarentur. Non confundereſ eccleſiaſticus ordo, non ſineretur unus ſolus ad nullam rem Deo gratam, aut fidei noſtræ utilem idoneus, turpiter occupare ſtalla & loca in omnibus eccleſiis, intra eandem imperii civitatem ſitis, ſicq; parochiis per barbaros quandoq; mercenarios proviſi, ſalubrius per doctos conſulteretur, nec diſminueretur divinus cultus, nec animarum ſuffragia omitterentur, non eſſent vacua ſtalla, non caſſarentur voluntates ultimæ, minus perderentur literæ monumentaq; beneficiorum, non periret hospitalitas, non eleemoſyna, non domus & ædificia cætera eccleſiarū corruerent, non bona & prædia alienarentur, non eſſent tanta murmura & odia vulgi in cunctos ferè ſacerdotes, propter paucos avariſſimos ac inſatiabiles. Neque ego primus ſum cui tanta ſacerdotiorum multiplicandorū cupiditas ſtomachum movet. Nam & Franciſco Petrarchæ viro probatiſſimo hæc impietas admodum diſplicuit, qui nec expavit ad Urbanum quintū in modum lequentem perſcribere. Audiebam te ambitioni antiquæ (quæ priorū licentiâ in immenſum crevit) frænum ponere, & ut uno aut paucis pro digni-

tate

Julius ſecundus.

Multa hic de reformatione eccleſiæ, caq; egregia &amp; utiliſſima.

Contra abuſus.

Franciſco Petrarcha.

rate virtutis ac scientiæ, beneficiis contenta esset edicere, iuste inquam graviterque. Nam quid turpius, quam unum aliquem. (parta forsan foedis artibus copiâ) nauseantem cernere, multis hinc inde melioribus penuria fameq; laborantibus. Et sapientissimus Gregorius Nazianzenus his verbis astipulatur: Religioni ac doctrinæ nostræ opprobrium nascitur, quod sacerdotia ambitione potius & gratia quam meritorum iudicio deferuntur. Et F. Picus princeps illustris in oratione ad Concilium Lateranensem lamentatur sacras aedes & templa lenonibus, catamitis & lupis fuisse commissa. Cætera sunt plurima tibi, sacratissime Cæsar, pro Tua summa prudentia proculdubio cognita, quæ Cæsaream Majestatem Tuam ad hujuscemodi avaritiæ craterorumque vitiiorum frænum & moderamen à sacrosancta sede apostolica impetrandum permovere possent: Dominus Deus Tuæ Cæsareæ Celsitudini ad foelix imperii regimen, Christianæque religionis amplificationem propitius opem ferre dignetur.

Gregorius  
Nazianzenus.  
Picus Mirand.

## MAXIMILIANUS.

**S**ummum ecclesiæ pastorem, & omnem clerum exemplo charissimi patris nostri, Friderici Romanorum Imperatoris tertii, hæcenus venerati, non parvos dignitatum & ecclesiarum parochialium proventus ex terrarum nostrarum finibus, clericis & prælatis absentibus, clementer inferri permisimus. Quos & clam pro humana fragilitate delinquentes, cum Constantino prædecesore nostro chlamyde operire non dedignamur. Verum cum ex nostra largitate divini cultus decrementum profluat, unde divinæ laudis, psalmorum & missarum amplificatio debuerat proficisci, nostrâ interest (qui abq; meritis in solum Romani Imperii electi sumus) ut inter cæteras maximas pacis & belli occupationes, vigilantè quoque circumspeciamus, ne ecclesiæ pereant, ne religio labascatur, ne divinus cultus diminuat, & ne animabus defunctorum (qui ecclesiis & sacerdotibus de suo patrimonio benefecerunt) contra ultimas ipsorum voluntates tardius succurratur: quod manifestissime experti sumus, & indes experimur, ex ineffabili atque à nullo dispensabili quorundam avaritia provenire, qui in beneficiis assequendis nullum finem constituant: per quorum absentiam (cum in uno solo personaliter resideant, & distributiones deferviant) divinus cultus diminuitur, ultimæ benefactorum voluntates cassantur, defunctorum animæ tardius ex igne purgatorio eripiuntur, ædificia labant, ecclesiæ decrescunt, ecclesiastica libertas læditur, literæ & monumenta perduntur, hospitalitas & eleemosynæ minorantur, patrimonia parentum & nervi rerumpub. ex crebris hujusmodi avarorum colligationibus evanescent, clerici pro doctrina sua & virtute beneficiis digni, suæque prudentiæ ecclesiis in temporalibus & spiritualibus utiles, à præbendis repelluntur, impediuntur, indignè vexantur, injustè eis lites moventur, scandala laicis præbentur, ipsorumque odium & murmur in reliquos honestos sacerdotes excitatur atque augetur. Eas ob res ex officio Cæsareæ Majestatis, ex amore incrementi cultus divini, ex zelo rerumpub. hortamur & requirimus, ne quisquam amodo in una nostrarum, nostrique Romani Imperii civitate canonicatum aut vicariam possidens, in altera ejusdem civitatis ecclesia, aliam præbendam occupet, nisi primam infra anni spatium in personam idoneam ac ecclesiæ utilem sit dimissurus. Neque alium in beneficiis assequendis per injustas lites aut ambages indignè vexet, aut circumveniat, nec quemcunque qui non sit de numero descriptorum familiarium, juxta concordata principum & pacta nationis Germaniæ falsò familiarem fuisse fingat, in ordinariorum collatorum præjudicium. Nec laicis jus patronatus auferre tentet, nec exiles præbendas, potissimum verò curatas ecclesias pensionibus gravet. Nec in adipiscendis beneficiis & bullis, quacunque fraude, dolo, falsis instrumentis, corruptis testibus, simoniâ etiam palliata utatur. Neque regressum aut alia sacris canonibus inimica, contra jus æquum, honestum, & rectam rationem impetrare præsumant, sub poena criminis læsæ Majestatis & gravissimæ nostræ offensæ. Quam non solum ipsi sic contra Deum & omnem honestatem exorbitantes, sed & omnes eorum fautores, auxilium, consilium, hospitium & mutuum dantes, omnesque nuncios, cursores, sollicitatores, notarios, procuratores, fidei iussores & reliquos amicos incidisse volumus, condignam pro tantis iniquitatibus & nostri hujusmodi mandati contemptu poenam accepturos. Ex Oeniponte.

De donatione.  
Constant. lege  
supra.

De indispen-  
sabili avari-  
tia.

Concordata  
principum.

Simoniâ  
palliata.

## APPENDIX.

De ruina  
ædificiorum.

**P**Ræmissis admonitionibus, nedum Imperio, sed & ecclesiæ salutaribus, ac ad mutuum pacem & concordiam deservientibus; Possêt etiam inter alia multa adungi, summusque pontifex certior reddi de lapsu & ruina domorum, cæterorumque ædificiorum ad ecclesias & sacerdotia pertinentium, siquidem (exempli causâ) unus supra triginta annos, ex parochia patriæ nostræ summis pontificibus hæcenus devotæ, multa & magna emolumenta in absentia & in portatis (ut eorum verbis utar) corrasit & absumpsit, nec tamen ad docendum populum suæ curæ creditum, cancellos unquam ascendit, nec quicquam in domo egregium illic ædificavit. Argumento sunt & publicè testantur miserabilia trium rei divinæ ministrorum cubicula quæ minimus fraterculus aut opilio fortè aspernaretur. Sed neque præsentias aut distributiones quotidianas in asse aut dipondio auxit, nec anniversariam saltem sui ipsius memoriam instituit, nec ad bibliothecam templi parochialis minimum quidem libellum ex testamento legavit, nec elemosynam pro pauperibus fieri procuravit. Cæterum adjici possêt, quòd unus Curtianus ineptus & barbarus ad psallendum & ad sacrificandum non magis aptus quàm onager, immo asinus, palam à suo notissimo & amicissimo appellatus, in otio vivens, plura utcumque conquirere potest sacerdotia quàm eximie doctus, ad rem divinam, ad contentiones, ad consultandum, sacrosanctamque ecclesiam Romanam rationabiliter defendendam, non mediocriter accommodatus.

Præterea, quòd pistor, aut cocus, leno, aut nebulo, immo (cum venia) catamitus opimas præbendas & parochias occupans plus emolumentum ex Christi patrimonio absorbet, quàm laboriosissimus & fidelissimus magnæ parochiæ cuiuspiam populosæ rector cum suis vigilantissimis adiutoribus, immo etiam capellanis, qui eosdem adjutores in ministrandis sacramentis, audiendisque confessionibus occupatissimos, in horis canonicis, missis & vigiliis cantandis adjuvant & relevant. Hujuscemodi relevamen & adiutorium per sex capellanos in patria nostra perpetuò continuandum speramus, postquam unione facta ex benignitate sacrosanctæ sedis apostolicæ, jus capellanas istas conferendi in consules reipub. nostræ in utrisque mensibus translatum est, qui nullis amodo conferent nisi eis qui personaliter residentes, divinum officium impleturi, & ultimis fundatorum voluntatibus sunt satisfacturi. Multum quoque ad institutum Cæsareum conferre posse videtur Christianissima Reverendissimi domini Erhardi Leodienis episcopi admonitio habita in conventu principum Augustano, Anno decimo octavo post Millesimum & quingentesimum.

## O. G. AD LECTOREM.

**H**ÆC prædicta X. Germanicæ nationis gravamina, ante annos aliquot publicitus edita, & ad ipsius (ut exemplar habet) incrementum, Selestadii, non longè ab Argentina, in Schureriana officina, ad bonorum omnium utilitatem, apertò impressa, subsequenter non inconsultò præcienda decrevimus. Nam quæ à principibus tractantur, & ad bonum commune referuntur, nunquam non faciendâ sunt maximi. Nihil profectò à nobis est additum, nihil etiam ademptum, ut sincera utrobique servaretur integritas. Noli itaque mali consulere, quæ bona intentione & in commune reipub. commodum, citra cunctationes (modo rem ipsam ritè perpenderit) offensionem, produntur. Nos equidem, ecclesiæ (quæ basis est & fidei nostræ firmamentum) cuncta, non indecenter dijudicanda committimus, id quod sancti planè & integerrimi homines facere olim consueverunt. Nec mirum. Detestabile enim est ac miserum genus hominum, qui etiam illa, quæ viris bonis sancta & intemerata sunt, prophanare non desunt. Non decet itaque nos, rem haud satis exactè perspectam damnare, ante, ad perpendiculum (ecclesiæ semper salva auctoritate) ponderanda, ut judicaretur, judicanda, ut vel abjiciatur vel servetur. Tecum igitur habita, lector amice, ut tibi ipsi & prora sis & puppis. Vale foeliciter, & alia quæ sequuntur, diligenter revolve. Videbis enim sanctissimi domini nostri Adriani, summi pontificis, ad principes nostros petitionem, & contrâ, nostrorum ad illius rursus sanctitatem sive legatos ejus (priusquam ad alia centum gravamina latius progrediare) non illegitimam (ut opinor) responsonem. Iterum vale.

## IN HOC SECUNDO GRAVAMINUM

Libello, Pontificii primum Oratoris continetur legatio, in conventu Norimbergenſi, Anno M. D. XXII. inchoato, ſequenti verò finito, expoſita, unà cum inſtructione ab eodem Legato conſignata, necnon reſponſione Cæſaræ Majeſt. ac reliquorum Principum & Procerum nomine reddita.

¶ Sequuntur deinde & alia Germanicæ nationis gravamina, numero Centum, à laiciſ Principibus & Imperii Primatibus, literis mandata, ac ſummo (ut liber ante aliquot annos impreſſus indicat) Pontifici tranſmiſſa, & nobis anno Domini, M. D. XXIV. ad imprimendum à ſuperioribus noſtris data. Quæ quidem, an tali debeant vocabulo exprimi, univerſali eccleſiæ (à qua nunquam diſcedemus) determinandum relinquimus.

Adrianus Papa VI. Illuſtriſſimis Germaniæ Principibus, ac ſacri Romani Imperii Proceribus ſalutem & Apoſtolicam benediſtionem.

**V**enerabiles fratres & dilecti filii, ſalutem & Apoſtolicam benediſtionem. ¶ Poſtquam ad Apoſtolatus officium, divina diſponente providentia, aſſumpti ſumus, teſtis nobis eſt ille, qui nos ut immeritos, ita nil tale expectantes, promovit, nil nos aliud diu noctuque cogitaſſe, quàm ut in curando gregem nobis credito, tam in univerſum, quàm ſingulariter boni paſtoris partes, modis omnibus impleverimus: atque adeo nullam exiſtimaviſſe è noſtris ovibus tam morboſam, quam non pro viribus curare: nullam tam vagam & à cæteris errantē, quam non perquirere, & ad dominicam caulam reducere ſummopere cupiverimus. Et ſane ab ineunte ſtatim Pontificatu noſtro (quod tum poſſiſſimum expedire videbamus) Chriſtianorum principum animos, heu nimis jam inter ſe diſſidentes, ad pacem & concordiam ineundam, deponendaq; arma (aut ſi bellandum eſſet, ea in fidei hoſtes convertenda) tam per diverſos nuncios noſtros, quàm per quotidianas ſerè literas hortari, animare, precari, hætenus nunquam deſtitimus. Et ne verbo tantum, ſed & re ipſa huius noſtri deſiderii ederemus exempla. Deus ſcit, quanto rei noſtræ familiaris, his præſertim temporibus incommodo, pecunias & alia ſubſidia ad Rhodienses milites ſtrenuos fidei propugnatores ab immaniſſimo Turcarum tyranno atrociter obſeſſos, ac in alia etiam loca in ejuſdem hoſtis faucibus periclitantia, miſimus. Mox verò ab externis ad in-teſtina animum advertentes, non ſine gravi animi moleſtia percepimus, Martinum Lutherū (quem ſua culpā jam filium noſtrum vocare non poſſe dolemus) hominem, veterum & jam damnatarum hæreſum fuſcitatorem, poſt ſedis apoſtolicæ paternæ primū monita, deinde etiam ſententiam, non abſque conſilio optimorum & doctiſſimorum virorum, & diverſarū univerſitarum legitime contra eum latam. Poſt chariſſimi in Chriſto filii Caroli noſtri Romanorum & Hiſpaniarum regis catholici in Imperatore electi, & veſtrum imperiale edictum, ſuper ejuſdem ſententiæ executione, in proximis comitiis Wormaciæ habitis, mature decretum, & per totam ſerè Germaniam promulgatum, non modò per quos deceret, non puniunt, aut per ſe cohibent, à praviſſimis inceptis non deſiſtere, ſed omnis Chriſtianæ charitatis & pietatis evangelicæ non oblitum modò, ſed & impiè contemnentem, novos quotidie libros, errorum, hæreſum, contumeliarum ac ſeditionum plenos, ſive de ſuo, ſive ab aliis adju-tum, divulgare, ac veluti peſtem quandam, Germaniam & vicinas regiones longè lateque pervadentem, venenatæ linguæ ſpiculis bonas & animas & mores inſicere & corrumpere conari, & quod pejus eſt, horum ſuorum facinorum non plebeios modò, ſed & nobiles pleroſq; habere ſautores, adeo, ut (quæ fortaiſſe iſtorum tumultuum primaria fuit cauſa) in ſacerdotū bona iri, & obedienciam tam eccleſiaſticis quam ſecularibus debitam, vilipendi cœptum ſit, & tandem inter nonnullos veſtrum ad civilia bella deventum. Quod quàm male cadat Chriſtianæ reipub. hoc præſertim tempore, mente & cogitatione facile proſpicere poteſtis. Eſti enim prædixit Apoſtolus, oportere hæreſes eſſe, ut qui probati ſunt, maniſeſti ſiant, nullum tamen videas tempus huic rei magis importunum, quam hoc, aut quod citius ab hæreſibus, ſi quæ ortæ ſint, neceſſariò veniat repurgandum. Quum enim humani generis perpetuus hoſtis diabolus, ſub leonis rugientis ſpecie, per Turcarum vires in Chriſtianas oves continuè debacchetur, non videmus quo modo contra tantos impetus abſiſtere poſſimus, quādiu eundem diabolū ſub draconis ſubdoli forma, iſtas hæreſes domi noſtræ diſſeminantem,

Optima intentione Adrian.

Martinus Lutherus.



interq; fortissimos Germanos nostros discordias & seditiones fuscitantem, fovebimus. Atq; ut etiam debellare externos hostes maximè possimus, irritus tamen fuerit labor, impentq; & animarum saluti minime utilis, foris hostes vincere, & domi hæresibus, schismaticibusq; laborare. Meminimus, cum etiam in minoribus constituti, in Hispania etiam multa ad res & varia de Luthero, & ejus perversis dogmatibus frequenter perferri. Quæ cum per le durissima auditu, eo nobis duriora videbantur, quod ex ea regione venirent, unde nobis secundum carnem origo est. Sed solabatur nos tum rei ipsius adeo manifesta vel iniquitas, vel stoliditas, ut à nemine diu toleranda crederetur, tum illa subinde nobiscum facta reputatio, qua dubio procul confidebamus istas venenatas plantas aliunde in Germaniâ translatas, non perventuras ac frugè in ea terra, quæ acerrimos hæresum & omnis infidelitatis hostes semper protulisset. Nunc verò postquam hæc mala arbor, sive divino judicio sic populi sui peccatum puniente, sive socordia eorum, qui, ut debebant & poterant, principio non obliterunt, quos videtis & auditis longè lateq; ramos expandere cœpit. Considerandum vobis est, Germani principes & populi, ac providendum, ne vos qui ab initio hujus mali culpâ aliunde orta, facile excusari poteratis, per istam nimiam tolerantiam, & pristinæ virtutis naturæq; oblii, & tanto facinori, dum illi non resistitis, consentire videamini. Omittimus quod enormissimū est, tanto tamq; religiosam nationem per unum fraterculum (qui à catholica fide & religione Christiana, quâ ab ineunte ætate, non solum profiteri & sequi visus est, sed etiam multis annis prædicasse ac docuisse dicit, novissimè infelicitim apostatavit, ac Deo mentitus est) seduci ab ea via, qua à redemptore nostro & ejus sanctissimis apostolis demonstrata, tot martyres, tot præclari doctrina & sanctitate viri, & majores deniq; vestri, omnes hæcenus inceserunt, quali solus Lutherus sapiat & sciat, solus nunc primum (ut de se hæreticus Montanus gloriabatur) Spiritu Sanctum acceperit, & ecclesia ipsa, cum qua se futurum ad consummationem seculi benignissimus humani generis redemptor pollicitus est, in tenebris ignorantiae & perditionis ambagibus semper erraverit, donec novo Lutheri lumine illustraretur. Quæ omnia quanquam apud eos qui sapiunt, periculum judicantur, simplicibus tamen animis plurimum sunt perniciosâ, & eis qui novarum rerum cupiditate omnem ordinem immutatum vellent, plurimas ad ea perpetranda, quæ nunc experimini, causas & fomenta subministrant. An non consideratis, Germani Principes & populi, præludium esse quoddam hoc eorum malorū, quæ Lutherus & ejus sectatores moliantur? An non aperte videtis, istud præteritum principio à Lutheranis veritatis Evangelicæ patrocinium detectum, nunc esse merum rerum vestrarum latrocinium? An putatis, aliò tendere istos iniquitatis filios, quam ut libertatis nomine omni obedientiæ sublata, quod cuiq; liberit, faciendi licentiam inducant? An ullius peniti iusta & leges vestras habituros creditis, qui sacros canones, & patrum decreta, nec non sacrosancta concilia, quorum authoritati Imperatorum leges semper & libenter cesserunt, & promptè famulatae sunt, non solum vilipendunt, sed etiam diabolica rabie lacerare & comburere non verentur? Denique qui sacerdotibus, qui episcopis, qui pontifici summo debitam obedientiam detrectant? An speratis contenturos sacrilegas manus à laicorum bonis, & non omnia potius sibi, quæ poterunt, vendicatos, qui res Deo dicatas, quotidie vobis præsentibus & videntibus, se-tunt aguntq;? An deniq; vestris cervicibus parafuros, qui non tangendos christos Domini contemnerare, cadere, trucidare ausi sunt? In vos, in vestras res, domos, uxores, liberos, ditio-ones, dominatus, templa, quæ colitis, hæc miseranda calamitas tendit, nisi maturè obviâ eatis. Proinde fraternitates, nobilitates & devotiones vestras, omnium & singulorum in Domino hortamur, & per Christianâ charitatē & religionē, quâ tam sæpe majores vestri suo sanguine & tutati sunt & auxerunt, obsecramus, atq; in virtute sanctæ obedientiæ, quam Deo & beato Petro, ejusq; vicario omnes Christiani debent, à vobis requirimus, ut depositis, si quæ sunt inter vos similitudinibus, ad hoc commune incendium extinguendum, nunc saltem toto animo incumbatis, & Martinum Lutherum, ceterosq; istorum tumultuum & errorum auctores, ad rectam sentiendi & vivendi viam (quod nobis gratissimum & jucundissimū esset) omnibus sanctis modis reducere nitamini. Quod si (quod avertat Deus) veluti aspidēs, obturatis auribus, audire recusaverint, ne quod reliquum & nunc sanum constat, cum magna & evi-denti nationis vestræ macula, & totius reipub. Christianæ manifesto periculo iniciatur, in eos juxta sacras constitutiones, juxta leges à vestratibus Imperatoribus latas, atq; adeo recens vestrum super hac re Imperiale edictum severitatis virgâ animadvertatis. Novit ille, cui soli arcana humanorum pectorum aperta sunt, quam nos, & pro natura nostra institutoque, & pro pastoralis, quod gerimus, officio, ad ignoscendum potius, quam ad ulciscendum sinus propeniti. Sed ubi retrum istud cancer ita ulcerosum esset, ut blandis levibusq; medica-mentis curari non posset, aspera erunt & ignita cauteria adhibenda, & abalienata membra ab integro corpore penitus resecanda. Sic Deus omnipotens schismaticos fratres, Dathan & Abryon in terræ barathrum vivos demersit, & nolentem obedire sacerdotis imperio, capi-tali supplicio puniri iussit. Sic apostolorum princeps Petrus Ananiam & Saphiram sibi

in

Adrianus  
Germanus  
fuit.

Contra Lu-  
therum.

Contra falsam  
libertatem.

in Deum mentientes, subito morituros denuntiavit. Sic veteres & pii Imperatores Jovianum & Priscilianum hæreticos gladio seculi sustulerunt. Sic divus Hieronymus Vigilantium item hæreticum optat in interitum carnis tradi, ut spiritus salvus fiat. Sic deniq; majores vestri de Johanne Hussita & Hieronymo Pragen. qui nunc in Luthero revixisse videntur, à quo & in summa habentur veneratione, in Constantiensi Concilio debitas sumplere poenas. Quorum sancta & præclara gesta, si etiam hac in parte (ubi aliter fieri nequeat) fueritis imitati, non dubitamus, quin divina clementia ad eundem mox supperias ecclesiæ Dei, quæ ab infidelibus vexata, in nationem vestram virtute bellica & hominum numero facile præstantem, os oculosque jamdudum intendit, sensus & corda vestra inspiret. Unde omnipotentis Dei & beati Petri benedictione per nos accepta, & de triumphato dracone ac leone diabolo, id est sublatis domo hæresibus, & devictis foris fidei hostibus, gloriosam victoriam, & in futuro seculo æternæ salutis præmia reportetis. Vos vero pro compertissimo habeatis, quicquid nobis opum & autoritatis altissimus concedere dignatus est, id omne & vitam ipsam pro tam sanctis operibus, & pro salute commissarum nobis ovium libentissimè expolituros. Cætera quæ tam in hoc Lutherano, quam aliis negotiis vobiscum particularibus communicata cupimus, dilecto filio Francisco Cheregato, electo Aprutini, quem nuper mense Septembri ad negotia fidei & religionis, nostro nomine vobiscum tractanda, nostrum & hujus sanctæ sedis nuncium, ad insignem istum conventum ire jussimus, vobis latius explicanda committimus. Cujus verbis hortamur vos, eandem quam nostris habereis, fidem adhibere. Datum Romæ apud sanctum Petrum, sub annulo piscatoris, die 25 Novembris, MDXXII. Pontificatus nostri anno primo. T. Hezius.

**VENERABILIBUS FRATRIBUS, DILECTIS FILIIS;**  
Nobilibus viris, sacri Romani Imperii principibus electoribus, & aliis principibus, tam ecclesiasticis, quam secularibus, ac etiam communitatum omnium, inclytæ Germanicæ nationis, oratoribus, in dieta Nurenbergenſi congregatis.

**I**nstructio pro te D. Francisco Cheregato, de quibusdam quæ prælati, principibus, & civitatum Germanicarum oratoribus dicere poteris viva voce, ubi, & quando opportunum judicaveris.

Inprimis declarabis eis maximum dolorem, quo affligimur, ex prosperatione sectæ Lutheranae, ob id potissimum, quod videmus innumerabiles animas Christi sanguine redemptas, & curæ nostræ pastoralis commissas, illius occasione à vera fide ac religione averti, & in perditionem ire, idq; in natione, ex qua nobis secundum carnem origo est, quæ ab initio, ex quo ad Christum conversa fuit, usque ad istos proximos annos semper extitit fidelissima ac religiosissima, ac propterea nobis vehementissimum desiderium esse, ut huic pesti celerius occurratur, priusquam Germaniæ ipsi contingat, quod Bohemiæ olim contigit: nosq; paratissimos esse, ad faciendum omnia in hunc effectum, quæ ex parte nostra expectari poterunt, ac summiopere desiderare. ut etiam unusquisque eorum hoc ipsum pro viribus facere studeat, utque id faciant, nos quantum possumus unumquemque eorum hortari & rogare. Debeant autem eos ad hoc movere sequentia.

Primò, & ante omnia, honor Dei omnibus rebus præferendus, qui per istas hæreses graviter læditur, ejusq; cultus consuetus non solum diminuitur, sed potius ex toto corripitur. Itè charitas erga proximos, quæ unusquisq; pro viribus studere debet, proximis errantes ab errore revocare. Quod nisi fecerit, Deus eos qui sua negligentia pereunt, de manu ejus requiret.

Secundo, movere eos debet infamia nationis suæ, quæ cum semper præ cæteris nationibus Christianissima sit habita, nunc propter eos, qui sectam Lutheranam insequuntur, apud omnes pessimè audit.

Tertiò, moveat eos respectus honoris eorum proprii, qui maximè læditur, si ipsi, qui apud nationem Germanicam auctoritate & potentia pollent, hæreses istas non totis viribus expellere laborant: tū quia degenerabunt à progenitoribus suis, viris Christianissimis, qui in Constantiensi Concilio ex magna parte interfuerunt condemnationi Johannis Huss & aliorum hæreticorum, quorum aliqui ipsum Johannem Huss propriis manibus ad ignem duxisse dicuntur. Tū quia ipsi, vel major eorū pars, edictū Imperiale in executione sententiæ apostolicæ contra Martinū Lutherū & suos latè factū approbarunt, ei auctoritatē suā adhibuerunt, & propterea nisi illud pro viribus executi fuerint, vel inconstantes judicabuntur, vel etiam favere reputabuntur, cum manifestum sit, eos ubi efficaciter velint, illum exterminare facile posse.

Quartò, moveat eos injuria, quæ per Lutherū, eis & eorum parentibus, ac progenitoribus inferitur. Cum enim ipsorum parentes & progenitores, & ipsimet semper tenuerint fidem, quam ecclesiæ Romana atque catholica approbat, & Lutherus, sui que sectatores, longè diversam fidem tenent, asserendo multa non esse de fide, quæ tamen illi tenuerint esse de fide, manifeste.

manifestum est, illos à Luthero condemnari pro infidelibus & hæreticis, & per consequens secundum Lutherum omnes eorum majores, qui in fide nostra decesserunt, sunt in inferno, quum error in fide homines damnationis reos faciat.

De falsa libertate.

Quintò, attendant finem, ad quem Lutherani tendunt, ut scilicet sub colore libertatis evangelicæ, quam hominibus proponunt, omnis potestas superioritatis tollatur. Nam licet ab initio præ se tulerint, ecclesiasticam potestatem tanquam tyrannicæ & contra evangelium occupatam annihilare, seu reprimere velle, tamen cum eorum fundamentum s. libertas quam prædicant, æque vel plus militet contra potestatem secularem, quam scilicet illa nullis præceptis, quantumvis justis & rationabilibus obligare possit homines ad parendum, sub poena mortalis peccati : Manifestum est, eos etiam illam enervare velle, quamvis astutè fecerint illam salvando, ut scilicet Principibus secularibus credentibus, machinationem hanc, non contra se, sed dumtaxat contra ecclesiasticos (quibus laici communiter infensi sunt) dirigi, ac propterea partim in eorum favorem tractis, partim dissimulantibus, seu non contradicentibus, ipsi facilius ecclesiasticos everterent. Quo factò, dubium non est, quin populi idem contra seculares Principes tentaturi essent.

Sextò, moveant eos maxima scandala, turbationes, direptiones bonorum, homicidia, lites, dissensiones, quas secta hæc pessima excitavit, & quotidie excitat per totam Germaniam. Item blasphemiar, maledicta, scurrilitates & amaritudines, quæ istis semper in ore sunt, quæ nisi ipsi sedare curaverint, verendum est, ne irà dei desolatio veniat super Germaniam, in se tam divsam, immo super ipsosmet Principes, qui cum potestatem & gladium à Domino receperint, ad vindictam malorum, talia in subditis suis fieri permittant. Maledictus (inquit Propheta) qui facit opus Dei negligenter, & prohibet gladium suum à sanguine iniquorum.

Contra Mahometum.

Septimò, considerent Lutherum prope consimili via ad seducendū populum Christianum uti, quæ Mahometus ille spurcissimus usus, tot animarū millia decepit, permittendo videlicet ea, ad quæ homines carnales inclinantur : Et exinde eximendo eos ab his, quæ in lege nostra graviora videntur, nisi quòd Lutherus paulo modestius agere videtur, ut eo efficacius decipiat. Mahometus plures uxores habendi, & eas pro arbitrio repellendi, aliasq; ducendi licentiam concessit. Ille ut monachorum & Deo dicatarum virginū ac sacerdotū, lasciviā carnis gestientium sibi favores conciliet, prædicat vota perpetuæ continentiæ etiam illicita esse, nedū non obligatoria. Proptereaq; licere illis, per evangelicam libertatem, nubere, immemor verbi apostolici, cum dicit de viduis adolescentioribus, quòd cum luxuriatæ fuerint, in Christo nubere volunt, habentes damnationem, quia primam fidem irritam fecerunt.

Quibus per te expositis, & aliis pluribus, quæ in hanc sententiā partim ex literarū nostrarū exemplis colligere, partim ex tua prudentia excogitare poteris, hortaberis nostro nomine dictos Principes, prælatos ac populos, ut tandè expurgantur & excitentur ad obviandū, & tā grandi injuriæ, quam Lutherani Deo & sacræ religioni ejus, & maxime ignominia, quam toti nationi vestræ Germanicæ ipsi quemet Principibus, & maxima opprobria atq; contumeliā, quam majoribus eorū, quos (ut diximus) in effectu ad gehennam condemnant, inferre nescunt, & ad executionem sententiæ Apostolicæ ac Imperialis edicti facti, omnino procedant, de tur venia his, qui respicere & errores suos abjurare voluerint, semperque proniores sint ad miserandum quàm ad vindicandum, exemplo Dei nostri qui non vult mortem peccatorum, sed magis ut convertantur & vivant. At qui in errore pertinaces permanerint, districtiōnis virgæ juxta sacrorum Canonum & Legum decreta, sic puniantur, ut cæteri eorum exemplo vel in fide recta permaneant, vel lapsi in rectam viam redeant.

Quæ credenda sint.

Quòd si quis fortè dixerit, Lutherū inauditū & indefensū, fuisse per sedē Apostolicā condemnatū, & propterea audiri omnino debere, nec antequam convictus sit, condemnandū esse? Respondebitis, quòd illa quæ fidei sunt, propter divinā auctoritatē credenda sunt, non probanda. Ausser (inquit Ambrosius) argumenta, ubi fides quæritur, piscatoribus creditur, nō dialecticis. Et certè fatemur, ei defensione negari non debere, in his quæ sunt facti, hoc est, utrū dixerit, necne, utrū prædicaverit vel scripserit, necne; semper divino jure verò & materiā sacramentorū standū auctoritati sanctorū & ecclesiæ. Adde, quòd fere omnia, in quibus Lutherus ab aliis dissentit, sunt per diversa Concilia prius reprobata. Non debet autē revocare in dubiū, quòd per Concilia generalia & universā ecclesiā constet esse approbatū, ranquam fide tenendū. Injuriā namq; facit ecclesiæ Synodo, qui semel rectè disposita nititur in dubiū revocare. Quid enī unquam certi esse poterit inter homines? vel quis disputationū contentionūq; finis erit, si præsumptuos & perverso cuiq; libertas seu licentia erit recedendi ab his, quæ nō unius neq; paucorum, sed tot seculorū, & tot sapientissimorum hominum consensum, & Catholicæ ecclesiæ (quam Deus in his quæ fidei sunt, nunquam errare permittit) determinatione sancita sunt, cum tamen unaquæq; civitas leges suas inviolabiliter observari exigit? Quomodo non omnia turbationibus & scandalis & confusione plena erunt, nisi ea, quæ semel, immo

sepius

sæpius maturo iudicio constituta, ab omnibus inconcessè observentur? Cum igitur Lutherus & sui concilia sanctorum patrum condemnant, sacros canones comburant, & cuncta pro arbitrio suo confundant, ac totum mundum perturbent, manifestum est eos tanquam publicæ pacis inimicos & perturbatores, ab omnibus ejusdem pacis amatoribus exterminandos esse.

Item, dices nos ingenuè fateri, quòd Deus hanc persecutionem ecclesiæ suæ inferre permittit, propter peccata hominum, maximè sacerdotum & ecclesiæ prælatorum. Certum enim est, non esse abbreviatam manum Domini, ut salvare nequeat, sed peccata dividere inter nos & ipsum, & abscondere faciem suam à nobis, ut non exaudiat. Clamant scripturæ, peccata populi derivari à peccatis sacerdotum, propterea; (ut ait Chrysostomus) Salvator noster curaturus infirmam civitatem Hierusalem, ingressus est prius templum, ut peccata sacerdotum primò castigaret, instar boni medici, qui morbum à radice curat. SCIMUS in hac sancta sede, aliquot jam annis multa abominanda fuisse, abusus in spiritualibus, excessus in mandatis, & omnia denique in perversum mutata. Nec mirum, si aegritudo à capite in membra, à summis pontificibus in alios inferiores prælatos descenderit. Omnes nos (id est, prælati ecclesiastici) declinavimus, unusquisque in vias suas, nec fuit jam diu, qui faceret bonum, non fuit usque ad unum. Quam ob rem necesse est, ut omnes demus gloriam Deo, & humiliemus animas nostras ei, videatque unusquisque nostrum, unde ceciderit, & se potius quilibet judicet, quàm à Deo in virga furoris sui judicari velit. Qua in re, quod ad nos attinet, polliceberis nos omnem operam adhibitueros, ut primum curia hæc, unde forte omne hoc malum processit, reformetur, ut sicut inde corruptio in omnes inferiores emanavit, ita etiam ab eadem sanitas & reformatio omnium emanet. Ad quod procurandum nos tanto arctius obligatos reputamus, quanto universum mundum hujusmodi reformationem avidius desiderare videmus. Nos (uti alias tibi dixisse credimus) Pontificatum hunc nunquam ambivimus, immo quantum in nobis fuit, longè maluissimus, privatam vitam agere, & in sancto otio Deo servire. Et profectò Pontificatum ipsum planè recusavissimus, nisi Dei timor & syncerus electionis nostri modus, nec non schismatis ex reculatione nostra imminentiæ metus, nos acceptare illum coegisset. Subjicimus igitur colla summæ dignitati, non ob dominandi libidinem, neque ad ditandos propinquos nostros, sed ad divinæ voluntati parendum, ad deformationem ejus sponfam, ecclesiæ catholicam reformandam, ad subveniendum oppressis, & doctos ac virtute præditos, qui multo jam tempore neglecti jacerunt, erigendum & ornandum, & denique ad omnia alia agendum, quæ bonum Pontificem & legitimum beati Petri successorem agere oportet. Quanquam nemo mirari debet, si non statim omnia errata & abusus omnes per nos emendatos viderit. Inveteratus nimium morbus est, nec simplex, sed varius & multiplex, pederentim in ejus cura procedendum est, & prius gravioribus magisque periculosis occurrendum, ne omnia pariter reformari volentes, omnia perturbemus. Omnes subitæ mutationes (inquit Aristoteles) in rebus periculose sunt. Qui nimis emungit, elicit sanguinem.

Quòd autem ultimis literis tuis scribis, questos fuisse tecum Principes istos, quòd concordatis eorum per hanc sedem derogatum sit, dices, nos de his, quæ ante nos facta fuere, culpam non posse nec debere, nobisque ejusmodi derogationes etiam dum in minoribus essemus, semper plurimum displicuisse. Proinde nobis certissimam sententiam esse, etiam si ipsi non requirerent, illis nostri pontificatus tempore penitus abstinerem, partim, ut unicuique jus suum servemus, partim, quia aequitas & humanitas exposcit, ut ineluctam nationem nostram non solum non offendamus, sed etiam peculiare ei favores impendamus.

De processibus verò, quos à Rota advocari, & ad partes remitti postulant, dices nos cupere eis in hoc gratificari, quantum honestè possumus. Sed propter absentiam auditorum ab urbe pestis gratiâ, non posse nos de qualitate & habitudine ipsorum processuum ad præsens informari, reversis verò illis, quòd peste jam decrescente, brevi futurum speramus, facturos in gratiam dictorum principum, quicquid rationabiliter poterimus.

Item, sollicitabis diligenter responsa literarum nostrarum, & requires eos, ad quos scribimus, ut nos literis suis informet, quibus mediis eorum iudicio videatur huic pessimæ sectæ commodius obviari posse, ut ea quæ per nos providenda fuerint, celerius provideri possint. Et super hoc ipso etiam tu te diligentissimè informabis, & nobis plenè perscribes.

Item, quia intelleximus, in Germania esse multos bonos & doctos viros pauperes, aliqua etiam præclara ingenia, quæ ex dignitate apostolicarum provisionum histrionibus & stabulariis potius, quam viris doctis fieri solitarum, à sedis hujus devotione averfa, cupimus, ut inquiras quinam illi sint, eorumque nomina ad nos transmittas, ut occurrente beneficiorum Germanicorum vacatione, illis proprio motu providere possimus. Scimus enim, quantum Dei honori & animarum salutem ad adificationem obfuerit, quòd jamdiu beneficia ecclesiastica maximè curam & regimen animarum habentia, data fuerunt hominibus indignis.

De subsidio procurando pro Hungaris, non damus aliam informationem, quàm discedenti

Contra Lutherum.

Arte de diligenter ad hæc quæ sequuntur.

Alimentum imprimis & venditum. Conring.

Vide quid hic pontifex dicat. Quid dubitas sancte Patet? non forte sed certo certius dixisses.

Nota bene.

De citationibus.

Plerasque Adriani.

deni tibi dedimus, excepto, quod te hortamur, ut rem illam summo studio (uti facis) cures, nos etiam apud Principes & Respublicas Italicas, missis oratoribus, sollicitabimus, ut pro viribus quisque subveniat.

Adrianus Papa, VI.  
R. Hezius.

Responsio Illustrissimorum ac Reverendissimorum Principum, necnon aliorum sacri Romani Imperii ordinum Pontificio legato reddita.

**S**erenissimus & illustrissimus Princeps & dominus, dominus Ferdinandus, sacrae Caesaris Majestatis locumtenens, necnon Reverendissimi in Christo patres, illustrissimi, reverendi, ac illustres Principes Electores, aliorumque omnium ordinum hujus sacri Romani Imperii conventus proceres literas beatissimi in Christo patris & domini, domini Adriani sanctae Romanae & universalis ecclesiae Pontificis optimi & maximi, in forma brevis, simulque ea, quae vestra Reverendissima Dominatio verbo proposuit, tandemque instructionem, quam scriptis nomine suae beatitudinis praesentavit, in negotio Lutheranae factionis, cum debita honoris & reverentiae exhibitione, atque non sine singulari animorum gratitudine acceperunt, diligentissime intellexerunt.

Laudatur  
utrobique  
Adrianus.

Imprimis, ex quo Serenissimus & Illustrissimus Princeps & dominus locumtenens, ceterique Electores Principes, & hujus sacri conventus proceres noverunt beatitudinis Pontificis ex nobilissima Germanica natione originem traxisse & natum esse: Cujus eximias ac praestantes animi & corporis dotes virtutesque toto fere orbe, etiam dum in minoribus esset, celebratas, jam pridem perspicuas habent. Quare de suae Beatitudinis ad summum apostolorum apicem concordiae ac divinae electione & vocatione incredibili quadam animorum hilaritate & laetitia sunt affecti, aguntque Deo Optimo Maximoque summas gratias, quod sanctae suae ecclesiae de tali ac tam digno, optimoque pastore providere dignatus est. Ex animoque precantur, & pro sua summa clementia, & perpetua sui nominis gloria animarumque salute, & ecclesiae universalis incoluntate, suae beatitudini omnem foelicitatem rerum atque corporis diutinam prosperitatem largiri velit. Nihil dubitantes, quod ex hac tam sancti & virtuosus pastoris concordiae electione, sanctae, Christianae, Catholicaeque ecclesiae, plurimum fructus & salutis sit eventurus. Cujus rei evidens facit argumentum, quod sua Beatitudo iterum atque iterum testatur, nihil se tam die nocteque cogitare, quam ut in curando grege sibi commissio, boni pastoris partes modis omnibus praestare possit, imprimisque sibi curae esse, Christianorum principum animos, jam nimis inter sese dissidentes, & pacem ad concordiam ineundam componere deponendaque arma (aut si bellandum esset, ea in fidei hostes convertenda) quotidianis fere literis hortari, precarique, haec non desistit. Simulque declarando quanta hujus tam sancti & praecelsi desiderii (juvando, & subsidia mittendo Rhodiani militibus cum incommodo suae rei familiaris) re ipsa ediderit exempla. Ex quibus omnibus sacrae Caesaris Majestatis dominus locumtenens, ceterique hujus sacri Imperii ordines non mediocriter spe & consolatione, cum maxima animorum gratitudine acceperunt, plane intelligentes, hanc concordiam Christianorum Principum in omnibus rebus bene gerendis ac ordinandis non minimi momenti habere, sine qua profectò nec Respublicae Christianae religionis recte curari, vel institui, multoque minus tyrannidi immanissimi Turcae, commode obfistit poterit. Quemadmodum haec ex his, quae Reverendissimus dominus suae Beatitudinis nuncius Apostolicus nuper, cum pro subsidii Hungarorum regno decernendis, perorando proposuit, simulque ex his, quae per serenissimi Hungarorum Regis & illius regni legatos lamentabiliter exposita & declarata sunt, quas scilicet calamitates, injurias & ad extremum usque exitium Hungarorum regnum ab impiis hostibus tulerit, indiesque majora timere habeat, abunde intellecta sunt.

Quare serenissimus Princeps sacrae Caesaris Majestatis locumtenens, ceterique Principes Electores & ordines, summo studio ex animo orant, ut sua Sanctitas, in hoc sancto proposito ea qua coepit diligentia, ut pius pater & verus pastor, pro incumbentis officii debito pergat, nihilque intentatum relinquat, quo Christianorum Principum dissidentes animos ad pacem reducat, vel si id in totum fieri non possit, saltem ad tempus, in tanta temporum & rerum necessitate, inducias facere laboret, quo instantibus Christianae Reipublicae periculis & Turcae perfidissimi conatibus, Dei auxilio, communibus Christianorum copiis, & commodius faciliusque obfistat, & Christianus populus ab illius tyrannide liberari possit, pro quo serenissimus Princeps locumtenens, alique Principes Germani una cum ceteris potentatibus omni ope & opera fideliter sunt laboraturi.

Deinde suae Beatitudinis literae simulque instructio per suae Beatitudinis nuncium Apostolicum, coram ordinibus Imperii oblata, continebat suae Beatitudinis maximo dolore affligi, ex prosperatione sanctae Lutheranae, ob id potissimum, quod innumerabiles animae, Christi sanguine redemptae, ac suae Beatitudi-



Beatitudinis curæ commissæ, illius occasione, à vera religione avertantur, atq; in perditione eant, ob id suam Beatitudinē vehementissimè desiderare, ut huic pesti celerius occurratur, ne deteriora inde contingant, cum explicatione quarundam necessariarum rationum, quo principes Germanos ad hæc quàm celerius conandū, maximè movere possint ac debeant, imprimisque adhortando, ut sententia per sedem apostolicam in Lutherum legitimè lata, & post sacræ Cæsareæ & catholicæ Majestatis edictum, super ejusdem sententiæ executione, in proximis comitiis Wormaciæ habitis decretum, debitè demandetur executioni.

Ad hæc, sacræ Cæsareæ Majestatis locumtenens & principes, aliq; ordines dicunt, se non minus quàm Beatitudinem pontificis ex animo dolere, de impietatibus, animarum periculis & incommodis, quæ in Christiana religione, ex Lutherana secta aliisve provenierint. Quicquid enim auxilii & consilii pro extirpandis erroribus & animarum periculis amovendis sua moderatione præstare unquam poterint, sunt pro summa sua in Christi religionem devotione & pietate paratissimi, ingenueq; agnoscunt se & Beatitudini Pontificis, & sacræ Cæsareæ Majestati (ut Christianos decet principes) ad omnem obedientiam esse obnoxios.

Principum pietas.

Sed quòd sedis apostolicæ sententia in Lutherum lata, simulq; sacræ Cæsareæ Majestatis edictum, non sit debitè executioni demandatum, non sine maximis urgentissimisque rationibus, utputa, ne pejora inde causarentur, &c. hæcenus prætermisimus est.

Majori namque populi parti jampridem persuasum est, & modò Lutheranis libris ac dogmatibus populorum opinio sic informata, ut jam pro comperto habeant, nationi Germanicæ à curia Romana per certos abusus, multa & magna gravamina & incommoda illata esse; ob id, si pro executione apostolicæ sedis sententiæ, vel imperatoris Majestatis edicti, quidpiam acerbius attentatum esset, mox popularis multitudo sibi hanc suspitionem animo conceperet, ac sic talia fierent pro evertenda evangelica veritate, & sustinendis manutenendisq; malis abusibus impietatibusque. Unde indubiè aliud nihil, quàm gravissimi tumultus populares, intestinaque bella speranda essent. Quemadmodum ex multis ac variis rerum argumentis, principes, aliq; ordines jam planè didicere & cognovere. Opportunior itaq; remediis his malis, in hac potissimum temporum difficultate, succurrendum esse existimant.

Nam quemadmodum & reverendissimus dominus nuncius apostolicus, nomine beatissimi pontificis, in sua instructione inter alia piè, christianè & verè fatetur & agnoscit, quòd Deus hanc ecclesiæ suæ persecutionem inferri permittit, propter peccata hominum, polliceturq; beatitud. Pontificis omnem adhibiturum operam, ut primùm Romana curia, unde forte omne hoc malum processit, reformetur, ut sicut inde corruptio in omnes inferiores emanavit, ita etiam ab eadem sanitas & reformatio omnium emanet.

Ro. curia primùm reformanda. Responsum Principibus dignum, ex confessione ipsius Pontificis.

Ad hæc, beatissimus Pontifex pio ac paterno amore testatur, sibi etiam dum in minoribus esset, plurimum displicuisse, quotiens concordatis principum per curiam Rom. derogaretur, suæq; beatitudini hanc certissimam esse sententiā, etiam si principes nunquam requirent, sui Pontificatus tempore penitus abstinere, unicuique, & maximè nationi Germanicæ, jus suum conservare, illiq; nationi peculiares favores impendere. Quis itaq; ex his omnibus non videret, sanctissimum Pontificem nihil penitus illorum omittere, quæ vel pius pater & verus pastor quibus suis unquam vel præstare posset, vel debeat? Quis etiam per hæc ad veram pietatem, filialem amorem & errorum suorum emendationem non moveretur, maximè, cum sua sanctitas hæc tam pia sanctaque instituta opere ipso, uti coepit, præsterit.

Quemadmodum serenissimus dominus locumtenens, cæteri; principes & omniū hujus imperii ordinū procetes indubiè sperant, idq; pro summa immortalis Dei gloria, animarū salute, ac publica pace & tranquillitate servanda fieri ex animo efflagitant, atq; Nā nisi istiusmodi abusus & gravamina, simulq; certi articuli, quos seculares principes juxta hæc specialiter designatos, scriptis exhibebunt, fideliter reformentur, vera pax & concordia inter ecclesiasticos, secularesq; ordines, hujusq; tumultus & errorū extirpatio per Germaniā minimè speranda est. Nā ex longis & variis bellorū tumultibus, quibus Germania nostra multis annis interturbata, Item ob alia gravamina & incommoda, quæ huic nationi hæcenus incubuerunt, hæc natio pecuniis ac divitiis adeo est extenuata & exhausta, ut etiā jam pro necessaria justitiæ ac pacis conservatione in his deficiat; multo majori itaq; incommodo & difficultate, Hungarorū regno & Croatis petita auxilia contra Turcā præstare poterit. Cū autē ordines sacræ Rom. imperii nihil dubitant, beatitudinem Pontificis pro comperto habere, Principes Germaniæ in solutione Annatorū ad aliquot annos sedi apostolicæ solvendorū, ea lege ac conditione consensisse, ut illa in oppugnatione perdidissimi Turcæ, & defensionem fidei catholicæ converterentur: Ex quo autem numerus annorum, intra quos Annata illa solvi debeant nunc longo intervallo transactus sit, neq; Annata illa à Beatitudinis suæ prædecessoribus Pontificibus Romanis in hunc usum, in quæ decreta sunt, conversa: Ob id, si modò necessitate exigente, communia auxilia in oppugnationem Turcæ per Germaniam essent decernenda & colligenda, causatur inde populus Germanicus, quare Annata prius jam multis in hunc usum reservata, ad hoc opus su.

Tollendi abusus.

Principes urgent Pontificem de annatis indebitè solutis sedi Apostolicæ & in alienos usus convertere.

non

non applicentur, averfanturque alia in se ob hanc causam gravamina recipere. Ex quo prælati ecclesiastici pro annatis sedi Apostolicæ solvendis, ut plurimum suis subditis super indicta, & collectas imponere, & talia ab eisdem recuperare causaverunt. Quare illustrissimus Princeps dominus locum tenens, alique principes, & Imperii Romani ordines vehementer orant, ut beatitudo Pontificis velit hæc & alia paterno affectu considerare, & illa Annata, quæ post obitum Episcoporum aliorumque prælatorum, seu ecclesiasticorum, ad curiam Romanam solvenda fuerint, in futurum non exigere, sed illa fisco sacri Romani Imperii applicanda relinquere, ut eo commodius iustitia, pax & tranquillitas nationi Germanicæ conservari, & Respublica eo melius per hæc ordinari, possitque per Germanicam nationem aliis Christianis potentatibus contra Turcam communem hostem auxilia & præsidia præstari, quod aliàs & absque eo, minimè sperandum erit.

De Annata.

De Luthero.

\* Par pari  
relatum.Concilium  
esse necessa-  
rium.

Item, cum beatitudo Pontificis inter alia desiderat informari, quibus mediis huic Luthero errori commodius obviari possit, ut ea, quæ per suam beatitudinem providenda fuerint, celerius curari possint. Ad hæc Illustrissimus Princeps dominus locum tenens, alique Principes & ordines dicunt, quicquid hac in re pro pietate & Christianæ religionis devotione utilitatis & auxilii præstare poterint, sunt eruntque semper ex animo paratissimi. Ex quo autem hoc seculum in omni statu, tam ecclesiastico, quam seculari corruptissimum habeat mores, sintque non tantum ex parte Lutheranae sectæ, sed ex aliis causis multi errores, abusus & corruptelæ, quæ ita inoleverunt, ut istis opportunis remediis provideri summo opere necessarium sit, ob id simulque propter immensam tyrannidem crudelissimi Turcæ, qua multis jam annis Christianitati multa incommoda & calamitates varias intulit, hodieque majora inferre molitur. Nullum itaque commodius, efficacius & opportunius remedium illustrissimus dominus princeps locumtenens, cæterique Principes & ordines cogitare possunt quàm quod Beatitudo Pontificis, accedente ad hæc sacra Cæsareæ Majestatis consensu, liberum Christianum Concilium, ad locum convenientem in natione Germanica quanto ocyus & celerius quoad fieri possit, videlicet vel in Argentoratum, vel Moguntiam, Coloniam Agrippinam, vel ad civitatem Metensem, vel alium convenientem locum in Germania indicare, nec ultra unius anni spacium (si possibile foret) hæc Concilii convocatio & designatio differantur, & quod in tali Concilio, cujus qui interesse deberet, ecclesiastici, vel laicalis ordinis, non obstantibus quibuscunque juramentis & obligationibus, liberè licere loqui, & consulere pro gloria summi Dei, & salute animarum, proque Republica Christiana absque aliquo impedimento, quinimo quilibet ad hæc debeat esse obnoxius, ut non dulcia, sed verà & meliora consulat, summa cura & diligentia per salutem animæ suæ, & absque aliqua adulatione doli vel fraudis suspitione.

Verum, quibus modis & rationibus interim & medio tempore isti tumultus & populi errores poterint pacari, intertineri & compesci, maxima cura & diligentia illustriss. & serenissimus dominus locumtenens, & alii Principes consuluerunt, cum minima pars istius negotii ex hac medii temporis intercapedine pendeat.

Itaque deliberaverunt imprimis, ex quo Lutherus, & aliqui illius sectatores in ditione ac territorio Illustrissimi Ducis Friderici, Saxoniae principis electoris, &c. agant. Ob id illustrissimus princeps locumtenens, & alii ordines Imperii, apud prædictum Principem Saxoniae summa diligentia curare volunt, & per eundem principem efficere sperant, ne Lutherus & sui sectatores aliquid amplius scribat, edat & typis excudi faciat, indubieque sibi persuadent, quod prædictus illustrissimus Princeps Saxoniae, pro sua in religionem Christianam pietate, & in sacrum Romanum Imperium observantia & obedientia, ut virtute præditum deceat principem electorem, omnem operam in hac sit adhibiturus. Curabuntque simul illustrissimus dominus locumtenens, principes & imperii ordines, ut per omnem Germaniam cum divini verbi concionatoribus, sive prædicatoribus diligenter agatur, ne in populum Christianum spargant vel dicant ea, per quæ possit popularis multitudo ad tumultum vel rebellionem moveri, aut in aliquem errorem induci, sed quod nihil præter verum, purum, sincerum & sanctum evangelium, & approbatam scripturam, pie, mansuetè & Christianè, juxta doctrinam & expositionem approbatam, & ab ecclesia Christiana receptam scripturæ doceant & prædicent, omniaque illa omittant, quæ à populo doctius & sanctius ignorantur, quàm sciantur, quæ ne subtilius indagare, & ad imum usque exigere, minimè expedit, nihilque in populo per concionem disputationum moveant, sed quicquid controversiæ fuerit, usque ad determinationem futuri Concilii referrent. Ordinabunt præterea Archiepiscopi & Episcopi, ac alii prælati, per suas dioceses viros doctos, probos & sacris literis peritos, qui prædicantibus fideliter & diligenter intendere debebunt. Et si quid ab illis vel erratum, vel minus idoneè dictum esse offenderint, pie, mansuetè ac modestè eos corrigent & informabunt, in hunc modum, ne quispiam suspicari possit, ut veritas evangelica hoc impediri queretur. Qui Prædicatores, si tales maiores audire nollent, nec à suis ineptiis abstinere, debebunt per locorum ordinarios con-

gruis

gruis poenis coerceri & puniri. Præterea in omnibus bibliothecis, & apud typographos diligentissime, quantum possibile erit, providebunt, ne in futurum aliquid novi typis excudatur, maxime, ne libelli famosi, neque publicè, neque secretè vendantur. Et ordinabuntur apud omnes potestates, ut si quispiam aliquid novi edere, vendere vel typis excudere voluerit, ut prius per aliquos viros, probos, doctos & literarum peritos ista revideantur & recognoscantur: & nisi per eisdem admistum vel approbatum fuerit, minime vendatur, excudatur vel publicetur. Et per hæc media sperant, quod hoc tempore poterit istis tumultibus, erroribus & offenculis commodius mederi, maxime, ubi beatitudo Pontificis in istis gravaminibus congruam & debitam faciet reformationem & provisionem, atque liberum & Christianum designabit Concilium. Per hæc enim maxime satisfieret populari & nunc fluctuanti multitudini. Et si hic tumultus tam illico in totum forsan per ista sedari non posset: nihil tamen dubitant, quod major pars istius per hunc modum ad tranquillitatem & pacem moveretur. Indubiè enim multi probi & boni viri Christiani futurum & proximè indicendum Concilium magno desiderio essent expectaturi.

De libris excudendis.

De

Postremò de presbyteris qui matrimonium contrahunt, & de religiosis qui relictis monasteriis, ad seculum redeunt, de quibus Reverendissimus dominus nuncius Apostolicus, etiam inter cætera meminit, considerant Principes & Imperii Ordines, ex quo in legibus civilibus nulla poena specialiter super his sit statuta, ob id congruum & iustum ipsis visum est, ut tales per eorum ordinarios debitam poena sacris canonum constitutionibus super hoc expressa, ut puta amissione beneficiorum & privilegiorum, & aliis condignis poenis puniantur & coerceantur; & quod ordinarii illi à potestatibus secularibus in ista animadversione & punitione minime impediuntur. Sed quod pro tuitione jurisdictionis ecclesiasticæ eis auxilium & favorem impendant, & super his omnibus publica mandata & edicta faciant, ne quispiam ordinarios in punitione & coercione talium impediatur, sed quando aliis illi votorum transgressores in ditione & territorio alicujus principis vel potestatis secularis delinquant, quod extunc debitis & congruis poenis puniantur & coerceantur.

De presbyteris & religiosis apostatantibus.

Postremò, super his omnibus illustrissimus & serenissimus princeps dominus Locumtenens, aliique principes & ordines vehementer & ex animo iterum atque iterum orant, ut beatitudo Pontificis, simulque reverendus dominus Orator, ista omnia non aliter accipere & intelligere velint, quam à bono, pio, sincero & Christiano animo profecta, cogitata & dicta esse. Nihil enim est, quod omnes isti principes & ordines tam ex animo velint atque cupiunt, quam statum sanctæ catholicæ & Romanæ ecclesiæ, beatitudinisque Pontificis foelicem, incolumentum & saluum, ad cuius vota, desideria & obedientiam, ut fideles filii se paratissimos offerunt atque commendant.

## REPLICATIO PONTIFICII ORATORIS.

**S**erenissime Cæsare M. Locumtenens, Reverendissimi patres, Illustrissimi Principes, & totius sacri Cæsarei Senatus ordines amplissimi, quum pridie mihi longo tempore expectandi, datum fuerit tandem à vobis responsum in re Lutherana, volui illustrissimis Dominationibus vestris non solum verbo, sed & literis indicare, quàm parum mihi illud satisfaciat, & per subsequens Pontifici maximo, ac universæ Christianitati sit minus satisfactorium. Et omnis multis, quæ de pietate, fide & observantia vestra erga sanctissimum dominum nostrum & sanctam sedem Apostolicam in procemio vestri responsi habentur, de quibus tamen, nomine suæ sanctitatis, vestris Illustrissimis Dominationibus gratias ago, veniam tandem ad ea quæ suppletionem, correctionem & declarationem indigere videntur, reliqua prout stant, quatenus placeant sanctissimo domino nostro accipienda.

Et primò, quātū pertinet ad id, quod Illustrissimæ Dōmationes vestræ dicunt, & se excusando asserunt, quod attentò, quod populis Germaniæ sit persuasū quod ipsis multa gravamina à curia Romana sint illata, & ab ipsa multa scandala & incommoda indices patiantur, non fuisse visum sibi expedire, ut sententia Apostolicæ sedis & imperiale Decretum, debitæ executioni mandetur, ne inde contingat pejora & acerbiora mala provenire. Ad hoc replicatur, quod nec sanctissimus dominus noster, nec Cæsarea Majestas, nec ullus Christianorum principum expectavit unquam tale à vobis responsum in hac re dari. Nam si Lutherus

G g

Aggrè fert Orator responsum Principum ante

ante sententiam Apostolicam, tot clarissimorum virorum, ac universitatum iudicii fundatam, & deniq; ante Cæsareum Decretum, ipsiusq; edictum erraverat in uno, post eandem sententiam & Decretum erravit in longe pluribus, & nihil reliquum fecit, quo minus tota orthodoxa religio à fundamentis eversa sit. Quapropter, quum poenæ debeant de jure commensurari delicto, attento, quòd indes magis cum suis sequacibus erravit & errat, ut notorium, debent poenæ ipsæ augeri atque gravari, & non diminui, prout ex præsentis vestro Decreto fit. Et quantum ad responsum ipsum, ex eo in primis offenditur Divina Majestas, cujus causa tam segnerit curanda proponitur. Offenditur Pontificis & Apostolicæ sedis dignitas, offenditur postremo Imperialis culminis celsitudo, quorum Decreta & ordinationes tam impunè suspenduntur, abrogantur deprimunturq; offenditur & pariter communis honor vester, quum omnes unanimes interfueritis eidem Imperiali Decreto decernendo, & vestram auctoritatem præstando. Nec satisfacit illa ratio, quòd propter scandala evitanda, dicta Apostolica sententia, & Imperiale edictum, exequi non debeat. Nam non sunt toleranda mala, ut proveniant bona, & magis sunt curanda ea, quæ pertinent ad animæ quàm ad corporis salutem. Neq; videtur excusandi, qui Lutherum sectari velint, quòd propter sibi inflicta scandala & gravamina à curia Romana (etiãsi verum illud esset) deberent ab unitate catholice fidei propterea resilire, & in profundum malorum se præcipitare. Nam omnia potius mala deberent æquo animo & patienter sustinere, quàm se & animam suam, cum animæ periculo in præcipitium dare. Et si illud in omni tempore præstare debuissent, quanto magis deberent respicere? quum intelligant, Deum Optimum Maximumq; dedisse ecclesiæ suæ sanctæ pastorem optimum: pastorem inquam sanctissimum, eundemq; Germanum, qui non solum universam ecclesiam sit curaturus & instauraturus, fed etiam Germaniam suam ad pristinam pietatem restitutorus, ac pluribus & insignibus donis, in his quæ honestè poterit, illustraturus.

Adrianus VI.  
Germanus,  
pastor opti-  
mus



Quare Principes Illustrissimi & Excellentissimi, vos tantis affectibus rogo & vehementer obtestor, ut his rationibus verissimis adducti, velitis, antequam hujusmodi celeberrimus vester conventus dissolvatur, omnino statuere & firmiter deliberare, quòd eadem Apostolica sententia, ac Imperiale edictum exequatur, & executioni mandetur, sine aliqua diminutione, quum ex hac magna pars, quinimò tota Germaniæ salus dependeat. Et si in aliquibus Germani populi (ut asseritur) sunt à curia Romana gravati, illud declarent. Nam semper Apostolica sedes, quæ est mater piissima omnium oppressorum, parata erit, illos sublevare & pro viribus juvare & tueri.

Discordias.

Quoad seditiones & discordias, quæ sunt inter ecclesiasticos & seculares principes Germaniæ pacandas, ac ad articulos dandos eosdè moderandos, respondetur, quòd sanctissimus D. N. ubi eas seditiones, discordias intellexerit, pro officio humeris suis incumbenti, curabit, ut omnino componantur & extinguantur, quum non minus habeat in filios suos, & ecclesiæ temporales principes, ac habeat eosdè ecclesiasticos. Pariformiter moderabitur omnia inter eos, ut unsquisq; habeat quod suum est, & neutri injuriatur.

Annatas.

Quoad Annatas non persolvendas Romæ, sed in Germania retinendas, pro sustentatione Imperialis gubernii, habita ea declaratione, quæ facta est verbo difficultate, quæ fieri possit ad eam concedendam, reservatur responso ipsi Pontifici: quæ dabitur, vel Imperiali regimini, vel futuro Principum conventui, prout magis expedire suæ sanctitati videbitur.

De consilio  
principum.

Quoad consilium, quod datur per Illustrissimas Dominationes vestras, quòd attentis legitimis causis, quas adducunt, sanctissimus dominus noster debeat convocare oecumenicum generale Concilium, replicatur, quòd illud speratur non debere displicere suæ sanctitati, ob omnes præcipuè illas causas, tamen petitur, ut illud Concilium aliis verbis magis idoneis reformetur, & quòd tollantur ea, quæ possent aliquam umbram facere suæ sanctitati, prout est, quòd sua sanctitas debeat convocare Concilium de consensu Cæsareæ majestatis, quòd sit liberum, & quòd relaxentur juramenta, itè quòd ponatur magis in una civitate, quàm in alia, & similia, &c. Quia nisi tollerentur ista, videretur sanctitati suæ ligari manus per Illustriss. D. vestras, prout in voce declaratum.

De Conclona-  
toribus.

Quoad prædicatores, qui in posterū fidelibus habebunt prædicare verbum Dei, replicatur, quòd servari debeat illud, quòd sanctissimus dominus noster nuper pie & sanctè statuit & ordinavit, de venerabilium fratrum suorum consilio & assensu. Quod est, ut & stante ista perniciose secta in Germania nullus deinceps possit prædicare verbum dei per civitatē vel diocēsim alicujus, nisi ille talis prius fuerit examinatus per episcopum, vel officialem suum de doctrina & sufficientia sua, & eadem fuerit ab eo approbata, vel pro pia & Christiana reputata. Et pariformiter, nisi ille talis fuerit ad munus prædicandi per eundem episcopum vel suum officialem institutus, qui habeat etiam illum amovere & castigare, quando à recta via ceciderit. In cæteris placet, quantum de dictis prædicatoribus per illustrissimas D. V. respon.

respondetur, id est, quod prædicent Evangelium cum interpretatione scripturæ, quæ sit per ecclesiam approbata.

Quoad impressores & venditores, seu alios divulgatores Lutheranorum librorum & aliorum, qui sectam suam sustinent & foveant, replicatur, quod nullo pacto placet data responsio, quod curabunt illustrissimæ dominationes vestræ providere, quantum possibile erit, ne tales libri imprimantur vel vendantur, &c. Sed dico in hoc, prout in aliis, totaliter debent exequi sedis Apostolicæ & Imperialis celsitudinis sententias, id est, quod libri impressi & imprimendi comburantur, imprimentes verò & vendentes, seu alios invulgantes dictos libros, juxta easdem sententias puniantur. Et in hoc maxime peto debere adverti, nam in hoc stat tota vis, pro ista perniciose secta comprimenda, ne tales libri amplius inveniantur. Nam ex illorum lectione omnia hæc mala profecta sunt. Et quantum pertinet ad id, quod nullus possit in posterum libros novos imprimere, nisi illi tales libri prius videantur & examinentur per aliquem virum doctum, dico, in hoc non debere recedi a constitutione moderni Concilii Lateranen. quæ jam est in usu, & est, ut nullus sub poenis in ea contentis, possit aliquos libros imprimere, nisi per ordinarium episcopum loci, vel ejus officialem tales libri lecti & examinati, ac pro Christianis reputati & habiti sint.

Quoad clericos qui uxorem ducunt, replicatur, quod illa, quæ pro responsione scripta sunt, non displicere videntur, quando in cauda aculeum non habeant. Propter quod petuntur illa verba declarari, quæ sunt in fine capituli dicti responsi sub eisdem verbis [Sed quando aliis illi votorum transgressores in ditione & territorio alicujus Principis, vel potestatis secularis delinquerent, quod extunc debitis & congruis poenis puniantur & coerceantur. &c.] dico, quod si talia verba intelligi debent secundum prædicta, id est, quod tales puniantur a suis judicibus ecclesiasticis, bene stant, sed si referantur, quod seculares principes vel potentes, illos punire debeant, in hoc dico, & instantissime peto tale responsum, utpote, contra libertatem & jus ecclesiæ omnino corrigi debere & reduci ad verum sensum. Nam si Principes seculares audent tales judicare, & in eos jurisdictionem exercere, esset ponere falcem in messiem alienam, & tangere eos, qui sunt peculiariter Christo reservati, nec ob transgressionem voti, seu apostasiam præsumant credere principes tales ad suam potestatem vel jurisdictionem devolutos esse, si delinquent in suis dominiis vel territoriis; cum propter talem transgressionem vel abusum ordinis sui non desinant propterea esse de jurisdictione ecclesiæ. Quia cum remaneat illis character & ordo, semper sunt in ejusdem ecclesiæ potestate. Unde in tali casu, quod in dominiis Principum delinquant, ipsi Principes denuntient illos suis episcopis vel aliis superioribus, qui eos castigent, corrigant & si opus fuerit, pro viribus suis dictos episcopos seu superiores brachio suo juvent, & aliis præsto sint.

Super quibus omnibus & singulis petitur per me nuntium Apostolicum, habita matura deliberatione, ab Illustrissimis dominationibus Vestræ, melius, clarius, sanius & consultius responderi.

¶ Quamvis Principes & reliqui Ordines Germanicæ nationis iterum pro verbis verba dare potuissent, quum tamen aliis magis necessariis occupati essent negotiis, Pontificium Oratorem priori responsione contentum esse jusserunt, donec GRAVAMINA nationis Germanicæ summo Pontifici transmissa forent, ac inde manifestum fieret, num verba ejus tam blandè facta, etiam debite sequutura essent.

¶ Sequitur Tabula Centum Gravaminum Germanicæ Nationis, & aliarum etiam fortasse Nationum.

Curæ ars est & methodus omnes Christiani orbis Ecclesias sibi vendicandi, hisque quo jure quave injuria dominandi; consueque quæ possit, ab Illustrissimis dominationibus Vestræ, melius, clarius, sanius & consultius responderi.



## ¶ Tabula Centum Gravaminum Germanicæ Nationis.

O. G.  
Præsupponi-  
tur constitui-  
ones huma-  
nas esse bonas,  
dummodo pec-  
cunils non  
redimantur.

- ¶ Primum versatur circa constitutiones humanas, quæ dum dispensationibus pecuniariis Romæ redimuntur, omnem iniquitatem procreant, & nos ære nostro privant.
- 2 De nuptiis pro pecunia celebrandis tempore interdicto.
  - 3 De nundinationibus, quæ perperam exercentur in indulgentiis, &c.
  - 4 Quam turpiter pecuniæ indulgentiarum in luxum expendantur.
  - 5 De casibus utcuq; reservatis, quorum sine pecunia nulla haberi poterit absolutio.
  - 6 Quomodo pecuniis detur licentia impunè peccandi.
  - 7 Quomodo simplices nimis miserè à Stationariis & Quæstuariis decipiantur.
  - 8 Explicat immoderatum Terminariorum quæstum.
  - 9 Quam iniquè causæ prophane ad Romanum tribunal trahuntur.
  - 10 Qua fraude, quove dolo, præacta agitur versutia.
  - 11 De abusibus & excommunicationibus iniquis.
  - 12 De Papalibus Commissariis, Germaniam aggravantibus.
  - 13 Quam iniquè Monasteria quædam ab Episcoporum jurisdictione eximantur.
  - 14 De temeraria violatione juris patronatus.
  - 15 Beneficia multorū, vel Romæ, vel in itinere morientiu, nō satis ritè Curtisani conferri.
  - 16 Qua impostura beneficiati, Romæ à Curialibus inquietentur.
  - 17 Quomodo prætextu familiaritatis Papalis, multorum beneficiorū impugnetur collatio.
  - 18 Quibus instructi dolis Curtisani, beneficiatos in propria persona ad urbem vocent.
  - 19 Quomodo provisiones ecclesiasticarum dignitatum Romam pertrahuntur.
  - 20 De regulis Cancellariæ Papalis, & variis illarum technis infinitisq; laqueis.
  - 21 De ecclesiasticis beneficiis curatis & nō curatis in genere, quā indignis cōferantur Romæ.
  - 22 Quibus nexibus Archiepiscopi ac Episcopi, à suis Capitulis in conferendis beneficiis astringantur.
  - 23 Quam amplissimas pensiones, beneficiorū locatores à suis conductorib. recipiant exigantq;.
  - 24 De prælaturarum commendis & incorporationibus Romanis.
  - 25 Collegiatis ecclesiis, nobilibus solum fundatas, ob pecuniā infimis hominibus consecrati.
  - 26 De novis fraudibus Rom. sedis, quibus multifariam veris derogatur privilegiis.
  - 27 De inordinata & nimis diuturna abusione Annatarum.
  - 28 Quomodo contributio ecclesiasticorum contra Turcas etiam verti debet in tranquillum nostræ reipub. statum.
  - 29 Quomodo ecclesiastici, unā cum laicis, paria onera ferre debeant.
  - 30 Nihil ecclesiasticis rebus parcendum esse, modò Turcis resisti possit.
  - 31 Ut personæ ecclesiasticæ commertam nullam luant penam.
  - 32 Si ecclesiastici non puniantur æque ut laici, multa ex hoc mala certò provenire.
  - 33 Statuendum ergo esse, ut ecclesiastici æqui cum laicis patiantur supplicia.
  - 34 De diverso, prophano ac intolerabili onere excommunicationis.
  - 35 Quo pacto cohabitatores oppidorum ac vicini, citra omnem æquitatem, aliorū causa excommunicentur per tractatum ampliationum.
  - 36 De illicitis interdictis, in causis minimi faciendis.
  - 37 Ut festi multi dies abolendi sint.
  - 38 Quomodo per Pontifices Rom. ordini militariū, contra omnē æquitatē, bona erepta sint.
  - 39 De multis oneribus, quibus ecclesiæ proceres statum opprimunt secularem.
  - 40 Quibus modis laicorum bona ad ecclesiasticos perveniant, sed non contrā.
  - 41 Quomodo Episcopi hæreditaria ecclesiasticorum bona ad se trahere conentur.
  - 42 Quomodo laica quædam bona Episcopi cum suis, ditioni ecclesiasticæ subdi velint.
  - 43 Quomodo Episcopi male sibi usurpant primam recentium beneficiorū collationem.
  - 44 De confirmationibus beneficiorum non necessariis.
  - 45 Quæ onera patiantur hi, qui laicos habent Collatores.
  - 46 Ut Episcopi, nulla urgente causa, beneficiatos illicitis urgeant exactionibus.
  - 47 Quomodo indocti juxta atq; inidonei ordinentur sacerdotes.
  - 48 De impensis immodicis, quæ in ecclesiarum consecratione profunduntur.
  - 49 De iniquis adinventionibus Suffraganeorum
  - 50 Quomodo cœmeteria nonnunquam ob quæstum superflue consecrentur.
  - 51 De superstitione inani in baptizandis campanis, ne scilicet animæ perdantur earum.
  - 52 Quomodo sibi Episcopi & prælati quasdā oblatiōes injustè vendicent, licet nō sine fruge.
  - 53 Ut à quibudam præpositis monasteriorū Episcopi injustè pecunias sumant.

O. G.  
Deiis xii. arr.  
noli temere  
judicare.



- 54 De abufibus qui contingunt in Abbatum, Abbatiffarumq; electione.  
Item de execrabilibus curiæ Romanæ officiis.
- 55 De quibufdam ineptiffimis Archipresbyterorum Officialibus.
- 56 Quam iniquè laici ad vetitum ecclefiasticorum trahuntur tribunal.
- 57 Laicos, ob debitam pecuniâ ad ecclefiasticos iudices non effe trahendos.
- 58 Ut laici gravibus onerantur damnis in petendis miffionum literis. i. loſz bryeff.
- 59 Quomodo laicas quasdam cauſas iudices ecclefiastici remittere nolunt.
- 60 De variis, illicitis & inutilibus prophanarum cauſarum expenſis.
- 61 Quomodo novæ per violentiam inſtituantur decimarum præſtationes.
- 62 Alius modus non ferendus, quo multi injuſtè ad eccleſiaſticum tribunal trahuntur.
- 63 De cauſis injuriarum, quæ coram iudicibus eccleſiaſticiſ ventilantur.
- 64 De præſumptione Officialium in cauſis prophanis ob interpoſita jura menta.
- 65 Quomodo eccleſiaſtici ſuas judiciorum reformationes non obſervent.
- 66 Ut nonnullæ eccleſiaſticorum judiciorum reformationes præſentæ, civili magiſtratu perniciem adferant.
- 67 Quemadmodum plus pecuniæ quàm poenitentia peccatoribus imponatur.
- 68 Quibus technis honeſti viri & mulieres aggravantur.
- 69 De illicito intereſſe, quod iudices eccleſiaſtici ex jactatis matrimoniorû cauſis petunt.
- 70 Quibus artibus eccleſiaſtici iudices cauſas promiſcuas ad ſe trahunt.
- 71 Quæ mala contingant falſo prætextu denegatæ exequutionis.
- 72 Quomodo eccleſiaſtici iudices ferre reſpuunt, quod ſeculares perpeti coguntur.
- 73 Ut quodam præſcriptionis velamine honor Imperii minuatur.
- 74 Quam iniquè peccatores duplici poena ab eccleſiaſticiſ puniantur.
- 75 Quomodo avari Officiales illicitum fœnus tuteantur.
- 76 Quid Officiales agant cum mulieribus, quarum viri ſunt abſentes.
- 77 De illicitis cenſibus qui de domibus exiguntur.
- 78 Quo pacto prædicti hebdomadariam à mechanicis pecuniâ exigant.
- 79 De iniquis eccleſiaſticorum arreſtis & inhibitionibus.
- 80 Ut pleriq; ad iniquas tranſactiones compellantur.
- 81 Quomodo externi cauſarum procuratores corâ eccleſiaſticiſ cōſiſtoriiſ non admittantur.
- 82 Quam iniquè pauperibus ſacramenta denegentur.
- 83 Quam iniquè ſpirituales pro ſua libidine vindemiationem ſuſpendant.
- 84 Ut eccleſiaſtici, ſynodis, contra conſtitutionem, abutantur.
- 85 Ut iniquis nexibus Epifcopi à ſuis aſtringantur Capitulis: & Cæſares Romæ coronandi à Pont. Romanis.
- 86 Quomodo plebs pro ſacramentorum adminiſtratione gravatur.
- 87 Ut ob Miſſas cantandas pecuniâ exigant ſ. myſſânck, myſzgelt.
- 88 Quo pacto Parochi à ſuis pecunias emulgeant parochianis.
- 89 Ut miſerè defuncti ſine pecuniâ ſepeliri non poſſunt, & de ſepulchrorû mercatu.
- 90 Ut pleriq; eccleſiaſtici, etiam Monachi, parum aut nihil differant à ſcurris.
- 91 Quomodo Epifcopi ſibi pecunias venentur ex ſacerdotum concubinato & officiatione.
- 92 Ut eccleſiaſtici quidam publicas exerceant tabernas & tabernarias.
- 93 Quomodo infirmis perſuadetur, ut ſuos defraudent hæredes, per Evangelium: Munus quodcunq; ex me tibi proderit, &c. Marth. 15.
- 94 Quibus mediis ordines mendicantium ingentè pecuniâ ad urbem transferunt Romam.
- 95 De malitia Romanorum Legatorum.
- 96 Quomodo vicecomites inepti ineptiſſimos creent Notarios.
- 97 Quanta injuria ſit in jure patronatûs.
- 98 Ut omnes Monachi, Beginæ & Begardi, ſecularibus in bonis ſuccedant, ſed non contra.
- 99 Quomodo Papa, Archiepiſcopi, Epifcopi ac reliqui prælati, ex iſtorum gravaminum publicatione in nullo ſe emendarunt.
- 100 Multa alia ſupereſſe fatetur.

O. G.  
Nemo de hiſ  
omnibus te-  
merè judicet,  
ſed judicium  
ipſum ſuis  
committat  
ſuperioribus.

Finis Tabulæ Gravaminum, atq; utinam non eſſent per univerſum in centuplo  
plura, quàm hic per ſacri Rom. Imperii principes ſeculares enumerantur.

## SACRI ROMANI IMPERII PRINCIPUM,

\* Bone Deus!  
quor quantaq;  
notetur à quibus ob-  
jectionur &  
quàm iuste  
Difcite iustiti-  
am moniti,  
&c.

Emendatur  
exemplar ali-  
cubi juxta  
Conringium.  
P. 349

Ac procerum Gravamina Centum, \* quæ adversus sedem Romanam ac totum ecclesiasticum ordinem, Oratori Pontificiæ sanctitatis, in Comitibus Germanorum Principum Norenbergæ, Anno, &c, XXII. inchoatis, finitis verò XXIII. proposuerunt.

**P**ostquam relatio per Oratorem sanctitatis Pontificiæ Comitibus prædictis coram majestatis Cæsareæ locumtenente, Electoribus cæterisque Principibus ac Imperii Statibus ibidem congregatis, habita, ac Breve (quod vocant apostolicum) ejusdem Romani Pont. in consultationem forent deducta, desuperq; responsio consultata & conclusa, ac eidem Oratori & Legato Pontificio in scriptis, nomine totius Romani Imperii tradita factaq; esset; facta est inter alia mentio non infrequens gravaminum atq; onerum Romani Imperii Procerum, quibus iniquius quam par sit, ab Rom. ecclesiæ clero premerentur, placuit Principibus ac cæteris Imperii Ordinibus, hæc ipsa quæ contra ecclesiæ Romanæ Primores, se in medium adducturos polliciti erant, gravamina paulo altius à principiis, sigillatim per classes, & quam fieri potuit maxime per ordinem digesta, repetere, recensereq; ac ita descripta fusius Legato Romano, ferenda secum trans Alpes, dare, rogareq; hunc, ut apud sedem apostolicam curare velit, quatenus onera hæc, non ferenda Germanis, è medio tollere emendareq; Sanctitas sua non dedignetur. Quemadmodum prædicta hæc in responsione supra memoratâ omnia latius continentur. Itaq; per compendium, ut sequitur, Germanicæ nationis onera hæc iusto graviora, digesta, ac Oratori Pontificio, qui se nomine sanctissimi Rom. præfulis, ita sincerè ac Christianè obtulerat, tradita sunt, quo sæpe dictus Orator ac Legatus Pontificius, hæc inde Sanctitati suæ referre, ac apud eundem pro Germanis Principibus & Proceribus, totius Imperii Romani Ordinibus, interpellare possit.

¶ Sunt autem Gravamina supra memorata, quæ per capita nunc sequuntur.

¶ Gravamina sedis Apostolicæ, non ferenda Germanis, ac primum de Dispensationibus ære redemptis.

**I.** ¶ Inter reliqua onera, vel illud minimè postremo loco est collocandum, quòd constitutionibus humanis multa prohibentur, imperantur item multa, quæ nullo divino præcepto vel interdicta sunt vel imperata. Quod genus sunt, matrimoniorum tam innumera excogitata obstacula, ex affinitatis, publicæ honestatis cognatione, spiritali, legalisq; & consanguinitatis, tam multis gradibus originem trahentia. Ciborum item usus interdictus, quos Deus tamen ad hominis necessitatem creavit, ac cum gratiarum actione promiscuè sumendos, Apostolus docuit. Hæc nimirum, atq; his similes complures humanæ constitutiones, eosq; ligant homines, donec pecuniâ sibi harum legum gratiam à statuentibus impetrent, ut ita pecunia faciat divitibus licitum, quod tenuibus gratis sit prohibitum. Illicitisq; his legum ac constitutionum humanarum retiaculis, non modò magna nummorum copia à Germanis expiscata, è Germania & trans Alpes lata, sed & maxima inter æque Christianos orta iniquitas, plura offendicula & similitates, dum tennes hisce laqueis vident se illaqueari, non ob aliud, nisi quòd spinas evangelicas (ita enim Christus divitias non semel appellat) non possideant.

¶ De tempore interdicto.

**II.** ¶ Pari modo agitur etiam cum celebrandis nuptiarum solennibus, à dominica Septuagesimæ, qua cantatur in ecclesiâ, Circumdederunt me, &c. sub quadragesimæ usq; initium, quo tempore ab ecclesiæ Romanæ primoribus undiq; nuptias celebrari interdictum est. Quam tamen interim & ab ecclesiasticis & à secularibus passim sine discrimine publice, genialiter vivatur. Sed ita demum interdictum illud procedit, si gratis hoc facere quis intendat. Quòd si nummi spes resulerit, jam quod primum erat prohibitum, impune ac liberè facere licet. Est enim & hoc grave Germanorum crumenis retiaculum, quo extrahuntur nummi. Nec minus interim gravamen, quòd pauperis divitisq; longe diversa in relaxandis his constitutionibus sit conditio.

¶ De oneribus Papalium indulgentiarum.

**III.** ¶ Illud importabile jam olim increbuit Romanarum indulgentiarum onus, quando sub persona pieratis, quum aut basilicas Romanas construere, aut profectionem in Turcas parare polliciti sunt Romani Pontifices, omnem à simplicibus nimiumq; credulis Germanis exuxerunt pecuniarum medullam. Et, quod longè majoris est faciendum, per

has

has imposturas, ac earum conductitios præcones & prædicatores, prosligata est germana Christianorum pietas, dum qui extrudere volebant venales tuas bullas, laudes suis mercibus occinebant miras & inauditas: condonari per emptitias has condonationes, nedum noxas præteritis aut futuras viventium, sed & defunctorum vicâ, existentium in purgatorio (quod vocant cantores illi indulgentiarum) ignis, modo numeretur aliquid, modo tinniat dextera. Atq; his mercium nundinationibus, simul & spoliata est ære Germania, & Christi pietas extincta, quando quilibet pro pretii, quod in has merces expenderat, modo, peccandi impunitatem sibi pollicebatur. Hinc stupra, incestus, adulteria, perjuria, homicidia, furta, rapinae, fœnora, ac tota malorum lerna semel originem sibi traxerunt. Quod enim malorum amplius jam horrebant mortales, quando sibi peccandi licentiam ac impunitatem, nedum in vita, sed & post obitum, ære, licet immodico comparari posse à nundinationibus illis indulgentiariis, semel perfunctum habent? maximè Germani, quibus per hos veræ pietatis fucos, sub religionis persona, nihil non persuaderi difficile est: ut ingenio planè ad pietatem credulo est Germania.

Principes rem  
scu tangunt,  
immortalit  
lami & me-  
moriam digul-  
simi.

IV. ¶ Et licet indulgentiæ hæc non semel in hoc ad Germanos missæ sint, quasi ex cognata earum venditione pecunia, fideles contra Barbaros essent tutandi ac defendendi: Eventu tamen compertum habent Germani pecuniam hanc non in rem fidei, aut alioqui Reipubl. Christianæ necessariam, sed in propinquorum luxum ac sublevandam familiam ipsorum esse verisimam, quo uno, bina hæc nata sunt perquam maxima incommoda, quod & offendicula orta sunt simplicibus, & quod nunc Germani toties sentientes lufam fidem, quum verè jam res postulat, ut contra Turcas instituat expeditio bellica, nullis rationibus persuaderi se patiuntur, ut credant, quod res ipsa fere notorium facit. Ita f. instare cervicibus nostris crudeles Turcas, suspicantes semper, prioribus simile quippiam agi. Quæ una ratio est, ut tam aegrè manus contra Turcas jungant. Quorum ergo malorum & in rebus temporalibus ac Christi fidelium conscientiis, causæ fuerint Romanæ indulgentiæ, sanctitas Apostolica pro sublimitate captus sui, exigua operâ, vel inde, si non ex re ulla alia, conjectura consequi poterit.

V. ¶ Præterea Papalis sanctitas, cæteri q; Episcopi, ac ecclesiæ Romanæ columnæ, casus aliquot suæ tantum absolutioni reliquos fecerunt, quorum si unum aut alterum commiseris, jam aut numerandum, aut absolutione tibi carendum est, nempe quod in hoc reservati sint ut vel inde nummorum aliquid eis accrescat. Quod ex eo conijcere licet, quod in casibus etiâ quantumvis pro tempore honestis aut necessariis, nunquâ tamen nisi numeretur aliquid dispensant. At si nihil attuleris, numeraverisve, indispensatus perpetuo maneat oportet.

VI. ¶ Verum, si quis unde numeret, habeat, jam nedum præsentibus indulgentur harum constitutionum transgressiones, sed & in futurum impunè, ut eas ipsas transgredi liceat, indulto permittitur. Quo fit, ut aniam inde accipiant ii, cum quibus ita dispensatum est, pejerandi, homicidia, adulteria & similia flagitia perpetrandi, quando quilibet ex sacerdotum vulgo, absolutionem emptitiâ virtute indulti his impartiri potest. Quæ malorum seges tota ex habendi libidine, auriq; sacra fame, qua nunc Ecclesiasticorum nonnulli miserè excruciantur, originem ducit.

¶ De Prædicatoribus indulgentiarum Stationariis.

VII. ¶ Est & aliud indulgentiis vendendis additum hominum genus, quos Stationarios vulgò vocant; hi rusticorum plerumq; abutuntur simplicitate, dum omnes vicos, villas, pagos, angiportus, omniaq; peragant castella & oppidula, prædicantes sancti cuiuspiâ, Valentini puta, Huperti, Cornelii, Anastasii sanctimoniam, ac quantum ad rem familiarem addat, si quotannis hunc vel illum munusculo aliquo, quod eis Stationariis f. in commodum cedat, demulceas. Inscribebantq; dehinc simplices, sub sancti alicujus numen ac tutelam, promittentesq; ut hoc aut altero morborum genere vacaturus sit, qui eis annum censum penderit. Quæ omnia in hoc excogitata sunt, ut simplices illi ad vivum usq; exugantur. Nam primum hoc negotium à sancto Antonio coeptum, in innumerata morborum genera, dehinc suevit diduci, ita ut vix super sit morbus nunc aliquis, cui Stationarii non & peculiarem sanctum, tanquam tabernæ vel negotiationi præposuerint. Processitq; eousque ejus mali serpiro, ut pauperum ac simplicium illorum, Quæstuarii ac Stationarii prædicatores, sanguinem vorent & medullâ, dumq; illi unâ cum liberis suis necessariis spoliuntur, in deliciis & luxu plus quam Sybaritico degunt Stationarii. Quæ res & imprimis præsentem tibi sanctitatis Apostolicæ medicinâ postulare videtur, quo interdiceretur episcopis, cæterisq; ecclesiæ primatibus, ac eorum vicariis, ne pro legationis seu functionis hujus admisione quidpiam posthac acciperent pretii, neve eas omnino tolerarent amplius, aut quantum per eos staret, paterentur.

VIII. ¶ Nec minus & in hoc à Religiosis gravantur prophani. maximè pauperes, quibus res est angusta domi. Nempe quod mendicitas ordinem mendicantium, nihil in rure, neq; in arbe

urbe finit non peragratum, dum à terminis, quos pervagantur, Terminarii dicuntur. Quas quidem pervagationes contra ordinis eorum statuta, neq; etiam ad necessitatem, per avaritiam insatiabilem adinvenierunt. Ita enim fit, ut cum in oppidulo, aliquando non admodum celebri, sed perexiguò, duo, tria, aut eo amplius illorū sint conventicula, in quæ, omne quicquid elemosynæ undiq; disquiri potest confertur, dum tamen interim morbo, aut senio confecti cives vel incolæ, qui per ætatem ex laboribus & sudoribus suis, unâ cum ux-  
oribus & liberis honestè vixerant, egeant, fame & inedia pereundum necesse habeant.

O. G.  
De statutis hu-  
manis & con-  
suetudinibus  
ecclesiasticis,  
non est in-  
differenter  
judicandum.

Itaque rogant sanctitatem Apostolicam Imperii Principes ceteriq; Status, quatenus san-  
ctitas sua, paterno animi affectu, offendicula & gravamina hæc Indulgentiarum, dispensati-  
onum, Stationariorum, Terminariorumq; è medio tollere, atq; ita negotium temperare ve-  
lit, ne libertas Christiana, servitute humanarum constitutionum penitus extinguatur, illa-  
queanturq; conscientie Christi fidelium mandatis hominum, quibus nullum est peccatum  
majus, quam nummis carere. Non ultra enim quicquam prohibent, quam si gratis contra-  
venire quis velit, & dispensant illicò quod prohibuerant, numerata scilicet pecunia ampliore. Ve-  
rùm, quòd sincerius cum fidelibus Christi, tanquam cum suis ovibus agatur, instruanturq;  
potius ad pietatem & charitatem mutuam, ex iussione Christi, quam ad observacionem cu-  
jusvis traditionis humanæ, formidine pœnæ. Ac si errare eas aliquando labiq; contingerit,  
moneantur, & subleventur potius fraternè, quam ita serviliter ac durè tractentur. Quo om-  
nibus paulò notius fiat, pastorem cupere potius, & quærere salutem ovium, quam privata  
compendia, ac earum lanam.

¶ Quàm iniquè causæ prophanæ in prima instantia ad Romanum tribu-  
nal judicium trahantur.

IX. ¶ Quum nedum juris ratio, sed & rei ipsa series postulet, ut distincti sint jurisdictionū  
limites, & ut quilibet Ordinarius suis sit finibus contentus, alterumq; in exercenda jurisdi-  
ctione non disturber, minime tamen Pontifices Romani pro tempore existentes, æquitatem  
hanc communem considerant, sed neglectâ hac, ad petitionem personarum ecclesiastica-  
rum, laicos non raro in causis etiam prophanis, puta hæreditatum, aut pignorum, & in pri-  
ma quidem instantia, coram se Romam citari; ac in jus vocari fecerunt. Quæ res nedum  
ita (ut prædictum est) in jus vocatis, sed & totius Romani Imperii ordinibus, cedit in jacturâ,  
perniciem, contemptum, ac jurisdictionis dehonestationem diminutionemq;.

X. ¶ Item, cum Romæ quispiâ etiam laicus, interposito juramento asserit, se non sperare  
justitiam apud judicem competentem in Germania assequi posse, protinus ad tale juramen-  
tum admittitur, ac citatio ei contra partem adversam decernitur. Sicq; processus à iudice  
ordinario ex Germania Romam, nec iudice interpellato, nec parte adversa monita, protra-  
hitur; inde juramenti prætextu, nec fori declinatio, nec ulla admittitur probatio, etiam si  
planè doceri posset, authorem illum pejerasse. Quæ res si altius radices ageret, nec princi-  
piis resisteretur, omnes tandem causæ ad Romanæ Curie tribunal devolverentur, ordina-  
riique universi sua privarentur jurisdictione. Quod non solum contra omnem justitiam,  
sed etiam intolerabile foret.

Eapropter sacri Romani Imperii Status sanctitatem Apostolicam rogitant, ut prædictū  
onus in Romana Curia posthac non tolerare velit; sed curare, ut dehinc nemo vel ecclesia-  
sticus, vel secularis, ob causam prophanam, in prima instantia, Romam in jus vocetur, sed  
personæ & causæ hæc ordinario iudici, cui immediatè subjacent, relinquatur. Ultraq; hoc,  
amplius contra æquitatem non graventur.

¶ De conservatoribus, ac cæteris Papalibus iudicibus.

XI. ¶ Item est & aliud iudicium Papalium, per quos æquè ordinaria attenuatur jurisdi-  
ctio, genus, quos conservatores vulgò vocant, Eos episcopi ceteriq; ecclesiæ principes, ex  
primatibus, vel Abbatibus suæ Diocesis à sede Apostolica in hoc impetrare solent, ut co-  
ram his, omnes illorum causæ & lites quas jam instituere cogitant, dirimantur, evocenturq;  
per hos in jus personæ seculares, nobiles & plebei, in causis omnino prophanis, licet actoribus  
justitia per ordinarium tribunal nunquam fuerit denegata. Quòd si vocati in jus ire re-  
cusaverint, ii contra jus ac fas excommunicatione, licet nulla, feriuntur, cujus rei innumera  
adduci possint exempla. Ac si ut coepit negotium, procederet, brevi eò rerum veniremus,  
ut omnes causæ prophanæ, ad conservatores hos, ceterosq; iudices ecclesiasticos, laicis ne-  
dum suspectos, sed & aliqui incommodos, pertraherentur. Quod ut est intolerabile Ger-  
manis Principibus, ita & aperta fronte cum Sacri Romani Imperii pugnat constitutionibus  
ordinatis, quæ clarè & expressim volunt ac expriment, quòd nemo alium ex ordinario ad  
incompetens tribunal in jus pertrahere debeat. Quapropter Imperii Principes, Proce-  
res, ac Status sedi Apostolicæ supplicant, ut gravamina atque onera hæc radicis funditus  
que tollantur & abrogentur.

O. G.  
Injusta etiam  
rimenda.

I. G. (i. e.  
Joh. Gerson)  
non est timen-  
da, cedit ergo  
O. G. majori-  
bus.

¶ De



¶ De Papalibus Delegatis ac Commissariis.

XII. ¶ Item sanēt. Pontificia ad ecclesiasticarum personarū petitionē, iudices delegatos & Commissarios, tanquam ecclesiasticos iudices per Germaniam concedere solet, ut impetrantes dehinc laicos, cuiuscunq; etiam dignitatis, vel præeminentiæ; coram ita delegatis in causis prophanis, iudicio convenire possint. Quod ut de facto sæpenumero præsumunt, ita excommunicationis poenā mandatam sibi inter partes iurisdictionem defendere conantur. Quæ omnia & in perniciem personarum secularium, & in iurisdictionis Germanicæ ac ordinariæ iacturam vergunt & attenuationem.

¶ Quo pacto ecclesiæ Prælati per sedem Apostolicam, ex Episcoporum ordinaria iurisdictione, ac cæterorum suorum defensorum tutela eximantur.

XIII. ¶ Insuper & hoc moluntur Summi Pontifices, monasteria aliquot eximendo, ut ab episcoporum, eorum s. ordinariis, ac defensorum, protectorumq; aliorū iurisdictione ita exempti, reddantur immunes, immediatēq; subjaceant sedi Apostolicæ: quæ res non tantum prædictis ipsorum ordinariis ac defensoribus, sed & toti Romano Imperio cedit in iacturam, tum quando collatio pecuniaria pro Imperii necessitate, viritum Imperii statibus indicitur. Ita enim fit, ut ipsi per se ab oneribus publicis exempti, immunitate sua gaudeant. Dehinc etiam auxiliares manus episcopis ac defensoribus suis, quod antehac facere necessum habebant, non porrigant. Per quam technam Romani Imperii attenuantur nervi, ac decrescunt plus iusto vires. Quapropter & hic Imperii proceres ac Status rogant præfata onera exemptionum abroganda, tollenda, emendandaq;, ac monasteria hæc episcoporum & defensorum ordinariæ iurisdictioni relinquenda, ut vel inde Imperium Romanum per sedem Apostolicam enervatum, vires pristinas eo celerius recuperare queat.

¶ De attenuatione juris quod vocant Patronatū.

XIV. ¶ Item, quum per mortes possessorum pro tempore beneficia vacare incipiunt, quorū jus patronatus ad laicos spectat, seu ecclesiasticos, tum conantur & Papalis sanctitas, & ejus oratores vel legati juri huic derogare, hoc modo, ut conferant beneficia ita vacantia, Curtisanis, aut aliis quibuscunq; libuerit; ita, ut patronis ipsis jus suum præsentandi per hoc adimatur, auferaturq;: ac interim hoc prætextitur à sede Apostolica, quasi præventioni hac in re sit locus, ut qui prior beneficium illud contulerit, quod hæc teneat collatio, licet patroni tempus quoddam habeant, intra cujus metas, beneficia sua liberè, & à nemine præventi, conferre possint. Eam ob rem patronis laicis & ecclesiasticis ex fictitia hac præventionē multa oritur iactura. Quapropter Sacri Romani Imperii Status sanctitatem Apostolicam rogitant, ut talia gravamina atq; onera aboleantur, & posthac beneficia vacatura, suo quæq; patrono relinquatur, nec permittendum Curtisanis, ut dehinc vel per iudiciorum ordinem, vel suo ipso ingenio ad talia beneficia se ingerant, sed statuto irrevocabili sanciendum, si quid à quoquam contra patronos beneficiorum ordinarios, prætextu imaginarii istius juris præventionis, ut præmittitur, fuerit attentatum, quod omne id nullius sit momenti, viribus careat, sitq; ipso jure nullum, cassum & invalidum.

¶ De ecclesiasticis, qui Romæ, vel inter eundem Romam mortem oppetunt.

XV. ¶ Item, & tum Curtisanis, cæterisq; (ut prædictum est) inhabilibus personis, per sedem Apostolicam vacantia collata sunt officia & beneficia, cum familiares sanctitatis suæ, aut qui Curie servirent, vel in anno (quod vocant) Jubilæo, inter eundem Romam, aut etiā Romæ agentes, mortem oppetiissent, tanquam si beneficia hæc sedi Apostolicæ essent commissa, rectè atq; feudorum collatio committitur. Nec consideratur à Pontificia sanctitate, talia beneficia vel officia de jure patronatūs, sint necne, per quod ecclesiastici & laici patroni feudatarii denuo etiam jure suo patronatus ordinario, privati sunt & spoliati.

XVI. ¶ Quinetiam aliquando, quum ii qui bonis, aut multis præditi sunt beneficiis, Romam veniunt, à Curialibus Cardinalium tanquam officii gratia ad mensam invitantur dominorum suorum, inde clam adhibentur testes & notarii, quorum interventu conficiuntur instrumenta, quibus cum suo tempore probari possit, tales fuisse Cupiales Cardinalium, ac ideo beneficia eorum esse in perpetuum affecta. Quam doli ac fraudis res hæc sit plena, unusquisq; bonus faciliè pendere potest.

¶ Quo pacto sub prætextu familiaritatis Papalis Curie, multorum beneficiorum per Curtisanos impugnetur collatio, etiam si possessores illorum longè antehac talibus fuerint beneficiis investiti.

XVII. ¶ Nec minus & illud suctū hucusq; fuit, ut ultra prædicta omnia quorundā magni pñi beneficiorū, sub nomine Officialiū vel familiarū Papæ & Curie Papalis, per idiotas & alioqui inhabiles personas sit impugnata collatio; ac per illos conatū tentatumq;, si quo modo fieri possent,

posset, ut beneficia hæc in commendas seu provisiones, ita enim ipsi vocant, vertere ac censibus annuis obnoxia reddere queant. Hinc prætententes regressus, reservationes, pensiones & plura alia incompatibilia, sibi in his competere. Quibus technis ac dolis malis, beneficia illa penitus exiguntur, enervantur, attenuanturq; cum perpetuo Romanæ Curie pensionibus annuis serviunt, fitq; ut Germanorum utrunq; habilius, nemo unquam ad hæc aspirare possit.

XVIII. ¶ Item, obviâ veniunt & tum Germanis non serenda à Curtisanis onera. Ita enim per Germaniam subtili ingenio beneficia venantur, ut contentur viris presbyteris ætate & integritate vitæ spectabilibus, qui beneficia sua absque omni controversia, iusto titulo, & bona fide, multos jam annos quietè possederant, in longævâ possessione negotium facere, possessione interturbare, ad Romanâ Curiam personaliter ut compareant, in jus vocare, ac mille aliis artibus ita eos adigere ut transactiones quantumvis iniquas, inire necessum habeant, modò supremos hos annos quietè agere velint. Coguntur enim hoc quo dictum est modo à Curtisanis ad pensiones annuas, reservata, & id genus aliis præstationes. Atque hoc agunt Curtisiani nebulones, non propria (ut ferunt) autoritate, sed Romanorum suorum statutorum, ac regulari, quos vocant Cancellariæ. Quæ constitutiones omnes quotidie pro libidine Curtisanorum figuntur ac refinguntur, cum derogatur prioribus non admodum, ut videbatur, æquis, & ferunt iniquiores. Quare nedum senio confectis beneficiorum possessoribus harum decipularum atq; fraudum rudibus, sed & beneficiorum collatoribus imponunt mille instructi dolis Curtisiani. Nam etsi possidens beneficium presbyter, cum Curtisiano litigatore ficticio, non transigat, tamen ita sibi litem facit præstigiator ille Curtisanus, ut si pendente effecta hæc controversia, moriatur, beneficii (ut prædictum est) litigiosi possessor, quod dehinc continuo litem faciens, neglecto collatoris ordinario iure, in possessione ejus beneficii mittatur. Eapropter denuo atq; iterum Sa. Rom. Imperii status iustas sanctitati Apostolicæ fundunt preces, velit enumerata omnia Curtisanorum importabilia onera emendare ac penitus abrogare. Neve illis posthac permittere, ut beneficia Germanorum libera, per machinationes præfatas, oppugnare impunè audeant.

¶ Quomodo provisiones ecclesiasticarum dignitatum Romæ pertrahantur.

XIX. ¶ Itè, quæcunq; dignitates, seu beneficia pinguia, ut puta Præposituræ, Decanatus, Cantoratus, ac cætera officia, Cæonicatus ecclesiæ curatæ & beneficia simplicia, quæ sub mense ordinario, extra Romana moenia vacare incipiunt, quorû antehac ad jus ordinariû patronatus ecclesiasticorum & laicorum spectabat collatio & electio, tum excogitatur à Romana sede, juris patronatus ab ordinariis collatoribus abalienatio, maximè, si possessores pristini beneficiorum aut officiorum dignitatumve talium, familiares vel officiales Papæ aut Cardinalium fuerint. Ideo rogant Roman. Imper. Status, prædictum etiam onus è medio tollendum, ac patronos collatores ordinarios apud collationem, electionem, præsentationem, & nominationem talium dignitatum ac beneficiorum, jura s. ordinaria, defendendos ac defensos, manutenendos. Nec curandum, utrum familiares, vel officiales Romanæ Curie fuerint, qui beneficia hæc possederint, regressum, accessumve, aut aliud quoddam jus imaginarium ad ea habuerint, ita quod tale jus prætentum ordinario patrono, ac collatori, nunc & posthac nullum faciat præjudicium, nullamq; generet jacturam, sed per omnia jura ordinaria fiantur jillasta.

¶ De regulis Cancellariæ Papalis, novis technis & reservatis super casibus futuris.

XX. ¶ Ad hæc, Cancellariæ Romanæ regulæ, quas ad sua compendia subinde excogitare solent Curtisiani, ac toties ferre ac revocare, necnon & aliæ subinde novæ artes excogitari coeperunt, quibus beneficia ecclesiastica ex Germania Romam eo facilius pertrahantur aggraventurq; ita, uti si Germanorum quispiam beneficium aliquod ambiat, id non aliunde, quam ex Curtisanorum manu, magna numerata pecuniâ, aut pensione annua reservata assequi possit. Neque in hoc Curtisanorum inexplibilis auri sitis contenta quiescit, quin novæ quotidie artes excogitet, qualis est & illa, cum super beneficio aliquo vacaturo, duo aut tria millia aureorum ad futuros casus reservantur collatoribus ordinariis tam ecclesiasticis, quam secularibus, eorumq; juri ordinario, ac ipsis deniq; ecclesiasticis beneficiis in prægrande exitium, perniciem, attenuationem & detrimentum. Nam cum casus aliquis futurarum reservationum existit, adsequiturq; is beneficium, cui prius tot reservata erant super hoc millia, tum ad supremam opem, technas profecto inauditas, confingunt, permutationum s. reservationem, surrogationem, reservantes sibi ingressum, accessum, atq; alias id genus decipulas quibus jus ordinarium collatorum ita exhauritur & attenuatur, ut aut nunquam aut vix tandem post multorum annorum turricula patroni ac collatores ordinarii ad jus suum patronatus pervenire possint.

¶ De

Curtisiani nebulones & præstigiatores. Hoc est e Roma pendere.

¶ De ecclesiasticis beneficiis, curatis & non curatis in genere.

XXI. ¶ Nec minus & illud in Romana Curia hucusque observatum est, ut gratia & reservationes pectorales, mentales, generales & speciales regressus, accessus, incorporationes, uniones & concordata, quod suis vocant excogitatis nominibus, ob pecuniæ & privati lucri amorem super beneficiis ac prælaturis, præsertim per Germaniam Curatianis à sede Romana concederentur. Neque hoc contentus fuit habendi sceleratus amor, quin & ea ipsa beneficia ac prælaturæ prædictæ, societatibus mercatorum potentum ære, cum onere census mediocris, sed ita, ut dehinc latius venderentur, conceduntur. Quæ subtili practica atque techna factum est, quod plurima aut certe pinguum beneficiorum magna, si non maxima portio, ex Germanorum manu Romam est tralata, quæ beneficia hinc idiotis inidoneis, ac inhonestis etiam personis, non raro sunt collata, & quidem nec Germanis, sed Barbaris, qui Germanam linguam neque loquantur, nec intelligant, ut inauditum dictu hoc inde sit sequutum, quod ovibus Christi præfecti sunt pastores, quorum etsi oves vocem forte audierint, non intelligant. Verum gravius etiã inde oritur Germanis onus, quod quum beneficia hæc & parochiales ecclesiæ ipsi propria persona neque possidere neque gubernare possunt (Quod tamen pastoris officii in primis sibi postulabant) Nimirum ut subditis parochialibus, & integritate ac innocentia morum egregium de se præberent exemplum, ut oves suas tanquam oves Christi doctrina solida, sincera, ac ex puris evangelii fontibus hausta, quantum ad salutem animarum ovium pertineret, ipsimet pastores pascerent. Eorum verò neutrum per pastores illos subditos curatur. Primum enim ipsi qui beneficia hæc ecclesiastica à mercatoribus, quo prædictum est assequuntur modo, quia propria persona ad possidendum ea sunt minus idonei, ideo hæc eadem aliis æque, aut longe etiam quam sint ipsi ad onus hoc inhabilioribus, pro annuo censu locant, non secus atque census ac redditus annui ex agris locantur & emuntur, ut is deum habeatur emptor idoneus, qui pluris mercem licitaverit. Ita planè pro pretii quantitate elocantur nunc per Curtisanos ecclesiastica beneficia. Dehinc quæ ferè fiat, ut majus pretium annuum offerat, qui ad Ecclesiæ munus quam minimum sit idoneus, evenit, ut conductitii illi pastores (an prædones rectius quis eos dixerit, dubium est) simplici Christi plebecula, pro Evangelii limpidiissimo fonte, turbidas, protritas, ac ruderibus oppletas, propinent lacunas, dum legendas, quas vocant sanctorum, nec ab ecclesiæ receptas, & Gentilibus fabulis quam Christianæ & Evangelicæ doctrinæ similioribus, ad populum Christi publicè in concione docent. Quid enim aliud docerent indocti docti ac idiotæ illi, qui lanam magis quam salutem ovium, ut curarent, munus hoc ecclesiasticum pecuniã etiam non modicã conduxerunt? ac mercenarii sunt, non (quod evangelium abominatur) pastores. Ita enim fit, ut Christi simplex plebecula, per supposititios hos pastores, à germana Christi fide, ac in deum fiducia, in quibus sola requiescit animæ salus, ad hominum superstitionis somnia ac commenta, per quæ res familiaris mercenariorum conductitiorum, quam Christi gloria, augeatur potius, ducatur trahaturque, ac multiplicibus etiam exactionibus interim gravetur plebs Christi, quando hoc solum curant conductores, ut ultra pensionem locatori pendendam, res ipsa eorum quoque reddatur lautior; expilaturque; interea suis nummis ab exteris nationibus, unde nulla, nec mutua benevolentia, aut gratiarum actio speranda ei est, Germania; quamquam beneficia hæc non ad externos, sed suos, hoc est Germanos ut pertinerent, primum fundaverit. Quapropter sacri Romani Imperii Status, obnixè quoque rogant, ut præfata onera ac gravamina, per quæ tam immenso pecuniarum cumulo spoliatur Germania, quæ hinc per Curtisanos male prodigitur, radicatus ac penitus tollantur & auferantur, ita ut beneficia per Germaniam nemini quam natis Germanis, qui personaliter ea possideant, id quod & æquitas & honestas ipsa sibi postulant, posthac conferantur ac concedantur.

¶ Quibus nexibus Archiepiscopi ac Episcopi à suis Capitulis ob collationem beneficiorum sint adstricti.

XXII. ¶ Nec tantum beneficia ac parochiales ecclesiæ Romæ ob pecuniæ favoris aut familiaris consuetudinis amore, indoctis, turpibus, ridiculis, ac offendiculis plenis conferuntur personis; Sed & simile quiddam ab Archiepiscopis & Episcopis committitur, qui per eorum capitulares congregationes ita obligantur, ut omnia præpinguia beneficia, curata ac non curata (quæ proculdubio à fundatoribus primùm, ut ad doctos ac integros pertineret viros, sunt fundata) Capitularibus Canonicis, utcumque ad hoc inidoneis, conferre necessum habeant, qui dehinc talia beneficia simplicia ac curata, indoctis ac ludicris personis, modò quam maximum pendant censum annuū, elocant, æque atque supra de mercatorum societatibus dictum est, ita quod possessores illi conductitii, majorem partem ex illicitis exactionibus vivere, atque ob id subditos eo amplius onerare coguntur. Similiter & cum cæteris Cathedralibus collegiatisque ecclesiis, ac earum capitulis agitur. Item & per præpositos, reliquosque in dignitate constitutos agitur idem, interim dum sua conferunt beneficia ecclesiastica.

¶ Præterea,

De

De indoctis  
concionatori-  
bus Legendas  
mendaces  
auditoribus  
pro verbo  
Dei propo-  
nentibus.

XXIII. ¶ Præterea, qui pinguiora, (ita ut prædictū est) habent beneficia, ac ecclesias parochiales, utcumq; annuas pensiones amplissimas ex locationis titulo à conductoribus percipiant, quibus redditibus à laicis fundatoribus beneficia hæc ampliter sunt dotata, tamen committunt locatores, ut domus beneficiariae, præ neglecta ædificiorum cura, penitus collabentur. Nihil enim aliud curant beneficiorū personati isti possessores, aut locatores, quàm ut pecuniæ æquo majorem summam quotannis à conductoribus recipiant, ac eandem hinc in varios, sed in inhonestos, illicitos, ac offenculorum peccatorumq; plenos usus convertant, de salute & cura animarū, vel subditorū, vel etiam eorū, quorū ex marfupio vivunt, hoc est, fundatorū, prorsus apud hos nulla mentio, respectus (velut Megarensium olim) planè nullus. Eapropter S. Rom. Imp. Status, ac Principes, & Proceres laici, hic quoq; supplicant, Sanctitas Pontificia velit eam offenculorum silvam, turbatum rerū ordinem, ac onera hæc justo graviora, tollere emendareq; ac Archiepiscopos Episcoposq; ab obligatione, qua ex promissionis prædictæ nexu tenentur, liberare, solutosq; reddere, ac edicto cavere, ne posthac Archiepiscopi & Episcopi talibus atringantur vinculis, sed ut dehinc nulli beneficium ecclesiasticum, curam habens animarum, conferatur, qui non sit doctrina, ætateq; & moribus ad hoc idoneus, qui & honestam ac presbytero dignam vivat vitam, & qui ipse propria illud possideat personā, nec plura quidem, sed unum tantum beneficium curatum, seu parochialem ecclesiam, Christianè, hoc est, sine offenculis ullis, sed multo cum doctrinæ tum vitæ integritatis fructu administret.

¶ De Prælaturarum Commendis, ut vocant, & incorporationibus.

XXIV. ¶ Itē & illud hucusq; notoriè observatū fuit, ut Abbatæ multæ, Cœnobita itē plura, ac reliquæ id genus domus seu ecclesiasticarū personarū congregationes, fundationes s. Imperatoris ac Principales, Cardinalibus, Episcopis ac cæteris Prælatis, in tutelam commendarentur incorporarentq;. Quare factum est, ut per Cardinales, Episcopos, ac Prælatos illos, quibus ita (ut dictum est) commendatæ erant Abbatæ ac Monasteria, ita sunt attenuata exhaustaq;, quòd cum antehac in uno illorū monasteriorum quadraginta, quinquaginta, aut ultra hoc etiam personæ satis commodè potuerunt foveri, nunc ægrè quinq; sex, aut decem necessarij provideri possint alimentis. Quæ res omnis in privata compendia aut commoda Cardinalium est excogitata. Unde nedum plura oriuntur offencula, sed & gravamina oneraq; ardua, ac non ferenda Germanis. Ideoq; & hic supplicatur, Abbatias prædictas, Monasteria, ac religiosas cæteras domus, denuo in integrum res eorum, pristinumq; rerum statum restituendas, cavendumq; posthac, ne cuiquam tales Commendæ, ut vocant, seu incorporationes concedantur.

¶ De Collegiatis ecclesiis, quæ super nobilibus tantum fundatæ sunt.

XXV. ¶ Insuper, licet quædā sint collegiatæ ecclesiæ per Germaniā quæ nobilibus, & in hoc, ut nobiles tantum summæ atq; mediæ fortis ad eas reciperentur, primū sunt fundatæ, in quibus per diutina observatæ ac præscriptæ consuetudinis privilegiū est, ut tantum Principes, Comites, Barones, aut aliqui Nobiles acceptari possunt & debent. Attamen laudabiles hæc consuetudines, jura non scripta, privilegia Papalia, nequaquam curantur manutenerve, sed è regione agitur per Curtisanos, ad liberæ electionis Episcoporū, Præpositorum, ac Decanorum & Canonicorum præpeditiōem, ut coadjutores aliqui contra Capitularium voluntatem ac consensum, efficiantur. Nec rarò Curtisanis, licet indoctis & ignobilibus, parantur ad Canonicatus hujuscemodi accessus, non obstantibus statutis & consuetudinibus, & privilegiis præscriptis, ita quòd nobilibus Germanis beneficia subtrahantur, & hæc eadem ignobilibus vel ob pecuniam, vel familiarem consuetudinem hoc pacto conferuntur, ut licet impetrantes ignobiles ad ea non admittantur, obstante sibi consuetudine, tamen si quis Principum, Comitum, Baronum, Nobiliumve hæc eadem à Curtisanis impetrare velit cum colore quodam excogitati onis, ab eisdem vel emere, vel annuo censu redimere cogitur, quanquam subinde alia huic negotio prætexantur vocabula, quæ res ipsa quoque nobilibus Germaniæ, supremæ atq; mediæ conditionis, in magnum cedit onerum ac gravaminum cumulum.

¶ Invetrata privilegia manuteneda.

XXVI. Ad hæc, quamvis omnia ecclesiasticis ac laicis statibus privilegia ac immunitates sint concessæ, Præposituras aliq; beneficiis & officiis per se conferendi atq; eligendi, tamen per sedem Romanam novæ subinde excogitatæ sunt technæ ac practicæ, per quas privilegia prædictis derogatur multifariam, immo ea penitus tolluntur ac turbantur. Eapropter rogant Sa. Roman. Imperii status, hoc emendandum, & in posterum cavendum, ac unumquemq; cum suis juribus & privilegiis defendendum, manutendumq;. Id quod rei æquitas ipsa per se sibi postulat.

¶ De

## ¶ De Annatis.

XXVII. ¶ Quantū ad Annatas (ut vocant) attinet, quas ecclesiastici prælati, Romano pontifici quotannis pendunt, quasq; ante aliquot annos Germani principes sedi Ro. sub certis utq; annorū metis, eo tamen modo perfolverent, consenserunt, quo pecunia hæc ad nihil aliud, quàm contra Turcas parandā defensionē Romæ tanquā deposita, fideliter adservaretur. Verū, quum annū, in quas præfato modo consensū erat per Germanos, jam olim effluerint, ac Annatas depensas, non contra Turcas, sed aliō experientia Germani principes didicerint veras; Eapropter per omnes Imperii Ordines illud ipsum pro onere non mediocri huc allegatur, supplicaturque; id quod in responsione generali Oratori pontifici data, ac in primis ex Cæsareæ Majest. literis ad sanctitatem pontificiam eam ob rem scriptis, liquido magis reperitur, quam ob causam laici status Rom. Imp. vela complicanda censuerunt.

D

¶ De contributione ecclesiasticorum, ac religiosarum domuum, contra Turcas ac pro defensione juris & tranquillitatis publicæ.

XXVIII. ¶ Item, postquam laicorum Imperii Statuum majores, ecclesias, monasteria, cæterasque religiosas domos, per Germaniam, ad laudem Omnipotentis ita ampliter atque hoc pacto dotarunt divitiisque auxerunt, quòd jam laici ipsi, vix tertiam aut quartam partem in bonis temporalibus possident, atq; ob eam causam, necessitati, tam ecclesiasticorum quam laicorum sublevandæ, propugnandæque ac manu defendendæ paci ac juri publicis, necnon & in Turcas, cæterosque ecclesiæ catholicæ, ac sacri Rom. Imp. hostes parandæ expeditioni, præ rerum inopia vires minus suppetunt. Ideo negotii ipsius exigit necessitas æquitatisque, quòd sanctitas pontificia ita æquè ac paternè rem temperet, ut ecclesiastici etiam tanquam qui ampliores possident divitias, nedum contra Turcas ad ferendum opem teneantur, auxiliares porrigere manus, sed ad tuendum jus publicum, ac tranquillum reipub. Christianæ statum, quotannis pecuniæ quippiam contribuendum; ipsi quòd Archiepiscopi & Episcopi ecclesiasticis prælatis ac personis suæ ditioni subiectis, ipsi soli ad ferendum hanc opem, contributionem prædictam indicare, jus ac potestatem habeant.

XXIX. ¶ Atq; illud eo moderamine agatur, ut Electores, cæteri que Principes & Magistratus laici ab ecclesiasticis proceribus, in eorum principatibus, comitatibus, oppidis ac territoriis, in exercenda jurisdictione non perturbentur, aut præpediantur. Nempe hac re fiet, quòd laici inter ecclesiasticos jus ac tranquillitatem publicam tueri, & ecclesiastici sub laicis degentes, eo facilius ac commodius etiam jus quemq; suum defendere, ac manu tenere poterunt, cum ecclesiastici paria onera unà cum laicis magistratibus ac gubernatoribus provinciarum ferre & contribuere jubeantur, quemadmodum ad id ipsum ex Christiana & germana charitate, ac ob æquitatem, paritatemque servandam aliqui tenentur obligatique sunt.

XXX. ¶ Et quandoquidem omnes, ecclesiastici imprimis ac præcipuè, meritò pro viribus contra Turcas, tanquam hostes Christianæ fidei, ad ferendam opem, parandam defensionem, recuperandumque manu, quas olim credulis ille ferro subjugarat Christianorum provincias, teneantur. Eam ob rem pro licito, bono, ac pariter Christianæ reipub. utili & necessario visum placitumque est, ut si quando exigere id necessitas videbitur, quòd mundus & pretiosior supellex ecclesiarum cathedralium, monasteriorum, cæterarumque ecclesiarum ac religiosarum domorum, auri, argenti, unionum, aliorumque pretiosorum lapillorum, demique & campanarum pars non necessaria, pro communi Christianæ reipub. utilitate in medium conferatur, ne thesaurus ille ecclesiæ Turcis potius, quàm nobis custodiatur adservetur. Id quod & per Græciæ regnum jam olim usuvenisse experientia ipsa docuit. Quæ res Turcis magno cessit lucrò præsidioque, quando reperto hoc ecclesiæ mundo, seu thesauro, militibus suis comparare potuerunt uberiores comæatum, ut eo instructiores hinc cæteras Christianorum urbes oppugnarent ac provincias.

D

¶ Quòd personæ ecclesiasticæ ob perpetrata maleficia commeritam nullam luant poenam.

XXXI. ¶ Item, quicumque ecclesiasticos recipit ordines, majores seu minores, per hoc omnium poenarum magistratuum secularium, utcumque magna perpetret maleficia, immunis esse contendit. Neque hoc ita ordinati temerè præsumunt, quòd ab ecclesiasticis summæ conditionis statibus in peccandi hac licentia manteneantur. Sæpenumero enim comperitum est, ut quum ita consecratis, præsertim sacerdotibus, per jura canonica legitimæ uxores sint interdictæ, quòd dehinc pudicitiam matronarum, virginum, laicorum scilicet uxorum, filiarum, sororumque attentant, ac noctu interdumque sollicitant. Efficiunt quoque per assiduum ac indefessum laborem, partim muneribus, donis ac blanditiis, ut complures honestæ aliqui virgines & matronæ, partim etiam in secretis (quas vocant) Confessionibus, id quod eventu ipso compertum est, diuturna operâ labefactentur, ad peccata offendicula que commoveantur. Nec raro etiam evenit, ut hi, uxores, ac filias, maritis patribusque detineant, & remorentur, minantes interim, gladio, aqua, ignive, ulturos repetitas uxores,

Fructus casti-  
baris cano-  
nici.Legit hæc &  
eruescite vos  
de quibus ista  
Principum  
querela est.

H h

atque



Immunitas  
ecclesiastica,  
unctorum  
malefactorum  
præsidium.

atque tantorum malorum segetem ex libidine insana contrahunt, mirum quid latrociniis, homicidiis, innocentum delatione, igni, rapina, furto, falsa eudendo numismata, ac mille scelerum formis, interim contra divina humanaq; jura omnia, non sine magno etiam aliorum offensusculo, liberrime ac impunè quotidie committant. Nempe immunitate ac peccandi sua licentia, quam ex privilegiis canonum sibi usurparunt, in hoc freti. Cum enim & semel compertum habent, licere eis impunè quicquid libuerit, tum nedum magistratibus civilibus; sed & suis episcopis ac superioribus medium ostendunt unguem quodcumq; illi vel jubeant; vel verent. Et tandè ut in peccatis maleficiisq; perpetrandis magis adhuc foveantur, præter omnem æquitatis rationem, aliquatenus interdictum est Archiepiscopis, & Episcopis, ne malefactores hos publicè criminali judicio reos agere possint, nisi prius degradatos, id quod tantis sumptibus, tantaque pompa celebrari oportet, ut propterea perquam rarissimum uncti illi malefactores merita plecentur poenâ. Ad hæc astringuntur obliganturq; Episcopi per sua capitula, ut personas in sacris ordinibus, quod dicitur, constitutas, secundum Canonica etiam jura, poenis utcumque levibus, punire affligereque non audeant. Quæ res tota eò spectat, ut ex disparitate hæc, inter laicos ac ecclesiasticos similitates, dissidia atque odia plus quam Vatiniana oriantur.

XXXII. ¶ Illud quoque non mediocriter timendum est, ut si personæ ecclesiasticæ jam dicti oneris, aliorumque malefactorum causâ, quæ quotidie perpetrare pergunt, non æqua jura, judices æquos paresque poenas habeant, quòd eorum vita offensuscula apud laicorum vulgus tumultum quæpiam seditionemque pergrandem, nedum contra ipsos ecclesiasticos scilicet, sed & contra magistratus, ac superiores omnes, quòd impunita sinant maleficia tam notoria, commotura excitaturaque sint.

XXXIII. ¶ Quapropter necessitas æquitasque ipsa sibi postulant, ut ecclesiasticarum personarum prædicta præsumpta privilegia abrogentur, aboleantur, è medio tollanturque, ac illarum gratia finaliter sanciantur, caveatur ac statuatur, quòd ordinati in majoribus vel minoribus constituti una cum personis laicis, æqua habeant jura, æquos judices, paresque poenas, ita quòd ecclesiastici ultra laicos, in paribus delictis, nullam prætereendere possint prærogativam immunitatemve, sed ut quisque delinquentium ecclesiasticorum sub quo deliquit judice, ob commissum suum maleficium, secundum delicti qualitatem ac mensuram, non secus atque alii malefactores, poena à jure communi Imperii imposita delicto communis-rataque, plekti, puniri & affici possit atque debeat. Id quod verè ecclesiasticis, hoc est probis & eruditis viris, dubio procul, impendio magis arridebit; tantum abest, ut per hoc lædè jus eorum putent. Hac re namque fiet, ut titulo tantum ecclesiastici, alioqui improbi nebulones, ad obedientiam majoribus debitam, ac ad bene honesteq; vivendum compellantur. Ad hæc seditiones, similitatesque inter eos atque laicos præcaveantur, evitentur. Denique & hoc ipso laici ad observandum, colendumque integræ vitæ ecclesiasticos eo magis invitabuntur permovebunturque.

¶ De onere Banni, seu excommunicationis.

XXXIV. ¶ Item Romæ ceterisq; in locis per Archiepiscopos ac Episcopos, aut certè eorū ecclesiasticos judices, multi Christianorū ob causas prophanas, ob pecuniæ denique ac turpis quæstus amorem excommunicantur, multorumque, sed eorū in fide infirmorum conscientia per hoc aggravantur, & in desperationem pertrahuntur, ac deniq; ob pecuniæ lucrative tantulum, aut alioqui res minimi pretii, ad intereccionem usq; animæ, corporis, honoris, atq; rei familiaris, contra divina humanaq; jura perducuntur. Quando nemo, nisi ob convictum hæreseos crimen, excommunicationis gladio feriendus, aut pro secluso à Christiana catholicaq; ecclesia, sacris literis testantibus, reputandus esset. Ea propter Sa. Rom. Impe. Principes, proceres ac status laici rogant, ut pontificia sanctæ. tanquam fidus, Christianus ac pius pater, velit præstatum onus Banni, seu excommunicationis, apud sedem Romanam penitus abolere, ac apud ceteros Archiepiscopos, Episcopos, & eorum judices ecclesiasticos ablegare, tollere, & deniq; ita sancire cavereque, ut nemo ullam ob causam quam manifestū ac convictum hæreseos crimen, & quantum ad sacrosanctam Christi fidem attinet, excommunicationis fulmine feriat, aut pro secluso à Christiana ac catholica ecclesia, habeatur. Periniquum liquidum est, fideles Christi ob temporalium bonorum, lucrative, aut denique ullam aliam humanarum constitutionum transgressionem, excepta hæresis perfidia, à Deo Optimo Maximo, suæ ecclesia catholica excludi, seungi separarique.

¶ Quo pacto multi cohabitatores oppidorum excommunicati, & ipsi utcumque innocentes excommunicantur.

XXXV. ¶ Item & illud in plerisq; sæpiusculè evenit, quod vicinorū excommunicati decem, & eo amplius, quos tamen causa nihil omnino contingit, cū ipso principali excommunicationis poena aggravantur, & non ob aliud, quam officiales ecclesiastici i. judices, facilius citiusq; pro libidine sua miseram plebeculam depeculentur, ac pro suo libitu, eorū abutantur simplicitate,

Optima ratio  
emendandi  
clericorum  
mores, eosq;  
in ordinem  
cogendi, ne  
vitæ turpitu-  
do cedat in  
prof. sionis  
suz vituperi-  
um.

simplicitate, ipsosq; principales ad quasq; etiam iniquas acceptandas transactiones per hoc compellant adigantq;. Nam etiam si excommunicatus ipse, una uxore, liberisq; suis, per intolerabile hoc & iniquissimum Banni onus, in exilium ire cogatur, quod hac in re nullus sit officialibus modus, neq; finis, neq; ulla facultatum ratio. Tamen nullus est hominibus illis respectus, num industria, datave ad hoc operâ & per contemptum, an necessitate ita impellente, vel casu potius, vicini cohabitatores, cum excommunicato ipso participarint, commerciumve habuerint, aut sufficiensne hac fuerit concivibus causa, quare excommunicatum meritò solum vertere iussisse debuerant, horum pensi habetur nullum. Sed unum curatur hoc per officiales, ut quousq; principalis ipse excommunicatus, solvendo non est, concives ac vicini sui, utut culpa vacent, ad solutionem tamen quod superest debiti cogantur. Quod si aliquando officialibus in os obrudatur, contra domestica, nempe canonica sua eos hoc moliri jura, quæ pecuniæ causâ quempiam excommunicari, aut interdictum edici venient: Nihilominus tamen idipsum conantur causantes interim, non ob pecuniam, sed contumaciam, quæ tantum sit major, quanto unde sibi originem ducit, minorem habeat causam, tales excommunicari, atque hac decipula, avaritiam suam officiales nugando contegere nituntur.

¶ Item & de illicitis interdictis.

XXXVI. ¶ Præterea, quum sacerdos, aut aliqui ecclesiastica persona casu occiditur, tum nedum occisor excommunicatur, sed & totum oppidum aut totus pagus iniquissimè interdictitur, quod interdictum eousq; durat, tamq; diu interrupta pendent publica Christianorum officia, quousq; vel occisor, vel tota incolarum ejus loci communitas fecerint homicidii compensationem, homicidiumq; expiarint, non considerato eo, dederintne occasionem, ut se gesserit probè, vel nequiter versatus fuerit occisus sacerdos, vel alias ecclesiastico ordini ascriptus, licet jura canonica ipsa in quibusdam casibus, modum negotio præscribant. Prægravanturq; itaq; ex delicto unius, centum alii nihil tale commiserint, nedum contra communem æquitatem, sed & contra omnia divina & humana jura.

¶ De abrogatione feriarum aliquot dierum.

XXXVII. ¶ Insuper & feriarum festorumq; dierum tanta copiâ laicorum vulgus non mediocriter urgetur. Nimirum, quum tot sint religiosi facti dies, ut vix à grè tempus agricolis suppetat, quo fructus agri, tot sudoribus è terra pellectos, aliquando aqua, pluvia, immodico æstu, non raro etiam grandine aliave tempestate periclitantes, in horrea conferant, quos tamen fructus, si non feriarum solennibus præditi forent, commodè ac citra jacturam ex agro legere, domumq; ferre potuissent. Adde, quod feriatis quoq; diebus, qui dubio procul bono consilio, ac in Dei Opt. Max. honorem, primum bene festiati, innumera perpetrantur delicta, peccataque & scelera potius, quam his Omnipotens colatur, veneraturve. Id quod res ipsa notorium facit, tantum abest, ut testibus hoc egeat. Eamque ob causam S. R. O. Imp. status laici consulti putant, ac reipub. Christianæ conducibilis, si effrans feriarum (quæ animis quàm extremo cultu Christianis, hoc est his, quibus à peccatis semper feriandum est, rectius celebrantur) festorumque dierum numerus paulo coerceatur in arctum, minuaturque.

¶ De domibus ordinum militarium, ac Baliviis (ut vocant) per Apuliam Siciliamque ordini militari Teutonicorum vi doloque Germanorum ditioni ereptis.

XXXVII'. ¶ Item, licet dominis ordinis divæ Mariæ virginis (quos vulgò fratrum Teutonicorum vocant) ex liberalitate Romanorum Imperatorum celeberrimæ memoriæ, item & Principum, Comitum & Baronum, in eos collata, cæterorumq; nobiliū contributa auctione, certa bona temporalia, ac redditus & census annui, per Apuliam, Siciliam reliquamque Italiam, empti sint atq; adaucti, non ob aliud, quàm ut contra hostes Christianæ religionis, ad pugnâ instructiores forent, haberentque Germani nobiles pariter & fidei catholice propugnatores, unde commodius & honestius vitam militiæ semper paratam vivere possent, ea ex bonorum asse præfecturæ ejus ordinis aliquot (quas vulgò Balivias, ac à commeatu ordini parando, commeaturas vocant) distinctæ sunt, & determinatæ per classes, quas quietè sine cuiuspiamurbatione, per multa secula possederunt, usurparuntque. Attamen per præcedentes Romanos Pontifices ordini prædicto bona talia erepta, ac Cardinalibus, Archiepiscopis, Episcopisq; illique nec Germanis, nec præfati ordinis militaris existentibus, collata, traditaque sunt. Quemadmodum & in hunc usq; diem militaris Germanorum ordo his ipsis spoliatus, carere cogitur. Insuper priores Rom. Pontifices domus ordinis supradicti locatas, nato Italo, nempe Hieronymo Veneto tradiderunt, ac concesserunt. Eumq; Ordinis sæpe dicti insignibus decorarunt, contra Romanorum licet Pontificum ac Imperatorum, statuta & privilegia, toties antehac per eorum prædecessores roborata, quibus ad Germanos tantum ordinis milites, ut hæc omnia pertinerent, cautum sancitumque est.

Deinde & Romanenses Curisani ordinis supra memorati domos per Italiâ, Bononiæ puta, Papalibus Bullis ac provisionibus attentare conati sunt, quo facto ordinem ad litigandū secū

H l r 2

Roræ

Romæ coegerunt. Id quod non ad mediocrem perniciem & ipsius ordinis, & totius Germanicæ vergit nationis. Demum Germanis Stablore quoq; divi Benedicti monasterium, contra fundationis quamquam jura, superioribus paucis equidem annis ereptum est, ac in commendam (ut aiunt) Cardinali Columnæ collatum; quæ omnia in perniciem tendunt, ac irrecoverabile Germanicæ nationis detrimentum; attentatumq; est, quicquid id est, contra jus & fas, ac æquitatem omnem. Ea propter imperii status hic quoq; rogant, sanctitas Pontificia velit militari Teutonicorum ordini, bona erepta, censuq; & redditu ablatis, absque ulteriore mora confestim reddere ac restituere, aut id ipsum, ut quanto citius fiat, mandare, curareve, quemadmodum juris, boniq; & æqui ratio hoc sibi postulat.

¶ De oneribus sacri Rom. Imp. Statuum laicorum, contra Archiepiscopos, Episcopos, ceterosque prælatos ecclesiasticos, eorum quoque Capitula, ac suffectos judices, quos vocant ecclesiasticos.

XXXIX. ¶ Præter onera suprâ memorata, Archiepiscoporum, Episcoporum & prælatorum, quod ii (ut prædictum est) à sede Romana conservatores delegatos, atque id genus alios plerisque ecclesiasticos impetrant judices, per quos laici non ferendis aggravantur modis, quod non omnino infrequenter evenit, ut laici in periculum ac perniciem animæ, æstimationis, corporis atque bonorum perdantur, ac quantum per hos stat judices, pertrahantur etiam. Sed hic nondum finis: Sunt enim complura adhuc alia GRAVAMINA; prout sigillatim ea per capita nunc recensentur.

¶ Primum, quibus modis laicorum bona immobilia ad ecclesiasticorum manus, & non contra, ab ecclesiasticis ad laicos perveniant.

XL. ¶ Item, quum à sede Romana constitutionibus sit cautum ac provisum, ne bona ecclesiastica, præsertim immobilia, regulariter personis laicis unquam distrahi aut vendi possint, & tamen ecclesiastici, nulla cogente necessitate, sed tantum, ut eorum res familiaris reddatur lautior, crescantq; census, nunquam non cessant laicorum prædia emptionibus, innumerisq; aliis modis ad se pellicere, si qua tandem sit possibile via. Quod ipsum quoque statibus laicis grave, damnosum ac intolerabile est. Quamobrem Sa. Ro. Imp. Status laici reipub. Germanorum utile necessariq; putaverunt, si omnia bona immobilia, soli s. quæ posthac aliquo quocunque tandem titulo à laicis ad ecclesiasticos pervenirent, possent à laicis superioribus, quorum ditioni prædia hæc subjecta forent, tandem ab ecclesiasticis, redimi, hui, atque iusto precio vendicari, non considerato quicquid contra hoc privilegiorum prætenderent ecclesiastici.

¶ Quomodo Episcopi bona hæreditaria ecclesiasticorum ad se trahere conentur.

XLI. ¶ Nec raro & illud factum contigit, quod cum personæ ecclesiasticæ bona hæreditario titulo, à majoribus suis, unâ cum cæteris cohæredibus, jure hæreditario sibi forte usurparent, ac si dehinc intestati decessissent ecclesiastici, tum per Episcoporum nonnullos sibi ipsis bona illa hæreditaria laicorum vendicari coeperunt, non in mediocrem proximorum venientium ab intestato cognatorum perniciem ac jacturam. Quæ res ipsa quoque laicis non ferenda, immo omnimodo onerosa intolerabilisque est.

¶ Quo ingenio, bona quadam laica, quæ ecclesiis, aut aliis religiosis domibus certis passionibus vendita sunt, vel hypothecata, ditioni ecclesiasticæ subjugari conentur.

XLII. ¶ Ad hæc, si quando casu ita contingit, quod bona laica temporali jurisdictioni subjecta, fructibus, redditibus, censibusve annuis ecclesiis, ac cæteris religiosis domibus legentur, vendantur, hypothecentur, aut quovis alio titulo tradantur, vel à laicis erga ecclesias ac monasteria annuo censu tributaria efficiantur, moliantur ecclesiastici talia prædia laica ex civili potestate ac ditione in ecclesiasticam transferre, atque huic utcumque iniquo illicitove conatui, Episcopi, ecclesiasticique patrocinantur prælati, tuenturque rem longè iniquissimam, tantum abest, ut in hoc quenquam reveantur ecclesiastici.

¶ De collatione beneficiorum ecclesiasticorum jam primum fundatorum.

XLIII. ¶ Item, quum beneficium aliquod ecclesiasticum à laicis, summæ vel mediæ conditionis primum fundatur dotaturq; tunc quidam episcoporum primâ ejus beneficii collationem sibi usurpare nituntur, ac beneficii ipsius dotationem, fundationemve prius confirmare recusant, quàm eorum intentioni acquieverint qui beneficia ex suis censibus dotantur, hoc est, fundatores atq; patroni secundum jura etiam Canonica collatores ordinarii.

¶ De confirmationibus beneficiorum ecclesiasticorum, non necessariis, atque aliis id genus gravaminibus.

XLIV. ¶ Præterea si quis novam fundationem beneficii ecclesiastici, fraternitatisve erigere, atq; eandem confirmandam petere velit, quanquam confirmationis hujusce, de jure ac æquitate

æquitate minimè indigeat. Nihilominus tamen fundator & beneficiorum, præter modum pecuniarum exactionibus ad vivum usque aggravantur, exugunturque, ac per Romanorum statuta, technas ac subtiles practicas, eo diriguntur, ut fundationes hæc omnes, quamvis minimi sint pretii, necessariò confirmetur. Quod ipsum non mediocriter Germanorum laicorum est onus.

¶ De subsidii, & aliis oneribus, quæ imponuntur ecclesiasticis, qui Collatores habent laicos.

XLV. ¶ Deinceps, siquando contingit, ecclesiasticam personam à laico, beneficii aliquo dotari, & Episcopo pro investitura accipienda præsentari, tum episcoporum in spiritualibus (ut vocant) vicarii, pro investitura tantum erogant aëris, præsentariis illis, quantum collatum beneficium in annuo habet proventus, nonnunquam etiam quantum bimo. Ita etiam altera portio exigitur episcopo, & reliqua interim Archidiacono, aut Archipresbytero pro investitura, vel possessionis traditione.

XLVI. ¶ Insuper, nimiumque pro viribus, illicitis exactionibus gravant episcopi beneficia, subsidii nimirum, nullæ licet subsint urgentes, aut illud sibi admodum postulantibus causæ, hoc est, quod jura vocant, manifestæ & rationabiles, ultra etiam modum, quem jura communia in casibus evidentibus & necessariis præscribunt. Illis nempe casibus, quibus solis jura subsidium ab ecclesiasticis erogari permittunt, fitque ejus rei immodico usu, ut presbyteris vitæ necessaria vix aut certe ne illa quidē relinquantur. Demum & in totius populi caput hoc redundat onus, quando ita premuntur sacerdotes, ut respirare eis non liceat, ni vicissim subdita plebecula arrodant. Ita ex onere feritur onus, eoque, ut nullum gratis, nisi numeretur semper aliquid, ministrent sacramenta, ecclesiæque Christianæ donum, ad quod tamen præcipuum gratis ut facerent, darentque ea gratis, quæ nullo ære redimi possunt, atque ipsi gratis accepissent, sacrosanctum Evangelium attestantibus literis, tenebantur. At illud res ipsa fecit notorium.

¶ Quo pacto sæpius, & quidem plures, unà indocti atque inidonei ordinentur sacerdotes.

XLVII. ¶ Item Archiepiscopi, Episcopi & eorum suffecti (quos Suffraganeos vocant) sæpenumero plures indoctos, idiotas, inhábiles, vilesque, ac ludicias personas ad sacerdotii functionem ordinant, qui cum ex ministerio ecclesiæ, ad quod minus sunt idonei, vivere non possunt, tamen neque aliunde, vel ex beneficiis, vel propriis hæreditariis bonis, unde vitam presbytero dignam ducere queant, habent, sed tantum imaginarios & fictitios, aliquando neque illos quidem secum ferunt titulos, fitque dehinc, aut ex innata malitia, morumve levitate, aut qua premuntur egestate (sicut res est malefuada famas) ut inhonestæ exerceant commercia ac munia sacerdotibus obænt indigna. Quæ res aniam subinde ministrat, verè ecclesiasticos ac Christo sacros presbyteros floccipendendi, nihilique faciendi, quod illorum vita coram universo populo offendentis sit quam refertissima. Interim à quibusdam Episcopis sex corruptis testibus ad hoc adhibitis, dignusne sit sacerdotii munere vel minus ordinandus, fides adhibetur, qui passim quosque indignissimos simulatis suis vocibus testantur dignos, adque hoc ministerium aptos ferunt & accommodos, licet non raro nullus personarum illorum testimonium, ordinandum, vel de facie albus an ater sit, noverit, conanturque ita Christianis sanctionibus, sub persona, fucosque fictitio tantum prætextu satisfacere.

¶ De impensis immodicis, quæ in ecclesiarum consecratione infumuntur.

XLVIII. ¶ Insuper quum ecclesiæ ac templa prætenuia quidem, Deo dicant sacrantque, nonnulli Suffraganeorum, subditos utcumque per se egestate laborantes, superfluis minimeque necessariis sumptibus onerant, neque hoc contenti, quin munera quoque, & illa quidem immodica, à misera plebecula exigant.

XLIX. ¶ Item quum laici ecclesiis altaris donant ornamenta quædam, necnon Casulas, & similia, ac in Dei honorem pecunias suas expendunt, nihilominus tamen Suffraganei exigunt, ut talia, priusquam ad altaris convertantur usum consecrentur, pro qua demum consecratione munera ac dona petuntur innumera. Quapropter æquum est, ut tales abusus deleantur. Et si Suffraganei frustra laborare nolint, ut unicuique prælato aut plebano talia faciendi permittatur potestas.

¶ Quemadmodum Coemiteria nonnunquam superflue, ac minimè necessariò consecrentur.

L. ¶ Demum si forte sine armis, pugnis tantum & capillis in Coemiterio, duo, pluresve manus conferant, aut rixam habeant, ad sanguinis usque, quantumvis modici, effusionem, tunc ad interdictionum severitatē recurrunt ecclesiastici, nec prius publica Christianorum redintegrant officia, quam civium universitas Coemiterium denuo magna pompa gravibusque, nec profectò minoribus impensis consecrari curaverit, quam primū (ut prædictum est) ex prophano redditus sit sepulturae locus facer. Quæ omnia in caput tandem redundant laicorum.

LI. ¶ Item Suffraganei excogitaverunt, ut solum ipsi, & nullus alius sacerdos, laicis campanas baptizent, credidit deinde simplices ita affirmantibus Suffraganeis, tales campanas

quarum sonitus de monibus terriculamento esse, credulo & ignaro vulgo suadet: cum verisimilius sit eos istiusmodi musicæ delectari, ob rixam minime Christianam. Attende autem quam acriter Principes sapientissimi istud deliramentum perstringunt.

H h 3

baptizatas

De consecratione  
coemiteriorum  
ficta laici  
causa.

Campanarum  
baptizatio  
ridicula & pla-  
cè ethnica:

baptizatas dæmones & tempestates pellere. Quapropter innumeri plerumque adhibentur compadres, præcipue vero, qui fortuna pollent, exorantur, qui baptismationis tempore fune qua campana religata est, tangunt, ac Suffraganeo præcinente (quemadmodum in parvulorum baptismatione fieri solet) omnes pariter respondent, ac campanæ nomen ingeminant, vestesque nova (quemadmodum & Christianis fieri solet) campana induitur. Inde ad sumptuosa properatur convivia, quibus præcipue compadres, ut eo largius munera offerant, adhibentur, necnon Suffraganei & eorum Capellani cum multis aliis ministris regaliter pascuntur. Nec hoc satis est, sed & Suffraganeo mercedem persolvere necesse est, quam illi munusculum vocare solent; inde evenit, ut aliquando etiam in parvis villis centum floreni in tali absumantur & expendantur baptismatione, quæ res non solum superstitiosa, sed etiam Christianæ religioni contraria, ac simpliciorum seductio, & mera est exactio. Veruntamen Episcopi, ut Suffraganeos vel vilissima obærare possint mercede, talia & adhuc absurdiora tolerant. Res igitur tam nefanda & illicita merito aboleri debet. Cæterum si conducere videtur, ut campanæ consecrentur (ita enim Suffraganei baptismationem appellant, quoties à prudentioribus de hac re interpellantur) conveniens erit, ut talis consecratio per unumquemque fiat sacerdotum, quemadmodum cum aqua benedicta, sale, herbis & similibus fieri solet, idque absque pretio & expensis laicorum, ne populus simplex ita seducatur, & damno afficiatur, necnon avaritiæ detestandæ præsumptio evitetur.

¶ Quemadmodum de nova sancti cuspisiam celebritate partem petant oblationis.

LII. ¶ Deinceps, si forte per dicecesim Episcopi alicuius nova esset sancti celebritas, ad quem passim concursus fit, tum Episcopi aut prælati eo loci, oblationum omnium tertiam, aut certe quartam partem sibi vendicare præsumunt. Quod tamen domestica eorum, nempe canonica jura, eis non permittunt, quin oblata illa pecunia, potius ac merito, pro totius Christianæ reipub. necessitate, ad contrahendam militum manum, parandumque expeditioni bellicæ commeatum contra Turcas usurparetur, aut certe in proximi verteretur necessarios usus.

¶ Quo pacto illicitam à Præpositis monasteriorum Deo dicatarum virginum petant pecuniam.

LIII. ¶ Item quum monasteria aliqua Deo dicatarum virginum, per præpositos seu prefectos gubernentur, qui tamen ad libitum officio hoc moveri possunt, neque enim perpetua est hæc præpositura, attamen Episcopi, acceptationi aut missioni præpositorum, prius consensum suum adhibere recusant, quam à monasteriorum Deo devotarum, simpliciumque pællarum pecuniæ aliquod numeratum fuerit.

LIV. ¶ Item, quum Abbas quispiam, aut Abbatisa eligitur, coguntur iterum per Suffraganeos consecrari, licet antea ut monachi & moniales satis superque sint consecrati. Suffraganeumque cum suis regiæ excipere & pascere, ac insuper tanquam muneris loco, magnani persolvere pecuniam. Quæ res non in parvum damnum cedit monasteriorum, sed etiam illorum quibus monasteria illa sunt subiecta.

Insuper pontifices summi multa & varia in curia Romana excogitarunt officia, quæ ipsi immani vendunt pretio, quod quidem illi persolvere coguntur, qui (ita jubente Pontifice) operâ talium indigent officialium, seu scriptorum. Hinc evenit ut natio Germanica, præcipue vero episcopi, quoties Pallium redimunt, aut confirmationem à Romano petunt Pontifice, ac multi alii oppido aggravantur, ac longe plus, quam elapsis annis, pecunias suas dilapidare compellantur. Hinc facile conjicere licet, quot Romæ quantique laique pro emungendis nummis tendantur. Quapropter talia officia merito deleri debent.

¶ De Archipresbyterorum Officialibus, & aliis iudicibus ecclesiasticis.

Eloquentur Principes; ar-  
rigite aures  
vos in quo-  
rum gratiam  
hæc omnia  
proponuntur.

LV. ¶ Archipresbyterorum quoque Officiales, ut plurimum sunt indocti, inhabiles, insuper & scurrilibus moribus, nihil pensi habentes, nihil aventes quam pecuniam. Et quam notorie in publicis degant peccatis ac facinoribus, quotidiano discitur usu, per quod laici, quos ob admissa, debito modo corripere, ac in pietate Christiana eruditores & meliores reddere debent, nedum ad meliorem frugem non perducuntur, sed offendiculis onerantur potius. Ad hæc per leves ac viles has officialium personas, in quorum conscientis, nulla Christianæ pietatis viget ratio, sed tantum sceleraus habendi amor, laici misere ad vivum usque in bonis suis spoliuntur, ac deprædantur. Id quod Archiepiscopi & Episcopi, si quidem revera quod dicuntur, essent, hoc est, Christi pastores, dubio procul, diutius non tollerent, ovesque Christi talibus offendiculis pastoribus curandas minime commendarent, pascendave committerent.

¶ Quam inique laici ad vetitum trahuntur ecclesiasticorum tribunal.

LVI. ¶ Ferè & hoc quoque accidit, ut laici ad ecclesiasticorum, licet periniquè, trahantur iudicium. Nam etiam si actor sit ecclesiasticus, qui laicum reum iudicio convenire intendit,



tendit, attamen nihilo magis ordinariæ jurisdictioni reorum deferunt, quin passim ecclesiastici tales reos laicos seu quascunque etiam ob causas civiles ac planè prophanas, ad ecclesiasticum tribunal, refragantibus omnibus etiam juribus, pertrahere adnuntur, quum tamen maximè conveniat, ac jure non ignoto sit, quàm expressim cautum, actorem, rei forum sequi debere.

¶ Quo pacto magistratuum civilium subditi, propter debitam pecuniam ad judicia ecclesiastica pertrahantur.

LXVII. ¶ Præterea ecclesiastici sæpiuscule laicorum subditos ob debita pecuniaria, coram ecclesiastico iudice in jus vocant, ac prægravi eorum judiciorum ordine eosdem inibi vexant atque excutunt, licet à civili magistratu, adeoque iudice reorum ordinaria justitia jurisque debita executio eis nunquam fuerit vel denegata, vel diutius quàm par sit, procrastinata, sitque ita per actorum (ut dictum est) petulantiam, quia conventi iudicio ecclesiastico laici, varios ob casus jus suum non ita examissim, vel deducere per imprudentiam, vel non probare per simplicitatem, noverunt, neque edocti sunt, ut in præsentiam pronuncientur excommunicationem, ac irreparabile rerum suarum perducantur detrimentum, perniciem & jacturam.

¶ Quàm iniquè laicis iudicibus præbeatur occasio ab ecclesiasticis, subditorum suorum petendi missionem.

LXVIII. ¶ Insuper & alias ob plures causas illicitas, à iudicibus ecclesiasticis contra personas laicas emittuntur citationes ac monitoria, quamquam tales iudices, publica etiam resistente fama, indubitanter perspectum habeant, vocatos ita in jus ad ditionis suæ terminos minimè pertinere, illosque ad ordinarium jus remittendos fore. Quod ipsum quoque laicorum subiectis non ferendis modis grave onerosumque est. Nam et si causæ personæque tales ad instantiam magistratuum civilium ac laicorum superiorum petitionem, tandem ad jus dicentis laici ordinarium remittantur tribunal, nihilominus tamen ita immerito in jus vocati, gravibus onerantur impendiis, damnis & expensis, eò quòd superiores suos laicos, quos non raro ultra centesimum lapidem peregrè abesse contingit, primum requirere, dehinc literas missionum ab his impetrare, ac tandem eas ipsas iudicibus ecclesiasticis mittere cogantur, interim nuncios ad hoc conductis eroganda est pecunia, cessandum à quotidianis operibus, ferendæ impensæ itinerum atque advocatorum. Quòd si fortè superiores suos in jus vocati non continuo imploraverint, missionum literas impetrarint, easque iudicibus prædictis transmiserint, ac ad monitionem ulque processum interea fiet, etiam ecclesiastici iudices vel requisiti hinc à vocatorum superioribus, quæcunque tandem in jus vocati sit causa, remittere tamen ita vocatos atque admonitos ad ordinarium iudicem laicum, recusant.

¶ Quòd iudices ecclesiastici causas aliquot speciales, licet laicas, ita suæ afferant ditioni, ut omnino eas remittere nolint.

LXIX. ¶ Quom apud ecclesiasticum iudicem ob decerptum virginitatis florè, itè ob id illegitimè natorum, hoc est naturalium liberum statum aut servientium mercedem, viduarumve quæcunque etiam iudicio ventilantur causæ contra laicos reos, tum vel interpellati à litigantium laicorum superioribus, iudices ecclesiastici, terminum tamen sustendi jure, nec circumducere, aut ad se in jus vocatos, ordinariæ jurisdictioni ut remittant precibus induci possunt.

¶ De aliis illicitis & inutilibus expensis causarum prophanarum, quæ ad ecclesiasticos iudices trahuntur, ac denuò remittuntur.

LX. ¶ Ad hæc, quum laicus coram iudice ecclesiastico (ut supra dictum est) iniquè in jus vocatur, demumque ad petitionem iudicis ordinarii remittitur, tunc temerè agentis procurator, qui ita malè in jus vocari fecerat laicum reum, mercedem suam à convento, qui tamen temerè ad veteritum tractus fuit iudicium, petit, cogiturque dehinc excommunicationis poenā innocens ille ultra expensas, quas ob malam in jus vocationem in itinera, procuratores, proque impetrandis & redimendis missionum literis, necessariò expenderit. Adde & neglectorum operum æstimationem, jam tandem nulliter & iniquè emissos judicarios processus persolvere, atque ære non immodico coactus licet pensare. Namque id si fortè reculet, anathematis præstò est gladius, hoc ei minantur iudices ecclesiastici fulmen, ni persolutis vocationum literis, habendi libidinem ipsorum satiaverint. Ita afflictio additur afflictio. Neque juris ratio, quæ temerè in jus vocato, refundendas dictas expensas, à iudicibus his curatur quicquam, imò judicarius hic eorum ordo, ex diametro, quod aiunt, cum juris bonique & æqui ordine pugnat. Eum tamen iudiciorum ordinem, non ob aliud, quantum conjectura assequi licet, hæctenus ita religiosè observarunt, quàm ut plurima actorum turba per hoc ad eorum alliceretur tribunal. Ita semper iniquum, ex re, quæ merito debebat esse æquissima, student facere lucrum.

¶ Quo modo novæ per violentiam instituuntur decimarum præstationes.

LXI. ¶ Item, et si laici per multa annorum curricula de certis eorum prædiis, neque majores, neque exiguas (ut vocant) præstiterint decimis, tamen per ecclesiasticos iudices, apud

quos iniquis litigant conditionibus, autoritate judiciaria, ita eis fit negotium, ut aut petitas judicio decimas, sive quidpiam aliud est, quod ab eis exigitur, præstare persolvereque, aut excommunicationis poenam ferre, necessum habeant. Neque hoc temerè. Nam etiam si à sententia quantumvis iniqua Romam appellaverint, non eos fugit quàm onerosus atque dispar sit & illic litium eventus.

¶ Quo pacto ecclesiasticorum officiales ac suffecti, & ipsi laicos ad ecclesiasticorum tribunal in jus trahere conentur.

LXII. ¶ Ad hæc omnia, personæ ecclesiasticæ nedū ipsæ per se laicos, quibus dictū est, ac similibus casibus, ad ecclesiasticos trahunt judices, verum etiā ecclesiasticorū officiales, suffecti, procuratores, domestici famuli famulæq;, ac deniq; ipsorū etiam subditi, conantur, adintunturq; idem juris, quod eorum habent superiores, sibi ipsis quoq; asserere usurpareque.

¶ De causis injuriarum, quæ coram ecclesiastico ventilantur judicio.

LXIII. ¶ Tandem, si quando ex facto evenit, ut ecclesiasticus contra laicum injuriarum agere illatas fortè verbo injurias, intendant, conatur ecclesiasticus judex eas ipsas quoq; suæ jurisdictioni vindicare causas, quo denuo reus judicio conventus, ordinario juri suæque eripitur atque eximitur jurisdictioni.

¶ Quemadmodum causæ prophanæ ob interposita juramenta, ecclesiastico tribunali asserantur.

LXIV. ¶ Insuper & id præsumunt officiales, si quando in causis prophanis, ac inter personas ecclesiæ minimè sacratas, dicatafve, sed omnino laicas, data fide, seu præstito juramento, verbo vel in scriptis, pacta, obligationes, contractus, vel promissiones factæ sint vel celebratæ, quod eam ob rem, atque hujus prætextus ratione, tales prophanæ laicæque causæ coram ipsis potius, quàm ordinario judice agitari debeant. Quæ nova ecclesiasticorum technæ usu si incretceret ac diutius toleraretur, jam actum foret de civili causarum auditorio, quod omnes prophanæ civilesque causæ contractuum atque transactionum, hac via necessariò ad ecclesiasticos pertraherentur. Quis enim contractus, quæ transactio, quæ denique inter pacificentes conventio, quæ non sit solenni ita stipulatione, aut promissione vallata? Illac nimirum rerum veniremus, ut in totum civilia eluderentur judicia. Quod nedum contra æquitatem ipsam, contra omnia jura scripta, sed & civili magistratui intolerabile foret. Nam ut demus hoc interim ecclesiasticis judicibus de perjurio commisso, notionem ut habeant, nihilo magis per id causæ ipsius principalis, contractus puta, aut transactionis, quamobrem ille pejeravit, judices competentes erunt, quin perjuros illos ob religionis transgressionem manifestariam tanquam judicio convenire possent, ac Canonicam huic indicare multam, reservata tamen civili magistratui, qui perjuros poenali judicio secundum civiles sanctiones plectere jus habent, commissæ sibi ob id poena.

¶ Quonam modo reformationes suorū judiciorum nec observent, neque manu, hoc est, executione debita tueantur.

LXV. ¶ Præterea nedum rationi consona jura communia, sed & ecclesiarum aliquot Cathedralium, propriæ reformationes, notoriè in quamplurimis casibus negliguntur, irritaque fiunt, dum contrarius ex eisdem ducitur sensus. Exequuntur enim hæc contra hos tantum, quorum potestatem ipsi non reverentur. At si res potentiores, aut eos quibus manu pares esse non possumus, contingat, tum ex juris sui rigore remittunt quippiam. Nam et si maximè episcopi locorum ordinarii, aut eorum officarii à vim passis, aut his quibus contra jus injuriæ illatæ sunt, pro debita justitiæ executione, ac talium gravaminum onerumve abrogatione interpellentur, sæpenumero tamen evenit, ut querela hæc vel præpositum contingat, vel decanum, vel certè capitulum, ac ecclesiæ Canonicos capitulares, hoc est eos, contra quos loci hujus ordinarius Episcopus utcumque aequitati favens, rememorante eum hac via, in electione præstita ac promissa fide, meritam transgressionis emendationem atque multam præsumere, eisque infligere non audeat.

LXVI. ¶ Ad hæc, Episcoporum ac prælatorum nonnulli pro tempore ecclesiastico judiciorum Synodorumque, ad suum libitum speciales quasdam & præteritas serant reformationes, ordinationes, leges atq; statuta, quæ ipsa multifariam à jure communi dissident, ac seorsum toti civili magistratui & jurisdictioni, eorumq; subditis derogant atq; perniciem adferunt, neque ullam præ se ferentia æquitatem, quod ad ecclesiasticorum privata compendia inque laicorum necem sint excogitata atque efficta. Eamq; ob rem laici ea acceptare, aut his parere minimè tenentur. Nam neq; ipsi ecclesiastici domesticas has suas constitutiones secundū rationabilè, sinceriorè, ac germanū aequitatis intellectum, observant. Etenim tametsi reformationes hujuscemodi, ut plurimū, statuunt corā officialibus, eorumq; ecclesiasticis confessoris, manifesta ac notoria tantum, minimeq; occulta delicta, debere agitari atq; ventilari, considerariq; in primis salus animarum, & honor Jesu Christo debitus, potius quàm pecuniarum lucrum: Attamen ejus rei oppositū, atq; ex professo contrarium negotiū ipsum, innumeratq; aliæ

aliæ conjecturæ ac circumstantiæ plus liquido manifestum reddunt, id quod partim ex supra enumeratis, partim ex recensendis sequentibus articulis, utcunque succinctis, cuique æstimare facile est.

¶ Quomodo plus pecuniæ, quam poenitentia peccatoribus imponant.

LXVII. ¶ Patrum canonibus sancitum est, spiritualibus ac manifestis peccatis, spiritua-lem poenitentiam seu satisfactionem imponendam esse, ut sic non pecuniæ lucrum, sed potius animarum salus quæri intelligatur. Id quod supra etiam memoratum est. At ecclesiastici iudices & officiales, perperam animadversis canonibus, dictam spiritua-lem poenitentiam in tantum exasperant, aggravant & augment, ut laici, priusquam eam satisfactionem acceptare velint, pecuniâ magis sibi ab ipsis immunitatem comparent: quare laici multum premuntur, ecclesiastici contra multum ditantur, utpote, qui in suum privatum commodum & partis agunt munus & iudicis, quod tamen omnibus iuribus dissonum est.

¶ Quem in modum honesti viri & mulieres ex falso rumore sæpenumero graventur.

LXVIII. ¶ Accidit etiam nonnunquam, quod viri & mulieres coram Officiali, seu ecclesiastico tribunali, ut delictorum ac scelerum fontes, sinistro rumore deferuntur, ac non prius per sententiam innocentes declarantur, quam ubi se iurejurando purgaverint, qua purgatione facta, in pristinum æstimationis statum restituuntur. Et quamvis tam iniuste denunciatis incommoda, damna, impense, eam ob rem perpeisse, merito refundi deberent, nihilominus tamen innocentes ipsi in dictâ restitutionis fidem, Officiali ecclesiasticove iudici, duos aureos, cum aurei quarta parte, pro absolutioriis literis, nequaquam necessariis, numerare coguntur. Et hoc est, cur Officiales ecclesiasticique iudices, tam iniquas & illicitas rumoris falsi atque delationis causas ita adfectentur, ad se evocent, solisque sibi vendicent. Id tamen ipsum non sine magna singulari, ac gravi jactura mortalium committunt. Nam sæpius evenit, quod altercantes mulieres, ira, invidia, seu alio quopiam adfectu commotæ, invicem se maledictis impant, convitiis proscindant, in tantumque demententur, quod altera alteram vel adulterii, vel magicæ artis ream insimulet. Quod ubi coram Officiali deducitur, tum illa, quæ, per iracundiam, alteram probris ac contumeliis adfecterat, iurisjurandi sacramento sese excusare, ac purgare cogitur. scilicet quicquid injuriarum in alteram profuderit, id omne non ex certo animi proposito, sed ira, invidiaque profectum esse, pariq; modo altera, quæ adulterii, necromantiæve insinulata est, suam innocentiam, quodq; prædictorum nequaquam sibi conscia sit facinorum, juramento detegere jubetur. Interim verò quilibet apud se facile conicere potest, in talibus causis, mulieribus, siue memoratorum scelerum vacuæ sint, siue iisdem criminibus obnoxia, jurandam tamen esse, dummodo famam, honorem ac vitalem spiritum retinere velint. Qua ex re non solum illicitum pecuniarum lucrum quaeritur, sed deliberatæ pejerationes extorquentur, secularisque jurisdictiones & iudices in eorum multândi officio impediuntur. Et sic contra rationem, impunita remanere delicta necessarium est.

¶ Quomodo ecclesiastici iudices illicitum ex jactatis matrimoniorum causis petant interesse.

LXIX. ¶ Deinceps, quum inter virum atq; foeminam, de pangendis matrimonialibus sacris illis foederibus, negotium quod inter eos fortè agebatur, eousq; processit, quod ab alterutra partium matrimonii contractus, ex passionibus illis, ratus perfectusq; prætendatur; At inficietur altera, datumq; est ab altera alteri personæ vestium, aut alioqui mundi muliebris quidpiam tanquam arrabonis loco, adservandum ac custodiendum, accidatq; deinde, ut asserti contractus matrimonii, sc. contemplatione, contrahentes, ad ecclesiasticum perveniant tribunal, ac ibidem per sententiam, in diversum ire jubeantur, separenturque. Tum iudex ille ecclesiasticus inique hoc sibi in hac causa prætendit interesse; Nimirum, ut omne quicquid hinc inde arrabonis vice traditum sit, ut hoc sibi cedat tanquam commissum. Id quod nedum contra omnia jura, sed & æquitatem atq; honestatem ipsam proculdubio est.

¶ Quibus artibus iudices ecclesiastici causas promiscuas, quæ coram civili etiam magistratu in iudicium deduci possunt, sibi solis vendicare conentur.

LXX. ¶ Item, licet complures sint causæ ita promiscuæ jurisdictionis, ut secundum jura communia, apud ecclesiasticos atq; civiles iudices agitari & puniri possint, sæpiusculè tamen evenit, ut quum civiles iudices, concessam sibi hac in re provinciam & jurisdictionem administrare atq; exercere velint, quod id ipsum ne faciant per iudices ecclesiasticos sub excommunicationis poena eis interdicitur prohibeturq;. Quod si diutius perstare deberet, brevi ecclesiastici iudices à civili magistratu, ejusq; jurisdictione quascunq; etiam causas eximerent, suarq; asserebant ditioni. Id quod Cæsareæ Majest. cæterisq; Imp. Romani membris grave est & intolerabile. Et quanquam secundum jura communia, manifesta perjuria atq; adulteria, maleficiorumq; præstigia, ac consimiles aliæ causæ, per ecclesiasticos ac civiles iudices, promiscuè, uter occupavit, civiliter pro tempore plecti possint, habeatq; ita praventio hac in re locum: Attamen

men ecclesiastici iudices contra omnia jura, causas hujuscemodi, solis sibi suæque jurisdictioni usurpare conantur. Quod ipsum jurisdictioni civili non ferendum est onus ac gravamen.

¶ Quemadmodum causæ prophanz sub prætextu denegatæ executionis ad ecclesiasticorum consistoria trahuntur.

LXXI. ¶ Item, si quando personæ laicæ in causis etiam omnino prophanis, à iudicibus ecclesiasticis Citationes impetrare conentur, prætendantq; magistratum civilem, debitam sibi juris executionem facere neglexisse, antequam summarie, saltem per evidens aliquod docuerint instrumentum, justitiam ut queruntur sibi denegatam; Citationes tamen atq; alii iudicii processus à iudicibus ecclesiasticis ad solam petentium querelam his decernuntur. Quod si deinceps ad petitionem vel civilis iudicis, aut partis in jus vocatæ, causæ hujuscemodi ad ordinarium tribunal remittantur, præfigitur civili iudici per breve quatuor hebdomadarum, puta tempus fatale, intra quod actoris intentioni & querimoniz ex integro atq; ex asse executionis ordine satisfaciatur. Ac si in archissimo ita præstituto termino, sententia definitiva, aut non fertur, vel executioni lata non mandatur, libertatem dehinc iudex ecclesiasticus dat actori laico, coram suo tribunali, ulterius procedendum, sitq; non raro (mirum hoc audiri) ut causa, quæ intra mensis spatium coram civili consistorio agitari peragiq; debebat, quòd hæc eadem apud ecclesiasticum iudicem triennio aut eo amplius pendeat hinc indecisa.

LXXII. ¶ Aiunt præterea iudices ecclesiastici, in talibus casibus, prophanas ad se causas pertrahere sibi licere, si magistratus civilis in administranda justitia executione negligens invenitur, è regione tamen ferre minime possunt, ut in pari casu, idem juris cum eis servetur. Nimirum ut in causis ecclesiasticis quispiam de neglecto cultu justitiæ ab ecclesiasticis apud laicos, aut civiles magistratus conqueri ac justitiam sibi per civiles magistratus administrari postulare possit. Quanquam jura communia in genere definiunt statuantque, quo pacto Canonica civilibus, & è regione Canonicis civilia jura opem suppetiasq; ferre debeant.

¶ Quo pacto ecclesiastici iudices, seculares causas prætentæ jurisdictionis prætextu, in sese transferre conentur.

LXXIII. ¶ Neq; hoc plerisq; longa experientia rerum ac eruditione doctis probatur, quòd iudices ecclesiastici, quibusdam in locis, diuturni usus quasi possessionis, adimpletæq; præscriptionis prætextu, laicorum controversias coram se dirimendas hæcenus præsumpserunt. Nam ea ex re Cæsareæ majestas Romanumque Imperium haud parum detrimenti patitur, utputa, quod non minus Imperii honor temporalis sc. jurisdictio, memoratæ præscriptionis velamine minuitur, attenuatur & penitus ab Imperio ad ecclesiasticos refertur. Quod contra recepta aptæque jura esse nemo est qui nesciat, quibus statuitur & caveatur, ut nulli præscriptioni quantumvis longæ adversus præminentem, tum Papæ, tum Cæsaris potestatem sit locus.

¶ Quàm iniquè homicidæ, aliiq; peccatores ab ecclesiasticis iudicibus duplici afficiantur poenâ.

LXXIV. ¶ Quum divina humanaq; jura vetent, ut nemo duabus cardi debeat virgis, meritò pleriq; quibus cerebrum est, nonnullarum Cathedralium ecclesiarum odiosa statuta, perversosq; mores, quibus utriusq; sexus homicidas, reliquosq; majorum, minorumve criminum reos hucusq; vexarunt, detestantur. Nam hæcenus servata est consuetudo, quòd homicidii, similibusq; facinororum (quos casus episcopis reservados vocant) rei, peracta in aui è confessione, publicam poenitentiam, in totius populi conspectu, cum magno luorum ipsorum dedecore, ignominia, infamia subiie coguntur. Quæ quidem poenitentiz forma, non usquequaque improbanda foret, utpote quæ ad primitivæ ecclesiæ instituta quàm proximè accesserit, si hac contenti, non etiam ampliorem iusto, peccantibus egregii illi maleque officiosi Officiales extorquerent pecuniæ summam, duplicique delinquentes punirent poena. Quæ re mirum, quàm multi offendantur. Quod quàm iniquum, quamq; longè à Christi insituto sit alienum, cique sanæ mentis conjecturâ assequendum relinquatur.

¶ Quomodo funestæ pecuniæ intuitu, ecclesiastici iudices & officiales illegitimas cohabitationes & usuras tolerant.

LXXV. ¶ Præterea officiales auri sacra pellecti fame, usuras ac pecuniæ foenus illicitum, nedum non interdiciunt, sed & passim permittunt, foveant ac tutantur. Insuper etiam clericos, religiososq; & seculares, accepto ab eisde annuo censu, publicè cum suis concubinis, pelli-cibus, & aliis id genus meretricibus, illegitimè cohabitare, liberisq; procreare sinunt. Quæ res ambæ quantum scandali, periculi, detrimenti, fortunis, animabus & corporibus pariant, non est quod recenseatur, quum nemo id, nisi talpæ cæcutiat magis, non videat.

LXXVI. ¶ Præterea contingit aliquando, quòd alter conjugum, belli, votorum, seu alia quapiam causa peregrè proficiscatur, qui si aliquanto diutius, quam alterius conferat libidini, ablit, tum officialis, alteri, pacta tamen numeratæq; prius mercede satis magna, cum alia vitare persona ac cohabitare indulget, non præhabita prius diligenti investigatione, superflense

fit

fit abiens conjunx, an naturæ concesserit. Et ne hoc eorum factum à quoquam calumniari possit, tolerantiam nomen ei, non sine magno mortalium offendiculo, sanctique matrimonii contemptu indiderunt.

¶ Ut Officialium delegati seu synodales iudices illicitos è domibus census exigant.

LXXVII. ¶ Et hoc Germanis posthac non ferendum onus est, quòd synodales iudices quarundam regionum oppidula & vicos ostiarum peragrant, censusque è domibus annuos exigunt, quos ubi tenuis plebecula persolvere nequit, protinus cum excommunicationis jactulis petitur, ad eorum quoque censuum solutionem cum summa rei familiaris attritione atque attenuatione compellitur. Quòd si penitus amoveri non potest gravamen, aliquo saltem sine ad æqui bonique regulam coerceatur.

¶ Quo pacto hebdomadaria pecunia mechanicis exigatur.

LXXVIII. ¶ Pari modo proximè memorati iudices, quibusdam in locis à stabulariis, pistoribus, laniis, propolis, molitoribus, ejusdemque generis mechanicarum artium professioribus, qualibet septimana pecuniam postulant, qua fortè per inopiam non soluta, ecclesiastico ad id fulmine adiguntur.

¶ De iniquis ecclesiasticorum arrestis (ut vocant) & impedimentis.

LXXIX. ¶ Non mediocrem item superioritatis & jurisdictionis temporalis jacturam Cæsarea Majest. Romanumque Imperium patitur, ex male observatà hætenus pluribus in locis, diuturna consuetudine. Videlicet, quòd ecclesiastici iudices, ubi inter duos laicos civilis orta est controversia, ad alterius partis petitionem literas inhibitorias emittunt, quibus alteri partium mandant, ne inceptam coram seculari, seu suo iudice litem prosequatur, sed in ecclesiastico coram sese iudicio compareat. Cui mandato ubi pars vocata obtemperat, & se suamque causam ad suum ordinarium iudicem remitti in iudicio petit, tum primum libellus, articuli, exceptiones, replicæ, duplicæ & cæteræ id genus scripturæ, utrinque producuntur, quibus, reliquique actis & agitis, perlectis, numeratisque potius, quam ponderatis, tandem interloquuntur, controversiam coram se ventilandam esse. Cui sententiæ properterea, velint, nolint, parere coguntur, etiam si maximè eà graventur, quòd appellationem ad curiam Romanam interpositam, ob immensos, tum labores, tum impensas prosequi nequeant. Neque enim cuivis commodum est, adire Romam. An vero talibus similibusque sententiis se suspectos reddant, necne, cuilibet bono viro conjiciendum relinquitur. Unum hoc certum est, quòd ex jam enumeratis casibus, copiosa civilium causarum sylvæ, jurisdictioni temporali ac civili magistratui, indies subtrahitur atque eripitur. Quod non solum iuribus & aequitati, sed etiam rationi contrarium esse dignoscitur.

Trice fori ecclesiastici.

¶ Ut plerique inopia rerum laborantes judicialium expensarum, variorumque laborum & expensarum formidine, ad iniquas transactiones compellantur.

LXXX. ¶ Neque hoc silentio præteriri potest, quòd ecclesiastici iudices & officiales miseros ac simplices laicos, multoties ad illicitas, iniquas, sibi que penitus nocivas transactiones adigunt. Nam si quando eos in jus vocant, magna patronorum, rabularum forensium, scribarum, cæterorumque, quorum opera in iudicio strepitu uti necessum habent, caterva, nullo ære conductæ, sed gratuito conquesta, stipati astant, ac pauperibus illis prophanis, egestate pressis, id hominum genus, non nisi magno conducendum est. Quod ubi fortunæ reique familiaris tenuitas denegat, ni penitus causâ, etiam iustissima, decidere velint, transactionem seu compositionem utcumque iniquam inire coguntur. Quare quantum graventur teneas, nemo est qui non faciliè id deprehendat.

Rabulæ forenses.

¶ In multis ecclesiasticorum consistoriis, externi causarum patroni & procuratores, quàm non admittantur.

LXXXI. ¶ Et hoc hætenus Germanis multum attulit molestiarum, quòd per ecclesiasticos iudices, nulli coram se litigantium partium, aliis uti advocatis & procuratoribus licet, quàm iis, quos sibi quisque tribunalibus, iusjurandi sacramento obnoxios reddiderunt. Ne tamen nihilominus externi patroni à litigatoribus consulantur, adeo breves præfigunt terminos, ut adiri nequaquam possint. Et ne hoc eorum factum tanquam aequitati contrarium improbari possit, se id in controversiæ commodum, facere adfirmant, quo celeriores per consistorii iuratos procuratores sortiatur exitum. At interim meridiana luce clarius apparet, quæ sinceritate, quæve dexteritate id agatur. Nempe compertum habent officiales, se suosque superiores, à consistorii advocatis & procuratoribus timeri. Et sic miseri clientes, patronorum verecundiâ, dum quod contra ecclesiasticum iudicem, ejusve superiores, quacumque in parte facere possent in iudicio proponere non audent, ultra quàm par sit negliguntur. Quam rem ecclesiastici prælati sique quorum in territorio tale exercetur consistorium, quum prohibere penitusque eradicare debent, tutantur ac defendunt. Et id potissimum eam

ob



ob causam, ut si quando ipsis, subditivè ipsorum in ecclesiastico judicio experiendum sit, dicti advocati & procuratores contra ipsos exteris suis clientulis, ea quæ causæ sibi postulat necessitas, consulere in judicioque proponere vereantur, ne, si diversum facerent, prælatos sibi inensos, iudicesque sibi male propitios redderent; talemque advocatorum & procuratorum metum ac formidinem, nemo est cui vel cerebrum sit, cui leva in parte mamillæ cor saliat, qui inficias ire vel possit, vel audeat, cum id quotidianâ experientia adeo eluceat, ut nemini non, nisi forte iis, qui nondum ære lavantur, sit exploratissimum. Quotus enim quisque est advocatorum vel procuratorum, qui non amore, spe, timore, invidia, favore, muneribus, similibusve adfectibus, animo non aliquando rectoque consilio deiciatur, quum nihilominus vacui etiam prædictorum adfectuum vix tandem precibus pretiove inducuntur, ut nihil diligentia, laborum nihil, nihil item clientuli jurium prætermittatur. Enumeratis verò gravaminibus, nulla præsentior adhiberi posset medicina, quàm si litigantibus à certo usque limite, & advocatos & procuratores vel consulere vel ad consistorium secum adducere liceret.

¶ Quàm levibus ex causis, pauperibus sacramenta denegentur.

LXXXII. ¶ Et hoc facinus, Christi disciplinam profitentibus penitus abominandum est, quòd iis, quibus est res angusta domi, ubi parochis & ecclesiis ad diem solutioni destinatum, per inopiam satisfacere nequeunt, corpus & sanguis Christi, sacrosancta quæ nobis sacramenta in remissionem peccatorum reliquit, denegantur, immo quasi pignus præcluduntur, non attenta ulterioris dilationis (& quidem modicæ) petitione. Quoniam tales similesque causæ pro conditione sua coram secularibus iudicibus, meritò finem fortiri deberent.

LXXXIII. ¶ Item, quum agricolæ Autumni tempore vindemiare cupiunt, quemadmodum unicuique ad sui utilitatem facere licet, nihilominus tamen, si vindemia illa displicet spiritualibus (ut vocant) qui eo loci decimas possident, miseris inhihent agricolis, sub excommunicationis, necnon pecuniarum poena, ne uvæ colligant prius quam ipsi id permittant. Unde evenit, ut sæpe pauperuli illi non parvo afficiantur damno, cum uvæ suas, quas maximis expensis & laboribus per integrum coluerunt annum, vindemiare non audeant. Etiam si illi interim vel frigore pereant, vel etiam marcescere incipiant, tantummodo ob decimarum lucrum iniquum, sæpius etiam ob invidiam detestandam. Quæ ambo contra iura sunt divina, fas, & omnem pietatem, ac ideo meritò aboleri debent.

¶ Ut Ecclesiastici Synodis abutantur.

LXXXIV. ¶ Nec minus molestum, grave & Germanorum vulgo intolerabile est, quòd synodales iudices pluribus in locis quotannis id quod non nisi post annorum interapedinem ut fieret, iuribus permillum est, obequuntur, ac mirum, quid fictitiæ jurisdictionis aut superioritatis exerceant. Hoc interim constat simplici populo hac via, necessaria subtrahi alimenta, neque talis peragratio eo fine & ordinatione, qua à summis Pontificibus instituta est, observatur. Nam pro poenis & correctionibus, quibus facinorosos & criminum fontes à vitis detertere deberent, pecuniam præsentem & numeratam, & quicquid denique eis in lucellum cedere potest, exigunt. Id quod in superioribus etiam partim memoratū est.

¶ De Canonicis cathedralium & collegiarum ecclesiarum Parochis, reliquisque religiosiis personis; & primum, quòd iniquis nexibus episcopi & prælati suis adstringantur Capitulis.

LXXXV. ¶ Illicitum est & hoc planeque iniquum, quòd Canonici ecclesiarumque cathedralium præminentiores, quorum in manu potior ecclesiasticorum iudiciorum, Synodorum, ac censurarum pars sita est, reliquique collegiarum ecclesiarum Canonici, quibus eligendi superiorem potestas est, nullum in episcopum seu prælatum eligunt, nisi si prius iurejurando astrinxerit planeque devoverit, literis quoque interdum instrumentisque sigillo probè munitis caverit, ipsis ipsorumque ordinatis iudicibus ab officialibus in nullo utcumque gravi vel inhonesto intolerabilique proposito, fere contrarium fore. Ac si quando eos delinquere contingit, impune eis per ipsi ut hoc sibi liceat.

¶ De non ferendis ultra oneribus, quibus misera plebs pro sacramentorum administratione gravatur.

LXXXVI. ¶ Pleraque item parochiales ecclesiæ, monasteriis, prælatis, aliisque ecclesiarum curatarum rectoribus, incorporationis (ut vocant) seu alio quopiam jure, subditæ sunt: quas et si ipsi juxta Canonum constitutiones, per sese providere teneantur, ubi aliis elocant gubernandas, beneficiorum dorem ac decimas plerumque sibi ipsis reservant, & præterea tam enormibus absentiarum pensionibus gravant atque onerant ut conductarii isti parochi, eorumque vicarii, viceplebani, sacellani, coadjutores, ceterique conductarii ecclesiarum administratores, competentem sustentationem, decentiaque alimenta inde habere nequeant. Quo fit, (nam unde conductarii isti pastores & mercenarii, vivant, habeant oportet) ut illicitis exactionibus, locatas sibi oviculas, miserè deprædent, dilanient, omnemque substantiam tantum non absument.

absumant. Postquā enim altaris, baptisimiq; sacramenta ministranda sunt, Primus, Septimus, Tricesimus Anniversariusq; dies peragendus, auricularis confessio audienda, mortui sepeliendi, & quicquid deniq; reliquum est, quod ad vitā factorum ceremonias observandas operæ pretium arbitrantur, id gratuito faciunt nequaquam, sed tantum exigunt, extorquent, exugunt, quantum misera plebecula, vel cum summo suo dispendio præstare difficulter potest, taleq; exactiones usq; ad summum indies augent atq; accumulunt, nonnunquam quosq; excommunicationis fulmine ad solvendum adigunt, plerofq; etiam, quibus per inopiam non licet, ad celebranda vita functis obsequia, anniversarios & alias ejus farinæ ceremonias, compellere conantur.

¶ Ut ob missas cantandas & legendas, pecuniam exigant.

LXXXVII. ¶ Neq; hoc præteriri potest, quomodo non minimū sit, quo Germani preman-  
tur, quod sacerdotes, unius diei missas, ad quas alias foundationis seu annuæ recordationis  
jure celebrandas obligantur, non semel, sed quater, quinque, pluriesve venundant, unaq;  
missa, duobus, tribus, aut pluribus ecclesiasticis beneficiis satisfacere præsumunt.

¶ Quo pacto Parochi à suis parochialibus subditis, ubi domicilium mutare voluerint,  
pecunias emulgeant.

LXXXVIII. ¶ Item, sicubi curatæ ecclesiæ subditus domiciliū, matrimonium seu alterius  
cujuspiam negotii causā, in aliā transferre parochiam, animo secum volutat, non prius mi-  
grandi licentiam à parochio impetrat, quā ubi pro testimonialibus literis aureum numeratū  
nummum : quem si solvere vel nolit, vel egestate pressus, non possit, sacramentorum in-  
terdicto, donec satisfecerit, multatur. Ex hoc itaq; ac cæteris supra tactis oneribus &  
gravaminibus facile deprehenditur, mirumq; in modum emicat, quod omnia Romanæ ec-  
clesiæ sacramenta his qui opibus abundant, auro venalia sunt, reliquis verò quibus mi-  
nimū suppetit nummorum, & iniquus est Plutus ille divitiarum Deus, non impatiuntur,  
sed penitus denegantur.

¶ Quomodo sepulturæ jus quibusdam mortuorum cadaveribus, magno sit ære  
redimendum.

LXXXIX. ¶ Papalibus statutum est canonibus, ut his duntaxat publici juris ecclesiastica  
denegetur sepultura, quos manifestis & planè notoriis, mortalibus (ut vocant) peccatis, ex  
communi hac mortalium sorte, absq; dominici corporis sanguinis participatione migra-  
se compertum sit. Verū ecclesiastici non animadversis talibus Pontificum Decretis,  
forte fortuna, aqua suffocatos, gladio, ruinā vel incendio occisos, jugulatos, atq; vitā casu  
functos, etiam si non pateat peccatis mortalibus obnoxii decesserint, necne, in ecclesia-  
stica amulare sepulturam non permittunt, quousq; tam iniquo fato mortuorum uxores,  
liberi, amice ab ipsis coemiterium non modico ære comparaverint.

¶ Ut pleriq; ecclesiastici vitam laicam planeq; rixosam agant.

XC. ¶ Nec minus etiā Germanis molestū est, quod potior parochorum sacerdotū, mona-  
chorum, aliorumq; ecclesiasticorum pars, in diversoriis, stabulis ac choreis, populorum  
turbis se immiscet, in plateis item habitu minus decenti, utputa gladiis, vestibusq; ludicris,  
præterea rixis, jurgiis, litibus, altercationibus laicos ad iram, & consequenter ad arma pro-  
vocant, vulnerant, nonnunquam etiam confodiunt. Dein excommunicationis fulmine  
miseros illos laicos, vel quos læserunt, eosq; divexant, quousq; ad libitum suum laici se  
cum his composuerint.

XCI. ¶ Item in locis plerisq; Episcopi & eorum officiales non solum sacerdotum tole-  
rant concubinatum, dummodo certa persolvatur pecunia, sed & sacerdotes continentes,  
& qui absq; concubinis degunt, concubinatus censum persolvere cogunt, asseren-  
tes, Episcopum pecuniæ indigum esse, qua soluta, licere sacerdotibus, ut vel coeli-  
bes permaneant, vel concubinas alant. Quā res hæc sit nefanda, nemo non intel-  
ligit.

¶ Quo pacto nonnulli ecclesiastici, publicas exercent tabernas, & illicita corra-  
dant lucra.

XCII. ¶ Ecclesiastici item, potissimū in his locis, ubi jurisdictionem habent, in tem-  
plorū dedicationibus, publicas exercent tabernas, suisq; facellanis & sacerdotibus, taxillos,  
chartulas luforias, & quicquid ad ludum pertinet, convivis administrare, ac omni sepositio  
pudore, illicitum inde percipere lucrum student, idq; superioritatis quodam jure sibi  
licere adferunt. Quanquam Pontificum canones, Imperatorum leges, omnesq; omnium  
provinciarum magistratus vetent, ne ecclesiastici ita à decoro & honesto deviant, ut his  
se involvant negotiis, circa quæ vix laicos occupatos esse decet.

¶ Quomodo ecclesiastici moribundis, ut suos & legitimos hæredes defraudent,  
persuadeant.

XCIII. ¶ Inter cætera etiam hoc obtinendū est nequaquam, quomodo non minimum sit onus  
quo

quo Germani gravantur, quòd regionum pervagatores, quos vulgò Terminarios ac Stationarios vocant, monachi & sacerdotes, infirmos, animamq; jamjam agentès, ac præsertim eos, quibus ac esse in cistà norunt, temporalibusve bonis abundare competunt habent, blandiloquentia, adulatione, verbisq; venustulis (ut ad pessima quæq; hoc genus hominum semper plus æquo instructum est atq; paratum) adoriuntur, circumveniunt, persuasionibusq; secretis eò tandem adducunt, quòd sibi potiorem & pecuniarum & bonorum partem in testamentis legant. Qua re liberi, agnati ac cognati, reliqui; sui & legitimi hæredes, quibus potius tota hæreditas illa relinquenda erat, contra omnem æquitatem, mirum qua jactura adficiantur, interdumq; ad miseriam usq; adigantur.

¶ Quibus mediis innumeram pecuniæ summam mendicantium ordines Romæ impotent, virginumq; vestalium monasteria molestant.

XCIV. ¶ Quì nemini dubiù sit, his, qui jure experiri volunt, pecunia eaq; nò modica opus esse & pleriq; mendicantiù ordinum regulis addicti, multas causas atq; lites in judiciale controversiam, non sine magno ordinariorum, parochorù atq; laicorù detrimento, contra fas nefasq;, imò nulla omnino necessitate exigente Romam pertrahant, tribus insuper eorum Generalibus, quos vocant, Cardinalitii galeri dignitatem, innumera (ut fertur) pecunià comparaverint : Non parum timendum est, ne non præfati mendicantium ordinibus subjugati, multa sacrarum virginum, & præsertim ea, ubi se solos dominari norunt, monasteria, in quibus Principum, Comitum, Baronum, nobilium, ac civium liberi frequenter vitam vivunt, pecuniis expilent, ac depeculentur, & eis dehinc, quibuscunq; aliis modis, interitus, perniciè, molestiarum, variorumq; incommodorum radix atq; origo sint ; Interimq; misere captivæ moniales, sub perpetui poenæ carceris adigant, ne cuiquam aliì, quo secum pacto agant, manifestent, id quòd quibuscum in locis plus nimio, pro dolor ! compertum est. Quibus verò phar-macis huic morbo mederi possit, cogitandum relinquitur. Num præstaret, quòd virginum monasteriis, ac mendicantiù ordinibus, in meri ac mixti imperii jurisdictionibus sitis, quibus hæcenus per jurisdictionum magistratus ac potestates nulli præfati essent curatores, seu dispensatores, duo, ætate, moribus ac probitate perspicua præstantes viri, unicuiq; tali monasterio seorsum præficerentur, qui omnibus eorum communibus computationibus, acceptorum videlicet & expensorum interessent, quibusq; curæ esset, ne in posterum prædicta virginalia coenobia à mendicantibus monachis, eorum non necessaria præsentia, vel quocunq; alio modo gravarentur. Qua una re proculdubio efficeretur, quòd dictorum monasteriorum annui fructus, census, redditus, indies augerentur, monialium personæ in magnum usq; excreverent numerum, & sic multò melius, uberius, utilius, quàm si ipsarum pecunia vel Romam vel in alium quempiam locum indecentem conferatur, sustentari possent.

¶ De Romanorum Pontificum Legatis & Oratoribus, necnon Comiti-bus (quos vocant) Palatinis.

XCV. ¶ Accidit aliquando, quòd Legati & Oratores Romani, cum Papalibus (ut vocant) facultatibus in Germaniam mittantur, qui taliù facultatù vigore & prætextu, liberos vulgo conceptos, naturales, Bastardos, spurios, damnato ex coitu prognatos, aliosq; qui contra Christi instituta, legumq; sanctiones in mundum editi atq; expositi sunt, legitimos efficere, & ad quoscunq; actus legitimos, idoneos reddere, ad successiones item cum legitimis & naturalibus liberis habiles facere & admittere, omniù deniq; statuum ac dignitatum capacitatem tribuere conantur. Cujus tamen rei in Romani imperii tetritorio, nullà omnino habent potestatem. Nec parum inde litium, jurgiorù, errorù, controversiarù, offensionorùq; in sacrosancto Romano imperio oritur, quòd ex non concessio coitu concepti, cum legitime editis ad parem admitti debent successione. Quam rem ut summum Germanis molestant, Imperii Ordines tolli, amoveri, penitusq; aboleri summopere petunt.

XCVI. ¶ Pari præterea modo à Romana sede jam dictis Legatis, vicecomites Palatini sufficiuntur, simili potestate legitimandi, ad successionem admitrendi, & omnia ad instar legatorù, quorù jam ante mentio facta est, efficiendi, necnon Notarios creandi. Qui tamen vicecomites adeo sunt inidonei, adeo inhabiles, adeo literarum ignari, adeo deniq; rerù inexpertes, ut minimum etiam, quòd ad Notariatùs artem pertineat, ignorent. Unde non immerito subsequitur, quòd multo ineptiores, quàm ipsi sint, creent Notarios, ut semper dignù, quòd in proverbio est contingit patellæ cooperculù. Quòd ipsum Imperii Status abrogari efflictim rogant. Præfati item Apostolica sedis nunci & Legati à jurejurandis, pactis, obligationibus absolvere, & sic absolutos ad agendum de novo restituere moliantur. Qua una re æquitati fideiq; humanæ nihil est adversum magis.

XCVII. ¶ Conantur insuper beneficia quæ patronatus juri subsunt conferre, & sic patronis tam ecclesiasticis, quàm secularibus in juri-bus suis derogare, penitusq; eos privare : quòd etiam merito aboletur.

¶ Ulteriusq;

¶ Utriusq; sexus religiosi, in suorum monasteriorum, claustrarum, foundationum, aliorumque conventuum commodum, succedunt secularibus; quum ipsi vicissim ab illis ad hæreditates neq; vocentur, neq; admittantur.

XCIII. ¶ Neq; hoc Germanicorū gravaminum postremum est, quamvis ultimum hic fortiatur locū: mos non amplius ferendus hæctenus inolevit, pauloq; altius, quam par sit, radices egit, videlicet quod Monachi, Moniales, Beguttæ, Beghardæ, Nollhardi, Conventus, & quicunq; tandem sunt, qui se religiosos, & à popularibus segregatos profitentur, parentibus, consanguineis, agnatis, ac cæteris amicis in hæreditariis bonis aliquando in partē, nonnunquā in totū succedunt. At vicissim eorum cognati seu necessarii laici à præactis religiosi, ad ipsorū hæreditates adeundas, nō solum nō vocantur, sed nec admittuntur quidē. Quod Germanis & grave & molestū, injustū etiam ac nō diutius tolerandū onus est. Eapropter necessariō, ac summa prudentia curandū est, ut deinceps nemo se memoratorū religiosorum votis vel astringat, vel addicet, nisi prius ea de re civiles magistratus certiores fecerit, quorum præsentia, autoritate & consilio religionem ingredi volentibus, parentibus & amicis, iuxta cuiusq; fortunam ac facultates, mediocriter provideri debet, ut habeant, unde commodē in monasteriis vivere possint. Ea tamen lege, eo pacto & conditione, ut omnibus hæreditatibus, omnibusq; parentum, fratrum, sororum, cognatorum, cohæredum, ac quorumcunq; aliorum successionebus renunciant, in animumq; nequaquam inducant suum, se in posterum hæreditario jure quicquam nedum sperare, tantum abest, ut consequi se posse putare queant. Idemq; cum his qui jam olim religiosorum regulis sese subjecerunt, fieri à sacri Romani Imperii Statibus & petitur & censetur.

¶ Quod & in proximē habitis Wormaciæ comitiis, de hæctenus memoratis Gravaminibus tractatum sit.

XCIX. ¶ Potior item pars hæctenus enumeratorū articularū, Romanā sedē, Archiepiscopos, Episcopos, prælatos, officiales, ecclesiastica consistoria, cæterasq; ecclesiasticas personas concernentiū Cæsareæ Majestati in proximo principū ac procerū Wormaciæ celebrato conventu, à laicis imperii columnis & statibus, in scriptis, non sine supplicibus aboleat atq; è medio penitus tollat. Quod ipsum non clam Archiepiscopis, Episcopis, reliquisq; ecclesiasticorum statibus in prædictis comitiis factum est. At hucusq; nihil vel immutare, vel emendare coeperunt. Eam ob rem seculares Imperii Ordines necessariō urgentibusq; ex causis adaucti sunt, Papali sanctitati supra memorata, ac non amplius ferenda onera, prout sua Sanctitas, clementi, Christiano, planēq; paterno animi adfectu fieri petiit, indicare, atq; suppliciter rogare, quo prædicta gravamina sua Sanctitas emendet atq; è medio tollat. Atende.

¶ Plura adhuc gravamina ob oculos versantur, indicatu maxime necessaria, quæ tamen brevitate gratia omittuntur.

C. ¶ Qamvis seculares sacrosancti Romani Imperii Ordines, longē graviora multoq; plura adhuc habent onera, quæ æquitate interpellante, indicanda forent. At ne justæ brevitatis modum excedere videantur, jam recensitis hoc tempore, reservatis aliis in magis commodum tempus, contenti esse volunt. Ea spe freti, ea fiducia nixi, ubi hæctenus enumerata abolita fuerint gravamina, quod & reliqua unā corruitura sint.

centesimum; proptereaque non rectē ista appellari Centum Gravamina: cum alia longē his graviora & plura onera ob molestant Principum celerentur: hæc insinuati abunde supplet Centesimi gravaminis locum.

¶ Peroratio ac finalis petitio.

**S**uper hæc omnia, omnium sacri Romani Imperii supremæ atq; inferioris conditionis statuum, supplex est adhortatio, humilisq; precatio atq; petitio, qua sanctitati Pontificiæ supplicant, quatenus sanctitas sua, omnia prædicta onera ac gravamina sedis Romanæ, ac sæpe dictorū cæterorum statuum ecclesiasticorū & personarum ecclesiasticarū, id quod non semel in præcedentibus quoq; justis precibus postulatum est, clementer tollere, emendare abrogareq; & è medio auferre dignetur, ac Archiepiscopos & Episcopos, si qua in re per eorum Capitula, gravamina hæc quo minus emendare abrogareq; auderent, obligati forent, à promissione obligationeq; tali, mandatis absolutiori, severitatem quandam, sed eam quidem necessariam præ se ferentibus, absolvere liberareque velit, inque omnibus & singulis his, ita paternē ac gratiosē se gerere & exhibere, ut talia onera atque gravamina in genere, seorsimque, quantocius ex radice funditus ac penitus tollantur, amoveantur & emendentur. Quod ipsum, & quidem brevi futurum, curatumq; iri, sacri Romani Imperii Status Laici, vel ob Dei Opt. Max. laudem præcipue & honorem: hinc rei quoq; ipsius necessitatem atque æquitatem, maxime quum (ut prædictum est) sanctitas Pontificia per Oratorem & Legatum suum ita magnificē, ampliter ac Christianē se obulerit, indubiam certissimamq; spem animo conceperunt. E regione, se sanctitati Pontificiæ tanquam obsequentes morigerosq; filios, cæteris quoq; Statibus Ecclesiasticis, ut in Chri-

Nemo objiciat deesse hic gravamina onera ob mole-

sto fratres, & commembra capitis unius, nimirum Christi, se devote obliantesq.

¶ Quod si enumerata onera atq; gravamina in præstituto tempore non etiam ocuis ex oculis mortalium sublata atq; abolita & abrogata fuerint, id quod Imperii Romani Status laici futurum minimè suspicantur augurantur, tum Sanctitatem Pontificiam latere nolunt, prædicta urgentissima atq; intolerabilia, penitusq; non ferenda onera, diutius eos, neq; perferre \* velle neq; tolerare posse. Sed rei ipsius iniquitate & necessitate huc eos adigi, cogi atq; compelli, pro eorum capto ac industria, de aliis commodioribus fortè viis & mediis cogitandi, vestigandi, ac consulendi, quibus tandem modis, qua arte, qua deniq; solertia, onerum atq; gravaminum supra memoratorum, ab ecclesiasticis exonerari, liberari, ac tandem in pristinam immunitatem & libertatem asseri, atq; vendicari possint.

¶ Quemadmodum omnia hæc, priusquam sanctitatis Pontificiæ Orator & Legatus à Norimberga solvisset, eidem per modum responsi hinc legantis sanctitati referenda, ad longum sunt exposita atq; enumerata, essentq; ita in compendium, & quodammodo per catalogum redacta & recensita, memorato nuncio atq; Oratori pontificio ferenda secum Romam tradita, si non præter omnium expectationem, \* abitionem suam hinc tantopere maturasset, ac inopinatò ita discessisset. Verùm ne ob id eo magis Germanorum principum, procerum, atq; Romani imperii statuum consultatio & conclusio sanctitatem Pontificiam fugere vel latere possent, tandem placuit, onera ac gravamina, quorum non infrequens tum coram agente adhuc Legato facta fuit mentio, per capita, ac sigillatim ita scripta, sanctitati Pontificiæ transmittere, eandemq; quàm humillimè ac suppliciter, pro abrogandis huius oneribus, rogare obsecrareq; ne deteriora contingant.

\* Loquuntur  
Principes ut  
Principes de-  
cet.

\* Fuissent  
quidem hæc  
gravamina  
redeunti O-  
ratori Onera,  
non minus  
quàm Germa-  
nis. Ea igitur  
Subolfaciens  
consilia, Ro-  
mam in GRAVAMINATUS pergit insalutato hospite. Quæ autem noluit ille, cogebatur alios Pontifici deferre; nequid illum  
Principum querelæ lateant.

### Finis Centum Gravaminum Germanicæ Nationis.

O. G. Pio lectori S. P. D.

**H**is prædictis non solum Germanicæ Nationis (ut principes nostri voluere seculares) sed multarum etiam aliarum (ni fallar) Nationum gravaminibus, Annatarum taxarum, ordine satis confuso ac planè incerto adjectæ fuerunt. Quæ ad honorem sacrosanctæ sedis Apostolicæ, hoc loco \* non indecenter omisimus. Nam & in infinitum se extendere videbantur, & tantam hoc tempore pecuniarum summam, aurive pondus ad illam devolvî, cogitare ausint pauci, dicere nemo. Attamen, si tibi est ardens ingenium, mens ignea, & non præceps, sed generosus impetus, fortè fortuna in subsequentiis, & potissimum Pag. 384. aliqua ex parte Annatarum taxam callenter ac pulchrè deprehendes. Excusandi tamen non videmur, quòd propter inflicta nobis scandala & Romanæ curiæ (etiãsi verum esset) gravamina, debeamus ab unitate catholicæ fidei insipienter resilire, & in profundum malorum nos præcipitare. At dicet quis: Nonne & hoc vigilanter in curia Romana est observatum, ut gratiæ & reservationes pectorales, mentales, generales & speciales regressus, accessus, incorporationes, uniones & id genus alia multa, quæ & diabolus odit & omnes angeli ejus, & ex quibus omnes hæreses huius temporibus promanarunt, ob pecuniarum (ut principes nostri seculares dicunt) amorem & sacram auri famem, vilissimis quibuscq; vel bonis etiam viris, concedantur? Itemq; & si hoc ipsum addideris, quòd si res illa altius radices ageret, brevi nos eo rerum venturos esse, ut R. Archiepiscopis, Episcopis, principibus, patronis, & nobis tandem omnibus, nihil juris, in his (de quibus loquimur) remaneret. Tace, obsecro, lector & audi. Nunquid Paulum Evangelii tubam Romanis insonasse ignoras? Omnem animam potestatis sublimioribus subiectam esse debere. Vide etiam quid Petrus, apostolorum princeps, ingeminet: Servi (inquit) subditi estoce in omni timore dominis, non tantum bonis & modestis, sed etiam dycolis. Nam teste iterum ad Romanos Paulo, Qui potestati resistit, dei ordinationi resistit. Hanc igitur ob causam Ambrosius ait in suo pastoralis: Honor & sublimitas episcopalis, nullis poterit comparationibus adæquari. Non excuso iniquitatem, lector, nec lucem in tenebras verto. Scio enim Esaiam prophetam dixisse: Væ vobis qui dicitis bonum malum, & malum bonum. Hoc solum adjecero, te propter Annatarum gravamen, aut abusus alios, ab eccle-

\* Agenda sunt  
Gratio  
gratiæ  
ob ista Grava-  
mina: parum  
autem is ho-  
nestè egit, cum  
nobis invidit  
illas Annata-  
rum taxas,  
ex mero in  
Rom. Curiam  
obsequio.  
Pag. sup. 360.

Rom. 3.



fia catholica & praelatis tuis deficere non oportere. Nec obest, principes nostros, sacrosanctae fedi Apostolicae multa ac varia objecisse. Scies enim Illustrissimis ipsis Principibus, multo maiorem, quam nobis, cum dicendi, tum redarguendi libertatem esse concessam. Nanti ut philosopho placuit libro quarto Politicorum, & Ciceroni tertio de Legibus: Sine principibus & illorum prudentia, impossibile est esse civitatem. Verum hac de te satis. Ego igitur, qui incertas Annatarum taxas, ad sacrosanctae apostolicae sedis honorem, hoc loco \* re-  
 jeci, operae pretium esse duxi, Nicolaum à Clamengius doctorem egregium & Archidiaconum, de Annatis ipsis nonnihil differenter, tibi ob oculos constituere, ut ipsius sentimeto adjutus, de illis prudenter disputes ac loquare. Claruit enim tempore Sigismundi Imperatorum Constantienae celebraretur Concilium Anno Domini, M. CCCC. XVII. Lege itaq; quae de Annatis, in particulari (ut dicitur) conscripsit, & vale feliciter.

\* Eas recusus fuisse Wittenbergae Anno 1538. und cum Gravaminibus, &c. innuit Joh. Lydius in narratione

historica Conciliorum Gabrielis Prateoli p. 115. Edit. Lug. Bat. 1610. easq; operae vltu frequentiores. Lutherus forsasse qui tunc temporis eadem recedendas curavit. In id incubuit, ut Orthuini Graui vel fraudem vel adulationem, vel pusillanimitatem inter alia graviora indicaret: ad quam immensam numerorum vim excreverit istae taxae, hic in Anglia, & alibi terrarum, vides inter opera Joh. Juellii Episc. Sarisb. in defensione Apol. pro Eccles. Anglic. cap. 23. divis. 2 part. 6, ubi in Margine citatur ista Editio Annatarum Wittenbergae. & in textu vir ille sanctus & illustris de imperfectione istius Censûs queritur.

## \* APOSTOLI ET RESPONSIO

\* i.e. Literae dimissoriae. Vide opera Clameng. edita à Lydio p. 81. & in glossa.

Dati per Nationem Gallicanam Dominis Cardinalibus, &c. appellantis ab ejusdem conclusione, voto, deliberatione ac declaratione Constantiae capitis & factis solenniter per eandem, quod vacantiae ac minuta servitia nullo jure sint debita & de cætero nihil solvant.

**C**um evangelica veritas dicat, nihil cum scandalo fiendum esse, subjungit tamen, quod necesse est ut veniant scandala, sed impuret sibi per quem venit scandalum, maxime activum: quia passivum vel defensivum communiter non est in dolo, nec in culpa. Cum autem venerabilis natio Gallicana, & ipsius venerabilia ac honorabilia supposita, tam majora, mediocria, quam inferiora Constantiae congregata, pro generali Concilio inibi convocato & debite congregato, pro deducendo in eo id in quo habent voces judicativas, consultivas & querelosas, secundum materias suppositas, & relationes debitas cogatur respondere, & apostolos (ad quos teneri posset) dare cuidam interpositae appellationi pro parte magistri Johannis de Scribanis, assentientis se procuratorem fiscales, nomineq; camerae apostolicae & sibi adherere volentium, & pro ipsius nationis honore & conclusionis in ea habitae (ex qua oriri dicitur interposita appellatio) justificatione, ac veritatis manifestatione, in responsione hujusmodi & apostolorum petitorum datione ordinetur veritas, quae si scandalum generet apud aliquos, vel etiam alicubi, hoc causam activam praestantibus, non autem venerabili nationi Gallicanae defensivam asumentis, suarq; ecclesiarum ac monasteriorum, cæterorumq; beneficiorum apud ipsam portionem necessitatibus prospicienti, ascribatur. Descendendo igitur ad materiam, noverit idem magister Johannes de Scribanis, dominiq; Cardinales, ac eorum collegium, & cæteri universi, qui tunc & nunc pro generali Concilio sunt & fuerunt Constantiae congregati, fuisse ordinatum, quod deputarentur de singulis nationibus certi, qui cum deputatis dominis Cardinalibus convenirent ad avilandum quae essent reformanda in curia Romana, tam in capite, quam in ipsius membris, & de modo pro futuro providendi, sicut factum fuit & est inter sic deputatos nationum, cum quibus fuerunt & tunc erant domini Cardinales, Pisanus, Cameracensis & Florentinus, qui domini Cardinales contradicentibus deputatis nationis Gallicanae aperuerunt materiam Annatarum, & jurium ac minorum servitiorum, & quantum potuerunt, fundaverunt eas esse debitas, adducendo in medium rationes & justificationes, quas per prius longè adviserunt. Discussionem factam inter omnes, validioribus rationibus & auctoritatibus juris divini pariter & humani demonstratum est, non esse debitas. Et quamvis dedissent operam ad trahendum ad eorum opinionem quos potuerant, inductionem tamen factam de singulorum deputatorum votis, longè major fuit pars, quod non debentur, nec ulterius tolerari deberent. Propter quod domini Cardinales concludere noluerunt, sicut & in aliis fecerant, & sic fuerunt primi qui materiam promoverunt & aperuerunt, unde sequuta sibi imputent, & nulli alteri. Novit etiam idem de Scribanis, dominiq; Cardinales & cæteri alii, deputatos fuisse

Cardinales concludere noluerunt annas non esse solvendas.

certos alios de singulis nationibus ad advifandum de remediis & modo procedendi, & providendi in exorbitantiis, exorbitanterq; ac indebitè factis de præterito in curia Romana per olim Joh. tunc papā, & alios de tempore fuo, inter quos fuit advifari, quòd dominus Johan. præfatus, & curia fua Romana apostolica, & domini Cardinales, & eorum collegii camerarii, five pro camerario fe gerens, à beneficiis prælatorumq; & prælaturarum vacantibus, & quoties vacabant (etiāfi ter aut pluries vacaffent in anno) pro qualibet mutatione tituli voluerunt habere & exigere fructus primi anni beneficii, five prælaturæ vacantis, & aliquando longè ultra, & quandoq; papa qualibet vice Annatas vacan. habebat, & Cardinales nihilominus partem mediam, quodq; propter vacan. fuerunt quandoq; privati prælati & translati inviti, & quandoq; propter plus offerre (fumptis aliis coloribus) afumpti & alii prælati, qui fortè non fuerunt præferèdi, ex quibus fequitur funt strages, guerræ, scandala etiā nondum fopita. Et quia exorbitanter factū fuerat, & contra jus & iustitiam, in oppreffionem prælaturarum ecclesiariūq; monasteriorum & beneficiorū, & etiā perfonarum quibus contigerat, & ita factum fuerat per eofdem deputatos, pluribus rationibus fuit corclufum, non debitu, & effe tollendu de præterito, & per aliquos ex eisdem fuit dictum, propter easdè rationes, & infra dicenda effe extendendum ad futura. Et fuper hoc fuit compofita fchedula, & inter eos lecta, & ficut folet fieri, communicata, & deinde ad nationes fingulas miffa, faltem per deputatos dictæ venerabilis nationis Gallicanæ fuit relata in eadem atq; lecta, & communiter fuper ea folenniter feptem diebus deliberatum fucceffivè, fciente dicto de Scribanis, Dominis Cardinalibus collegialiter ac fingulariter, qui etiā in hujufmodi odiū & vindictā, dixerunt aliquos notabiles prælatos excommunicatos, contra rei veritatem, etiā ex ipforum parte eorum nominibus non expreffis. M. Jo. Poncetii pro eorundem collegio clerico & promotore fe gerenti, qui fe interponere appellationem dixit, aliifq; rationibus & cunctis Conftantiæ pro generali Concilio congregatis fcientibus & debite in ea conclufum fuit de præterito, præfenti & futuro effe tollendum. Causa verò motiva, nationefq; & jura recollecta (quantum fieri potuit) ex dictis diverforum, qui in dicta natione deliberaverunt, & aliàs aperta fuerunt, fubfequenter exprimuntur, & juxta Gregorii refponfivum oraculum, & Concilii Lateranen. prohibitivum edictū, initium & causam debendi iftarū præftationum fructuum primi anni prælaturarum, dignitarum, vel beneficiorum vacantiū qui afseruntur debiti, & quos volunt exigere, diligenter inquirentes, privilegio, confuetudine, aut præfcriptione non poffe defendi certum eft, ficut fuit obfervatum & de non vacantibus in curia fecundum antiqui juris ordinem, nullum reperiri poffe initium, præterquam refervationem quandam temporalem, primò per Johannem papam xxii. factam pro certo paffagio ultramarino, & quibufdam aliis neceffitatibus fuis de omnibus dignitatibus & beneficiis, exceptis abbatialibus. Propter quod fervatum eft in Anglia ufq; ad hodiernū diem, nihil fedi Apostolicæ folvere pro hujufmodi abbatialibus fructibus abbatiarum vacan. Exceptiq; epifcopales, & etiā alias fupra majores per expreffum, certafq; postmodum fecit fuper illis declarationes. Deinde postmodum nonnulli Romani Pontifices ipfius fucceffores, etiā certis temporibus fimiles fecerunt refervationes certis caufis expreffis, quas clerus, principes, & populus aliquo tempore tolerarunt, fed postmodum nimium gravati ex eis in aliquibus regnis & provinciis recusaverunt folvere, prout fuit factum in Anglia, & quibufdam aliis, eò quòd per modum facultatis toleratum fuerat. Et fic quantumcunq; eis placuit, licite potuerunt atq; poffunt recusare, maxime quia ceffant caufæ, quæ tunc erant, eò quòd non fit paffagium ultramarinum, vel aliud virtuosum ex talibus pecuniis. Et quia Italia, Gallia, Alemania & Angliæ partes per Dei gratiam funt unitæ ad invicem, propterea tolerari non debent, cum propter divifionem temporibus retroactis aliquantulum diutius fuiffet toleratum, nec fine refervatione, aut contractione (quæ impediunt & ceffare faciunt exactionem) reperitur talis præftatio decem annis continuata, & quando erunt talia, præfcriptionem non inducunt, maxime de fupremo ad inferiores, & minus confuetudinem, ut eft Juriftis notum, & infra expreffius dicitur. De vacantibus verò & fructibus primi anni majorum prælaturarum, abbatialium, videlicet epifcopalium, & fuper nullum aliud initium fuiffe inventur, quàm voluntaria & gratuita oblatio quorundam, qui in difcordia electi ad abbatialem, vel cathedralem ecclefiam, dum profecerentur, in curia per appellationem ad eam factam, per eum qui obtinebat finalem victoriam, promovebatur five eligebatur. Et talis oblatio & gratuita datio, juxta vulgare Italicum dicta fuit *Servitium*, & fecundum Alemanos *propina* dicitur: Et dicta fuerunt *servitia communia*, quia communiter inter eos dividebantur, eò quòd fingulos quibus dare volebat, non convocabat, & fingulis dare fuiffet nimium onerofum his qui tunc agebant in publico confiftorio, fed postmodum deductum eft in confiftorium fecretū, quod tamen fuerat & fimoniacum, vel multum de fimonia fufpectū, & fpecies mali

In Anglia pro abbatialibus fructibus abbatiarum vacan. nihil fedi apostolicæ folvitur.



Oblatio gratuita Italis *servitium*, Alemanis *propina* dicta.

mali crudelis, etiam si prætextu consuetudinis. Tum quia ante vel post promotionem ad huiusmodi dignitates, aliquod huius prætextu dare vel recipere secundum sacros Canones est etiam prohibitum: Tum quia alienatio est talis oblatio, datio, vel obligatio, quam etiam facere non potest talis electus vel promotus. Et successivo tempore volentes gratuite dare, & voluntarie conferre summam certam, vel aliquid, eo quod tunc nulla certa taxa est in camera, quoad aliqua, ad tertiam partem valoris episcopatus, monasterii: Aliqua verò ad mediam, in aliquibus etiam taxa dictum valorem excedit, prout in libris Cancellariæ scriptæ sunt, & ultra pro minutis servitiis compulsi sunt dare & offerre ad solvendum se & monasterium, five etiam obligare per suarum literarum retentionem. Et novissimè additum est, & compelluntur per eandem retentionem se obligare ad id, quod reperiretur esse debitum in libris eorum cameræ, five dominorum Cardinalium per oblationem, vel obligationem alicujus prædecessoris monasterii vel ecclesiæ, ad quam assumitur vel transfertur. Ex quo resultat periculum, & maxima absurditas, propter diversitatem librorum, in quibus diversimode possunt scribi solutiones, vel non scribi, secundum diversitatem vel obligationem, aut fortè malitiam officiariorum, qui præsent talibus, prout quandoque compertum est, quemadmodum de hoc per formas obligationum, quas super hoc habent in Cancellaria, & quas in talibus observant (quarum copia inferius scribitur) poterit constare plenius. Et nullus talis modus inducit consuetudinem, præscriptionem, nec justam causam talia exigendi, vel etiam observandi. Tum quia gratuita vel voluntaria oblatio unius vel plurium singularium, non inducit consuetudinem vel obligationem, ad quam teneantur alii, nisi velint, cum hoc sit per modum facultatis, quod præscribi non valet. Nec est jus continuum, quia respectu diversorum & separatorum corporum oblatio & datio perfecta est, quæ per successores continuata non est: & si continuata foret, nihil refert ad alios: & quia etiam quamplures ex illis qui obtulerant & debebant, seque ad solvendum obligaverant, postmodum recusaverunt solvere tanquam indebitum, nec etiam solverunt. Tum quia nullo statuto, privilegio, consuetudine, præscriptione, aut alio titulo potest induci, quod propter conferre, aut consentire promotioni aut electioni alicujus monasterii, vel Ecclesiæ Cathedralis, five ut præficiatur administrationi prælaturæ, beneficii, five Ecclesiæ, aliquid possit, vel debeat peti vel exigi, eo quod secundum Apostolicas & Canonicas traditiones, clarissimè foret simoniacum. Tum, quia non petuntur, neque exiguntur hæc Annatæ per cameram Apostolicam & dominos Cardinales, ex eo quod vacant: sed quia conferunt, seu quia collationi & promotioni, quæ fit per Papam, assentiunt. Et hoc est clarè secundum Canones simoniacum. Tum quia constat, quod propterea exiguntur, quia conferunt, seu electioni vel promotioni consentiunt, & non quia vacant, eo quod ab illis qui promoventur ad prælaturas huiusmodi extra Curiam, & per alium quam per Papam, nihil habent, vel exigunt. Et constat etiam ex eo quod nihil percipiunt in tali exactione, nisi domini Cardinales, qui actu sunt præsentés, & tamen de jure communi omnes Cardinales etiam absentes participarent si quia vacant, deberentur vel exigerentur. Tum quia talis usus vitiosus, inhonestus, continens speciem mali, & de jure prohibitus: propterea nulla consuetudo potest super eo tituari, & minus præscriptio induci. Violentantur enim qui in Curia promoventur ad dandū & offerendum, seq; & monasterium five ecclesiam, ad quod five ad quam promoventur obligandum, ad solvendum taxam, five quotam, quæ refertur eis esse in libris cameræ cum minutis servitiis, & omne illud & quicquid reperitur, debitari per dationem vel obligationem consimilem factam cameræ Apostolicæ, & dominis Cardinalibus suorum prædecessorum, per literarum suarum promotionis retentionem & dationem. Et tales modi nunquam inducunt consuetudinem, neque præscriptionem, cum sint violenti: & cum hoc resultat alia violentia: quia quantumcunque promoti, benedicti, vel consecrati, & notum sit monasteriis vel ecclesiis, quibus præficiuntur, sine literis huiusmodi non possunt intrare possessionem: propter constitutionem poenalem factam in favorem huiusmodi indebitarum exactionum, quæ incipit [injunctæ]. Tum simoniacum vel suspectum de simonia: quia petuntur fructus primi anni, & solvitur in Curia realis pecunia pro fructibus colligendis in partibus: & quia solvitur ante tempus: & quia quandoque solvitur totum cameræ, & ante adeptam possessionem: & nihilominus Cardinales taxam requirunt, & per retentionem literarum exigunt re vel obligatione quando possunt. Tum, quia ex præmissis infertur rationabilis diffamatoria murmuratio contra Romanam Curiam, quam Deus servare puritatem & justitiam, & ab omni specie mali abstinere voluit, resultat infectio & nullitas omnium & singulorum quæ fiunt in præmissis datione, oblatione, obligatione, five contra obligates fulminatione & summisionem propter modum & causam, ex quibus fit concurrentia in actu, qui non tenet. Propterea qui dicunt incidere in sententiis quæ huiusmodi

Libri cameræ  
diversi, hinc  
exactiones  
impares.

Violentantur  
ad solvendum  
in Curia pro-  
moti.

Romanam ec-  
clesiam puri-  
tatem & justi-  
tiam servare,  
& ab omni  
specie mali  
abstinere De-  
us voluit.  
Censuræ  
propter an-  
natas non so-  
lutas timendæ

non sunt. Si hæc sint verba Orth. Gratii, is sibi parum constat: in Gravamine enim xi. paulo ante, dixerat censuram injustam esse timendam: bone vir: quid tibi vis? nisi autoritate Nic. de Clamengis morus, aliud demum sentis ac in causa Principum sentiebas.

occasione

occasione feruntur, non debent eas tenere, nec timere, nec videntur absolute indigere. Propter enim prædictam concurrentiam continent errorem intolerabilem, & quia contra jus constitutionis. Nam viderentur hominem obligare ad incidendum in hæresim, largo sumpto vocabulo, videlicet quod sit licitum spiritualia emere, vel pro spiritualibus pecuniam & temporalia dare. Tum quia talis consuetudo, præscriptio, seu privilegium quando essent, nimium forent ecclesiis, clero & provinciis onerosa, & substantiarum ecclesiarum destructiva. Et propterea de jure nulla esset præscriptio, quæ nullatenus procederet, & privilegium (si quod appareret) non solum de jure decurtandum, sed etiam totaliter submovendum, utroque jure hoc testante clarissime. Tum quia prælatus quilibet, qui in Curia promovetur ad monasterium vel ecclesiam Cathedrali, antequam suæ expediantur literæ in Curia, jurat nihil de juribus monasterii vel ecclesiæ alienare, & ipsis literis in Cancellaria expeditis, & deinde bullatis, ac etiam registratis portantur ad Cancellariam, à qua haberi non possunt, nisi primò se obliget (ut præfertur) quæ obligatio est alienatio clara.

Annatas rollendas esse.

Nota.

Et sic promotus videtur cogi committere simoniam & simul perjurium. Tum quia non suffisset credendum, nec est, cameram Apostolicam, ac dominos Cardinales, aut quoscunque alios, propter quodcunque lucrum, sive temporale commodum, velle sustinere aut etiam defendere tantam inhonestatem, prætextu cujuscunque consuetudinis, præscriptionis, aut privilegii, etiam quando essent, in quibus includuntur labe simoniæ & clarum perjurium, scandalumque & damnatio animarum. Tum quia adhuc præmissis cessantibus, & supposito quod annatæ petitiæ deberentur, tollendæ sunt ex toto causis & inconvenientibus ac scandalis sequentibus. Nam licet secundum Apostolicam Doctrinam, Papæ potestas à Christo immédiate sit, tamen est ad ecclesiæ ædificationem, & non ad ipsius destructionem, quæ tamen resfultaret in observatione prædictorum, estque hujusmodi potestas ordinata ad justitiam, & rectum judicium exercendum, quod non obligaret, & cessaret in exactionibus præmissis, habetque præsidere propter bonum publicum & salutem animarum, & non propter seipsum, aliàs videretur abusus. Nec videtur facultas Papæ, nec ecclesiæ Romanæ concessa, neque eis competit pro libito voluntatis exactiones sive præstationes aliquas imponere ecclesiis, aut personis ecclesiasticis, cum eorum non sit dominus, sed tantummodo Christus, maxime per quas causæ ipsarum oppressio, vel inde oriatur scandalum, deturque causa murmurandi, vel etiam resfultet detrimentum animarum, aut frustretur sive fraudetur intentio fundatorum ecclesiarum Cathedralium, monasteriorum & aliorum inferiorum beneficiorum. Tum quia per exactionem prædictarum annatarum tam ardentem & inhonestè exactarum, sive cleri principumque, in quorum dominio sunt, & eorum de genere, qui ea fundaverunt expresso consensu, & levem decimæ impositionem sequutæ sunt oppressiones in clero & in ecclesiis, & inde murmurationes graves exortæ, & apud Regem magnosque Principes & alios nobiles, & illos de populo usque ad plebeios scandala, quia videntur pati ruinas ecclesiæ Cathedralis, monasteria, aliisque beneficia, quæ sui primogenitores & alii magnates fundaverunt & uberanter dotaverunt, & largiti sunt ducatus, comitatus & alias dignitates temporales, baronias, castra, terras, jurisdictionem, & alia temporalia bona, pro sustentatione ministrantium in divinis, & ad divini cultus honorem & augmentum, suorumque peccaminum expiationem, alimentationem pauperum, redemptionem captivorum, ecclesiarum ipsarum ædificationem & reparationem, terrarum ac possessionum ecclesiarum & monasteriorum culturam, jurium ipsarum prosecutionem, conservationem & defensionem, quæ omnia cessant, nec fieri possunt: sed numerum in ecclesiis sic fundatis ministrantium juxta fundatorum ordinationem minuere oportet, propter dictas intolerabiles exactiones. Tum quia scandalizantur, & inde murmurantur cum recurrunt ad causas, propter quas talia contigerunt, dicentes non fuisse intentionem fundatorum, nec eorum existere, quod propter tales exactiones, vel etiam similes, vel propter replere quadraginta aut etiam plures personas deberent frustrari intentionibus suis fundatores, & ipsi in hoc pati verecundiam, quod dotata per eos, & largita tam exuberanter, deducantur ad ruinam, & patria reddatur infirmior ad se defendendum contra hostes, eo quod castra & munitiones nec retinere nec defendere possunt quibus collata sunt, & propterea nolle pati omnino dicunt, cum talia & in nullo subdantur Papæ nec Cardinalibus, ut fiant eis tributaria, cum sint feudalia aut merè temporalia. Tum scandala & murmurationes insurgunt, dum vident & sentiunt exigui hujusmodi vacantias & præstationes sine pietate & misericordia, aut aliqua remissione, quantumcumque impotentes, & hoc notum fuit, sicut contigit in Abbate Saturnini Tholosani, compulso obligari ad taxam sibi relata, quæ erat quatuor millia & ducentorum florenorum, & non valet, annis omnibus (etiam vivendo supra locum) quingentos, & tam ipse quam plures alii compelluntur per exactores deputatos usque ad impignorationem terrarum dotarium ecclesiæ vel monasterii, & usque ad venditionem calicum, etiam non conflatorum & librorum, & aliorum ornamentorum, & bonorum aliorum ecclesiæ, quæ petunt solvere.

Tum

Annatæ sunt contra Rem publicam.



Tum quia scandala, & murmuraciones insurgunt, quòd propter hujusmodi exactionem praelati, & alii ministri reputantur per exactores excommunicati, & per processus ac literas quas affigunt in locis publicis, eos denuntiant, injuriuntur, & verecundiam faciunt in diebus solennibus, nec coram aliis audent celebrare, licet in veritate non teneant sententia. Inde scandalizantur Principes, & alii de populo, & in tantum ardeant ad solvendum, quòd pro collationibus non dantur nisi tres menses & pro litera & sigillo relationis sententia oportet solvere realiter tres vel quatuor florenos cum dimidio, si sit simoniacum videat unusquisque, & sunt in anno viginti floreni, sine eo quòd dare oportet clericis ad hujusmodi prosecutionem deputatis, & quòd expendit nuncius in eundo & redundo, nec per hoc principale minuitur. Tum scandala sunt exorta, & non cessant propter exactiones predictas, ex eo quòd postquam ecclesia Romana continuavit tales exactiones, non cessavit a guerris, & major sollicitudo Romani Pontificis & suorum Cardinalium usque ad Johannem inclusivè novissimè depositum, fuit de guerrarum continuatione, in qua fit effusio humani sanguinis. Et licet etiam habeat orientale imperium, non tamen cadunt honestè talia in viris tam perfectis: & quia per humilitatem, sanctimoniam & devotionem solebant jura ecclesiae in esse conservari, retineri & acquiri sine artificiali gladio aut alia violentia. Tum quia propter tam promptam numerationem hujusmodi vacantiarum & aliarum exactionum, camera ac alii domini Cardinales non curaverunt, neque solliciti fuerunt de dote & patrimonio ecclesiae Romanae, de quo vivere possent & debent, neque de recolligendo tributa, pensiones & debita, quae rationabiliter eis deberentur, sed ea per expressum remisissent & remittunt, prout fecerunt aliquibus communitatibus, etiam moderni domini Cardinales centum millia Florentinis, cum quibusdam aliis, regi Apuliae tributa pro quindecim annis, & cuidam Marchioni remisissent: & ita fecerunt pluribus aliis, quibus concesserunt dari terras & castra patrimonii ecclesiae: de quorum fructibus vivere habent, & videntur quodammodo affectare occupationem dicti patrimonii, & non solutionem dictarum pensionum, & etiam tributorum: ut sub illo colore possint dictas vacantias, & alias exactiones exigere, ac per hoc collationem beneficiorum & promotionem ad praelaturas retinere: ut inde magis ab illis de clero timeantur, & universalius reverentur, & etiam honorentur, sicut de facto observant. Tum scandala propter praemissas & similes exactiones & ipsum modum exigendi in Gallis exorta sunt, eo quòd superfluis de genere illorum, qui ecclesias, monasteria & alia beneficia dotaverunt, audientes referri quòd pro pecuniis beneficia habentur in Curia Romana, & quòd propterea ruinae & praemissae beneficiorum destructiones sequebantur, querelam fecerunt fieri apud Regem Francorum eorum summum principem, in cuius Parlamento & suo consistorio, auditis quae fuerunt proposita pro parte camerae Apostolicae, & dominorum Cardinalium (quod bene sciunt aliqui ex eisdem) fuit clarè & ad plenum solenniter apertum, & evidenter monstratum, quòd nullo jure deberentur, & quòd clara simonia in modo se habendi includebatur, quae plurimum erat sibi periculosa, & ad ipsum spectabat (ut dicebant) in suo dominio reprimere tales abusus & vitiosos excessus, ne consentiendo iram Dei provocare videretur in seipsum, juxta Gregorianam epistolam Theodorico & Theoberto Francorum Regibus missam, in decretorum volumine insertam. Fuitque clarè demonstratum, quòd ultra praemissa & multa alia inconvenientia, per tales exactiones vacuabatur regnum & dominium suum, pecuniis & divitiis, quae ad nullam pietatem applicabatur, sed postmodum malos & pessimos pariebant exitus, & causabant effectus, quodque Romani Pontifices pluries fuerant moniti & requisiti, ut in his tam scandalosis & causantibus animarum damnationem providerent, & Canonicum ordinem darent, quòd facere neglexerunt. Certam igitur provisionem tunc super his rationabiliter edidit, quae per quoscunque regnicolas & in dominiis suis domiciliatos, sub divina & regia offensa fervanda est, & quando deberentur, propter tale scandalum tollendae sunt. Tum quia nec dicta provisio totaliter suffecit, quin per practicam Romanae Curiae aliqua, pecuniis intervenientibus, in dominiis suis beneficia conferrentur, & resuleret quòd prius per solennes suos ambasiatores, adjunctis nunciis notabilibus pro parte praelatorum & cleri regni sui, atque universitatis Parisiensis, destinatos ad Romanam urbem, inter cetera domino Johanni tunc in sede Apostolica & Romana sedenti proponi, eumque requiri, exhortari, & mōnieri fecit, ut tales exactiones, per quas tales abusus sequebantur, & perditio animarum, submovere curaret, & providere non tardaret. Qui verbo respondit hoc sibi placere, & totaliter submovere velle: & super hoc onerare legatum, quem destinaturus (ut dicebat) erat ad Franciam.

Et quia nulla provisio sequuta est, licet justè potuisset, ac posset juxta dicti Gregorii epistolam, & alias de jure per ipsum providere, magis mite in favorem & honorem ecclesiae volens in hoc se habere distulit, & suis ambasiatoribus & aliis pro praelatis atque clero regni sui, & Delphinatus destinatis ad praesens generale Concilium, injunxit hanc provisionem, & remedia-

Jura Ecclesiae  
acquisita, non  
gladio, sed hu-  
militate.

De

De

Johannes Pa-  
pa respondit  
Legatis Fran-  
ciae se velle  
submovere &  
auferre Anna-  
ta.



remediationem prosequi : quam multipliciter conantur quidam impedire , plus curantes de quæstu quam animarum profectu. Tum quia multiplicatum est scandalum, & causa nova adjuncta : ex eo quod dominus Johannes olim Papa, novissimè destitutus, testificatur & se publicè facit audiri : quod unum millionem & septingenta millia florenorum auri habet in diversis locis reposita, & collegium dominorum Cardinalium ad medietatem summæ tantundem præsumitur habuisse : quorum fortè major pars de Galliis processit. Quod principes, clerus & populus attendentes, magis commoventur ad exquirendum remediū : cum dictæ pecuniæ nullum profectum fecerint : sed plures arces & ecclesias macularunt, & causa destitutionis dicti Johannis atq; magni scandali. Fuit ergo talis exactio causa tollendi, ne similia futuris temporibus eveniant aut etiam contingant : & si prædicti locum non habuissent vel habere possent, sicut tamen habent, adhuc dictæ annatæ & vacantia & hujusmodi indebitæ exactiones sunt tollendæ & totaliter submovendæ : quia dant causam proximam simoniæ committendæ in Curia diversimodè, infamantq; Curiam Romanam, & infinitorum malorum dant occasionem : & sunt & fuerunt causa, quod venderentur beneficia ecclesiastica, prælatuæ & dignitates, & mercarentur. Sicut factum fuisse reperitur cum domino olim Johanne Papa : quod quamvis simoniacum non esset, sicut est, tamen turpissimum, abominabile, scandalosum valde est. Tum quia sub prætextu & colore solvendi vacantias secundum verum \* laborem & taxam antiquam prætensam , tripliciter & quadrupliciter juxta verbum quorundam dicentium, quod sicut offert juxta taxam, ita potest offerre, & dare totum valorem unius vel plurium annorum : & per hoc promoventur ambitiosi & male morigerati, illiterati, & quibus desunt alia virtutes : recurrunt ad pecunias : repelluntur literati viri virtuosii non habentes pecunias : & futurum est de proximo, quod si sicut factum est, ita continuaretur in promotionibus & beneficiorum distributionibus, studia efficerentur deserta : nullusq; curaret scire vel etiam studere : & posset inde pati fides & religio Christiana propter defectum doctrinæ, maximum detrimentum. Sunt etiam tollendæ & removendæ, quia juxta taxam prælatuæ vacantis, cui committitur inquisitio & processus, mercatur & vult limitare salarium, quod asserit sibi debitum ab illo pro quo debet relationem facere : & in securo vult habere antequam referat : prout in hac venerabili natione Gallicana per egregium dominum Paulum doctorem alterius nationis conquirodo fuit notabiliter propositum : & aliquantulum casus unus apertus : videlicet, quod quia tunc erat conventum cum Papa aliquem debere solvere tria millia : quia relationem facere pro vacantia debebat : volebat habere trecentos, quos oportebat detrachere de prædicta summa : eo quod promovendus nihil plus habebat : & tunc Papa de suo proprio solvit quinquaginta, & C. procuravit pars propria : & sic pro quolibet milliario habuit quinquaginta : si sit simoniacum, judicent audientes. Idem facit notarius, qui scribit in processu : scutifer Papa, & scutifer domini Cardinalis referentis : qui de more mittuntur ad promotum, ut plurimum ad intimandum suam promotionem : qui sua salaria dicunt esse limitanda secundum quantitatem vacantiarum, & idem trium portarum ostiarii, & quamplures alii consimiles, qui non exprimuntur de præsentī. Tum quia promotus in Curia propter tales angarias cogitur esse passivè usurarius, & intrare manus mercatorum : qui pro quingentis mutuatis volunt habere & recuperare mille cum suo interesse : quod clarè expertum est : & adhuc cogitur fieri simonia, propter hujusmodi maculatas exactiones : eo quod oportet secundum limitationem taxæ pro jure sacrae vel benedictionis munere realiter pecunias solvere : quod abhorrendum est. Tum quia etiam hujusmodi vacantiarum insurrexit quædam turpissima venalitas : eo quod licet fuerit commissum pro aliquo notabili promovendo ad prælaturam vacantem, quantumcunque notabilis & sufficiens fuerit : nihilominus pro omnibus aliis volentibus concurrere similiter committetur : & quandoque eidem commissario, quandoque diversis, & qui melius solvere vacantias poterit, & se commissario gratum reddere, & apud camplores, quibus pecuniæ sunt numerandæ, de solvendo certos & cautos facere, ille sufficientior est, & præfertur aliis secundum modum quandoque observatum. Et inde sequuta sunt scandala diversa, ut taceamus illa. Rursusque quia cum propter retinere solutionem vacantiarum, & aliarum exactionum hujusmodi decimæ & subsidia charitativa quandoque inducantur : venundatus est clerus, & libertas ecclesiastica sublata & totaliter remissa : & est data & concessa Principibus & comitatibus participatio in hujusmodi exactionibus : ne contradicerent, & nullatenus clero assisterent : & ut ex eo per brachium secularè possent facere exigi : & ultra illa tributa alia & exactiones aliquibus concessa sunt super clero : ita quod in plerisque dominiis facti sunt prælati, clerus, & quicunque religiosi deterioris conditionis quam laici : quod fortè Papa facere non potuit, neque potest : cum sit in subversionem & turbationem universalis status ecclesiastici, absolvere privilegia & libertates eorum, qui servare ea habent, ut in pace & quiete Deo valeant famulari, & iram Dei populo placare. Præmissis igitur

Maximum & obsequium annatarum gravamen.

\* Ita est etiam in Lydio, sed videtur debuisse esse valorem.

Interesse Mercatorum.

Artes Romanas emungendi clericos pecunia, novit ad unguem hic author, easq; in tul gratiam retinet, qui nihil Romæ nisi sanctitatem esse, stultè credis.

cur

tur omnibus stantibus dicere eas debitas, & exigere posse (ut praefertur) & pertinaciter hoc tenere, esset forte haereticum & periculosum valde.

Ex ipsis igitur & quibuldam aliis de praesenti non expressis, & ex causa & resultantibus ex eis & parte eorum, quae sufficere ad hoc poterant & possunt, conclusit rationabiliter & de jure hac venerabilis natio, & supposita ejusdem matura deliberatione praehabita, dictas annatas sive vacantias, & quas appellant communia & minuta servitia de praesenti, & de praeterito, nec aliquo tempore, nec continuari, nec per modum tributi seu debiti imponi posse monasteriis vel ecclesiis aut beneficiis seu personis ecclesiasticis, non esse debitas: & quatenus de facto, praetextu eorum qui praeterierunt nullus conaretur eas exigere vel levare, totaliter esse tollendas, & resistendum. Modò ad causas & rationes, quibus nitiur justificare & confirmare suam appellationem interpositam praefatus de Scribanis, & qui ea composuerunt, & sibi adherentes, restat respondere. Inprimis enim dicit idem de Scribanis fuisse deliberatum in natione, procedendum esse in arduis per secretum scrutinium: & ita fuisse practicum, &c. Respondetur, quòd in actibus particularibus, de quibus actum est, quod per secretum scrutinium fieret deliberatio, ita observatum est. In aliis vero, in quibus specialiter actum non est, nequaquam: quia repugnant honestati Concilii & plenariae libertati. Et quando ita ordinatum fuisset, non esset substantiale formae, nec Decretum irritans in contrarium. Et quia nationes singulae deliberant apud se, quae videntur eis utilia, vel necessaria, sine aliorum convenientia: sicut factum fuit de procedendo in causis praecedentibus, & committendis superveniens in Curia sede vacante, quod non est de jure: in quo deliberatum fuit, & etiam conclusum in quibusdam nationibus, antequam fuisset datum verbum in natione Gallicana: quae quidè natio constringi non debet: nec plus ancillari ceteris nationibus: & ultra quodquòs fuit actum, ut in actibus certis per secretum scrutinium deliberaretur, in quo fuit solenniter & debite oppositum: quare superfluo fundat se, & nulliter praefatus de Scribanis. Cui dicit ultra in ordine idem de Scribanis, appellans, quòd materiae in nationibus deliberandae primò deferri debent ad deputatos quatuor nationum: Respondetur, ita factum fuisse, ut dictum est, & quando non esset factum, substantiale non est. Cum dicit idè appellans esse Papae subveniendum ab inferioribus ecclesiis, quas asserit descendisse à Roma, &c. Respondetur, quòd quilibet episcopus debet certos suos habere redditus pro donatione & sustentatione sua sive episcopi, sicut habet episcopus Romanus, quae sufficere & sufficere possunt cum industria, & alia quae extraordinarie superveniunt. Nam Apostolus ex industria quarebat sibi victum, ne quibus ministrabat, esset nimium onerosus: & si non sufficiant redditus episcopi Romani de praesenti, primò habet requirere subsidium à clero suae civitatis & dioecesis, deinde suae provinciae, & per modum subsidii charitativi temporalis, & non perpetui census, & postmodum ab aliis ecclesiis immediate subditis potest subsidium benigne implorare, quae causa necessaria supposita expressaq; & vera honestè non possunt denegare ad tempus. Nec tunc forte venit exactio subventionis, respectu datae temporalitatis pro fundatorum ecclesiis, ut certum onus supportetur, aut aliquid aliud fiat secundum eorum ordinationem, ne frustrentur ordinatione & intentione eorum: sed tantum respectu eorum quae proveniunt ratione spiritualitatis, & dotis constitutae à jure, ut sunt decimae, oblationes, portio Canonica mortuorum & similia. Quòd autem Ecclesiae aliae descenderint à Roma, praecessit Ecclesia Graeca, in qua primò sedet Petrus Antiochia, & Jacobus Hierosolymis, & fuerunt aliqua quae contendeant de pari; & quae praecesserunt, ab ea non videntur descendisse: veruntamen ab omnibus recognoscitur, tanquam suprema domina & magistra omnium propter virtutes & merita eorum qui praesuerunt in ea, cujus ultima non correspondent primis. Subjunctum postmodum praefatus appellans, quòd subveniendum est dominis Cardinalibus, qui coadjutores sunt Papae, &c. sicut dicit. Respondetur, quòd domini Cardinales duplicem habent statum primum: cujus retinent titulum & principales dignitates in collegiatis ecclesiis in Curia Romana obtinent, vel sunt curati parochialium ecclesiarum ejusdem: & illo respectu dicuntur Cardinales, id est, Principales: quod non competit eis specialiter: sed multae sunt ecclesiae sicut Ravennatenae, quae obtinentes dignitates, in ea nominantur Cardinales, & ita est in pluribus aliis ecclesiis, in diversis regnis & provinciis: & ex ista praesenti institutione eorundem primum officium fuit & est, & esse debet, confessiones audire, praedicare & etiam baptizare, &c. quoad presbyteros. Episcopi vero Cardinales haec habent facere & exercere in suis dioecesium: & isti de suis titulis, & eorum emolumentis isto respectu debent & tenentur contentari, sicut alii de clero in singulis dioecesium. Et si non valeant quantum valuerunt, limitent expensas, vel petant sibi provideri debere, & per modum Canonici.

Et ille status fuit in charitate fundatus, & valde humilis & benignus. Alium statum assumpserunt quando Constantinus imperii occidentale contulit ecclesiae Romanae, quae voluit habere se-

Conclusio n. rioris Gallicanae de non solvendis annatis.

Episcopus Romanus, à quibus debeat quareste subsidium.

Ecclesia Graeca praecessit Romanam.

Cardinales sunt in duplici statu primo.

\* Teste Laurentio Vallia, ut supra pag. 132.



Cardinales  
sine contenti  
primo statu.

natum, & quod senatores vestibus, honore & ornatu decorarentur, qui statum illum representarent. Et illum tenent & representant domini Cardinales (ut dicit Innocentius) quorum officium est principi consulere sc. Papæ, sicut consulebant principi temporali. Sciens Constantinus ecclesiam non posse onera talis status sustinere, nec expensas sustinere, & quod statum eorum propter hoc nollet admittere, nisi aliter provideret, contulit & dedit eis patrimonium & temporalia pro statu eorum. Quod postmodum augmentatum, & si illud occupatum fuerit, culpa & negligentia eorum factum est: sicut supra dictum est. Ideo recuperent vel sint contenti eorum primo statu, cum status eorum sit nimium ecclesiæ onerosus: & non est necessarius, sicut prætendunt multi, maxime cum tanto ecclesiæ onere. Quod enim domini Cardinales sunt Papæ Coadiutores, sicut dicit qui appellat, nihil est, super falso se fundat, quia Episcopi sunt Papæ coadiutores, & supra Cardinales de iure: Cardinales verò sunt tantummodo Papæ consultores: Et patet, quia dudum Cardinales qui bene servierant, in eorum remunerationem, & pro quiete ipsorum promovebantur ad Cathedralis Ecclesias. Patet etiam quod majores esse videantur Cardinalibus: quia cum florebat temporalitas eis data, ecclesia & generale Concilium statum eorum limitavit ad vigintiquinq; familiares tantum: episcoporum verò ad triginta, quos tamen contemnunt hodie: & per violentiam eos & alios de clero opprimere conantur: atq; volunt sibi facere tributarios, & eos faciunt vi familiariter servire: nec pro quocunq; prælato etiam prono adorante eos in terra, ponerent manum ad capellum & salutarerent eum. Quod nunquam aliquis Rex, aut princeps fecit, neq; hodie permetteret, cum immediate recipiant episcopi potestatem & dignitatem à Christo: Domini verò Cardinales ab homine, quoad statum assumptum senatorum dictum & futurum est, atq; necessarium in statu eorum providere, ut certus constitutur numerus, statusq; eorum limitetur: decernendo quod fierent tantummodo temporales, sicut aliqui dixerunt: & in quolibet generali Concilio qui bene se habuissent, confirmarentur, qui verò male, eradicarentur, & domos suas remitterentur. Cum ulterius subjungit appellans, quod Papa & Cardinales sunt in possessione percipiendi à prælatis annatas, præsertim in dominio Regis Franciæ, Respondetur prout supra, & ultra, quod nullus unquam competiit titulus percipiendi, & si aliquando perceperunt, hoc fuit per modum permissivæ facultatis & benignæ tolerantia, quæ secundum Innocentium, & quoscunque doctores, potest revocari quandocunq;. Et est mirum literatos talia pro fundamento allegare, quod à cætero sufferre non intendunt: quia quandocunq; esset eis aliter subveniendum, contribuendum, esset æqualiter per nationes & provincias, & talis provisio annatarum nimium esset excessiva. Nam taxa vacantiarum secundum quod descriptum est in libris cameræ Apostolicæ, de ecclesiis Cathedralibus & Abbatibus Galliarum taxatis, ascendit ad sexcenta nonaginta septem millia septingenta quinquaginta Francorum, sine prælaturis, quas non taxant & aliis inferioribus dignitatibus & beneficiis, quæ sere ad tantundem ascendunt, quæ summa prima sex annos (velut clarè demonstraretur) integraliter solvitur: & singulis annis divisa ascenderet ad ducenta millia, prælaturis & aliis minoribus beneficiis adjunctis. Quod si in singulis nationibus tantundem reciperetur & haberetur, ascenderet summa, & esset in universo sex milliones nongenta septuaginta septem millia & quingenti floreni: quod esset excessivum valde, etiam quando non solveretur, nisi tota in decennio & ultra, domini Cardinales moderni obtinerent in Galliis sex Cathedralis ecclesias, & alias dignitates, ac alia beneficia, de quo deberent contentari sine tanto questu vacantiarum, & recurrere ad alias nationes: tantundem eis facerent, quod esset rationabilius: quando omnes, Italica, Germanica, Hispanica & Anglica nationes tantum facerent eis, essent ad minus trecenta & quinquaginta annis singulis. Detrahunt enim & obloquuntur venerabili nationi Gallicanæ, quæ sola plus facit quam totum residuum, & sustinet pondus & æstus diei. Quod autem communia servitia, sicut dixit appellans, deberentur propter servitium, quod communitati & Reipublicæ impendit Papa & Cardinales, &c. Respondetur, quod Papa administrans iustitiam & regnans ad ædificationem ecclesiæ & salutem animarum, & non propter ipsum servit quamplurimum: & tali serviendum esset etiam realiter quoad dominos Cardinales: si non debeatur eis nisi quia serviunt: quamplures ex eis de nihilo serviunt, imò nocent & officiunt superfedendo ab expressione causarii, quæ suo tempore locū habere poterunt. Quando ulterius subjungit appellans, quod sine vacantibus vivere non possunt, attrito quod patrimonium ecclesiæ propter schisma & malū regimē ecclesiæ Rōanæ & præsidium in ea, est occupatum, &c. allegat suā turpitudinē, & devorantibus substantiā suā nō est dandus recursus ad alienas: & qui præfederunt in Rōana ecclesiā, fuerunt Cardinales, & de illo statu assumpti: & eos qui præfuerunt, elegerunt domini Cardinales etiā qui sunt moderni, & præsumuntur elegisse meliores: qui, ut confitetur appellans, & sibi adherentes totum destruxerunt. Imputent ergo sibi ipsi. Et cum ulterius appellans dicit, quod si removerentur vacantia, Cardinales Reip. serviētes, non haberent unde viverēt, &c. sic eas non debere

Summa exactionis in Gallia plane stipenda.

Communia servitia quantum debeantur Papæ.

Objectiones dantur.

bere solvere, nimia levitate fuit conclusum in natione Gallicana. Respondetur, quod ex supradictis potest apparere, si nimia levitate vel digesta deliberatione processit conclusio, & si nimia cupiditate conetur eam impedire. Procedendo ulterius dicit idem appellans, quod procurantes fieri dictam conclusionem erant debitores cameræ apostolicæ. Respondetur, quod si debitores reputet propter vacantias quas asserit debitas, patet per supradicta non esse debitores, nec etiam debitas, nec esse solvendum, si ex alia causa dicat eos debitores, iustificat actum. Quod sede apostolica vacante, sicut dicit idem appellans, nihil sit innovandum, &c. Respondetur, quod nihil innovatur, sed quod est vitiosum, scandalosumque & indebitum, tale esse declaratur & declarari petitur. Quando ulterius progreditur idem appellans, ostendens, quod inconsultis aliis nationibus, ad conclusionem natio Gallicana processit, &c. Respondetur, quod per medium deputatorum aliarum nationum, quæ omnes consenserunt quod de præterito tollenda essent, consultæ satis nationes videntur, & quod super illis natio Gallicana deliberaret, omnes seiverunt nationes, & etiam domini Cardinales ultra deliberationem, motiva & conclusionem suam voluerunt communicare aliis nationibus ad effectum concurrentiæ & provisionis danda. Quod domini Cardinales per exquisita media impederunt, & inter nationes non est quæ tantum fuerit gravata sicut Gallicana in istis exactionibus, & propterea magis sollicita esse debet. Et constat, quia in Anglia nihil percipit, nisi de episcopatibus (qui sunt pauci) Camera vel domini Cardinales. Nec patenterent, quod interea Cardinales obtinerent beneficia, & in certis regnis Hispaniarum ordinatum est, quod Camera nihil totaliter recipiat. In Italia verò, beneficia, prælaturæ, & dignitates modici sunt valoris, & cum hoc domini temporales & communitates prohibent, quando videtur eis atque placet, quod dicta Camera nihil recipiat, & novissime communitas Florentina papæ Johanni, qui tunc erat, & dominis Cardinalibus in eorum civitate existentibus, propter unicum abusum quem papa commisit in conferendo unam Abbatiam, sitam in eorum dominio, privaverunt papam potestate conferendi beneficia in eorum dominio usque ad quinque annos, nec tunc appellaverunt, & tamen per hoc perdunt fructus Annatarum. In Alemania in certis diocesisbus & provinciis percipit aliquid, in aliis verò nihil, imò nec admittuntur literæ apostolicæ, nisi quantum placet episcopis, qui recusant in denegando vidimus, & propterea Gallia, quia nimium grata fuit & obediit, nimium gravata est, & adhuc opprobriis laceratur. Quando verò subiungit sepe dictus appellans, quod minis & terroribus & certorum principum voluntatibus allegatis fuerunt impediti volentes deliberare, &c. Respondetur, quod (sicut dictum est) ad opprobria & injurias prorupit appellans, sibiq; adherentes, & appellationis compositio ad intelligendum, & est falsum quod asserit, sed domini Cardinales fuerunt illi qui incutiebant terrores & inferebant minas, atque dicebant injurias prælatis & aliis notabilibus viris nationis Gallicanæ, & eorum familiaribus cum nimia austeritate, ut libere non auderent quod conscientia diceret super illis exprimere, & aliquibus dixerunt, quod inquireretur contra eos ad finem destinationis eorum status. Alii dixerunt injurias, aliis vero spem dabant promotionis, & exaltationis status, de quo adhuc confidunt aliqui, & familiares suos venire faciebant ad nationem Gallicanam ad vociferandum & clamandum (sicut de facto fecerunt) ad deliberationem impediendum, & ultra videntes non posse impedire deliberationem quæ fiebat, ad invicem congregati omnes protonotarios, auditores palatii, scriptores, notarios, cursores & quoscunque alios etiam mechanicos Romanam curiam sequentes, convocaverunt, & ad se venire fecerunt, & cum gemitibus eis dixerunt, quod natio Gallicana per se sola præsumebat destruere velle statum papæ & Cardinalium, protonotariorumque, Cameræ clericorum, Cameræ audicorum, plurium scriptorum, notariorum, advocatorum, cursorum, cæterorum quorumcunque Romanam curiam sequentium, & ipsam Romanam curiam incitavit loquendo quod oportebat se illis opponere, & ad contrarium laborare, & conclusionem receptam de non solvendo vacantiis facere per media, ut non admittatur per alias nationes, & fuit dubium & etiam periculum de magna commotione contra natos de Gallis. Nec talia attentaverunt, quando natio Anglicana & eorum Rex Illustris interdixit tales exactiones nolle plus sustinere in regno suo Angliæ, & videntes propter hoc non posse proficere, quia rationabile est quod petitur, & irrationabile quod impedire conantur, converterunt se ad appellationes, & unam interposuerunt nominibus suis, & aliam interponi fecerunt per dictum de Scribanis, aliam verò per magistrum Johannem Poncetum eorum promotorem & clericum. Per tales appellationes & oppositiones volentes impedire & illiberrare dicentes vota sua, & in predicationibus publicis materiam procuraverunt ad intentum eorum, & per verba magistralia notaverunt non sibi propitium esse, quod bene fuit intentum. Quare quod imponitur aliis, apud semetipsum & sibi adherentes quærat appellans. Quando enim subiunxit idem appellans, quod ad dictam questionem processum est sine prius procedendo dominis Cardinalibus, & in hoc natio Gallicana non sufficienter consulta, fore tollendas

Gallicana natio omnium maxime est gravata est.

\* Ain verò tu [Argia nihil nisi?] inolerabilis erat vel hac summa. Hispania. Italia.



A'cmunia.



Rex Angliæ & ejus nationis exactiones Curie Romanæ ejecerunt longe ante Reformationem.

Prædicationes publicas tollerant ad suos affectus.



Distit obje-  
cta.

dictas Annatas & vacantias conclusit, &c. Respondetur, quod quoad ipsam nationem satis late & ample provisum est dominis Cardinalibus de sexaginta ad septuaginta millia, ut supra dictum: & consultius concludit, & mirum est quod tanto tempore toleravit. Cum ulterius dicit idem appellans, quod de laudabili consuetudine protectio & tutio Romanæ curiæ cameræ, sede apostolica vacante, ad Cardinales spectat, qui non fuerunt requisiti in dicta conclusione, &c. Respondetur, quod bene facit allegare consuetudinem pro titulo putativo; quia de jure est eis interdictum, ne de factis cameræ in aliquo se intromittant, sede apostolica vacante: & si qua sit consuetudo occulta & totaliter ignota, nec debuerunt vocari nec requiri. Conclusio est nationis quoad nationem, quæ respectu aliarum nationum est consultiva, & quoad totum Concilium est querelosa, quam Concilio intendunt insinuare, & apud ipsum prosequi, ut remediatur in eis, ut redeunt ad propria suis principibus, prælatis & clero, qui ibi reminent, & de cæteris, de populo, possint referre diligentiam quam fecerunt, ne videantur consensum præbuisse, nec acquiescere tolerationi abusive in prædictarum vacantiarum præstatione, ut si Concilium provisionem non dederit, constet quod per eos non steterit. Progrediendo ulterius, dicit idem appellans, quod domini Cardinales sunt causa unionis, &c. Respondetur quod utinam ita esset, quod de præterito non fecerunt, nec usque nunc est factum: quid fiet, videbitur postea. Nec quoad hoc etiam præsumitur, quæ in facto consistunt etiam de præsentibus. Cum dicit ulterius ille idem appellans, quod removere vacantias est subversio totius ordinis clericalis, &c. Respondetur, quod de inordinato & vitioso ordine vellet facere ordinem ad ipsius commodum, nec curaret de nutrimento peccati, nec de quocunque scandalo, dummodo affluat aurum & pecunia. Si debeat subverti ordo clericalis propter tollere vacantias, potest videri ex præcedentibus. Ulterius præfatus de Scribanis dicit, quod attestari simoniam intervenire in solutione eorum, est venire contra vota plurium Conciliorum, &c. Respondetur, quod nunquam in aliquo generali Concilio fuit ordinatum, quod quis posset recipere pecunias ut spiritualia aut beneficium conferat, vel aliquid eligat ad dignitates & prælaturas, sed bene jure divino canonico & civili, & per generalia Concilia reperiuntur prohibita, quæ etiam damnant actum & consuetudinem. Quando ulterius progreditur contra claram rei veritatem & ipsius conscientiam, videlicet quod solutio istarum vacantiarum est onus reale, nec in hoc versatur aliqua obligatio personalis, cum per illam maneat officii obligatum, & non persona. Respondetur, quod mirabiliter iustificat actum ex istis appellationibus, sicut supra dictum est: clarum est, quod literæ promotionis haberi non possunt, donec obtulerit quod petitur ab eo, seq. monasterium, & ecclesiam obligaverit; nec alio exigitur modo, quin ista obligatio sit personalis, aut jura omnia fallunt, aut est personalis. Nec potest esse realis, quia per obligationem, quam fecit de monasterio, vel ecclesia, non est hypotheca: quia dominus non est, & quia non possidet tempore obligationis, & quia non vergit in utilitatem ecclesiæ vel monasterii, & quia etiam turpi causa, & quia sine consensu conventus vel capituli, & quia tempore foundationis non fuit tale impositum, nec potest, per consensum illorum qui consentire habent & necessariò. Aliter non potest esse reale, & quando esset hypotheca, adhuc discuteretur primò persona, quæ antea fuerat obligata. Quod mutata persona remaneat onus supra ecclesiam vel monasterium quod dimittit, non est verum: nisi quantum per porrectionem dictarum literarum eum obligare faciunt ad solvendum, in quo obligatus reperitur fuisse antecessor, & sic possunt exigere ab utroque totum debitum quando volunt. Et quod hoc sit verum, patet per formam obligationis, quam servant in talibus in camera apostolica etiam domini Cardinales, quæ talis est. Primò rubricat forma obligationis Patriarchæ, Archiepiscopi, vel Episcopi, aut electi, quando in propria forma sequitur. V O S domine patriarcha, archiepiscopo, episcopo aut electe de licentia & autoritate apostolica vobis in hac parte concessa gratis & sponte offeritis, dare promittitis & donatis pro vestro communi servitio cameræ sanctissimi in Christo patris & Domini, Domini &c. Alexandri Papæ quinti, & sacro collegio reverendissimorum in Christo patrum dominorum sanctæ Romanæ ecclesiæ Cardinalium videlicet, &c. floren. auri de camera boni & legitimi ponderis, & quinque servitia consueta pro familiaribus & officialibus domini nostri Papæ, & dominorum Cardinalium prædictorum. Item recognoscitis eisdem cameræ & collegio ac familiaribus & officialibus omnes illas pecuniarum quantitates, in quibus prædicta vestra ecclesia in libris ipsorum cameræ & collegii per aliquod prædecessorum vestrorum personas obligata est. Quos quidem florenos cum quinque servitiis & recognitis prædictis, promittitis reddere & solvere realiter cum effectu in Romana curia, ubicumque fuerit, videlicet reverendissimis in Christo patribus & dominis, dominis miseratione divina Henrico episcopo Sabini & Amedeo sanctæ Mariæ novæ diacon. Neapolitan. & de salutis vulgariter nuncupatis, sanctæ Rom. ecclesiæ Cardinalibus, & Franciscis miseratione eadem archiepiscopo Narbon. domini nostri Papæ & sacri collegii Cardinalium camerario, vel eorum successoribus vel deputatis ab eis, medietatem sc. in festo, &c. & aliam medietatem

Forma obligatio-  
nis Ar-  
chiepiscopi,  
Episcopi, &c.

15



dietatem in festo, &c. recognita verò in alio simili festo, &c. Quod si debita loco & terminis, dictam floren. summam & quinq; servitia consueta, & recognita supradicta non solvatis, ut est dictum, promittatis redire ad Romanam curiam infra quatuor menses, post elapsos terminos hujusmodi vel alterum eorundem immediatè sequentem, & coram dictis dominis camerariis, seu eorum successoribus aut deputatis ab eis, personaliter comparere, & inde non recedere, donec per vos fuerit de prædictis integraliter satisfactum, super hoc obligatis vos vel ecclesiam vestram, & successores vestros, ac omnia bona ecclesiæ vestræ mobilia & immobilia, præsentia & futura, ubicunq; sint & consistant. Et ut sitis vinculo fortioris obligationis alstricti, submittitis vos, quod successores vestros jurisdictioni & coercioni dictorum dominorum camerariorum, & cujuscunq; eorum insolidum, ac etiam successorum suorum & deputandorum ab eis, & de voluntatè vestra qui hoc vultis, & petitis, & hanc jurisdictionem in eos porrigitis, præfati domini camerarii, & quilibet eorum eandem jurisdictionem in se suscipientes, & suscipiens in loco mandatum faciunt & præceptum, ut de re confessata de solvendo dictam florenorum summam, & quinq; servitia ac recognita supradicta, de reveniendo ad Romanam curiam, & de non recedendo ab ea absq; satisfactione, & quod omnia alia & singula supradicta efficaciter compleatis & attendatis, quod si non feceritis suspensionem, aliis administrationem spiritualium & temporalium dictæ ecclesiæ, & ab exequutione pontificalium & majoris excommunicationis sententias exnunc prout extunc, in vos canonica monitione præmissa proferunt in his scriptis, comminantes nihilominus dicti camerarii, & quilibet eorum, se contra vos dictum dominum patriarcham, archiepiscopum, episcopum vel electum, processuros & processurum, absq; alia vocatione seu monitione, ac graviore poenas & sententias spirituales & temporales & aggravationes earum, prout eis seu eorum alteri placuerit, seu visum fuerit expedire, & quod vos denunciabunt & denunciari facient per se vel per alium seu alios excommunicatum, suspensionem, perjurum, & aliis poenis & sententiis alstrictum, quas propter hoc in vos duxerint proferendas. Et VOS domine patriarcha, archiepiscopo, episcopo vel electe renunciatis super his omnibus literis, privilegiis, indulgentiis apostolicis impetratis, vel impetrandis, concessis, vel concedendis quibuscunq; & beneficio appellationis & restitutionis in integrum, ac omni foro, usui, præscriptioni & juri revocandi donum, & omni auxilio juris canonici & civilis, per quod contra præmissa de jure vel de facto venire possitis, vel aliquod præmissorum. Et omnia præmissa juratis ad sancta Dei Evangelia tenere, servare, approbare, & in contrarium non venire directè vel indirectè per vos vel alium vel alios. Si verò ante satisfactionem hujusmodi vos contingat mori, cedere vel transferri, & ille vel illi, qui ad regimen ipsius ecclesiæ vobis substitutus vel substituti fuerint, infra quatuor menses post substitutionem & dictæ ecclesiæ possessionem adeptam, de floren. & servitiis & recognitis satisfacere non curaverit seu curaverint, exnunc prout extunc eandem poenas & sententias in eosdem substitutos, & eorum quemlibet insilunt, & proferunt in his scriptis, prout dictum est & narratum autoritate dictorum dominorum meorum Cardinalium, & nostra proferimus in his scriptis, & vos dominum patriarcham, archiepiscopum, episcopum vel electum, volentem, petentem & requirentem ad prædicta recitata, condemnamus, & nihilominus monemus vos semel, secundò, tertio & peremptoriè ac sub excommunicationis poena, ut prædicta adimpleatis, attendatis & observetis, alioquin excommunicationis sententiam in vos proferimus in his scriptis. Et vos domine patriarcha, archiepiscopo, episcopo, vel electe, vultis quòd per nos clericos vel notarios cameræ, qui sumus hic præsentés de præmissis omnibus & singulis, fiant unum vel plura publica instrumenta.

Attende  
quanta hæc  
servitus &  
Episcoporum  
oppressio!

Jurant ad  
sancta Dei  
Evangelia.

Si hæc & hu-  
jus nodi non

arguant statum Ecclesiæ corruptissimum ex auri sacra fame, fieri non potest ut quidvis suam integritatem amittat.

## SIMILES FORMÆ PRO EISDEM, quando fit per Procuratores, & ibidem pro Abbatibus.

**E**T sic per tenorem dictæ obligationis constat, quòd non est reale, sed violentum personale, sicut supra dictum est, eò quòd per literarum retentionem ad hoc compelluntur. Et licet composuerint formam aptiori modo quo potuerunt ad justificantum & colorandum factum suum, veruntamen reprobanda est & vitiosa valdè, & propterea super his obligationibus nunquam voluerunt grossare instrumentum, nec copiam obligationis dare. Peccant in quinque vel quatuor substantialibus secundum formam juris, quod per quemlibet intelligentem potest clarè intueri; nec etiam Cardinales aut eorum præfatus camerarius unquam habuerunt jurisdictionem, nec habent potestatem ad hoc, quam prætendunt. Cum dicit ulterius idem de Scribanis appellans, quòd atten-

Resumptio  
argumenti.

tis conventionibus per Regem Romanorum & Petrum de Luna factis, videlicet nihil debet innovari, cum per hoc posset impediiri unio ecclesiæ; cum sit in vilipendium totius Christianitatis removere vacantias, &c. Responderetur, quod removere causam quæ præstat & occasione dat peccati, & damnationis animarum, per quam etiam parantur scandala & fiunt, per quam destruantur ecclesiæ, & universaliter personæ ecclesiasticæ opprimuntur, & stant in errore, intentioq; fundatorum ecclesiarum & beneficiorum fraudatur, & per quam opera pietatis impediuntur & iustitia læditur, est adornare Christianitatem, & eam in devotione conservare. Nec per hoc fit innovatio vel immutatio contra promissum vel conventum, & quando hæc facta non essent aut fierent, Romanorum Rex Illustrissimus, & omnes alii Reges, & quicumque Christiani, haberent increpare totum generale Concilium, quod mora in huiusmodi data fuisset, & ultra, quod citius venient qui obediunt Petro de Luna, de quo modica spes quod voluntariè aliquid boni faciat, & facilius propter hoc inclinabuntur ad recedendum ab ejus obediètia. Subjungit quod ex illis appellabat ad sedem apostolicam, & summum pontificem futurum, & apostolos petit, &c. omittens Concilium generale fraudulentè. Non dubium, quod deberet esse iudex competens in causa huiusmodi, & quod sedet de præsentì, & ad eum potest haberi recursus faciliè, & appellando ad Papam tantum facit causâ diffugii: nec Papa videretur iudex competens, eò quod sit pars formata, & ejus camera apostolica, & Concilio Cardinalium in hoc uteretur, qui affectum quem habent, ostendunt. Ideo ex præmissis & resultantibus ex eis tam conjunctim quam divisim, appellationem dicti de Scribanis, neque aliam interpositam nomine dictorum dominorum Cardinalium & eorum collegii, nec aliam interpositam per magistrum Johannem Poncetum, seu quoscumq; alios in materia huiusmodi, & ipsius occasione, hæc venerabilis natio Gallicana propter hoc solenniter congregata, matura deliberatione habitâ, non ducit admittendum; nec eos admittit appellantes, nec eorum frivolis appellationibus, vel alteri earum esse deferendum, neque desert. Parata eadem venerabilis natio & se offerens, velle respondere plenius ac singulariter singulis causis, ex quibus causantur & iustificare nituntur dicti domini Cardinales & dictus Poncetum, appellans per eos, suis nominibus interpositis, quarum copiam etiam facta debita diligentia habere non potuit: quandocunque dabitur ei vel habere poterit. Protestando etiam de specificatione quorundam aliorum hic non expressorum. Hanc responsionem eisdem de Scribanis, procuratorique collegii dominorum Cardinalium, & ipsis dominis Cardinalibus ac præfato pontifici singulariter singulis, ac quibuscunque suis adherentibus, & adherere eis volentibus conjunctim & divisim pro apostolis ad quos teneri posset, dans & eis faciens & præfatus ejusdem nationis, de consensu & mandato totius nationis. Protestans eadè venerabilis natio, & præfatus ac singula supposita ejus, maxime & specialiter destinati, pro parte prælatorum atq; cleri Galliarum, ad hoc generale Concilium de proseguendo eorum receptam conclusionem apud præfens generale Concilium, & ubicumq; de jure debite poterit & licebit, & de eadem referendo, intimandoque, & scribendo Serenissimo principi Francorum Regi, & germano suo Regi Siciliae Ludovico nominato, illustri duci Aquitanie, primogenito Regis Francorum illustrissimo, cæterisque ducibus & comitibus & baronibus Galliarum, præfatis ac illis de clero qui in partibus remanserunt nobilibus, & illis de populo omnium Galliarum ad ipsorum excusationem & exonerationem, & ad debitam provisionem consequendam, &c.

F I N I S.

## † CONSTITUTIO SACRI BASILIEN. CONCILII SUPER Annatis, in sessione vigesimâ primâ.

**S**acrofancta generalis synodus Basilien. in Spiritu Sancto legitime congregata, universalem ecclesiam repræsentans. Ad perpetuam rei memoriam in nomine Spiritus paracleti statuit hæc sancta synodus, quod tam in curia Rom. quam alibi, pro seu in confirmatione electionum, admissione postulationum, præsentationum provisione, collatione, dispositione, electione, postulatione, præsentatione, etiam à laicis faciendi, institutione, installatione, & investitura de ecclesiis etiam cathedralibus & metropolitans, monasteriis, dignitatibus, beneficiis, officiisque ecclesiasticis quibuscunque, necnon ordinibus, sacra & benedictione ac pallio: de cætero nihil penitus ante vel post exigatur ratione literarum, bullæ, sigilli, Annatarum, communium & minorum servitorum, primorum fructuum, deportatum, aut sub quocumq; alio titulo, colore vel nomine, prætextu cujuscunque consuetudinis, privilegii vel statuti, aut alia quavis causa vel occasione directè

directè vel indirectè, solum scriptoribus abbreviatoribusque, & registratoribus literarum seu minutarum pro ipsorum labore competenti salario persolvendo. Huic autem sacro canonis si quis exigendo, dando, vel promittendo contraire præsumperit, poenam incurrat adversus simoniacos inflictam, ac in ipsis dignitatibus & beneficiis taliter obtentis, nullum jus aut titulum acquirat, obligationes quoque, promissiones, censuræ ac mandata, & quicquid in præjudicium Decreti hujus saluberrimi fieri contingeret, nullas obtinere vires atque irrita censeantur. Et si (quod absit) Romanus Pontifex, qui præ cæteris universalium Conciliorum exequi & custodire canones debet, adversus hanc sanctionem aliquid faciendo, ecclesiam scandalizet, generali Concilio deferatur. Cæteri verò pro modo culpæ juxta canonicas sanctiones per suos superiores dignâ ultione puniantur.

Romanus  
pontifex præ  
cæteris custodiat canones.

F I N I S.

## ARRESTUM CURIÆ PARLAMENTI

Parisien. super Annatis non solvendis.

**C**arolus Dei gratia Francorum Rex, universis præsentibus literas inspecturis salutem. Notum facimus, quod cum nuper pro parte quamplurimorum numero grandi regni nostri prælatorum, Parisiis tunc existentium, necnon filiarum nostrarum dilectarum Universitatis studii Parisiensis nobis querulosè fuisset expositum, quod ecclesiæ nostrorum prædicti regni & Delphinatus Viennensis pro magnitudine gravium exactionum & onerum eisdem ecclesiis tam per Benedictum Papam XIII. quam suos antecessores contra communis dispositionem juris impositarum, oppressæ atque in tantum gravatæ hæcenus fuerant & erant, quod eadem in magnam pateriem ac ruinam corruerant, & in desolationem undequaque vergebant, nisi per nos de remedio sublevarentur. Finantiæ etiam super iisdem ecclesiis exactæ de eodem regno nostro in magnum & irreparabile reipub. regni ejusdem nostri præjudicium exportabantur à nobis, quibus ecclesiam, præsertim supradictorum regni & Delphinatus nostrorum ab omni oppressione præservare incumbebat, & unde specialiter stricti & obligati Deo creatori nostro rationem eramus reddituri, humiliter supplicando, quatenus ecclesiis memoratis super præmissis exactionibus & gravaminibus eas cessare faciendo providere dignaremur, ut ministri & aliæ ecclesiasticæ personæ divinis insistentes & famulantes, vivere, ecclesias sibi commissas regere, earum ædificia in bono & decenti statu tenere, aliosque actus, suam professionem & fundatorum suorum dispositionem concernentes, exercere valerent. Et ob hoc nonnulli & plures de nostro magno consilio ad videndum & deliberandum super his, & aliis ecclesiam prædictam tangentibus quid rationabiliter fieri posset & deberet, dudum commissi ac deputati, aliqua nobis super dictis exactionibus referenda vidissent & advisassent seu deliberassent, quia tamen prælati & filiarum nostrarum præfatis videbatur dictam deliberationem largius declarandam fore, iidem prælati & filia nostra aliquas declarationes & additiones cum deliberatione & advisamento supradictorum nostrorum consiliariorum fecissent, easque nostræ Parlamenti curiæ, cum nominibus dictorum nostrorum consiliariorum, qui dictæ deliberationi præsentibus adfuerant, in quadam schedula sub nostro contrasigillo misissemus, & per literas nostri patentes eidem curiæ nostræ mandavimus, & eidem potestatem & auctoritatem impartiendo, expressè injunxissemus, quatenus ad eandem curiam advocatis & accersitis de nostro prædicto magno consilio, & requestis nostri hospitii tot & talibus, prout eadem curiæ nostræ bonum videretur, ipsa curia nostra, ecclesiæ prædictorum regni & Delphinatus nostrorum super contentis in dicta schedula provideret, secundum quod nobis esse faciendum consuleret, prout hæc & alia latius & luculentius ex ipsarum nostrarum serie ac tenore literarum libeant. Constitutis propter hoc in eadem nostra curia procuratoribus, nostro generali, necnon clarissimi patris nostri Ducis Bituricensis. & ipsa filia nostra universitate Parisiensi pro parte ejusdem filiarum nostrarum sub his verbis apostolicis, Subtrahatis vos ab omni fratre ambulante inordinatè, propositum fuit quod sacrosancta mater nostra ecclesia, entium adinstar naturalium & politicarum, macrocosmi videlicet & microcosmi, qui sunt major & minor mundus in pondere, numero & mensura à summo creatore (philosophis attestantibus) conditore dirigi debeat atque regi in ordine, quorum elementis quatuor primam distribuerat materiam idem Creator omnium in suam grandem naturæ portionem, eorum cuiuslibet totaliter conferendo quantam alteri, & iisdem ex se invicem vicissitudinem sui ali-

Sententiæ seu  
opinio Uni-  
versitatis Pa-  
risiensis super  
Annatis.

K k 3

menti

menti & sustentamenti referendo: adeo ut quod unum ipsorum sub æquinoctiali vel polo per alterius conversionem perdidisset, de alio recipere & sibi restaurare ipsius naturæ munere & instinctu, & increatæ sapientiæ providentiâ dignosceretur. Sic Regalis, sic Aristocratæ & Democratæ politicarum; nullius quarum rectorem nutrimentum seu ipsorum maiorem partem omnium subiectorum aut inferiorum absorbere ullus unquam sufficeret, quemadmodum in microcosmo, si ad excessum alterum membrorum alimoniam cæteris egentibus sumeret, unde corpus ipsum in languorem & exinanitionem vergere contingeret, medio quodam subtractivo seu restrictivo huiusmodi superabundanti membro esset occurrendum. Sed Benedictus supradictus neq; modum, neq; pondus, neq; mensuram, in ecclesiâ & ecclesiæ subiectis observare consueverat, quin magis ipsos jugis & servitutibus importabilibus, à nonnullis defunctorum successoribus spolia auferendo, ab aliis prælaturarum & beneficiorum ecclesiasticorum vacantias extorquendo, à quibuscumque exigendo arreragia tantquam debita prætorum & incognitorum temporum à beneficiatis, suorum quæ de novo obtinebant beneficiorum: primam expetendo & percipiendo Annatam ab his, qui tempore subtractionis obedientiæ dudum sibi per nos & clerum regni & Delphinatus nostrorum prædictorum factæ ad prælaturas vel dignitates, aut alia ecclesiastica beneficia promoti fuerant, fructus (quos dictæ subtractionis tempore male perceptos fuisse dicebat) recipere intendendo, & procuraciones capiendi, prælatis, archidiaconis & aliis ordinariis pro vilitatione debitas, aliisque exactionibus ac extorsionibus indebitis adegerat, affecerat & contorserat, adigebat, afficiebat, & contorquebat: contra iura non tam Christicolarum quam Ethnicorum quorumcunque; apud quos & ab omni tempore clerum, ab omni munere & servitute fuisse liberum compertum erat. Eos enim non ancillæ filios sed liberos, qua libertate Christus eos liberaverat, teste apostolo ipsos; sub his adhortante verbis: *state & nolite iterum iugo servitutis contineri.* Nam (ut eadem nostra filia dicebat) in politica seculari quis principem tam à nobili quam ignobili Annatas primas omnium hereditariorum, in aliquem quoquo titulo translatorem, excipere & extorquere satagentem, non tyrannum aut suæ politiæ everso- rem conferret, & talem rectorem sustinere valeret? Quanto minus erat idem Benedictus, qui minister, & non dominus ecclesiæ ab evangelica veritate afferebatur, primarum Annatarum fructus sibi tyrannice approprians beneficiorum tolerandus? Illud parvipendens Samuelis, in Regum libro populum alloquentis, & dicentis: *Loquimini de me coram Domino, & coram Christo ejus, utrum bovem alicujus tulerim vel asinum, si quempiam calumniatus sim, si oppressi alicuique, si de manu cuiusquam munus accepi & restitui vobis.* Ac dixerunt: *Non es calumniatus neq; oppressisti nos, neq; tulisti de manu alicujus quippiam.* Exemplo tamen cuius instrui, & terminis rationabilibus contentari, non exactioni & concussioni pecuniarum tyrannicis inhiare debebat: evangelio exhortante, neminem concutere, neque calumniam facere, & contentum esse debere stipendiis, ipsius apostoli exemplo, in Apostolorum actibus dicentis, *argentum & aurum nullius concupiviscit ipsi scitis, quoniam ad ea quæ mihi opus erant, & his qui mecum sunt ministraverunt manus istæ.* Ego (inquit apostolus) scio quoniam post discessum meum intrabunt ad vos lupi rapaces, non parentes gregi. Quam rapacitatem spiritu prophetico clarè proponebat prænucciasse ipsa filia nostra prophetam Ezechielem suis, sub his verbis: *Facti sunt greges mei in rapinam, & oves meæ in devorationem, eo quod non erat pastor.* Neq; enim quæsierunt pastores gregem meum, sed pascebant pastores semetipsos, & greges meos non pascebant. Propterea (inquit Dominus) cessare eos faciam, ut ultra non pascant gregem meum, & liberabo gregem meum ab ore eorum, & non erit eis ultra in escam. Ex qua clarum est prophetia, domino Benedicto supradicto, qui tanta confusione & inordinatione cupiditatis debacchabatur, subtractionem nedum finantiarum supradictarum sibi fieri debere, sed plenariam, quamvis aliis & dudum sibi factam & jure & facto durare ac tenere censeret, & in eadem se permanere profitebatur eadem filia nostra. Ex eo præsertim quod restitutionem obedientiæ per nos eidem Benedicto factam nullam esse, quæ sub conditione non impleta & sub causâ cuius nullus sequebatur effectus factam, prout per schedulas quasdam in ipsâ restitutione contentas apparere dicebat. Ecclesiæ etiam regni ac Delphinatus nostrorum prædictorum auctoritate dictam restitutionem minime factam, & per consequens ipsam subtractionem durare, seu ipsam aut saltem dictarum pecuniarum & finantiarum eidem Benedicto fieri debere, cum idem Benedictus ad destruendum ecclesiasticam potestatem non hominis (apostolo teste) contra sanctæ synodi auctoritatem desinientis, nullum episcopum expetere debere aurum & argentum à parentibus vel clericis, vel monachis qui sub eo sunt, & Gregorius, Bernardus, & aliorum sanctorum doctorum, immo evangelii auctoritatem, dictas finantias in ecclesiæ prædictæ subversionem & exitium extorqueret. Eandem autem subtractionem per eandem nostram curiam & prælatorem & dictæ filiæ nostræ Concilio faciendam esse dicebat eadem filia nostra exemplo regis Joas, qui Concilio Joiadæ sacerdotis pecunias ad templi reparationem

Laus Samue-  
lis.



tionem destinatis, quibus sacerdotes sui temporis abutebantur manum apposuerat, & earum partem ad necessitatem divinis famulantium, partem ad mercedem latomorum, & partem in architectorum salarium partebatur. Unde dictum in ipsius laudem prodierat, quod rex Joas rectum fecerat coram domino cunctis diebus, quibus eum docuerat Joiada sacerdos. Per quem eadē filia nostra summos doctores intelligi dicebat, & quod ejusdē ecclesie oppressioni providere nobis aut eidē curie nostrae incumbere, & autoritate & naturali ratione, & proprii iurijurandi debito, & antecessorū nostrorū exemplo apparere eadē filia nostra ostendebat. Ambrosii in lib. de patriarchis necessitate defensionis ecclesiarū Regi pertinere asserentis. Recto præterea rationis dictamine, quo gentes etiā quæ legē non habent, eidē Benedicto dictarū finantiarū exactionē esse subtrahendā definirent, ad quod proprii vinculū juramenti nostræ coronationis, in qua unicuique de prælatis & ecclesiis sibi commissis canonicum privilegium & justitiam servare, & defensionem pro posse contra oppressores adhibere promiseramus, nos adigebat ac specialiter astringebat. In exemplū erant rex Joas prædictus, prædecessoresq; nostri temporibus Bonifacii, Clementis, Gregorii & aliorū quondā summorū Pōtificū. Per hujusmodi enim injustas exactiones, pie fundatorū beneficiorū fraudabantur intēctiones, & à sua salute & gloria defunctorū animæ morabantur captivæ. Quod si eorū hostes & veritatis suppressores, hanc persecutionē & inobedienciā esse prætenderent, cum Deo magis quā hominibus esset obediendum, hæc hominū vaniloquia (Papa Pelagio asserente) nos nequaquam retardare deberent. Errant (inquit) hujusmodi rumoris fabulatores. Non persequitur quī malū jam factū punit, aut prohibere non fiat, sed diligit. Ex quibus conformiter ad sui thematis verba, eadē filia nostra requirendo concludebat, quatenus subtractio fieret eidē Benedicto obedienciæ, aut saltem dictarum finantiarum & pecuniarū exactionis, quodq; pecuniæ in manibus collectorū aut subcollectorum existentes, in nostra arrescentur manu, & his quibus eidē Benedicto aliquid occasione prædictorum debere imponebatur, ne solverent: inhiberetur procuratoribus, generali nostro, ac dicti nostri patrui sub excusatione protestantibus, se non affectiōnis inordinatæ libidine aliquid dicere velle & se si notæ aut reprehensionis dignum aliquid dicerent, debitæ correctioni submittentes, ac ulterius proponentes, quod ecclesiæ fuerant & erant per principes temporales fundatæ ac dotatæ, quarum dos seu patrimonium autoritate capi nequibat aut debebat. Licet enim Constantinus ecclesiæ Romanæ sedis præminentiam, quam sibi dari Constantinopolitana, Alexandrinaq; & aliæ nonnullæ ecclesiæ contendebant, tribuisset; ratioq; suaderet & veller ut prælati qui fidem publicarent, divinis insisterent, ecclesiastica frequentarent officia, & sacramenta ministrarent, necessaria referrent sui status & vice, non tamen ipsi exactiones imponerent, nulla præsertim urgente necessitate. Nam archiepiscopus (quo nomine Romanæ urbis episcopum scriptura nuncupat) super suis Suffraganeis seu eorum subiectis exactiones imponere jura verabant. Quod si ecclesia Romana cæterarum caput & principalis existens, ut sunt seculi varietates & vicissitudines temporum, & metum & animorum malitia, in aut à suo (quod majus & auctius regno nostro possidebat) patrimonio, forte aliqua disturbabatur, quo minus ipso liberè uteretur, cæteras monere debebat ecclesias, excitare, adhortari, & requirere de subsidio charitativo, quod eidem ecclesiæ Romanæ annui posset ac deberet, cum tamen Concilio, moderamine & justa causa, absq; præjudicio culpa non præcedente, durante necessitate, ac de consensu & benignitate principum, patronorum & aliorum prælatorum, & non cum gravamine assiduo & indistincto cæterarum ecclesiarum, quas utiq; & præsertim horum nostrorum regni & Delphinatus supradictus Benedictus passim, & pharisaorum more qui decimas indifferenter de plantulis, herbis, bacis & omnis generis fructibus extorquebant, cum gravi compulsionē, subsidiis & exactionibus insolitis, & contra libertates ecclesiæ exagitat & premebat, quibus cum secularis justitia ecclesiasticæ subsidio & juvamine semper fuisset (alterum enim alterius semper egebat auxilio) necessitas occurrandum impellebat, suadebat æquitas, exigebat ratio, ac totius clamor populi incutebat. Interestq; præterea nostrum huic ruinæ impendens nos stimulabat, ne venerabiliū hujus nostri regni ecclesiarum, tanto charitatis ardore extructarum, & quarum fundatores & auctores dicebamur, tā misera, tā flebilis & tam neglecta surripere destructio, exemplisq; infuereur egregiis Theodosii, Honorii, Constantini, Caroli magni aliorumq; antecessorum, qui corruptelis contra ecclesiā ipsam quandoq; attentatis solerter obviaverant, ac succurrerant liberaliter. Subsidium autem quod ecclesiæ eidem conferre poteramus & debebamus, erat eidem Benedicto in hujusmodi abusionibus non obedire, obediētiāq; subtrahere. In quo nullatenus, juxta beati Thomæ de Aquino & aliorum ecclesiæ doctorum authenticorum doctrinam, peccabamus. Ex quibus aliis pluribus astructis rationibus concludebant & requirebant, quatenus eadem curia nostra juxta nostras mandatorias literas inhibendo dicti Benedicti officariis, ne quas ratione præmissorum exigerent in dictis regno & Delphinatu nostris pecuniis, ac exactas & penes eisdem officarios existentes arrestari usq; ad Prælatorum congregationem faciendam provideret. Pro parte Benedicti & suæ cameræ officiariorum ab adverso



\* i. e. Subdu-  
ctiones. Lyd.  
Gloss.

Benedicti ex-  
actio injusta.

extitit requirendo propositum: quod cum materia præagitata grandis & alta jura sedis Romanæ (cujus erat ipse Benedictus caput) suamq; cameram & antiqua\* deveria sua ac Cardinales concerneret & tangeret: iidemq; Benedictus & Cardinales nullo in eadem nostra Curia procuratore fulcirentur, quo causa præsens deduci, foveri posset, aut defendari, & prælati nostri regni ad proximum omnium Sanctorum festum congregandi dicerentur: in cujus temporis interstitio nullum vertebatur periculum, eadem nostra Curia supersedere vellet prout tenebatur. Præfata filia nostra in contrarium proponente, ac dicente, quod radix pro parte ipsius Benedicti propositorum invalida censi debebat: eo quod eadem filia nostra processum subire ordinarium non intendebat, sed sibi ab ipsa nostra Curia provisionem fieri, quam absque mora referre debebat. Nam quantuscunq; esset Papa seu Prælati non erat suus: sed omnis ejus potestas five dignitas & alius cujuslibet magis ecclesiæ quam personæ. De jure igitur Benedicti five ecclesiæ Romanæ faciendum erat, quod ad processum pertinere videbatur ecclesiæ, & non in ipsius præjudicium, teste Apostolo, ecclesiæ supposita sub his compellente verbis, Templum Dei estis vos, & Spiritus Sanctus habitat in vobis: si quis illud violaverit, disperdet illum Dominus. Subdit: Non gloriatur quis in hominibus. Omnia enim vestra sunt, five Cephas, five Paulus, five Apollo. Pecuniæ autem five finantiz quare idem Benedictus exigebat, non ad ecclesiæ processum sed ipsius & animarum tendebat interitus: cujus interitus & præsentis horrendi schismatis erant medium & fomes. Quare à Nobis & eadem nostra Curia (quibus justitiam ministrare erat necesse) hujusmodi morositate pestilentia non tam rejicienda quam penitus, & absque ulla mora tollenda erant: cum & unumquemq; jure gentiū gladium, de manu intersectoris contestim erueri, & vim vi repellendo interficere liceret: ex his prout supra requirendo dictis nostro & patris nostri procuratoribus suam requestam fieri requirentibus, attento quod per notorias exactiones sæpe dictas, Respublica ex defectu prædicationum & subjectorum, visitationum & correctionum, & alias ut supra multipliciter contra sacrorum Canonum institutiones gravabatur: quodq; querelas suas non processum inituri, sed remedio aut provisioni innitentes intentabant: nec erat, qui contrarium opponeret ad hoc: & ut supra concludentibus, officarii ipsius Benedicti in contrarium contententibus, & ut negotium absq; præcipitatione protelaretur, quantum pro absentibus supplicari fas erat, prout supra instantibus ne quicquam innovaretur, requirendo concludentibus. Tandem auditis hinc inde ad plenum partibus antedictis, in omnibus quæ dicere ac proponere circa præmissa voluerunt, & in arresto appunctatis, congregatis igitur eisdem nostræ Curie nostri Parlamenti cameris, convocatisq; & assistantibus in notabili numero de gentibus nostri magni consilii, ac visis supradictis literis & schedula, consideratis in super & attentis diligenter & cum magna & longa deliberatione omnibus circa hæc attendendis & considerandis, & quæ eandem nostram Curiam in hac parte poterant & debebant movere, per præfatam Curiam nostram arrestum prædictis obtemperando literis, per eandem filiam nostram à nobis impetratis: dictum fuit, quod dictus Benedictus & officarii sui cessabunt in nostris Regno & Delphinatu ab exactionibus annatarum primarum, fructuum & emolumentorum, prælaturarum & aliorum beneficiorum quorumcunq; vacantium, seu quæ vacaverunt, aut vacabunt, tã pro primis annatis, quam etiã fructuum & emolumentorum, quæ tempore subtractionis alias eidem Benedicto factæ & vacationis prælaturarum, dignitatum, & aliorum beneficiorum obvenierunt seu obveniunt qualitercunq; necnon procuratorum pro visitationibus debitarum & arreragiorum quorumcunq; ratione præmissorum vel aliarum exactionum debitarum: ipsiq; procuraciones poterunt prælati, archidiaconi & alii ordinarii, quando ipsos suos subiectos visitare contigerit, & levare. Cessabunt etiam Cardinales & Camerarii collegii à perceptione illius partis, quam in vacationibus prælaturarum pro primis annatis, vel alias, ante præsens arrestum percipiebant, & arreragiorum quorumcunq; occasione præmissa debitorum. Et si aliquid ex his, quæ levata seu exacta fuerunt, occasione prædictorum, apud collectores seu subcollectores, aut alios quoscunq; existit seu remanet sub manu nostra, arrestabitur, & id arrestavit & arrestat ipsa Curia nostra, ipsiq; ne aliquid eidem Benedicto seu hoc cuiquam alteri tradant, aut solvant, inhibebitur, & inhibet etiam eadem Curia nostra. Et per idem arrestum eadem Curia nostra ¶ ordinavit & ordinat, quod excommunicationis sententia præmissorum occasione illigati relaxabuntur: & hac quousq; alias per eandem Curiam nostram exiterit super præmissis ordinatum. In cujus rei testimonium præsentibus literis nostrum iussimus apponi sigillum. Datum Parisiis in Parlamento nostro. Die XI. Septembris, Anno Domini \* M.CCCC.VI. & regni nostri XXVI. ¶ Per Arrestum Curie. Bajæ. Finis.

† Rex & Curia cassant ex-  
communicationis senten-  
tiam.

\* Lyd. 1466.  
malè: cum  
hic Carolus  
fuerit ejus no-  
minis sex-  
tus & Be-  
nedictus ille  
13. ex. Papa,  
cujus frequens  
est hic men-  
tio, tantam illi  
dederit que-  
relæ ansam.

Reperiuntur superiora opuscula de Annatis non solvendis inter opera Nicolai Clamengii edita à Lydio; ea autem minime ad illum attinere asserit Joan. Launoius in Academia Parisiensis illustratâ Tom. 2. p. 572. argumento, ex corruptioris orationis stylo, sumpto; id quod de duobus ultimis culibet constat. At cujuscunq; demum sint isti (qui vocantur) apostoli, rerum quæ tractant gravitas verborum insolentiam compensabunt: fragmentum autem illud Concilii Bas. & senarum-  
culum Parisiense majorem præ se ferunt auctoritatem quam ut apologia egeant.

O. G.

## O. G. LECTORI BENEVOLO. S. P. D.

Nunc Conciliorum materiam aggredimur, lector Christiane, ex eodem ipso Nicolao à Clamengiis. Priusquam tamen id fiat, neminem fore speraverim, cui cerebrum sit, cuique leva sub parte mamillæ cor saliat, qui tam gravaminum prædictorum, quam multiplicium etiam abusu, & gravium Annatarum enumeratione ex illis promanantium, offendi possit. In promptu enim ratio est. Nam summus pontifex Adrianus sextus (qui nemini fucum facere didicit) in sua ad principes Rom. Imperii epistola, multos in ecclesia Romana abusus esse, & temp. Christianam, ab aliquot seculis male hæcenus administratam, integerimè fatetur. Facit idipsum divus Maximilianus in suis literis, & id quidem longè locupletius. Itemque non desunt clarissimi doctores universitatis Parisiensis, qui in sua contra Leonem X. (virum alioqui in se, & bonum & pium) ad futurum Concilium appellatione, non parvam de his, & id genus aliis incommodis, mentionem fecere. Quæ etiam illustissimi Rom. Imperii proceres, sola (ut ipsi fatentur) pietate ducti, ultrò promulgarunt, ac omnibus bonis nota esse voluere. Nos tamen nec albo illa lapide, nec nigro notamus. Nam albæ sint an atra, ipsi, qui lolio victitamus, dispicere nunc satis non possumus, nec etiam nostri esse officii (ut supra in duabus nostris præfatiunculis protestati sumus) illa ad amussim dijudicare. Ecclesiam semper sequemur catholicam. Quicquid illa in his aliisque omnibus, ad Christianam temp. pertinentibus, suo tempore decreverit, idipsum dubio procul sequemur omnes. Interea tamen temporis, reddamus omnibus debita (ut Paulus inquit ad Romanos) cui tributum, tributum: cui vectigal, vectigal: cui timorem, timorem: cui honorem, honorem. Esto quoque subiectus pontifici tuo, quem (sicuti divo Hieronymo placuit ad Nepotianum scribenti) tanquam animæ tuæ parentem ama. Tibi etiam atque eam ex ejusdem ad Celantiam epistola, certo certius persuade, solam apud Deum libertatem esse non servire peccatis. Tu æquum igitur & iniquum (quemadmodum Senecæ placuit tragedia 7.) regis imperium feras, donec (ut idipsum addidero) vel illustri principibus à summo pontifice satisfactum, vel his omnibus, & id genus similibus, quæ Christianæ reip. obesse videntur (nemo enim sibi ipsi lex esse debet) per Concilium generale, contrarium fuerit constitutum. Tecum igitur habita, lector, & quid Nicolaus à Clamengiis de Conciliorum materia loquatur, diligenter animadvertite & vale foeliciter.

Supra p. 314. pag. 339.

Sup. p. 68.

Sup. p. 351.

Pag. 333, &amp; 340.

## DISPUTATIO NICOLAI DE CLAMENGIIS

habita per Scriptum, super materia Concilii Generalis cum quodam Scholastico Parisiensi.

**O** B eam rem dixi, multis posse videri efficacius aliunde acta Concilii, quam per ipsum Concilium fuisse probanda, quia revera non convenientissimum mihi videbatur (quod cum pace authoris velim esse dictum) acta Concilii, apud Concilium per ipsummet probare Concilium. Aut enim aliunde suberat probatio, aut non suberat. Si aliunde opportuna suppetebat, non te mihi negaturum arbitror congruentius extitisse, hoc fieri. Quid enim si coram illis sermo fiebat qui res egerant ac digesserant? cum rectius atque commodius si ad alienos sermo fuisset, vernacula adhiberetur probatio, quam apud illos qui egerant. Si autem nihil aptum ad confirmationem illarum constitutionum, vel ex scripturæ autoritate, vel ex sacris canonibus præcedentum Conciliorum trahi poterat, nescio si utilius fuisset restituta primum † pace, tanta nova condere decreta, quæ nullis prioribus edita Conciliis invenirentur, cum periculose nimis sint novitates temporibus schismatum, multaq; \* alias scandala pepererint, & præsertim cum de actis Pisani Concilii pontifice etiam nunc ambigere audiamus, quod non tam schisma sublatum vidimus, quam auctum & corroboratum. Nam quod † ait auctoritatem ecclesiæ omni præstantiorē esse ratione, nonne per auctoritatem ecclesiæ fuisset facta probatio, si per scripturam divinam, vel per aliarum statuta synodorum fuissent in testimonium majoris certitudinis illa confirmata? Licet autē ecclesiæ militantis autoritas sit maxima, quæ fundata supra firmam petram, convelli non potest, & adversus quam portæ inferi nunquam prævalere potuerunt, non illi tamen nos oportet (ut videtur) triumphantis ecclesiæ titulos ascribere, ut infallibilis sit aut impeccabilis, quæ sæpe (ut nosti) & fallit & fallitur, non dico in his quæ fidei sunt, cum Christus ad mortem properans, de illa ad Petrum dixerit, Petre, rogavi pro te, ut non deficiat fides tua: Sed in aliis quæ vel facti sunt, vel morum, vel judiciorum, in quibus propter

† Eccles. # pace, MS.

\* Alia, MS.

† Alis, MS.



propter circumstantiarum infinitam varietatē ac multitudinem perdifficile est optimi medi-um semper attingere. Si igitur aut moralia sint, aut judicialia ista Concilii acta, cum in talibus falli possit ecclesia, non absurdum videtur fuisse, si ad argumentum majoris firmitatis aliqua similium exempla, vel de scripturis Canonicis proferantur, vel de antiquis ac probatissimis Conciliis, quæ inconcussæ sunt authoritatis. Si autē omnia illa acta Concilii, fidei definitiones sunt, cum nonnulli (ut fama vulgavit) multa ex adverso producant sanctorum patrum ac synodalium sanctionum decreta; vide quale fuerit, pendente adhuc schismate, in tantarum rerum opinionumq; varietate, doctissimorumq; hominum controversia, tot fidei constituere articulos, ubi non solum conveniens, sed necessarium mihi fuisse videtur, alias saltem constitutiones vel determinationes, quæ ab aliis in contrarium adduci dicuntur, in partē veritatis & fidei interpretari oportuisse, & non istis esse contrarias ostendi debuisse, ne aliās in materia fidei ipsa errasse videretur ecclesia, contraria determinando. Quod enim dicis patrū decreta rationi non inniti solere, certē cum tua bona venia, si fidei negotiū est, vel materia contentiosa, rationibus maximē ex scriptura ductis, vel ex sanctorum patrum definitionibus inniti consueverunt, à quorum vestigiis nisi legitima gravissimāq; ratione adducti, non solent discedere, quam (si contraria eos contingat statuere) explicare non omittunt, ne gratis & voluntariē in rebus arduissimis locuti videantur, sanctorumq; patrum decreta sine causa mutasse. Sed jam venio ad verbum Augustini quod commemorasti, quo ecclesiastica videtur authoritas maximē extolli atq; fulciri. Evangelio (inquit ille) non crederem, nisi me authoritas ecclesiae compelleret. Mirum sane primā specie satis videtur, quod authoritatem peregrinantis in terra ecclesiae, authoritati videtur evangelii antepone, cum in multis illa falli possit, illud omnino nequaquam possit, & cum ipsius ecclesiae authoritas quantum ad ipsius radicē & fundamentum maximē ex evangelio constet, imō ipsius institutio, potestas, edificatio, non aliunde tam expresse & certitudinaliter, quam ex ipso habeamus evangelio. Non certius autē (ut existimo) videre possumus de ecclesia atq; evangelio, quod altero excellentioris sit authoritatis, quā si demus fieri posse, ut aliquid evangelio contrarium ecclesia statuat. Quod utiq; scio heri non posse, sed fingamus gratiā melius enucleandæ veritatis fieri posse. Putasne in casu illo Augustinum pro ecclesiastico statuto fidem fuisse evangelii rejecturū? Equidem non facile crediderim doctōrē illum acutissimum atq; excellentissimū hoc fuisse facturum, aut per illa hæc verba sensisse, præsertim cum de fide evangelii Paulus dicat: Si quis etiam angelus de cœlo aliud vobis evangelizaverit, anathema sit, aliud, inquam, id est, contrarium. Scripta quippe sunt ab Augustino verba illa, nisi me fallit memoria, in libro cuius titulus est, Contra epistolam fundamenti Manichæorū, quæ ante non multa tempora ad integrū perlegi. Manichæi autem contra quos ibi agitur, scripturas sacras pro arbitrio suo, non pro ecclesiae catholice ordinatione vel acceptandis ducebant, vel repudiandas. Vetus pro majori parte testimonium non admittebant, evangelio credi volebant, epistolas Pauli Apostoli multis adjectis & detractis à falsariis quibudam, corruptas dicebant, multaq; similia deliramenta sine ratione, sed sola voluntatis suæ perversitate de scripturis congingebant. Ut igitur doceret Augustinus non ex voluntatis arbitrio, sed Canonica institutione, Canonicas scripturas recipi oportere, illa verba mihi videtur, quantum recordari valeo, posuisse [evangelio non crederem, nisi me authoritas ecclesiae compelleret] hoc est, evangelio tanquam scripturæ Canonice non crederem, nisi ecclesiae authoritas ad hoc me compelleret, quæ illud intra corpus Canonis habendum censuit, & cui soli est illa authoritas attributa, ut scripturas possit canonicas facere, cuiq; à quolibet fidei in hoc credi debet atq; obediri. Scripta sunt à plerisq; sub aliquorum Apostolorum aliorumq; fidelium nominibus multa evangelia, de quibus etiam meminit Lucas, in prologo sui Evangelii, sed tum propter authorum incertitudinem, tum quia non usquequaq; vera erat illorum narratio, non immeritō inter apocrypha per ecclesiam deputata sunt. Illis ergo non est credendum, quia non sunt per ecclesiam pro canonicis approbata, sed à Canonica Catholicaq; authoritate prorsus exclusa. Deinde quod postea addis, certiore esse habuit fidei quā rationis, etiā non evidentiorē, fateor apud fideles veros verum esse quod dicis, captivantes (ut ait Apostolus) omnem intellectum in obsequium Christi ac suæ fidei, qui profectō prius discederent à ratione quā à fidei authoritate, si utraque invicem concordare non possent. Sed non omnia quæ ecclesia constituit, fidei definitio sunt, & plerumq; etiam cum fidei sunt, à ratione non discrepant. Illud quoq; quod ex Lactantio adducis, ea quæ divinæ authoritatis sunt, cum ratione probante tradi non oportuisse, ne per inductionē \* minueretur dicentis authoritas, similē habet responsum. Non enim tanquam fidei articuli sunt amplectenda quæcunque ecclesia determinat, utpote quæ aliquotiens contraria determinavit, quod in fidei materia non esset conveniens. Deniq; non ignotum tibi est, tum Christum ipsum legiferum nostrum, tum suos Apostolos in suæ legis ac fidei traditione sæpe tale genus probationis, quale dicebam ex sacris scripturis veteris testamenti, dictisq; patrum & prophetarum, in dictorum suorum confirmationem adhibuisse, quo

Gal. 1.

Quomodo sit  
intelligen-  
dum illud  
Augustini,  
Evangelio  
non crede-  
rem, vel E-  
vangelium  
Canonicam  
esse Scriptu-  
ram non cre-  
derem, nisi  
Eccl. & c. MS.  
Lyd.

\* Rationem,  
MS.  
Nota bene.



quo nullum nobis ad imitationem ceterius possumus exemplum proponere, cum illius actio & vitæ nostræ & morum nostrorum atque actionum certissima atque infallibilis sit instructio. Nec illud præterea te fugit, quod credo ex fonte illo imitationis Christi derivatum, quod nostri scholastici Theologi, etiam ad illa quæ fidei sunt rationes & naturales & morales quotidie adducunt, vel propter illos qui non fundatissimæ sunt fidei, sed ductu rationis in principio ad illam indigent attrahi, vel per naturæ rationis; contraria videatur fides imperare, ac per hoc, ab illa velut à re irrationabili atque inepta, pusilli plerique ac sensibus dediti, ad intelligibilia; ac spiritualia non facile valentes assurgere, refugiant. Vides in Johannis Evangelio ad sermonem mulieris Samaritanæ plurimos ex civitate Samariæ ad Christum venisse, in eumque credidisse, qui postea in fide corroborati dicunt illi, jam non propter tuam loquelam credimus, ipsi enim audivimus & scimus, quia hic est verè Salvator mundi. Figuratur autem (ut aiunt doctores) mulier ista Samaritana rationem vel similitudinè naturalem. Samaria quippe [conjuncta Domino] interpretatur; per naturalem verò rationem anima incipit Domino per fidem conjungi, quæ ratio rudes & novellos primum ad fidem ducit atque allicit, cum verò in sacramentis fidei plenè imbuti fuerint atque edocti, non jam propter illam credunt, nec illius ductu indigent, sed illam potius tanquam viæ periti, nec ducem ulterius requirentes repudiant, sicut quæ fidei non evacuat meritum, cui jam non humana ratio præbet experimentum, licet fortassis in principio præbuerit incitamentum. Non fuisset autem tam necessarium facta Concilii vel per auctoritatem scripturarum, præcedentiumque Conciliorum corroborari, vel eorum saltem ratione reddi, si non aliqua, saltem per doctos homines dicerentur opponi, vel si omnes illi quos respiciunt, aut ad quos ventura sunt, ita essent humanæ ac divinæ sapientiæ præditi, sicut illi qui ea ediderunt. Sed cum ista respiciant universam ecclesiam, & multa alia statuta nonnullis istorum quorundam fortè opinione videantur adversari, credo utilissimum fuisse ac consultissimum, si rationes fuissent dictorum adjectæ, ut omni poscenti super his rationem, in promptu fuissent, juxta doctrinam atque admonitionem beati Petri apostoli, qui vult nos semper paratos esse ad satisfactionem omni poscenti rationem de ea quæ in nobis est, fide. Non rectum esse arbitrabatur princeps ille apostolici ordinis, nos in eorum quæ fidei sunt tractatione aut determinatione, absque ratione & pro arbitrio loqui, qui omnibus fidei nostræ rationem desiderantibus, jubet esse paratam. Non sibi debent solis sapere qui in synodo universali ecclesiam repræsentant, sed ipsi toti ecclesiæ, & ita debent suas determinationes clarè atque enucleatè explicare, ut nullum de pusillis, qui in Christo credunt, possint sua obscuritate aut dubietate scandalizare. Ratio autem in facto aliquo aut dicto adjecta, obscuritatem atque ambiguitatem, ac per hoc scandalii occasionem ab illo aufert, quam ratione ipsi non poterant in specie unicuique postulanti reddere, poterant saltem in genere ad satisfactionem universalis ecclesiæ, suis constitutionibus addere. Non debent insuper, ut videtur, qui Concilium agunt, pro fiducia ac libertate agendi quælibet libuerint, nimis illi innoti estimationi, Generale Concilium sumus, fidenter agamus, errare non possumus. Sanxerunt ac definierunt qui Pisano interfuerunt Concilio, atque ita promulgari fecerunt per novam electionem, ad quorundam ambiciosorum instantiam præpropere factam, schisma sese ex ecclesia sustulisse, pacemque reddidisse. Et quis in tota ecclesia tam cæcus fuit, qui non rerum experientiâ palam viderit, quantum & ipsosmet & universam ecclesiam illa opinio fessellit? Nihil profectò deterius, nihil ecclesiæ funestius, unionique capitalius agi potest, quam ante omnia bene pacata pro securoque pacis tractatu composita & concordata, ad novam procedere electionem, quæ res & schisma à principio fecit, & in tantam vetustatem perduxit, & sanctam Dei ecclesiam incredibiliter attrivit, quod quamdiu beneficiorum aviditate fiet, nunquam sumus ecclesiæ visuri unionem. Et nihil profectò est quod magis metuam, quam ne in Concilio isto ambitiosi sua importunitate ac multitudine hoc fieri evincant atque extorqueant, qui molestius ferunt beneficia quæ ambiunt, diutius vacare, quam sanctam Romanam ecclesiam per hoc sacrilegium schisma funditus conteri atque deperire. Mea autem fert opinio, si ecclesia illa collationem omnium graduum ecclesiæ universalis nunquam sibi arrogasset, cæterasque suis juribus, universa ingurgitando, ecclesias nequaquam expoliasset, vel hoc schisma nunquam in illa exorturum fuisse, vel non tanto saltem tempore perdurasse. Sed ollam non cessat Hieremies succensam videre, quia ardens non cessat ambitio ad illius succensionem; ignem pariter ac ligna administrare. Ista volui tecum conferendo paulò latius explicare, quia meam non satis potueras mentem per literas breves & cursorias perspicere. Deum autem testem invoco in animam meam, non in calumniam aut fugillationem alicujus hæc me dicere, sed pia & fidei æmulatione, qua salubriter & securè rebus ecclesiæ cupio esse consultum, cujus nos unitatem videre Christus sua benignitate largiatur. Nec intentio est, in hac habita tecum collatione quippiam astruere quod non sanum atque consonum sit sacris scripturis, catholicæque sinceritati. Vale, apud fontem.

S. Joh. 4. 42.  
Samaritanæ  
interpretatur  
conjuncta  
Domino.

\* ARS, MS.

Cautio sancta, de Patres  
in Concilio  
dicant, Ge-  
nerale Con-  
cilium sumus,  
fidenter agamus,  
errare non possumus.

Nicolaus Cla-  
mengius salu-  
briter & secu-  
rè rebus ec-  
clesiæ consu-  
lit.

AD

AD EUNDEM SCHOLASTICUM SUPER EADEM  
Materia, largior atque uberior collatio.

**B**ENE admones de generalibus patrum Synodis sobriè loqui, consultius esse existimans franos ori ponere, quàm de illis temerario iudicio quicquam definire. Scio me à te & à quovis alio non modò de temeritate, verùm etiam de infania ac dementia jure optimo argui posse, si defactis generalis Synodi vellem definitorem aut iudex fieri. Quis enim ego sum, qui sensu parvus, doctrinà minor, gradu atq; auctoritate minimus, de sapientum eruditissimorumque virorum sententiis censor velim ac iudex esse? Avertat à me Christus tantam præsumptionem, tantamque dementia. Non rectè, amice charissime, mea verba accipis, meamque mentem tenes, si in his quæ ad te novissimè, gratià tecum habendæ collationis, à teque percipiendæ in aliquibus mihi dubiis instructionis perspicui, definitoriè me loqui velle credidisti. Nam quia super tuis prioribus literis aliqua apud me erant orta dubia, quorum non satis aperta erat solutio illa, pro planiori intelligentia tecum quodammodo disputando, ad tuâque aliqua respondendo explicare volui, & partim ratiocinatione, partim scripturarum Catholicorumque virorum auctoritate in contrarium adducta communire, quo sic discussa obscuritatis \* caligine, \* perspicuæ splendor veritatis magis elucesceret, quæ per objecta quæque nebula solet clarius erumpere, per contrariamque oppugnationem fortior atq; inexpugnabilior apparere, ut nunquam falli possit illa sententia de ipsa in sacris literis scripta. Super omnia vincit veritas. Deniq; non ob aliam causam in scholis atq; gymnasiis telis solèt argumentationum acrius oppugnari, nisi ut hostili exercitu per illam fulo atq; superato, vis ejus certissima & prorsus invicta evidenter innotescat. Vides quanta in illis scriptis diligentia, quantoque studio laboraverim, nihil ex meo sensu vel iudicio dicere, sed serè ad omnia testimonium scripturæ adhibere, ut nihil posset à me profectum vel somnium credi. Si quid ergo ex scripturis aut sanctorum dictis obici, quod forte inijciat scrupulum, vel difficultatem pariat, nunquid propterea rem definire existimandus sum? Cum etiam illa quæ protuli testimonia, tam certa atque irrefragabilia essent, ut rem ipsam definire viderentur, nullo modo mihi attribuenda esset illa definitio. Non peto per te vel quemcumque alium fidem aliquam meis dari scriptis, nisi quantum vel inconcussa sunt auctoritate firmata, vel solida ratione roborata. Alioquin nisi his fuerint firmamentis innixa, quis ego sum, \*ut credi debeat? Ubi autem tali sunt vallata munimine, non mihi in illis credi oportet, sed veritati summa, à qua verum est omne quod verum est, quoniam (ut ait beatus Ambrosius) omne verum à quocunque dicatur, à Spiritu Sancto est. Qui etiam Spiritus veritatis, ab ipsa est veritate nuncupatus. Cui Ambrosianæ sententiæ Augustini etiam verba consonant, qui in epistola ad Pascendum, ita scribit: Neque enim in nobis ipsis, vel per nos ipsos veraces sumus, cum verum loquimur, sed cum ille in fervis suis loquitur qui solus est verax. At non satis (ut inquis) generalem Synodum revereri videor. Nonne contra fidei & scripturæ sacræ certissimam veritatem quotidie disputamus, quæstiones movemus, dubia proponimus, ut per eorum enumerationem veritas illarum certius appareat? Imò verò pro illarum honore non puto commodius posse certari, quàm si ad certitudinis explanationem opponendo atque exponendo, querendo ac respondendo uberius discipretur, ut si quid fortè obscurum aut reconditum erat, per discussionem in apertum veniat. Omnes sanè Synodos & pridem ritè celebratas, & quæ nunc quoque celebrantur, tum reverenter suscipio, tum fideliter amplector, & abist, ut aliquid finitrum de illis sentire velim, aut dicere; nec ideo calumniari debeo minus sincere de illis sentire, quòd aliqua ad meæ ignorantie eruditionem circa illas exquiro, mihiq; edisseri postulo, ut de illis possim non solum sanè & fideliter sentire, sed etiam pro capto ingenioli verè sapienterque loqui. Licet enim tenuiter doctus sim, veritatis tamen investigandæ avidissimus sum, libenterque à peritioribus quæ me movent in rebus ambigua enodari posco. Ex hoc autem ardore & desiderio indagandæ percipiendæque veritatis, illa præcessit epistola quam ad te nuper misi: literas meas superiores explicatius evolvens, quarum non satis pro brevitate cursuque rapido mihi videbaris ex voto meo sensum affecturus, nonnulla præterea nova dubia interferens, quæ de aliqua re diu cogitando solent largius ac multiplicius emergere. Horum dubiorum tu aliqua in tuis ad illam epistolam responsoriis literis evacuare conatus es, sed adhuc aliqui mihi restant circa illa scrupuli dubietatis, quos tuæ amantissimæ dilectioni patefacere constitui, quæ obsecro meam velit ignorantiam in tantorum dubiorum inquisitione supportare, nec indignari aut succensere, si fortè nimis multa ex te querendo importunior sim. Scio tibi alias non deesse occupationes, nec tem-

pora

\* Ambage,  
\* perspicuæ,  
MS.

\* Cui, MS.

Omne verum  
à Spiritu  
Sancto.



pora tibi tā libera quā mihi fluere, quā ob causā vereor ultra quā acquū esset tibi oneri esse, sed nolo propter mea scripta te à legitimis aliis curis, quæ ex gradu & officio, bñeficioq; tibi incūbūt, revocari aut impediri, propterq; mea accessoria, tua p̄cipalia dīcti negotia. Satis habeo si quādo ab aliis vacabis occupatōibus, teq; animi ad hoc voluptas excitaverit, aliquid vel breviter rescribas. Per te igitur (nisi molestū est) informari cupio, utrū credere nos oporteat cūcta universalia Concilia ejusdē aut æqualis esse auctoritatis, & si ita est, quare de solis quatuor dicit Gregorius illa se venerari & suspicere quasi quatuor Evangelia, aut totidē paradisi flumina. Si enim indiscretæ auctoritatis universa credidit, quā ob causā sola illa quatuor pro cultu venerationis nōināt expressit, dubiam de aliis suspiciōē in animis hominū relinquens? Doceri præterea per te desidero, utrum catholicā pures veritate tenendū tam in his quæ sunt facti, vel morū vel judiciorū, generale nunquā falli possē Concilium quā in fide errare non possē fideliter creditur. Si autem ita sentis, quaro quorsum illa spectet trita vulgō apud Juristas sententia, quam pro regula habent, quōd sæpe ecclesia militans & fallit & fallitur: quomodoq; intelligenda sit, & quæ sit inter militantē & triumphantē quantū ad hoc distantia, si utraq; quantū \* ad omnia infallibilis est. Porro ecclesia in Concilio congregata nonne viatrix & peregrina est? si autē viatrix est & peregrina, in statu mercedi aut demerendi esse videtur, quod autē tale est, & potest rectē agere, atq; ita mereri, & videtur etiā posse deficere, si potest demereri. Neq; enim rationē meritū aut demeriti videtur habere operatio, cui nec libertas nec facultas adest aliter agendi. Sanē quōd ecclesia in fide deficere non possit, certum atq; expressū habēs testimoniū Christi: Petre, rogavi pro te, ut non deficiat fides tua. Quod autē in aliis nō possit, non tale me vidisse memini documentū. Si quid tale nosti, oro ut in medium proferas. Nā illud quidē quod ex Evangelio commemoratū, nō multū convincere videtur: Ubi duo vel tres congregati fuerint in nomine meo, ibi sum in medio eorum. Et primō quidē non necesse est, ut falli nō possint in quorum medio versatur Christus. De ipso namq; Christo ad quosdam pharisæorū Johannes Bapt. dicit: Medius vestrum stetit; nec proinde oportebat ut falli non possent; nonne in medio insuper erat perfidissimorū Judæorum dum crucifigeretur, & conspueretur & blasphemaretur? Et quis illos insanus dixit falli nō potuisse? Præterea dic, si placet, de qua credis assistentiā illud verbum Christi debere intelligi? Si de assistentiā per præsentia divinitatis, \* quæ ubiq; est, nihil ad rem pertinet. Sic quippe & nunquā falli & nusquā posset, si ubicunq; esset, errare aut falli non liceret. Si de assistentiā per gratiam, vide quemadmodum consequens esse oporteat, quoties duo vel tres pro conferendo ad invicem de pacē ecclesiæ, vel aliquo alio fructu conveniunt, divini illis gratiā protinus infundi, cum fortē multa ante peccaverint, quibus nec cōpuncti sunt, nec confessi. Multi siquidem fideli zelo de pacē ecclesiæ sæpe conferunt & tractant, magnis aliquibus peccatis, quæ cum gratia minimē stant, implicati. Vel igitur solo colloquio de aliquo pio opere illa deleri oportet, vel non necesse est illis gratiam conferri. Sed demus ut singulis taliter congregatis, cœlestis confestim adsit gratia, nunquid illos collata gratia impeccabiles facit, ut à recto non possint tramite deflecti, à gratiāq; excidere, vel ignorantia aliqua, vel excæcante iudicium passione, præpediri? Movet gratia ad bene agendum & excitat, non autem cogit, aut necessitatem aliquam immittit, ut aliter fieri non possit. Si verō de assistentiā per directionem, vel internam in agendis instructionem, illa censēs verba Christi intelligenda, illa sanctis viris adesse solet, qui spiritus sancti gratiā sunt repleti, abundeque perfusi. Talibus nempe à Deo promittitur illud psalmi: Intellectum tibi dabo, & instruum te in via hac quam gradieris, firmabo super te oculos meos. Talibus præterea qui religiose vivendo, pieq; operando meruerunt spiritum sanctum habitatorem habere, de ipso Spiritu dicitur, ille docebit vos omnē veritatē. Et rursum: Ille vos docebit omnia. Soli autē tales censendi sunt spirituales, dicente Apostolo: Vos autem non estis in carne, sed in spiritu, si tamen spiritus Dei habitat in vobis. Deinde ad veram illius sententiæ Christi quā posuisti intelligentiā, considerandū videretur qui existimandi sunt in nomine Christi congregati, & tu quidem breviter dixisti, illos nos existimare debere in vero Christi nomine congregatos, qui totis pacem laboribus quarunt ecclesiæ reddere. Verū nomen Christi, ut nosti, Jesus est, quod vocatū est ab angelo priusquā in utero conciperetur. Christus namq; à christinate, hoc est, ab unctione velut Rex dictus est, qua unxit eum Deus oleo lætitiæ præ consortibus suis, quā ob causam etiam Cyrus rex Persarum christus à Domipo legitur appellatus; Saul quoq; quāvis reprobus, christus Domini à David dictus est: Jesus autē ipso angelo interpretatur, Salvator dicitur, causā interpretationis adjecta. Ipse enim saluum faciet populū à peccatis eorū. Vide igitur ne rectius sit atq; ad sanctorū dicta consonantius, illos in vero Christi nomine dicere congregatos, qui pro vera atq; æterna salute, vel sui vel aliquorum proximorū suorū, vel totius ecclesiæ catholicæ congregati sunt, sive hoc per pacis sive per alterius boni salutaris inquisitionē, † vel etiā adeptionē futurū sit. Sic enim fidelissimi divinatorū eloquiorum tractatores illos exponunt in nomine Jesu petere, qui ad salutē pertinentia

Num credere oporteat cuncta universalia concilia ejusdem & æqualis esse auctoritatis.

Num catholica fide tenenda sit generale Concilium unius falli non posse.

\* Hoc MS.

S. Joh. 1. 26.

Assistentia per præsentiam.  
\* Qua. MS.

Assistentia per gratiam.

S. Jo 14.

Christus à christinate dictus.

† Vel petitis. nem., Lyd.

petunt. Nam illa quidem tua expositio nimis angusta est, nec satis latè patet, & præmissæ sanctorum expositioni non omnino concordare videtur. Angusta primò, quia unicum pacis bonum comprehendit, deinde non sanctorum dictis plena consona, quoniam pax (de qua solà loquitur) non necessariò ad æternam pertinet salutem, sed de mediocribus bonis est, quibus & bene uti possumus, & perverse abuti, qua profectò si ecclesia non esset abusa, non sibi per illum sublata fuisset, de quo propheta ait: Divisi sunt ab ira vultus ejus. Et iterum: zelavi super iniquos, pacem peccatorum videns. Sed quia solet longa pax ac prosperitas temporalis luxuriæ & dissolutionem, morumque dissolutionem inducere, & rectè poterat de pace sua ecclesia dicere: Ecce in pace amaritudo mea amarissima. Ideo sublata est mala pax.

Cor contritum  
& humiliatum  
non despiciat  
Deus.

i. quæ malorum fuerat occasio, ut per afflictionem discordiæ humiliata, ac per hoc cum Deo reconciliata, qui cor contritum & humiliatum non despiciat, verà pacem iustitiæ atque bonæ cōscientiæ (quæ salutare utiq; bonum est, Deoq; gratissimū) rursus à Christo devotè quæreret, adipisciq; contenderet. Arma quippe iustitiæ secundū Apostolum, non solum sunt nobis à dextris, verumetiam à sinistris, imò frequentius accidit, ut quos prospera largius concessa à Deo averterunt, adversa salubriter immissa ad eum revocent. Nec solū per adversa temporalia Deus nos erudit atq; ad se revocat, sed per illa etiam quæ sunt ab illo tanquā mala prohibita. Quamvis enim malū sit schisma, mala discordia, quæ tanto in sacris literis studio vetantur ac detestantur, quia tamen per contraria curam esse oportet, illis plerumq; per hæc mederi solet Deus, quos pax ad lubrica proclivis, aut noxia in malo cōcordia, in moribus ægrotare fecit. Cum autem sic ex malis Deus bona elicit, illisq; ad bona utitur, rationem magis videntur boni quàm mali habere, & expedientis quàm impediētis. Ex fine enim in què diriguntur, metienda sunt. Quare enim dicere nō audeamus, ecclesiæ fuisse expediens hoc schisma oriri, cū de malo deteriori propter ecclesiæ utilitatē dicat Apostolus: Oportet hæreses esse, ut qui probati sunt, in nobis manifesti fiant. De illis itaq; bonis est pax tēporalis ecclesiæ, quæ secundum traditionē beati Augustini, cunctanter & trepidè, & cū adiecta conditione à Deo poscēda sunt, videlicet si nostræ salutis, ad quæ omnia vota nostra referenda sunt, ita expediat, quod utiq; ipse Salvator novit, nos autem ignoramus, Ideoq; illius arbitrio cuncta cōmittere debemus. Nam juxta apostolicā sententiam, quid oremus sicut oportet. i. sicut nostræ salutis expedit, nescimus, sed ipse spiritus postulat pro nobis. i. salutaria ac spiritualia postulare nos facit. Ipse enim est de quo dictū est: Et suggeret vobis omnia.

Ad ecclesiæ  
utilitatē dictū  
est ab Apo-  
stolo, Oportet  
hæreses esse.

Non omnes qui  
cōgregantur,  
in Christi no-  
mine congregantur.

Aureæ confi-  
derationes.

Si igitur pro tēporali tantū pace ecclesiæ recuperandā, aliqui in unū cōgregentur, nō continuò secundū prædicta necesse est credere illos in Christi nomine congregatos. Primò, quia ignorāt an ad salutē ipsius ecclesiæ ita expediat, quam verisimiliter à timore superbiæ, ardore cupiditatis, funiculis vanitatis, veneno simoniæ, alijsq; malis moribus ex temporali affluentia prodire solitis, per hanc sanare divisionē Christus instituit, qui non fineret mala evenire, nisi ex illis disposuisset bona elicere, à quibus malis ipsam ecclesiā, licet per hoc schisma graviter & diu afflictā, nondū tamen (proh dolor!) liberatā aut sanatā videmus. Quid enim aliud sunt tēporales afflictiones, quibus ecclesia premitur, nisi amaræ potiones, aut medicinæ quibus tēporalis cupiditas, superbia vel lascivia cōprimatur? sicut per Hieremiā dominus ait: Cibabo vos absinthio, & potū dabo vobis aquā fellis. Deniq; quia pleriq; carnales, quibus hodie supra modū abundat ecclesia, propterea pacem illam optant, ut in otio & tranquilla quiete, nullo interpellatē turbine adversitatis, suis possint voluntatibus (ne dicā voluptatibus) liberius fervire. Et quis illos in nomine Christi dixerit cōgregatos, qui hæc mēte unitatem quærunt ecclesiæ? qui tamē tot sunt, ut non facilè sint numerabiles, hi autem carnales filii ecclesiæ nō solum spiritualia nec curāt nec sentiunt, sed etiā persequuntur eos,\* qui sunt secundū spiritū, sicut à tēpore Abel iusti, quē Cain carnalis occidit, semper factū est, & usque ad finē mundi semper futurū, hi sunt qui pro tēporalibus tantū cōmodis ad ecclesiā cōvolant, qui ad seculariū formā in ecclesia vivunt, ambiunt, cupiunt, rapiunt, præesse gaudet nō prodesse, subditos opprimūt atq; spoliāt, prælationis honore gloriātur, pompis, fastu, luxu lætantur, qui quæstū pietatē æstimant, pro tēporaliumq; incrementō quomodolibet acquirēdo, cuncta & facere & pati sunt parati, qui volentes sanctè, iustè, castè, innocenter, spiritualiter vivere, cū cachinnis irrident, hypocritas appellāt,\* crucifixiq; comestores, qui deniq; non alios literatos in ecclesia utiles arbitrantur, nisi qui quæstuosas sunt scientias assequuti, qui tēporalia didicerunt tractare, & quomodolibet tueri atq; ampliare. Talibus autē hodie ecclesia plena est, ut vix in singulis Capitulis aut Collegiis alios invenire cōtingat. Cum igitur nō alii in ecclesiis sapientes hodie existimentur, nisi hi temporales, ad illorumq; arbitrium ac dispositionem universa agantur, si qui ad curiā Romanā, vel ad secularium principum curias, vel ad Concilium mittendi sint, aut isti ultrā tanquā prudentiores ab aliis mittuntur, aut spe majoris promotionis, ad quam inhiant per favores & intercessionēs maximā importunitate se mittere laborant. Quid autem ejusmodi temporales, nisi temporalia norunt quærere? nisi temporalem quæstum fructumque cogitare? An tales putandi sunt pro

\* Vide de  
quibus loquitur  
vir hic  
verè Christi-  
anus, & contra  
quos.

\* al crucifixi-  
osque. Lyd.

Pro Theolo-  
gis, contra  
juristas.

ecclesiæ

ecclesie reformatione in moribus & disciplina & vitæ honestate operam daturî, qui suam maximam calamitatem hoc esse deputant, qui sibi omne quod libuerit, volunt (etiâ impune) licere, qui idcirco a suis superioribus per Romanæ sedis præsulê magna pecuniarî largitione eximi quaesierunt, ut suo possent incastigati vivere arbitrio? Quomodo hos credemus pro vera & spirituali pace ecclesie nîci debere, quâ nec sapiunt, nec intelligunt? Animalis enim hōo (ut ait Apostolus) nō percipit ea quæ sunt spiritus Dei. Stulticia enim est illi, & nō potest intelligere ea, quia spiritualiter examinatur: Hæc autē pax vera & perfecta & spiritualis, sine præambulâ iustitiæ & Gratia Dei, in vanū quaeritur & expectatur, cum de iustitiâ dictum sit: Iustitiâ & pax osculatæ sunt. Et rursum: Orietur in diebus ejus iustitiâ & abundantia pacis, ubi semper paci iustitiâ præmittitur. Deniq; Apostolus ait, Iustificati ex fide pacē habeamus. De Gratia autem videmus apud eundē Apostolū, cū in omni epistolâ salutatione illis ad quos scribit, gratiâ & pacē optet, gratiâ paci semper anteponit: Gratia vobis & pax a Deo patre nostro & Domino Jesu Christo. Quis autem nisi a spiritu dei & sapientia profusus alienus sperare debeat, in tanta vitiōrum voragine, quantā videmus, duo ista nisi per ingentē & studiosissimā ecclesie reformationē recuperari posse? Liqueat ergo apertē ante verā solidamq; pacē ecclesie, reformationem morū ecclesiasticorū præmitti oportere. Alioquin Deus quomodo propter nostrā gravissimā scelera tam graviter contra nos offensus, nobis in iniquitate perdurantibus reconciliabitur atq; placabitur, nisi per vitæ melioris emendationē ipsas nostras iniquitates relinquamus? Ait ad ecclesiam Dominus per Hieremiam: Lava à malitiâ cor tuū Hierusalem, ut salva fias. Ulq; quo morabuntur in te cogitationes noxiæ? Nā temporales quidē & carnales homines, qui pacē tēporalē absq; prævia spirituali in ecclesia ponere contendunt, quid aliud videntur facere, quā sine posito edificare fundamentō? Ideoq; suū ruere necesse est adificiū. Hos cū objurgatiōe graviq; execratiōe Dōnus per Ezechielē prophetā arguit: Væ prophetis insipientibus qui sequuntur spiritū suū, & nihil vident, qui deceptunt populū meū, dicentes: Pax, pax, & nō est pax. Quid est sequi spiritū suū, & nihil vidēre, nisi huana carnaliq; sapiētiā absq; spiritus sancti gratia pacē in ecclesia velle ponere, cū ipsa ad Deū oret ecclesia: Fiat pax in virtute tua: Et quid est dicere, pax, pax, cū non sit pax, nisi pacē tantū considerare tēporalē, spirituale negligere, sine qua nec ista tēporalis certa ac vera haberi potest? Quæ alia res in Pisana cōgregatiōe ecclesia dei, populūq; decēpit, & clamāre fecit, pax, pax, cū nulla esset pax, nisi quia carnales & cupidi homines (qui ubiq; ex refrigerio charitatis superabundāti) beneficiorū ardore succenti, profusq; execrati, ecclesiasticā reformationē, quā boni & fideles pleriq; ante omnia fieri volebāt, impedierunt, ad novāq; mox electiōē processerunt, qua facta & promotionibus quas concupierant adepti, pacē esse clamantur, solutoq; conventu cum illa quā quaesierant pace, hoc est, promotione reverteri sunt: Scire ex te magnopere cupio, utrumne illos fuisse deceptos, ecclesiāq; decepisse, cum ipsi catholica ecclesiæ se pacem dedisse retulerunt, an potius ab omni deceptione tam activa quā passiva liberos? Et si quidē deceptos fuisse, deceptisq; contentis, cum illi in Concilio prævaluerint, illorumq; opinio fuerit Concilii definitio, vides profectō consequens esse Concilium falli potuisse. Si autē ab omni deceptione illos censes in omnibus actis immunēs fuisse, exprime, quaeso, rationes, quibus ad ita sentiendū inducaris: Ego enim meīs ignorantia in hac re & aliis mihi conscius, nec illas excogitare valeo, nec videre. Sed respondes in literis tuis, quod si aliquos fortē ambitio more humane fragilitatis cecaverit, ille tamen qui præsidet spiritus, ad finē ducit salutarē. Quare ergo ad certā & salutarē non perduxit tunc Spiritus unio? Quare ambiciosos vincere permisit, ecclesiāq; deludere, dicendo, pax, pax, cum manifestius apparuerit illā nō fuisse? quæ si fuisset, nō rursum super ecclesiæ adunatione præfens oportuisset Cōciliū congregari. Illis adest Spiritus, illos dirigit, atq; ad finē ducit salutarē, qui dignū in se hospitium illi paraverunt, seq; ejus aspiratiōe & visitatiōe (quantū in eis erat) per bona opera dignos fecerunt. Illos autē quodōd audiari, aut visitari aut illulstrari, qui sibi adversantur, illūq; cum in se nō possint, in aliis extinguere nituntur, qui pro igne charitatis, ardore sunt ambiciōis inflāmati? Nihil autē tā charitati adversum est, quā cupiditas: quæ charitas (teste Apostolo) non est ambitiosa, utpote quæ diffusa est in cordibus nostris per spiritum sanctum, qui datus est nobis. Qui præterea nihil non modō probare, sed nec patienter audire possunt, quod sua voluntati vel cupiditati contrarium sit: Qui nihil de spiritualibus donis gustantes, si quis aliquid de spiritu dixerit, velut insulsum atque insipidum cum risu & subfannatione excipiunt, cum sibilis exuffiant, cum clamore & contēptione rejiciunt: Qui ficto denique, fallacique corde ad sacra Dei negotia tractanda accedentes, dicunt se quæ Dei sunt, querere, quæ pacis & ædificationis sectari, cum reverā non quæ Dei sunt, sed quæ sua sunt, querant, singula quæq; ex sui placiti vel commodi respectu æstimantes. Audet Paulus in epistola ad Philippenses de Christianis fratribus sui temporis, inō de propriis comitibus loquens, dicere: Omnēs enim quæ sua sunt querant, non quæ Jesu Christi. Quod si de illis ait temporibus, quibus

Paulus in omni epistolâ salutatione gratiam & pacem optat.

Ante veram solidamq; pacem ecclesiæ, reformationē sunt mores ecclesiastici.

Pisana Concilii malitiam.

Charitati adversatur cupiditas.

I. I. z

Christia-



Fictis & sua  
querentibus,  
non adest Spi-  
ritus sanctus.

† Prima quæ  
Dei sunt. MS.  
Doctores si-  
mus, non ar-  
rogantes o-  
stentatores  
scientiæ.

Spirituales vi-  
ri omnia ju-  
dicant, & a  
nemine judi-  
cantur.  
Instruite in  
spiritu lenita-  
tis.

Secundum  
mores hodie-  
nos pauci re-  
periuntur in  
Conciliis qui-  
bus super re-  
quiescat Spi-  
ritus sanctus.

† Respice ad  
ista cum Hul-  
fo & Hierony-  
mo, & decre-  
tum de fide  
hereticis non  
servandâ.  
Viri probi ac  
justi & spiri-  
tus sancti igne  
serventes ad  
Concilia  
destinentur,  
qui non quæ-  
sunt, sed quæ  
Jesu Christi.

† Debitæque.  
MS.

Christianæ religionis recens adhuc creditur zelus magis incaluisse, cur de terrena facie no-  
strorum temporum non idem nobis liceat dicere? Talibus autem fictis & sua querentibus non ad-  
esse solet Spiritus Sanctus, sed illos velut inimicos effugit, de quo scriptum est: Spiritus San-  
ctus disciplinæ effugiet fictum, & auferet se à cogitationibus quæ sunt sine intellectu: ubi  
non aliud puto convenientius intellectu debere accipi, quam illi, qui inter ejus dona nume-  
ratur, & qui hominem de illorum facit forte de quibus dicitur: Erunt omnes docibiles  
Dei, ut scilicet ad illa † quæ sunt audienda, & dicenda, & amplectenda, libenter cor  
inclinat, & patientem commodat aurem, nec tam velit per tumorem arrogantiam, scientiæque  
ostentationem doctor aliorum videri, quam per humilitatem & sobriam de se estimationem,  
erga illos quos se meliores, sacrorumque celestium peritiores existimat, discipuli vicem te-  
nere. Ideoque non dictus est spiritus sanctus doctrinæ, sed spiritus sanctus disciplinæ, quia  
non tam doctorem quam docibilem reddit hominem. Docibile inquam, quantum ad ip-  
sum pertinet spiritum, qui interius docet de omnibus, & quantum ad spirituales viros, qui  
(secundum Apostolum) omnia judicant, & ipsi à nemine judicantur. Nam ad simplices  
quidē instruendos, illos doctores esse vult quos repleverit. Et licet ex igne zeli celestis il-  
los velit constanter & ardentem docere, propter quod in linguis igneis apparuit, tamē hu-  
militer & modestè suam vult doctrinā effundi: Modestia (inquit) vestra nota sit omnibus  
hominibus. Et alibi: Vos qui spirituales estis, instruite in spiritu lenitatis, non tumide, non  
arroganter, non clamose aut contentiose, non vincendi aut apparendi, vel scientiam suam  
inaniter ostendendi studio. Ab illis itaque cogitationibus se auferit Spiritus, quæ sunt sine in-  
tellectu, quia ab illis mentibus se subtrahit, quæ sensu carnis inflata, majoraque de se præsu-  
mentes, ipsi nesciunt spiritui, qui benignus & humilis est, humiliter subdi, suisque assertio-  
nibus pertinaciter insistentes, nec ab alio quolibet, nec ab ipso Spiritu sunt paratè doceri,  
cum Dominus per prophetam dicat: Super quem requiescet spiritus meus, nisi super humilem  
& quietum, & trementē sermones meos? Quod si non nisi super istos dominicā attesta-  
tionem requiescit, & secundum mores hodiernos pauci admodum tales verisimiliter in Con-  
ciliis sunt, in omniq; coetere, carnalium autē & temporalium, & ambitiosorum & contentiofo-  
rum, & illa quæ inflat scientiā tumentium, turba solet adesse copiosa: vide quemadmodum  
neceffe est credere, ipsum semper in Conciliis vincere Spiritum, consultatūque, mētes sibi  
semper resistentes, obicemque ponentes, ad illa quæ saniora sunt atque salutiora perducere;  
præsertim cum à majore numero concordium sententiarum Concilii soleant Decreta pro-  
cedere. Ista non dico astruendo, sed inquirendo potius, ut per te possim certior fieri, quomo-  
do putes spiritum sanctum in Concilio præsidere, atque ad ea quæ salutis sunt hominum  
minimè spiritualium mentes inflectere ac traducere. Nec ista propter præfens dico Con-  
cilium, de cujus salutari fructu plusquam de aliquibus præcedentibus in Domino spero,  
cum de ecclesiæ reformatione, quod in pacis reconciliatione caput esse debet, & jam multa  
illic tractata audiam & assidue tractari, quamquam etiam multa ibi sæpe incidere dolens  
† audio, quæ non tam fructus spiritus sunt, quam carnis opera, contentiones, æmulatio-  
nes, dissensiones, sectas, animositates, clamores insuper atque irrationes, quæ non secun-  
dum illam sunt gravitatem & modestiam, quas desiderat spiritus, quasque in pacis esse  
Concilio oportuerat. Attende igitur, quam neceffe sit, probos ac justos viros, & spiri-  
tus sancti, non cupiditatis igne serventes, ad Concilia destinari, qui non querunt quæ suæ  
sunt, sed quæ Jezu Christi, ut piam illius mereantur assistentiam, qui de congregatis in no-  
mine suo dixit: In medio illorum sum, & de quo per prophetam dicitur: Oculi Domini su-  
per justos, piamque etiam sui spiritus suggestionem, de qua ait: Et suggeret vobis omnia.  
Qui etiam spiritus (ut ait Apostolus) secundum Deum postulat pro sanctis, i. sanctos ea quæ  
secundum Deum sunt postulare facit; nec tantum postulare, sed etiam assequi. Solebant  
antiqui patres Concilium celebraturi, juniorum abstinencia, orandi instantia, lachrymarum  
inundantia, maxima cordis contritio, atque contribulati spiritus humilitas, in timore &  
tremore spiritus sancti assistentiam suffragiumque implorare; summā sollicitudine ac vigilan-  
tiam suorum latebras emundantes, ut nihil illic tanto hospite resideret indignum, quo of-  
fensus inde averteretur, & propterea illis assistebat, illos dirigebat atque exaudiebat, & in  
cordibus ac labiis eorum gratiam suam diffundebat, ut non tam illi quam spiritus loqueretur  
in eis. Quid autē necessariū erat tanta diligentia, si exploratū habebant se non posse falli aut  
deficere in his propter quæ fuerant congregati? aut ex defectu præparationis † vel dispositi-  
onis à suo non posse fraudari desiderio? Legimus sæpe in scriptura sacra, propter unius aut  
paucorum culpam, magnū sæpe innocentium hominum, Deoque amicorum solum exercitū, nec il-  
los adjutos aut exauditos; qui ad bella contra Dei hostes sincera mente processerant. Annon  
sola ovis morbida universi sæpe gregē inficit? Cum itaque ex unius vocē ac sententiā tota sæpe  
congregata pendeat multitudo, cur non sicut ille in judicio falli potest, ita ipsa tota falle-  
re multitudinem, maximè si ex humana præsumptione aut alia iniquitate falli digna sit?

Non-

Nonne per omnia rectè agere & nunquam falli vel deficere solius Dei est? Sciant gentes quoniam homines sunt, non dii, non angeli, non sancti confirmati. Si autem homines fragiles sunt, peccabiles sunt, mendaces sunt. Omnis enim homo mendax. Variis præterea passionibus atque ignorantis, quæ sæpe iudicium excæcant; obnoxii sunt, & tantò quidem peccabiliores atque ignorantiores, quanto à peccato atque ignorantia vano se voluerint timore eximere. Quod si dixeris non ex humana infirmitate, sed ex virtute spiritus sancti esse, quod Concilium falli non potest, quis potest certam habere notitiam, quod majori parti Concilii, quam præponderare oportet, Spiritus adsit? Quis audeat iudicare se dignum esse, cui gratia sancti spiritus adsit, cum nemo sciat utrum amore an odio dignus sit? Apostolus aperte dicat, Nihil mihi conscius sum, sed non in hoc iustificatus sum, sed neque meipsum iudico, qui autem me iudicat, Dominus est, cui scilicet soli nota est puritas mentium. Dices fortè esse verisimile, gratiam spiritus sancti semper aliquibus vel paucis in concilio adesse, quorum ignita atque efficaci persuasione ad illa quæ salutis sunt cæteros attrahat, dans voci eorum tanquam voci suæ vocem virtutis, qua in animo aduentum potentius influant. Quoniam (ut ait Solomon) verba sapientum sunt quasi stimuli & quasi clavi in altum defixi. Possunt tales (siqui ibi sunt) illos monere, quorum corda Deus tetigerit, quique ex debita dispositione & spiritus sancti præventionē ad spiritalia sunt capiendi idonei. Alioquin si multitudo propter peccata atque indispositionem digna est decipi, paucos ad se illi sicut viri spirituales, nec qui possint adversus alios prævalere. Nonne in Concilio Achab sanctus propheta Domini Michæas adfuit, qui ea quæ suggererat spiritus sanctus intrepidè dixit, nec tamen regi aut cæteris malis prophetis esse sentu ac spiritu proprio loquentibus aliquid persuasit, quoniam digni erant decipi, quem admodum ad spiritum mendacem, qui ad illos decipiendos mitti petierat, prædixerat dominus: Decipies & prævalebis. Quis autem possit certò scire, an maior pars Concilii sit digna decipi, ex qua pender definitio. Lege apud Hieremiam prophetam quid de templo suo Dominus loquatur contra illos qui sibi falsò promittebant, quod propter eorum iniquitatem Deus illud non deseret. Nolite confidere (inquit) in verbis mendacii, dicentes, templum domini est, quoniam si benedixeritis vias vestras & studia vestra, si feceritis iudicium, & cætera multa quæ illic sequuntur, habitabo vobiscum in loco isto. Deinde cum plurima illorum peccata enumerasset, adjecit atque ait, Ergo spelunca latronum facta est domus ista, in qua invocatum est nomen meum in oculis vestris. Item in Silo; ubi habitavit nomen meum à principio, & videte quæ fecerim ei propter malitiam populi mei: & nunc quia fecistis omnia opera hæc, & non audistis me, faciam domui huic in qua vos habetis fiduciam, sicut feci Silo, & projiciam vos à facie mea. Et converso ad prophetam sermone sequitur: Tu ergo noli orare pro populo hoc, nec assumes pro eis laudem & orationem, & non obstitas mihi, quia non exaudiam te. Ubi licet aperte intueri quàm modicum apud contumaces Deique contemptores, & apud Deum pro illis sancti iustique proficiunt. Quid autem est templum domini, nisi Ecclesia Dei? Quamvis enim ad Judæos ista ad litteram sunt dicta, & pro illis scripta, tamen secundum traditionem apostolicam, in figura dicta sunt illis; quæ figura ecclesiam Christi, moreque ejus hodiernos videtur respicere. Sed adhuc fortè dices falli non posse promissa Domini, quibus cum ecclesia sua usque ad consummationem sæculi se futurum spondit. Fateor sane certum esse illa falli non posse, sed ubi & cum quibus per gratiam in ecclesia sua sit, non nostrum, sed illius est nosse. Novit Dominus qui sunt ejus inquit (Apostolus) nos autem quomodo nosse possumus? In sola potest muliercula per gratiam manere ecclesia, sicut in sola virgine tempore passionis mansisse fertur. Nunquid majoris erit autoritatis aut prerogative Concilium episcoporum hujus temporis, & propter illorum iustitiam quorundam \* cum illis doctorum hominum, quàm congregatio apostolorum fuit, qui tamen omnes declinaverunt & trepidaverunt? Nunquid præterea majoris erit prerogativa, quàm universa militans Ecclesia, in qua dixit Augustinus non impleri posse quod ait Apostolus, ut exhibeat sibi gloriosam ecclesiam non habentem maculam aut rugam, sed tantum in celesti Hierusalem, ubi verum erit quod scriptum est: Sine macula sunt ante thronum Dei? Quid aliud credere possumus causæ esse, quare illa quatuor Concilia (quæ tanta præ cæteris excellentia commendat Gregorius) scilicet Nicænum, Constantinopolitanum, Ephesinum primum & Chalcedonense, tam in singulari sint inter alia veneratione sacrosancta habita, nisi quia ex sanctis erant hominibus collecta, sanctique in terra habebantur, qui illuc convenerant propterea; in illis & per illos suas mirificavit Deus voluntates, sicut per sanctum prophetam dixit: \* Sanctis qui sunt in terra ejus, mirificavit omnes voluntates meas in eis, Spiritus enim ubertate ditati, pinguedineque saginati nihil petierunt aut constituerunt, nisi quod veller Deus; & propterea non sunt fraudati à desiderio suo. Tales congregati spiritus sanctus, talibus adesset, in medio talium versatur & volitat, & delicia sibi magnæ sunt

Omnia rectè agere, & nunquam falli, solius Dei est. Psal. 115.

Paulus.

\* alios clamorosa concentusque instruit multitudine prævalere. Lyd. 1 Reg. 22. 22.

Jerem. 7. 4, 5.

verf. 11.

verf. 16.

De hac re vide sup. pag. 9. \* etiam cum. M. S.

Cur quatuor Concilia, Nicænum videlicet, Constantinopolitana, Ephesinum & Chalcedonense cæteris excellentiora sanctiora sint habita.

\* Psal. 16. 3.



Conventicula  
de sanguini-  
bus quamdam.

cum talibus esse filiis hominum. Secus autem est de illis, de quibus uno interjecto versiculo; subiungitur: Non congregabo conventicula eorum de sanguinibus. Quæ autem sint conventicula de sanguinibus, quæ se non congregatum dixit Spiritus Sanctus, nescio, nisi illa esse dicantur quæ ad tractandum de temporalibus vel carnalibus congregata sunt. Sanguis quippe & carnalia signat, ut, Libera me de sanguinibus, & temporalia interdum, ut in Ecclesiastico: Panis egentium vita illorum, qui hunc defraudat, vir sanguinum est. Quid autem aliud quam carnales sunt qui Concilii negotia clamose, contentiosè, passionalliter & iracundè, cum jurgio & amaritudine tractant, secundum illud apostolicum: Cum sint inter vos zelus & contentio, nonne carnales estis? \* Ex statu quippe & habitudine congregatorum magna ex parte pendere videntur eventus atque definitio Conciliorum, quoniam plerumque secundum merita poscentium Deus postulata concedit vel abnegat. Duo namque jam ante pauca tempora super schismatis abolitione facta sunt Concilia, & in ambo- bus à votis & spe excidimus, utinam in tertio isto voti compotes simus. In secundo autem illorum Conciliorum audisse te arbitror quid contigerit. Res nempe ita pervulgata fuit, ut vix aliquem latere potuerit, quam illo tempore ex veridico comperi autore, & qui me minimè fallere (ut puto) voluisset, & quam paucis (si fortè non audisti) volo referre.

\* In editione  
L. diana sup-  
pletur aliquid  
ex N. S. quod  
hic deest:  
Sc.— nonne  
carnales estis?  
Si autem car-  
nales, quomo-  
do spiritualia  
sunt? cum

caro concupiscit adversus spiritum & spiritus adversus carnem: præterea si carnales, quomodo rerum spiritualium idonei judices? cum de illis dicat Apollol. spiritus omnis iudicat, & ipse à nemine iudicatur. Denique spiritualis viris idem Apost. præcipit, Instruite in spiritu lenitatis. Suavis quippe & benignus est spiritus, non asper, mordax, clamorosus aut contumeliosus. Ex statu...

Balthasar  
Cossa, Johan-  
nes xxiv. di-  
ctus.

¶ Convocaverat ante quatuor ferme annos Romæ Concilium ecclesiæ, maxima quo-  
rundam compulsus instantia, Balthasar ille perfidissimus, noster è Petri sede (quam tur-  
pissimè sedebat) ejectus, in quo paucissimis concurrentibus extraneis, ex aliquibus qui  
adverserant Italicis ac curialibus, sessiones aliquot tenuit, in rebus supervacuis, nihilque ad  
utilitatem ecclesiæ pertinentibus (tempus terendo) consumptas. Cumque ante primam  
Concilii congressionem pro invocatione sancti spiritus solito fuisset de more Missa cele-  
brata, ubi Concilium affedit, ipseque Balthasar in parata sibi cathedra sublimior præfedit,  
ecce dirus ac feralis bubo, funeris aut alterius (ut ferunt) calamitatis semper nuncius, è  
lætrebris suis erumpens, cum sua illa horrida voce continuo advolat, super trabemque tem-  
pli mediam, oculis in Balthasarem directo intuitu conjectis astitit. Cœperunt universi  
mirari, quod nocturna avis & lucifuga, diurna luce in turbæ medium advenisset, malum-  
que omen ex prodigio non immerito auspicabatur. En, inquebant suppressa voce al-  
ter ad alterum, in specie bubonis spiritus adest. Cumque ceteri & se mutuo & Baltha-  
sarem spectantes, vix risum tenerent, Balthasar ipse (in quem solum ille fixa acie oculos in-  
tenderat) rubore suffusus, sudare, angustiarum, atque intra semetipsum æstulare cœpit,  
randemque non inveniens qua alia posset ratione suæ tantæ confusioni consulere, soluto  
Concilio, surgens abcessit. Sequuta est deinde altera sessio, in qua rursus more simili  
(licet, ut credo, minimè vocatus) bubo adesse non omisit, verso semper in Balthasarem  
concurtu. Quem ille rediisse conspiciens, majori quam prius verecundiâ meritò con-  
turbatus est, nec illius ultra ferre prævalens conspectum, sustibus illum, terrificisque cla-  
moribus abigi præcepit. Sed ille nec vocum inquietudine, nec aliis tremefactus molestiis  
effugere voluit, donec sustium crebris ictibus acerrimè pulsatus, in conspectu omnium  
exanimis decidit. Hæc ex quodam fidelis amico didici, qui illis diebus recto gradu Romam  
veniebat, super quibus cum propter rei insuetudinem hæsitare cœpissem, per me vehe-  
mentissimè adjuratus, verissima se retulisse confirmavit. Addebat autem, omnes qui  
aderant, in magnam contemptum atque irrisum Concilii ex hac re adductos, paula-  
timque toto dilapso Concilio, nihil illic prorsus actum esse fructuosum. Perspice igitur  
quantæ videntur posse occasiones deceptionis aut fallaciæ, aut frustrandi, irritandique  
Concilii incidere, si ex capitis \* indignitate, ut in illo forsitan Concilio, de quo mo-  
do loquebar, si ex majoris partis aggregatorum † indispositione quæ ad gratiam fan-  
cti spiritus percipiendam non est ritè parata, quæ non nisi puras gaudet mentes invisere.  
Unde sanctus propheta rogando dicturus, Spiritum rectum innova in visceribus meis,  
qui si rectè agere doceat, & falli non sinat, non immerito præmissi, Cor mundum crea in  
me, Deus; tanquam certissimè cognoscens se non nisi corde mundato rectitudinem spi-  
ritus, quæ illum in agendis, ne falleretur, dirigeret, posse consequi. Possunt insuper aliæ  
causæ deceptionis aut fallaciæ in Concilio contingere, si ex nimia attentione ad pacem  
temporalem, aliosque temporales fructus. spiritualiumque rerum incuria, si ex aliqui-  
bus ex nimia præsumptione atque æstimatione suæ sapientiæ, per quam se putant ecclesiæ  
posse subvenire, & cui magis innituntur quam cœlesti gratiæ, cum de tali sit sapientiæ  
scriptum: Perdam sapientiam sapientium, & prudentiam prudentium reprobabo, illorum  
s. qui

\* Inepituidi-  
ne. MS.  
† Indignita-  
te. MS.

Plalra. 51.

Isai. 29. 14.  
& 1 Cor. 1.  
19.

f. qui contra apostolicam admonitionem prudentes sunt apud semetipsos, & plus sapiunt quam oportet sapere; sive postremo ex negligentia intuendi scripturas divinas, sanctorumque patrum dicta & scripta, in quibus sacratum spiritualiumque rerum & petendarum & impetrandarum forma opportunius tradita invenitur. Quæ si ita sunt, vel esse possunt (nil enim affirmo) sicut temerarium videris arbitrari generalem dicere synodum facile errare aut falli posse, ita tuum est considerare, ne forte non omnino à temeritate alienum sit, nunquam illam posse deficere, pertinaci velle defensione astruere, nisi aut firmissima autoritate, aut certissima ratione ita esse convinceretur. Quod etiam si certo & constanti esset documentum monstratum, non adhuc tamen utile crediderim illos qui ad synodum ipsam conveniunt, isti inniti aestimationi, ne forte sub umbra atque occasione talis confidentiæ, aliqua vel ex humana præsumptione (quæ exinde posset apud multos facile consurgere) nimis leviter sibi agenda sulciperent, vel minori consideratione digesta statuerent. Optimus nempe custos disciplinæ, totiusque rectitudinis timor est, ad quem penè tota scriptura mira sollicitudine unumquemque hortatur. Noli altum sapere, sed time, inquit Apostolus. Et alibi legitur: Beatus homo, qui est pavidus. Denique Job sanctissimus ait: Verebar omnia opera mea, quare meritò rectus fuisse ac timens Deum describitur. Timor siquidem sapientes facit, atque ideo non ex facili fallibiles. Initium enim sapientiæ timor domini. Timor iustos facit, dicente scriptura, Qui sine timore est, non poterit iustificari. Qui autem iusti sunt, exaudiri merentur, nec repulsam in votis suis sustinere, quoniam scriptum est: Desiderium suum iusti dabitur. Et in Psalmis cum dictum esset: Oculi domini super iustos, statim adiunctum est, Et aures ejus ad preces eorum. Timor postremo sanctos facit. Unde est illud apostolicum: Perficientes sanctificationem in timore Dei, in talibus autem (ut supra dictum est) voluntates suas Spiritus Sanctus mirificat. Isti sunt æstus & scrupuli dubitationum, qui in re de qua invicem conferre cepimus, adhuc apud me remanserunt, & forsitan plures ac majores possent aliis doctoribus occurrere. Super his autem dum tibi per otium licebit (nolo enim aliquid aliàs à te exigere) ad meam poteris instructionem, animique serenationem quid sentiendum existimes aperire, non simul quidem ad omnia vel de omnibus rescribendo, quod à tua non aulam petere occupatione, sed particulatim modò ad unum, modò ad alterum, prout & tibi videbitur, & alia incumbentiæ permittent negotia. Forsitan autem mihi & aliis non tanta in materiis istis occurrerent dubia, si in Conciliorum definitionibus, vel ex scriptura divina vel aliunde rationes atque probationes essent abjectæ. Quoniam (ut sapientissimè dixit Hilarius noster) intelligentia dictorum ex causis est assumenda dicendi; quod à principio dixi mihi videri rectius fuisse. Ex his igitur atque aliis, quæ tibi fortè cogitanti melius occurrerent, vides, ut puto, quàm congruum fuisset, ut non dicam necessarium, legitimis aliquibus documentis tantas confirmandas fuisse novas editiones, quarum omnium non alia affertur probatio, nisi quòd per generalem sunt synodum constitutæ, quæ falli aut errare non potest; quod an ad perfectam illarum intelligentiam sufficiat tu videris, ubi præsertim tanta ex scripturis ob stare videntur, quæ etsi non apud doctissimos, apud simplices tamen & minus doctos magnam possunt ambiguitatis, vel scandali præbere materiam. Tibi verò non ignotum est, quanta curâ caveat & moneat Christus, quanta insuper Paulus apostolus, ne parvulis in Christum credentibus occasio præstetur scandali. Ista autem non in reprehensionem, calumniamque concilii ritè & cum Dei timore plus quàm humana præsumptione celebrati, sed (Deo teste) in quietem pacationemque animi mei apud te aperire volui. Bene igitur fecerit tuâ charitas, si huic meæ mentis anxietati, pro concessâ sibi à Deo doctrina mederi studuerit, per reique obscuræ & involutæ elucidationem pro me atque aliis simplicioribus scandali radicem præcidere. Nihil autem (ut jam sæpe dixi & repetere nequaquam piget) in his aut aliis scriptis astruere intendo, nisi quòd catholica sit integritas perfectè consonum. Si quid autem minus certum aut verum non asserendo, sed dubitando, vel argumentando proposui, quo de certitudine plenius possim informari, non puto quòd ad temeritatem debeat mihi imputari. Alioquin temerarium esset minus intellecta velle à sapientioribus discere, quamvis etiam certè paratus sim, si ea quæ me movent dubia explicando aliquid in radice veritatis minus fundatum, aut alicujus fortassis scandali illativum nimis astruere viderer, aut fideli admonitu illud eradere, aut ad lineam rectitudinis limâ exactiori emendare.

Timor optimus disciplinæ custos.

Ecclus. 1. : 8.  
Prov. 10. 24.

Timor sanctos facit.

Intelligentia dictorum ex causis est assumenda dicendi.

¶ O. G. Ad Lectorem pro instructione præcedentium, quæ dicta sunt de Bubone, ab ipso Archidiacono.

**P**rodigium, quod hic de bubone relatum est, ut intelligas, lector, necessum est te non ignorare (Teste namque sanctissimo Leone, Melius est defraudare doctos notis, quam defraudare rudes incognitis) quisnam fuerit ille Balthasar, cui illud in papali Cathedra residenti, claro die contigerit. Tres enim non diu ante Concilium Constantiense super Pontificatu simul decertabant. Primus enim fuit Johannes, quem Platina 24. alii verò scriptores 23. hujus nominis appellant. Secundus Gregorius 12. Tertius verò Benedictus. Hunc Hispani, Gregorium Galli, & Johannem Itali, in hoc schismatico ambitionis conflictu, quisque suum, defensabant. Johannes autem, ut rem ipsam aggrediar, indixit Concilium, id quod Romæ celebravit in æde S. Martino sacra. Ubi quale portentum acciderit, paulò ante legisti. Tale etiam ut Conciliabulum potius quam Concilium coegerit. Hic ergo Johannes, natione Neapolitanus, Balthasar Cossæ vocatus, priusquam dolis & fraudibus pontificatum appeteret. Postea verò communi omnium nationum consensu ad sacrum generale Concilium Constantiense citatur, ubi cum suis collegis depositus, conjectus est in carcerem. Reliqua, quæ hic commodè de hoc homine dici possent, in pontificum catalogo, quem Johan. Stella Venetus Romæ edidit, copiosius reperies. Se enim ipse (quum armata manu Bononiam occuparet, & pallium S. Petri à Cardinalibus ibidem expeteret) summum constituit pontificem. Itemque, quàm vitæ ac moribus fuerit improbus, sacrosancta generalis synodus Constantiæ declaravit. Si tibi Venetus non satisciat, lege Platinam alioque historicos, & vale feliciter.

## EJUSDEM AD EUNDEM SCHOLASTICUM.

**V**erebar, illam ad te ingentem scribens epistolam, id quod evenit, ne sc. non satis tibi vacui temporis adesset, ut ad tot tibi liceret quæsitæ respondere, his præsertim diebus: quibus ex officii debito aliis studiis ac curis implicaris, proptereaque (si meministi) ignosci per te mihi poscebam, si nimis multa ex te querendo, nimio tibi oneri essem, addebamque me minimè velle (sicut nec æquum erat) ut labores qui ex officio tibi incumbunt propter mea accessoria impedirentur scripta. Quamvis autem non pro curiositate (ut aliquantulum suspicaris) sed pro mea instructione illud peterem, nunquam tamen meæ fuit intentionis à te exigere, ut aliquid super illis, nisi ex tuo beneplacito & libera etiam concessa facultate rescriberes. Nihil quippe à te vellem requirere, quo te putarem offendi debere vel quod aliquatenus opinarer tibi molestum esse, quæ etiam mea est. Amici enim sumus & sinceri (nisi fallor) in Deo amici. Amicorum autem est idem velle idemque nolle. Denique quanquam Deum ac conscientiam testari liceat, nullatenus stomachato animo illa fuisse scripta, quòd miror tibi visum esse, quia tamen, undecunque hoc eveniret, ita tibi visum est, ut tuæ quantum fas fuerit, voluntati ac petitioni morem geram, dulciora ac sedatiora enitar. Deinceps scripta transmittere, in quibus nihil quisquam possit felis, nihil stomachi, aut alicujus deprehendere amaritudinis. Nam vivas quidem tecum miscere voces (quod magnopere etiam optarem) nec loca nunc, nec tempora sinunt, quæ nobis dignetur placitorum Christus annuere, quo nostris possimus desideriis in ipso perfui. Si qua enim putas in te mihi credendum esse, in hac constanter crede, nihil mihi fore jucundius tua societate, sed solitudinem animo gratam relinquere civitatemque repetere, ad quam me revocas, necdum consilium est. Oppressus namque (ut nosti) ante aliquot annos æmuloz in insultatione, me tunc gravissimè persequentium, ex urbe illa fui excedere compulsus, latebrasque à facie tempestatis contra me injustè admodum illic sevientis alibi querere. Elongavi itaque fugiens, & mansi in solitudine, expectans illic eum qui salvum me faceret à pusillanimitate spiritus & tempestate, quoniam vidi iniquitatem & contradictionem in civitate. Quod quidem (quantum re ipsa experiri potui) mihi ad fructum cessit, à dominoque factum esse existimo. Primum, quia me & conscientiam meam peccatis onustam aliquantula compunctione quietius atque opportunius

Amicorum est  
idem velle,  
idem nolle.

Causa & fructus  
cessationis Nic. de  
Clamengii, à  
Parisiis.

portunius ad Deū recollegi. Deinde, quia post longam lectionem secularis eloquentiæ gentiliūque scriptorum, in quibus non parva tempora occupavi, tandem illic ad faci cationis investigationem sacrorumque doctōrum mysticē ac salutariter illum exponentium, magna me aviditate contuli, quæ nunc penè sola de gratia Christi me lectio delectat, in qua etsi parum \* studio solus proficere potui, plus tamen (ut opinor) profeci quam tota antea acta ætate in † studio Parisiensi. Adde quod stilo secessum requirenti, solitudinemque desideranti, melius, uberius, liberius, operam dedi. Sanè & plura in loco isto & utiliora scripsi (si quid potest utilitatis hic calamus asferre) quam in cæteris omnibus locis, in totaque cætera vita, & insuper quacunq; alibi antea scripseram, hic recensui, limaque exactiori emendare studui. Illum postremò non arbitror fructum meæ fugæ ac solitudinis contemnendum, quòd interim à sensu acerbissimorum malorum, quæ nostra viderunt & nunc vident tempora, à furore belli civilis, à periculoso nimium partium studio, à fornace denique incendii horum certaminum pestiferorum, atque huic tandem infœlici patriæ exitium, in solitario isto loco delitescens absui, quibus plerique ne implicarentur, Hierosolymam petierunt, alii sanctam Catharinam, montemque Sinai, nonnulli in Hispanias ad sanctum Jacobum peregrino sunt itinere profecti. Nec desuerunt qui his impellentibus causis, multis jam annis orbem lustrant, ut nemini debeat mirum videri, si quietis ac pacis amore à turbino me strepitu paululum subdixi. Vale apud fontem.

\* Parum ingenio parum studio. Syd. † Ulricè delectatur aut lectione Evangelii; caq; plus proficit, etiam si solus, quam tota antea acta ætate, in Societate docti Parisiis profecerat.

## FINIS.

¶ Orthuinus Gratius Lectori candido S. P. D.

Varia hætenus commemorata sunt, Lector, quæ ut accipere atque intelligere debeat in nostris ad te præfationibus satis explicatum opinor. Nunc tandem de Conciliis generalibus ex Clamengio Archidiacono, & de Reformatione universalis ecclesiæ ex libello identidem Petri de Alliaco & Johannis Francisci Mirandulani, Concordiæ Comitibus, nonnihil dicetur. Scis enim duplicem esse Dei Ecclesiam, militantem videlicet & triumphantem. Illa universalis sub hoc orbe lunari omnium est fidelium collectio, in suis quandoque membris à certo veritatis scopo deficiens; hæc autem cœlestis Hierusalem, quæ nullis, neque demonum insultibus opprimi, neque hæreticorum technis aut fraudibus decipi potest. Habet itaque duas ecclesiæ Dei vias (ut Gregorius super Ezechielem sentire videtur) unam in qua merces colligitur, alteram, in qua jam è receptis gaudeat muneribus. In utraque etenim vita, suum ecclesiæ offert sacrificium, hic compunctionis, illic verò laudis. Hinc ob duo hæc quæ nunc diximus (quanquam etiam & de sola militante dicantur ecclesiâ) sanctus proclamat Bernardus: O humilitas! & sublimitas! tabernaculū Cedar & sanctuariū Dei, terrenū habitaculū & cœleste palatiū, domus lutea & aula regia, corpus mortis & templum lucis, despectio superbis & Christi sponsa. Cujus (hoc est ecclesiæ militantis) typus est Arca Noe, in qua sicuti olim pardus & hoedi, lupo & agni, ita & hic in nostra ecclesiā, boni & mali, iusti & peccatores, vasque aurea & argentea, lignea & fictilia continentur, quorum quædam (ut Paulus ad Timotheum ait) sunt in honorem, & quædam in contumeliam. Ecclesiā igitur hæc militans, media est (ut duobus Chrysostomi verbis utar) inter cœlum & inferos, illic prædestinatos, hic vero præcitos constituens, malos juxta ac bonos simul complectendo. Frumentum quippe bonum agro inferitur, virentibus tamen in arvis, imò etiam & culmis ipsis flavescentibus, ac planè jam onustis, lappaque & tribuli, steriles dominantur avenæ. Nec mirum. Quinquæ enim virgines in Evangelio fatuas habes, & quinque prudentes. Habes quoque arborem bonam & malam, zizaniā & triticum. Habes sagenam in mare demissam, & ex omni genere piscium, indifferenter, tam gratos quam inutiles constringentem. At quorsum hæc tam multa, Lector mihi in Christo charissime? Ut (inquam) intelligas, in hac nostra ecclesiā multos abusos esse, qui iusto Dei iudicio, in supernis sedibus condemnari, & à nobis omnibus in hac lachrymarum valle non indecenter post scamnum (ut sic dicam) projici, aut rectius aboleri possent. Utinam ergo è cœlo Spiritus Sanctus descendat, & suo ventilabro, per nostros superiores (quibus & ligandi & solvendi potestas est) aream suam expurget, & ex lolio ac palea, bonum faciat triticum. Cæterum possibile non est, ut propter Jebusæos ignobiles, ad amissum hæc militans Dei ecclesiā purgetur, perverti tamen ac seduci non debet fides tua, quo minus in illa ad finem usque perseveres. Vale feliciter & quæ sequuntur diligenter perlege.

DE

## DE EMENDATIONE ECCLESIAE

Libellus, à Reverendissimo Domino Petro de Alliaco Cardinali Cameracensi, patribus olim oblatus in Concilio Constantiensi congregatis, quod Christianissimus Princeps Sigismundus Augustus convocarat, non tam ob ecclesiae concordiam, quam communis morum emendationis spe. Quæ quo minus processerit, per hunc non stetit, sed per Ecclesiasticos, Germanicæ simplicitati imponente Romana astutiâ.

## AD LECTOREM.

**C**UJUS cor tam est lapideum, quod non commoveatur? cujus oculi tam siccæ sunt, ut non madescant undis lachrymarum, qui cogitet quid intentatum reliquerit Christianissimus ille Princeps Sigismundus Aug. quo dissentientes in concordiam redigeret Pontifices, ut tandem Rempublicam Christianam pulchrè emendatam ad evangelicam amissum cerneret prius quam vitâ defungeretur? Indixit Concilium in Constantia Germaniæ. Ipse in Britanniam navigavit, in Aragoniam profectus est, Galliam adiit amore concordiae. Quam ubi tandem obtinisset, & jam Oddo Columnensis in Pontificem electus, & Martinus quintus appellatus esset, exuberanti gaudio velut extra se raptus planè sperabat ecclesiasticos proceres emendationi publicæ statim operam daturus. At pietissimum Principem novus Pontifex bellè elusit, asserens se de hac re per otium cogitaturum, in primis adeundam esse Romam, cujus templa absente jam annis aliquot pontifice, passim collaberentur, & quod Petri patrimonium vocant, e tyrannorum manibus eripiendum. Quasi verò non præstet quicquid est Romæ sacellorum corruiere, si morum emendatio possit obtineri.

Quomodo Sigismundus à Pontifice delusus.

Theologia scholastica ingeniosa ad conscientias nugis onerandas & ad excusationes pro peccatis fabricandas.

Templa semper restitui possunt, & opibus ornari. Emendatio ope divina habet opus, & animis principum in hoc laborantibus. Sic elusus fuit Sigismundus Cæsar, qui alioqui natus videri poterat ad Christianismum orbi restituendum, ejus adhuc extant in Germanica lingua de omnium ordinum emendatione pro tota republica Christiana gravissimæ constitutiones. Idem animi videtur habuisse Petrus ab Alliaco Cardinalis Cameracensis, qui licet infectus esset Theologiâ ista scholastica, quæ est ingeniosa cum ad conscientias in nugis aggravandas, tum rursus ad inveniendas excusationes in peccatis multò solertissima, temperare tamen sibi non potuit, quin hunc libellum, quem diu suppressum nunc emittimus, pro publica morum emendatione à se conscriptum, patribus in Constantia Germaniæ jussu Cæsar. Sigismundi congregatis offerret. Quo tamen haud plus effecit, quam abhinc aliquot annos Raimundus Cardinalis Gurcensis sua privatim monitione. Nam cum is commodum Romam revertisset, onustus auro Germanico, quod suprema sua legatione fungens, ex distractione thesauri illius indulgentiarum exhausti corralerat (meritorum Christi videlicet, & sanctorum, quæ illis superabant cum judice Deo rationem ineuntibus) sortè in senatu purpuratorum patrum (consistorium illi vocant) rogatus est, quidnam de Roma sentirent Barbari, quando ad illos tanta benignitate merces indulgentiarum importaretur? Respondit Raimundus, Totum orbem conqueri de luxu fastuque Cardinalium. Quod nisi vos (inquit) emendatos viderint, erit in periculo Respub. nostra. Id cum pluribus verbis repeteret, cuncti contrahebant ad hunc sermonem frontes & humeros suos, qui Italici mos est. Cæterum ut optimus pater deinceps taceret de reformatione, re valde odiosa Romæ, de qua nimium coeperat loqui, bono haud dubiè zelo motus, communicato prius consilio convenit inter Cardinales, ut unus ex ipsis notæ audaciæ sic senem pudefaceret. Quod ordo noster apud Barbaros male audit, tu ipse in causa es, qui tam copioso famulitio, tanto luxu vestium & epularum, tantoque splendore domesticæ suppellectilis usus es, ut invidiam & tibi & nobis compararis, atque hæc cum stomachi significatione proloquutus est. Intellexit rem statim optimus pater, & deinceps siluit. Itaque Deus Optimus Maximus orandus est, ut illustret cæcas hominum mentes & pectora cæca. Nam à nobis nulla spes est, quos omnes communis culpa velut eodem fasce constringit. Vale, Lector.

Magna spes emendationis Romæ.



## DE REFORMATIONE ECCLESIAE,

Libellus Reverendissimi patris D. Petri de Alliaco Cardinalis Cameracensis, oblatus primoribus ecclesiasticis in Concilio Constantensi, jussu Cæsaris Sigismundi congregatis, An. M. CCCC. XV. mense Novembri.

## P R Æ F A T I O.

**D**E Reformatione Ecclesiæ dudum plura per me scripta nunc compendiosius recolligere, & sacri generalis Concilii Constantiensis examinationi & correctioni præsentare decrevi. Quæ ecclesiæ reformatio quàm necessaria olim fuerit, & amplius modò sit, evidenter ostendit defenda ipsius deformatio, de qua lamentabiliter conquerebatur beatus Bernardus sermone tricesimo tertio, super Cantica, ita dicens: Serpit hodie putrida tabes per omne corpus ecclesiæ, & quò latius eò desperatus, eoque periculosius quò interior. Nam si insurgeret apertus hæreticus, mitteretur foras & arefceret: si violentus inimicus absconderet se forsan ab eo. Nunc verò quem ejiciet, aut à quo abscondet se? Omnes amici, & omnes inimici. Omnes necessarij, & omnes adversarij. Omnes domestici, & nulli pacifici. Omnes proximi, & omnes quæ sua sunt, quærunt. Ministri Christi sunt, & serviunt Antichristo. Honorati incedunt de bonis Domini, qui Domino honorem non deferunt. Et enumeratis quibusdam excessivis abusibus ecclesiasticorum, subdit, Olim prædictum est, & nunc tempus implementationis advenit. Ecce in pace amaritudo mea amarissima. Amara prius in nece martyrum, amarior post in conflictu hæreticorum, amarissima nunc in moribus domesticorum. Non fugare, non fugere eos potest, ita invaluerunt & multiplicati sunt super numerum. Intestina & insanabilis est plaga ecclesiæ. Et ideo in pace amaritudo ejus amarissima. Sed in qua pace? Et pax est, & non est pax. Pax à Paganis, ab hæreticis, sed non profecto à filiis. Vox plangentis in tempore isto. Filios enutrivì & exaltavi, ipsi autem spreverunt me. Spreverunt & maculaverunt me à turpi vita, à turpi quæstu, à turpi commercio, à negotio denique perambulante in tenebris. Si hæc à beato Bernardo dicta sunt, nunc multò magis dici possunt; quia extunc de malis ad pejora processit, & in omni tam spiritali quàm seculari statu, abjecto decore virtutum, in variam cecidit turpitudinem vitiorum. Propterea extunc quidam spirituales mala hæc subtilioris intelligentiæ oculo prævidentes, præsentis ecclesiæ persequutionem, & hujus schismatis horrendam monstruosamq; divisionem, subtractionem quoque obedientiæ ab ecclesiâ Romana, & alia plura scandalosa inde sequutura prædixerunt. Sicut patet in libris Abbatis Joachim & Hildegardis, quos non esse contemnendos, quorundam magnorum \* doctorem probat autoritas. Hæc autem Deus misericordissimus, qui solus ex malis bona novit elicere, ideo permittere credendus est, ut eorum occasione ecclesiâ suâ in melius reformetur. Quod nisi celeriter fiat, audeo dicere, quòd licet magna sint quæ videmus, tamen in brevi incomparabiliter majora videbimus, & post ista tonitrua tam horrenda, majora alia horribiliora in proximo audiemus. Eapropter summo opere vigilandum est circa Reformationem ecclesiæ. Ideo circa hoc aliquas considerationes particulares scribere, & prudentem examinationi proponere dignum duxi, nec omnes quidem, quia ad hoc & majori libro & majori ingenio opus esset, sed utiles, & meo judicio magis necessarias, & per quas ad omnes alias via poterit facilis aperiri.

Non ergo fiet reformatio nisi multum laboriosè.

\* Vide Onus Ecclesiæ, à Johanne Episcopo Chemensi suffraganeo Archiep. Saltzburg. cap. 2. § 3. & 4. edit. Coloniz 1531.

- Prima autem consideratio erit de reformandis circa totum corpus ecclesiæ.  
 Secunda, de reformandis circa ejus caput scilicet statum Papæ, & Romanæ Curia.  
 Tertia, de reformatione principalium ecclesiæ partium, scilicet prælatorum.  
 Quarta, de reformandis circa religiones & religiosos.  
 Quinta, de reformandis circa cæteros ecclesiasticos.  
 Sexta, de reformatione laicorum Christianorum.

## DE REFORMATIONE ECCLESIAE CIRCA totum corpus universalis Ecclesiae.

**P**rima consideratio est de his, quæ viderentur reformanda circa totum corpus universalis ecclesiae. Ubi primò occurrit esse expediens & necessarium, quòd sapius quàm hæcenus factum sit, generalia Concilia celebrentur. Item videtur expediens quòd etiam sapius celebrarentur Concilia provincialia: quia ut patet 18. distin. Decreti, sancti patres propter ecclesiae utilitatem, primò statuerunt ea bis in anno celebrari. Postea verò propter fatigationes, & ut opportune haberentur, hi qui congregandi sunt, statuto Synodali definierunt, omni exultatione remota modis omnibus semel in anno fieri, & depravata corrigi. Unde & episcopi, qui ad Synodum venire contemnunt, & Principes qui hoc prohibent vel impediunt, vel Metropolitani qui absque rationabili causa hoc agere negligunt, Canonici poenis subjacent, ut hæc probantur in dicta distin. quasi per totum, & in multis Canonibus Conciliorum, ut in secundo cap. Carthaginensis Concilii tertii. Et in alio capitulo Toletani Concilii sexti, & in tertio capitulo quarti Concilii Toletani, ubi sic legitur: Nulla penè res disciplinæ mores ab ecclesia Christi magis expellit, quàm negligentia sacerdotum, qui contemptis Canonibus ad corrigendos mores Synodos facere negligunt. Et certè hodie docet experientia, quot & quanta mala ex hujusmodi negligentia proveniant. Et ideo necesse est providere, ut hujusmodi Concilia sapius fiant, & si non semel in anno juxta rigorem Canonum, saltem de triennio in triennium ad evitandum vexationes itinerum, laborum & expensarum, & quia omne rarum, pretiosum. Et si dicatur, quòd hodie non est opus generalia aut provincialia Concilia congregare, sicut fuit in primitiva ecclesia: & quòd ad tollendum vexationes prælatorum in hujusmodi Conciliis, Romana ecclesia seu Papalis Curia potest sufficienter casibus emergentibus respondere: Responderetur, quòd hoc non est utique verum. Tum primò quia experientia docet, quòd propter defectum Conciliorum, & maxime generalium totius ecclesiae, quæ sola potest audacter & intrepidè omnes corrigere, ea mala quæ universalem tangunt ecclesiam diu remanserunt impunita, incorrecta & adeo creverunt & inveterata sunt, ut tandem multa injusta & iniqua sub prætectu fictæ & corruptæ consuetudinis licita reputentur. Item multi suspicantur, quòd hæc dissimulaverit Romana Curia, & super hoc Concilia fieri neglexerit, ut posset ad suæ voluntatis libitum plenius dominari, & jura aliarum ecclesiarum liberius usurpare. Quod non assero esse verum. Sed quia contra eam hujusmodi laborat infamia, debuit ad eam purgandam super congregatione Conciliorum generalium & provincialium providere. Alioqui, juxta dictum Augustini, si famam suam negligit crudelis est. Item illa sanctissima Romana Curia \* f. Petri & Apostolorum, licet potuisset sine congregatione Concilii, per epistolas vel alias vias, causas & negotia ecclesiae faciliter terminare, tamen legitur quatuor Concilia celebrasse, sicut patet in Actis 12. 15, 16. cap. Unde per hoc exemplum instructionis de sæpe congregandis Conciliis, suis posteris reliquerunt. Nam sicut Christi, sic & Apostolorum suorum à capite nostro est instructio, juxta illud Apostoli: Imitatores mei estote, sicut & ego Christi. Item in quarto cap. Canonis dicit Isidorus: Quòd quia ante tempora Constantini, non erat episcopis licentia conveniendi in unum, scilicet publicè per modum Concilii generalis, ideo Christianitas in diversas hæreses scissa est. Et ita dicere possumus modò, quòd propter defectu celebrationis Conciliorum, ecclesia in diversa schismata, & alia innumerabilia mala, fortè etiam ad hæreses disponentia (proh dolor) lapsa est, sicut experientia docet. Item, si Concilia celebrata fuissent, verisimile est, quòd hoc nefandum schisma non tamdiu perdurasset, nec fortè schisma Græcorum. Unde hujusmodi schismatibus debuisset citò per Concilium generale provideri, ut in primitiva ecclesia docuerunt Apostoli, prout legitur Actorum sexto, quòd quia ortum est murmur Græcorum adversus Hebræos, &c. statim duodecim Apostoli ipsum convocata multitudo sedaverunt. Similiter Actorum decimoquinto, orta dissensione propter observantiam legalium, sancti Paulus & Barnabas ascenderunt ad Apostolos in Hierusalè. Unde patet, quòd valde damnabiliter peccaverunt illi Principes & Prælati, qui pro sedatione hujusmodi schismatis, còvocatione Concilii neglexerunt aut impediverunt. Itè aliqui sunt casus ardui necessariò reformandi, in quibus nò potest còmodius quàm per generale Conciliū provideri, sicut patet primò de reformatione \* Romanæ Curiae: quæ, ut infra dicitur, necessaria est reformari, sicut nec contempsit à generali Concilio plures principatus honores recipere, quia licet principaliter Romana ecclesia principatū habuerit à Domino, tamen secundariò à Concilio, ut dicit Glo. 17. di. super cap. Concilia. Item

O. G.  
Nota bene.

\* Si Curia fuerit, proculdubio fuit Sanctissima: quid autem sibi vult Romana? nam hæc acta sunt Hierosolymis.

\* Ista ergo Curia non est, ut esse debet, Sanctissima Romana Curia.

Item reformatio totius corporis ecclesiæ & particularis ecclesiæ Romanæ, est de arduis pertinentibus ad fidem. Nam ejus generalis deformatio non mediocriter fidem tangit, & per consequens ejus reformatio. Ideo in hoc non debet Papa aut ejus Curia deliberationem Concilii respuere, quia sicut dicit Glossa. 19. distinet. super c. Anastasius, Papa debet requirere Concilium episcoporum, ubi agitur de fide. Quod non solum intelligo de articulis fidei, sed de arduis tangentibus universalem statum fidelis ecclesiæ. Quod notat Archidiaconus 15. dist. in c. ubi dictam Glo. approbans addit, quod nimis periculosum esset fidem nostram committere arbitrio unius hominis. Et idcirco Papa in casibus novis & arduis, ad deliberationem Concilii recurrere consuevit. Item duo sunt arduissimi casus fidei, & fideles omnes mutabiliter & miserabiliter concernentes, quibus esset per generale Concilium necessariò providendum. Unus est de modo providendi contra Saracenos & alios infideles, fidem & Christianitatem impugnantes, & nunc multò periculosius quàm à multis retroactis temporibus fecerunt contra ecclesiam Catholicam insurgentes. Quibus si celeriter non obvietur, timendum est, ne Constantinopolitanum Imperium jam multipliciter ab eis laceratum & vexatum, penitus destruat. Ac deinde Romanum Imperium jam divisum, & penè ad ruinam præparatum invadant, & sic ecclesiam destruant jam schismate laceratam, ut sic via præparetur adventui Antichristi, de quo prædixit Paulus: Nisi venerit dissensio primum, &c. quod exponit Glo. de duplici dissensione seu divisione, una ab Imperio, alia ab ecclesia Romana, quæ prævenire debet Antichristum. Et utramque jam præfentialiter multi devoti fideles non immeritò pertimescunt. Alius casus est de modo providendi circa Græcos, ut ad unitatem Romanæ ecclesiæ reducantur, quod nunc maximè opportunè fieri posse videtur, dum eorum Imperator inter Larinos degens à Romana ecclesia, & dominis temporalibus, præcipuè à Francorum Rege contra infideles cogitur auxilium & subsidium postulare. De viis autem & modis circa dictos casus servandis scripserunt plures fidei zelatores, & specialiter frater Humbertus de Romania quondam magister quintus ordinis Prædicatorum tractatum utilem composuit, ut super his provideretur in Concilio generali Lugdunen. sub Gregorio Papa rei celebrando.

O. G.  
Hoc esset huius  
nunc cogere.

## DE REFORMATIONE CAPITIS, HOC EST, Status Papalis, & suæ Romanæ Curie & Cardinalium.

**S**ecunda consideratio est de his quæ reformanda videntur circa caput corporis ecclesiæ, id est, circa statum Papæ & suæ Romanæ Curie. Et primò tollendus esset detestabilis abusus à quo primò schisma originem traxit. scilicet quòd una natio sive regnum, aliquando ultra, aliquando citra montes, in scandalum reliquæ Christianitatis, ita diu papatum tenuit, ut posset dicere: Hæreditate possideamus sanctuarium Dei. Quod quam detestabile sit præcipuè in Papatu, ostendit ille qui ait: In veritate compei quòd non sit personarum acceptor Deus, &c. Item pro dicta provisione esset statuendum, quòd de cætero major pars Cardinalium non posset assumi de uno regno sive de una natione, sicut quandoque hæctenus factum est, in magnum scandalum plurimorum, sed quòd de diversis regnis & provinciis indistinctè juxta personarum merita assumantur. Quia sicut apud Deum, ita apud Dei ministros non debet esse acceptio personarum. Et videretur sufficere, quòd de una provincia solum esset unus Cardinalis, ut sic in eorum promotione & multiplicatione tolleretur, vel saltem restringeretur & arctaretur carnalis affectio promoventis. Et ut per assumptos de diversis provinciis, diversitas morum & statuum earundem, Romanæ ecclesiæ innotesceret ad utilitatem & salutarem provisionem incolarum. Item quia una causa præsentis schismatis fuit, quòd Cardinales nimis tardaverunt declarare, & fideles sufficienter informare, quòd primam electionem fecissent vi & metu. Ideo ad tollendum ne aliàs similis scandali detur occasio, expediens videretur arctari quoddam tempus, ita quòd talis exceptio deberet allegari, & ultra quòd nec illa nec alia exceptio contra Papæ electionem posset per Cardinales opponi. Et esset etiam per Concilium declarandum, quis de hujus causæ metus haberet cognoscere. Quia Jo. An. super Clem. de elect. querit, quis de hujus causæ metus cognoscere haberet, si allegaretur circa electionem Papæ: Et respondens, dicit, quòd ista nondum decisa, nec provisa, egebunt provisione. Item necessaria erit reformatio & provisio circa gravamina, quæ Romana ecclesia infert aliis inferioribus ecclesiis & prælatis. Et maximè in tribus, de quibus conqueritur præallegatus frater Humbertus, in dicto tractatu suo parte 2: c. 11. ubi dicit, quòd causa dispositiva schismatis Græcorum inter alias una fuit propter

Gravamina  
ab ecclesia  
Romana illis  
illata.

M m

gravamina

gravamina Romanæ ecclesiæ in exactionibus, excommunicationibus & statutis.

Tria gravamina.  
Gravamina  
exactionum  
papalium.

De primo gravamine, & contra hanc multitudinem & magnitudinem exactionum, providendum esset tripliciter. Primò, per diminutionem pomposorum statuum & excessivam expensarum, ut sic Romana ecclesia minus esset onerosa subiectis, & ut etiam eis esset exemplum humilitatis, & forma virtutis, instar Christi, cæjus ipsa vicariatum & à quo primatus honor tenet, qui ait: Discite à me, quia mitis sum & humilis corde. Secundo, per diminutionem & arctationem hujusmodi exactionum, sic scilicet, quod certa summa rationabilis determinaretur & limitaretur pro moderato statu Papæ & Cardinalium, subiectis ecclesiis imponenda, & per dioceses proportionabiliter distribuenda, & à diocesanis recolligenda, & in certis terminis solvenda Romanæ curiæ, ultra quam summam nova exaction non posset imponi sine autoritate & consensu generalis Concilii. Tertiò, per diminutionem numeri Cardinalium, ita quod non esset tantus nec tam onerosus numerus ipsorum, sicut hætenus fuit, ne Romanæ curiæ dici posset, Multiplicasti gentem, & non magnificasti lætitiā. Item circa statum Cardinalium & aliorum ecclesiasticorum providendum esset, quod deinceps non tenerent illam monstruosam & multipliciter scandalosam beneficiorum multitudinem: de quo abusu antiqui sapientes conquesti sunt, sicut Guilelmus episcopus Parisiensis in verbo abbreviato de \* verbis & vitiis c. de signis avaritiæ ecclesiasticorum, quorum rationes expediret diligenter examinare, & pro sedatione conscientiarum, quid super hac re tenendum sit, declarare.

Cardinalium  
numerus  
minuendus.  
Eccles. 9. 3.  
\* Ita etiam est  
in Speculo  
Ecclesiæ Pon-  
tif. (ubi hæc  
habentur )  
edit. Lond.  
1606. sed for-  
tasse erat  
[ virtutibus ]  
Gravamen  
excommuni-  
cationum pa-  
palium.

De secundo gravamine supra tacto, scilicet multiplicatione excommunicationum, & ex consequenti irregularitatum, quas Romana ecclesia in suis constitutionibus poenalibus & maxime in quibusdam novis Decretalibus imposuit, & sæpe per suos collectores in multorum scandalum fulminavit, & ad cujus exemplum alii prælati leviter & pro levibus causis ut pro debitis, vel hujusmodi, pauperes excommunicatione crudeliter percutiunt, necesse est providere, cum hoc sit contra jura, ut 11. q. 3. c. Nullus enim sine concord. Nam gladius ecclesiæ, videlicet excommunicatio, qui in primitiva ecclesiā, veneranda raritate erat formidabilis, jam propter abusum contrarium, contemptibilis effectus est, sicut ostendit doctor subtilis Johannes Scotus super quarto Sententiarum dist. 18. Qui tamen contemptus valde periculosus est, quia excommunicatio major, quæ anathema dicitur, æternæ est mortis damnatio, & non nisi pro mortali debet imponi crimine, & illis qui aliter non potuerunt corrigi, ut habetur 21. q. 3. c. Nemo. cui concordat glo. extra. de v. sig. ex parte.

Attende.

Gravamen pa-  
palium statu-  
torum, Cano-  
num & De-  
cretalium.

De tertio gravamine ratione ecclesiæ, quod imponit aliis in onerosa multitudine statutorum, Canonum & Decretalium, & maxime illorum quæ videntur ad graves poenas, & præcipue ad mortales culpas obligare. Et eadem ratione de similibus statutis aut constitutionibus synodalibus prælatorum providendum erit de rationabili alleviatione hujusmodi onerum, ne de prælati ecclesiæ verificetur, quod de pharisæis & sacerdotibus synagogæ à Christo impropèro dictum est: Imponunt onera gravia & importabilia in humeris hominum, digito autem nolunt ea movere. Item super quibusdam aliis gravaminibus per Romanam ecclesiam aliis prælati & ecclesiis superinductis adhibenda erit provisio, videlicet super collationibus beneficiorum & electionibus dignitatum. Similiter super concessionibus exemptionum, quas Romana ecclesia pluribus religionibus, abbatibus & conventibus, ac Capitulis in præjudicium prælatorum concessit, de quibus jam olim plures devoti ecclesiæ zelatores conquesti sunt, sicut beatus Bernardus in libro ad Eugenium papam, & alii. Similiter de pluribus aliis honoribus, reverentiis & præminentis, quas quidem officarii Romanæ curiæ super alios prælatos usurpaverunt. Et de multis eorum particularibus excessibus, de quibus longum esset per singula discurre, perutilis & necessaria erit provisio. Hic autem propter dictos excessus dudum quandam opinionem recitavi, quam nuper in tractatu de ecclesiastica potestate, tanquam erroneam reprobendam esse declaravi, videlicet quorundam detractorum Romanæ ecclesiæ, qui in ejus odium prætextu quorundam abusus, statum Cardinalium, quem inutilem & damnosum, nec ab Apostolis vel Conciliis institutum, & sine causa rationabili usurpatum, tanquam onerosum ecclesiæ, extirpandum esse dixerunt, sicut olim de statu Corepiscoporum factum esse legitur 68. dist. c. Corepiscopi. Hunc autem errorem in hac sancta synodo Constantiensis quodammodo refutavit aliqui præsumpserunt. Qui utinam attenderent juxta doctrinam Christi, prius trabem de oculo ejicere, quam festucam de oculo fratrum, imò patrum suorum. Utinam attenderent status episcoporum & aliorum prælatorum, cæterorumque ecclesiasticorum, ad etiam laicorum innumeris abusibus & vitiis deformatum. Nec tamen ideo hujusmodi status dissipandos esse atque perdendos, quoniam in multis offendimus omnes, sed vitium vel abusus corrigi debet & non status destrui, vel suis debitis juribus defraudari, sicut boni medici officium est, ab infirmo morbo tollere, & non infirmum corpus destruere. Utinam

De collationi-  
bus beneficio-  
rum & præ-  
laturarum.  
Usurpatio of-  
ficiorum  
Romanensi-  
um.

Cardinales  
abolendi, si-  
cut Corepi-  
scopi sublati  
sunt.  
Qui hoc præ-  
sumpserunt,  
multum sapie-  
runt.

Fulchra com-  
paratio.

Utinam denique considerarent, qualiter domini Cardinales pro reformatione ecclesiæ, æ status ipsorum se effectualiter paratiores obtulerunt quàm quicunque alii cujuscunque status. Imò plura membra ecclesiæ, hic suæ reformationi resisterunt, cum tamen reformationem capitis importunè peterent. Quia ergo Romana ecclesia in capite & in membris suis se cum ratione temperare studuit, iustum est ut subditæ ecclesiæ eidem suoque regi-  
mini rationabiliter obtemperare & subesse debeant, juxta verbum Senecæ, Multos reges;  
si ratio te rexit.

## DE REFORMATIONE PRÆLATORUM.

**T**ertia consideratio erit de reformatione ecclesiæ circa partes ejus principales, videlicet, majores prælatos. Unde providendum erit quòd tales eligantur, qui non sint juvenes indiscreti, aut immorigerati, aut camale, spiritualium ignari, sed graves ætate & moribus, eminentes spirituali scientia & doctrina, qui in suis rebus non sint strenui, & in ecclesiasticis remissi, nec propria magis quàm communia jura procurent, qui angarias & impositiones vel hujusmodi gravamina subjectis non imponant, qui per singulos annos parochias suas cum fructuoso affectu visitent, qui potentes & tyrannos populi oppressores arguant & corripiant, qui divinis scripturis studeant, & non scientiis practicis & litigiis totaliter inhereant, qui verbis aut ludis jocularum & miorum, aut publicis spectaculis vel superfluis conviviis non delectentur, sed moderato habitu & temperato victu contenti etiam in mensa lectioni divinarum scripturarum intendant, & ut brevius dicam, in omnibus tales sint, ut cæteris sint fidelibus in exemplum, sicut & esse tenentur, cum illis in officio succedant, quibus à Christo dictum est: Vos estis lux mundi, & vos estis sal terræ, &c. & multa similia. Item ut tales ad prælaturas assumerentur, & non indigni & insufficientes, providendum esset, quòd electiones prælatorum non facili-  
liter aut leviter, sed cum diligenti & gravi examinatione confirmarentur, etiamsi nullus se opponeret; quia non sufficit bono patrifamilias confluenti custodem thesauri sui, quod nihil mali sibi de illo opponatur, nisi etiam ipse aliis tacentibus de ejus idoneitate diligen-  
ter inquirat. Item quia stultum esset, patrefamilias thesaurarium facere sine thesauro, sic  
similiter facere Episcopum sine subiecto populo, sicut sæpe fecit Romana abusus in contemptum status episcopalis, de quibusdam solum titulatis Episcopis mendicantibus & gyro-  
vagis. Item quia mali prælati rarò de suis excessibus corriguntur, quia non citò etiam contra notoriè malos profertur sententia, sed per multos annos differtur, & sæpe ejus puni-  
tio totaliter negligitur, idcirco absque timore mala perpetrant, & plerique eorum, suspensionis, excommunicationis, irregularitatis, ac alias juris poenas contemnunt. Ideo providendum erit, quòd circa talia visitatio & inquisitio fiat, ut talium vita & fama in provincialibus conciliis, vel si opus sit quandoque in generali Concilio summo pontifici referantur, & ad eorù depositionem seu aliam condignam correctionem procedatur. Et licet hodie Concilium non deponat vel restituat Episcopos, sed solus Papa, ut 2. quæst. 6. Ideo sicut notat gloss. 11. quæst. 3. c. Episcopus, super verbo synodo: tamen fortè nunc expediret ad antiquum morem illius capituli reverti, ut à generali synodo damnarentur vel absolverentur Episcopi, vel saltem quòd hoc fieret in præsentia synodi, ut sic magis cessarent inordinatæ affectio-  
nes quæ solent in talibus iustam sententiam impedire. Item si non placeret servare illum antiquum rigorem Carthaginensis Concilii quarti, ut Episcopus vilem suppellestem, & De Pompæ  
menfam ac victum pauperem habeat, & dignitatis suæ autoritatem fide & opere & prælatorum,  
vitæ meritis quærat, saltem placeat moderari quòd excessiva pompa prælatorum, in vestibus, ornamentis, familiaribus equis, conviviis & ferculis ad congruam temperantiam restringantur, & quòd expensæ in talibus superflue (sicut fieri debet) pauperum necessitatibus applicentur. Item tollatur monstruosus ille abusus, quo quidam prælatorum armis spiritualibus depositis, arma corporalia assumunt in campis, sicut principes seculares, & sæpe cum oppressione pauperum, & crudeli effusione sanguinis, cum tamen David ab ædificatione templi, quia vir sanguinum erat, prohibitus sit. Item si non placet servare illum juris rigorem, quòd non liceat Episcopis a sua ecclesia plus tribus hebdomadis abesse, saltem provideatur quòd sine speciali licentia & rationabili causa diu ecclesias suas in præjudicium animarum non deserant, sicut hodie multi prælati faciunt. Item quod monstruosus est, religiosi & monachi, qui plus sunt officiales fisci quàm Christi, in curiis principum & cathedris iudiciorum, & cameris computorum & aliis actibus secularibus militantes contra statuta Canonum, ut 11. quæst. 1. Cum te quidem, cum suis similibus. Item providendum erit, quòd prælati in suis synodis, & eorum officiales in suis curiis, non ad repletionem bur-  
saram intendant, sed ad correctionem vitiorum, emendationem morum & ædificationem  
animarum.



animarum. Et quod exactiones pro sigillis & literis moderentur, & poenae pecunariae vel tollantur vel temperentur, aut in totum vel partem ad pios usus notorie applicentur, & quod poena excommunicationis non leviter (ut supra tactum est) feratur. Et quod litium prolixitates quae pauperes spoliant, & multos de suae iustitiae prosecutione desperare faciunt, modis congruis rescindantur. Et quorundam advocatorum & procuratorum insolentia intolerabilis reprimatur. Item si, obstante consuetudine, non placet servare illam rigorosam regulam contra simoniam jure humano impositam, ut nihil pro ordinatione aut pallio detur aut accipiat, ut habetur c. 5. epistolae tertiae Gregorii Papae, & multae aliae quae scribuntur in antiquis iuribus, falsam super his esset aliqua moderatio adhibenda, & pro conscientiarum sedatione etiam multitudini errantium pie condescendendo aliqua declaratio facienda, juxta illud Nicolai papae, qui praesidens in synodo Constantinopolitana, dixit, Quia ergo usque adeo verenda simoniae perniciēs haecenus inolevit, ut vix aliqua ecclesia valeat reperiri, quae hoc morbo non sit aliqua ex parte corrupta, & tanta talium multitudo est, ut dum rigorem Canonici juris super eos servare non possumus, necesse sit ut dispensatorie ad piae condescensionis studium animos nostros ad praesens inclinemus, & simoniaciis consecratos in acceptis ordinibus manere permittentes. Hoc enim temporis nimia necessitas permittendum a nobis extorsit, &c. Similiter eadem vel majori ratione permisso & condescensio facienda esset super pluribus aliis iuribus & constitutionibus, quae communiter in scandalum plurimorum non servantur. Ut verbi gratia, Quod nihil omnino liceat accipere in distributione graduum, ordinum administratione vel sacramentorum, vel sepulturarum, aut hujusmodi spiritualium vel spiritualibus annexorum. Quod non liceat quicumque episcopum vel clericum die Dominico absentem esse servitiorum solenniis, quod clerici ad matutinum & vespertinum officia venire teneantur, quod non liceat clericis ante tertiam horam prandere, quod nullus sacerdotum a quinquagesima usque ad pascha carnes comedat, quod sacerdotes Adventum jejunent; Et sic de multis aliis similibus, de quibus videretur expediens declarare quod non essent praeccepta, sed consilia. Et similiter de observantia jejunii quadragesimalis, quantum ad quasdam personas, & quoad quasdam circumstantias esset moderatio adhibenda. Item quia praelatis de divino cultu specialis cura esse debet, circa hujusmodi reformationem quae necessaria est, providendum esset, quod in divino servitio non tam onerosa prolixitas, quam devota & integra brevitates servaretur, quod in ecclesiis non tam magna imaginum & picturarum varietas multiplicaretur, quod non tot nova festa solennizarentur, quod non tot novae ecclesiae edificarentur, quod non tot novi sancti canonizarentur, quod praeterquam diebus Dominicis, & in majoribus festis ab ecclesia institutis liceret operari post auditum officium, cum quia in festis saepe magis multiplicarentur peccata, in tabernis, in chorais & aliis lasciviis, quas docet otiositas: Tum quia dies operabiles vix sufficiunt pauperibus ad vitae necessaria procuranda: Quod in hujusmodi festis scripturae apocryphae, aut hymni novi, vel orationes, seu aliae voluntariae novitates non legerentur, omnis antiquis & authenticis & jam in ecclesia consuetis. Et quod generaliter omnis novitas & varietas, ac ulum diversitas in horis ac aliis divinis servitiis (quantum fieri posset) vitaretur, juxta Decretum Toletani Concilii 11. de quo. 12. dist. c. De his, & multa alia utilia essent per praelatorum diligentiam, providenda, quae per singula discutere longum esset.

## DE REFORMATIONE RELIGIONUM

& religiosorum.

De Monachis

Cardinalis & Wicleus  
idem omnino  
sentiant.

\* ut. Spec.

**Q**uarta consideratio erit de his, quae reformanda essent circa statum religiosorum. Et primo videtur, quod tanta religiosorum numerositas & varietas non expediat, quae inducit ad varietatem morum, & quandoque ad contrarietatem & repugnantiam observationum, & saepe ad singularitatem & ad superbiā & vanam extollentiam unius status super alium. Et maxime videtur necessarium, quod diminuerentur religiones ordinum mendicantium, quia tot sunt & in numero conventuum, & in numero suppositorum, ut eorum status sit onerosus hominibus, damnosus leprosis & hospitalibus, ac aliis verè pauperibus & miserabilibus indigentibus, quibus convenit jus & verus titulus mendicandi, ipsis quoque curatis parochialibus, & si bene consideretur etiam praedjudicialis omnibus ecclesiae statibus, & specialiter hujusmodi religiosis intolerabilis, & eorum professione contrarius, & maxime in multiplicatione magistrorum bullatorum, & saepe indignorum, ipsis religionibus onerosorum. De qua materia & eorum variis excessibus pauca loquor, quia sunt plures doctores, qui de hoc abunde scripserunt.

scripserunt. Item providendum esset super correctione Quæstuariorum prædicantium sive religiosorum sive secularium; quoniam suis mendaciis & immunditiis maculant ecclesiâ, & eam ridiculam reddunt, & officium prædicationis maximè honorandum jam contemptibile efficiunt. Unde prædicatio, quæ propter sui reverentiam ad prælatos pertinet, non esset tot & talibus vilibus Quæstuariis & mendicantibus permittenda. Item cum in Chalcedonensi Concilio statutum sit, ut habetur 16. quæst. 1. Qui verè, quòd monachi tantummodo intenti sint jejuniis & orationi in locis ubi renunciaverunt seculo remanentes, nec ecclesiasticis nec secularibus negotiis propria monasteria deferendo insistant, providendum esset, quòd nec etiam occasione studii claustra relinquerent, vel saltem moderandum, quòd solum ratione studii Theologiæ; cum nimis multi seculares hodie studeant in litium facultate, ipsa quoque Theologia in statu secularium paucos habeat sectatores propter abusum Romanæ curiæ, quæ Theologos contempsit, & in omni ecclesiastico gradu lucratarum scientiarum studiosos præposuit, cum tamen primitivi Theologi ecclesiâ adificaverint, quam aliqui barritores destruxerunt, & nunc eam quasi ad extremam ruinam deducere videntur, adeo ut jam horrendum quorundam proverbium sit, Ad hunc statum venisse ecclesiâ, ut non sit digna regi, nisi per reprobos. Item nunc maxime opus esset ad obviandum insulsiis infidelium, quòd reformarentur religiones militares, & ad servandam fidem, mores & patrum regulas, & ad priores institutiones cogerentur. Item circa claustra monialium quæ jam, proh dolor! ultra quàm dicere audeam, dehonestatæ sunt, esset correctio adhibenda. Et inter alias provisiones hoc videretur expediens, quòd nulla religio mulierum sustineretur, nisi tales haberent redditus unde possent sufficienter sustentari in suis domibus reclusæ, sine mendicantibus & discursu, & quod de eorum ecclesiis seu quorumcunque aliorum religiosorum monasteriis, vel prioratibus, vel domibus, vel spiritualiter in moribus destructis, vel in rebus temporaliter desolatis fieret applicatio ad alia claustra, in quibus religio servaretur, ut per talem religiosarum domorum unionem superflua numerositas religionum restringeretur, & residua paucitas bonorum & devotorum commodius sustentaretur. Item in monasteriis esset inviolabiliter observandum, quòd nullus nisi infirmus, aut debilis, aut hospes, comederet extra refectorium, quia experientia docet, quòd ubi hoc servaretur, aliæ religionis observantiæ tenerentur facilius. Item pro serenandis conscientiis devotorum religiosorum, summo opere cavendum est eis, ne à principibus aut aliis, redditus suos aut alia ad ipsorum sustentationem pertinentia, procurant ex injustis exactionibus, aut quomodolibet illicitè acquisitis. Ne etiam jura prælatorum, ecclesiarum & sacerdotum parochialium indebitè occupent, sive in decimis sive in aliis proventibus ecclesiasticis, Ne etiam in præjudicium Ordinariorum ab eorum subjectione juri divino consona, & in Chalcedonensi Concilio sanctorum patrum decreto firmata, ut patet 16. quæst. 1. c. Qui verè; per opportunam humanorum privilegiorum inspirationem & violentam exemptionem damnabiliter se subducant. Nam secundum aliquos, non est mediocriter dubitandum, an tales sint in statu salvandorum, ut patet ex deductione Cantoris Parisiensis in verbo abbreviato, capitulo 37. Item in quibusdam religionibus devotis, quæ regulæ beati Benedicti rigorem superaddunt in prolixitate vigiliarum & orationum, & austeritate jejuniorum & abstinentiarum, & aliis variis observantiis afflictivis, videretur providendum de indiscreta moderatione, & maxime circa infirmos, ut salva Christi lege nihil eis quod discreti medici consulerint negetur, sive in esu carniarum, sive in aliis quibuscunque commoditatibus humanæ fragilitati, & naturali indigentia oportunitis. Alioquin non dixisset Christus, Non est opus sanis medico, si non concessisset opus esse infirmis medicorum consilio.

DB

Quæstiones qui reliquias sanctorum circumferunt.

Aniqui Theologi religionem plantarum: t. hodierni iustitiam destruant.

DB

Religiones militares. Moniales.

\* In Spec. E. clif. Pont. servandis.

## DE REFORMATIONE CÆTERORUM Ecclesiasticorum.

**Q**uinta consideratio erit de his, quæ reformanda sunt circa statum inferiorum ecclesiarum & ecclesiasticorum virorum. Et primò generaliter est providendum, quòd in ecclesiasticis beneficiis juxta eorum eminentias ponantur personæ bene merita; & non præferantur fatui & ignari scientifici & sapientibus, nec juvenes senibus, nec illis de una patria quorum vita & conversatio nota est & probata, aliqui extranei & alieni in moribus, linguis & consuetudinibus. Nec potentes aut nobiles pueri clericis probatis & famosis doctrina atque moribus. Nec advocati aut inveni scientiis lucrativis, vel curiales, aut dominorum temporalium servitores, sacræ



scripturæ doctores, sicut à multis jam retractis temporibus Romana curia facere consuevit. Et ideo erit expediens, quod ordinarii, qui in suis locis habere possunt & debent bene meritarum notitiam personarum, juxta earum merita, beneficia conferant, vel saltem quod eorum collatio non omnino tollatur, ita tamen quod, ut obvietur eorum abusibus, potestas ordinaria limitetur; Ut verbi gratiâ, Quod non possint dignitates & beneficia majora conferre, nisi doctoribus in Theologia, vel in jure, quandoque in suis vel propinquis diocesis erunt aliqui hujusmodi: quod non possint etiam nisi graduatis vel nobilibus, vel alias bene meritis conferre curas, personatus vel alia beneficia valoris centum librarum vel ultra in portatis. Et ita de multis similibus provisionibus, per quas & digni promoverentur, & multi nobiles & alii ingeniosi ad studium literarum provocarentur, & Universitates studiorum florent, & (quod valde optandum est) importuna & violenta preces dominorum temporalium pro indignis cessarent, quæ hodie quàm periculose fiant, docet experientia. Hac autem quæ de graduatis dicta sunt, per modum exempli ponuntur, quæ etiam moderari possunt & alia addi, ad provisionem aliorum sufficientium, licet non graduatorum.

Item providendum esset, quod Universitates studiorum reformarentur, & per prælatos scientificos visitarentur, ut gradus distribuerentur dignis sine favore aut acceptatione personarum, & cum rigore examinis in scientia & moribus; & doctrinæ utiles, resecatis superfluis aut minus utilibus, legerentur; ut instructores Rhetoricæ & linguarum Græcæ & Latinæ, quarum ignorantia multipliciter damnosa est, haberentur. Et ut aliis studiosis actibus reipublicæ tam spirituali quàm temporali utilibus juvenum ingenia exercerentur. Item adhibenda esset correctio circa mores ecclesiasticorum, qui jam nimis (proh dolor) sunt corrupti ira, gula, luxuria, pompa, prodigalitate, otio & aliis generibus, quod cedit in grave laicorum scandalum. Et maxime obviandum esset illi scandalosissimæ consuetudini seu potius corruptelæ, qua plures hodie non verentur tenere etiam publicè concubinas. Et quia adversus eos poenæ juris, suspensionis, excommunicationis, irregularitatis non proficiunt, contra tales in hac vel aliis inhonestatibus publicis incorrigibiles, haberet locum poenæ depositionis ob officio vel beneficio.

Item quia Archidiaconi ab ecclesia instituti sunt ut serviant Episcopis, ut habetur originaliter Actuum sexto, & specialius declarantur eorum officia, decimatertia distinctè, quali per totum. Ideo providendum erit, ut debita officia exerceant, vel cum sint ecclesiæ onerosi, penitus extirpentur, sicut supra de Corepiscopis, dictum est. Item quia dicit Hieronymus: Pauci sacerdotes, multi sacerdotes; pauci merito, multi numero. Ideo contra hanc scandalosam multitudinem esset summo opere obviandum, per hoc quod non promoverentur nisi digni & bene morigerati, habentes scientiam ligandi & solvendi, & intelligentiam divini servitii. Item ad obviandum ignorantie sacerdotum jam promotorum, in ecclesiis Cathedralibus & notabilibus collegiatis essent scribendi aliqui breves tractatus, & etiam in synodis publicandi tam in Latino quàm in vulgari super instructione necessaria de virtutibus & vitiis, de articulis fidei, de sacramentis, de modo confessionis & hujusmodi. Similiter in hujusmodi ecclesiis deberet esse aliquis lector Theologiæ, qui legeret secundum & tertium & quartum sententiarum, vel recipiendo utiliores materias dictorum librorum, eas sub brevitate applicaret ad expositionem & intelligentiam epistolarum & Evangeliorum, quæ in ecclesia per anni circulum recitantur. Similiter in dictis ecclesiis, & maxime in Metropolitanis deberent esse notabiles librariæ Theologiæ, & juris canonici, ac librorum moralium, & maxime quod magnus liber Conciliorum generalium, qui modò rarus est, licet sit perutilis & necessarius, a Metropolitanis in magnis ecclesiis reponeretur. Item quia correctio subditorum sæpe per eorum appellationes impeditur, & datur peccandi audacia, etiam circa eas adhibenda moderatio est, ne in earum nimis facili receptione & admissione inferiores prælati à Metropolitanis vel Romana curia in ordinaria executione iustitiæ gravarentur, sicut jamdudum beatus Bernardus conquerebatur in libro de consideratione ad Eugenium Papam. Qui liber in hoc & aliis multis pro reformatione ecclesiæ non mediocriter utilis est, & plures ejus libri & epistolæ.

Academia-  
rum refor-  
matio.

Attende de  
lingua Græcæ.



Hieronymus.

Bibliothecæ  
ecclesiæ.  
Liber Con-  
ciliorum ge-  
neralium per-  
utilis & ne-  
cessarius.

Bernardus.

## De Reformatione Laicorum &amp; Principum.

**S**exta & ultima consideratio erit de reformandis circa statum laicorum Christianorum, & maxime Principum, à quorum moribus dependet morigeratio populorum. Quia ut dicit poeta: Regis ad exemplum totus componitur orbis. Et iterum: *Claudians:* Mobile mutatur semper cum principe vulgus. Et ideo provideant principes Christiani, ut titulum suæ Christianitatis quem verbo continentur, opere non negent, contra Christi doctrinam, & per vias ei contrarias in conspectu sui populi corruptis moribus incedentes, suis malis exemplis mores subditorum corrumpant. Item quod liberos suos in bonis operibus ac moribus, & in literarum scientiis informari faciant. Item ut non solum à se, sed à suis familiaribus & domesticis, superfluam & superbam vanitatem, avaritiam & tyrannidem abjiciant. Item quod populum ipsis subiectum bonis moribus ædificare studeant, eos à luxuria, avaritia, otio & à cunctis vitiis reipublicæ contrariis retrahant, & specialiter à Dei & sanctorum blasphemia, quæ sæpe in juramentis & perjuris committitur, arceant. Item quod malas consuetudines juri divino & humano contrarias in suis subiectis per consilium Theologorum & aliorum prudentum repellant. Item quod artes magicas & alias superstitiones divina lege damnatas, & omnes errores & hæreses fidei contrarias diligentius evellant & destruant. Item quod ad fidei exaltationem, divini cultûs honorem, ecclesiæ reformationem, invigilent ad ea quæ supra & infra pro hujusmodi reformatione notata sunt, & alia quæcunque utilia diligenter laborent. Item quod zelo justitiæ contra persecutores & oppressores ecclesiæ, pauperum & debiliū excandescant, & eorum injurias propulsare non tardent. Vicinis quoque & peregrinis fidem catholicæ fraternitatis observent. Item contra Saracenos & alios fidei adversarios potenter insurgant, & nunc dum maxime opus est post purgatam & reformatam ecclesiā, infidelium insultibus viriliter se opponant, ac propter hoc guerras & bella quæ jam, pro dolor! & in imperio & in regnis Christianis in contumeliā Christiani nominis crudeliter sæviunt, misericorditer compescant, & ad Christianā pacem & unionem reducant. Alioqui infallibiliter verificabitur verbum Christi, Omne regnum in se divisum, desolabitur. Item quod Judæis propter vile quæstum turpiter non saveant, eos videlicet inter subiectos suos morari permittendo, nisi vel Christianis serviendo, agros colendo, vel aliā mechanicā laborando, & non usuras damnabiles in damnum Christianorum exercendo. Item quod Judæorum converforum bona non rapiant, sed ad vitæ necessitatē eis possidere permittant, ne egestate compulsi apostarent, & Christianos impietatis arguant. Itē multa alia essent per principes cum generali Concilio ecclesiæ contra statum Christiani populi reformanda, quæ si impediant, imò si ea diligenter non promoveant, rimendum est eis ne contra ipsos manus domini (prout jam incepit) gladium sui furoris exerceat. Item propter præmissa expedit, quod Reges & Principes mittantur ad generalia Concilia, non ad onerandum & confundendum, sed ad honorandum esse major, quam contentiōem Christus inter discipulos suos vitari docuit. Ideo non videtur expediens quod de cætero in generalibus Conciliis pro deliberando ad partem super rebus gerendis fiat divisio per nationes vel regna, quia talis modus dividendi magis est secularis quàm ecclesiasticus, & ad contentiones de majoritate vel superioritate dispositivus. Sed juxta ecclesiasticas sanctiones & sanctorum patrum observantias, magis videtur esse procedendum per provincias ecclesiastico more distinctas. Tamen quia hujusmodi provinciæ valde inæqualiter sunt divisæ in diversis mundi regionibus, ideo expediens videretur hanc moderationem observari, quod ad constituendam provinciam in Concilio generali non sufficeret minor numerus quàm duodecim nobilium personarum, quarum sex ad minus essent prælati vel ambasiatores regum, principum, vel universitatum generalium studiorum, aut doctores in Theologia vel in jure, & illorum sex ad minus duo essent episcopi, non titulares aut girovagi, alii verò sex sint in minoribus dignitatibus ecclesiasticis constituti, vel in aliqua facultate graduati. Quando verò in aliqua provincia non esset talis numerus aut talium personarum, quod suppleretur de aliis vicinis provinciis, & constitueretur una ex pluribus, quæ denominaretur ab illa, cujus ibi essent plura aut notabiliora supposita. Et quod hujusmodi personarum electio fieret in Conciliis provincialibus, generale Concilium præcedentibus: Et ibidem ordinaretur de stipendiis, expensis & sumptibus eorundem per modum subsidii charitativi ecclesiastico more, & non seculari autoritate vel potestate imponendi & exequendi. Item, quia ecclesia non potest principes ad prædicta reformanda temporaliter cogere, expediens erit quod per generale Concilium ipsos ad ea monitis salutaribus exhortetur, ut sic faciendo quod in se est, apud summum judicem excusetur.

Judæi non  
tolerandi.

De Judæis  
non ipsorian-  
dis, sed ad no-  
transcant.

setur. Nec solum opus erit exhortatorii verbis, sed etiam bonorum morum & in melius reformatorum actuum exemplis, quia plus movent exempla quam verba; ideo cœpit Jesus facere & docere. Unde nihil est, quod tam efficaciter possit, sive ad bonum, sive ad malum principes & alios laicos inducere, sicut facta exemplaria ecclesiasticorum. Ideo super illud Matthæi 21. & intravit Jesus in templum, &c. dicit Chrysostomus, Sicut de templo omne bonum egreditur, ita de templo omne malum procedit. Si enim sacerdotium integrum fuerit, tota ecclesia floret; Si autem corruptum fuerit, omnium fides & virtus marcescit. Sicut cum vides arborem pallentibus foliis, intelligas quod vitium habet in radice; sic cum videris populum indisciplinatum, sine dubio cognosce quod sacerdotium non est sanum. Et inde patet, quod necessaria sit ecclesiasticorum reformatio, cum morum suorum deformatio tam periculosa sit, & cunctis fidelibus populis tam damnosa. Avertat autem misericors dominus ab ecclesia sua hanc contumeliam, ut omnes prælati, sacerdotes, aut alii ecclesiastici hujus lamentabilis deformationis reperiatur culpabiles. Sed sicut olim ipse sibi in Israel septem millia virorum reservavit, quorum genua non sunt curvata ante Baal, sicut legitur tertii Reg. 19. c. Sic hodie in omni statu ecclesiæ aliquos reservasse credendus est, qui zelo Christianæ legis accenti, deformatos mores in melius reformabunt, & suis salutaribus verbis & exemplis alios informabunt. Quod ipse præstare dignetur, qui ecclesiam suam pretioso filii sui sanguine redimere dignatus est.

Quanta bona  
& mila de  
templo Do-  
mini sancto  
prodeant.

3 Regum 19.

Amen.

¶ Libelli de Reformatione Ecclesiæ, quem dominus Petrus de Alliaco Cardinalis Cameracensis, patribus in Concilio Constantiensi congregatis obtulit. M. CCCC. XV. ipso die Calendarum Novembr. Finis.

#### O. G. AD LECTOREM.

Quisquis omnia, nostris hisce temporibus, ritè atque exactè satis pensaverit, quæ & à patribus nostris, & à nobis etiam ipsis, per annos aliquot in hunc usque diem & acta sint & agantur, pro reformandis moribus & delendis ecclesiæ abusus, generali opus esse Concilio nunquam diffitebitur. Quis enim tam cæcus, qui hoc non videat? quis tam amens aut tam mentis inops, qui idipsum non decernat? quis tam perversus Christianæ reipub. hostis & perfrictæ frontis homo, qui illud hoc tempore non desideret, non expetât, non tandem ex animo velit? Nemo hercule nemo. Sunt tamen, qui nescio qua ducti ratione, contrarium sentiant, dicentes, omnia bene à patribus nostris ordinata ac constituta, modò ab omnibus legitime ac fideliter ferventur. Fatemur equidem idipsum esse verissimum. Attamen, quum eorum ferme omnium fervetur nihil, quod in Conciliis generalibus per sanctos ecclesiæ proceres est sancitum, quumque & infiniti abusus, schismata quoque & hæreses per totum nunc Christianum orbem invalescant, ecclesiam Dei legitima indigere reformatione, nemini non apertum erit. Aperi itaque mentis tuæ oculos & vide, quid in sacrosancta universali Constantiensi synodo sit decretum, ut vel dicto citius obmutescas, vel prudentius posthac saniusque loquare. Fatetur enim tertia sessio concilii Basiliensis, sacrum olim Constant. Concilium futuris ecclesiæ necessitatibus providere volens, matura deliberatione statuisset & decrevisse, ut post finem ejusdem concilii in quinquennium, deinceps in septennium, & futuris postea temporibus, de decennio in decennium generale Concilium perpetuò celebraretur; id quod etiam Martinus Papa V. omnium nationum atque ecclesiæ procerum consensu confirmavit. Præterea si XII. ejusdem Concilii sessionem perillustraveris, invenies dubio procul, quod non parum ad rem ipsam conducat. Quapropter si Concilia generalia Spiritu Sancto aguntur, noli, quæso, huic male loquendo reniti, ne peccatum incidas irremissibile. Nam universalis synodus non expetitur, ut novam nobis fidem constituat, sed ut abusus nefarios, schismata quoque & hæreses, tum etiam & ipsa gravamina, quibus totus nunc premitur orbis, è medio tollat, quo sic tandem, Christo auspice, foeliciter hic in pace vivamus & post hoc exilium, vitam consequamur æternam. Itaque ne mihi objicias velim, Christianum orbem tantas & tam frequentes impensas (nam stultum hoc esset elogium tuum) ferre non posse. Novit enim Concilium illud Constant. quibus modis & mediis tales illæ à nobis omnibus impensæ tolerari possint. Quod ni sese sic haberet, toto illius tu concilii cœtu prudentior (quod absit) videri posses. Postremò autem, si impensarum adhuc mole gravaris, & tantam te putas pecuniarum summam in eam rem minime collecturam, considera, obsecro, quot millia ducatorum bello ac litibus, pro sua cusque libidine, turpiter indies consumantur, Annatarumque taxam diligenter collige, collectamque fideliter conserva, & è pleno Copiæ cornu, providentia ipsa (quæ divitiarum est mater) cuncta tibi largiter ministrabit. Jam ergo Concordiæ Comitum, de malis moribus reformandis (id quod in publicis ac sacris ecclesiæ comitiis peragi solet) coram Leone X. perorantem ausculta & vale foeliciter.

JOHAN.



# JOHANNIS FRANCISCI PICI

Mirandulæ Domini, & Concordiæ Comititis, Ad Leonem Pontificem maximum & Concilium Lateranen. de reformandis Moribus oratio.

Johannes Franciscus Picus, Mirandulæ Dominus, &c. Bilibaldo Pirckheimero suo salutem.

CUM ad \* pontem Oeni, tu quidem Reipub. tuz Legatus, ego verò ob propria negotia Cæsarem sequens, casu quodam convenissemus, coram petisti, ut orationis ejus ad Leonem Pontificem Maximum & Concilium Lateranen. destinata† te compotem facerem, & literis tuis, postquam in Italiam redii, id ipsum postulasti. Nunc eam tibi habere potes, quam tum non potuisti; neque enim fas erat, uti prior ullus eam haberet sibi, quam is ad quem mittenda erat; sed miræ expectationis, aliquam Johanni tuo Cochlii usuram, cum oratione ipsa Bononiam misit, Hymnis tribus comprehensam Martino, Magdalenæ, Antonio, qui postquam ex Germania in Italiam, indeque in patriam ditionem perveni, præter quinque alios, diversis in locis olim formis stanneis excultos, editi sunt. Ceterum si me amaveris, ad communem amicum Johannem Reuchlin alligatam epistolam curabis perferendam, & interim bene vale nostri memor. Mirandulæ Calend. Aprilis. Anno Salutis, M. D. XVII.

\* Inspruch.  
† Ita est in  
exemplari  
etiam ope-  
rum J. Fr.  
Pici Basilæ  
edito 1601.  
in lib. 4. epist.  
in fine vol. 2.  
Sicut & in  
Speculo Ec-  
clesiæ Pontifi-  
ciæ à Bulkeo  
edito Lond.  
1606. viderint  
Grammatici.

## AD LEONEM DECIMUM PONTIFICEM

Maximum & Concilium Lateranen. Johannis Francisci Pici, Mirandulæ Domini, de Reformandis Moribus oratio.

SI quis fortasse cuperet in sacratissimo N. Christianæ Reipub. conventu atque confessu de ferendis legibus ad frænandam malorum hominum audaciam ut verba fierent, ipse secum cogitet prius, quo pacto sit opus eos plecti, qui eas quæ à majoribus nostris ritè positæ, maximoque habitæ in pretio sunt, & habuere contempni & nunc maxime habeant. Nec dubitabit de moribus hominum qui tam diu collapsi jacent, instaurandis, & ad normam positarum jam legum redigendis orationem ante omnia haberi oportere. Nam tametsi non duxerim in controversiam referri debere ad sacrosanctam istam Synodum de legibus quibusdam ferendis, præstare tamen existimo, ut à principibus viris, ut à Cardinibus ipsis, quibus tota nostræ Christianæ Reipublicæ moles, verti regique convenit, sanctissima antiquorum Decreta patrum, & honestissima instituta custodiantur. Quod si fiat, populi facile Antistites ipsos tanquam animatas & vivas leges sequentur, atque ad normam pietatis & veræ disciplinæ revocabuntur. Nova consulta atque decreta neutiquam aspernor, sed veterum custodiam sanctionum in primis duco necessariam, ad ea quæ jam prolapsa defluxerunt piis primùm instauranda moribus, severis deinde legibus vincienda, adeo ut censoribus, ut vindicibus legum ipsarum atque assertoribus magis quam legislatoribus opus esse non negem. Et quanquam hac de re differendi majus esse onus, quam ut ferre facile queam non sum nescius: Nam valentioribus egeret humeris, & vires robustiores exposceret; tamen quod suapte natura pertinet ad omnes, id à me alienum esse non cogito. Quod si ad hanc diem in tanta eruditissimorum hominum turba vel unum quempiam conspexissem, qui hoc idem exactè sibi adscivisset, mihi omnino cessandum putassem. Sed quoniam de statuendis legibus sæpenumero sermonem habitum norim, de legum custodia, vel nullum, vel tenuem, ut sunt hominum varia judicia variis rerum occasionibus mota: Non abs re mihi visum est fore, si quæpiam asserrem, ut facilius ad memoriam revocarentur sanctissima priorum instituta, quibus observatis, nostra Christiana respublica & aucta est semper & conservata: posthabitis verò atque contemptis, innumerabiles jacturas fecit, & nisi esset servata divinitus, eò miseriam & calamitatem prolapsa fuisset, ut frustra nunc, Pater sanctissime Leo Decime, &

De veteribus  
& novis statu-  
tis.

vos

vos ecclesiæ Cardines & Antistites Conventum haberetis, ut in meliorem statum redigi quiret: optabam certe ut ex doctissimorum hominum numero aliquis hanc sibi provinciam desumpsisset, ut maiorem auctoritatem & potestatem in audientium animis habitura esset oratio, sed nuda fortasse veritas, pura; simplicitas viribus non carebit. De luxu, de libidine, de avaritia vitanda positas esse leges ab antiquis patribus, nemo est qui nesciat. De pietate, de iustitia, cæterisque virtutibus traditas esse normas, vel ineruditi novere, eas partim negligi partim jacere plus etiam quam volumus, experimur. Multi nostræ Principes reipublicæ priscam simplicitatem in astutiam, castitatem in nequitiam, liberalitatem & parsimoniam in luxum & avaritiam convertère. Apud plerosque religionis nostræ primores, ad quorum exemplum componi atque formari plebs ignara debuisset, aut nullus, aut certe exiguus Dei cultus, nulla bene vivendi ratio atque institutio, nullus pudor, nulla modestia: iustitia, vel in odium, vel in gratiam declinavit, pietas in superstitionem penè procubuit, palamque omnibus in hominum ordinibus peccatur, sic, ut sapientior virtus probis viris vitio vertatur, vitia loco virtutum honorari soleant, ab his qui suorum criminum quasi septa, & tanquam moenia, & inauditam petulantiam & diuturnitatem impunitatem esse putaverunt. Hi tibi morbi, hæc tibi vulnera sananda sunt, Maxime Pontifex; alioqui si mæderi (quoniam id ad te multis de causis potissimum spectat) recusaveris, vereor ne non fomentis jam, sed igne ferroque is cuius vices geris in terris, membra ipsa affecta dissecet atque disperdat, signa jam dedisse illum ejus futuræ medicinæ planè crediderim. An puellæ Deo dicatæ in Brixiana direptione à religiosissimis abstractæ templis cesserunt militibus loco prædæ? An in Ravennati excidio sacerdotes trucidati? An in Prateni clade sanctimoniâ olim celebratæ virgines prostitutæ? Quid aliud pater sanctissime? Quidnam aliud nobis intelligi dedere, quam sacras ardes & templa Lenonibus & Catamitis antea commissâ, quam nefarius lupis optimi pastoris ovilia demandata, quam virginibus olim dicata plerisque in urbibus septa in meretricios fornice & obscena latibula fuisse conversa? Sed initia illa malorum & prægustationes, vereor, propinandæ nobis à perfidis nostræ religionis desertoribus potionis amaræ & luctuosæ, ni bonis eam moribus avertamus, ni precibus & supplicationibus, non ex summis labris, sed intus ex animi penetralibus iratum placemus Deum, cuius ad hæc monita & tanquam celestia tonitrua non aures modò \* arrigere visi sumus ut resuscipiamus, sed deprimere, visi tanquam Æthiopes ad prolabentis nili strepitum obscurum, prava consuetudine affecti sic, ut audiamus suadentibus vitis, obaudiamus monenti Deo Optimo Maximo, sapientissimo, qui se contemni amplius à nostro seculo nolle satis arbitror indicavit, signis atque portentis non parum multis, pestilentia, fame, crudentissimis paulo ante preliis. Quid enim aliud? aut si quid aliud, cur hoc tamen nostris insinuatum mentibus planè non reat? per tot cætorum hominum millia, quorum cadaveribus & conrecti sunt campi, & remorati fluviorum cursus, eorumque cruore superum mare & inferum quasi quadam purpura infectum, nisi ut memoriam subeat innumera in nos collata beneficia nobis non debere esse ludibrio; scilicet Christus ille Servator humani generis tantum sanguinis effuderit, ut qui eo sanguine non rediivi solum facti, sed ditati etiam sunt, delicerentur in pluvius? Quid plumarum feci mentionem, & scortorum præteriti catervas & greges exoletorum? & coempta & divendita sacerdotia? Sperare poteram, Pater Sanctissime, postquam ad supremum sacerdotii culmen evectus es, non malis artibus, non pudendis, ut plerique olim pactationibus & mercimoniis, qui per summum dedecus summum decus appetivere; sed tua (ita mihi, ita non parum multis visum) gratissima humanitate fore aliquando, ut meliorem in statum reformaretur Christiana reipub. sed nec omnino desperarem, si adniti volueris, & tuæ isti humanitati, lenitati, facilitati, aliquid supercilii, aliquid rigoris, nonnihil poenarum admiscere. Danda est opera, Maxime Pontifex, ne quid detrimenti nostra reipub. patiat; bellum enim tibi cum multis, bellum, inquam, intestinum, periculosum, grave, quod avertendum est severitate disciplinæ. Luxum cohibe cujuscunque ordinis, modum pone ambitioni, compesce indomitos & \* effrenatos libidinis obscenæ furores, suspectis sacerdotum (quod & legibus ecclesiæ cautum est) contuberniis fræna constitue, aviditati & sceleratæ habendi cupiditati terminum præfige. Non concedita & commendata fidei sacerdotum, sed comesta verius ab illis & devorata piorum virorum patrimonia vindica, & effice ut in bonos disperiantur usus, ne amplius ab impuris heluonibus, ab omnium scelorum gurgitibus absorbeantur. Qui auctionibus sacrorum pudendisque litationibus invigilaverint, dent poenas temerariæ mercaturæ. Qui non propexerint commisso gregi, qui vanitati studuerint innumera, superstitionibus, comestationibus, pudendis exercitiis & familiaribus oblectati, vel corrigantur omnino, vel amoveantur à sacris, quandoquidem omnia fœdant exemplo, & prævæ consuetudine vitæ eos qui bene morati & egregie instituti sunt, planè corruptunt, ut hinc non plebis modò, sed omnis ordinis fiat lapsus in crimina. Nec sane mirum, quando malum omne prodire de templo

\* Principum, Cardinalium &c. una semper est querela (ut per varios hujus libri tractatus constat) de turpi sacerdotum vitâ: quasi res nemini non innotesceret -- pudeat hæc opprobria vobis -- sed unde hæc oriuntur cæcus est qui non videt.

templo Johannes Chryſoſtomus cenſet, & Hieronymus ſcribit ſe inveniſſe neminem qui ſeduxerit populos præterquam ſacerdotes, quos quidem ſi vel probè inſtitueris, volentes, vel nolentes coercueris, univerſo Chriſtiano orbi ad bene de omni reformatione ſperandum quatiſignum aliquod fuſſiſſe videbere. Potes, ſumme Pontifex, nec in terris alius poteſt, & quum poſſis, debes, & cum debes, niſi volueris & curaveris ut fiat, quid ſit periculi ex probatiſſimis eiſdemque divinis exemplis animadverte. Succurrat, quaſo, tibi vetuſtus ille ſacerdos, in quem filiorum non vindicata ſcelera magna ex parte reciderunt: etenim qui præſunt aliis, non modò eſt opus ut ſint innocentes ipſi, ſed ut reſiſtant nocentibus, eorumque mala facinora compeſcant, & tum quidem ex Lebeſe carnes trident ſulcinulâ ſubtrahantur ab illis, quod peccatum ſacra Regum teſtatur hiſtoria nimis grande fuiſſe, quin homines à Dei ſacrificio retraheret. Nunc autem malorum catervis exemplorum plebs ignara & à divino cultu & ab omni pietate deterretur. Illi cum mulieribus ea tempeſtate dormiebant ad oſtium tabernaculi. Noſtrâ verò & in ſacras ades ſic irruptio, & ab illis etiam (proh pudor!) ſobrinæ abiguntur ad eorum libidines explendas, & meritorii pueri à parentibus commodantur, & condonantur his qui ab omni corporis etiam conceſſa voluptate ſeſe immaculatos cuſtodire deberent, hi poſtea ad ſacerdotiorum gradus promoveantur, ætatis flore tranſacto jam exoleti. Non igitur miremur ſi dejerant & falſo utrumque ſe noſſe ſacrarum literarum inſtrumentum profiteantur. Quoniam nec quid ejus nomen ſignificet pervenire.

Ac memini puerum quandam in epiſcopi locum aſcitur, qui quoniam literas penitus ignorabat, per jocum dum rogaretur, an magnos feciſſet progreſſus in diſciplinis, reſponſiſſe ingenuè, nondum ſe didiciſſe exordium ejus orationis quam de more ſacerdotes præſari ſolent divina facturi. Novi & qui annuus ſacerdotii pecunias, commendatas eorum diſciplinæ ſpurciſſimis voluptatibus & impendant & impendiſſe gloriuntur. Hæc tu monſtra, LEO Decime, tolerabis? hæc & videbis & patieris? patieris (inquam) ut ignari literarum, ut ad omnia magis apti quàm ad tractanda ſacra, per ignominiam & contumeliam abutantur divinis, & opes ad templa vel tuenda vel inſtauranda paratas, ad ſublevandâ pauperum miſeriâ, à piis hominibus qui jam vitâ ſunt functi deſtinatas, in alienos & prophanos uſus convertant? Scribit Hieronymus eos qui rebus eccleſiæ abutuntur, ſimiles ſcribarû eſſe & phariſæorum, & ſacerdotum Chriſti Servatoris ſanguinè mendacio redimentium. Eadem nec Dionyſii myſticam Theologiam, & divinorum dogmata nominum, neque ſubtilitates hypoſtaſeon, notionum, originum & caterarum diſceptationum, quæ in Lutetia Pariſiorum exagitatæ ad nos manarunt, ab omnibus exquo ſacerdotibus; ſi ſe tamen dederent ſacris literis, & præcellentiſſimam noſtræ religionis Antiſtitum doctrinis navarent operam, multa ſine commoda ad bene beateque vivendum conſequi poſſent. Non eò ſolùm quòd multa diſcerent, & pro ſemagna & ipſis utilia, ſed quoniam ejuſmodi ſtudiis prætaretur illis, uti facilius illecebris ſenſum nuncium remitterent, cum honeſtiſſimo in officio occupati, tum ab ipſis ſtudiis admoniti, ad meliorem vitam nos eſſe natos, & hanc quam vivimus plenam eſſe ignorationis tenebris, ſi ſenſum, ſi humana ſolùm placita ſectari volumus, plenam ærumnarum, plenam calamitatum, ſi humanis fidem votis velimus, cujus etiam vitæ incòmodis & tanquam ſtimulis invitamur, ut ad eam quæ futura eſt libentius properemus. Quis (quaſo) mente paulò vegetiore nõ advertat, prima hac in vita magis ad dolorem homines, quàm ad voluptatem natos? Tanto enim ſpatio nunquam aut bibere, aut comedere, aut vacare proli qui ſquâ potuit, quanto aut ſitunt febrientes, aut mendici & obſeſſi eſuriunt, aut rei criminû torquentur. Id etiam emolumentum nanciſci faciliè poſſent, ut frangerent ambitionè malorum omnium matrè atque nutricè, quandoquidè omnia quæ magna corporeis & humana tantum intuentibus oculis apparent, exigua videntur ſpiritualibus oculis & æterna contèplantiis. Idque ipſum jure optimo; quandoquidem terræ moles collata cœlo, inſtar eſt puncti, rarior habitata locis, ſterili arena, noxiis ſerpentibus ſitiq; deſerta, vaſtis invia paludibus, altiffimis interſecta montibus, profundiffimis interpolata fluctibus. In hac exigua naturæ portione tumultuatur humanû genus, brevis & incertæ vitæ, etiâ ſi diuturna, ſi longiſſima, ſi ſtabili niſa fundamento videatur. Quid enim diuturnû mortalibus ſi æternitati futuræ & immortalis vitæ ad ipſum conferatur? Quid certum & ſtabile in homine, in quo nutant omnia? in quo ut externas taceam & circumjacentes moleſtiarum moles, ipſe conſictus pugnantium inter ſe qualitatibus corporeis temperamenti, bellum inteſtinum illi ipſi ciet identidem, & conſecto bello minatur excidium. Adde tenebras quibus humana mens ſibi relicta circumfunditur, unde & variarum opinionum prælia cooriuntur, & votorum ſibi ſuccedentium, ſubindeque fluctuantium aſtus planè continui. Adde impetus hoſtiles, dolos, fraudes, injurias: Adde & ſuperiorum mentium & inſultus & æſtus, ut veriffimum ſit illud elogium, Vita hominis militia ſuper terram. Militia dubio procul, ſed qua & victoriam & coronam & regnum, nobis in cœlo comparare poſſimus, ejuſmodi, ut nec animo capere, nec concupiſcere

Sim 3 13.

Alludit c. ult. de art. &amp; quali. ordi.

Nota:

Ambitio omnium malorum matrè.

concupiscere voris planè queamus, quando & animi & corporis foelicitas quæ illic reposita Dei amicis, ejusque legis custodibus post hujus vitæ cursum assecuratur, omnino superet caprum humanæ mentis, nec nisi Deo docente hominibus pateat, nihilque omnino sint, si ei conferantur foelicitati, quæ vanæ vetustatis illustratores Poetæ atque philosophi commenti sunt de fortunatis insulis, de fluminibus Nectaris, de via lactea, de reditu ad compares stellas, & cæteris quæ ad veritatem hallucinantibus suis lucubrationibus interere. Hæc illi & similia de sacro literarum otio nancisci faciliè possent. Sed ea ab omnibus non extorqueo sacerdotibus: at ne literas omnino ignorent, ne falis evanidi, ne lucis extinctæ notam gerant, & noscant quæ ad eorum pertinent officium, hoc exposco, hoc exigo, & ni præsent planè detestor. In primis autem & vitæ innocentiam & morum disciplinam, non exactissimam illam quidem & præcellentissimam, sed mediocrem. Non peto ut instar Hieronymi saxo pectus identidem verberent, sed nec ut metreticum pectora baccatis monilibus, nec crepidas Hydaspis gemmis exornent. Neque etiam postularerim, ut Hilarionis inedia affluescant, sed ne Sybaritarum cœnas aut æmulentur, aut superent. Minus etiam efflagitaverim, ut in spinis & nive voluntentur, more Francisci & Benedicti: Sed quum mollem cygnorum plumam ingenti pecunia mercantur, aut redimentis captivis, aut virginibus nuptui tradendis jure optimo dedicata id planè damnaverim. Mediocritatem suadeo, præcellentiam illam virtutum, quam demirari facilius quam imitari plurimi possunt, si sequi etiam maluerint, & laudabo & prædicabo. Sed neque ita rem ad vivum seculo, ut quum eos & largos & faciles esse ad tribuendum moneo, ita moneam, ut velim eos omnino imitari egregium illud Martini & celebratissimum facinus scindendæ vestis, uti mendicus & frigore tremebundus pauper amitteretur. Verum eos quibus abundant æervi pecuniarum, monitos velim Martini exemplo, nudis vestes tribuendas, potius quàm coccineis atque purpureis pannis cooperienda jumenta. Neque item exigo in sacrarum sumptibus ædium censum ut omnem dispartiant, æmulenturque aut Sybillina Cumis olim extructa delubra, aut Simandii & Artemiliæ præruptas murorum moles & minas, aut Solomonia templa, aut etiam nostræ tempestatis Julia ædificia. Sed libenter postularerim, ne sinant corruiere quæ ab illis structa sunt templa, à quibus ipsi opes tantas nacti sunt, ut multo auro dicantur Salmacidas noctes coemere. Postularerim ne Sacella à priscis olim frequentata patribus permittant histricum latibula constitui, scædque adeo haberi & negligenter, ut sit sæpenumero videre ferarum lustra equorumque præsepia & mundius & honestius assevari. Quum nihilominus ipsorum cubacula interim auro splendeant, & substrata etiam purpura longè pretiosissima sint, mensarum verò & coquinarum instrumenta opere cælo resurgant. His incommodis, cum aliarum beneficio sanctionum, tum illius maximè custodiæ legis consules, Maxime Pontifex, quæ sanctissimè cavetur, ne multa ab uno sacerdotia, quibus annexa sit animarum cura, possideantur, Dispensatio, ita solet appellari, effecit, ut jam non multa, non plura, sed innumera teneant multi, qui ne diaconi quidem mererentur officio defungi, at ejusmodi rerum dissipationem non ego, sed Bernardus tor antea feculis appellavit. Oppone te huic petulantia, pater beatissime, & unum hoc inter alia negotium & munus egregiè suscipe, ut qui luxu disfluunt, qui ambitione deservent, qui vel coemptis vel ejusmodi dissipationibus paratis sacerdotiis lasciviant, qui leges denique ritè positas non observant, sentiant tuæ vim justitiæ atque intrepidæ virtutis, ut si aliqua culpa teneantur erroris humani, ab ejusmodi tamen scelerum immanitate liberentur. Liceat bonis & modestis vivere, quibus nec otiosis in communi otio jam licet esse: Illis ipsi omnia arripientibus, & servitum in dicentibus maximam his qui eorum indigent operâ ad famem tolerandam. Hoc si non egeris, Antistitem summe, si malis hominibus fræna laxaveris, si jamdiu multumque laxata non cohibueris, vereor ne, te Pontifice, decedat eò nostra respublica, ut dici non falsò possit, à libidine pudorem, ab audacia timorem, ab amentia rationem penitus esse devictam, & in te bellum à nostræ religionis hostibus ante audias geri quàm parari. Si egeris, & utilitatem omnibus, & tibi etiam gloriam non hanc solum momentaneam & caducam, quæ parvi temporis angustiis coercetur, sed & stabilem & perpetuam, non in terris modò, sed in cœlesti sede comparabis. Nec modò timendum tibi ab exteris erit, sed intrepidè sperandum, venturos nostræ religionis hostes, ad nostræ fidei disciplinam, bonis exemplis facilius quàm vi & armis invitatos. Redactum olim ad nostræ pietatis instituta terrarum orbem per apostolos efficacius sanctissimis eorum vitæ moribus, quàm non modò Constantini Cæsaris legibus, præliis atque triumphis, sed etiam per actis ipso apostolorum ministerio supra vim naturæ miraculis, præclarissimi nostræ fidei assertores judicare. Et quis, rogo, nobis assentiretur bonos mores suadentibus, si pravis ipsis abuteremur? Quis religioni quam colimus initiari per nos cuperet, quos videret quod ore asserimus factis pernegare? Præstat itaque in reducendis hostibus & delictoribus ad nostræ fidei pietatem, ut

collapsos

Falsos in-  
stituta.

Cave à multis  
sacerdotiis.

collapsos mores ad normam priscae virtutis instauremus, quam quod multi ambiunt, ut classe petamus Euxinum, & exposito in continentem milite, concussaq; maximis confectis praeliis Colchica Trapezunte, cruentata vexilla inferamus Armeniae. Eja igitur, Pater Sanctissime, & naturae lege non scripta, sed nata & revelata divinitus disciplina; & majorum tuorum sanctionibus atq; decretis, & utilitate simul & gloria excitatus, indue sanctissimum in desertores & impios saluberrimumq; furorem, quo discant poenarum agere formidine, quod virtutis amore deberent. Moses ille legislator, quanquam mitissimus, terrificam tamen periculus est ira, quum posthaberi Deum agnovit, & severam in desertores poenam exercuit. Deus & homo Christus Jesus omnium virtutum exemplar, irrogatas in se contumelias patientissime tulit. Non tulit Paterni honoris notam, quum sacrilegos venditores emptoresque ex templo expulit & flagello discussit. Et ille quidem vituli unius aurei cultores maxima est caede persequutus: Et hic columbas vanales & turtures e templo voluit ejectas. Tu verò earum cultores vitularum, quae maximo numero in urbe non stabulantur modò sed dominantur, & auro, purpura, margaritis, more regio incedunt ornatae, ut adeorum aspectum, nedum congressum plurimi & obbrutescant & pereant, exilio saltem & honorum omnium multà non compescas? Tu sacras aedes sceleribus omnifariam prophanari, & in eis tot monstra Circaeae grunnire permiseris? Tot Syrenes, & verius, tot Syrenum millia patieris, naviculæ tibi divinitus commissæ, quantum in ipsis est, procurare naufragium? Tu Dei Optimi Maximi templorum, tu Christi sanguinis mercatum sustinueris, cojus seipsum sacerdotium nullis mercimoniis es consequutus? Si clemens videris pontifex, id pietati facili adscribetur. Si nimis placidus, naturæ tuæ consuetudini, corporisq; temperamento. Sed si posthaberi Deum ejusque legem patieris, & immania scelera passim & nulla prorsus verecundiâ peragi, nullus erit tam injustus rerum aestimator, qui vereatur id tribuere vel maliciæ vel negligentiae. Quapropter si attendere diligenter & aestimare hac omni de re, de qua disseruimus, volueris, Pater Sanctissime, sic (ni fallor) planè constitues, ut leges jam ritè positæ, poenæ saltem formidine custodiantur, dabisq; operam exemplo non solum & innocentia vitæ, sed animadversionis in alios, ne quicquid collibitum fuerit impune fecisse audeant improbi, atque ita & tibi simul & omnibus consules, & collabentem jam ac prope intermonituras Christianam Rempublicam ab interitu vindicabis. Hoc omnis ordo, hoc consensus bonorum omnium exposcit & obsecrat. Quæ ubi per Te acta fuerint, ubi pessimæ vitæ monstra vel edomueris vel extinxeris, ne postea repullulent, adhibenda erit legum cautio, & severior aliquanto disciplina. Non in vestibus modò & sumptibus, sed in studiis sacrae literæ utriusque instrumenti recognoscendæ, & cum antiquis & castigatis primæ originis exemplaribus conferendæ, ut ab erratis quæ vitio temporum & librariorum incuria, in illas irreperunt, omnino purgentur; solennes caeremoniæ de quibus fuere olim quæpiam difficultates, prioribus oblata Synodis, statuendæ firmandæque sunt; quotidianæ preces redigendæ in statum & probatum ordinatum ordinem; & veræ historiæ ab apocryphis nugis segregandæ, præscribenda principibus viris officia, ut scelerata illa & nostræ Reipublicæ deletrix opinio, licere quæ placeant, & à vulgi animis omnino amoveatur & penitus exulet. Sit inter ipsos Principes pax & discordiarum finis, ut à diuturnis dissensionibus aliquando quiescamus, daturi operam eis officiis, quæ mortales evehunt ad immortalem vitam & excedentem animantium omnium vota sclicitatem.

¶ Comitis Mirandulae de Moribus reformandis Orationis Finis.



¶ Orthuinus Gratius Lectori candido S. P. D.

Ambitio &  
Cupiditas  
remora Con-  
cilio Genera-  
lis.

Quanta, Jesu Christi Servatoris nostri ecclesia reformatione nunc indigeat, cogitare mediisfidiis hoc tempore poterunt pauci, dicere nemo. Hæc tamen reformatio (modò rem ipsam ritè perpenderimus) non aliter quàm per generale Concilium (de quo paulò ante non pauca diximus) haberi potest. Cæterum, qui sit (obsecro) dicet quis, quò minus illud in commune Reipub. commodum celebretur & ultra centum annos, jam diu protractum atq; suspensum sit? Duæ namq; pestes obsunt, Ambitio videlicet & Cupiditas. Illa (ut ait Salustius) multos mortales falsos fieri subegit, hæc autem qualis sit, quàm etiã & nobis omnibus pestifera, Paulus satis abundè ad Timotheum testatus est, quum eam omnium malorum radicem esse dixerit. Nec immeritò. Nam si Innocentio credimus, sacrilegia hæc pestis committit & furta, rapinas exercet & prædas, bella gerit & homicidia, simoniace vendit & emit, iniquè petit & recipit, negotiatur & sceneratur, instat dolis & imminet fraudibus, dissolvit pactum & violat juramentum, corrumpit testimonium & pervertit judicium. At, quid tandem de Ambitione, monstro hoc satis deformi, dicemus? Est equidem (ut divo Bernardo placuit) subtile malum, secretum virus, pestis occulta, doli artifex, mater hypocrisis, livoris parens, vitorum origo, tinea sanctitatis, excæcatrix cordium, ex remediis morbos creans, & ex medicina desperatum generans languorem. Si hæc (mihi crede) monstra duò è medio quantocius tollerentur, longè aquabilis atq; foelicus nostra sese resp. haberet. Hoc autem quàm sit factu difficillimum, Origenes, in suis super epistolam ad Rom. commentariis apertissimè testatur: Omnis (inquit) adeundi honoris ecclesiastici abscederet ambitio, si se judicandos potius, quàm judicatuos, hi, qui præesse vult populo cogitarent. Quapropter, ut paucis finiam, præstat in reducendis hostibus & desertoribus, ad nostræ fidei pietatem, ut mores, vitio temporum atq; hominum collapsos, ad priscæ virtutis normam instauremus, id quod sine generali Concilio & universali totius ecclesiæ decreto (ut statim diximus) absolvi ac perfici non potest. Hæc omnia secum revolvens Reverendissimus in Christo pater D. Laurentius, presbyter Cardinalis, & ad nostram Germaniam, de latere (ut sic dicam) Legatus, quandam nuper cum suis Ratisponæ reformationem edidit, quæ sicuti pauca complectitur, ita etiã & à paucis est recepta. Tu igitur quid illic sanctum sit, & quid postea in publica apud nos synodo, iisdem de rebus Antonius dixerit Lynnichanus, diligenter revolve, ac vale foeliciter.

## • CONSTITUTIO AD REMOVENDOS

\* Campegi-  
um.

Abusus, & Ordinatio ad vitam Cleri reformandam, per Reverendissimum in Christo patrem & dominum, D. Laurentium \*, tituli sanctæ Anastasiæ, S. R. E. presbyterum Cardinalem, & ad Germaniam, &c. de latere Legatum, nuper Ratisponæ edita.

Germania in-  
culta natio.

**L** Laurentius miseratione divinâ, tituli sanctæ Anastasiæ, S. Romanæ ecclesiæ presbyter Cardinalis, per universam Germaniam, ac Hungariæ & Bohemiæ Poloniæq; regna, & quæcunq; alia loca, ad quæ nos declinare contigerit domini nostri Papæ & apostolicæ sedis Legatus, ad perpetuam rei memoriam. Ex legationis officio à sede apostolica nobis commissio obligamur, ut circa statum personarum ecclesiasticarum sub finibus nostræ legationis consistentium in melius reducendum propensius cogitemus, ut quæ in eis à sanctorum patrum decretis & ordinatione deviare perpenderimus, ad debitam reformationis normam dirigentes, eis opem & operam adhibeamus efficaces. Nuper siquidè, cum sanctissimus dominus noster Clemens Papa VII. cum pro pastoralis suo officio, tum pro ea affectione, qua inclytam nationem Germanicam paternè prosequitur, intellectus ejus fluctuationibus, hæreticorūq; impietate indies crescente, nos ad universâ Germaniæ suam & apostolicæ sedis Legatum de latere miserit, non aliam ob causam, quàm ut tranquillitati provinciar, & salutis animarum, quæ periclitantur ob dictam nuper natam impurissimam omnem hæreseos sentinam, consulat. Quod onus licet humeris nostris impar, ejus tamen præceptis & mandatis obedire (ut tenemur) volentes, freti Christi favore Servatoris nostri, (cujus negotium agitur) subivimus. Nihil hic prorsus nostris viribus tribuentes, aut prætere-

rea

rea cupientes, quàm quod ad munus hoc foeliciter implendum attineat. Cumque aliquot mensium experientia multa collapsa, & præter omnem opinionem difficultatibus plena penderimus cum Serenissimo Ferdinando Hispaniarum principe, Archiduce Austriæ, Imperiali locumtenente generali, communicatis consiliis concordì sententia particularem conventum in civitate Ratisponæ convocare decrevimus. In quo unâ nobiscum interfuerunt, præfatus Serenissimus princeps & Archidux, Reverendissimus Matthæus, S. Romanæ ecclesiæ tituli sancti Angeli presbyter Cardinalis, Archiepiscopus Saltzburgen. Ac illustrissimi Wilhelmus & Ludovicus Palatinus Rheni duces in superiori & inferiori Bavaria fratres germani, Venerabiles in Christo patres, Bernardus episcopus Tridentin. Johannes administrator ecclesiæ Ratisponen. Palatinus Rheni Dux Bavariæ, Ac nuncii sive Oratores omnes cum pleno mandato venerabilium in Christo patrum & Illustrissimorum principum, Vigandi episcopi Bambergen. Georgii episcopi Spiren. Palatini, Wilhelmi episcopi Argentinæ. Christophori episcopi Augusten. Hugonis episcopi Constantin. Christophori episcopi Basilien. Philippi episcopi Frisingen. Palatini Rheni Ducis Bavariæ, Ernesti administratoris ecclesiæ Patavien. ac Palatini Rheni ducis superioris & inferioris Bavariæ, & Sebastiani episcopi Brixien. cum quibus pluribus hinc inde in discussionem allatis, & præcipuè quibus consiliis, quibusq; modis præfate nationi Germanicæ periclitanti consuleretur. Paribus sententiis receptum fuit, hanc perditissimam hæresim rudi populo plausibilem ob libertatem illi falsò persuasam prætextu evangelicæ charitatis, non parvam habuisse occasionem, partim à perditis moribus & vita clericorum, partim ob non diutius dissimulandum sacrarum sanctionumq; ecclesiasticarumq; constitutionum abusum, & perinde non parum momenti fore extirpandæ hæreticorum Lutheranorum & eorum sequacium sectæ, ut clerici ad honestatem vitæ, moresq; suos illos, quos divus Paulus exigit & præscribit, debita censura reducti, abusq; laicos male offendentes, sublati fuerint. Itaque habitis maturis deliberationibus, & piis consiliis præfatorum, Ferdinandi principis, Cardinalis ac ducum & episcoporum, atque nunciorum suorum infra scriptos salutare aliquot tam necessariæ reformationis sacerdotum, presbyterorum, religiosorum & clericorum modos præscribere, statuere, sancire, atque edere necessarium duximus. Quocirca auctoritate apostolica, qua fungimur in hac parte, statuta & ordinationes per nos ut præfertur edita, ab omnibus & singulis archiepiscopis, episcopis, abbatibus, præpositis, decanis, archidiaconis & aliis personis in ecclesiastica dignitate constitutis, ac parochialium ecclesiarum, aliorumque beneficiorum ecclesiasticorum rectoribus presbyteris, religiosis & clericis in universa Germania residentibus, prout eos & eorum quemlibet respectivè tangit, aut tangere poterit, in futurum perpetuis futuris temporibus inviolabiliter observari volumus. Decernentes irritum & inane, si secus super his à quoquam quavis auctoritate scienter vel ignoranter contigerit attentari. Et nihilominus universis & singulis archiepiscopis, episcopis, abbatibus, ac aliis personis in ecclesiastica dignitate constitutis, necnon Metropolitan. & aliarum Cathedralium Ecclesiarum Canonicis, ipsorumque archiepiscoporum & episcoporum officialibus & vicariis generalibus, per præsentem committimus & mandamus, quatenus ipsi & eorum quilibet, si & postquam pro parte illorum, quorum interest, aut in futurum interesse poterit, fuerint requisiti, statuta & ordinationes huiusmodi, & horum singula inviolabiliter observari faciant, contradictores per censuras ecclesiasticas, & alia juris remedia compescendo; Invocato, si opus fuerit, auxilio brachii secularis; non obstant. constitutione foelicis recordationis Bonifacii papæ VIII. qua cavetur, ne quis extra suam civitatem & dioccesim, nisi in certis exceptis casibus, & in illis ultra unam dietam à fine suæ diocesis ad iudicium evocetur. Seu ne iudices à sede apostolica vel ejus auctoritate deputati, extra civitatem & dioccesim in quibus deputati fuerint, contra quoscunque procedere, aut alii vel aliis vices suas committere præsumant. Et in Concilio generali de duabus dietis, & personis ultra certum numerum ad iudicium non vocandis, & aliis constitutionibus & ordinationibus apostolicis, ceterisq; contrariis quibuscunque. Verùm quia difficile foret præsentem literas ad singula loca, ad quæ expediens fuerit deferri, volumus, & auctoritate apostolica decernimus, quod transumptis præsentium literarum manu Notarii publici subscriptis, & sigillo alicujus personæ in ecclesiastica dignitate constitutæ munitis, ea fides adhibeatur, quæ iisdem originalibus, si essent exhibitæ vel ostensæ, adhiberetur. Et ut huiusmodi statuta & ordinationes ad singulorum noticiam deducantur, universis locorum ordinariis, auctoritate apostolica præfata in virtute sanctæ obedientiæ mandamus, quatenus statuta & ordinationes huiusmodi per se, vel per alium seu alios in eorum ecclesiis vel civitatibus publicent, seu publicari faciant, quæ post publicationem ipsam, eisdem, quorum interest, aut interesse poterit, perinde arceant, ac si eis personaliter intimatæ essent, aut intimarentur.

Tenor verò statutorum & ordinationum prædictarum sequitur, & est talis.

N n 2

Cum

Occasio Luth.  
theranæ hæ.  
resis.

Cassatù Bonifacii 8.  
constitutio à  
Cardinale  
Legato.

CUM potissimum anima verbo, quod ex ore Dei procedit, vivat, id autem nec passum, nec ab omnibus expediat prædicari, admonente Apostolo, qui inquit: Quomodo enim prædicabunt, nisi mittantur?

De concionatoribus.

¶ Ideo statuimus & ordinamus, ut non liceat cuiquam, etiam religionem professio, & quomodolibet exempto, Evangelium docere, nisi ab Ordinario vel ejus vicario tam moribus, quam doctrina probatus fuerit, facta fide per patentes literas, quæ, præter Notarii mercedem, gratis prorsus concedantur. Missi itaq; atq; probati evangelicum negotium tractabunt rectè, sobriè & purè, loca quæq; recondita magis & abstrusa, intellectuq; difficilia, non ad novum & adulterinum sensum, sed juxta sanctorum patrum & ab ecclesia receptorum doctorum, præcipuè Cypriani, Chrysostomi, Ambrosii, Hieronymi, Augustini & Gregorii exponant & interpretentur, omni etiam ope student, ne pro veris somnia & aniles fabellas, pro certis dubia, pro receptis apocrypha & jamdudum explosa, damnataq; ab orthodoxa ecclesia tradant vel depromant, idq; omni modestia, ne unquam eos ad convitia injuriasq; delabi contingat, locusq; ille cum populi offensiculo dehonestetur. Itaq; Ordinarius aliquot excellenti doctrina præditos constituat, qui per dioecesim inquirent, qui sint ad evangelicam doctrinam idonei disseminandam, quiq; ad Lutheranam perfidiam non delectant, ut remedia adhibeantur, quo populus rectè instituat in Christiana lege, & ab ea deficiens, ne secum alios trahat, debite coerceatur, cultus divinus observetur, peragaturq; his modis & ritibus, qui per manus sanctorum patrum nobis traditus & per majores nostros observatus est in sacrificio altaris, officiis defunctorum, canonicis horis, cæterisque divinis laudibus atque ceremoniis.

Regula clericorum.

¶ Hinc hortamur atq; monemus omnes & singulos, qui sacris initiati sunt, ut vivant vitam quam professio exigat, & Christus requirit, inquit: Sic luceat lux vestra coram hominibus, ut videant opera vestra bona, & glorificent patrem vestrum qui in coelis est: cum vestitu honesto incedant, quem Paulus alibi præscripsit. Quapropter singulari cura intendat quisq; prælatus, ne hi, quibus præest, in sacris ordinibus constituti, vestes varii coloris, velut virgatas & fimbriatas deferant, sed longis atq; talaribus utantur, nulla arma induant, nisi itinerantes, barbamq; & comam non nutrant, coronam & tonsuram deferentes, tum summo opere curantes, ne quem laicorum indecentiâ vestitus offendant, ut sacris Canonibus cautum est.

¶ Insuper tabernas publicas evitent, nisi eas peregrè proficiscentes ingredi oporteat, & tam inibi quam domi & alibi à crapula, ebrietatibus omniq; ludo à jure prohibito, blasphemis, rixis, ac aliis quibuscunq; excessibus & offensionibus penitus abstineant, choreas, spectaculaq; & convivia publica virent, ne ob luxum petulantiamq; eorum nomen ecclesiasticum male audiat.

¶ Cumq; secundum Apostolum, nemo militans Deo sese negotiis secularibus implicare debeat: Nemini liceat contra provincialia statuta & synodalia domi suæ tabernam,opotandiq; locum aperire laicis, quoniam non raro sequi solent ebrietatem rixæ, cædes & multa hoc genus scelera, quæ sacerdotalem polluant dignitatem. Præterea negotiationibus mercimoniisq; more mercatorum abstineant.

¶ Sacerdotes autem curati, quiq; vicem eorum referunt, subditos in remediis & aliis juribus parochialibus ultra ea quæ sibi de jure debentur, non gravent, ultraq; depositionem eos ad peractiones Septimi, Tricesimi, vel Anniversarii peragi faciendas non cogant, tum præter oblationes festis solennibus fieri solitas, cum illa pro arbitrio fieri debeant, alius non exigant.

De anniversariis.

De sepultura & administratione sacramentorum.

¶ De sepultura quoq; ac administratione sacramentorum, aliisq; spiritualibus pacisci, aut aliquid ab invito exigere nemo possit, aut debeat, & propter ejusmodi à parochianis neglecta cuiquam non liceat aliquod sacramentorum denegare, neq; propter debitam quampiam ab ecclesiastica sepultura prohibere. Parochialia tamen jura, quæ usus recepit, & debentur altari servienti, per prædicta non abrogamus.

¶ Cum autem in dioecesibus non sit eadem consuetudo, & inter subditos & pastores multa & varia emergant dissidia, pastoribus quibuscunq; plura exigere propensis: Subditis verò ob penuriam & egestatem reclamantibus & recusantibus, ordinamus, quòd quilibet ordinarius infra sex menses post præsentium publicationem, omnibus perpensis, beneq; & sufficienter examinatis, super prædictis certam legem ordinationemq; unà cum principum aut dominorum secularium consilio, quos ista negotia turgent, constituat, ne viduæ, pupilli & alii pauperes nimium ultra vires injustè graventur; quod nos, si neglectum fuerit, si in provincia adfuerimus, vel successor noster, habita plena de his informatione, facturos pollicemur, aut rem ipsam sanctissimo domino nostro relaturi sumus, qui huic rei prospiciendæ iudices deputabit.

¶ Convivia

¶ Convivia presbyterorum, quæ in exequiis & fraternitatibus publicè in tabernis huc usq; exhibita sunt, prorsus abrogamus, quòd plerumque laicis sint scandalo: si autem convivium vel consuetudo vel locorum distantia exiger, fiat illud in domo sacerdotis, honesteque, non ad luxum, sed ad necessitatem instruat. Siquidem neque comestationi neque compositationi vacandum est sacerdotibus, cum quòd non audiant [ quorum Deus venter est ] tum quòd officii eorum est & sobriè & castè pro peccatis Deo dona sacrificiaque offerre.

¶ Porro ne & ipsi videantur pecuniæ aucupium magis, quàm salutis animarum studium amplecti, dum laicos graviora delicta confessos hinc inde remittunt, non sine famæ rerumque dispendio: Constituimus & ordinamus, ut deinceps quilibet confessor absolvere possit laicos contritos & confessos, à quibuscunq; peccatis occultis, quantumcunq; gravibus & enormibus, quæ Ordinarii suæ auctoritati reservaverant, exceptis duntaxat homicidiis, hæreticis & excommunicatis, ad Episcopum vel ejus vicarium mittendis: quo autem ad clericos, nihil quoad hoc statutum intelligatur innovatum; pro condonatione autem & remissione peccatorum, quam absolutionem vocant, nihil omnino ab invito exigant.

De absolutione peccatorum.

¶ Sancimus quoq; juxta Apostoli sententiam, quæ dicit, Nemini citò esse manum imponendam. ne cui temerè cura animarum committatur. Itaq; probetur prius per Episcopum, vel ejus Officialem, etiam religionem professus, nec liceat ulli vicarium ecclesiæ & plebis suæ sufficere, illamve locare, five emolumentum, quod absentia nomine recipiet, constituere sine auctoritate Episcopi aut vicarii. Nam cum os bovi triturati non sit alligandum, Episcopi vel Officialis arbitrio ejusmodi emolumenta locationum & absentiarum moderanda censemus.

De imponenda manu.

¶ Domos quoque, fundosque dotales beneficiorum collapsos instaurent possessores, quantum necessitas postulaverit, reparataq; in debita structura conservent, & per Archidiaconos & Decanos rurales, ac alios, ad quos de jure vel consuetudine spectat, ubi negligentes fuerint per subtractionem proventuum, auctoritate nostra arctius compellantur.

¶ Expresse caventes, ne cura ecclesiarum beneficiorumq; concedatur religionem quamcunq; professis, etiam exemptis; quòd si aliqui hæcenus admissi, vel recepti essent, nisi de voluntate, favoreq; superioris sui, legitimisq; causis constiterit extra sua monasteria degere nequaquam sibi integrum fore putent, quando illos sic vagos per Ordinarios vel vicarios ad superiores suos per victus denegationem, aut alia juris remedia remittendos esse jubemus.

¶ Monasteriorum prælati unicas ecclesias habentes, prædictos Vicarios perpetuos, vel ad nutum amovendos in iisdem ecclesiis in posterum non constituent, nisi prius per Ordinarios, aut eorum vicarios, ut idonei & apti fuerint admissi; ecclesiæ tamen suis monasteriis unitæ usque adeo propinquæ, quòd religiosi earundem curam habituri sub religione in monasterio, sub debitaque obedientia stare possent, modò sint habiles & idonei, per hujusmodi religiosos provideri possint, id quoque permittimus de monasterio, quod tamen tenue est, ut debitam sustentationem habere nequeat, volentes religiosos, & qualitercunq; exemptos curata beneficia habentes Ordinario loci esse subiectos. Cumque in ecclesia Dei magis præstet paucos bonos & doctos, quàm plures indoctos & imperitos habere ministros, id quod ratio nostrorum temporum exigere videtur.

¶ Idcirco deinceps non iniciuntur sacris ordinibus, nisi viri, morum, vitæ candore & doctrina præ cæteris spectati, probatq; per testimonium examinis ritè servandi.

De ordinatione sacerdotum.

¶ Quod attinet ad ordinatos in urbe, vel in alia quacunque aliena diocesi, sancimus, ut & illi suarum ordinationum literas & titulos ostendant. Et simili modo ad divina peragenda prius non admittantur, quàm ab Episcopo, vel Vicario seu Officiali fuerint ritè admissi.

¶ Præterea cum nihil æque conveniat omnibus numeris, ac eos esse mundos, qui vasa Domini portant & in sacario operantur, quales sacerdotes constituit ipse dominus. qui quotidie sacrosancta tractant, & in illis versantur. Igitur volumus, atque juxta sanctiones canonicas foeliciter à divi patribus institutas, sancimus, ut castè continentique vivant. Sacerdotes concubinari, incontinentesque vitam agentes, Canonum poenis in ordinem redigantur, nulla consuetudine eis, nulla conniventia, imò damnosa prælatorum negligentia patrocinante.

¶ Quo verò ad Quæstores, qui vulgo Stationarii appellantur, statuimus, ne quis quavis auctoritate, & literarum occasione, vel ad prædicandum, vel subsidia, elemosinasque colligendas se ingerat, utcumq; se jactet indigentis abundare, nisi prius literas ad-

De stationariis.

missionis & approbationis Ordinariorum, vel Vicariorum ab eo prolata fuerint, astringentes ipsos Ordinarios, ut tales admittant, qui probæ vitæ testimonium habeant. Et de prædicatione sua dum opus erit, rationem reddere possint, elemosynis piorumque oblationibus non abuturi per luxum proprium, religione iurjurandi affirmaturi, Se nec quotam, nec totam colligendi facultatem certa summa pecuniarum pactos esse. Fratribus tamen mendicantibus integras salvasque concessiones à sede Apostolica factas relinquimus.

De peregrinis sacris totibus.

¶ Et ut Pastor agnoscat vocem ovis, & illa vicissim vocem Pastoris audiat, tollaturque omnis vagandi occasio: Ordinamus, quod presbyteri peregrini & ignoti ad missarum sacrificium non admittantur, nec ultra mensis spacium in consortio presbyterorum tolerantur, nisi exhibeant literas admissionis alterius ex Archiepiscopis vel Episcopis, in cujus Dioecesim se transfulerint, ac documenta & literas testimoniales sui Ordinarii à cujus Dioecesi proximè discesserunt: Quibus de eorum ordinibus & honestate constet, ne aliquis incorrigibilis post perpetratos excessus, impunè ad alienam Dioecesim transeundo evadat.

¶ Ut autem Christi fidelium elemosynæ in usum, pro quo erogantur, vertantur, non liceat Procuratoribus, seu vitricis fabricarum, in singulis Ecclesiis quicquam de pecuniis ad fabricam provenientius distribuere, aut in ædificiorum, vel alterius rei usum dispensare sine rectoris scitu, sed ad armaria fabricæ reponantur: Ut hæcenus servatum est duabus vel tribus clavibus pro loci consuetudine tenendis, quarum una ipsi rectori servanda tradatur, observato usu in clavibus & rationibus reddendis à principibus & superioribus hæcenus recepto.

De consecratione ecclesiarum, &c.

¶ Statuimus quoque & ordinamus, ne Episcoporum in Pontificalibus Vicarii, in consecrandis Ecclesiis & altaribus, quod sacri jubent Canones, quicquam omnino exigant, excepta procuratione. Convenit namque, ut pro qualitate status ipsorum Episcopi prospiciant, præstando præcipuè pensiones super fructibus mensæ episcopalis à sede Apostolica constitutas, ne aliqui attentare habeant in dedecus episcopalis dignitatis.

De festis.

¶ Nec ab re, immo iustis de causis adducti fessorum multitudinem constringendam esse duximus: Statuentes & ordinantes, ut de cætero Dominica dies, quæ in gloriam Dominicæ resurrectionis ad nos usque à primitiva Ecclesia maximè celebris semper habita est. Dies quoque Nativitatis Christi, sancti Stephani, Johannis & Innocentium, Circumcisionis, Epiphaniarum, Paschæ cum feria secunda & tertia duntaxat, Ascensionis, Georgii, Pentecostes, cum feria secunda & tertia duntaxat, Corporis Christi, quatuor beatæ Virginis, Purificationis, Annunciationis, Assumptionis & Nativitatis. Natalitia Apostolorum, Johannis Baptistæ, Magdalene, Laurentii, Dedicationis Michaelis, Omnium Sanctorum, Martini, Nicolai & Catharinae. Et per Dioecesim Saltzburgen. Festivitates sancti Ruperti, sicuti hæcenus observatae fuere, celebres quoque & festi habeantur. In cæteris autem festivitatibus quacunque ratione vel institutis vel receptis, & quæ sub præcepto celebrari debeant, permittimus liberumque cuique facimus, ut missa audita, ad opera suas, quibus suam suorumque alimoniam querere cogitur, redire possit. Festis tamen Dedicationum, Patronorum & Principalium nihil derogantes, quoad eorum celebrationem in Cathedrali sede civitateque, ac loco etiam episcopalis residentie duntaxat.

De nuptiis.

¶ Cumque inter pastores & gregem propter nuptiarum celebritatem, quam alii inthronizationem alii solemnizationem vocare solent, multa & jurgia & scandala eveniant, declaramus & statuimus, quod matrimonia in conspectu ecclesiæ possint solemnizari, nullo ab ordinario ad hoc consensu petito, aut quapiam re pro eo exposita. Exceptis tamen tota quadragesimâ, ultima hebdomadâ adventus, festis Paschæ, Pentecostes & nativitatis Dominicæ, cum octavis ac diebus rogationum.

¶ Jejunia ab ecclesia instituta sub debito obedientie sanctæ ecclesiæ Catholicæ in posterum indici debent, omisso excommunicationis verbo, ne infirmorum conscientie offendantur, cum his temporibus pietas penè omnis jaceat, sacerdotibusque parum deferatur.

¶ Ut igitur & extinctus cultus exciretur, populisque non fiat indies negligentior, statuimus, ut propter eadem clericorum persona tantum, non autem locus interdicendus veniat nisi coetu concursumque populari facinus patratum esset.

¶ Inhibemus insuper ne in posterum episcopi clericis legitimis ab intestato decedentibus in patrimonialibus bonis, aut industria propria acquisitis succedere possint aut debeant.

¶ Cumque quotidie ob novas, imò jamolim damnatas hæreses, apostatarum & religiosorum, sacerdotumque numerus in immensum crescat, quamplurimis eorum uxores ducentibus.

Ut



Ut ergo sacrilegia hæc impunita non remaneant, Concedimus quibuscunque Principibus Statibusque potestatis secularis, eorumque Officialibus, ut ejusmodi Apostatas & sacrilegos capere possint, modo reos ipsos Ordinariis infra tempus debitum tradant & assignent absque aliqua in eos tortura & animadversione debere puniendos; quibus enixè mandamus, ut omni posita mora favoreque, diligentius quàm hactenus factum fuit, juxta sacras sanctiones omnino puniant facinorosos, adeo quòd, criminis enormitate expostulante, possit Episcopus servata formà capituli primi de hæreticis in sexto, reum Curiae seculari relinquere, vel ad perpetui carceris ærumnam damnare. Negligentiã autem Ordinariorum ad Apostolicam sedem deductã, judices ecclesiastici ab ea deputabuntur, qui confitto de Ordinariorum negligentia ad preces Principum aliorumque secularium, reos maximè hæreseos meritis poenis afficiant. Quòd jam episcoporum quidam, ut accepimus, de beneficiorum pensionibus atque absentis exigant decimas, cum sit id contrarium juri, longeque præstet male inductos usus delere, quàm inusitatum quid admittere, idcirco decimas ejusmodi ulterius exigi solviq; interdiciamus, usumque talem qualitercunq; receptum cassantes, cassatumq; esse censentes.

¶ Itemque improbamus, & ut absonum prorsus rejicimus, ab Episcopis medios exigi fructus de beneficiis, quæ unius sustentationi vix sufficiunt, ut sunt, quæ non excedunt valorem triginta duorum Rhenensium, de quibus in Romana Curia medii fructus non exiguntur. Quod etiam ab Ordinariis observandum esse præcipimus, nisi concordatis aliter cautum esset, vel honesta ratione, aliquid, sine tamen reprehensibili gravamine, accipiant.

¶ Cæterum quo major fiat conjunctio, firmaq; magis inter provinciales stabiliatur concordia totius Provinciae, antiquum morem Synodorum innovantes statuimus, ut singulo triennio post Pascha Provinciale Concilium celebretur.

¶ Ad hæc cum beneficia propter officia juxta patrum sanctiones dari consueverunt, fieriq; vix possit, ut in tanta præbendorum caterva non reperiat, qui officii oblitus horas negligat Canonicas: Hinc statuentes volumus & ordinamus, ut locorum Ordinarii per Archidiaconos & Decanos de hujusmodi sacerdotibus negligentibus, sese diligenter edoceant, & secundum uniuscujusque negligentiam atque desidiam fructus perceptos, vel in utilitatem ecclesiæ, vel in usum pauperum vertant. Quòd si post legitimas monitiones & simul primam correctionem, in eandem negligentiam, quæ dissolutæ prorsus mentis indicium est, quis relabatur, tum beneficio etiam ecclesiastico privetur: collatoriq; vel patroo de alio idoneo providendi aut præsentandi sit potestas.

¶ Sanctionem patrum, quæ ecclesiastica sepulturâ privatur quisquis non confessus, nec Eucharistiæ Paschali tempore communionem sumplerit, inviolabiliter observandam esse statuimus, ac ubi quem contigerit, inopinata morte obire inconfessum, sepulturâ præstata illum cæcere non volumus, modò ipsius curato constet, vel doceatur illi, ipsum, secundum jam dictam sanctionem confessum esse & simul communicatum, aliadq; non obstat Canonicum impedimentum.

¶ Ad tollendam execrabilem blasphemiam Divini nominis, atque divorum quos temere fas non est, statuimus & ordinamus, ut quicumque clericus vel sacerdos Deo palam maledixerit convitiis contumeliisq;, atque adeo obsecris verbis inceserit Deum & Dominum nostrum Christum, aut nunquam satis laudatam matrem ejus gloriosam Virginem pari blasphemiam lingua impetiverit, aliosq; sanctos blasphemaverit, fructuum vel bonorum privatione seu aliis poenis pro qualitate blasphemiae & delicti plectatur.

¶ Contra simoniæ labem non discedimus à patrum sanctionibus, jubentes eas sub poenis in illis contentis observari.

¶ In fortilegos, divinatulos incantatoresq; clericos, quos tam sacræ Leges quam patrum Decreta execrantur, statuimus & ordinamus, ut arbitrio superiorum infamia notentur, si qui moniti non destiterint, ordine amoveantur, inq; monasterium ad tempus juxta arbitrium superioris relegantur, beneficiis officiisq; suis ecclesiasticis privati. Cæteri autem pseudoChristiani, de fideq; parum probè sentientes citra delectum personarum, hæretici quoque, vel judaismus referentes, à sancta Christianorum congregatione procul arceantur. Contraq; eos diligenti inquisitione procedatur per ordinarios, vel eorundem vicarios, aut hæreticæ pravitatis inquisitores, vel per judices à sede Apostolica, vel per nos deputandos, ut non respicientes poenis puniantur debitis.

¶ Prohibemus etiam tam clericis quàm laicis de sacrosanctâ fide temerè, præcipuè inter pocula atq; convivia disceptare, injungentes sacerdotibus, ut omni modestia utantur & peculiariter operam impendant novo veteriq; testamento legendo, ut par est, ne per otia in vitia voluptatesq; labantur.

¶ Statuimus & ordinamus, ut quilibet episcopus diligenter provideat, atque inprimis id curet,

Concedit  
Cardinatis  
Principibus  
authoritatem  
capiendi po-  
estas. i.e. Lu-  
thcranos sa-  
cerdotes, &c.  
quanta hæc  
Legati benig-  
nitas!

Contra blas-  
phemos & in-  
cantatos.

Sorilegi divi-  
naculi & in-  
cantatores  
clerici, quo-  
modo puniri.

curet, ut vicarii, sive perpetui sive pro nutu positi, competentem vivendi portionem assquantur, ne detur eis ansa suos subditos ob rei familiaris penuriam gravandi. Porro, quod proxime accedit ad Apostolorum institutionem moremque primitivæ ecclesiæ, hortamur, cum Prælatos, tum reliquos sacerdotes, ut meminerint pauperum, & elemosynis studeant alter alterum vincere.

¶ Sunt item pleraque alia summis Pontificibus, sacris Conciliis, provincialibusque & Synodalibus constitutionibus prodita, quæ mirè decent & adornant candorem vitæ clericalis, nec minus obviant offenculis, quæ Christus passim cavenda præcepit, quæ velut sancta teneri & observari mandamus, transgressores secundum canones ipsos prædictasque constitutiones puniri volentes.

¶ Inhibentesque propterea omnibus & singulis vicariis & officialibus, necnon & Archidiaconis & Decanis ruralibus, aliisque ad quos criminum denunciatio correctioque quomodolibet spectat, aut quibus id per ordinarios committetur, ne ad excessus transgressionisque alicujus dictarum constitutionum, statutorum & ordinationum nostrarum ob pecuniam etiam ultrò oblatam, aut alterius rei gratiâ conniveant, sed potius ad poenas de jure vel consuetudine debitas contra delinquentes, pro delicti qualitate & officii sui debite procedant, atque ut ita fiat, quoniam nihil proderit leges condere, nisi sint qui conditis vivant mentemque earum exequantur, utque refloreat Catholica fides, ecclesiasticaque dignitas (hæreticis radicibus extirpatis) suum locum recuperet, idque vix alio medio aptius atque commodius fieri possit, quàm Synodis: Itaque prædictum synodorum morem renovare cupientes, statui-mus & ordinamus, ut singulo anno saltem Synodus Dioecessana opportuno tempore à singulis episcopis celebretur, cum potioribus Prælati, Decanis ruralibus virisque dignis, in quibus per quartas designentur iudices, qui diligenter intendant si statuta prædicta, ac alia per synodos de scitu episcopi statuenda observentur, invocato ad hoc, si opus fuerit, brachio seculari. Mandantes propterea, ut hujus nostræ constitutionis ordinationisque series, in præfatis Synodis tam Provincialibus quàm Dioecesanis, in earundem principio diligenter legatur, ne quis in futurum ignorantiam prætexere possit. Datum Ratissone, Anno à nativitate Domini millesimo quingentesimo \* vigesimoquarto, nonis Julii, pontificatus præfati Domini nostri Papæ anno † quarto.

\* De constitutione istâ Campegii, &c.

hoc anno factâ, vide Sleidan. Comment. Fol. 58. Edit. Argentor. 1555. in Fol. lib. 4. † Debit esse [secundo] Clemens enim VII. P. M. Inlt Pontificatum anno 1523. post sublatum (quo fato cuideris) Adrian. Sextum.

Vifa.

Jul.

Flo. Montinus.

D. de Paternina.

G. Prego

Jodocus Hoetfilter Reverendiss. Domini L. Cardinal. Campegii  
Legati, &c. Notarius subscripsit.

ORATIO

## ORATIO HABITA COLONIÆ CORAM

frequenti Clero, ab Antonio Cornelio Lynnichano, qua ecclesiæ proceres sui officii admonet, & cuiusmodi evangelici gregis pastores esse debeant, ostendit. Magnifico præstantissimoq; viro Domino Arnoldo Broiksmidt de Lemgo, cum artium tum sacrorum Canonum doctore eximio, Curiæ Colonien. officiali, & ejusdem metropolitane ecclesiæ canonico, Antonius Cornelius Lynnichanus S. P. D.

**I**mprobis quorundam amicorum precibus oppugnatus, vir ornatissime, cogor orationem eam quam nuperrima in Synodo, quinto Idus Martias ad clerum Colonien. habui, prælo excudendam dare, efflagitantibus id quidem à me amicis, quorum æquis in me votis si reluctarer, haud in rem meam consultum esse duxi. Cum igitur illorum impulsu, aleam in hac re jacere compellar, primus tu mihi occurrebas, cui hanc editionem nuncupem, cujus autoritate & jussu in lucem oratio prodeat: omnem citra ambiguitatem probè obfusurum eum, qui Theonino dente me petat. Relatu multorum habeo, phylolocas quosdam fuisse, orationem nostram mordacitatis nimie suggillantes, quibus ob insipida palata oratio planè desipit, cum non ex gnathonico penu eam depronpserim, ut gnathonico aucupium faciat. Illi cujus farinae sint homines, facile conjecturare possumus, cum suam philautiam prodant, vitii proprii accusatores, nempe impudenti parasitorum gregi patulas aures semper accommodantes, malunt se turgidis ampullis & sesquipedalibus verbis palpando laudari, quam veritatem dicendo pungi. Ego hisce calumniatoribus suaderem, ut aut suam in me criminationem dissimulent, aut nihil omnino me carpant. Porò, si sibi temperare non possint, quin quæq; mordere cogantur, proflant è suo specu palam & in aperto criminales quicquid usquam pius conatus in noxia vitia & execrandas hujus seculi pestes & mores scripserit aut dixerit. Certum est eum semper calumniis obnoxium esse, qui in hominum vitia & seculi mores quid scribit aut dicit. In quibus tamen carpendis, si quis connixerit, plus illis se carpendum præbet, præter officium agens & loquens, quali sui consimilibus patrocinator, dissimulans ea quæ maximè forent inculcanda. Quòd autem malevoli illi me carpunt, id minimi ego facio. Qui enim fieret ut ab his vituperari pertimescerem, à quibus laudari nunquam cupivi? Mordeant, carpant, incusent & insimulent me. Quanto magis illi maledicta in me congesserint, hoc magis videbor mihi operæ pretium fecisse, publica oratione detestatus id, quod homines impuros male sibi concios mordeat & male habeat. Postulabat locus & tempus & res me sic dicere Quid, rogo, hac infelici tempestate magis est necessarium, quam ut nostras principes accuratus suis fungantur officiis, ut sistant tumultus, sedent seditiones, extirpent hæreses, intestina bella & jurgia componant, rebellionem refrænent, noxia quæq; amputent, putrida membra ressecent, quo demum venerandum Catholicæ ecclesiæ corpus permaneat vegetum, integrum, solidum ac firmum, omnis naevi aut maculæ expertus? Plurimumq; profectò referet, religiosos quosq; cuiusvis status aut ordinis, ita deinceps vivere & populo præesse, ut hunc in sui amorem alliciat laudata vitæ, probis moribus, scientia, doctrina & eruditione. Quippe virtutis ea vis est, ut in sui amorem ignotos etiam alliciat. Cum populus viderit sibi à clero præberi exemplar Christianæ vitæ, velit, nolit, cogetur amare eum, quem cernit vivere vitam Christiano dignam. Hæc ego scribo ad te, vir præstantissime, non quòd quis opinetur in hac re superbe ut iudicium dare audeam, definiturus quid aut agendum aut omittendum sit, sed ut commoneam ejus te quid sæpe cordati & sapientes viri super hisce rebus sopiendis fenserint, & quid ipse plerumq; rectè censueris, cum illis candidum tuum adiciens calculum. Bene vale, vir optime idemq; eruditissime, Coloniar ex pædagogio divi Laurentii. Anno Domini, millesimo, quingentesimo, vicefimo, septimo, tertio nonas Apriles.

Contre quof-  
dani malevo-  
los.

ORATIO

## ORATIO HABITA COLONIÆ IN SYNODO,

Coram frequenti Clero, ab Antonio Cornelio Lynnichano, qua scripturarum testimoniis perfunctoriè ostendit, cujusmodi ecclesiæ principes, pontifices, primarii sacerdotes & evangelici gregis pastores esse debeant, eos officii sui admonens: interim tamen gravem ecclesiæ jacturam deslens & lamentans.

**M**Ajorum nostrorum studium & industriam, Venerandi Patres, quantum laudare quis debeat, non mearum est virium oratione consequi, cum omnia sic providerint, ut providentius penè nihil posterior ætas excogitare possit: omnia sic consilio & ratione libraverint, ut quicquid extra eorum consilium gestum fuerit, diuturnum esse non possit: omnia sic ad amissum perpendierint, ut quicquid citra eorum præscriptum negligenter omisissum fuerit, bonis moribus adversum, & castis legibus obvium atq; contrarium sit. Quæ quidem instituta abolere, & veteres eos mores antiquare, visum esset non in ecclesiæ commodum & profectum consulere, sed in ejus grave dispendium, ingenq; disturbium moliri. Quis nostrum nunc non vider, quantis ecclesiæ æstuetur persequutionum procillis, quantis periclitetur negotiorum undis, quantis involvatur æstibus? Spirant circumquaq; horridi venti, sonorus Boreas suum afflat horrorem, procerax Ausfer è tartareo specu missus noxias stat nebulas, Circius turbines & vertigines, Septentrio grandines repentinasq; procellas. Consciscunt graves nobis indies tempestates, circumfremunt circumquaq; ad ecclesiæ navem quassandam. At nos qui ea navi vehimur, nihilo secius nosmet gerimus, quàm si nulla oborta sit tempestas, arbitramur nihil adversum nos posse contrariorum flatuum vires: Pigri, segnes, inertes, inconsiderati homines quiescimus & desidemus, non videntes quantum naufragium fecerimus. Ubi nunc nostri archinautæ? ubi nauleri? quorum consilio & prudentia esset, ne sic ad scopulos illideremur, quorum officio foret pyratum molimina & persequutiones aut frustrare aut vitare, non invitare. Ab horum insidiis & molimine, quàm se caverint majores nostri, satis perspicuum est ex laudatis his legibus & constitutionibus, necnon probis moribus, quibus satis se posteritati commendarunt; quas verò leges & constitutiones, quosq; laudatos mores, si nos ea integritate servavimus, qua illi, proculdubio haud esset quod sic periclitaremur. Nimirum cum id antiquus poeta doceat: Moribus (inquiens) antiquis res stat Romana virisq;. Ut tamen ex multis unum colligam, quis nescit hunc morem à majoribus inolevisse, & apud posteros receptum esse, bis quotannis per singulas dioceses, ex altis suggestibus, ecclesiastica declamari statuta, in loco ubi seniores patres metropoleos conveniunt, in ecclesiæ bonum & commodum consulentes, à quibus subditus quisq; vitæ normam & disciplinam acciperet. Hoc quò commodius agatur, quid convenientius excogitari possit, quàm subditum quemq; præmio & honore invitare, prævaricatorem autem omnem mulctis & poenis detertere, & non eorum more agere qui secus quàm docent faciunt, quasi præscribatur lex, cujus sancitor voluerit esse exlex? Parendum enim est legi quàm quisq; sancti. Id quidem si non feceris, male audies à vulgo. Quid, rogo, est quod principem magis vulgo commendat, quàm ut bonorum morum exemplar in se statuatur, secundum quod vulgus vivat? Quòd si ipse princeps & magistratus recta via non inambulaveris, idem haud dubiè tibi obtinget, quod stulto illi Prophetae Balaam filio Bosor, qui iniquitatis suæ redarguebatur per asinam, animal subjugale mutum, quod humana voce loquens, propheta prohibuit dementiam. Num simile istius nunc fieri videmus? cum passim à laicis & indoctis audimus principum & praelatorum, vestigiis Christi non insistentium, mores & vitam reprehendi. Ignoscant, rogo, mihi dicenti, hi qui nullius iniquitatis sibi sunt consci. Caveant item & mihi irasci, quos stimulus conscientie pungit, generalem de vitis disputationem in suam non referant contumeliam: ne dum mihi irascuntur, suam indicent conscientiam multò pejor de se, quàm de me judicantes. Non eò in hunc suggestum conscendi, ut cuiquam adulari velim, omnia (ut quidam dixit) temperatus sum & parietem velle linire laplantem. Nolo etiam cànina quadam facundia orationem nostram nimis esse maledicam atq; rixosam, ne reddam aures vestras mihi invitas; facilius duxi musicorū morem sequi, qui leni chordarum tactu pectora demulcent, non gravi pulsu; ita oratione meam placidam citius, quàm asperam, vos posse movere non dubito: in qua si delicatus quispiam auditor exactum rhetorices artificium ullum desiderarit, sciat nec philosophiæ, nec rhetorices artificium ullum divinam scripturam admittere, suo nitore satis claram, quemadmodum Paulus ad Corinth. scribens, missum se dicit ad evangelizandum, non erudito sermone, ne inanis reddatur crux Christi: Sermo (inquit) crucis stultitia est his qui pereunt,

Ventorum  
natura.

E. injus.

Num. 12.  
2 Pet. 2. 16.  
2. q. 7. c. secun-  
ti sunt.

\* Fortasse  
fimo, locus  
script. est  
Ezech. 13.

1 Cor. 1. 17;  
18.

at

at illis qui salutē consequuntur potentia Dei. Rogemus nos ut arcanus ille scripturarū spiritus corda nostra percellat, qui & balbos reddit disertos, & rusticos sup̄rē sapientiā & gloriā compotes heredes. Quid nobis mundana philosophia? Quid confert ethnicos auctores nocturnā diurna; evolvere manu, dū non in Christo proficimus, dū non ad salutē nostrā sapimus? Intelligamus ea per quā servabimur. Erudiamur ea quā æternā sapientiā & hereditatem nobis pollicentur. Porro, quā hoc nunc necessum sit, ipsi satis cognoscitis, ipsi iudices estis, vos pontifices, praelati & primarii sacerdotes, ad quos mea festinat oratio. Vestrū est intelligere, vestrū est erudiri. Videris quā invaluerint hostiū vires, quā late proferperit hæc contagiosissima hæreseos læs? Num adhuc vestra jacturā intelligitis? Num adhuc erudimini? Usquequō torpebūt corda vestra? Usquequō hos resides animos detinebitis? Satis jam satis dormitū est, satis jam satis cessatū est: Expergiscimini qui habitatis in torpedinis pulvere. Audite Davidicā tubā vobis buccinantē in psalmo mystico: Et nunc Reges intelligite, <sup>Psal. 2.</sup> erudimini qui iudicatis terrā. Hoc ego bucciniū per totā nostrā orationē cantabo, hoc efflabo, super hoc quicquid est meæ operæ ponā, orationē eo modo bipartiturus, quo ipsum prophetæ elogiū est bipartitū. Nēpe priori mēbro vos ad intelligendū hortaturus, posteriori verō ad erudiendū. Quod ut incitatus facere possim, vos, quæso, reddite mihi attentos, & mēcum unā divinū implorate auxilium, quo prætermisso, nullū ritē fundatur exordium. Mecū, inquit, unā Deū implorate, ut gratiā suā spiritū nobis omnibus infundat, per quē vos audire, & ego salubriter dicere valeā. Adoremus sup̄mū illū Judicē, cui cū nos multis malis obnoxios reddiderimus, profugiamus tristes rei ad missimā eam advocatam, potētissimam quippe Judicis matrē, quā filiū nobis exorare potest. Ea cū sit gratia plena, laboremus ne gratiā per illā nobis partē exortes reddamur, cū & inter omnes mulieres sit benedicta, agamus ne fructus ventris ejus, Jēsus Christus, extremo sæculo venturus Jdex, propter blasphemias in matrem jactas, nos iudicet ad æternum supplicium ire maledictos, quapropter dicamus cum sancta Elisabeth eam inter omnes mulieres benedictā, & cum Gabriele archangelo salutemus eam, dicentes: † Ave gratia plena, &c.

Plātes ipse mysticus David, vos Reges, Pontifices, primarii sacerdotes, magistratus & preestates, hoc quo dixi elogio ad intelligendū & erudiendū adhortatus est, dicens: Et nunc (inquit) Reges intelligite, erudimini qui iudicatis terrā. Et nūc, inquit, nunc intelligite, haud negligite, sed intelligite quā vos intelligere deceat. Nullā vult intervenire morā, nullā ad intelligendū dari dilationem, quin instanter & in hoc tēporis momento nūc vult ut intelligatis: res omnis in novaculæ acie sita est. Extremū urget periculū. Aut est intelligendū quid vos deceat, quid vos decoret, quo pacto salutē consecuturi & hostiū molimina sitis frustraturi, aut certē per negligentia pereundū vobis est, futuri præda & irrisio inimicis vestris. Gladius imminet capiti, laqueus insidiat jugulo, securis posita est ad arborem, non trunco rem non ferentē dignos poenitentiae fructus. Vestra omniū refert nunc intelligere & omnes nervos ad intelligendū intendere, quid vos facere expediat. Audite sapientis vocē vobis acclamantem: Attendite Reges & intelligite, discite iudices finī terræ, præbete aures qui continetis multitudines, & placetis vobis in turbis nationū, quoniā data est a domino potestas vobis & virtus ab Altissimo qui interrogabit opera vestra & cogitationes scrutabitur, quoniā cum essetis ministri regni illius, non rectē judicastis, nec custodistis legem justitiæ, neq; secundum voluntatem Dei ambulastis. Horrendē & citō apparebit vobis, quoniā iudiciū durissimū in his qui præsent, fiet. Exiguo enim conceditur misericordia, potentes autē potenter tormenta patientur. Non subtrahet personam cuiusquam Deus, qui omniū est dominator, nec verebitur magnitudinem cuiusquam, quoniā pusillum & magnū ipse fecit, & æqualiter est illi cura de omnibus. Fortioribus autem fortior instat cruciatio. Ad vos ergo, Reges, sunt hi sermones mei, ut discatis sapientiam. Si delectamini sedibus & sceptris, o Reges populi, diligite sapientiā, ut in perpetuum regneris: diligite sapientiam, omnes qui præestis populis. Hicce verbis jubemini discere sapientiā & legem Domini, non Veneris, non alex, non Martis, non Bacchi. Non sit in voto vobis summum scire quid dexter senio ferat, & quantum damnosa canicula radar, & angusta collo non faller orca. Nec id vobis sit studium assem discere in partes centum diducere, ut conslet quid super sit si de quincun- ce remota est uncia. Vestrū studiū sit meditari in lege Domini, philosophariq; in philosophia Christi. Non temerē a Platone & a laudatissimis viris dictum beatam fore rempublicam, si aut philosophentur principes, aut philosophi capeant principatū. Enimvero talis solet esse populus, qualis principes & sacerdotes. Multitudo sapientum sanitas est orbis terrarū. Rex sapiens populi itabilimentum, insipiens autem populi detrimentum. Revelamus veterum historias, reperiemus ubiq; ejusmodi fuisse seculi mores, ejusmodi fuerat principis vita. Proinde principis, & ejus qui principis munus gerit, est se quā optimum exhibere, cum enim quoddam Dei sit simulacrū, suarū partium est bonitate, clementia, sa-

Luc. 1.  
† Commune  
exordium  
Oratorum in  
Ecclesia Rom.  
qui inauspica-  
tō se rem ag-  
gredi cre-  
dunt, infa-  
tarā B. Virgi-  
ne: quasi sa-  
lutaris illa  
Aurea data  
fuisse in ex-  
empum  
Christiano-  
rum, in omne  
ævum.  
Sap. 6.

Perfius Ger. 1.  
4. corpus ten-  
sum videtur  
hic autor non  
satis assequi.

Ose. 4.  
Sapientia 6.

piencia;



pientia & doctrinā, omnibus velle prodesse: hoc secum animo perpenderit: meminertique id se esse in populo quod sol in mundo: quippe ut Deus pulcherrimū sui simulacrū in cœlo constituit, solem, ita inter homines vivam ac evidentem sui collocavit imaginē Regē atq; Princē. Sole nihil communius, ac cæteris item corporibus cœlestibus lucē suā impartit; ita princeps publicis usibus maximē debet esse expōsitus, & nativū sapientiæ lumen habere domi, ut etiā si quid cæcutiant cæteri, nunquam tamen ille hallucinetur. Curandū ergo principi, ne ejus, quod ab eo exigitur, expers inveniat. Alioqui audiet Dominum per Oseam vocē dicentē, Conticuit populus meus, eō quod non habuit scientiam, quia tu scientiā repulisti, repellā te ne sacerdotio fungaris mihi. Audi hæc, Rex, hæc discite Principes, intellige sacerdotes, cum & ipse principatū in terris geras, quid Dominus à te exigat, quid tibi præscribat: Cū(inquit Deuter. 17. à ver. 16. ad finē cap.) fuerit Rex constitutus non multiplicabit sibi equos, non reducet populū in Ægyptū equitatus numero sublevatus, præfertim cum dominus præceperit, ne per eandē viā revertamini. Non habebit uxores plurimas quæ alliciant animū ejus, neq; auri & argenti immensa pondera. Postquā autē federit in folio regni sui, describet sibi Deuteronomiū legis hujus in volumine, accipiens exemplar à sacerdotibus Leviticæ tribus, & habebit secū omnibus diebus vitæ suæ, ut discat timere Dominū Deū suū, & custodire verba & ceremonias ejus, quæ in lege præcepta sunt. Nec elevetur cor ejus in superbiam super fratres suos, neq; declinet in partē dextrā vel sinistrā, ut longo tempore regnet ipse & filii ejus super Israël. Audis præceptū esse, ut non sit magnus equorum strepitus, ut non reducas populū in Ægyptū; Ægyptus cū sit terra vitiosa in quā populus Dei sub duro Pharaonis imperio operibus luti & lateris, omniq; oneroso famulatu premitur. Audis præterea nō licere plurimas habere uxores, quæ animū tuū alliciant, non decere domi alere tot scorta, tot Veneres, quæ te continuē exedunt, tuamq; substantiā disperdunt. Quæ nunc (malum) impudēs, non dico, sacerdotum impudentiā, qui effronte libidine membra Deo dicata templum Dei, quod ipsi sunt, spurcāt & contānant: iisdem labiis osculari audientes Filium Virginis, quibus impuræ Veneris os & labia circumlāberant? Quid est nocte se exhibere filium Veneris, die autē, polluto ore pollutissimāq; mente infumere filium virginis? Tu quisquis sacerdos es, quiq; totus divinis rebus es consecratus, cogita quā indignum sit facinus, eo ore fumere adorādum illud corpus, quā putidā scortī carnē contigisti: iisdē manibus abōinandas sordes cōrectare, quibus ministrantibus angelis ineffabile illud mysteriū peragis. Item, quā non conveniat idē corpus eundē cum Deo spiritū fieri, & unum corpus fieri cum meretrice. Pudet me multa de his dicere, quæ tamen multos minime pudet facere. Vellē mētīr, vellē mēdacii arguerer. Hæc, ut vereor, veriora sunt quā ut redargui possint. His & aliis datur scādalum populo, præbetur offēdiculum vulgo, cui hæc tempestate vile & contemptui est ordo quilibet sacer. Vilis plebs te sacerdotē nunc cachinnis atq; ludibriis incessit, & odit qui calumniādī ansā ultro præbueris. Dicit nāq;: Tot hic aut ille scorta domi suæ ex patrimonio Crucifixi nutrit, quo non sordida scorta, sed pauperes Christi forent sustentandi. Tot hic aut ille sacerdotiū, seu (ut dicunt) præbendis & beneficiis ecclesiasticis est suffarcinatus, quē non multis sacerdotiis deceret esse suffarcinatum, sed vitā, moribus atq; virtutibus esse probatum. Habet profectō & vulgus suos oculos, habet & suum de te iudiciū, quod tu ne ut vile refuses, dico sæpe etiā, ut aiunt, & olitor est verba opportuna loquutus. Quamdiu ipse pergis te tua vita tuisq; moribus dedecorare, & ipsum vulgus de te iudiciū dare nō desinet. Vis ut te vulgus amet? ut te revereatur? ut te amore & benevolentia prosequatur? age quæ amore sunt digna, quæ amorē & benevolentiam promerētur, quæ iustum esse in te revereri: ita te geras ut sis illi probæ vitæ norma & regula, fingas te quandā ōnis virtutis amussim. Curandum est & id tibi præcipuē, qui inter sacerdotes primas tenes, ut non de cathedra Moysi reddas cathedram pestilentiæ. Qui bene federit super cathedrā, honorē accipit cathedræ: qui verō male, injuriā facit cathedræ, auctore Chrysostomo dist. 40. c. Multi sacerdotes. Officiū tuum aptissimē Hieronymus super Leviticō scribens cōmonstrat, ut habes 36. distinctione, quē Canonem ad verbum hic subjicere lubet: Si quis (inquit) pontifex vult esse non tam vocabulo quā merito, imitetur Moysen & Aaron. Quid enim dicitur de eis? Quod non discedunt de tabernaculo domini. Erat ergo Moyses indefinenter in tabernaculo Domini. Quid autem ei opus erat? ut à Deo aliquid diceret, aut ipse populum doceret. Hæc duo sunt pontificis opera, ut à Deo dicat, legendo scripturas divinas, & sæpius meditando; aut populum doceat: sed illa doceat, quæ à Deo ipse didicerat, non ex proprio corde, vel humano sensū, sed quæ Spiritus Sanctus docet. Est & aliud opus quod fecit Moyses: Ad bella non vadit, non pugnat contra inimicos, sed quid facit? orat: & donec orat, vincit populus: si relaxaverit & dimiserit manus, populus vincitur & fugatur. Oret ergo sacerdos ecclesiæ, ut vincat populus qui sub ipso est, hostes invisibiles Amalechitas, qui sunt dæmones impugnantes eos qui volunt pie vivere in Christo. Hæc Hierōymus. Verēdum est, prohi dolor! (ut audētius quid dicā) pontifices nostros

Osee. 4.

Exod. 1.

Non sunt  
scorta alenda.Chrysostomus,  
Hieronymus  
de officio pon-  
tificum.

stros non multum vacasse orationibus, non usq; adeo meditados fuisse legem Domini, non continuam moram traxisse in tabernaculo Domini, quin pro lege Domini, meditados fuisse legem Martis, Veneris & Bacchi, de tabernaculo Domini abscessisse ad cruenta bella, pro gladio Spiritus Sancti, quod est efficax verbum Dei, exemisse gladium cruenti Martis, non expandisse manus in coelum, sed per ignaviam remisisse in cœnum. Hinc factum quod populus Dei vincitur & fugatur, invaluerunt Amalechitarum vires: Hæreticus & schismaticus, hostes nostri domestici, suum evomerunt virus, quo, pro pudor! infectus totus penè Christianus orbis. Nemo repertus qui præmunierit antidoto, quiq; remedio ullo succurrere studuerit, sed pigri, socordes, nulla alacritate insignes, admisimus nos falli nobisq; imponi. Ubi modò industrii patres familias? quos decuisset excubias posuisse, ne nocturni fures nos incautos oppressissent, ne oppressos suo cachinno irrisissent. Jam facti sumus opprobrium, subsannatio & irrisio inimicis nostris. In nos comminiscuntur carmina, in nos occutendo jactantur convitia, & convitiando varia impingunt cognomina. Nec satis hoc, quin sæviunt in divos & sanctos, quinetiam in eum qui est Sanctus Sanctorum in secula benedictus, proterviunt. Nempe latrones hi ubi inconsutile Domini tunicâ in varias partes conati sunt rumpere, demû invaleverunt ipsissimum corpus & sanguinem Domini, commiscentes sacra prophanis, adulterantes legitima, antiquantes sacrosancta sacramenta, Christi sanguine cedit, quam multa de his ego effusiam ineptus? Compertum habetis quod non vobis mentior, quodq; hæc longè sese exacerabilius habent, quàm ego dicere possum. O tempora, ô mores! eò dementiæ ventû, quod humana protervitas Divinam incescit Majestatem? cui omnis majestas cedit, quam omnis principatus in coelo & in terra veneratur & adoratur: cuiq; omne genu cœlestiû, terrestrium & infernôrum flectitur atq; prosternitur. Si humanis cautum est legibus, ne Imperatori quis maledicat, & ne contra magistratus suos quis scelestâ ineat factione, quantò magis id cautû oportuisset in eum, qui summû Imperatorem, illum Monarcham mundi incescit, coelo, terrâ, mari & ventis, & quæ in his sunt creaturis imperantem? Usq; adeo Judaica rabies non sæviit in Christû Dominum, ut postea hæc sordidorû hominû colluvies ludibriis, irrisionibus, calumniis, blasphemis & spurciis innumerais eum est adorta, siquid illi postremo palam & in aperto professi hostes Christû multis plagis impositis crucifixerunt; hi autem ejus morte redempti, & in ejus sacramenta jurati milites, qui & ultro se sacramentario munere subarrari permiserunt, facti apostatæ & transfugæ deficiunt ad hostes: desciscunt à vero duce, deserentes propria castra, dant manus & paciscuntur cum hostibus: Obliti & immemores datæ fidei, per juri sese agglomerant inimicis catholicæ fidei. Interim tamen se inimicos videri nolunt, quin evangelici nominis prætextu, jactant se vestigiis Christi insistere, Christi doctrinam & viam sequi. At quò sua figant vestigia, & ad quæ suam doctrinam moliantur satis exploratum est. Pax publica turbatur, quies privata negatur. Nusquam est, ubi turò quilibet sibi consulere possit. Consulsi est omnium rerum status. Quocunque vergas, quocunque oculos declines, non datur cernere quod antiquam repræsentet morum honestatem. Non opus esset adeo in id incumbere, ut quæque innovarentur, modò singuli studeremus observare ea quæ antiquitus sunt sancita: Non in tantum dediti in quæstum, in privatum commodum, inhiantes prædæ & avaritiæ, non secus huc atque illuc hæc sacerdotia & beneficia distrabentes, quàm si venalium mercium publicam auctionem, seu venditionem faceremus. Quid Deo cum Belial? Quid sacra ad Mercurium prophanum mercaturæ Deum? Abeat & valeat ille cum suo ethnicarum mercium emporio. Inspiciantur Hebræorum historia, reperiemus ubique pessum ivisse Judæorum religionem, dum per fas & nefas ambeabant magistratus & sacerdotia. Diceret hic adversum me adversarius, Tu hi hic is aliter sentias; Respondeo, five ego five ille aliter sentiat, hunc prætextum sive hanc dolosam stropham nihil in re mutare, sed magis dare errori patrociniû, quo rei veritas semper eluditur. Insuper & iniquissimum esse Christi sacerdotes hæc beneficia distrabere, veluti venales merces essent, quæ tabernatim circumferuntur. Non hæc propheta vult esse intelligenda & erudienda. Non præpostero modo faciendum, ut qui diabolo & omnibus operibus idololatriæ renunciavimus, & Deo nos totos devovimus, rursus ad illius, puta diaboli cultum & servitium recurrere. Secus in utroque testamento factum legimus: Abraham homo dives de patria ibat, quò nesciebat. Apostoli de piscatione lactis Genezareth ad piscationem hominum transierunt. At hoc tempore, plerique in Apostolorum loca se suffectos esse credentes, piscatione hominum relicta redeunt ad lacum Genezareth, ad locum sordidi quæstus, in quo quaeritur cibus ventris, in quo laboratur pro victu vilis corpusculi. Miseri, infœlices & stulti homines corporis tantum ingluviæ indulgentes, negligimus inquirere dulcem illum cibum animi. Et cum ipso evangelico reti æternam nesciamus piscari salutem, jacimus & ponimus laqueos & retia ad irretiendum & circumveniendum fratrem, ad machinandum dolum & fraudem. Quid multis morer? Intelligenda dediscuntur & negliguntur, erudienda dedocentur.

C. ff. ad. l. Juliam majest. & C. si quis imp. male.

Ardenis & acris ingenii vir cum suis neutiquam peperisset, in nostros patri impetu invenitur; dexteritate quadam loquendi usus ut rigorem & asperitatem suam in Reformatos converteret, eoque artificio auditores suos demulceret.

Gen. 12. Luc. 9.

Nos aliò mentes, aliò convertimus aures,  
Omnia hic dicere,  
Non mihi si linguæ centum sint, oraque centum,  
Ferrea vox, omnes scelerum comprehendere formas,  
Omnia cunctorum percurrere nomina possum.

Digrediar ergo ad alterâ orationis partem, quæ est de eruditione, quæ terrarum iudices propheta jubet esse imbutos, liquidè nostrum sic habet elogium, Et nunc reges, &c. Quid propheta à terrarum iudicibus exigit, & ad quid hortetur, satis ex ipso verbo haberi potest, dicens: Erudimini qui iudicatis terrâ, perinde ac si dicar, si hucusq; rudes inertesq; fuistis, tempus nunc est ut erudiamini: si hucusq; animos gessistis incultos, expedit nunc eos fieri cultos & expolitos. Quos si cultos & expolitos fieri volueritis, bilares agite, capessatis sapientiâ & doctrinâ, quæ & vobis & gregi vestræ custodiæ commissio prodesse possit. Videtis errabundâ & palantè gregè multijugis insidiis obnoxium. Insidiantur fures & latrones qui gregem per devia abigere & abducere moluntur. Opus ergo esset pastoribus, qui furum & latronum insidias frustrarent, qui contra rugientium leonum incursum, & contra rapacium luporum infestationes repagula ponerent. Præterea & opus esset canibus, qui gregem suo latratu à luporum moribus tutarentur, quiq; & oves à luporum faucibus eripere sint gnari, nec quicquam timeant si quando lupus gregè invadat: Timerem ego quod, si Esaias pleriq; nostri seculi pastores cerneret, rursum diceret: Speculatores gregis cæci omnes nescierunt, universi canes muti non valentes latrare, videntes vana, dormientes & amantes somnia, & canes impudentissimi nescierunt fatigari. Ipsi pastores ignoraverunt intelligentiam. Omnes in viâ suâ declinaverunt, unusquisq; ad avaritiâ suam. Et Dominus per Hieremiâ loquutus, sic criminaretur gregis sui perditionem: Grex perditus factus est populus meus, pastores eorum seduxerunt eos, feceruntq; vagari in montibus. Rursum & Ezechiel stomacharetur his verbis: Væ pastoribus Israël, qui pascabant semetipsos, qui lac comedunt & lanis operiuntur, quod crassum est occidunt, gregem autem non pascunt, quod infirmum est non consolidant, quod ægrotum est non sanant, quod contractum est non alligant, quod abjectum est non reducunt, quod periit nõ quærunt, sed cum austeritate & potentia imperant. Ovis dispersis & segregatis non est pastor fidelis, factæ sunt ergo in devoracionem omnium bestiarum. Hic ego me continere non possum, quin effutiâ id quod res est, cogorq; dicere: Heu mihi! quàm paucos hæc mea verba movent, Eloquar an sileam? Quotusquisq; est hodie pastor, qui his fungatur officiis quæ Petrus pastoribus præscribit, dicens in epistola 1. cap. 5. Pascite qui in vobis est gregè Dei: providentes non coactè, sed sponte secundum deum, neq; turpis lucri gratiâ, sed voluntariè, neq; ut dominantes in cleris, sed forma facti gregis ex animo: Et cum apparuerit princeps pastorum, percipietis immarcescibilem gloriæ coronam. Dicite pastores, quo amoris argumento dicere possitis vos Christum diligere, cum oves ejus pabulo sermonis evangelici pascere planè negligitis? Nonne hujusmodi amoris aut saltem dilectionis argumentum, à Petro sibi exhiberi postulat Christus, dum verbis sæpe repetitis eum interpellat, dicens: Simon? Jolannnis diligis me? Pisce oves meas. Cum pastores vocemini, cur non præstatis quod appellamini? Vestrâ appellatione, vestri officii admonemini. Quod si lupos in gregem impunè grassari finitis, jam non pastores, sed mercenarii appellandi essetis. Enimvero bonus pastor animam suam dat pro ovibus suis. Mercenarius autem in lupi adventu oves deserit fugitque, ac finit oves à lupo rapi & dispergi: Nempe quia est mercenarius, & oves non sunt illi curæ. Pastoris boni officium est, pascere gregem, curare, regere, custodire, nequa ovis ulla aberraret: Errantem promptè, libenter, non gravatè, sed ex animo quærere quousq; inventa fuerit: Inventam autem in humeris ad gregem portare. Videmus (proh dolor!) hoc infelici seculo, non unam aut alteram ovem errantem, sed totum fermè gregem pastore bono destitutū inter salebrosas hæreseos rupes errantem. Quotumquemq; putatis hodie reperiri pastorem, qui ovem errantem quærat, ut servet, ut reducat, qui & in humeris suis ovem ad gregem vel ad ovile portet? An non diceretis pleriq; in hoc tantum deditos esse pastores, dum ovem quærunt, ob nil aliud quærere, quàm ut lanam cum vellere deglubant, ut ovem excoriant, ut macient? Nonne si nostri seculi pastores cum præcis conferre volueritis, diceretis illos se id præstitisse quod vocabantur, nempe pastores pascabant, & custodes custodierunt gregem: hos autè longè ab illorum studio excidisse & degenerasse: Illi, quanta curâ, quanta sollicitudine, quanta diligentia vigilaverunt supra gregè suum, excubiis positos contra rugientium leonum impetus & furentium luporum insidias: illi indes & numerosiorem & fertiliorem reddiderunt gregem, lucrantes gregi amoenissima & latissima pascua, florentissima regna, celeberrimas urbes & nationes. At hodie, nescio quia fatorum invidiâ fieri videmus, quod grex, puta populus Christianus, cruentissimis bellis, immanissimis cadibus, horrendissimisque pœnis affectus suis regnis exulat. Quod ne quis meum aut alterius cuiusquâ commentum esse dicat, in promptu ejus quod dico occurrit argumentum & exemplum: Pro se, rogo, mihi quicquid

Esaiz 56.

Hiere. 50.

Ezech. 34.  
vide Scrm.  
Synodalem  
Hildeberti in  
Appendice &  
suprà pag.  
290.  
Ovibus dis-  
persis, non est  
pastor fidelis.  
1 S. Petr. 5.  
2, 3, 4.

\* Ita est in  
vulgari trans-  
latione. Tran-  
slationem autem  
respondet  
hoc nomen  
"Iovâ in  
originali".  
Johan. ult. 15.  
Mercenarii  
Johan. 10.



intendat animum, quæ vita, qui mores fuerint, per quos viros, aut quibus artibus res Christiana & Evangelii majestas longè lateque per universum terrarum orbem est propagata? Labente deinde paulatim disciplinâ, secum cogitet, ut sensum quoque partum illud & per omnia penè mundi regna auctum Christi imperium magis magisque dilapsum sit. Primò amissimus Africam, deinde mox tota Asia Saracenis & Turcis cessivus, postremò etiam majore & nobiliore Europæ parte adempta, vix tandem in Europæ angulo desidemus, nostras ipsorum conterentes vires, intestinis tumultuantibus bellis, mutuis digladiantes armis, Turcarum immanitati non modò non repugnantes, verùm eam potius per mutuas contentiones & intestina dissidia, nutriendas. Heu miseram & infœlicem Christianæ religionis sortem! O cæcas nostrorum principum mentes, quos tantus perturbationum stupor oppressit, ut perinde tanquam in theatri ludo otiosi spectarint, intra biennium Rhodum occupari, & hoc ipso \* anno majorem Hungariæ partem livimus à Turcis devastari, in quo quidem bello bellicosissimus ille Christianæ religionis pugil & athleta, foelicitis recordationis Rex Hungariæ, de Christiana fide semper bene meritus, interiit, à suis destitutus, non audeo dicere, ut fertur, traditus. O vos principes Christiani, quibus victimis, quibus putatis piaculis, quibus lustrationibus tantum facinus eluetis? qui licet titulo tenus, quasi dii tutelares salutis & securitatis Christianæ reipub. polliceamini, quos vel ipsa cognomina ad publicas clades levandas inflammare debuerant, Christianas tamen opes distrahitis, evertitis, dilaceratis. Cavete, cavete, ne qui nunc ab aliena domo incendium restringere negligitis, mox flammatarum impetus in vestras proprias evolvat aedes, urque posterior Africanus in incensæ Carthaginis conflagratione Rom. urbis occasum versibus Homericis desilevit:

Tempus erit sacram quod dealeat Ilion urbem,

Ac Priamum & Priami populum, regnumque decori.

Vestra reverà agitur res, paries modò proximus ardet.

Subvenite ergo Principes, accurrite per deum immortalem, occurrите perditis & profligatis rebus, jam tandem opem afferte. Extremum periculum cuique vestrum ante oculos obversatur, quod prius fides & pietas debuerat, jam summa cogit necessitas, ut qui prohibere noluistis, ne hostili igne arderemus, saltem jam exustam & conflagramentem Christianam remp. a tanto incendio liberetis. Quo autem nostra intendit simulatio? cur publica omnium errata in unum aut alterum conijcimus? Magis ipsi in causâ & culpa sumus. Accusetur nostra negligentia, accusetur intestinæ similitudines & civiles dissensiones, quibus nimium Christiana resp. conteritur, & interim dum nos sic domestico bello tumultuamur, tertius nos invadit hostis, barbarus & immanissimus ille Turca pro certo sperans, & jactare non desinens, se propediem totius Christiani orbis potiturum imperio. Qui quidè nobis haud dubie est ille Assyriorum rex Sennacherib, vel Babyloniorum tyrannus Nabuchodonosor, à Deo ad nos missus, quem peccata nostra meruerunt, à quo nobis imminet virga furoris Domini, qua flagellamur pravitate, & transgressores mandatorum Domini. Porro hoc fit in psalmo mystico comminatus est, dicens: Si dereliquerint filii mei legem meam, & in iudiciis meis non ambulaverint, Si iustitias meas prophanaverint, & mandata mea non custodierint, Visitabo in virga iniquitates eorum, & in verberibus peccata eorum. Et per Ezechiel, quia sacerdotes, inquit, contempserunt legem meam, & polluerunt sanctuaria mea; Inter sanctum & prophanum non habuerunt distantiam, inter pollutum & mundum non intellexerunt, & à sabbatis meis averterunt oculos suos, & conquinabant in medio eorum; Principes quasi lupi rapientes prædâ, ad effundendum sanguinem, & ad perdendas animas avarè sectando lucra. Prophetæ lineabant eos absque temperamento, videntes vana & divinantes eis mendacium, dicentes: Hæc dicit Dominus Deus, cum Dominus non sit locutus. Et rursum per Michæam: Principes in muneribus iudicabant, & sacerdotes in mercede docebant. Prophetæ in pecunia divinabant, & super Dominum requiscebant, dicentes: Nunquid nō Dominus in medio nostrum? Nunquid super nos venient mala? Propter hoc causa vestri, Sion quasi ager arabitur, & Hierusalē quasi acervus lapidum erit, & mons templi in excelsa sylvarum. O Sion, o Hierusalē civitas Deo sacra. O sancta Christi ecclesia! quæ quondam ab Assyriis & Babylonis exteris tuis inimicis expugnabaris; Nunc autē longè execrabiliori bello, non modò ab exteris, verum etiā ab intraneis pignoribus juratis militibus grave internecinum bellum, ne dicā exitium, pateris. Hi qui in tua sacramenta jurarunt, facti transgressi, apostata, tua castra relinquunt, paciscendo cum hostibus. Quæ hæc iniquitas? quæ vesania? Siccinne fides servanda? siccinne promissum in fidei sacramenta? Domesticis his hostibus nō sat erat diruta esse templâ, quā aras, templâ, sacras aedes & domos sunt demoliri, quin scelus scelerè gravantes, temerario ausu grassati sunt in sanctuariū Domini, in quo juxta Ezech. prophetæ vaticiniū egerunt, ipsum sanctuariū prophanantes, nullo discrimine inter sanctum & prophanū habito, inter mundum & pollutum, nil intelligentes, sabbata & sacras ferias prophanantes, docentes ea quæ carnis sunt, non quæ spiritus. Blando ore, blandoque sermone incautos homines incautâque pectora fallentes, nō secus sacris literis abutentes, quàm versipellis ille fars,

O o 2

cujus

\* 1520

23. q. 4. c. fecerunt.  
4 Reg. 14, 15.  
Psal. 88.  
Ezech. 22

Mich. 3

Matth. 4.  
Luc. 4.

Plinius 16.  
cap. 20.

Roma. 12.  
2 Timoth. 3.

cujus Evangelium meminit, qui ad suum sensum sacris literis abusus, Salvatorē nostrū decipere est molitus. Qui nimirum itulit & impii homines, ex sacris literis hærefeos & majoris impietatis habet occasionē, sicut ediverso sobrii & prudentes salutarē ex his habent alimoniā, quemadmodum simile legimus de rhododaphnes arboris frōdibus, quæ (auctore Plinio) quadrupedibus venena sunt, hominibus autē contra serpentium venena remediū. Proinde hoc unū dicere nō erubeo, Præstaret nunquā evangelia & sacras literas legisse, quā horum lectione id fieri quo demū prævaricemur legē Altissimi. Enimvero nō hæc sapientia nec prudentia, sed prudentiæ nequitia, de qua Eccles. 19. dicitur: Melior est homo qui minuitur sapientia, deficiens sensu in timore dei, quā qui abundat sensu & transgreditur legē Altissimi. Longē satius esset tibi cum Paulo & Antonio eremitis, rusticis illis patribus qui in eremo latitabant, literas nescire, & cum illis confors fieri cœlestis gloriæ, quā eas scire & cum versutissimo hæreticorum sodalicio detrudi in infernū. Quid, rogo, est scientia, quando charitas nos non informat, quando intellectus nō captivatur ad fidē, quando cor ad servitutē Christi nō redigitur? Præter modū & plus quā oportet sapere est desperare. Paulus ad Romanos scribens, præcipit ut ad sobrietatē, & nō plus quā oportet sapiamus, ut non simus prudentes apud nosmetipsos, & ut non alta sapiamus, sed humilibus contentiamur. Diligit Dominus mites & humiles corde. Non simus quales idē futuros esse prædixit, ad Timotheum scribens, forē his extremis temporibus, quōd erunt homines sui amantes, cupidi, elati, superbi, blasphemi, parentibus immorigeri, ingrati, scelesti, sine affectione, sine pace, criminatores, incontinentes, immites, sine benignitate, proditores, protervi, tumidi, voluptatum amatores magis quā Dei, habentes speciē quidem pietatis, virtutē autē ejus abnegantes. Hæc ea periculosa esse tempora, quis modō non diceret? Videmusne, quā universis terrarum orbis, ex pravis & perversis moribus degenerans, totus Redemptori factus sit contumax & rebellis? Hærefes ubique pullularunt, ubiq; eruperunt, & indes magis magisq; propagantur, quibus infœlix plebs & ad omnem rerum novandarum varietatē obvia semper & exposita velut pestifera quādā contagione tabescit, adeo ut & magna Europæ pars, quæ hæctenus omni monstro caruit, tota sui dissimilis sit facta, quoniam cum fide perfidia, cum pietate impietas, cum veritate mendacium nullo pacto coheret. Proruperunt ab inferis furia ipsæ Erynnyes, ira, rabie, cæde, sanguine, scelere, perturbantes, involvcentes, permittentes universa. In qua omnium rerum confusione nihil est, quod nō inquietatum sit, ita ut verē nunc dicere possimus, ut habetur Maccabeorū 1. cap. 3. Ablatam esse voluptatē à Jacob, & deficere apud eum tibiā. Nonne ut eodē loco dicitur, Sancta conculcata & contaminata sunt, sacerdotes facti sunt in luctum & humilitatē, nationes conveniunt adversum nos ut nos disperdant. Dixi fortasse de his longius quā ferebat tempus, sed omnino parcius quā res poscit. Reliquum est ut redeā ad orationis hæc elogium: Et nunc Reges, &c. Si hæctenus neglectum est meditari in lege Domini, si hucusq; cessatum est ambulare in via Domini, si ad hunc usq; diē defutum est nolle salubri admoneri eruditione, tēporis nunc est erudiri. Apprehendamus disciplinā, ne pereamus de via iusta. Satis jā superque insanitū est, satis in mutua debachatu est exitia, satis hæctenus furiis orcoq; litatum, satis diu, quæ Turcarum pascat oculos acta est Tragoedia: si volumus Turcis & inimicis Christianæ fidei formidabiles esse, simus concordēs, sit amor mutuus, sit timor Domini, extirpentur hærefes, faceant intestina jurgia & dissidia: foedum est Christianos cōtra Christianos belligerari. Et enim Christianus orbis una nobis est patria, una nobis est ecclesia, una familia, eadē sumus gēs & ejusdē civitatis incolæ, ejusdē corporis membra, ab eodē continemur capite Christo Jesu, eodē vegetamur spiritu, pari pretio redempti, ad eandē hereditatē ex æquo vocati: sit igitur omniū eadē vox, eadē mens, idem conatus. Vos ergo appello Reges, principes, pontifices, de quorum nutu Christiani orbis foelicitas potissimum pender, ut super his intelligatis, in quibus Christianæ fidei commodū quaeritur, & incommodū evitatur. Vos appello, terrarum Judices, Prælatos, magistratus, pastores, sacerdotes & qui ecclesiastica præminetis dignitate, ut quisq; ruditate seposita, curet salubri eruditione fieri verum Christianæ scholæ membrum. Adest modō tempus acceptabile, adest dies salutis, quod insanivimus imputetur satis, respiciamus & conemur impetrare veniā. Adoremus, procidamus & ploremus ante Dominum qui fecit nos, quia ipse est Dominus, Deus noster. Apud eum est portus placida manens quiete. Apud eum patens unum omnibus miseris asyllum. Jubet ipse nos ad se venire, inquit: Venite ad me omnes qui laboratis & onerati estis, & ego reficiā vos: tollite jugum meum super vos & discite à me, quia mitis sum & humilis corde, & invenietis requiē animabus vestris: Jugum enim meum suave est, & onus meum leve. Hanc nos doctrinā intelligere, & hac disciplina erudiri omnes studeamus: Beatus est enim quem Dominus erudit & legem suā docet. Monstrat siquidem viam qua itur ad gaudia vitæ, ad quam nos omnes pervenire concedat idem is, qui dixit: Ego sum via, veritas & vita, qua vita & propheta cum Christo in æternum fruatur, qui vos Reges & terrarum Judices ad eam quoq; adipiscendam adhortatus est, dicens: Et nunc Reges intelligite, erudimini qui judicatis terram. Dixi.

F I N I S.

O. G.

Matth. 11.

Johan. 14.



¶ O. G. Lectori S. P. D.

**R**evolvisi, Lector candidissime, quæ ad instaurandos mores, & Ecclesiæ reformationem, non parum (ut ipse opinor) nobis conducere videntur. Quapropter non erit importunum, si & summum etiam Oratorem, doctissimumque Theologum, Erasimum viderelicet Roterodamum, de hac ipsa eadem re, tum pro sua in Deum pietate, tum pro communi omnium salute, salubriter differentem audiamus. Est enim hic talis ac tantus vir, ut nihil à se perperam, aut male dictum velit. Nam cœli filius in falebra ac luto hæerere non potest. Vale foeliciter.

Erasm. Rot. laus.

## DES. ERASMI ROTERODAMI

Liber de sarcienda Ecclesiæ Concordia, deque sedandis opinionum dissidiis, cum aliis nonnullis lectu dignis.

¶ In Psalmum Octogesimumtercium. Cujus initium:  
Quam dilecta tabernacula tua Domine virtutum, &c.

Des. Erasmus Roterodamus Clarissimo viro Julio Pflug. S. D.

**Q**uantopere te pigeat horum semper in pejus gliscentium dissidiarum, quantoque pectoris ardore suspires piis omnibus optabilem ecclesiæ concordiam, Juli vir ornatissime, satis arguunt tot tuæ ad me epistolæ, semper eandem occincentes cantilenam, magnaque instantiâ efflagitantes, ut hujus tempestatis me sedatorem præbeam: quod quum tu nihilo verecundiùs facias, quàm si jubeas Pygmæum Atlantis vice, sustinere coelum, tamen à me nullam admittis excusationem. Erras tu quidem, mi Juli, vehementer ignorantia mei; verum hic error quo major est, hoc magis declarat insignem tuam pietatem erga Dei domum, in qua tu non infimum tenes locum, tenesque ob eximias virtutes tuas meritißimò: quibus hoc decentius ornaris, quòd hinc nullum omnino tollis supercilium, sed agnoscis Domini munificentiam, quales viros si multos haberet Respub. Christiana, aut hi tumultus non extingissent, aut jam pridem essent confopiti. Ipse verò sic inter sacrum (ut aiunt) & saxum constructus, ut quod flagitas nec reculare per te liceat, nec ex me præstare valeam, medium quiddam reperi, quòd te posthac utar aliquanto placatore. Tractavi Psalmum 83. in quo divinus ille Spiritus mirè nobis commendat ecclesiæ concordiam. Non parum juvat hortator, in hoc sanè negotiorum genere, in quo bona pars facti est, propensâ voluntas, cui nunquam deesse solet benigni numinis præsidium. Quod si Christus & illud largiri dignetur, ut ecclesiasticæ pacis amor quo tu tam insigniter flagras, omnium animos corripiat, brevi futurum est; ut nec tu flagitando, nec ego reculando fumam inanem operam, sed uterque alteri gratulemur. Verum à Psalmo non te remorabor diutius. Datum Friburgi, pridie Calendas Augusti, millesimo quingentesimo tricesimo tertio.

## DES. ERASMI ROTERODAMI DE

Amabili Ecclesiæ Concordia Liber.

**P**salum octogesimum tertium ob id <sup>307</sup>selegimus enarrandum, quòd in eo Spiritus Sanctus, multis argumentis, magnaque tum evidentia tum vehementia, nobis speciosam illam ac beatam ecclesiæ concordiam commendat: qui sermo quum omni tempore salutaris est atque utilis, tum verò hoc seculo sectarum feracissimo videtur ita necessarius, ut non alio magis. Quisquis igitur diligit pacem illam, quæ juxta beatum Paulum exuperat omnem sensum, quæque sola custodit & ab omnibus malis tuetur corda & corpora nostra in pacificatore Jesu Christo Domino nostro, ad hanc audicionem aures animosque attentos adferat. Titulus nonnihil habet scrupulorum, sed his quanta poterimus brevitate discussis ad pulcherrimi simul & amonissimi spectaculi contemplationem alacriores ingrediemur.

¶ 3

Titulus

Titulus igitur in codicibus nonnihil variat, sive id accidit scribarum studio, sive sermonis Hebraici ambiguitas hanc nobis peperit varietatem. Sepruaginta sic reddidere: In finem pro torcularibus filiis Chore psalmus. Hieronymus hoc pacto, Vincenti pro torcularibus filiorum Chore psalmus:

Roma. 10.

Quum audis in finem intellige psalmum tractare de Christo, qui finis, hoc est, perfectio legis est omni credenti. Nulla est enim vera perfectio; iustitia, nisi per fiduciam sinceram erga illum, qui solus fide purificat corda mortalium. Quum audis Vincenti, sive pro victoria, protinus in mentem tibi veniat illud Paulinum, Neninem assequi beatam illam coronam gloriæ nunquam marcescentis, nisi qui legitime certaverit. Quidam ex Hebraei sermonis peritia submonuit pro Vincenti, potuisse verti, effundenti sanguinem, ut non levem & incruentam pugnam, sed acre prælium, & ut Græci dicunt ἀποδοῦν πρὸς τὸν πόντον intelligas. Quum enim qui huic militant mundo toties sua corpora telis hostium obiciant, suamque vitam ambigui Martis alex committant, ut supplicationem, ovationem, aut etiam triumphum assequantur, eumque ridiculum verius ac ludicrum quam speciosum, quem nemo vir gravis absque risu videre posset, cujus universa pompa uno circumagitur die: quid non facient Christi milites, ut aternū illū triumphum assequantur in coelis? Quanta nunc est gloria martyrum, qui suum effundendo sanguinem, per fidē vicerunt regna, operati sunt iustitiā & adepti sunt beatas promissiones? Quorū encomia per univēsum resonant orbem, & angelis applaudentibus sempiternum cum dūce tuo Christo triumphum agunt in cœlesti Hierosolyma? Quamquam & hi qui Paulo auscultantes amore Christi mortificant membra sua, quæ sunt super terram, libidine, avaritiā, iracundiā, aliisque id genus affectibus, spiritui reluctari solitos, non incruento bello vincunt Satanam. Jam & in ipso psalmo fit mentio Tabernaculorum, sive tentoriorū, quod militiæ verbū est. Porro quod in titulo additur, pro torcularibus, nonnihil torsit divum Augustinū, eō quod in psalmo nulla fiat torcularium mentio. Itaque confugit ad allegoriā. Verū animā dēvertēte poterat Psalmorum titulos interdum indicare argumentum ex historia, velut in Psalmum 33. Psalmus David cum mutavit vultum suum coram Abimelech, & dimisit eum & abiit. Interdum diem festum quo decantari solet, velut Psalmus 91. titulum habet, Psalmus cantici in die Sabbati 92. Laus cantici David in die autē Sabbati 93. Psalmus David quarta Sabbati. Nec oportet historicum sensum rejicere, quo locus fiat allegoriæ, quum ille sit huius basis & fundamentum, qui cognitus facit ut aptius tractetur intelligentia retrusor ac mystica. Itaque titulus propheticus quum addit, pro torcularibus, indicat mensem septimum, qui apud nos September est. Nam prisca à mense Martio quum sol ingreditur Arietem faciebant anni initium, & ab hoc numerantibus, quoniam quintus erat is qui post dictus est Janus, Quintilis appellabatur, & huic succedens Augustus, Sextilis, ac ceteri item usque ad Decembrem, ex ordine sortiti sunt nomen. Quoniam autem mense Septembri vindemiæ tempus est, significantius erat & ad mysterium accommodatius dicere, pro torcularibus, quam mense septimo. Sic Horatius initium veris indicans non inamoenā figurā dixit, Zephyris & hirsutis prima. Simul autem indicantur dies festi, quibus hoc canendi certamen inter prophetas celebrabatur. Hinc est quod aliquot Psalmorum titulus habet mentionem Liliūrum sive Rosarū, vernum tempus indicans, & ejus temporis festa. Nam quum Judæis tria fuerint festa præcipua, Pascha in memoriam prodigiosæ transmissi maris, & Pentecostes in memoriam legis in monte Sinai late ac receptæ, & tabernaculorum, de quo mox dicemus: Primum incidebat in veris initium, Secundum in ver jam adultum, Tertium in autumnum. Nam septimi mensis die 15. festum erat Scenopogiorum, à figendis tabernaculis dictum. Septem enim diebus jubebantur commorari in tabernaculis in memoriam veteris historiæ, quod ex Ægypto profugi, per vastam & horridam solitudinem peregrinantes annis quadraginta habitaverant in tentoriis, Deo viam monstrante, nocte per columnam igneam, interdum per columnam nubilam, cujus interim beneficio, nec potus nec cibis illis defuit, nec vestes aut calceamenta detrita sunt. Quo tempore & templum ipsum erat tabernaculum, mansitque donec Solomon extrueret illud templum Hierosolymis, ipsis etiam ethnicis venerabile. Huius tam benignæ numinis providentiæ ne vel ipsi possent oblivisci, vel ad eorum posteros non perveniret tanti miraculi notitia, iussi sunt quotannis circa vindemiæ tempus tabernaculorum festum agere per dies octo, idque mense septimo: qui quodammodo sic in mensibus est Sabbatum, quemadmodum in diebus dies septimus, in annis septimus annus, qui terris quoque suum dabat otium, in annorum hebdomadibus, Jubilæus septem annorum completens hebdomadas. Ex his ergo septimi mensis octo diebus primus erat Sabbatum, utpote tertiæ hebdomadis initium, & item octavus quartæ hebdomadis initium. Uterque jejuniū & otio peragebatur. Ceteri qui inter hos intercedebant, sacrificiis, hymnis, gratiarum actione & gaudiis solennibus transigebantur. Octavus tamen dies velut novi festi principium erat, videlicet cœtus sive collectæ, quod tum præter impendia sacrificiorum ac donorum, nonnihil à singulis colligeretur in sumptus tabernaculi. His de rebus tractatur

Levi-

Leviticis vicefimo tertio, & Numerorum vicefimo nono. Proinde quoniam in titulo non est expressa mentio tabernaculorum, est tamen tacite comprehensa designato mense, quo Scenopegiorum festum celebrabatur collectis jam omnibus terrae frugibus. Mensis autem ille ferme totus festis & sacrificiis peragebatur, quo scilicet & Levitis provideretur, & populus agnosceret fe quicquid terra produceret divinae munificentiae acceptum ferre debere: ut nec ad luxum abuterentur, si quando annona provenisset largior, nec desponderent animum, si quis annus extitisset sterilior, ab ipsis admoniti tabernaculis, quod quum per steriles arenas ac sitientes facerent iter, Dominus non passus sit illis quicquam deesse, sed manna demiserit è coelo, aquam effuderit è petra. Nam qui fieri possit, ut qui sic vestit agrestia lilia, qui pabulum suppeditat passerulis, sinat famulos suos egere necessariis, praesertim quum piorum sobrietas paucissimis sit contenta? Quo turpius est, quod hodie Christiani quidam, ubi divina benignitas uberiorem annonam effudit, non ad gratiarum actionem, non ad liberalitatem in sacerdotes & pauperes, sed ad lasciviam, luxum ac libidinem convertuntur. Contrà si paulò malignior fuerit provenus, obliti superioris abundantiae ac de futura diffidentes, intendunt rerum pretia, contrahunt manus in egenos, occultant quod debetur sacerdotibus, frustrantur creditores. Quanto dignius erat iis qui Christi titulo gloriantur, ut quo parcius fuerit anni proventus, hoc effusior esset divitum in pauperes benignitas? Non enim Deus in hoc dedit messiem uberiorem, ut in tuis horreis frumenta computrescerent, sed ut quod superest in usus pauperum dispensaretur. Ita fieret, ut superiore fertilitate videare non indignus, & in sequentibus annis majorem Domini liberalitatem promerearis. Porro festum illud tabernaculorum quod olim à Judaeis celebrabatur, *numus* designasse celebratam ecclesiae Catholicæ non obscurè declarat Propheta Zacharias capite 14. Erit ruina quae percutiet Dominus omnes gentes quae non ascenderunt ad celebrandam festivitatem tabernaculorum. In eodem capite fit mentio torcularium, ut hujus Psalmi argumentum ex eo Propheta loco Zachariae 14. sumptum videri possit. Illud vigilanter annotatum est ab Hieronymo, tres esse psalmos, quorum titulus meminit torcularium. Octavus qui inscribitur David. Octogesimus qui inscribitur Alaph, & hic octogesimus tertius qui inscribitur filiis Chore. Quibus & hoc commune est, quod omnes meminerunt victoriae. Ogdoas autem resurrectionis gloriae dicata est. Hic est enim dies quem fecit Dominus a mortuis resurgens in quo jubemur laetari & exultare tripudiis spiritualibus. Nam ubi resurrectio, ibi vita est: Vita autem est innocentia, quemadmodum peccatum mors. Primus igitur dies plausibilis erat hominis ad imaginem Dei conditi, de quo tractat Psalmus octavus, ostendens hominè ita conditum, ut angelis esset proximus. Secundus erat hominis per legem ad innocentiam revocati, quo indicat Ogdoas decies multiplicata, decalogum figurans. Hic tertius ostendit hominem per evangelii gratiam eò perfectionis evectum, ut licet corpore degeret in terris, per fidem tamen ac spem conversationem haberet in coelis. Eoque decem Ogdoadibus additur tertio, quod per evangelicam lucem mundus universus cognovit dilucidè mysterium sacrae Triadis. Patrem noverant & Judaei, sed posteaquam filius assumpta naturà humana in terris visus est, & cum hominibus versatus est, moxque receptus in coelum, emissio coelestis Spiritu innovante linguas ac mentes omnium, tum demum dilucidè mundus agnovit in tribus personis unum Deum, & in eadem natura divinà tres personas Patrem & Filium & Spiritum Sanctum. Quoniam autem Gentes solent vindemiae prophanis & impiis ritibus in honorem ridiculi Bacchi celebrare, incompósitos ludis, indecoris saltationibus & obscœnis verbis lascivientes, cujus insaniae dolemus in hodiernum usque diem nonnulla conspici vestigia: Moses publicam laetitiam ad religiosam gratiarum actionem, petulantes motus ad propheticas saltationes (Nam & David in honorem Dei ante arcam saltasse legitur) impios hymnos & impudicos sermones ad mysticos psalmos convertit, effecitque ut impurus cultus, quem aliae nationes daemonibus exhibebant, in veri Dei cultum verteretur. Habebant & Gentes in his festis sua certamina, in quibus homines parum sobrii, facie facibus oblita de plausibus ridicula carmina jaciebant: victori præmium erat hircus, dignum (ut aiunt) patella operculum. Hic inter Prophetas erat certamen, plenum religionis ac reverentiae. Unde psalmi complures in titulis habent, pro victoria. Tale certamen & Apostolorum temporibus erat in cœtibus Christianorum. Unus loquebatur linguis, plures prophetae officio fungebantur. Nec hic fervebat indecora contentio, sed si cui alteri fuisset revelatum, prior tacebat: Nec victus sibi displicebat, sed gratias agebat spiritui, qui per alium hoc docere voluit, quod ipsum fugerat. Nec victor efferebatur animo, sciens totum hoc esse divini Spiritus energiam, qui cuique dividebat sua dona prout volebat. Tale canendi saltandique certamen erat inter hos Prophetas. Hoc exemplo nos erudimur, ut sive laboramus & affligimur adversis, sive rebus prosperioribus delinimur, omnia in gloriam Dei faciamus. Nunc complures Christiani tantum morbis, bellis, aliis periculis Deum invocant, & ita distinguunt tempora, ut tristitia fecent Deo, laetiora tribuant satanae. In funere charorum videas aliquam pietatis speciem, in nuptiis,

Zachariae 14.

In tribus personis unus Deus.

\* Sc. Carnevale, ut scriptum constat.



nuptiis, in victoriis, in conviviis nullū Christianæ mentis vestigiū. Existimant abundē satisfactum Deo, si per tempus quadragesimæ paulō vivant severius, sed imminente quadragesima quā irreligiosa licentia? rursus exacta ea feriis Paschalibus, quanta aviditate reditur ad intermissas voluptates? Atqui decebat Christiana gaudia non minus habere religionis quā luctum. Quamdiū versamur in his tabernaculis, sunt variae rerum vices. Est tempus nascendi & est tempus moriendi, tempus nubendi & tempus abstinendi à nuptiis, tempus gaudendi de natis liberis & tempus lugendi defunctos liberos, sed Christianis nullum oportet esse tempus vacuum à pietate. Sub festum diem celebretur jejunium, sed religiosum. Festus dies requirit lætitiā, sed spiritualement. Illic nonnihil contristamur, sed secundum Deum: hic lætamur, sed coram Domino. Quemadmodum de gaudiis Evangelicis loquens Esaias cap. 9. ait Lætābuntur coram te, sicut qui lætantur in melle. Bene lætantur, qui lætantur coram Deo, qui purā conscientia illi pro tristibus pariter ac lætis gratias agunt. At qui lætitiæ temporibus, aleæ, temulentia, turpilōquiis & scortis indulgent, coram mundo fortasse lætantur, coram Deo infaniunt. Sed his forsitan diutius immoramur, quā fact est, utinā & sine causa. Absolvamus igitur tituli mysterium. Octavus Psalmus inscribitur David, quæ vox Hebræis sonat manu fortem, octogesima Asaph, quæ sonat, congregantem; Hic octogimus tertius, filius Chore, hoc est Calvaria. Juxta sensum retrorsum, tribus nominibus idem Christus significatur. Ille condidit hominem rectum: Pater enim per Filium condidit universa, quæq; in coelis, quæq; in terris. Id nemo potest nisi Omnipotens; unde Paulus scribens Hebræis filium appellat verbum virtutis paternæ. Idem hominem collapsum, eoq; dejectum, ut jam comparandus esset brutis animantibus, & similis factus esset illis, ne dicam deterior, recollectit per legem, & donec veniret plenitudo temporum, velut cancellis includit. Unde & synagogæ vocabulum, & Psalmus Asaph, increpando provocat ad legis observationem. Israel, inquit, si audieris me, non erit in te Deus recens. Deniq; congregatoris personam ipse Dominus proficitur in Evangelio: Hierusalem, Hierusalem, quæ occidis prophetas, & lapidas eos qui missi sunt ad te, quoties volui congregare te, sicut gallina congregat pullos suos sub alas & noluit. Tandem ubi venit plenitudo temporis, idem factus filius Chore, in monte Calvariaë sublatus in crucem, universum orbem ad se congregavit, & in eodem resurgens devicto Satana triumphavit. Hic fortasse scrupulus aliquis tanget animum lectoris, quomodo Christus filius Dei, dicatur filius Chore, qui quum esset ex Levitis præcipuus, ambiit summum sacerdotium, & adjunctis sibi Dathan & Abiron, totam ferè multitudinem concitavit adversus Moysen & Aaron, sicut refertur Numer. 16. Cui quotquot pertinaciter adhæserunt, partim vivi à terrā dehiscente absorpti sunt, partim igni coelitus emissos absorpti. Sed nihil absurdi habet allegoria. Christus juxta carnem ē gente Judaica duxit originem, pertinaciter rebellis adversus Deum, de qua queritur per Esaiam prophetam: Extendi manus meas tota die ad populum non credentem & contradicentem mihi. Rursum in Psalmis: Quadraginta annis proximus fui generationi huic, & semper dixi, hi errant corde. Quam pertinacem rebellionem exprobat illis & Stephanus in Actis Apostolorum: Vos semper Spiritui Sancto resistitis. Complures autem Psalmi in titulis habent filios Chore, nec ullius tamen nomen exprimitur, quasi satis esset ad illorum laudem, dici filios Chore: quum juxta communem hominum sensum ignominia videatur, scelerali patris & horrendo exemplo dampnati cognomine designari. Quis enim sustineat appellari filius aut nepos Judæ proditoris? Et tamen scriptura laudis gratia notat posteros Chore progenitoris nomine, cujus impietas illustravit filiorum pietatem, qui cum essent arctissimis naturæ vinculis astricti seditionis authori, tamen in illis affectum naturæ vitæ amor religionis. Siquidem ut est probabilis conjectura, aut auscultantes Moysi resipuerunt, separaruntque se à patre, aut sic apud illum remanserunt, ut impio proposito nequaquam assentirentur, eoque illo cum suis absorpto filii servati sunt, ut legis Numer. 26. nec ob patris scelus à tabernaculi ministerio submoti sunt, sed honorifico Janitorum officio functi sunt, quemadmodum refertur, 1 Paralip. 26. Insuper & prophetico spiritu præcellerunt. Ergo quum Deus non imputet parentum commissa filijs, nisi facta illorum imitentur, iniquè facit hominum vulgus, qui liberi non aliter exprobrat progenitorum scelus ac supplicium ac si ipsi perpetrassent. Tuus, inquit, pater de peculatu convictus, in crucem actus fuit, & audes hircere? audes venire in conspectum hominum? Sed pulchrius est, ex malis prognatos virtute claros evadere, quā si quis bonus nascatur ex bonis. Cæterum iniqui quoque etiam faciunt, qui filijs non scelera parentum, sed fortunam aut calamitatem probri gratia obijciunt. Novi, inquit, patrem illum servum, aut vidi mendicum. Et qui hæc dicunt, ipsi sibi ignoscunt, quod dediti vitii turpissimam servitutem serviunt Satana, quod pauperum rapinā deficiant. Ex patre servo nati non est turpe, sed servire libidini, avaritiæ cæterisque vitiiis turpissimum est. Mendicare panem si urgeat egestas, non est turpe, sed egenis non impertire necessaria, ac rapto vivere, crimen est exprobrabile. Et qui sibi ignoscunt vera, propriaque commissa, proximis exprobrant

Tribus nominibus  
Christus vocatur.

Esaiæ 65.

Liberi propter obsecros  
parentes minime  
consequendi.

Virtute clarus  
pro virtutibus.

brant alienam fortunam. Quanto Deus civilior erga nos? Non imputat nobis nostra delicta, quorum semel poenituit. Quod facinus execrabilius quam fuit Chore? Aut quod supplicium detestabilius? haud illud quidem homine iudice, qui nonnunquam fallitur, sed Deo. Et tamen hujus filios sermo propheticus honoris gratia progenitoris nomine signare maluit, quam propriis vocabulis. Similis inhumanitatis est, quod qui ex Judæis progeniti, à parentum impietate conversi sunt ad veram pietatem, contumeliæ causa vocamus Maranos, quum ea gratia plus illis honoris debeatur. Quod si justum majorum vitia impingere nepotibus, unde nos prognati sumus? Nonne ex his qui in veri Dei contumeliam, coheruerunt ligna & lapides? qui martyrum sanguinem effuderunt? Sed ad rem, Chore, Dathan, Abiron & Hon conati sunt dividere tabernaculum, quemadmodum hæretici & schismatici semper conati sunt ecclesiam discindere: sed ut in illos præsens ira Dei deserviret, ita qui moniti nolunt ab impiis sectis ac seditiosis conatibus resipiscere, hos sine dubio manet gehennæ incendium. Atque in simili rerum statu, oportet omnes esse filios Chore, ut nec filius contra pietatem adhareat patri, nec frater fratri, nec uxor marito, nec gener socero, sed ab impiorum tabernaculis secedendum est, si non corpore, certe animorum dissensionem: & si quid erroris per incogitantiam obrepserit, auscultemus Mose, & moniti meliora sequamur: quo post exantlatis hujus vitæ labores, in monte Domini bibamus mustum sempiternæ lætitiæ. & concorditer viventes in tabernaculo Dei quod militans est ecclesia, recipiamur in coeleste tabernaculum ecclesiæ triumphantis. Video me in explicando titulo prolixiorē fuisse, quam proposueram: ad psalmum igitur properabimus.

Marani.

Quam dilecta tabernacula tua, Domine virtutum. Abruptum hujus Psalmi exordium declarat impotens animi desiderium. Quod genus est & psalmi septuagesimi secundi: Quam bonus Israel Deus iis qui recto sunt corde. Aptius est quod legit Augustinus: Quam amabilia, Græcè ἀγαπῶντα. Nihil est pulchrius, nihil amabilius, nihil tutius aut firmitus bonorum in bonis consensu, ut contra nihil turpius, nihil abominabilius, nihil infirmius conspiratione malorum in malum. Habent enim & impii tabernacula sua, quorum & hic psalmus meminit, & is qui hunc proximè præcedit. Quoniam cogitaverunt unanimiter, simul adversus te testamentum disposuerunt. Tabernacula Idumæorum & Ismaelitarum, Moab & Agareni, Gebal & Ammon & Amalech, alienigenarum cum habitantibus Tyrum. Et Psalmus secundus: Principes convenerunt in unum, adversus Dominum & adversus Christum ejus. Sicut est unica ecclesia, & tamen Paulus ita loquitur: Sicut in omnibus ecclesiis doceo, sentiens esse multas distinctionē locorum & personarum, unicam professionē fidei & sacramentorum communione: ita multa leguntur tabernacula Dei, quum revera sit unicum tabernaculum universos electos complexens, quoniam omnes in Christo sunt idem: contra impiorum, quoniam in religione ac fidei dogmatibus dissentiunt, nullum est commune tabernaculum, sed impii cum impiis sic dissentiunt, ut variis quidem modis ac nominibus, sed tamen pari impietate dissentiant à tabernaculo Dei. Olim Græci & Romani deridebant Ægyptios, bovem Serapim & Cercopithecos, atque adeo cape pro diis colentes, sed ipsi interim lapides ac ligna, aut in his latentes demones pro vero Deo colebant. Sic Lacedæmonii habebant sua tabernacula diversa à tabernaculis Asianorum. Habebat & Gallia Druidas propriæ cujusdam religionis magistros, sed cum verâ religione pugnantes. Horum typum gessit Dathan, Abiron & Hon. In suo quisque tabernaculo stabat paratus ad pugnam. Erant inter se divisi, in hoc concordēs, ut Moysen expugnarent. Quemadmodum diversarum gentium diversæ religiones, inter se discordēs, mira tamen concordia & syncretismo persequēbantur Judæos, ac post majore conspiratione Christianos. Hæreticorum autem diffidia figurabat Chore, qui non recessit à tabernaculo Dei corpore, licet animo esset sejunctissimus. Siquidem hæretici affectant videri veræ religionis assertores, & quemadmodum ille conabatur Aaron à sacris submovere, ita isti persuadere conantur Catholicæ doctrinæ sectatores esse tyrannos & hostes ecclesiæ. Et quemadmodum unusquisque hæresiarcha clamat, hic est Christus, non isthic: Ita Chore grex dicebat, omnis multitudo sanctorum est; in ipsis est Dominus. Ante Redemptoris adventum apud Judæos Sadducæi & Herodian habebant sua tabernacula, sed nec amabilia nec speciosa. Caterum jam per orbem diffundente sese luce evangelicâ, quam multa, quam abominanda tabernacula hæreticorum constiterunt adversus tabernaculum Dei? Quis non inhorrescat, si vel legat quæ turpitudinum scæna fuerit in tabernaculis Ophitarum, qui serpentem pro Christo venerabantur? Cainorum qui Cain paricidam & Judam proditorem inter præcipuos habebant sanctos? Nicolaitarum quibus uxores erant communes: Adamianorum, qui nudi cum nudis foeminis ad sacra conveniebant, hac f. specie, Adam & Evam adhuc innocentes è paradiso nobis repræsentantes? Et tamen iidem nuptias aversebantur. Quæ dogmatum portentosa, quæ monstra turpitudinum peragebantur in tabernaculis Basilidis, Colarbas, Priscillæ ac

Qualiter una ecclesia.

Cornigerum Hammoem.

Marcio



Marcionis? Manichæorum foeda mysteria, quis posset absq; nausæâ vel legere vel recensere? Quis non execreretur Sabellianorum, Arrianorum, Eunomianorum blasphemam in Christum, aut in totam potius Trinitatem conventiculâ? Quibus præstigiis, quibus technis, qua crudelitate conati sunt catholicam veritatem obruere? Operæ pretium fuerit unum & alterum illorum stratagemata referre, ut hinc fiat conjectura, quantum malitiæ texuerint illa tabernacula. Athanasium inuictum catholicæ veritatis propugnatores, quoniam scripturis & argumentis superare non valuerunt, fictis criminibus statuerant opprimere. Constantium Cæsarem malitiosis suggestionibus sic irritarant in virum sanctissimum, ut iusserit apud Tyrum coacto concilio cognosci de Athanasio, delegato ad id comite quodam a latere suo, qui cognitioni præfideret. Duo præcipua crimina intentabantur, mulier vi constuprata, & brachium homini defuncto abscissum in usum maleficarum artium. Conducere mulierculam quæ huius tragoediæ partem ageret, non erat difficile: sed ad probandum maleficii crimen accersierant Arsenium quendam olim Athanasii lectorem, qui veritus episcopi quem offenderat correptionem ab eo profugerat. Hunc diebus aliquot absconditum servarant Arriani, ut cum fide mentirentur esse mortuum. Is tamen ut intellexit, quid in Athanasium molirentur, sive exhorrens facinoris atrocitatem, sive cupiens hac occasione cum episcopo suo redire in gratiam, noctu clam profugit è latebris, & Tyrum ad Athanasium navigio pervenit, eique rem omnem aperit. Ibi vir ut insigniter pius, ita mirè soletis ingenii, quippe qui iuxta præceptum Domini, columbinam simplicitatem cum serpentis prudentia conjunxerat, jubet Arsenio, ut abdat sese, donec in rem præsentem evocaretur: coacto concilio prodit mulier, infertur horrendo spectaculo loculus defuncti, ostenditur brachium hominis resectum loculo impositum. Horror etiam bonorum animos pervaserat. Quis enim crederet illa fingi à sacerdotibus? Mulier quæ fuerat edocta, narrat se quondam Athanasium excepisse hospitio, & ab eo noctu, quum nihil ab illo metueret, per vim fuisse constupratam. Athanasius introductus est, ad hæc responsurus. Is qua præditus erat solertia, submonet Timotheum presbyterum suum ut ipso tacente, mulieri respondeat. Sciebat enim se mulieri ne de facie quidem notum esse. Quum illa perorasset accusationem, Timotheus, Tu ne (inquit) mulier ais te à me vi constupratam? Tum illa muliebri perviciacia, Tu inquit, tu, inquam, illo loco, illo tempore, per vim meam pudicitiam contaminaisti. Erubescere quidam facile detesta mulieris calumniâ. Nec tamen absolutus est Athanasius, nec ad calumniæ poenam vocata mulier, quod iidem essent iudices qui accusatores. Itum est ad secundum crimen: En! inquit, ipsa res loquitur; hoc est Arsenii brachium, quod in quem usum amputaris, tu nobis, Athanasii, exponito. Hic simili solertia vir prudens rogat illos, num satis noissent Arsenium, cujus hoc esset brachium. Respondent quidam, se probè nosse Arsenii faciem. Petit Athanasius, ut liceret sibi accersere quendam, quo ad eam causam haberet opus. Concessum est. Introductus est Arsenius, cujus facie nudata Ecce! inquit, Arsenius vivus, ecce brachium dextrum, ecce sinistrum incolume, unde vos istud brachium amputaveritis, ipsi narrate. Quid hic expectas, ut hic Athanasius fuerit expeditus? Imò discerptus erat inimicorum manibus, ni Archilaus Orientis comes, qui & ipse ei concilio præfidebat, virum sanctum è manibus illorum extractum per occultos meatus dimisisset. Quid autem tergiversari poterant, tam evidenter confutati? Vociferabantur hominem esse Magum ac præstigiis imponere oculis hominum, nec ullo pacto committendum esse, ut talis artifex viveret. Rursus coacto concilio, perinde quasi legitime convictus condemnatur Athanasius. Spargitur per universum orbem foedus rumor, per Imperiales præfectos, per omnes latebras terra marique quaeritur vir coelo dignus, propositis etiam præmiis, qui vivum adduxissent, aut si minus id possent, qui mortui caput attulissent. Quid simile Judæi moliti sunt in Christum? Imò quis fando audivit inter ethnicos facinus execrabilius? Specimen dedi: talia sunt schismaticorum & hæreticorum tabernacula. Quid nunc commemorem de Circumcellionum furiosa crudelitate? Quid de Donatistarum vassicie, technis ac violentia? Hæc non ignorant qui legerunt Augustini de his actis commentarios. Sed hæc vetusta. Magis deplorandum quòd nostra etiam memoria reperta sunt conventicula in quibus noctu post decantatas Dei laudes, extinctis lucernis, promiscuâ Venere viri cum sceminis miscebantur. Sit hoc leve, in quibus matres ultro tradebant suos infantes occidendos & tam immane facinus hylari vultu spectabant, persuasæ sic interfectos inter præcipuos sanctos habendos. Quæ dementia videtur ex hæresi, quæ *ἡ ἐπίστα* dicitur, traxisse originem, qui eucharistiam ex farinâ sanguine infantis maceratâ conficere solent: Eum minutis punctationibus excipiebant. Quod si puerum cum mori contigisset, pro martyre colebatur. Vides in quæ portenta devolvantur homines, qui semel deserto Dei tabernaculo, sese manciparunt tabernaculis impiorum. Jam si præstanti forma puellam, cum ann deorsum componas, & illa videbitur amabilior, & hæc aspernabilior. Ita propheticus ac spiritalis oculus conferens synagogas Satanæ cum tabernaculo Dei, in quo regnat coelestis illa veritas, in quo exuberat pax exuperans omnem sensum, in quo fervet

charitas

Athanasius ob  
duo crimina  
accusatur.

charitas fuci nescia, triumphat fides invicta, in quo uno ore unaq; anima canuntur laudes Dei, magis erumpit in vocem, Quam amabilia tabernacula tua Domine virtutum. Piorum enim concordia cœlestis illius ecclesiæ imaginem nobis representat in qua nulla est opinio-  
 dissentio: Jam enim gloriam Domini non in anigmate sed revelata facie speculantur, summa animorum concordia summa charitas, uno ore eademq; mente Deum hymnis celebrant. Adde huc, quod spiritualis oculus, quem perspicacem reddidit lumen fidei, plus cernit quam oculus corporis. Quid igitur ille videt præterea? Videt Christum in medio suorum residentem ac benedicientem cœtui suo, quemadmodum ipse pronuntiavit in Evangelio: Ubique sunt duo vel tres congregati in nomine meo, ibi sum in medio eorum. Videt angelos protectores ac ministros sanctæ congregationis, magna frequentia summaque reverentia ver-  
 santes. In tabernaculis impiorum omnia diversa sunt; in quibus præfidet Satanas, nunquam nocentior. quam quum se transfigurat in angelum lucis; inter sunt impii spiritus ad omne malum instigantes. Ut ne jam commemorem diversum exitum. Quid Chore & illi conjura-  
 tatis acciderit, sciunt omnes. Horribile spectaculum erat, terram dehiscere ac viva corpora devorare, aut igni cœlitus emissio, aut fulmine consumpta tot hominum millia. Nam post-  
 tri die recrudescens populi seditione, quatuordecim millia perierunt incendio cœlesti. Sed horribilius est & animam & corpus mitti in gehennam. Nec omnino falsum est, quod di-  
 cunt quidam invisibilem esse ecclesiā. Solus enim Deus introspicit corda hominum, ac verè novit qui sint ipsius. Multis tamen argumentis sæpeprehenditur ubi sit Ecclesia Dei, ubi  
 synagoga Satanæ. Multorum enim peccata sunt ad judicium. Sed hæc ipsa ecclesia visibi-  
 lis, quæ bonis habet admixtos malos, quantum habet alacritatis ac majestatis, quoties ad pie-  
 tatis cultum convenit? Ubi is, qui datum est donum prophetiæ sincerè tractat ac dispensat  
 verbum Dei, populus religiosa attentione ac reverentia auscultat, non ut verbum hominis  
 sed ut verbum Dei. Quum interim qui docet, sic afficitur, ut sentias Christi Spiritum per  
 os hominis loqui. Interea videre est præsentem spiritus energiam in auditoribus. Alii  
 suspirant, alii erumpunt lacrymæ, alii hilarescit facies, in summa dicas omnes transfigu-  
 rari. Rursum quum in solenni cultu suo quisque munere fungitur, alius recitat sacram  
 scripturam, alius decantat laudes Deo, alius orat totius multitudinis nomine tractatque my-  
 steria, alii hæc agenti subserviunt, populus interim religioso silentio veneratur hæc omnia.  
 Quis hæc spectans non fateatur amabilia esse tabernacula Dei? Itidem quum procedit so-  
 lennis ecclesiæ supplicatio decenti digesta ordine, etiam hi qui tantum spectandi gratiā pro-  
 spiciunt, venerabunda quadam alacritate tanguntur. Postremò omnis legitimus conventus  
 hominum ad rem honestam habet dignitatem quandam, atque adeo læticiam. Cujusmodi  
 sunt cœtus discipulorum ad professionem, aut diversorum hominum ad disputationem publi-  
 cam. Alcibiades quum primum esset verba facturus apud populum Atheniensem, sensit  
 animi trepidationem. Eam illi sic exemit Socrates. Rogat nam posset continere coria-  
 rum aliquem? Respondit, maxime. Num figulum? Respondit facile. Num fabrum aut ce-  
 mentarium? Quum de singulis interrogatus, respondisset, apud quemvis istorum posse intre-  
 pide dicere: Atqui, inquit Socrates, ex his constat ille populus quem tu vereris. Quod si per se  
 contemptissimis hominibus ipse conventus coaciliat dignitatem ac reverentiam, quanto vene-  
 rabilior est cœtus piorum hominum ad cultum Dei viventis congregatorum? Tantam autē  
 vim habet chorus unanimiter Deo fideliū, ut profanos etiam rapiat in admirationem  
 sui; sicut testatur Paulus, Idiotam aut incredulum ingressum ecclesiam sanctorum procidere  
 in faciem suam & adorare Deum, profitentem quod verè Deus sit in medio suorum. Ba-  
 laam propheta quidem erat, sed impius. Is tamen è monte conspectis Israelitarum taberna-  
 culis, coactus est exclamare: Quam pulchra tabernacula tua Jacob, & tentoria tua Israel!  
 Videbat idem scelicem illorum mortem qui perseverant in castris ecclesiæ. Moriatur, in-  
 quit, anima mea morte iustorum, & fiant novissima mea horum similia. Conspexit horum ta-  
 bernaculorum pulchritudinem propheta sanctus, quum exclamat in Canticò graduum: Ecce  
 quam bonum & quam jucundum habitare fratres in unum! Vidit & Petrus, sed tanquā per  
 somnium, quum in monte contemplatus esset Domini gloriā, & audisset Moysen & Eliam de  
 gloria mortis Dominiq; colloquentes: Domine (inquit) bonum est nos hic esse; faciamus  
 hic tria tabernacula. Illic demum vera est concordia, ubi lex & prophetæ consensientes Chri-  
 stum novi testamenti ministrum, non literā sed spiritu prædicant. Hoc nec fit in synagogis  
 Judæorum, qui legem detorquent, non ad Christum, sed ad nescio quem alium Messiam,  
 quem tot jam sæculis frustra expectant infelices; nec in tabernaculis Manichæorum qui to-  
 tum verum testamentum, ut non à Deo sed à principe tenebrarum proditum rejiciunt: novū,  
 ceu multis locis falsatum, suo arbitrio probant aut improbant. Deniq; in nullis hæreticorum  
 tabernaculis, ubi scripturæ non ad Christum, qui est veritas, accommodantur, sed ad sensum  
 humanum detorqueuntur. Id enim semper fuit hæreticorum proprium. Siquidem Priscilla-  
 nistæ nullius libri vel veteris vel novi testamenti auctoritatem rejiciebant, sed quum absur-  
 dissimè

Ecclesia invi-  
 sibilis.

Ecclesia visi-  
 bilis habet bo-  
 nos & malos.

Id

Balam ini-  
 quus sed ra-  
 tione prophe-  
 ta.



diffima docerent, quicquid cum ipsorum dogmatibus pugnabat, falsa interpretatione ad alienum sensum depravabant. Verum ut ad Psalmi tenorem redeam, Si tabernacula Dei intelligis ecclesiam adhuc in terris militantem, puta hæc dici vel à catechumeno, vel ab ethnico aut Judæo resipiscente, vel à peccatore sive hæretico, schismatico, redeunte ad cor. Sin de ea parte ecclesiæ, quæ jam triumphat cum Christo, puta quemvis pium hominem, cum Paulo cupientem dissolvi & esse cum Christo, dicere, Quam amabilia tabernacula tua Domine virtutum! Abruptum sermonis initium declarat desiderii magnitudinem à profunda contemplatione proficiscens. Nec otiosum est quod alloquens Dominum dicit, Tua. Quicquid in ecclesia virtutis, roboris aut foelicitatis est, Domini est, non hominū. Ille grātis sibi redemit ecclesiam, ille gubernat, ille tuetur adversus omnes procillas. Et quicquid ecclesiæ resistit, non rebellat hominibus, sed Deo. Hoc apertè loquitur per os Zachariæ cap. 2. Qui tetigerit vos, tanget pupillā oculi mei. Et Paulus audit: Saule, Saule, quid me persequeris? Rursus quemadmodum in Evangelio agnoscit sibi præstitū quicquid beneficii collatū fuerit vel in infimū Christiani nominis professore, ita quicquid malorū ingeritur in Ecclesia Catholica, sibi ingestum esse deputat. Talē præsidē ac propugnatorem quum habeat ecclesia catholica, frustra sunt omnes impiorū conspirationes adversus illā. Eoq; psalmus addit, Domine virtutū. Virtutes autē hic appellat, non *virtutes* quæ opponuntur vitiis, sed *virtutes*, quæ vox sonat potentiā. Atq; hoc cognomento sacræ literæ nonnunquam designant Deum. Veluti psalmo 23. Dominus virtutū ipse Rex gloriæ, *Δωδμήτωρ*. Præcesserat enim, Dominus fortis & potens, Dominus potens in prælio. Et in veteris testamenti voluminibus frequenter appellatur Dominus Sabaoth, quod Hebræis sonat, virtutū sive exercituum. *Δωδμήτωρ* in mysticis literis interdum declarat præcipuos angelos, quorum ministerio Deus utitur ad electorum suorū protectionē. Hunc exercitū vidit Helisæus, quum puero ad conspectum Syrorum exercitum exanimato diceret, Noli timere, plures sunt nobiscum quam cum illis. Et ad prophetæ preces aperti sunt oculi ministri, mox & ipse vidit montē plenum equitibus & curribus igneis. Nemo, inquit Christus, potest eos de manu mea eripere, quos pater dedit mihi. Concinat his canticū gradum: Nisi Dominus edificaverit domū, in vanū laborant qui ædificant eam, &c. Tempore Pauli nec opibus, nec viris, nec ullis mundi præsidii erat munita ecclesia, & tamē magna fiducia loquitur, Si Deus pro nobis, quis contra nos? Moxq; eō fiducia provelitur, ut quum ecclesia tot malis undiq; premeretur, non vereatur dicere: Certus sum, quod neque mors, neque vita, neque angeli, neque principatus, neque instantia, neque futura, neque altitudo, neq; profundum, nec ulla creatura alia poterit nos separare à charitate Dei, quæ est in Christo Jesu Domino nostro. Unde tanta fiducia, Paule, inter tot mortes, inter tot pericula & foris & intus urgentia? Unde isti spiritus paucis indoctis, privatis, tenuibus & oppressis? Ex nobis, inquit, nihil possumus, sed Dominus noster Dominus est virtutum. Sive igitur accipias virtutes angelos, ecclesiæ protectores, sive miracula, utroq; sensus declarat ecclesia: Dominum proles invictum esse, quum sit Omnipotens; ad cuius nutum præsto sunt omnes angelorum legiones, & qui facit mirabilia magna solus, quiq; solus quicquid voluit fecit in cœlo pariter atq; in terra. Ecclesiæ primordia miraculis, non humanis præsidiiis invaluerunt. Et quoniam quicquid pie vivunt in Christo Jesu impiorum persecutionē patiuntur, humiles juxta mundum, ac pauci præ his qui oppugnant, ad consolationem, gregis pusilli dictum est, Domine virtutum. Hic est enim ille qui dicit in Evangelio, Nolite timere, pusillus grex, quia vestrum est regnum cœlorum. Et rursus, Confidite, quia ego vici mundum. Solus hic potuit alligare fortem, domumq; illius ac suppellectilem diripere. Estimati, inquit, sumus sicut oves occisionis. Quod animal ove imbecillius aut magis imbelles? Sed quid dicit Paulus, jam è lupo factus ovīs? Arma militiæ nostræ non carnalia, sed potentia Deo, ad destructionem munitionum, consilia destruentes & omnem altitudinem extollentem se adversus scientiam Dei, &c. Eodē in loco objurgat Corinthios, quod quum adhuc essent carnales, ea tantum viderent, quæ erant secundum faciem, atq; è rebus externis æstimantes Apostolos, quod non solum juxta mundum tennes essent & humiles, verum etiam afflictī, contemnerent eos, quum essent spiritualibus opibus ditissimi, spiritualibus armis munitissimi. Ita quorum oculos occupavit hujus mundi potentia, quum metiuntur ecclesiam Christi externa specie, non solum contemnant eam, verum etiam abhorrent & averfantur. Tales erant olim qui baptismum in extremæ vitæ diem studio proferebant, nec nisi tristes ac deplorati veniebant ad atria Domini. At qui spiritualibus oculis cernit gloriam filiæ Regis ab intus, dicit cum propheta: Concupiscit & deficit anima mea in atria Domini. Mediocria bona moderatis affectibus expetuntur; at illa quæ nec oculus vidit, nec auris audivit, nec in cor hominis ascenderunt, quæ Deus preparavit diligentibus se, ingenti desiderio expetantur oportet. Hanc desiderii magnitudinem propheta expressit, addens, & deficit in atria Domini. *Εὐδωμῆς* vulgare est, sed *εὐδωμῆς* non est nisi supra humanum modum desiderantium. *Γρατὶ ἀποδύμῃ* appellant, quum propter vehementem & subitum spirituum motum homo destitutus animo

Bona qui fi-  
unt, Domini  
solum sunt.

Sabaoth.

4 Regum 6.



Rom. 8.]

3 Cor. 10.

animo sibi excidit ad tempus. Eam affectionem aliquando gignit in homine vehemens pavor, aut admiratio : unde stupefactos & attonitos dicimus. Nonnunquā ingens dolor, aut lætitia præter spem objecta, aut amor impotens. Unde & in prophanis tragicædis, Phædra ad Hippolyti conspectū concidit exanimi similis. Et historis proditum est mulierem ad inexpectatum filii sui introitum, quæ acceperat in bello cecidisse, fuisse exanimatā. In eundem sensum usus est hoc verbo, Psalmō 118. Defecit in salutare tuū anima mea. Defecerunt oculi mei in eloquium tuum. Huc pertinet quod sponsa loquitur in Canticō Solomonis : Fulcite me floribus, stipate me malis, quia amore langueo. Quæ fulciri postulat, periclitatur ne concidat. Idem enim accidit in spiritualibus quod in rebus externis. Requiritur moderata cognitio inter potentiam & objectum. Alioqui si quod sensui objicitur careat modo, sensum obruit : veluti sol nulla nube temperatus, si intendas oculos, corrumpit visum, & sonitus immodicus adducit surditatem. Sicut literis eruditorum proditum est, apud Stadinum oppidum, ubi Nilus se per cataractas ingenti fragore præcipitat, indigenas nasci surdos. Item illud sæpenumero videmus accidere, ut qui vehementer intendunt animum rebus supra modum subtilibus investigandis, incidunt in dementia. De Aristotele literis proditum est (verè an falsò, nunc non excutio) quòd posteaquam ingenium suum diu multumq; torserat studio pervestigandi causas, quæ mare Euboicum secus quàm alia maria septies in die decurreret ac recurreret, neq; quicquam proficeret, sese in ipsum abiecit mare, dicens, quando ego non te capio, tu capies me. Quo minus mirandum est, si qui non contenti credere quæ nobis tradidit scriptura, de divina Triade multa scrutantur humanæ mentis captum in immensum excedentia, in delirationem incidunt, ut jam communi quoq; sensu careant, qui supra humanum sensum sapere voluerunt. De quibus vaticinatus est Solomon : Qui scrutator est majestatis, opprimetur a gloria. De iisdem Esaias : Qui dat secretorum scrutatores, quasi non sint. Sed jamdudum audire cupis, quæ sint ista præclara bona, sensum humanum exuperantia, quæ conspexit hic qui tanto desiderio gessit in atria Domini ingredi ut præ admiratione deficiat animo? An quicquam dignè valeat æstimare, quanta sit dignitas, quantaque foelicitas, hominem peccatorem ac Satanæ laqueis irretitum, per fidem ac baptismum gratis è mancipio diaboli cooptrari in numerum filiorum Dei, insitum corpori Christi, unum cum illo fieri, ex hærede gehennæ fieri hæredem regni coelestis, allegi in illud gloriosum contubernium sanctorum omnium, qui à condito mundo fuerunt, quiq; usq; ad consummationem sæculi futuri sunt, sive in coelis, sive in terris? Tantus honos, tantaq; beatitudo præstatut catechumenis in atris Domini, priusquā admittantur ad penetralia. Nam atrium propriè nobilium adium ingressus dicitur. Unde servi atrienles, qui atrio præfunt. Itaq; qui fidei oculis perspicit majestatem Domus Dei, quid mirum si ad res divinas & humana naturā superiores animo deficit, & affectu impotenti raptus sese præ desiderio non capit? Horatius homo sæcundus ad Meccenatem accitus pauca loquitur, idq; (ut ipse ait) fingit. Nec raro accidit viris alioqui magnis & eruditis, ut in celebri confesso Pontificum aut Principū dicturis, vertigo oboriatur, sibiq; repente sic excidant, ut quæ mensibus aliquot meditati sunt, proloqui non possint. Sed quid illius confessus majestas ad ecclesiæ gloriam? Certius autem cernitur oculis fidei quàm oculis corporis. Proinde qui frigidi & invitis similes veniunt ad baptismum, nondum pervident ad quantam foelicitatem recipiantur, eoq; indigenti sunt qui potiantur ad quod invitantur. Age, si cui plebeio in tetro carcere marcescenti veniat nuncius, dicens : Bono esto animo, hodie liber Regiam ingredieris, futurus inter aulae proceres & Regi charus : nonne periculum esset ne subito gaudio deficeret, & ne post carceris tenebras, ad regalis domus lucem ac majestatem admissus ipse sibi excideret? Sed quis carcer, quod barathrum tam tetrum est, quàm est in quo detinentur quos Satanæ alligavit criminum vinculis? Aut quæ est usquam regia, etiamsi omnium splendorem in unam conferas, quæ cum ecclesiæ majestate possit conferri? Quòd si meritò reprehendendi sunt, qui tantam gratiam legnes ac languidi accipiunt, quanto iustus culpandi sunt, qui in hujus regie penetralibus fordidè & incompositè vivunt? Arbitror & in ipsis propheta verbis aliquid latere mysterii, non dicite, ego defeci : sed, Anima mea defecit : nec ait, ego exultavi : sed, Cor meum & caro exultaverunt. Animæ vox in literis sacris interdum humanum quiddam & infirmum sonat. Veluti quum Paulus loquitur Corinthiis : *ἀνθρώπου*, hoc est, animalis homo non recipit ea quæ Dei sunt. Sic & Jacobus hujus mundi sapientiam, quæ fidem rejicit & humanis rationibus scrutatur divina, animale appellat. Sic & caro hominis crassius quiddam sonat, cui perenne bellum est cum Spiritu Dei. Cordis verò nomine spiritum hominis sive mentem significare videtur. Spiritum enim vitalium, juxta Physicos, fons in corde est. Est igitur caro, quæ (autore Paulo) regnum Dei non valet possidere. Et est caro, cujus consortium non patitur Spiritus Dei. Puta hanc esse infimam hominis partem. Sic est & anima, quæ repellit Spiritum Dei, quemadmodum ait sanctus Judas eos ceu digito notans, qui sectantes ea quæ sunt hujus mundi, per sectas & schismata secedunt ab ecclesiæ

Locus corrupti sensus communis. Prov. 25. 27. Esaiæ 43.

Atrium quid.

ED

1 Corinth. 2.

Genes. 6.



ecclesiæ confortio. Hi sunt, inquit, qui segregant semetipsos, animales, spiritum non habentes. Jam est & cor hominis, in quod non ascenderunt ea quæ Deus præparavit diligentibus ipsum. Quum igitur totus homo, ut omnes suas vires in unum conferat, non fit capax donorum cœlestium, quid superest nisi ut totus deficiat in sese, concidatq; quo renovatus & erectus Spiritu Dei, per fidem perspiciat quàm ingentia sunt quæ divina benignitas nobis per Filium gratis largitur, si dignè accedamus ad illius tabernacula. Sic deficere, proficere est; sic exanimari, vivificari est; sic sibi excidere, est reddi sibi; sic concidere, est erigi; sic suis viribus destitui, est robustū fieri in Christo; sic emori, est in Deū transformari. Nisi enim mortificetur quod animale est, non exoritur quod est spirituale. Idem in rebus naturæ corrumpitur sic cum & informe semen, ut exurgat viridis arbor. Emoritur deformis eruca, ut provolet nitidus ac picturatus papilio. Marcescit cicada jamanus, ut ex sicco exuvio prodeat nova succulenta modulatrix. Posteaquam igitur totus homo defecit, & defecit in tabernacula Dei, tunc caro simul & anima & cor illius exultat in Deo vivo. Spiritus enim Dei per fidē innovat omnia, fitq; totus homo nova creatura in Christo Jesu. Nā est caro quæ videt salutare Dei, & (juxta Paulū) est corpus spirituale, & est cor mundū quod in nobis creat Deus, & est spiritus rectus quē innovat in visceribus nostris. Hinc nimirum nascitur illa spiritualis exultatio, non in opibus aut honoribus aut voluptatibus hujus mundi, non in forma viribusque corporis, non in sapientia humana, sed in Deo vivo, qui vitam dat mortuis. Is demum tutō gloriatur, qui (beato Paulo monitore) in domino gloriatur. Scriptura frequenter hoc vivi cognomen attribuit Deo, non tantū ad differentiam simulachrorum mortuorum, sed etiam ad declarandum illius omnipotentiam. Vivum enim dicitur, quod est efficax. Non est magnum si credamus Deum esse viventem, quum vivat & bruta animalia, sed hic solus est vivus, ut sit ipsa vera vita, unde velut à fonte manat omnibus vita. Ego (inquit Dominus) sum via, veritas & vita. Mortificato igitur vetere homine & sepulto in baptismo, novus homo in se quidem mortuus, sed in se viventem habens Christum, totus exultat, gratias agens ei cujus gratuita munificentia sic transformatus est. Sara enim non genuit Isaac, hoc est, gaudium spiritus, nisi posteaquā illi defecerant muliebria. Sed unde genuit? ex Abraham carne emortuo, sed fidei vigore vivo vividog. Cæterum ipse propheta causam hujus exultationis maluit per allegoriam nobis exprimere: Etenim passer invenit sibi domum, & turtur nidū sibi ubi ponat pullos suos. Quam magnificā rem, quām humili tropo expressit spiritus propheticus! Quid est igitur quod sic exultas, sic gaudiegestis ac triumphas, qui paulō ante defecerat? Quia passer, inquit, invenit sibi domum, & turtur nidū, ubi ponat pullos suos. Naturæ instinctu omnia animantium genera parant sibi locum aliquem in quo post labores tuta conquiescant, & in hoc mira ingeniorum varietas. Pleraq; procul in avia & impedita loca recedunt, quæ vix à venatoribus pervestigantur, ut cervi. Apri fruticetis abundet sese; Leones ac dracones speluncarum recessibus; Lepus averso saltu mirè fallit venatorem, ne deprehendat cubile; Serpens in cavernis suis tutus est; Cuniculi subterraneis labyrinthis sese tument; Formicæ in cavis effossis per hyemem latitant; Apes in cavis arboribus extruunt cellas suas, easq; crusto tenaci & amaro foris oblinunt, quo tutæ sint adversus injuriam. Habent & pisces recessus ac latebras suas: Avium magna pars in saltus inaccessos aut in loca palustria recipiunt sese: Aquila in præruptis ponit nidum, perdix humi: Alciones in mari suspendunt nidum, tanta arte contextum, ut ne ferro quidem rumpi possit, nec adhuc à quoquam deprehensum est, unde conficiant fluitantem domunculam: Complures furculis ac stipulis arte congestis in adium sumariis, aut in arbore suspensis nidulantur: Passeres & hirundines nos quoque docuerunt ex uda argilla paleis temperata struere macerias: Et ne singula commemorando fiam prolixior, unumquodque animal, ubi reperit in quo tutō conquiescat, suamque sobolem educet, suam foelicitatem assequutum est, nec amplius quicquam desiderat. Habet enim naturæ principia, quæ sunt tueri sese, & suam propagare speciem. Sed mirabitur aliquis quæ ex omnium animantium generibus solæ nominentur aves, & in his passer tantū & turtur. Inter omnia animantium genera minutissimum est avium genus. Habet terra elephantos, mare balenas, immani magnitudine. Inter aves autem minimus est passer, cuius vilitas, & vita sollicitudinis expertus, nobis ore Domini commendata est. Non amat Spiritus Sanctus animos fastu turgidos, corporaliumq; bonorū amore gravatos, & ob id humi gradientes: volucres amat animas, cœli cōmercio gaudentes: amat in suis oculis pusillos, juxta mundum contemptos, amat totos de Dei providentia pendentes. Si Deus sic vestit, sic alit passerculus, quorum bini affle veneunt, quid tu te discrucias in extremam senectam, ad quam fortasse nunquam perventurus es, & in liberos, nepotes ac pronepos, per fas nefasq; congerens divitias, fortassis ad eos perventuras, ad quos tu minimè velles. Et si ex passerulis unus non decidit in terram: nam hoc interdum fit, ex immodico (ut quidam tradunt) coitu: quid tu cooptatus in gregem illorum de quibus Servator pronuntiavit, ne pilum quidem capitis perituum sine providentia

Quid sit vivum.



dentia patris, ad genethliacos & astrologos curris, metuens ne ante diem tuū pereas? Turtur hoc habet commune cum columbis, quòd suspiriū edit pro cantu, quod adulteriū nescit, imò ne digamiam quidem: fertur enim, compare mortuo, nulli alteri se jungere. Quare vox hujus grata est sponse, in mystico Solomonis cantico: Vox (inquit) turturis audita est in terra nostra. Alioqui vernis mensibus longè dulcius canunt alaude ac luscinia, sed sponse placent turturū suspiria. Quotquot enim contemnunt hunc mundū spe vitæ cœlestis, quādiu versantur in hoc corporis tabernaculo, ingemiscunt gravati, eò (sicut ait Apostolus) quòd nolint expoliari, sed supervestiri, ut absorbeatur quod mortale est à vita. Adde quòd in veteri testamento turtur pauperum erat oblarior, ut vilitas huic avi sit cum passere communis. Sibi vilissimus sit oportet qui verè agnoscit in se nihil esse boni. Quid Paulo sublimius? tamen ut passerulus loquitur, quū ait sese abortivum & Apostolorū minimum ac prorsus indignum apostoli nomine, deniq; rejectamentum ac peripsema hujus mundi. Sed hæc vilitas una res est, quæ nos reddit pretiosos in oculis Dei. Hæc exiguitas magnos & excelsos facit apud Iudæm. Vis audire hujus passeruli magnitudinem? Omnia, inquit, possum in eo qui me corroborat. An non dicas hic è passerculo aut turture factum leonem? Ex diametro pugnant judicia Dei & judicia hujus mundi. Itaq; sicut mundus amat ac magnificat eos qui de mundo sunt, ita odit ac contemnit eos qui de mundo non sunt. Circumierunt (inquit) in pellibus ovium & caprarum, egentes, angustii, afflicti, in solitudinibus errantes, in montibus & speluncis & cavernis terræ. Quid contemptius? sed audi dignitatem. Quibus, inquit, dignus non erat mundus. Quid Paulo juxta mundum abjectius, qui sese appellat peripsema, hoc est purgamentum quod abijcitur? Sed idem ille tam despectus mundo, quanti fuit apud Christum, qui testatur illum sibi vas esse electū. Sed quid de cæteris sanctis loquor, quum ipse gloriæ Dominus dicat per os David: Ego sum vermis & non homo, opprobriū hominum & abjectio plebis. Atqui idē ille mundo contemptissimus, est, in cujus nomine se flectit omne genu, cœlestium, terrestrium & infernō, quique pari consortio in gloria est Dei Patris. Nullus igitur pie vivens displiceat sibi, si contemptus & invisus est his, qui hauserunt spiritum hujus mundi. Est quidem per viribus enitendum, ne cui præbeamus offendiculum, attamen magnum est argumentum, nos esse gratiosos apud Christum, si citra culpam nostrā mundo simus invidiosi. Quū mundum dico, non designo professionem, vestem, cibos, aut titulum, sed animum Christi spiritu vacuum. Vulgus enim hac voce quemadmodum aliis multis abutitur, mundanos appellans, qui sacris initiati non sunt, aut qui monasticam vitam professi non sunt. Professos autem appellant extramundanos & mundo mortuos. Atqui sicut sub omni veste, quantumvis sit vilis, aut *isoprius*, latere potest mundanus animus, ita sub veste, quamvis laica, aut etiam militari latere potest animus à mundo alienus, etiamsi pluma struthiocameli voliter in pileo secto. Sed interim fortassis subibit alicujus animū admiratio, quo modo repente, à tanta exultatione totius hominis, ad suspiriorum mentionem dilapsi simus, velut à calcaria (quod aiunt) in carbonariam. Quoniam hæc duæ res licet inter se pugnare videantur, tamen ita sibi connexæ sunt, quamdiu versamur in hoc mortali tabernaculo, ac thesaurum cœlestem portamus in vasis fictilibus, ut altera ab altera seungi nequeat, imò quod majus est, altera vicissim ex altera nascatur. Omnis nostra exultatio qui per fidem ambulam, est in spe futurorum bonorum. Quæ quòd clarius cernimus oculis fidei, quoq; certius speramus, hoc majora trahimus suspiria, sicuti vehementibus desideriis omnis molesta est dilatio. Quoq; magis ad illam vitam suspiramus, hoc magis exultat cor & caro nostra in Deo vivo, dum in mundo tristitiam habemus, in Christo solatium. Nihil hic perfectum est, vix quicquam tutum. Ex parte cognoscimus & ex parte prophetamus. Et qui stat, huic videndum est ne cadat. In medio laqueorum ambulamus, quos omnes effugere difficillimum est, ne dicam impossibile. Ad hæc molestia quas hæc vita secum deferit, etiamsi non tantum valeant ut nos abducant à charitate, quæ est in Christo Jesu, tamen ab illa spirituali mentis exultatione frequenter avocant, & cogunt ingemiscere desiderio ejus diei, quo continget quod perfectum est. Qvis enim à tali exilio non suspiret ad talem patriam? Vis audire turturem suspirantem? lege Psalmum 119. Heu mihi, quia incolatus meus prolongatus est: habitavi cum habitantibus Cedar, multum incola fuit anima mea. Domine, libera animam meam à labiis iniquis, & à lingua dolosa. Pius hominibus magna pars afflictionum est perpeti mores & linguas malorum. Hic enim locum habet, quod ait Ecclesiastes: qui apponit scientiam, apponit dolorem & in multo sensu multa indignatio. Lumen solis omnibus commune est, ac non omnibus commune lumen fidei. Cedar Hebræis tenebras sonat. Quicquid autē moliantur, qui mundi hujus spiritum habent, mera caligo est, oderunt lucem veritatis ac magis amant tenebras. Et quum propemodum plus discriminis sit inter hominem fide illuminatum ac spiritualem, & hominem fide vacuum & carnalem, tamen in hac peregrinatione pii coguntur cum tam diversis animis in eadem urbe & in unis ædibus vivere. Sic Loth vivens Sodomis animo

2 Cor. 7.

discruciabatur, optans eripi à nefariorū consuetudine. Sed turturē eundē quē modō audisti graviter suspirantem, Heu mihi quia incolatus meus prolongatus est! Audi rursus exultantē spe promissæ felicitatis: Lætatus sum (inquit) in his quæ dicta sunt mihi, in domū Domini ibimus. Ausculta & aliū turturē insignē graviter ingemiscētē patriæ coelestis desiderio. Infelix ego homo, quis me liberabit de corpore mortis hujus? Nunc & hunc ausculta exultantē. Repletus sum consolatione, superabundo gaudio in omni afflictione nostra. Hos gemitus videmus semper fuisse gravissimos in viris ad coelestem beatitudinem anhelantibus. Hinc olim tot hominum examina non ferentium idololatrarū impietate ac sevitiam, occupaverunt solitudines Thebaidis. Hinc prima monachorū origo: Satiū esse ducebant cū leonibus ac pantheris habere cōmerciū, quā cū hominibus impiis. Alii secesserunt in solitudines Syriæ, quorū est beatus Hieronymus. Alii in desertas insulas sese abdebant. Alii montium cacumina, penē inaccessa obfidebant, ut D. Benedictus. Nonnulli paludes horridas & vix ulli animantium habitabiles scrutabantur, ut Patricius ac Bernardus. Alii rupes & ipso aspectu horrenda quærebant loca, ut Bruno, aut si quis alius fuit author Carthusianæ sodalitatē. Hæc iustitia persuadebat piis hominibus hujus exilii tædiū. Studebant sejungi ab his qui habitabant Cedar. Sed hic quocunq; te vertas, quocunq; te abbas, in exilio es. Quære, pete, quā volēs retrusas latebras, homo ad homines vadis, atq; ut universum hominū commercium effugas hominē tecū effers, mortale corpus tecū circumfers, quo gravatus sic ingemiscit Apostolus. Divus Basilus legitur monachos qui in solitudinibus procul ab hominum commercio debebant ad urbana sodalitia revocasse, quod vir prudens intelligeret illorum plerosque non evadere verē pios, sed superciliosos, falsā sanctimonie persuasione turgidos, irritabiles, vindices, morosos, sensus communis expertes & ad omnem vitæ functionem ineptos. Fatetur idem D. Chrysostomus experimento cognosci, si quando ab illis jejuniis, vigiliis & chameuniis ad episcopi munus accerferentur. Foris quærebant, quod intus querendum erat. Ponebant nidos, sed non in atrii Domini, quum regnum Dei sit intra nos. Hic ipse sermonis cursus admonet nos ut ad nidos revertamur. Nidus est in quo acquiescit hominis desiderium, & in quo tranquillē sovet pullos, hoc est, curas & cupiditates suas. Felix enim ille dicitur, qui quum sapiat, nihil præterea desiderat. Id nulli mortalium in hac vita potest contingere. Cæteris animalibus natura felicitatis terminos præscripsit, quæ simul ut ad id pervenerint, ad quod condita sunt, suam quandam beatitudinem assecuta sunt. At hominis animus quoniam divinus est & immortalis, nihil invenit in hac vita, in quo verē conquiescat, nisi fuerit assecutus ad quod conditus est. Quid est igitur illud ad quod conditus est homo? Ut corpore simul & animo cognoscat, amet, glorificetq; Deum conditorem & Redemptorem ac Dominum suum. Hæc est (inquit Dominus) vita æterna, ut cognoscant te solum verum Deum, & quem misisti Jesum Christum. Cognoscere videre est, & videre frui est. Frui, beatitudinis extrema linea est. Hæc felicitas non contingit plenē, nisi in resurrectione iustorū. Hic tamen aliquis nidus est in atrii ecclesiæ, sed penilis ac fixus in spe futurorum. Nam extra ecclesiam nulla est veræ felicitatis spes. Tam immanis, tam capax res est animus humanus, ut eum solus Deus possit explere, etiam si illi præter Deum sexcentos mundos addas. Quid quod etiam in rebus inanibus videas unumquodque ad suam ferri sedem? Lapis ex alto dejectus, simul ut terram contigerit, quiescit; flamma quanto impetu fertur ad suum locum? Quid est hoc quod interdum sic concutit terram, ut faxeos etiam montes disrumpat, nisi Boreas, nitens in nativum erumpere locum? Sic vesica vento distenta vi in aquam depressa exilit. Ignea res est animus hominis, qui quanquam gravatur hoc terreno corpusculo, tamen non conquiescit, donec ad nativam sedem subvolarit. Ac natura quidem omnes homines venantur otium, querunt aliquid in quo conquiescat animus, sed quoniam in rebus vel inanibus vel perituris figunt nidum, quo magis expetunt quietem, hoc majoribus turbis involvuntur. Quid enim aliud sibi volunt tot veterum volumina de summo bono, de bonorum finibus, deque animi tranquillitate, quam Græci vocant *εὐθυμία*? Alius posuit nidum in scientia, alius in indolentia, alius in voluptate, quidam in habitu virtutis, quem appellant sapientiam. Nonnulli in actu usuque virtutis. Sed isti omnes (teste Paulo) evanuerunt in cogitationibus suis, & quum linguā magnificis verbis aliis *εὐθυμία* pollicerentur, ipsi cor habebant irrequietum. Quir ita? Quoniam non exultaverunt in Deum vivum. Si sic delirant sapientum procures, quid attinet dicere de idiotis qui divitiis metiuntur felicitatem? Atqui posteaquam ad præscriptum sibi modum perveniunt, sentiunt esse verissimum quod scripsit ille Venusinus, Crescentem sequitur cura pecuniam. Et, Crescit amor nummi quantū ipsa pecunia crescit. Alii contemptis opibus regnum ambiunt ac monarchiam. Quid enim aliud tanto rerum tumultu moliebatur Alexander magnus? Sed quāti illi mundi partem sibi potuit subigere? Et si totū subegisset, quā ex Democrito didicisset innumerabiles esse mundos, ingemisset, qui in unius orbis parte tam diu laborasset. Quid non & fecit & passus est Julius

Cæsar,

Hoc est, humi  
dormitioni-  
bus.

Cæsar, ut orbis Romani principatum teneret? Tenuit, sed ibi non conquievit animus; Imò curis & conscientia scelerum urgente, mente defectus est, ut vitæ tædio motum optarit, sed inopiam. Non potest illic esse vera quies, ubi est animus sibi male conscius. Finem nesciunt humanæ cupiditates. Hic sibi promittit otium, si talē puellā nanciscatur uxore, insigni forma, pulchreque doratā, sed pro quiete molestiarum agmen reperit. Ille sibi beatam vitam pollicetur, si tale sacerdotium adipiscatur, sed assequuto crescit venandi acrior sitis. Connectitur sacerdotium sacerdotio, eluctarū est ad Abbatis dignitatē, petitur episcopi mitra, & mitra magis opima mitrā permutatur. Jam animus anhelat ad Cardinalitium fastigium: Hoc ubi contigit, ambitur corona triplex. An hic tandem conquiescit animus? Respondeat nobis Julius secundus, cujus extrema senectus intolerabilius rerū fluctibus jactata est. De cæteris judicent alii. Non est absurdum, quod divus Augustinus interpretatur [pullus] bona opera nostra, quæ nisi ponas in nido ecclesiæ Catholice frustranea sunt. Phocion & Aristides, Trajanus & Antoninus, aliiq; complures multa fortiter, iuste ac pie gesserunt erga patriam. Laudatur Zenonis continentia, Xenocratis integritas, Socratis patientia, sed quoniam extra Christum facta sunt, non contulerunt veram felicitatem. Julianus Imperator immensam pecuniæ vim effudit in subsidia pauperū: sed adversus Christum. Idem in multis hæreticis quædam eximie virtutes vixq; credibiles prædicantur. Magna divitiarum contemptio in Ebionitis, prodigiola orandi assiduitas in Euchitis, magna abstinentia ac vitæ severitas in Manichæis. Sed hi frustra omnia faciebant, quia non ponebant pullos suos in nido ecclesiæ, sed in suis quib; tabernaculis nidulati sunt, eoq; convenit illis illud veteris proverbii, ut è malo corvo nascetur malum ovum, & expectatis turturum pulis, excluderentur aspidēs. Nos igitur si querimus veram animi quietem, perverremus in tabernaculo Domini virtutum, maneamus in unitate ecclesiæ Catholice, quæ est Hierusalem, & edificatur ut civitas, cujus participatio in idipsum. Hæc est enim illa beata quies, de qua dicit alijs psalmus: In pace in idipsum dormiam & requiescam: Quoniam tu, Domine, singulariter in spe constituisti me. Sion autem mons est Hierosolymæ, in quo tabernaculum erat & regia. Sion autem speculam sonat Hebræis. In hunc igitur montē ascendamus. Quo modo ascendemus? Contemptu rerum terrenarum ac desiderio vitæ coelestis. Ibi post longas errorum ambages, post infrugiferas rerum humanarum curas dejecti, inveniemus nidum in quo refocilemur, inveniemus requiem, quemadmodum dicit Psalmus 14. Domine, quis habitabit in tabernaculo tuo? aut quis requiescet in monte sancto tuo? Ingrediamur sine macula hæreticos, & proficientes in fide, quæ per dilectionem operatur, faciamus iustitiā, non Judicā, sed evangelicā, totum quod recte videmur agere Deo tribuentes. Ut autem in hunc montem subvolemus, sumus animi demissione passeres, viles minimiq; pretii in oculis nostris, non solliciti de crastino, sed omnem solitudinem projicientes in eum, cui nostri cura est. Simus innocentia & castitate turtures, & intelligentes nos non hic habere stabilem fedem, ad coelestem illam Hierosolymam assidue suspiremus. Auscultemus voci Domini ad veram animi quietem invitantis: Venite ad me omnes qui laboratis & onerati estis, & ego reficiam vos. Tollite jugum meum super vos, & discite à me, quod mitis sum & humilis corde: & invenietis requiem animabus vestris. Juxta sensum humanum absurdus est sermo. Nam quæ requies mitibus & humilibus qui conculcantur, & è sedibus suis exiguntur? Aut quæ requies ducentibus jugum? Servitutis nomen est jugum, & juxta Græcorum proverbium: Servis nullum est otium. Sed qui ad Christi exemplum mires sunt, terram possident: & qui juxta mundum humiles sunt, in Christo sublimis sunt, pertingentes usq; ad cælum: & qui placido Christi jugo submittunt colla, verè liberi sunt. Submittunt autem qui citra disquisitionē fidunt illius promissis. Sequamur prophetā mystagogum, qui è vestibulo nobis ostendit, quā amabilia, quā pulchra, quā suspicienda sunt atria Domini, quamq; placida sit in illis animorum requies. Nunc ex atrio ostendit nobis altaria Domini, quæ sanctior & pulchrior templi pars est. Altaria tua Domine virtutum, Rex meus & Deus meus. Apud Judæos magna erat templi ac valorum templi religio, magnificus altarium ornatus. Hinc illæ voces, templum Domini, templum Domini, & sanctissimum jurandum erat jurare per templum & altare. Nec fuit impunè Domino dixisse: Solve templum hoc. Sed ista nihil aliud erant quā typi rerum spiritualium. Propheta dum hæc loquitur, aliud quoddam tabernaculum non manufactum contemplatur, alia videt altaria, quæ sic admiratur, ut attonitus verba deficiant. Quidam enim hunc sermonem, Altaria tua, Domine, referunt ad superiora, quā dilecta tabernacula, quā dilecta altaria. Augustinus annectit proximis, passer invenit sibi domum, turtur nidum, ut appositivè sequatur, altaria tua, ut intelligamus ipsa altaria esse nidos, in quibus conquiescimus. Mihi rectius videtur, ut sermo sit inabolutus, quo magis exprimantur admirantis affectus. Sic quum videmus principis domum magnificè exstructam (superafacti dicimus, Palatium regium. Et quæadmodum hic emphasis est, in voce regium, ita in prophete verbis magna emphasis est, in pronomine. tua. Tu unus es Dominus virtutum,

De Julio:

De vera requie &amp; vita beata.

Math. 17.

Qui terram possident.

virtutū, & hæc tua sunt altaria, te digna, tibi grata. Rurſus pro virtutum, Gratiæ eſt ſacrificium de quo prius admōtūmus. Hebræis Sabaoth, hoc eſt, exercituum. Iteratio ad hoc fit, ut intelligamus eccleſiam, licet juxta mundum contemptā & inermē, tamen protectōr. Deo exercituum invictam eſſe, atq; ipſis etiam portis inferorum inexpugnabilem. Non hæc ſunt altaria quæ vitulorum, hircorum & arietum ſanguine cruentantur. Dominus jam olim per os Eſaiæ hoc victimarum genus ſaſtidiebat. Quid igitur? Deus ſpiritus eſt, & ſpiritualibus victimis delectatur. Non gaudet corde pecudum, ſed mortificatione cupiditatum ſpiritui relictantium. Si amore Chriſti maſtaſti in templo pecuniæ ſtudio, & quod prius abditum pro deo colebas, nunc erogas in membra Chriſti, gratiſſimam deo victimam immolaſti. Si jugulaſti luxum & libidinē in lurcone factus ſobrius, ex incontinente caſus, acceptam Deo hoſtiam maſtaſti. Si laſus à proximo, in gratia Chriſti compenſis efferveſcente animum, ac vindictam remittis, gratiſſimum Deo ſacrificium obtuliſti. Si fide firmus & charitate ſerens tua omnia teq; totum tradis voluntati divinae, paratus & mortē & gehennam ſubire, ſi illi viſum fuerit, gratum holocauſtoma poſuiſti Dōno virtutum. Hic eſt cultus rationalis ſive ſpiritualis & hoſtia viva, ſancta ac Deo placens, ad quā cum obſecratione nos hortatur Apoſtolus Rom. 12. Ita Deus non delectatur vapore thuris aut myrrhæ aut ſtoracis, ſed amat ſuſtium ſpiritualē, vota ac preces piarum mentium, gratiarum actionem & ſacrificium laudis, quod Deus gaudet honorificari. Per hæc victimas itur ad videndum ſalutare Dei, qui finis eſt & hujus pſalmi. Videbitur Deus deorū in ſion. Preces acceptæ ſunt, quæ fiunt cum fide, & in nomine Chriſti; gratiarū actio, non tantum in proſperis verum etiam in adverſis immolanda eſt. Sacrificiū laudis ita gratum erit, ſi juxta Pauli doctrinam, quicquid facimus ſive in verbo ſive in opere, nō in gloriam noſtram, ſed in gloriam Dei faciamus. Hæc oblatio verē munda, quia ſpiritualis, per univerſum orbē jugiter offertur in altaribus eccleſiæ. In hoc nido tuti conqueſcimus ad tempus, quia altaria non ſunt hominum, ſed Domini virtutum, cujus voluntati nemo poteſt reſiſtere, qui per ſimplices & humiles coli voluit, qui puſillis impare reſe voluit dona regni celeſtis. Quo nomine & ipſe Patri gratias agit in Evangelio? Abſcondiſti hæc à ſapientibus & prudentibus, & revelaſti ea parvulis. Ita Pater, quoniam ſic placitum fuit ante te. Non eſt quod metuas mundū aut Satanam, ſi te recipit in tabernacula ſua Dominus virtutum. Ille tuetur quod inſtituit, ille regit ambulans in medio ſuorum, ille conſumat quod fecit. Dominus virtutum tuetur, Rex gubernat, Deus evehit ad regna coelorum. Rex meus & Deus meus. Similiter loquitur Pſal. 43. Tu es ipſe Rex meus & Deus meus. Hoc propriè poteſt ad Chriſtū eccleſiæ principem accommodari. Qui pſalmo 2. loquitur: Ego autem conſtitutus ſum Rex ab eo, ſuper ſion montem ſanctum ejus. Sub ditione Dei ſunt univerſa. Et dæmōnes agnoſcunt omnipotentē & contremiſcunt, ſed fidei vox hæc eſt peculiaris. Rex meus & Deus meus. Nemo poteſt dicere dominum Jeſum, niſi in ſpiritu Sancto. Paſſim tamen audivimus voces appellantium dōnū Jeſū. Sic nemo poteſt dicere, Rex meus & Deus meus, niſi qui ſe plena fiducia Dei voluntati permittit, & ab hoc uno præmiū æternæ ſollicitatis expectat. Alius pſalmus populum illum beatum pronunciat, cui Dominus eſt Deus. Item quum aliis aliquot ſcripturæ locis, tum Leviticis vicesimoſexto, ita loquitur Dominus: Ponam tabernaculum meum in medio veſtri, & non abjicies vos aſiana mea. Ambulabo inter vos & ero Deus veſter, voſq; eritis populus meus. Quē hic regē appellat, poſt appellat legiſlatorem. Itaq; ſi Regem agnoſcimus, pareamus illius legibus. Si Deum agnoſcimus, nihil ſupra eum diligamus, imō nihil omnino diligamus quod non propter ipſum diligamus. Nomine Regis & illud admonemur, quod ſanguine Chriſti redempti ſumus à tyrannide diaboli, & pro turpiſſimo ſimul & crudeliſſimo domino venimus in juſ clementiſſimi Regis. Hactenus myſtagogus ſive hierophanta noſter oſtendit nobis amabile Domini tabernaculum, introduxit in atrium, commonſtravit altaria, & hoſtias ſpirituales. Nunc oſtendit nobis eximios illos ac Deo dignos ſacerdotes, facris operantes in templo Domini. Beati (inquit) qui habitant in domo tua, Domine, in ſecula ſeculorū laudabunt te. Qui fortes ſunt in fide, qui radicati in charitate, jam habitant, non in atriis ſed in domo Domini. Nam habitare ſtabilitatis verbum eſt. Et quare ſunt beati? Num quod abundant opibus, aut præfulgeant honoribus, aut affluant deliciis? Nequaquam. Quam ob rem igitur? Quoniam, inquit, in ſecula ſeculorum laudabunt te. Ecce tranquillam domum, quam reperit ſibi paſſer, ecce quietum nidum, quem reperit ſibi turtur. Hic eſt enim ſupremus finis, ad quem conditus eſt homo, ut agnoſcat, amet & hymnis celebret Conditorē, Redemptorē, gubernatorem ac remuneratorem ſuum. Juxta ſenſum humanum, qui laudantur, potiùs beati videntur quàm qui laudant. At in rebus divinis, ſecus eſt. Deus enim nullius laudibus fit ſocior. Eſt enim æternus ſons omnis gloriæ. Sed quicunq; illum laudant, hoc ipſo beati ſunt quod laudant. At non omnes illum laudant, qui canunt. Gloria tibi Domine, ſed in quorum cordibus habitat charitas quod eſt vinculum perfectionis, & exultat pax Chriſti, ad quam vocati ſunt, qui in unum corpus coaluerunt, ſeſequē mutuō cohortantur in pſalmis

Matt. 11.

Coloſſ. 2.

mis & hymnis & canticis spiritualibus, in gratia canentes in cordibus Deo. Quod si voce corporea laudandus est Deus, psallamus spiritu, psallamus & mente. Non est speciosa laus in ore peccatoris, non est grata Deo symphonia, ubi vocibus concordibus dissonant animi; denique extra domum Dei, quæ est ecclesiæ, non est hymnus acceptus deo. Si volumus esse beati sic unanimiter laudemus Deum, quemadmodum laudant angeli, inter quos nulla est dissensio. Universæ creatura suo quæque more laudat Dominum. Neque enim cœli tantum enarrant gloriam Dei, sed omne animantium genus, ipsa elementa & quicquid ex his gignitur, dum ipso aspectu conditoris omnipotentiam, sapientiam ac bonitatem nobis declarant, clamitant laudes Dei. Eoque in Psalmis, & in Cantico trium puerorum, non tantum sol & luna, sed & pecudes & pisces, & montes & colles, & maria & flumina, invitantur ad laudandum nomen Domini. Soli spiritus impii, & homines mali non invitantur ad hanc symphoniam quia per hos, quod quidem in ipsis est, blasphemia potius afficitur nomen Domini. Sed quid sibi vult quod addit Propheta, In secula seculorum laudabunt te? Quo loco subicitur, Sela. Quod Hieronymus vertit, semper. Tamen sunt qui negent eam vocem æternitatis habere significationem; quod in scripturis nusquam reperitur præterquam in Psalmis, & interdum his locis ubi nulla sit æternitatis significatio. Proinde existimant idem pollere Sela, quod diapalma, quod indicium erat mutandæ melodiar. Nam Psalmi vocibus ac musicis organis canebantur. Habent autem & hodie mulci signa quædam quibus admonentur, mutandam esse cantionis rationem. Neque enim omnis harmonia, cuius sententiæ congruit. Sic & in comœdiarum interverbiis tibiarum modos quosdam accinebant, aut fortasse præcinebant, ex quibus populus intelligebant sententiæ genus, gravis esset an sequus. In hoc certe psalmo ab hac clausula videtur esse alterius argumenti exordium. Sed hoc utrumque habet, certè verba in secula seculorum declarant æternitatem, ut non possint quadrare in templum quod erat Hierosolymis. Id enim non ita multo duravit ultra ducentos annos: Quamquam Judæorum vulgus sibi persuaserat legem & illius templi religionem usque ad mundi finem duraturam. Quemadmodum Romani sibi persuaserant, Capitolium fore sempiternum, quum hodie Romæ ne vestigium quidem Capitolii possint ostendere, nec Judæi templi sui Hierosolymis. Aliud igitur templum videbat oculus propheticus in quo sine fine laudaretur nomen Domini. Ea nimirum est ecclesiæ Catholica. Sed qui possit esse perpetua laudatio, quum mortales sint qui laudant? Hæc ecclesiæ laudatrix Domini, consummationem expectat, finem nescit. Et sicut in piis charitas nunquam excidit, ita laudatio Dei hic exercetur, in cœlis perficitur. Simul ut animus evolaret ex hoc terreno domicilio jam cum angelis ac beatis animabus limpidius canit laudes Deo, donec recepto corpore non jam animali sed spirituali, totus homo sine fine citraque interruptionem resonabit conditoris sui laudes. Est enim una eadèque domus, ecclesiæ militans in terris, & ecclesiæ triumphans in cœlis, nisi quod illa pars est purgatio. Quemadmodum idem est aer terræ quam calcamus, proximus & qui juxta quosdam philosophos, lambit convexa orbis lunæ, sed hic ob terræ contagium crassior, ille purior. Nihil autem obstat, quo minus unusquisque nostrum licet gravatus hoc mortali corpore, tamen sine intermissione laudet Deum suum. Qui potest, inquis? Potest: Si quicquid cogitamus, loquimur aut agimus, omnia in gloriam Dei faciamus, etiam quum edimus ac bibimus, etiam quum dormimus, aut sussi corpusculum reficimus, laudamus Deum nostrum. Glorificate (inquit Apostolus) & portate Dominum in corpore vestro. Non omnia membra loquuntur, sed omnia membra corporis nostri glorificant Deum, si servantur iustitiæ, etiam si lingua fileat. Posteaquam Propheta velut ecstasi raptus pervenerat ad illam cœlestem Hierosolymam, in qua nulla est molestia quæ interpellat, nulla animorum dissensio, quæ vitiet melodiam, nulla necessitas, quæ interrumpat hymnos Dei: quod ait beatus Paulus, sive excedimus, deo, sive sobrii sumus, vobis: velut ad se rediens, meminit se hominem esse, & in hoc exilio versantibus ostendit viam, qua ad illam beatam tranquillitatem perveniat. Dixerat: Beati qui habitant in domo tua, Domine: etiam Angelos & pias animas cum angelis viventes complectens. Hic mutata jam harmoniæ specie dicit: Beatus vir, sive ut ex Hebræo vertit Hieronymus: Beatus homo. Viri nomen non excludit foeminas. In Christo non est vir aut foemina, non servus aut liber, sed nova creatura. Hominis vocabulum admonet nos fragilitatis nostræ, cui nisi Dei misericordia porrigat manum, ne ad ecclesiæ quidem atrium potest accedere, tantum abest ut ad illam supernam beatorum sedem possit evolare. Aditus in ecclesiam fides est, sine qua nihil prodest baptisimus. Ac fidem nemo sibi largitur, Dei donum est, quo Deus quos vult, prævenit & ad Christum trahit. Nam homo quatenus est homo, carnalis est, & nihil nisi mundum sapit. Hoc perspicuus Propheta submissioribus jam modis ait: Beatus homo cuius est auxilium abs te. Sive ut legit D. Augustinus, assumptio, Græce est ἀνάληψις, quæ vox convenit in eum qui manum porrigit conanti ascendere. Nam & ecclesiæ civitas est in edito sita, quemadmodum templum Hierosolymitanum erat in monte Sion. Hieronymus pro auxilio vertit fortitudinem.

Voces

Inter Angelos  
non est dissensio.Psalmi organi  
canebantur.Ecclesiæ militans  
& triumphans una.

1 Corinth. 6.

1 Cor. 5. 13.



Voces dissonant, sensus idem est. Nitentibus ad ardua, viribus opus est. Homo autem ex sese nihil potest. Fides autem propriè robur addit homini, ut jam nec mundum nec satanam metuat. Itaq; qui totam fiduciam in Deo collocant, ii demum confirmati vigore spiritus valent conficere in montem Domini. Ad templum illud Judaicum quod extruxit Solomon, quindecim gradibus ascendebatur. In primo gradu Prophetæ queritur de improbitate linguarum, tardior; exilii. In secundo confirmatur dono fidei, dicens: Levavi oculos meos in montes, unde veniet auxilium mihi. Auxilium meum à Domino qui fecit cælum & terram. Fides est quæ stabilit gressus nostros ne vacillent. Ita Paulus Corinthiis: Fide statis. Item Ro. Tu autem fide stas. Et beatus Petrus hortatur, ut resistamus diabolo, fortes fide. Is enim demum verè fortis est qui in se imbecillis fortitudinem suam habet in Deo. Quod indicans Esaias ait fore, ut hoc canticum canatur in terra Juda. Canticum est evangelicæ professionis. Juda enim Hebræis consistentem sonat. Quod igitur canticum? Urbs fortitudinis nostræ Sion. Sion ecclesia est, sed unde fortitudo imbelli? Servator ponetur in ea murus & antemurale. Audis inexpugnabile munimentum. Idem ait: In silentio ac spe, erit fortitudo vestra. Tacitus expectat qui nihil diffidit de promissis: & spes tantæ felicitatis quæ non pudefacit quia non fallit, etiam in mediis afflictionibus ac mortibus exultat animum. In hac igitur vita non est perfecta beatitudo, & tamen magna quædam beatitudinis pars est dum reputamus animo, quàm sit momentaneum totum hujus vitæ spatium, & quàm non sint condignæ afflictiones ad futurâ gloriam quæ revelabitur in nobis. Ad hæc, quàm bonæ certæq; fidei sit qui nobis eam promittit: Ut enim nos illum abnegemus, ille fidelis permanet, seipsum abnegare non potest, tantum ut perseveremus in fide & charitate, continentibus nosipsum intra septa domus Dei, in qua succrescentes usq; ad mensuram plenitudinis Christi, per quindecim mysticos gradus, ascendamus in æternum tabernaculum, & per quadraginta mansiones, ad terram illam quietis quam Dominus in Evangelio promittit mitibus, alacriter proficiscamur. In arduo est quod petimus, egregium est quod tendimus. Nemo repente ab imo ad summa provehitur. Opus est qui commoñstret viam, quemadmodum Deus Israelitis, qui nostri typum gerebant, dux fuit per invia desertorum: opus est qui è sublimi porrigat manum, & nitentem sursum trahat. Horum nihil ipsi nobis præstare possumus. Dominus est, qui & velle & perficere operatur in nobis.

2 Cor. 1.

2 Tim. 2.

Philip. 3. 13.

Nota bene.

Ille per fidem aperit nobis oculos, ut videamus ubi sumus, ut horreamus quod sumus & suspiremus ad ea quæ nondum sumus. Primum igitur auxilium à Domino, hoc est, primus beatitudinis gradus est, ut levemus oculos in montes. E coelo datur, ut amemus cœlestia & contemnamus terrena. Qui circumspiciunt suam sapientiam, suas vires, sua merita, qui tantum respiciunt ad cæremonias, condonationes ac diplomata Pontificum, nunquam perveniunt ad illam beatitudinem. Quid igitur facit ille beatitudinis candidatus, cui Dominus per fidem dedit, ut fastiditis humilibus munci curis, oculos attollat in montes æternitatis? *div. gradus* ascensiones sive gradus ascensorios disponit in corde suo. Quas hic appellat *div. gradus*, in Canticis graduum appellat *div. gradus*, qui gradus sunt, sed ascendunt, quum Latinis eisdem gradibus descendatur quibus ascenditur. Carterum in negotio pietatis non oportet unquam retroducere, sed obitos à tergo relictorum semper ad perfectiora tendere. Respexit Eurydice, & relapsa est in Orcum. Respexit uxor Loth, & versa est in petram salis. Habet autem & pietas gradus suos, quemadmodum hominis ætas. Catechumeni parturiuntur, modò baptizati velut infantes aluntur lacte, adultis pro solido cibo profuerunt retrusiora mysteria. Et Paulus sapientiam loquitur inter perfectos, inter infirmos proficitur se nihil scire, nisi Jesum Christum & hunc crucifixum. Ergo qui sustulit oculos suos in montes disponit gradus ascensorios. Ubi? In corde suo. Nec mirum, ad illum enim montem non ascenditur pedibus sed affectibus. Sunt externi gradus, quos ut non oporteat reprehendi, tamen inutiles sunt, nisi gradus disponantur in corde. E laico fit clericus, è clerico fit hypodiaconus, ex hypodiacono diaconus, è diacono archidiaconus, ex hoc presbyter, è presbytero episcopus. Rursus è laico monachus, è Canonico regulari Dominicanus, è Dominicano Franciscanus, è Franciscano Benedictinus, è Benedictino Carthusianus. Quanquam de his gradibus multa inter ipsos controversia est qui gradus hos disponunt ac digerunt juxta res externas. Sunt qui putant Franciscanos in altiore gradu consistere, quòd seminudis incedant pedibus, quòd pecunias non contingant. Rursus sunt qui his præferant Dominicanos, quòd domi non velantur carnibus. Utrisque præferunt Benedictinos, qui è pluribus horis canunt in templis, nec unquam domo prodeunt. Jam inter omnes summum gradum obinent, qui lorica ferrea pro indusio cutem defricant. Hi gradus ita demum profunt ad pietatē, si domino auxiliante veri gradus disponantur in corde. Desisti raptò vivere; nonnulli ad pietatem gradus est. Non solū relictis fraude parta, verū tua profundis in egeno amore Christi: Altiores ascendisti gradū. E violento ac feroce factus es innocens: Aliquem ascendisti gradum in corde. Studes omnibus benefacere, in sublimiorem gradum te recepisti. Tandem & illis à quibus graviter laesus es, non

non modò remittis vindictam ex animo, sed in Christi gratiam bene velle & bene facere gaudes; ad verè sublimem gradum emerfisti. Hæc exempli causa proposui, de cæteris item quibq; apud sese consideret. Hi gradus digeruntur in corde hominis, in intimis animi recessibus. Hos igitur gradus quibus ad perfectionē tendimus, beatus ille disponebat in corde suo, non se jactans apud homines; sed se probans inspectori cordium, sed auxiliū non aliunde expectans quā à domino. Atq; hæc meditatur in valle lachrymarū. Quid enim aliud est totus hic mundus, nisi convallis obscura, nascentium, parturientū, morientium, agrotantium, egentium, navigantium, belligerantium, aliisq; mille lachrymarū occasionibus plena: à quibus nec potentes nec divites, nec reges ulli sunt immunes. Hæc est illa vallis Achor, id est tumultus ac perturbationis, in quam præcipitatus est Aham, ut habetur Josue septimo. In hoc loco nos posuit Dominus, posteaquā ē paradiso per inobedientiā excidimus, ut aliquantisper in exilio degentes per obedientiam fidei & observationem præceptorū Dei moliremur reditum in patriam. Nec est quòd nos hujus vallis pigeat: in hanc descendere dignatus est ipse Dei filius, ut nobis esset via, veritas & vita. Ergo quamdiu vivimus in hoc corpore mortali, versamur in valle lachrymarū. Sed dixerit aliquis: Frustra igitur homo disponit gradus ascensorios in corde suo, si permanendum est in valle lachrymarum. Sed hæc vallis Achor vertitur in requiem armentorum, juxta Esaiam 65. Daturq; Hierusalem ad declarationem spei. Osee 2. Præter hæc oportet meminisse, quòd in arcē Sion affectibus ascenditur non pedibus, corde ascenditur non scalis. Corpus hæret in valle, animus elucatur in montem. Ita visū est Regi nostro, ut per temporarias afflictiones hujus mundi, pertingamus ad coronā immortalitatis. Nec videatur hujus militiæ dura lex. Rex noster qui nobis hanc legem præscripsit, ipse eam in se præstilit. Nec est quòd despondeamus animum, qui nos ad certamen vocat, ipse dabit benedictionē, auxilians nobis in periculis, consolans in afflictionibus, ut possimus sustinere. Agonotheta noster evocat suos ad certamen, proposuit ingentia præmia, qui legitime certaverint: præsidet, non tantum ut spectator & iudex, verum etiam ut auxiliator. Ille suppeditat vires, suggerit alacritatem. Nam hic benedictio non est laudis vox sed liberalitatis, quemadmodum loquitur Apostolus: Qui parcat feminat, parcat & metet. Qui seminat in benedictionibus, de benedictionibus metet vitam æternam. Aspera lex est, qui non tollit crucem suam quotidie & sequitur me non potest meus esse discipulus. Qui non odit patrem & matrem, præterea & animā suā, non est me dignus, &c. Dura (inquā) & horrenda lex est, nisi accedat gratiæ largitas, quā ut ostenderet & gratitiam & nimis parcam esse, maluit *παρκαρ* appellare, quam alio nomine. Sub lege Moisaica parciore erat gratiæ dispensatio; verum simul ut effluis humanitas ac benignitas Dei nostri, qui non ex operibus iustitiæ quæ fecimus nos, sed secundum misericordiam suam salvos fecit per lavacrum regenerationis & renovationis, spiritum suum abunde effudit in universam carnem. Apud homines aliud interdum est benedicere, aliud beneficiare: imò frequenter hominis benedictio maleficium est non beneficium: sed Deo idem est benedicere & beneficiare. Religiosè faciunt qui procumbunt & accipiunt Episcopi benedictionem, sed quanto iustius est nos prosterni coram Deo, ut illius impetremus benedictionem? Vide porro quantum efficiat Dei benedictio:

Ibunt (inquit) de virtute in virtutem, & videbitur Deus deorum in Sion.

Mirabitur hic aliquis subito mutatum verbi numerū. Modò dixit: Beatus est cuius auxiliū abs te, &c. disposuit in corde suo. Hic ibunt de virtute in virtutem. Unde repente ex uno plures facti sunt? In mysticis literis, Dei benedictio affert fecunditatem, sicut maledictio sterilitatem. Maledicta terra in opere tuo, quum exercueris eam, spinas & tribulos producer tibi. Contrā quum Deus creasset hominem ex uda argilla, uxorem ex una costa lævi lateris, benedixit eis, dicens, Crescite & multiplicamini, & replete terram. Item Psalmos centesimosexto: Benedixit eis, & multiplicati sunt nimis. Atq; ista quidē typi sunt rerum spirituum. Itaq; posteaquā per evangelii gratiam exempti sumus à maledictō legis, ac per Spiritū Sanctum effusa est in Apostolos benedictio, quanta celeritate veri Dei cultus, qui prius apud Judæos velut in orbis angulo coerceretur, seie diffudit per universas mundi nationes? Quot virginum, quot martyrum, quot confessorum examina prosilierunt? Unde hæc prodigiosa fecunditas? Unde nisi ex benedictione Dei? Filii (inquit) tui de longē venient, & filia tuæ de latere surgent. Itaq; deserta illa & vidua mulier admiratur insperatam fecunditatem suam, dicens: Et isti filii unde venerunt? Venerunt ex omni natione quæ sub cælo est, ab Indis, ab Gadibus, à Thracibus, à Gothis, à Scotis & Hybernis. Itaq; jam multiplicata benedictione Dei, & animosi fide, alacres spe, ibunt de virtute in virtutem. Ne hic quidem est *αγαθὴ*, sed *ἐκ δωρεάνης τοῦ Θεοῦ*, quod Hieronymus ex Hebræo vertit: de fortitudine in fortitudinem. Nonnulla fortitudo est, pro Christo negligere voluptates, opes & honores hujus mundi: sed fortius est vincere pietatis affectus in parentes, uxorem ac liberos; longe verò fortissimum est, mortem & morte graviora tormenta vitæ cœlestis amore negligere;

Vallis Achor.

Agonotheta.

Esaie 6.

negligere. Qui gradibus nituntur in altum, quo magis ascendunt hoc magis lassescunt: at qui per hos gradus ascendunt, quo longius eunt, hoc redduntur fortiores & alacriores. Unde tandem? Nisi quia res non est humanarū viriū, sed benedictionis divinæ. Alioqui unde tam præfens animi robur, tanta alacritas Apostolorū, juvenum, virginum in squalore carcerum? in flagris & aculeis? in ipsis etiam mortibus, ad quarū etiā cōmemoratiōe humanis inhorrescit animus? Non aliunde, nisi quod Agonothetes ac legislator pro magnitudine tentationum auger benedictionem. Mirantur homines qui foris vident afflictionem, sed non vident internam benedictionem. Non ineleganter à viro quodam ob pietatem celebri dictum est de monachis austerā vitam agentibus: Multi vident cruces nostras, sed non vident unctiones nostras: Vident corpus attenuatum vigiliis, jejuniis ac laboribus, Vident solitudinem, omniumq; voluptatū abstinentiam, & tamen in corpusculo exiguo & imbecilli, non vident quantis deliciis reficiatur animus ad coelum anhelans. Sed quid tandē præmium petitur tantis laboribus? Videbitur (inquit) Deus deorū in Sion: sive (ut vertit Hieronymus) apparebunt apud Deum deorum in Sion. Hoc est brabeum omnium certaminum, hæc est requies omnium votorum, hæc est felicitatis summa: Domine (inquit) ostende nobis faciem tuam, & salvi erimus. Et Philippus: Ostende nobis patrem, & sufficit nobis. Atqui, Deum nemo vidit unquā. Invisibilis est oculis corporeis, sed cordi mundo visibilis est. Ita; Dominus in Evangelio beatos pronunciat, qui sunt mundo corde, quoniam ipsi Deū videbunt. Cor autē intellige non intestinum corporis, spirituum ac sanguinis fontem, sed mentem hominis fidei illustratam lumine. Videtur autē interdum & in hac vita purgatis mentibus, sed per speculū & in ænigmate, sed non nisi in Sion. Nam extra ecclesiam nemo videt Deum, quia nemo habet puram mentem. Et si sibi videntur videre, hallucinantur jam spectrum videntes pro Deo. Non vulgaris autem beatitudo est apparere apud Deum deorū. Quid est parere apud illum? Cum plena fiducia venire in conspectū illius, qui novit omnes latebras humani cordis. Hoc non ausit nisi pura & undiquaq; sincera conscientia. Alioqui vicebitur & impiis Deus, sed horribilis erit aspectus illius, qui piis est amabilis. Non est alius Deus, sed diversi sunt oculi. Ut agris oculis molesta lux est, quæ sanis est jucunda. Omnes enim sistendi sumus ante tribunal summi judicis, à quo non est provocatio. Miles qui fidelem & strenuam operam navavit in bello, servus qui gnaviger dispensavit talenta domini, gaudens prodit in conspectum ducis & heri sui, auditurus, Accipe coronam vitæ æternæ, & intra in gaudium domini tui. Ille beatus est, qui non veretur suam conscientiam aperire Domino, dicens cum Hezechia Rege: Obsecro, domine; memento, quæso, quomodo ambulaverim coram te in veritate & corde perfecto, & quod bonum est in oculis tuis fecerim. Simili fiducia fortissimus ille Christi miles prodit in conspectum imperatoris sui: Ecce (inquit) coram Deo in Christo loquimur. Et ad eosdem Corinthios de se loquens: Non ambulantes in astutia, neq; adulterantes verbum Dei, sed in manifestatione veritatis commendantes nosmetipsos ad omnem conscientiam hominum, coram Deo. Idem alibi: Bonum certamen certavi, cursum consummavi, fidem servavi: de cætero reposita est mihi corona justitiæ. Annon magna felicitas est sic posse comparere apud Deum deorum in Sion, in specula perfectionis evangelicæ? Deum deorum dixit, judicem omnium indicans. Sive enim accipias populi judices, sive pios homines, ad quos sermo dei factus est, sive angelos, qui & ipsi dicuntur Elohim, sive dæmones aut dæmonum ministros homines qui se pro diis coli passi sunt, hic unus est Deus deorum, iudex universorum, sicut testatur psalmus 81. Deus stetit in synagoga deorum, in medio autem deos dijudicat, ipse à nemine judicandus. Nec angelorum, nec prophetarum, nec ullius sanctorum aspectus confert homini veram beatitudinem. Solus hoc præstat Deus deorum. Huc ut pertingamus, Dominus impertit benedictionem, sed orantibus. Assidue rogari vult, non ut admoneatur, sed ut nos rogando digni efficiamur, quibus largius impertiat suam benedictionem. Nam & hoc pacto paremus apud deum, quoties vel appellamus illum puris precibus, vel pro beneficiis acceptis gratias agimus. 'Domine Deus virtutum exaudi orationem meam, aubis percipe Deus Jacob. Angelorum Deus est, eoq; deus virtutum dicitur, & hominum Deus est, qui patriarcham Jacob imitantur. Is luctando cum angelo meruit benedictionem, & idem dixit: 'Vidi dominum facie ad faciem, & salva facta est anima mea. Sequitur: 'Protectore noster aspice Deus, & respice in faciem Christi tui. Nondum plenam securitatem assequutus est, qui requirit protectorem. Adhuc metuit ignea jacula malorum spirituum & sublimi nos impetentium. Adversus hæc implorat Deum exercituum, ut suis sit clypeus. Hoc enim vertit Hieronymus, quod septuaginta verterunt hyperaspisten. Magna est demonum potentia, sed Dominus virtutum unus potentior est universis. Si ille dignatur nobis esse clypeus, non est quod metuamus ulla jacula. Sub hoc clypeo tutus latebat qui dicit: Dominus protector vitæ meæ: à quo trepidabo? Et alibi rursus: Domine ut scuto bonæ voluntatis tuæ cinxisti nos. Nullum est hominis scutū, quod totū hominis corpus reddat invulnerabile, quin & ipsum

De monachis.

Math. 5.

Esaïa 38.

Psalm. 26.  
Psalm. 5.

ipsum scutum interdum prodit hominem : at quem tegit Dei clypeus, nulla ex parte potest fauciari. Aspici à Deo, tegi est. Aspici autem cui propitius est ac bene vult. Eoq; psalmus quem modo citavi, scutum appellat benevolentia, Græcè *ὑπὸ σκῆπτρῳ*. Hieronymus vertit placabilitatem. Qui suis meritis sese protegent & his veluti clypeo fidunt, an tuti sint, ipsi viderint. Qui fiduciam suā collocant in ceremoniis, in cultu divorum, in veste, quasi tutum reddat ab insultu Satanae, non satis fidei utuntur clypeo. Sed gratiæ Dei & huius promissis tuti fident. Aspiciere Deum, beatitudo est; sed illum non possumus aspiciere, nisi prius aspexerit nos. Cum essemus cæci, & in tenebris plusquam Cimmeriis versaremur, illè dignatus est aspiciere nos, aperuit oculos nostros, & cum essemus inimici, diligendo nos effecit ut ipsum redamaremus. Respice in faciem Christi tui. Non arbitror anxie disquirendum, utrum hoc ad personā Davidis, an alterius cuiuspiā juxta communem sensum referatur. Christus Græcis unctum sonat, quod Hebræis Messias. Omnes Christi sunt, qui in Christum renati sunt. Ab horum facie nunquā avertit oculos Deus, sed custodit illos ut pupillam oculi, modo ne ipsi faciē suā avertant ab eo. Regum autē ac sacerdotum est ungi. Utrumq; suo quodā modo sunt, qui suo cognomini respondent, quos beatus Petrus alloquitur : Vos autem genus electum, regale sacerdotium, gens sancta, &c. Sed ille Christorum omnium Princeps est, qui dictus est princeps pacis, ac sacerdos in æternum secundum ordinem Melchisedec, quem singulariter unxit Deus oleo lætitiæ præ participibus suis. In huius faciem quoniam caret omni narvo Deus Pater gaudet aspiciere, quē profitetur esse Filium unicē dilectum in quo sibi placitum sit. Quid tibi vult igitur, quod ait propheta, aspice, & respice in faciem Christi tui? Quicquid Deus largitur nobis, per Filium ac propter Filium largitur, non propter opera iustitiæ quæ fecimus nos. Nos enim in multis offendimus omnes. Solus ille agnus est omnis expertus macula. Ergo protector noster Deus, si tuos oculos offendit facies, hoc est, conscientia nostra, respice in faciem Christi Filii tui, quem sine exceptione diligis, per illius merita nobis largire, quod ipsi non meremur. Judæi quoniam non noverant incarnationis mysterium, in precationibus suis, diffidentes suis meritis obtestabantur Deum per memoriam patriarcharum, Abraham, Isaac & Jacob, quorum pietas Deo fuisset accepta. At Christiani nihil petunt à Patre, nisi per Jesum Christum, quem habemus in cœlis advocatum efficacem, quiq; suam fidem nobis obstrinxit, fore ut acciperemus quicquid postularem Patrem in ipsius nomine. Qui scripsit hunc Psalmum non viderat Christum in carne, sed oculis fidei qui longè prospiciunt, viderat illum venturum, quemadmodum & Abraham, tot seculis Christi adventu antiquior, viderat diem illius & gavissus est. Nos igitur quoties aliquid à Deo petimus, cum fiducia petamus, sed eam fiduciam hauriamus, non ex nostris benefactis, sed ex gratuitis Christi promissis. Ne dicamus respice ad jejunia mea, aut elemosynas, aut vigilias, aut chameunias, sed respice in faciem Christi tui. Docet hoc Paulus Eph. 3. In Christo Jesu domino nostro habemus fiduciam ac accessum, in confidentia per fidem ejus. Quid est per fidem ejus? Quia fidendum est illi toto pectore, qui non fallit in promissis, etiamsi promittat quæ videntur nobis impossibilia. Quis enim credidisset fieri posse, ut divina humanaq; natura sic unirentur ut coirent in unam personam? At ille promissit & præstitit. Quis crederet fieri posse, ut homo verus federet ad dextram Dei Patris? Promissit & præstitit. Quid est igitur quod non speremus à deo, modo respiciat in faciem Christi sui? Ut autem intelligas hanc interpretationem non esse somnium sensus mei, sed prophetam agnoscentem dignitatem suam confugisse ad faciem Christi, attende quod sequitur: Quia melior est dies unus in atriis tuis super millia. Nihil verat quo minus hæc juxta sensum humiliorem referantur ad Israelitas captivos apud Babylonios. Tenebantur ingenti patriæ desiderio, tædebat ethnicarum superstitionum, suspirabant ad pristinos ritus ac templum illud magnificum, quod extruxerat Solomon. Jam enim sibi videbantur diutino ethnicorum commercio facti ethnici. Sed nos retrusorem intellectum sequi maluimus. Non addit chiliadum numerum, ut intelligas infinitum discrimen. Nec dicit in domo tua, aut sanctuario tuo, sed in atriis tuis, quod est templi quasi vestibulum, in quod admitterantur & prophæti: unde \* Paulus Hebræis scribens appellat sanctum seculare *κατακλιον*, quod toti pateret mundo. Nec est apud Hebræos unus dies, sed tantum dies. Non est enim dies ubi non lucet sol iustitiæ & incontaminata veritas. Nusquam igitur dies est, nisi in ecclesia. In nocte sunt, qui sunt extra hanc: quod olim vaticinatus est Zacharias, cap. ultimo, de incredulis loquens: In die illa non erit lux, sed frigus & gelu, Mox de fide ecclesiæ sic loquitur: Et erit dies una quæ nota est domino, non dies neq; nox. Vulgare diem facit solis exortus, noctem occasus. Quis igitur est hic dies & non dies? Explicat hoc Esaïas cap. 60. Non erit tibi sol in lucē diei, neq; ortus lunæ illuminabit te per noctem, Sed erit tibi Dominus lux æterna. Utrumq; duorū prophetarum locum imitatus est qui scripsit Apocalypsim. Et civitas non habebit opus luce solis, quoniam Dominus omnipotēs lumen ejus erit. Porro, non esse lucem nisi in ecclesia, testatur Esaïas

Attende.

1 Petri 2.

Johan. 8.

 Humi dormitiones, pro humilioribus.

\* Epist. ad Hebræos à S. Paulo scripta.

eodem



eodē quod modō citavi capite, de his agens qui non receperunt fidē evangelicā : Quia ecce tenebra operient terrā, & caligo populos; Super te autē orietur Dominus, gloria ejus in te videbitur. Mox subjicit de his qui relicta patria superstitione crediderunt Evangelio : Et ambulabunt gentes in lumine tuo, & regēs in splendore ortus tui. Ad hæc quā ait, *et reges* non addit quarū rerū, complectens universā commoda in unū conflata quæ non possunt homini contingere extra ecclesiam. Nam quæ potest esse felicitas hominis, si in tenebris ambulet? Quandiu militamus in hoc tabernaculo, per fidem intuemur solem. At in illo cœlesti templo non est nisi unus dies, quia non est transmutatio, nec vicissitudinis obumbratio, nec ulla erroris aut ignorantie nebula lucē offuscat. Aeternitas enim nescit ortū & occasum. Interim tamen ambulare in luce fidei, & simplici animo sequi eū qui dixit : Qui sequitur me non ambulat in tenebris, beatus est omnibus opibus, regnis, gloriis & oblectamentis hujus mundi. Hæc stulta dictū videntur, quibus Christus nondum aperuit oculos. Verū si perconteris eos quorum cordibus illuxit Christus, num velint pietatis jacturā totū mundū lucrifacere, detestabuntur & abominabuntur sermonē tuū. Norunt enim quantū bonū sit, quod jam velut arrā tenent, & quam inestimabile sit illud, ad quod mox sunt transferendi. Nunc illud mihi spectato, quanto desiderio teneatur domus Dei qui hæc loquitur.

Elegi abjectus esse in domo dei mei, magis quā habitare in tabernaculis peccatorum. Quid est abjectum esse? Jacere in limine aut vestibulo & conculcari, Quod mendicorum est. Tanta autem est ecclesie majestas & felicitas, ut quod in ea contēptissimū est, longē præster omnibus mundi splendoribus. Sicut in cœlesti Hierosolyma, multe sunt mansiones, quarū infima tamen potior est omnibus regum palatiis: Sic in ecclesia velut in magnā domo diversi generis vasa sunt, quorū aliud est alio honoratius, & tamen quod in his vilissimum est, pretiosius est universo mundo. In corpore hominis naturalī membrum aliud alio est præstantius. Functiones quidem diversæ sunt, sed eodem spiritu vegetantur omnia. Sic in corpore Christi mystico, quod est ecclesia, diversi sunt ordines hominum, diversa munia, donaq; spiritus, omnes tamen membra sunt Christi, & eandem expectant hereditatem. Quod hic infimum est, sublimius est omni fastigio mundi. Pes humani corporis beatior est oculo suis aut canis & ea partes per quas egeruntur recrementa cibi ac potus in humano corpore, beatiores sunt capite asini. Hic obiter propheta aperit fontem, quamobrem plerique mortales, vel non accedunt ad ecclesiam, vel recedunt ab ecclesia, vel ejecti ob culpam gravantur redire. Qui tument honoribus mundanis, nolunt deponere cameli gibbos, ut per humile ingrediantur ostium. Et ex historiis discimus complures hæresiarchas esse factos, quod ad episcopi dignitatem non admoventur. Itaq; maluerunt primum tenere locum inter canes & fues, quā inter oves Christi mediocri esse loco. Hæc stulta ambitio genuit nobis Basilides, Marciones aliq; inauspicata nomina. Sed quid consequuti sunt infœlices? Apud homines sibi constarunt sempiternam ignominiam, apud Deum meruere gehennam. Quanto satius erat, vel ignotissimum esse inter oves ecclesie, modō nomen habebas scriptum in libro vitæ. Simili tenentur amentia, qui quum magnis ac manifestis criminibus meruerint submoveri à consortio ecclesie, tamen recusant profiteri poenitentiam ut ecclesie reconciliantur. Humile & abjectum esse putant arceri ingressu, nudō capite, nudisq; pedibus stare in vestibulo, flexis genibus introeuntium preces implorare, gestare pro purpura saccum, pro unguentis conspergi cinere. Quid in causa? Quia non vident quanta sit dignitas, quanta felicitas, quanta securitas versari in atriis Domini; Quanta vilitas, quantumq; periculum vel ad horam esse extra domum Dei. Vidit hæc ille Deo charus Theodosius Imperator, qui maluit universum Imperii strepitum deponere & in abjectum poenitentium ire locum, quā non esse in domo Domini. Illi ipsi poenitentes cultu squalidi, jejunii attenuati, lachrymis & mœrore confecti, qui tanquam mendici jacent in limine domus Dei, multo foeliciores sunt, quā qui sub Satana regnant in tentoriis impietatis. Siquidē hi, si modō verē poenitent, licet corpore sint extra domū ecclesie, animo sunt intus. Quid est igitur, quod tanto ardore desiderat propheta, per Christi faciē obfessans Deū? ut vel in extremo angulo, aut limine domus Dei versari liceat, & vel inter abjectissimā Christi membra censeatur, extra quē nulla cuiquē est spes salutis. Sed si ad limen domus Dei vel accedamus, vel redeamus, parata est misericordia Domini, quæ sublevar infirmitatē nostrā, ut proficiamus ad perfectiora. Parata est veritas Domini, ut abundemus in omni scientia spirituali, parata est gratia Domini, ditans nos spiritualibus charismatibus. Postremo parata est gloria Domini, quæ nos transformet in imaginem Christi. Christus veritas est, Christus iustitia nostra est; quem si sequamur antecedentē, fit quod dicit Esaias: Et anteibit faciem tuam iustitia tua, & gloria Domini colliget te. Misericordia condonat errorem, veritas illuminat mentem ne revolvaris in errorem, gratia instruit donis spiritus, ut conversus confirmes fratres tuos, & quā plurimos ab impietate revoces, quē admodum ait beatus David, expertus misericordiam Domini magnam, ac per Nathan ad ve-

ritatem

Abiectum  
esse, quid sit.

Corpus Christi  
mysticum,  
ecclesia.

Th odosius  
Imperator.  
Id idem & fe-  
cit Amedeus  
dux Sabaud.  
qui electus in  
pontificem  
maximum,  
Felix dictus.



ritatem revocatus: Docebo iniquos vias tuas, & impii ad te convertentur. Hoc est quod hic sentit propheta: Quia misericordiam & veritatem diligit Deus, gratiam & gloriam dabit Dominus. Similiter & Paulus, per domini misericordiam revocatus a furore persequendis, & per veritatem Evangelicam edoctus viam Domini, denique per gratiam Sancti Spiritus præclaris donis locupletatus, factusque vas & organum electum, eo profecit ut etiam in mediis afflictionibus in Domino glorietur. Quamquam potest hic versiculus & aliter intelligi, ut misericordie divine sit quod trahimur ad cognitionem veritatis, juxta verbum Hieremie 31. Ideo attraxi te miserans. Tum ut veritas sit hominis confitentis sua mala & agnoscantis gratitatem Dei misericordiam. Hoc enim sentit Psalmus 50. Ecce enim veritatem dilexisti, incerta & occulta sapientie tue manifestasti mihi. David quamdiu celebrat peccatum suum mendax erat, & solum facere conabatur non hominibus tantum sed & Deo. Verum Deus ex sua misericordia per Nathan prophetam revocat eum ad veritatem confessionis: declarans inutiliter celari peccatum apud homines, quum oculos Dei nemo possit fallere. Misericordiam revocantem & veritatem confitentem sequitur gratia & gloria. Peracto enim luctu poenitentiae, & ita castigatis membris, ut quemadmodum antea servierant iniquitati ad iniquitatem, ita facta templa Spiritus Sancti serviant iustitie ad iustitiam, sit ut gloriatur ecclesia illic superabundare gratiam, ubi abundat peccatum, & inter angelos major sit gratulatio super uno peccatore revocato quam super nonaginta novè iustis. Non est quidem absurdum quod adfert Augustinus, veritatem referens ad fidem Dei in promissis. Solus enim ille verax est, quum sit omnis homo mendax, non quod semper fallant homines, sed quod in ipsis non sit præstare quod pollicentur, incerti an in proximum diem victuri sint. Quamdiu circumferimus hoc mortale corpusculum, multis injuriis, multisque periculis obnoxium, misericordia Domini circumvallat nos undiq; sicuti vice, ne revolvamur in vitia, veritas Dei in promissis fulcit erigit; mentes nostras, ut contemptis hujus vite bonis pariter ac malis seramur ad celestia. Concinit huic sensui Psalmus 35. Prærende, inquit, misericordiam tuam scientibus te, & iustitiam tuam iis qui recto sunt corde. Iustitia reddit cuiq; quod suum est. Quid autem reddet nobis Deus qui nulli cuiquam debet? Nihil enim habemus quod illius benignitati non oporteat acceptum ferri. At aliud est liberalitas, aliud iustitia. Verum & illud iustitie genus est, præstare quod gratuito promiseris. Hac ratione Deus seipsum nobis quodam modo debitorem constituit, ut licet ipsum ob merita nostra non possimus appellare, ob promissa tamen appellare possimus. Quod si nos mereremur officii nostri, ille non recusat vocari injustus, si minus præstet quod pollicitus est. Venite, inquit, & argue me, dicit Dominus. Hanc Dei iustitiam appellat David quam ait: Ut iustificeris in sermonibus tuis, & vincas quum iudicaris. Prorogat interdum expectationem nostram Deus, fallit nunquam: interim qui non norunt illius veritatem, obmurmurant ac dubitant, quemadmodum illi duo discipuli, quum aiunt, nos sperabamus quod esset redempturus Israel. Quin & discipulos ingens habebat moeror, quod quia non credebant eum resurrecturum, putarent sibi data verba. Quod hic ex Hebræo vertit Hieronymus, & alii quidam, id ita discrepat ab eo quod translulerunt septuaginta, ut non videatur ejus generis esse varietas, quæ frequenter accidit ex eo, quod eadem sententia variis effertur modis, aut ex iisdem verbis alium sensum colligit, sed apparet scripturam Hebraicam in codicibus variasse. Id usui venit interdum, quum scriba aut interpres elementis similitudine deceptus, aliud pro alio legit, aut quum diversa literarum distinctio diversum efficit sensum. Nam quod ex Hebræo reddunt sic habet: Quia sol & scutum Dominus Deus, gratiam & gloriam dabit Dominus. Quæ lectio si germana est, solem posuit pro veritate, quæ est Christus, qui illuminat omnem hominem venientem in hunc mundum: scutum pro misericordia protegente credentes, adversus omnes insultus Satanæ. Sicuti loquitur Psalmus 31. Sperantes in Domino misericordia circumdabit. Quamquam & Paulus hortatur ut sumamus scutum fidei. Et alias psalmus dicit: Scuto circumdabit te veritas ejus, nec timebis a timore nocturno. Vis igitur tutus esse ab omni malo? Ne circumferaris omni vento doctrinæ, sed quod est scripturis divinis tradidit nobis ecclesia catholica, firma fide teneamus, quod præcipit simplici obedientia servemus, quod promittit, alacri spe expectemus. Simpliciter ambulantes non deerit neque misericordia neque veritas neque gratia nec ullum bonorum genus quod ad beatitudinem pertinet. Eoque subdit: Dominus non privabit, sive non fraudabit bonis eos, qui ambulant in innocentia. Pro quo septuaginta verterunt *in dignis*, quod magis sonat simplicitatem, omnis expertem fraudis ac malitiæ. Columbino animos amat Spiritus Sanctus. Dabit hic gloriam sinceræ conscientie, in futuro dabit ineffabilem illam gloriam. Interim arabiconam pretioso contentus, expecta bona futuri seculi, spe gaudens, ut verè & ex animo dicas cum propheta: Domine virtutum, beatus homo qui sperat in te. Atque hæc est completorium psalmorum clausula. Frequenter enim repetendum est, quod oportet semper infixum esse mentibus nostris. Secundus Psalmus ira desinit, Beati omnes qui confidunt in eo.

Q q

Quartus :

Aliud liber-  
tas, aliud  
iustitia.

S. Luc. 24. 21.

Quartus: Quoniam tu Domine singulariter in spe constituisti me 26. ita: Expecta Dominum, viriliter age, & confortetur cor tuum, & sustine Dominum 30. ita: Viriliter agere, & confortetur cor vestrum, omnes qui speratis in Domino 32. In nomine sancto ejus speravimus 33. Non delinquent omnes qui sperant in eo 36. Salvabit eos qui speraverunt in eo. Item 41 & 42. ad spem in Deo figendam hortantur. Similiter & 63 & 130. Nec est ista vulgaris spes, quam nobis tanto studio commendant literæ sacræ. Agricola sperat à Deo latum agrorum proventum, nauta prosperam navigationem, graviora foelicem partum, ægrotus convalescentiam. At vir pius qui verè sperat, hoc est, spem omnem fixit in Domino, plena fiducia rotam solitudinem conjicit in Deum, per suasus, sive læta obtigerint, sive tristia, sive mors sive res mortalium. Itaque quum beatus sit homo, Domine virtutum, qui fiduciam omnem in te collocavit, nec id fieri possit, nisi sit intra domum tuam ecclesiã, dignare quæso aperire oculos omnium nostrum, ut videntes, quàm sint amabilia, quàm pulchra, quàm tranquilla, quàm tuta, quàm foelicia tabernacula tua: rursus, quàm his dissimilia tabernacula impietatis, positis opinionum & affectuum dissidiis, eodem sensu, eademque sententia concordēs verentur, in illa beata sodalitate sanctorum omnium, ut verè de nobis dici possit: Ecce quàm bonum & quàm jucundum habitare fratres in unum. Nunquam autem coalescemus in unum, nisi pariter spem nostram ponamus in Christo Jesu Rege Sion ac Domino nostro, & ad illum unum spectemus omnes. Ubi regnat ambitio, ubi pecuniæ studium, ubi pervicacia, ubi cæcus favor, aut odium cæcus, ut pertendamus tueri quicquid semel diximus aut scripsimus, ubi in gratiam partium probamus quæ scimus esse improbanda, aut odio privato damnamus & ea quæ pie dicta: denique ubi quisque ad se spectat, & undique trahitur funiculus contentionis, non potest res ad concordiam redigi. Reputemus quàm sit stultum sic odisse mores quorundam pontificum aut sacerdotum ac monachorum, ut ipsi fiamus illis deteriores. Deterior enim est qui recedit ab ecclesiæ consortio & in hæresim aut in schisma demigrat, quàm qui impure vivit salvis dogmatibus. Cum hoc perquam iniquum est, nos ad aliorum vitia lynceos esse, ad nostra ipsorum talpis cæciore, & in aliorum oculis videre festucam, ipsos trabem in oculo circumferentes. Homines cum hominibus versamur. Quanquam gravior, fateor, peccant, qui in potestate constituti publicæ, non meminerunt officii sui: Tamen populi pervicacia sapenúmero in causa est, ut qui præsumunt, alii sint quàm esse conveniret. Sic populus Israeliticus pro micissimum Samuele, accepit superbum Saulem. Placabilior erit alienis erratis, qui prius sua inspexerit. Præcipuum est discordiæ seminarium, quod sinistro tantum oculo proximorum vitia intuemur. Claudatur ille sinister, & dexter vicissim ad eorum virtutes aperiat. Si virtutum candidi fuerimus aestimatores, levius offendemur vitiis. Inter fratrem ac fratrem, inter uxorem ac maritum non constat amicitia, nisi vicissim inter sese ad quædam vitia conniveant. Quomodo igitur constabit totius ecclesiæ concordia, si quisque ad alterius virtutes lusciosus, ad vitia talis habet oculos, qualia sunt specula quædam, quæ faciem oppositam & multo majorem reddunt & deformiorem? Dolendum est tam multos esse monachos qui præter vestitum ac frigidas ceremonias minimè habent religionis, tam multos esse sacerdotes qui nec castè vivunt nec sacris vacant literis: nonnullos etiam abbates & episcopos, qui minimum differant à prophanis principibus aut satrapis: sed interim dissimulamus quàm multi sint inter illos pii, sobrii, docti, deique repub. bene merentes, in divitiis pauperes, in dignitate modesti, in potentia mites. Nec cogitamus quanto nos essemus ferociiores, si tot rebus ad licentiam invitaremur. Expedi igitur, ut plebs, quæ dissimulatis sacerdotum virtutibus vitia tantum videt exaggeratque, suam inspiciat manticam, à tergo in pectus revolutam. Quotus quisque est opifex, ut ab infimis incipiam, qui in præstanda opera fidelis est, in mercede exigenda æquus? Nec enim temere natum est illud vulgò celebre proverbium, In sua quemque artificè arte furè esse. Jam quod omnino genus rerum est, quod illi non corrumpant quæstus gratia? Quot modis vitiatum triticum ac farina, quot modis vinum ac cervisia, quot modis panis reliquæque texta? Omitto nunc in promissis perfidiam, in commercio supercilium ac morositatē, ut propemodum commodius sit cum Rege quopiam ac Cardinale agere, quàm cum latomo, qui vix habet domi unde coenet. Qui tales sunt in servili fordidosque officio, quales probabile est futuros, si ad eorum dignitatem evehantur, quorum mores ferre non possunt. Vulgus sacris initiatorum incontinentiam incesti sacrilegii ac violati voti titulis exaggerant, sibi ut liberis ac solutis blandiuntur. Atqui, ne errent, nemo Christianus ad peccandum liber est; omnes religiosissimo sacramento sunt affecti, nisi fortè ludum esse credunt quod in baptismo professi sunt. Si infami cognomine vocantur apostata, qui à Benedicti aut Francisci instituto desciscunt, quanto magis eo nomine digni sunt qui in baptismo mundi contemptum professi, toto animo serviunt mundo, & à Christo Imperatore transeunt ad Saranam. Jam adulterium crimen, quod apud ethnicos gladio, apud Judæos lapidatione puniebatur, neutiquam leve est, utcumque nunc pro joco ducitur. Quod si quis propius inspiciat,

inveniet

Votum &  
professio baptizatorum.



inveniet fraudibus, rapinis, perjuriis referta omnia. Ut ne commemorem interim, quantam malorum lernam tegat umbra belli. Nihil attinet hic de magistratibus inferioribus loqui, deque iis qui ob nobilitatis titulum sibi volunt licere omnia, deq; principibus. Quocunq; veras oculos nimium multa est querelarum materia. Sed hæc est rerum humanarum natura, maris in morem multa secum deferre, quæ malis abesse. Mutat sæpe vitia, ponit nunquam. Quid igitur superest, nisi ut se quisque discutiatur, & omnes ad Christi misericordiam confugiamus? Quædam vitia leviora sunt, quam ut expediat asperam admoveere medicinam. Quædam minore religionis incommodo dissimulantur quam exagitantur. Porro, quæ graviora sunt quam ut oporteat dissimulare, manum doctam & artificem requirunt, ne nobis eveniat quod solet imperitis medicis, qui dum parum dextrè admovent remedia, pro morbo extinguunt hominem, aut ex leviori malo reddunt immedicabile. Pleraq; paulatim ac per occasionem irrepserunt, ea paulatim ac per occasionem tollenda sunt, si fieri queat absq; gravi tumultu: sin minus, dissimulanda, donec ipsa dies porrigat occasionem commodiorem. Eadem dexteritate utendum est in dogmatibus. Quidam dum impotenter vociferantur, hæresis, hæresis, ad ignem, ad ignem, in pejorem partem interpretantes quæ dicta sunt ambigüe, per calumniam depravantes & quæ piè dicta sunt, plurimum favoris conciliantur iis quos exirio dignos judicabant. Rursus qui sub Evangelii plausibili titulo moliuntur ea, quæ ex diametro pugnant cum Evangelio, vehementer adjuverunt partes eorum quos oppressos volebant. Itaque dum illi nihil omnino patiuntur innovari, hi nihil sinunt relinqui, tempestas orta est penè infedabilis, & dum utrinq; nimium tenditur funiculus contentions, fit, ut utraq; pars rupto fune in tergum cadat. Non quòd ecclesia concidat, quæ nixa saxo immobili Christo, nullis turbibus concutitur, sed de quibusdam hominibus loquor, qui causam ecclesiæ tuerentur, magno quidem zelo, non enim dicam malo, sed non secundum scientiam. Nondum eò processit hoc morbi, ut sit immedicabile. Extingui potest hoc incendium, si materiam igni subtrahamus. Præcipuus autem hujus tumultus fons sunt impii mores hominum. Non est quòd alii in alios culpam rejiciamus. Primum hoc humani generis exemplum est, sed ut per se pravum, ita nobis infelix: Mulier decepit me; serpens decepit me: omnes iram Domini provocavimus; restat ut omnes ad illum simul sincero corde convertamur: ille ut est exorabilis, vicissim convertetur ad nos, atq; hos inconditos rerum motus vertet in tranquillitatem, nobis eòdem pro nostra quantalucunq; portione annitentibus. Quo pacto, inquis, id fiet? Sit unusquisque quod esse debet: Sint pontifices, pontifices, Christi vicarii, sincero corde gregis Domini curam agentes. Sint principes, principes, divinæ justitiæ ministri, tanquam Deo reddituri rationem, quem hoc magis oportet ab illis timeri, quo liberiores sunt à timore hominum. Magistratus bonâ fide rempub. administrent. Monachi perfectionem quam titulo profitentur, moribus præstent. Sacerdotes noctes ac dies meditentur in lege Domini, quo possint esse sal populi. Qui laici sunt, sint quod dicuntur, non præcant, sed reverenter obtemperant sacerdotibus, fideliter pareant principum legibus, in suo quisq; opificio probet suâ conscientia summo illi *εὐδοκία*. Nam beati Lucae verbo libenter utimur. Qui negotiator est bona fide negotietur: qui molitor est, bona fide sit molitor: qui pistor est, bona fide sit pistor: qui faber est, bona fide sit faber: qui vestiarius est, bona fide sit vestiarius, fiduciam habens in eo qui non deserit rectos corde: atq; item de cæteris dicendum est. Nemo suis vitiis hoc nomine blandiatur: Ita mos est, sic nemo non facit. Ne circumspicias, ô bone, quid alii faciant, sed quid abs te fieri velit supremus ille Jux, cujus oculos nemo fallit, ad cujus tribunal omnes sistendi sumus, sive Reges, sive inopes erimus coloni. Ibi non valebit hæc tergiversatio: Ita mos est, sic nemo non facit. Interim ponatur ambitio & pertinax vivendi studium, facessant favores cum privatis odiis, consilescat dementis rixæ furda vociferatio, ita demum elucescet veritas illa pacifica. Accedat ergo *ἡ ἀρχαία*, ut utraq; pars alteri sese nonnihil accommodet, sine qua nulla constat concordia. Sed hæcenus obsecundetur, ut ne moveantur *† τὰ ἀίματα*, & hæcenus feratur hominum infirmitas, ut paulatim invitentur ad perfectiora. Illud autem omnibus penitus infixum esse oportet, nec tutum esse, nec ad fovendam concordiam utile, temerè desciscere ab iis quæ majorum autoritate tradita sunt, quæq; longo seculorum usu consensuq; confirmata. Nec quicquam omnino novandum est, nisi huc aut cogat necessitas, aut insignis invitet utilitas. De libero arbitrio, spinosa est verius quam frugifera disputatio. Et si quid de hoc quærendum est, in Theologicis diatribis sobriè discutiatur. Interim inter nos illud convenire satis est, hominem ex suis viribus nihil posse, & si quid ulla in re potest, totum ejus deberi gratiæ, cujus munere sumus quicquid sumus, ut in omnibus agnoscamus imbecillitatem nostram & glorificemus Domini misericordiam. Conveniat inter nos fidei plurimum essetribuendum, modo fateamur & hoc esse peculiare Spiritus Sancti donum, idq; multò latius patere quam vulgus hominum credit, nec omnibus adesse qui dicunt, Credo Christum pro me passum esse. Concedamus fidei justiciam, hoc est, purificari corda credentium, modo fateamur ad consequendâ salutem necessaria

Qq 2

charitatis

Sententia  
Erasmi de  
fonte & fomi-  
te discordiæ  
Ecclesiasticæ.

Id est, cordi-  
um impediori

\* Condescen-  
sus.

† Immota.

De libero ar-  
bitrio quæ sit  
est spinosa.

Fidei quid  
tribuendum,  
quidque ad  
eam proban-  
dum necessa-  
rium.

charitatis opera. Neq; enim vera fides potest esse otiosa, quum sit fons & seminarium omniū bonorum operum. Quin potius distinguamus iustitiam repargentem mentis nostræ domicilium, quam rectè dixeris innocentiam, & iustitiam ornantem ac locupletantem eam bonis operibus. Deus propriè nulli debitor est, nisi forsitan ex gratuito promisso, quanquam & hoc ipsum ut præstemus, promissū conditionem, illius est munificentia: non tamen rejiciendum est mercedis aut meriti vocabulum, quòd Deus quæ in nobis aut per nos operatur pro sua bonitate acceptat ac pensat. De verbis nulla sit digladiatio, modò de re conveniat, nec interim ingerantur aurbis imperitæ multitudinis illa *μεγάλη*: Nihil refert qualia sint nostra opera, tantum habeto fidem & servaberis: Et homo quicquid agit nihil aliud quàm peccat: quæ ut in aliquo sensu vera sint, tamen ab imperitis aliò rapiuntur quàm expedit. Quemadmodum & illæ voces, Christus pro nostris peccatis dependit. An ille pro nobis mortuus est, ut nos vivamus in peccatis: an potius ut semel illius sanguine loti, abstinemus ab omnibus inquinamentis? Mortuus est & surrexit, ut ipsum imitantes moriamur peccatis & in vitæ novitatem resurgamus: pro nobis crucem gestavit, sed idem clamat: Qui non tollit crucem suam quotidie, non est me dignus. Carterum qui Dominum suis sceleribus quotidie, quod in ipsis est, crucifigunt, iis mors illius adeo nihil profutura est, ut cessura sit in gravem supplicii accessionem. Pii cuiusdam affectus est credere preces ac bona opera viventium prodele defunctis, præsertim si hæc illi dum viverent, facienda curarunt. Tantum admoneantur qui funebres pompas ac missas gloriæ causâ instituant, perdere mercedem suam: ac certius esse lucrum, si quod morientes legant, vivi ac sani in pios usus erogent. At quibus hoc nondum persuasum est, ne obstreant aliorum simplicitati, sed ipsi tanto benignius sublevant pauperum inopiam, tantoque ferventius incumbant bonis operibus, quo minus credunt defunctos vivorum benefactis juvati. Religiosi item affectus est, credere sanctos ac sanctas quos Deus adhuc mortali corpore gravatos tanti fecit, ut ad illorum preces daemones expulerit, mortuos ad vitam revocarit, nunc quoq; non nihil apud eum posse. At quibus diversa sedit opinio, pura mente sincereq; fide invocent Patrem, Filium & Spiritum Sanctum, ne obturbent odiosè iis, qui citra superstitionem implorant divorum suffragia. Superstitio, quam fateor in invocatione cultusq; divorum esse plurimam, coarguenda est, pius ac simplex affectus interdu tolerandus est, etiam si sit cum aliquo conjunctus errore. Ut nostra vota non sentiant divi, sentit tamen Christus qui & amat simplices animos, si minus per sanctos, certè pro sanctis dabit nobis quæ petimus. Qui sævierunt in divorum imagines, non profus abs re concitati sunt ad eum zelum, licet immodicum meâ quidem sententia. Nam horribile crimen est Idololatria, hoc est, simulachrorum cultus: qui tametsi jam olim sublatus est è moribus hominum, tamen periculum est, ne technis dæmonum eodem revolvantur incauti. Sed quum statuarum & picturæ olim inter liberales artes habita sit tacita poesis, plus interdu representans effectibus hominum quàm homo quavis facundus possit verbis exprimere, & Plato agnoscens poësim plurimum habere momenti ad remp. bene secusve iustitiam, non omnes poetas submoverit ex illa quam fingit civitate, sed Homerum tantum aut Homerî similem, qui diis, ac deorum filiis attribuit adulteria, puerorum amores, furta, mendacia, impotentes iras, dissidia aliaq; vitia, quæ nemo bonus reipub. gubernator ferret in suis civibus, aut frugi paterfamilias in uxore, liberis aut famulis: corrigendum erat, quod per imagines irrepperat superstitionis, utilitas erat servanda. Utinam omnes omnium ædium parietes haberent vitam Jesu Christi decentem expressam. In templis autem quemadmodum in Africano Concilio decretum fuit, ne quid recitaretur præter scripturas canonicas, ita conveniret nullam esse picturam, nisi cujus argumentum in canonicis scripturis contineretur. In peristyllis, porticibus & ambulacris possent & alia pingi ex humanis historiis desumpta, modò facerent ad bonos mores. Stultas verò aut obscenas aut seditiosas tabulas oportuit, non solum è templis, verum etiam ex omni civitate sublatas esse. Et quemadmodum blasphemiarum genus est, sacras literas ad ineptos ac profanos detorquere jocos, ita gravi poëma digni sunt, qui dum pingunt canonicarum scripturarum argumenta, de suo capite miscent ridicula quædam ac sanctis indigna. Si libet ineptire, à Philostrato potius petant argumenta. Quanquam sunt & in ethnicorum annalibus multa argumenta, quæ idiotarum oculis utiliter exponi possent. Ergo cui persuasum est, divorum imaginibus, quoniam non sentiunt, nihil habendum honoris, fruantur suo sensu: ne tamen obstreant iis, qui citra superstitionem sic venerantur imagines eorum amore quos representant, quemadmodum nova nupta sponsi absentes amore excolunt annulum aut strophium ab illo relictum aut missum. Hic affectus Deo non potest ingratus esse, qui non è superstitione, sed ab abundantia quadam amoris proficiscitur. Idem sentiendum est de iis, qui simili affectu excoluntur ossa, aliæve reliquias sanctorum. In his Paulus opinor concederet, ut in suo quisq; sensu acquiescat. Novi Theologum, qui cum videret quandam per cœmeterium euntem, nam erat iter publicum, non aperire caput ad signum crucifixi, haud quidem studio, sed intentum fabulis comitū quibuscū deambulaverat, miro zelo dixit ad suos confabulones,

ausim

\* Paradoxa  
placita.

De pii offi-  
ciii pro de-  
functis.

De precibus  
& invocari-  
one sancto-  
rum defun-  
ctorum.

De Idolola-  
tria.  
De Statuarum  
picturaque.

Vita Jesu  
pingenda.  
In templis ne  
recitetur  
quicquam  
præter scri-  
pturas cano-  
nicas.



ausim jurare illum esse Lutheranum. Illud profectò non rectè, quemadmodum altera pars peccat odiosè obstrictens non superstitioni, sed simplici religiosoq; affectui nonnihil tribuentium imaginibus. Illud citra noxam omnibus potest inculcari, divos ac divas optimè coli imitando vitam illorum. Idem quibus nondum persuasum est horum temporum sacramentalè confessionem fuisse ab ipso Christo institutam, servant eam ut rein salutarem multisq; commendabilem utilitatibus, ac multorum seculorum usu comprobata. Ut autem illa tum tutior sit tum minus gravis, magna ex parte in nobis situm est. Videlicet si deligamus integrum, erudicum ac silentii tenacem sacerdotem, nec eum ambiguis ac perplexis sermonibus remoremur, ut percontando cogatur velut expiscari crimina, sed simpliciter tanquam coram Deo aperiamus ea duntaxat, quæ certò sunt lætalia vulnera. Quod genus sunt adulterium, homicidium, furtum, ebrietas enormis ac voluntaria, obrectatio malitiosa, quod homicidii, aut veneficii genus est, perjurium, fraus, rapina, aliq; huius generis seu factò perpetrata, seu certo animi proposito destinata. Quibus enim nihil defuit præter occasionè, jam perpetrarunt. Absit autem repetendi confessionem superstitioni, absit anxietas enumerandi commissà & circumstantias, aut totam iterandi confessionem apud alium sacerdotem, siquod crimen in priore fugit. Præcipua cura sit, ut quod admissum est detestemur, & in pristinum remigemus affectu. Illud omnium caput est, sic instituire vitam, ut non incidamus in ullum crimen lætale. Id quod potest, liber est ab onere confitendi. Leviores culpas vitare vix culquam concessum est in hac vita. At non difficile est, auxiliante Deo, vitare crimina ei qui semel sit radicatus in charitate Dei ac proximi. Hoc igitur fundamentum ante omnia jaciendum ac stabiendum est in animis nostris. Quod si accidat in crimen prolabi, non est necesse protinus ad sacerdotem currere, sed ad Deum illico confugiendum est. Cum illo statim redeundum in gratiam; ut sacerdoti quoq; confitearis expectanda est temporis opportunitas. Confiteamur tamen est culpas de quibus dubitas, criminales sint necne, sacerdoti quum opportunum fuerit referare. Idem dico de factis, de quibus ambigis, utrum legitima sint, an non. Complures enim perplexi casus incidunt in vitam mortaliem, veluti de usura, de matrimonio, de restituendo, de votis. Qui credunt eam, ut nunc est, à Christo institutam, tantò observent religiosius, sinatq; alios in suo sensu acquiescere, donec sacrosancta Synodus aliquid expressius de hoc pronunciarit. Hoc factò fieri, ut nec scindatur omnino Christiana concordia, nec mores infirmorum in omnem licentiam proruant. In missam si quid superstitionis aut sordium irrepsit, æquum est corrigere. Ipsam missam quæ usque adeo execremur non video. Constat psalmodià qui dicitur introitus, doxologia, precatio, sacris canticis, recitatione verborum prophetico-rum aut apostolicorum quam vocant epistolam, recitatione evangelii, professione fidei Catholice, gratiarum actione, quam appellant Eucharistiam, ac religioli commemoratione mortis Dominicæ; rursus precationibus, inter quas est precatio Dominica: dein sequitur pacis Christianæ symbolum, mox communicio, rursus facium canticum & precatio. Postremo loco sacerdos totum populum velut in suam tutelam receptum, Deo benedictione tradit atq; commendat, ut perseverent in affectu pietatis mutaq; charitate. Quid in his non pium ac venerandum? Quos offendit sordida turba conductitiorum sacrificulorum, submoveant indignos, dignos retineant. Quibus non placent profe, præsertim indocte, licet eas prætermittere. Neque enim Romana ecclesia illas novit prolas. Similiter & cationem quam nunc in nonnullis templis canunt, post consecratum corpus & sanguinem Dominicum, pro pace aut contra pestilentiam, aut pro foelici provenitu frugum, sine religionis detrimento liceret omittere. Id enim omnino præter veterem morem inductum est. Nam id temporis olim populus non cursitabat ad videndū id quod sacerdos offendit, sed prostratus humi corporibus, animis in cœlum erectis gratias agebat Christo Redemptori, qui nos suo sanguine lavit, sua morte redemit. Nihil porro tale novit ecclesia Romana. In sacello pontificis non est nisi unicum altare & unicum sacrum. Quin & hodie in multis ecclesiis Romanam imitantibus, non licet privatim sacrificare duntaxat ut temporis, quum summum peragitur sacrum. Illorum insolentia est arguenda qui cum summi sacrificii tempore ambularint nugantes de rebus frivolis, proprium requirunt sacerdotem, qui ipsis propriè sacrificet: aut in vespertino cultu, quemvis obvium arripunt sacerdotem, qui ipsis separatim dicat vespertinas laudes, etiamsi jam suas absolvit: qui si recuset, sic commoveatur, ut periculum sit ne illi pugnos in faciem ingerant. Adeo quod publicum est contemnunt, & quilibet privata querit. Si non placet in templis illud modulata musicæ genus & organorum cantus, possunt citra pietatis jacturam omitti: si placeat, curandum est ut illa quoq; musica sit digna templo Dei. Jam & illud non rectè sit in quibuldam ecclesiis, ut ob musicorum aut organorum concentum omittantur, aut decurrantur ea quæ sunt præcipua. Hora propè consumitur in prosa, ac decuratur symbolum fidei, & omittitur precatio dominica. Nec minimum temporis absument illæ vocum caudæ, ad singulos versus in longum productæ. Atqui præstabat cultum solennem nullis supervacaneis verti in tædium. Ad superstitionem vergunt tot peculiaris missarum argumenta, missa de

De Confess.  
dne auriculari.

Quæ lætalia  
sunt, duntaxat referantur.

Non repetendi  
dam unius  
criminis confessionem.  
Absit circumstantiarum anxia enumeratio.  
Ad Deum primum omnino confugiendum.

Præconia  
Missæ.

Profe quam  
nun: vulgò  
frequentias  
nominant.

De Elevat.  
one.

Musica mō  
dula.



spinea corona, missa de tribus clavis, missa de præputio Christi, missa pro navigantibus, pedestri aut equestri itinere peregrinantibus, pro sterilibus, pro gravidis, pro parturientibus, pro febris quartana aut tertiana laborantibus. Hæc & hujus generis multa facile possent vel tolerari vel corrigi. Nec erat necesse ut missam tot sæculis receptam, quasi rem pestilentem & impiam exigeremus. Jam quæ quidam tradiderunt de qualificatione, de merito principali & secundario, de opere operante & operato, poterant inter humanas opiniones seponi, donec super his quoque synodus pronunciaret, aut suo quemque arbitrio relinqueret. Sacrificii atque immolationis vocabulum veteres sacri doctores non horruerunt. Christus semel mortuus non moritur iterum, fateor, sed unicum illud sacrificium mysticis ritibus quotidie quasi renovatur, dum ex illo fonte inexhausto nobis novam subinde gratiam elicimus. Immolamus hostiam pro vivis ac defunctis, dum pro illis Patrem per Filii mortem obtestamur. Postremo, quum omnis precatio, laus & gratiarum actio recte dicatur sacrificium, maxime nomen hoc convenit in missam hæc omnia sacratius continentem. Sunt qui requirant in missa communionem. Sic, fateor, fuit à Christo institutum, & olim ita consuevit observari. Verum id quo minus fiat, haud stat per sacerdotes, sed per laicos, in quibus heu! nimium refrixit charitas. Coelestis ille cibus non est obtrudendus invitis, aut nauseantibus, avidè petentibus non negabitur. Nunc quæ possit esse communio, quum quibuscumque in locis templa ferè sint vacua communionis tempore? Quidam aspersi mox abeunt domum, & ante introitum faciunt exitum. Alii post auditum & non intellectum Evangelium abeunt. Atqui posteaquam sacerdos dixit, Sursum corda, & Gratias agamus, tum præcipue populi partes erant, quando tacente sacerdote quisque cum Deo loquitur. Atque interim illi fabulantur in foro, aut potant in popina. Quancumque & hi verecundius faciunt iis qui toto sacro nugantur in templis. Denique tametsi inter sacrificantem & assistentes non est signorum Sacramentalium communio, quæ nec olim inter omnes fuit, est tamen sacræ doctrinæ, piæ exhortationis, precationis, laudis & gratiarum actionis communio. Commune est igitur quod vivificat, illud commune non est quod sine illis nihil prodest. Sed obijciatur scipulus de adorando: Si in Eucharistia totus est Christus, quomodo non est adorandus? Quancumque Christus in eo sacramento est, sub ratione cibi ac potus, ut summa cum animi puritate sumatur, non ut ostentetur, aut in ludis publicisque pompis circumferatur, aut in equo circum arva vehatur. Id nequaquam est veteris exempli, sed in hoc multitudinis affectui plus satis indultum est. Quidam sibi valde pii videntur, si quoties sacerdos finit videri corpus Domini undique accurrant, ac è proximo defixis oculis intueantur. Quamto religiosius erat cum publicano præcè à cancellis abstinere, & corpore humi fuso, mente adorare crucifixum? Nullus est tam stolidus, ut humanam Christi naturam adoret pro divina, aut ut panem & vinum adoret pro Christo. Quoniam autem nemo certus est, an sacerdos verè consecraverit, præter ipsum unum, nullus adorat ibi Christum, nisi sub tacita conditione, & tamen id quod in Christo propriè adoratur nusquam non adest. Adde huc quod nullum sit sacramentum tam humile, cui non assistamus nudis capitibus quum administratur, velut in baptismo, in confirmatione puerorum: quid sentiant igitur, qui putant idololatram esse, si huic sacramento caput aperiant, etiam si Christi corpus & sanguis tantum ibi sint in sacro signo? Quot porro videmus Sacramentarium formas? Quoties ipsi suam mutant sententiam, quoties alienam rejecerunt? Nam & nuper exortus est, qui tam impiè de hoc sacramento sententiæ commentus est, ut totum sustulerit sacramentum. Neque enim sacramentum dici meretur, quod nullo externo signo, sed tantum animi cogitatione peragitur. Hæc qui faciunt, utrum sibi videntur talis ludere, an de gravissimis rebus disputare? Quod si ambigunt, ut ipsa declarat res, quanto satius erat in eo perseverare quod nobis traderat ecclesia catholica? Tradidit autè ibi verum esse corpus & sanguinem Domini, haud dubiè quin vivum: Quod si credimus in sepulchro divinam naturam non fuisse separatam à exanimi corpore Domini, quanto credibilis est eam à vivo corpore non esse separatam in sacramento? Itaque si in hoc concordēs effemus, cætera quæ disquiruntur, quomodo sit ibi corpus & sanguis Domini, sub panis substantia, an sub speciebus panis ac vini, & quid accadat sumpto corpori, & si qua sunt his similia, poterant in synodo definiri. Nunc dum quisque de re tanta quodlibet comminiscitur, nonne illud unicum piarum mentium solatium ac delictum quodammodo in nauseam vertimus? Turbam festorum dierum, quos vel Episcopi multitudinis affectibus indulgentes induxerunt, vel Romani pontifices causis non necessariis infirmaverunt, ipsi facile patientur abrogari, quod genus sunt festi Conceptionis & Nativitatis Virginis matris, item festum Præsentationis in templo. Et haud scio an expediret nullum omnino festum solenne

Eucharistia  
sacramentum  
viriq. adorandum.

Qualis Christus  
in sepulchro.

Turba festorum  
dierum  
immodica.

Utrum magis  
hic vir  
aliqua quæ  
præcedunt scripserit ex nimio vel pacis Ecclesiastica studio, vel factionis odio, penes esse lectorem judicare. Scriptus est hic libellus ciceri annuam auctis Erasmi 66. quo tempore perturbatissimus fuit Religiois status. Quod si hodie viveret, & quantum illum religio fuerit in melius mutata, aspicere, admodum verisimile est cum aliter senturum: dum autem nihilominus ab aliquibus (quibus favere videtur) pingitur inter caelum & infernum pendulus, & ab Expurgatoriis sit maledictus; aliæque quibus commoveatur, displicet; ex propriis Chilidiis dicat, cum qui duos insectatur lepores acurum capere: quod dictum velim salvæ tanti viri famæ per omnia secula reverendâ colen. que

indici,

indici, nisi cujus argumentum extet in sacris literis. Diē Dominicū semper excipio. Facile patientur esse festa pauciora, modò ea quæ supersunt, majore religione celebrentur. Non est omnino prophanus dies, quo licito labore citraque fraudem paratur quod uxorem aliat ac liberos, aut proximi sublevet inopiam. Festa quæ sodalitates sibi privata constituunt auctoritate, unā cum ipsis sodalitatibus à magistratu tollenda sunt. Nihil enim aliud sunt quàm Cōmuni & Bacchi conventicula. Delectum ciborum ac jejunia non indixit ecclesiā nisi ad sanitatē corporis & animi. Itaque, qui piscium esu periclitantur aut jejunio & valetudinem corporis & animi vigorem ladi sentiunt, hos nequaquam obligat ecclesiæ constitutio. Qui verò sentiunt se ex abstinētia carniū & jejunio, & corpore & animo melius habere, quæ, rogo, contumacia est, velut in odium ecclesiæ hoc rejicere, quod tantam adfert utilitatē? Hic igitur nullus alium dijudicat, vescens non insultet abstinētibz, abstinētes non condemnent vescētes, etiā si causā non sit evidēns. Suo Domino stant aut cadunt. Idem sentio de cæteris episcoporum constitutionibus, quæ si piæ sunt, si utiles, si æquæ, ob hoc ipsum servandæ sunt, quòd tales sunt: & si displicet legis vocabulum, amplectamur eas tanquam salubria consilia. Si servus de lapide emptus dat tibi consilium utile, auscultas & obtemperas, non quia servus dedit, sed quia est in rem tuam. Et nos eorum consilia rejicimus, qui publica dignitate præminent, quique nobis patrum ac doctorum loco sunt? Hæc eò spectant, non ut quæ dicimus pro certis haberi velimus, aut præeamus ecclesiæ quid sit statuendum, sed ut interim dum apparat synodus, ipsi dissensionum causas omnes quantum in nobis est, ampuemus, nihil per vim ac tumultum agamus, neque cuiquam hoc faciamus, quod si nobis fieret, cælum ac terram ac maria inclamaremus, neque quenquam ad novam religionem, à qua abhorret, perpellamus. Aequissimum enim est, ut qui sibi religionis causā vim fieri nolunt, ab aliis eam abstinēant: præsertim quum hic quoque melior sit causā, tam longi præscriptione temporis sese timentium. Hæc admonitio ad utramque partem attinet: si moderata *opumulentia* præmollet dissidiorum paroxysmum, fiet ut synodi medicina foelicius operetur ad concordiam. Sic enim medici priusquam porrigant validum pharmacum, levibus quibusdā ac blandis potiunculis, Symplos illi vocant, præparant corpora. Hoc exemplum utinam omnes imitemur. At vereor ne sint, qui vel ob inopiam iudicii, vel ut ipsi sint in tuto, properent sic exulcerare omnia, ut frustra cœat synodus. Quis autem malus genius effascinavit infelices anabaptistas? Nam audio hos errore falli, magis quàm incitari malitia, ut ad istum modum in proprium ruant exitium. Non sufficit illis baptisimus, qui mille quadringentis annis suffecit ecclesiæ Catholicæ? Nam temporibus Augustini tam vetus erat consuetudo tingere infantes, ut hujus exempli auctor ignoraretur, admodumque probabile esset ab ipsis Apostolis fuisse inductum. Quanquam enim non est expressum in sacris libris quòd Apostoli baptizarent infantes, tamen ex his sumitur non levis conjectura. Paulus enim fateretur se baptizasse tres familias, Crispi, Caii & Stephanæ. Et apud Philippenfes noctu baptizavit carcerarium cum universa familia. Et Petrus in Actis 10. baptizavit Cornelium non solum familiam, sed etiam cognatos ac necessarios, quos ille sub adventum Petri convocarat. In his familiis probabile est fuisse nonnullos infantes aut pueros. Christus ait: Date Cæsari quæ sunt Cæsaris. Et Apostolorum principes Petrus & Paulus diligenter admonent, ut Christiani cives obtemperent regibus ac præfatis licet idololatris. Volunt servum baptizatum fidelius etiam servire heruli suo, quàm antea fecerat, & isti gravantur parere principibus eodem lavacro tinctis, eandem professis religionē? Dicuntur exigere à suis rerum omnium communitatem. At ista quidem fuit aliquandiu temporibus Apostolorum in primordiis ecclesiæ nascentis, ne tum quidem inter omnes Christianos. Nam latius propagato evangelio non potuit servari communitas, exitura videlicet in seditionem. Hoc ad concordiam est accommodatius, ut rerum proprietas ac dispensandi jus sit penes legitimos dominos, charitas verò faciat usum communem. Nunc audimus apud Bohemos exoriri novum Judæorum genus, Sabbatarios appellant, qui tanta superstitione servant sabbatū, ut siquid eo die incidit in oculum, nolint eximere, quasi non sufficiat eis pro sabbato dies Dominicus, qui Apostolis etiam erat facer, aut quasi Christus non satis expresserit quantum tribuendum sit sabbato. Beatus Paulus anathema minatur angelo, qui vel cœlis adferret aliud evangelium quàm ipse tradiderat. Nunc multorum animos adeo conspiciamus vacillantes, ut si vel obscurissimus homuncio proferat novum dogma, licet absurdum, inveniat discipulos. Unde tanta vacillatio in animis Germanorum, qui semper cæteris nationibus fortitudinis & constantiæ laude præcelluerunt? Quid nobis foelicius, si possis dissidiis concordēs versetur in domo Domini? Agit hoc summo studio Carolus Cæsar, agit idem Romanorum, Hungariæ Bohemiæque Rex Ferdinandus, princeps singulari pietate præditus. Nec Christianissimus Gallorum Rex in hoc negotio suo cognomini non est responsurus. Nec Anglorum Rex obliviscetur, se non ita pridem, Descentoris fidei Catholicæ speciosum meruisse titulum. Qui Clementis Pontificis ingenium propius norunt, pollicentur illum ad æquissimas conditiones descensurum, modò faciat ecclesiæ pax. Nec desitura est eruditorum

Delectus ciborum &amp; jejunia.

Constitutiones humanæ.

Conductus.

De erroribus baptizatorum.

1 Cor. 11.

Act. 10.

De rerum omnium communitate. Communitas rerum omnium exitus Seditio Apud Bohemos novum Judæorum genus Sabbatariorum.

Concordibus philisticis.

Sequuntur  
Muz.

Id est, quàm  
exultationibus  
aut decolla-  
tionibus.

Esa. 32.

torum Cardinalium aequitas. Res, auspice Christo, foeliciter cessura est, si cæteri quoque principes ac civitates huc intendant animum. Jam nimium diu rixis indultum est, vel de-  
lassati quaeramus concordiam. Si Domini lenitas nos provocat ad licentiam, quæ ad poen-  
itentiam debebat invitare, verendum est ne furor fiat læsa sæpius patientia, & quod de Judæis  
scripsit Paulus perveniat in nos ira Dei in finem. Ne Regum quidem mansuetudine abu-  
ti consultum est. Non ignorant illi vires suas, sed pro sua clementia, mollioribus si fieri  
possit remediis huic malo mederi malunt quàm cauteriis aut sectionibus. Fortasse nos credi-  
mus dormire Casarem: at is planè vigilat in hoc negotio, lentior est, sicut oportet princi-  
pem summa potentia præditum non esse præcitem in rebus gerendis, sed tamen ille tancè  
perficit, quicquid animo destinavit semel. Regis Ferdinandi bonitas & animus planè phi-  
losophicus, qualem in principe requirit Plato, non meretur contemptum, sed abundantiorum  
reverentiam ac religiosiorem obedientiam. Nunquam habuere foelicem exitum ausus Cy-  
clopi & inconfluta temeritas: Sed ut verissime dixit ille vates acutissimus. Vis consilii  
expers mole ruit sua, Vim temperatam dii quoq; provehant in majus. Ergo si moderatis con-  
siliis, affectibusque sedatis incubuerimus ad faciendam ecclesiæ concordiam, fiet quod vatici-  
natur Esaus: Et sedebit populus meus in pulchritudine pacis, & in tabernaculis fiducia &  
in requie opulenta: jamque simul omnes uno ore nobis invicem gratulantes, dicemus, Quam  
amabilia tabernacula tua Domine Virtutum.

F I N I S.

CLARISS. DOCTISSIMOQUE VIRO D. DES. ERASMO  
Rot. Domino in majoribus observando, Julius Pflug. S. D.

**F**Acit charitas in quam infixus sum, ecclesiæ, ut quamvis ipse illi præsidium afferre  
haud possim, de omni tamen statu ejus cogitare non desinam: ex quo certè ipso  
uberem capio fructum, sive in mentem venit mihi quod consoletur, sive quod ter-  
reat. In quorum ego cogitatione ita versor, ut altero animus meus recreetur, alte-  
ro verò muniatur contra calius impendentes. Malum enim cum advenit diu ante provissum,  
levius esse solet. Accedit eodem singulare quoddam officii vinculum. Nam cum publicum  
in ecclesia munus sustineam, etsi ad eam constituendam facultas mihi non superfit, volun-  
tate tamen mihi eò est incumbendum. Itaq; quum aliam officii tribuendi rationem inire ne-  
queam, faciliè adducor, ut tuam tuiq; similitum, qui & doctrina & autoritate florent maximè,  
fidem implorem. Hæc eò ad te scripsi, ut ad causam, quæ mihi cum omnibus bonis commu-  
nis est, intelligas privatum etiam officium accedere, ut si nimius fuerim in urgendo, des ve-  
niam mihi, quum me illò affectio haud injusta raperit. De statu autem religionis est omnino  
ut scripsisti, id enim re ipsa expior. Nec mihi hoc tempore faciliè occurrit quod animum le-  
vet ægritudine: cum præsertim scelerum eorum, ob quæ plagas illas & eas quidem justas  
Deus nobis infligit, nullum faciamus finem. Quod autem cogitas rudem sumere, istud tibi  
prosecdo per eum, qui tribuit ut posses hominum generi præclaram operam navare, nunquā  
licebit: & eo quidem minus, quod ut extrema cygnorum vox consuevit esse suavissima, ita  
sanctissimæ esse solent voces extremæ optimi cujusque qui eas edit unā prope cum spiritu  
extremo. Etsi igitur habes, quo repudies typographorum postulata, non tamen reperies  
quemadmodum ei, qui jure quodam suo imperare poterit, satis facias, nisi pareas. Sed quid  
ago? Ita tecum quodammodo loquor, quasi senectus tua non & operosa sit, & plane talis,  
ut eam nobis diuturnam fore sperem. Quin animum ad ea, quæ tu nobis præclara parere  
non desinis, conferens, intellige haud obscurè iis, quæ à te optimus quisque desiderat, non  
modò non orbari senectutem tuam, sed etiam augeri. Vigent enim in te omnia ea, quibus  
rei Christianæ prodesse possis, & haud scio an magis etiam quàm in ætate florente. Quæ  
quidem res spem ostendit fore, ut in quam ecclesiam multa tua officia extant, de ea diu be-  
ne mereri possis. Atque hæc quidem amantissimis literis tuis provocatus scribenda puta-  
vi, non ut te ista ætate atque autoritate virum ipse homo juvenis atque rudis monerem,  
sed ut in quem me duceres sermonem sequer. In quo ipso dum brevitatem vito, verbo-  
sor & ineptior nescio quo pacto fui, quàm deceret. Venio nunc ad Julium Camillum &  
Augustinum Eugubinum: quorum alterum cum Venetiis essem de facie novi tantum, cum  
altero verò congressi & locutus sum sæpe, qui me ea re devinciebat sibi, quod mihi quo-  
tiescunque vellem faceret potestatem introeundi bibliothecam Antoninam. Amphitheatrum  
Camilli si eam nobis utilitatem afferre posset, quam pollicetur, libenter me facerem  
unum è spectatoribus in eo. Ac si apud te disceptantem causam dicit eloquentia, jam  
vicit. Nam (si te bene novi) contra eam nunquam tu statues, cujus beneficio tantus es, ut  
vivas in oculis omnium ferè gentium. Itaq; nihil attinuit Camillum eam ad pedes tuos abji-  
cere: Sed illi potius placandi fuerunt, qui negant cum eloquentia cognitione rerum conjungi  
posse



posse, quasi verò inquinatè loqui sit sapere. Jam verò tuam ad Eugubinum epistolam jamdudum legi. In qua tu illum amanter sanè & singulari cum gravitate monès. Qui utinam obtemperasset tibi. Nam sic fere fit, ut quam quisq; voluptatem maledicendo capite, eam male audiendo amittat. Quæ in re eventus cum ipsa justitiæ æquabilitate bellissimè congruit. Quo magis miror quid homini venerit in mentem cunctam nationem nostram tanta contumelia afficere. Quod si te optima monentem audire noluisse, suam tamen ipsius rationem si adhibuisset in consilium, virus illud in nos tam turpiter non evomisset. Sunt certè in singulis nationibus qui sub figura hominum immanitate in gerunt bellorum. Sunt item, qui cum ingenio, tum verò etiam virtute excellunt. Hoc qui negat, nã is aut rudis est in cognitione rerum humanarum, aut plane impudens. Qui igitur universæ alicui nationi in opprobriis obijcit, quæ sunt certorum civium labes, quæ id tandem fronte facit? Cur non potius laudat ob certorum civium virtutes? Id quod cum officio boni viri multò est conjunctus. Nonne qui ita reprehendit, idem sentit se patriam quoque suam, cum in eodem vel simili sit crimine, premere & tacita quasi sententia sua damnare? Sed quid si non tam vitia exprobrat, quàm virtutes in finitima vitia detorquet? Ut cum animi altitudo hominum nostrorum atq; virtus, quæ in periculis contemnendis lucere solet, feritati tribuitur. Quod si quis Germanorum, quibus ingenia Eugubinus adimit, vellet in hoc genere ingeniosus esse, nonne quæ multò vel præstantiss. sunt, ea ad speciem turpem faciliè orationis vi convertere posset? Nulla enim virtus est, cui non vitium aliquod sit finitimum. Quo facilius id quod honestum est atq; bonum, dicendo eò potest traduci, ut malum esse videatur. Rectè igitur tu, qui præsentiam Eugubini requiris, cum præsertim multi sint nostrorum hominum si commoveant sese, sentiat ille Germanis neq; ingenia neq; facultatem orationis, neq; maximarum rerum scientiam deesse. Quanquam res ipsa pro hominibus nostris loquitur, etiamsi nullum faciant verbum: Quod multa jam extant signa, eaq; illustria, non solum ingenii illorum sed etiam eximie doctrinæ. Adde quod ipsum Eugubini institutum ei acerbiter istam exprobrare videtur. Quid enim ab officio hominis Christiani sacerdotis & Theologi alienius esse potest, quàm in eo quo se proficitur religionem defendere, tantum acerbicatis effundere, & contra quàm lex mutui amoris sancit, multos bonos viros de se nihil tale merentes tam insigni injuriâ afficere? Sed de his Eugubinus ipse viderit; ego, quod me attinet, mallem illum isto maledicendi genere superfuisse. Faveo enim hominis honori. Quod si fecisset, majorem proculdubio fructum industriæ suæ cepisset, nec eam ad quam se excitavit bene audiendi rationem, ipse in dubium vocasset. De Gulielmo Budæo quæ scripsisti, ea me singulari affecerunt voluptate. Ille enim ita se gerit, & ea nobis offert, ut mihi videatur natus esse ad lucè rectis studiis inferendam. Lætor igitur virum illum in eo etiam nunc cursu esse, quem jamdudum magna sua cum gloria tenet. Hic si tantum apud suos auctoritate valet, quantum excellens ejus doctrina & virtus, quæ uno omnium ore celebratur, postulat, & gaudendum est certè omnibus bonis & præclare cum Galliis ipsis agitur. Hæc ferè ad epistolam tuam. Jam verò ne te fugiat quò loci sint res nostræ, sic habeto, religionem aliquanto perturbatorem esse, quàm fuit antehac, & ortus est nuper nescio quis terræ filius, qui conatur novum malum invehere. Negat enim necessaria esse ad Eucharistiæ verba Christi, quibus ea consecratur, quin nec speciem panis aut vini necessariam esse, sed satis esse, si motu interiori cordis Eucharistia capiat. Ita cum hic ad spiritalem manducationem referat omnia, id agit ut possit sacramentum ipsum funditus tollere. Sed Deus tamen pro sua misericordia nos respexit, cujus divino beneficio effectum est, ut auctore in vincula conjecto hæc hæresis oppressa sit antea, quàm in vulgus proferretur. Novi præterea quod scribam nihil sanè est, & arbitror satis multa esse hæc, præsertim ad te virum nunquam satis vacuum. Sed malui tamen multus esse, quàm non declarare me iis quæ scripsisti, valde delectari, de quibus certè tecum quasi loquens quanta voluptate perfusus sum inde perspicias faciliè, quod finem dicendi agrè fecerim. Non igitur mihi visus es garrire (qua tu voce uteris) sed apertissimè gravissimèque loqui, & tanto me vehementius amare, quanto longiores fuerunt hæc literæ tuæ. Quare tam me tibi beneficio obstrictum sentio, quàm quem maximè: cumque mihi nihil esse possit antiquius, quàm ut gratitudinem meam erga te quibuscunque possim rebus testificer, magnum mihi beneficium dederis, si ostenderis in qua re officium meum tibi præstari velis. Vale, Litii tertio Nonas Maii. Anno millesimo quingentesimo tricesimo tertio.

Optima scilicet sententia.

Nota.

D. Budæo.

28

Def.

Des. Erasmus Roterodamus Clarissimo LL. Doctori Johanni  
Rinco, S. P.

Ro. 8. Hebr. 2.  
1 Timoth. 2.  
*proptus est*  
mediator, in-  
tervenitor, &c.

**L**ibera tuæ, vir ornatissime, quibus & pro tua prudentia sagaciter divinas imminentes Germaniæ calamitates & eas pie deprecaris, permoverunt animum meum, ut ad Omnipotentem illum pacificatorem, & (ut Paulus vocat) *proptus* precationem conscriberem, qua simul omnes Dominum, iratum quidem ut videtur, sed exorabilem appellemus. De non movenda Camarina, amanter tu quidem ac fideliter, sed serò moneas; Et merebatur hoc quorundam scurrilis improbitas, nec deerant amici qui per literas hoc hortarentur. Bene vale, amicorum candidissime. Friburgi quinto die Martii, Anno à Christo nato, M. D. XXXII.

### Precatio ad Dominum Jesum pro pace Ecclesiæ.

Ob inopiam  
pastoris oves  
errant.

**D**omine Jesu Christe, qui pro tua omnipotentia condidisti creaturam omnem visibilem pariter & invisibilem, pro tua divina sapientia ordine pulcherrimo gubernas ac dirigis universa, pro tua ineffabili bonitate servas, rueris ac vegetas omnia, pro tua immensa misericordia, restituis luxata, reformas collapsa, mortua revivificas, dignare, quæsumus, tandem ad unice dilectam tibi sponsam ecclesiam flectere vultum tuum, sed illum placidum ac propitium, quo serenas omnia quæ in coelis, quæ in terris, quæ supra coelos, infraque terras sunt: flectere digneris oculos illos mites ac misericordes, quibus Petrum ecclesiæ tuæ summum pastorem intuitus es, ac mox respicit, quibus turbam palantem aspexisti, & misericordia commotus es, quod ob inopiâ pastoris errarent, velut oves dissipatæ disjectæque. Vides, pastor bone, quàm varia luporum genera irruerint in caulas tuas, quorum quisque clamat, Hic est Christus, Hic est Christus, ut in errore pertrahantur, si fieri possit, etiam perfecti. Vides quibus ventis, quibus undis, quibus procellis jactetur tua navicula, extra quam nulli vis esse salutem. Quid superest, nisi ut illa demersa fluctibus, pereamus omnes? Hanc tempestatem accersiverunt nobis scelera nostra, agnoscimus & confitemur. Agnoscimus tuam justitiam, & nostram injustitiam amplius deploramus, sed appellamus tuam misericordiam, quæ (juxta propheticum psalmum) superat omnia opera tua. Multum jam poenarum dedimus, tot bellis attriti, tot exactionibus exhausti, tot morborum ac pestilentiarum generibus afflicti, tot inundationibus concussi, tot portentis ex coelo minantibus territi, nec inter hæc mala subinde nova lacescentibus ullus undecumque portus apparet, sed atrociora videntur impendere. Non querimus de severitate tua, mitissime Servator, sed agnoscimus hic quoque tuam misericordiam, longè siquidem atrociora merueramus. Verum noli, clementissime Jesu, pendere quid nostris meritis debeatur, sed quid tuam deceat misericordiam, sine qua nec angeli possent subsistere, nedum nos lutea vasculâ. Miserere nostri Redemptor exorabilis, non quòd ipsi sumus digni, sed hanc sancto nomini tuo da gloriam. Ne permittas, ut Judæi, Turcæ ac cæteri qui vel non noverunt Te, vel invident tuæ gloriæ, perpetuò glorientur de nobis, dicantque, ubi est Deus eorum, ubi Redemptor, ubi Servator, ubi sponsus quem jactant? Hæc opprobria in Te recidunt, dum ex nostris malis æstimatur tua bonitas: desertos credunt, quos non intelligunt \* emendari. Olim quum in navi dormires, & exorta tempestas minaretur omnibus exitum, ad inclamationem paucorum discipulorum expreßus es, & mox ad vocem tuam omnipotentem, subsedere fluctus, consiluire venti, tumultus subito versus est in tranquillitatem magnam. Agnoverunt elementa muta Conditoris imperium. Nunc in hac longè graviore tempestate qua periclitantur non paucorum corpora, sed innumerabiles animæ, ad totius ecclesiæ tuæ periclitantis clamorem, rogamus ut expergiscare. Tot hominum millia clamant, Domine serva nos, perimus. Tempestas vicit humanam industriâ, imò videmus opitulari volentium conatus in diversum cedere. Tua voce opus est Domine Jesu. Tantùm dic verbo, consilescet tempestas & protinus illucescet optata tranquillitas. Parsurus eras tot sceleratissimorum hominum millibus si in Sodomis reperti fuissent decem justi. Nunc tot sunt hominum millia, qui diligunt nominis tui gloriam, qui suspirant decorem domus tuæ, an non ad horum preces, iram tuam remittes ac veterum misericordiarum tuarum recordaberis? Non coelesti tuo artificio nostram stultitiam vertes in tuam gloriam? Non improborum mala vertes in ecclesiæ tuæ bonum? Solet enim tua misericordia tum maxime adesse, quum rebus maxime deploratis, hominum nec vires nec prudentia possunt opitulari.

\* Extricari,  
vel sublevari.



opitulari. Tu solus res quamlibet discordes redigis in concordiam, unicus pacis & auctor & tutor. Tu Chaos illud verus, in quo nullo ordine nulloq; decore confusa jacebant discordia rerum semina, digessim, & admirabili ordine, quæ naturâ pugnans æterno fœdere locuisti. At quanto turpius est chaos, ubi nulla est charitas, nulla fides, nulla fœdera, nulla legum, nulla præpositorum reverentia, nullus dogmatum consensus, sed velut in dissilione chaos suam quisque canit cantionem? Inter cœlestes orbes nullum est dissidium, elementa suum quæq; locum servant, suis quæq; funguntur muneribus. Et sponsam tuam, in cujus gratiam condita sunt universa, fines perpetuis dissidiis ire pessum? Patieris, ut impii spiritus, discordiarum auctores, in tuo regno tyrannidem exerceant impunè? Patieris illum sortem, quem semel expugnatum deturbasti, rursus occupare tua castra? Quomodo mortalis inter homines versabaris homo, ad tuam vocem aufugiebant demonia. Emitte, quæsumus, Domine Spiritum tuum, qui dispellat à pectoribus omnium tuum adorabile nomen proflentium spiritus impios, luxus, avaritiæ, ambitionis, libidinis, vindictæ, discordiarq; magistros, & ut prophetis verbis utamur: Cor mundum, Deus & Rex noster, crea in nobis, & Spiritum Sanctum innova in visceribus nostris, Spiritum Sanctum tuum ne auferas à nobis. Redde nobis lætitiæ salutis tui, & spiritu principali confirma sponsam tuam, ac sponsæ tuæ pastores. Per hunc spiritum terrena cœlestibus concilia, per hunc tot linguas, tot nationes, tot hominum tam varias formas in unum ecclesiæ corpus compegisti, quod tibi capiti suo per eundem spiritum coheret. Eum si dignaberis in omnium cordibus innovare, cessabunt & illæ calamitates externæ, aut si minus cessabunt, certè te diligentibus cedent in lucrum pietatis. Digere hoc chaos Domine Jesu, expandat se spiritus tuus super has aquas male fluctuantium dogmatum. Et quoniam spiritus tuus, qui (juxta prophetæ sermonem) continet omnia, scientiam habet etiam vocis, fac ut quemadmodum cunctis in tua domo versantibus, una lux est, unum baptisma, unus Deus, una spes, unus spiritus, ita sit & vox una catholicam veritatem proflentium. Ascendens in cœlum triumphantium more sparsisti ex alto pretiosa missilia, dedisti dona in hominibus, dilargitus es varia spiritus tui munera. Rursum ex alto renova veterem munificentiam tuam, da ecclesiæ tuæ labascens, quod dedisti nascenti. Da Principibus timorem tui, ut sic reipub. administrent, tanquam brevi tibi regum Regi rationem de singulis reddituri: da throno tuo semper assistentem sapientiam, ut quid sit optimū factu, perspiciant animo factisq; persequantur. Da pastoribus, quibus tuas vices delegare dignatus es, prophetiæ donum, ut arcanas scripturas, non ex humano sensu, sed ex tuo afflatu interpretentur. Da charitatem triplicem, quam à Petro stipulatus es, ovium curam illi demandaturus. Da sacerdotibus tuis sobrietatis & castitatis amorem. Da populo tuo bonam voluntatem obtemperandi præceptis tuis, ac promptitudinem obsequendi his, per quos juxta tuum animum voluisti res humanas administrari. Ita fiet, ut si principes tuo munere, te digna imperent, si pastores te digna doceant, populus bene imperantibus ac pia docentibus obtemperet, ecclesiæ simul cum ordine redeat pristina tum dignitas tum tranquillitas ad tui nominis gloriam. Ninivitis interneccioni destinatis, simul ut ad poenitentiam conversi sunt, pepercisti: & sponsam tuam pedibus tuis advolutam aspèrnaveris, quæ pro sacco habet suspiria, pro cinere lacrymas? Pollicitus es veniam ad te conversis: sed hoc ipsum tui muneris est, ut quis ad te toto pectore convertatur, ut omnia bona nostra redundent in tuam gloriam. Conditor es, instaura plasma tuum. Redemptor es, \* serva mercem tuam. Servator es, ne finas eos interire qui toti pendunt ex te, & serva servos tuos. Dominus es, \* afferre possessionem tuam. Caput es, subveni membris tuis. Rex es, da legum tuarum reverentiam. Princeps es pacis, inspira nobis charitatem mutuam. Deus es, miserere supplicium; esto (juxta Pauli dictum) omnia in omnibus, ut universus ecclesiæ tuæ chorus concordibus animis & consonantibus vocibus pro impetrata misericordia gratias agat Patri & Filio & Spiritui Sancto, qui ad absolutum concordia exemplum, personarum proprietate distincti estis, natura unum, \* quibus laus & gloria in æternum. Amen.

\* Afferre, vendicare.

\* O. G. cu.

F I N I S.

Orthuinus

Orthuinus Gratius pio lectori S. P. D.

Quemadmodum in omnibus ferme & singulis hujus libri præfationibus, omnem tibi salutem precati sumus, lector, ita quoque & hoc loco, eandem tibi deprecari non possumus. Totus enim ex animo sum tuus, modò quæ citra cujusvis offensionem in præcedentibus sunt dicta, in bonam semper partem interpreteris. Carterum quia de universalis ecclesiæ Reformatione multa sunt dicta, & propter nostros abusus, discordias ac varias tyrannides, multæ forsitan gentium nationes à nobis defecerunt, & tyrannos sibi ferociores sunt affecturi, non abs re fuerit, crudele Turcarum in suos imperium hisce præcedentibus opusculis adjicere, ut illis tandem condolendo & nobis in cunctis prospiciendo, aliorum discamus frui infania.

Turcæ igitur postquam Pontum & Cappadociam, Galatiam, Bithyniam, Lycaoniam, Pisidiam, Phrygiam utramque, Pamphyliam, Ciliciam, Cariam & omnem Asiam, quæ minor vocatur, ultra citraque Taurum ad oras usque Ioniæ & littora Græci maris occupassent, nec unum quendam principem, sed alios alii duces, & varia auspicia per factiones sequuti, tandè circa annum Christi M. CCC. XXXIV. \* Ottomanus quidam, exigui tamen census & obsecuti inter privatos nominis, ex collectio militum non ingenti manu per seditionem constata, grassari passim, ac non solum reliquias Christianas vexare, verum etiam suæ gentis homines infestis armis petere coepit, cui inter principes orta gravi discordia, foelicem cursum præbuit. Ottomanus itaque brevi auctoritatem adeptus Orcanem successorem reliquit, qui rem à patre inchoatam, longe lateque propagavit, cujus filius Amurates, Græcis de imperio dissidentibus, alteri auxilio futurus, in Græciam navigavit ex Asia, consultò bellum protrahens, ambobus fere consumptis, magnam Græciæ partem acquilivit: huic filius Bajazetes, qui, priusquam à Tamerlane Persa caperetur, magnas in Græcia res gessit. Eo mortuo, Calapinus filius natu major, à Græcis emissus, regnum tenuit, cui vita functo, † Orcanes filius succedens, à Moysse patruo pugna oppressus interiit. Quo sine liberis mortuo, Mahometes tertius Bajazetæ filius regnum incurrentè obtinuit, qui magnis in Europa rebus gestis, in Asia quamplures Turcarum regulos vi atque armis oppressos, regnis exiit. Huic defuncto successit Amurates, qui per id tempus in Asia manens, audita patris morte, in Thraciam conatus trajicere, à Græcorum Imperatore maritimo apparatu prohibitus est. Ex Mustapha natum Bajazetæ reliquus, ut rerum potiretur, à Græcis adjutus. Sed Mustapha bello victo ac interempto, Amurates victor universum regnum obtinuit. Huic mortuo, Mahometes successit, Constantinopolim, Thraciam, Mysiam inferiorem, Corinthum, Peloponnesum, Trapezuntinæ imperium, & quicquid Christo in Ponto credit, Imperatore securi percussor, cum Lesbos Mysiamque superiorem cum Euboea paternis regnis addidit, Capham Genuenibus vi eripuit. Cum Syriis, Egyptiis sapius congressus, Pannoniam, Germaniam cum multis millibus hominum abductis, sapius depopulatus. Per Illyricum in Italiam transfessus, in Foro Julii Venetos prælio ad Sontium vicit, villis inter Sontium & Tiliaventum amnes igne succensis, sese per Alpes in Juliam (quam nostri Celiæ dicunt) & Carniam recepit, ictò paulò post cum Venetis foedere, Leucadem, Cephaleniam & Zacynthum occupat, Magna validaque classe Rhodum per tres menses obsedit, ac tunc (proh dolor!) ipsius successor expugnavit & occupat. Tandem classe multisque hominum millibus in Apuliam trajiciens Hydruntem expugnat: \* Bestias oppidum Gargani montis demolitus, infinitis cadibus quacunque discurrens, omnia igni ferroque perdendo. Tandem in Orientis expeditionem profectus post ingentia facinora terra marique gesta, non sine veneni suspitione quinto Nonas Maii in exercitu suo moritur, anno Constantinopolitani imperii vicefimo septimo, mense secundo, die quinto, Anno salutis nostræ, M. CCCC. LXXXI. Hæc ex Anea Sylvio aliisque. Oremus itaque flexis poplitibus & levatis in coelum manibus, Deum Optimum Maximum, ut talis fiat à nobis in cunctis Reformatio, nostraque universalis ecclesia ad eam restituatur integritatem, ut miserrimi illi homines, fidei catholice desertores, nostri contemplatione & bonorum operum exemplo pellecti, ad præsepe Domini revertantur, ac salvi fiant. Vale.

\* Initium istius regni refertur ad A. D. 1300, ut Leunclavio, Lonicero, &c. videtur.

† Magna est inter historicos dissensio de nomine sue efforis Bajazetis: de Calapino isto & Orchano vicissim regnantibus, nulla apud meliores notæ historicos, ut probe monet Knolesius nostras rerum Turcicarum Scriptor diligentissimus, sub initium vitæ Mahometis I. Gesta Mahometis I. d. d.

\* Ita appellatum à templo Vestis ibidem olim sacro: ut Leandro Alberto placet, in descriptione montis S. Angeli in Apulia.

ORATIO

# ORATIO DE ORIGINE, POTENTIA

Ac Tyrannide Turcarum, ad Serenissimum & Potentissimum Henricum, Angliæ & Franciæ Regem, &c. ejus nominis. VIII. dicta Londini à D. \* Johanne Fabro.

\* Postea Episcopo Viennensi.

REVERENDISSIMO IN CHRISTO PATRI, AC Illustrissimo Principi Bernardo, Episcopo Trideatino, Serenissimi ac Invictissimi D. Ferdinandi, Hungariæ ac Bohemiæ Regis, &c. Archiducis Austriæ, &c. Protocancellario, Johannes Fabri Doctor, salutem; gratiam & pacem, ab eo qui est benedictus in secula. Amen.

Cum nuper exactius mecum, neq; id sine maximo dolore perpenderē, reverendissime præsul, quam variis calamitatum insultibus & procellis respub. Christiana aliquot jam retroactis annis undiquaq; vorsum sit lacerata, afflictaq; adeo ut parum abfuerit (nisi Deo Opt. Max. aliter videretur) quin perinde ut navis altissimo maris gurgite ad scopulum illisa, tot discriminum naufragio penitus interiret. Inde est, quod dubium mihi oboriri cœperit, tibine magis, qui jam in invictissimi atq; potentissimi Hungariæ, Bohemiæq; Regis D. Ferdinandi Principis nostri augustissimi Protocancellarium, communibus omnium votis pariter ac publico bono electus es, an universo potius orbi terrarum, cui talis tamq; circumspectæ prudentiæ Princeps moderator contigisse videtur, congratulari conveniat. Precor itaq; ut hoc quicquid est eminentiæ, tum privatum tum publicè foelix faustumq; sit futurum. Sed quis porro dubitabit, divina quadam providentiâ, hujus ferrei seculi longè quàm difficillimo temporum articulo, te in eum locum dignitatq; culmen, idq; citra ullam ambitionis notam esse evectum? Nam in præsentiarum aequè ac inter Scyllam & Charybdim constitutis, omnis melioris auræ spes, si qua reliqua est, in te uno & unico, non secus atq; in sacra anchorâ consistit. Siquidem altera ex parte Lutherisimi præsentissimo toxico tota penè Germania sit infecta: altero item è latere truculentissima Turcarum immanitas, toties jam (proh dolor!) nostro malo experta, latius sævire tentet. Tu ille ipse es Hercules, seu (ut significantius dixerim) David potius, qui funda tua, hoc est, singulari ac divina propemodum, qua præditus es, & eruditione & magnis magnorum consiliorum industria, superbum illum Turcarum Goliad sis prostraturus, ita ut ab his imminenti bus periculum securitatem, portum ac ipsam deniq; salutem nobis audacter polliceri possimus. Præterea si quis ad orthodoxam fidem & præsentem reipub. Christianæ starum, hæreticorum videlicet arietibus non mediocriter quassatum, oculos rejiciat, nonne sicuti de Hieremia propheta testatum est, quasi columnam ferream murumq; æreum, pro tota civitate Hierusalem, fortiter te opponi deprehendet? ita quod (auxiliante Christo) impii, seu etiam inferorum portæ adversum te nihil prævalebunt. Jam verò operæ pretiū quod sis facturus non arbitror, ut alius tum ipso (quod aiunt) ab ovo repertant; quot & quantas clades non dico ab exoticis illatas, sed quas a Germanis Germania perpetuo biennio accepit. Illas, inquam, furias & faces unde, obsecro, nisi à Lutherò, què pro sua virili acriter suffuldisse frigida constat, primū ortas dicam? Sed incendium hoc utcunq; vires suas longè lateq; sparserit, modò vigiles habere velis oculos, nullo negotio restinguetur: Germania enim, quæ olim inter omnes nationes ob verum Dei divorumq; Christi cultū, ob morū deniq; incorruptissimorum plusquā niveā sinceritatē, cū primis spectabilis commendabatur, simulatq; mutato instituto cū porcis in volutabro sese immergi, quàm è limpidissimis fidei scatebris bibere maluit, quid aliud præter intestinorū dissidiōrū semina fructus pepererit, non video. Itaq; tandē factū est, quod huic regno in sese diviso, Turca, ductu & auspiciis Saranæ, desolationē minari cœperit. Cui quidā in Lutherano ludo edocti, imò ipse Lutherus, minimè genti resistendū esse fortiter contendit. Belli, si diis placet, homunculi, meoq; calculo nequaquā indigni qui ad corvos amendantur, qui cū infidelibus bellandū esse prohibent, interim centena Christianorū millia miserè interficiunt. Alii vicissim ut sanioris judicii, ita probabilioribus argumentis, quantis quantis dicendi viribus possunt, bellum omnibus modis adversus Turcarum impressionem suscipiendum persuadere conantur; quorum sententiæ omnes quotquot sumus Christiani, merito subscribere debebamus. Eā igitur ratione ego quoque ductus, orationem illam ad Serenissimum Anglorum

Protocancellarius.

Clades Germaniæ à Lutherò.

Bellum Turcis inferendum.

R r Regem

Regem in celebri episcoporum ac procerum confessu Londini à me habitum, tibi non modò Mecænati meo sed & omnium studiorum, studioforumq; tanquam euidam Aſylo dedicare volui, quam ubi (quæ aliquin tua est civilis admodum humanitas) remident fronte ſulceperis, omnino exhibebis aſam, ut in poſterum ad conſimiles labores majori ſpiritu ſuſcipiendos accingar. Vale Reverendiſſime Antiſtes bonorum omnium patrone. Ex Vienna, decimoſexto Martii. Anno à Chriſto nato, milleſimo, quingentefimo viceſimoſexto.

Regna provinciarum que Regis Ferdinandi.

Initium religionis Chriſtianæ ex ſemine Verbi.

\* Joh. 4. 35.

Prædicator Apoſtolorum.

**S**ereniſſime ac Potentiſſime Angliæ & Franciæ Rex, Sacroſanctæ orthodoxæ fidei Defenſor pientiſſime. Nobis quos hic ob communem uſum & Rempublicam Chriſtianam non modò in priſtino ſuo ſtatu conſervandam, verumetiam laſius propagandam adeſſe coram cernis, Sereniſſimus atq; invictiſſimus, Dei gratiâ, Hungariæ, Bohemiæ, Dalmatiæ, Croatia, &c. Rex Ferdinandus, Infans Hiſpaniarum, Archidux Auſtriæ, Dux Burgundiæ, Sileſiæ, Brabantæ, Stiriæ, Carinthiæ, Carniolæ, Wirtembergæ, &c. Princeps Sueviæ, Marchio Moraviæ, Comes Habsburgi, Tyrolis, Ferretis, Kiburgi & Goritiæ, Lantgravius Alſatiæ; Marchio ſacri Romani Imperii ſuper Anſum & Burgoviz, Dominus Marchiæ Sclavonicæ, portus Naonis, & Salinarum Dominus, D. ac Princeps noſter clementiſſimus, tuæ Majeſtatis avunculus & frater, ſuo nomine tuam Regiam Majeſtatem ut plurimâ ſalute impartiremus injunxit atque ita ſe offert benevolum, ut quibuſcunque rebus tuæ Regiæ Majeſtati placere poſſit, nunquam non facilem & ſpontaneam operam ſuam præſtò tuæ Regiæ Majeſtati futuram polliceatur. Veruntamen cum ejuſmodi funciò ab eadem Regia Majeſtate mihi ſemel delegata ſit, ut coram Te omnibus numeris excellentiſſimo Principe, ac potentiſſimo Rege verba ſim facturus, Vereor equidem conceptæ de me expectatiori omni ex parte ſatiſfacere nequeam, cum vide licet onus ſit gravius majoriſq; molis, quàm ut humeris meis illud ſubire poſſe mihi arroganter aſcribere velim. Nihilò ſecius interim, dum me neceſſitas & voluntas eò Regia compulſit, rem, licet perarduam, utcunque humili dicendi ſilo expedire, & quoad fieri poterit, pauciſſimis abſolvere conabor. Non ignorat Regia Majeſtas tua, quæ inter graviſſimas ſorentiſſimi hujus regni occupationes Regiæ, etiam res ſanctas & quicquid uſpiam ad Chriſti fidem religionemq; pertinet, tum crebra lectione, tum meditatione frequenti pertractare conſuevit, quomodo Chriſtus Dominus & Salvator noſter, qui in principio erat, eſt, manebitque Verbum æternum, verbi ſui ſemen, ſanctæ & illibatæ vitæ exemplo, ac jugi prædicatione in hujus mundi agrum ſolicitudine non parva ſeminavit, quo ſemen hoc, in bonam terram jactum, fructum quoque produceret uberiorem, hanc tuo proprio ſanguine irrigavit. Sic ut ipſe verè unicuſque filius primuſq; fuerit, ac ſit, qui exierit ſeminare ſemen ſuum, non volens ut caderet vel in viam publicam, vel inter vepres, aut ſupra ſaxum aliquod, ſed in bonam frugiferamque terram, ortumq; faceret fructum cum ſœnore. Ad huiuſmodi cauſam, de ſemine parabolam ab Apoſtoliſ non intellectam pulchrè ediſſerit: Regnum coelorum grano ſinapis, quod ſumptis radicibus in ſtipitem, in ramos, tandemque in magnam arborem creſcit, comparat: multipliciterque in Evangelio teſtatur, ſeſe hoc voluiſſe, ut Gentiliu erroribus, ac Judæorum ſuperſtitione veluti ſpinis, tribulis, urticis, inſœlicibuſque loliiſ & miricis, atque id genus aliis terræ naſcentibuſ, falſam ac ſterilem proferentibuſ meſſem, ab agro mundi præſentis fundicuſ erutiſ ac evulſiſ, totuſ ager, qui munduſ eſt, flavelcentiſ & fertiliffimæ æſtatiſ ſpicas ex omni parte reſertat perpetuò generaret. Ea propter de ficu, ficulnea, ac cæteriſ arboribuſ, de meſſe, meſſoribuſ, falce, regionibuſ \* albiſ, vineæ, vite, agriculturæ, vinitoribuſ, coloniſ, æſtate, horreo, area, fructibuſ, centefimo, ſexageſimo, ac triceſimo, theſauro in agro abſcondito, & tribuſ ſarinx ſatiſ, grano frumenti & hiſce ſimilibuſ ſexcentiſ propemodum parabolis, arcana myſteria, ignitaſque ſententiâ ore ſuo divinè deprompſit. Percurrenſ denique Judæam, Galilæam, Samaritan, totamq; Palæſtinam, plantator, irrigator & incrementi præcipiuſ auctor, ſua manu ſtivam aratri, etiam uſque ad crucem, cruciſq; mortem non retroſpiciens, dixit, torcularq; ſoluſ calcavit, quo lætaſ ſegeteſ; meſem vineamque perfectam, in hoc agro Patri æterno, quem & ipſe vocat agricolam, plantaret. Et ne quid uſpium neglectum iret, etiam Apoſtoloſ quos alibi palmitē, & in Marco deſignat agricolâ, in mundum univerſum miſit, ut & illi reliquum & totum terrarum orbem, quaſi communem agrum hac ſœcunda plantatione replerent, denique juxta verbum Doctõriſ Gentium (qui Sacri Evangelii eſt tuba) Dei agriculturam facerent.

Et

Et ad illius exemplum etiam sanguinis effusione terrâ, alioqui ex primorū parentū transgressione spinosam, sterilem, aridam & penitus infœcundam, celestis gratiæ rivalis abundè irrigarent. Cecidit itaq; res brevi foeliciter, atq; adeo ut Apostolorum sonus in omnem terram exiverit, & in fines orbis terræ: à solis ortu usq; ad Britannia occasum verba eorum. Euntes ibant & flebant mittentes semina sua, Venientes autem venerunt cum exultatione, portantes manipulos suos. Non modò Samaria, sed etiam *Israhel*, hoc est, totus orbis, hoc semen. Id est, verbum accepit, quo universa terra (ut olim Aræ filia Caleb, irriguum superius inferiusq;) irrigata est. Facta sunt itaq; & creverunt lætæ segetes, regiones albæ, messisq; perfecta in Asia, Africa, Europâ, ab oriente usq; ad penitus toto divisos orbe Britannos. Hæc tempora non solum septennalem in Ægypto ubertatem, verumetiam Satomia regna longè superarunt. Ea quoque famēs divinisimī verbi Dei, de qua pastor rusticus & propheta Amos in pastoralibus Thæcæ nonnihil prædixerat, omnino sublata est. Terrâ enim dedit fructum suum, edierunt pauperes & saturati sunt. Jaddaveruntque Dominum. Comederunt veri Israelitæ panem absque ulla penuria, panem de cælo verum, in quo vivit homo, in cuius fortitudine cum Elia propheta ambulat, quisquis edierit, usque ad montem Dei Oreb.

Quumq; hæc plenitudo temporis, dulce plenumq; convivium, sexcentos perstitisset annos, Ecce! tenebrosa ac quasi intempesta nocte inimicus homo, non modò pseudopropheta & ementitus Apostolus, sed pseudochristus, qui se pro deo venditabat, Mahumetus spuris à patre idololatra, & Agarenis à matre, haud secus quàm calidus ille serpens, in paradisi dominicum agrum irrepit, zizaniarumque superseminavit, & quidquid recti, veri, honesti & salubris à Salvatore nostro, illiusque discipulis tanto labore & studio per priora secula plantatum & cultum erat, extirpavit, evulsit & quasi radicibus evertere atque evelere cepit: Nec aliter quàm horrendus ille & cunctis formidabilis aper, qui miserè quondam vastabat Arcadiam vicinasque regiones. Idem Mahumetus, abjecto pudore, longè lateq; depopulatus est. Ac semen quod in terram mirificè foecundam ceciderat, penitus evulsit extirpavitq;. In pessimâ & astutissimâ vulpis modum, vineam Engaddi, \* Zorec, utramq; illam electam vineâ Domini Dei Sabaoth perdidit, totumq; agrum sanctum, tam pulchris redimitum floribus, & Christi tam bono odore fragrantem, ut longè præcellerit odores Jacob filii Isaac, nardi, unguentorum, florentium vineatum, myrrhæ, balsami, mandragoræ, suavissimique thymiamatis, infecit. Is Mahumetus, etli ex infima fece obscuraque loco, dubium Arabs, an Persa natus fuerit, quasi ille inter Israelitas primus blasphemus de patre Ægyptio, & Israelita de matre natus, hujus mundi regna respuit, ut Christus in monte, fide suggerente tentatore diabolo, mox omnia ambivit & Satanam adorare cepit. Quippe Sergii, Nestoriani apostati, & Johannis Antiocheni hæretici auxilio & operâ fretus, rudi & nihil tale intelligenti Arabum populo, miris præstigiis Alchoranum præcipit, quasi legem demissam coelitus. Vidit vana & in pseudoprophetæ morem divinavit mendacia. Quo deniq; totum orbem, quem tunc in tres vias trium religionum, Christianismi scilicet Judaismi & gentilismi, divisum invenit, sibi vendicaret, ad se suamque nocentissimam sectam pelliceret, ex omni parte, ea quibus hominum desideria & illecebræ appetitus satiantur, inseruit; instabileq; in fide, hac via, in Antichristi modum, seducendo à vero, aberrare multifariam fecit. Et quo popularior esset, & multos brucos adnumeraret, ex omni secta quæ placencia erant, atq; Veneris & omnium voluptatum relaxare habenas solent, prædicavit, omnia contra sententiam toties à Paulo repetitam, in carnis occasionem. Sicq; consuit pulvillos (ut est in Ezechiele) sub omni cubito manus, & fecit cervicalia sub capita universæ ætatis ad capiendas animas. Quæ omnia huc pertinebant, ut ejecto Christo, ipse verus Messias, & quasi alter Nabuchodonosor, pro deo haberetur; cœli, maris terræque dominus esset. Et nationes, quas dulcedine voluptatum & titillatione carnis permulcere & ad se pettrahere non potuit, vi adigere animo suo cogitavit. Idcirco in suæ legis Alchorano spurcissimo, sic perpetuò servandū statuit, ut in quatuor plagas terræ Mahumetani reges quatuor Amiros (quos nunc Thacico vel Persico vocabulo Bassas, Slavonicè Vuonas appellant) eligerent ac intenterent, qui semper armis & manu potenti terras alienas incurrerent, hasq; Mahumetanæ ditioni seu tyrannidi subjugarent. Sic eo tam ambitioso ordine ac instituto repente factum exitit, ut iidem Mahumetistæ, quos majores nostri aliquot seculis Saracenos, & nos prævalescēte nomine Turcas vocamus, bellis quasi per manus acceptis, Mechâ nullo pacto contenti longè lateque per universum orbem regnare ceperunt. Quandoquidem defuncto Mahumeto anno suæ ætatis tricesimo quarto, illoq; cum suis aliquot pseudoprophetis affectis apud Mecham sepulto, Turcarum interim arma in externos fines nunquam quiescere leguntur. Idque non modò miranda, sed stupenda res fuerit. A Mahumeti morte si duntaxat numeremus centum proximè secutos annos, inveniemus quanta vicinis

M. humerus  
pseudochristi-  
filius.

Depopulator  
vinca Domini  
Sabaoth.

Doctrina ejus  
carnalis.

Iussit eligi  
Quatuor A-  
miros. quos  
nunc Bassas  
& Vuonas vo-  
cant.

Tricesimo  
quarto anno  
suæ ætatis  
sub Iteractio  
obiit.

R r : nationibus



nationibus damna intulerint. Quot imperia, regna, provincias & terras occupaverint, quæ cum obiter & per compendium, vel scire, vel alta mente revolvere non parum profit, rebusq; nostris valde conveniat, nonnulla commemorare libet. Non quodd, clementissime Rex, ista ne scias, qui rerum earundem & similium gestorum doctissimus & expertissimus es, sed ut in memoriam revocemus, parvus in Arabia igniculus in quantâ flammâ latumq; incendium brevi excreverit. Sic enim historię tradunt, sub Heraclio imperatore, Anno post Christum natum sexcentesimo tricesimo secundo, Mahumetum, qui se deum immortalem fecerat, obiisse mortem; illiq; dum viveret, ex aliqua parte Arabiâ paruisse. Fuit eo tempore Syroes Persarum rex, hunc Abubacher, Mahumeti cognatus ac successor, vicit exiitq; regno. Post quæ Haumar, secundus Mahumetanorum rex, qui repente irruit in Syriam, sanctamq; Hierusalē cum Dominico sepulchro occupat: Syriâ domat: Mesopotamiâ totam usurpat, ejectisq; Romanis Cæsaream Palæstinæ capit. Eodē Haumaro à quodâ Persa per insidias interfecto, Otman Saracenis præficitur. Qui mox Gabatham reliquamq; Arabiam, petream scilicet & desertam sterilem, & eam quam fecilem vocant, usq; in sinum Persicum, & ultra mare rubrum subiecit. Posthac Muhaviam prætorem cum quatuor Amiris misit, qui Antiochiam, primam sancti Petri Apostolorum antesignani sedem, cepit. Egyptum cum reliquis provinciis usq; ad Euphratem, fluvium ex paradiso (ut in Genesi legitur) fluentem obedire fecit, & transito Euphrate Edissam venit. Post hoc Saraceni, seu potius Agareni, non à liberâ, sed ancilla Ismaelitæ, Africam impetunt, & illius magnam partem tributariam facientes, extemplo cum mille scaphis & pluribus, Cyprum, quæ est Insula Syriæ & Ciliciæ opposita, invadunt. Mox Isauriam, quam Ciliciæ partem nonnulli fuisse dicunt, ac Siciliam deinde, angusto freto ab Italia divulsam, & in ea pulcherrimam iis temporibus Syracusanam urbem hostiliter obtinent, clarissimam in mari Carpathio Insulam Rhodum truculenta manu invadunt, & illic nobilem Colossium, statuum quidem septuaginta cubitorum altitudinis, ex ære mirabili artificio confectam, inter septem mirabilia mundi numeratam, hostiliter destruunt. Ex cujus ære Emisenus quidam, genere Judæus, nongentos Camelos onerasse legitur.

Eodem etiam anno, qui à virginis partu DC. LV. Mahumeti verò morte vicesimus tertius erat, Turcæ Armeniam intraverunt, & Mutianum Romanorum prætorē usq; ad Caucasios montes persecuti sunt. Sequenti anno Muhavias ex Amiro factus rex. Ita Syriis & Egyptiis patrocinantibus contra Halim, cui desertum Arabiæ adhæsit. Illico Romaniam, quæ Constantini magni temporibus ita vocari coepta est, ad Bosphorum, Propontidem & Hellespontum ingreditur, Ciliciam & Lyciam occupat, & per septem annos Byzantium, quod à primo Christianorum Principe qui verè Christi nomen agnovit, Constantinum magno, qui natus Britannus erat, si (ut par est) Lactantio credimus, Constantinopolis nomen accepit, terrâ & mari tam strenuè obedit, ut obsidionis anno primo fere continuis mensibus non recesserit Mahumetana classis à mari, neque inde castra mota fuerint à moenibus. Sed in longum nostra cresceret oratio, si recensere perrexero, quæ & quanta egerint reliqui post Muhaviam reges, Abdallam scilicet & Addimelech. Nam sub Justiniano Imperatore reliquas Persidis & Armeniæ partes occuparunt, ipsamque Carthaginem, quam tantis etiam temporibus Romana potentia subdere non potuit, potenti manu invasere. Ulid quoq; rex Damascus & Misiam, quam hodie Turcæ Sagariam dicunt, occupat, & Galatiam totam expoliât. Quod si magnas res & memoratu dignas hi homines huculque gesserunt, non minora Soliman, Haumar, Gizid & Elvelid, omnes Turcarum reges & Turcicarum rerum gubernatores, præstitere. Nempe Soliman Thraciam, in qua tunc Triballi, Dardani & Mysii erant, totam vastavit, Gizid in Sardiniam ruit, Haumare ita jubente. Anno salutis DCC. XX. inter diffusiones ac dissidia Justiniani & Philippi, Abduravia belli & exercitus Saracenorum Dux, ex Numidia, Mauritania & reliquis Africa locis, in Hispaniam transfretavit, illamq; totam & maximè Granatæ regnum sibi vendicavit, solis Galicia & una parte Castiliæ salvis. Et quotquot illic Visigothos ac Suevos invenerat, ejecit. Sicq; Saraceni magnam Hispaniæ partem eamque ferè octingentis annis occuparunt, quoad successu temporum, aliquot Hispaniarum Reges junctis copiis illos partim repulerunt. Et novissimè Ferdinandus & Isabella, Augustissimæ tuæ contortalis parentes, Serenissimi Regis nostri avus & avia, per quinquennale obsidionem, illos à Granaten. regno & urbe, Anno incarnationis Domini millesimo quadringentesimo nonagesimo ejecerunt. Ex quibus omnibus manifestum habetur & est, intra primum centenarium, quam effusè Turcarum vires creverint & auctæ sint, utpote qui majorem Asiæ, Africæ & Europæ partem violenta prædatione explaverint & occupaverint, nec interim ullo unquam tempore illorum arma siluerunt, de quibus enarrandis si liber scribatur, immensæ magnitudinis erit, usq; adeo ut illi regnandi tyrannus intra octingentos annos suarum virium alas latè extendit. Missis ergo ob temporis angustiam & tacitè præteritis Christiani orbis, fidei, rerum & popu-

Succesores  
Mahumeti  
Abubacher,  
Haumar.

Orman hic  
subiecit sibi  
omnem Ara-  
biam & Anti-  
ochiam.

Cyprum, Isau-  
riam, Sicili-  
am.  
Rhodum. Co-  
lossus Rhodi-  
us ab eo de-  
structus.

Muhavias rex.

Constantino-  
polis VII. ar-  
nis obella.  
Constantinus  
Britannus à  
Lactantio  
dictus.

Reges Abdal-  
lam & Addi-  
melech.  
Rex Ulid.

Alii reges Tur-  
carum.  
Soliman, Hau-  
mar, Gizid,  
Abduravia in  
Hispaniam  
trans'retavit.

Ferdinandus  
& Isabella Sa-  
racenos eieci-  
runt. A. D.  
1490.

pulorum jacturis, civitatum ruinis, regnorum devastationibus, cruentissimis tot hominū cæ-  
dibus, quas à septingentesimo usq; in millesimum quingentesimum Christianæ nativitatīs  
anthum Turci perpetrarunt: sunt ex viventibus, qui adhuc reminisci possunt, Amuratē Oc-  
tomannorum Turcarum principem à Christianis cepisse Thesalonicam urbem, quam dua-  
bus epistolis Tarlensis ille Paulus docuit in fide, Ætoliamq; quæ nunc Despotatus, & non  
modicam Illyrici partem vi subjugasse.

Amurates  
prin. eps Tur-  
carum.

Ac brevi multas urbes Atticæ, Bœotici, Phocidis, Achaia, Macedonia & Græciæ occu-  
passē, nobilissimas deniq; Ægæi maris insulas, Eubœam, quæ Nigropontus, & Chium (in  
qua Euchius nascitur, qui curas dissipat edaces) manu potenti ademisse, Lesbion quoq; &  
Mitylenen Macherei filia, Anno salutis M. CCCC. LXIII. eripuisse, & quod intra sexaginta  
annos ausus fuerit in Apuliam trajicere & Hidruntem vendicare.

Quo deniq; Serviam, tunc inferiorem Misiā, per occasionē adipisceretur, Georgii Ser-  
viæ Despoti filiam desponsavit. Et apud Varnam montem Uladislauum Poloniæ Regem, ac  
ipsos Hungarōs in prælio superavit.

A. D. 1444.

Quid quod\* quinquaginta plus minus sunt anni, quando Mahumetes Amuratis filius, quē  
cuncti ob magna facinora, magnū Turcā vocabant, per Hellepontū in Europam clasē traje-  
cit ad Euxinū mare, à littore Bospori castrum fecit, & Constantinopolim, alterū Christia-  
ni orbis oculū nobis ademit. Ac Palæologorū ultimam Constantinopolitani imperiū Rega-  
lem familiam cum ipso Imperatore evicit, & reliquā Romanā summo dedecore subdidit.

Constantinopolitano incidit in A. D. 1503. & Regni Hen. 7. 19. Oratio autem hæc habita est ad Henr. 8. postquam Defensoris  
fidei titulum adeptus sit à Leone 10. 1521.

Hinc Peloponnesum, non tantū gentiū in ea quondam nobilitate & potentia, sed locorum  
etiam situ, promontoriis & finibus nobilem, prædam sibi fecit, & omnem Christi populū  
abduxit, eoq; pro vilissimis mancipiis usus est. Et mox irruit in Achaia, Acarnania, Epi-  
rum, Bulgariam & Serviam, quas omnes, & quicquid ab Adrianopoli, ac intra Savū amnē  
& Danubium flumen interjacet, cum magna parte Valachia, quæ olim Dacia, suis imperiis  
ac regnis adjecit. Bosniā postremō, quam veteres Misiā superiorem nuncuparunt, & quæ  
horreum Cereris ob fertilitatem dici meruit, Hungariæ & Croatiae conterminam, ingressus  
est, & tanquam horrenda tempestas, illic cuncta vastavit, illamq; cum universo regno &  
Christiano rege comprehendit destruxitq;.

Peloponnesū  
prædam sibi  
fecit.

\* Fœdus est  
hic error;  
quinquagesi-  
mus enim an-  
nus à clade &  
excidio Con-  
stantinopolitano incidit in A. D. 1503.

Idem etiam Mahumetes mox nobilem & naturā invictissimā Mitylenen denuo expu-  
gnat, & Trapezundarū imperiū diripuit, & ut summam complectar multa, lite unus tyran-  
nus in Asia minore duodecim regna intra brevissimos annos obtinuit. Pontum C. Bithyniam  
Cappadociam, Paphlagoniam, Ciliciam, Pamphiliam, Lyciam, Cariam, Lydiam, Phrygi-  
am, ac fere omnem Peloponnesum, quæ pene insula est & Morea nunc dicitur, demptis re-  
liquis provinciis, insulis & urbibus, quæ illius nomen & pedes adorant.

R. giōes Græ-  
ciæ suo imperi-  
o adjecit.  
Bosniā, horre-  
um Cereris  
devastavit.  
Mitylenen ex-  
pugnavit, de-  
nuo Imperiū  
Trapezontis  
diripuit.

XII. regna in  
Asia minore  
obtinuit.

Isthmū Mace-  
doniamq; sibi  
subjugavit.

Ad hæc omnia idem Turcus adjecit Isthmum qui angustio tramite Helladi Peloponneson  
annectit, & Corinthū celeberrimam urbem continebat: Albaniā, quæ olim Macedonia, &  
ab Albanis supra Colchidem habitata, Scopiū & Dyrrhachiū. Et quædā in Epiro: ad finem  
quoq; vitæ capta Phocide urbe à Phoco Thesæi fratre condita: Soldanū Assyriorū & Ægyp-  
tiorū regē, prælio superavit. Et fortē + quadraginta sunt anni, ubi Caffa, illiusq; imperium,  
quæ est in septentrionali plaga & in Taurica Chersoneso, non longē à Mæotide, in manus  
Turcarum devenit. Et inde uno impetu, septuaginta millia Christianorum captivi abducti  
sunt. Interim Urgent Mahumet, Assimbeī Ulucaflani filius, in regnis Parthorum, Persarum  
& Medorum, Mesopotamiæ & Armeniæ regnare cœpit.

+ Hoc etiam  
falsum est:  
Cassa enim  
capta est A. D.  
1476. cui  
si adicias 40.  
non attingit  
ultra annum  
1516.

Soldanum  
prælio sudit.  
E Caffa sep-  
tuaginta milia  
Christiano-  
rum abduxit.

Irruit in Hun-  
gariam.  
In multis A. A.  
stric provincia  
impresit  
enens fecit.

\* Suspitor  
hoc nomen,  
quoniam non  
occurrit inter  
coinque pli.  
Prophetia isa-  
vid de Turcis,  
Plal. 78.

Temporibus itaq; Matthiæ Regis inferioris Pannoniæ, quam nunc Hungariam vocitant,  
Mahumet irruit in Rasanum, Lycoshanum, Severinum, Clidium & Moncastrum, pugnacissi-  
mas urbes, in ripis Danubii & ad mare sitas. Ex illis quoq; in Hungariam, Savō, Tiavo  
& Danubio fluminibus liberum transitum fecit.

His quoq; & bonæ memoriæ Imperatoris Romanorū Friderici tertii, nostri Regis proavi,  
temporibus, Bajafetes per duces, quos (ut antea dictum est) Turci Bassas, & Slavonice Voonas  
vocant, gravissimas incursiones in Pannoniam, Croatiam, Dalmatiam, Illyricum, Carniam,  
Carniolam, Carinthiam & Styriam, inclytas domūs Austriæ provincias intulit, & sic Ger-  
maniam pugnacissimā, à limine primus Turcarum salutavit. \* Narantemque Regis Mat-  
thiæ portū, regnumque Croatiae, quod olim Liburnia fuit, majori ex parte vastavit.

Sic itaq; Turcarū tyrannus, illiusq; res ex minimis principiis in immensum penē creve-  
runt, & ubi per Apostolos ac martyres olim signum crucis, nomen Christi, templa summi  
& veri Dei erecta sunt, venerant gentes (ut est in regio citharcedo propheta) in hereditatem  
Domini, polluerunt templum sanctum & tabernaculum nominis ejus, posuerunt Hierusalem  
in pomorum custodiam, morticina servorū domini efcas volatilibus cœli, carnes sanctorum  
bestiis

Turcarum  
immanitas in  
devi. os.

bestiis terræ, effuderunt Christianorum sanguinem tanquā aquam, & non erat qui sepeliret. Patriarchas Antiochiæ, Alexandriæ & Constantinopoleos, Archiepiscopos, Episcopos ac sacerdotes, dei ministros & mysteriorū dispensatores, & electos Christi milites, ense (quē illi Sobolam vocant) necaverint. Uxores & virgines castissimas inter obscena Mahumeti prostibula prostituerunt, hisq; abusi sunt.

Viros & mulieres, senes & juvenes, absq; sexus & ætatis discriminē, dum hæc fierent, abduxerunt: In miseramq; Pharaonis servitutem, ad coquendum lateres, ad fodiendum arenam ad remigandum in triremibus, more \* Galeatarum, rejecerunt.

Ah! quoties infantes ab uberibus & lacte matrū avulsi sunt, & interim in illas pudicissimas matronas Lucretias, spurcissima Venere sævitū est. Quis nefandas transactorū temporū cædes, stupra, adulteria, sacrilegia, tot clariss. urbiū everfiones, referre sine lachrymis potest?

Veritas & res gesta est in Mitylene, Constantinopoli & Trapezunda, quoscunq; divino cultui devotos & addictos invenerē Turcæ Archiepiscopos, episcopos aut religiosos, perinde ut boves in campis & foris mactari fecerunt. Et in prælio † astatis proximæ, non satis erat quod octo Episcopos Pannonū interfecerant; sed post stragem, inter mortuos Christianos, Archiepiscopū Strigonienfē, Cancellariū regni, ac dominū Paulū Archiepiscopum Coloceni, utrumq; pro fide Christi mortuum, Solyman Turcarum princeps decapitari, & in frustra ac minutissimas partes (ut nonnulli retulerunt) secari ac discindi impudico ore jussit.

Reusneri narrationes rerum Turcarum edit. Francof. 1603. pag. 44.) unde constat orationem hanc habitū esse 1527. i.e. anno sequente; vel saltem sub finem Anni 1526.

In magnates  
Rascia & po-  
pulum Eu-  
boxæ.

Turca in Rascia, hoc est inferiori Mysia, quæ Servia nunc est, cunctis magnatibus oculos erui, quasi alter Julianus apostata, præcepit. In Eubœa verò innumerū populū palis suffixit, alios obruncavit, plerosq; ignito ferro discerpit: pueros & infantes nondum ablactatos laxis illisit, & pro tyrannica consuetudine multos per medium scidit.

In Impe. Tra-  
pezuntium.  
Urbes magnæ  
sub Turcis.

Trapezuntium autē Imperatorē, cum Ponticæ oræ & Cappadociæ principibus, liberis, uxoribus, Byzantium velut in triumphum duxit, ductosq; lachrymanda morte interemit.

Prætereo urbes, civitates & castra, quæ Turca ferro & flamma perdidit, & quædam solo æquavit. Quid quod non sine Christianitatis magno vixq; vincendo periculo, celebriores urbes, quas orbis habet, suæ tyrannidis vocem audiunt, inter has expressis numerare nominibus cogimur Tripolim, Smyrnā, Sebasten, Cæsaream, Antiochiamq; quæ olim \* Reblatha & Petri prima Cathedra, Alexandriā, quæ Evangelistæ Marci sedes fuit, Damascum, Joppen, Acalonem, Tyrum, Sydonem, Alchirum, quæ olim Memphis, † Balthac, quæ Babylon, Athenas, Theffalonicam, Laodiceam, Colossam, Philippidem, Thebas centum portarum & Niniven trium dietarum, ipsamq; arcem Sion, unde exivit lex, & Hierusalem, unde exivit verbum Domini, aliasq; propemodum infinitas & potentiores totius mundi urbes populosissimas & opulentissimas & augustissimas.

Adhuc tam amplis imperiis, regnis, provinciis & urbibus ἀπαλεῖν ille orthodoxæ fidei hostis non est satius, sed totus ad hoc tendit, & animi sui audacem cogitatum adjecit, quando ad orientem solem nihil ferē reliqui habet quod rapiat, sed illic terræ & maria illi obediunt, jam ad nos rapacissimos suos ungues convertit, & reliquā occidentalis ecclesiæ particulam, quæ in illius comparisonem quasi tenui filo pendere videtur, demoliri conatur.

Est quoq; illius proculdubio præsumpta & elevata in cœlum usq; cogitatio, nolle cessare, quoad in fluminibus tuis (hic cave prudenter & defende viriliter, catholice Rex, qui fidei Defensor es) etiam Tamesi juxta regiam tuam suos Turcicos asturcones equos & camelos adaquet ex eoq; potum præbeat.

Et ut Lybico, Persico, Ionico, Ægæo, Hircano, Tyberico, Adriatico, Euxino & aliis maribus prævaluerit, ita sibi facillimum & citissimē futurum non dubitat, etiā \* Polygoniæ tuæ Britannicæ, Orcadibus insulis, Islandiæ, ultra circulum arcticum imperare, ut ipse unus ac primus sit futurus, cui ad Maronis hemisphericum serviat ultima Thule; & sic non modò oceano, sed & toti mundo præfidere ambit, fortē cū Pellæo juvene, tandē quasiturus à philosophis, magisq; prudentibus, an ullibi locorum sit alius mundus, ut & illum sibi subjugari festinet. Eapropter cum in Æthiopia supra Ægyptum, quæ India est, Naid Gian, quæ nos Pretejan dicimus, non formidet, a Syria & Assyria, Melech, Lastrapli, Soldanum deleverit, cum Tartaris ultra Tanaim & Mæotides Paludes affinitatem contraxerit (Nam illorum rex viventis & nostris temporibus in nos tam dirē ferocientis Solymanis sororem in uxorem ascivit) & cum his Scythicis populis, qui ultra Volgam amnem & supra Caspium mare degunt, amicitia teneat & pacem: Iberiam, in qua olim Bacharites Melech, pro voto habeat, Sophiq; Persiam bis prælio vicerit, Etiam ab illius regia urbe & regali sede nobis viventibus profligaverit (Ita in proximis comitiis procerum Romani imperii apud Norinbergam, ubi etiam tuæ Majestatis regii Oratores aderant, Sophi Persæ nuncius ad Regem nostrum destinatus

\* i. e. Multan-  
gula: sed  
quid hoc ad  
dignitatem  
& fortitudi-  
nem Britan-  
niæ? ingeni-  
um Oratoris  
erat nimis fa-  
cultatum &  
crassum, cum  
nullum majus  
illi aderat  
genus  
quā polygoni-  
a.  
Potentia  
Turcarum.

natus referebat) neq; sit, quod hunc Persarum regem vel alium quemquam in terra formidet; Ideo huc omnes potentias viresq; suorum potentissimorum regnorum convertit, ut Hungariæ & Croatiae regna sibi contermina, & deinde tantillū quod superest Christianitatis evertat, vastet, sibiq; subjiciat. Sic intra sex annos sub Adriano hujus nominis Romano Pontifice sexto, Rodon insulā & civitatē Rhodianā a cruce signatis militibus expugnavit. Sic Belgradum Taurini oppidum, quod alii Albā vocant, verē bellum Pannoniæ gradum, cum munitissima arce, non modo Hungariæ, sed totius Christianitatis propugnaculum evicit.

Rhodon insulam sub Adriano Rom. Pontifice cepi.

Et profectō dolenda res est, ut Rhodos Lydiæ Insula, quæ olim perpetuo quinquennio à Soldano Ægypti armata classe vexata, & posthac ab Ottomanno Turcarum principe, cum centum millibus armorum, octoginta diebus obfessa, libera & invicta fuit, & Belgradum urbs munitissima à Mathia Rege faucibus Turcarū erepta, sic avo nostro ab immanissimo illo tyranno, Christianorū dissidio, desidiā dicere volebam, occupentur. Et ex his, ut plerisq; aliis Christianorum locis Christi fideles innumera quidem multitudinis jugulati, & reliqui compedibus & catenis victi, abducti & in Mahometis sectam reiecti sunt.

Anno verō præfenti, ætate præterita, Solyman ille Turcarum Imperator factus, ut se immortalem, & adhuc adolefcens, populum sibi in viridi applaudentem faceret & conciliaret suorumq; regnorum fines augetet, in propria persona sese à sedibus propriis movit, & tanquā Artilla, flagellum, fulmen & terriculamentum orbis cum potentissimo exercitu tam equitum quā peditum ultra centum & quinquaginta, & fere ducenta millia hominum, cum Camelis (ut quidā retulerunt) triginta millibus, navibus tribus millibus, equis, artemis, munitionibus & commatu instructissimus Hungariam invasit. Petriaradin & alia quedam munitissima castra cepit. Ex his aliqua in cinerem vertit. Infinitam Christiani sanguinis multitudinem cruenta & immitti clade, cæde mactationeq; carnifex ille perdidit.

Quæcunq; etiam tam hominum quā vamentorum, aut bonorum ex lateribus fluviorum, Savi, Travi, Tragi & Danubii invenit, vastavit: & in prædam quasi leo rugiens diripuit. Idq; in longitudinem, si solam Hungariam eamq; à Belgrado metiamur, per quadringenta, & in latitudinem per ducenta ac plura Anglica millia, & quidem parvo temporis decursu, hoc est, sex mensibus perpetravit.

Quod deniq; horribilius est, occurrentis Ludovici Regis exercitum validissimum, octo episcopos, ac regni primates & proceres profligavit, & in tuæ Majestatis ac omnium Christianorum Regum & Principum perpetuam ignominiam, & vix abluendum dedecus, pientissimum Regem, eumq; florentissimæ ætatis, juxta Tragum flumen, in obscurnā & profunda palude immaturā morte interire fecit.

Facilis memorie regem Ludovicum Hungariæ fugavit & trucidavit. Pene traxit ad Budam, quam incendio perdidit.

Et mox triumphabundus Sennacherib ille blasphemus, sese in ejusdem Regis regale solium, quod in inclyta urbe Buda fuit, posuit: sese Hungariæ regem adorari præcepit, ipsamque Budā cum Pestā civitate, ex altera & opposita parte sitā, Vulcano tradidit, in favillamque & fumum perdi & abire fecit.

Nolim hic coram prudentissimo Rege diutius immorari circa cædes, latrocinia, jugulationes, prædæq; opimas, quas etiam in æneis machinis in subsidium missis abduxit.

Adhuc & sanguinarius hostis, intra fines nactos manere, atq; Constantinopolitano, Trapezuntio, etiam Cassæ Imperiis & plusquā sexaginta regum regnis contentari non didicit neq; vult, etiam si Macedoniam, quæ nunc Albania, habeat, ex qua gente ad excursionses sanè procacissima, Philippi regis filius, magnus ille Alexander, cum triginta millibus duntaxat militum, ut quintus Curtius testatur, fere totum sibi subegit orbem.

Jam verō minime sævissimus quiescit animus, sed diu noctuq; secum voluit ac meditatur ut singula reficiat atq; instauret, quæ ad ulteriorem & novum belli gerendi apparatus attinent. Terra deniq; & aquis commeatum comparat & instruit, quæcunq; pro ætate nunc proxima & imminenti necessaria sint, ut mox Hungariam, Croatiam, Austriam & proculdubio Germaniam, & reliquas Christianorum provincias, etiam occidentis quicquid superest, suæ ditioni subjicere possit.

Instruit sese ad futurum bellum Germaniæ provincias incendendum.

Animatur ad hæc & tam magna moliri Turca, quod videt Hungariam nunc sibi apertam esse, nec (ut olim) Euxino mari, aut Alpibus impeditur aut clauditur. Cecidit Croatiae regnum, quod suo hiatu fere totum absorbuit, deglutivit & delevit. Superest ut pessimus vicinus, reliquos vicinos, quos pati non potest, neque vult etiam, Te quoq; in brevi rostratis trirēibus & navibus, aut terra adoriatur.

Croatiam fere delevit.

Sciens & quasi præ oculis præsentaneis interitus Christianitatis interitus Serenissimus ac clementissimus Ferdinandus, Hungariæ ac Bohemiæ Rex, Archidux Austriæ, & princeps & dominus noster gratissimus, quid aliud faceret quàm quod maxime & primo omnium loco Christianum principem, à tot Christianissimis Imperatoribus, Regibus & Archiducibus parentibus, avis, proavis, abavis & aravis natum, & speculatorem fidem, contra venientem gladium decet ac plurimum ornat, in primis Christi, non propria quæstia gloria, præ-

Providencia Regis Ferdinandi.

cautes

cantes manus cum toto illi credito populo levet, & cinere aspersus cilicioq; in Ninivitarum regis morem & formam indutus, toto corde se vertat & clamet ad Dominum? Quis scit si convertatur & ignoscat deus & relinquat post se benedictionem?

Ad hoc veluti Josue contra Amalechitas pugnaturus pro salvanda Christiana rep. & recuperanda ab invictis possessoribus, Jebuseis, Cananais, Pherisris, Herthais, Amorraeis, terrâ prœfissionis, quæ lacte & melle fluit, etiam illa sanctâ civitate Hierusalê, si viriliter & fortiter contra iturû parat & jam irruenti sanè sævo hosti, perinde ut ordinis divi Georgii militem, quem Gedeonis & suscepti velleris clypei, ensis & hasta, sic tuis præscriptis legibus exigentibus, memorem esse oportet, undequeq; conscribit & colligit milites, machinas, cômearum, & quicquid ad exercitum utile & necessarium esse credit, nec adversus Christianos principes, sed contra Christiani nominis persecutores pugnaturus, hic diligentissimè adornat: Ita ut tuæ militiæ non impigrum agat militem, suorum fungatur officio.

Sed ne tã fortis & exercitatus in bello hostis vires & multitudinem contemnere videatur, gaudeantq; super illum olim inimici pessimi, neve in toto orbe rideatur, quod apprimè & operæ pretium cavendum esse prædixit Dominus, volens edificare turrim prius sedens sumptus computare debeat. At quis rex (inquit is, qui via, vita & veritas est) proficiscens ut committat prælium adversus alterum regem, nonne sedens prius cogitat, an possit cum decê millibus occurrere, qui cum viginti millibus veniet contra se? Eapropter apud se suosq; fidos quos habet amicos, & à secretis consiliarios invenit, nisi sua Majestas se ac reliquam deniq; Europæ & Christianitatis partem, non modò tributariam, sed penitus extinctam dedere velit, hostè cû quo certè dimicare oportebit, facilè non contemnendum aut negligendû, sed illi cû potentissimò exercitu Cataphractorû & leviorû equitû ac peditû obviandû esse.

Non ignorat profectò, sed à totidem exploratoribus fidiq; tam suâ Ma. quàm Christianorum amicis & monitoribus compertum habet, illum apud Turcas militarem esse ordinem, ut illis perpetuò sint equites octoginta millia, quos Timariotas vocant, qui & in duos divisi sunt exercitus, Asiaticum scilicet & Europæum, quorum præfidentes (ut antea diximus) Bassas vocant. Et quod, \* Sconisiarum equitum, qui sine stipendio, & pro quinta parte prædæ militant, semper quadraginta millia sunt, † Catipporum autem, \* Spahioglanorû & \* Soliphratorum ex Scythiis & Persis ad latus regis aliquot millia. Didicit etiam ac scit sua majestas peditum ordinem interteneri triplicem, Janiziarorum quidem, qui ex omnibus Turcarum regnis prociores ad hoc idonei per conquistores leguntur, & ab ineunte ætate, quasi ephēbi in publicis gymnasiis & castris, ut olim Lacedæmonii, nutriuntur, & ab albo pileo sursum versus porrecto, brevioriq; veste amicti sunt, hi urbes & arces oppugnant, & viginti millia sunt. † Atipporum autem peditum, qui rubeo pileo ab Janizariis discernuntur, qui in prælio hostium equos subfodiunt, quadraginta millia, & peditum voluntariorum qui sine stipendio militant, aut evocantur; demptis & non numeratis calonibus, lixis, fabris, nummulariis, insistoribus ac aliis id genus, \* magna qui vias sternunt, pontes fluminibus & stagnis imponunt, aggeres & reliqua necessariâ erigunt ac struunt ordinaria institutione, dum prodit in campum, educuntur propemodum infiniti. Illis autem sic instructis & à cunis ad bellandum edoctis copiis, parvo & imbecilli cuneo militum occurrere, cum illisq; manum conferere, aut prælio congredi, neq; Regi, neq; antesignanis consiliariis videtur admodum esse consultum.

Produnt historiæ veterum, quibus securè fidimus, Bajazetem Turcarum regem adversus Parthorum regem Tamberlanem \* Tambrullonem, à quo prælio superatus & catenis aureis vincētus in curru ducebatur, plusquam quatuor centena millia armatorum eduxisse, necdum illius potentia, quantum hodie crevit, aucta erat.

Proinde videt, & rectè, Rex noster, parvum non sufficere cuneum, sed opus fore potentissimo & validissimo, tam equitum quàm peditum optimè instructo exercitu. Quem si conscribere & collectum educere velit, illum commearu, machinis æneis, munitionibus & aliis rebus innumeris instruere oporteat. Id autem sine immenso thesauro pecuniæ (qui fortissimus cuiusq; belli nervus est) perfici non poterit.

Paratissima, totoq; animo propensâ esset Majestas illius, vel Midæ aurum ac Solomonis & omnium regum, atq; adeo totius mundi thesauros exponere, modò ut ipsa Christianitas ab hoc furioso, impio & fine Deo tyranno liberata & salva esset.

Sed (proh dolor!) à Frederici proavi, & Maximiliani avi Imperatorum temporibus, intra quæ Turcæ vehementiores, graviiores & frequentiores incursiones ac depopulationes non solum in Hungariâ & Croatiâ, sed & Carinthiam, Stiriam & Carniolâ Austriæ provincias, per crebros Saccomannos & latrones, quos Martyrosas appellant, fecerunt. Contra quos & in subsidium regni Hungariæ, quâdiu Rex noster Austriæ domum gubernandâ suscepit, septē continuis annis exercitum magnum intertenere coactus est, sineq; intermissione cōtra Turcas pugnavit. Non enim tã impius & crudelis in suos etiam Hungaros & Croatias esse voluit

Milites qui  
perp tuò pe-  
nes Turcam  
sunt.

Timariotz.

\* Gionli di-

cuntur à Laz-

Soranzo.

† Caripici.

\* Suluphtari

appellatur

à Lonicero.

Janizari.

† Asappi Laz-

Soranz. Azap-

pl. Lonicer.

Quomodo

Turcis occur-

rendum sit.

\* Vid. Loni-

cerum p. 16.

tom. 1. edit.

Francof. 1580.



voluit ut sese præcipiet in damnatissimâ Lutheri novâ & inauditâ hæresim, quâ pro suo more pertinaciter per insaniam affirmat quomodo Christianis contra Turcas bellare non liceat, sed Turcis omnes aperire portas Christianum & evangelicum principem conveniar.

His igitur tam diuturnis ac gravissimis incursionibus, depopulationibus ac bellis, militibusq; auxiliariis, sic suæ majestatis vires exhaustæ ac diminutæ sunt, ut suâ majestatis solâ hanc tantam tanti tyranni molem, nisi aliunde suppetias & suffragia, & potissimum ex tuæ Majestatis thesauro habeat, juveturq; sufferre solus non potest, & multo minus resistere ac repellere.

Quod si hac vice sua majestas divino assistente præsidio, tã irato ac frementi inimico non resistit, aut saltem prævalentiori Marte non prævaluerit: Jam non solum de Croatia regno cujus residua pars exigua est, & Hungaria, quæ ferè dimidia cecidit, sed de utraq; Germania superiori & inferiori, quibus dudum sciales misit & bellum indixit tyrannus ille, actum erit. Is etiam ad Caesarem, \* Dovarum, & ultra Britannos & occidentis fines excurrit.

Hæc res, tam prodigiosum inquam & abominabile malum, longè à Majestate tua & cunctis Christianis, Capitis, Regibus ac Principibus, ne contingat, abesse debet.

Est hoc negotium, siue Christum sanctissimum fidei nostræ caput, siue illius membra spectes, per omnia cômune, victoria cômunis, periculum ex altera parte cômune. Paries enim hic proximus ardet. Velimus, noliinus, congregiendum erit. Vincere ergo (ut breviter dicam) aut vinci, fugare aut fugere, necesse est, neq; hic ulla Fabii cunctatio levabit.

Et quia Regia tua Majestas hoc totidem sæculis à progenitoribus & antecessoribus, quasi inditum ac hæreditarium habet, ut Anglia posteaquam Christi nomen, baptismâ, fidemq; suscepit, pro illa tuenda quàm religiosissima fuerit, & fuso sanguine, quasi vitæ prodiga, sæpe acerrime pugnaverit; aliiq; pugnare volentibus fidelissimè assistit, & manus præbuerit auxiliares.

Sic sanè aliquot Britannorum Reges, dimissis quæ domi erant omnibus, ab occiduo sole in orientem, tremibus navigare Ptolemaidem, Syriam, Hierusalem & alia Palestinæ loca è faucibus Ismaelitarum eripere olim gravati non sunt, & tu non frustra, divino inspirante Spiritu, hunc & talem titulum quem rex nullus habet, adeptus es, ut Christianæ fidei Defensor scribaris, tenearis & sis. Quasi te Deus talem speciali prærogativa præviderit, nobisq; servarit, ut his temporibus, quibus tanto impetu Turcæ irruunt, assistas & resistendi materiam pro Regia liberalitate, sanguine juncto commilitoni ac avunculo præbeas. Pro his nempe suppetiis regiis & tuo regio titulo dignis petendis ad te missi sumus. Sed huic tam honorifico titulo, te vivente, & hac tempestate tunc satisfeceris, ubi Regem nostrum, commilitonem ac avunculum tuum, in hoc tam pio & maximè necessario opere non deferas, sed pro tua fortuna juves, & ipso opere factoque comprobis, quod nomine & titulo præfers, utpote qui Defensor fidei diceris, etiam opere & contributione sis.

Calamo velociter currenti adversus damnatissimum Lutheri monstrum ac hæresim hoc tibi posterisq; tuis accessit, ut fidei Defensor appelleris, idq; tibi ac tuo regno maximâ utilitatem attulit, qui à tam fœditiosa fabula ac cruenta tragedia, quibus Germania, prohodolor! nimium gravata fuit, liberatus es. Idq; non absq; divina gratia fieri potuit, sed nunc cum opera & hasta adversus infideles ac impios Turcas pugnandum sit, restat, ut huic titulo non defint opera. Nam & Jesus coepit facere & docere.

Apud Te cogita, discedentibus à te nobis, redeuntibusq; ad Regem nostrum, rebus non pro voto nostro obtentis, per Lutheranorum provincias redire necesse est. Quamprimum intelliget nos tanto itinere frustra venisse, gloriaturi essent, non modò Te non esse Defensorem fidei, sed & manibus & pedibus in hanc concessisse sententiam, qui cum illis & ad illorum sententiam teneres solam fidem sufficere absq; operibus, utpote qui fidem titulo tenuis, scriptisq; defenderes, verum re ipsa nihil præstare velis: sed hæc labes à tanto & tam catholico Rege longissimè absit, potius hoc respiciat, quod Rex noster, qui illius amicus tam sanguine quàm affinitate junctus facere constituit.

Paratus est Rex noster omnes vires, thesauros, fortunas, populos, provincias & quicquid usupiam habet, etiam corpus proprium, vitam propriam exponere, neq; dubitat, Dominus solem tamdiu stare jubebit atq; præcipiet, quoad veluti Gedeon alter, concessio velere sese de inimicis vindicavit. Adjecit cogitatum suum in Dominum, qui scutum est omnium sperantium in se, qui pugnabit pro eo, neque difficile illi fuerit salvare, vel in multis vel in paucis: Propterea non timet quid sibi faciat homo; Scuto circumdabit eum, ut non timeat à timore nocturno, à sagitta volante in die, à negotio perambulante in tenebris, ab incurso & dæmonio meridiano. Cadent à latere illius mille, & decem millia à dextris ejus.

Sic enim intra se Rex noster cogitat, si Deus Opt. Max. olim Carolo Martello Pipini senio;

\* Quoriam tam propro pede?

Resistendum esse Turcæ p'o cômune periculum.

Pro Christianitate defendenda, sæpius pugnatum est ab Anglis.

O. G. Novus ac peculiaris titulus Regis Angliæ.

Alii Angliæ Reges illo titulo gaudebant ante tempora Hen. 8. ut testatur D. Hen. Spelmanus. Papa igitur munificentissimè concessit Regibus Angliæ honorem quem longè antea omni jure habebant.

Magnanimitas Regis Ferdinandi.

A. D. 726. S.  
Calvis. P.  
Æmylius 2.  
per 4 annis  
postea.  
Armeniam re-  
cuperavit Fre-  
dericus Bar-  
barossa.

senioris filio dedit, ut Luitprandi Regis Longobardorum auxilio occideret centena millia Saracenorum; & sic felici hac victoria non paucos Saracenos ab Hispania & Gallia pepulit: Regibus autem Castilia & Aragonia concessit, ut Ermelinum Saracenorum regem ab obliuione Toleti, & tota Africa sulo exercitu eiecrint, & novissimè Frederico Barbarossæ Imperatori sic assitit, ut anno Verbi incarnati, millesimo centesimo quinquagesimo quinto, per Hungariam Constantinopolim venerit, post Bosporum quoque trajecerit; Non modo Philomenam urbem à Turcis, sed ipsam Armeniam minorem, Tyrum & alia recuperaverit: Is proculdubio mittet angelum de coelo, exterminatorem Ægyptiorum, qui Regem nostrum quasi Moysen per mare Rubrum, per vasta deserta & solitudines, in Terram sanctam ducet, & triumphatorem cum glorioso triumpho reducet.

Epilogo.  
Nihil unquam  
vidi minus  
affabile, vel  
verius dicam  
magis vitiose  
compositum  
hanc oratione  
Joh. Fabri,  
scu Auth-  
oris ad Inscitiam, sive Typographi incuria accidit: nomina in se barbara facta barbariora; rerum seriem turbatissi-  
mam; annorum temporisq; rationem confusam spectaveris: cetera in ipse in Epilogo fateatur. Quotum aliqua, quamcumque  
Integri editoris multus licuit, restitui; aliusq; lucem, novula in marginem apposita, dedi: nec tamen hoc istem ausus, nisi  
inter res Turcicas aliquot annis versatus fuissim in ipsa Aula Ottomanica, in familia viri Clarissimi D. JOH. FINCH, Orato-  
ris Regii; qui primus mihi notitiam hujus libri, illiusq; utilitatem laudavit.

¶ Hæc sunt, Serenissime & potentissime Rex, orthodoxæq; fidei Defensor fortissime, quæ propter labascentem Christi fidem, illiusq; imminentem proximè & præ foribus expectantem interitum, Rex noster tibi, non ut amico, sed ex duplici jure fratri & Defensori fidei nostræ proponi jussit. Quæ etsi rudi, inculta, ineleganti & prorsus barbara oratione, quæ nihil floris, succi & gratia habet, dicta sunt, rei tamen gravitas, & amor, quem semper in Regem nostrum gestare solitus es, totum quicquid usquam defuerit, proculdubio supplebit.

## ORTHUINUS GRATIUS DAVEN.

Presbyter, ac Bonarum Artium Professor, Lectori amico & bonis omnibus S. P. D.

EPISTOLA PER MODUM PERORATIONIS, IN QUÆ,  
non paucorum quæ hoc libro continentur, ratio assignatur, ut citra cujuscumq; of-  
fensionem, hæc omnia in lucem prodire optamus quilibet intelligat.

Luce 11.  
Matth. 5.  
Marc. 4.  
Luce 8.  
Coloss. 4.

In Medea.

Marc. 4.

Matth. 5.

De contentis  
in hoc libro.

**N**emo lucernam accendit, Christo teste, & in abscondito ponit, neq; sub modio, sed super candelabrum, ut qui ingrediuntur, lumen videant: Non est etiam aliquid absconditum, quod non manifestetur, nec factum esse occultum (dies enim revelat omnia) sed ut veniat in palam. Scimus quoque & Paulum apertò dixisse, Modestiam videlicet nostram cunctis hominibus notam esse debere. Hinc Menander Græcus, id ipsum confirmans, hanc solam virtutis promptuarium pulchrè decrevit. Et Euripides, Amet nos, inquit, modestia, donum pulcherrimum deorum. At quorsum hæc tam multa, lector candidissime? Ut tibi certò persuadeas, in hoc volumine ac cæteris etiam omnibus, absque nominis nostri professione nihil unquam in lucem prodire. Omnia enim quæ in hoc libro continentur (eo licet non ordine ac modo) ab aliis prius excusa receperimus: Nihil certè à nobis excogitatum, nihil additum, nihil confectum, unò & multa quæ scandalosa in marginibus deprehendebantur, & citra multorum offensionem legi vix poterant, atro signavimus lapillo, magna ex parte pro nostro erga omnes bonos amore, delevimus, ut gratiam tandem nobis iidem illi omnes haberent.

Nihil profectò in hoc toto reperies opere, quod non sum ac planè verum habeat auctoritatem, ne vel in tenebris, vel in abscondito, aut fictis etiam titulis sive nominibus, quicquam hic collegisse videamur. Omnia sunt nuda & aperta, ut & per diem honestè ambulare, & à nullo, vel critico aut Momo etiam carpi jure possemus. Hæc enim Christi doctrina est, ut lux nostra sic coram hominibus luceat, ut videant opera nostra bona, & glorificent patrem nostrum qui in coelis est. Væ ergo illis, qui in tenebris agunt quicquam, ferali rectius noctuæ quam aquilæ similes.

Ceterum quò rem ipsam planius explicem, ipsamq; fatear veritatè, multa sunt in hoc libro mala (veluti quidam, non parvè apud nos auctoritatis theologus, frontispicio sui li-  
bri

bri inscripsit) & multa similiter bona. Illa quidem ut vitemus, detestemur, fugiamus; hæc vero ut veneremur unicè lubentesq; sequamur. Non simpliciter, inquam, per te mala, aut noxia bene volentibus, sed illis solum, qui vel talia in bonorum perniciem scribere, vel illis temerariè indurati, in suæ animæ perniciem turpiter obtruterunt. Malum enim (ut nostri non vitant nisi cognitum, & contraria (ceu dici solet) contrariis curantur. Quibus obsecro contrariis? Impugnationibus, inquam, & condemnationibus. Qui hoc intelligam dicet quis? Sic mehercule, ut quas hic repereris hæreses, & convictæ tibi omnes sint & condemnatæ, ita etiam, ut aliorum hæreses & pestes execrandæ, quæ hoc tempore (proh dolor! nefas est dicere) ab induratis circumferuntur & in domum Domini licentius irrepserunt, convincere ad nutum queas.

Non est etiam, quod propter illa (si mala quæ impugnantur, quod absit, dicenda sunt) quicquam intra se ingemiscat, aut mihi, in cunctis bene volenti, ac fuci nescio, aliqua ex parte indignetur, quum in Evangelio tot fatuas habeas virgines, quot prudentes. De his autem & similibus, quæ in sacris literis habentur, in nostra ad te præfatiuncula, non pauca diximus.

Quid igitur tibi nunc referam insipientem hæreticorum perveraciam, technas, dolos, vafritiem & pestiferam in cunctis doctrinam? Sicuti enim ecclesia hæc militans & visibilis (ut supra retuli) & bonos habet & malos, ita etiam & hic liber bona æquè ac mala complectitur, id quod fermè de omnium ecclesiæ doctorem libris est sentiendum, sive Hieronymi, sive Augustini, sive Chrysostomi, sive Lactantii, sive aliorum deniq; doctissimorum fermè omnium scripta perlustraveris. Nec indecenter. Nam aliud est docere hæreses, aliud impugnare, aut etiam condemnatas in aliorum ædificationem publicare.

Quid amplius, lector, ut absq; Theseo, hæc omnia defensare possimus? Mali certè in tabernaculo Domini, bonis non præjudicant. Hinc Apostolus se pauca in Sardis normina habere testatus est, qui se docente non inquinaverint vestimenta sua, haud tamen ab eis qui tunc mundi fuere, sua vestimenta polluerunt.

Itemq; nec zizania præjudicant tritico, nec palea frumento, quamvis eodem in agro, eodemq; de coelo rore, vel ad messem usq; simul concresecant, & hæc in eadem area, donec ultima ventilatio fiat, æqualiter triturentur.

Hædi quoq; mitibus non modò non obstant bestiolis, sed ne præjudicant quidem, licet ipsæ in pascuis idem nutrimentum sumant, donec illi ad sinistram, hæc verò ad dexteram per angelos bonos collocentur.

Hæc certè quum ita se habeant, nec aliter sese habere possint, certo tibi certius persuadeas velim, ea videlicet, quæ per solidos primùm ecclesiæ doctores legitime convicta, ac deinde per Concilia generalia (quibus reniti temerarium est) iusto Dei iudicio condemnata sunt, offendiculum tibi aliquod substruere non posse. Nam exuberans in doctores Dei rivus vivo ubertim defudat cespitem, & ex sincero eorundem mentis recessu, nectar divinum (quo prævæ semper diluuntur hæreses) salubriter ebullit. Nihilò secius igitur nos hisce in rebus agamus, quàm si diversarum hæresum (columbina enim simplicitas, serpentis est iungenda prudentiæ) nulla nobis unquam esset oborta tempestas.

¶ Verum enimvero, ut latius tandem progrediar & rem ipsam accuratius explicem, nostraq; modestia (ut citra iactantiam loquar) tum tibi primùm, tum bonis tandem omnibus non sit ignota, utq; alter utriq; congaudeat, rationem tibi quorundam (bona etenim facti pars; cui numinis benigni præsidium adesse solet, est propensæ voluntas) in hoc opere contritorum perfunctorie ac summatim sum redditurus.

In primis igitur ut nihil te lateat, lector amice, ego Orthuinus à Graes, ex antiqua Gratiarum familia dioecesis Monasteriensis (id quod propter obscuras nebulonas & foedas eorum epistolas, à sede apostolica jampridem condemnatas, non sine causa diximus) in Holtwick, prope Cosfeldiam, patre seculari, Friderico à Graes prognatus, & Daventriæ, in dioecesi Traiectensi, sub ferula Alexandri Hegii, viri mediocris in utraq; lingua & doctissimi & optimi illic tunc Gymnasiarchæ, bonis à puero literis altus ac probe enutritus, & ob idipsum vulgò Daventriensis cognominatus, ingenuè ac libere fateor, omnium præfatiuncularum, seu perorationum quæ hoc libro lectori benevolo dedicate continentur (sive hæc duæ literæ O. G. præfata illis sint, sive non) me autorem esse. Sunt enim numero (ni fallar) novè & viginti. In quibus (si verum fateri licet) bonorū omnium honorem pro virili nostra tutatus sum, mihi atque aliis dolenter singultimq; conquærens, aliquot huius Fasciculi opuscula, contempto probitatis decore, furtivè ab aliis edita, atq; per universum fermè Christianum orbem sine honore aliquo latissimè divulgata. Quorum temeritatem ne sequeremur, suum libro titulum dedimus, ut tam fugiendarum quàm expectandarum rerum Fasciculus diceretur. Verum hac de re satis.

¶ Rationis nunc reddendæ materiam aggrediar. Concilium itaque Basileensè quàm celebre

Quo animo legantur hæreses.

Contraria curantur contrariis.

Pag. 404.

Ibidem.

Mali non præjudicant bonis. Apoc. 3.

De zizania & tritico simile.

De hædis & ovibus.

Corollarium ex præcedentibus: hæreses videlicet condemnatas bonis obesse non possunt.

Defensio quorundam quæ hoc lib. continetur.

\* Innuir Epistolas obscurorum virorum sibi inscriptas.

Cum honore omnium hic nunc liber editus.

Libri titulus.

De lapidibus  
Concilii B. si-  
lectus.  
Lau. Parisien-  
sum.  
Sapra pag.  
68.  
pag. 54. 63.

lebre fuerit, quamq; egregiè ac sanctū & in Christo Jesu legitimè congregatū, omnes penè Universitates satis superq; declararunt. Hoc autem qui ignorat, aut sese (nescio quā ob cau-  
sam) scire dissimulat, totius Academiæ Parisiensis, nunquā satis laudatæ, contra Leonem X.  
(virum alioqui in se & pium & bonum) non contemnendam (ut opinor) appellationem  
legat. Is proculdubio ibidem offendet, quanti illud fecerint doctissimi illius Universitatis  
viri quibuscum errare prouident mallem, quàm cum aliis (nescio quibus) imprudenter sen-  
tentes euestigio, quo illud Concilium honore sit dignum. Ipse enim legatus ejusdem,  
vir ut insigniter in suo constans officio, ita miro etiam modo in cunctis prudens. Cujus  
admonitionem Christianam si Eugenius acceptasset, ac Basileam (ut spondederat) advenis-  
set, aut populares hi tumultus modò non essent, aut à sanctis illic patribus jam diu fo-  
rent conspici, nostraque universalis ecclesia inter syrtim nunc & charybdim haud ita pe-  
riclitaretur. Sicut ergo Chrysostomo teste, omne bonum de templo egreditur, ita &  
de eodem omne malum. Adhuc ut Concilii Basileensis laudem prosequamur, videa-  
mus obiecto quonam modo Eugenius ipse per patentia sua diplomata Concilium hoc erex-  
erit, statuerit, ordinarit, legatumque suum, sancti Angeli (de quo statim dicebam) Car-  
dinalem, ad idem hoc prosequendum, eò destinarit, licet postea sacræ Universali Sy-  
nodo (nescio quo spiritu ductus) parere recusat, quum tamen complures causæ adfue-  
rint, quare sanctissimum hoc Concilium dissolvi non posset. Quæ omnia ut verissima  
tam agnoscas quàm comprobes, cape magnum Conciliorum volumen, Colonie excu-  
sum, & in prima hujus Concilii sessione, non pauca hac de re inuenies, quæ sint in ipsius  
& robur & munimentum. Fatetur quoque Eugenius post XVI. hujus Concilii sessi-  
onem, in prima (ut sic dicam) Bulla, sese in hoc ipsum, ut diligenter celebraretur,  
consensisse.

Hoc inuenies  
eadem pag.  
pag. 33 &c.  
Laus patrum.

Ad hæc iterum, non deest nobis Martinus V. Eugenii præceptor, qui in civitate Basile-  
ensi universalem Synodum celebrandam decrevit.

Synodus Divi  
consecranda.

Intuemur quoq; indefessos ac pios sanctissimi Cardinalis Arelatensis conatus & quo tam  
pietatis tū justitiæ zelo accensus, seipsū in eodè hoc negotio sacrificiū Deo obtulerit? Dii  
boni, quanta cura, quanta sollicitudine, quanta vigilantia, duo hi Cardinales cum cæteris  
patribus, die noctuq; illic defudarunt, ut pacificatore Christo Jesu intercedente, omnia schis-  
mata omnesq; hæreses ab ipsius tabernaculo removerent. Omnem quoq; simoniam & abu-  
sus omnes Divi apud inferos consecrarent. Vigilarunt profectò, una cum sanctissimo suo  
ac novo pontifice Foelice, supra gregem suum per devia atq; avia dispersum, positis contra  
leonum rugientium impetus ac rapacium insidias luporum excubitis.

Ille in locum  
Eugenii susce-  
pit.  
Sup. pag. 4.  
in margin. &  
374 præfati-  
one.

Adamus & his, lector, Foelicem ipsum atq; Arelatensem (sicuti nuper à Carthusiano quodam,  
mistræ apud nos pietatis ac doctrinæ viro aliisque multis sæpenumero accepit) divinis  
claruisse miraculis. Quæ nunquam Deus Opt. Max. per eos fieri sinit, si Concilium illud  
de quo loquimur, minus legitimè in Spiritu Sancto congregatum fuisset. Erubescat igitur  
scurrilis ille & mendax Poggius, qui hunc beatissimum Foelicem, in sordidissimis suis inve-  
ctivis Antipapam appellare est ausus, quum hic retrusiora Dei mysteria non ignorans, intra  
domus Dei teptā nos omnes conservare effictim laboriosq; satagerit.

De Nico. V.

Postremo, ne longum faciam, lege, obsecro, exquisitum Nicolai V. diploma, quod in  
eodem magno Conciliorum volumine, ad illius fermè calcem, post quintam & quadragesi-  
mam prædicti Concilii sessionem continetur, ubi clarè inuenies Foelicem hunc, fratrem  
suum ab eo appellari, neq; solum prædictæ synodi & gesta & acta, sed & hujus etiam bea-  
tissimi patris omnia ac singula (ut dici solet) quæ in suo gessisset pontificatu, celebriter  
esse confirmata. Testatur id ipsum Johannes Stella Veneris in suo pontificum catalogo, tes-  
tatur & idem Nicolaus à Clamengis Archidiaconus, qui Eugenium IV. ad Christianissimum  
Francia regem christianis fatetur, ut Concilium Basileense annihilaret, quod tamen  
(licet Papam eum agnosceret) facere recusavit.

Require sup.  
pag. 3. 2.

Pag. 404

Adde huc, nullum in hoc celesti sanctoium patrū confesso bubonè esse visum: Quod an  
conciliabulo Johannis XXIII. Romæ infœlicis contigerit, à nobis in præcedentibus est ex-  
plicatū. Hæc atq; alia id genus multa satis superq; testantur, quanti conciliū illud nobis om-  
nibus sit faciendū. Mihi igitur faciliè persuaserim, neminè tam emunctæ naris hominem fu-  
turum, qui publica illius editione (modò secum habitare, seq; ipsum penitus inveni-  
merit) queat offendi. Quid multa? Audivi sæpenumero à doctissimis viris omniq; virtute  
præditis, hoc solum id quod ego neq; dicere, neq; affirmare sum ausus) omnium malorum  
esse semina, tumum videlicet pontificem Concilio universali obedire non velle. Quod  
an ita sit, ab Ænea Sylvio atq; ab aliis abundè satis dictum opinor.

D. appellari  
one docto um  
Parisien. om.

Cæterum hæc mista faciens, receptui nunc tecū canam, ad inadulabiles ac præclaros  
Parisienis Academiæ doctores celerius properando. De quibus meretule nihil amplius  
misi

mihi dicendum putaverim, quàm ut eos, invictos iustitiæ ac veritatis patronos fuisse significem atque attestet. Sic enim mea sententia, sub omnia consilio & ratione librarunt, sic omnia ad amissum perpenderunt, ut quicquid per eosdem de moribus reformandis & castis legibus vel dictum sit vel scriptum, ex tripode nobis prolatum credamus. Reliqua, quæ hic desiderantur, loco à me adnotato sunt dicta. Papam itaque an universali ecclesiæ obedire oporteat, Itemque an Pius II. *Æneæ* Sylvio suo per hoc vel illud (ut dici solet) decretum in aliquo degenerarit, sequere inconstantem in hac re ac levem declararit, universali ecclesiæ discutiendum relinquo. Hoc qui intelligit, non obscure quid velim, tueretur.

¶ Ad insignes nunc Leonis X. legatos properemus, qui decimas à Leone decimo (nescio quam iuste ac probe) à Germanis, Diomedæa quadam necessitate exigentes, sibi ipsis cantare visi sunt, atque inter sacrum & saxum constituti, fucum nobis facere non valuerunt. Noster episcopus Hercules, coram divo Maximiliano Imperatore malo nodo malum adveniens cunctis, clavum clavo retrusit, ne tam propere Romanistæ illi, nostris onusti pecuniis, in suos montes, suo more, & ut ipsi putarunt, subvolarent. Nec immerito; Nam in Concilio prius Constantienli decretum fuit, nullas à sede apostolica decimas, nisi de universali ac communi omnium nationum consensu, exigendas esse, ut eò facilius animadverterent (satis enim diu excæcati fuimus) unum nobis dixisse prophetarum: Væ qui congregat avaritiam malam domui suæ, ut sit in excelsu nidus ejus, & de manu sese mali liberandum putat. Nunquid non est hoc à Domino exercituum? Nihil mehercule in pietissimum loquor pontificem, qui in sese ipso (ut sæpe dixi) & benignus fuit & bonus. At quales & quàm boni ipsius nuntii atque emissarii fuerint, non Germania solum sed & multe etiam nationes aliæ clara voce testantur. Quorum culpâ (nam bonam illorum partem novi) eò miseriarum venimus, unde nos ac boni omnes excidere forsitan nunquam possumus. Tu itaque, lector, veritati ausculta, & duas illas orationes, quæ Parisiensem sequuntur appellationem, cum nostro simul ad te epistolio boni consule. Nam quæ in aperto & in Principum illustri, comitiis coram divo Maximiliano sunt acta, iniqui tu (etiam si illa rumpantur Codro) consilere non potes.

¶ Nunc ad Hildebrandi pontificis sive Gregorii VII. historiam declinemus, quam Benno Cardinalis accuratissimè conscripsit. Quem si ego falsitatis redarguere voluero, nihil aliud egisse videbor, quàm si laterem lavare, aut Veneris sandalium coner reprehendere. Quorum hæc? Si propter malam ipsius vitam & opera quæ gessit mala, quæque hoc Fasciculum complectitur, totus tibi hic liber abjiciendus sit, projice obsecro abs te actutum Cantica canticorum ac reliquos Bibliorum libros, in quibus stupra & incestus, ac nefandissima quæque, à nullo non modestissimo recitanda, continentur. Projice inquam abs te Suetonium Tranquillum, nobilissimum historicum, quem de Julio Cæsare, Augusto quoque & aliis quibusdam Imperatoribus (quum Colonia illum in frequenti auditorio publicè profiteretur) ob stupendam planè ac indigna relatu conscripsisse deprehendi. Projice iterum & omnes ferme rerum scriptores. Tum etiam Horatium, Juvenalem, Ovidium, Tibullum, Propertium & sexcentos alios, qui malis aequè ac bonis abundant. Hoc autem quia nemo bonus unquam fecit, minus certè nobis indignabere, si Hildebrandi historiam, talem qualem (ut dici solet) ab aliis minus decenter impressam, tibi non absque decore, perbeate tradiderimus. Perge itaque ut coepisti, & nostram illic præfationem minime velim contemnere, in qua scripsi, Hildebrandum fortasse iniquum (honores enim mutant mores) & Gregorium in cunctis non semper iniquum. Verum hac de re satis. Nam, ut Aulo Gellio placuit, Optimus est homini linguæ thesaurus & ingens gratia, quæ parvis mensurat singula verbis. Est enim qui labitur lingua sua, sed non ex animo. Et si quis verbo non offendat, is perfectus est vir, estque beatus qui non sit lapsus verbo oris sui. Nec mirum. Nam omnia rectè agere & nunquam falli solius Dei est, non hominis.

¶ Henrici IV. Cæsaris Augusti vitam & institutiones imperiales, aureo Caroli IV. Rom. Imperatoris diplomate contentas, nemo non & veneratur & colit.

¶ Ad Vallam itaque progredimur. Constantini magni donationem impugnantem, aut rectius confictam & nunquam esse factam, vero verius & certo certius absque Theleo more suo demonstrantem. Hæbes hic, lector, non solum Laurentium Vallam, miræ eruditionis atque eloquentiæ virum, verum & alios summæ autoritatis viros, id ipsum cum Laurentio constanter adseverantes, Nicolau in primis à Cusa Cardinalem, sanctum Antoninum, Raphaelæ Regium, Alexandri VI. cubicularium, Pomponium Latum, Socratem Græcum, Theodoricum, Sozomenum, Egnatium, Aurelium Victorem, Volaterranum, Nauclerum, Capnionem, multasque tandem legisperitorum allegationes, quas post Vallæ declamationem, præactis nunc authoribus, non indecenter interseruimus, quibus certè inconsultò reniti dementissimum foret, nec ego sum is qui hoc vel auderet vel posset. Verum enimvero, quid ex his lector inferes? Nunquid Papam injusto titulo suæ quæ habet possidere existimas? Absit lector mihi in Christo charissime. Est enim Papa Christi in terris vicarius, &

Sup. pag. 48.

Pag. 72.

Pag. 77.

Abacuc. 2.

Hæc historiam requirere supra, pag. 77, &c.

Ex Hesiodo. Eccl. 19. Jacobi. c. 3. 24. Eccl. 14.

De donatione Constantini, quam nunquam esse factam multi asserunt.

Pag. 160.

Papa dominus omnium.



\* Supra pag.  
110.

1. idem.

\* Vide in 1.  
pend. Gregor.  
Heyma. &c.  
Numer. 25  
Levit. ultimo.

In prima hi-  
storiarum  
parte tit. 8.  
cap. 1. §. 3.  
Episcopi pos-  
sunt habere  
dominia.

P. g. 222. &  
in subsequen-  
tibus.  
Vallæ decla-  
ratio pru-  
dentem offen-  
dere non po-  
tuit.

Contra tri-  
plices hære-  
ticos & co-  
rum secta-  
tores.  
Tullius.

De cæco Cor-  
nelio.

O. G.  
Hæretici  
semper mali.  
Hæretici ad  
venena nascun-  
tur.

P. n. c. i. c. s.  
multorum vir-  
doctus &  
perversus.

O. G.  
Hæretici sub  
melle vene-  
num habent.  
Dum nam fu-  
rosæ rhetori-  
cæ Orth.  
Gratius, dig-  
nus est cui in-  
scribantur  
epistolæ ob-  
scurosum vi-  
rorum.

tam secularium (ut multi doctores affirmant) quam spiritualium dominus. Hoc patet 22. dist. c. Omnis. Nam B. Petro, æternæ vitæ clavigero, terreni simul & cœlestis Imperii (sicu- ti & iidem doctores attestantur) iura commisit. Si igitur ut Antonino placer, multa per Imperatores ac Reges sacrosanctæ sedi Apostolicæ concessa sunt, non quod suū, sed quod illius erat, ultro & non invitè dederunt. Lege præfationem nostram, aut potius epistolarem in Laurentium censuram, & in ea fortasse invenies (ut citra iactantiam loquar) quod te ob- lectet. \* Errant infideles schismatici (ut paulo altius conscendamus) nullam apud Ecclesi- asticos, temporalium dominationem esse debere. Præcepit enim Deus filiis Israel, sicuti in Numeris habetur, ut de suis possessionibus Levitis darent urbes ad habitandum, & subur- bia pro pecoribus & jumentis. Iterumque & sic scriptum invenies: Si quis agrum posses- sionis vocit Domino, sanctificatus Domino erit & possessio consecrata, & ad jus sacerdo- tum pertinebit. Quicquid igitur Imperatores, Reges ac Principes sacrosanctæ sedi Apo- stolicæ donarunt, iusto dei zelo, id quod iustum fuit, suo domino (ut Antoninus ait) restitue- runt. Non dubiū, quin magnus ille Constantinus, donationū jecerit initia, quæ postea per Imperatores Reges ac summus ecclesiæ principes, & ampliata sunt & confirmata.

Licium profecto est spiritualibus ecclesiæ proceribus sive episcopis omnibus temporalia bona possidere, quum maximè liceat eisdem esse proprietarios. Quod si admitti non posset, errassent Apostoli (quod nefarium est dicere) in suis decretis, quibus conceditur, Episcopos res habere, tum proprias, tum communes. De hac re multa præclare dicta in præcedenti- bus invenies, quibus omnes hæretici ac schismatici, velint nolint, manifestè convincuntur, & in aqua hærent, dicentes, aut rectius garrientes: Episcopos non posse, vel non debere, ter- renas opes & dominia temporalia, etiam si amplissima sint, cum suis & per suos perpetuò possidere. Vallæ igitur declamatio ab aliis (cui constat) sæpius excusa sacrosanctæ sedi apo- stolicæ obesse non potest. Nam quod per Constantinum ille factum negat, satis est alios Imperatores ac Reges (ut paulo ante dixi) liberaliter ac magnificè in Dei gloriam peregrisse. Si hæc tibi, lector, non satisfaciant, lege diligentius quæ pagina hujus libri 290. & in sub- sequentibus articulis per Concilium Constantiense sunt decreta.

¶ Jam Triadem aggrediar, Hydram multorum caput, draconem semper vigilantem, ipsumque Cerberum, hoc est impios Waldenses, impiorem Wesaliensem & impiissimum Wiclefium, instar Herculis clava trinodi prostraturus. Conscientia enim iudice nemo no- cens absolvitur. Neque necesse est homines confelatos impulsu deorum terri ardentibus furiarum tædis (ut in Pisonem & pro Roscio Amerino, Tullius elegantissimè disseruit) sed sua quemque fraus, suum facinus, suique conscientie terror, maximè vexat. Triadem itaque, hoc est, tres inferorum furias conficiemus, quorum doctrina pestilens incautum lecto- rem plus emaciat quam opimat. Cæci sunt omnes hæretici, Cornelio Russo longè infos- ciores. Qui male dormiens oculorum amissit visum, quum id sibi accidere somniasset. Consulamus Genethliacos & Planetarios, & atrum tibi diem illum fuisse dicent & insaufa appellatione nominandum, in qua hæretici illi è matris visceribus in mundum prodire: ab epebia, omnis impudentiæ ac temeritatis uredine in diem suæ vitæ postremum exanimati. Deseruit profecto senile illorum cerebellum, quos & fordidatos & squalentes esse oportet. Nam dum se catos atque oculos esse putarunt, quæ noctu nocentissima concepere, ubi primum diluculabat, nemini non revelarunt. Nimirum docti & eloquentes hæretici ad venena nascuntur, quorum verba ex Cerberi & maris spumâ profluunt, quorum atra ceu serpentium lingua infontes vibrat, lædit, enecat, arrodit, eviscerat, quorum tabes ex impura scaturigine manans, contrectata incautius optimum quemque adurit. Nulla ergo pestis pestilentior, nullum venenum venenosius, nulla perniciosior perniciosior doctrinâ mala in homine malo. Quum enim mellitis (etsi amariuiculis) simplicium animos allicefactos vident, mox exitiale venenum expuunt, per ambages ambulantes, corrumpunt omnia, læ- tenter serpunt, Fabricios simulantes, falsa congerunt, cavillantur, mussant, rident, applau- dunt, & quæ nequiter atque apostaticè congesserunt, perditissimè postea nundinantur, quæque male didicerunt, longè pejus inculcant ac docent. Multi per eos sapientiæ domici- lio extruduntur, eliminantur, dum nimium creduli, & dulci veneno inhiantes, totas au- res vagis male differentium ambagibus repandunt, nescientes, aut minime considerantes, virosis sese linguis, & subrepentibus quibusdam aculeis, velut à viperis, male collidi. Quid multis? Habent profecto hæretici omnes sub melle venenum, subque blanda exof- culatione, (exotica certè illorum unguenta olere non debemus) aconitum promunt, mul- tosque, non opinatores tamen, sed temerarios errorum assertores, per totum terrarum or- bem calenter constituentes. Illorum quippe strophis ac fraudibus, vera apud nos sapien- tia affretrix esse non potest. Solutuli navicula Euxinum navigant & quicquid è vepreculis trahunt, fœniticosum est totum, eorumque novellatum nocentes omnibus labruscas paritur.

¶ At

¶ At dicit quis, qua ergo ductus ratione, tot pravos hæreticorum articulos hoc libro edidisti? Aperi, obsecro lector, mentis tuæ oculos & vide. Convictæ enim hæreses & ab ecclesia Dei condemnatæ tibi obesse non possunt. Quod nisi sese sic haberet, cogeremur omnium ferme doctorum scripta contemnere. Quis (oro) Rossensem episcopum, quis Eccium, quis Cochlaeum, quis hæreticæ pravitatis apud nos Inquisitorem vigilantissimum, Conradum Colin Ulmensem, doctissimum theologum, quis tandem & imprimis Viennensem episcopum, aliosque (ut paucis multa complectar) & præclaros & illustres viros, contra Martinum Lutherum scribentes, tuebitur? Nemo hercule nemo. Qui hoc intelligam roget quis? Quam illius (inquam) articulos, & quæ scripsit ferme omnia suis impugnationibus, non sine causa, interferuerint. Nec indecenter. Nam opposita juxta se posita (ut philosophi voluere) magis elucescunt: quò sic pestiferis draconibus prostratis & omni discussa intellectus nostri caligine, veritatis tandem splendor cunctis pateat.

¶ Licet itaque de hac re, in principio hujus epistolæ, quæstioni tuæ jam statim motæ, fati superq; satis fecerim, operosius tamen aliquanto nunc mihi agendum est. Pisces mali bonis non præjudicant, quanquam intra eadem retia comprimantur, in extremo vitæ nostræ litoribus ab invicem separandi. Et quid divus ait Hieronymus? Error qui vitio juvenum & levium muliercularum contactu per noctem accidit, non est Religiosis hominibus imputandus: quoniam & in vigiliis Paschæ (ut idem ipse ait) tale quid fieri plerumque convincitur. Malorum igitur vigiliæ bonorum vigilias non destruunt. His itaq; parabolis (ut ait Augustinus contra Donatistas) ecclesia militans & visibilis, in seculi usque finem, tam bonos quam malos simul est habitura. Eloquar an fileam? Aspice ex alio (Isidorus inquit) quod timeas, respice in alieno exitio quod paveas, evita foveam, in quam alium cecidisse videris, pericula aliena in te pertineas & quæ verbis doces, exemplis ostende. Non frustra dixit ex Pythagora Laertius: Per viam publicam ne ambules. Hoc est, multorum (si interpretari licet) non sequaris errorem. Nam bonus animus (ut Seneca placuit) nunquam erranti obsequium accommodat. Quot homines tot sententiæ; falli possumus. Unicuique datur manifestatio Spiritus, teste ad Corinthios Paulo, ad utilitatem: alii quidem per spiritum datur sermo sapientiæ, alii sermo scientiæ secundum eundem spiritum, alteri fides in eodem spiritu, alii gratia sanctorum in uno spiritu, alii operatio virtutum, alii gratia linguarum, alii interpretatio sermonum, & tamen ex omnibus his, pretiosissimis ac plane divinis Dei donis, maximi, nostrâ certe & non ipsius culpâ, oriuntur abusus, etiamq; & quod pejus est, hæreses non paucae. Sic etiam & hic liber, qui Fasciculus rerum expetendarum ac fugiendarum inscribitur, à pio, candido, gravi ac modesto lectore contemni non debet. Nullus enim neq; agricola, neque vinitor, propter herbas inutiles, quæ vel seminavit vel plantavit, evellit unquam. Quam itaq; hæretici sementem jecerunt, eandem & metent.

¶ Scio fratres Waldenses, Wicleum & Johannem Wesalensem, trium furiarum typum experientes, veros diaboli satellites & Antichristi præcursores, scripsisse, id solum à nobis esse acceptandum, quod in sacris literis continetur. Hoc certe quam fit saluum, nemo est bonorum omnium, qui non videat, non consideret, non impium decernat. Multa per Apostolos sunt tradita ad catholicam fidem spectantia, quæ in sacra scriptura ad manum non habentur. Hoc patet 1. dist. 11. c. Ecclesiasticarum. Hinc Augustinus ex dictis Basilii, Ecclesiasticarum, inquit, institutionum quasdam in scripturis, quasdam Apostolicâ traditione per successores in ministerio confirmatas accepimus, quasdam verò consuetudine roboratas ulus approbavit. Quibus par ritus & idem utriq; pietatis debetur affectus. Nec deest nobis divus Hieronymus, cujus sententia gravis ac prægnans habetur dist. 12. c. Illud, sic inquires: Illud breviter te admonendum putaverim, traditiones ecclesiasticas, præsertim quæ fidei non deficiunt, ita observandas, ut à majoribus traditæ sunt, nec aliorum consuetudinem aliorum contrario more subverti. Quid his duorum sanctorum testimonio lucidius? quid apertius? quid acceptum magis? Doctrinam itaque approbemus bonam, non malam, vel ex eo potissimum quod apibus non herbarum necessariæ sint sed flores. Multi in proprium ruant exitum, quos malus Genius (ut sic dicam) effuscinavit. Ecclesiam sequamur Catholicam, quæ immobilis nixa faxo, Jesu Christo, nullis turbinibus concutitur, & insedabilem non metuit iniquorum insultum. Hæc nostra mater sanctissima multa nos credere ac facere præcipit quæ in sacris literis non habentur, & tamen nos eadem illa credere (\* modo salvi esse velimus) ac facere oportet. Tingere infantes, ante Augustini tempora, vetus fuit consuetudo, & ab ipsis Apostolis dubio procul introducta, quanquam ab his pueros tunc fuisse baptizatos, codices non explicant sacri.

¶ Una est igitur fidelis Apostolica universalis ecclesia, extra quam non est salus. Quod si hæretici non suscipiunt sacris profana commiscuentes, legitima adulterantes, & salubria sanctorum patrum statuta ac sacramenta Christi sanguine sancita, turpiter & blasphemio suo ore antiquantes, inconfutibilem tamen Domini tunicam rumpere non possunt. Quid si

Hæreses quæ convincuntur, non semper abjiciuntur.

Multa cum bonis toleranda. Matth. 11. Hieronymus adversus Vigilantium. Augustinus.

Isidorus.

Laertius. Epistola 42. Cicero li. 1. de fine bonorum & malorum.

O G. Multa sunt et decenda & servanda, quæ in sacris literis non habentur.

Hanc materiam quare supra pag 250.

\* Responsum Christi, S. Mat. 15. 6.

D: baptismus puerorum.

\* Hoc tam saluum est quam quod saluum.

Extra. de Sam. Trinit. & fide Catho.

De Chore,  
Dathan, Abi-  
ron & Hon.

Chore, Dathan, Abiron & Hon conati sint dissolvere tabernaculum Domini? Quid si schismatici & hæretici impiis suis sectis ac seditiosis conatibus Ecclesiam Catholicam per universum discindere laborant? Vivit Dominus, qui in illos, terrâ sese altius dehiscente, præsens animadvertit, & hos gehennæ ignis incendium excepit, horumq; affectas proculdubio nunquam consumendos, idem ille ignis aduret.

Erasmus.

Eapropter ut hæc quæ de hæreticis & patrum statutis dixi, paucis absolvam, doctissimi atq; eloquentissimi D. Erasmi Roterodami nobilem sententiam huc adferre non gravabor. Facestant (inquit) favores cum privatis odiis, consilescat dementis rixæ furda vociferatio, ita deum elucescet veritas illa pacifica. Omnibus hoc penitus infixum esse oportet, minime tutum esse, nec ad fovendam concordiam utile, temerè ab his desciscere, quæ majorum auctoritate tradita sunt, quæq; longo seculorum usu consensusq; confirmata. Nec quicquam omnino novandum, nisi huc cogat necessitas, aut insignis invitet utilitas.

In Waldenses.  
Prover. 25.

Prover. 4.  
Ephes 5.

Waldenses ab ecclesiâ Rom. non immeritò abjecti sunt, quia plus æquo sapere voluerunt, nescientes, aut potius impiè ac pertinaciter dissimulantes, divinæ majestatis persecutorem à gloria opprimi. Non mirum igitur cuiuspiam videbitur, impiorum viam tenebrosam esse, eoique ubi corruiant ignorare. Nam si temporî fratres illi Waldenses à mortuis exurrexissent, Christus proculdubio eosdem illuminasset. Vitandi sunt itaque & eorum expurgationi minime fidendum.

In Wiclefium.

Johannes verò Wiclefus, diaboli mancipium, hæreticorum antesignanus, mortis æternæ præco, pabulum gehennæ ignis & audax Antichristi vexillifer ac demonum socius, à Dei ecclesiâ est condemnatus, qui si nihil aliud scripsisset, quàm Deum Opt. Max. (quanto pejus tanto melius) obedire diabolo debere, sese tanquam pestem quandam nobis omnibus evitandum, fugiendumq; declaravit.

In W. salien-  
sem.

Pag. 325.

Quid tandem de Johanne Wefalienfi Theologo dicemus? Humana certè creatura & inveteratus scilicernius; Itaq; quas putidas ille protulit vomicas, condemnatae sunt. Geronticos enim in omnibus loquitur, senectonem sese delirum ac vetulum indicans insensatum. Cujus etiam verba, Germanicè ab eodem prolata, si iustâ lance ponderaverimus, temerarium fuisse hominem nemo non cognoscet. Quapropter in sempiternum illorum dedecus, & in bonorum omnium edificationem, convictæ ac condemnatae eorundem hæreses in medium proferuntur. Require quæ in nostris præfatiunculis habentur, & præclarum hoc nostrum facinus minime reprehendes, \* nosq; temeritatis aut stultitiæ accusabis nunquam.

Pag. 150, & 65,  
324, 324.

\* En pseudo-  
prophetani!  
vide Ind.  
Expurg.  
Pag. 341.  
Pag. 340.

¶ De gravaminibus, variisq; abusibus non est quòd dicamus quicquam. Si Adrianns summus pontifex hujus nominis postremus & divus ipse Maximilianus, in principum comitiis, ecclesiæ maculas depingunt, nemini mirum videbitur, si quæ ab illis ante annos aliquot publicè sunt tradita, ab aliiis etiam longè lateq; divulgentur. Nec est quòd hic quispiam juveniliter secum exultet, ecclesiasticorum videlicet abus hic descriptos esse. Nam si principū secularium & aliorum laicorum facta ac negotia ponderaverimus, umbrosam certè ac densissimam prorsus offendiculorum illic sylvam reperiemus. Vide quo animo, qua intentione, quo affectu, illustrissimi nostri principes Germanicæ nationis gravamina summo obtulerint pontifici, & publicæ horum editioni contradices nunquam. Eò ut opinor hîc morbi nondum processit, ut immedicabile credatur. Materiam igni subtrahamus, & extinctum hoc omne videbis incendium. Rex sapiens populi stabilimentum erit: qui & Deo servit, leges iustas præcipiendo & contrarias (ut sic dicam) abrogando. Tu autem si me audies (quanquam ignea res sit tuus animus) nullam tibi propter abusum legem constituas. Redde omnibus debita, cui tributum, tributum; cui vectigal, vectigal: cui timorem, timorem: cui honorem, honorem: & nostris hisce diebus, multiplicium sectarum atq; errorum feracissimis, tamdiu cum Pythagora conticesce, donec per universalem ecclesiam, malorum omnium (siqua sunt) facta fuerit reformatio.

Pag. 375.

Sapient. 6.  
Aug. in epist.  
22.  
Paulus ad Ro-  
manos 13. 7.

¶ Reliqua quæ de Annatis, Concilio generali, reformatione ecclesiæ, reformandis moribus, removendis abusibus, de amabili ecclesiæ concordia & potentia denique Turcarum, de quæ omnibus ac singulis quæ in hoc libro continentur, à suis sunt defendenda authoribus. Vale feliciter, & ut nostras præfatiunculas, quas de abusibus, hæreticis ac rebus aliis conscripsi, diligenter perlegas, te etiam atque etiam rogo\*. Coloniae ex aedibus nostris. Annò à natali Christiano, M. D. XXXV. quarto Idus Martias.

\* Satis fuisse  
rosasse semel,  
cum autem

Finis coronet Opus, mirum est hunc hominem tam inniri & rabioso Epilogo (qui præfatiuncularum suarum laborem dehone-  
necellat) Fasciculum suum colligasse: nec tamen ideò Ecclesiæ Romanæ tam mirificè placuit author noster, quin ipsius opus  
integrum inter Libros prohibitos referatur. Sed hoc nihil ad nos: illa curent alii qui us terrori est Index Expurgatorius.

. F I N I S .





